


Cohamacu Yare Yahari
Tjuel



New Testament in Guanano

Cohamacu Yare Yahari Tjuel New Testament in Guanano

copyright © 2007 Wycliffe Bible Translators, Inc.

Language: Guanano

Translation by: Wycliffe Bible Translators, Inc.

Copyright Information

© 2007, Bible League International. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Guanano

© 2007, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 11 Nov 2022 from source files dated 29 Jan 2022
1f3a4366-edba-553b-a17f-bc47c9049c98

Contents

SAN MATEO	1
SAN MARCOS	65
SAN LUCAS	103
SAN JUAN	168
HECHOS	215
ROMANOS	273
1 CORINTIOS	302
2 CORINTIOS	329
GÁLATAS	347
EFESIOS	357
FILIPENSES	367
COLOSENSES	373
1 TESALONICENSES	380
2 TESALONICENSES	385
1 TIMOTEO	388
2 TIMOTEO	396
TITO	401
FILEMÓN	404
HEBREOS	406
SANTIAGO	429
1 SAN PEDRO	436
2 SAN PEDRO	444
1 SAN JUAN	449
2 SAN JUAN	455
3 SAN JUAN	456
SAN JUDAS	457
APOCALIPSIS	460

San Mateo

Jesucristo Cohamac̄ mac̄no to coyea panop̄ macaina jira (Lc 3.23-38)

¹ Jesucristo coyeare panop̄ macainare õ sehe ni yahuihtja ȳh̄. Jesucristo ñ̄ch̄no cjiro panop̄ macariro Davi wama tiriro jia tiha. To jihto pano ti ñ̄ch̄no cjiro Abrahã wama tiriro jia tiha.

² Abrahã Isaa p̄c̄ro jiha. Isaa Jacobo p̄c̄ro jiha.

Jacobo Juda c̄h̄ p̄c̄ro jiha.

³ Juda pohna p̄c̄ro jiha. Fares, Zara jiha. Ti pocoro Tamar wama tiricoro jiha.

Fares Esrom p̄c̄ro jiha.

Esrom Aram p̄c̄ro jiha.

⁴ Aram Aminadab p̄c̄ro jiha.

Aminadab Naasón p̄c̄ro jiha.

Naasón Salmón p̄c̄ro jiha.

⁵ Salmón Booz p̄c̄ro jiha. Booz pocoro Rahab jiha.

Booz Obed p̄c̄ro jiha. To pocoro Rut jiha.

Obed Jesé p̄c̄ro jiha.

⁶ Jesé Davi p̄c̄ro jiha.

Davi sehe Israe masa bui p̄htoro jiha. Tiro Uria wama tiriro cjiro namonore to n̄oari baharo Salomo wama tirirore pohna tiha.

⁷ Salomo Roboã p̄c̄ro jiha.

Roboã Abías p̄c̄ro jiha.

Abías Asa p̄c̄ro jiha.

⁸ Asa Josafat p̄c̄ro jiha.

Josafat Joram p̄c̄ro jiha.

Joram Uzías p̄c̄ro jiha.

⁹ Uzías Jotam p̄c̄ro jiha.

Jotam Acaz p̄c̄ro jiha.

Acaz Ezequia p̄c̄ro jiha.

¹⁰ Ezequia Manase p̄c̄ro jiha.

Manase Amón p̄c̄ro jiha.

Amón Josia p̄c̄ro jiha.

¹¹ Josia Jeconia c̄h̄ p̄c̄ro jiha. Tina ti jiri pjare Israe yahpa macainare Babilonia macaina sehe ñ̄aha wahc̄ha ti ya yahp̄.

¹² ã yoa Babilonia yahpai ti s̄ri baharo,

Jeconia Salatire pohna tiha.

Salatie Zorobabe p̄c̄ro jiha.

¹³ Zorobabe Abiud p̄c̄ro jiha.

Abiud Eliaquim p̄c̄ro jiha.

Eliaquim Azor p̄c̄ro jiha.

¹⁴ Azor Zadoc p̄c̄ro jiha.

Zadoc Aquim p̄c̄ro jiha.

Aquim Eliud p̄c̄ro jiha.

¹⁵ Eliud Eleazar p̄c̄ro jiha.

Eleazar Matán p̄c̄ro jiha.

Matán Jacobo p̄c̄ro jiha.

¹⁶ Jacobo José p̄c̄ro jiha. José

María man̄no jiha. María

sehe Jesu pocoro jire. Jesu sehe

masare ȳh̄dohtiro jiro Cristo

ti ni pisuriro jire.

¹⁷ Tó sehe jiro Abrahãre mari

quihõ m̄htach̄, p̄ Davip̄re mari

quihõ batoach̄ ahrina jipihtina ti

panamana ji turiaina mehne jia,

catorce curuari waro jiha. Pari turi

Davire mari quihõ m̄htach̄, p̄

Babiloniap̄ Israe masare ti naahto

pano mari quihõ batoach̄ jipihtina

ti panamana ji turiana mehne jia,

catorce curuari waro pari turi jiha. ã

yoa tuhs̄ Babiloniap̄ ti s̄ri baharo

mari quihõ m̄htach̄, p̄ Cristo

to masa bajuach̄p̄ mari quihõ

batoach̄ jipihtina ti panamana ji

turiaina mehne jia, catorce curuari

waro jiha tjoa.

Jesucristo to masa bajarire yahuha

(Lc 2.1-7)

¹⁸ ã yoa õ sehe Jesucristo masa

bajuari jire. To pocoro María sehe

José namono cjihto jiri jire. Wiho

mejeta ti p̄aro ji d̄cahto pano

Espíritu Santo to tuaa mehne wahma

nijnoc̄re bocaro masiha ticoro to

basi. ¹⁹ ã yoa José to man̄no cjihto

quihõno yoariro jiro, tíre masino,

ticorore cohãno taro nimaha. Masa

ti ñ̄arocaroi ticorore buhiri tich̄ yoa

duaeraro, masa ti t̄hoerasinich̄ta

yaroca ticorore cohãno taro nimaha.

²⁰ Tíre to t̄hoturo watoi Cohamac̄

anjo sehe cahãnopu Josére bajuaro, õ sehe niha:

—José, Davi cjiro panamino, Mariare buo tiro marieno namo tiga. Ticoro Espiritu Santo to yoadohoro mehne wahma nijinocãre bocaricoro jira. ã jicu buo tiro marieno namo tiga ticorore. ²¹ Ticoro pohna tirohca. Tirota to macunota to masare, pichacapu wahaborinare yuhdohtiro jirohca. To ã yuhdohtiro jichu ñuchu, Jesu ni wama pisuihca mahu —niha anjo Josére.

²² Panopu macariro Cohamacu yare yahu mahtariro cjiro “ã waharohca”, to ni joariro seheta ahri jipihitia ã wahaa tiha. Ahri ã wahahtore õ sehe ni joa dutia tiha Cohamacu tirore:

²³ “Cãcoro nuhmino, ne muno mehne jieraricoro, nijinocãre bocaro pohna tirohca to macunocãre.

Tirocã Emanuel wama tirohca”, ni joaa tiha Cohamacu yare. (Emanuel nino: “Cohamacu mari mehnetã jira”, nino nica.)

²⁴ Cohamacu anjo Josére to ã ni yahuri baharo José sehe wahcã, anjo to dutiriro seheta tiro María mehne wamomaca duhtehe. ²⁵ To macunocãre to pohna tihto pano José sehe ticoro mehne jiera tiha. Baharo ticoro sehe pohna tia wahaha. Tiro sehe wihãrirocãre Jesu wamoaha.

2

Sã muja taro macaina Jesucãre ñua suha

¹ Herode Judea yahpa macaina ti bui puhtoro to jiri pja tí yahpai jiri macai Belëi Jesu masa bajuaha. To ã masa bajuari baharo ñahpichohare buheina ñahpichohare noano masiina sã muja taro macaina ta, Jerusalëpu wihia. ² ã wihia, masare tó macainare sinituha:

—¿Judio masa ti bui puhtoro jihtiro cjihto mipure nohopu masa bajuacari tiro? Sã muja taropu jina, ñahpichohaca to wahma bajua wahã suchu ñuna, “Puhtoro masa bajuaro nica”, ni masihi sã. ã to

bajuachu ñuna, sã cãno mehne tirore ño payona tana tahi õpu —ni yahuha buheina masare.

³ ã yoa paina Herodere tíre yahua tiha. Ti ã yahuchu tuhoro Herode sehe soro tuhotuha. ã jia jipihitia Jerusalë macaina cãhu to yoaro seheta soro tuhotuha tina cãhu. ⁴ ã jiro Herode sehe jipihitia sacerdotea puhtoare, mari judio masare buheina cãhure to pjirocari baharo ti cahmachu pihitichu ñuno, tinare sinituha tiro:

—¿Nohopu masa bajuarohcari Cristo sehe masa tuhotuchu? —ni sinitu ñua tiro.

⁵ Õ sehe ni yahuha tirore:

—Belëi, Judea yahpai jiri macai Cristo masa bajuarohca. Õ sehe ni joaa tiha Cohamacu yare yahu mahtariro cjiro:

⁶ “Belëi yu yainare Israe masare dutihtiro tarohca.

ã jiro paye macari Judea yahpai jia macari yuhdoro jira Belë”, ni joaa tiha Cohamacu yare —ni yahuha tina Herodere.

⁷ Ti ã ni yahuri baharo Herode masa ti marieno watoi sã muja taropu tarinare pjirocaha. To cahapu tina ti suchu ñuno, tinare sinitu ñua. To ã sinitu ñuchu tuhoa, ñahpichohacare ti ñuri dachore yahuha tina. ⁸ Ti ã yahuri baharo Herode sehe tinare Belëpu warocarõ sehe niha tinare:

—Tirocãre noano macaga. Tirocãre bocana tjuahna yuhure yahu tjuahga. Yuhu cãhu tirocãre ño payoi wahai tai nija —nimaha tinare Herode.

⁹ To ã niri baharo, tina wahaa wahaha. Ti ã wahachu sã muja taroi ti ñuria ñahpichohaca sehe m tãrucuha. ã yoa wihãrirocã to jiro bui waroi tjua wahã suha tia sehe.

¹⁰ ã jia ñahpichohacare ñua, tuaro wahcheha tina. ¹¹ Wihãrirocã to jiri wuhupu su, sãa wahaha tina. ã sã sua, wihãrirocãre to pocoro mehne jirocãre ñua tina. ã ñua tina na tuhcuca caha su, tirocãre ño payoha. Ño payo tuhsu ti caa pocare naroca pjõroca, urure, inciensore,

mirra wama tia me sitia cãhure na wio, tíre tirocãre wapa marieno waa tiha. ¹² Tíre wa tuhsu carĩa wahaha tina. Ti ã carĩchu cahãnopu Cohamacu yahuha tinare: “Herode cahai tjuaena tjiga”, ni yahuha Cohamacu tinare cahãnopure. To ã ni yahuri baharo, tina sehe wahcãha. Ti ã wahcãri baharo pa mahapu ti ya dihtapu tjuaa wahaa tiha.

José cãhu Jesucãre Egiptopu na duhti wahcãa wahaha

¹³ Ti ã wahari baharo Cohamacu anjo cahãnopu Josére bajuaro, õ sehe niha:

—Wahcãga. Herode sehe maharirocãre wajãno taro, macano nina mipure. ã yoa maharirocãre, to pocoro cãhure Egiptopu cjero na duhti wahcãa wahaga. Tópure yu niriro purota jiga —ni yahuha anjo Josére.

¹⁴ To ã nichu tãhoro, José sehe ñamihta wahcã, maharirocãre to pocoro cãhure Egiptopu na duhti wahcãa wahaha. ¹⁵ Egiptopu sua, Herode to catiro puro tópure jiha tina. ã yoaha panopu macariro Cohamacu yare yahu mãhtariro cjiro to ni joariro seheta. Tíre tirore Cohamacu joa dutia tiha. Õ sehe ni joaa tiha Cohamacu yare: “Egiptopu jirirore yu macure pjirocãhi”, ni joaa tiha Cohamacu yare.

Herode macanacãre wajã dutiri jire

¹⁶ ã yoa ñahpichohare buheina ti duhti yãhdãchã tãhoro Herode sehe sua yãhdãaha. ã suaro, Belẽ macainare, tí maca dũhtu caha macaina cãhure ti pohnare mã pohnare puã cãhma cjuainacãre wajã batoa dutiha tiro. Wahmanore ñahpichoha buheina ñahpichohacare ti ñuri dachore yahuha Herodere. Ti ã nichu tãhoro tiro to wajã duarirocã to masa bajuari dachore masino, “Õpe cãhmari cjuara” nino, puã cãhma cjuainare wajã batoa dutiha. ¹⁷ Panopu macariro Jeremía Cohamacu yare yahu mãhtariro cjiro

to ni joariro seheta ã wahaha. Õ sehe ni joaa tiha tiro:

¹⁸ “Ramá wama tiropu bisiro coa tarohca.

Tuaro cahyaa mehne tiro coa tarohca.

Raquel panamana numia ji turia numiapu Israe masa namosãnumia ti pohnare tuaro tiaha.

Ti pohnare ti wajãchã ñã, ne cahya duhusi”,

ni joaa tiha panopu.

¹⁹ ã yoa Herode to yariari baharo Egiptoi jirirore Josére Cohamacu yairo anjo cahãnopu bajuaha. ã bajuaro õ sehe niha Josére:

²⁰ —Maharirocãre wajã duaina cjiri yariaa wahahre. ã jicu tirocãre to pocoro mehne Israe yahpapu na tjuaa wahaga mãhu —ni yahuha anjo Josére.

²¹ To ã niri baharo tiro wahcã, maharirocãre to pocoro mehmeta Israe yahpapu na tjuaa wahaha.

²² Wiho mejeta Arquelao Herode macano sehe to puãro cohtotariro to jichã tãhoro José sehe Judea yahpai cuiro, tjuaeraha. ã jiro pari turita cahãnopu tirore yahu namoha tjoa. Tirore pari turi Judea yahpare ji dutieraha. To ã ni yahuri baharo, tina Galilea yahpapu wahaa wahaha.

²³ Tí yahpapure Nazare wama tiri macai jiha tina. ã yoaha tina Cohamacu yare yahu mãhtaina cjiri ti joariro seheta. Õ sehe ni joaa tiha: “‘Cristo Nazare macariro tjira’, niahca masa”, ni joaa tiha Cohamacu yare yahu mãhtaina panopu macaina.

3

João masare bautisariro masare yahuha

(Mr 1.1-8; Lc 3.1-9, 15-17; Jn 1.19-28)

¹ ã yoa baharopu João masare bautisariro jiha. Judea yahpai masa marienopu tiro Cohamacu yare yahu dũcaha masare. ² Õ sehe ni yahuha tinare:

—Musa macariro Cohamacu musa puhtoro to suho jihto mahanocã duhsara. ã jina “Ñano yoaeraja”, musa ni tuhotumari cjirire duhuga. Musa ñaa buhirire cahya, Cohamacu sehese cahmaga musa —ni yahuha tiro tinare.

³ Panopu macariro Isaia Cohamacu yare yahu muhtariro cjiro João to buhehtore õ sehe ni joaa tiha:

“Masa marienopu cãiro sañurucu, õ sehe ni buherohca:

‘Mari puhtoro to tahto pano tirore cahmaeraina cjiri musa tuhotuare cohtota, tirore cahmaina jiga musa’, ni sañurucu buherohca”,

ni joaa tiha Isaia cjiro João cjihtore.

⁴ Tiro João camello pjoari suhtirore sãariro, wahiquiro cahsaroreta tuã dihoriro jiha. Poreroare, macaroca macaina miquina mi cãhure chua tiha. ⁵ Jerusalẽ macaina, jipihtiro Judea yahpai jiina, Jordão wama tiri ma cahai jiina cãhu tirore tuhoa taha.

⁶ Wihi, tirore tuho, ti ñaa yoarire Cohamacure yahuha tina. Ti ã ni yahuchu tuhoro Jordão wama tiri mai João tinare bautisaha.

⁷ ã jiro payu fariseo curua macaina, saduceo curua macaina cãhu Joãore ti bautisa dutia tachu ñuno tiro tinare õ sehe ni yahuha:

—¿Musa cãhu agãa ñima tiina yoaro sehe musa mahñoa buhea mehne masare dojomehneina jina, Cohamacu musare to buhiri dahrehto pano tirore cui, duhti masierara musa? ⁸ ã jina potocãta musa ñaa buhirire bujua witi, Cohamacure cahmana jiihna, noaa yoa ñoga.

⁹ ‘Õ sehe ni tuhotuena tjiga: “Panopu macariro Abrahã mari ñuchu cjiro jia tiha. ã jina to panamana jina mari Cohamacu yaina jija”, ni tuhotuena tjiga musa. Musare niita nija. Abrahã panamana jiina jimana musa. Musa ã jipachuta ti musa ã jia yaba cjihti jierara. Cohamacu sehe ahri tãa mehne Abrahã coyeare dahre masina. ã jiro Abrahã coyea musa jia wiho waro jira tãa ti

wiho waro jiro seheta. ¹⁰ Õ sehe jira: Masa yucuri yoaro seheta jira. Cohamacu sehe coma mehne yucurire cã cohãriro yoaro sehe jira. ã jiro noaa dica maria yucure nuhcõri mehneputa cã cohãnohca tiro. Tíre to cã cohãri baharo, pichacapu jã cohãnohca tiro. ãta yoaro taro nina masa cãhure tirore cahmaerainare. ¹¹ Yu baharo yu bui tuariro tarohca. Noa yuhduariro jira tiro. Tiro yoaro sehe jieraja yuhu sehe. ã jicu tirore tuhotucu, “Wiho jiriro jija yuhu”, ni tuhotuja yuhu. Yuhu sehe musa ñaare tuhotumari cjirire tuhotu cohtotainare diapu bautisacu, co mehne yoamahi. Tiro sehe yu yuhdoro yorohca. Espiritu Santore masa mehne ã jirucuchu yorohca tiro. Wiho mejeta paina sehese ñaare ti tuhotumari cjirire duhu duaeraina sehese tiro pichaca mehne buhiri dahrerohca. ¹² Yu baharo tariro cahsari cohãriro yoaro sehe jira. Cahsari cohãriro to batiro mehne jipihtia to trigo yapari cahsarire putiwera. To ã putiwera baharo trigo sehese to wihburi wuhui wihborohca. Tó seheta yorohca tirore cahmainare yu baharo tariro. To putiwea cahsari sehese tiro jũnohca. Tí pichaca ne yatisi. ãta yorohca tiro yu baharo tariro tirore cahmaerainare —ni yahuha João.

João Jesure bautisaha
(Mr 1.9-11; Lc 3.21-22)

¹³ Baharo Jesu Galileapu jiriro cjiro waha, Jordão wama tiri mapu buhu suha Joãore bautisa dutiro. ¹⁴ Wahmanore João tirore bautisa duaeramaha.

—Neho, muhu sehe yu yuhdoro tuariro yuhu sehese mu bautisachu noaboa. Muhure bautisaboriro jieraja yuhu —ni yuhtimaha João Jesure.

¹⁵ Jesu sehe õ sehe ni yuhtiha tirore: —Yuhure bautisasiniga. Õ sehe yoana, Cohamacu to dutiriro seheta sohtori tina nija mari —niha Jesu.

To ã nichu tuhoro:

—Jai —ni yuhtiha João.

¹⁶ Æ ni tuhsu, Jesure bautisaha. To bautisa tuhsuchu Jesu diaru ducuriro maja surucu suha. To maja surucu suchata, manano pari maha. Cohamacu to Espiritu buja yoaro sehe tiro bui to duji tachu nha. ¹⁷ To Æ duji tachu manopu durucuro coa taha:

—Ahriro yu macu yu cahiro jira. Tiro mehne tuaro wahcheja —nino coa taha manopu.

4

Watino naare yoa dutimaha Jesure (Mr 1.12-13; Lc 4.1-13)

¹ Æ yoa Espiritu Santo sehe Jesure masa marienopu naaha, topu watino tirore naare to yoa duti nhto sehe.

² Topu suro cuarenta dachori waro churo marieno jira Jesu. Æ jiro jaca baaha. ³ Jaca to baachu nno watino sehe tiro cahapu suro, ð sehe niha:

—Mhu Cohamacu macno jicu, ahri ta pocare chu dojomehnega —nimaha tiro Jesure.

⁴ Jesu ð sehe ni yhtiha:

—Yoeraja. Cohamacu yare ti joari pu ð sehe nina: “Masare chu mehne dihta catieraro cahmana. Jiphtia Cohamacu to ya yahua mehne jiro cahmana”, nina Cohamacu —ni yhtiha Jesu watino.

⁵ To Æ ni yhti baharo watino sehe Jerusalipu “Cohamacu ya maca”, ti niri macapu Jesure naaha. Topu na suro, Cohamacu ya whu bui Jesure na suha tiro. ⁶ Na su tuhsu, tirore ð sehe nimaha:

—Cohamacu yare ti joari pu ð sehe nina:

“Cohamacu to anjoare mhure nu wihbo dutirohca. Æ jia tina sehe mhure nu wihboahca,

“Tacu puha tu mari’ nia”, nina ti joari pu. To Æ niri potocã jichu mhuh Cohamacu macno jicu yahrapu pju bora noñjta yhure. Mhure tina ti yoadohochu noñjta yhure —nimaha watino.

⁷ Jesu pju bora no duaeraro ð sehe ni yhtiha:

—Cohamacu yare ti joari pu ð sehe nina: “Msa puhtoro Cohamacu

to niri cjirire ‘¿Potocã tjijari?’ ni masi duana Cohamacure yoa no duti macaena tjiga”, nina Cohamacu yare ti joari pu —niha Jesu.

⁸ To Æ ni yhti baharo mhuh yhdudu tucup Jesure na mhaha watino tjoa. Tu buipu mhaha pja su, jiphtia macarine noroca boroha Jesure. Ti cjuua chure noha. ⁹ Æ no Jesure ð sehe nimaha:

—Yhure na tuhcu caha su, no payoga mhuh. Mu Æ yoachu jiphtia ahri macarine mhure waihtja —ni yahumaha watino.

¹⁰ To Æ nichu Jesu ð sehe ni yhtiha:

—Satana, wahaga mhuh. ð sehe nina Cohamacu yare ti joari pu: “Mu puhtoro Cohamacu dihtare no payoga. To ya dutia dihtare yoaga”, nina Cohamacu yare ti joari pu —niha Jesu watino.

¹¹ To Æ nichu thoro watino wahaa wahaha. To wahari baharo anjoa sehe wihi, Jesure yoadohoa tirore chu waha.

Galilea yahpai Jesu buhe dhaca (Mr 1.14-15; Lc 4.14-15)

¹² Æ yoa Joãore peresu ti yoachu thoro, wahaa wahaha Jesu. Waha, Galilea yahrapu suha. ¹³ Tõ jiri macapu Nazarepu waha, yhdu wahcã, Capernau wama tiri macapu suha. Galilea wama tiri bucpariro duhtu cahai jira Capernau. Tõ maca Zebulõ yahpa cahai, Nefalõ yahpa cahai jira Capernau. Topu su, jira Jesu.

¹⁴ Æta yoaha Jesu panopu macariro Cohamacu yare yahu mhatariro Isaia cjiro to ni joari sehetã. ð sehe ni joa tiha:

¹⁵ “Zebulõ yahpa cahai, Nefalõ yahpa cahai, bucpariropu waharoi, Jordão pa bhusehe coapu Galilea yahpa jira.

Tõ yahpa judio masa jieraina ya yahpa jira.

¹⁶ Tõ macaina Cohamacu yare noare masierara.

Æ masierapahta noarirore nuhu masiahca.

Tina sehe Cohamacure ne masierara.

Ã jia pichacap_u wahaborina jimaha. Ã jiro cãiro tinare Cohamac_u yare masich_u yoarohca”, ni joaha Isaia cjiro.

¹⁷ Tóp_u jiro, Cohamac_u yare yahu d_ucaha Jesu:

—M_usa ñaare t_uhotumari cjirire duhu, noaa sehere t_uhotu cohtota, Cohamac_ureta macaga m_usa. M_uano macariro Cohamac_u jipihtina bui p_uhtoro to s_uho jihto mahanocã d_uhsara —ni yahu d_ucaha tiro.

Pititiaro wahi wajãinare tiro mehne macaina cjihtire pjiha Jesu

(Mr 1.16-20; Lc 5.1-11)

¹⁸ Ã yoa Galilea wama tiri b_uc_upariro d_uht_u cahap_u Jesu sito wahcãmahno ñ_uha Simore, to bah_uro Andre mehne. Simota Pedro ti ni pisuriro jiha. Tina sehe wahi wajãina jia, ti wañ_uyuc_urire doca ño m_ujaa niha b_uc_uparirop_u.

¹⁹ —Y_uh_u mehne macaina cjihti taga m_usa. Y_uh_u mehne m_usa tach_u, m_usa wahire ñaha cahmachuina m_usa jiro sehetã, Cohamac_u yaina cjihtire masare pji cahmachuina cjihtire yoaihtja m_usare. Y_uh_u mehne m_usa tach_u ã yoah_utina cjihtire c_uihtja m_usare —niha tiro tinare.

²⁰ To ã nich_u t_uhoata ti wañ_uyuc_urire c_unoca, tiro mehne wahaa wahaha.

²¹ Ã yoa Jesu tina mehne y_uhd_u wahcã, Santiagore to bah_uro João mehne boca s_uha tjoa. Tina Zebedeo pohna jiha. Ti yaria dohoriai ti p_uc_uro mehne tina c_uh_u ti wañ_uyuc_urire cahnoa niha. Tina p_uarore tiro pjirocã. ²² To ã pjirocach_u t_uhoa, tina sehe dóihta ti p_uc_urore, dohoria c_uh_ure c_u, Jesu mehne wahaha.

Pay_u masare buheha Jesu

(Lc 6.17-19)

²³ Ã yoa jipihtiro Galilea yahpare Jesu buhe tiniha. Judio masa mari buhea w_uh_usep_u noaa buheare, m_uano macariro p_uhtoro to s_uho jia tiare buheha. Tinare buhe, dohatiinare noaina wahach_u yoaro jipihtia dohatiare cohãha tiro. ²⁴ To

ã yoaare t_uhoa Siria yahpa macaina jipihtirop_u tí yahpai jiina tirore masi d_ucaha. ã masia, soro jia dohatia c_uh_uainare, tuaro puri_uare c_uh_uainare, wafã ti sãanohrinare, ñama yaria m_unare dohatiinare, tini masieraina c_uh_ure na s_uha. Ti ã na s_uch_u ñ_uno jipihtina tinare noaina wahach_u yoaha Jesu. ²⁵ To ã yoach_u ñ_uha, Galilea yahpa macaina, Decapoli wama tirop_u jia macari macaina, Jerusalẽ macaina, Judea yahpa macaina, Jordão pa b_uh_usehe coa macaina pay_u masa tiro mehne wahaha.

5

T_uc_up_u m_uja, tói buheha Jesu masare

¹ Masa pay_u to cahai ti s_uch_u ñ_uno Jesu t_uc_up_u m_ujaha. M_uja s_u, tói dujiha. Tói to dujich_u to buheina sehe tiro cahap_u s_uha. ² Ti s_uch_u ñ_uno õ sehe ni buhe d_ucaha:

Õ sehe jiina jira wahcheina

(Lc 6.20-23)

³ —Ti ñaa t_uhotumari cjirire duhu, noaa sehere t_uhotu cohtotaina Cohamac_ure cahmaina wahcheina jira. M_uano macariro p_uhtoro to s_uho jirop_ure wahaahca tina. M_uano macaa ti ya jira.

⁴ 'Yahco tiina c_uh_u wahcheina jira. Tinare wahch_uch_u yoarohca mari P_uc_u.

⁵ 'Painare y_uhd_ur_uca duaeraina ã jica nieraina wahcheina jira. Cohamac_u "Waihtja", tinare to nirire c_uh_uahca tina.

⁶ 'Cohamac_u to dutiro sehe yoa duaina, noaare yoa duaina wahcheina jira. Cohamac_u to yoadohoch_u tina noaare yoa sohtori tiahca.

⁷ 'Painare pja ñ_uina wahcheina jira. Ti ã pja ñ_uch_u Cohamac_u tina c_uh_ure pja ñ_unohca.

⁸ 'Ti ñaa buhirire cosanohrina wahcheina jira. Cohamac_ure ñ_uahca tina.

9 'Masare bosaina wahcheina jira. Tinare "Y_u pohna jira", nino-hca Cohamac_u.

10 'Cohamac_u dutiare ti yoari buhiri ti ñano yoanohrina sehe wahcheina jira. M_uano macariro p_uhtoro to s_uho jirop_u to yare c_uaaahca tina.

11 'Y_u yare m_usa yoari buhiri paina m_usare ti tuhtipach_uta wahcheina jira m_usa. M_usare ti ñano yoapach_uta wahcheina jira m_usa. Y_u yaina m_usa jiri buhiri m_usare jipihtia ñaa ti q_uiti dojomehnepach_uta ti mah_uñopach_uta wahcheina jira m_usa. 12 Cohamac_u yare yahu m_uhtainare m_usa pano jinare tinap_ureta ñano yoa m_uhtaha. M_usa c_uh_ure ti yoariro sehe ti yoach_u wahchega. Noano yajeripohna tiga. Ñ jiro m_uanop_u m_usa s_uch_u p_uj_uro noano yoarohca m_usare Cohamac_u —ni yahuha Jesu.

Moa yoaro sehe, buhriaro yoaro sehe jira Jesu yaina

(Mr 9.50; Lc 14.34-35)

13 Ñ yoa Jesu ñ sehe ni buhe namoha:

—Moa wahiquiro dihire to ñano wahaerach_u yoaro seheta m_usa sehe y_u yaina sehe jipihtina painare ñaare ti yoa duaerach_u yoara. Wiho mejeta moa sehe ti ñaa wahach_u pari turi noaa yoahto basioerara. Tí moa ne noaerara. Ti ñ wahach_u tí moare coh_uño cahmana. Ti ñ coh_uñi baharo tí bui masa t_u c_una. Ne yaba c_ujihti jierara tí moa ti coh_uña. (Ti yaba c_ujihti jieraro seheta jiena t_ujiga m_usa. Cohamac_u ya sehere coh_uña t_ujiga) —ni yahuha Jesu.

14 Ñ yoa tiro ñ sehe ni buhe namoha:

—Buhriaro marine to ñ_uch_u yoaro seheta m_usa sehe y_u yaina sehe ahri yahpa macainare Cohamac_ure masich_u yoara. T_uc_u bui jiri macare n_uohto basioerara. 15 Ñ yoa sih_uñiare masa sih_uña, biato docap_u n_uoerara. Tiare sih_uñiare m_uanoi duhu payora tí w_uh_u macaina jipihtina ti ñ_uhtiare. 16 Ñ seheta m_usa c_uh_u buhriaro yoaro sehe jiina jina, noaare yoaga.

M_usa ñ yoach_u ñ_uña masa mari P_uc_u m_uano macarirore ño payo, "Tuariro, noariro jira", niahca —ni yahuha Jesu.

Cohamac_u to dutiare to joari cjirire yahuha Jesu

17 Ñ ni tuhs_u, tinare ñ sehe ni yahu namoha:

—Ahrire m_usa masich_u cahmaja y_uh_u. Cohamac_u to dutiare Moise cjirire to c_uñire, to yare yahu m_uhtaina cjiri ti joari cjiri c_uh_ure coh_uñi tai nierahi. Tí dutiare m_usare noano yahu potoi tai nii. Tí dutiare ti quih_uño jich_u ñoi tai. Ti niriro seheta yoa sohtori tii tai nii. 18 Potoc_u m_usare nii nija. Pih_utiri dacho pano jisinch_u Cohamac_u dutia Moise cjirire to c_uñire ne mahanoc_u baro coh_uñi mari. Ahri yahpa, m_uano c_uh_u ti jisino puro to dutia c_uh_u jirucuahca. Ñ jirucua ti niriro seheta sohtori tirohca. 19 Ñ jia tí dutiare c_uñina y_uhd_ur_ucaa, painare tó sehe y_uhd_ur_uca dutia, m_uano macariro p_uhtoro to s_uho jirop_u cahamaca yoaro sehe jahca. C_uño dutiac_u to jipach_uta tina y_uhd_ur_ucaa, cahamaca yoaro sehe jahca tina. Paina tí dutiare noano yoa, painare tí yoaro sehe yoa dutia, m_uano macariro p_uhtoro to s_uho jirop_u p_uhtoa yoaro sehe jahca tina sehe. 20 M_usare niita nija y_uh_u. Judio masare buheina, fariseo curua macaina c_uh_u Cohamac_u cahmaare quih_uño yoaerara. Tina ti yoariro y_uh_uoro Cohamac_u cahmaare yoaga m_usa sehe. M_usa ñ yoaerana, p_uhtoro Cohamac_u to s_uho jirop_ure ne s_usi m_usa —ni yahuha Jesu.

Susiniare yahuha Jesu

(Lc 12.57-59)

21 Ñ ni tuhs_u, tinare ñ sehe ni yahu namoha:

—Panop_u macaina ñ sehe ni ti yahuri cjirire t_uh_uori jimare m_usa: "Masare waj_uña t_ujiga. Masare waj_uñiro ti buhiri dahrehtiro jira", ti niri cjirire t_uh_uori jimare m_usa. 22 Ahri ti yahuri y_uh_udo curero m_usare

ahri sehere yahu namoihtja. To coyeiro mehne susiniriro sehe ti buhiri dahrehtiro jira masunore wajãriro yoaro seheta. To coyeirore tuhtiriro, “Ne tũho masia maerariro jira mũhũ”, niriro buhiri dahre dutiina cahai ti naahitiro jira. “Tũho masierariro jira mũhũ”, to coyeirore nirirore pichacapũ wahahto cua yũhdũara tirore.

23 Mũsa coyeiro mũsare to ñũ tuhtichũ õ sehe yoaga. Cohamacũ wũhũrũ Cohamacũre mũsa ño payohto pano, wahiquirore jũ mũo, mũsa wahto pano õ sehe yoaga. 24 Mũsa wahtire duhu cũ, mũsa coyeiro cahapũ waha, “Pari turi cahmachena tjijihna. Tó purota duhujihna tíre”, niga tirore. Mũsa ã niri baharo Cohamacũre wa, ño payona wahaga to wũhũrũ.

25 Pairo mũhũre to yahusã duachũ, pũhtoro masare beseriro cahapũ mũhũre to naa duachũ, tiro mehne suaro marieno wahaga. Masare beseriro cahapũ to na sũhto pano tiro mehne noano jiga. Mũ ã yoachũ ñũno tiro mũhũre yahusãeraboca. Mũ ã yoerachũ tóprũre mũsa sũchũ tiro sehe mũhũre masare beserirore yahusãnohca. To ã yahusãchũ, beseriro sehe peresu yoainapũre mũhũre warohca. ã jia tina mũhũre peresu yoahca. 26 Potocã nii nija mũhũre. Tóprũ jisiniihca mũhũ. Pũ ti wapa dutirire mũhũ wapa pahũoipũ wijaaihca mũhũ —ni yahuha Jesu.

Pairo namono mehne ñano yoare yahuha Jesu

27 Õ sehe ni yahu namoha Jesu:

—Panopũ macainare õ sehe ti ni yahuri cjirire tũhori jimare mũsa: “Pairo namono mehne ñano yoarena tjiga”, ti niri cjirire tũhori jimare mũsa. 28 Ahri ti yahuri yũhdo curero mũsare ahri sehere yahu namoihtja. Numinore ñahaeraparota, cãiro ticorore ñano goa pjarõ, ñano wacũ tũhoturo ñano yoa tuhsũha ticoro mehne.

29 Æ jicũ mũ capariaca potõ bũhũsehei jiriacã mehne ñano yoacũ, tiare orewe na mũ cohãboriro seheta ti ñaa yoare duhuga. Tíre duhueracũ pichacapũ wahaihca. Mũ capariacare mũ cohãchũ tia capariaca dihta butira. Mũhũ sehere pichacapũ mũ wahachũ ña yũhdũara. Æ jicũ tí ñaa yoare duhuga. 30 Æ jicũ mũ wamomaca potõ bũhũsehei jiri wamomaca mehne ñano yoacũ, tí wamomacare mũ dũte cohãboriro seheta tí ñaa yoare duhuga. Tíre duhueracũ pichacapũ wahaihca. Mũ wamomacare mũ cohãchũ tí wamomaca dihta butira. Mũhũ sehere pichacapũ mũ wahachũ ña yũhdũara. Æ jicũ tí ñaa yoare duhuga —ni yahuha Jesu.

To namonore cohãare yahuha Jesu (Mt 19.9; Mr 10.11-12; Lc 16.18)

31 Õ sehe ni yahu namoha Jesu:

—Panopũ ahri cũhũre niha: “To namonore cohã duariro to cohãhtore yahuri pũ mehne ticorore cohã masina”, nimaha panopũ. 32 Ahri ti yahuri yũhdo curero mũsare ahri sehere yahu namoihtja. To namono paio mehne ñano yoeraricoro to jipachũta to manũno ticorore cohãboca. To ã cohã daporicoro paiore manũ tiro ñano yoaro nica ticoro paio mehne jiro. To manũno ticorore ã cohãno ticorore paio mehne ñano yoachũ yoara. To baharo namo tiriro cũhũ ticoro mehne ñano yoaro nina —ni yahuha Jesu.

Wama payo niare yahuha Jesu

33 Õ sehe ni yahu namoha Jesu:

—Panopũ macaina õ sehe ti ni yahuri cjirire tũhori jimare mũsa: “Mũsa niriro seheta yoaga. ‘Cohamacũ mehne potocã ã yoaihtja’, mũsa niriro seheta yoaga”, ti ni yahuri cjirire tũhori jimare mũsa. 34 Ahri ti yahuri yũhdo curero mũsare ahri sehere yahu namoihtja. “Mũano mehne potocã nii nija”, ni mũano mehne wama payo niena tjiga. Mũano sehe Cohamacũ mari pũhtoro to sũho jiro jira. Wiho jiro jierara.

To ã jichu ñuna muano mehne ã niena tjiga. ³⁵ Ahri yahpa mehne ne wama payo “Potocã nii nija”, niena tjiga. Ahri yahpa Cohamacu ya yahpa jira. To ã jichu ñuna ã niena tjiga. “Jerusalẽ mehne potocã nii nija”, ne wama payo niena tjiga. Tuariro mari puhtoro ya maca jira Jerusalẽ. Wiho jiri maca jierara. To ã jichu ñuna ã niena tjiga. ³⁶ “Yu dapu mehne potocã nii nija”, ni wama payo niena tjiga. MUSA pjoari ti yehsea wahachu yoa masierara MUSA. Ti ñia wahachu cãhure yoa masierara MUSA. ã yoa masieraina jina “Yu dapu mehne potocã nii nija”, ni wama payo niena tjiga. ³⁷ “Yoanahtja”, nina wama payoro marieno õ sehe dihta tíre nirucuga. “Yoasi”, nina cãhu wama payoro marieno nirucuga. MUSA wama payo nina, watíno ñariro to dutiriro seheta yoana nica MUSA —ni yahuha Jesu.

*Ti cahma suaare yahuha Jesu
(Lc 6.29-30)*

³⁸ Õ sehe ni yahu namoha Jesu:

—Panopu õ sehe ti ni yahuri cjirire tuhori jimare MUSA. “Muhure pairo mu capariacare to cã tihãriro seheta muhu cãhu tirore cã tihã cahmaga. Mu piriacare to cã nuhariro seheta muhu cãhu cã nuha cahmaga”, ti niri cjirire tuhori jimare MUSA. ³⁹ Ti yahuri yuhdo curero ahri sehere yahu namoihtja MUSA. Muhure ñano yoarirore ã ñunocahga. Cã buhusehe mu wahsupure to cãch, pa buhusehe cãhure cã dutiga tirore. ⁴⁰ Pairo buhiri dahre dutirirore muhure to yahusãch, dutiriro sehe mu camisare muhure yahusãrirore wa dutiboca. To ã wa dutich, tirore waga. Mu bui macari suhtiro cãhure wa namoga tirore. ⁴¹ Pairo surara paye barore cã kilómetro muhure to naabasa dutich, pa kilómetrore waha namoga tjoa. ⁴² Muhure sinirirore waga. Tuhsu, pairo muhure to waso dutich wasoga tirore —ni yahuha Jesu.

*Musare ñu tuhtiinare cahãga
(Lc 6.27-28, 32-36)*

⁴³ Õ sehe ni yahu namoha Jesu:

—Masa õ sehe nina: “MUSA mehne macainare cahãga. ã yoa musare ñu tuhtiinare ñu tuhti cahmaga tjoa”, ti niri cjirire tãho muhtari jimare MUSA. ⁴⁴ Ti yahuri cjiri yuhdo curero ahri sehere yahu namoihtja MUSA: MUSA ñu tuhtiinare cahãga. ã cahina tinare noano yoaga. MUSA ñano yoainare ti ya cjihtire Cohamacure sini payoga. ⁴⁵ MUSA ã yoana mari Pucu muano macariro pohna jira MUSA. Cohamacu sehe cãno potori yoara masare. Ñaina cãhure, noaina cãhure sã sichu yoara tiro. Tuhsu, Cohamacu dutiare yoaina cãhure, yoeraina cãhure coro tachu yoara tiro. Masare cãno potori to yoariro seheta MUSA cãhu yoaga. ⁴⁶ MUSA cahina dihtare MUSA cahichu tí ne yaba cjihti jierara paina sehere MUSA caherach. Puhtoa ya cjihtire wapa na cohtaina cãhu tó seheta yoara. ã jina jipihtinare cahãga. ⁴⁷ MUSA coyey dihtare MUSA noano piti bocachu tí cãhu ne yaba cjihti jierara paina sehere MUSA noano piti bocaerach. Cohamacure masieraina cãhu tó seheta yoara. ã jina jipihtinare noano piti bocaga. ⁴⁸ Ñaa marieina jiga MUSA. MUSA Pucu muano macariro to ñaa marieriro to jiriro seheta MUSA cãhu ñaa marieina jiga —ni yahuha Jesu.

6

Noaa yoaare yahuha Jesu

¹ Pari turi tiro õ sehe ni yahu namoha:

—Cohamacu ya cjihtire noaare yoana, “Cohamacu yare yoa pahñoina jija sã”, ni yahuena tjiga painare. MUSA ã ni yahuri buhiri noaare MUSA yoari cjiri ne yaba cjihti jierara. ã jiro Cohamacu muano macariro noaare MUSA yoari wapa MUSA ne wasi. ² ã jina pjacuinare yoadohona, tíre masare yoa ñoena tjiga. Masa ti ñenoi yoadohoga tinare. Cãina noaa

ti yoaare yoa ñohna mahapu jiiinare, judio masa mari buhea wuhusepu jiina cãhure. Tina mari baharo buhusehei ñano yoa cohtaina jira. Ñ yoa ñohna tina, “Noaina jira”, masare ni ñu dutia. Ti ã ni ñuchu ã yoa ñoina sehe wahche tuhsure. “Noaina jira” ni, masa ti ño payochu wahche tuhsure tina. Ñ jiro Cohamacu sehe ne wahche namochu yoasi tinare. ³ Ñ jina pjacuoinare yoadohona, masa ti ñuenoi yoadohoga tinare. Musa mehne macaina mehne jina ti ñuenoi pjacuoinare yoadohoga. ⁴ Masa ti ñeraropu musa yoadohopachuta Cohamacu sehe ñuna. Ñ ñuno musa ã yoari wapa warohca musare —ni yahuha Jesu.

*Cohamacure siniare yahuha Jesu
(Lc 11.2-4)*

⁵ Pari turi tiro õ sehe ni yahu namoha:

—Cohamacure sinina, mari baharo buhusehei ñano yoa cohtaina yoaro sehe yoaena tjiga musa. Judio masa mari buhea wuhusepu ducu, mahapu cãhure ducu, Cohamacure sini ñohna tina masare. Ñ sini ñoa potocã masa tinare ti ño payochu ti mehne tina wahche tuhsure. ⁶ Cohamacure sinicu tacu, mu ya tahtiapu biha sãaga. Biha sãa, musa Pucu ñmahnoerarirore siniga. Musa ã yoachu masa marienoi musa sinipachuta musa Pucu musare tuhohca. Ñ tuhoro musare noano yoarohca tiro.

⁷ Ñ jina Cohamacure sinina, tuhoturo marieno musa sinirireta pari turi sini majare tjua majaena tjiga. Ñ sehetu yoara Cohamacure masieraina. “Payu durucua mehne Cohamacure sã sinichu tiro sãre tuhohca”, ni tuhutumana tina. ⁸ Tina yoaro sehe yoaena tjiga. Musa sinihto pano musa Pucu musa cahmaare masi tuhsura. ⁹ Ñ jina õ sehe ni sininahca Cohamacure:

“Sã Pucu, musano macariro muhu ñaa marieriro ã jirucura.

¹⁰ Mipure jipihtina bui puhtoro jiga.

Muanopu mu dutiro sehetu ti yoariro sehetu ahri yahpa macaina cãhu yoajaro.

¹¹ Ñ jicu dachoripe sã chũtipe warucuga sãre.

¹² Paina sãre ti ñano yoarire sã boja.

Ñ jicu muhu cãhu sã ñano yoarire boga.

¹³ Ñ jicu sã ñaare yoa duana sã goa pjachu ñucu tĩre yoa dutii tjiga.

Ñ jicu sãre ñaare yoaerachu yoaga.

[Muhu sã puhtoro tuariro ã jirucuihca. Jipihtina muhure ã ño payorucuahca],

ni siniga Cohamacure.

¹⁴ Paina musare ti ñaa yoarire musa bochu ñuno, musa Pucu musano macariro cãhu musa ñaa yoarire borohca.

¹⁵ Wiho mejeta paina musare ti ñaa yoarire musa boaerachu musa Pucu cãhu musa ñaa yoarire ne bosu —ni yahuha Jesu.

Chu duhuare buheha Jesu

¹⁶ Ñ jiro tiro tinare õ sehe ni yahu namoha:

—Cohamacure ño payona tana chu duhuna bujua witiina yoaro sehe yoa ñoena tjiga. Tõ sehe yoara mari baharo buhusehei ñano yoa cohtaina. Tina ti wuhduca poca cahyaina yoaro sehe jira. Ti ã jiina jichu ti chu duhuchu ñu masina masa. Potocãta musare nii nija. Tinare masa ño payochu cahmana tina. Ñ jia tinare ti ño payochu ñua tina wahche tuhsure. (Cohamacu sehe tirore ti ño payori wapa tinare wahchecu yoasi. Ñ jina tina yoaro sehe yoa ñoena tjiga musa.) ¹⁷ Musa chu duhuna, musa pjoarire co mehne wa payo waha majare payoga. Ñ jina musa wuhduca pocare cosaga. ¹⁸ Musa ã yoachu musa chu duhuchu ñu masisi masa. Mari ñu mahnoerariro Cohamacu dihta musa chu duhuare ñu masinohca. Musa sahsero musa jichu tiro musa mehne ã jirucura. Ñ ñuno tiro musare noano yoarohca tirore musa ño payori wapa —ni yahuha Jesu.

*Musano macaare cjuu dutiha Jesu
(Lc 12.33-34)*

19 ã jiro tiro õ sehe ni yahu namoha:

—Ahri yahpa macaare na cah-machuena tjiga. Õ macaa baa wahaboca. Ti baaerach_u yacariro naboca tíre. To yacaerach_u mach_u tuaboca. ã jia ahri yahpa macaa nu butihtu cuara. ã jina ahri yahpa macaare tuaro cahmaena tjiga. 20 M_uano macaa sehere cahmaga m_usa. M_uano macaare mach_u tua masierara. Тóр_u m_usa c_uaa ne baaerara. Тóр_ure yacariro na masierara. ã jina m_uano macaare cahmaga m_usa. 21 Тóр_u m_usa c_uaa ti jich_u, m_uano macaare Cohamac_u yare tuaro wac_una m_usa —ni yahuha Jesu.

*Masa ti t_uhoturo seheta yoara
(Lc 11.34-36)*

22 ã jiro õ sehe ni yahu namoha tinare:

—Sihãria to noano buhriach_u mari ñ_u masino seheta Cohamac_u yare t_uhotuna to yare noano yoa masinahca m_usa. M_usa t_uhoturo seheta yoara m_usa. Cohamac_u yare t_uhotuna noaare yoara m_usa. 23 To yare t_uhotuerana ñaare yoara m_usa. M_usa ñaa dihtare m_usa t_uhoturucuch_u tí ñaa sehe ñabíaa jira —ni yahuha Jesu.

*Niñerure cahña, Cohamac_u sehere
cahñerara
(Lc 16.13)*

24 ã jiro tiro õ sehe ni yahu namoha tinare:

—Cãiro Cohamac_u sehere wac_uno, tuabiaro niñeru sehere wac_uerara. Niñeru sehere tuabiaro wac_uno Cohamac_u sehere wac_uerara. Niñeru dihtare cahmariro jiro Cohamac_ure wahchech_u yoerara. Cohamac_u cãhure, niñeru cãhure p_uarore cahma y_uhd_ucahto basioerara m_usare —ni yahuha Jesu.

*Cohamac_u to pohñare ñ_u wihbora
(Lc 12.22-31)*

25 ã jiro tinare õ sehe ni yahu namoha:

—ã jic_u m_usare nii nija: M_usa ch_uare, sihniare, suhti cãhure pjíro

cahya t_uhotuena tjiga. M_usare bajuamehneno ch_uare ch_uhtina c_uhti dihtare suhti sãhtina c_uhti dihtare Cohamac_u yoeraha m_usare.

26 Minichahca perire Cohamac_u to ñ_u wihboare masiga m_usa. Tina weseri maeraina jira. ã yoa ch_uare ti wihboa w_uh_use tinare mariaha. M_usa P_uc_u m_uano macariro sehe tinare ti ch_uhtire wara. Minichahca y_uhdoro m_usa sehere cahña Cohamac_u. ã jiro m_usa cãhure ñ_u wihborohca tiro. 27 Pjíro m_usa t_uhotua mehne cã hora m_usare cati namoch_u yoa masierara m_usa. ã jiro m_usa pjíro t_uhotua yaba c_uhti jierara.

28 ã jina m_usa suhti sãhtire pjíro cahya t_uhotuena tjiga. Macaroca macaa cohorí ti cohoare t_uhotuga. Tí cohorí ti basi suhtire yoerara. Wiho mejeta tí cohorí noaa suhti yoaro sehe noaa cohorí bajura. 29 Salomo c_ujiro noaa suhtire sãariro to jipach_uta tí cohorí sehe tiro y_uhdoro noabia cohorí waro jira. 30 Cohorire noaa cohorí yoara Cohamac_u sehe. Tí cohorí sehe mahaa dachoricã jirucuma ñai boraa wahara. Mahanocã ji, pa dachoi pichacap_u jã wahara. Tí ã jipach_uta cohorire noaa cohorí jich_u yoara Cohamac_u. ã jiro Cohamac_u cohorire to noaa cohorí to yoariro y_uhdoro m_usa cãhure noano yoarohca. Suhtire warohca. Cohamac_ure mahanocã wac_u tuara m_usa. 31 ã jina m_usa ch_uhtire, m_usa sihnihtire, m_usa suhti sãhtire pjíro cahya t_uhotuena tjiga. 32 Cohamac_ure cahmaeraina sehe tíre ã macarucua nina. M_usa P_uc_u m_uano macariro jipihtia m_usa cahmaare masina. To ã masich_u pjíro cahya t_uhotuena tjiga. 33 Cohamac_u m_usa p_uhtoro to jihto c_uhtore cahma m_uhtaga m_usa. Jipihtia paye baro y_uhdoro tirore cahmaga m_usa. Noaare to yoa dutia cãhure cahmaga. M_usa ã yoari baharo Cohamac_u sehe m_usa cahmaa d_uhsach_u warohca. 34 ã jina ñamichacap_ure m_usa dohse wahahtore pjíro cahya t_uhotuena tjiga. M_usa ã pjíro cahya t_uhotuna pay_ubiaa jiahca m_usa t_uhotuhto

sehe. Micha macaa dihtare m̄sa t̄hotuch̄a tó purota m̄ s̄rohca —ni yahuha Jesu.

7

Painare “Ñaina jira”, niena tjiga (Lc 6.37-38, 41-42)

¹ ã jiro tiro tinare õ sehe ni yahu namoha:

—Painare “Ñaina jira”, niena tjiga m̄sa. M̄sa ã nierach̄u Cohamac̄u m̄sare “Ñaina jira”, nisi. ² Painare “Noano yoaerara”, m̄sa ni ñ̄riro seheta Cohamac̄u sehe m̄sa c̄h̄ure ãta ni ñ̄nohca. ³ Mari p̄iti dahre buhech̄u õ sehe yoaina jira m̄sa. M̄sa coyeiro to capariac̄ap̄u mahari pohcaroc̄ã to s̄ach̄u tí pohcaroc̄ãre noano ñ̄na m̄sa. M̄sa ya capariaca sehene p̄jiri p̄j̄i to jipach̄uta tí p̄j̄ine ne ñ̄erara m̄sa. Mahari pohcaroc̄ãre m̄sa ñ̄no seheta m̄sa coyeiro to ñ̄ano yoaa sehene noano ñ̄na m̄sa. M̄sa basi m̄sa ñ̄aare tuaro yoapanahta tíre masierara m̄sa, p̄jiri p̄j̄ine m̄sa ñ̄eraro seheta. ¿Dohse jiro baro ã j̄jari m̄sa? ⁴ Õ sehe niina jira m̄sa: “Coyeiro, ñ̄aare yoai nica m̄h̄u. ã j̄icu tíre duhuga”, niina jira m̄sa. ã niina jipanahta p̄j̄iro ñ̄aare yoara m̄sa sehe. ¿Dohseana m̄sa ñ̄aare yoapanahta tíre masierajari m̄sa? ⁵ Masa ti baharo b̄h̄usehei ñ̄ano yoacoh̄tina jira m̄sa ã yoaina. P̄jiri p̄j̄ine m̄sa capariac̄ai jiri p̄j̄ine m̄sa na m̄htaborīro seheta m̄sa ñ̄ano yoaa sehene duhu m̄htaga. M̄sa ã yoari baharo m̄sa coyeiro to ñ̄ano yoaa duhuch̄u yoaa masiboca, mahari pohcaroc̄ãre m̄sa naboro seheta.

⁶ Dieya yoaro sehe j̄ina, yesea yoaro sehe j̄ina c̄h̄u ñ̄abiainare Cohamac̄u ya noa ȳhd̄are ti ñ̄o payoeraare yahuena tjiga tinare. “Tinap̄u b̄j̄ure, ñ̄ano ni, m̄sare ñ̄abiaro yoari”, nina yahuena tjiga tinare —ni yahuha Jesu.

*Cohamac̄ure mari siniare yahuha
Jesu
(Lc 11.9-13; 6.31)*

⁷ ã jiro tiro tinare õ sehe ni yahu namoha:

—Cohamac̄ure siniga m̄sa. M̄sa sinina m̄sa sinirire ñ̄ahanahca. M̄sa sinirire bocanahca. Tirore ã sinirucuga m̄sa. M̄sa ã yoach̄u tiro m̄sare warohca. ⁸ Jipihtina Cohamac̄ure siniina naahca. ã yoa ti sinirire bocaahca. Jipihtina Cohamac̄ure ã sinirucuinare tiro tinare warohca.

⁹ ¿M̄sa pohna p̄ão curire m̄sare ti sinich̄u t̄ãca sehene wabocari m̄sa tinare? Ne wasi m̄sa. ¹⁰ ¿M̄sa pohna wahire m̄sare ti sinich̄u aḡã sehene wabocari m̄sa tinare? Ne wasi. ¹¹ M̄sa ñ̄aina jipanahta m̄sa poh̄nare noaare waa tíre m̄sa. ã jiro Cohamac̄u sehe m̄sa ȳhdoro noaare wara m̄sare to poh̄nare tirore siniinare. M̄sa poh̄nare m̄sa wariro ȳhdoro Cohamac̄u sehe to poh̄nare wara.

¹² P̄aina m̄sare ti noano yoach̄u cahmana m̄sa. Tinare m̄sa noano yoach̄u cahmano seheta m̄sa c̄h̄u noano yoaga tinare. Ti noano yoaerapach̄uta m̄sa sehe tinare noano yoaga. ãta yoa dutira Cohamac̄u dutia Moise c̄j̄irore to c̄rīp̄u Cohamac̄u yare yahu m̄htaina c̄j̄iri ti joari c̄j̄iri c̄h̄u —ni yahuha Jesu.

*Mahari sopacac̄ã quitire yahuha
Jesu
(Lc 13.24)*

¹³ ã jiro tiro õ sehe ni yahu namoha tinare:

—M̄hanop̄u Cohamac̄u cahap̄u waha duana to yare yoaro cahmana m̄sare. ã jina to yare ã yoamacanocaeraro cahmana. Mahari sopacac̄ãp̄u m̄sa s̄ãa duach̄u mijo curera. Tó seheta mijo nina Cohamac̄u cahap̄u m̄sa waha duach̄u. Pichac̄ap̄u masa ti wahach̄u mijoerara. P̄jiri sopac̄ap̄u mari s̄ãach̄u mijoerara. Tí sopac̄ap̄u masa ti s̄ãaboro seheta pichac̄ap̄u masa ti wahach̄u mijoerara. ã jia payu masa tórp̄u waha nina. ¹⁴ Cohamac̄u cahap̄u m̄sa waha duach̄u mijo nina. Mahainac̄ã masa tórp̄u wahaahca.

Tóꝛꝝ wahaina jipihtia dachoripe Cohamacꝝ mehne jirucuahca —ni yahuha Jesu.

Masa ti yoarire ñꝝna ti jia tiare masija mari

(Lc 6.43-44)

¹⁵ ã jiro tiro õ sehe ni yahu namoha tinare:

—Noano yoaga. “Cohamacꝝ yare yahu mꝝhtaina jija”, ni mahñoinare tꝝhoena tjiga mꝝsa. Tina oveja yoaro sehe suaeraina sehe bajumana. Ti tꝝhotuapꝝ ñaina jira tina. ¹⁶ Ti ñano yoachꝝ ñꝝna, ñaina ti jichꝝ masinahca mꝝsa. Ti noano yoachꝝ ñꝝna noaina ti jichꝝ masinahca mꝝsa. Agã potacꝝ se tꝝhorine dicha tierara. Potã tidꝝ cãhꝝ higuera pocare dicha tierara. ¹⁷ Noadꝝ yucꝝcꝝ noaare dicha tira. Ñadꝝ sehe ñaare dicha tira. ¹⁸ Noadꝝ yucꝝcꝝ ñaare ne dicha tierara. ã yoa ñadꝝ noaare dicha tierara. ¹⁹ Noaare dicha tiera yucꝝre dꝝte cohãnocã, pichacapꝝ jãnohca. ãta yoarohca Cohamacꝝ to cahmaare yoaerainare. ²⁰ ã jina “Cohamacꝝ yare yahu mꝝhtaina jija”, ni mahñoinare õ sehe masinahca. Ti yoarire ñꝝna, mahñoina ti jiare masinahca —ni yahuha Jesu.

“Mꝝsare ne masieraja”, ninohca Cohamacꝝ payꝝ masare

(Lc 13.25-27)

²¹ ã jiro tiro õ sehe ni yahu namoha tinare:

—Payꝝ yꝝhꝝre “Pꝝhtoro”, niina jipahta mꝝano macariro pꝝhtoro Cohamacꝝ to sꝝho jiropꝝre wahasi tina. Yꝝ Pꝝcꝝ mꝝano macariro to cahmaare yoaina dihta pꝝhtoro to sꝝho jiropꝝre wahaahca. ²² Pihtiri dachõ jichꝝ payꝝ masa õ sehe niahca yꝝhꝝre: “Pꝝhtoro, mꝝ yare sã buhehi. Mꝝ wama mehne watĩare cohã wiohi. ã yoa mꝝ tuaa mehne payꝝ yoa ñohi sã”, yꝝhꝝre niina jahca. ²³ Õ sehe ni yꝝhtiihca tinare: “Mꝝsare ne masieraja. Ñaa buhiri tiina jira mꝝsa. ã jina yꝝ cahai taena tjiga”, ni yꝝhtiihca tinare.

Pꝝa wꝝhꝝ yoaina quitire yahuha Jesu

(Lc 6.47-49; Mr 1.22)

²⁴ ã yoa jipihtina ahri yꝝ buherire tꝝhorina yꝝ dutiare yoaina, noano tꝝho masiriro wꝝhꝝ dahreriro yoaro sehe jira tina. Tiro sehe cꝝãa copari tãa wapapꝝ saha, wꝝhꝝre noano dapo dꝝcaha. ²⁵ Tĩ wꝝhꝝre to tuhsꝝri baharo coro tuaro ta, dia mini yꝝhdꝝa waha, tuaro wihnono wãha. ã to tuaro wãpachꝝta tí wꝝhꝝ cꝝãno tãa wapa bui to dapori wꝝhꝝ jiro ne waha sꝝ caherara. ²⁶ ã jia jipihtina yꝝ buherire tꝝhopahta yꝝ dutiare yoaeraina, tꝝho masierariro wꝝhꝝ dahreriro yoaro sehe jira. Tiro sehe to wꝝhꝝre padꝝro buicã dapo, noano yoa dꝝcaeraha. ²⁷ Tĩ wꝝhꝝre to tuhsꝝri baharo, coro tuaro ta, dia mini yꝝhdꝝa waha, wihnono tuaro wãha. ã tuaro wãno tí wꝝhꝝ sehere wãroca cꝝnocaha. ã jiro tí wꝝhꝝ tuaro bora sꝝ cahaa wahaha —ni yahuha Jesu.

²⁸ To ã ni buhechꝝ tꝝhoa, cꝝaa wahaha masa. ²⁹ “Tiro potocãta pꝝhtoro jira. ã jiro noano masi pahñoriro marine buhera tiro. Mari judio masare buheina yoaro sehe buherara”, ni tꝝhotuha tina.

8

Jesu cami baarirore noariro wahachꝝ yoaha

(Mr 1.40-45; Lc 5.12-16)

¹ Jesu tãcꝝpꝝ buhe dujiriro cjiro dujia wahaha. To ã dujiachꝝ ñꝝa masa payꝝ tiro baharo wahaha. ² To ã wahachꝝ cꝝiro cami bꝝcꝝ baariro tirore piti boca, na tuhcuã caha sꝝ, tirore siniha:

—Pꝝhtoro, mꝝhꝝ yꝝhꝝre noariro yoa duacꝝ yoaga —niha.

³ To ã nichꝝ tꝝhoro to wamomaca mehne Jesu tirore ña payoha.

—Jai, mꝝhꝝre noariro wahachꝝ yoaja —niha Jesu tirore.

To ã nichꝝta tí to cami baari cjiro yati mꝝa wahaha. ⁴ ã ni tuhsꝝ Jesu tirore õ sehe niha tjõa:

—Yꝝ mꝝhꝝre õ sehe yoarire ne painare yahui tjia. Mꝝ pjacꝝre noari

pjacu to waharire sacerdotere ñoi wahaga. Moiseri Cohamacu to cūriro seheta sacerdotere minichahcare waga mu yuhdurire ti noano masihto sehe —niha Jesu.

Surara puhtoro to mano to dohatichu Jesu noariro wahachu yoaha tirore

(Lc 7.1-10)

⁵ Tó baharo Jesu Capernau wama tiri macapu to sachu cien surara puhtoro to cahai su, tirore tuaro õ sehe ni siniha:

⁶ —Puhtoro, yuhure dahra cohtariro pjacu buhariro jiro waha masieratjiãhno tirore tuaro purichu yu wuhapu coãhre tiro —niha tiro Jesure.

⁷ To ã nichu, Jesu “Jai”, ni yuhtiha:

—Tirore to dohatiare yuhdachu yoai wahaihtja —niha Jesu.

⁸⁻⁹ To ã nichu õ sehe niha surara puhtoro:

—Puhtoro, noanohca. Tai tjia. Yu yuhdoro noa yuhdurariro jira muhu. Ya wuhai muhure sãa ta dutiboriro jieraja yuhu. Mu masia mehne noariro wahachu yoaga tirore. Mu ã yoachu yu yuhure dahra cohtariro noariro waharohca. Yuhure yu bui jiina paina puhtoa dutira. Yuhu cãhu surarare dutija. Cãirore “Wahaga”, yu nichu tiro wahara. Pairore “Taga”, yu nichu tiro tara. Yuhure dahra cohtarirore “Ahriri yoaga”, yu nichu tíre yoara. (Muhu cãhu dutirirota jira. ã jiro mu dutiro seheta tiro dohatiriro yuhdurrohca) —niha tiro.

¹⁰ To ã nichu tuho cuaa waharo payu masa tiro mehne jiiinare õ sehe niha Jesu:

—Potocãta musare niita nija. Ahriri surara puhtoro Israe masuno jierariro Cohamacure tuaro wacũ tuara. Tirore dahra cohtarirore yu noariro wahachu yoahitire masi tuhsuha. Ne Israe masare ahriri yoaro sehe jiiinare ñuerasinija.

¹¹ Musare niita nija. Payu ahriri yoaro sehe Cohamacure wacũ tuaina jipihtiro macaina mano macariro puhtoro to sãho jiropu sãa, tópu

jiina mehne chuhca. Abrahã, Isaa, Jacobo mehne chuhca tina. ¹² Masa paina sehe puhtoro Cohamacu to sãho jiropu wahaborina ti jipachata ñanopu nahitianopu cohãnocanohca tinare. Tópu to cohãrina tuaro tii, cahyaa mehne bahca dihoahca —ni yahuha Jesu.

¹³ Tíre ã ni tuhsu, surara puhtoro õ sehe niha:

—Tjuahga mu ya wuhapu. Muhure dahra cohtariro yuhdurrohca. “Potocãta yuhdurrohca”, ni mu tuhoturiro seheta yuhdurrohca —niha Jesu.

To ã nino watoihita tirore dahra cohtariro sehe noa tuhsuha.

Pedro marechonore dohatiricorore yuhdoha Jesu

(Mr 1.29-31; Lc 4.38-39)

¹⁴ Baharo Jesu Pedro ya wuhapu su, Pedro marechono dohatichu ñiha tiro. Juaro tichu cama bui coãha ticoro. ¹⁵ To ã jichu ñutjiãhno to wamomacare ña payoha. To ã ña payochata juaro surua wahaha. Suruchu tuhoturo ticoro sehe wahcãruca, tinare chure payoha.

Jesu payu dohatiinare yuhdoha

(Mr 1.32-34; Lc 4.40-41)

¹⁶ ã yoa ñamichapapay watã ti sãanohrinare masa na wihia Jesu cahapu. Ti ã na wihichu ñuno cã tahata to waha dutichu watã wahaa wahaha. Tuhsu, jipihtina dohatiina ti na surinare ti dohatiare cohã pahõoha Jesu. ã jia noaa wahaha tina. ¹⁷ ãta yoaha tiro panopu macariro Cohamacu yare yahu muhtariro Isaia cjiro to niriro seheta.

Õ sehe ni joaa tiha: “Mari dohatiare yuhdonocanohca tiro. Mari duti tiare cohãnocanohca”, ni joaa tiha Isaia cjiro Jesure.

Cãina Jesu mehne waha duamaha

(Lc 9.57-62)

¹⁸ Jesu payu masa to cahai ti jichu ñuno:

—Sie coapu basa pahãjihna —niha.

¹⁹ Ti pahãhto pano judio masare buheriro Jesu cahapu su, õ sehe niha:

—Buheriro, muhu mehne waha duaja nohoi mu waharoi —niha.

20 Jesu õ sehe ni yuhtiha:

—Caina macaroca macaina wahiquina ti copari cjuara. Minichahca cãhu ti suhti cjuara. Yuhu masuno Cohamacu warocariro sehe yu cariri wuhu maeraja. (Ã jina yuhu mehne tana ñano yuhduhahca musa) —ni yuhtiha Jesu.

21 Ñ yoa paio Jesu buheriro õ sehe niha:

—Puhtoro, yu puca to yariachu yasinii wahaihtja. Ñ ya tuhsui pinihta muhu mehne wahaihtja —niha tiro Jesure.

22 Jesu õ sehe ni yuhtiha:

—Yuhure cahmaeraina yariaina yoaro seheta jira. Tina sehe yariainare yajaro. Ñ jicu muhu sehe yuhu mehne macariro cjihto taga —niha tiro.

Jesu wihnonore yusu dutiha
(Mr 4.35-41; Lc 8.22-25)

23 Ñ ni tuhsu Jesu to jiriapu dohoriapu samuha. Ñ jia to buheina cãhu tiro mehne waha, samuha. 24 Ti bucupariropu ti pahachu waro wihnono tuaro taha. Ñ jia pahcõri dohoriare mionocamaha. Ñ wihnono wãpachuta Jesu sehe carino niha. 25 To ñ wahachu ñna tina tirore wahcõha. Wahcõ õ sehe niha:

—Puhtoro, yuhdoga. Mari mini yariana tana nija —niha tina.

26 Ti ñ nichu Jesu õ sehe ni yuhtiha:

—¿Dohse jiro baro cuimacanocana nijari musa? Yuhure wacũ tuaeraina jira musa —niha Jesu tinare. Ñ ninota wahcãrucu su, wihnonore pahcõri cãhure “Yusua wahaga”, niha. To ñ nichu wihnono yuhduh wahaha. Ñ jia pahcõri cãhu yusu boraah wahaha.

27 To ñ yoachu ñna cãaa, õ sehe niha tina:

—¿Cue, dohse jiriro baro masuno jijari ahriro? Ahri wihnono, pahcõri cãhu to dutichu yuhduhcaerara tirore —niha tina.

Watãre cohã wioha Jesu
(Mr 5.1-20; Lc 8.26-39)

28 Tinare ñ wahari baharo pahã su, Gadara macaina ya yahpapu suha.

Tõpu ti suchu puaro mua masa copari watõpu jiina Jesure piti boca.

Tina watã ti sãanohorina cuaina jiha.

Ñ jiro tõpu masa ti wahamahnoeno jiha. 29 Tirore piti boca, õ sehe ni sañurucuha:

—¿Muhu Cohamacu macuno dohse yoai tai tajari muhu sã cahapare? ¿Sãre Cohamacu to buhiri dahrehti pja to jierapachuta sãre buhiri dahrei tai nijari muhu? —ni sañurucuha tina.

30 Tõ cãhai payu yesea maca chã niha. 31 Tinare ñna, watã õ sehe niha Jesure:

—Sãre cohã wiochu sina yesea cahapu yeseare sãa dutiga sãre —ni siniha watã Jesure.

32 —Jai, wahaga —niha Jesu.

To ñ nichu watã puaro masa mehne jirina cjiri waha, yesea ti pjacuripu sãaha. Ñ yoa tinare ti sãari baharo, yesea pari canupu muroca buha, bucupariropu bora ñoja, mini yaria pihtia wahaha.

33 Ti ñ wahachu ñna yeseare ñu wihboina sehe cui, murocaa wahaha. Macapu su, yesea ti minirire yahu site pahnoha. Watã ti sãanohrinare Jesu to cohã wiori cãhure yahu pahnoha tina. 34 Ñ ti yahu siteri baharo ti maca macaina jipihtina Jesure ñna taha. Ñ jia tirore ñna, tuaro mehne waha dutiha tirore.

9

Pjacu bharirore noariro wahachu yoaha Jesu

(Mr 2.1-12; Lc 5.17-26)

1 Ñ ti waha dutiri baharo Jesu dohoriapu samu, bucupariropu pahã, to bucuari macapu suha. 2 Tõpu paina pjacu bharirore to coãri cahsaro mehne yo wua wihiha Jesu cãhai: “Jesu ahrirore to dohatiare yuhduchu yoarõhca”, ni tuhõtuha tina. Ti ñ ni tuhõtuchu masino dohatirirore õ sehe ni yahuha Jesu:

—Macu, wahchega muhu. Ñano mu buhiri tiare cohã tuhsuja yuhu —niha tiro.

3 To ñ nichu tuhõa cãina mari judio masare buheina õ sehe ni

tuhotumaha: “Ahriro wiho jiriro ā nino, ‘Cohamacu jija’, nino nina. Ā nino Cohamacure ñano nino nina”, ni tuhotumaha tina. ⁴ Ti ā ni tuhotuchu masino, ō sehe niha Jesu:

—¿Dohseana ā ñano tuhotujari musa? ⁵ “Ñano mu buhiri tiare cohā tuhsuja”, yu nichu, “Mahñoriro jira”, nina musa noano masierapanahca. “Wahcārūca, wahaga”, yu nichu yu niri potocā jia jichu dóihta musa masinahca. ⁶ Yuhū masano Cohamacu warocariro ahri yahpai masa ti ñano buhiri tiare cohā masija yuhū. Masa ti ñano buhiri tiare cohāhtiro cjihtore cūre Cohamacu yuhūre. Yu ā cohārire musa masihtō sehe ō seheta yoa ñoihtja musa ñuhti cjihtire —niha Jesu.

Tinare ā ninota, pjacu buharirore ō sehe niha:

—Wahcārūcaga. Mu coāri cahsarore na wahcāga mu ya wuhūpu —niha tirore.

⁷ To ā nichu tuhoro pjacu buhariro wahcārūcu su, to ya wuhūpu tjuaa wahaha. ⁸ Masa to ā wahachu ñua cuiha. Ā yoa Jesure Cohamacu to tare to wachu ñua masa Cohamacure ño payo, noano durucuha.

Jesu Mateore pjija

(Mr 2.13-17; Lc 5.27-32)

⁹ Ti ā yoari baharo Jesu tópu jiriro ta, yuhūre Mateore boca wihire. Puhto ya cjihtire masare wapa na cohtariro jimai. Ā jicu tí pjare yu dahrari tahtiapu dujii. Tói yu dujichu ñano ō sehe nire yuhūre:

—Yuhū mehne macariro cjihto taga muhū —nire Jesu yuhūre.

To ā nichu tuhocu wahcārūca tiro mehne wahi.

¹⁰ Baharo ya wuhūpu Jesu cūhu chūa tare. Payu puhto ya cjihtire wapa na cohtaina, “Ñano yoaina”, ti niina cūhu sā mehneta chūre. ¹¹ Tina mehne sā chūchū ñua, fariseo curua macaina sāre Jesu buheinare ō sehe nire:

—¿Dohsearo musare buheriro wapa na cohtaina mehne, ñano yoaina mehne chūjari? —nire tina sāre to buheinare.

¹²⁻¹³ Ti ā nichu tuhoro Jesu sehe piti dahre buhea mehne yuhtire:

—Dohatieraina duhturure macaerara. Dohatiina dihta duhturure macana. Ñaare yoaina dohatiina yoaro sehe jira. Ā jicu ñaare yoaina dihtare ti ñaare ti tuhotumari cjiire duhu, noaa sehere ti tuhotu cohtotachu yoai tai nii yuhū. Ti basi “Noaina jija sā”, ni tuhotuina barore yahui tai nierahi. Cohamacu to nirire ti joarire masiga musa. “Wahiquinare musa wajā, jū muoa mehne yuhūre musa ño payochu cahmaeraja. Painare musa pja ñuchū sehere cahmaja”, ni joaha. Ahri to joari to dohse niare masiga musa. Tíre noano buhe namona wahaga —nire Jesu fariseo curua macainare.

Chū duhuare sinituha João buheina Jesure

(Mr 2.18-22; Lc 5.33-39)

¹⁴ Baharo João masare bautisariro to buheina Jesu cahapu su, ō sehe ni siniture:

—Sā João buheina sehe Cohamacure ño payona tana, chū duhuja. Fariseo curua macaina cūhu āta chū duhura. ¿Dohse yoaa mu buheina sehe chū duhuerajari? —nire tina Jesure.

¹⁵ Jesu to tuhota mehne piti dahre buhero taro tinare ō sehe ni yuhtire:

—Ō sehe jira tí: Wamomaca duhteropu ti pjirocaina wamomaca duhteriro mehne jia, chū duhu masierara. Tó seheta yu buheina cūhu yuhū mehne jia, chū duhu masierara. Yuhū wamomaca duhteriro yoaro sehe jija. Wamomaca duhteriro bose numu to yoachu tiro mehne macaina cahyaa mehne jierara. Ā jia chū duhuina jierara. Yu Puca Cohamacu yuhūre to naari baharo pinihtare yu buheina mehne jisi yuhū. Ā jia tí pjarata yu buheina cūhu chū duhuahca —ni yuhtire Jesu.

¹⁶ Panopu macaa buhea wahma buhea mehne ti buhe more duachu ñano ō sehe ni namore Jesu tinare piti dahre buhero:

—Ne wahma cahsaro suhtiro cahsaro mehne m̄nanao suhtirore sere òno cahmaerara. Ì yoach̄ wahma cahsaro mari cosari baharo m̄nanao suhtirore waja cahmachu, pjibiario tuh̄n̄ch̄ yoara. (Ahri yoaro sehe ni, m̄na buhea wahma buhea mehne piti dahre buheraro cahmana.) 17 Ì jina ne se co bisia core wahiquiro cahsaro wajuru mehne m̄na wajuru mehne posaeraro cahmana. Ì yoach̄ se co bisia pahmoap̄ m̄na wajurure tuh̄r̄nocahna. To tuh̄n̄ch̄ se co c̄h̄, wajuru c̄h̄ coh̄a wahara. Ì jina se co wahma core wahma wajurup̄ posaro cahmana. Ì yoach̄ se co coh̄eraa, wajuru c̄h̄ coh̄erara. (Tó seheta wahma buhea m̄na buhea mehne buhe moreraro cahmana) —ni yahure Jesu tinare.

Jairo maconore noaricoro yoa, cah̄ ñ̄ricoro c̄h̄re noaricoro yoaha Jesu

(Mr 5.21-43; Lc 8.40-56)

18 To Ì ni yahuro watoi judio masa mari buheri w̄h̄ p̄h̄toro Jesu cahap̄ wihire. Wihi, na tuh̄cua caha s̄, ò sehe nire:

—Ȳ maco yoatap̄ yariaa wahare. Ticorore m̄ wamomacare duhu payoi taga. M̄ Ì yoach̄ masanohca —nire tiro Jesure.

19 To Ì nich̄ tuh̄oro Jesu wahc̄r̄ca tiro mehne wahare. S̄ to buheina c̄h̄ wahai. 20 S̄ mahai waharuc̄h̄ tó numino Ì cah̄ ñ̄rucuricoro Jesu baharo buh̄sehei ta, to suhtiro sohtoare ñaha ñ̄ha. Doce c̄hm̄ari waro dachoripe cah̄ ñ̄rucuricoro jiha. 21 Ò sehe ni tuh̄otuha ticoro Ì yoaro: “To suhtirore ñaha ñ̄co, noaricoro wahacohca”, ni tuh̄otuha ticoro. 22 To Ì yoach̄ masino Jesu majarerc̄h̄ s̄, ticorore ò sehe nire:

—Maco, wahchega m̄h̄. M̄ yuh̄re wac̄ tuaa mehne noaricoro tjuara m̄h̄ mip̄re —nire tiro.

To Ì nich̄ata noaa wahare ticoro.

23 Ì yoa tuhs̄ Jesu p̄h̄toro ya w̄h̄p̄ sure. S̄a s̄ro, ñahacaha tinare teneniaca yoaro sehe jiriare putiinare ñ̄re. Paȳ masa ti ñano

bisich̄ c̄h̄re tuh̄ore tiro. 24 Ti Ì nich̄ tuh̄oro masare ò sehe nire:

—Wijaahga m̄sa. Yariaerari jira ticoro. Car̄no nina —nire tinare.

To Ì nich̄ tuh̄oa, “Ì nimacanocano nina ahriro”, nia masa buj̄re tirore.

25 Ì jiro w̄h̄ puhichap̄re masare to wio pah̄ori baharo yariaricoro cahap̄ s̄, to wamomacare ñahaha. To Ì ñahach̄ masa caha s̄, wahc̄r̄c̄h̄ s̄ha ticoro. 26 To Ì yoarire tuh̄oa, tó macaina masa jipih̄tina yahu sitere.

P̄aro capari bajuerainare ñ̄ch̄ yoaha Jesu

27 Ì yoaro Jesu tó jiriro to wahach̄, p̄aro capari bajueraina tirore p̄s̄ n̄n̄ tire:

—Davi panamino masare yuh̄dohtiro, s̄re p̄ja ñ̄ga m̄h̄ —ni sañurucure tina.

28 Ti Ì nich̄ata Jesu pa w̄h̄p̄ s̄are. To Ì s̄ach̄ masia capari bajueraina to cahap̄ s̄a wahare. Ti Ì s̄a s̄ch̄ ñ̄no tiro sehe siniture tinare:

—“Marine ñ̄ch̄ yoarohca tiro”, ¿ni tuh̄otujari m̄sa yuh̄re? —nire tiro.

—P̄h̄toro, ãta ni tuh̄otuja s̄ —ni yuh̄t̄re tina.

29 Ti Ì nich̄ata ti caparire ña payore. Ì ña payorota ò sehe nire:

—Yuh̄re “Ì yoarohca”, m̄sa ni tuh̄oturiro seheta Ì yoaja —nire Jesu.

30 To Ì nich̄ata ti capari sehe noaa wahare. Ì yoa Jesu ò sehe nire tinare:

—Ahri ȳ ò sehe yoarire painare ne yahuena tjiga —nire.

31 To Ì nipach̄ata waha, tó j̄inare yahu sitere tina to Ì yoarire.

Durucuerarirore duruc̄h̄ yoaha Jesu

32 Tí w̄h̄re ti wijaach̄ waro c̄iro durucuerarirore na tare masa. Wat̄no tiro mehne jiriro tirore durucuerach̄ yoaha. 33 Ti na s̄ch̄ ñ̄no wat̄nore Jesu coh̄ wiore. To Ì coh̄ wioch̄ wat̄no to s̄anohriro c̄iro sehe durucua wahare. To Ì yoach̄ ñ̄a jipih̄tina c̄a pihtiare.

—Ne, ahri yahpa Israe yahpapure ò sehe yoaare ñuera tih mari —ni durucure tina ti basi.

³⁴ Fariseo curua macaina sehe soro ni durucure:

—Watia puhtoro to tuaa mehne watiare cohãna ahriro —ni durucure tina.

Masare pja ñuha Jesu

³⁵ Æ yoa jipihtia macari tói jia macaricãre, bujua macari cãhure buhe tinino wahare Jesu. Noaa buheare judio masa mari buhea wuhusepu buhero wahare tiro. Æ jiro puhtoro Cohamacu to sũho jihtore yahure. Jipihtia dohatia cãhure tó macainare yãhdore tiro. ³⁶ Masa payu ñano yãhdũina, pjacuroo wahaina ti jichu ñano Jesu tinare pja ñure. Tina oveja puã marieina yoaro sehe ti jichu ñano Jesu tuaro pja ñure tinare. ³⁷ Æ jiro ò sehe nire tiro sãre to buheinare, piti dahre buhero:

—Yo payu ti bucuã tuhsũchu payu jichu dahraa pjíro jira. Wiho mejeta dahraina sehe mahainacã jira. (Tó seheta noaa buheare tũhohtina payu jichu pjíro jira mari dahraa. To ã jipachuta mahainacã dahrari masa yoaro seheta noaa buheare buhehtina cãhu mahainacã jira.) ³⁸ Æ jina noaa buheare buhehtinare painare to warocahtore siniga Cohamacure —nire Jesu.

10

Jesu doce waro bese dapoha to warocahtinare

(Mr 3.13-19; Lc 6.12-16)

¹ Baharo doce sãre to buheinare Jesu pjiroca, tuaare cũre sãre. Watiare sã cohã masihtu cjihtire jipihtia dohatiare sã cohã masihtu cjihtire cũre sãre.

² Ò sehe wama tii sã Jesu to bese cũrina: Simo jire. Tiroreta Pedro ni pisure Jesu. Simo bahuro Andre cãhu jire. Santiago cãhu to bahuro João mehne jire. Tina Santiago cãhu puçuro Zebedeo wama tire. ³ Felipe, Bartolomé, Toma, yũhu Mateo jii sã. Yũhu sehe puhtoa ya cjihtire masare

wapa na cohtariro jimai. Sã mehne paio Santiago jire. Tiro sehe Alfeo macano jire. Æ jiro Tadeo cãhu jire.

⁴ Simo cananeo ya curua macariro cjiro, Juda Iscariote cãhu jire. Juda sehe Jesure ñu tuhtiinare ñohtiro jire.

Jesu to buheinare buhe dutiro warocaha

(Mr 6.7-13; Lc 9.1-6)

⁵ Æ yoa sãre doce to buheinare warocaro, “Ò sehe mũsa yoanahca”, ni yahu quihõre sãre Jesu:

—Judio masa jieraina cahapure wahaena tjiga. Ne Samaria yahpai jia macaripu cãhure wahaena tjiga.

⁶ Israe yahpa macaina cahapu sehere wahaga. Tina oveja peri wisia wahaina yoaro sehe Cohamacure masieraina jira. ⁷ “Mũano macariro to sũho jihto mahanocã dũsara”, ni buhega tinare. ⁸ Æ jina cami bucu baainare, paye payu soro jia dohatiare cjuaina cãhure noaina yoaga. Yariainare masoga. Watia masare ti sãanohorinare cohã wioga tinare. Mũsare ã wanocai nija ahri tuaare. Æ jina mũsa cãhu yu ã wanocariro seheta masare noaina ã yoanocahga.

⁹ Mũsa wahana niñerure ne naaena tjiga. ¹⁰ Ne mũsa wajure, puaro camisare, puã wahpa dahpo suhtire, mũsa tjua yucu cãhure naaena tjiga. Mũsa sãano dihtare sãa wahcãga. Paye suhtire naaena tjiga. Mũsa buhena waharopu jiina tina sehe mũsare mũsa puhi cjihtire waahca. Æta waro cahmana tinare.

¹¹ ’Tí macaripu sũna, ji coaro mehne carĩnore warirore macaga. Æ jina tí wũhuhta tjuasiniga. Pu, coã wahanapu wijaahga tí wũhure. ¹² Æ jina wũhupu sãahna, “¿Jimajari mũsa?” niga tí wũhu macainare. ¹³ Mũsare noano ti cahmachu “Cohamacu mehne noano jiga mũsa”, niga tinare. Mũsare ti cahmaerachu, mũsa ã niborire niena tjiga. ¹⁴ Æ jina mũsare ti cahmaerachu, ti tũho duaerachu tí wũhure wijaahga. Wijaana, dahpo suhti macaa dihta pohcarire wajã

site cūga m̄sa tinare ti ya buhirire masich̄u yoana. Tí maca macaina m̄sare ti cahmaerach̄u āta yoaga tina cūh̄ure. ¹⁵ Potocā m̄sare ni ita nija. Ahri dacho pihtich̄up̄ure Sodoma macaina, Gomorra macaina cūh̄u tuaro buhiri tihtinata jira. Ti ā jipach̄uta tina yūh̄doro m̄sare cahmaeraina buhiri tihtina jiahca — ni yahure Jesu.

Jesu yainare paina ti ñano yoah̄tore yahuha Jesu

¹⁶ Ā ni tuhs̄u ō sehe ni namore:

—Yūh̄ure tūhoga m̄sa. Oveja yoaro sehe j̄inare m̄sare ñaina watoi warocai nija. Tina ñaina macaroca macaina yaya suaina yoaro sehe jira. Ā jina m̄sa sehe paina wahiquina wacū masiina yoaro sehe jiga. Ā j̄ina jipanahta buja yoaro sehe ne suaeraina jiga m̄sa. ¹⁷ Noano yoaga m̄sa. Masa m̄sare p̄htoare waahca. Tuhs̄u Judio masa mari buhea wūh̄usep̄u c̄j̄apeahca m̄sare. ¹⁸ Ā jia yū yaina m̄sa jiri buhiri macari macaina p̄h̄toa cahap̄u ti bui j̄ina p̄h̄toa cahap̄u cūh̄ure naahca m̄sare. Ā jina m̄sare tórp̄u ti naach̄u tinare judio masa jieraina p̄h̄toa cūh̄ure noaa buheare buhenahca m̄sa. ¹⁹⁻²⁰ M̄sare p̄htoare ti wach̄u tinare m̄sa nihtire “Cue, masieraboca”, ni tūhotuena tjiga. M̄sare ti sinituch̄uta m̄sa nihtire masinahca. Ā masina tinare yahuna m̄sa t̄ire m̄sa m̄s̄uro durucuna nisi. Cohamac̄u sehe m̄sa P̄uc̄u to Esp̄iritu mehne m̄sare durucuch̄u yoarohca.

²¹ Tí pjare ti wahmis̄uma ti bahanare wajā dutia waahca p̄htoare yū yaina ti jiri buhiri. Ti p̄uc̄us̄uma ti pohnare wajā dutia waahca p̄htoare. Ti pohna sehe ti p̄uc̄us̄umare wajā dutia waahca p̄htoare. ²² Jipihtina masa sehe yū yaina m̄sa jiri buhiri m̄sare ñ̄u tuh̄tiahca. Ti ā yoapach̄uta ahri yahpai m̄sa catisinino puro m̄sare ti ñano yoarire c̄ano pjana yūh̄ure, yū buhea cūh̄ure duhuerana, yūhd̄nahca

m̄sa. ²³ Cūmacai m̄sare ti ñano yoach̄u pa macap̄u duhti wahcāga. Potocā m̄sare niita nija. Israe yahpai jia macarine jipihtia tí macarip̄u m̄sa duhti wahcāhto pano, yūh̄u mas̄no Cohamac̄u warocariro ahri yahpap̄u tjua taihtja.

²⁴ Ne cūiro buheriro tirore yahuriro buip̄u jierara. Cahamac̄uno cūh̄u to p̄h̄toro bui cure jierara.

²⁵ Ā jiro ō sehe tūhoturo cahmana buherirore: “Yūh̄ure buheriro yoaro seheta j̄ihtja”, ni tūhoturo cahmana. Cahamac̄uno cūh̄ure āta ni tūhoturo cahmana. “Yū p̄h̄toro yoaro seheta j̄ihtja”, ni tūhoturo cahmana. (“To bui j̄ihtja. Ā jic̄u yū p̄h̄toro to ñano yūhd̄ariro seheta ñano yūhd̄asi yūh̄u sehe”, ni tūhotueraro cahmana.) Yūh̄u sehe wūh̄u p̄uro yoaro sehe jija. M̄sa sehe tí wūh̄u dahraina yoaro sehe jira. Ā jia masa yūh̄ure “Beelzebú jira”, ni yahusā, m̄sa cūh̄ure yū yainare ñano ni durucuahca tina —ni yahure Jesu.

“¿Diro barore cuich̄u noajari?” ni yahuha Jesu

(Lc 12.2-7)

²⁶ Ā ni tuhs̄u ō sehe ni namore:

—Ā jina m̄sare ñano yoainare cuiena tjiga. Masa ti ya s̄ari cjirire baharo paina masiahca. Ā jia ti n̄ori cjiri cūh̄ure paina masiahca. ²⁷ M̄sare yaroca yū yahuri cjirire paȳu masa watoi buhe turiaga m̄sa. ²⁸ Mas̄nore wajāina to pjac̄u dihtare wajāna. To yajeripohna yariaerara. Ā jina m̄sare wajā duainare cuiena tjiga. Cohamac̄u sehere cuiga. Tiro m̄sa pjac̄urire, m̄sa yajeripohnari cūh̄ure pichacap̄u cohā masina. Ā jina tiro sehere cui, yahtiga m̄sa.

²⁹ P̄uro siripia wapa mariahna. Ti ā wapa mariapach̄uta cūirocāre Cohamac̄u ne boerara. Cohamac̄u to dutierach̄u ne yarierara tirocā.

³⁰ Ā jiro m̄sa pjoarire ne cū pjoada dūhsaro marieno masi pah̄ñona Cohamac̄u. Tó seheta m̄sa jia tia cūh̄ure masi pah̄ñona Cohamac̄u. Ā masino m̄sare ñ̄u wihborucura.

31 Siripiare to cahĩno yũdoro, m̄sa sehere cahĩna Cohamac̄. Ā jina pj̄ro tũhotuena tjiga m̄sa —ni yahure Jesu.

Jesure m̄sa wacũ tuari cjirire yahuga masare
(Lc 12.8-9)

32 Ā jiro tinare õ sehe ni yahu namore:

—Cũiro “Jesu yairo jija”, masare to ni yahuch̄ yũh̄ cũh̄ tirore “Yũ yairo jira”, ni yahuihtja yũ P̄c̄ure m̄ano macarirore. 33 Wiho mejeta cũiro “Jesu yairo jieraja”, masare to nich̄ yũh̄ cũh̄ “Yũ yairo jierara tiro”, ni yahuihtja yũ P̄c̄ure —ni yahure Jesu.

Jesu masare tju wach̄ yoara
(Lc 12.51-53; 14.26-27)

34 Ā ni tuhs̄ õ sehe ni yahu namore:

—¿Dohse ni tũhotujari m̄sa yũh̄are? “Tiro masare to buheri baharo paina tinare ñ̄ tuhtisi”, ¿ni tũhotujari m̄sa? Ā jierara. Masare yũ buheri baharo cãina yũ yare tũhoahca. Paina sehe tinare ñ̄ tuhtiahca. Cũno potori waro jisi masa. 35 B̄c̄na yũ buheare ti tũhori buhiri ti pohna yũ buheare cahmaeraa, tinare ñ̄ tuhtiahca. B̄c̄ numia yũ buheare ti tũhori buhiri ti pohna numia yũ buheare cahmaeraa, tinare ñ̄ tuhtiahca. Ti marechosanumia yũ buheare ti tũhori buhiri ti mac̄ namosãnumia yũ buheare cahmaeraa, tinare ñ̄ tuhtiahca. 36 Ā jia masa ti coyeare ñ̄ tuhtiina jiahca.

37 Yũh̄are ti cahĩboriro yũdoro ti p̄c̄s̄ma sehere cahĩ yũhd̄r̄ca yũ yaina jisi tina. Yũh̄are ti cahĩboriro yũdoro ti pohna sehere cahĩ yũhd̄r̄ca yũ yaina jisi tina. 38 Ā jia paina crusap̄ yũ yariahto seheta yũ yaina ti jiri buhiri ñ̄ano yũhd̄ahca tina cũh̄. Tó sehe ñ̄ano yũhd̄ duaeraina yũ yaina jisi tina. 39 Masa yũh̄are wacũno marieno ti m̄ s̄ro yoaa, pichacap̄ wahaahca tina. Ā jia yũ yare ã yoarucua jipih̄tia dachoripe

yũh̄ mehne jirucuahca tina —ni yahure Jesu.

Mari wapatahtore yahuha Jesu
(Mr 9.41)

40 Ā ni tuhs̄ õ sehe ni yahu namore:

—M̄sare yũ yainare cũiro noano cahmano, yũh̄ cũh̄are cahmano nina tiro. Ā yoa tiro yũh̄are noano cahmariro yũh̄are warocariro cũh̄are cahmano nina. 41 Ā jiro Cohamac̄ yare yahuriro wapatarohca. Tirore noano yoarohca Cohamac̄. Ā jiro to yare yahuriro to jich̄ ñ̄no paio tirore noano cahmano, yahuriro yoaro seheta wapatarohca tiro cũh̄. Ā yoa paio noano yoiro wapatarohca. Tuhs̄, noano yoiro to jich̄ ñ̄no paio sehe tirore noano cahmano noano yoiro yoaro sehe wapatarohca tiro cũh̄. 42 Yũ yairo cũiro to jich̄ ñ̄na, wiho jiriro to jipach̄ta dohse jiina tirore core ti sihõch̄ mahanocã ti wapach̄ta potocãta tinare noano yoarohca Cohamac̄ —ni yahure Jesu.

11

João masare bautisariro to buheinare Jesure sinitu ñ̄ dutiro warocaha
(Lc 7.18-35)

1 Sãre to buheinare to ã ni yahuri baharo tó cahai jia macarip̄ buhero wahare Jesu.

2 Ā yoa to yoiro João peresui jiriro tũhorocaha. Ā tũhoro João to buheinare Jesure sinitu ñ̄ dutiro warocaha. 3 Ā jia Jesu cahap̄ s̄, sinitu ñ̄re tina João buheina.

—¿João “Yũ baharo paio tarohca”, to niriro tjijari m̄h̄? ¿To niriro m̄ jierach̄ paioire cohtanahcari sã? —ni sinitu ñ̄re tina sehe Jesure.

4 Ti ã nich̄ tũhoro Jesu õ sehe ni yũhtire:

—Mip̄are m̄sa tũhorire, m̄sa ñ̄r̄re Joãoire yahuna wahaga: 5 “Capari bajueraina ñ̄na. Tini masieraina tinina. Cami b̄c̄

baina noaina wahara. Tuho bo-caeraina tuhoa wahara. Yariaina masaa wahara. Tina jipihtinare noaina wahachu yoahi yuhu. Tuhsu, pjacuoinare noaa buheare yahuja. ⁶Yuhure tuhoriro ‘Potocã tjira’, niriro tiro wahcheriro jira” ni, Joãore yahuna wahaga —nire Jesu.

⁷João buheina ti wahari baharo, Jesu sehe João to jia tiare yahu ducare payu masare:

—Masa marienopu João cahapu suna, tjare wihnono to wãroca cohtotachu yoariro seheta to buheare cohtota mujarirore ñuna suerare musa. ⁸“Noaa suhti tirirore ñuna wahajihna”, nierare musa João cahapu masa marienopu wahana. Noaa suhti tiina wapa bujũare cjuaina puhto ya wuhũsepu jira. ⁹Masa marienopu suna Cohamacu yare yahu mahtarirore ñuna sure musa. Potocã tjira. João Cohamacu yare yahu mahtariro jira. Paina Cohamacu yare yahu mahtaina yuhdoro jiriro jira tiro. ¹⁰Panopu Cohamacu yare ti joari pũi Joãore õ sehe ni yahu joaa tiha:

“Cohamacu to macunore õ sehe niha: ‘Mu pano muhure yahuyuhtirore warocai nija’, niha”,

ni joaa tiha panopure Joãore. ¹¹Musare potocã niita nija. Paina jipihtina bui jira João bautisariro. Ahri turupure to ã jipachuta muano macariro puhtoro to suho jiropure jipihtina docapu jiriro pinihta João bui jira.

¹²João masare bautisariro to buhe, bautisa ducachu payu masa muano macariro puhtoro to suho jirore pihtichu yoa duaa, ti mu sũro cahmache, tíre yoa duamana. ¹³Cohamacu yare yahu mahtaina ti joari cjirire, Cohamacu Moise cjirirore to cũri cjiripu cũhure buhena puhtoro Cohamacu to suho jihtore masija mari. João cũhu tíreta yahure. ¹⁴“Elia tarohca”, panopu ti niriro cjirota jira João sehe. Panopu macaina ti nirire “Potocã tjira”, ni duana João

ti ã niriro cjiro to jichu masinahca musa. ¹⁵Noano tuhoga musa ahrire.

¹⁶‘¿Mipu macaina masa yabaina yoaro sehe jijari tina, musa tuhotuchu? Tina macanacã yoaro sehe jira. Paina ti cahmano sehe ti yoerachu tó wahaerara tinacãre. Pache duaropu pape dujia, õ sehe ni pisurucura tinacã ti basi: ¹⁷“Musa basahti cjihtire sã putipemahi. ¿Dohseana musa basaerari sã tíre putipechu? Sã tuaro ñahacaha tiipe, sañurucumahi. ¿Musa sehe dohseana sã mehne tiiperari?” nirucuina yoaro seheta jira mipu macaina cũhu. Mipu macaina ti cahmano seheta sã yoerachu ñu tó wahaerara tinare. ¹⁸Tina yoaro sehe yoana õ sehe yoara musa mipu macaina. João bautisariro Cohamacu ño payoro taro chu duhuro vinore sihnierare. To ã sihnierachu ñuna “Watĩno to sãanohriro, tuho masierariro jira”, nimare musa tiro sehere. ¹⁹Yuhu masano Cohamacu warocariro jicu yuhu chu, sihnija. Yu ã yoachu ñuna õ sehe nina musa yuhu sehere: “Ñuga. Ahriro pjiro chũriro, cahariro jira. Wapa na cohtaina, ñano yoaina cũhu ti piti tiriro jira ahriro”, nina musa yuhure. (Á nina macanacã yoaro sehe durucuina jira musa. Musa cahmano sehe sã yoerachu tó wahaerara musare. Ne sahsaerara musa.) Á masierapanahca sã yoarire ñuna, Cohamacu masiare sã cjuachu masinahca musa —nire Jesu tinare.

Ti ñaare cahyaeraina ya macari macainare tuhtiha Jesu (Lc 10.13-15)

²⁰Baharo macari macainare tuhtire Jesu. Tí macarine paye macari yuhdoro Cohamacu tuua mehne yoa ñomare tiro. To ã yoa ñopachuta ti ñaare tuhotumarire duhuerasinire tina. Á jiro õ sehe ni tuhtire tinare tiro:

²¹—Corazĩ macaina, musa ñano yuhdũnahca. Betsaida macaina, musa cũhu ñano yuhdũnahca. Musa ya macaripure Cohamacu tuua mehne yoa ñomahi. Tiro wama tiri macare,

Sidō wama tiri maca cūhure to tuaa mehne yu yoa ñochu ñua panopu tó macaina sehe ti ñaare cahyaboa. Ñ yoa ti ñaare tūhotumari cjirire tūhotu cohtotaboa. Cahyaa suhtire sãa, niti pohcare tina bui dahra site payoboa ti ñaa cahyaare ñoa. ²² Mūsare niita nija. Buhiri dahrehti dacho jichu Cohamacu Tiro macaina, Sidō macaina yūhdoro ñaina mūsa jiri buhiri mūsare ñano waro buhiri dahrerohca tiro. ²³ Capernau macaina, mūsa mu sūro mūanopu waha duamana. Mūsare Cohamacu pichacapu cohānohca. Mūsa ya macapu Cohamacu tuaa mehne yoa ñomahi. Mūsa yūhure tūhoerare. Sodoma wama tiri macare Cohamacu tuaa mehne yu yoa ñochu tí maca sehe mipu jisiboa. ²⁴ Mūsare niita nija. Buhiri dahrehti dacho jichu Cohamacu Sodoma macainare to yoariro yūhdoro, mūsa sehere mūsa ñaa buhiri ñabiaro buhiri dahrerohca —nire Jesu tí macari macainare.

“Yu cahapu sona taga”, niha Jesu (Lc 10.21-22)

²⁵ Tí pjare ò sehe nire Jesu to Pucuro mehne durucuro:

—Yu Pucu, mūhu mūano macaina bui pūhtoro, ahri yahpa macaina bui pūhtoro jira. Ahri mu buheare “Noano masiina jija sã”, niinare masichu yoerare mūhu. Buhe pahñoeraina sehere mu yare masichu yoare mūhu. Mu ã yoachu, “Noana”, nija yūhu mūhure. ²⁶ Ñ tjira. Tina sehere ti masichu cahmare mūhu —nire Jesu to Pucurore.

²⁷ Ñ ni tuhsu, masare ò sehe ni yahu namore:

—Yu Pucu jipihtiare yūhure ware. Tiro dihta yūhure noano masina. Ñ jina sã dihta yūhu yu masi dutiina mehne yu Pucure masija sã. ²⁸ Mūsa ñano buhiri tia nūcuu yoaro sehe jira. Nūcuare mūna mūsa tahrīno se-heta ñano buhiri tiare pumea wahara mūsa. Ñ pumeina jina yūhure cahmaga mūsa. Mūsare sochu yoaihtja. Mūsa ñaa yoare duhuchu yoaihtja. ²⁹ Yu dutiare yoaga. Yu yare noano

masiga. Yūhu niji siaro yoariro jija. Yu ã jiriro jichu yu yare noano masiga mūsa. Ñ yoa yūhu mehne soga mūsa. Ñ sona noano yajeripohna tinahca mūsa. ³⁰ Yu yare mūsa yoachu mi-joerara. Ñ yoa mūsa mari cjiri ti nūcueraro seheta yūhu sehe mūsa bi-horo purota yoa dutija mūsare —nire Jesu.

12

Judio masa ti sori dachoi trigo parorire pahaha Jesu buheina

(Mr 2.23-28; Lc 6.1-5)

¹ Mahanocã to ã ni buheri baharo Sabado jichu sã Jesu mehne trigo wesepe sui. Sã to buheina juca baana, trigo parorire paha, chu tuhsu yūhdū wahcãi sã. ² Sã ã yoachu ñua, fariseo curua macaina Jesure ò sehe nire:

—Tūhosiniga sãre. ¿Dohse yoa tina Sabado mari sori nūmu to jipachata dahrajari, trigo parorire ã pahaa? Mari dutiare yūhdūruca nina —nire tina.

³⁻⁴ Jesu yūhtire. “Yu buheina yūhdūruca nierare”, ni yahuro taro ò sehe ni yūhtire:

—Davi cjiro tiro mehne macaina mehne juca baaro Cohamacu wūhuru sãa, Cohamacu ya pãore chūha. Tí pãore sacerdotia dihtare chu dutira. Cohamacu dutiare ti joari pū painare tí pãore chu dutierara. ¿Davi cūhu tíre ti yoari cjirire Cohamacu joari pūpu buherari mūsa? (Tí pãore chūro Cohacure yūhdūrucao nieraha. Michare ahri yaparire chūa yu buheina cūhu Cohacure yūhdūrucao nierara.) ⁵ Ñ yoa Cohamacu wūhi dahraina sacerdotia ne soerara mari soa nūmurine. Ñ soerapahta Cohamacu dutiare yūhdūrucaina jierara. ¿Tíre buherari mūsa Cohamacu Moise cjirore to cūri pūi? ⁶ Mūsare niita nija. Cohamacu wūhure ño payona tí wūhi dahraina ti soerachu ñūpanahta “Noanohca”, nina mūsa. Tí wūhu yūhdoro yūhu sehere ño payoro cahmana. ⁷ Cohamacu yare ti joari pū ò sehe nina: “Wahiquinare wajã,

jã m̄oa mehne ȳh̄are m̄sa ño payoch̄u cahmaeraja. Painare m̄sa p̄ja ñ̄uch̄u sehere cahmaja ȳh̄u”, nina to yare ti joari p̄ũ. To ã nirire m̄sa noano t̄hona ȳu buheinare tuhtieraboa m̄sa. Tina tíre ch̄u ȳh̄d̄ur̄caaa nierare. ã jina tinare tuhtieraboa m̄sa. ⁸ Ȳh̄u mas̄no Cohamac̄u warocariro ahri dacho Sabado dachore masa ti yoah̄tire yahurirota jic̄u p̄h̄toro tjija —nire Jesu fariseo curua macainare.

Wamomaca b̄uhariro quiti jira
(Mr 3.1-6; Lc 6.6-11)

⁹ To ã niri baharo waha, judio masa mari buheri w̄h̄ur̄u s̄uĩ s̄ã Jesu mehne. ¹⁰ Tóĩ wamomaca b̄uhariro jire. ã jia fariseo curua macaina sehe Jesure yahus̄aa taa, tirore õ sehe ni siniture:

—Sabado dachoi mari sori dachoi mas̄nore noariro yoa dutierara Cohamac̄u. ¿ã tjijari m̄u t̄hotuch̄u? — ni siniture tina.

¹¹ Jesu õ sehe ni ȳh̄tire tinare:

—¿M̄sa yairo oveja Sabado jich̄u copar̄u to bora s̄ãach̄u tirore na wioerabocari m̄sa? Na wionahca m̄sa.

¹² Oveja ȳh̄doro jira mas̄no sehe, Cohamac̄u to ñ̄uch̄u. ã jiro Sabado jich̄u mas̄nore ȳh̄doch̄u noa nina — ni ȳh̄tire Jesu tinare.

¹³ ã ni tuhs̄u, wamomaca b̄uharirore õ sehe nire:

—M̄u wamomacare siõrocaga — nire tiro.

To ã nich̄u b̄uhariro sehe siõroca, noari wamomaca wahare. ¹⁴ Ti sori n̄am̄u to ã yoach̄u ñ̄ua, fariseo curua macaina waha, ti basi õ sehe niha:

—¿Dohse yoa Jesure waj̄nahcari mari? —niha tina ti basi.

Cohamac̄u yare yahu m̄htariro panop̄u macariro Jesure yahuha

¹⁵ Jesu ti ã nirire masino, wahaa wahare. To ã wahach̄u paȳu masa tirore n̄n̄u tire. Ti ã n̄n̄u tich̄u ñ̄no tiro sehe jipihtina tina mehne macainare dohat̄inare noaina wahach̄u yoare. ¹⁶ ã yoaro dohatiina cjirire tinare to ȳh̄dorire painare yahu dutierare tiro. ¹⁷ ã dohatiinare noaina wahach̄u yoaro Cohamac̄u

yare yahu m̄htariro Isaia cjiro panop̄u to ni joariro seheta yoaro nire Jesu. Õ sehe ni joaa tiha Isaia:

¹⁸ “Õ sehe nina Cohamac̄u: ‘Ahriro ȳu cahamac̄u no jira.

Tiro ȳu beseriro jira.

Tirore cah̄ija.

ã jic̄u tiro mehne wahcheja.

Ȳu Esp̄iriture tirore wait̄tja.

ã jiro ȳu tuaa mehne jipihtina masare ȳu buheare yahurohca tiro.

¹⁹ ã yahuro tiro ne pur̄no mehne yahusi.

ã yoa niji siaroca yahuriro jiro sañurucusi.

Tuhs̄u, maca macari mahai paȳu masa watoi tiro tuaro sañurucu yahusi.

²⁰ W̄h̄uc̄u o muquear̄uc̄u s̄uch̄u to nuhnuerach̄u yoaro seheta masa c̄h̄ure niji siaro dero yoarohca tiro.

Pjiroca j̄ari pichacare to yaeraro seheta masa c̄h̄ure noano yoarohca tiro.

ãta yoarucurohca tiro wat̄nore to ȳh̄d̄ur̄cahto pano.

²¹ ã jia paȳu masa tirore wac̄u tu-aahca’, nina Cohamac̄u”, ni joaa tiha Isaia.

“Jesu wat̄no tuaare cj̄ara”, ni yahus̄aha masa

(Mr 3.19-30; Lc 11.14-23; 12.10)

²² C̄u dachoi wat̄no to cohtotarirore masa na tare Jesu cahar̄u. Tiro sehe wat̄no cj̄aro durucu masierare. Tuhs̄u, capari ne ñ̄erare. Ti ã na wihich̄u ñ̄u, noariro wahach̄u yoare Jesu tirore. To ã yoach̄u wat̄no to cohtotariro cjiro ñ̄u, durucure.

²³ To ã wahach̄u ñ̄ua, masa ñ̄u c̄uaa wahare.

—¿Ahriro Davi cjiro panamino masare ȳh̄dohtiro j̄ijari? —nire tina ti basi.

²⁴ Jesu wat̄are to coh̄aire t̄hoah fariseo curua macaina õ sehe ni t̄hoture:

—Beelzebú wat̄a p̄h̄toro to tuaa mehne wat̄are coh̄ana Jesu —ni t̄hoture tina.

25 Ti ã ni tũhotuchũ masino, Jesu quititi mehne piti dahre yahure tinare:

—Watĩno ya tuua mehne watĩare cohãi nieraja. Cũ yahpa macaina ti basi cahma wajãa, tí yahpa macaina varia pihtia wahaboa. Cũ maca macaina ti basi cahmachea tí maca macaina waha pihtia wahaboa. Cũ wũhũ macaina cũhũ ãta wahaboa. 26 Æ jia Beelzebú watĩa pũhtoro sehe watĩare cohãno, tina watĩa ti basi cahmachea niboa. Æ jia tina cũhũ waha pihtia wahaboa. 27 Õ sehe ni yahusãna mũsa yũhũre: “Tiro Beelzebú yoadohoa mehne watĩare cohãna”, ni yahusãna mũsa. Mũsa mehne macaina cũhũ watĩare cohãna. ¿Watĩno to tuua mehne watĩare cohãjari tina cũhũ, mũsa ñũchũ? Æ cohãerara. Tĩre masina mũsa. Yũhũ cũhũ watĩno tuua mehne watĩare cohãeraja. 28 Æ jicũ yũhũ sehe watĩare cohãcũ Cohamacũ to Espĩritu tuua mehne tinare cohãja. Yũ ã cohãchũ ñũna ò sehe masiga mũsa: Cohamacũ masa bui pũhtoro ahri yahpapũre ji tuhsũra mipũre.

29 Õ sehetã jira mari piti dahre buhechũ: Tuariro ya wũhũpũ paio sãa sũ yaca masierara. Tuarirore dũhteraro to ya wũhũpũ sãa sũ yaca masierara. Tirore to dũhteri baharo sãa sũ yaca masina —ni yahure Jesu. (Æ ni yahure watĩnore to yũhdũrũcarire yahuro. Watĩno tuariro to jipachũta Jesu tirore yũhdũrũcara watĩare cohãno.)

Æ ni tuhsũ ò sehe ni yahu namore Jesu:

30 —Cãiro yũhũre cahmaeraro, yũhũre ñũ tuhtĩro jira. Cãiro yũhũre yoadohoeraro, yũhũre wapũ tichũ yoaro nina.

31 Æ jicũ mũsare potocã niita nija yũhũ. Jipihtia ñaare masa ti yoachũ ti durucũchũ cũhũre Cohamacũ bo masina. Æ boparota Espĩritu Santore ti ñano ni durucũchũ tí pinine ne bosì.

32 Yũhũre masũno Cohamacũ warocarirore yũhũre ti ñano ni durucũchũ bo masina Cohamacũ. Espĩritu Santo sehere ti ñano ni durucũchũ ne bosì

Cohamacũ. Mipũre, pihtiri dacho baharopũ cũhũre ti ã niri cjirire bosì tiro —ni buhere Jesu tinare.

Masa ti durucũare tũhona ti jia tiare masija mari

(Lc 6.43-45)

33 Æ ni buhe tuhsũ, piti dahre buhero ò sehe ni yahu namore tinare:

—Noadũ yucũcũ noaare dicha tira. Ñaadũ yucũcũ ñaare dicha tira. Yucũcũ dichare masina “Tũ dichata jira”, ni masija mari. (Mari ã masino sehetã masa ti durucũare tũhona ti jia tiare masija mari.) 34 Agãa ñima tiina yoaro sehe ñaina jira mũsa. Mũsa ñaina jina, noaare ni masierara mũsa. Mari wacũapũ mari tũhoturiro sehetã mari dũseroi wijara. 35 Noariro noaare tũhotura. Æ jiro noaare durucũra. Ñariro ñaare tũhotura. Æ jiro ñaare durucũra. 36 Mũsare niita nija. Noano tũhotu durucũina jiga mũsa. Noano durucũerana, buhiri dahrehti dacho jichũ mũsa ã nimacanocarire Cohamacũre yahu yũhdũnahca. 37 Quihõno mũsa durucũchũre masino “Noaina jira”, ninohca Cohamacũ. Tuhsũ, ñano mũsa durucũchũre masino “Ñaina jira”, ninohca tiro —nire Jesu tinare.

Masa ñaina Jesure Cohamacũ tuua mehne yoa ño dutiha

(Mr 8.12; Lc 11.29-32)

38 To ã niri baharo mari judio masare buheina, fariseo curua macaina cũhũ tirore ò sehe nire:

—Buheriro, Cohamacũ warocariro jicũ Cohamacũ tuua mehne yoa ñoga sãre —nimare tina.

39 Jesu ò sehe ni yũhtire:

—Mipũ macaina ñaina, Cohamacũre cahmaeraina Cohamacũ tuua mehne yũ yoa ñochũ ñũ dua-mana. Ti ã ñũ duapachũta Cohamacũ yare yahu mũhtarirore Jona cjiro panopũ macarirore Cohamacũ to tuua mehne to yoari dihtare yoa ñonohca masare. 40 Jona tia dacho waro pjiriro wahi pjaro puhichapũ jiha. To ã wahariro sehetã yũhũ cũhũ masũno Cohamacũ warocariro

tia dacho waro masa copapɩ jiihca. ⁴¹ Nínive macaina sehe Jona Cohamacɩ yare to yahurire tɩhoa ti ñaa yoarire cahya, Cohamacɩ mehne macaina tjuaha. ã tjuaina jia buhiri dahrehti dacho jichɩ tina mipɩ macainare ti ñaare tɩhotumari cjirire duhuerainare “Ñaina jira”, ni yahusãahca. Jona cjiro tinare Cohamacɩ yare to yahuchɩ tɩhoa noaare cahmaha tina sehe. ã cahmaa noano yoaa niha mipɩ macaina yɩhdoro. ã jia tina mipɩ macainare “Ñaina jira”, ni yahusãahca. Mɩsare niita nija. Mipɩ mɩsare yɩ buhea Jona cjiro to buheri yɩhdoro jira. ⁴² ã yoa buhiri dahrehti dacho jichɩ pɩhtorocoro sur macaricoro panopɩ macaricoro ducu, mipɩ macainare “Ñaina jira”, ni yahusãanohca ticoro cɩhɩ. Ticoro Salomo panopɩ macariro to masiare tɩho duaro yoaropɩ ahri yahpa pa buhɩsehepɩ jiricoro Salomoro tɩhoro taha. ã yoaro noano yoaro niha mipɩ macaina yɩhdoro. ã jiro ticoro “Ñaina jira”, ni yahusãanohca mipɩ macainare. Mɩsare niita nija. Mipɩ mɩsare yɩ buhea to buheri yɩhdoro jira —nire Jesu tinare.

Watĩno pari turi masɩnore to sãari quitire yahuha Jesu
(Lc 11.24-26)

⁴³ ã ni tuhsɩ, pari turi Jesu to tɩhotua mehne ò sehe ni piti dahre buhere tinare:

—Watĩno masɩnore cohtotariro cjiro waha, tiro co marieni yahpai tini, to jihto cjihtore macamaha. ⁴⁴ ã bocaeraro, ò sehe ni tɩhotuha tiro. “Masɩno yɩ cohãriro cjiro mehmeta pari turi jii wahaihtja”, ni tɩhotuha tiro. ã ni tɩhoturo tiro tjuaa waha, to cohãriro cjiroreta boca. ã to bocachɩ masɩno sehe noariro jimaha. ⁴⁵ ã jiro watĩno paina siete watĩare to yɩhdoro ñainare pjiro wahaha. To ã pjichɩ tina jipihtina tiro mehne jiha. Masɩno sehe tó pano cãiro watĩno to cohtotariro jiro, ñariro

jimaha. Mipɩ sehere payɩ watĩa ti cohtotariro jiro, tó pano to jiriro yɩhdoro ña yɩhdɩariro jiha. Mipɩ macaina Cohamacɩre masimarina tirore cohãa, tina cɩhɩ ñaa yɩhdɩina warota wahaahca —nire Jesu tinare.

Jesu coyea tiro mehne sɩhɩdu duaha

(Mr 3.31-35; Lc 8.19-21)

⁴⁶ Masare to ã ni durucuro watoɩ to pocoro to bahana mehne sopacai ducu, tiro mehne sɩhɩdu duare. ⁴⁷ ã jiro cãiro Jesure ò sehe ni yahure:

—Mɩ poco mɩ bahana mehne sopacai ducura, mɩhɩre sɩhɩdu duaa —nire.

⁴⁸ To ã nichɩ tɩhoro tirore yahurirore ò sehe nire Jesu tinare buhero taro:

—¿Noa jijari yɩ poco, yɩ bahana cɩhɩ, mɩsa ñɩchɩ? —nire.

⁴⁹ ã nino, sãre to buheinare ñuipuro, ò sehe nire:

—Ahrina jira yɩ poco yɩ bahana yoaro sehe jiina. ⁵⁰ Tina yɩ Pɩcɩ mɩano macariro to cahmaare yoara. Tó sehe yoaina yɩ bahɩ, yɩ baho, yɩ poco yoaro seheta jira —nire Jesu tinare.

13

Jesu wesere toari masɩno quitire yahuha

(Mr 4.1-9; Lc 8.4-8)

¹ Tí dachoihta Jesu wɩhɩi jiriro wi-jaare. Wijaa, bucuparipopɩ waha, bucupariro dɩhtɩ cahai dujire. ² To ã dujichɩ ñaa payɩ masa tiro cahapɩ cahmachu wahpata yɩhdɩa, bihsaro yoare Jesure. ã bihsachɩ ñano dohoriai samu, tiapɩ dujire tiro. Masa sehe padɩroi ducure. ³ ã jiro payɩ to tɩhotua mehne piti dahre yahure tinare buhero taro. Ò sehe nire tiro:

—Toari masɩno toaro, to toaa yaparire doca site cɩno wahaha. ⁴ To ã doca site cɩ wahcãchɩ paye yapari maha dɩhtɩ cahai bora caha sɩha. ã bora caha sɩare tí yaparire minichahca duji ta, chɩnocaha.

⁵ ã yoa paye yapari sehe tãa wapa buicã bora caha sɩha. Tãa wapa

buicã dihta mariea cureroi dóihta dumaha. ⁶ ã duri jipahta, sũ to tuaro sichu, nuhcori mariaa, ñaia wahaha. ⁷ Paye yapari sehe tja watoi bora caha sũha. Tja sehe dia yũhdũa waha, toaa sehere wajãnocaha. ⁸ Paye yapari sehe noari yahpai bora caha sũha. Noano dua jia noano dicha tiha. Paye yucu cien yapari, paye yucu sesenta yapari, paye yucu treinta yapari dicha tiha. ⁹ Ahrire tũho duaina noano tũhoga mũsa —nire Jesu.

Jesu quitu mehne to buherire yahuha

(Mr 4.10-12; Lc 8.9-10)

¹⁰ To ã niri baharo sã to buheina tiro cahi sũ, sinitui sã tirore:

—¿Ne, dohseacu masare quitu mehne piti dahre buhejari mũhu? —ni sinitui sã.

¹¹ Jesu õ sehe ni yũhtire:

—Mũano macariro masa bui pũhoro masare to noano sũho jiare panopũ macaina ti masierari cjirire mũsare yũ buheinare masichũ yoara Cohamacũ. Paina sehere ã yoaerara tiro. ¹² ã jiro masiinare masi namochũ yoarohca tiro. ã jia tina sehe noano masiahca. Masieraina sehe mahanocã ti masipachũta tina sehere masierachũ yoarohca tiro. ¹³ ã jicu quitu mehne buheja. Õ sehe jira. Mipũ macaina ñũpahta, ñũeraina cjiri yoaro sehe tjuara. ã jia tũhopahta masierara. Tĩre tũhoeraina yoaro sehe jira tina. ¹⁴ ã jiina jia Isaia cjiro panopũ macariro to ni joariro seheta yoara tina. Õ sehe ni joaa tiha:

“Õ sehe nina Cohamacũ: ‘Yũ yare tũhonahca mũsa.

ã tũhopanahta, ne masisi mũsa.

¹⁵ Mũsa dapu bũtiina tjuara.

Tuhsũ, mũsa cahmo coparire bihara mũsa, “Tũhori”, nina.

Mũsa caparire wihmitjiahna mũsa, “Ñũri”, nina.

ã yoaerana noano ñũna masiboa mũsa.

ã yoa tũhona, masiboa mũsa.

Mũsa wacũarũ noano masiboa.

ã masiina baro jina, mũsa tũhotumari cjirire tũhotu cohtota, yũhare macaboa.

Mũsa ã macachũ ñũno, yũhu sehe mũsa buhiri tiare cohãboa’, nina Cohamacũ”, ni joaha Isaia cjiro.

¹⁶ Mũsa sehe mũsa capari mehne ñũna, masina. Mũsa cahmo mehne tũhona, masina. ã jina wahcheina jira mũsa. ¹⁷ Mũsare niita nija. Mipũ mũsa ñũare mũsa tũhoare panopũ macaina Cohamacũ yaina cjiri tuaro ñũ duamaha. Cohamacũ yare yahu mũhtaina cjiri cãhu tĩre tuaro ñũ duamaha. Wiho mejeta ne ñũeraha. Mipũ mũsa tũhoa cãhare tuaro tũho duamaha tina. ã masi duapahta tĩre masieraha —ni yahure Jesu sãre to buheinare.

Jesu wesere toari masũno quitire yahu pahũoha

(Mr 4.13-20; Lc 8.11-15)

¹⁸ Baharo Jesu sãre õ sehe ni yahu namore:

—Tũhoga mũsa. Wesere toari masũno quitire mũsare yahuihtja. Yũhare tũhona, noano masiga.

¹⁹ Doca site cũa yapari noaa buhea yoaro sehe jira. ã jia maha dũhtũ cahi bora yapari noaa buhea yoaro sehe jira. Masa noaa buheare tũhopahta ne masierara. Noaa buheare masa ti tũhochũ ñũno watĩno sehe ta, tĩ buheare noaa buheare masi dutierara masare. Minichahca tĩ yaparire ti dota nariro seheta yoara watĩno. ²⁰ ã yoa tãa wapa buicã bora yapari noaa buhea yoaro sehe jira. ã jia masa noaa buheare tũho, wahchea mehne dóihta tĩre tũho nana. ²¹ ã tũho napahta tãa wapa buicã jia yucu nuhcori mariea yucu yoaro seheta ahrina masa cãhu tuaerara. ã tuaeraa ñãno yũhdũa, yũ yaina ti jiri buhiri paina tinare ti ñãno yoachũ ñũa yũ ya sehere duhunocahna. Paina tinare ti ñãno yoachũ tĩre cũno pjaeraa, yũ yare duhunocahna. ²² ã yoa tja watoi bora yapari noaa buhea yoaro sehe jira. ã jia masa noaa buheare tũho,

ahri yahpa macaare pjíro cahya t̄hotua, niñerure cahña. Ti ã yoach̄u tí sehe noaa buheare d̄catara. Ti ã d̄catach̄u masa noaa sehere yoaerara. ²³ ã yoa noari yahpai boraa yapari noaa buhea yoaro sehe jira. Masa noaa buheare t̄hoa, tíre noano masina. ã masiina jia, Cohamac̄u to cahmano seheta noaare yoara tina. Cãina pjíro noaare yoara cien yapari dicha tiro seheta. Paina doca curero noaare yoara sesenta yapari dicha tiro seheta. Paina mahanoã noaare yoara treinta yapari dicha tiro seheta —ni yahure Jesu sãre.

Trigo watoi tja diari quitire yahuha

²⁴ ã yoa pari turi to t̄hotua mehne piti dahre buhere Jesu:

—M̄ano macariro masa bui p̄htoro to s̄ho jiro ò sehe jira. Wese p̄ro to wesep̄u noaa yaparire to toariro seheta jira m̄ano macariro masa bui p̄htoro to s̄ho jiro. ²⁵ Wese p̄ro jipihtina tiro mehne macaina c̄h̄u ti car̄no watoi tirore ñ̄u tuhtiriro tara. ã taro trigore ti toariroi tjare toaha. Toa tuhs̄u wahaahahaha. ²⁶ Baharo trigo duha. ã jiro ti dicha tia cahach̄u waro diaa wahaahahaha. ²⁷ ã jia wese p̄rore dahra cohtaina tiro cahap̄u s̄u, yahua: “¿P̄htoro, noaa yapari dihtare m̄u wesere m̄u toapach̄u, dohse yoa tja c̄h̄u diajari tí wesere?”, niha tina. ²⁸ “Ȳh̄ure ñ̄u tuhtiriro jia tí tjare toaro”, niha wese p̄ro. “¿Tjare sã curech̄u cahmajari m̄h̄u?” nimaha tirore dahra cohtaina. ²⁹ “Tjare curena tjiga, tjare curemahna ‘Trigo sehere curerí’, nina. ³⁰ Trigo tja mehmeta b̄c̄uawahnosinijaro. Dicha ñ̄aini pja jich̄u, trigo dicha nainare ò sehe nihtja: ‘Tjare cure m̄htaga. Tuhs̄u m̄asa curerire j̄ga. Baharo trigore pahaga. Paha pahño, tíre ȳu wihbori w̄h̄p̄u c̄ga’, nihtja tinare”, niha wese p̄ro —nire Jesu, quitire mehne yahuro.

Mostaza yapa quitire yahuha Jesu (Mr 4.30-32; Lc 13.18-19)

³¹ ã yoa paye quitire mehne sãre ò sehe ni buhere tjoa:

—M̄ano macariro masa bui p̄htoro to s̄ho jiro mostaza yapacã yoaro sehe jira. Tí yapacã mahabiari yapacã jira. ³² Tí yapacãre wesep̄u to toari baharo, noano dura. ã jiro p̄ji cured̄u wahara. ã wahach̄u minichahca peri t̄u d̄p̄rip̄u suhti suhara. (Tó seheta m̄ano macarirore mari p̄htoro masina mahainacã ti ji m̄htapach̄u baharop̄u tina paȳu wahaahca) —ni yahure Jesu.

Pão b̄c̄uaro quitire yahuha Jesu (Lc 13.20-21)

³³ ã yoa paye quitire mehne sãre ò sehe ni buhere tjoa:

—M̄ano macariro masa bui p̄htoro to s̄ho jiro pão b̄c̄uaro yoaro sehe jira. Tíre numino c̄u wajujuju trigo pohcare co mehne noano tíre dahra morena pão b̄c̄uhtore. To ã yoach̄u pão b̄c̄uaro sehe trigore noano sahser̄c̄u s̄ra. (Tó seheta pão b̄c̄uaro to sahser̄c̄u s̄ro seheta m̄ano macarirore mari p̄htoro paȳu masa jipihtiro macaina masihca) —nire Jesu.

Quitire mehne Jesu to buherire yahuha

(Mr 4.33-34)

³⁴ Ahri jipihtiare buhero, quitire mehne yahure Jesu. Quitire marieno yahuerare tiro tinare. ³⁵ ãta yoare tiro Cohamac̄u yare yahu m̄htariro cjiro to ni joariro seheta. Ò sehe ni joaa tiha panop̄u:

“Quitire mehne yahuihtja.

Cohamac̄u ahri yahpare to ba-juamehneri baharo ne masare to yahuerari cjirire yahuihtja”, ni joaa tiha Cohamac̄u yare yahu m̄htariro cjiro.

Trigo watoi tja diari quitire yahu pahño

³⁶ ã yoa masare coha siti, w̄h̄p̄u sã wahare Jesu. ã jina sã to buheina tiro cahap̄u s̄u, sinitui sã:

—Trigo watoi tja diari quitire yahu pahñoga sãre —nii sã tirore.

³⁷ Jesu ò sehe ni yũhtire sãre:

—Wese pũro noaa yaparire toariro yoaro sehe jija yũhũ. Yũhũ masũno Cohamacũ warocariro jija. ³⁸ Wese sehe ahri yahpa yoaro sehe jira. Noaa yapari dua mũano macariro pũhtoro to sũho jiro pũ jihtina cjihti yoaro sehe jira. Tja sehe watĩno yaina yoaro sehe jira. ³⁹ Wese pũrore ñũ tuhtiriro tjare toariro watĩno yoaro sehe jira. Tĩ ñaini pja sehe pihtiri dacho yoaro sehe jira. Æ jia trigore naina anjoa yoaro sehe jira. ⁴⁰ Tjare ti cure jãriro seheta pihtiri dacho jichũ watĩno yainare, pichacapũ jũ cohãahca tinare. ⁴¹ Yũhũ masũno Cohamacũ warocariro yũ anjoare warocaihtja. Yũ ã warocachũ anjoa sehe ñaare yoa dutiinare, ñaare yoainare pũhtoro yũ sũho jiro pũre jimarinare na wioahca. ⁴² Na wio tuhsũ pichacapũ cohãahca tinare. Tópũ tina tuaro tii, cahyaa mehne bahca dihoahca. ⁴³ Æ jia Cohamacũ yaina ti Pũcũro pũhtoro to sũho jiro pũ jahca. Tói jia, sã dacho macariro yoaro sehe noano buhriaahca tina. Ahrire noano tũhoga mũsa —ni yahure Jesu.

Noa yũhdũare to mũorire to bocari quitire yahuha

⁴⁴ Æ yoa paye quitire mehne ò sehe ni yahure tjao:

—Mũano macariro masa bui pũhtoro to sũho jiro niñeru to mũori yoaro sehe jira. Masũno tíre wesepũ wacũeno boca, pari turi tíre mũo namona. Æ yoaro tuaro wahcheha tiro. Æ jiro to bocari cjirire nano taro, tí wesere nuchũ duaha. Æ nuchũ duaro to yare dua pahño, tí wesere nuchũha. Mũano macariro pũhtoro to sũho jiro to bocari cjiri yoaro sehe jija. (To bocarire to cahma yũhdũariro seheta mũano macarirore masa bui pũhtoro noano ti masini baharo masa tuaro cahmana tirore) —ni yahure Jesu.

Wapa bũjũri yapa quitire yahuha

⁴⁵ Æ yoa paye quitire mehne ò sehe ni yahure tjao:

—Mũano macariro masa bui pũhtoro to sũho jiro wapa bũjũa yaparire perla wama tia yaparire nuchũariro yoaro sehe jira. ⁴⁶ Tĩ yaparire macano noa yũhdũari yapare boca. Æ bocaro, tí yapare nuchũ duaro, jipihtia to yare dua pahñono wahaha. Æ dua tuhsũ tí yapare wapa bũjũri yapare nuchũra. (Tĩ yapare tuaro to cahmariro seheta mũano macarirore masa bui pũhtoro noano ti masini baharo masa tuaro cahmana tirore) —nire Jesu.

Wañũno quitire yahuha

⁴⁷ Æ yoa paye quitire mehne Jesu ò sehe ni yahure tjao:

—Mũano macariro masa bui pũhtoro to sũho jiro wañũno ti docañodu yoaro sehe jira. Tũ wañũno mehne payũ wahi soro jĩinare ñahana. ⁴⁸ Tũ to wahpaa wahachũ wahi wajãina sehe tũre padũropũ waja maja, noaina wahire besera. Noainare ti pũhũsepũ bese sãana. Ñaina wahire cohãnocahna. ⁴⁹ Pihtiri dacho jichũ ò sehe jirohca. Anjoa sehe masare beseahca. Ñainare na wioahca noaina cahapũ jimarinare. ⁵⁰ Na wio, tinare pichacapũ cohãahca. Tói tina tii, tuaro cahyaa mehne bahca dihoahca ñaina sehe —ni yahure Jesu.

Mũna buheare, wahma buhea cãhũre yahuha

⁵¹ To ã ni yahuri baharo tiro ò sehe ni siniture sãre:

—¿Ahri jipihtiare tũhojari mũsa? —ni siniture tiro.

—Tũhoja sã —ni yũhtii sã.

⁵² Sã ã nichũ tiro yahure sãre:

—Judio masare buheina mũano macariro masa bui pũhtoro to sũho jirore buhea, pũaro buheare yahura. (Panopũ ti buhea cãhũre mipũ ti buhea cãhũre yahura.) Tina, Judio masare buheina wũhũ pũro yoaro sehe jira. Tiro to wũhũ jiare noare na wioro, wahmaare, mũnaa cãhũre na wiora tiro —nire Jesu sãre.

Jesu Nazarep_u wahaha
(Mr 6.1-6; Lc 4.16-30)

⁵³ Tí quitire to buheri baharo, wahai sã tiro mehne. ⁵⁴ Waha, to bucuari macap_u sãhi. Tóp_u s_u, judio masa mari buhea wuhusep_u buhere tiro. To ã buhech_u tũhoa, tũho cãaa wahare tina.

—Cuenah, ¿ahriro nohop_u tũhoari ahri buheare? ¿Dohsearo noano masi pahñojari ahriro? Cohamac_u tuaa mehne yoa ñona tiro to basi. ⁵⁵ Ahriro taboa dahrari masuno macuno jimanaro. Ñ yoa to pocoro María jimanaro. Ñ yoa Santiago, José, Simo, Juda, to bahana jimanabu. ⁵⁶ Mipure to bahana numia ahri macai jira. Ñ jiro tiro mari yoaro sehe jiro tjira. ¿Ñ jiparota nohop_u tũhoari tiro ahri buheare? —ni durucure tina ti basi.

⁵⁷ Ñ jia tina tirore cahmaerare. Ti ã cahmaerach_u ñuno ò sehe nire Jesu tinare:

—Cohamac_u yare yahu mũhtarirore paina ño payora. Ti ã ño payopachuta to ya maca macaina, to coyera tirore ño payoerara. Ñ jina yuhure ño payoerara msa òi y_u bucuariro jich_u —nire tiro tinare.

⁵⁸ Ñ jiro tirore ti wacũ tuaerach_u ñuno “Cohamac_u macuno jira”, ti ni duaerach_u ñuno, tí macai Cohamac_u tuaa mehne pay_u tahari yoa ñoerare Jesu.

14

João bautisariro cjiro to yariarire yahuha

(Mr 6.14-29; Lc 9.7-9)

¹ Tí pjare Herode Galilea macariro pahoro Jesu to yoirire tũhorocaha.

² Ñ tũhoro ò sehe nimaha:

—João masare bautisariro yariariro cjiro pari turi bajuaro nica. Ñ jiro mipure to bajuari baharo ahri tuaare cjuara tiro bajuamehn-eare yoaro —nimaha Herode to cahamacare. (Jesure “Joãota jira”, ni tũhotumaha tiro Joãore ti wajãri baharo.)

³⁻⁵ Joãore to wajã dutiht_o pano Herode to baharo Felipe namonore

namo tiha. To ã yoach_u ñuno João bautisariro Herode sehere ò sehe nia timaha:

—M_u bah_u namonore namo tic_u Cohamac_u dutiare yũhdũrcãi nina mũh_u —nia timaha João.

To ã niri buhiri Herode tirore wajã duamaha. “ ‘João Cohamac_u yare yahu mũhtariro jira’, ni tũhotura judio masa” nino, tina sehere cuiha Herode. “Joãore y_u wajãch_u tina suaboca” nino, tinare cuiha. Ñ cuiro Joãore wajã duaeramaha. Ñ wajã duaeraparota Herode tirore ñaha dũhte duti, peresu yoaha. To namono Herodia to dutiro mehne ã yoaha. ⁶ Ñ yoa Herode to masa bajuari dacho jich_u bose num_u yoaha tiro. Tóí Herodia macono bose num_u wihiina ti ñũrocaroi basa ñoha. To ã basa ñoch_u ñuno Herode wahcheha. Ñ wahchero ticorore ò sehe niha:

⁷ —Cohamac_u mehne potocã niita nija. Yuhure m_u sinino purota waihtja yuh_u mũhure —niha juna Herode sehe Herodia maconore.

⁸ To ã nich_u tũhoro Herodia to maconore to sinihtore yahuha ticorore. To ã yahuch_u to macono sehe ò sehe ni siniha Herodere:

—João masare bautisariro dapure cjã ta dutiga. Ñ yoac_u waparo mehne tí dapure waga yuhure —niha ticoro.

⁹ To ã nich_u tũhoro Herode tuaro cahyaha. Masa ti ñũrocaroi “Waihtja mũhure”, niha tiro. Ñ jiro tiro buo tiro “Mũhure to dapure waeraja”, ni masieraha ticorore. Ñ jiro ticoro to dutiriro sehta Herode sehe to cahamacare Joãore wajã dutiha. ¹⁰ João dapure cjã taroca dutiha juna. ¹¹ Ñ cjã ta tuhs_u, waparo mehne to dapure na taha tina. Herodia maconore to dapure ti wach_u, ticoro sehe to pocorore yũhdoha tjoa.

¹² Ti ã yoari baharo João buheina ta, to pjacure masa copap_u na cũha. Ñ cũ tuhs_u, tina tíre Jesure yahua tare.

Cinco mil bui masare chãa waha Jesu

(Mr 6.30-44; Lc 9.10-17; Jn 6.1-14)

13 Ti ã ni yahuchu tuhoro, Jesu sã mehne dohoriai samu, masa marienopu sũho wahare. Jesu tópu to wahachu tũhoa, masa ti ya macaripu jirina ta, mahapu tirore nũnu ti wahcãre. 14 Tuhsu, sã wahã sũri baharo tiro payu masare ñũno, pja ñũre tinare. Æ pja ñũno tina mehne macaina dohatiinare noaina wahachu yoare. 15 Ñamichahapu sã to buheina tirore õ sehe nii:

—Ñamichahapu jira. Õ masa marienopu jira. Æ jicu macaripu masare ti chũhtire nuchũ dutiga ti puhititi cjihtire —nimai sã tirore.

16 Jesu yũhtire sãre:

—Wahaea tjijaro tina. Mũsa basita chũare waga tinare —nire sãre.

17 —Cũ wamomaca pihtia pão curi, puaro wahi mehne jira sãre. Tí dihtare cjuaja sã —ni yũhtii sã.

18 —Tíre yũhũre na tahga mũsa — nire sãre.

19 To ã nichu tũhona na wahcãhi sã to cahai. Sã na sũri baharo tja bui masare tiro duji dutire jũna. Ti dujichũ cinco pão curire, puaro wahire na, mũanopu ñũ mũo, Cohamacũre “Noana”, nire. Æ ninota pão curire nuha, sãre to buheinare ware. To ã wachũ sã sehe tíre masare witii. 20 Æ jia jipihtina noano chu, yapi yũhdũa wahare. Ti yapi wahyorire doce puũse waro na cahmachu, wahpo dapoĩ sã to buheina. 21 Tóĩ tíre chũrina mũa dihtare mari quihõchu cinco mil mũa jire. Numia, macanacã cãhu jire.

Jesu co bui ducu wahcãha
(Mr 6.45-52; Jn 6.16-21)

22 Baharo sãre to buheinare Jesu bucu-pariro pa buhũsehe coapu pahãyu dutire masare to coha sitiro watoĩ. 23 Coha siti tuhsu, tũcupu mũja, Cohamacũre sinino wahaha. Ñamine tóĩ tiro cũirota jiha. 24 Tí pjaĩhta bucu-pariro dacho macai dohoria mehne pahãrucuna nimai sã. Wihnono tuaro ta, pahcõri bujũa wahcã, dohoriare cjã sãare. 25 Wihnono tuaro to wãchũ bohrea mũja tahto pano Jesu co bui ducu tare

sã cahapu jũna. 26 Sã cahapu to tachũ ñũna cui nii sã. Æ cuina sañurucumai sã:

—Yariariro cjiro pjacu jira —ni sañurucumai sã.

27 Sã ã cuichũ ñũno Jesu õ sehe nire:

—Ne yũhũre ñũ cũaena tjiga. Yũhũta jija —nire sãre.

28 To ã nichu tuhoro Pedro õ sehe nire tirore:

—Puhtoro, potocãta mũhũta jicu, co bui yũhũre mũ cahapu ducu wahcã dutiga —nire tiro.

29 —Taga —ni yũhtire tiro sehe.

To ã nichu Pedro dohoriapu jiro co bui ducu sũ Jesu cahapu ducu wahcãmare. 30 Wihnono tuaro to tachũ ñũno cuire tiro. Æ cuiro diha boraa wahamare.

—Yũhũre yoadohoga puhtoro —ni sañurucure tiro Jesure.

31 To ã nichũta to wamomacare ñaha:

—Mahanocã wacũ tuara mũhũ yũhũre. ¿Dohseacu yũhũre wacũ tuaerajari mũhũ? —nire tiro Pedore.

32 To ã niri baharo dohoriapu samu tare tina. Ti ã samu tari baharo wihnono yũsũ borare. 33 Æ jina sã to buheina dohoriapu jiina na tuhucua caha sũ, Jesure ño payoi:

—Potocãta mũhũ Cohamacũ macũnota jira —nii sã tirore.

Genesare macaina dohatiinare yũhdoha Jesu
(Mr 6.53-56)

34 Æ yoarina cjiri pahã, Genesare wama tiri yahpau sũ. 35 Tó macaina Jesure ñũ masire. Æ masia tó cahai jĩnare Jesu to wihirire yahu site pahõre. Æ ti yahu sitechu tũhoina payu dohatiinare tiro cahapu na tare.

36 —Mũ suhtiro dũhtũ caha dihtare sãre ñaha ñũ dutiga —ni sinire tina Jesure. Æ jia to suhtirore ñaha ñũinape tópeinata noaina wahare.

15

Masa ñaina wahachu yoare yahuha Jesu
(Mr 7.1-23)

1 Æ yoa Jerusalẽ macaina, fariseo curua macaina, marine judio masare

buheina mehne Jesu cahap_u wihia, ò sehe ni siniture tirore:

² —¿Dohse yoa mari ñ_uch_us_uma cjirip_u ti yoa dutiriro seheta yoaerajari m_u buheina sehe? Tina ti chahto pano ti dutiriro seheta wamo cosaerara —nire tina Jesure.

³ Jesu ò sehe ni yahtire tinare:

—¿M_usa sehe dohse yoana Cohamac_u dutia sehere yoerajari m_usa? ¿Dohse yoana mari ñ_uch_us_uma cjiri panop_u macaina ya dutia dihtare yoajari m_usa sehe? ⁴ Ò sehe nina Cohamac_u: “M_usa p_uch_us_umare ño payoga”, nina. “C_uiro to p_uch_us_umare ñaare quitu dahreriro jiro tí buhiri paina ti wajãhtiro cjihto jirohca”, nina Cohamac_u.

⁵ To ã nipach_uta ò sehe ni dutira m_usa sehe ti p_uch_us_umare yoadoho dutierana: Tí p_uch_us_umare ti waborire Cohamac_u sehere wa dutira m_usa. Æ ni buhemana m_usa. ⁶ Æ buhena ti p_uch_us_umare ño payoch_u yoerara m_usa. M_usa ã yoana Cohamac_u dutiare y_uhd_ur_ucana nina m_usa, mari ñ_uch_us_uma cjiri panop_u macaina ya dutia dihtare yoana. ⁷ Masa ti baharo buhusehei ñano yoa cohtaina jira m_usa. Cohamac_u yare yahu m_uhtariro Isaia cjiro m_usare potocãta yahu joaa tiha panop_ure:

⁸ “Ahrina masa y_uh_ure noano durucupahta ti tãhotuare y_uh_ure ne ño payoerara.

⁹ Æ jia y_uh_ure ti ño payoa ne yaba cjihti jierara.

‘Cohamac_u ya dutia jira ahri’, ni mahño buhera ti ya buhea sehere”,

ni joaa tiha Isaia cjiro —nire Jesu fariseo curua macainare, mari coyea judio masare buheina cãh_ure.

¹⁰ Æ ni tuhs_u to cahap_u paina cãh_ure pjiroca, ò sehe nire:

¹¹ —Y_uh_ure tãhona taga. Tuhs_u, y_u niare noano tãho ñahaga m_usa. M_usa d_userihi sãa sehe m_usa ch_ua sehe m_usare buhiri tich_u yoerara. M_usa ñaa durucua sehe m_usa d_useri wijaa sehe m_usare buhiri tich_u yoara —nire Jesu.

¹² To ã ni buheri baharo sã to buheina sehe tirore yahui:

—M_u ã nich_u tãhoa fariseo curua macaina suaa nire —ni yahui sã tirore.

¹³ Tíre tãhoro, ò sehe ni yahtire sãre:

—Tina fariseo curua macaina toaa yuc_u yoaro sehe jira. Y_u P_uch_u m_uano macariro jipihtia toaa yuc_ure to toerari cjirire n_uhcori mehneta cure, cohãnohca. Æta yoarohca tinare.

¹⁴ Tinare ã ñ_unocahga m_usa. Tina capari ñ_ueraina ti ñ_u masieraro seheta ne Cohamac_u yare masierara. Æ jia pichacap_u wahaahca. Æ masierapahta paina masierainare buhe duamana. Æ jia tina, ti buheina cãh_u soro jia buheare cahmaahca, capari ñ_ueraina painare tãã wahcã, jipihtina copap_u ti borariro seheta —nire Jesu.

¹⁵ To ã nich_u tãhoro Pedro ò sehe nire:

—Ahri quitire masa ti d_useri wijaa quitire yahu namoga sãre tjoa —nire tiro Jesure.

¹⁶ Jesu ò sehe ni yahtire:

—¿Ne, tãhoerasinijari m_usa?

¹⁷ Masa ti ch_uare ch_uch_u tí ti d_useroi sãahna. Æ jia ti pjarop_u sãa s_u, y_uhd_u wijaa wahara. Wiho waro jira. Mari ch_ua marine buhiri tich_u yoerara, Cohamac_u to ñ_uch_u. ¿Ahrire masierajari m_usa? ¹⁸ Masa ti d_useroi wijaa, ti durucua sehe ti tãhotuap_u tara. Ti durucua sehe ñaa jia masare buhiri tich_u yoara.

¹⁹ Ñaa tãhotua, masare wajãa, paio namono mehne ñano yoaa, ñano yoaa numia mehne ñano yoaa, yacaa, mahñoa, masare ñano quitu dahrea masa ti tãhotuap_u tara. ²⁰ Tí ñaa sehe masare buhiri tich_u yoara. Wiho mejeta mari ñ_uch_us_uma cjiri ti yoaa tiro cjiro seheta masa wamo cosaerapahta ti ch_uch_u tí masare buhiri tich_u yoerara —nire Jesu.

Judio masono jieraricoro Jesure wacũ tuaha
(Mr 7.24-30)

21 Æ ni buhe tuhsu, sãre sũho wahare tjoa. Tiro wama tiri maca cahapu Sidõ wama tiri maca cahapu sũi sã. 22 Sã tõpu sũchu Canaa yahpa macaricoro tõi jiricoro Jesu cahapu wihiro, sañurucure:

—Pũhtoro, Davi panamino masare yũhdũchu yoah tiro, yũhare pja ñũga mũhu. Yu macore yũhdũchu yoabasaga mũhu. Yu maco watĩno to cohtotaricoro, ñabiaro yũhdũra ticoro —ni sañurucure to pocoro.

23 To ã nipachũta Jesu ticorore yũhtierare. To ã yoachũ ñũna sã to buheina sehe tirore õ sehe nimai:

—Waha dutiga ticorore. Nu cariboro bisica —nimai sã.

24 Sã ã nichũ tuhoro Jesu õ sehe ni yũhtire ticorore:

—Israe masare Cohamacũre masieraina dihtare yoadoho dutiro warocare yũ Pũcu yũhare —nire tiro.

25 To ã nipachũta Jesu dahpori cahai na tuhcuca caha sũre ticoro tirore ño payoro.

—Pũhtoro, yoadohoga yũhare —nire ticoro.

26 Jesu õ sehe ni yũhtire ticorore:

—Õ sehe jira ahri: Wahmanore wũhu pũro pohna ya chũare dieyacãre yũ wa mũhtachũ tõi wahaerara. (Israe masa yare pa yahpa macainare yũ wa mũhtachũ tõi wahaerara) —nire Jesu ticorore piti dahre yahuro.

27 —Æ tjira pũhtoro. Æ jipachũta dieyacã cũhu wũhu pũro mesa docai ti chũ site boroare chũ cohtara tinacã cũhu. (Pa yahpa macaricoro yũ jipachũta yũhu cũhare yoadoho masina mũhu) —ni yũhtire ticoro.

28 To ã nichũ tiro õ sehe ni yũhtire:

—Ne numino, mũhu yũhare tuaro wacũ tuara. Mũ cahmano seheta ã waharohca —nire Jesu ticorore.

To ã nichũta dõhta noaricoro wahare to macono.

Payũ dohatiinare noaina wahachũ yoaha Jesu

29 Æ ni tuhsu sãre sũho waha, Galilea wama tiri bũcupariro dũhtũ cahapu sũho sũre tjoa. Sũ, mahadũcã tũcũre mũja, tũ buipũ dujire. 30 Tõi to jichũ payũ masa tini

masierainare, capari ñũerainare, cũ bũhũsehe ñano dahporo tiinare, durucu masierainare, payũ paina dohatiinare tiro cahapu na wihire masa. Na wihi tuhsu Jesu dahpori cahai duhu cũre tina. Ti ã duhu cũri baharo noaina wahachũ yoare Jesu tinare. 31 To ã yoachũ ñũna masa ñũ cũaa wahare. Durucu masieraina ti durucuchũ ñũna, cũ bũhũsehe ñano dahporo tiina noaina ti wahachũ ñũna, tini masieraina ti tinichũ ñũna, capari ñũeraina ti ñũchũ ñũna, cũaa wahare tina. Æ jia õ sehe nire:

—Israe masa mari pũhtoro, Cohamacũ tuariro, noariro jira —ni ño payore tina Cohamacũre.

Cuatro mil masare chũare waha Jesu

(Mr 8.1-10)

32 To ã yoari baharo Jesu sãre to buheinare to cahapu pjiroca, õ sehe nire:

—Ahrina masa yũhu mehne tia dacho waro ji tuhsũra. Æ yoa tinare ti puhĩ mariahna. Ti puhĩ mariachũ ñũcu tinare pja ñũja. “Tinapu jũca baaina, mahai borari”, nicũ tinare chũa marieno ti wũhũsepũ waha duti duaeraja. Æ jicũ tinare puhĩ wa duaia —nire tiro.

33 To ã nichũ sã to buheina tirore sinitu ñũi:

—¿Dohse yoa mari õre masa marienopũre pãore boca wabocari mari? —nii sã tirore.

34 —¿Nohope curi pão curire cjuajari mũsa? —nire Jesu.

—Siete curi, wahi cũhare mahainacã cjuaja —ni yũhtii sã.

35 Sã ã nichũ tiro masare yahpai duji dutire. 36 Tuhsu siete pão curire, wahicã cũhare na, Cohamacũre “Noana”, nire. Æ ninota pão curire nuha, sãre to buheinare ware. Æ jina sã sehe tí chũare masare witi. 37 Æ jia masa tíre chũ, yapi yũhdũa wahare. Ti yapi wahyorire siete pũhũse waro wahpo dapoi sã. 38 Tõi chũrinare mũa dihtare mari quihõchũ cuatro mil waro mũa jire. Numia, macanacã cũhu jire. 39 Ti ã chũ tuhsũchũ Jesu

masare waha dutire. Æ ni tuhsu dohoriapu samu, Magadán wama tiri yahpapu säre suho sure.

16

Fariseo curua macaina, saduceo curua macaina cãh Cohamacu tuua mehne Jesu to yoa ñochu ñu duamaha (Mr 8.11-13; Lc 12.54-56)

¹ Æ yoa fariseo curua macaina, saduceo curua macaina mehne Jesu cahapu wihire. To ñano yoachu ñu duamare tirore yahusã duaa. Æ jia tina tirore Cohamacu tuua mehne yoa ño dutimare to masierachu ñu duaa, “Cohamacu warocariro jierara”, nia taa. ² Ti ã yoa dutichu Jesu õ sehe ni yuhtire tinare:

—Ñamichahapu sã sãachu to noano sohãchu ñuna “Noari ñami jirohca”, nina musa. ³ Tuhsu, bohrearo ñichuri dacho to jichu ñuna “Coro tarohca”, nina musa. Æ noano masiina jipanahta Cohamacu tuua mehne musare yu yoa ñochu ñupanahta ne tíre noano masierara musa. ⁴ Mipumu macaina ña yuhduina Cohamacure cahmaeraina Cohamacu tuua mehne yu yoa ñochu ñu duamana. Yoa ñosi yuhu. Cohamacu yare yahu muhtariro cjiro Jona cjiro to dohse waharirore masi tuhsure musa. Tí dihtare ñoihtja musare —ni yuhtire Jesu.

Æ ni yahu tuhsu suho wahaa wahare tjoa.

Fariseo curua macaina, saduceo curua macaina ti ñaa buheare yahuha Jesu

(Mr 8.14-21)

⁵ Bucuparirore sã pahãna, pãore bo pahã tari jihti sã. ⁶ Æ jiro Jesu säre õ sehe ni yahure:

—Noano yoanohbu. Fariseo curua macaina, saduceo curua macaina ti pão bucuarore ñuna noano yoaga. Cua nina tí —ni yahure.

⁷ To ã nichu tuhona tãho wisia wahana, sã basi tíre õ sehe ni durucui:

—Mari pãore mari na taerachu ñuno ã nipucu tiro —nimai sã, sã basi.

⁸ Sã ã nirire masino, säre õ sehe ni siniture:

—¿Dohse yoana pão sehere wacũjari musa? Mahanocã waro yuhure wacũ tuara musa. ⁹ ¿Masierasinihari musa? ¿Cinco mil muare cinco pão curire yu nuha warire numia cãhure yu warire wacũerajari musa? ¿Ti yapi wahy-orire doce puhuse waro musa wahpo daporire wacũerajari musa? ¹⁰ ¿Æ jicu siete pão curire nuha, cuatro mil muare yu warire numia cãhure yu warire wacũerajari musa? ¿Nohope puhuse waro musa wahpo daporire wacũerajari musa? ¹¹ ¿Æ jina pão bucuarore yu yahuchu dohse yoana noano tuhoerari musa? Æ nicu pão warore nicu nieraja. Fariseo curua macaina, saduceo curua macaina ti pão bucuarore ñuna noano yoaga. Cua nina tí —ni yahure säre tiro.

¹² To ã ni yahuchapu sã masii. “Pão bucuaro” nino, pão warore nino nierare. Æ nino fariseo curua macaina, saduceo curua macaina ti buheare nino niri jimare säre. “Ti ya buheare tuhoena tjiga”, nino nire.

Jesu potocã Cristo to jiare Cohamacu warocariro to jiare yahuha Pedro

(Mr 8.27-30; Lc 9.18-21)

¹³ Æ yoa Jesu mehne wahana, Cesarea Filipino wama tiri maca cahai jia macaripu sui sã. Tuhsu, macapu sã sari baharo Jesu säre to buheinare siniture:

—¿Diro baro jicari yuhu masa yuhure ti tuhotuchu? —ni siniture tiro.

¹⁴ —“João masare bautisariro jira”, nina muhure. Paina “Elia jira”, nina. Æ yoa paina sehe tjoa, “Jeremía jiboca o paio Cohamacu yare yahu muhtariro cjiro jiboca”, nina —ni yuhtii sã tirore.

¹⁵ —¿Musa sehe musa tuhotuchu diro baro jicari yuhu? —ni sinitu ñure tjoa.

¹⁶ Simo Pedro õ sehe ni yuhtire:

—Muhu Cristo Cohamacu warocariro jira. Cohamacu catiriro waro

macunota jira mahu —ni yuhtire Simo Pedro.

¹⁷ To ã nichu tuhoro Jesu tirore õ sehe nire:

—Simo Jona macuno mahu wahcheriro jira. Õ sehe ni yuhure mu yuhtichu masa ti ni yahuri jierara. Yu Pucu manano macariro sehe tire muhure masichu yoare. ¹⁸ Muhure niita nija. Muhu Pedro wama tiriro jira. (Pedro nino, “tãca”, nino nina.) Ahri tãa wapa bui pjiri wuhure yu yoaboriro seheta yu yaina sehere pjiri curua jichu yoaihca yuh. Æ jia wafino to yaina mehne ne yu yainare yuhdurucasi. Æ jia yu yaina ne pichacaru wahasi. ¹⁹ Manano macariro mari puhtoro to sũho jiro macari sawire muhure waihtja. Æ jicu ahri yahpare ñaare mu yoa dutierachu manoru cãhure yoa dutisi. Ahri yahpare noaare mu yoa dutichu manoru cãhure yoa dutia jahca —nire Jesu.

²⁰ To ã niri baharo sãre to buheinare õ sehe nire:

—Yuhure “Cristo jira tiro”, ni yahu sitesiniena tjiga painare —ni dutire sãre.

Jesu to yariahtore, to masa wijahto cãhure yahuha

(Mr 8.31–9.1; Lc 9.22–27)

²¹ Tí pjata Jesu sãre to buheinare noano yahu pahno ducare:

—Jerusalẽru yuhure waharo cahmana mirure. Tõru mari coyea judio masa bucuna, sacerdotea puhtoa, marine judio masare buheina cãhu yuhure ñano yoaaahca. Yuhure wajãahca. Æta ñano yuhduro cahmana yuhure. Æ jicu tia dacho wahaboroi masa wijaaihca —ni yahure sãre tiro.

²² To ã nichu tuhoro Pedro sehe pa sehe curerocã Jesure narucu su, tirore õ sehe nire:

—Puhtoro, mu nino sehe ã wahaero tjiaro. Muhure tina wajãea tjiaro —nimare tiro Jesure.

²³ To ã nichu tuhoro Jesu mareruca, tirore õ sehe nire:

—Satana yoaro sehe durucui nina muhu. Æ nii tjiga. Mu tãhotua masa

ya jira. Cohamacu ya jierara. Æ jicu yu yoahore ducata duara mahu —nire Jesu Pedroro.

²⁴ To ã niri baharo sãre yahure:

—Cũiro yu yairo ji duaro, to cahmano yoa duamarine duhuno-canohca. Crusaru yu ñano yuhduhtiro seheta yu yairo to jiri buhiri ñano yuhduparota yuhure duhusi. Æ jiro yu yare yoarucuriro jirohca. ²⁵ Masuno yuhure wacũno marieno to mu sũro to cahmano seheta yoariro pichacaru waharohca. Tuhsu, masuno yu yare Æ yoarucuriro jipihtia dachoripe yuh mehne manoru jirucurohca tiro.

²⁶ ¿Cũiro masuno ahri yahpa macaare jipihtiare cjuariro Cohamacure cahmaeraro pichacaru waharo, yabare wapatajari tiro? Æ jiro ne wapataerara. Pichacaru to wahachu ne dohse wapa wiohto basioerara. ²⁷ Yuhu masuno Cohamacu warocariro yu yaina anjoa mehne ahri yahparu tjua tacu yu Pucu to si sitea mehne tjua tacu jipihtina masare ti ñaa yoari buhiri buhiri dahrehtja. Noaa sehere ti yochu noano yoaihtja tinare. ²⁸ Potocã musare yahuihtja. Cãina musa õpore jiina musa yariahto pano yuhure yu tachu yu puhto sãachu cãhure ñnahca —ni yahure Jesu.

17

Jesu to pjacure cohtotaha

(Mr 9.2–13; Lc 9.28–36)

¹ Æ yoa seis dachori baharo Jesu Pedroro, Santiagore to baharo João cãhure madu tucuru tina dihtare pji mujare. ² Manoru ti sũri baharo ti ñurocaroi to pjacure cohtotaha. To wuhduu sũ dacho macariro yoaro sehe si siteha. Tuhsu, to suhtiro buhriaro yoaro seheta yehsea tiha.

³ To Æ cohtotachu Jesu Moise cjiro, Elia cjiro mehne ti sũhduchu ñaha tina tiaro Jesu buheina. ⁴ Æ jiro Pedro Jesure õ sehe nimaha:

—Puhtoro, mari õi jichu noa duara. Mu cahmachu tia wuhucã yoaihtja. Mu ya wuhucã, Moise ya wuhucã, Elia ya wuhucã yoaihtja —nimaha tiro.

⁵ To ã nino watoi me curua noano si sitea me ti bui duji pja wihihata, me curua watoi ò sehe nino coa taha:

—Ahriro yu macu yu cahĩriro jira. Tiro mehne wahcheja. Tirore tuhoga —nino coa taha.

⁶ Æ nino coa tachu tuhoa to buheina cuua waha, yahpai doca caha suha.

⁷ Ti ã wahari baharo Jesu tina cahapu su, tinare bua carerota, ò sehe niha:

—Wahcãrucaga musa. Mipure musa ñurire, musa tuhori cãhure cuiena tjiga —niha tiro tinare.

⁸ To ã nichu tina ñuroca, Jesu dhtare ñuha. Ti ñurina cjiri sehe mari-eraha juna.

⁹ Æ jia tãcupu ti duji tachu Jesu tinare tuaro mehne ò sehe niha:

—Michapucacã yu ã waharire painare yahuaena tjiga. Yuhu masuno Cohamacu warocariro yu yaria masa wijaari baharo tíre painare yahuga musa —niha Jesu.

¹⁰ To ã niri baharo Pedro cãhu tirore ò sehe ni sinituha:

—“Cristo masare yuhdohtiro to tahto pano Eliare ta muhtano cahmana”, nina marine judio masa buheina. ¿Dohse jiro baro ã nijari tina? —ni sinituha tina tirore.

¹¹ Jesu ò sehe ni yuhtihata:

—Potocã tjira. Eliare ta muhta dutire Cohamacu, jipihtiare cahno muhtahtirore. ¹² Ò sehe nicu musare nii nija. Elia wihi tuhsure. To ã wihipachata tina tirore ne ñu masierare. Æ jia ti dohse yoa duaro ñano yoari jire tirore. Æta yoaahca yuhu cãhure. Yuhu masuno Cohamacu warocariro jija. Ti ã yoachu ñano yuhduihca yuhu —niha Jesu.

¹³ To ã ni yahuchu tina noano tuhoha. “Elia” nino, João bautisarirore nino niha. Tíre masiha tina.

Jesu ñama yaria munare dohatirore yuhdoha

(Mr 9.14-29; Lc 9.37-43)

¹⁴ Æ yoa payu masa cahapu ti duji tachu ñuno cãiro muno Jesu cahapu su, na tuhcuca caha sure.

¹⁵ —Puhtoro, yu macucãre pja ñuga. Tiro ñama yaria munare dohatirore

jira. Æ jiro tiro ñabiaro yuhdura. Payu tahari pichacapu bora su caha mujana tiro. Cãa tahari diapu bora ñoja mujana. ¹⁶ Æ jicu mu buheina cahapu tirore na sumahi. Tina tirore noariro wahachu yoa masierare —nire tiro Jesure.

¹⁷ Jesu ò sehe ni yuhtire:

—Mipu macaina, musa ñaa buhiri tiina jira. Yuhure ne wacũ tuaerara. Yoabiari pja musare buhemaja yuhu. ¿Noho puro yoari pja yuhure musa caribobocari? Tirore na tahga yuhure —nire Jesu.

¹⁸ Æ jiro watĩnore to tuhtichata watĩno sehe masunocãre sãariro cjiro wahaa wahare. To ã wahari baharocãta noariro wahare tiro.

¹⁹ Baharo sã to buheina sã sahsero jina Jesure ò sehe ni sinitui:

—¿Dohse yoana sã sehe ahriro sehere watĩnore cohã masierari, mu tuhhotuchu? —ni sinitui sã.

²⁰ Jesu ò sehe ni yuhtire:

—Yuhure mahanocã wacũ tuara musa. Potocã musare yahuita nija. Mostaza yapacã mahari yapacã jiparota duropu pjidũ wahara. To ã wahariro seheta Cohamacure wacũ tuana ò sehe wahachu yoa masinahca musa. Ahdu tãcure “Sohõpu wahaga”, musa nichu, waharohca. Cohamacure tó seheta wacũ tuana, jipihtiare yoa masina musa. ²¹ [Wiho mejeta ahriro baro watĩnore musa cohã duana Cohamacure tuaro sinino cahmana musare. Æ yoa duana chu duhuro cahmana musare Cohamacure sinina tana] —nire Jesu sãre.

Pari turi Jesu to yariahtore, to masahtore yahua

(Mr 9.30-32; Lc 9.43-45)

²² Æ yoa Galilea yahpapu sã tinichu, Jesu sãre ò sehe ni yahure:

—Yuhu masuno Cohamacu warocariro jija. Masa yuhure ñaha, painapure yuhure waahca. ²³ Æ ti wari baharo yuhure wajãahca tina. Æ ti wajãricu tia dacho wahaboroi masa wijaaihca —ni yahure tiro sãre.

To ã ni yahuchu tuhona tuaro cahyai sã.

Cohamacu wuhu macaa wapa cjihtire sinituha paina

²⁴ ã jina Capernaupu sã sũchu, Cohamacu wuhu macaa cjihtire wapa na cohtaina Pedro cahapu sũ, tirore õ sehe ni sinitu ñure:

—¿Mũsare buheriro Cohamacu wuhu macaa wapa cjihtire wapajari tiro? —ni siniture tina.

²⁵ —Wapara tiro —ni yũhtire Pedro.

To ã niri baharo wũhũru to sãachu Jesu õ sehe ni sinitu mãhtare Pedroe:

—¿Simo, dohse ni tũhotujari mũhu? ¿Ahri yahpa macaina pũtoa yabaina sehere wapa cahmajari, mũ tũhotuchũ? ¿Tina mehne macainare wapa cahmajari? ¿O pa yahpa macaina sehere wapa cahmajari, mũ tũhotuchũ? —ni siniture tiro Pedroe.

²⁶ —Pa yahpa macaina sehere wapa cahmana —ni yũhtire Pedro.

To ã nichu Jesu õ sehe ni yahure:

—Ã jiro pũhtoro to ya yahpa macainare wapa cahmaerara. ²⁷ ã jipachũta wapa na cohtainare suachu yoa duaeraja mari. ã jina wapanahca tinare. Вѣспариropũ wahaga. Тópu sũ, yohgarĩ canore doca ñoga. ã yoacu wahi mũhũre chũrirore tuãga. To dũseropũ niñeru tũre bocaihca mũhu. Tĩ tũ quihõno wapa tiri tũ jirohca. Yũhũre, mũhu cũhũre Cohamacu wuhu macaina ti wapa cahmachũ noano quihõno mũ sũrohca tí tũ. Tĩ tũre bocacu mari wapamonore wapai wahaga —nire Jesu Pedroe.

18

Jesubuheina tina mehne macarirore pũhtoro sõ duaã nimaha

(Mr 9.33-37; Lc 9.46-48)

¹ Tĩ pjare sã to buheina Jesu cahapu sũ, õ sehe ni sinitui tirore:

—¿Mũano macariro pũhtoro to sũho jiropũre sã mehne macariro

diro baro sehe wahabocari pũhtoro? —ni sinitui sã.

² Sã ã nichu Jesu nijinocãre pjiroca, tirocãre sã panoi duhu dapore. Duhu dapo tuhsũ, sãre õ sehe nire:

³ —Potocã mũsare yahu bahrañoihtja.

Ahrina macanacã Cohamacũre ti pũhtoro waro tũhotura. ã jina mũsa cũhu pano mũsa tũhotumari cjirore cohtotaerana, tinacã yoaro sehe tũhotuerana mũano macariro pũhtoro to sũho jiropũre wahasi mũsa. ⁴ ã jiro mũano macariro pũhtoro to sũho jiropũre niji siaroca yoariro painare yũhdũruca duaerariro ahriro nijinocã yoaro sehe tũhoturota paina bui pũhtoro wahara. ⁵ ã jina yũ yare yoana tana õ sehe jĩnacãre cahmana, yũhu cũhũre cahmana mũsa —ni yahure Jesu.

Ñaare yoachu cua nina
(Mr 9.42-48; Lc 17.1-2)

⁶ ã ni yahu tuhsũ, tinare õ sehe ni yahu namore:

—Ahrirocã sehe jiriro yũhũre wacũ tuarirocãre yahuihtja mũsare. Pairo ahrirocã sehe jirirore ñaare yoa dutiro tiro ñabiaro yũhdũrohca. Cũirore to wamũare pjiria tãcare dũhte yo, pjiri mapũ tirore ti cohãchu ñano wahaboa tiro. ã jiro ahrirocã sehe jirirore ñaare yoa dutiriro tiro sehe pjiri mapũ ti cohãriro yũhdoro ñano yũhdũrohca. ⁷ Masare ñaare yoachu yoaa jira. Tĩre yoaa ahri yahpa macaina ñano yũhdũra. Ñaare yoarucura masa. Ti ã yoachu tinare ñaare yoachu yoaina sehe ñabiaro yũhdũhca.

⁸ 'Mũ wamomaca mehne ñano yoacu tí wamomacare mũ dũte cohãboro seheta tí mũ ñaa yoaa sehere duhuga. Tĩre duhueracu pichacapũ wahaihca. Тópu ne pichaca yatierara. Mũ wamomacare mũ cohãchu tí si dihta butiboa. Tuhsũ, mũhu sehe ã si jipaihta baharo Cohamacũ mehne jiihca. Pũa wamomaca mehne pichacapũ wahacu mũ ã wahachu ñaa yũhdũaboa mũhũre. ã jicũ tí mũ ñaa yoaa sehere duhuga.

'M_u dahporo mehne ñano yoac_u tí dahporo cãhure m_u dute cohãboro seheta tí m_u ñaa yoaa sehere duhuga. Tíre duhuerac_u pichacarp_u wahaihca. Tópr_ure ne pichaca yatierara. M_u dahporore m_u cohãch_u tí si dihta butiboa. Tuhs_u, ã si jipaihta baharo Cohamac_u mehne jiihca. P_ua dahporo mehne pichacarp_u wahac_u m_u ã wahach_u ñaa yãhdãboa m_uhure. ã jic_u tí m_u ñaa yoaa sehere duhuga.

⁹ 'M_u capariaca mehne ñano yoac_u tiare orewe m_u cohãboro seheta tí m_u ñaa yoaa sehere duhuga. Tíre duhuerac_u pichacarp_u wahaihca. Tópr_ure ne pichaca yatierara. Tiare m_u cohãch_u tia dihta butiboa. Cã b_uhusehe capariaca mariapaihta baharo Cohamac_u mehne jiihca. P_ua capariaca mehne pichacarp_u wahac_u m_u ã wahach_u ñaa yãhdãboa m_uhure. ã jic_u tí m_u ñaa yoaa sehere duhuga —ni yahure Jesu.

*Oveja butiro quitire yahuha Jesu
(Lc 15.3-7)*

¹⁰ ã ni tuhs_u, tinare ò sehe ni yahu namore:

—Ne, ahrinacãre macanacãre ñ_u yabiena tjiga. M_usare niita nija y_uh_u. Tinacãre ñ_u wihboina anjoa m_uanop_u jina sehe y_u P_uc_u cahap_u ã jirucura. ¹¹ [Y_uh_u mas_uno Cohamac_u warocariro ahri yahrap_u pichacarp_u wahaborinare yãhdãch_u yoai tai nii y_uh_u] —ni yahure Jesu.

¹² ã ni tuhs_u to tãhotua mehne ò sehe ni quiti dahre buhere sãre:

—Ovejare ñ_u wihboriro cien ovejare c_umariro cãiro oveja butia wahach_u ò sehe yoarohca tinare ñ_u wihboriro sehe. Paina ovejare noventa y nueve ovejare ti ch_uri campop_u duhu dapo, butirirore macano waharohca.

¹³ Potocã niita nija m_usare. Tirore bocaro wahcherohca tiro. Paina noventa y nueve dãhsaina mehne wahchera tiro. Tinare to wahcheriro yãhdoro butirore sehere bocaro taro wahcherohca. ¹⁴ Tó seheta ñ_u wihboriro oveja to butich_u cahmaeraro seheta m_usa P_uc_u m_uano macariro ahri na wiho jina cãhure pichacarp_u

ti wahach_u cahmaerara —ni yahure Jesu.

*M_u coyeiro m_uhure ñano to yoach_u
ò sehe yoa dutiha Jesu
(Lc 17.3)*

¹⁵ ã ni tuhs_u ò sehe ni yahu namore:

—M_u coyeiro m_uhure ñano to yoach_u tiro mehne sãhdudi wahaga. M_usa sahsero tíre sãhduga. M_u ã yoach_u tiro m_uhure tãhoboca. To tãhoch_u “M_uhure ne pari turi ò sehe yoasi y_uh_u”, to nich_u m_u coyeirore pari turi piti tii nica m_uh_u. ¹⁶ M_uhure to tãho duaerach_u pinihta cãiro mehne waha duac_u o p_uaro mehne waha duac_u tinare piti ti wahcã, pari turi tirore sãhduna wahaga. M_usa ã yoach_u m_usare p_uaro o tiarore to tãhoeraputiach_u ñ_una paina Jesu yainare tirore yahusãga, Cohamac_u yare ti joari p_u to niriro seheta. ¹⁷ ã jina m_usa mehne macaina cãhure to tãho duaerach_u jipihtina Jesu yaina cahmachuinare yahusãna wahaga. ã jina Jesu yaina cahmachuinare to tãho duaerasinich_u ñ_una Cohamac_ure cahmaerarirore m_usa yoaboriro sehe yoaga tirore. Wapa na cohtarirore m_usa yoaboriro sehe yoaga tirore.

¹⁸ 'Potocã m_usare niita nija. Ahri yahpai m_usa Jesu yaina ñaare m_usa yoa dutierach_u m_uanop_u cãhure yoa dutisi. Ahri yahpai m_usa noaare yoa dutich_u m_uanop_u cãhure yoa dutia jiahca.

¹⁹ 'Pari turi m_usare yahuihtja ahrire: M_usa p_uaro Cohamac_ure sinich_u, m_usa p_uaro m_usa sinirire cãno potori m_usa tãhotuch_u y_u P_uc_u m_uano macariro tíre yoarohca. ²⁰ P_uaro o tiaro y_u yaina y_u yare yoahina cjihti ti cahmachuch_u y_uh_u tina mehne jija —ni yahure Jesu.

*Cahamac_uno paio to wapa-
monore to bo duaerari quitire yahuha
Jesu*

²¹ Baharo Pedro Jesu cahap_u s_u, ò sehe ni siniture:

—¿Pũhtoro, yũ coyeyiro mũ yairo payũ tahari yũhũre ñano to yoachũ ñũcũ nohope tahari tíre boihcari yũhũ? ¿Siete tahari boihcari yũhũ? — ni siniture Pedro.

²² Jesu õ sehe ni yũhtire:

—Siete tahari dihta mũhũre paio to ñano yoarire mũ bochũ tó wahaerara. Payũ tahari mũhũre ñano to yoachũ cũhũre boga.

²³ 'Mũano macariro masa bui pũhtoro to sũho jiro ahri quití yoaro sehe jira. Jipihtina masa bui pũhtoro jiriro tirore dahra cohtainare tirore wapamoinare wapa pahño duti dutimaha. ²⁴ Ti wapamori cjirire to quihõ dũcachũ, tirore dahra cohtaina sehe pjíro wapamorirore tiro cahapũ na taha. Wapamoriro pjibiario wapamoha to pũhtoro.

²⁵ ã jiro tiro to wapa masierachũ ñũno to pũhtoro tirore, to namonore, to pohñare cahamaca sõ, tinare painare dua dutimaha. ã yoa jipihtia to cjũaa cũhũre dua duamaha, to wapamonore wapa dutiro. ²⁶ To ã dua dutichũ pjíro wapamoriro sehe na tuhcuca caha sũ, to pũhtoro tuaro siniha: “Pũhtoro, yũhũre pja ñũcũ cohtasiniga. Mũhũre wapa pahñoihca”, niha tiro to pũhtoro.

²⁷ To ã nichũ tũhoro, tirore pja ñũno to wapamorirore ãta bonocaha.

²⁸ To ã yoari baharo pjíro wapamoriro cjiro sehe waha, paio dahra cohtarirore tirore mahanoçã wapamorirore boca sũha. ã boca sũro wamũa ñahaha tirore. “Yũhũre mũ wapamonore wapa bahrañoga”, niha tiro tó mehne macarirore to yoaro sehe dahra cohtarirore. ²⁹ To ã nichũ paio dahra cohtariro sehe na tuhcuca caha sũ, tirore tuaro sinimaha. “Yũhũre pja ñũcũ mahanoçã cohtasiniga. Mũhũre wapa pahñoihca”, nimaha paio dahra cohtariro tirore. ³⁰ To ã ni sinipachũta tó mehne macariro tirore yũhtieraha. Tuhsũ, tiro paio dahra cohtarirore peresu yoa dutiha. Pũ to wapa pahñochũpũ wiorohca tirore.

³¹ Pjíro wapamoriro cjiro mahanoçã

wapamorirore to ñano yoachũ ñũ, susini, paina dahra cohtaina sehe ti pũhtoro yahusãa wahaha. ³² Ti ã ni yahusãchũ tũhoro ti pũhtoro ti yahusãriroro pjíroca, õ sehe niha: “Mũhũ ñabiariro jira. Mũ yũhũre tuaro sinichũ mũ wapamorirore bo pahñomahi yũhũ. ³³ Mũhũre yũ ã yoapachũta mũhũ sehe mũhũre wapamorirore boerayuhti. Mũ wapamoriro sehere yũ boriro seheta tiro mũhũre to wapamoriro cũhũre mũ bochũ noabiaboa. ¿Dohseacu tirore pja ñũerari mũhũ ã yoacu?” niha to pũhtoro tirore. ³⁴ ã nino tuaro sua, peresu yoaha tirore dahra cohtarirore. Pũ to wapa pahñochũpũ wiorohca —ni yahure Jesu.

³⁵ ã ni tuhsũ, õ sehe ni ahri quitire yahu batoare:

—Tó seheta yoarohca yũ Pũcũ mũano macariro mũsare. Mũsa jipihtina mũsa coyeyã mũsare ti ñano yoarire noano mũsa bo pahñoerachũ tiro mũsare buhiri dahrerohca —nire Jesu.

19

Ti namosãnumiare cohãare yahuha Jesu

(Mr 10.1-12; Lc 16.18)

¹ Tíre to ã ni yahuri baharo tiro Galileai jiriro Judea yahpapũ sãre sũho wahare. Jordão pa buhũsehe coapũ sũi sã. ² Tórpũ sã wahachũ payũ masa sãre nũnũ ti wahcãre. Tina mehne macainare dohatiinare noaina wahachũ yoare tiro.

³ ã yoa cãina fariseo curua macaina Jesure yahusã duaa, ñano to durucuchũ tũho duaa, tirore õ sehe ni sinitu ñũre:

—¿Mari cahmano seheta mari namore cohãchũ noabocari? ¿Mari dutia sehe tó seheta yoa dutijari, mũ tũhotuchũ? —ni sinitu ñũre tina.

⁴ Jesu õ sehe ni yũhtire:

—¿Cohamacũ yare ti joari pũi ne ahrire buherasiniri mũsa? Õ sehe ni joaa tiha: “Wahmanopũre ahri yahpare bajuamehneriro mũano, numino cũhũre yoaha”, ni joaha. ⁵ Tuhsũ

õ sehe ni joa namoha: “Mũno to pũcũsumare cohã wija, to namono mehne jirohca. ã jia tina pũaro jipahta cũ pjacu yoaro seheta jira”, ni joa namoa tiha. ⁶ ã jia tina pũaro yoaro sehe jierara. Cũ pjacu yoaro sehe jia nina. Cohamacũ to wamomaca dũhte dutiina jira. ã jia tinare duhueraro cahmana —nire Jesu tinare.

⁷ To ã nichũ fariseo curua macaina õ sehe ni siniture tjoa:

—Mũ ã ni yahupachũta õ sehe ni joaa tiha Moise cjiro sehe: “Mũ namore cohã duacu papera pũi tíre joaga. ã joacu tí pũre mũ namore mũ wari baharo ticorore cohã masina mũhũ”, ni joaa tiha Moise cjiro. ¿Mũ nino sehe jipachũta Moise cjiro sehe dohsearo õ sehe ni joari? —ni sinitu namore tina tirore.

⁸ Jesu õ sehe ni yũhtire tinare:

—Cohamacũre masa ñũchũsuma ti tũho duaerachũ ñũno ti namosãnumiare ti cohãchũ, “Áta yoawahnojarõ”, ninocaa tiha Moise. To ã nipachũta wahmanopũre ahri yahpare ã jierare. ⁹ Mũsare niita nija. Masũno to namono to ñãno yoaerapachũta ticorore cohãno, pacorore namo tiro, tiro pacoro mehne ñãno yoaro nina. [Tuhsũ, ahriro to cohãricorore namo tiriõ cũhũ ticoro mehne ñãno yoiro jira] —nire Jesu.

¹⁰ To ã nichũ tũhona, sã to buheina sehe tirore õ sehe nii:

—Tõ sehe mũno to namono mehne ti cahma cohãerachũ mari sehene mari namo tierachũ noaboca —nii sã.

¹¹ Jesu õ sehe ni yũhtire:

—Mũsa nino seheta jira. ã jiro cãinare namo ti dutierara Cohamacũ. ¹² Mũare namo ti dutieraa cãa jira. Cãina mũa numiare cahmaeraina masa bajuara. Paina mũa masa ti wapãri tũhoca ti warina sehe namo ti masierara. Paina mũa mũano macariro ti pũhtoro yare yoadoho duaa, namo tierara. ã jia ahriina namo ti duaeraina ãta tũhotunocaina, tõ seheta ti ji sohtori tichũ noana —nire Jesu sãre.

Macanacã ya cjihtire Cohamacũre sini payoha Jesu

(Mr 10.13-16; Lc 18.15-17)

¹³ ã yoa masa macanacãre Jesu cahapũ na wihire. ã na wihia, tina Jesure to wamomacare tinacã bui ñã payo duti duamare. ã yoa tinacãre Cohamacũre sini payo duti duamare Jesure. Ti ã yoachũ ñũna sã to buheina tinare tuhtimahi. ¹⁴ Sã ã tuhtichũ ñũno, sãre Jesu õ sehe nire:

—Macanacã yũ cahapũ tajaro. “To cahai wahaena tjiga”, niina tjiga tinacãre. Tinacã Cohamacũre ti pũhtoro tũhotura. pũhtoro Cohamacũ to sũho jiina ahriacã yoaro sehe tũhotuina baro dihta jira —nire Jesu sãre.

¹⁵ ã ninota to wamomacare tinacã bui ñã payo tuhsũ, wahaa wahare.

Pache pũro Jesure sinitu ñũha

(Mr 10.17-31; Lc 18.18-30)

¹⁶ To ã yoiro baharo cãiro masũno Jesu cahapũ wihi, siniture tirore:

—¿Ne, buheriro, jipihtia dachoripe Cohamacũ mehne ã jirucu duacu, noaare yoa duacu di baro sehene yoabocari yũhũ? —nire tiro.

¹⁷ —¿Dohse jiro baro yũhũre noaa barore ni sinitujari mũhũ? Cohamacũ dihta noariro jira. Jipihtia dachoripe Cohamacũ mehne ã jirucu duacu to dutiare yoaga —nire Jesu.

¹⁸ —¿Di baro dutia sehene nii nijari? —ni sinitu namore tiro.

Jesu õ sehe ni yũhtire:

—Masare wajãecu tjiga. Namõ tiriropũ paye numia manũ tia numia mehne jiecũ tjiga. Yacaecu tjiga. Mahũõa mehne painare yahusãecu tjiga. ¹⁹ Mũ pũcũsumare ñõ payoga. Mũ basi mũ cahũno seheta mũ cahai jiriõ cũhũre cahũga. Ahri dutiare yoaihca mũhũ —nire Jesu.

²⁰ —Ahri dutiare ne yũhdũrũcaera tihũ yũhũ. ¿Dohse yoa namoihcari yũhũ jipihtia dachoripe Cohamacũ mehne jirucu duacu? —nire tiro Jesure.

²¹ To ã nichũ tũhoro Jesu õ sehe ni yahu namore:

—Muhu ñaa buhiri marieriro ji duacu mu ya jipihtiare duai wahaga. Ñ duacu jipihitia mu wapatariniñerure pjacuoinare waga. Mu ã yoachu payu mu wapataa manopu, Cohamacu cahapu jiyuahca. Mu ã yoari baharo yuhu mehne macariro cjihto taga — ni yahure Jesu.

²² To ã nichu tũhoro tuaro cahyare. Tiro payu pache cjuariro jiro, tíre pjacuoinare wa duaeraro, cahya, wahaah wahare.

²³ To ã wahari baharo Jesu sãre to buheinare õ sehe ni yahu namore:

—Potocã musare niita nija. Pache puero puhtoro Cohamacu to sũho jiropure to waha duachu mijobiara.

²⁴ Musare yahu namoihtja: Camello sehe awicã copapu to sãa nuhri wijaa duachu basioerara tirore. To ã jiro yũdoro pache puero puhtoro Cohamacu to sũho jihtopu to waha duachu mijobiara —nire tiro.

²⁵ To ã nichu tũhona sã cãaa waha, sã basi õ sehe nii:

—Cue, to nino seheta jichu, ne cãiro masũno Cohamacu cahapu waha masieraboca —nii sã basi.

²⁶ Sã ã nichu Jesu sãre ñũroca õ, õ sehe ni yahure:

—Masa ti basi ti mu sũro yũhdu masierara. Wiho mejeta Cohamacu sehe masare pichacapu waha borinare yũhdo masina. Tiro jipihitiare noano yoa masi pahñoriro jira —nire tiro sãre.

²⁷ To ã nichu Pedro tirore õ sehe nire:

—Tũhosiniga. Sã sehe sã ya jipihitiare cũnocaa tii muhu mehne wahana tana. ¿Sã õ sehe yoana, dohse jiare wapatanahcari sã? —nire tiro.

²⁸ To ã nichu tũhoro õ sehe nire Jesu:

—Musare niita nija: Pihtiri dacho jichu jipihitia wahma dihta cohtotaahca. Tí pjarure yuhu masũno Cohamacu warocariro yuhu puhtoro yu dujiroi si siteroi dujihca yuhu. Tói yu dujichu musa cũhu doce dujia pahtarihi puhtoa ti dujia pahtarihi dujinahca. Ñ jina Israe masare doce curuari macainare besenahca musa

noaina, ñainare. ²⁹ Ñ yoa yu yare yoana tana musa wũhusere, musa bahanare, musa pũcusumare, musa pohñare, musa weserire cũnocarina jina, pjíro wapatanahca. Tuhsu, jipihitia dachoripe Cohamacu mehne jirucunahca. ³⁰ Wiho mejeta mipure payu puhtoa jirina cjiri tí pjarure wiho jiina tjuanocaahca. Tuhsu, mipure payu wiho jiina jirina cjiri tí pjarure puhtoa cohtotaahca tjoa —ni yahure Jesu sãre to buheinare.

20

Se wesere dahraina quitire yahuha Jesu

¹ Ñ yoa Jesu pari turi to tũhotua mehne piti dahre õ sehe ni yahu namore tjoa:

—Mũano macariro masa bui puhtoro jira. Wese puero quitu mehne puhtoro Cohamacu to sũho jirore yahuihtja musare. Tiro wese puero bohrea parĩcaroi to wesere dahrahtinare pjiro wahaha. ² “Cũ tu niñeru tu wapaihtja cũ dachore”, niha tinare. “Jai”, niha dahrahtina. Ti ã nichu wesepu dahra dutiro warocaha tiro tinare. ³ Ñ yoa dachopu nueve hora jichu pache duaropu wahaha tiro. Tópu sũro, paina dahraerainare ñũha. ⁴ Ñ ñũno tinare õ sehe niha: “Musa cũhu yu wesere dahrana wahaga. Noano wapaihtja”, niha tiro tinare. ⁵ To ã nichu tũhoa, tina cũhu wesepu dahraa wahaha. Ñ yoa wese puero cohari pja jichu, ñamichahapu tres hora jichu cũhure painare dahra dutiha. ⁶ Ñ yoa ñamichahapu cinco hora jichu pache duaropu tiro wahaha tjoa. Tópu sũ, paina dahraerainare ñũno, tinare õ sehe niha: “¿Ne yaba barore yoerapanahca cũ dacho ñũrucu nahñojari musa?” ni sinitu ñũha tinare. ⁷ “Ne, sãre dahraa mariahna”, ni yũhtiha tina. “Musa cũhu yu wesere dahrana wahaga”, niha tinare. Ñ jia to niriro seheta to wesere dahraa wahaha. ⁸ Ñ yoa ñamichahapu dahra duhuri pja jichu wese puero to yaina dahrainare

cohtaritore õ sehe niha: “Dahrainare p̄jiga. Ti wihich̄u tinare wapaga. Ti baharop̄u ȳu dahra dutirinare wapa m̄uhtaga. Tinare wapa tuhs̄u, paina c̄uh̄are wapa tuhs̄u, ȳu dahra duti m̄uhtainare wapa batoaga j̄una”, niha tiro. ⁹ ã yoa cinco hora jich̄u dahra d̄ucainare c̄u t̄u niñeru t̄u wapa. ¹⁰ To ã wapach̄u ñ̄ua, “S̄are bui curero waparohca”, ni t̄uhotumaha to duti m̄uhtaina cjiri sehe. Tina c̄uh̄are c̄uno potori wapanocaha. ¹¹ ã jia niñerure to wapach̄u ti p̄uhtoro mehne susinia ti basi õ sehe cahma niha: ¹² “Ahrina s̄a baharop̄u to dahra dutirina sehe c̄u horata dahrahe. S̄a sehe c̄u dacho noano dahra nah̄oamahi. Ñano s̄u sihre s̄are. S̄a ã yoari p̄ja dahrapach̄ata s̄a baharop̄u dahra d̄ucaina c̄uh̄are c̄uno potoriga wapanocahre tiro”, ni suaha tina ti basi. ¹³ C̄airo tina mehne macariro to ã nich̄u t̄uhoro, wese p̄uro ȳuhtih̄a tire: “Ne coyeiro, ‘C̄u t̄u niñeru t̄ure wapait̄ja’, nimahic̄u m̄usare. Ȳu ã nich̄u ȳuhtih̄re m̄usa. ã jich̄u ȳu niriro sehet̄a m̄usare wapahi ȳuh̄u. Quih̄ono wapahi m̄usare. Ne yacaerahi m̄usare. ¹⁴ ã jich̄u ȳu waparire na, m̄u w̄uh̄up̄u t̄juahga. Ahriroro baharo ȳu dahra dutiriro c̄uh̄are m̄usare ȳu wapariro purota wapait̄ja. ¹⁵ Ȳu ya niñeru jira ahri. ã jich̄u ȳu cahmano sehet̄a ahri mehne wapait̄ja. ¿Painare ȳu noano wapach̄u ñ̄u tuhtijari m̄uh̄u?” niha tiro wese p̄uro —ni yahure tí quitire Jesu.

¹⁶ ã nino, õ sehe ni yahu namore tiro:

—Ahri quiti ti nino sehet̄a baharo macari curua wiho jiina yoaro sehe ya curua ji m̄uhtari curua p̄uhtoa ya curua jirohca m̄uanop̄u. ã yoa ji m̄uhtari curua p̄uhtoa ya curua cjiro sehe ti baharop̄u macari curua wiho jiina ya curua t̄juarohca m̄uanop̄u —ni yahure Jesu.

Pari turi Jesu to yariahtore, to masa wijaahtore yahuha
(Mr 10.32-34; Lc 18.31-34)

¹⁷ ã yoa Jerusal̄ep̄u wahana c̄unoihta waharucuma, s̄are doce to buheinare p̄jiroca tuhs̄u, pa sehep̄u s̄a dihtare naahre Jesu. S̄a sahsero s̄a jich̄u s̄are õ sehe ni yahure:

¹⁸ —T̄uhoga ȳuh̄are. Mir̄ure Jerusal̄ep̄u wahana nija mari. T̄op̄u ȳuh̄are mas̄unore Cohamac̄u warocariroro ñ̄aha, painap̄ure ȳuh̄are waahca. Sacerdotea p̄uhtoare, mari coyea judio masare buheina c̄uh̄are ȳuh̄are waahca. ã jia ȳuh̄are wajã dutiahca tina. ¹⁹ ã wajã dutia, judio masa jieraina sehere ȳuh̄are waahca. Ti ã wari baharo tina sehe ȳuh̄are b̄uj̄upe, tjana, crusap̄u c̄jã puhaahca ȳuh̄are. ã jii ȳu yariari baharo tia n̄um̄u wahaboroi masa wijaaahca —ni yahure Jesu s̄are.

Santiago, João mehne ti pocoro tinare sinibasaha Jesure

(Mr 10.35-45)

²⁰ ã yoa Zebedeo namono p̄uro to pohna mehne Jesu cahap̄u s̄u, na tuhcuca caha s̄aha tire sinino taro:

²¹ —¿Dohse ȳu yoach̄u cahmajari m̄uh̄u? —niha Jesu ticorore.

—M̄uh̄u p̄uhtoro s̄aac̄u ȳu pohnare dutiina s̄oga. ã yoac̄u m̄u p̄j̄u b̄uh̄useheri batoï dapoga tinare —ni siniha ticoro.

²² Jesu õ sehe ni ȳuhtih̄a:

—M̄usa ñ̄ano ȳuh̄duhtore masierapanahca ã sinina m̄usa. ¿Mir̄ure ȳu ñ̄ano ȳuh̄duhtore sehet̄a m̄usa c̄uh̄u ñ̄ano ȳuh̄d̄una c̄uno p̄jabocari m̄usa? —niha Jesu ticoro pohnare.

—C̄uno p̄janahca —ni ȳuhtih̄a Santiago, João mehne.

²³ —Potocã tjira. Ȳu ñ̄ano ȳuh̄duhtore sehet̄a ñ̄ano ȳuh̄d̄unahca m̄usa c̄uh̄u. Wiho mejeta ȳuh̄u mehne dutihtinare, ȳuh̄u mehne dujhtinare bese masieraja ȳuh̄u. Ȳu P̄uc̄u sehe cahno tuhs̄ure tíre. ã jia to besh̄tina dihta ȳu poto b̄uh̄usehei ȳu c̄õ b̄uh̄usehei dujiahca —niha Jesu tinare.

²⁴ ã jina s̄a paina diez to buheina sehe Santiago, João ahrina p̄uro mehne susinii s̄a. Jesure ti pocoro

to sinibasarire tahoma susinii tina mehne. ²⁵ Sã ã susinichu ñuno, Jesu sãre jipihtina to buheinare pji cahmachu, õ sehe ni yahure sãre:

—Cohamacure masieraina puhto sehe ti masare dutia, purino mehne dutira. ²⁶ Musa sehe ne ã yoasi musa basi. Musa mehne macariro puhtoro ji duaro, jipihtina tiro mehne macaina cahamacuno jiro cahmana tirore. ²⁷ ã yoa jipihtinare dutiro jiro duaroro paina cahamacuno jiro cahmana tirore. ²⁸ Tó seheta jiro jija yuhu cãhu. Yuhu masuno Cohamacu warocaroro ahri yahpapore masare yoadohocu tacu tai. Tuhsu, payu masa ya buhirire yariai tai nii. ã yoa masare pichacapu wahaborinare yuhduchu yoai tai nii —nire Jesu sãre.

Puaro capari bajuerainare ñuchu yoaha Jesu

(Mr 10.46-52; Lc 18.35-43)

²⁹ ã yoa Jericóru jirina sã wahachu payu masa Jesure nunu tire. ³⁰ Ti ã nunu tichu Jesu to yuhduchu puaro capari ñueraina maha duhtu cahai dujiina tãhore. ã tãhoa, õ sehe ni sañurucure:

—Sã puhtoro, Davi cjiro panamino masare yuhdohtiro, sãre pja ñuga —ni sañurucure.

³¹ Ti ã ni sañurucuchu masa sehe tinare tuhtire:

—Dihta mariaha —nire masa tinare.

Ti ã tuhtichu tãhoa, ti pano sañurucuro yuhdo curero sañurucu namore tjoa:

—Sã puhtoro, Davi cjiro panamino, sãre pja ñuga —ni sañurucure.

³² Ti ã nichu tãhoro Jesu sãrca, tinare pjiroca, õ sehe ni sinitu ñure:

—¿Dohse musare yu yoachu cahmajari musa? —ni sinitu ñure.

³³—Sã puhtoro, sãre ñuchu yoaga —ni yuhtire tina.

³⁴ Ti ã nichu Jesu tinare pja ñure. ã pja ñuno ti caparire ña payore. To ã ña payochuta tina sehe ñua wahare. ã ñua, tirore nunu ti wahcãre.

21

Jerusalẽru sãha Jesu

(Mr 11.1-11; Lc 19.28-40; Jn 12.12-19)

¹ ã yoa Jerusalẽru sã suhto pano Betfagẽ wama tiri macapu su mahtasinii sã Jesu mehne. Betfagẽ tãcu Olivo wama tidu cahai jire. Tõru sãro, sã mehne macainare puaro to buheinare Jesu to pano waroca mahtare. ² Õ sehe ni yahure tinare:

—Sí macapu burroare nana wahaga. Tõru sãna, dóihta burrore to macunocã mehne ti duhte daporicorore boca sunahca. Tinare boca, yuta dare pjã, na tabasaga yuhure. ³ Musa pjãchu ñuno, cãiro dohse jiro, “¿Dohseana tana burroare pjãjari musa?” to nichu tahoma õ sehe ni yuhtiga: “Mari puhtoro burroare cahmarocasinire. Michapucacã tinare wiarohca tiro”, ni yuhtiga tirore —ni duti warocare Jesu to buheina puarore.

⁴ ã yoare Cohamacu yare yahu mahtaroro cjiro to ni joaroro seheta. Õ seheta ni joa tiha panoru:

⁵ “Jerusalẽ macainare õ sehe ni yahuga: ‘Ñuga musa.

Musa puhtoro musa cahapu tara.

Tiro masa noaroro jira.

Burro macunocã bui pisaroro tarohca’, ni yahuga Jerusalẽ macainare”, ni joa tiha panoru.

⁶ Jesu to dutirocaina puaro tí macapu su, to dutirore seheta yoaha tina. ⁷ Burrore, to macunocã cãhure na ta, ti bui sãa suhtire tjuwe na, burrocã bui pjũpaha payore tina. Ti ã yoari baharo Jesu tirocã bui mija pjare waharo taro. ⁸ Mija pja tuhsu, tirocã bui Jerusalẽru wahare. To tachu ñua masa payu ti bui maca suhtire tjuwe na, saño cã mahtare to wahahti mahai, Jesure ño payoa. Paina sehe pãri tia dũpãrã mahai duhu cã mahta wahcãre tirore ño payoa. ⁹ ã yoa to pano wahaina, to baharo nunu tiina mehne õ sehe ni sañurucure:

—Davi cjiro panaminore marine yuhdohtirore wahche payojihna. Ahriro Cohamacu to warocariro noano jijaro. Mhano macarirore “Tuariro jira”, ni wahche payojihna —ni sañurucure masa.

¹⁰ Ñ jia Jerusalēpu ti suchu tó macaina sehe ñu chua wahare.

—¿Cue, diro baro jijari ahriro? —ni cahma siniture tina.

¹¹ Paina masa ò sehe ni yuhtire:

—Ahriro Cohamacu yare yahu muhtariro Nazare Galilea yahpai jiri maca macariro Jesu wama tiriro jira —ni yahure tina masare.

Cohamacu wuhupu ssha Jesu
(Mr 11.15-19; Lc 19.45-48; Jn 2.13-22)

¹² Baharo Cohamacu wuhupu sure Jesu. Tí wuhupu su, sãa wahare. Tí wuhupu duainare, nuchina cãhure cohã wiore tiro. Ñ yoaro niñeru cohtotaa mesarire na majareroca doca cū mujare. Bujaare duaina ti dujia pahtari cãhure ãta yoare. ¹³ Ñ yoaro tinare ò sehe nire:

—Cohamacu yare ti joari pũi ò sehe nina: “Yu wuhu Cohamacu mehne durucuri wuhu wama tirohca”, nimare to joari pũi. Mhã sehe ahri wuhu duana mhã basi cahma yacara mhã —nire tiro tinare.

¹⁴ To ã yoari baharo capari ñheraina, tini masieraina cãhu Cohamacu wuhupu tiro cahapu wihire. Ti ã wihichu tinare noaina wahachu yoare tiro. ¹⁵ Ñ noaare to yoachu ñu, sacerdotea puhto, marine judio masare buheina cãhu suare tiro mehne. Ñ yoa macanacã Jesure “Davi cjiro panamino masare yuhdohtiro, tuariro jira mhã”, ti ni ño payochu tuhoa tó cãhure tina suare. ¹⁶ Ñ sua ò sehe nire Jesure:

—¿Ti ã nichu tuhoerajari mhã? Ñ niea tjijaro —ni tuhtire tina Jesure.

Ti ã tuhtichu tuhoru Jesu tinare ò sehe ni yuhtire:

—Tina ti ã nichu tuhoja. ¿Cohamacu yare ti joari pũi ahrire ne buherari mhã?

“Macanacãre, wihãinacãre Cohamacure noano ño payochu yoare mhã”,

nina Cohamacu yare ti joari pũi —nire Jesu (“Macanacã yuhare ti ño payochu noana”, nino).

¹⁷ Ñ tuhsu tinare cohã wahcã, Betania wama tiri macapu su, tí ñamine tói jire.

Jesu higuercare yaria dutiha
(Mr 11.12-14, 20-26)

¹⁸ Pa dachoi bohrearopu Jerusalēpu tjuaaro, juca baare Jesu. ¹⁹ Ñ juca baaro, maha duhtu cahai jidu higuercu wama tidure ñno, tu dichare macano wahamare. Dicha mariahe tu sehe. Pũri dihta jire. Tu ã jichu ñno Jesu tare ò sehe nire:

—Ahdũ ne pari turi dicha tisi —nire tiro.

To ã nichuta dóihta tu sehe ñaia wahare. ²⁰ Tu ã wahachu ñna sã to buheina ñu chua wahai.

—Cue, ¿dohsearo ahdũ dóihta ñaia wahajari? —ni sinitui sã.

²¹ Jesu ò sehe ni yuhtire:

—Potocã nii nija mhãre. Cohamacure noano wacũ tuaga. “Potocã ã yoarohca tiro”, nina ahdũre yu yoariro seheta yoa masinahca mhã cãhu. Tuhsu, ahdũre yu yaria dutiriro yuhdoro yoa masinahca mhã. Ahdũ tãcure “Duha na, pjiri mapu cohãdu jijaro”, mhã nichu duha cohãdu jirohca. ²² Cohamacure mhã wacũ tuachu, “Yu siniriro seheta ã waharohca”, mhã ni wacũchu mhã siniriro seheta ã waharohca —nire Jesu sãre.

Jesure dutirirore sinituha paina
(Mr 11.27-33; Lc 20.1-8)

²³ Ñ yoa Cohamacu wuhupu tju su, buhere tiro. To ã buhechu sacerdotea puhto, mari coyera judio masa bucuna mehne tiro cahapu wihi, ò sehe ni siniture:

—¿Dohseacu canure ã yoari mhã? ¿Noa mhãre tãre ã yoa dutiri? —ni siniture tina.

²⁴ Ti ã nichu Jesu ò sehe ni yuhtire:

—Mhã sehere sinitu muhtaihtja. Noano yuhare mhã quihõno yuhtichu mhãre yahuihtja yuhũ

cũhũ. ²⁵ ¿João masare to bautisachũ diro baro sehe tirore bautisa dutia tiari, mũsa tũhotuchũ? ¿O Cohamacũ dutiera tiari? ¿O masa sehe dutia tiari, mũsa tũhotuchũ? —ni siniture Jesu tinare.

To ã nichũ tina sehe ti basi õ sehe nire:

—¿Dohse ni yũhtinahcari mari? “Cohamacũ Joãore dutia tiri jire”, mari nichũ, “¿Dohseana Cohamacũ Joãore to dutipachũta tirore tũho duaerari mũsa?” niboca Jesu marine. ã jina “Cohamacũ Joãore dutia tiri jire”, ni yũhti masieraja mari. ²⁶ Ahrina masa sehe “Potocãta João Cohamacũ yare yahu mũhtariro jire”, ni tũhotua tina. ã ni tũhotua “João to bautisachũ Cohamacũ sehe tirore dutierari jire”, mari nichũ tũhoa masa suaboca mari mehne. ã jina tí cũhare yahu masieraja mari —nire tina ti basi.

²⁷ Ti ã niri baharo Jesure õ sehe ni yũhtire tina:

—Joãore bautisa dutirirore sã masieraja —nire tina.

Ti ã nichũ tũhoro õ sehe nire Jesu:

—Tí pja pinihta yũhũ cũhũ mũsa sinitu mũhtarire yahueraja mũsare. Yũ yoarire dutirirore yahueraja mũsare —nire tiro tinare.

Pũaro pũcũro quitire yahuha Jesu

²⁸ To ã niri baharo Jesu to tũhotua mehne paye quitu mehne piti dahre buhe namore tinare:

—¿Ne, dohse ni tũhotujari mũsa ahri quitire? Pũaro pũcũro jiha. Wahmino sehene õ sehe niha to pũcũro: “Macũ, wesepũ dahrai wahaga”, niha. ²⁹ “Wahaeraja”, ni yũhtimaha to macũno wahmanore. ã niparota baharopũre wesepũ waha duaro jiha tirore. ã jiro wahaha tiro. ³⁰ Tuhsũ, ti pũcũro to macũno dũhsariro cahapũ sũ, to wahminore to dutiriro seheta wesepũ waha dutimaha. “Jai”, nimaha dũhsariro sehe. ã niparota wahaeraha tiro. ³¹ ¿Diro sehe to pũcũro to dutiriro seheta yoari? —ni siniture Jesu.

—To wahmino sehe yoaha —ni yũhtire tina.

Ti ã nichũ Jesu õ sehe ni yahure:

—Mũsare niita nija. Wapa na cohtaina, mũa mehne ñano yoarucua numia ti buipũ waro mũsa sehe ñabiaina jira. ã jia pũhtoro Cohamacũ to sũho jiropũre mũsa sũborirore tina sehe mũsare mũ cõ sũ mũhtaahca. ³² João bautisariro buhero mũsare “Noano yoaga”, ni yahumare. ã to yahuchũ dũhsariro to pũcũrore to yũhtierariro seheta tirore tũhoerare mũsa. ã yoa tirore yũhtierare. Wapa na cohtaina sehe, mũa mehne ñano yoarucua numia cũhũ tirore tũhore. Ti ã tũhochũ ñũre mũsa. Mũsa ã ñũpanahta tirore ne tũho duaerare mũsa. Tuhsũ, tũhoerare mũsa —nire Jesu sacerdotia pũhtoare, mari coyey judio masa bũcũna cũhare.

Ñaina dahra cohtaina quitire yahuha Jesu

(Mr 12.1-12; Lc 20.9-19)

³³ ã yoa Jesu pari turi to tũhotua mehne õ sehe ni piti dahre tinare buhe namore:

—Ahri quitire tũhoga mũsa. Yahpa pũro jiha. Tiro to ya yahpai se dari cijhtire toaha. Toa tuhsũ, sahrĩnore dapõ, sere ti tũ mũtohti copare saha, mũari wũhũcã dahreha.

ã jiro tí wesere painare cũ bũhũsehe coa pahma cũha. ã pahma cũno tí wesere tinare ñũ wihbo duti, pa yahpapũ wahaha tiro. ³⁴ ã yoa se ñiri pja jichũ wese pũro tirore dahra cohtainare wesere ñũ wihboina cahapũ warocaha. Wese macaa to toaa dichare to ya coa macaa dichare na dutiro warocamaha. ³⁵ To ã warocachũ wesere ñũ wihboina sehe tirore dahra cohtainare ñano yoaha. Cũirore tuaro cjã, pairere wajã, pairere tãa mehne docaha. ³⁶ Baharo wese pũro pari turi tirore dahra cohtainare to waroca mũhtarina bui curero pũhtoia jiri curuare warocaha tjoa. To ã warocachũ wesere ñũ wihboina tina cũhare mũnanota yoaha tjoa.

³⁷ Ā yoa to waroca batoariro to macuno jiha. “Y_u mac_u sehere ño payoahca”, nino tirore warocamaha. ³⁸ To ã ni t_uhotupach_uta wesere ñ_u wihboina to macuno to tach_u ñ_ua, õ sehe niha: “Wese p_uro mac_uno jira ahriro. Tirore waj_uj_uh_una mari. Mari ã waj_uch_u ahri wese mari ya wese tjuarohca”, nimaha tina ti basi. ³⁹ Ā niata tirore ñ_uaha, wese d_uht_u cahai na wahc_u, waj_uaha tina tirore.

⁴⁰ ¿Ne, wese p_uro taro dohse yoarohcari tiro wesere ñ_u wihboinare, m_usa t_uhotuch_u? —ni siniture Jesu sacerdote p_uhtoare, b_uc_una c_uh_ure.

⁴¹ To ã nich_u tina õ sehe ni y_uhtire: —Tiro painare wesere ñ_u wihbohtinare cohtarohca ji m_uhtainare ñ_uabiainare waj_uno taro. Tirore quih_uno dichare tju wahtina sehere ñ_u wihbo dutirohca —ni y_uhtire tina.

⁴² Ti ã nich_uta Jesu yahu namore tinare:

—¿Cohamac_u yare ti joari p_ui ahrire y_uh_ure to ni joari cjirire ne buherari m_usa?

“Ahriro Cristo t_uca yoaro seheta jira. T_ucare w_uh_u dahreina ti coh_uno sehet_u masa tirore coh_uahca.

Ti ã yoapach_uta mip_ure w_uh_u dahreina w_uh_ure yoaa ti c_u m_uhtari t_ucare ti c_uno seheta Cohamac_u tirore p_uhto s_ure.

Cohamac_u sehe ahrire yoare.

To ã yoach_u ñ_una, ‘Noa y_uhd_uara’, ni t_uhotuja mari”,

ni joaa tiha panop_u. ¿T_ure ne buherari m_usa? ⁴³ M_usare niita nija y_uh_u. p_uhtoro Cohamac_u to s_uho jiro m_usa jihto cj_uhto jiboa. To p_uhtoro jirore paina sehere m_usa jiborirore warohca Cohamac_u. Paina masa sehe to dutiro seheta yoahca. ⁴⁴ [Jipihtina tia t_uca bui bora pjainare pay_u dihic_u peri yihsorohca tia t_uca. Tuhs_u, tia t_uca sehe mas_uno bui bora p_uaro tah_unocanohca tirore. To p_uac_u cj_urore daa manaric_u wahach_u yoarohca. (T_u seheta y_uh_ure cahmaeraina y_u buhiri dahrehtina ñ_uano y_uhd_uahca) —nire Jesu sacerdotea p_uhtoare, mari coy_uea judio masa b_uc_una c_uh_ure.]

⁴⁵ T_u quitire to ã nich_u t_uhoa, “Soh_u to yahu m_uhtari quit_u wesere ñ_u wihboina quit_u mehne marine nino nica tiro”, ni t_uhoture tina. ⁴⁶ Ā ni t_uhotua, tirore ñ_uaha duamare. Masa sehe Jesure ño payo “Cohamac_u yare yahu m_uhtariro jira tiro”, niina jia tiha tina. T_ure masia, sacerdotea p_uhtoa, b_uc_una mehne masare cuia, Jesure ñ_uahaerare.

22

Pjiri b_use n_um_u macaa quitire yahuha Jesu

¹ Ā yoa pari turi to t_uhotua mehne paye quit_u mehne tinare buhe d_ucare Jesu:

² —M_uano macariro p_uhtoro to s_uho jiro ahri quit_u yoaro sehe jira. C_u yahpa macaina bui p_uhtoro jiha.

Ā yoa to mac_uno ya n_um_u b_use n_um_u yoaha. To wamomaca d_uhteri b_use n_um_u jiha. ³ Ā yoa p_uhtoro tirore dahra cohtainare b_use n_um_ure ñ_ua tahtinare p_uji dutiro warocamaha.

Tina sehe ta duaeraha. ⁴ Ā jiro painare p_uji dutiro warocamaha tjoa tirore dahra cohtainare. “Y_u p_ujirocainare õ sehe ni yahuga. ‘Mari ch_uhtire dahre tuhs_uhre. Wach_uare, wach_uac_u dihi tiinac_u c_uh_ure waj_u tuhs_uhre. Ā yoa jipihtiro b_use n_um_u macaa c_uhtire cahno tuhs_uhre. Ā jina b_use n_um_u macaare ch_una taga’, ni yahuga tinare”, ni warocamaha p_uhtoro tirore dahra cohtainare.

⁵ Dahra cohtaina ti ã yahuri baharo to p_ujirocarina cjiri ã t_uhotunocaha. B_use n_um_ure ñ_ua wahaeraha. C_uiro to wesep_u wahaa wahaha. P_uiro to dahraare ñ_uno wahaha. ⁶ Paina sehe tirore dahra cohtainare ñ_uaha, tinare ñ_uano yoa, waj_unocaha j_una.

⁷ Ti ã yoach_u t_uhoro, p_uhtoro sehe suaha. Sua, ti ã waj_uri buhiri buhiri dahre dutiro to surarare warocaha. Ā jia surara tinare waj_u pah_uno, ti ya macare j_unocaha. ⁸ Ti ã yoari baharo, p_uhtoro tirore dahra cohtainare õ sehe niha: “B_use n_um_u macaa c_uhtire cahno tuhs_umahre. Wiho mejeta y_u p_ujiroca m_uhtarina cjiri y_u b_use

nũmure ñũborina jierara. Ñaina jira tina. ⁹ Ñ jina macare jia maharipũ dohse jiina mũsa boca sũinare bõse nũmure ñũhtinare pjiga”, niha tirore dahra cohtainare. ¹⁰ To ã nichũ tirore dahra cohtaina maharipũ waha, jipihtinare ti boca sũinare, ñaina, noaina cũhũre yahuha. Ti ã pjiri baharo to cahapũ sũha tina peri. Noano tí bõse nũmũ ti yoari tahtiare masa wahpata yũhdũa wahaha.

¹¹ ’Tóí ti dujichũ pũhtoro sehe cãirore wamomaca dũhteri nũmũ macari suhtirore sãaerarirore ñũha. ¹² “¿Ne coyeiro, dohse yoacũ wamomaca dũhteri nũmũ macari suhtirore sãaerapaihta sã tari mũhũ?” ni sinituha pũhtoro. To ã sinituchũ masũno sehe yũhtieraha. ¹³ To ã yũhtierachũ ñũno tirore dahra cohtainare õ sehe niha: “Ahriroro to wamomacarine dũhtega. To dahpori cũhũre dũhtega. Dũhte tuhsũ na wijaa, sopacapũ cohãga tirore nahitianopũ. Tópũ tiro tuaro tii, cahyaro mehne bahca dihorohca”, niha pũhtoro —ni yahure Jesu.

¹⁴ To ã niri baharo õ sehe ni batoare tiro:

—Ahri quiti jiro seheta Cohamacũ payũ masa to pjirocarina ti jipachũta mahainacã tiro mehne tjuaahca —ni yahu batoare Jesu.

Pũhtoa ya wapare paina sinituha Jesure

(Mr 12.13-17; Lc 20.20-26)

¹⁵ To ã niri baharo fariseo curua macaina waha, Jesure ti yahusãhtore ti basi durucũha tina. To ñano yũhtichũ tũho duaa nimaha tirore yahusãa taa. ¹⁶ Ñ durucua tina mehne macainare, Herode ya curua macaina cũhũre Jesure sinitu dutia warocaha. Tina sehe Jesu cahapũ wihĩ, tirore mahũno cũ sinitu ñũmare:

—Buheriro, potocã durucuriro mahũoa marieriro mũ jichũ masija sã. Cohamacũ yare quihũno mũ yahuchũ cũhũre sã masija. Ñ jicũ cãiro pũhtoro waro to jipachũta tiro cũhũre dórero marieno potota yahura mũhũ. ¹⁷ Ñ jicũ sãre yahuga. ¿Roma macariro jipihtina bui pũhtoro

jirirore gobierno macaare marine waparo cahmajari, mũ tũhotuchũ? ¿Mari dutia tirore wapa dutijari? —ni siniture tina Jesure.

¹⁸ Ti ã nichũ tũhoro tirore ti yahusã duaare masino õ sehe nire:

—Mahũopeina jira mũsa. ¿Dohseana yũ ñano durucuchũ tũho duajari mũsa? ¹⁹ Mipũre niñeru tare pũhtoare wapahti tare na tahga. Tí tare ñũjihna —nire tiro.

To ã nichũ tũhoa niñeru tare na tare tina.

²⁰ Ti ã na tachũ õ sehe ni siniture tiro tinare:

—¿Diro baro masũ wahãjari ahri tare? ¿Diro baro wama wahãjari? —ni siniture.

²¹ —César, masa bui pũhtoro masũ, to wama cũhũ wahãna —ni yũhtire tina.

Ti ã nichũ tũhoro Jesu õ sehe ni yahure:

—Tí pja pini masa bui pũhtoro yare tiro sehere waga. Cohamacũ yare Cohamacũ sehere waga —nire Jesu.

²² To ã nichũ tũhoa, tũho cũaa waha, wahaa wahare Herode ya curua macaina.

Saduceo curua macaina Cohamacũ to masoare sinituha Jesure
(Mr 12.18-27; Lc 20.27-40)

²³ Ñ yoa tí dachoihta cãina saduceo curua macaina Jesu cahapũ wihire. Saduceo curua macaina sehe “Cohamacũ yariainare masosi”, ni tũhotuina jire. Ñ jia õ sehe nire tirore tina:

²⁴ —Buheriro, õ sehe ni buhea tiha Moise cjiro: “Cãiro to wahmino namo tiro pohna mariaparota to yariachũ to bahũrore to wahmino namo cjirore nũoano cahmana. Ñ yoaro to wahmino mũnano to pohna tiboro seheta pohna tiro cahmana to bahũrore. Ñ jia to pohna to wahmino mũnano pohna yoaro sehe jiahca”, ni joaa tiha Moise cjiro —nire tina saduceo curua macaina.

²⁵ Tíre ã ni yahu tuhsũ ahri quitire yahu namore tina Jesure:

—Cãiro masũno jiha. Seis to bahana jiha. Ti wahmino sehe namo

ti, pohna marieriro yariaa wahaha. Tuhsu, paio to bahuro cūhu to wahmino namono cjirore nūoaha. ²⁶ To ā nūoari baharo to wahmino yoaro seheta pohna mariaparota yariaa wahaha tjoa. Ā yoa ahriro bahuro to wahmino mūnano yoaro seheta pohna mariaparota yariaa wahaha. Ā dihta wahaha cūiro pohna waro. Ne pohna mariapahta yaria pihtia wahaha tina. ²⁷ Ti namono cjiro cūhu ti baharota yariaa wahaha jūna. ²⁸ ĶNe, Cohamacu jipihtinare yariaina cjirore to masochu diro baro namono jibocari ticoro? Tina jipihtina ticoro namo tirina cjiri jiha. ĶĀ yoa diro namono sehe jibocari ticoro pototi? —ni siniture tina.

²⁹ Jesu ō sehe ni yūhtire tinare:

—Cohamacu yare ti joari pūre, to masia cūhure ne masierara mūsa. Ā yoa mūsa tūhotua sehe ne potocā jierara. ³⁰ Yariarina cjiri ti masa mūjari baharo tina anjoa yoaro sehe jira. Tina namo marieina, manū mariea numia jira tópure. ³¹ Yariarina cjiri ti masa wijaahto sehere mūsare yahuihtja. ĶCohamacu mūsare to niri cjirore ne buherari mūsa? Ō sehe niha tiro: ³² “Yūhu Abrahā, Isaa, Jacobo ti pūhtoro tjija”, nina Cohamacu”, ni joaa tiha panopure. Ti yariari baharo “Ti pūhtoro tjija”, ni yahuha Cohamacu. Ā niparota yariarina cjiri pūhtoro jierara Cohamacu. “Ti pūhtoro tjija”, to nia mehne catiina ti jichu masija mari. Tiro catiina pūhtoro jira —ni yahure Jesu tinare.

³³ To ā ni buhechu tūhoa payu masa tūho cūaa wahare.

Cūno noa yūhduro to dutiare yahuha Jesu

(Mr 12.28-34)

³⁴ Ā yoa saduceo curua macaina Jesure ti yūhti masierachu tūhoa, fariseo curua macaina sehe tiro cahapu cahmachure. ³⁵ Cahmachu, tina mehne macariro marine judio masare buheriro sehe Jesu to űnāno nichu tūho duaro mahūno cū sinitu űnamare tirore.

³⁶ —ĶBuheriro Cohamacu ya dutia noa yūhduro di baro sehe jijari, mū tūhotuchu? —ni siniture tiro.

³⁷ Jesu tirore ō sehe ni yūhtire:

—“Tuaro mūsa yajeripohna mehne, mūsa tuaa mehne, noano mūsa wacūa mehne Cohamacu cahīga”, nina Cohamacu. ³⁸ Ahri dutiata paye dutia yūhdoro noa yūhdura. ³⁹ Ahri dutia baharo paye dutia noa yūhdura: “Mū basi mū cahīno seheta mū cahai jiina cūhure cahīga”, nina Cohamacu. ⁴⁰ Ahri pūaro dutiare yoana, jipihtia paye dutiare yoa pahūona nija mari. Cohamacu yare yahu mūhtaina cjiri panopu ti joari cūhure yoa pahūona nija mari —ni yahure Jesu.

ĶDiro baro coyero jijari Cristo?

(Mr 12.35-37; Lc 20.41-44)

⁴¹ Ā yoa fariseo curua macaina tōi cahmachuina ti jichu ⁴² Jesu tinare ō sehe ni siniture:

—“Cristo, Mesia mari ni pisuriro Cohamacu to warocahtiro jira”, nina mūsa. ĶDiro baro jijari Cristo űuchano cjiro panopu macariro, mūsa tūhotuchu? —nire tiro.

—Cristo Davi cjiro panamino jirohca —ni yūhtire tina.

⁴³ Jesu ō sehe ni yahure tinare:

—ĶCristo Davi cjiro panamino to jichu dohsearo Davi sehe pūhtoro tiari Cristore? ĶDohsearo ā pūhtoro ti dutiri Espīritu Santo tirore? Ō sehe niha Davi cjiro:

⁴⁴ “Cohamacu yu pūhtoro ō sehe nire:

‘Ōi yu poto būhusehei dujiga.

Ā jicu mūhure űu tuhtiinare mūhure yūhdurucabasaihca yūhu’, nire Cohamacu yu pūhtoro”,

ni joaha Davi cjiro. ⁴⁵ Ā ni joarota Davi cjiro pūhtoro tiha Cristore. ĶDavi cjiro Cristo űuchano cjiro jiro dohsearo tiro pūhtoro tiari Cristore? (Cristo Davi cjiro pūhtoro tjira) —ni yahure Jesu.

⁴⁶ To ā ni yahuchu tina tirore ne yūhti masierare. Ā jia tó purota sinitu duhunocare tina tirore. Tuhsu tirore

cuia pari turi sinitu ñerare tirore juna.

23

Judio masare buheina, fariseo curua macaina cãhu ti ñano yoaare yahuha Jesu

(Mr 12.38-40; Lc 11.37-54; 20.45-47)

¹ Ñ yoa payu masare sã cãhure Jesu ò sehe ni yahure tjoa:

² —Marine judio masare buheina fariseo curua macaina cãhu Cohamacu dutia Moise cjiroro to cãri cjirire yahuina jira tina. ³ Ti ã yahuina jichu masare ti yahuriro seheta tíre yoa pahãoga masa. Ñ yoapanahata tinare ñu cãena tjiga masa. Ti buheriro seheta yoaerara tina. ⁴ Masare payu dutira tina. Ñ dutipahta ti dutiro sehe masa ti yoaerachu ñua tinare yoadohoerara. ⁵ Masa ti ñurocaro dihta noano yoa ñomana tina. Cohamacu yare ti joari pãre ti duhu sãa caa pocacãre, buju curea caa pocacãre ti wãhdãa poca bui dũhte yohre tina masare ñu dutia. Ti yachuri cãhure dũhte yohre. Ñ yoa ti suhtipu ti duhu yoa bocari bujubia bocari jira. Cohamacu ti ño payorire masa sehere yoa ñoa nimana tina. ⁶ Tuhsu, bose namari jichu pãtoã ti dujiaru duji duara. Judio masa mari buhea wãhũsepu cãhure noã dujia pahtari dihtare jicoara tina. ⁷ Ñ yoa maharu ño payoa mehne paina tinare ti noano piti bocasinichu cahmana tina. Tinare “Buheriro”, masa ti ni pisuchu cahmana.

⁸ Paina masare pisua “Buheriro”, niea tjijaro. Masa jipihina cãno potori jina nina. Ñ yoa masare buheriro cãirota jija yãhu Cristo. ⁹ Ahri yahpa macainare “Mari pũcu”, nina tinare ño payona nica. Ne ã niena tjiga. Mũano macariro dihta mari Pũcu jira. Tiro dihtare ño payoro cahmana marine. ¹⁰ Ñ yoa masunore “Pãhtoro”, niena tjiga. Masa pãhtoro yãhu Cristo sehe cãirota jija. ¹¹ Cahamacu no

yoaro sehe masare yoadohoriro tiro tjica masa pãhtoro jihtiro. ¹² Cãiro pãhtoro ji duaro tirore wiho jiriyo yoaro sehe jiro cahmana. “Wiho jiriyo jija yãhu”, ni tahoturiro painare yãhdũca duaerariro tiro sehe pãhtoro jirohca —ni yahure Jesu.

Judio masare buheina, fariseo curua macaina mehne ti mahãopeare yahuha Jesu

¹³ To ã niri baharo tinare ò sehe ni yahu namore:

—Masa judio masare buheina, fariseo curua macaina cãhu ñano yãhdũnahca. Mahãopeina jira masa. Soro masa buhechu tahoa masare tahorina sehe pãhtoro Cohamacu to sãho jiropũre wahasi. Masa cãhu tãpũre wahasi. Ñ buhena tãpũre waha duainare dũcatana nina masa.

¹⁴ [Masa judio masare buheina, fariseo curua macaina cãhu ñano yãhdũnahca. Mahãopeina jira masa. Wapewahya numia ya wãhũsere manocahna masa tí numiare. Tuhsu, yoari pja masa ti ñurocaroi Cohamacu sine ñomana masa masare. Masa ã yoari buhiri paina bui curero Cohamacu pjiro buhiri dahrerohca masare.]

¹⁵ Masa judio masare buheina, fariseo curua macaina cãhu ñano yãhdũnahca. Mahãopeina jira masa. Pjiri mapu pahã, yoaro macaa yahparipu wahara masa, masa dutiare yoahitirore macana tana. Masa dutiare yoahitirore boca, tirore buhera. Masa ã yoachu tiro sehe masa yãhdoro pichacaru wahahtiro jirohca.

¹⁶ Masa ñano yãhdũnahca. Capari ñeraina ti ñu masieraro seheta masieraina jira masa. Ñ jipanahta painare buhemana masa. Ò sehe ni buhemana masa: “ ‘Cohamacu wãhu mehne yu nino seheta yoaihtja’, niriro to niriro sehe to yoaerapachata noanohca”, ni buhemana masa. “ ‘Cohamacu ya wãhu macaa uru mehne yu nino seheta yoaihtja’, niriro tiro sehere to niriro seheta yoa sohtori tiro cahmana” ni, tí cãhure

buhemana m_{usa}. ¹⁷ Capari ñ_ueraina ti ñ_u masieraro seheta masieraina jira m_{usa}. T_uho masieraina jira. ¿Di baro sehere ño payoro cahmajari? Urure ño payoeraro cahmana. Cohamac_u sehe tí uru to w_uh_ui jich_u noaa jich_u yoara tíre. Ñ jina to w_uh_u sehere ño payoro cahmana m_{us}are. Ñ jia m_{usa} buhea sehe tó wahaerara. ¹⁸ Ahri c_uh_ure buhemana m_{usa}: “Cohamac_u w_uh_u macari mesa mehne y_u nino seheta yoaihtja’, niriro to niriro seheta to yoerach_u noanohca”, ni buhemana m_{usa}. “Tí mesa bui jia mehne Cohamac_ure ño payoa ti wari mehne y_u nino seheta yoaihtja’, niriro tiro sehere to niriro seheta yoa sohtori tiro cahmana”, ni buhemana m_{usa}. ¹⁹ Capari ñ_ueraina ti ñ_u masieraro seheta masieraina jira m_{usa}. ¿Di sehe tí waro jijari, m_{usa} t_uhotuch_u? Cohamac_ure mas_uno to ño payoro to wari cjiri tí waro jiera curera. Tí mesa bui Cohamac_ure to wach_u, noaa wahara tí mesa bui jia. Ñ jiro tí mesa sehe wiho jiri mesa jierara. Cohamac_ure ño payoa ti wari bui curero noari mesa jira. ²⁰ Ñ jiro “Cohamac_u w_uh_u macari mesa mehne y_u nino seheta yoaihtja”, c_uiro nino, tí mesa bui macaa to wari mehne tiro ã nino nica. Ñ jia m_{usa} buhea sehe tó wahaerara. ²¹ “Cohamac_u w_uh_u mehne y_u nino seheta yoaihtja”, c_uiro nino, potocãta Cohamac_u mehneta ã ninota nica. Cohamac_u tí w_uh_u macariro jira. ²² Ñ jiro “M_uano mehne y_u nino seheta yoaihtja”, c_uiro nino, Cohamac_u to jiro_u mehneta ã nino nica. Ñ jiro Cohamac_u mehneta ã nino nica. Tiro sehe tó macariro jira. Ñ jia m_{usa} buhea sehe tó wahaerara.

²³ ‘M_{usa} judio masare buheina, fariseo curua macaina c_uh_u ñano y_uhd_unahca. Mahñopeina jira m_{usa}. Moa yoaro sehe jiare ch_uare coach_u yoare c_uana mahanocã wamana m_{usa}. Cohamac_ure ño payona tana sacerdoteare wamana m_{usa}. Mahanocã wamana m_{usa}. Menta, anis, comina wama tia coach_u yoare wamana m_{usa}. Ñ wapanah_tja noaare

yoerara m_{usa}. Tuhs_u, masare pja ñ_uerara m_{usa}. Ñ yoa Cohamac_ure wac_u tuaerara m_{usa}. Toaa dichare m_{usa} narire mahanocã sacerdoteare m_{usa} wach_u noa nina. Ñ wana õ sehe yoa namoga: Noaare yoaga. Ñ yoa pja ñ_uga masare. Tuhs_u, Cohamac_ure wac_u tuaga. ²⁴ Capari ñ_ueraina ti capari ñ_ueraro seheta masieraina jira m_{usa}. Õ sehe yoara m_{usa}: M_{usa} ya dutiare yoa dutina, wiho jia waro dutiare yoara m_{usa}. Ñ yoapanah_ta Cohamac_u to pototi to dutia warore yoerara m_{usa}.

²⁵ ‘M_{usa} judio masare buheina, fariseo curua macaina c_uh_u ñano y_uhd_unahca m_{usa}. Mahñopeina jira m_{usa}. M_{usa} waparire, m_{usa} sihnia wahwarire bui m_{usa} cosaro seheta noaare yoa ñomana m_{usa} buicã warohna. Ñ yoapanah_ta Cohamac_u yare quihõno yoerara m_{usa}. Paina yare maina, m_{usa} basi dihta buj_uare na duaina jina, ã dihta t_uhotura m_{usa}. ²⁶ Capari ñ_ueraina ti ñ_u masieraro seheta masieraina jira m_{usa} fariseo curua macaina. Ñaare m_{usa} t_uhotuare cohtotaga. M_{usa} ã yoana masa ti ñ_urocaroi noaina jinahca m_{usa}.

²⁷ ‘M_{usa} judio masare buheina, fariseo curua macaina c_uh_u ñano y_uhd_unahca. Mahñopeina jira m_{usa}. Masa copa, yehsea mehne ti wisõri copa yoaro sehe jira m_{usa}. Masa tí copare ti ñ_uch_u noari copa bajura. To ã bajupach_uta, puhicha macariro baarirore, to cohãrine, ñaare ñ_uerara tina. ²⁸ Tó seheta m_{usa} c_uh_u masa ti ñ_urocaroi noaina sehe bajumana m_{usa}. Ñ noaina sehe bajuina m_{usa} jipach_uta m_{usa} t_uhotuap_u ñaa, mahñoa ji y_uhd_uara yariaina yoaro seheta — ni yahure Jesu.

Judio masare buheina, fariseo curua macaina c_uh_ure to buhiri dahretore yahuha Jesu

²⁹ Ñ ni tuhs_u õ sehe ni namore tinare:

—M_{usa} judio masare buheina, fariseo curua macaina c_uh_u ñano y_uhd_unahca. Mahñopeina jira m_{usa}.

Cohamacu yare yahu muhtaina cjiri panopu macaina ti masa coparire noano cahnomana musa. Tuhsu, noano yoaina cjiri ti masa coparire noano cahnomana musa. ³⁰ Æ yoana õ sehe nirucumana musa: “Panopure sã ñuchusuma cjiri ti yoariro sehe sã sehe yoaeraboa. Tí pjapu jiiinare Cohamacu yare yahu muhtaina cjirire sã wajãeraboa”, nirucumana musa. ³¹ Æ nina musa ñuchusuma cjiri Cohamacu yare yahu muhtainare wajãrina cjiri ti jiri cjirire bajuro wana nica. Tinare wajãrina cjiri panamana ji turiaina musa jia cãhure bajuro wana nica musa. ³² Musa ñuchusuma cjiri ti yoariro seheta yoa sohtori tiwahnoga.

³³ 'Agãa ñima tiina yoaro sehe ñabiaina jira musa. Musa ñaa tuhutumari cjirire cohtota duaerana Cohamacu musa ñaa buhirire pichacapu musare to cohãhto pano duhti masierara musa. ³⁴ Æ jii musare niita nija. Cohamacu yare yahu muhtainare, paina noano masiinare, paina musare buhehtinare musa cahai warocaihtja. Yu ã warocachu musa sehe cãina tinare wajãnahca. Painare crusapu cã puhanahca. Painare musa buhea wuhusepu tjananahca. Æ yoana macaripepu tinare ñano yoa, muroca nunu tinahca musa. ³⁵ Musa ã yoana jipihtina ñaa marieinare musa wajãri buhiri buhiri tinahca. Noariro Abe cjirore Caĩ to wajãri buhiri jipihtina musa cãhu buhiri tinahca. Jipihtina to baharo jiiinare noainare ti wajãri buhiri cãhure buhiri tinahca musa cãhu. Æ yoa Cohamacu wahu cahai wahiquire ti wari mesa cahai Zacariare wajãre tina. Tiro sehe Berequias macno jire. Æ jina Zacaria cãhure ti wajãri buhiri buhiri tinahca musa cãhu. ³⁶ Potocã musare yahuita nija. Tina jipihtinare ti wajãri buhiri mipu macaina cãhu musa buhiri tinahca —ni yahure Jesu.

Jerusalẽ macainare tuaro cahãha

Jesu

(Lc 13.34-35)

³⁷ Æ ni tuhsu õ sehe ni namore:

—Cue, Jerusalẽ macaina, Cohamacu yare yahu muhtaina cjirire wajãrina jira musa. Musa coyea panopu macaina cjiri cãhu ãta yorina cjiri jiha. Æ yoa musa cahai to warocaina cjirire tãa mehne doca wajãrina jira musa. Caracacoro to pohñare to cã maa dupuri mehne to moha coãno seheta payu tahari cahñrucumahi musare. Musare cahmamahi. Musa sehe yuhure ne cahmaerare. ³⁸ Mipure musa ya maca cohãri maca cjiro jirohca. ³⁹ Potocã musare niita nija. Baharopu taihtja yuhu. Æ yu tachu ñuna musa yuhure “Cohamacu tuaa mehne tariro noano tajaro”, ninahca. Yuhure musa tíre nihto pano yu tjua tahto pano pari turi yuhure ñusi musa —nire Jesu tinare.

24

“Cohamacu wuhu cohãri wuhu jirohca”, niha Jesu

(Mr 13.1-2; Lc 21.5-6)

¹ Æ yoa Cohamacu wuhu jiro Jesu to wijaa wihichu sã to buheina tí wuhure tí wuhu cahai jia wuhuse cãhure ñuna:

—Ahri wuhuse jira. Ñuga mahu cãhu —nii sã tirore.

² Jesu õ sehe ni yuhtire:

—Ahri wuhusere mipure ñumana musa. Musare yahuita nija. Ahri wuhusere jipihtia musa ñuri cjiri ahri wuhuse macaa tãa cãhu cohõ pihtia wahaahca. Ne cãria tãca tjuasi —nire tiro sãre.

Pihtiri dacho cjihtore yahuha Jesu

(Mr 13.3-23; Lc 21.7-24; 17.22-24)

³ Baharo Olivo wama tidu tucupusu, tópu dujire Jesu. Tóto dujichu sã to buheina sã sahsero tiro cahapu su, õ sehe ni sinitu ñuhi:

—Yahuga sãre. ¿Dohse jichu ã waharohcari mu niriro sehe waharo? ¿Pihtiri dacho panocãre to jichu cãhure, mu tjua tahto cãhure dohse

to waha ducachu ñunahcari sã? —ni sinitu ñei sã.

⁴ Jesu õ sehe ni yuhtire:

—Noano yoaga musa. Musare paina ti mahñoare tuhoena tjiga. ⁵ Payu masa “Cristo jija yuhu”, ni mahñoina taahca. Ti ã mahñoachu tuhoa payu masa Cohamacu yare duhuahca. ⁶ Musa cahacãi masa paina ti cahma wajãchu tuhonahca musa. Tuhsu, yoaropu cãhure ti cahma wajãchu tuhorocanahca musa. Æ tuhopanahta ne tíre pjíro tuhoutuena tjiga. Æ waharohca. Ti ã yoachu pihtiri dacho cjihto duhsasininohca mini. ⁷ Tí pjare cã yahpa macaina pa yahpa macaina mehne cahma wajãahca. Æ yoa cãiro puhtoro yaina paio puhtoro yaina mehne cahma wajãahca. Tuhsu, payu masa juca mehne yariaahca. Æ yoa dohatia payu jiahca. Tuhsu, pjaró yahpa ñuhminohca. ⁸ To ã wahachu ahri yahpa macainare ti ñano yuhdu namohto duhsasinina mini. Ñano yuhdusinihca.

⁹ Tí pjare paina musare ñaha, ñano yoa dutia waahcu musare paina puhtoapure. Ti ã wachu musare wajãahca. Yu yaina musa jiri buhiri jipihtina musare ñu tuhtiahca. ¹⁰ Tí pjare payu yu yaina jimarina cjiri yuhure cohãahca. Æ jia tina mehne macainare tina ñu tuhtiahca. Æ yoaa tina mehne macaina ti jipachata tinare ñano yoahtinare waahca tina. ¹¹ Tí pjare payu “Cohamacu yare yahu muhtaina jija”, ni mahñoina jiahca. Æ jia payu masa ti mahñoare tuhoahca. ¹² Tí pjare ñabiaro yoahca masa. Æ yoaa tina mehne macainare cahĩ namosi. ¹³ Æ jina musa tuaina jina, ahri yahpai musa catisinino puro cãno pjarucuna, yuhduhahca musa. ¹⁴ Tuhsu, ahri noaa buhea jipihtiropu ahri yahpapore ti yahua buhea jiahca. Puhtoro Cohamacu to suho jiare yahuri buheare ti yahu siteri jiahca, jipihtina tí buheare ti masihto sehe. Ti ã yahuri baharo pihtiri dacho ducarohca.

¹⁵ Cohamacu yare yahu muhtariro Daniel cjiro panopu macariro ñabiarore Cohamacu yare ñano yoarore yahua tiha panopure. Tí pjare tiro ñariro sehe Cohamacu wuhupu to ducuchu ñunahca musa. Ahri yu nirire noano masiga musa. ¹⁶ Tói to ducuchu ñua, Judea yahpapu jiina sehe tãyucu cahapu muroca duhtijaro. ¹⁷ Soaro mehne muroca duhtijaro. Tí pjare ti wuhuseri bui macaa waparipu jiina wuhu puhichapu jiare ti yare na wahaea tjijaro ti waha bahrañohto sehe. ¹⁸ Tuhsu, tí pjare paina ti weseripu jiina ti bui macaa suhti wuhupu jia suhtire na wahaea tjijaro ti waha bahrañohto sehe. ¹⁹ Tí pjare nijipocosanumia, ti pohnare pua numia cãhu pjacuro wahaahca. ²⁰ Æ jina Cohamacure õ sehe ni siniga: “Puhiro jichu judio masa sã soa numuri jichu cãhure sã muroca duhtihti dacho jiero tjijaro”, ni siniga musa Cohamacure. ²¹ Tí dachorire masa nu ñano wahaahca. Ahri yahpare to bajuamehneri baharo masa ñano ti yuhduhã jisinia tiha. Ti ã jipachata jipihtia tí puria yuhdoro pihtiri dacho panocã ñabiaro yuhduhahca masa. Æ ñano ti yuhduri baharo pari turi tó sehe ñabiaro yuhdusi ahri yahpai juna. ²² Cohamacu tí dachorire mahaa dachoricã jisinchu yoarohca. To ã yoerachu ne cãiro masuno yuhdueraboca. Æ jiro to beserina ti yuhduhti cjihtire mahaa dachoricã Æ cãsininohca Cohamacu.

²³ Tí pjare paina musare “Ñuga. Õi jira Cristo”, ti nichu tinare tuhoena tjiga. “Tói jira Cristo”, ti nichu tinare tuhoena tjiga. ²⁴ “Cristo jija”, ni mahñoina, “Cohamacu yare yahu muhtaina jija”, ni mahñoina jiahca tí pjare. Æ jia Cohamacu to beserinare mahñoa, tina bajuamehneare yoa ñoahca. Ti ã yoa ñochu ñua, Cohamacu yaina cãina tinare tuhoa “Potocã tjira” nia, Cohamacu yare pa tehe nia duhuboca. ²⁵ Ahri jipihtiare musare yahuyuja musare to ã wahahto pano.

Ã jina tãhoga m̄usa. ²⁶ Paina masa m̄usare “Ñũga. Masa marienop̄ũ jira Cristo”, ti nichũ tópr̄are ñũna wahaena tjiga. Ã yoa tina “Õi ahri tahti pocai jira tiro”, ti nichũ tinare tãhoena tjiga. ²⁷ Yũhũ masũno Cohamacũ warocariro wacũenoca tjua taihtja. Oroca sitero m̄uanore sũ m̄aja tarop̄ũ, sũ sãnop̄ũ wacũenoca to oroca siterocarõ sehetã wacũenoca tjua taihtja yũhũ. ²⁸ Yucaare mari ñũna, yariariro to pjacũ cjiro jichũ mari noano masinahca. (Tó sehetã ahri m̄usare yũ yahuyurire m̄usa ñũna noano masinahca ahri yahpap̄ũ yũ tjua tahto mahanocã to dũhsachũ cãhũre) —ni yahure Jesu.

Cristo ahri yahpap̄ũ to tjua tahtore yahuha tiro

(Mr 13.24-37; Lc 21.25-33; 17.26-30, 34-36)

²⁹ Ã yahu tuhsũro tinare õ sehe ni yahu namore:

—Tí dachori masa ti ñãno yũhdũã dachori baharo sũ dacho macariro, ñãmi macariro cãhũ buhria duhua wahaahca. Tí ã wahachũ ñãhpichoha poca m̄uanop̄ũ jia poca boraa wahaahca. Tuhsũ, m̄uano macaa yahpari tuaro ñũhmiahca. ³⁰ Tí pjata yũhũ masũno Cohamacũ warocariro m̄uanop̄ũ yũ bajuamehnenore yũ ñochũ ñũahca masa. Ã ñũã jipihtia curuari macaina tiiahca. Tuhsũ, yũ tuaa mehne, yũ si sitea mehne m̄uano macaa me bui ahri yahpap̄ũre yũ tjua tachũ ñũahca tina. ³¹ Corneta bisiro coa tarohca. To ã coa tachũ yũ yaina anjoare jipihtiorp̄ũ ahri yahpap̄ũ warocaihtja. Tuhsũ, jipihtiorp̄ũ yũ yaina yũ beserinare tina naahca.

³² M̄ip̄ũre higuercũre tãhotuga m̄usa. Tũ quiti mehne m̄usare piti dahre buheih̄tja. Tũ yucũcũ pũri tichũ ñũna, cãhma mahanocã to dũhsachũ masina m̄usa. ³³ Tó sehetã ahri jipih̄tia yũ niri cjirire ti ã wahachũ ñũna, yũ tjua tahto mahanocã to dũhsachũ masinahca m̄usa. ³⁴ Potocã niita nija m̄usare. Tí pja macaina ti yariahto pano jipihtia yũ niriro sehetã ã waharohca. M̄uano, ahri yahpa cãhũ

pihtia wahaahca. ³⁵ M̄uano cãhũ ahri yahpa cãhũ pihtia wahaahca. Yũ durucua sehe ne cohtotasi. Jipihtia yũ niriro sehetã ã waha sohtori tiarohca.

³⁶ Tí dachore yũ tjua tahti dachore, tí ora cãhũre masieraja yũhũ. Anjoã cãhũ tíre masierara. Masa cãhũ masierara. Yũ Pũcũ dihta tíre masina.

³⁷ Noé to jiri pja macaina ti jiri sehetã ahri yahpap̄ũ yũ tjua tahto panocãre tó sehetã jahca masa.

³⁸ Yahpa to minihto pano masa chũ, sihni, yoaha. Tuhsũ, m̄uã, numiare namo tiha. Noé cãhũ ti dohoriap̄ũ ti samuhto pano ã yoaa timaha masa. ³⁹ Dóih̄ta tuaro corõ ta, wacũenoca yahpa minia wahaha.

Masa cãhũ mini pihtia wahaha. Wacũenoca to miniri sehetã yũhũ masũno Cohamacũ warocariro ahri yahpap̄ũre wacũenoca tjua taihtja.

⁴⁰ Tí pjare wesep̄ũ p̄ũaro dahrainã ti jichũ cãiro yũhũre cahmarirore naaihca. Ã yoa yũhũre cahmaerariro tói tjuarohca. ⁴¹ Tí pjare p̄ũaro numia cãnoi ti yore arẽã numia jichũ cãcorõ yũhũre cahmaricorõre naaihca. Ã yoa yũhũre cahmaeraricorõ tóih̄ta tjuarohca.

⁴² Noano wacũ masi cohtaga. Yũhũ m̄usa p̄ũtorõ, yũ tjua tahti dachore ne masierara m̄usa. ⁴³ Ahrire wacũga m̄usa. Yacariro to wãhũp̄ũ to sãã yacahto panore wãhũ p̄ũro masino, tí ñãmine tiro carĩeraboã, yacarirore cohtaro tarõ. Ã yoa yacarirore to wãhũp̄ũ sãã dutieraboã. Yũhũ yacariro to wacũenoca to tariro sehetã wacũenoca taihtja. ⁴⁴ Ã jina yũ yare ã yoarucuna yũhũre cohtaga. Yũhũ masũno Cohamacũ warocariro ahri yahpap̄ũ tjua tai wacũenoca taihtja —nire Jesu.

Dahra cohtariro to p̄ũtorõre ñõ payorirore, ñõ payoerariro cãhũre yahuha

(Lc 12.41-48)

⁴⁵ Ã yoa Jesu to tãhotua mehne õ sehe ni piti dahre buhe namore tjõã:

—Dahra cohtariro to p̄ũtorõre ñõ payoriro tãho masiriro jira. To ã

jichu ñano paina dahra cohtaina bui cūna tirore to puhtoro sehe waharo taro. Ñ tirore cū tuhsu wahaa wahara puhtoro. To ã wahachu ñano, churi pja jichu dahra cohtariro painare chure witira. ⁴⁶ Baharo puhtoro to ya wuhui tju wihira. To tju wihichu ñano dahra cohtariro sehe to puhtoro to dutiriro seheta yoa pahñoriro jiro, wahcheriro jirohca. ⁴⁷ Potocã musare niita nija. To ã noano dahrachu ñano to puhtoro jipihitia to yare ñu wihbohtiro cūnohca tirore. ⁴⁸⁻⁴⁹ Wiho mejeta ñariro dahra cohtariro sehe “Yu puhtoro so bajuerara” nino, paina dahra cohtainare cjãpe, pjíro chu, sihni, cahaina mehne caharohca. ⁵⁰ Baharo to puhtoro wacūenoca tjua tarohca. Tí dachore ne masierara dahra cohtariro. ⁵¹ Puhtoro sehe tjua taro ñariro to yoarire tūhoro, tirore tuaro buhiri dahrerohca. Ñ buhiri dahrero, masa ti baharo buhusehei ñano yoa cohtaina ti waharopu cohānohca tirore. Tópure tiro tuaro tii, cahyaro mehne bahca dihorohca —ni yahure Jesu.

25

Diez nuhmia quitu mehne buheha Jesu

¹ Ñ yoa Jesu pari turi to tūhotua mehne ò sehe ni piti dahre buhe namore tjoa:

—Mūano maçariro masa bui puhtoro to sūho jia ahri quitu yoaro sehe jira: Diez nuhmia jiha. Cū ñami tina ti sihāa poca mehne wamomaca dūhtehtirore piti bocaahahaha. ² Tina mehne macaa numia cinco numia tūho masiera numia jiha. Paye numia sehe cinco numia tūho masia numia jiha. ³ Tūho masiera numia sehe ti sihāa pocare, posa tia pocare naamaha. Paye pocare se posa tia pocare ti pihtichu ti pioborire naaeraha. ⁴ Tūho masia numia sehe ti sihāa poca se posa tia pocare naaha. Paye se poca cūhure naaha. ⁵ Ñ jia wamomaca dūhtehtiro to bajuerachu tí numiare wajo purichu caria

wahaha. ⁶ Ñ ti carini baharo ñami dacho macai sañurucuro coa taha: “Tūhoga. Wamomaca dūhtehtiro taro coa tara. Tirore piti bocana taga”, ni sañurucuro coa taha. ⁷ To ã nino coa tachu tūhoa tí numia wahcã, ti sihāa pocare cahnoha. ⁸ Ñ yoa tūho masiera numia sehe paye numia tūho masia numiare ò sehe niha: “Sā sihāa poca yatia nina. Ñ jina mahanocã musa ya sere waga sãre”, ni sinimaha tí numia. ⁹ Tí ã sinipachuta tūho masia numia ò sehe ni yūhtiha: “Sā ya se mari jipihtinare mu sūeraboca. Ñ jina se cūainare musa basi nuchūna wahaga”, ni yūhtiha tūho masia numia sehe. ¹⁰ Tí ã nichu tūhoa, tūho masiera numia sere nuchūna wahaha. Tí ã wahari baharo wamomaca dūhtehtiro wihia. Ñ to wihichu ñu ti yare cahno tuhsuri numia tūho masia numia tirore piti bocaahahaha. Piti boca, to wamomaca dūhteri bese numupu tiro mehne ñu wahaha. Tuhsu, bese numure ti yoari wuhupu paina mehne tí numia ti sãari baharo, sopacare bihanocaha. ¹¹ Baharopu tūho masiera numia sehe wihimaha. “Puhtoro, sãre pjōohga”, nimaha tí numia. ¹² “Potocã musare niita nija. Musare masieraja yahu”, niha tiro tí numiare.

¹³ Ñ jina tūho masia numia ti yare ti noano cahno tuhsu ti cohtariro seheta yu tahtore noano cohtaga musa cūhu. Yu tjua tahti dachore tí hora cūhure ne masierara musa —ni yahure Jesu.

Niñeru tūri uru tūri quitire yahuha Jesu

¹⁴ Ñ ni yahu tuhsu to tūhotua mehne ò sehe ni piti dahre buhe namore tjoa:

—Tí pja yu tjua tahti pja ahri quitu yoaro sehe jirohca. Wuhu puro jiha. Tiro pa sehēpu tinino waharo taro, tirore dahra cohtainare pjirocaha. Ñ yoaro tinare to yare cohta dutiha.

¹⁵ Ñ cohta dutiro ti wihbo masino puro tinare niñeru tūrire waha. Cūirore cinco tūri wapa bujūa tūri uru tūrire waha. Pairore puu tu waha.

Pairore cū tū waha. Tinare wa tuhsu, wahaah wahaha. ¹⁶ ã yoa cinco tūri to wariro dóihta to wahari baharota tí tūri mehne paye barore nuchūha. To nuchūrire painare duaha. To duari wapa diez tūri waro wapataha tiro. ã jiro diez tūri cjuaha. ¹⁷ ã yoa pua tū to wariro dóihta to wahari baharota tí tūri mehne paye barore nuchūha. To nuchūrire painare duaha. To duari wapa pititia tūri waro wapataha tiro. ã jiro pititia tūri cjuaha. ¹⁸ Cū tūre to wariro sehe copa saha, tí tūre yaha, tí copapu nūono.

¹⁹ Yoari pja baharo ti puhtoro wihaha. ã wiharo to niñeru tūri mehne ti ñaha namorire quihōno taro tirore dahra cohtainare pjirocaha. ²⁰ ã to pirocachu cinco tūri to wariro cjiro to puhtoro cahapu sū, diez tūri wiaha tirore. “Cinco tūri yahure ware mūhu. Ñūjata. Tí tūri mehne paye cinco tūrire ñaha namohi”, niha tirore. ²¹ “Noano yoari jire mūhu. Mūhu noariro, yū dutiriro seheta yoariro jira. Mahanocā mehne noano yoare mūhu. ã jicu mipure mūhure pjíro mū dahrahtore cūihtja. ã jicu yūhu mehne wahchega mūhu”, niha to puhtoro. ²² ã yoa pua tūre nariro cjiro to puhtoro cahapu sū, yahuha tirore: “Pua tū yūhure ware mūhu. Ñūjata. Tí tūri mehne paye tūri pua tū ñaha namohi”, niha tiro. ²³ “Noano yoari jire mūhu. Mūhu noariro, yū dutiriro sehe yoariro jira. Mahanocāre noano yoare mūhu. ã jicu mipure pjíro mū dahrahtore cūihtja. ã jicu yūhu mehne wahchega mūhu”, niha to puhtoro. ²⁴ ã yoa cū tūre nariro cjiro to puhtoro cahapu sū, yahuha tirore: “Puhtoro, mūhu paina sehere tuaro dahra dutiriro jira. ã tuaro dahra dutiriro jicu toaa maerariro jipaihta tí dichare mūhu nana. ²⁵ Mū ã jiriro jichū mūhure cuihi. ã cuicu copa saha, tí copapu mū niñeru tūre nūohi. Ñūjata. Ōi jira mū niñeru tū”, niha tiro. ²⁶ To puhtoro to ã nichū tūhoro tirore ō sehe

niha: “Mūhu ñariro, capa bujūriro jira. Yū toaa maerariro jipaihta tí dichare yū nariro jichū masina mūhu. ²⁷ Yū ã jiriro jichū ñacu ya tūre niñeru wihbori wūhūpu wihboboa mūhu. Mū ã wihbochu tina tí tūre wiaapu paye niñeru wa namoboa tina”, niha puhtoro tirore. ²⁸ ã nino paina tirore dahra cohtainare dutiha tiro: “Niñeru tūre maga tirore. Diez tūrire cjuariro sehere waga. ²⁹ Cjuainare wa namoihtja. ã jia pjíro cjuahca. Cjueraina sehere mahanocā ti cjuapachuta tíre maihtja. ³⁰ Ahriro dahra cohtariro yaba cjihti jierara. Nahitianopu ñanopu cohānocahga tirore. Tópū tiro tuaro tii, cahyaro mehne bahca dihorohca”, niha puhtoro —ni yahure Jesu.

Buhiri dahrehtore yahuha Jesu

³¹ ã yoa Jesu ō sehe ni yahu namore:

—Yūhu masano Cohamacu warocariro jipihtina anjoa mehne puhtoro jicu tacu, yū puhtoro dujiropu yū si sitea mehne dujihtca. ³² ã yū dujichū, ahri yahpa macaina jipihtina yū cahai cahmachuahca. Tí ã cahmachuri baharo pua curua tinare tju waihtja. Ovejare ñū wihboriro to ovejare, to cabra cūhure to tju wariro seheta masare tju wa dapoihtja. ³³ ã tju wacu oveja yoaro sehe jiina noainare yū poto buhusehei bese dapoihtja. ã yoa cabra yoaro sehe jiinare ñainare yū cō buhusehei bese dapoihtja. ³⁴ Yū ã yoari baharo yūhu jipihtina bui puhtoro sehe yū poto buhusehei yū bese dapoinare ō sehe ni yahuihtja: “Yū Pūcu masare noano yoare. Ahri yahpare bajuamehnenopu mūsa ya cjihtire puhtoro to sūho jirore cahno basayu tuhsure Cohamacu. ã jina mipure to cahnoripopure jina taga. ³⁵ Yū jūca baachu mūsa sehe yūhure chūare ware. Yū ñahma yapiochu yūhure mūsa sihōre. Mūsa cahai yū tinichū yūhure ñū masierapanahta yūhure noano piti bocare mūsa. ³⁶ Suhti maerariro yū jichū ñūna mūsa sehe

yuhure suhti sãare. Dohatiriro yu jichu musa yuhure ñuna tare. Peresui yu jichu cãhure yuhure ñuna tare musa”, nihtja noainare. ³⁷ Yu ã nichu tãhoa tina yuhure sinituahca: “¿Pũhtoro dohse jichu mu jũca baachu mũhure chũare wari sã? ¿Dohse jichu mu ñahma yapiochu mũhure sihõri sã? ³⁸ ¿Dohse jichu mũhure ñu masierapanahta mũhure noano piti bocari sã? ¿Dohse jichu suhti maerariro mu jichu mũhure suhti sãari sã? ³⁹ ¿Dohse jichu mu dohatichu o peresui mu jichu cãhure mũhure ñuna sũri sã?” niahca yuhure. ⁴⁰ Ti ã ni sinituchu tãhocu yuhũ pũhtoro tinare yahuihtja. “Potocã musare niita nija. Ahrina yu yaina mehne macariro wiho jiriro to jipachũta, tirore musa tó seheta yoare. ã jirirore ã yoana, yuhure yoaro seheta yoana nire musa tinare”, ni yahuihtja.

⁴¹ Noainare yu ã ni yahuri baharo yu cõ buhũsehei ducuinare yuhũ jipihtina bui pũhtoro õ sehe ni yahuihtja: “Cohamacu to buhiri dahrehtina jira musa. Yuhũ mehne tjuæna tjiga. Pichacaru wahaga musa. Tí pichaca ne yatierara. Watĩno, to yaina anjoa cãhu ti jhtore tí pichacare yoare Cohamacu. ⁴² Yu jũca baachu musa sehe yuhure chũare waerare. Yu ñahma yapiochu musa yuhure sihõerare. ⁴³ Yuhure masierana musa yuhure piti bocaerare. ã ñunocaboare. Suhti maerariro yu jipachũta, yuhure suhti sãærare musa. Dohatiriro yu jichu peresui yu jichu cãhure ã ñunocare musa yuhure”, ni yahuihtja tinare ñainare. ⁴⁴ Yu ã nichu tãhoa tina yuhure sinituahca: “¿Pũhtoro, mu jũca baachu, mu ñahma yapiochu, sã masierariro mu jichu, suhti maerariro mu jichu, dohatiriro mu jichu, peresupu mu jichu dohse jichu sã sehe mũhure yoadohoerari?” ni sinituahca yuhure. ⁴⁵ Ti ã ni sinituchu yuhũ tinare õ sehe ni yahuihtja: “Potocã musare niita nija. Ahrina yu yaina mehne macariro wiho jirirore musa ne yoadohoer-

are. ã jirirore musa yoadohoerana, yuhureta ã yoana nire musa”, ni yahuihtja tinare. ⁴⁶ ã jiro tinare ã buhiri dahrerucurohca Cohamacu. Tí buhiri dahrea ne pihtisi. ã yoa, noaina sehe jipihtia dachoripe noano jirucuahca —ni yahure Jesu.

26

Sacerdotea pũhtoa, judio masa bucuuna mehne Jesure wajã duaha
(Mr 14.1-2; Lc 22.1-2; Jn 11.45-53)

¹ Tí jipihtiare to buheri baharo Jesu sãre to buheinare õ sehe ni yahure:

² —Pũ dacho baharo pascua jirohca. Tíre musa masina. Tí pjare yuhũ masunore Cohamacu warocarirore ñahaahca. Ñaha tuhsu, yuhure crusaru wajãahca —nire tiro sãre.

³ ã yoa sacerdotea pũhtoa, judio masa bucuuna cãhu cahmachuha. Caifa sacerdotea bui pũhtoro ya wuhũ cahmachuha tina. ⁴ Tói cahmachu, ti mahõoa mehne Jesure ñaha ti wajãhtore cahma sũhũdua niha:

⁵ —Bose numu jichu tirore ñahaena tjijihna, “Masa suari”, nina —niha tina ti basi.

Numino me sitia se mehne Jesure pio payoha
(Mr 14.3-9; Jn 12.1-8)

⁶ Tí pjare Simo camí bucu baariro cjiro ya wuhũ jire Jesu. To jiri maca Betania wama tiri maca jire. ⁷ Tí wuhũ to churo watoi cãcoro numino me sitia na ta, Jesu dapu bui pio payore. Tí me sitia alabastro wama tiriai posa tire. Wapa bujua co jire. ⁸ To ã pio payochu ñuna sã Jesu buheina suahi.

—¿Dohsearo ahricoro ahri me sitia co wapa bujũare ã yoa sitejari? ⁹ Tí me sitiare duaboa. ã duaro pjíro wapa naboã. ã nano tí niñerure pjacũoinare waboa ahricoro —nii sã to buheina.

¹⁰ Sã ã ni suachu ñuno, Jesu õ sehe ni yahure sãre:

—ã niena tjiga ticorore. Yuhure noano yoaro nina. ¹¹ Pjacũoina sehe musa mehne ã jirucuahca. ã jina

tina sehere m̄sa wa masina. Ȳh̄u sehe ahri yahpare m̄sa mehne ā jirucusi. ¹² Ȳh̄u ti yahto pano ȳh̄u p̄jac̄ure cahnoyuro, ticoro ȳh̄u pio payore. ¹³ Potocā m̄sare niita nija. Jipihtiro ahri yahp̄ap̄u noaa buheare ti yahurop̄u ahricoro mip̄ure to yoarire yahuahca. Ti ā yahuch̄u t̄h̄oa ticorore masa paȳu wacūahca —ni yahure Jesu s̄are.

Juda Iscariote Jesure ñ̄u tuhtiinare to ñ̄ohtore yahuha sacerdotea p̄h̄toare (Mr 14.10-11; Lc 22.3-6)

¹⁴ Tí p̄jare c̄airo s̄a mehne macariro Juda Iscariote sacerdotea p̄h̄toa cahap̄u s̄aha. ¹⁵ S̄u, tinare ò sehe ni sinituha:

—¿Jesure m̄sare ȳh̄u ñ̄och̄u noho puro wapanahcari m̄sa? —ni sinituha tinare.

To ā nich̄u tina tirore treinta t̄ari plata t̄arire waha. ¹⁶ Ti ā wari baharo Juda sehe Jesure to ñ̄ohti ñ̄amine cohtasiniha.

Jesu to buheina mehne to ch̄u ba-toari n̄am̄u j̄iha

(Mr 14.12-25; Lc 22.7-23; Jn 13.21-30; 1Co 11.23-26)

¹⁷ B̄uc̄u aerari p̄āore ti ch̄u n̄am̄u d̄ucari n̄am̄u s̄a to buheina sehe ò sehe ni sinitu ñ̄ahi Jesure:

—¿Mari pascua macaa ch̄uhtire noho baroi cahnoyu dutirocaijari m̄h̄u s̄are? —ni sinitu ñ̄ahi tirore.

¹⁸ S̄a ā nich̄u tiro ò sehe ni yahure s̄are:

—Jerusalēp̄u wahaga. Tóí jirirore ò sehe ni yahuga: “Marine buheriro to ñ̄ano ȳh̄uht̄i p̄ja mahanocā d̄ahsatj̄īȳuhti. Pascua jich̄u m̄u ya w̄h̄u Jesu s̄are to buheinare s̄ho ch̄uht̄o jiyuhti”, ni yahuga tí w̄h̄u p̄rore —ni warocare Jesu s̄are.

¹⁹ To ā ni warocach̄u s̄are to dutirore seheta yoana, pascua jich̄u s̄a ch̄uht̄ore cahnoyui s̄a.

²⁰ Ā yoa tí ñ̄amine s̄a mehne doce to buheina mehne ch̄uro nire Jesu.

²¹ S̄a ch̄uro watoi tiro s̄are ò sehe ni yahure:

—Potocā m̄sare niita nija. C̄airo m̄sa mehne macariro ȳh̄u ñ̄u

tuhtiinare ñ̄onohca ȳh̄u —ni yahure tiro s̄are.

²² To ā nich̄u t̄h̄ona tuaro cahyana, tirore sinitu ñ̄u d̄uc̄ai s̄a c̄aina jipihtina:

—¿P̄h̄toro, ȳh̄uht̄a jijari m̄h̄u ñ̄ohtiro? —ni sinitui.

²³ S̄a ā ni sinituch̄u tiro ò sehe ni ȳh̄uht̄ire:

—Ȳh̄u ch̄uri wap̄ai ȳh̄u mehne soha ch̄urirota jira ȳh̄u ñ̄u tuhtiinare ñ̄ohtiro. ²⁴ Panop̄u ȳh̄u ti joariro seheta ȳh̄u mas̄no Cohamac̄u warocariro yariaihca. Ā jiro ȳh̄u ñ̄u tuhtiinare ñ̄oriro ñ̄ano ȳh̄uht̄rohca. Tiro sehe to masa bajuerach̄u noa ȳh̄uht̄aboa. Ñ̄ano ȳh̄uht̄eraboa —nire Jesu.

²⁵ To ā nich̄u tirore ñ̄ohtiro Juda ò sehe ni siniture:

—Buheriro, ¿m̄h̄u ñ̄ohtiro tjijari ȳh̄u? —ni siniture tiro.

Jesu ò sehe ni ȳh̄uht̄ire:

—Ĕj̄u. M̄h̄uht̄a jira —nire.

²⁶ Ā ni yahu tuhs̄u s̄a to buheina mehne ch̄uro taro nire. Ā yoa Jesu p̄āore na, Cohamac̄u “Noana”, nire. Ā ni tuhs̄u tíre nuha, s̄are to buheinare witire.

—Ahr̄ire na, ch̄uga. Ahri ȳh̄u p̄jac̄u jira —nire tiro.

²⁷ Ā ni tuhs̄u tiro sihn̄iri wahware na, Cohamac̄u “Noana” ni, s̄are ware.

—M̄sa jipihtina ahr̄ire sihn̄iga.

²⁸ Ahri ȳh̄u d̄i jira. Paȳu masa ti ñ̄aa yoari buhirire coh̄ac̄u tac̄u yariaihca. Ā yariac̄u ȳh̄u dire coh̄aihca. Cohamac̄u “M̄sare ȳh̄uht̄oht̄a”, to ni c̄ūiro m̄sach̄u ȳh̄u ā ȳh̄u yariaro mehne to niriro sohtori t̄ihca. ²⁹ M̄sare niita nija. Ȳh̄u P̄uc̄u p̄h̄toro to s̄ho jiro p̄m̄anop̄u m̄sa mehne wah̄ma co vinore sihn̄iht̄a. Mari ā sihn̄ihto pano ahri co vinore sihn̄i namosi ȳh̄u —nire Jesu s̄are.

³⁰ Ā jina Cohamac̄u ñ̄o payo basana c̄ūnore bas̄a tuhs̄una t̄ac̄u Olivo wama tid̄u s̄u s̄a.

Pedro Jesure to cohãhtore yahuha Jesu

(Mr 14.26-31; Lc 22.31-34; Jn 13.36-38)

³¹ Tópu sã sũchũ Jesu sehe sãre õ sehe ni yahure:

—Micha ñami yũhũre cohã wahcãnahca mũsa. Õ sehetã nina Cohamacũ to yare ti joari pũi yũhũre yahuro: “Ovejare ñũ wihboriro yoaro sehe jirirore yũhũ Cohamacũ cohãihtja. Yũ ã cohãchũ to yaina oveja yoaro sehe jiina duhti site wahcãa wahaahca”, nina Cohamacũ to yare ti joari pũi. ³² ã yoa Cohamacũ yũhũre to masori baharo mũsa pano Galileapũ wahayuihca yũhũ —nire tiro.

³³ To ã nichũ tũhorõ õ sehe nimare Pedro:

—Yũhũ mehne macaina jipihtina mũhũre ti cohã wahcãpachũta yũhũ sehe mũhũre ne cohãsi —nimare Pedro tirore.

³⁴ Jesu õ sehe ni yũhtire:

—Potocã niita nija mũhũre. Micha ñami caraca to duhto pano “Yũhũ Jesure masieraja”, niihca mũhũ. Tia taha ã niihca mũhũ —nire tiro Pedrore.

³⁵ To ã nipachũta Pedro õ sehe ni yũhtire:

—Mũhũ mehne yũhũre ti wajã dupachũta “Jesure masieraja”, ne nisi yũhũ —ni yũhtimare Pedro.

ã jina sã cãhũ paina to buheina Pedro to niriro sehetã nimai sã Jesure.

Getsemaní wama tiropũ Cohamacũre siniha Jesu

(Mr 14.32-42; Lc 22.39-46)

³⁶ ã yoa Getsemaní wama tiropũ Jesu sã to buheina mehne waha, tópu sũ, sãre õ sehe nire:

—Õi dujiyusiniga. Mũsa õi dujiro wato sohõ cureropũ Cohamacũre sinii wahai nija —nire tiro sãre.

³⁷ ã ni tuhsũ, Pedrore, pũaro Zebedeo pohñare tina tiarore pji wahcãre. Pji wahcã tuhsũ, tiro tuaro cahya, ñano yajeripohna tiha. ³⁸ ã cahyaro tó mehne macainare to pji wahcãrinare õ sehe niha:

—Tuaro ñano yajeripohna tija yũhũ. Yũhũre tuaro purĩno sehetã tũhotui nija michapucacã yũ yariaboro sehetã. Sohõ curero wahasinii nija. Õi tjuasiniga. ã yoa yũ cãno potori catiga mũsa cãhũ —niha tiro tinare.

³⁹ ã ni tuhsũ mahanocã waha namo, yahpai na tuhcuã caha sũ, Cohamacũre õ sehe niha:

—Mai, yũ ñano yũhdũhtire yoa du-aeracũ yoai tjia. Yũ ã nipachũta yũ cahmano sehe yoai tjia. Mũhũ sehe masina. Mũ cahmano sehetã yoaga yũhũre —ni siniha tiro Cohamacũre.

⁴⁰ ã ni tuhsũ, tiaro to buheina cahapũ wihimahno, carĩnare boca wihaha tiro. ã boca wihiro Pedrore õ sehe niha:

—¿Cũ hora waro yũ cãno potori cati masierari mũhũ?

⁴¹ Noano yoaga mũsa. Mũsa mũ sũro quihõno yoa duamana mũsa. Wiho mejeta mũsa basi tíre bihoerara. ã jina Cohamacũre siniga ñano mũsa yoaer-ahto sehe —ni yahuha Jesu.

⁴² ã ni yahu tuhsũ, pari turi waha, Cohamacũre õ sehe ni siniha:

—Mai, yũ ñano yũhdũhtire yoa duacũ yoaga yũhũre. Mũ cahmano sehetã yoaga —ni siniha tiro.

⁴³ ã ni tuhsũ, to buheina tiaro buheina cahapũ pari turi wihaha tjia. ã wihiro carĩnareta boca wihaha tjia. Wũjo caha yũhdũaha tina. ⁴⁴ ã jiro tinare cũnoca, pari turi waha, Cohamacũre siniha. Tó pano to niriro sehetã niha tjia. ⁴⁵ ã ni tuhsũ to buheina cahapũ wihi, tinare õ sehe niha:

—¿Carĩ, sosinina nijari mũsa? Tó purota carĩga mũsa —niha tiro.

ã ni tuhsũ, õ sehe ni namoha Jesu:

—Tũhosiniga. Michapucacã yũhũ masũnore Cohamacũ warocarirore ñainare waahca yũhũre. ⁴⁶ Wahcãga. Basa wahana. Ñũga. Yũhũre ñũ tuhti-inare ñohtiro õi tara —niha tiro.

Jesure ñũ tuhtiina tirore peresu yoaha

(Mr 14.43-50; Lc 22.47-53; Jn 18.2-11)

47 To ã nino watoi sã mehne macariro cjiro Juda sehe wihire. Tiro mehne masa payu wihire. Tina sacerdotea puhto, judio masa bucuca cãhu ti warocarina jire. Ñosaa pjĩnine, yuca siri cãhure cjuare. 48 Wahmanore Jesure ñu tuhtiinare ñohtiro masare õ sehe ni yahu quihõ tuhsaha:

—Yu wahsupu wihmirirota jirohca musa ñahahtiro. Tirore yu wihmiri baharo ñahaga tirore —niha Juda tinare.

49 To ã ni tuhsari baharo wihiro, Jesu cahapu dói waha bahrañore.

—Buheriro, ¿jimajari mahu? —ni tirore wahsupu wihmire.

50 To ã wihmichu Jesu õ sehe nire:

—Coyeiro, ¿michapucacã mu yoa duarire yoaga? —nire tiro.

To ã ni tuhsachu tina Jesure ñahare.

51 Ti ã yoachu ñano Jesu mehne macariro to ñosari pjĩne tãwe na, sacerdotea bui puhtoro cahamacunore to cahmonore dute pahrēnocare. 52 To ã yoachu ñano Jesu tirore õ sehe ni yahure:

—Mu ñosari pjĩne wihboga. Painare mu ñosachu ti ñosa cahmachu yari-aihca mahu. 53 Yu Pucure yahure yu yoadoho dutichu tiro sehe payu anjoare doce curuarire yu cahai warocaboa tiro. ¿Tíre masierajari mahu? 54 ã yoadohoboriro to jipachuta tirore yahure yoadoho dutisi yahu. Yu ã dutierachu Cohamacu yare ti joari pũ to niriro seheta ã waharohca —nire tiro.

55 ã ni tuhsu masare õ sehe ni yahure tiro:

—¿Dohse jiro baro musa ñosaa pjĩni mehne, yuca tiri mehne yacarirore ti yoariro seheta musa yahure ñahana tajari? Dachoripe Cohamacu wuhapu musare yu buhe dujichu, musa yahure ne ñahaerare. 56 ã jipachuta ahri jip-ihitia ã waharo cahmana Cohamacu yare yahu maitaina cjiri ti ni joariro seheta —nire Jesu.

Tirore ti ã ñahachu ñuna sã to buheina tirore cohã muroca wahcã wahai sã.

Judio masa puhto Jesure sinituha
(Mr 14.53-65; Lc 22.54-55, 63-71; Jn 18.12-14, 19-24)

57 ã yoa tirore ñaharina cjiri sacerdotea bui puhtoro Caifa wama tirore ya wuhapu na sãhã tirore. Tí wuhaihta marine judio masare buheina, bucuca cãhu cahmachuha.

58 Tõpu Jesure ti naachu Pedro yoaropu tinare ñu nuu tiha. ã nuu tiro Caifa ya wuhure ducataru sahrĩnore su, tí sahrĩno puhichapu sã wahaha. Sã su, tí wuhure cohtaina surara mehne dujia. Jesure ti dohse yoachu ñano taro niha.

59 ã jia sacerdotea puhto, mari coyea judio masa bucuca, paina puhto mehne Jesure wajã duti duaa, tiro to quihõno yoarerire ti yahusãhtire wacũ macamaha.

60 Wiho mejeta tíre bocaeraha. To quihõno yoerari mariapachuta, payu masa tirore ti cahmano yahusãmacanocaha. ã jia puaro ti baharo macaina tirore 61 õ sehe ni yahusãha tjoa:

—Ahriro õ sehe nire: “Cohamacu wuhure cohã masija. ã cohacu tia nuu wahaboroi tí wuhure pari turi yoaihtja”, to nichu tuhohi sã —ni yahusãmacanocaha Jesure.

62 Ti ã niri baharo sacerdotea bui puhtoro wahcãruca su, Jesure õ sehe ni sinituha:

—¿Ahrina muhure ti yahusãpachuta tinare yuhti cahmaerajari mahu? ¿Muhure ti yahusãrere dohse ni yuhti cahmajari mahu? —niha puhtoro.

63 To ã nichu tuhparota Jesu ãta tuhhotunocaha. To ã yuhtierachu ñano sacerdotea bui puhtoro pari turi sinituha tjoa:

—Cohamacu catiriro wama mehne potocã niga mahu. Mu ã nierachu tiro muhure buhiri dahrerohca. Yahuga sãre. ¿Cristo Cohamacu macunota jijiari mahu? —ni sinituha tjoa.

64 To ã nichupata Jesu õ sehe ni yuhtiha:

—Tirota jija. Musare potocã yahuita nija. Baharo yuhu masuno

Cohamacu warocariro yu Pucu jip-
ihtina bui tuariro cahapu to potu
buhuseheru yu dujichu ñunahca
musa. Ñ yoa muanu macaa me bui
yu tachu cūhare ñunahca musa —ni
yūhtiha Jesu.

⁶⁵ To ñ nichu tūhoro sacerdotia bui
pūhtoro, to basi to sārari suhtirore
tūhrēnocaha painare “Sua yūhdūara”,
ni ñu masi dutiro. Ñ tūhrēnocahno ñ
sehe niha:

—Cohamacu pjiro ñano durucuro
nina ahriri. Ñ jina to ñano durucuaru
tūho tuhsūja mari. Ñ jia tó peinata
yahusājaro ahrirore. Ōihta to ñano
durucuchu tūhoja mari. ⁶⁶ ¿Dohse
yoanahcari mari mipare ahrirore?
—ni sinituha tiro paina pūhtoare.

—To ñari buhiri wajānocano cah-
mana tirore —ni yūhtiha tina.

⁶⁷ Ti ñ niri baharo to wūhdūare
chahcho puti sihō mūja, tirore cjāpe,
dota mūjaha tina. ⁶⁸ Tirore cjāpe
tuhsu, ñ sehe nipeha tirore:

—¿Diro sehe mūhare cjājari? Cristo
jicu ñuerapaihta yahuga sāre —ni
cjāpe dota mūjaha tina.

*“Tirore masieraja”, niha Pedro
Jesure*

*(Mr 14.66-72; Lc 22.56-62; Jn 18.15-
18, 25-27)*

⁶⁹ Ñ yoa tí wūhu cahai jiri wapai
noari wapai Pedro sehe dujiha. To ñ
dujichu ñuno sacerdotia bui pūhtoro
cahamacono tiro cahapu sūro, ñ sehe
niha:

—Mūhu cūhu Jesu Galilea macariro
mehne jire —niha ticoro.

⁷⁰ To ñ nichu tūhoro, Pedro ñ sehe
niha:

—¿Dohse nimacanocaco nijari
mūhu? Mu nirirore ne masieraja
yūhu —niha Pedro ticorore jipihtina
ti tūhorocaroi.

⁷¹ To ñ niri baharo tí wapa macari
sahrīno sopaca cahapu wahaha Pe-
dro. Tóto to jichu pacoro cahamacono
tirore ñuno, tóto jūnare ñ sehe niha:

—Jesu Nazare macariro mehne jire
ahriri cūhu —niha ticoro Pedore
tjoa.

⁷² To ñ nichu tūhoro Pedro ñ sehe ni
yūhtiha:

—Cohamacu mehne potocā nii
nija. Tiro mu nirirore ne masieraja
yūhu —ni yūhtiha Pedro.

⁷³ Ñ yoa mahanocā baharota tóto
ducuina Pedro cahapu waha, tirore ñ
sehe niha tjoa:

—Potocā tjira. Jesu yaina mehne
macariro jira mūhu cūhu. Tina yoaro
seheta durucura mūhu —niha tina
Pedore.

⁷⁴ Ti ñ nichu Pedro ñ sehe ni
yūhtiha:

—Potocā Cohamacu mehne nii nija
mūhare. Yūhu potocā yu nierachu
Cohamacu yūhare buhiri dahrejaro.
Tirore musa nirirore ne masieraja
yūhu —ni yūhtiha tiro tinare.

To ñ nichu caraca duha. ⁷⁵ To
dūhu tūhoro Jesu tirore to nirire
wacūha. “Caraca to duhto pano
‘Jesure masieraja’, niuhca mūhu. Tia
taha ñ niuhca mūhu”, Jesu to niri
cjirire wacūha Pedro. Ñ wacūno, tí
sahrīno sopacare wijaa, tuaro tiha.

27

*Pilato cahapu Jesure naaha
(Mr 15.1; Lc 23.1-2; Jn 18.28-32)*

¹ Ñ yoa bohrearopu sacerdotia
pūhtoa, mari judio masa bucūna
cūhu Jesure ti wajā dutihtore cahma
sūhūduha. ² Ti ñ yoari baharo tirore
duhte, Pilato cahapu naa, tirore
waha Pilatore. Pilato sehe tí yahpa
macaina pūhtoro jire.

Juda Iscariote yariaa wahaha

³ Ñ yoa Jesure ti wajā dutichu
ñuno Juda sehe Jesure ñoriro tirore
to ñori cjirire tuaro wacū cahyaha. Ñ
cahyaro treinta tūri to ñahari niñeru
tūrire wiaro waharo, sacerdotia
pūhtoa cahapu, bucūna cahapu su, ñ
sehe niha:

⁴ —Jesu mūhare yu ñoriro ñaa mari-
eriro to jipachūta tina wajā dutire
tirore. Ñ jicu mūhare tirore ñocu ñano
yoai nihti yūhu —ni yahuha Juda
tinare.

To ñ ni yahuri baharo tina ñ sehe ni
yūhtiha:

—Āta yoawahnojaro. Sāre yaba cjihti jierara tí m̄ã ã nia. M̄h̄u d̄ihta ã ni t̄ahotura tíre —ni ȳhtiha tina tirore.

⁵ Ti ã ni ȳhtiri baharo Cohamac̄u ya w̄h̄ūi Juda to niñeru t̄urire doca site c̄unocaha. Doca site c̄unoca, waha wahaha. Waha, yuta dare d̄uhte yo, to basi wam̄ūai tju suha, puroca yoja s̄u, yariaa wahaha j̄una.

⁶ Ā jia sacerdotea p̄h̄toa niñeru t̄urire naa, ò sehe niha:

—Ahri niñerure Cohamac̄u w̄h̄ū macari carop̄u niñeru wihbori carop̄u mari c̄u masieraja. Ahri niñeru mehnetā mas̄nore wajã dutire. Ā jia mari dutia marine tó sehe jia niñerure wihbo dutierara —niha tina ti basi.

⁷ Ti ã niri baharo “Ò sehe yoajihna”, ti ni s̄h̄duri baharo dihi biatorire yoariro ya yahpare nuch̄aha. Tí t̄ari mehne nuch̄aha. Pa sehe macaina ti wihi ti yariach̄u ti yahti yahpa cjihtore tí yahpare nuch̄aha. ⁸ Ā jia tí yahpare “Di yahpa” wamoare masa. Mip̄u c̄uh̄ure āta wama tira. ⁹ Ahri j̄ip̄htia ã wahari jire Jerem̄ia cjiro panop̄u “Ā waharohca”, to ni joariro seheta. Tiro Cohamac̄u yare yahu m̄h̄tariro cjiro jiha. Ò sehe ni joaa tiha tiro: “Treinta niñeru t̄urire plata t̄urire ‘Tó purota wapanahca tirore sã ñahahtore’, niahca Israe masa. ¹⁰ Ā jia tí t̄ari mehne dihi biatorire yoariro ya yahpare nuch̄ahca tina. Ò seheta ȳh̄ure yoa dutire Cohamac̄u”, ni joaa tiha Jerem̄ia panop̄u.

Pilato Jesure sinituha

(Mr 15.2-5; Lc 23.3-5; Jn 18.33-38)

¹¹ Ā yoa Pilatore ti wari baharo tiro sehe Jesure ò sehe ni sinituha:

—¿Potoc̄ata judio masa ti p̄h̄torota j̄ijari m̄h̄u? —ni sinituha Jesure.

—M̄u nino seheta tiro tjija —ni ȳhtiha Jesu.

¹² Ā ni ȳhtiparota, sacerdotea p̄h̄toa, b̄uc̄una c̄uh̄u ti yahus̄ach̄u ȳhtieraha tiro. ¹³ To ã ȳhtierach̄u ñ̄no Pilato ò sehe ni sinituha:

—¿Ahri j̄ip̄htia m̄h̄ure ti yahus̄arire t̄ahoerajari m̄h̄u? —ni sinituha tiro Jesure.

¹⁴ To ã ni sinitupach̄uta Jesu ne c̄u d̄usero ȳhtieraha. To ã ȳhtierach̄u ñ̄no Pilato c̄uaa wahaha.

Jesure wajã dutiha

(Mr 15.6-20; Lc 23.13-25; Jn 18.38-19.16)

¹⁵ C̄uh̄maripe pascuaripe masa yairo cjihtore c̄airo peresup̄u j̄irirore Pilato ã wiobasa m̄j̄aa tiha. Masa ti wio dutirirore wiobasa m̄j̄aa tiha. ¹⁶ Tí p̄jare Barrabá wama tirore peresup̄u j̄iha. Tirore masia tiha payu masa. ¹⁷ Ā yoa ti ã cahmachuch̄u Pilato sehe ò sehe ni sinituha tinare:

—¿Diro sehere m̄sare wiobasabocari ȳh̄u? ¿O Barrabá sehere o Jesure Cristo ti nirirore wiobasabocari ȳh̄u? —ni sinituha tiro.

¹⁸ Jesure masa ti cah̄ich̄u ñ̄u judio masa mari p̄h̄toa tirore ñ̄u tuhtiha. Ā ñ̄u tuhtia tirore waha Pilatore. Ā jiro masa ti cah̄iri buhiri judio masa mari p̄h̄toa ti ñ̄u tuhtirire masino Pilato Jesure wio duamaha.

¹⁹ Ā yoa Pilato masare soro sehe yoainare to beseri pahtai to dujich̄u to namono tirore quiti warocaha: “Micha ñ̄amine Jesure cah̄aco, tuaro ñ̄ano ȳhd̄uhi. Ā j̄ic̄u tirore ñ̄aa marierirore ne jiape yoai tjiga m̄h̄u”, ni yahurocaha to namono Pilatore.

²⁰ Ā jia wahmanop̄ure sacerdotea p̄h̄toa, b̄uc̄una c̄uh̄u masare ò sehe ni duti tuhs̄aha. “Barrabá sehere wio duti, Jesu sehere wajã dutiga”, ni dutiha masare. ²¹ Ā yoa Pilato masare ò sehe ni sinituha:

—¿Ahrina p̄arore diro sehere m̄sare wiobasabocari ȳh̄u? —ni sinituha.

—Barrabá sehere wiobasaga s̄are —ni ȳhtiha.

²² —¿Ahriro Jesu Cristo ti niriro sehere dohse yoaih̄cari ȳh̄u m̄sa ã ni sañurucuch̄u? —ni sinituha tiro.

—Crusap̄u c̄j̄a puha wajãga tirore —ni ȳhtiha masa j̄ip̄htina.

²³ —¿Yaba barore ñ̄aare yoari ahriro m̄sa ã nich̄u? —ni sinitu namoha tiro. To ã nich̄u t̄hoa tina tuaro mehne sañurucuha:

—Crusap_u cjã puha wajãga tirore —ni sañurucuha masa tirore.

²⁴ Ti ã ni sañurucuch_u tuhoru, tirore ti tuho duaerach_u ñuno “Masa sua, cahmacheboca” nino, yuhtirota õ sehe yoaha Pilato. Masa ti ñurocaroi tiro wamo cosaha. ã wamo cosaro õ sehe niha:

—Ahrirore ñaa marierirore wajãri buhiri ya buhiri jierara. M_{usa} ya buhiri jira —nino wamo cosaha.

²⁵ To ã nich_u tuhoa jipihtina masa õ sehe niha:

—Ahrirore wajãri buhiri sã, sã pohna cãh_u sã ya buhiri jijaro —niha masa.

²⁶ Ti ã nich_u tuhoru Pilato Barrabãre peresup_u jirirore wio dutiha masa ti cahmarirore. ã yoa tuhs_u Jesu sehere yuta dari mehne tjana duti, tirore crusap_u wajã dutiro wiaha surarare.

²⁷ To ã wiach_u Pilato ya wãhup_u to surara Jesure na suha. ã yoa tina surara jipihtina Jesu cahap_u cahmachuha. ²⁸ ã cahmachua to suhtire tjuwe na, puhtoro ya suhtiro sehe bajuri suhtirore tirore sãaha. ²⁹ ã sãa tuhs_u, pota sorore yoa tuhs_u, to dapu bui duhu payoha. ã duhu payo tuhs_u, wãjucare poto buhusehe sehe dahra suhaha. Dahra suha tuhs_u, na tuhcuca caha s_u, bujup_upeha tirore:

—Noano tagã. Judio masa puhtoro noano tagã —ni bujup_upeha tirore.

³⁰ ã niata tirore chahcho puti sihõ m_uja, ti dahra suhad_u cjirore tirore tuãwe na, to dapure cjãha tu mehneti. ³¹ Ti ã bujup_uperi baharo ti sãari suhtirore tjuwe na, to ya suhti sehere sãaha tjoa. Sãa tuhs_u, crusap_u wajãa taa tirore na wijaaha.

Tina Jesure crusap_u cjã puha, wajãha

(Mr 15.21-32; Lc 23.26-43; Jn 19.17-27)

³² Tirore na wahcã, Simo wama tirirore Cirene macarirore piti boca, tirore Jesu to wãari crusare wãa wahcã dutire.

³³ Wãa wahcã, Gólgota wama tirop_u sure. Gólgota nino, “Dapu cohã”, nino

nina. ³⁴ Tuhs_u, vinore suẽa co ñimaca macaa co mehne ti morea core Jesure wamare tina. Tí core sihni ñ_u, sihnierare tiro.

³⁵ ã yoa to suhtire ti tjuwe nari baharo tirore crusap_u cjã puhare tina. ã cjã puha tuhs_u, to sãa suhti cjirore ti basi cahma witia taa, “¿Noa yaro jirohcari õ?” ni masia taa, docapea poca mehne docape m_ujaha tina. [ã yoa Cohamac_u yare yahu m_uhtariro cjiro to ni joariro seheta yoa nire tina. Õ sehe ni joa tiha tiro: “Y_u suhtire ti basi naa taa, ‘¿Noa yaro jirohcari õ?’ ni, docapea poca mehne docape m_ujaha tina”, ni joa tiha panop_u.]

³⁶ Docape tuhs_u tirore ñ_u dujirucure tina. ³⁷ ã yoa Jesure “¿Yaba buhiri mehne yariabocari tiro?” ti ni masihto sehe, õ sehe ni ti joa õri p_uñe crusap_u duhu õha tina. “Ahroro Jesu judio masa bui puhtoro jiriro jira”, ni joa õre tina tí p_uñ_u. ³⁸ Baharo puaro yaca bucuna cãhure Jesu cahai paye crusari p_uñip_u cjã puha dapore tina. Cãiro to poto buhusehei, paio to cõ buhusehei cjã puha dapore tina. ³⁹ Crusari cahai y_uhd_u wahcãina Jesure ñ_u, ti dapu pocare yureroca, tirore ñano durucure:

⁴⁰ —¿Cohamac_u wãhure cohã, tia dacho wahaboroi pari turi tí wãhure dahrehtiro jijari m_uh_u? Cohamac_u macuno jic_u m_u basi dujia taga. ã yoa m_u basi yoadohoga. ã jii y_uhd_u witiihca m_uh_u —nire masa.

⁴¹ ãta ni bujup_uere tirore. Sacerdotea puhto cãh_u, marine judio masare buheina cãh_u bucuna cãh_u tirore ã ni bujup_uere:

⁴² —Tiro painare yãhdoriro jiparota to basi yãhd_u masierara. “Israe masa puhtoro jija”, nimana tiro. ã jina to basi to duji tach_u ñuna tirore wacũ tuanhca. ⁴³ Tiro sehe Cohamac_u wacũ tuamana. Tuhs_u, “Cohamac_u macuno jija”, nimana tiro. To ã jiriro jich_u Cohamac_u sehe tirore yoadohojaro —ni bujup_uere tina.

⁴⁴ Yaca bꝛcuna tiro cahai ti cjā puharina cjiri cāhꝛ tó seheta tirore bꝛjꝛpe, ñano ni durucure tina cāhꝛ.

Jesu yariaa wahaha

(*Mr 15.33-41; Lc 23.44-49; Jn 19.28-30*)

⁴⁵ Ā yoa cohari pja jichꝛ tia hora waro jipihtiropꝛ nahitiano jire. ⁴⁶ To nahitia duhuchꝛ waro Jesu tuaro sañurucure:

—Elí, Elí ¿lama sabactani? —nire tiro. Ā nino õ sehe nino nire: “Yꝛ Cohamacꝛ, yꝛ Cohamacꝛ, ¿dohseacꝛ yꝛhꝛe cohāri mꝛhꝛ?” nino nire.

⁴⁷ To ā nichꝛ tuhoa cāina tó ducuina õ sehe nimare:

—Cohamacꝛ yare yahu mꝛhtariro Elia cjirore pjirocaro niboca —nimare tina.

⁴⁸ Ti ā ni tuhsꝛchꝛ cāiro tina mehne macariro wihmi nari sꝛhtepꝛ vino sꝛhꝛa core soha tuhsꝛ, na mꝛroca, yꝛchꝛ sohtoai dꝛhte õ, Jesure wihmi dutimare. ⁴⁹ To ā yoachꝛ ñꝛa paina wihmi dutirirore õ sehe nimare:

—Depꝛsinia. Elia wihí, ahriroro to na borochꝛ ñꝛsinijihna mari —nimare paina.

⁵⁰ Ti ā niri baharo pari turi sañurucu, Jesu sehe yariaa wahare.

⁵¹ To ā yariachꝛta Cohamacꝛ wꝛhꝛ macari suhtiro, ti dꝛcatari suhtiro dacho macai bui sehe tꝛhnꝛ bora ta, tꝛhnꝛroca yoja sꝛa wahaha. Tuhsꝛ, yahpa cāhꝛ ñꝛhꝛmire. To ā ñꝛhꝛmichꝛ tãa bꝛjꝛa poca wahtia wahare. ⁵² Ā yoa masa coparire pjõochꝛ, payꝛ Cohamacꝛ yaina cjiri panopꝛ yariarina cjiri masa wijaaha. ⁵³ Masa wijaa, Jesu sehe to masa wijaari baharo tí coparire cohānoca, noari macapꝛ Jerusalēꝛ wahare tina. Tóꝛꝛ ti wahachꝛ payꝛ masa ñꝛa tiha tinare.

⁵⁴ Ā jia yahpa to ñꝛhꝛmichꝛ ñꝛa, payꝛ paye ti ā wahachꝛ ñꝛa surara pꝛhtoro to surara mehne cꝛaa wahare. Tina Jesure crusapꝛ jirirore cohtaina jire. Cꝛaa waha, õ sehe nire:

—Potocā tjiri jimana. Ahriro Cohamacꝛ macꝛnota jiri jimana —nire tina.

⁵⁵ Ā yoa Galileapꝛ Jesu mehne tari numia cjiri tirore yoadohori numia

cjiri yoaropꝛ tirore crusapꝛ jirirore ñꝛrocarucua nire. ⁵⁶ Tí numia mehne María Magdalena jire. Pacoro María wama tiricoro cāhꝛ jire. Ticoro sehe Santiago, José cāhꝛ pocoro jire. Pacoro Zebedeo namono jire.

Jesu pjacꝛre masa copapꝛ cāha José
(*Mr 15.42-47; Lc 23.50-56; Jn 19.38-42*)

⁵⁷ Ā yoa ñamichahapꝛ José Arimatea macariro pache pꝛro tó sꝛa tiha. Tiro Jesu buheriro jire. ⁵⁸ Ā yoa Pilato cahapꝛ sꝛ, Jesu pjacꝛre siniha. To ā sinichꝛ tuhoro Jesu pjacꝛre tirore wa dutiha Pilato. ⁵⁹ To ā dutiri baharo José sehe Jesu pjacꝛre na boro, noari suhtiro wete marieni suhtiro mehne to pjacꝛre wahmaha. ⁶⁰ Wahma tuhsꝛ, José to ya masa copapꝛ siõ payoha to pjacꝛre. Tí copa ti tãcai sahari copa wahma copa jire. Tí copapꝛ yo sãa duhu payo tuhsꝛ, pjiria tãcare tju turē wahcāha tia mehne bihoro taro. Biha tuhsꝛ, wahaa wahaha. ⁶¹ Ā jia María Magdalena, pacoro María mehne tí copare ñꝛ dujirucuha.

Jesure ti cūri copare surara cohtaha

⁶² Ā yoa pa dachoi, Pascua cjih-tore ti cahnori dacho baharo, sabado jichꝛ sacerdotea pꝛhtoa fariseo curua macaina cāhꝛ Pilato cahai cahmachuha. ⁶³ Cahmachu tuhsꝛ õ sehe niha tina Pilatore:

—Pꝛhtoro, tiro mahñoriro Jesu catisinino õ sehe niha tiro: “Tia dacho wahaboroi masa wijaaichꝛ yꝛhꝛ”, niha tiro. ⁶⁴ To ā niriro jichꝛ to buheina sehe to pjacꝛre yacoboca. Ā yaca masare õ sehe niboca: “Jesu masa wijaare”, niboca tina. Tiro Jesu sehe masare mahñono nire. Wiho mejeta to buheina sehe “Tiro masa wijaare” nia, mahñoina jiahca tina. Ā jiro Jesu to mahñoriro yꝛhꝛoro ti ya mahñoa sehe ñaa yꝛhꝛarohca. “Ā yacari” nicꝛ, tia dacho waro to masa copare mꝛ surarare cohta dutiga —niha tina Pilatore.

⁶⁵ Pilato õ sehe ni yꝛhtiha:

—Jai. Yꝛ yaina surara cohtajaro. Ā yoa mꝛsa cāhꝛ mꝛsa bihoro puro

tí copare noano cohtaga —niha tiro tinare.

⁶⁶ To ã nichu tina waha, tí copapu bihari tâca mehneputa ñahachuputa wihtã ñahaha masa ti sãachu ñu masia taa. Å yoa tuhsu, surarare tí copare cohta dutiha.

28

Jesu masa wijaaha

(Mr 16.1-8; Lc 24.1-12; Jn 20.1-10)

¹ Å yoa judio masa mari sori dacho sabado dacho sehe to yuhduri baharo domingo jichu ñami curero jichu María Magdalena, pacoro María mehne Jesu masa copare ñua wahaha. ² Tí pjare dóihta yahpa tuaro ñuhmi bahrañoa. To ã ñuhmichu mari puhtoro to yairo anjo manopu jiriro duji ta, masa copare bihari tâcare tju turêroca, tia bui dujiha. ³ Tiro anjo orocasitero yoaro sehe noano si siteriro, to suhti yaja pjoa yoaro sehe noano yehsea suhti jiha. ⁴ To ã bajuchu tí copare cohtaina surara cui yuhduu, tetere, bui warohna yaria yuhduu wahaha. ⁵ Å yoa tuhsu anjo sehe tí numiare õ sehe niha:

—Yuhure cuiena tjiga. Crusapu ti cjã puhariro, Jesure masu macachu masija yuhu. ⁶ Wiho mejeta tiro sehe mipure õre mariahna. To niriro seheta tiro masa wijaa wahare. To pjacure ti duhu payoriro cjirore ñuna taga. ⁷ Å ñu tuhsuna to buheina cahapu ño duaro waha, õ sehe ni yahuna wahaga: “Jesu masa wijaare. Å jiro masu pano Galileapu tiro waha yurohca. Tõpu tirore ñunahca masu”, ni yahuna wahaga masu. Ahri yu nirire wacũga masu —niha anjo tí numiare.

⁸ To ã niri baharo tí numia masa copapu jia numia soaro mehne wijaa, tirore cuipahta wahche yuhduu mehne Jesu buheinare yahua waha, murocaha. ⁹ Å waha numiare Jesu piti boca, õ sehe niha:

—¿Noano jimajari masu? —niha tiro.

To ã niri baharo, tina sehe tiro cahapu su, to dahporire ñaha, tirore ño payoha.

¹⁰ —Cuiena tjiga masu. Yu buheinare “Galileapu wahaga”, ni yahuna wahaga. Tõpu yuhure ñunahca tina —niha Jesu tinare.

Masa copare cohtaina surara ti ñurire yahuha

¹¹ To ã niri baharo tí numia ti waharo watoi cãina masa copare cohtaina mehne macaina surara, Jerusalẽpu sacerdotea puhtoare yahu pahñoa wahaha. Jesu to masa copapu wijaarire yahu pahñonocaha. ¹² Ti ã ni yahuchu sacerdotea puhto, judio masa mari bucuna mehne cahmachuha. Cahmachu, suhduha. Å jia surarare mahño dutia payu niñerure wapaha.

¹³ —Õ sehe niga masu masare: “Ñami sã carino watoi to buheina sehe masa copapu wihi, to pjacure nanocari jire”, ni yahuga masare. ¹⁴ Masu ã ni yahuchu Pilato sehe masu carĩ yuhdurire tuhrocaboca. To ã tuhochu, “Masare tuhtiri”, nina masare yahubasanahca sã tirore —niha tina surarare.

¹⁵ Ti ã niri baharo surara sehe niñerure ñaha, tinare ti mahño dutiro seheta masare yahua wahaha tina. Å jia tó sehe Jesu to masa copare wijaarire yahurucura judio masa. Mipu cũhure ãta ni yahura tina.

Jesu buhe dutiro to cõrinare dutiha *(Mr 16.14-18; Lc 24.36-49; Jn 20.19-23)*

¹⁶ Å yoa sã Jesu buheina once buheina tãcupu Galileai jidupu Jesu to waha dutidupu wahai sã. ¹⁷ Tõpu su, Jesure ñuna, ño payoi tirore. Å ño payoina jipanahta, sã cãina “Ahriro Cohamacu macno jieraboca”, ni tuhutumai. ¹⁸ Sã ã ño payochu tiro sehe sã cahapu wihi, õ sehe nire:

—Ahri yahpapure, mano cũhure Cohamacu jipihtinare dutiro waro jichu yoare yuhure. ¹⁹ To ã yoachu õ sehe dutija masare: Jipihtiro macainare yu yare buhena wahaga.

Y_u yaina ti wahahto sehe buhena wahaga. Ñ yoana y_u P_uc_u to wama mehne, y_u wama mehne, Espíritu Santo to wama mehne tinare bautisaga. ²⁰ Ñ jina m_usare y_u dutirire ti yoa pahñohti cjihtire buhega tinare m_usa. Ñ yoana ahrire y_u nihtire wacũga: Jipihtia dachoripe ahri yahpa to jiro puro m_usa mehne ã jirucuihca. M_usa mehne y_u ã jirucuhtore wacũga m_usa —ni yahure sãre Jesu.

San Marcos

João masare bautisariro buhe dꞩcaha

(Mt 3.1-12; Lc 3.1-9, 15-17; Jn 1.19-28)

¹ Ahri tjuí Jesucristo Cohamacu macano to yoare noaa buheare yahu dꞩcaja.

² Cohamacu yare yahu mꞩhtariro cjiro Isaia to joariro seheta ahri yahua jira. Õ sehe ni joaha tiro:

“Cohamacu to macanore ò sehe niha: ‘Mꞩ pano mꞩhure yahuyuhitirore warocai nija.

³ ã jiro tiro masa marienopꞩ waharohca.

Tirore tꞩhoinare yahuro sañurucurohca:

“Mari puhtoro to tahto pano mꞩsa ñaa tꞩhotuare cohtota, cahno mꞩhtaga mꞩsa”, ni sañurucurohca’, niha Cohamacu”,

ni joaa tiha Isaia cjiro João cjihtore.

⁴ João masare bautisariro masa marienopꞩ masare buhea tiha:

—“Sã noaina jija”, ni mꞩsa tꞩhotumari cjirire duhu, mꞩsa ñaa buhirire cahya, Cohamacu sehene cahmaga mꞩsa. ã jina bautisarina jiga. Mꞩsa ã yoachꞩ ñꞩno Cohamacu mꞩsa ñaa buhirire borohca —ni buhea tiha tiro.

⁵ ã yoa jipihtina Judea yahpa macari macaina, Jerusalẽ macaina mehne tiro cahapꞩ ti sꞩchꞩ ñꞩno João sehe Jordão wama tiri mapꞩ bautisaha tinare. Tinare to bautisahto pano tina sehe ti ñaa yoarire yahu yꞩhdꞩha Cohamacure.

⁶ Tiro João sehe camello pjoari suhtirore sãariro wahiquiro cahsaroreta tꞩã dihoriro jiha. Poreroare, macaroca macaina miquina mi cꞩhure chꞩa tiha. ⁷ ã yoa ò sehe ni buhea tiha:

—Yꞩ baharo yꞩ yꞩhdoro tuariro tarohca. Noa yꞩhdariro jira tiro. Tiro yoaro sehe jieraja yꞩhꞩ sehe. ã jicꞩ tirore tꞩhotucꞩ, “Wiho jiro jija

yꞩhꞩ”, ni tꞩhotuja yꞩhꞩ. ⁸ Mꞩsare bautisacu co mehne yoamahi. Tiro sehe yꞩ yꞩhdoro yoarohca. Espiritu Santore mꞩsa mehne jirucuchꞩ yoarohca —ni buhea tiha João.

João Jesure bautisaha

(Mt 3.13-17; Lc 3.21-22)

⁹ ã yoa tí pjare Jesu Nazarepꞩ Galilea yahpai jiri macapꞩ jiro Jordão wama tiri mapꞩ sꞩha. Tópꞩ to sꞩchꞩ João bautisaha tirore. ¹⁰ To ã bautisa tuhsꞩchꞩ Jesu diapꞩ ducuriro sꞩrꞩcꞩ sꞩro mꞩano to parĩ mꞩaa wahachꞩ ñꞩha tiro. To parĩ mꞩachꞩta Espiritu Santo buja yoaro sehe Jesu bui duji pja sꞩha.

¹¹ To ã duji pja sꞩchꞩ mꞩanopꞩ durucuro coa taha:

—Mꞩhꞩ yꞩ macꞩ yꞩ cahĩriro jira. Mꞩhꞩ mehne tuaro wahcheja —nino coa taha mꞩanopꞩ.

Satana ñaare yoa dutimaha Jesure

(Mt 4.1-11; Lc 4.1-13)

¹² Tí pjare Jesure masa marienopꞩ Espiritu Santo naaha. ¹³ Tópꞩre sꞩro cuarenta dachori waro jiha. Watĩno sehe Jesu to ñaare yoachꞩ ñꞩ duaro, ñaare yoa dutimaha tirore. Tuhsꞩ, Jesu wahiquina nꞩcꞩ macaina mehne jiha. Tói to jichꞩ ñꞩa anjoa sehe tirore yoadohoa, chꞩare waha.

Jesu Galilea yahpai buhe dꞩcaha

(Mt 4.12-17; Lc 4.14-15)

¹⁴ ã yoa Joãoire peresupꞩ ti biha daporĩ baharo Jesu sehe Galilea yahpapꞩ noaa buheare puhtoro Cohamacu to sꞩho jiare yahuro wahaha.

¹⁵ Õ sehe ni yahuha:

—Mipꞩre ò sehe jira. Puhtoro Cohamacu mꞩsare to noano sꞩho jihto mahanocã dꞩhsara. ã jina “Sã noaina jija”, mꞩsa ni tꞩhotumari cjirire duhuga. Mꞩsa ñaa buhirire cahya, Cohamacu sehene cahmaga. Ahri noa buheare “Quihõnota jira”, ni tꞩhoga mꞩsa —ni buhea tiha Jesu tinare.

Jesu pititiarore wahi wajāinare
“Yuhū mehne macaina cjihti taga”,
niha

(Mt 4.18-22; Lc 5.1-11)

¹⁶ Tíre yahu tuhsū, Galilea wama tiri bucūpariro duhtū cahapū sito wahcāmahnō ñūha Simore, to bahūro Andre mehne. Tina wahi wajāina jiha. Ā jia ti wañuyucūrire bucūpariropū doca ñoa niha. ¹⁷ Ā yoa Jesu tinare ō sehe niha:

—Yuhū mehne macaina cjihti taga mūsa. Yuhū mehne mūsa tachū mūsa wahire ñaha cahmachuina mūsa jiro seheta, Cohamacū yaina cjihtire masare pji cahmachuina cjihtire mū sare wahachū yoaihtja. Yuhū mehne mūsa tachū ā yoahina cjihtire cūihtja mū sare —niha Jesu tinare.

¹⁸ To ā nichū tūhoā ti wañuyucūrire cūno caa, tiro mehne wahaa wahaha.

¹⁹ Ā yoa tina mahanocā yūhdū wahcā, Santiagore, to bahūro João mehne boca sūha tjoa. Tina sehe Zebedeo pohna jiha. Ti yaria dohoriapū wañuyucūrire cahnoa niha.

²⁰ Ā yoa tiro to pjirocachū tina sehe ti pūcūrore, tiro mehne dahra cohtaina mehne dohoriapū cūno caa, Jesu mehne wahaa wahaha.

Watīa ti cohtotariro Jesure piti boc-
aha

(Lc 4.31-37)

²¹ Ā yoa tina Capernau wama tiri macapū sūha. Tórpū sūro Sabado jichū judio masa sā buheri wūhūpū buhero sāaha tiro. ²² Sā judio masare buheina yoaro sehe jieraha tiro. Noano masi pahñoriro ji, noano waro buheha. To ā buhechū tí maca macaina tūho cūaa wahaha. ²³ Tí pjare cūiro tí wūhūi jiriro watīa ti cohtotariro jiha. Tóji jiro ō sehe niha Jesure:

²⁴ —Mūhū Jesu Nazare macariro cariboi tjiga sāre. ¿Dohse yoai tai nijari sāre? ¿Mūhū sāre butichū yoai tai nijari? Cohamacū macūno buhiri tia marieriro mū jichū masija yūhū —ni sañurucuha tiro Jesure.

²⁵ To ā nichū tūhoro Jesu tuhtiha watīare:

—Dihta mariahga. Wijaahga tirore —niha Jesu.

²⁶ Ā jia watīa tirore yahpapū doca caha sū tunuchū yoa, to tuaro sañurucuro watoihita wijaaha tirore.

²⁷ Ā jia jipihtina tí wūhūi dujiina ñū cūaa yūhdūa wahaha.

—Cue, ¿wahma buhea jijari ahri? Tiro pūhtoro yoaro seheta dutira watīare. To dutichū tina watīa sehe yūhdūrucaerara tirore —ni durucuha tí wūhūi dujiina ti basi.

²⁸ Ā jia mahaa dachoricā baharoihta dóihita jipihtina Galilea yahpa macaina tíre to yoarire tūho sahsea wahaha.

Jesu Simo Pedro marechonore
noaricoro wahachū yoaha

(Mt 8.14-15; Lc 4.38-39)

²⁹ Ā yoa Jesu cūhū judio masa mari buheri wūhūpū jiina wijaaha. Ti ā wijaari baharo Jesu, Santiago, João, paina tina mehne macaina cūhūre Simo to bahūro Andre mehne ti ya wūhūpū sūho sāa sūha. ³⁰ Tí pjare Simo marechono juaro mehne to dohaticū cama bui to coāchū yahuha Jesure. ³¹ Ti ā yahuchū tūhoro tiro sehe ticoro cahapū sūro, to wamomacare ñaha, ticorore waja wahcō dapoha. To ā waja wahcō dapochūta ticorore juaro surua wahaha. To ā sururi baharo ticorota tinare chūare payoha.

Jesu payū dohatiinare noaina wa-
hachū yoaha

(Mt 8.16-17; Lc 4.40-41)

³² Ā yoa sū sāari baharo nahi borachūpū masa payū dohatiinare, watīa ti cohtotarinare Jesu cahapū na sūha. ³³ Ā jia jipihtina tí maca macaina cahmachūrcū sūha tí wūhū sopacai. ³⁴ Ā jiro Jesu payū dohatiinare, payū soro jia dohatia cūainare noaina wahachū yoaha. Watīa cūhūre, masare sāamarinare payū cohā wioha. Ā jiro watīa Jesure ti masichū ñūno Jesu sehe tinare durucu dutieraha.

Jesu buhe tinino wahaha

(Lc 4.42-44)

³⁵ Æ yoa ñami curerocã wahcã, nahitia curechuta masa marienopu Cohamacure sinino wahaha Jesu. ³⁶ To ã wahari baharo Simo cãhu tirore macaa wahaha. ³⁷ Tina tirore boca su, õ sehe niha:

—Masa jipihtina mũhure macaa nihre —niha tina.

³⁸ Ti ã nichu tũhoro õ sehe niha Jesu tinare:

—Tinare buhe tuhsuhi. Pa sehẽpu õ cahacã macaa macaripu wahajihna mari. Ahri yahpa macainare yahu site pahñoi tahi. Æ jicu yũhu paye macari macaina cãhure buheihtja —niha Jesu.

³⁹ Æ ni tuhsu, jipihtia Galileai jia macaripu judio masa mari buhea wũhusepu buhero, watfare masare sãamarinare cohã wioha.

Jesu cami barirore noariro wahachũ yoaha

(Mt 8.1-4; Lc 5.12-16)

⁴⁰ Æ yoa paio dohatiriro cami bariro Jesure piti bocaro, na tuhcuca caha su õ sehe ni siniha:

—Mũhu yãhure noariro wahachu yoa duacu yoaga —niha cami bariro.

⁴¹ To ã nichu tũhoro Jesu tirore pja ñuha. Æ jiro to wamomacare siõroca, tirore ña payoha. Æ ña payoro õ sehe niha:

—Tĩre yoa duaja. Noariro jiga mũhu —ni yahuha Jesu.

⁴² To ã nichuta dohatiriro to cami bari cjiri yati mũaa wahaha. Noariro wahaha tiro. ⁴³ To ã wahachu ñũno Jesu tirore tuaro mehne õ sehe ni yahuha:

⁴⁴ —Painare ahrire yahuecu tjiga. Æ yahuerapaihta mũ pjacure sacerdotere ñoga. Cohamacu dutia Moise cjirore to cũriro seheta yoaga. Æ yoacu minichahcare waga sacerdotere noariro mũ waharire mũ ñohti cjihtire —niha Jesu. Æ ni tuhsu “Wahaga”, niha tirore.

⁴⁵ To ã yahu dutierapachuta tiro waha, jipihtia macari macainare Jesu to yoirire yahuha. To ã yahuri baharo Jesu masa payu ti jiropure

waha masieraha. Æ jiro tiro mahainacã ti jiropu jiha. Tõpu to jichu payu macari macaina tiro cahapu suha.

2

Jesu pjacu bũharirore ducuchũ yoaha

(Mt 9.1-8; Lc 5.17-26)

¹ Mahaa dachori baharo Jesu Capernaupu tjuaa wahaha. Wũhu to jichu masa tũhoha. ² Æ jia tõi masa payu cahmachu tí wũhure wahpata wijaa surucaha. Æ jiro Jesu tinare noaa buheare yahuha. ³ To ã yahuro wato, pititiaro mũa jipihtiri pjacu bũharirore na wihaha. ⁴ Ti masa payu jichu ñuha Jesu cahapu sãa masieraha. Æ jia tina wũhu buipu Jesu bui waroi mahanocã muji pahmare nawe, pjacu bũharirore to coãri cahsaro mehne duhu boroha Jesu cahai. “Jesu ahrirore to dohatiare yãhdũchu yoarohca”, ni tũhotuha tina. ⁵ Ti ã ni tũhotuchũ masino Jesu sehe dohatirirore õ sehe ni yahuha:

—Macu, mũ ñaa yoari buhiri tiare cohã tuhsuaja —niha Jesu pjacu bũharirore.

⁶ To ã nichu tũhoa sã coyea judio masare buheina tõpũre dujiina ti basi õ sehe ni tũhotumaha: ⁷ “Ahriro ã ni durucuero tjijaro. Cohamacure ñano durucuro nina tiro. Tiro masũno mari yoaro seheta jirore jira tiro cãhu. Æ jiro to ñaa yoari buhiri tiare cohã masierara. Cohamacu dihta masa ti ñaa yoari buhiri tiare cohã masina”, ni tũhotumaha tina. ⁸ Ti ã ni tũhotuchũ ñũno Jesu ti tũhotuare masino õ sehe niha:

—¿Dohse yoana mũsa ã ni tũhotujari? ⁹ “Mũ ñaa yoari buhiri tiare cohã tuhsuaja”, yũ nichu “Mahñoriro jira”, yũhure nina mũsa masierapanahta. “Wahcãruca, wahaga”, yũ nichu to tinichu ñũna yũ niri potocã jia jichu dóihta masinahca mũsa. ¹⁰ Yũhu masũno Cohamacu warocariro ahri yahpũre masa ti ñaa yoari buhiri tiare cohã masija yũhu. Ahrire mũsa masihto sehe õ

seheta to wahach_u yoaihtja —niha Jesu judio masare buheinare.

Tinare ã ninota pjac_u buharirore õ sehe niha:

¹¹—M_uh_ure niita nija. Wahcãr_ucaga. M_u coãri cahsarore na wahcãga m_u ya w_uh_up_u —niha Jesu tirore.

¹²To ã nich_uta pjac_u buhariro cjiro wahcãr_uc_u s_u to coãri cahsarore na, jipihtina ti ñ_urocaroi wijaa wahaha. To ã yoach_u ñ_ua tina jipihtina ñ_u c_ua wahaha. “Cohamac_u tuariro jira” ni, “Ne, mari õ sehe yoaare ñ_uera tih_i”, niha tina ti basi.

Jesu Levíre Mateo ti ni pisurirore “Y_uh_u mehne macariro cjihto taga”, niha

(Mt 9.9-13; Lc 5.27-32)

¹³ ã yoa pari turi Jesu bu_uc_upariro d_uht_u cahap_u wahaha tjoa. Tó_up_u s_uro masa pay_u tiro cahai ti cahmachuch_u ñ_uno tiro buheha tinare. ¹⁴ ã yoa tuhs_u tó_up_u jiro wahamahno Levíre Alfeo mac_unore to dahrari tahtiap_u boca s_uha. Paina mehne pu_uhtoa ya cjihtire wapa na cohtaina jiha Leví cã_u. Tirore boca s_uro õ sehe niha:

—Y_uh_u mehne macariro cjihto taga m_uh_u —niha Jesu Levíre.

To ã nich_uta Leví sehe wahcã s_ur_uca, Jesu mehne wahaa wahaha.

¹⁵ ã yoa baharo Jesu sehe to buheina mehne Leví ya w_uh_up_u ch_uro niha. Jesu mehne wahaina sehe pay_u jiha. Cãina pu_uhtoa ya cjihtire wapa na cohtaina, ã jich_u paina masa “Ñ_ua dihtare yoara”, ti niina mehne pay_u mesa cahai duji, tina cã_u tiro mehne cãnoi s_uho ch_ua niha. ¹⁶ Tó_up_u ti dujiri baharo paina sã coyea judio masare buheina, fariseo masa ya curua macaina mehne Jesu to ch_u dujich_u ñ_uha tina. ã ñ_ua õ sehe ni sinituha:

—¿Dohsearo ñ_uno yoaina, pu_uhtoa ya cjihtire wapa na cohtaina mehne ch_ujari Jesu? —ni sinituha judio masare buheina Jesu buheinare.

¹⁷ Ti ã nich_u t_uhoro piti dahre buhea mehne õ sehe ni y_uhtih_u Jesu:

—Dohatieraina duhturure macaerara. Dohatiina dihta duhturure

macana. Ñ_uno yoaina dohatiina yoaro sehe jira. ã jic_u ñ_uno yoainare yahui tai nihi y_uh_u. Ti basi “Noaina jija sã”, ni t_uhotuinare yahui tai nierahi y_uh_u —niha tiro tinare.

Ch_u duhuare Jesure sinituha paina (Mt 9.14-17; Lc 5.33-39)

¹⁸ Tí pjare João buheina, fariseo curua macaina cã_u Cohamac_ure ñ_uo payoa taa, ch_uera tiha. ã jia masa Jesure õ sehe ni sinituha:

—João buheina, fariseo buheina cã_u Cohamac_ure ñ_uo payoa taa ch_uerara. ¿Dohse yoa m_u buheina sehe ch_u duhuerajari? —niha tina Jesure.

¹⁹ Jesu to t_uhotua mehne quitidahre buhero tinare õ sehe ni y_uhtih_u:

—Õ sehe jira tí: Wamomaca d_uhteriro bose nam_ui to jich_u tiro mehne macaina cahyaro mehne jierara. Tuhs_u, ch_ueraina jierara. Tó seheta y_u buheina cã_u y_uh_u mehne jia, ch_u duhu masierara. ²⁰ Y_u P_uc_u Cohamac_u y_uh_ure to naari baharo pinihtare y_u buheina mehne jisi y_uh_u. ã jia tí pjap_uta y_u buheina cã_u ch_u duhuahca —niha Jesu.

²¹ Panop_u macaa buhea wahma buhea mehne ti buhe more duach_u ñ_uno õ sehe ni namoha Jesu tinare piti dahre buhero:

—Ne, wahma cahsaro suhtiro cahsaro mehne m_unano suhtirore sere õno cahmaerara. Mari ã yoach_u wahma cahsaro mari cosari baharo m_unano suhtirore waja cahmachu, pjibiaro t_uhn_uch_u yoara. ²² ã yoa ne se co bisia core wahiquiro cahsaro wajuru mehne m_una wajuru mehne posaeraro cahmana. Mari ã yoach_u se co bisia pahmoap_u m_una wajurure t_uhr_unocahna. To t_uhn_uch_u se co cã_u, wajuru cã_u cohõa wahara. ã yoa se co wahma core wahma wajurup_u posaro cahmana. Mari ã yoach_u se co cohõera, wajuru cã_u cohõerara. (Tó seheta wahma buhea m_una buhea mehne buhe moreraro cahmana) —ni buheha Jesu tinare.

Sabado jichu Jesu buheina trigo parorire pahaha

(Mt 12.1-8; Lc 6.1-5)

²³ Pa dacho Sabado jichu Jesu cãhu trigo wesepu wahaha. To buheina sehe trigo parorire paha yãhdũ wahcãha. ²⁴ Ti ã yoachũ ñũã õ sehe ni tuhtiha fariseo curua macaina Jesure:

—Tũhosiniga sãre. ¿Dohse yoa tina Sabado mari sori ñũmũ to jipachũta dahrajari? Marine dutiare yãhdũũcaã nina —niha tina Jesure.

²⁵⁻²⁶ Ti ã nichũ tũhoro Jesu tinare yãhtihã. “Yũ buheina yãhdũũcaã nierara”, nino taro õ sehe niha:

—Davi cjiro tiro mehne macaina mehne jũca baaro, Cohamacũ wũhũpũ sãa, Cohamacũ ya pãore chũha. ã chũro tiro mehne macaina cãhũre tí pãore waha. Tí pãore sacerdotea dihtare chũ dutira. Cohamacũ dutia ti joari tjuí painare tí pãore chũ dutierara. Tí pjare Abiata wama tiriõ sacerdotea pũhtoro jiha. ¿Davi cãhũ tíre ti yoari cjiõre Cohamacũ yare ti joari tjuí buherari mũsa? (Tí pãore chũro Cohamacũre yãhdũũcaro nieraha. Michare ahri yaparire chũã yũ buheina cãhũ Cohamacũre yãhdũũcaã nierara) —niha Jesu tinare.

²⁷ ã ni tuhsũ õ sehe ni namoha:

—ã yoa Cohamacũ Sabado dachore ti sori ñũmũ cũno masa ya dacho cjihto cũno nire dahra wahyarinare so dutiro. Tí dachore ño payohtina cjihtire cũno nierare masare Cohamacũ. ²⁸ ã jicũ yũhũ masũno Cohamacũ warocariro ahri dacho Sabado dachore masa ti yoahũtũre yahuriõta jicũ pũhtõrota jiã —niha Jesu tinare.

3

Wamomaca bũhariro quti jira
(Mt 12.9-14; Lc 6.6-11)

¹ ã yoa Jesu sã judio masa buheri wũhũpũ sũro sãaha tjoa. Tí wũhũ cãiro wamomaca bũhariro dujiã. ² Sabado jichũ Jesu wamomaca bũharirore to noariro yoachũ ñũ duaha cãina tí wũhũ dujiã. To ã

yoachũ ñũã tirore yahusã duamaha. “Mari sori ñũmũ Jesu dahraro nina”, ni yahusã duamaha tina. ã jia Jesu to sãã tachũ ñũã, tirore yahusã duaina sehe tiro dihtare ñũroca õha. ³ Tirore ti ã ñũroca õpachũta Jesu sehe wamomaca bũharirore õ sehe niha:

—Wahcã sũrũcaga jipihtina ti ñũrocaroi —niha.

⁴ ã ni tuhsũ tí wũhũ dujiãre õ sehe ni yahuha:

—¿Sabado jichũ noare yoachũ noerajari? ¿O ñãare yoachũ sehere noajari, mũsa tũhotuchũ? Sabado jichũ masũnore masochũ noa nina. Masũnore wajãchũ sehere noerara —ni yahuha Jesu tinare.

To ã nipachũta tina yãhtieraha. ⁵ Ti ã yãhtierachũ ñũno Jesu tina mehne suaha. Ti tũho duaerachũ ñũno Jesu cahyaha.

—Mũ wamomacare siõrocaga —niha tiro wamomaca bũharirore.

To ã nichũ tũhoro tiro to wamomacare siõrocaha. To ã yoachũta noari wamomaca wahachũ ñũã, fariseo curua macaina wijaa wahaha. Wijaa, Herode mehne macaina mehne cahmachũ, “¿Dohse yoa Jesure wajãnahcari mari?” niha tina ti basi.

Masa payũ bũcũpariro dũhtũ cahũpũ jiã

⁷⁻⁸ ã yoa pari turi Jesu to buheina mehne bũcũpariro cahũpũ wahaha tjoa. Ti ã wahachũ ñũã Galilea macaina masa payũ to baharo sũha. ã jia Judea yahpa macaina, Jerusalẽ macaina, Idumea yahpa macaina, Jordãõ wama tiri ma sie coa macaina, Tiro wama tiri maca macaina, tó cahai jiina, Sidõ wama tiri maca macaina, tó cahai jiina mehne masa payũ jipihtina to yõarire tũhoa, tiro cahũpũ sũha. ⁹⁻¹⁰ Tõpũ sũã, payũ masa jiã. Payũ dohatiãre noaina to yoachũ tũhoa, paina dohatiãna cãhũ Jesure piã dua, tju bihsarũcũ sũha. Ti ã tju bihsarũcũ sũchũ ñũno, Jesu bũsocare cahnopohobasa dutiã to

buheinare. ¹¹ ã yoa paina watĩa ti cohtotarina sehe Jesure ñua tiro cahai na tuhcuca caha sũha.

—Mũhũ Cohamacũ macũno jira — ni sañurucuha tina tirore.

¹² Ti ã sañurucuchũ tũhoro tinare Cohamacũ macũno to jiare tuaro mehne ni dutieraha Jesu.

Jesu to buheinare doce to warocahinane bese dapoha

(Mt 10.1-4; Lc 6.12-16)

¹³ ã yoa Jesu tũcũpũ mũja, to cahmainare pjirocacha. To pjirocachũ tũhoa, tiro cahapũ mũja sũha tina.

¹⁴ Ti mũja sũri baharo doce mũare tiro mehne macaina cjihtire, paye macaripũre to yare buhe duti to warocahinane, bese dapoha Jesu.

¹⁵ ã yoaro dohatiinare ti yũdohti cjihtire, watĩare ti cohã wiohti cjihti cũhũre cũha tinare. ¹⁶⁻¹⁹ Ahrinare doce mũare Jesu bese dapoha: Simo, Santiago Zebedeo macũno, João to bahũro, Andre, Felipe, Bartolomé, Mateo, Toma, Santiago Alfeo macũno, Tadeo, Simo cananista ya curua macariro cjiro, Juda Iscariote, tina jiha to bese daporina. Jesu Simore Pedro ni wama pisuha. Santiagore, João mehne Boanerges ni wama pisuha. Boanerges “Wũpo yoaro sehe jiina tuaro bisiina jira”, nino nina. Juda Iscariote Jesure ñũ tuhtiinare ñohtiro jiha. Tinare bese dapo tuhsũ, dujiaa, Jesu to buheina mehne wũhũpũ sãa wahaha.

“Jesu watĩno tuaare cjũara”, ni yahusãha masa

(Mt 12.22-32; Lc 11.14-23; 12.10)

²⁰ ã yoa tói pari turi masa payũ cahmachua bihsa niha. Ti ã bihsachũ ñũno Jesu chũ masieraha. Tuhsũ, to buheina cũhũ chũ masieraha. ²¹ ã jia paina Jesu coyera tíre tũhoa, tiro cahapũ sũa, tirore ñahamaha.

—Tiro tũho masierariro waharo nina —nimaha tina.

²² Paina õ sehe niha:

—Beelzebú tirore ã wahachũ yoaro nica. Tiro watĩare cohãno Beelzebú watĩa pũhoro to tuua mehne tinare

cohãna —niha Jerusalẽpũ tarina sã judio masare buheina.

²³ Ti ã nichũ tũhoro Jesu sehe tinare pjiroca, to tũhotua quitu mehne piti dahre yahuha tinare:

²⁴ —Watĩno ya tuua mehne watĩare cohã nieraja. Watĩa ti basi cohã masierara. Cũ yahpa macaina ti basi cahma wajãa, tí yahpa macaina yaria pihtia wahaboa. ²⁵ Cũ wũhũ macaina ti basi cahmachea tí wũhũ macaina waha pihtia wahaboa. ²⁶ Tuhsũ, Satana watĩa pũhoro sehe watĩare cohãno ti basita cahmachea nibo. ã jia tina waha pihtia wahaboa.

²⁷ ’Õ sehetã jira mari piti dahre buhechũ. Tuariro ya wũhũpũ paio sãa sũ yaca masierara. Tuarirore dũhteraro to ya wũhũpũ sãa sũ yaca masierara. Tuarirore to dũhteri baharo sãa sũ yaca masina —ni yahuha Jesu. (Õ sehe ni yahuha watĩno to yũhdũrũcarire yahuro. Watĩno tuariro to jipachũta Jesu tirore yũhdũrũcara watĩare cohãno.)

²⁸ ã ni tuhsũ õ sehe ni yahu namoha Jesu:

—Potocã niita nija mũsare. Jipihtia ñaare masa ti yoachũ ti durucuchũ cũhũre Cohamacũ bo masina. ²⁹ ã boparota Espĩritu Santore ti ñano durucuchũ tí pinine ne bosu. Ti ã niri buhiri ã buhiri tirucuina jiahca — niha Jesu tinare.

³⁰ Jesu Espĩritu Santo to tuua mehne watĩare to cohãpachũta “Tiro watĩno to tuua mehne watĩare cohãno nina”, nimaha masa. Ti ã nichũ tũhoro tí quitire Espĩritu Santo quitire yahuha Jesu tinare.

Jesu coyera tirore pjia

(Mt 12.46-50; Lc 8.19-21)

³¹ ã yoa Jesu bahana to pocoro mehne wihiha. ã wihia sopacapũ jia, painare pji dutiha tirore. ³² ã jia masa tiro cahapũ dujiina yahuha tirore:

—Mũ poco, mũ bahana mehne sopacapũ pjia nina mũhũre —niha tina.

³³ Ti ã nichũ tũhoro õ sehe niha Jesu tinare buhero taro:

—¿Noa jijari yu poco, yu bahana cãhu, musa ñuchu? —niha tiro tinare buhero taro.

³⁴ ã nino to cahai dujinare ñuno õ sehe niha:

—Ahrina jira yu poco yu bahana yoaro sehe jiina. Cohamacu cahmaare yoara ahrina. ³⁵ Tô seheta yoaina yu bahu, yu baho, yu poco yoaro seheta jira —ni buheha Jesu tinare.

4

Jesu wesere toari masuno quitire buheha

(Mt 13.1-9; Lc 8.4-8)

¹ ã yoa pari turi bucupariro duhtu cahapu Jesu masare buhe ducaha tjoa. ã tóprare buhe ducaro masa payu tiro cahapu ti cahmachuchu ñuno Jesu sehe dohoriapu samu wijaa, pahsaha. ã jia masa sehe bucupariro duhtu cahai ducuha. ² ã jiro Jesu payu to tũhotua mehne quiti dahre yahuha tinare buhero taro:

³ —Ahri quitire tũhoga musa —niha tiro tinare.

—Toari masuno toaro, to toaa yaparire doca site cũno wahara. ⁴ To ã doca site cũ wahcãchu paye yapari mahai bora caha sũha. ã bora caha sũare tí yaparire minichahca duji ta, chũnocaha. ⁵ ã yoa paye yapari sehe tãa wapa bui dihta se mininocã bui bora caha sũha. Tãa wapa buicã dihta mariea curoi bora caha sũ, dói dumaha. ⁶ ã dói duri jipahta, nuhcori mariaa, sũ to tuaro sichu, ñaia wahaha. ⁷ Paye yapari sehe tja watoi bora caha sũha. Tja sehe dia yũhdũa waha, toaa sehere wajãnocaha. ã jia tja watoi jiare dicha mariachu yoaha. ⁸ Paye yapari sehe noari yahpai bora caha sũha. Noano du, noano dicha tiha. Paye yucu treinta yapari, paye yucu sesenta yapari, paye yucu cien yapari dicha tiha. ⁹ Ahrire tũho duaina noano tũhoga musa —niha Jesu.

Jesu quiti mehne to buherire yahuha

(Mt 13.10-17; Lc 8.9-10)

¹⁰ ã yoa ti sahsero jia doce to buheina, paina Jesu mehne jiina cãhu tí quitire masi duaa, Jesure sinitu ñũha. ¹¹ Ti ã sinitu ñũri baharo Jesu õ sehe ni yahuha:

—Cohamacu masa bui puhtoro masare to noano sũho jiare, panopu paina ti masierari cjirire musare masichu yoara Cohamacu. Paina sehere ã yoaerara tiro. ã jicu tinare quiti mehne dihta buheihija. ¹² ã jia tina ñũpahta ñũeraina cjiri yoaro sehe tjuara. ã jia tũhopahta tũho ñaha masisi. Tina tũho ñahaina jia, ti ñaa yoarire cahya, Cohamacure macaboa. Ti ã macachu ñũno, tiro sehe ti ñaa yoari buhirire bonocaboa. ã jipachuta tina sehe ne tũho duaerara —niha Jesu.

Jesu wesere toari masuno quitire yahu pahũoha

(Mt 13.18-23; Lc 8.11-15)

¹³ To ã niri baharo õ sehe ni yahu namoha tinare:

—¿Ahri quitire tũhoerasinijari musa? ¿Musa ahri quitire tũhoerana, dohse paye quitire tũhonahcari musa? —niha Jesu tinare.

ã ni tuhsu tiro õ sehe ni yahuha tinare:

¹⁴ —Toari masuno toaro, to doca site cũa yapari noaa buhea yoaro sehe jira. ¹⁵ ã yoa mahai bora yapari noaa buhea yoaro sehe jira. Cãina noaa buheare ti tũhochu ñũno Satana sehe ta, tí buhea noaa buheare ti tũho ñahamarire bochu yoara tinare, minichahca tí yaparire ti chũro seheta yoaro. ¹⁶ ã yoa tãa wapa bui dihta se mininocã bui bora yapari noaa buhea yoaro sehe jira. ã jia paina noaa buheare tũho, wahchea mehne dóihta tíre tũho nuñu wahcãna. ¹⁷ ã tũho nuñu wahcãpahta tãa wapa buicã jia yucu nuhcori mariea yucu yoaro sehe ahrina masa cãhu yoari pja cãno pjaerara. ã cãno pjaeraa, yu yare ti cahmari buhiri paina tinare ti ñano yoachu, ñano yũhdũa, yu yare duhunocahna. Paina tinare ti ñano yoachu tíre cãno pjaeraa, yu yare

duhunocahna. ¹⁸ Ñ yoa tja watoi boraa yapari noaa buhea yoaro sehe jira. ¹⁹ Ñ jia paina sehe noaa buheare tũhoa, ahri yahpa macaare wacũ nũnũ yũhdũara. Niñerure bujũa cahma, paye baro cũhũre payũ cahma, tíre goa pja yũhdũara tina. Ti ã tũhtotuchũ tí sehe noaa buheare dũcatara. Ti ã dũcatachũ masa noaa sehere yoaerara. Dicha maria yucũ yoaro seheta jira. ²⁰ Ñ yoa noari yahpai boraa yapari noaa buhea yoaro sehe jira. Ñ jia paina sehe noaa buheare tũhoa tíre cahmana. Tíre masiina jia, Cohamacũ to cahmano seheta noaare yoara tina. Cãina mahanocã noaare yoara treinta yapari dicha tiro seheta. Paina bui curero noaare yoara sesenta yapari dicha tiro seheta. Paina pjíro noaare yoara cien yapari dicha tiro seheta —ni yahuha Jesu tinare.

Jesu sihãria quitire buheha
(Lc 8.16-18)

²¹ Ñ ni tuhsũ õ sehe ni yahu namoha Jesu:

—Ne, sihãriare ti sihãri baharo tiare dihi biato docapũ cũerara. Ñ jia tiare coãri casario docapũ cũerara. Mũanopũ duhu payora noano buhria dutia. ²² Jipihti ti masierari cjirire baharo masa masiahca. Sihãria to buhriachũ mari ñũ masino seheta panopũre ti masierari cjirire masiahca masa. ²³ Ahrire noano tũhoga mũsa. ²⁴ Mahanocã masi duana mahanocã masinahca. Pjíro masi duana pjíro masinahca. Ñ jina mũsa tũhona noano tũho nũnũga. ²⁵ Noano tũho nũnũriro noano masinohca. Tũho nũnũerariro “Mahanocã tũhoja”, to nipachũta tí sehe butia waharohca —niha Jesu tinare.

Jesu trigore toariro quitire buheha

²⁶ Ñ ni tuhsũ õ sehe ni yahu namoha:

—Cohamacũ masa bui pũhtoro to sũho jia trigore toariro yoaro sehe jira. ²⁷ Toa tuhsũ bohrearo to toari duare ñũna tiro. “¿Dohse du wijaa ta bũcũajari tí?” ni ñũ masierara toariro

to basi. ²⁸ Tí toari ti basi dicha tira. Pari pũca ji mũhtana. Baharo pari paro wijaa bũcũara. ²⁹ Tí parori bũcũa tuhsũchũ ñũno pahara. Pahari pja jira. (To toaa ti bũcũarire to masieraro seheta Cohamacũ yaina masa ti wahachũ cũhũre yahu pahño masierara masa) —ni buheha Jesu.

Mostaza yapa quitire yahuha Jesu
(Mt 13.31-32; Lc 13.18-19)

³⁰ Ñ ni tuhsũ õ sehe ni buhe namoha Jesu piti dahre buhero:

—¿Ne Cohamacũ masa bui pũhtoro to sũho jia yaba baro yoaro sehe jijari, mũsa tũhotuchũ? ¿Di quiti mehne tíre yahunahcari? ³¹ Mostaza yapacã yoaro sehe jira pũhtoro Cohamacũ to sũho jia. Tí yapacã to toachũ mahabiari yapacã jira. ³² Ñ jiparota tí yapacã noano dura. Ñ jiro pjibiadu wahara. Ñ jia tũ dũpũri bujũa dũpũri bũcũachũ ñũa minichahca peri tũ dũpũripũ suhti suhara. (Pjibiadu to wahariro seheta mũano macarirore mari pũhtoro masiina mahainacã ti ji mũhtapachũta baharopũ tina payũ wahaahca) —niha Jesu.

Quiti mehne to buherire yahuha Jesu

(Mt 13.34-35)

³³ Ñ ni tuhsũ, tí quiti ti niriro seheta payũ quitire tũho ti cãno pjaro puro noaa buheare buheha tinare. ³⁴ Quiti marieno yahueraha tinare. Tuhsũ, ti sahsero jĩinare Jesu noano yahu pahñoaha to buheinare.

Jesu wihnonore yũsũ dutiha
(Mt 8.23-27; Lc 8.22-25)

³⁵ Ñ yoa tí dachoreta nahi borachũpũ Jesu to buheinare õ sehe niha:

—Basa, sie coapũ pahãjihna —niha tinare.

³⁶ To ã nichũ tũhoa Jesu to jiriapũ dohoriapũ samu, masare yahpapũ ducuinare tóihta cũ, to buheina dihta Jesure na pahãa wahaha. Ñ yoa paye bũso mehne paina cũhũ tinare piti ti pahãa wahaha. ³⁷ Ti ã pahãchũ wihnono tuaro taħa. Ñ taro dohoriare pahcõri tuaro cjã sãaha. Mahanocã

duhsamaha ti miniboro. ³⁸ To ã waharo watoi Jesu sehe dohoria oturopu suhti puti mehne to dapu ño tu tjiãhno carño niha. ã jia tina tirore wahcõha.

—Buheriro, mari mini yariana tana nija. ¿Ã jica niera putiajari mahu? —niha tina tirore.

³⁹ Ti ã nichuta Jesu sehe wahcã, wihnonore:

—Tó purota wã duhuga —niha. ã ninota pahcõri cãhure:

—Yusa wahaga —niha bucuparirore

To ã nichuta wihnono yuhdua wahaha. ã jia pahcõri cãh yusa boraa wahaha.

⁴⁰ —¿Dohse ni cuimacanocana nijari musa? ¿Musa yuhure wacũ tu-aerasinijari? —niha Jesu.

⁴¹ To ã yoachu ñha tina cã yuhdua wahaha.

—Cue, ¿dohse jiri baro masno jijari ahriro? Ahri wihnono, pahcõri cãh to dutichu yuhducacera tirore —niha tina ti basi.

5

Watia ti cohtotarirore noariro wahachu yoaha Jesu

(Mt 8.28-34; Lc 8.26-39)

¹⁻² ã yoa tina sie coapu Gerasa macaina ya yahpapu pahã suha. Pahã su, Jesu sehe dohoriapu sãariro maja surucaha. To ã maja surucari baharocãta, watia ti cohtotariro tãa copari, masa copari watoi jiri wija ta, tiro cahapu taha. ³ Tiro watia ti cohtotariro masa copari watoi jiri jia tiha. Tirore ne cãiro coma da pjiri da mehne ñaha duhte cũno bihoeraha. ⁴ Payu tahari masa tirore dahpori wupõa sorori mehne comaa dari mehne duhte timaha. To wamomacari cãhure duhte timaha. Wiho mejeta tiro sehe comaa darire nuha, dahpori wupõa sorori cãhure nuha site mujaha. ã jia tiro tuariro to jichu ñha masa sehe tirore cjãa bihoeraa tiha. ⁵ Ñamine, dachore tũ yucuripu jia copari tãa copari watoi ã sañurucua tiha tiro. ã yoa tãa mehne to basi to pjacure cjãye mujaa tiha tiro. ⁶ ã yoa Jesu to maja surucachu

yoaropu Jesure ñuroca, tiro cahapu maroca ta, na tuhcuca caha suha, tirore ño payoro taro.

⁷⁻⁸ —Watia wijaahga tirore —niha Jesu.

To ã nichu tuhoro watia ti cohtotariro õ sehe ni sañurucua:

—Jesu, Cohamacu Jipihtina Bui Jiri macano, ¿yabare yoai tai nijari mahu yuhure? Cohamacu to ñurocaroi sinija yuhure. Yuhure ñano yoai tjiga —ni sañurucua watia ti cohtotariro Jesure.

⁹ —¿Yabariro wama tijari mahu? —niha Jesu tirore.

—Sã payu jija. ã jina “Payu watia”, wama tija. ¹⁰ Ahri dihtapu jinare sãre pa yahpapu waha dutiecu tjiga —ni payu tahari siniha watia ti cohtotariro.

¹¹ Tí pjare ti cahacã tãcu dahpotoi yesea nuina payu chu niha. ¹² Tóti ti churucuchu ñha õ sehe ni siniha watia:

—Sina yesea cahapu warocaga sãre ti pjacuripu sã sãahto sehe —ni siniha watia tirore.

¹³ Ti ã nichu tuhoro “Jai. Wahaga”, niha Jesu. To ã dutichu, watia masnopu jirina cjiri sehe wija, yesea pjacuripu sãaha. Tina yesea sehe payu waro jiha, dos mil. ã yoa tinaro ti sãari baharo, yesea jipihtina bucupariro duhtu cahapu pari cãrupu maroca buha, tí taropu bora ñoja, mini yaria pihtia wahaha.

¹⁴ Ti ã mini yariachu ñha yeseare ñu wihboina sehe maroca wahcã, pjiri macapu cãhure, daa macaricãpu cãhure tíre yahu sitea wahaha. Ti ã yahuchu tuhõa, masa sehe payu ti ã waharire ñha wahaha. ¹⁵ ã jia Jesu cahapu wihia, payu watia ti cohtotariro cjiro to suhti tiriro, tuhõ masiriro to dujichu ñha, cui niha. ¹⁶ Watia ti cohtotariro cjirore, yesea cãhure ti ã waharire ñuina sehe paina masa ti cahai wihiinare noano yahu pahõoha. ¹⁷ Ti ã yahu pahõochu tuhõa, Jesure tuaro mehne pa sehepu waha dutiha.

¹⁸ Æ yoa dohoriapɯ Jesu to samuchɯ ñano, “Mɯhɯ mehne waha duaja” ni, tuaro sinimaha watia ti cohtotariro cjiro sehe Jesure. ¹⁹ To ã nichata Jesu tirore õ sehe ni yahuha:

—Yɯhɯ mehne taecu tjiga. Mɯ ya wɯhɯpɯ mɯ coyea cahapɯ yɯhɯ mɯ pɯhtoro mɯhɯre yɯ yoarire yahui wahaga. Mɯhɯre yɯ pja ñarire yahuga tinare —niha tirore.

²⁰ To ã nichɯ watia ti sãanoriro cjiro sehe Decapoli wama tiropɯ jia macaripɯ Jesu tirore to yoari cjirore yahu dɯcaha. To ã ni yahuchɯ tɯhoa jipihtina masa cɯaa wahaha.

Jairo maconore yɯhdɯchɯ yoa, cahã ñaricoro cɯhɯre yɯhdɯchɯ yoaha Jesu

(Mt 9.18-26; Lc 8.40-56)

²¹ Æ yoa pari turi Jesu to majare pahã sɯchɯ masa payɯ tiro cahapɯ bucɯpariro dɯhtɯ cahapɯ cahmachuha. ²² Ti ã cahmachuchɯ sã judio masa buheri wɯhɯre ñɯ wihboriro Jairo wama tiriro wihi, Jesure ñɯ, to dahpori cahapɯ na tuhcuca caha sɯro, ²³ õ sehe niha:

—Yɯ macocã yariaro nihre. Æ jicu ticorore mɯ wamomaca mehne ña payo, noaricoro yoai taga. Mɯ ã yoachɯ ticoro masanohca —niha tiro Jesure.

²⁴ To ã nichɯ Jesu cɯhɯ sehe tiro mehne wahaha. Mahai to wahachɯ payɯ masa tirore nɯnɯ ti wahcã bihsaro sɯrɯcɯ sɯha tirore. ²⁵ To ã bihsaro wahachɯ numino doce cɯhmari waro dachoripe cahã ñarucuricoro tói jiha. Tó pano payɯ duhturuu ticorore ñano yɯhdɯchɯ yoaha. ²⁶ Æ yoa duhturuare jipihtia to niñeru mehne wapamaha ticoro co tiro. Ti ã yoapachata ticoro mɯnanota jirucuha. Æ jiro ticoro tó pano to jiriro yɯhdoro ñano wahaha. ²⁷ To ã ñano yɯhdɯricoro to jichɯ masia Jesu to yoarire tɯhoa paina tíre yahuha ticorore. Æ ti yahuchɯ tɯhoru ticoro Jesu baharo masa payɯ watoi wihi, Jesu suhtirore ñaha ñɯha. ²⁸ “Yɯhɯ to suhtiro dihtare ñaha ñaco noaricoro wahacohca”, ni tɯhotuha. ²⁹ Æ jiro

ticoro to ñaha ñari baharo to cahã ñɯare duhuro to pjacɯre noari pjacɯ tɯhotuha. ³⁰ Æ jiro Jesu to tuua mehne dohatiare to cohãrire masino, masa watoi majare ñɯha.

—¿Noa yɯ suhtirore ñaha ñari? — niha tiro.

³¹ To ã nichɯ tɯhoa to buheina õ sehe niha:

—Bihsa nina. Æ jia masa payɯ mɯhɯre pihanocahna. “¿Noa yɯhɯre ñaha ñari?” nicɯ, ¿dohseacɯ ã nijari mɯhɯ? —niha tina sehe tirore.

³² Æ jiro Jesu tirore ñaha ñaricorore macaha. ³³ To ã macano watoi ticoro sehe to pjacɯ noano wahachɯ tɯhoturo cui, tetere na tuhcuca caha sɯha to panoi tirore ño payoro. ³⁴ Æ jiro ticoro poto yahu pahñoha tirore. To ã ni yahuri baharo Jesu ticorore õ sehe ni yahuha:

—Maco, yɯhɯre mɯ wacũ tuua mehne noaricoro tjuara mipure. Wahchea mehne wahaga. Dohatia marienicoro jiga —niha Jesu ticorore.

³⁵ To ã ni durucuro watoi judio masare buheri wɯhɯre ñɯ wihboriro ya wɯhɯ macaina yahua wihiha:

—Mɯ maco yariaa wahahre. Æ jicu buherirore pji tai tjiga —niha tina.

³⁶ Ti ã nipachata ã tɯhotunocahno, Jesu ñɯ wihborirore õ sehe ni yahuha:

—Cahya tɯhotui tjiga. Yɯhɯre wacũ tuaga. Tí dihtare yoaga —niha ñɯ wihborirore.

³⁷ Æ ni tuhsɯ Santiago, to bahuro João, Pedro tina dihtare “Yɯhɯ mehne taga”, niha Jesu. ³⁸ Æ pji wahcãno sã judio masa buheri wɯhɯre ñɯ wihboriro ya wɯhɯpɯ sɯha tina. Tí wɯhɯpɯ masa payɯ ñano bisi, ñahacaha tiia ti sañurucuchɯ ñɯha Jesu.

³⁹ —Ñano ni, ñahacaha tiiena tjiga mɯsa. Maharicorocã mɯsa ã ni tiichɯ yariaerara. Carĩno nina —niha Jesu tinare.

⁴⁰ To ã nichɯ tɯhoa “Æ ni macanocano nina ahriro”, ni bujɯha tina sehe tirore. Ti ã yoachɯ tiro tinare sopacapɯ wio pahñonocaha. Æ wio tuhsɯro maharicorocã

pucsumare, tiro mehne macaina cãhare ticorocã cahapu naaha Jesu.

41 ã naa tuhsuro Jesu ticorocãre to wamomacare ñaha:

—Talita cumi —niha tiro. (“Talita cumi” nino, “Maharicorocã wahcãga”, nija yuhũ”, nino nina.)

42 To ã nichuta ticorocã wahcãrucu sũ, tiniha. Doce cahmari cjuaricoro jiha ticoro. Ticorore to ã yoachũ ñha tina cãa yuhũna wahaha. 43 Ti ã yoachũ ñno, Jesu tuaro mehne tíre to yoarire yahu site dutieraha. ã yoa tuhsũ ticorore chũa wa dutiha.

6

Nazare macaina Jesure cahmaeraha

(Mt 13.53-58; Lc 4.16-30)

1 ã yoa tópu jiriho waha, Jesu to buheina mehne to ya dihtapu tju sũha. 2 ã tju sũro Sabado jichũ sã judio masa buheri wuhũi buhe dũcaha Jesu. To ã buhechũ masa payũ tireore tũhoa, cãaa wahaha.

—Cue, ¿ahriro nohopũ tũhoari ahri buheare? ¿Dohsearo noano masi pahñonocajari ahriro? Cohamacũ tuua mehne yoa ñona tiro to basi. 3 Ahriro taboa dahrari masũno María macũno, Santiago, José, Juda, Simo ti wahmino jimanaro. ã yoa to bahana numia mari ya macai jisanimanabũ. ã jiro tiro mari yoaro sehe jiriho tjira —niha tina Jesure tũhomarina.

ã jia Jesure ñũ tuhtia, tireore cahmaeraha. 4 Ti ã cahmaerachũ ñno ò sehe niha Jesu:

—Cohamacũ yare yahu mũhtariroro paina ño payora. Ti ã ño payopachuta to ya maca macaina, to coyea, to ya wuhũi jiina ño payoerara tireore. ã jina yuhũre ño payoerara mũsa òi yũ bũcũariho jichũ —niha Jesu tinare.

5 ã jiro tí macai jiro Jesu Cohamacũ tuua mehne yoa ño masieraha. ã yoeraparota cãina dohatiina bui to wamomacare duhu payo, noaina wahachũ yoaha tiro. 6 ã jiro tó macaina Jesure tí quihõno tũhoerachũ ñno cãaa wahaha tiro. ã jiro Jesu tó cahai jia macaripũ buhero wahaha.

Jesu doce buheinare buhe dutiro warocaha

(Mt 10.5-15; Lc 9.1-6)

7 ã yoa Jesu doce to buheinare pjiroca, puaro dihta warocaha tinare macaripũre buhe dutiro. ã jiro to tu-aare waha tinare watĩare tí cohã wiohto sehe. 8 ã warocarõ pãore, wajure, niñerure tiro naa dutieraha tinare. Ti tjuayucũ dihtare naa dutiha. 9 ã ni tuhsũ, dahpori tũ cãa cahsarire sãa dutiha tinare. Cũnota suhtiroro sãa dutiha tinare. Puaro sãa dutieraha. 10 ã jiro ò sehe ni yahuha tinare:

—Jipihtia macaripũ mũsare tí carĩno wachũ tí wuhũihta tjuasiniga. Coã wahanapu wijaahga tí wuhũre.

11 ã jina pa maca macaina mũsare tí cahmaerachũ, tí tũho duaerachũ tí macare yuhũana dahpori macaa dihta pohcari mene wajã site cũga mũsa tinare tí ya buhirire masichũ yoana —ni yahuha Jesu tinare.

12 ã jia tina doce buheina masare tí ñaa tũhotumari cjirire tũhotu cohtota duti, Cohamacũre maca duti, buhea wahaha. 13 ã wahaa payũ watĩare cohã wio, dohatiinare se mehne wisõa, noaina wahachũ yoaha.

João masare bautisariroro paina wajãha

(Mt 14.1-12; Lc 9.7-9)

14 ã yoa Jesure masa payũ masiha. ã jiro to yoarire puhtoro Herode tũhorocaha. ã tũhorocarõ ò sehe ni tũhotumaha tiro paina mehne:

—João masare bautisariro yariariro cjiro pari turi bajuaro nica. ã bajuariro jiro to tuua mehne tíre yoaro nica —ni durucumaha Herode paina mehne. (“Jesu Joãota jira”, ni tũhotumaha.) 15 Paina sehe ò sehe ni tũhotumaha:

—Elia jira —ni tũhotumaha.

Paina sehe:

—Cohamacũ yare yahu mũhtariro panopũ macaina cjiri yoaro sehe jira tiro —ni tũhotumaha Jesure.

16 Ti ã ni tũhotupachuta Herode sehe Jesu to yoarire tũhorõ ò sehe ni tũhotumaha:

—João dapure yu cã ta dutiriro cjiro bajuaro nica —ni tuhutumaha.

17-18 João ti wajãhto pano Herode tirore ñaha duti, peresu yoa dutiha. Tó pano Herode to bahuro Felipe namonore Herodiare namo tiha.

—Mu bahu namonore namo ticu Cohamacu dutiare yuhdurucã nica muhu —ni yahumaha João Herodere.

To ã niri buhiri to namono Herodia João ti peresu ti yoachu cahmaha. 19 ã jiro ticoro sehe João ti ñu tuhtiro, tirore wajã duti duamaha. ã yoa duaparota ticoro tirore wajã duti masieraha. 20 Herode João ti cuiro, “João noaare yoariro, ñaa buhiri marieriro jira”, ni tuhutuha. ã jiro Herodere cariboro yoaha João sehe tirore yahuro. ã to caribopachuta tiro wahchea mehne tuhomaha João ti. 21 To ã wahchea mehne tuhopachuta Herodia tirore to wajã dutihti dacho mu suha. Tí pjare Herode to masa bajuari dacho jichu tiro bose numu dahreha. ã jia to gobierno macaina, to surara puhto, Galilea macaina puhto cuhu to ya bose numu ñu wihaha. 22 Ti ã wihiri baharo Herodia macono bose numu ñu wihiro ti ñurocaroi basa ñoha. To ã basa ñochu ñu Herode to pjirocaina mehne wahcheha. ã jiro õ sehe niha Herode ticorore:

—Mu cahmaare siniga yuhure. ã jicu waihtja muhure mu cahmaare. 23 Cohamacu mehne potocã nii nija muhure. Mu sinino puro yu yare dacho macai waihtja muhure —niha tiro ticorore.

24 To ã nichu tuhoro ticoro Herodia macono sehe to pocoro cahapu waha, õ sehe ni sinituha:

—¿Yabare sinicohcari yuhu? —ni sinituha ticoro to pocorore.

—João masare bautisariro dapure siniga —niha to pocoro.

25 To ã nichuta ticoro Herodia macono ño duaro mehne puhtoro Herode cahapu waha, siniha:

—João masare bautisariro dapure waparo mehne waga yuhure —niha ticoro.

26 To ã nichu tuhoro puhtoro Herode sehe tuaro cahyaha. Masa ti ñurocaroi “Waihtja muhure”, ni tuhsuha tiro. ã jiro buo tiro “Muhure waeraja”, ni masieraha ticorore. 27 ã jiro dóihta surarare peresupu jinare cohtarirore João dapure cã ta, na ta dutiha. 28 To ã dutichu tuhoro surara sehe waha, to dapure cã ta, waparo mehne na taha. Na ta tuhsu, nuhminore Herodia maconore waha. To ã wachu ticoro to dapure ñaha, to pocorore yuhdoha.

29 ã jia João buheina sehe tíre tuhoa tópre waha, to pjacu cjirore na wahcã, tãcapu ti sahari copapu na sãa duhu payoha.

Jesu cinco mil bui masare chã waha

(Mt 14.13-21; Lc 9.10-17; Jn 6.1-14)

30 ã yoa Jesu to warocarina to cahapu tju sua, ti yoarire ti buherire yahuha tirore. 31 Tí pjare masa payu ã majarerucua, tinare churo waeraha. ã jiro õ sehe niha Jesu tinare:

—Masa marienopu mari sahsero sosinina wahajihna —niha tinare.

32 ã jia tina ti sahsero dohoria mehne masa marienopu wahaha. 33 Ti ã wahachu ñu masa payu tinare masiha. ã masia payu macari macaina mahapu waha, Jesu to suhtopu tina masa sehe muroca wahcã su muhtaha. 34 Ti ã sachu Jesu wahã su, busocapu sãariro majano, tiro masa payu jinare ñu. Oveja pu marieina yoaro sehe jiha tina masa, to ñuchu. ã jiro Jesu tinare pja ñu, payu noaare buhea tiha tinare. 35 Ñamichahapu doce buheina Jesu cahapu su õ sehe niha:

—Õ masa marienopu jira. Ñamichahapu jira. 36 Õ cahacã jia macaripu daa macaricãpu, buju macaripu ti chũtore nuchu dutiga masare ti puhu tihti cjihtire —niha tina Jesure.

37 —Chure waga tinare —nimaha Jesu to buheinare.

To ã nichu õ sehe ni yuhtihã:

—¿Dos cientos dachori dahrari wapa niñeru mehne ti chuhti pãore nuchubocari sã? —niha tina Jesure.

³⁸ —¿Nohope curiri pão curiri jijari? Ñna wahaga —niha tiro.

To ã nichu tina sehe chũare boca õ sehe niha:

—Cũ wamomaca pihtia curiri pão curiri, pũaro wahi jira —niha tina.

³⁹ Ti ã nichu tũhoro Jesu sehe pja curuari tja bui duji dutiha masare. ⁴⁰ To ã duji dutiri baharo tina pja curuari dujiha. Cãa curuari cincuenta masa jiha. Paye curuari sehe cien masa jiha. ⁴¹ Ti ã duji tuhsuchũ ñno Jesu sehe cũ wamomaca pihtia curiri pão curirire, pũaro wahi mehne na, mũanopũ ñha. ã ñno Cohamacũre “Noana”, niha. To ã niri baharo pão curirire nuha, to buheinare masare witi dutiro waha. ã yoa tuhsũ, pũaro wahire witi dutiha jipihtinare. ⁴² ã jia jipihtina chu, yapi yũhdũa wahaha. ⁴³ Ti yapi wahyorire doce pũhũse waro pãore, wahi cũhũre na cahmachu wahpo dapoha tina. ⁴⁴ ã yoa pãore chũina mũa dihtare ti quihõchũ cinco mil mũa jiha. (Numia cũhũ, macanacã cũhũ tõi chũina jiha.)

Jesu co bui ducu wahcãha
(Mt 14.22-27; Jn 6.16-21)

⁴⁵ Tí pjata Jesu to buheinare dohoriapũ samu duti, sie coapũ Betsaidapũ to pano pahãyu dutiha. ã jiro ti pahãri baharo Jesu sehe masare coha sitiha. ⁴⁶ Coha siti tuhsũ tũcũpũ Cohamacũre sinino wahaha. ⁴⁷ Baharo ñamipũ dohoriai bũcũpariro dacho macai ti pahãrucuchũ Jesu cũirota ti pahã tariropũ jiha. ⁴⁸ Tõpũ jiro, tina ñano yũhdũ ti wajachũ ti panoi wihnono tachũ ñarocaha tiro. ã jiro bohrea mũja tahto pano tina cahapũ waharo co bui ducu wahcãha. Tinare tiro yũhdũ wahcã duamaha. ⁴⁹ To yũhdũ wahcã duapachũta tirore co bui to tachũ ña, “Yariariro cjiro jiboca”, ni tũhotumaha tina. ã ni tũhotua tina sañurucuha. ⁵⁰ Jipihtina tirore ña, ñũ cũa waha, sañurucuha.

Ti ã ñũ cũachũ ñno Jesu tinare õ sehe ni yahuha:

—Ne, yũhũre cuiena tjiga. Yũhũta jija —niha tinare.

⁵¹ ã ni tuhsũ tiro tina mehne dohoriapũ samua wahaha. To samuri baharocãta wihnono yũhdũa wahaha. To ã wahachũ tina sehe cũa yũhdũa wahaha. ⁵² To pão payũ yoarire wacũeraha tina. Tua yũhdũariro to jiare noano tũho ñahaeraha.

Jesu Genesare macainare, dohatiinare noaina wahachũ yoa

(Mt 14.34-36)

⁵³ ã yoa tina pahã sũ, Genesare dihtapũ wahã sũ, tia dohoriare dũhte poho, dũhtũ cahapũ pahsaha. ⁵⁴ ã yoa tina dohoriapũ jiina ti majachũta masa sehe Jesure ñũ masiha. ⁵⁵ ã ñũ masia jipihtiro ti ya yahpapũ mũroca maja, dohatiinare ti coãa cahsari mehne yo wahcã, sũha Jesu cahapũ. “Jesu tõpũ jihre”, masa ti nichũ tũhoa to cahapũ sũha tina. ⁵⁶ ã jia jipihtia macari to sũa macaripũ, bũjũa macaripũ, daa macaricãpũ, pache duaina cahapũ, masa dohatiinare ti cũnopũ Jesure to suhtiro dũhtũ cahare ñaha ñũ dua tuaro siniha tina:

—Mũ suhtiro dũhtũ caha dihtare sãre ñaha ñũ dutiga —ni siniha.

ã jia to suhtirore ñaha ñũinape tõpeinata noaina wahaa tiha.

7

Masa ñaina wahachũ yoaare yahuha Jesu

(Mt 15.1-20)

¹ ã yoa Jerusalẽpũ tarina sã coyey judio masare buheina, fariseo curua macaina cũhũ Jesu cahapũ cahmachuha. ²⁻⁴ Fariseo curua macaina jipihtina paina judio masa cũhũ ti ñũchũsuma cjiripũ ti yoa dutiriro seheta wamo cosaro marieno chũera tiha. ã jia pache duaina cahapũ waha, sũ, majare tju wihiina cũhũ ti yoa dutiriro seheta wamo cosaro marieno chũera tiha. Payũ paye dutia cũhũre ti ñũchũsuma cjiripũ ti yoa dutiare yoa tiha. Tasa waparire cosaa,

dihi biatorire cosaa, comaa biatorire cosaa, yoaa tiha tina judio masa, “Cohamacu ã cahmana”, nia. ã jia sã coyea judio masare buheina, fariseo curua macaina cãhu Jesu cahapu cahmachua, Jesu buheina wamo cosaro marieno ti chuchũ ñũha. ⁵ ã ñũ tuhsũa Jesure õ sehe ni sinituha:

—Mũ buheina chũa, mari ñũchũsuma cjiri ti yoa dutiro cjiro seheta ti wamomacarine wamo cosaerara. ¿Dohse yoa mari dutiare yoajerari? —niha tina Jesure.

⁶ Ti ã nichũ tũhoro Jesu õ sehe ni yahuha tinare:

—Masa ti baharo buhusehei ñano yoa cohtaina jira masa. Panopure Cohamacu yare yahu mũhtariro cjiro Isaia potocãta yahuro niri jira masa yoaro sehe tũhoerainare. Õ sehe ni yahu, joaa tiha tiro:

“Ahrina masa yũhũre noano durucupahta ti tũhotuapu yũhũre ne ño payoerara.

⁷ ã jia yũhũre ti ño payoa yaba cjihti jierara. ‘Cohamacu ya dutia jira ahri’, ni mahño buhera ti ya buhea sehere”,

ni joaha Isaia cjiro. ⁸ Tí potocã tjira. Cohamacu ya dutia sehere duhu, masa ti yoa dutia sehere cohtota yoa yũhdũrucũ sua tira masa.

⁹ Cohamacu ya dutiare cohãna, masa coyea ya dutia sehere yoara masa.

¹⁰ Õ sehe yoana Cohamacu ya sehere yũhdũrucana nina masa: Panopure õ sehe niha Cohamacu Moise cjiro to joariro seheta: “Musa pũcũsumare ño payoga. Cãiro to pũcũsumare ñano quiti dahreriro jiro tí buhiri ti wajãhtiro cjihto jirohca”, niha Cohamacu Moise cjirore to cũri dutiai. ¹¹ To ã nipachũta õ sehe yoa dutira masa ti pũcũsumare yoadoho dutierana: Ti pũcũsumare ti waborire Cohamacu sehere wa dutira masa. ã ni buhemana masa. ¹² ã buhena ti pũcũsumare ño payochũ yoajerara masa tinare. ¹³ ã yoana Cohamacu dutiare yũhdũrucana nina masa mari ñũchũsuma cjiri ya dutia sehere yoana. Painare masa buhea

dihtare tũho dutira masa. Payũ tó sehe jiare yoara masa —niha Jesu tinare.

¹⁴ ã ni tuhsũro paina cãhũre pjirocaha tiro. Õ sehe niha tinare:

—Musa jipihtina yũhũre tũhona taga. Tuhsũ yũ niare noano tũho ñahaga masa. ¹⁵ Musa dũserire sãa sehe masa chũa sehe mũsare buhiri tichũ yoajerara. Ñaare masa tũhotua sehe mũsare ñaina jichũ yoara. ¹⁶ [Yũhũre noano tũhoga masa] —niha Jesu.

¹⁷ Tinare ã ni yahu tuhsũ Jesu masa cahapu jiro cjiro waha, wũhũpũ sãa wahaha. ã to sãa sũchũ ñũa to buheina sehe to buherire sinitu ñũha. Ti ã sinitu ñũchũ tũhoro õ sehe niha tiro:

¹⁸ —¿Musa cãhu ne tũho ñahaerasinijari tíre? Musa dũserire sãa sehe masa chũa sehe mũsare ñaina jichũ yoajerara, Cohamacu to ñũchũ. ¹⁹ Tí masa tũhotuapũre sãaerara. Musa pjaropũ sãa sũ, yũhdũ wijaa wahara —niha Jesu.

ã nino “Jipihtia chũa noaa jira”, nino niha. ²⁰ ã yoa õ sehe ni namoha tjoa:

—Musa ñaa durucua sehe masa dũseri wijaa sehe mũsare ñaina jichũ yoara, Cohamacu to ñũchũ. ²¹⁻²² Ñano tũhotua, numia mehne ñano yoarucua, yacaa, masare wajãa, namo tiriropũ jiparota pacorore manũ tiricorore wũana tia, paio yare tuaro cjoa, ñano yoaa, mahñoa, buo tiro marieno ñaa yoaa, paina ti cjuare ñũ yabia, ñano quiti dahrea, “Painare yũhdũrucaja”, ni tũhotua, tũho masieraina jia, tí jipihtia mũsare masa tũhotuapu tara. ²³ Jipihtia ahri ñaa masa tũhotuapu taa, mũsare ñaina jichũ yoara, Cohamacu to ñũchũ —niha Jesu.

Judio masono jieraricoro Jesure wacũ tuaha
(Mt 15.21-28)

²⁴ ã ni tuhsũro Tiro wama tiri maca cahapu, Sidõ wama tiri maca cahapu sũro tó macari wũhũpũ sãa wahaha. ã sãhno painare to jiri wũhũre yahu

dutieraha. Æ yahu dutieraparota tinare tiro duhti masieraha. ²⁵ Tí pjareta numino to macono watĩno to cohtotaricoro to cahai jiha. Æ jia Jesu yoaŕire ñũa paina to pocorore yahuha. Ti ã yahuri baharo to pocoro sehe waha, Jesu dahpori cahapũ na tuhcuca caha sũha tirore ño payoro. ²⁶ Ticoro Sirofenicia wama tiri yahpa macaricoro jiha.

—Watĩnore cohã wiosiniga yũ macore —ni siniha ticoro Jesure.

²⁷ To ã sinichũ tuhoro õ sehe niha Jesu:

—Wahmanore wũhũ pũro pohna ya chũare dieyacãre yũ wa mũhtachũ tó wahaerara. Israe masa yare pa yahpa macainare yũ wa mũhtachũ tó wahaerara —niha Jesu ticorore piti dahre yahuro.

²⁸ —Æ tjira pũhtoro. Æ jipachũta dieyacã cũhũ mesa docai ti pohna ti chũ site boroare chũ cohtara tinacã cũhũ. (Pa yahpa macaricoro yũ jipachũta yũhũ cũhũre yoadoho masina mũhũ) —ni yũhtihã ticoro.

²⁹ —Mũ ã ni yũhtichũ mũ macore watĩno wijaa tuhsũhre. Ñũco wahaga —niha Jesu ticorore.

³⁰ To ã nichũ tuhoro majare tjuaa, to wũhũpũ tju sũro, to maconore watĩno marienicorore camapũ jiricorore ñũaha.

Cahmono tũhoerarirore, durucu masierarirore noariro wahachũ yoaha Jesu

³¹ Tí pjare Jesu Tiro wama tiri maca cahapũ jirore waha, Sidõ wama tiri macare sũ yũhdũ wahcã, Decapoli wama tiropũ jia macarine sũ yũhdũ wahcã, Galilea wama tiri bũcupariropũ sũha jũna. ³² Æ jia cahmono tũhoerarirore, noano durucu masierarirore Jesu cahapũ na wihaha paina.

—Mũ wamomaca mehne ña payoga tirore —ni siniha tina tirore.

³³ Ti ã nichũta Jesu sehe tũhoerarirore na wahcã, masa marienopũ sũho sũha. Ti sahsero jiha. Tuhsũ, Jesu to wamo picari mehne tũhoerariro cahmo coparire be sõha. Æ yoa

tuhsũ, chahcho puti, to ñahmanore ña payoha.

³⁴ Æ yoa tuhsũ mũanopũ ñũ mũo, yajeri na, õ sehe niha:

—Efata —niha Jesu. (“Efata” nino, “Pjõohga”, nino nina. Æ nino tirore tũho dutiro niha. Æ nino noano durucu dutiro niha.)

³⁵ To ã nichũta tiro sehe tũho boca, to ñahmano bidaro wahachũ tũhoturo noano durucuha. ³⁶ Æ jiro Jesu tinare tíre painare yahu site dutieraha. To ã yahu site dutierachũ tũhopahta tina sehe painare yahu site namoha. ³⁷ Æ jia masa tũho cũa yũhdũ waha, õ sehe niha:

—Jipihtiare tiro noano yoara. Tũhoerainare noano tũhochũ yoara. Durucu masieraina cũhũre noano durucuchũ yoara Jesu —niha masa.

8

Cuatro mil bui masare chũare waha Jesu

(Mt 15.32-39)

¹ Tí pjare pari turi masa payũ ti cahmachuri baharo chũa maeraina ti jichũ ñũno Jesu to buheinare pjirocaha:

² —Ahrina masa tia dacho waro yũhũ mehne ji tuhsũra. Æ yoa tinare puhĩ mariahna. Ti puhĩ maerachũ ñũcũ tinare pja ñũja yũhũ.

³ Paina tina mehne macaina yoaŕopũ tahre. “Tinapũ jũca baaina mahai borari”, nicũ tinare chũa marieno ti wũhũsepũ waha duti duaeraja. Æ jicũ tinare puhĩ wa duaaja —niha Jesu to buheinare.

⁴ —¿Dohse yoa mari õre masa marienopũre pãore boca wabocari mari? —niha to buheina sehe Jesure.

⁵ —¿Nohope curiri pão curirire cjuajari mũsa? —ni sinituha Jesu.

—Siete curiri jira —niha tina.

⁶ Ti ã ni yũhtichũ tuhoro, tiro masare yahpai duji duti, siete curirire pão curirire na, Cohamacũre “Noana”, niha. Æ ni tuhsũ, tí curirire nuha, to buheinare wa, masare witi dutiha. To ã dutiri baharo to buheina sehe pãore masare witiha. ⁷ Æ jia wahi

cãhure mahainacã cjuaha tina. ã jiro tinare Cohamacure “Noana” ni, wahi cãhure witi dutiha. ⁸ Ti witi tuhsuchu tina chuã, yapi yãhdũã wahaha. Ti yapi wahyorire siete puhuse waro wahpo dapoha tina. Tina cuatro mil bui masa jiha. ⁹⁻¹⁰ ã yoa tuhsu Jesu masare coha sitiha. Coha siti tuhsu to buheina mehne dohoriapũ samuha. Samu tuhsu Dalmanuta wama tiro cahapũ wahaha.

Fariseo curua macaina Jesure Cohamacũ tuãa mehne yoa ño dutiha (Mt 16.1-4; Lc 12.54-56)

¹¹ ã yoa fariseo curua macaina wihi, Jesu mehne cahma sayoha. Tina Jesure Cohamacũ tuãa mehne yoa ño dutia, to yoa ño masierachũ ñũ duamaha. ¹² Ti ã dutichũ tũhoro Jesu cahyaro mehne yajeri sãano, õ sehe niha:

—¿Mũsa mipũ macaina dohse yoana mũsa Cohamacũ tuãa mehne yoa ñoare ñũ duajari? Potocã niita nija mũsare. Mipũ macainare mũsare Cohamacũ tuãa mehne ne yoa ñosi yũhũ —niha Jesu.

¹³ ã ni tuhsu waha, pari turi dohoriapũ samu, sie coapũ pahãa wahaha.

Fariseo curua macaina, Herode mehne macaina cãhure ñaare ti buheare yahuha Jesu (Mt 16.5-12)

¹⁴ ã wahaa, pãore boa waha, dohoriã cã curita pãore cjuaha tina. ¹⁵ ã yoa Jesu cuaro mehne yahuha tinare:

—Noano yoanohbũ. Fariseo curua macaina, Herode mehne macaina cãhũ ti pão bucuarore ñũna noano yoaga. Cua nina tí —ni yahuha.

¹⁶ To ã nichũ tũhoa tina to buheina sehe tũre ti basi õ sehe ni durucuha:

—Mari pãore mari na taerachũ ñũno ã nino nica ahriro —nimaha tina ti basi.

¹⁷ Ti ã nirire masino tinare õ sehe ni sinituha Jesu:

—¿Dohse yoana mũsa pão borire wacũjari mũsa? ¿Mũsa masierasini-jari? ¿Tũho ñahaerasinijari? ¿Tũho duaerajari mũsa? ¹⁸ ¿Capari tiina jipanahta ñerajari mũsa? ¿ã jina

cahmori tiina jipanahta tũhoerajari mũsa? ¿Mũsa ahrire wacũerajari? ¹⁹ ¿Yũhũ cã wamomaca pihtia pão curirire nuha, cinco mil bui masare yũ warire wacũerajari mũsa? ¿Ti yapi wahyorire nohope puhũsere pão curirire wahpo dapori mũsa? —niha Jesu tinare.

—Doce puhuse —ni yahtihã tina tirore.

²⁰ —¿ã yoa yũhũ siete curirire pão curirire cuatro mil bui masare yũ wari baharo nohope puhũsere pão curiri wahpo dapori mũsa? —niha Jesu.

—Siete puhuse —ni yahtihã tina tirore.

²¹ —¿ã ñũpanahta noano tũho ñahaerasinijari mũsa? —niha Jesu tinare.

Jesu capari ñerarirore ñũchũ yoaha

²² ã yoa tina Betsaidapũ ti sũchũ ñũã, masa sehe capari ñerarirore na wihiha.

—Tirore ñã payoga —ni, tuaro siniha tina Jesure.

²³ Ti ã sinichũ tũhoro, Jesu capari ñerariro wamomacare ñaha, tí macã dũhtũ cahapũ tirore tũã wahcãha. Tõpũ na sũ, to caparire chahcho puti, to wamomacari mehne tirore ñã payoha.

—¿Mũ ñũchũ bajujari? —ni sinituha Jesu.

²⁴ To ã nichũ tiro sehe ñũno, õ sehe niha:

—Mũare ñũja. Yũ ã ñũpachũta tina yucũri tinia yucũ yoaro sehe bajura —niha capari ñerariro cjiro.

²⁵ To ã nichũ tũhoro Jesu sehe to wamomacari mehne to caparire ñã payoha tjoa. To ã ñã payori baharo capari ñerariro cjiro tuaro to ñũchũ to capari noano bajuha. ã yoaro jipihitiare noano ñũha tiro. ²⁶ To ã ñũ masichũ ñũno, Jesu tirore to wũhũpũ warocaha.

—Macapũ pinihtare wahai tjiga —niha Jesu tirore.

“Jesu potocã Cristo, Cohamacu to warocariro jira”, ni yahuha Pedro (Mt 16.13-20; Lc 9.18-21)

²⁷ Æ yoa Jesu to buheina mehne Cesarea Filipo wama tiri maca cahai jia macaripu waha namoha. Tópu ti waharo wato, Jesu õ sehe ni sinitu ñuha to buheinare:

—¿Diro baro jicari yuhu masa yuhure ti tãhotuchu? —ni sinitu ñuha tiro tinare.

²⁸ To ã sinitu ñuchu tãhoa õ sehe ni yãhtiha tina:

—“João masare bautisariro cjiro jira”, nina paina. Paina “Elia jira”, nina. Paina “Cohamacu yare yahu mũhtaina cjiri mehne macariro jira”, nina mũhure —ni yãhtiha to buheina tirore.

²⁹ Ti ã ni yãhtiri baharo Jesu õ sehe ni sinitu namoha tinare:

—¿Musa sehe musa tãhotuchu diro baro jicari yuhu? —ni sinitu ñuha tjoa.

—Mũhu Cristo Cohamacu masare yãhdo duti to warocariro jira —ni yãhtiha Pedro.

³⁰ To ã nichu tãhoro Jesu õ sehe niha:

—Yuhure “Cristo jira tiro”, ni yahu sitesiniena tjiga painare —niha tinare.

*Jesu to variahtore, to masa wi-
jaahto cãhure yahuha
(Mt 16.21-28; Lc 9.22-27)*

³¹ Tinare to ã ni sinitu ñuri baharo, õ sehe ni buhe dũcaha tiro:

—Yuhu masano Cohamacu warocariro jija. Æ jicu tuaro ñano yãhdũcũhca. Æta waharo cahmana yuhure. Mari coyeyã judio masa, bũcũna, sacerdoteya pãhtoa, mari judio masare buheina yuhure cahmaeraa, yuhure wajã dutiahca. Ti ã wajãchu tia dacho wahaboroi masa wijaaichca —niha Jesu tinare.

³² Æ nino ne tãho wisiachu yoaro marieno yahuro niha tinare. To ã nichu tãhoro Pedro sehe pa sehe curerocã Jesure narũcu su, tirore ã ni dutieraha. ³³ To ã ni dutierachu tãhoro Jesu to buheinare majare ñu, tuhtiha Pedre:

—Satana yoaro sehe durucui nina mũhu. Æ nii tjiga. Mũ tãhotua masa ya jira. Cohamacu ya jierara —niha tiro Pedre.

³⁴ Æ ni tuhsu masare to buheina mehne tiro cahapu pjiroca, õ sehe niha:

—Cũiro yu yairo ji duaro, to cahmano yoa duamarire duhuno-canohca. Æ jiro crusapu yu ñano yãhdũhtiro seheta tiro yu yairo to jiri buhiri ñano yãhdũparota yuhure duhusi. Æ jiro yu yare yoarucuriro jirohca. ³⁵ Masano to mu sũro to cahmano seheta yoariro pichacapu tiro waharohca. Æ yoa masano yu yare ã yoarucuro, noaa buheare ã yoarucuro, jipihtia dachoripe yuhu mehne mũanopu jirucurohca.

³⁶ ¿Cũiro masano ahri yahpa macaare jipihtiare cjuariro pichacapu waharo yabare wapatajari tiro? Æ jiro ne wapataerara. ³⁷ Pichacapu to wahachu ne dohse wapa wiohto basioerara. Masano to jia tia wiho waro jierara. ³⁸ Mipure ñaina, Cohamacure cahmaeraina ti mu sũro ti yoari dacho jiro nina. Cãina yu wamare, yu buheare ni dua bũo tiboca. Ti ã yoachu ñũcu yuhu masano Cohamacu warocariro noaina anjoa mehne yu Pũcu to si sitero mehne tjua tacu yu wamare ni duapahta bũo tiinare bũo tisãaihca yuhu cãhu —ni yahuha Jesu.

9

¹ Æ ni tuhsu õ sehe ni namoha Jesu:

—Potocãta niita nija musare. Cãina musa õpũre jiina musa variahto pano pũhtoro Cohamacu to sũho jiropũre yu sãachu yuhure ñũnahca —niha Jesu tinare.

*Jesu to pjacure cohtotaha
(Mt 17.1-13; Lc 9.28-36)*

² Æ yoa seis dachori baharo Jesu Pedre, Santiagore, ã yoa Santiago baharo João cãhure mũadu tũcũpu tina dihtare pji mũjaha. Mũanopu ti mũja sũri baharo ti ñũrocaroi to pjacure cohtotaha. ³ To suhtiro noano si sitero, noano yehseri

suhtiro wahaha. Ahri yahpa macaa numia suhti cosaa numia ã yehsechũ yoa masierara. ⁴ Æ jia Elia cjiro, ã jichũ Moise cjiro mehne Jesu mehne ti suhũdũchũ ñũha tina tiaro Jesu buheina. ⁵⁻⁶ Æ jia tina tuaro cuiha. Æ cuiro dohse ni masieramahno õ sehe nimaha Pedro:

—Pũhoro, mari õi jichũ noa duara. Tia wũhũcã yoanahtja sã. Mũ ya wũhũcã, Moise ya wũhũcã, Elia ya wũhũcã yoanahtja —nimaha tiro Jesure.

⁷ To ã niri baharocãta, me curua ti bui duji pja sũha. To ã duji pja sũchũta, me curua watoi õ sehe nino coa taha:

—Ahriro yũ macũ yũ cahĩriro jira. Tũhoga tirore —nino coa taha.

⁸ Æ nino coa tachũta Pedro cãhũ ñũrocamaha. Jesu dihtare ñũha. Ti ñũrina cjiri sehe mariaha jũna. ⁹ Æ jiro tũcũpũ ti duji tachũ Jesu tinare õ sehe ni yahuha:

—Michapucã yũhũre ã waharire painare yahuena tjiga. Yũhũ masũno Cohamacũ warocariro yũ yaria masa wijaari baharo tĩre painare yahuga mũsa —ni yahuha tiro.

¹⁰ Æ jia to dutiriro seheta tina ti ñũrire yahueraha painare. Æ jia tina ti basi õ sehe ni sinitu durucuha:

—“Yũ yaria masa wijaari baharo” nino, ¿dohsearo ã niri tiro? —ni durucuha tina.

Æ jia Jesure õ sehe ni sinituha:

¹¹ —“Cristo to tahto pano Eliare ta mũhtano cahmana”, nina mari coyera judio masare buheina. ¿Dohse jiro baro ã nijari tina? —ni sinituha tina tirore.

¹²⁻¹³ Jesu õ sehe ni yũhtiha:

—Potocã tjira. Eliare ta mũhta dutire Cohamacũ, jipihtiare cahno mũhtahtiro cjihtore. Yũhũ masũno Cohamacũ warocariro payũ tahari ñano yũhdũihca. Paina yũhũre cahmaeraa, ñano yoaahca. ¿Tĩ cãhũre masijari mũsa? Æ jicũ ahrire nihtja mũsare: Elia wihi tuhsũre. To ã wihipachũta tina ti cahmariro seheta

tirore ñano yoaha. Æta ni joaha tirore —niha Jesu tinare.

Jesu wahma wahmũa tarirore noariro wahachũ yoaha

(Mt 17.14-21; Lc 9.37-43)

¹⁴ Æ yoa duji ta, paina buheina cahapũ sũ, payũ masare ñũha Jesu. To buheina sehe judio masare buheina mehne cahma sayoa niha. ¹⁵ Æ jia Jesu cãhũ ti duji tachũ ñũha, jipihũtina masa cũaa waha, tiro cahapũ mũrocaa wahaha. Tiro cahapũ sũa:

—¿Tamajari? —niha tirore.

¹⁶ —Tamaja —ni tuhsũ—, ¿dohse ni cahma sayona niri mũsa tina mehne? —ni sinituha Jesu to buheinare.

¹⁷ To ã ni sinituchũ tũhoro, masa watoi ducuriro õ sehe ni yahuha tirore:

—Buheriro, yũ macũre watĩno to cohtotarirore mũhũre na tamahi. Watĩno sehe tirore durucu dutierara. ¹⁸ Yũ macũre to ñahachũ yahpapũ bora, bahca diho, bũhaa waha tire tiro. Æ waharo sahpo tua tire. Æ jicũ mũ buheinare watĩnore cohã wio dutimahi. Yũ ã dutipachũta tina sehe cohã wio masierare watĩnore —ni yahuha Jesure.

¹⁹ To ã nichũ tũhoro Jesu õ sehe niha tinare:

—Ne, yũhũre wacũ tuaerara mũsa. Yoabiari pja mũsare buhemaja yũhũ. ¿Noho puro yoari pja yũhũre mũsa caribobocari? Tirore na tahga yũhũre —niha Jesu.

²⁰ To ã nichũ tũhoa watĩno to cohtotarirore Jesu cahai na taha. Ti na wihichũ ñũno watĩno sehe wahma wahmũa tarirore yahpapũ doca caha sũ, tunu teterechũ yoaha. Æ yoa sahpo tua wahaha.

²¹ —¿Noho puro yoari pja watĩno to cohtotarirore jĩjari ahriro? —ni sinituha Jesu sehe to pũcũrore.

—Wihãrirocã jiropũta tiro watĩno to cohtotarirore jira. ²² Æ cohtotaro payũ tahari watĩno sehe tirore pichacapũ, copũ cãhũre cohã wajãmaha. Æ jicũ mũhũ yoa masicũ sãre pja ñũ, yoadohoga —niha to pũcũro Jesure.

23 To ã nichu tuhoro õ sehe niha Jesu:

—¿Dohsea jiro baro “Muhu yoa masicu”, nijari muhu yuhure? Yuhure mu wacu tuachu ñno, Cohamacu jipihitiare yoa pahño masina muhure yoadohobasaro —niha Jesu.

24 To ã nichuta wahma wahma tariro pucuro õ sehe ni sañurucuha:

—Muhure wacu tuaja. Yu wacu tuaerachu ñcu yuhure yoadohoga muhure yu noano wacu tuahto sehe —niha tiro.

25 Ñ jiro masa payu tina cahapu muroca ta, ti cahmachuchu ñno, Jesu watĩnore õ sehe ni tuhtiha:

—Muhu durucu dutierariro, tuho dutierariro ahrirore cohtotariro wijaahga. Ñ wijaacu tirore pari turi cariboi tjiga —niha Jesu.

26 To ã nichu tuhoro watĩno sañurucu, wahma wahma tarirore yahpamu doca caha su tunu teterechu yoa, wijaaha. To ã wijaachu wahma wahma tariro yariariro yoaro sehe wahaha.

27 —Tiro yariaa wahara —nimaha masa payu.

Ti ã nipachuta Jesu sehe to wamomacare ñaha, tirore wahcõha. To ã wahcõchu wahcõha tiro sehe. 28 Baharo Jesu cãhu wuhupu ti sãa sũchu to buheina tirore õ sehe ni sinitu ñaha:

—¿Dohseana sã sehe watĩnore cohã wio masierari, mu tahotuchu? —ni sinitu ñaha tina.

29 —Ahriro baro watĩnore cohã wio duana Cohamacure tuaro sinino cahmana musare. [Ñ yoa duana chu duhuro cahmana musare Cohamacure sinina tana] —ni yuhtiha Jesu tinare.

Pari turi Jesu to yariahtore, to masa wijahtore yahuha

(Mt 17.22-23; Lc 9.43-45)

30 Ñ yoa tõpu jiina waha, Galilea yahpamu su, yuhdaha. Tõpu ti wahirire paina ti masichu cahmaeraha Jesu to buheinare buhe duaro.

31 Tõpu sũro to buheinare buhea tiha. Õ sehe ni buheha:

—Yuhu masũno Cohamacu warocariro jija. Masa yuhure ñaha,

painapure yuhure waahca. Ti ã wari baharo yuhure wajãahca tina. Ti ã wajãricu tia dacho wahaboroi masa wijaahca —niha tinare.

32 To ã nichu tuhoa tina noano tuhoeraha. Ñ jia cuia tirore tĩre sinitu ñu namoeraha.

Jesu buheina tina mehne macarirore puhtoro sõ duaa nimaha

(Mt 18.1-5; Lc 9.46-48)

33 Ñ yoa tina Capernaupu ti sũri baharo wuhupu ti jichu Jesu sehe õ sehe ni sinitu tinare:

—¿Mahapure tana, dohse ni durucu tana niri musa? —ni sinitu tinare.

34 To ã nichu tina yuhtieraha. Mahapure taa, cahma õ sehe ni durucu taa niha:

—¿Mari mehne macarirore diro sehere mari puhtoro sõnahcari mari? —ni durucua niha mahai tarucua.

35 Ñ jia ti ã nirire buo tia Jesure yuhtieraha. Ti ã yuhtierachu ñno Jesu nuju su, to buheinare doce buheinare pjiroca õ sehe niha:

—Musa puhtoa ji duana jipihtina masa ti cahamaca jiro cahmana musare. Tuhsu, wiho jiina jipihtina docai jinahca musa —niha Jesu tinare.

36 Ñ nino nijinocãre tina watoi duhu dapoha. Duhu dapo tuhsu tirocãre na wua, õ sehe ni yahuha:

37 —Yu yare yoa duana ahrirocãre musa cahmana, yuhu cãhure cahmana musa. Ñ yoa yuhure cahmana, yuhure warocariro mari pucu cãhure cahmana musa —niha Jesu tinare.

Marine ñu tuhtiriro jieraro, mari mehne macariro jira

(Mt 10.42; Lc 9.49-50)

38 Baharo João õ sehe niha Jesure:

—Buheriro, mu wama mehne mu tuua mehne watĩare cohã wiorirore sã ñahi. Tiro mari mehne macariro to jierachu ñana tĩre tirore yoa dutiera tihi sã —niha tina.

39 Ti ã nichu tuhoro Jesu tinare õ sehe ni yahuha:

—Ñ niena tjiga musa tirore. Cãiro yu wama mehne Cohamacu tuua mehne yoaro, baharo yuhure ñano

ni durucu masierara. ⁴⁰ Marine ñu tuhtiro jieraro, tiro mari mehne macariro jira. ⁴¹ Musare potocãta nii nija. Yu yaina musa jichu ñua paina musare ti yoadohochu ñuno Cohamacu tinare noano yorohca. Core musare ti sihõchu mahanocã ti wapachata tinare noano yorohca Cohamacu ti ã yoari wapa —niha Jesu tinare.

*Ñaaare yoachu cua nina
(Mt 18.6-9; Lc 17.1-2)*

⁴² ã yoa Jesu õ sehe ni yahu namoha:

—Ahrirocã sehe jirirore yuhure wacũ tua ducarirore yahuihtja musare. Pairo ahrirocã sehe jirirore ñaaare yoa dutiro tiro ñabiaro yuhdũrohca. Cũirore to wamũapũ pjiria tãcare dũhte yo, pjiri mapũ tirore ti cohãchu ñano wahaboa tiro. ã jiro ahrirocã sehe jirirore ñaaare yoa dutiro tiro sehe pjiri mapũ ti cohãro yuhdoro ñano yuhdũrohca.

⁴³⁻⁴⁴ 'Mu wamomaca mehne ñano yoacu tí wamomacare mu dũte cohãboro seheta tí mu ñaa yoaa sehere duhuga. Tíre duhueracu pichacaru wahaihca. Tópre ne pichaca yatierara. [ã yoa dachoa ne yarierara.] Mu wamomacare mu cohãchu tí si dihta butiboa. Tuhsu, muhu sehe ã si jipaihta baharo Cohamacu mehne jiihca. Pua wamomaca mehne pichacaru wahacu mu ã wahachu ñaa yuhdũaboa muhure. ã jicu tí mu ñaa yoaa sehere duhuga.

⁴⁵⁻⁴⁶ 'Mu dahporo mehne ñano yoacu tí dahporo cũhure mu dũte cohãboro seheta tí mu ñaa yoaa sehere duhuga. Tíre duhueracu pichacaru wahaihca. [Tópre ne pichaca yatierara. ã yoa dachoa ne yarierara.] Mu dahporore mu cohãchu tí si dihta butiboa. Tuhsu, ã si jipaihta baharo Cohamacu mehne jiihca. Pua dahporo mehne pichacaru wahacu mu ã wahachu ñaa yuhdũaboa muhure. ã jicu tí mu ñaa yoaa sehere duhuga.

⁴⁷⁻⁴⁸ 'Mu capariaca mehne ñano yoacu tiare orewe mu cohãboro seheta tí mu ñaa yoaa sehere duhuga.

Tíre duhueracu pichacaru wahaihca. Tópre ne pichaca yatierara. ã yoa dachoa ne yarierara. Tiare mu cohãchu tia dihta butiboa. Cũ bũhũsehe capariaca mariapaihta baharo Cohamacu mehne jiihca. Pua capariaca mehne pichacaru wahacu mu ã wahachu ñaa yuhdũaboa muhure. ã jicu tí mu ñaa yoaa sehere duhuga.

⁴⁹ Ahri yahpai jina ñano yuhdũnahca musa. Pichacaru mari jũchu marine purĩno seheta ñano yuhdũnahca musa. ⁵⁰ Moa noano coara. Moa coerachu, coa yoaho basioerara. Moa coeraro tí moa ne noaerara. Tí moare dohsehto basioerara. Moa noano to coaro seheta musa cãhu ji coaina jiga. Tuhsu, paina mehne noano mehne jiga —ni yahuha Jesu tinare.

10

Ti namosãnumiare cohãare yahuha Jesu

(Mt 19.1-12; Lc 16.18)

¹ ã yoa tiro tópu jiro waha, Judea yahpa caharu su, Jordão wama tiri ma pa bũhũsehe coaru suha. Tópu to suchu ñua masa payu tiro caharu cahmachuha tjoa. Ti ã cahmachuchu ñano tó pano to buheriro seheta pari turi buheha tjoa. ² To ã buhero watoi fariseo curua macaina wihaha. Jesure ñano to durucuchu tuho duamaha tina tirore yahuã duaa. ã tuho duaa tina Jesure õ sehe ni sinitu ñaha:

—¿Mari namore cohãchu noabocari? ¿Mari dutia sehe tó seheta yoa dutijari, mu tuhotuchu? —ni sinitu ñaha tina.

³ —¿Dohse yoa dutiri Moise cjiro musare? —ni yuhtiha Jesu.

⁴ —“Mu namore cohã duacu pãpera pũi tíre joaga. ã joacu tí pũre mu namore mu wari baharo ticorore cohã masina muhu”, ni joaa tiha Moise cjiro —ni yuhtiha fariseo curua macaina sehe.

⁵ Ti ã nichu tuhorõ õ sehe ni yahuha Jesu:

—Cohamacu dutiare musa yoa du-aerachu ñuno ã ni joaa tiha Moise cjiro. ⁶ To ã ni joariro jipachuta ahri yahpare bajuamehneriro muno, numino cahure yoaha. ⁷ ã jiro muno to pucsumare cohã wijaa, to namono mehne jirohca. ⁸ ã jia tina pvaro jipahta cã pjacu yoaro sehe jira. Tina pvaro yoaro seheta jierara. Cã pjacu yoaro sehe jia nina. ⁹ Cohamacu to wamomaca duhte dutiina jira. ã jia tinare duhueraro cahmana —niha Jesu tinare.

¹⁰ ã ni tuhsu tiro to buheina mehne wuhuru sãa wahaha. Wuhuru sãa sãa, ti namosãnumiare cohãare to buheina sinitu ñaha tjoa tirore. ¹¹ Ti ã sinitu ñachu tiro õ sehe ni yuhtiha:

—To namonore cohãriro pacorore namo tiro, pacoro mehne ñano yoariro jira. ã jiro to cohãricorore ñano wahachu yoaro nina. ¹² ã yoa numino sehe to manonore cohãno, paire manu tiro, tiro mehne ñano yoaricoro jira —niha Jesu tinare.

Macanacã ya cjihtire Cohamacure sini payoha Jesu

(Mt 19.13-15; Lc 18.15-17)

¹³ ã yoa macanacãre Jesure ña payo dutia taa tinacãre Jesu caharu na taa tiha. Ti ã na tachu ñha to buheina sehe tinacãre na tainare tuhtiha. ¹⁴ Ti ã tuhtichu ñuno Jesu suaha tina mehne. ã suaro õ sehe niha tinare:

—Macanacã yu caharu tajaro. “To cahai wahaena tjiga”, niena tjiga tinacãre. Tinacã Cohamacure ti puhtoro tuhotura. Puhtoro Cohamacu to suho jiina ahrinacã yoaro sehe tuhotuina baro dihta jira. ¹⁵ Potocã niita nija musare. Ahrinacã Cohamacu ti puhtoro cjihtore cahmana. Ti yoaro seheta musa cahu Cohamacu musa puhtoro cjihtore cahmaerana, puhtoro Cohamacu to suho jihtina ne jisi musa —niha Jesu.

¹⁶ ã ni tuhsu Jesu macanacãre na wãa tjiãhno, tinacãre ña payoro, õ sehe niha:

—Ahrinacã noainacã wahajaro —ni sini payoha Cohamacure.

Pache pvaro Jesure sinitu ñaha
(Mt 19.16-30; Lc 18.18-30)

¹⁷ ã yoa Jesu mahai to waharucuchu paio sehe maroca wihi, to dahpori caharu na tuhcuca caha suha tirore ño payoro.

—¿Ne, noariro buheriro, yuhu jipihitia dachoripe Cohamacu mehne ã jirucu duacu dohse yoacuhcari yuhu? —niha tiro Jesure.

¹⁸ To ã nichu Jesu õ sehe ni yuhtiha:

—¿‘Noariro’ ni pisujari muhu yuhure? Noariro sehe Cohamacu dihta jira. ¹⁹ Ahri Cohamacu dutiare masina muhu: Masare wajãena tjiga. Namu tiriropu paye numia mehne jiena tjiga. Yacaena tjiga. Mahñoa mehne paire yohusaena tjiga. Paina yare mahño naena tjiga. Musu pucsumare ño payoga. Ahri dutiare yoaihca muhu —ni yahuha Jesu tirore.

²⁰ —Buheriro, yuhu tí jipihtiare wahma wahma tariro jiputa yuhdurucaera tihi yuhu —niha tiro Jesure.

²¹ To ã nichu tuho Jesu sehe tirore cahã mehne maroca õre. ã maroca õno, õ sehe niha:

—Mahanocã duhsara muhure mu yoa pahnohto. Jipihtiare mu yare duai wahaga. ã yoacu jipihtia mu wapatari niñerure pjacuinare waga. Mu ã yoacu payu mu ya noaa manopu, Cohamacu caharu jiyuahca. Mu ã yoari baharo yuhu mehne macariro cjihto taga —niha Jesu tirore.

²² To ã nichu tuho tiro sehe payu pache cjuariro jiro tíre pjacuinare wa duaeraro, cahya, jicoaeraa, wahaa wahaha.

²³ To ã cahyachu ñuno Jesu majarerucu suro, to buheinare maroca õ, õ sehe niha:

—Pache pu puhtoro Cohamacu to suho jiropure tí waha duachu mijobiara —niha tinare.

²⁴ To ã nichu tuho tina sehe tíre tuho cuua wahaha. ã ni tuhsu Jesu pari turi õ sehe ni yahu namoha tinare:

—Coyea, jipihitia [Cohamacure wacũno marieno “Mari mu suro mari

cjuaa mehneta noano yuhdunahca”, ni tuhoutuina pache puaj puhtoro Cohamacu to suho jiropure ti waha duachu mijobiara. ²⁵ Camello sehe awicã copacãre to sãa nuhri wijaa duachu basioerara. To ã jiro yuhdoro pache puero puhtoro Cohamacu to suho jiropure to waha duachu nu mijobiara —ni yahuha Jesu tinare.

²⁶ To ã nichu tũhoa tina sehe tũho cãa yuhdũna waha, ti basi õ sehe niha:

—Cue, to nino seheta potocã jichu ne cũiro masunore yuhdoeraboca Cohamacu —niha tina ti basi.

²⁷ Ti ã nichu tũhoro Jesu tinare ñuroca õ, õ sehe niha:

—Masa ti basi ti mu sũro yuhdu masierara. Wiho mejeta Cohamacu sehe masare pichacaru waha borinare yuhdo masina. Tiro jipih-tiare noano yoa masi pahñoriro jira —niha Jesu tinare.

²⁸ To ã nichu Pedro tirore õ sehe niha:

—Tũhosiniga. Sã sehe jipih-tia sã yare cũnocaa tii mũhu mehne tana —niha tiro Jesure.

²⁹ To ã nichuta Jesu õ sehe niha:

—Potocã niita nija musare. Noaa buheare, yu yare yoana tana yuhure ño payona tana musa wuhuserere, musa bahanare, musa pocsãnumiare, musa pohinare, musa weserire cũnocarina jina, pjíro wapatanahca musa mipure. ³⁰ Æ yoana musa wuhuserere, musa bahanare, musa pocsanumiare, musa pohinare, musa weserire, tó pano musa cjuariro yuhdoro mipure payu cjuanahca musa. Æ yoa paina musare ñano yoaahca. Æ jina baharopure pa turupu jipih-tia dachoripe Cohamacu mehne jinahca. ³¹ Mipure payu puhtoã jirina cjiri tí pjapure wiho jiina tjuanocaahca. Æ yoa mipure payu wiho jiina jirina cjiri tí pjapure puhtoã cohtotaahca tjoa —ni yahuha Jesu tinare.

Pari turi Jesu to yariahtore, to masa wijaahtore yahuha
(Mt 20.17-19; Lc 18.31-34)

³² Æ yoa tina maharu maja, Jerusalẽru mujaa niha. Jesu ti panocã mu tãha. Æ to mu tãchu ñua to buheina ñu cãaa wahaha. Æ yoa ti baharo nunu tiina sehe cuiro mehne nunu tiha. Æ yoa Jesu doce to buheinare ti sahsero naaha tjoa. Æ naa tuhsu, masa tirore ti dohse yoah-tire Jesu yahu dũcaha tinare:

³³ —Tũhoga yuhure. Mipure Jerusalẽru wahana nija mari. Tóru masa yuhure masunore Cohamacu warocarirore ñaha, painapure yuhure waahca. Sacerdotea puhtoare, mari coyera judio masare buheina cãhure yuhure waahca. Æ jia yuhure wajã dutiahca tina. Æ wajã dutia judio masa jieraina sehene yuhure waahca.

³⁴ Ti ã wari baharo tina sehe yuhure bujape, chahcho puti sihõ, tjana, wajãahca. Æ yoa yu yariari baharo tia numu wahaboroi masa wijaaahca —ni yahuha Jesu tinare.

Santiago João mehne Jesure siniha
(Mt 20.20-28)

³⁵ Æ yoa Santiago, João mehne Jesu caharu sua, siniha tirore. Tina Zebedeo pohina jiha. Æ jia õ sehe ni siniha:

—Buheriro, sã sinino seheta sãre yoaga mũhu —niha tina Jesure.

³⁶ —¿Dohse yu yoachu cahmajari musa? —niha Jesu tinare.

³⁷ —Jipih-tina bui puhtoro jicu sãre mũhu mehne duji dutiga. Cũiro mu poto buhusehei paio mu cõ buhusehei duji dutiga sãre, mũhu mehne puhtoã sã jihto sehe —niha tina Jesure.

³⁸ Ti ã nichu tũhoro õ sehe ni yahuha Jesu tinare:

—Musa ñano yuhduhtore masiera-panahta ã sinina yuhure. ¿Mipure yu ñano yuhduhto seheta ñano yuhdũna cũno pjabocari musa cãhu? —ni sinituha tinare.

³⁹ To ã sinituchu tũhoa tina õ sehe ni yuhtiha:

—Cũno pjanahca —ni yuhtiha tina.

Ti ã nichu Jesu õ sehe ni yahuha:

—Yu ñano yuhduhto seheta ñano yuhdunahca musa cãhu. ⁴⁰ MUSA

ã yuhduhtina mûsa jipachuta, yuhû mehne dutihtinare, yuhû mehne dujhtinare bese masieraja yuhû. Ahrire yu Pucû sehe cahno tuhsure. ã jia to besehtina dihta yu poto buhusehei yu cõ buhusehei dujiahca —niha Jesu tinare.

⁴¹ ã jia paina diez buheina Santiago, João ahrina pûaro mehne susiniha ti ã sinirire tûhoa. ⁴² Ti ã susinichû ñûno Jesu to buheinare pjiroca, õ sehe niha:

—Cohamacure masieraina puhto sehe ti masare dutia, puriño mehne dutira. ⁴³ Mûsa sehe ne ã yoasi mûsa basi. Diro mûsa mehne macariro mûsa bui puhtoro ji duaro, jipihtina tiro mehne macaina cahamacûno yoaro sehe jia tiro cahmana tirore.

⁴⁴ ã yoa diro mûsa mehne macariro mûsare dutiriro ji duariro mûsa cahamacûno yoaro sehe jia tiro cahmana tirore. ⁴⁵ Tô seheta jiriro jija yuhû cãhû. Yuhû masûno Cohamacû warocariro jipacuta ahri yahpapure yuhure mûsa yoadohohtire mûsare sinii tai nierahi. Mûsa sehere yoadohoi tai nii. ã yoacu payû masa ya buhirire yaria, wapabasai tai nii. Yu ã yariaro mehne payû masare pichacapû wahaborinare yuhduchû yoai tai nii —niha Jesu tinare.

Bartimeore, capari ñûerariroro ñûchû yoaha Jesu

(Mt 20.29-34; Lc 18.35-43)

⁴⁶ ã yoa baharo tina Jericóru sùha. Jesu to buheina mehne, ã jichû paina masa payû mehne tí macai jiina ti wahachû tí macare ti yuhdu wahcãchû waro, Bartimeo sehe ti wahari maha duhtû cahai dujiha. Tiro Timeo macûno capari ñûerariro jiro, masare niñerucãre ã sinirucuriro jiha. ⁴⁷ Ti wahari maha duhtû cahai dujiro, “Jesu Nazare macariro tara”, ti nichû tûhoro, Bartimeo sehe õ sehe ni sañurucuha:

—Jesu, Davi cjiro panamino masare yuhdohtiro, pja ñûga yuhure —ni sañurucuha Jesure.

⁴⁸ To ã nichû tûhoa masa payû Bartimeore “Dihta mariaha”, ni tuhtiha

tina tirore. Ti ã ni tuhtichû tûhoro Bartimeo tó pano to sañurucuriro yuhdo curero sañurucu namoha tjoa:

—Jesu, Davi cjiro panamino masare yuhdohtiro, pja ñûga yuhure —ni sañurucuha tiro.

⁴⁹ To ã ni sañurucuchû tûhoro Jesu sehe tjuarucû sù, “Pjirocaga tirore”, niha. To ã nichû tûhoa tina sehe capari ñûerariroro õ sehe ni yahuha:

—Wahchega. Wahcãrucaga. Tiro mahure pjira —niha tina Bartimeore.

⁵⁰ Ti ã nichû tûhoro to bui macari suhtirore tjuwe cû, pu wahcãrucû sù, Jesu cahapu sãrucû sùha. ⁵¹ ã jiro, Jesu sehe õ sehe ni sinituha tirore:

—¿Dohse yu yoachû cahmajari mahû? —niha Jesu tirore.

—Yu puhtoro, yuhure ñûchû yoaga —niha capari ñûerariro Jesure.

⁵² —Wahaga mahû. Mahû yuhure wacû tuacu noariro wahara —niha Jesu tirore.

To ã nichuta capari ñûerariro ñûa wahaha. ã noariro waharo Jesu mehne mahapu wahaa wahaha.

11

Jerusalëru sùha Jesu

(Mt 21.1-11; Lc 19.28-40; Jn 12.12-19)

¹ ã yoa tina Jerusalëru ti suhto panocã tãcû Olivo wama tidû duhtû cahai jiri maca Betfagé wama tiri maca cahai, ã jichû Betania wama tiri maca cahai sù mahata. Tí macari puã maca cahai Jesu sùro, to buheina puãrore warocararo taro, õ sehe ni yahu quihõha:

² —Sí macapu wahaga. Tóru sùna dóihta burrocãre ti duhte daporirocãre boca sùnahca. Tiro ne cûiro ti pisamahnoerarirocã jica. Tirocãre bocana, yuta dare pjã, na tabasaga yuhure. ³ Mûsa tirocãre pjãchû ñûno cûiro dohse jiriro, “¿Dohse yoana tana burrocãre duhte daporiro dare pjãjari mûsa?”, to nichû tûhona, õ sehe ni yuhuga tirore: “Mari puhtoro burrocãre cahmarocasinire. Michapucacãta wiarohca tiro”, ni yuhuga

tirore —ni yahu duti warocaha to buheina puarore.

⁴ To ã nichu waha, tí wuhu sopaca cahai burrocãre ti dũhte dapor-irocãre bocaha. Boca, tirocãre pjãha.

⁵ Tirocãre yuta dare ti pjãchu ñua tói ducuina õ sehe ni sinituha tinare:
—¿Dohse yoana tana burrocãre dũhte daporĩ dare pjãjari m̃usa? —ni sinituha tina.

⁶ Ti ã nichu tuhoa, tina sehe Jesu to niriro seheta yahuha tói ducuinare. Ti ã ni yahuchu tuhoa tói ducuina sehe “Naahga”, niha tinare. ⁷ Æ jia tina burrocãre Jesu cahapu na suha. Ti na suri baharo tirocã bui ti bui sãa suhtire ti pjũpaha payo tuhsuchu ñuno, Jesu sehe tirocã bui m̃uja pja, wahaha. ⁸ Tirocã bui to wahachu ñua, masa payu ti bui sãa suhtire tjuwe na, to wahahti mahai saño cũ m̃uhtaha, Jesure ño payoa. Paina sehe campopu pũri tia dũpũrĩre yucu dũpũrĩre dute na ta, to wahahti mahai duhu cũha.

⁹ Æ jia to pano wahaina, to baharo nunu tiina mehne õ sehe ni sañurucuha:

—Ahrĩrore wahche payojihna. Ahrĩro Cohamacu to warocarĩro noano jijaro. ¹⁰ Mari ñuchu Davi cjiro pũhtoro to noano suho jiri sehetã, ahrĩro marine to suho jihto cãhu noano jijaro. M̃uano macarĩro Cohamacu, m̃uhu tuarĩro waro jira —ni sañurucuha tina.

¹¹ Ti ã yoari baharo Jesu sehe Jerusalẽpu suha. Su, Cohamacu ya wuhupu sãa suru, tí wuhũ jiare jip-ihitiare ñu pahñonocaha. Ñu tuhsu “Ñamichahapu waro jira marine” nia, Jesu to buheina doce buheina mehne Betaniapu wahaa wahaha.

Jesu higueraçure yaria dutiha
(Mt 21.18-19)

¹² Æ yoa pa dachoi tina Betaniapu jiina wahaa wahaha. Æ jiro Jesu sehe jũca baa, yoaropu higuera wama tidure noano pũri tidure ñuno tu dichare macano wahamaha. ¹³ Dicha mariaha. Dicha tiri pja jieraro pũri dihta jiha. ¹⁴ Æ jiro dicha mariachu ñuno õ sehe niha:

—Ahdũ dichare masa ne pari turi chuea tjijaro. Ne dicha tiero tjijaro —niha Jesu.

To ã nichu to buheina sehe tuhoaha.

Jesu Cohamacu wuhure Cohamacu mehne durucuri wuhure yoa dutiha
(Mt 21.12-17; Lc 19.45-48; Jn 2.13-22)

¹⁵ To ã yoari baharo tina Jerusalẽpu suha. Tõpu suru, Jesu Cohamacu ya wuhupu sãa suru pache duainare, nuchaina cãhure cohã wioha. Æ yoaro niñeru cohtotãa mesarĩre yo wahcõ na majare cũ m̃ujaa tiha. Bujaare duaina ti dujia pahtari cãhure ãta yoaha. ¹⁶ Æ yoaro paye barore na sãa dutieraha masare. ¹⁷ Tõ sehe yoa tuhsu, Jesu õ sehe ni buheha tinare:

—Õ sehe nina Cohamacu yare ti joari pũi: “Yu wuhu Cohamacu mehne durucuri wuhu wama tirohca. Æ jiro jipihitiro macaina ya wuhu cjihto jirohca”, ni joaa tiha Cohamacu yare ti joari pũi. To ã nipachuta m̃usa sehe ahri wuhũ duana, m̃usa basi cahma yacara m̃usa —ni buheha tinare.

¹⁸ To ã ni buhechu jipihiti tina masa sehe tuho cãaa wahaha. Æ jia sacerdotẽa pũhtoa, sã judio masare buheina mehne tirore cui niha. Æ jia tina tirore ti wajãhti cjihtire wacũ macamaha. ¹⁹ Ti ã yoachu ñamichahapu Jesu to buheina mehne tí macapu jirina cjiro wahaa wahaha.

Higueraçu ñaia wahaha
(Mt 21.20-22)

²⁰ Æ jia bohrearo mahapu maja taa, higueraçure ñua. Tu nahcorĩpu ñai dũca, ñaia wahaha tu. ²¹ Tũre ñuno Pedro sehe wacũno õ sehe niha:

—Buherĩro, ñuga. Higueraçu m̃u yaria dutidũ yaria wahari jira —niha Pedro.

²² To ã nichuta Jesu õ sehe ni yahuha tinare:

—Cohamacure wacũ tuaga m̃usa. ²³ Potocã niita nija m̃usare. Ahdũ tũcure pjiri mapu m̃usa cohã dutichu m̃usa niriro seheta ã waharohca. Cohamacure noano m̃usa wacũ tuachu “Yu sinĩro seheta ã waharohca”,

musa ni t̄hotuch̄u musa niriro sehet̄a ã waharohca. ²⁴ Æ jic̄u ahrire yahuiht̄ja musare. Cohamac̄u mehne durucuna, tirore sinina, “Ȳu siniriro sehet̄a warohca ȳuh̄ure”, ni t̄hotuga. Musa ã ni t̄hotuch̄u ñ̄no Cohamac̄u musa siniare warohca. ²⁵ Æ yoana Cohamac̄u mehne musa durucuhto pano musare paina ti ñ̄ano yoach̄u musa suari cjirire duhuga. Musa ã yoach̄u ñ̄no Cohamac̄u m̄ano macariro musa ñ̄aa buhirire tiro c̄uh̄u sua duhurohca. ²⁶ [Musare ñ̄ano yoanire musa sua duhuerach̄u mari P̄uch̄u c̄uh̄u m̄ano macariro musa ñ̄aa buhiri sehere bos̄i tiro c̄uh̄u] —niha Jesu.

Sacerdotea p̄h̄toa, judio masare buheina, b̄uch̄na mehne Jesu mehne cahma sayoha

(Mt 21.23-27; Lc 20.1-8)

²⁷ To ã niri baharo tina Jerusal̄ep̄u wahaha tjoa. Æ jia Jesu Cohamac̄u w̄uh̄u to tinich̄u ñ̄aa sacerdotea p̄h̄toa, sã judio masare buheina, b̄uch̄na mehne tiro cahap̄u sua tirore õ sehe ni sinitu ñ̄aha:

²⁸ —¿Dohseac̄u can̄ure ã yoari m̄uh̄u? ¿Noa m̄uh̄ure tíre ã yoa dutiri? —ni sinitu ñ̄aha tina Jesure.

²⁹ Ti ã nich̄u Jesu õ sehe ni ȳhtiha:

—Musa sehere sinitu m̄ht̄iht̄ja. Noano ȳuh̄ure musa ȳht̄ich̄u musare yahuiht̄ja ȳuh̄u c̄uh̄u. ³⁰ ¿João masare to bautisach̄u diro baro sehe tirore bautisa dutia tiari, musa t̄hotuch̄u? ¿O Cohamac̄u dutiera tiari? ¿O masa sehe tirore dutia tiari, musa t̄hotuch̄u? —ni sinituha tinare.

³¹ To ã nich̄u tina sehe ti basi õ sehe niha: “¿Dohse ni ȳht̄inahcari mari? ‘Cohamac̄u João dutia tiri jire’, mari nich̄u, ‘¿Dohseana Cohamac̄u João to dutipach̄ata tirore t̄hoerari musa?’ niboca Jesu marine. ³² Æ yoa, ‘João to bautisach̄u Cohamac̄u sehe tirore dutierari jire’, mari nich̄u masa sehe suaahca mari mehne”, niha tina ti basi. “Potocãta João Cohamac̄u yare yahu m̄ht̄ariro jira”, ni t̄hotua tiha masa sehe. Ti ã ni t̄hotuch̄u masia,

Joãore doca dahre duaeraha sacerdot̄ea p̄h̄toa c̄uh̄u, “Masa suari”, nia.

³³ Æ jia tina Jesure õ sehe ni ȳhtiha:

—Joãore bautisa dutirirore sã masieraja —niha tina Jesure.

—Tí p̄ja pinihta ȳuh̄u c̄uh̄u ahrire ȳu yoaare dutirirore yahueraja musare —niha Jesu tinare.

12

Ñ̄aina dahra cohtaina quitire yahuha Jesu

(Mt 21.33-46; Lc 20.9-19)

¹ Æ yoa Jesu to t̄hotua mehne õ sehe ni piti dahre buhe d̄ucaha tinare:

—Wese p̄uro se dari cjiht̄ire toaha. Toa tuhs̄u, sahr̄nore dapo, sere ti t̄u m̄tohti copare saha, m̄uari w̄uh̄ucã dahreha tiro. Tuhs̄u, tí wesere painare c̄u b̄uh̄usehe coa pahma c̄uno, tí wesere ñ̄u wihbo dutiha. Ñ̄u wihbo duti tuhs̄u, pa yahpap̄u wahaha tiro. ² Baharo se ñ̄iri p̄ja jich̄u wese p̄uro tirore dahra cohtariroro wese macaa to ya coa macaa dichare na dutiro warocamaha. ³ Æ jia tí wesere ñ̄u wihboina sehe tirore dahra cohtariroro ñ̄aha, cjãha. Æ yoa tuhs̄u tirore dahra cohtariroro se t̄õhorine waerapahta tjuua dutiha tirore. ⁴ Æ jiro wese p̄uro paio tirore dahra cohtariroro warocamaha tjoa. Æ jia wesere ñ̄u wihboina sehe tirore dahra cohtariro dapure cami dahre, ñ̄ano yoaha tina tirore. ⁵ Tuhs̄u, paio sehere to warocach̄u ñ̄u wihboina tirore wajãha. Paȳu paina c̄uh̄ure ã dihta yoa m̄ajaha. Paina sehere cjã, paina sehere wajãha tina.

⁶ Æ jiro wese p̄uro mac̄no dihta d̄uhsaha. Tiro to cah̄iro jiha. Æ jiro to mac̄nore warocaha j̄una, “Ȳu mac̄u sehere ñ̄o payoahca”, nino. ⁷ To ã ni t̄hotupach̄ata tina ñ̄u wihboina ti basi õ sehe ni durucuha: “Wese p̄uro mac̄no baharo ahri wesere cj̄aht̄iro jira ahriro. Tirore wajãjihna mari. Æ jiro ahri wese mari ya wese tjuarohca”, nimaha tina ti basi. ⁸ Æ nia tirore ñ̄aha, wajã, wese d̄uht̄u

cahapu na wahcã, cohãnocahna tina tirore.

⁹ ¿Ne wese puro taro dohse yoarohcari tiro wesere ñu wihboinare? Õ sehe yoarohca tinare: Tiro tinare wajãno, paina sehere wesere ñu wihbo dutirohca. ¹⁰⁻¹¹ ¿Cohamacu yare ti joari pure ahrire buherari musa? Õ sehe ni joaa tiha:

“Ahriro Cristo tãca yoaro seheta jira. Tãcare wahu dahreina ti cohãno seheta masa tirore cohãahca.

Ti ã yoapachata mipure wahu dahreina wature yoaa ti cū mūhtari tãcare ti cūno seheta Cohamacu tirore puhto sōre.

Cohamacu sehe ahrire yoare.

To ã yoachu ñuna, ‘Noa yuhduara’, ni tuhotuja mari”,

ni joaa tiha panopu. ¿Tíre ne buherari musa? —niha Jesu tinare.

¹² To ã nichu tuhoa sacerdotea puhto, sã coyea judio masare buheina, bucuna mehne ò sehe ni tuhotuha: “Jesu wesere ñu wihboina quiti mehne marine tuhtiro nina”, ni tuhotuha. ã ni tuhotua Jesure ñaha duamaha. ã ñaha duapahta masare cui niha. ã cuia tirore cohã wahcã wahaha.

Fariseo curua macaina, Herode ya curua macaina mehne gobierno macaa wapare sinituha Jesure

(Mt 22.15-22; Lc 20.20-26)

¹³ Waha, tina fariseo curua macainare, Herode ya curua macaina cūhure Jesure sinitu dutia warocaha tjoa. Jesu ñano to yuhtichu yoa duamaha tina, tirore yahusã taa. ¹⁴ ã jia Jesu cahapu sua, tirore mahño cū sinitu ñumaha:

—Buheriro, potocã durucuriro, mahñoa marieriro mu jichu masija sã. Cohamacu yare quihõno mu yahuchu cūhure masija sã. ã yoa cãiro puhtoro waro to jipachata tiro cūhure dōrero marieno potota yahura mūhu. ã jicu sãre yahuga. ¿Roma macariro jipihtina bui puhtoro jirirore gobierno macaare marine waparo cahmajari, mu tuhotuchu? ¿Mari dutia tirore wapa dutijari, mu

tuhotuchu? —ni sinitumaha tina Jesure.

¹⁵ Ti ã sinituchu tuhoru ti yahusã duaare masino ò sehe ni sinituha tinare:

—¿Dohseana yu ñano durucuchu tuho duajari musa? Mipure niñeru tare na tahga. Tí tare ñujihna —niha Jesu tinare.

¹⁶ To ã nichu tuhoa tina sehe cū tare na taha. Ti na wihichu Jesu ò sehe ni sinituha tinare:

—¿Diro baro masu wahajari ahri tare? ¿Diro baro wama wahajari? —ni sinituha tiro.

—César, masa bui puhtoro masu, to wama cūhu wahãna —ni yuhtuha tina.

¹⁷ Ti ã nichu Jesu ò sehe ni yahuha tinare:

—Tí pja pinihta masa bui puhtoro yare tiro sehere waga. Cohamacu yare Cohamacu sehere waga —ni yahuha Jesu.

To ã nichu tuhoa, tuho cuaa wahaha.

Saduceo curua macaina Cohamacu to masoare sinituha Jesure
(Mt 22.23-33; Lc 20.27-40)

¹⁸ ã yoa cãina Saduceo curua macaina Jesu cahapu wihiha. Saduceo curua macaina sehe “Cohamacu yariainare masosi”, ni tuhotuina jimaha. ¹⁹ ã jia tina ò sehe niha tirore:

—Buheriro, ò sehe ni buhea tiha Moise cjiro: “Cãiro to wahmino namo tiro pohna mariaparota to yariachu ñuno to bahurore to wahmino namo cjirore nūoano cahmana. ã yoaro to wahmino manano to pohna tiboro seheta pohna tiro cahmana to bahurore. ã jia to pohna to wahmino manano pohna yoaro sehe jahca”, ni joaa tiha Moise cjiro —niha tina Jesure.

²⁰ Tíre ni tuhsu, ahri quitireta yahu namoha Jesure:

—Cãiro masuno jia. Seis to bahana jia. Ti wahmino sehe namo ti, pohna mariaparota yariaa wahaha.

²¹ Tuhsu, paio to bahuro cūhu to wahmino namono cjirore cūmahaha. To ã

n̄oari baharo to wahmino yoaro seheta pohna mariaparota yariaa wahaha tjoa. ã jiro ahriro baharo to wahmino m̄nano yoaro seheta pohna mariaparota yariaa wahaha tjoa. ²² ã dihta wahaha cãiro pohna waro. Ne pohna mariapahta yaria pihtia wahaha tina. Ti namono cjiro c̄h̄u ti baharota yariaa wahaha. ²³ ¿Ne, Cohamac̄u jipihtinare yariaina cjiro to masoch̄u diro namono sehe jirohcari ticoro? Tina jipihtina ticorore namo tirina cjiri jiha. ¿ã jiro diro namono sehe jibocari ticoro pototi? —ni sinituha tina.

²⁴ Jesu õ sehe ni yãhtiha tinare:

—Cohamac̄u yare ti joari p̄re, to masia c̄h̄ure ne masierara m̄sa. ã jia m̄sa t̄hotua sehe ne quihõno jierara. ²⁵ Yariarina cjiri ti masa m̄jari baharo tina anjoa yoaro sehe jira. Tina m̄sa namo tierara t̄p̄re. ²⁶ Yariarina cjiri ti masa wijaah̄to sehere m̄sare yahuihtja: Tíre Moise cjiro noano yahu pah̄oha. To mahad̄cã j̄ari quitire õ sehe ni yahuha tiro: “ ‘Ȳh̄u Abrahã, Isaa, Jacobo ti p̄h̄toro tjija’, ni yahure Cohamac̄u ȳh̄ure”, ni joaa tiha Moise cjiro to joari tjui. ²⁷ Ti yariari baharo “Ti p̄h̄toro tjija”, ni yahuha Cohamac̄u. ã niparota yariarina cjiri p̄h̄toro jierara Cohamac̄u. “Ti p̄h̄toro tjija”, to nia mehne catiina ti jich̄u masija mari. Tiro catiina p̄h̄toro jira. ã jina “Yariaina masasi”, ni t̄hotuna quihõno t̄hotuerara m̄sa —niha Jesu tinare.

Cãno noa ȳhd̄aro to dutiare yahuha Jesu

(Mt 22.34-40)

²⁸ ã yoa cãiro sã coyea judio masare buheina mehne macariro tina cahap̄u wihi, ti cahma durucuch̄u t̄h̄oha. Jesu to noano yãhtiare t̄h̄oro õ sehe ni sinituha tirore:

—¿Cohamac̄u ya dutia noa ȳhd̄aro di baro sehe jijari, m̄u t̄hotuch̄u? —ni sinituha tiro Jesure.

²⁹ Jesu tirore õ sehe ni yahuha:

—Ahri dutiata paye dutia ȳhd̄oro noa ȳhd̄ara: “Ísræe masa t̄h̄oga. Cohamac̄u m̄sa p̄h̄toro ȳh̄u cãirota jija. ³⁰ Tuaro m̄sa yajeripohnari mehne, noano m̄sa wac̄ã mehne, m̄sa tuaa mehne ȳh̄ure cah̄iga”, nina Cohamac̄u. ³¹ Ahri dutia baharo paye dutia noa ȳhd̄ara: “M̄u basi m̄u cah̄ino seheta m̄u cahai jina c̄h̄ure cah̄iga”, nina Cohamac̄u. Ahri p̄h̄aro dutia jipihtia paye dutia ȳhd̄oro jira —ni yahuha Jesu tirore.

³² To ã nich̄u t̄h̄oro judio masare buheriro õ sehe niha:

—ã tjira. Buheriro, potocã nina m̄h̄u. Cohamac̄u cãirota jira. Pairo tiro yoaro sehe jiriro mariaha. M̄u nia potocã tjira. ³³ Cohamac̄ure tuaro mari yajeripohnari mehne, mari wac̄ã mehne, mari tuaa mehne tirore cah̄ino cahmana marine. Ȳu cahai j̄inare ȳu basi ȳu cah̄ino seheta tina c̄h̄ure cah̄ino cahmana ȳh̄ure. Wahiquinare wajã jã m̄u mari wari mehne mari ño payoch̄u noa nimana. Ahri ȳhd̄oro Cohamac̄ure masa c̄h̄ure mari cah̄ia noa ȳhd̄ara. M̄u ã nia potocã tjira —niha judio masare buheriro Jesure.

³⁴ To ã noano yãhtich̄u t̄h̄oro Jesu õ sehe ni yahuha tirore:

—Mahanocã d̄hsara m̄h̄ure Cohamac̄ure m̄u noano masihto —niha tirore.

To ã nich̄u t̄h̄oa paina cuia, ne sinitu ñ̄eraha tirore.

¿Diro baro coyeiro jijari Cristo?

(Mt 22.41-46; Lc 20.41-44)

³⁵ ã yoa Cohamac̄u w̄h̄u buhero õ sehe niha Jesu:

—“Cristo Davi cjiro panamino jira”, ni buhera mari coyea judio masare buheina. ¿Dohse yoa ã ni buhejari tina? ³⁶ Davi cjiro to basi Esp̄ritu Santo to dutiro seheta õ sehe ni yahuha tiha:

“Cohamac̄u ȳu p̄h̄torore õ sehe nire: ‘Õi ȳu poto b̄h̄usehei dujiga.

ã jic̄u m̄h̄ure ñ̄u tuhtiinare m̄h̄ure ȳhd̄ar̄cabasaih̄ca ȳh̄u’, nire Cohamac̄u ȳu p̄h̄torore”,

ni joaa tiha Davi cjiro. ³⁷ ã ni joaro Davi cjiro puhtoro tia tiha Cristore. ¿Davi cjiro Cristo ñuchuno cjiro jiparota dohsearo Davi sehe puhtoro tiari Cristore? Cristo Davi cjiro puhtoro jira —ni yahuha Jesu.

To ã ni buhechu payu masa wahchea mehne tuhoha tirore.

Jesu judio masare buheina ti ñaare yahuha

(Mt 23.1-36; Lc 11.37-54; 20.45-47)

³⁸ ã yoa tiro buhe namono õ sehe niha:

—Mari coyea judio masare buheina ti ñaa yoare noano ñuga. ã jina ti yoaro sehe yoarena tjiga. Tina yoaa suhti sãa, masa ti ñurocaroi majarea, pache duaropu paina puhtoare noano ño payo ti sinino sehe ti piti bocasinichu cahmana tina. ³⁹ ã cahmaina jia, mari judio masa buhea wuhusei noaa dujia dihtare duji duara. Tuhsu, bose namu jichu to cãhure noaa dujia dihtare cahmana tina. ⁴⁰ Tina wapewahya numia ya wuhusere ti ya cãhure mana tí numiare. ã yoaina jia, tina masa ti ñurocaroi yoari pja Cohamacu mehne durucumana masare ñu dutia. Ti ã yoari buhiri paina bui curero tinare Cohamacu pjíro buhiri dahrerohca —niha Jesu tinare.

Wapewahyoro to warire yahuha Jesu

(Lc 21.1-4)

⁴¹ ã yoa Jesu niñeru wihbori caro cahapu dujiha. Tí caropu masa ti niñeru duhu sãachu ñu dujiro niha. (Tí niñeru Cohamacu wuhure ti cahnochuh ti wapahti jiha.) ã jia pache puha tí caropu pjíro duhu sãaha. ⁴² ã yoa wapewahyoro pjacuricoro tí caropu ta, puha tucãre duhu sãaha. Puha tu cã centavo posa jira. ⁴³ Tí tarire to duhu sãachuh ñuno to buheinare pjirocaha:

—Potocã niita nija musare. Ahricoro wapewahyoro pjacuricoro sehe niñeru wihbori caropu duhu sãano paina jipihtina ti wari yuhdoro wahre ticoro sehe. ⁴⁴ Paina pache puha pjíro ti wapachuta ti ya pjíro duhsara.

Ahricoro sehe pjacuricoro jiparota jipihtia to chuhtire to nuchaboacãre wa pahñohre —ni yahuha Jesu.

13

“Cohamacu wuhuh cohãri wuhuh jirohca”, niha Jesu

(Mt 24.1-2; Lc 21.5-6)

¹ ã yoa Cohamacu wuhupure ti wijaachuh cãiro buheina mehne macariro õ sehe niha:

—Buheriro, ñuga. Ahri wuhuse noaa tãa mehne ti yoaa wuhuse noacaa wuhuse jijari —niha tiro.

² To ã nichuh Jesu õ sehe ni yahuha tinare:

—Ahri jipihtia mari ñuri wuhuse cjiri, ahri tãa cãhuh cohõ pihtia wahahca. Ne cãria tãca tjuasi —niha Jesu tinare.

Pihtiri dacho cjihtore yahuha Jesu

(Mt 24.3-28; Lc 21.7-24; 17.22-24)

³ ã yoa Jesu Olivo wama tiduh tãcupu Cohamacu wuhuh potoi jidupu suha. Tu bui dujiha. Tói Pedro, Santiago, João, Andre mehne ti sahsero jia, tina tirore õ sehe ni sinituha:

⁴ —Yahuga sãre. ¿Dohse jichuh ã waharohcari mu niriro sehe waharo? ¿Pihtiri dacho panocã to jichuh dohse to waha ducachuh ñunahcari sã? —ni sinituha tina Jesure.

⁵ Jesu õ sehe ni yuhtiha:

—Noano yoaga musa. Tuhsu, paina ti mahñoare tuhona tjiga musa.

⁶ Payu masa “Cristo jija yuhuh”, ni mahñoina taahca. Ti ã mahñochuh tuhoha payu masa Cohamacu yare duhuahca.

⁷ Musa cahacãi masa paina ti cahma wajãchuh tuhonahca musa. Tuhsu, yoaropu cãhure ti cahma wajãchuh tuhorocanahca musa. ã tuhorocapanahca ne tíre pjíro tuhotuena tjiga. ã waharohca. Ti ã yoachuh pihtiri dacho cjihto duhsasininohca mini. ⁸ Tí pjare cã yahpa macaina pa yahpa macaina mehne cahma wajãahca. ã yoa cãiro puhtoro yaina paio puhtoro yaina mehne cahma wajãahca. Tuhsu, pjaró yahpa ñuhminohca. ã yoa payu masa

jua mehne yariaahca. To ã wahachu ahri yahpa macainare ti ñano yuhdu namohto duhsasinina mini. Ñano yuhdu siniahca.

⁹ 'To ã wahachu ñana musa basi noano yoaga. Paina musare ñaha, ñano yoa dutia waahca paina puhtoapure. Æ yoa judio masa mari buhea wuhusei musare cjãahca. Ti ã yoachu bujua macari macaina puhto, ti bui puhto cãhu musare buhiri dahrea taa sinituahca musare. Yu yaina musa jiri buhirire paina musare yahusãhca. Æ jina yare yahunahca musa tinare. ¹⁰ Æ jia pihtiri dacho pano noaa buheare jipihtiro yahpari macainare yahua buhea jahca. ¹¹ Æ jina musare buhiri dahre dutia, buhiri dahre dutiriro cahpu ti naachu tirore musa nihtire "Yahu masieraboca", ni tuhotuena tjiga musa. Tí pjare musa nihtire musare Espíritu Santo yahurohca. To ã yahurire yahuga musa. Musu durucusi musa. Espíritu Santo sehe musare durucubasarohca. ¹² Tí pjare cãiro to bahurore wajã dutiro warohca. Pairo sehe to wahminore wajã dutiro warohca. Ti pucuro to pohmare wajã dutiro warohca. Æ yoa ti pohna sehe ti pucumare wajã dutia waahca. ¹³ Yu yaina musa jiri buhiri musare masa jipihtina ñu tuhtiahca. Æ ñano yuhdupanahta yu yare musa ne cohãerachu pihtiri dacho jichu musare yuhdoihca.

¹⁴ Æ yoa ñabiarire Cohamacu yare ñano yoarire ñunahca musa. Cohamacu ya wuhui to ducuchu ñunahca. Tóti tirore jieraro cahmana. [Panopu Cohamacu yare yahu mæhtariro Daniel cjiro tirore yahuro joaa tiha.] Tóti to ducuchu ñua Judea yahpau jiina tãyucupu duhti muroca mujaa wahajaro. Ahri yu nirire noano masiga musa. ¹⁵ Soaro mehne muroca duhtijaro. Tí pjare ti wuhuseri bui macaa waparipu jiina wuhu puhichapu jiare ti yare na wahaea tjijaro ti waha bahrañohto sehe. ¹⁶ Æ jia tí pjare paina ti weseripu

jiina ti bui macaa suhtire wuhupu jia suhtire na wahaea tjijaro ti waha bahrañohto sehe. ¹⁷ Tí pjare niji pocosanumia, ti pohmare puã numia cãhu pjacuro wahaahca. ¹⁸ Æ jina õ sehe ni siniga Cohamacu: "Puhiro jichu ã wahaero tjijaro", ni siniga tirore. ¹⁹ Tí dachorire masa nu ñano wahaahca. Ahri yahpare to bajuamehneri baharo masa ñano ti yuhdu jia tiha. Ti ã jipachuta jipihtia tí puria yuhdoro pihtiri dacho jichu masa ñabiaro yuhduahca. Æ ñano ti yuhduri baharo pari turi tó sehe ñabiaro yuhdu si ahri yahpai jua. ²⁰ Æ jiro Cohamacu tí dachorire mahaa dachoricã ti jichu yoarohca. To ã yoerachu ne cãiro masuño yuhdueraboa. Æ jiro to beserina ti yuhduhti cjihtire mahaa dachoricã ã cãsininohca Cohamacu.

²¹ 'Tí pjare paina musare "Ñuga. Õi jira Cristo", ti nichu tinare tuhoena tjiga. "Tóti jira Cristo", ti nichu cãhure tuhoena tjiga. ²² "Cristo jija", ni mahñoina, "Cohamacu yare yahu mæhtaina jija", ni mahñoina jahca tí pjareta. Æ jia Cohamacu to beserinare mahñoa, tina bajuamehn-eare yoa ñoahca. Ti ã yoa ñochu ñua, Cohamacu yaina cãina tinare tuhoa "Potocã tjira" nia, Cohamacu yare pa tehe nia duhuboca. ²³ Ahrire yahuyuja musare to ã wahahto pano. Æ jina noano yoaga musa —ni yahuha Jesu.

Jesu yahpau to tjua tahtore yahuha

(Mt 24.29-35, 42-44; Lc 21.25-36)

²⁴ Æ ni tuhsu õ sehe ni yahu namoha Jesu:

—Tí dachori ti ñano yuhduri baharo sã dacho macariro, ñami macariro cãhu buhria duhua wahaahca. ²⁵ Ti ã wahachuta ñahpichoha poca mæanopu jia poca bora wahaahca. Æ jia mæano macaa yahpari tuaro ñuhmiahca. ²⁶ Tí pjata yuhu masuño Cohamacu warocariro taihtja. Yu ã tachu mæanopu yu tuua mehne yu si sitea mehne mæano macaa me

bui ahri yahpapure yu tjua tachu ñahca masa. ²⁷ Ñ jicu yu yaina anjoare jipihtiropu ahri yahpapu warocaihtja. Ñ jia jipihtiropu yu yaina yu beserinare tina naahca.

²⁸ 'Mipure higueraçure tuhotuga musa. Tu quti mehne musare piti dahre buheihtja. Tu yucucu pûri tichu ñuna, cûhma mahanocã duhsachu masina musa. ²⁹ Tô seheta ahri jipihia yu niri cjiire ti ã wahachu ñuna, yu tjua tahto mahanocã duhsachu masinahca musa. ³⁰ Potocã niita nija musare. Tí pja macaina ti yariahto panore jipihia yu niriro seheta ã waharohca. ³¹ Mûano, ahri yahpa cûhu pihtia wahaahca. Yu durucua sehe ne cohtotasi. Jipihia yu niriro seheta ã waha sohtori tiarohca.

³² 'Tí dachore yu tjua tahti dachore, tí hora cûhure masieraja yuhu. Anjoa cûhu tíre masierara. Masa cûhu ne masierara. Yu Pucu dihta tíre masina.

³³ 'Mûsa cûhu tí dachore masierara. Ñ jina noano yoaga. Noano cohtaga. (Cohamacure siniga musa.)

³⁴ Ô sehe cohtaga musa. Ahri quti mehne musare piti dahre buheihtja. Wuhu puero yoaropu to tinino seheta jira ahri. Tiro to wahahto pano to cahamacare wuhure cohta dutiha. Cãinare ti dahrahtire cûha. Ñ jiro wuhure ñu wihborirore tirore to tjua tahtore cohta dutiha. ³⁵ Ñ jina musa cûhu noano wacû masi cohtaga. Wuhu puero to tjua tahtore tina ti masieraro seheta yuhu musa puhtoro yu tjua tahti dachore masierara musa cûhu. Ñamichapû, ñami dacho macapû, caraca to duri pja jichu, bohrearopu taboca. ³⁶ Yu ã wacûenoca yu wihhtore masina, yu yare ã yoarucuina jiga musa. Ñ yoa yuhure noano cohtaga. ³⁷ Ñ jicu musare yu nino seheta jipihinare ã nija musare: Noano wacû masi cohtaga —niha Jesu tinare.

14

Sacerdotea puhtoa, judio masare

buheina mehne Jesure wajã duaha
(Mt 26.1-5; Lc 22.1-2; Jn 11.45-53)

¹ Ñ yoa tí pjare pascua wama tiri bose namu cjihto bucuaerari pãore ti chahti namuri cjihto puã dacho duhsasiniha. Tí pjare sacerdotea puhtoa, ã jichu sã coyea judio masare buheina mehne dohse yoa ti mahña mehne Jesure ñaha ti wajãhtore cahma suhduã niha:

² —Mari bose namuri yuhdoro puro tirore ñahasiniena tjijihna, “Masa sua sañurucuri”, nina —niha tina ti basi.

Numino me sitia se mehne Jesure pio payoha
(Mt 26.6-13; Jn 12.1-8)

³ Ñ yoa Jesu cûhu Betaniapu, Simo cami bucu baariro cjiro ya wuhupu jia. Tôpu ti churo watoi numino sehe alabastro mehne ti yoariare me sitia nardo wama tia sere posa tiriare na wihia. Tí se sehe wapa buju niha. Ñ na wihiro, ticoro tiare poharoca, Jesu dapu bui pio payoha. ⁴ Tô ã yoachu ñua paina suaa waha, ti basi ô sehe niha:

—¿Dohse yoaro ahricoro ahri me sitia co wapa bujuare ã yoa sitejari? ⁵ Tíre ticoro duaboa. Tíre duaro tres cientos niñeru puine wapataboa. Ñ wapataro, tí niñerure pjacuinare waboa ticoro —ni cohtaha paina sehe ticoro to ã yoachu ñua.

Ñ jia tina ticorore tuhtia.

⁶ Ti ã nichu tuhoro Jesu tinare ô sehe ni yahuha:

—Ñ niena tjiga ticorore. Yuhure ticoro noano yoaro nina. ⁷ Pjacuina sehe musa mehne ã jirucuahca. Ñ jina musa cahmari pja tinare wa masina. Yuhu sehe ahri yahpare musa mehne ã jirucusi. ⁸ Tô cjuaro puro mehne ticoro yuhure ã yoahre. Yuhure ti yahto pano yu pjacure cahnoyuro, me sitiare pio payohre ticoro. ⁹ Ñ jicu potocã niita nija musare. Jipihitiro ahri yahpapu noaa buheare ti yahuropu ahricoro mipure to yoarire yahuahca. Ti ã

yahuchu tũhoa ticorore masa payu wacũahca —ni yahuha Jesu.

Juda Iscariote Jesure ñu tuhtiinare to ñohtore yahuha sacerdotea pũhtoare (Mt 26.14-16; Lc 22.3-6)

¹⁰ Tí pjareta Juda Iscariote wama tiro doce to buheina mehne macariro Jesure to ñohtire yahuro wahaha tirore ñu tuhtiinare, sacerdotea pũhtoare. ¹¹ To ã ni yahuchu tũhoa, sacerdotea pũhtoã tíre tũhoa wahcheha.

—Mũhũre niñerure wanahtja —niha tina Judare.

Ti ã nichu tũhoro, tiro Jesure ñu tuhtiinare to dohse yoa ñohto cjihtore wacũ macaha.

Jesu to buheina mehne to chu ba-toari nũmũ jiha

(Mt 26.17-29; Lc 22.7-23; Jn 13.21-30; 1Co 11.23-26)

¹² Bũcũaerari pãore ti chuã nũmũri dũcari nũmũ sehe oveja pascua macaina cjihtire ti wajãhti nũmũ jiha. Tí nũmũi to buheina sehe õ sehe ni sinitu ñũha Jesure:

—¿Mari pascua macaa chuhtire noho baroi cahnoyu dutirocaijari mũhũ sãre? —niha tina tirore.

¹³ Ti ã nichũta Jesu sehe pũaro to buheinare õ sehe ni yahu warocaha:

—Jerusalẽpũ wahaga. Tõpũ mũsa sũchu co situ wũariro mũsare piti bocarohca. To piti bocachu tiro mehne wahaga. ¹⁴ ã wahana tiro to sũho sãari wũhũpũ sũna, tí wũhũ pũrore õ sehe niga: “¿Dí tahtiaĩ yũhũ yũ buheina mehne pascua macaa chuare chũnahcari?” ni sinitu dutirocahre buheriro”, niga tí wũhũ pũrore. ¹⁵ Mũsa ã nichu tũhoro, tõpũ mũano macari tahtiare pjiri tahtiare, noano ti cahnoyuri tahtiapũre mũsare ñonohca wũhũ pũro. Tõi mari chuhtĩ cjihtire dahrega mũsa —niha Jesu tinare.

¹⁶ To ã nichu tũhoa tina to buheina tí macapũ wahaha. Tõpũ ti sũchu tĩnare to niriro seheta ã wahaha. ã jia tina pascua macaa chuare dahreha.

¹⁷ ã yoa nahitia bora tachũ Jesu doce to buheina mehne tí wũhũpũre sũha. ¹⁸ Tí wũhũpũ ti sũri baharo, tina mehne mesapũ chũro Jesu tinare õ sehe ni yahuha:

—Potocã niita nija mũsare. Cãiro mũsa mehne macariro yũhũ mehne chũrirota yũhũre ñu tuhtiinare ñonohca yũhũre —ni yahuha Jesu tinare.

¹⁹ To ã nichu tũhoa tina sehe cahyaha.

—¿Yũhũta jijari mũhũre ñohtiro? —ni sinitu pihtiaha tina cãina jipihtina Jesure.

²⁰ —Mũsa mehne macarirota jira tiro. Yũ chũri wapai yũhũ mehne soha chũriro tjira yũhũre ñu tuhtiinare ñohtiro. ²¹ Panopũ yũhũre ti yahu joariro seheta yũhũ masũno Cohamacũ warocariro yariaihca. Yũhũre ñu tuhtiinare ñoriro pjacũoro yũhdũrohca. Tiro to masa bajuerachu noaboa —niha Jesu tinare.

²² ã ni yahu tuhsũ, to buheinare sũho chũro, Jesu pãore na, Cohamacũre “Noana”, niha. ã ninota, tí curire nuha, witiha tinare.

—Ahrire na chũga. Ahri yũ pjacũ jira —niha tiro tinare.

²³ ã ni tuhsũ tiro sihnia posa tiri wahware na, Cohamacũre “Noana” ni tuhsũ, waha tinare. To wachu tina jipihtina tíre sihni pihtiaha.

²⁴ —Ahri yũ di jira. Payũ masa ti ñaa yoari buhirire cohãcũ tacũ yariaihca. ã yariacũ yũ dire cohãihca. Cohamacũ “Mũsare yũhdoihtja”, to ni cũriro mũ sũchu yũ ã yariaro mehne to niriro sohtori tirohca. ²⁵ Potocã niita nija mũsare. Mipũre ahri co, se core ne sihni namosi yũhũ. Pũ pũhtoro Cohamacũ mũsare to sũho jichũpũ ahrire coã pari turi sihniihca tjõa —niha Jesu tinare.

Pedro Jesure to cohãhtore yahuha Jesu

(Mt 26.30-35; Lc 22.31-34; Jn 13.36-38)

²⁶ To ã ni tuhsũchu tina Cohamacũre ño payõa cãno basaare basaha. Ti basa pahñori baharo,

tũcũ Olivo wama tidũpũ tina wahaa wahaha. ²⁷ Tópu sũro Jesu tinare õ sehe ni yahuha:

—Mipũre mũsa jipihtina yũhũre cohãnahca. Õ sehetã nina Cohamacũ yare ti joari pũi yũhũre yahuro: “Ovejare ñũ wihboriro yoaro sehe jirirore Cohamacũ cohãnohca. ã to cohãchũ to yaina oveja yoaro sehe jiina duhti site wahcãa wahaahca”, nina Cohamacũ yare ti joari pũi. ²⁸ ã yoa Cohamacũ yũhũre to masori baharo mũsa pano Galileapũ wahayuihca yũhũ —niha Jesu tinare.

²⁹ To ã nichũ Pedro sehe õ sehe niha:

—Yũhũ mehne macaina jipihtina ti cohã wahcãpachũta yũhũ sehe mũhũre ne cohãsi —nimaha Pedro tirore.

³⁰ Jesu õ sehe ni yũhtiha:

—Potocã niita nija mũhũre. Micha ñami pinihtare caraca pũa taha to duhto pano “Yũhũ Jesure masieraja”, niihca mũhũ. Tia taha ã niihca mũhũ —niha Jesu Pedrore.

³¹ To ã nipachũta Pedro õ sehe ni tuaro bisiro yũhtiha:

—Mũhũ mehne yũhũre ti wajã dupachũta “Jesure masieraja”, ne nisi yũhũ —ni yũhtimaha tiro Jesure.

Pedro to ã nichũ tũhoa tiro mehne macaina cũhũ ã dihta ni yũhtiha.

Getsemaní wama tiropũ Jesu Cohamacũre siniha

(Mt 26.36-46; Lc 22.39-46)

³² ã yoa tina Getsemaní wama tiropũ wahaha. Tópu sũro, õ sehe niha Jesu:

—Cohamacũre yũ sinino watoi õi dujiyusiniga mũsa —niha to buheinare.

³³ ã ni tuhsũ Pedrore, Santiagore, Joãore tina tiarore pji wahcãha. Tinare ã pji wahcãno, pjĩro tũhotu dũcaha tiro. ã yoa ñano yajeripohna tiha.

³⁴ ã cahyaro tó mehne macainare to pji wahcãinare õ sehe niha:

—Yũhũ ñano yajeripohna tii nija. Ñano purĩnore tũhotui nija. Tí mehne variahto cua yũhdũaro coa taca

yũhũre. Õi tjuaga. Yũ cãno pоторita catiga mũsa cũhũ —niha Jesu tinare.

³⁵⁻³⁶ ã ni tuhsũ tiro tópu mahanocã waha namo, yahpai caha sũro, Cohamacũre õ sehe niha:

—Mai, mũhũ jipihtiare yoa masina. ã jicũ yũ ñano yũhdũhtire yoa du-aeracũ yoai tjia. Yũ ã nipachũta yũ cahmano sehe yoai tjia. Mũhũ sehe masina. Mũ cahmano sehetã yoaga yũhũre —ni siniha tiro Cohamacũre.

³⁷ ã ni tuhsũ, tiaro to buheina cahapũ wihiro, carĩinare boca wihaha tiro. Tinare ñano Pedrore õ sehe niha:

—Simo, ¿carĩi nijari mũhũ? ¿Cũ hora waro yũ cãno pоторi cati masierari mũhũ? ³⁸ Noano yoaga mũsa. Mũsa mũ sũro quihõno yoa duamana mũsa. Wiho mejeta mũsa basi tíre bihoerara. ã jina Cohamacũre siniga ñano mũsa yoerahto sehe —niha Jesu Pedrore.

³⁹ ã ni yahu tuhsũ pari turi waha, Cohamacũre siniha. Tó pano to siniro sehetã siniha tjoa. ⁴⁰ ã sini tuhsũro pari turi tina cahapũ wihaha tjoa. ã wihiro carĩinare boca wihaha tjoa. Wũjo caha yũhdũaha tina. ã jia tina Jesure dohse ni masieraha.

⁴¹ ã yoa pari turi Cohamacũ mehne to durucuro sũri baharo tina cahapũ wihi, tinare õ sehe niha:

—¿Carĩ, sosinina nijari mũsa? Tó puro carĩga mũsa. Michapucacã yũhũre Cohamacũ warocarirore ñano yoainare ti wahti pja mũ sũ tuhsũra. ⁴² Wahcãga. Basa wahana. Ñũga. Yũhũre ñũ tuhtiinare ñohtiro õi tara —niha Jesu tinare.

Jesure ñũ tuhtiina tirore peresu yoaha

(Mt 26.47-56; Lc 22.47-53; Jn 18.2-11)

⁴³ To ã nino watoihta Juda, doce buheina mehne macariro cjiro wihaha. Tiro mehne masa payũ ñosaa pjĩni, yucũ siri cjuaina cũhũ wihaha. Sacerdotea pũhtoã, sã judio masare buheina, ã jichũ bũcũna, ti warocarina jiha masa sehe. ⁴⁴ Wahmanore

Jesure ñu tuhtiinare ñohtiro sehe tiro mehne tahtinare õ sehe ni yahu quihõ tuhsuha:

—Yu wahsupu wihmiriro tirota jirohca musa ñahahtiro. Tirore yu wihmiri baharo ñahaga tirore. Æ yoana tirore noano ñahaga to duhtierahto sehe —ni yahu quihõ tuhsuha Juda sehe.

⁴⁵ Æ yahu quihõ tuhsuro wihirota Jesu cahapu dóihta waha bahrañoa.

—Yu puhtoro —ninota wahsupu wihmiha tirore.

⁴⁶ To Æ yoachu ñua tina Jesure ñahaha.

⁴⁷ Ti Æ yoachu ñuno cãiro Jesu cahapu ducuína mehne macariro to ñosari pjine tuawe naroca, sacerdotea bui puhtoro cahamacunore to cahmonore date pahrënocaha.

⁴⁸ To Æ yoachu Jesu õ sehe niha:

—¿Dohse jiro baro musa ñosaa pjini mehne, yucu tiri mehne tajari? ¿Yaca bucurore musa ñahano seheta yuhu cãhure ñahana tana nijari?

⁴⁹ Dachoripe Cohamacu wuhupu musare yu buhe dujichu, musa yuhure ne ñahaerare. Musa Æ ñahachu ahri jipihtia Æ waharo nina Cohamacu yare ti ni joariro seheta —niha Jesu masare.

⁵⁰ To Æ ni tuhsuchu, Jesu buheina tirore cohã wahcã, jipihtina muroca site wahcãa wahaha.

⁵¹ Æ yoa cãiro wahmuno suhti marieriro cãno coma yosaro dihta comariro Jesu baharo ñu nunu timaha. To Æ ñu nunu tichu ñua tirore ñahamaha. ⁵² Tirore ti ñahachu ñuno to coma yosarore cohãnocã, suhti marieriro murocaa wahaha.

Puhtoa cahapu naaha Jesure

(Mt 26.57-68; Lc 22.54-55, 63-71; Jn 18.12-14, 19-24)

⁵³ Æ yoa sacerdotea bui puhtoro cahapu Jesure na wahcãha. Ti na suri baharo sacerdotea puhtoa, bucuna, sã coyea judio masare buheina cãhu jipihtina cahmachuha. ⁵⁴ Tiro Pedro sehe Jesu baharo yoaropu nunu tiha. Æ nunu tiro sacerdotea bui puhtoa ya wuhu cahapu suha. Æ suro

tiro tí wuhure cohtaina surara mehne pichaca duhtu cahai sohma dujiha.

⁵⁵ Sacerdotea puhtoa, jipihtina paina puhtoa cãhu Jesure wajã dutia taa, Jesu to quihõno yo aerarire ti yahusãhtire wacũ macamaha. Wiho mejeta tãre bocaeraha.

⁵⁶ Æ wacũ bocaerapahta payu masa tirore Æ yahusãmacanocaha. Ti Æ yahusãa potocã jieraha. Pairo soro ni, paio soro niha. ⁵⁷ Æ yoa paina wahcãrucu su, Jesure õ sehe ni yahusãha tjoa:

⁵⁸ —Ahriro õ sehe nire: “Yuhu ahri wuhure Cohamacu wuhure masa ti dahreri wuhure cohãihtja. Æ cohãcũ tia numu wahaboroi tí wuhure pari turi yoihtja. Tí wuhu masa ti dahreri wuhu jisi”, to nichu sã tuhohi —niha tirore yahusãina.

⁵⁹ Ti Æ ni yahusãpachuta ti yahusãa cãhu potocã jieraha. Pairo soro ni, paio soro niha tjoa.

⁶⁰ Ti Æ nichu tuhoro sacerdotea puhtoro ti watoi ducuriro wahcãrucu su, Jesure õ sehe ni sinituha:

—¿Ahrina mũhure ti yahusãpachuta tinare yuhti cahmaerajari mũhu? ¿Mũhure ti yahusãrãre dohse ni yuhti cahmajari mũhu? —niha tiro Jesure.

⁶¹ To Æ nichu tuhparota Jesu Æta tuhhotunocaha. To Æ yuhtierachu ñuno sacerdotea bui puhtoro tirore sinituha tjoa:

—Cristo, ¿Cohamacu warocarirota jijari mũhu? ¿Noariro Cohamacu macuno warota jijari mũhu? —niha tiro Jesure.

⁶² —Tiro tjija. Æ jina yuhure masunore Cohamacu warocarirore yu Pucu jipihtina bui Jiro to potu buhusehei yu dujichu ñunahca musa. Æ yoa muno macaa me watoi yu tachu cãhure ñunahca musa —niha Jesu tirore.

⁶³⁻⁶⁴ To Æ nichuta sacerdotea bui puhtoro sehe to sãari suhtirore to basi tuhënocaha painare “Sua yuhduara”, ni ñu masi dutiro.

—Cohamacure ñano durucuro nina ahriro. To ñano durucure tuhõ tuhsuja mari. Æ jia tópeinata

yahusājaro ahrirore. ¿Ā jina dohse yoanahcari mari mipure ahrirore? —niha sacerdotea bui p̄htoro paina p̄htoare.

—Cohamacure to ñano durucuri buhiri wajānocano cahmana tirore — ni yuhtiha paina p̄htoa.

⁶⁵ Ā ni yuhti tuhsu, cāaina tina mehne macaina Jesure chahcho puti sihō m̄ja, to caparire d̄hte d̄cata, tirore c̄jā, dota m̄jaha. C̄jā tuhsu ō sehe ni buj̄peha:

—¿Noa jijari m̄hure dotaro? Ñ̄erapaihta yahuga s̄are —ni buj̄peha tina.

Ti ā c̄jā dotari baharo p̄htoro yaina surara sehe tirore na wahcā, tina c̄hu tirore ti wamomacari mehne ñano c̄jā namoha.

“Tirore masieraja”, niha Pedro Jesure

(Mt 26.69-75; Lc 22.56-62; Jn 18.15-18, 25-29)

⁶⁶ Ā yoa w̄hu cahai jiri wapai noari wapai Pedro to jichu sacerdotea bui p̄htoro cahamacono wihiha. ⁶⁷ Ticoro Pedro to sohmachu ñ̄no tiro dihtare ñ̄rucuha.

—Nazare macariro mehne, Jesu mehne m̄hu c̄hu jihre —niha ticoro Pedore.

⁶⁸ To ā nichu t̄horo tiro ō sehe niha:

—¿Dohse nimacanocaco nijari m̄hu? M̄u nirirore ne masieraja ȳhu —niha Pedro ticorore.

To ā niri baharo Pedro sahr̄no sopaca macari mahap̄ wahaha. Tói to ducuch̄ caraca duha. ⁶⁹ Tói to jichu ñ̄no cahamacono sehe ticoro cahap̄ ducuinare yahurocaha tjoa.

—Ahriro c̄hu Jesu buheina mehne macariro jira —niha ticoro.

⁷⁰ To ā nichu t̄horo Pedro pari turi ō sehe niha tjoa:

—Tirore masieraja ȳhu —niha tjoa.

Baharo curero tói ducuína Pedore ō sehe niha:

—Potocā tjira. M̄hu Galilea macariro jira. Ā jicu tina mehne macarirota jira m̄hu —niha tina tirore.

⁷¹ Ti ā nichu t̄horo tiro ō sehe ni yuhtiha:

—Potocāta Cohamacu mehne nii nija m̄sare. Potocāta ȳu nierachu Cohamacu ȳhure buhiri dahrejaro. Tirore m̄sa nirirore ne masieraja ȳhu —ni yuhtiha Pedro tinare.

⁷² To ā nichuta caraca duha tjoa. To ā duchu t̄horo Jesu tirore to nirire wac̄ha: “Caraca p̄a taha to duhto pano m̄hu ȳhure ‘Jesure masieraja’, niihca m̄hu. Tia taha ā niihca m̄hu”, Jesu to nirire wac̄ha Pedro sehe. To ā nirire wac̄no, tuaro tiirucuha Pedro.

15

Pilato Jesure sinituha

(Mt 27.1-2, 11-14; Lc 23.1-5; Jn 18.28-38)

¹ Ā yoa bohrearop̄u sacerdotea p̄htoa, bucuna, s̄a judio masare buheina, jipihtina paina p̄htoa mehne cahmachu, durucuha Jesure ti yohtire masia taa. Tirore ti wajāhtore durucu cahno tuhsu, Jesure d̄hte, na wahcā, Pilatore waha tirore. ² Tirore ti na su wachu ñ̄no Pilato tirore ō sehe ni sinituha Jesure:

—¿Potocāta judio masa ti p̄htoro tjijari m̄hu? —ni sinitu ñ̄ha tiro Jesure.

—Āja. M̄u nino sehetā tirota jija —ni yuhtiha Jesu.

³ Ā yoa sacerdotea p̄htoa payu ni yahusāha tirore. ⁴ Ti ā ni yahusāchu t̄horo Pilato tirore ō sehe ni sinituha tjoa:

—Ahrina m̄hure payu yahusāa nina. ¿Ti ā yahusāpachuta dohse yoacu ne yuhtierajari m̄hu tinare? —niha tiro.

⁵ To ā nipachuta Jesu ne pari turi yuhti namoeraha. Ā jiro Pilato c̄aa wahaha.

Jesure wajā dutiha

(Mt 27.15-31; Lc 23.13-25; Jn 18.38-19.16)

⁶ C̄hmaripe pascuaripe masa yairo c̄ihtore c̄iro peresup̄u jirirore, masa ti wio dutirirore Pilato ā

wiobasa mɔjaa tiha. ⁷ Tí pjare Barrabá wama tirore peresupɔ jiha. Tiro pɔhtoare cohã duaina, masare wajãina mehne macariro jiha. ⁸ ã jia masa payɔ Pilato cahapɔ sɔa, tirore õ sehe ni siniha:

—Cɔhmaripe sãre mɔ yoarucuriro seheta yoaga sãre. Cãiro peresupɔ jirirore sãre wiobasaga —niha tina.

⁹ Ti ã nichɔta Pilato tinare õ sehe ni sinitu ñɔha:

—¿Ahriri Jesure mɔsa judio masa pɔhtoro yɔ wiobasachɔ cahmajari mɔsa? —ni sinitu ñɔha masare Jesure wio duaro.

¹⁰ Jesure masa ti cahĩchɔ ñɔa sacerdotea pɔhto cãhɔ tirore ñɔ tuhtiha. ã ñɔ tuhtia tirore waha Pilatopɔre. ã jiro masa ti cahĩri buhiri sacerdotea pɔhto ti ñɔ tuhtirire ti peresu yoa dutichɔ masino Jesure wio duamaha Pilato. ¹¹ To ã wio duapachɔta sacerdotea pɔhto masare Jesu mehne suachɔ yoaha. Õ sehe ni dutiha tinare: “Jesu wijaachɔ cahmaeraja. Barrabá sehere wioga”, ni dutiha masare. ¹² ã jiro Pilatore Barrabáre ti wio dutiri baharo Pilato sehe tinare õ sehe ni sinituha tjoa:

—¿Ahriri judio masa ti pɔhtoro mɔsa niriro sehere dohse yoaihcarri yɔhɔ mɔsa ã nichɔ? —ni sinituha tiro.

¹³ —Crusapɔ cã puha wajãga tirore —ni sañurucuha masa.

¹⁴ —¿Yaba barore ñaare yoari ahriri mɔsa ã ni sañurucuchɔ? —ni sinitu namoha tinare.

To ã nichɔ tɔhoa tina sañurucu namoha tjoa:

—Crusapɔ cã puha wajãga tirore —ni sañurucuha tina.

¹⁵ Ti ã ni sañurucuchɔ tɔhoro Pilato sehe masare wahchechɔ yoa duaro Barrabáre peresupɔ jirirore wio dutiha masa ti wio dutirirore. Tirore to wio dutiri baharo, Jesu sehere ñano tjanaye dutiha. Tirore ti tjanayeri baharo, tirore surarare wiaha, crusapɔ cã puha wajã dutiro.

¹⁶ ã yoa surara Pilato ya wɔhɔ puhichapɔ pretorio wama tiri wɔhɔ puhichapɔ tirore na sãa sɔha. Na sãa sɔ tuhsɔ, tina mehne macaina

surarare pjiroca, cãnoi cahmachu dutiha. ¹⁷ Cahmachu tuhsɔ, tina pɔhtoro ya suhtiro yoaro sehe bajuri suhtirore Jesure sãa, pota sorore yoa, tí sorore to dapu bui duhu payoha.

¹⁸ ã yoa tuhsɔ õ sehe ni bujɔpeha tina tirore:

—Noano tagã. Judio masa pɔhtoro noano tagã —ni bujɔpeha.

¹⁹ ã niata yucɔcɔ mehne to dapure cã mɔja, tirore chahcho puti sihõ mɔjaha tina. Tuhsɔ, cua pisaro yoaina yoaro seheta tirore na tuhcuca caha sɔ, ño payoro sehe yoaa, bujɔpeha tirore. ²⁰ ã yoa bujɔpe tuhsɔ ti sãari suhtirore tjuwe naroca, to ya suhti sehere tirore sãa, tirore crusapɔ cã puha wajãa waha, naa waha tina.

Tina Jesure crusapɔ cã puha, wajãha

(Mt 27.32-44; Lc 23.26-43; Jn 19.17-27)

²¹ Jesure ti ã naano watoi, tói wahariro Simo Cirene macariro campopɔ sɔriro, tina cahapɔ to wihichɔ ñɔa surara sehe tirore Jesu to wɔari crusare wɔa wahcã dutiha. Alejandro, Rufo pɔaro pɔcɔro jiha Simo sehe.

²² Baharo, Gólgota wama tirore Jesure na sɔha. Gólgota nino, “Dapu cohã”, nino nina. ²³ Tópɔ tirore ti na sɔri baharo, se core, mirra wama tidɔ co mehne ti morea core Jesure wamaha. Wiho mejeta tiro sehe tí core sihni duaeraha. ²⁴ Baharo tina Jesure crusapɔ cã puha dapoha. Cã puha dapu tuhsɔ, to sãa suhti cjirire ti basi cahma witia taa, “¿Noa yaro jirohcari õ?” ni masia taa, docapea poca mehne docape mɔjaha tina.

²⁵ Jesure crusapɔ ti cã puhachɔ tia hora waro dɔhsasiniha cohari pja to sɔhto. ²⁶ ã yoa crusapɔ õ sehe ni joari pjĩne duhu õha tina tirore ti yahusãrire yahu duaa. “Ahriri judio masa bui pɔhtoro jiriro jira”, ni joaha tina tí pjĩne. ²⁷ ã yoa pɔaro yaca bucɔna Jesu cahai paye pjĩnipɔ crusaripɔ ti cã puha daporina jiha tina. Cãiro to poto buhɔsehei, paio

to cõ buhusehei cjã puha dapoha tina cãhure. ²⁸ [Ti ã yoachũ panopũ Cohamacũ yare ti yahu joariro seheta ã waharo niha. Ô sehe ni joaa tiha: “ ‘Dutiare yũhdũrucaina mehne macariro jira’, ni tũhoture masa tirore”, ni joaa tiha panopũ.]

²⁹ Æ yoa crusari cahai yũhdũ wahcãina Jesure ñũ, ti dapu pocare yurerũca, tirore ñano ni durucuha:

—Noana. Noana. ¿Cohamacũ wũhũre cohã, tia dacho wahaboroi pari turi tí wũhũre dahrehtiro jijari mũhũ? ³⁰ Æ jiriro jicũ, mũ basi dujiga. Æ jicũ mũ basi yoadohoga. Æ jii yũhdũ witiĩhca mũhũ —ni bujũpeha tina.

³¹ Ti yoaro seheta sacerdotea pũhtoa cãhũ sã judio masare buheina cãhũ tirore ã ni bujũpeha. Æ ni bujũpeha õ sehe niha ti basi:

—Tiro painare yũhdoriro jiparota to basi yũhdo masierara: ³² “Cristo, Cohamacũ warocariro Israe masa pũhthora jija”, nimana tiro. Æ jina to basi to duji tachũ ñũna tirore wacũ tuanahca —ni bujũpeha tina.

Æ yoa yaca bucũna tiro cahai ti cjã puha õrina cjiri cãhũ tó seheta tirore ñano ni bujũpeha tina cãhũ.

Jesu yariaa wahaha

(Mt 27.45-56; Lc 23.44-49; Jn 19.28-30)

³³ Æ yoa cohari pja jichũ tia hora waro jipihtiropũ nahitiano wahaha.

³⁴ To nahitia duhuchũ waro Jesu tuaro sañurucuha:

—Eloi, Eloi, ¿lama sabactani? —niha tiro.

Æ nino õ sehe nino niha. “Yũ Cohamacũ, yũ Cohamacũ, ¿dohseacũ yũhũre cohãri mũhũ?”, nino niha.

³⁵ To ã nichũ tũhoa cãina tói ducuina õ sehe nimaha:

—Tũhoga mũsa. Cohamacũ yare yahu mũhtarirore Elia cjirore pjirocaro nina —nimaha tina.

³⁶ Æ jiro cãiro tina mehne macariro wihmi nari sũhtere vino sũẽa core to sohari sũhtere na mũroca, yucũcu sohotaopũ dũhte õ, Jesure wihmi dutiha. Æ wihmi dutiro, õ sehe nimaha:

—Depũsinia. Elia cjiro wihmi ahrirore to na bororo tachũ ñũsinijihna mari —nimaha tiro painare.

³⁷ To ã niri baharo Jesu sehe tuaro sañurucu, yariaa wahaha. ³⁸ To yariachũta Cohamacũ wũhũ macari suhtiro tóre to jiri tahtia waropũ ti dũcatari suhtiro dacho macai bui sehe tũhnũ bora ta, pũca cahsaro tũhnũroca yoja sũa wahaha. ³⁹ To ã yariachũ ñũno surara pũhthora Jesu to wahãno potoi ducuriro õ sehe niha:

—Potocã tjiri jimana. Ahriro Cohamacũ macũnota jiri jira —niha tiro.

⁴⁰ Æ yoa yoaropũ ducua numia cãhũ Jesure ñũrocarucua niha. Tí numia mehne María Magdalena jiha. Pacoro María wama tiricoro cãhũ jiha. Ticoro sehe José, to baharo Santiago ti pocoro jiha. Pacoro Salomé jiha.

⁴¹ Tí numia Jesu yahuare quihõno tũhoa numia jia, Galilea yahpai to jisinchũ tirore piti ti, yoadohoa tiha. Tí numia mehne payũ paye numia cãhũ Jerusalẽpũ Jesu to sũho tarina numia jiha.

Jesu pjacũre masa copapũ cũha
(Mt 27.57-61; Lc 23.50-56; Jn 19.38-42)

⁴²⁻⁴³ Æ yoa tí dacho to yariari dacho Sabado pano judio masa sã sori nũmũ pano jiri dacho jiha. Æ yoa Pascua macaa cjihitire ti cahnorĩ dacho jiha. Tí ñamiĩhta José Arimatea macariro cuiro marieno Pilato cahapũ sũha Jesu pjacũre sinino sũro. José judio masa sã pũhtoa mehne macariro, pũhtoa ti cua pisaro ñũriro waro jiha. Tiro pũhthora Cohamacũ masare to sũho jihore cohtaro niha. ⁴⁴ Æ yoa José Pilatore to ã sinichũ tũhoro, tũho cũaa wahaha Pilato sehe. “¿Jesu yaria tuhsũari?” ni tũhoturo, cũaa wahaha. Æ jiro surara pũhthore pjiroca õ sehe niha tirore:

—¿Potocãta Jesu yariaa wahari? —ni sinituha tirore.

⁴⁵ To ã nichũ surara pũhthora õ sehe ni yũhtihã:

—Æja. Yariaa wahahre —niha.

To ã nichu tuhoro, Pilato Jesu pjacure wa dutiha Josere. ⁴⁶ To ã wa dutiri baharo José noari suhtirore nuchubasaha. Nuchubasa tuhsu, Jesu pjacu cjirore na boro, suhtiro mehne wahma, masa copapu tâcai ti sahari copapu to pjacure siõ sãa payoha. Siõ sãa payo tuhsu, tí copa cahai jiria tâcare pjiria tâcare tju turẽ wahcã, tí copare biha dapoha. ⁴⁷ María Magdalena, ã jichu María José pocoro Jesure ti na sãa duhu payorirore ñuha.

16

Jesu masa wijaaha

(Mt 28.1-10; Lc 24.1-12; Jn 20.1-10)

¹ Æ yoa Sabado dacho yuhdari baharo, sũ sãari baharo, María Magdalena, Salomé, ã jichu María Santiago pocoro, tina tiaro numia wisõa me sitia core nuchaha Jesu pjacure wisõa taa. ² Æ jia domingo bohrea mija tachu Jesure ti duhu payori copapu ñua wahaha tina. ³ Tí copa cahapu waharucua, õ sehe niha tina ti basi:

—¿Tí copare bihari tâcare noa marine pjõobasarohcari na? —niha tí numia ti basi.

⁴ Baharo tí copa cahapu sua, tí copare bihari tâcare, pjiria tâcare ti nawe cûriare ñua tina. ⁵ Æ ñua tí copapu sãa wahaha. Tõpu sua, cûiro wahmãnore ti poto buhusehei djirore, yehseri suhtiro sãarirore ñua, cãaa wahaha tina. ⁶ Ti ã cuachu ñuno, tiro sehe õ sehe niha tí numiare:

—Yuhure ñu cãaena tjiga. Jesu Nazare macariro, crusapu ti cjã puha wajãriro cjirore mûsa macana nimana. Wiho mejeta tiro sehe masa wijaa tuhsahre. Ore mariaha. Tirore tí duhu payoro cjirore ñuga. ⁷ “Tiro mûsa pano Galileapu wahayuhto jiyuhti. Tói to niriro seheta mûsa tirore ñuhtina jiyuhti”, ni yahuna wahaga to buheinare, Pedro cãhure —ni yahu dutiha wahmãno tí numiare.

⁸ To ã nichu tuhoa tina cui, tetere, masa copa cahai jirina mûrocaa wahaha. Æ cuja painare yahueraha.

Jesu María Magdalenare bajuaha

(Jn 20.11-18)

⁹ [Æ yoa Jesu sehe domingo ñamicunucã to masa wijaari baharo, María Magdalenare to siete watia to cohãnohricorore tiro bajua muhtaha. ¹⁰ Jesu mehne macaina cjiri sehe to yariachu ñua, tuaro cahya, tiia niha. Æ ti tiro watoi, María Magdalena sehe Jesure to ñurire tinare yahuro sumaha. ¹¹ “Jesu catihre. Ñuhi yuhu”, ni yahumaha ticoro. To ã ni yahupachuta, tina sehe ticorore ne tuho duaeraha.

Jesu to buheinare bajuaha

(Lc 24.13-35)

¹² Baharo puaro tina mehne macaina masa marienopu ti tinichu Jesu soro bajuriro tina cãhure bajuaha tjoa. ¹³ To ã bajuachu ñua tina tjua waha, paina Jesu yainare tíre yahuha. Ti ã ni yahupachuta tina cãhure tuho duaeraha.

Jesu to yare buhe dutiro warocaha to buheinare

(Mt 28.16-20; Lc 24.36-49; Jn 20.19-23)

¹⁴ Baharo to buheina oncere mesa cahapu ti chu dujiro wato, tinare bajuaha tjoa Jesu. Tirore ñurinare ti yahuchu ti tuho duaerari buhiri, tirore ti noano wacũ tuaerari buhirire masino, tiro tuhtiha tinare.

¹⁵ Æ tuhti tuhsu, tinare õ sehe niha:

—Ahri yahpa jipihtiropure ahri yu ya quti noaa buheare jipihtina ahri dacho macainare noano yahu site pahõona wahaga. ¹⁶ Yuhure wacũ tuainare ti bautisarinare pichacapu wahaborinare yuhdorohca Cohamacu. Tuhsu, yuhure wacũ tuaeraina Cohamacu to buhiri dahrehtina pichacapu wahahtina jiahca. ¹⁷ Æ jia yuhure wacũ tuaina yu tuaa mehne õ sehe yoaahca: Yu tuaa mehne, yu wama mehne watiare cohã wioahca. Tuhsu, wahmaa duserire durucuahca. ¹⁸ Æ yoa agãare ti

ñahachu, jipihtia ñima dohse jia ñimare ti sihnichu, tinare ne purĩsi. Ñ yoa dohatiina bui ti wamomacarine ti ña payochu tina noaina wahaahca —ni yahuha Jesu to buheinare.

*Jesu manopu mujaa wahaha
(Lc 24.50-53)*

¹⁹ Ñ ni yahu tuhsu mari puhtoro Jesu manopu mujaa wahaha. Tópu suro Cohamacu poto buhusehei dujiha tiro mehne puhtoro jiro. ²⁰ Ñ jia tina jipihtiorpu noaa buheare Cohamacu masare to yuhduchu yohti buheare buhea wahaha. Ti ñ buhechu mari puhtoro tinare yoadohoha. To tuaa mehne yoa ño masichu yoaha tinare, masare to ya buheare tuho dutiro. Tó puro tjira.]

San Lucas

1-3 Puhthoro Teófilo, ahrire mu buhehti cjihtire muhare joarocai nija. Jesu sā mehne jisinino to yoari cjiirire payu paina joa dūca tuhsure. Wahmanopure Jesure ñhina cjiri, to yare buheina cjiri ti ni yahuriro seheta paina tíre joa dūca tuhsure. Ā jicu ahri jipihtiare noano masi pahño duacu buhei. Ā jicu yuhū cūhū tíre noano joa duaja mu buhehti cjihtire yoacu tacu. 4 Jesu yare yahuina muhare buhe tuhsure. Tíre noano mu masi namohto sehe ahri tjure muhare joarocai nija.

João masare bautisahtiro to masa bajuahtire anjo yahuha

5 Herode Judea yahpa macaina puhthoro to jichū cāiro sacerdote Zacaria wama tiriro jia tiha. Ā jiro Zacaria to ya curua macaina sehe sacerdotēa curua Abías cjiro ya curua jiha. Zacaria namono cūhū sacerdote Aarō cjiro panamañono ji turiaricoropū jiha. Ticoro Elisabe wama tiricoro jiha. 6 Tina puaro Cohamacu dutiare noano yoa pahñoina ti jichū ñhūno, “Ahrina yu cahmano seheta ā jia tirucura”, ni ñhūha Cohamacu tinare. 7 Ticoro Elisabe ne pohna marienicoro jiha. Ā jia tina puaro ne pohna marieina ji, bucūna waro jiha.

8 Ā yoa sacerdotēa ti dahraare dahraa taa, ō sehe yoaa tiha: Dahra muhtari curua cjiro pa curua mehne cahma cohtota mujaa tiha. Ā jia Zacaria ya curua macaina dahrahti dachori jichū, tina dachoripe sacerdotēa ti dahraa tirucuriro seheta Cohamacu ya wuhupū dahraa taa niha. 9 Sacerdotēa Cohamacure ti ño payori mesapū inciensore me sitia pohcare jūhtiro cjihtore besea taa, docapea mehne besea tiha. Ā yoa ti quihōri dacho jichū Zacaria ya curua macaina me sitiare jūhtirore besea taa docapeha. Ā docapea Zacariare beseha. Ā jiro tiro puhthoro Cohamacu

ya wuhupū sāa wahaha me sitiare jūno waharo. 10 Tí wuhupū tíre to jūno watoi jipihtina masa sehe sopacapū Cohamacure sinia tiha. 11 Tí pjare Cohamacu yairo anjo Cohamacure ño payori mesa poto buhusehei bajuarucu sūha Zacariare. 12 To ā bajuachū ñhūno Zacaria tirore ñhū cūha yuhdūha wahaha. 13 To ā cūachū ñhūno anjo tirore ō sehe ni yahuha:

—Zacaria, cuii tjiga. Cohamacu mu sinirire tūhore. Ā jina mipure mūsa pohna tinahca. Mūsa macu cjihto masa bajuarohca. To bajuachū “João” ni wama pisuga tirocāre. 14-17 “Tiro yu tuaa mehne payu noare yoarucuriro jira”, ni ñhūnohca Cohamacu mu macure. Tiro to masa bajuari baharo vinore, sihbiori cūhūre sihnisi. Ā jiro tiro to masa bajuahto pano Espiritu Santo to niriro sehe yoariro jirohca tiro. Espiritu Santo tiropure sārucu sū tuhsū ā baju yoarucurohca tiro mehne. Ā yoa payu Israe masare Cohamacu mari puhthorore cahmaeraina cjiirire noano cahmachū yoarohca mu macu. Mari puhthoro to tahto pano Elia cjiro Cohamacu yare yahu muhtariro to buheriro seheta Espiritu Santo to yoadohoro mehne Cohamacu to tuaa mehne mu macu cūhū buherohca. Ā buhero ti pucūsuma ti pohna mehne ñhūno jimarinare ti noano cahma cahī jichū yoarohca. Ā yoa Cohamacure yuhdūrucaina cjiri cūhūre noano ño payoa mehne yūhtichū yoarohca. Ā buhero mari puhthoro Cohamacu yaina cjihtire yoarohca tiro. Ā jicu to masa bajuari baharo muhū wahcheihca. Payu paina cūhū wahcheahca —niha anjo Zacariare.

18 To ā nichū tūhoro Zacaria sehe ō sehe ni sinituha anjore:

—Sā bucūna jija. Ā jicu mu niri potocā jichū dohse masicūhcarī yuhū? —niha tiro.

19 To ā nichū anjo sehe tirore ō sehe ni yahuha:

—Yuhū Gabriele wama tiriro jija. Cohamacu cahamacūno to cahai

ducuro jija yu. Cohamacu ahri noaa quitire yahu dutiro, mu cahai yuhare warocare. ²⁰ Yu yahuriro seheta potocata waharohca. Yu a nipachata yuhare mahu potoca tahoerare. A jicu mipure mahu durucu masierariro wahaihca. Mu macu to bajuari baharo durucuihca tjoa —niha anjo Zacariare.

²¹ Sopacaru jiina masa Zacariare cohtaa niha. “¿Dohse jiro baro tiro Cohamacu wuhuru jiro, so wijaa taerajari?” ni, cohtaa niha masa tirore. ²² Tuhsu, tiro wuhuru jiro wijaa wihi, tina mehne durucu masieraha. “Tiro Cohamacu wuhui bajuare nuño niboca”, ni tauto masiha tina. A jiro tiro durucu masierariro jiro to wamomacari mehne yoa cayoha masa ti masihto sehe.

²³ Cohamacu wuhui to dahraa pihtichu, tiro to namono mehne tjuaa wahaha ti wuhuru. ²⁴ Ti a tju suri baharo to namono Elisabe niji pocoro jiha. A jiro ticoro cinco suri waro masa cahai wahaeraha. ²⁵ O sehe ni tautohca ticoro: “Mipure yuhare Cohamacu yoadohore juna. Pohna marienico jico buobiaro yuhdhi yu. Cohamacu to yoadohoro mehne mipure nijinocare boca ja yu”, ni tautohca ticoro.

Jesu to masa bajuatore yahuha anjo

²⁶⁻²⁷ Elisabe cinco suri niji pocoro to ji wahcachu waro Cohamacu sehe anjore Gabrie wama tirirore nuhmino, ne mu mehne jieraricoro caharu warocaha. Ticoro Maria wama tiricoro Nazarei Galilea yahpai jiri macai jia tiha. José wama tiriro jiha to manano cjihto. Tiro panopu macariro Davi cjiro panamino ji turaripuru jiha. ²⁸ A to warocachu Maria caharu suru, anjo o sehe ni yahuha:

—María, ¿jimajari mahu? Cohamacu mahu yoadohoro nina. Mahu noano yoaro nina —niha anjo ticorore.

²⁹ To a nichu tauto, ticoro tuaro wacu tautohca. Anjo to yahurire tauto “¿Dohse nino baro yuhare a

nicari?” ni wacuha ticoro. ³⁰ To a ni tautohca masino anjo o sehe ni yahu namoha ticorore:

—María, Cohamacu mahu tuaro cahina. A jico mahu yu yahuhtire tauto caeco tjiga. ³¹ Noano tautohca. Curo nijinocare pohna ticohca mahu. Tiroca to masa bajuari baharo, “Jesu” ni wama pisuohca mahu tirocare. ³²⁻³³ Tiro tua yuhdharo jirohca. A jia tirore “Cohamacu Jipihtina Bui Jiro macu nota jira”, ni masiahca masa. Mu macu nuhchano mananopu Davi cjiro Israe masa ti puhtoro to jia tiriro cjiro seheta mu macu cjihto cahare cunohca Cohamacu. A jiro jipihtia dachoripe tiro Israe masare dutirohca. Puhtoro to jihto ne pihtisi —niha anjo.

³⁴ To a nichu tauto Maria o sehe ni sinituha:

—¿Dohse yu manu mariapacohta pohna tibocari yu? —niha ticoro.

³⁵ To a nichu tauto anjo o sehe ni yuhtia:

—Espíritu Santo to tuua mehne mahu nijinocare bocachu yoarohca. A jiro Cohamacu Jipihtina Bui Jiro to tuua mahu to masaruca caharo seheta bajuaeraparota tarohca mahu. A jia “Cohamacu macu, naa buhiri tia marieriro jira”, niahca masa mu macu. ³⁶⁻³⁷ Cohamacu jipihtiare yoa masina. A jiro mu coyeacoro Elisabe cahu bucoro waro jiparota mipure niji pocoro jira ticoro. Ticoro pohna tirohca manocare. Masa ticorore “Nijinocare boca masienico jira”, ti nirocero cjiro mipure nijinocare to bocari baharo seis suri waro wahara —niha anjo Maria.

³⁸ To a nichu Maria o sehe ni yuhtia:

—Yuhare tautohca. Mari puhtoro to cahamacono jia yu. Mu niriro seheta yuhare a wahajaro —niha ticoro.

To a niri baharo anjo wahaa wahaha.

María Elisabere nuño wahaha

39 To ã niri baharo María tũyucuri jiri yahparu Judea yahpai jiri macaru ño duaro wahaa wahaha. 40 Tõru sũro, Zacaria ya wũhũru sãano, “¿Jimajari?”, niha ticoro Elisabere. 41 To ã nichu Elisabe to tũhochũta, to macũno sehe nihi suhtioru jirocã ñuhmiha. Elisabe Espĩritu Santo to dutiroro seheta yoa pahũoricoro jiro, to tuaare cjuaricoro jiha. 42 ã jiro tuaro wahchea mehne ticoro bisiro durucuha:

—Jipihtia numia yũdoro mũhũre noano yoahre Cohamacũ. Mũ macũ cũhũre noano yoahre Cohamacũ. 43 Cue, yũ pũhtoro pocoro yũ cahai mũ tachũ noano yoara yũhũre Cohamacũ. 44 Mũ yũhũre “¿Jimajari?” mũ nichũ yũ macũ sehe nihi suhtioru jirocã wahchea mehne ñuhmihti yũhũre. 45 Cohamacũ to niriro seheta yoarohca. ã jico to yahurire tũhoricoro jico wahchericoro jira mũhũ —niha Elisabe Mariare.

46 To ã nichũ María õ sehe ni yũhtiha:

“ ‘Cohamacũ noariro, tuariro jira’, nija. Yũhũ noano yajeripohna tija.

47 Cohamacũ yũhũre pichacaru wahaboricorore yoadohoriro jira.

ã jiro mipũre yũhũre noano wahchea mehne jichũ yoara.

48-49 Tiro yũhũre to cahamaconore wacũri jira. Cohamacũ tua yũhdũariro noaa dihtare yũhũre yoadohohre.

ã jia mipũre ‘Ticorore Cohamacũ noano yoahre’, jipihtina masa ã ni, durucuahca yũhũre.

Cohamacũ ñaa marieriro jira.

50 Jipihtia dachoripe jipihtina tirore ño payoinare tiro pja ñũriro jira.

51 Cohamacũ to tuaa mehne yoaha. ‘Painare yũhdũũcaja’, niinare yũhdũũcaha tiro.

52 Pũhtoare cohãha tiro. ã jiro cahamaca sehene tiro pũhtoa yoaro seheta cũha tinare.

53 Jũca baaina cjirire tiro noaa chũare waha. Tuhsũ, payũ cjuaina cjirire paye baro cjuæraina yoaha tiro.

54-55 Mari ñũchũsuma cjirire to yahu cũriro seheta yoa pahũoha Cohamacũ.

To cahamaca Israe masare tiro yoadohoha.

Abrahã cjirire mari ñũchũsuma cjirire jipihtina to coyea to baharo jiina cũhũre Cohamacũ jipihtia dachoripe ã pja ñũrucuriro jia tiha.

Tinare to yahu cũriro boeraha Cohamacũ”,

niha María.

56 Tia sũ waro Elisabe mehne jiha ticoro. Tõ puro to jiri baharo to ya macaru tjuaa wahaha María.

João masa bajuaha

57 Elisabe to nihi wahcõri baharo to macũno masa bajuaha. 58 ã jia Cohamacũ ticorore to ã noano yoachũ to ya maca macaina to coyea cũhũ ticoro mehne wahcheha. 59 Ocho dachori to masa bajuari baharo, to pũcũsuma tirocãre mahanocã to pjacu cahsarocãre yihso dutia taa niha. ã jia tina mehne macaina ti caharu sũha ti yihsochũ ñũa taa. Tina mehne macaina Zacaria to pũcũro wamare tirocãre wamoa duamaha. 60 Ti ã wamoa duapachũta to pocoro õ sehe niha:

—To pũcũro wamare wamoeraja. João wamoanahca tirocãre —niha ticoro.

61 —Mũ coyea ne cãiro João wama tiriro mariaha —niha tina ticorore.

62 ã jia ti wamomacari mehne yoa ño, Zacariare õ sehe ni sinitu ñũha tina:

—¿Mũhũ waro dohse wamoa duajari mũ macũre? —ni sinitu ñũha tirore.

63 Ti ã nichũ tiro sehe johti pjĩne siniroca, ñaha, joaha: “Yũ macũ João wama tirohca”, ni joaha Zacaria. To ã ni joachũ tina sehe cũaa wahaha.

64 To ã ni joari baharo tirore durucuchũ yoaha Cohamacũ. ã jiro tiro durucua wahaha jũna:

—Cohamacu tuariro, noariro jira —niha tiro.

⁶⁵ To ã ni durucuchu tũhoa tó macaina cũaa wahaha. Æ jia ahri jipihtiare Judea yahpa macainare tũyucu watoi jĩinare masa yahu siteha. Æ jia masa tó macaina noano masi pihia wahaha. ⁶⁶ Jipihina tĩre tũhoa wacũha. “Cohamacu tuaare ahrirocã cũara. Æ jiro wiho jiriro jierara ahrirocã”, ni tũhotuha masa.

Zacaria Cohamacure ño payoha

⁶⁷ Æ yoa to pũcuro Zacaria sehe Espĩritu Santo to dutiriro sehetã yoa pahĩoriro jiro to tuaare cũariro jiro Cohamacu yare õ sehe ni yahuha:

⁶⁸ “Mari Israe masa Cohamacure, mari pũhtoro wahche payojihna mari. To yaina jija mari.

Æ jiro tiro mari cahapu wihiro, marine yoadoho, noano yũhdũchu yoaro taro nina.

⁶⁹ Cohamacu marine, pichacapu wahaborinare yũhdũchu yoahitirore, tua yũhdũarirore warocara.

Ahriro marine yũhdũchu yoahitiro cjihto sehe Cohamacure dahra cohtariro Davi cjiro panamino ji turiariro jira.

⁷⁰ Panopũre to yaina waro, to yare yahu mũhtaina cjiire ahri õ sehe wahahto cjihtore yahu cũ mũhta tuhsũa tiha.

⁷¹ ‘Mũsare ñũ tuhtĩinare, jipihina mũsare ñano yoainare dũcataihtja’, ni cũha Cohamacu marine.

⁷² Mari ñũchũsuma cjiiripũre ‘Mũsare pja ñũi, yoadohoihtja.

Mũsare yũ yahu cũire wacũihtja’, niha Cohamacu.

Tĩ pjarũre to ni cũiro sehetã mipũre marine sohtori tiro taro nina.

⁷³⁻⁷⁵ Panopũre õ sehe ni cũa tiha Cohamacu Abrahãre: ‘Potocã ni ita nija mũhare.

Mũ coyea baharopũ ji nũnũhtinare paina tinare ti ñũ tuhtichũ, yũhũ sehe tinare dũcataihtja.

Æ jia mũ coyea sehe ne cuiro marieno yũ dutiare yoa, yũhare ño payoahca.

Tina ti catiro puro yũ ñũrocaroi buhiri marieno, quihõno jia tiina jirucuahca’, ni yahu cũa tiha Cohamacu mari coyeiro Abrahã cjiore”,

niha Zacaria. Æ ni tuhsũ tiro to macũno cũhare õ sehe niha tjoa:

⁷⁶⁻⁷⁷ “Mũcũ, mũhare õ sehe niahca masa: ‘Cohamacu Jipihina Bui Jiriro yare yahu mũhtarirota jira’, ni masiahca mũhare.

Mũhũ mari pũhtoro Cristo to tahto panore masare yahuyui wahaihca.

Æ yahuyui wahacu, õ sehe ni yahuyuihca tinare: ‘Mari pũhtoro tarohca.

Tiro mũsa ñaa yoari buhiri tiare cohã, pichacapu wahaborinare yũhdorohca mũsare’, ni yahuihca mũhũ.

Æ ni yahucu, mari pũhtoro to tahtore cahnoyu dutii niihca mũhũ tinare.

⁷⁸ Cohamacu sehe marine tuaro pja ñũriro ji, marine noano yoariro jitjiãno, tiro marine pichacapu wahaborinare yũhdũchu yoa duara.

Æ jiro tiro Cristore buhriaro yoaro sehe jirirore mari cahapu warocara.

⁷⁹ Tiro mari cahai wihiro marine pichacapu wahaborinare nahitiano waropũ jimarinare buhriaro marine to noano ñũ bocachu yoaro sehetã Cohamacu ya potocã ni yahuaire masichũ yoarohca tiro.

Æ yoa mari tiro mehne cũno mehne mari noano ji masihtõ cjihto cũhare yahurohca marine”,

niha Zacaria.

⁸⁰ Æ yoa Zacaria macũno noano pjacu tĩro bũcũaha. Æ bũcũaro, Cohamacure tuaro ño payoriro jiha. Tuhsũ, yoari pja masa marienopũ jia tiha. Israe masare buhe dũcaro tóputa to jiriro cjiroi jia tiha.

2

Jesu masa bajuaha
(Mt 1.18-25)

¹ Tí pjare jipihtia yahpari macaina bui pũhtoro Augusto jia tiha. ² Ā jiro jipihtinare quihõ dutiha. ² Ahrina masare ti coã quihõ dũcachũ Siria yahpa macaina pũhtoro Cirenio wama tiroiro jiha. ³ Ā jia jipihtina ti ñũchũsũma panopũ macaina ya macaripũ ti wamare joa õa wahaha. ⁴ José cũhũ Nazarepũ Galilea yahpai jiri macapũ jiina waha, Judea yahparpũ Belẽ wama tiri macapũ sũha. Pũhtoro Davi cjiro panopũ macariro to masa bajariro jiha Belẽ. José Davi cjiro panamino ji turiariro jiro pũhtoa masare to quihõ dutichũ tũhoro Belẽpũ to wamare joa õ dutiro wahaha. ⁵ Ā jiro tiro María to namono cjihto mehne tórpũ to wamare joa õ dutiro sũha. Ticoro sehe wihãrirocãre cjuaro caharicoro jiha. ⁶ Ā jiro Belẽpũ sũro ticoro niji wahcõha. ⁷ Tórpũre masa ti carĩri wũhũ ne mũ sũeraha tinare. Ā jiro ticoro pohna ti tuhsũ, tirocãre suhtiro mehne coma, wachũa ti chũri wahwai, tja bui tirocãre duhu payoha. Tirocã wahma to pohna ti mũhtarirocã jiha.

Anjo ovejare ñũ wihboinare bajuaha

⁸ Tí ñamine campopũ ovejare ñũ wihboina ti yaina ovejare ñũ wihboina niha. ⁹ Tórpũ ti jichũ Cohamacũ warocariro anjo tinare bajuaha. To ã bajuachũ Cohamacũ to si sitea tinare buhriaha. To ã si sitechũ ñũa, ovejare ñũ wihboina cuia wahaha. ¹⁰ Ti ã wahachũ anjo tinare õ sehe ni yahuha:

—Noaa quitire mũsare yahui taja. Jipihtinare masare wahchechũ yoarohca ahri quiti. Ā jina yũhũre cuiena tjiga mũsa. ¹¹ Micha ñamine pũhtoro cjiro Davi ya macapũ mũsare pichacapũ wahaborinare yũhdohtiro, Cristo Cohamacũ warocariro mari pũhtoro masa bajua tuhsũhre. ¹² Suhtiro mehne comariro wachũa chũri wahwa bui ti duhu

payoriro mũsa ñũhtiro tiro tjirohca —ni yahuha anjo tinare.

¹³ To ã nichũta payũ mũano macaina ji mũhtariro anjo mehne Cohamacũre wahche payoha. Ā sehe ni wahche payoha tina:

¹⁴ “Cohamacũre mũano macarirore ño payojihna.

Ā jia Cohamacũ to cahĩina cuiro marieno cahmacheno marieno noano jijaro”,

ni wahche payoha anjoa peri.

¹⁵ Ā ni wahche payo tuhsũ mũanopũ ti mũjari baharo ovejare ñũ wihboina sehe ti basi cahma durucuha:

—Ahrire Cohamacũ marine to yahurire Belẽpũ basa ñũjihna —niha tina ti basi.

¹⁶ Ā nia ño duaro wahaa wahaha tina. Marĩare, Josere boca sũ, wihãrirocãre wachũa chũri wahwai ti duhu payorirocãre ñũha tina.

¹⁷ Ovejare ñũ wihboina tirocãre ñũ tuhsũ anjo wihãrirocãre to yahurire yahu turiaha painare. ¹⁸ Ti ã ni yahu turiachũ jipihtina tinare tũho cũaa wahaha. ¹⁹ Ahri jipihtiare María wacũ tũhoturucuha. ²⁰ Ā yoa ovejare ñũ wihboina sehe anjo to yahuriro seheta jichũ ñũa, “Cohamacũ tuariro jira”, ni wahcheha. Ā ni wahche,

majare tjuaa wahaha.

Cohamacũ wũhũpũ Jesu pũcũsũma tirocãre naaha

²¹ Cũ somana baharo wihãrirocã to pjacũre mahanocã cahsarocãre yihso na tuhsũ tirocãre tina Jesu wamoaha. Jesure wahma to bocahto pano anjo sehe “ ‘Jesu’ ni wama pisuga tirocãre”, ni yahu tuhsũha. Ā jia tirocãre “Jesu” ni wama pisuha.

²² Cohamacũ dutia Moise to yahuriro seheta yoaa taa José, María mehne Jerusalẽpũ wahaha. Tórpũ wahaha María to pohna tiri baharo to noaricoro to wahari baharo to ã waharire ñono taro. Ā wahaa, tina Jesucãre naa wahaha. Tirocãre Cohamacũre “Ahrirocã mũ yairo cjihto jira”, ni ñoa wahaha. ²³ Ā sehe yoaha Cohamacũ yare ti joari pũi to

yoa dutiriro seheta. “Jipihtina m_{usa} pohna wahma bajua m_{uhtainacãre} Cohamac_{ure} ñoga. ‘Ahrirocã m_u yairo cjihto jira’, ni ñoga”, ni dutia tiha Cohamac_u. ²⁴ ã ño tuhs_u Cohamac_u to yoa dutiriro seheta tina minichahcare waa wahaha Cohamac_{ure} ño payoa. O sehe dutia tiha Cohamac_u: “Bujaa p_{uaro} waga y_uh_ure. O tina mariach_u urítua wihãinacã p_{uaro} waga y_uh_ure ño payona”, ni dutia tiha Cohamac_u. To yoa dutiriro seheta yoaha tina ticoro pjac_u noari pjac_u to waharire ñoa taa.

²⁵ Jerusalēi Simeo wama tiriro jiha. Tiro quihõno yoariro, Cohamac_{ure} ño payoriro jiro, Cohamac_u Israe masare to yoadohohtire cohtariro jiha. Tiro Espíritu Santo to nino sehe yoariro jiha. ²⁶ ã jiro tiro to variahto pano Cohamac_u to warocah_utirore Cristore to ñ_uhti cjihtire tó pano yahu tuhs_uha Espíritu Santo tirore Simeore. ²⁷ ã jiro Espíritu Santo tirore to dutich_u Cohamac_u w_uh_up_u sãa wahaha. To sãa s_uri baharo Jesu p_uc_us_uma ti mac_unocãre na sãaha. Cohamac_u to dutiriro seheta yoaa niha. ²⁸ Simeo sehe tirocãre w_uha na, Cohamac_{ure} ño payo, “Noana” ni, tiro mehne durucuha.

O sehe niha tiro Cohamac_{ure}:

²⁹⁻³² “Mip_u pinihtare p_uhtoro, m_u niriro seheta jipihtina masare pichacap_u wahaborinare y_uh_ud_uch_u yoah_utiro cjihtore warocah_ure m_uh_u.

Tiro judio masa jierainare buhero m_uh_ure noano masich_u yoarohca tinare.

Masare y_uh_udohtiro Israe mas_unore m_uh_u c_uha.

Sã coyeirore Israe mas_unore m_u c_uch_u jipihtina masia, ‘Israe masare noano yoara Cohamac_u’, niahca masa.

Ahrirocã sãre y_uh_ud_uch_u yoah_utiro jira. ã jic_u ahrirocãre ñ_u tuhs_uc_u, mip_ure noano wahcheriro yariaihca”, niha Simeo.

³³ Simeo tirocãre to ã nich_u Jesu p_uc_us_uma sehe t_uho c_uha wahaha.

³⁴ ã jiro Simeo tinare “Noano jiga m_{usa}” nino, tiro María Jesu pocorore õ sehe ni yahuha:

—Cohamac_u ahrirocãre beseha. To ã beseriro to jipach_uta judio masa pay_u tirore y_uh_ud_ur_ucaahca. ã yoaa tina pichacap_u wahaahca. Judio masare pay_u y_uh_udohtirore Cohamac_u beseha tirocãre. Tiro Cohamac_u yare yahuriro to jipach_uta masa pay_u tirore ñano ni yahu wajaahca. ³⁵ Ti ã yoach_u paina ti ñano wac_uare masiahca. ã jico m_uh_u tuaro cahyacohca —niha Simeo Maríare.

³⁶ Tó Cohamac_u yare yahu m_uhtaricoro Ana wama tiricoro jiha. Ticoro Fanuel macono jiro, Aser cjiro ya curua macaricoro jiha. B_ucoro waro jiha. Ticoro nuhmino jiro man_u tiha. ã yoa siete c_uhmari to man_uno mehne jiha. Tó puro to jiri baharo to man_uno yariaha.

³⁷ ã jiro ochenta y cuatro c_uhmari waro wapewahyoro jia tiha ticoro. ã jiro ticoro dachop_u c_uh_ure ñamip_u c_uh_ure Cohamac_u yare yoaro taro ch_uaeraro, Cohamac_u mehne durucu, Cohamac_u w_uh_ure ne wijaaera tiha. ³⁸ Simeo to durucuro watoi ticoro tina cahai wihiro, wahchero Cohamac_{ure} “Noana”, niha. ã jiro Jerusalē macainare pichacap_u wahaborinare y_uh_udohtirore cohtainare ticoro Jesucãre yahuha tina jipih_utinare.

José, María, Jesu mehne Nazarep_u tjuaa wahaha tjoa

³⁹ Cohamac_u to dutiriro seheta yoa tuhs_ua, tina ti ya macap_u Nazarep_u tjuaa wahaha. Galilea yahpai jiha tí maca Nazare. ⁴⁰ Jesu sehe noano b_uc_ua, tuariro wahaha. ã jiro tiro noano t_uho masiriro b_uc_uaha. Cohamac_u tirore noano yoaha.

Jesu wahma wahm_ua tariro jiro, Cohamac_u ya w_uh_ui judio masare buheina mehne s_uh_uduro niha

⁴¹ C_uhmaripe Jesu p_uc_us_uma Jerusalēp_u pascua n_um_urine b_use n_um_urine y_uh_udoa wahaa tiha. ⁴² ã jia Jesu doce c_uhmari to cj_uach_u waro

ti yoarucuriro seheta tina jipihtina Jerusalēp̄ bōse n̄m̄arine ȳhdoa wahaha tjoa. ⁴³ Tí macap̄ s̄, tí bōse n̄m̄arine ȳhdo tuhs̄ tina ti ya macap̄ majare tjuaa wahaha tjoa. Wiho mejeta Jesu sehe ti ã majare tjuapach̄ta, Jerusalēp̄ tjuanocaha. To p̄c̄s̄uma sehe tíre to tjuarire masieraha. ⁴⁴ “Paina mari mehne macaina mehne taça mari mac̄”, ni t̄hotumaha tina. ã jia tina c̄ dacho waro noano Jesu marieno waharucumaha. Tí dacho pihtich̄ waro tina Jesure ti coyēa watoi ã jich̄ ti ñ̄ masiina watoi c̄h̄re macamaha. ⁴⁵ Wiho mejeta ne bocaeraha. ã jia tina pari turi Jerusalēp̄ majare tjuaa wahaha tjoa, tirore macaa wahaa.

⁴⁶ Tia dacho baharo Cohamac̄ w̄h̄ wijaroi tirore boca s̄ha. Tói Jesu judio masare buheina watop̄ duji, tinare t̄ho, tinare sinituro niha.

⁴⁷ Tina jipihtina Jesure to quihōno ȳhtich̄ t̄hoa noano masiroc̄a to jich̄ ñ̄a, tina c̄aa wahaha. ⁴⁸ Jesu p̄c̄s̄uma c̄h̄ tirore ñ̄a, tina c̄h̄ c̄aa wahaha. ã jiro to pocoro tirore ò sehe niha:

—Mac̄, ¿dohseac̄ ã yoari m̄h̄ s̄are? Sã m̄ p̄c̄s̄uma p̄j̄ro t̄hotu, cahya, macana nihi m̄h̄re —niha ticoro to mac̄nore.

⁴⁹ To ã nich̄ t̄horō tiro to p̄c̄s̄umare ò sehe ni ȳhtiha:

—¿Dohseana ȳh̄re macari m̄sa? Ȳ P̄c̄ waro ya w̄h̄i ji to dutiro sehetā yoai nija. ¿Tíre masierajari m̄sa? —niha tiro tinare to p̄c̄s̄umare.

⁵⁰ To ã ni yahupach̄ta tina to yahuarē t̄ho ñ̄ahaeraha.

⁵¹ ã yoari baharo, Jesu to p̄c̄s̄uma mehne Nazarep̄ tjuaa wahaha. Tju s̄, to p̄c̄s̄umare ne ȳhd̄r̄caerariro jia tiha tiro. Ahri jipihtia to yoirē ñ̄no María noano t̄hotu, wac̄r̄uca tiha. ⁵² ã yoa Jesu b̄c̄a, noano t̄ho masiriro wahaha. Tó sehe jiro to ji b̄c̄ach̄ ñ̄no, Cohamac̄ sehe tirore noano ñ̄ ji coa, tuaro cah̄a tiha. Masa c̄h̄

tirore tó sehetā noano ñ̄ ji coa, tuaro cah̄a tiha.

3

João masare bautisariro masare Cohamac̄ yare yahuha

(Mt 3.1-12; Mr 1.1-8; Jn 1.19-28)

¹ Tí pjare ti bui p̄htoro jiro Tiberio wama tiro to p̄htoro jiri baharo quince c̄hm̄ari wahaha. Tuhs̄, Poncio Pilato wama tiro sehe Judea yahpa macaina p̄htoro jiha. ã yoa Herode wama tiro sehe Galilea yahpa macaina p̄htoro jiha. To baharo Felipe sehe Iturea yahpa macaina, Traconite yahpa macaina c̄h̄ ti p̄htoro jiha. Tuhs̄, Lisania wama tiro Abilinia yahpa macaina p̄htoro jiha. ² Tí pjare Ana, Caifa mehne jipihtina sacerdotē bui p̄htoa jiha. Ahri jipihtina ti jiro pjare João Zacaria mac̄no masa marienop̄ jirore Cohamac̄ sehe tirore to yare buhe dutiha. ³ ã jiro Jordão wama tiri ma d̄ht̄ cah̄i jiro yahpai jipihtirop̄ João buhero wahaha:

—“Noaina jija s̄”, ni m̄sa t̄hotumari c̄j̄re t̄hotu cohtota, Cohamac̄re cah̄maga m̄sa. ã yoana tíre m̄sa yoirē ñ̄ona tana, bautisaina jiga. M̄sa ã cohtotach̄ ñ̄no Cohamac̄ m̄sa ñ̄a buhirire borohca —ni buhe tiha tiro.

⁴ Isaia c̄j̄ro panop̄ macariro Cohamac̄ yare yahu m̄htariro to joari sehetā ahriro João yoaro niha. Ò sehe ni joa tiha Isaia c̄j̄ro João to buhehtore:

“Masa marienop̄ durucu sañurucuriro ò sehe ni buherohca: ‘Mari p̄htoro to tahto pano “Noaina jija s̄”, ni m̄sa t̄hotumari c̄j̄re t̄hotu cohtota, Cohamac̄re cah̄maga m̄sa.

⁵ Pja w̄ht̄ari, pja buri c̄h̄re noari wapa mari yoirē sehetā, tuhca maharine potoa mahari mari yoirē sehetā, ñ̄a maharine noa maharine mari yoirē sehetā, wetere m̄sa cosariro sehetā m̄sa

ñaa tũhotuare cohtota, cahno mũhtaga m̃sa.

6 M̃sa ã yoachũ Cohamacũ m̃sare pichacapũ wahaborinare to yũhdũchũ yoachũ ñũahca jip-ihti ahri yahpa macaina', ni-nohca tiro sañurucu yahuriro sehe",

ni joaa tiha İsaia cjiro panopũre.

7 Masa payũ João cahai wihia tiro tinare bautisachũ cahmaha tina. ã jiro tiro tinare õ sehe ni yahuha:

—Agãa ñima tiina yoaro seheta masare dojomehneina, cui duhti duaina jira m̃sa. M̃sa ñaa yoarire m̃sa cahya, duhu duaerari buhiri Cohamacũ to buhiri dahrehto pano duhti masierara m̃sa. 8 Potocãta m̃sa ñaa tũhotumarine cohtotaina jina, Cohamacũre cahmaina jina, tíre m̃sa yoaa mehne ñoga. Õ sehe ni tũhotu wisiena tjiga. “Panopũ macariro Abrahã mari ñũchũ cjiro jia tiha. ã jina to panamana jina mari Cohamacũ yaina jija”, ni tũhotu wisiena tjiga m̃sa. M̃sare niita nija. Abrahã panamana m̃sa jiina jimana m̃sa. M̃sa ã jipachũta tí m̃sa ã jia yaba cjihti jierara. Cohamacũ sehe ahri tãa mehne Abrahã coyeare dahre masina. ã jiro Abrahã coyea m̃sa jia wiho waro jira tãa ti wiho waro jiro seheta. 9 Õ sehe jira: Masa yucũri yoaro seheta jira. Cohamacũ sehe coma mehne yucũrere cjã cohãriro yoaro sehe jira. ã jiro noaa dicha maria yucũre nũhcõri mehneputa cjã cohãnohca tiro. Tíre to cjã cohãri baharo, pichacapũ jũ cohãnohca tiro. (ãta yoaro taro nina masa cũhũre tirore cahmaerainare) —ni yahuha João masare.

10 To ã nichũ tũhoa masa sehe tirore õ sehe ni sinitu ñũha:

—¿Dohse yoanahcari sã? —niha tina Joãore.

11 —Pũa suhtiro cjũariro suhti marierirore cũno waga. ã yoa m̃sa chũa cjũana paina cũhũre waga —niha João.

12 Mahainacã pũhtoa ya cjihtire wapa na cohtaina cũhũ tinare to

bautisachũ cahmaha. ã jia João cahai wihia, tirore õ sehe ni sinituha:

—¿Buheriro, sã sehe dohse yoanahcari sã? —niha tina tirore.

13 —M̃sa pũhtoa ti wapa na dutiro purota masare wapa naga. Mahño na namoena tjiga —ni yahuha João tinare.

14 Paina surara tirore õ sehe ni sinituha tjoa:

—¿Sã sehe dohse yoanahcari? —niha tina tirore tjoa.

—Masa ti niñerure maena tjiga. ã yoana mahñoa mehne ti niñerure naena tjiga. M̃sare ti waparo purota wahchega —ni yahuha João.

15 Masa Cristore Cohamacũ to warocahtirore cohtaa niha. ã jia õ sehe ni tũhotu dũcaha tina Joãore. “Ahriro João sehe Cristo jiboca”, ni tũhotumaha tina. 16 Ti ã nichũ tũhoro João jipihtinare õ sehe ni yahuha:

—Yũ baharo yũ yũdoro tuariro tarohca. Noa yũhdũariro jira tiro. Tiro yoaro sehe jieraja yũhũ sehe. ã jicũ tirore tũhotucũ, “Wiho jiriro jija yũhũ”, ni tũhotuja yũhũ. Yũhũ sehe m̃sare bautisacũ co mehne yoamahi. Tiro sehe yũ yũdoro yoarohca. Espíritu Santore masa mehne ã jirucuchũ yoarohca. Wiho mejeta paina sehere ti ñaare tũhotumari cjĩrere tũhotu cohtota duaeraina sehere tiro pichaca mehne buhiri dahrerohca. 17 Yũ baharo tariro cahsarire cohãriro yoaro sehe jira. Cahsarire cohãriro to batiro mehne jipihtia to trigo yapari cahsarire putiwera. ã yoa tuhsũ trigo sehere to wihbori wũhũi cũnohca. Tó seheta yoarohca ti tirore cahmainare yũ baharo tariro. To putiwea cahsari sehere tiro jũnohca. Tí cahsarire to jũri pichaca ne yatisi. (ãta yoarohca tiro yũ baharo tariro tirore cahmaerainare) —ni yahuha João.

18 Payũ to ã ni yahua mehne masare noaa buheare yahuha João. 19 Tuhsũ, pũhoro Herode sehe to baharo Felipe namonore to namo tiri buhiri, pjĩro ñaare to yoari buhiri cũhũre

João tirore yahumaha. ²⁰ To ã ni yahuri buhiri Herode sehe ñaare yoa namoha, Joãoire peresu yoaro.

João Jesure bautisaha
(Mt 3.13-17; Mr 1.9-11)

²¹ Joãoire ti peresu yoahito pano paina masare João sehe bautisaro niha. Tinare bautisaro Jesu cãhure bautisaha. To ã bautisachũ, Jesu diapũ ducuriro Cohamacũre to sinino watoi mũano parĩ mũa wahaha. ²² To parĩ mũari baharo Espiritu Santo buja yoaro sehe Jesu buipũ duji taha. To ã duji tachũ mũanopũ durucuro coa taha:

—Mũhũ yũ macũ yũ cahĩro jira. Mũhũ mehne wahcheja —nino coa taha mũanopũ.

Jesu coyea panopũ macainare yahua jira ahri
(Mt 1.1-17)

²³ Jesu to buhe dũcari cãhmare treinta cãhmari cjũaha tiro. “Tiro José macũno jira”, ni tũhotumaha masa. José sehe Elí macũno jiha. ²⁴ Elí Matat macũno jiha. Matat Leví macũno jiha. Leví Melqui macũno jiha. Melqui Jana macũno jiha. Jana José macũno jiha. ²⁵ José Matatías macũno jiha. Matatías Amós macũno jiha. Amós Nahum macũno jiha. Nahum Esli macũno jiha. Esli Nagai macũno jiha. ²⁶ Nagai Maat macũno jiha. Maat Matatías macũno jiha. Matatías Semei macũno jiha. Semei Josec macũno jiha. Josec Joiadá macũno jiha. ²⁷ Joiadá Johanán macũno jiha. Johanán Resa macũno jiha. Resa Zorobabe macũno jiha. Zorobabe Salatíe macũno jiha. Salatíe Neri macũno jiha. ²⁸ Neri Melqui macũno jiha. Melqui Adi macũno jiha. Adi Cosam macũno jiha. Cosam Elmodam macũno jiha. Elmodam Er macũno jiha. ²⁹ Er Josué macũno jiha. Josué Eliezer macũno jiha. Eliezer Jorim macũno jiha. Jorim Matat macũno jiha. ³⁰ Matat Leví macũno jiha. Leví Simeo macũno jiha. Simeo Juda macũno jiha. Juda José macũno

jiha. José Jonan macũno jiha. Jonan Eliaquim macũno jiha. ³¹ Eliaquim Melea macũno jiha. Melea Mená macũno jiha. Mená Matatá macũno jiha. Matatá Natán macũno jiha. ³² Natán Davi macũno jiha. Davi Jesé macũno jiha. Jesé Obed macũno jiha. Obed Booz macũno jiha. Booz Sélah macũno jiha. Sélah Nahasón macũno jiha. ³³ Nahasón Aminadab macũno jiha. Aminadab Admín macũno jiha. Admín Arní macũno jiha. Arní Esrom macũno jiha. Esrom Fares macũno jiha. Fares Juda macũno jiha. ³⁴ Juda Jacobo macũno jiha. Jacobo Isaa macũno jiha. Isaa Abrahã macũno jiha. Abrahã Taré macũno jiha. Taré Nahor macũno jiha. ³⁵ Nahor Serug macũno jiha. Serug Ragau macũno jiha. Ragau Péleg macũno jiha. Péleg Éber macũno jiha. Éber Sélah macũno jiha. ³⁶ Sélah Cainán macũno jiha. Cainán Arfaxad macũno jiha. Arfaxad Sē macũno jiha. Sē Noé macũno jiha. Noé Lame macũno jiha. ³⁷ Lame Matusalē macũno jiha. Matusalē Enoco macũno jiha. Enoco Jared macũno jiha. Jared Mahalaleel macũno jiha. Mahalaleel Caina macũno jiha. ³⁸ Caina Eno macũno jiha. Eno Sete macũno jiha. Sete Adão macũno jiha. Adão Cohamacũ to yoariro jiha.

4

Watĩno ñaare yoa dutimaha Jesure
(Mt 4.1-11; Mr 1.12-13)

¹ Jesu Espiritu Santo to dutiro se-heta yoa pahĩro jiro, tiro Jordão wama tiri mapũ jiro tjuua wahaha. To ã tjuua wahachũ Espiritu Santo sehe tirore masa marienopũ naaha. ² Tópũ sũro cuarenta dachori waro jiha. Tópũ to jiro wato watĩno sehe Jesure ñaare yoachũ cahmamaha. ã jiro ñaare yoa dutimaha tirore. Tí dachorire Jesu chũeraha. ã jiro tí dachori pichtichũ waro tiro jũca baaha.

³ To ã jũca baachũ ñũno watĩno õ sehe nimaha Jesure:

—Muhu Cohamacu macuno jicu, ahria tãcare chua dojomehnega — nimaha Jesure.

⁴ Jesu õ sehe ni yuhtiha:

—Yoaeraja. Cohamacu yare ti joari pui õ sehe nina: “Masare chua mehne dihta catieraro cahmana. [Jipihitia Cohamacu ya yahua mehne jiro cahmana]”, nina Cohamacu —ni yuhtiha Jesu watĩnore.

⁵ To ã niri baharo watĩno sehe tirore tãcu muadu buipũ na mũa sũrota jipihitia macari perire ño bahrañoaha Jesure. ⁶ ã ñono Jesure õ sehe ni yahuha:

—Jipihitia ahri macari yuhure to wari cjiri jira. ã jicu yũ cahmarirore wa masija. ã jicu ahri macarine, ti cjuua mehne muhure waihtja. (Yu ã wachu ahri macari macainare muhu dutiuhca.) ⁷ Yuhure mu ño payochu ahri macari jipihitia macarine muhure waihtja —niha watĩno Jesure.

⁸ Jesu õ sehe ni yuhtiha tirore:

—Muhure ño payoeraja. Õ sehe nina Cohamacu yare ti joari pui: “Mu puhtoro Cohamacu dihtare ño payoga. To ya dutia dihtare yoaga”, ni joaa tiha Cohamacu yare —niha Jesu watĩnore.

⁹⁻¹¹ To ã niri baharo Jerusalẽpu watĩno sehe tirore na wahcã, Cohamacu wuhu bui na sũha tirore. Na su tuhsu tirore õ sehe nimaha:

—Cohamacu yare ti joari pu õ sehe nina:

“Cohamacu yaina anjoare muhure ñu wihbo dutirohca. ã jia tina sehe muhure ñu wihboahca, ‘Muhuru tãcaru puha tu muari’ nia”,

ni joaa tiha Cohamacu yare ti joari pui. To ã niri quihõno jichu muhu Cohamacu macuno jicu, yahpau pju bora ño ñujuta yuhure. Muhure yoadohochu ño ñujuta yuhure —niha watĩno Jesure.

¹² Jesu pju bora ño duaeraro õ sehe ni yuhtiha tirore:

—Cohamacu yare ti joari pui õ sehe nina: “Musa puhtoro Cohamacu

to niri cjirire ‘¿Potocã tjijari?’ ni masi duana, Cohamacu yoa ño duti macaena tjiga”, nina Cohamacu yare ti joari pui —niha Jesu watĩnore.

¹³ ã jiro watĩno jipihitia ñaare Jesure yoa dutimaha. ã duti tuhsuro mahancã duhu wahcãsinia.

Galilea yahpai Jesu buhe dũcaha
(Mt 4.12-17; Mr 1.14-15)

¹⁴ Baharo Jesu Galileapu tjuaa wahaha. ã jiro, tiro Espĩritu Santo tuua mehne yoaha. Tõ jipihitiropu masa tirore quiti tiha. ¹⁵ Judio masa buhea wuhusei tiro buhea tiha. ã jia jipihitina masa tirore noano durucuha.

Nazare macaina Jesure ne cahmaeraha
(Mt 13.53-58; Mr 6.1-6)

¹⁶⁻¹⁷ Baharo Nazarepu Jesu to bucuariropũta tju sũha. Tõpu tju sũro, Sabado jichu to ã yoarucuriro seheta tiro judio masa ti buheri wuhuru sãa sũha. Tõ tiro Cohamacu yare ti joari pũre buhero taro ducuha. To ã ducuchu ñu tõ macaina sehe Cohamacu yare yahu muhtariro Isaia cjiro to joari pũre tirore waha. Tõ pui Jesu ahri yahuare bocaro buheha:

¹⁸ “Cohamacu to Espĩritu yuhu mehne jiro, yuhure dutira.

Tiro pjuacũoinare noaa buheare yahu dutiro warocare yuhure.

ã yoa peresupu jiina cãhure tinare to yuhdohtore yahu dutiro warocare yuhure.

Capari ñueraina ti noano ñuhto cjihtore, painare ti ñano ti yoapeinare wiohtiro cjihtore yuhure warocare.

¹⁹ Mari puhtoro Cohamacu to yainare pichacaru wahaborinare to yuhdohtore yuhure yahu dutiro warocare”,

ni buheha Jesu.

²⁰ ã ni buhe tuhsu Jesu ti pũre noaria turẽnoca, wuhu macarirore wia tuhsu, dujia. To dujichu ñu tõ jiina jipihitina tiro dihtare ñuaha. ²¹ Tõ ã yoachu tiro tinare õ sehe ni yahu dũcaha:

—Ahri michapucacã yu buheriro seheta Cohamacu to niriro mu suro nina —niha Jesu.

²² To ã nichu tuhoa “Ahriro noariro jira”, ni tuhotuha tina. A jia tina to noano buhechu tuhoa, cuaa wahaha. A cuaa waha, õ sehe niha tina ti basi:

—Cuenah, ¿José macuno jierajari ahriro? —niha tina ti basi.

²³ Ti ã nichu masino Jesu õ sehe ni yahuha tinare:

—Yu buheare tuho duaerana, õ sehe ni tuhotura musa yuhure: “Duh-turu dohatiro to basi co ti masina duhturu waro to jiare ñono. Muhu cãhu duhturu to yoa ñono seheta mu niriro sehe jiriro jicu Cohamacu tuua mehne yoa ñoga sãre. Capernaupure Cohamacu tuua mehne yoa ñoyuhti muhu. Sã cãhure ã yoa ñoga, mu buheare ‘Potocã tjira’, sã ni masihto sehe”, ni duara musa yuhure.

²⁴ Ahrire yahuhtja musare. Cohamacu yare yahu muhtarirore to ya maca macaina cahmaerara. A jina yuhure cahmaerara musa õi yu bucariro jichu. ²⁵ Yuhure tuhoga mipure. Panopu Elia to jiri pjapure tia cahma noano pa cahma dacho maca waroi ne coro taeraha. A jiro jipihtiroputa ne chua mariaha. Ti pjare payu wapewahya Israe yahpamu ti jipachuta Cohamacu Elia cijirore tinare yoadoho dutiro warocaeraha. (Eliare, Cohamacu ya cãhure ti cahmaerachu ñno tinare yoadoho dutiro warocaeraha.)

²⁶ To ya macare ã yoa dutieraparota pa yahpai Sidõ cahai jiri macai Sarepta wama tiri maca macaricoro wapewahyorore yoadoho dutiro Elia cijirore warocaha Cohamacu.

²⁷ Baharo Cohamacu yare yahu muhtariro Eliseo cijiro to jiri pjapure Israe yahpamu payu cami baina ti jipachuta cãiro Israe masunore ne noariro wahachu yoeraha Eliseo cijiro. To ya yahpa macainare yoeraparota Naaman wama tirirore Siria yahpa macariro dihtare noariro wahachu yoaha tiro. A yoaro Israe masare yoadohoeraro, Israe

masuno jierariro sehere yoadohoha Cohamacu —niha Jesu tinare.

²⁸ To ã nichu tuhoa jipihtina ti wuhui jiina sua yuhduha wahaha. ²⁹ A jia tina wahcãruca, Jesure na wijaa, ti maca duhtu cahai jiri cunupu tirore tjuroca boro duamaha. ³⁰ Ti ã yoa duapachuta Jesu ti watoihita wahaa wahaha.

Watino to cohtotariro Jesure piti bocaha

(Mr 1.21-28)

³¹ Baharo Jesu Galilea yahpai jiri macapu Capernau wama tiri macapu su, Sabado jichu masare buheha. ³² Tiro noano masi pahñoriro to buhechu tuhoa masa tuho cuaa wahaha. ³³ Ti wuhui watino to cohtotariro jiro, õ sehe ni tuaro sañurucuha:

³⁴ —Muhu Jesu Nazare macariro sãre cariboi tjia muhu. ¿Dohse yoai tai nijari sãre? ¿Muhu sãre butichu yoai tai nijari? Yuhu masija Cohamacu macuno, ñaa marieriro mu jiare —ni sañurucuha Jesure.

³⁵ To ã nichu tuhoru Jesu tuhtiha watinore:

—Dihta mariahga. Wijaaahga tirore —niha Jesu.

To ã niri baharo masunore watino sehe yahpamu doca caha su tunuchu yoaro, tirore wijaaahga. To ã yoari baharo tiro sehe noariro tjuaha. ³⁶ Tõi jiina jipihtina to ã wahachu ñ cuaa wahaha. A jia ti basi õ sehe ni durucuha:

—¿Yaba baro buhea jijari ahri ã wahachu yoaa? Cuenah. Tuaru mehne puhtoro yoaro seheta ahriro watifare dutira. A jia to dutiro seheta tina masare wijaaahga —ni durucuha tina ti basi.

³⁷ To ã yoachu ñna ti yahpamu jipihtiropu masa Jesu yoarire yahu siteha.

Jesu Simo Pedro marechonore noaricoro wahachu yoaha

(Mt 8.14-15; Mr 1.29-31)

³⁸ Judio masa ti buheri wuhure wijaa, Simo ya wuhupu sãa suha Jesu. Tõi Simo marechono dohati, tuaro

juaro tiha. Æ jia tina ticoro to dohatichu yahuha Jesure. ³⁹ Ti ã yahuri baharo tiro ticoro cahai su, juarore suru dutiha. To ã suru dutiri baharo ticorore juaro surua waha, dóihta noaricoro wahaha. Ticoro ã waharo wahcã nuju su, tinare chũare payoha.

Payu dohatiinare noaina wahachu yoaha Jesu

(Mt 8.16-17; Mr 1.32-34)

⁴⁰ Sã sãari baharo jipihtina masa tó cahai jiina dohatiinare Jesu cahapu na suha. Dohatiina payu soro jia dohatiare cjuaha. Æ jiro Jesu to wamomacari mehne tina bui ña payo, jipihinare ti dohatiare noano yuhduchu yoaha. ⁴¹ Watia cũhure Jesu to wijaa dutichu tina wijaa wahaa, õ sehe ni sañurucuha:

—Mũhu potocãta Cohamacu macũno jira —niha tina Jesure.

Jesu Cohamacu warocariro to Cristo to jichu watia masiha. Æ jiro Jesu tinare durucu dutieraha, “Cristo jira”, ni yahu siteri”, nino.

Galilea yahpai buheha Jesu

(Mr 1.35-39)

⁴² Bohrea mija tachu Jesu tí macai jiriro waha, masa marienopu suha. To ã sũri baharo masa tirore maca, boca suã õ sehe niha:

—Sã ya macai tjuaga. Wahai tjiga —nimaha tina Jesure.

⁴³ Ti ã nipachuta tiro sehe õ sehe ni yuhtihã:

—Cohamacu masare puhtoro to noano suho jiare noaa buheare paye macaripu cũhure buhero cahmana yũhure. Cohamacu yũhure warocare tíre yahuhtirore —niha Jesu tinare.

⁴⁴ Æ ni tuhsũro judio masa ya yahpa macaa wũhũsei, judio masa ti buhea wũhũsei tiro buhe tiniha.

5

Jesu to buheinare payu wahire bocachu yoaha

(Mt 4.18-22; Mr 1.16-20)

¹ Pa nũmu Jesu Genesare wama tiri bũcũpariro duhtu cahapu suha. Tóti to jichu ñua payu masa Cohamacu

yare tuho duaa tirore nũnu ti suha. Noano wahpa tarũcu suha masa peri. ² Puaria bũso padũroi pahsaa bũsore Jesu ñuha. Tí bũso macaina wahi wajãina maja sũrũca, ti wañũyucũre cosaa niha. ³ Æ jiro Jesu Simo yariapu samua wahaha. Samu tuhsu tia dohoriare dia duhtu cahai coãriare siõ buhu dutiha. Tuhsu, dohoriapu duji, masare buheha. ⁴ Buhe tuhsu, Jesu Simore õ sehe niha:

—Dacho maca cureroi siõ wioga. Æ jina mũhu mehne macaina mehne mũsa wañũyucũre doca ñoga wahi ñahana —niha Jesu.

⁵ To ã nichu tuhoro Simo Jesure õ sehe ni yuhtihã:

—Puhtoro, wahi maca bohreamahi sã micha ñamine. Bohreapanahã ne cãirocã wajãerahti sã. Æ wajãerapanahã mu dutiro sehetã doca ño ñũnahãtja —ni yuhtihã Simo.

⁶ Æ ni tuhsu tina doca ñoha. Æ ti doca ñochu ti wañũyucũre payu wahi sãaha. Payu ti sãachu wañũyucũ tuhũna wahamaha. ⁷ Æ wahachu ñua tina paria macainare tina mehne macainare pjirocãha:

—Mũsa cũhu yoadohona tagã sãre —ni pjirocãha Simo cũhu.

Tina ti ã yoadohori baharo puaria bũso noano minipahro bocaã wahire. ⁸ Simo Pedro ã wahi payu ti sãachu ñũno, Jesu panoi na tuhcua cãha su, tirore õ sehe ni yahuha:

—Yu puhtoro, mũhu mehne jiboriro jieraja yũhu. Ñariro jija yũhu. Æ jicu mu cahai ji masieraja —niha Simo Pedro Jesure.

⁹ Tiro, jipihtina tiro mehne macaina cũhu payu wahi sãachu ñua, cũaa wahaha tina cũhu. ¹⁰ Puaro Simo Pedro mehne macaina Zebedeo pohã Santiago to bahũro João mehne, tina cũhu ñu cũaa wahaha. Ti ã cũachu ñũno Jesu Pedore õ sehe ni yahuha:

—Cũaescu tjiga. Mipure mũhu wahire ñaha cahmachuriro mu jiro sehetã Cohamacu yaina cjihtire pji cahmachuriro jiihca mũhu —niha Jesu Simo Pedore.

¹¹ To ã niri baharo tina ti busore busupariro duhtu cahapu waja mo cunoca, ti ya jipihtiare toihta cunoca, Jesu mehne wahaa wahaha.

Jesu cami barirore noariro wahachuyoa

(Mt 8.1-4; Mr 1.40-45)

¹² Æ yoa Jesu pa macai to jichu cami bariro tirore piti boca. Æ piti bocaro tiro Jesure ñu, na tuhcuca caha su, õ sehe ni tuaro siniha:

—Puhtoro, mahu yoa duacu yuhure noariro yoa masina mahu —ni siniha.

¹³ To ã niri baharo Jesu tirore ña payoro õ sehe niha:

—Tire yoa duaja. Mipure noariro jiga mahu —niha.

To ã nichuta to cami bari cjiri yati muu wahaha. ¹⁴ Æ jiro Jesu tirore õ sehe ni dutiha:

—Ahri yu õ sehe yoirere painare yahui tjiga. Sacerdote cahi wahaga mipure. Æ jicu mu pjacure noari pjacu to waharire ñoga tirore. Cohamacu dutia Mojsere to cõri to niriro seheta yoaga. Æ yoacu sacerdotere puaro minichahcare waga noariro mu waharire sacerdotere ñoi tai —niha cami bariro cjirore.

¹⁵ “Yahui tjia”, to nipachuta jipihitropu masa tirore yahu site namoha. Ti ã yahu sitechu tuhoa masa payu tiro cahapu suha. Dohatina noaina waha duaa, tina cõhu tiro cahapu suha. ¹⁶ Ti ã supachuta Jesu masa marienopu Cohamacure sinino wahaha.

Jesu pjacu bharirore noariro wahachuyoa

(Mt 9.1-8; Mr 2.1-12)

¹⁷ Pa dachoi Jesu to buhechu fariseo curua macaina, judio masare buheina cõhu toi dujiha. Tina jipihitina Galilea yahpai jia macari macaina, Judea yahpai jia macari macaina, Jerusalẽ macaina jiha. Ti ã jichu ñuno Jesu Cohamacu tuua mehne dohatiinare noaina wahachu yoaha. ¹⁸ Mahainacã muu pjacu bharirore to coãri cahsaro mehne yo wua wihiha. Æ jia tirore Jesu cahi

cõ duaa, wuhupu yo sãa duamaha tina tirore. ¹⁹ Æ sãa duapahta masa payu jichu tina tirore yo sãa masieraha. Æ jia tirore wuhu buipu yo mujaha. Yo muja su, mahanocã muji pahmare nawe, ti copai pjacu bharirore to coãri cahsaro mehnetu duhu boroha Jesu cahi jiina watoi. ²⁰ “Jesu ahrirore to dohatiare yuhduchu yoarohca”, ni tuhoutuha tina. Ti ã ni tuhoutu masino Jesu pjacu bharirore õ sehe ni yahuiha:

—Coyeiro, mu ñaare yoari buhiri tiare yuhu cohã tuhsuja —niha Jesu tirore.

²¹ To ã nichu tuhoa fariseo curua macaina, judio masare buheina cõhu ti basi õ sehe ni tuhutumaha: “Ahriro ã ni durucuero tjijaro. Tiro masano mari yoaro sehe jiro, ñaare to yoari buhiri tiare cohã masierara. Cohamacu dihta masa ti ñaare yoari buhiri tiare cohã masina”, ni tuhutumaha tina.

²² Jesu ti ã ni tuhutuare masino, õ sehe niha:

—¿Dohse yoana ã ni tuhutujari musa? ²³ “Mu ñaa yoari buhiri tiare yuhu cohã tuhsuja”, yu nichu, “Mahñoriro jira”, yuhure nina musa noano masierapanahta. “Wahcãrucu wahaga”, yu nichu yu niri potocã jia jichu doihta masinahca. ²⁴ Yuhu masano Cohamacu warocariro ahri yahpai ti ñaare yoari buhiri tiare cohã masija yuhu. Masa ti ñaare yoari buhiri tiare cohãhtiro cjihtore cõre Cohamacu yuhure. Yu ã cohãrine musa masihto sehe õ seheta yoa ñoihtja musa ñuhti cjihtire —niha Jesu.

Æ ni tuhsu pjacu bharirore õ sehe niha:

—Muhure niita nija. Wahcãrucaga. Mu coãri cahsarore na wahcãga mu ya wuhupu —niha tirore.

²⁵ To ã nichu tuhoroa jipihitina ti ñurocaroi wahcãrucu, to coãri cahsarore na, to ya wuhupu tjuaa wahaha. Æ waharo tiro Cohamacure ño payoro, wahchea mehne noano durucuha. ²⁶ To ã yoachu ñua masa sehe jipihitina cuua wahaha. Tina

cuaa waha, Cohamacure ño payoa, wahchea mehne noano durucuha:

—Michare soro jiare ñahi sã —niha tina.

Jesu Levíre piha

(Mt 9.9-13; Mr 2.13-17)

²⁷ ã yoa tuhsu waha, Leví wama tirirore to dahrari tahtiapu jirirore boca sãha Jesu. Leví sehe puhto ya cjihtire masare wapa na cohtariro jiha. ã boca sãro tirore õ sehe niha:

—Yuhu mehne macariro cjihto taga muhu —niha tiro Levíre.

²⁸ To ã nichu Leví sehe jipihtia to dahraare duhunoca, Jesu mehne waha wahaha.

²⁹ Baharo Leví ya wãhuí bõse numu Jesure yoa payoro niha. Tõ payu wapa na cohtaina, paina cãhu Leví mehne dujiha. ³⁰ Tina mehne Jesu cãhu ti dujichu ñã mahainacã fariseo curua macaina, judio masare buheina mehne sua, Jesu buheinare õ sehe ni sinitu ñãha:

—¿Dohseana ñano yoaina, wapa na cohtaina mehne chuajari masa? —ni tuhtiha tina.

³¹ Ti ã nichu tuhoro Jesu yuhtiha tinare. Õ sehe ni piti dahre buheha:

—Dohatieraina duhturure macaerara. Dohatiina dihta duhturure macana. Ñaare yoaina dohatiina yoaro sehe jira. ³² ã jicu ñaare yoainare yahui tai nihi yuhu Cohamacure cahma duticu. Ti basi “Noaina jija sã”, ni tuhutuinare yahui tai nierahi yuhu —niha Jesu.

Chu duhuare Jesure sinituha paina

(Mt 9.14-17; Mr 2.18-22)

³³ ã yoa mahainacã masa Jesure õ sehe ni sinitu ñãha:

—João buheina payu tahari Cohamacure ño payoa taa chu duhura. ã yoa, tina payu tahari Cohamacure sinina. Fariseo buheina cãhu ti yoaro seheta yoara. Ti ã yoapachuta mu buheina sehe Cohamacure ño payoa taa chu duhuerara. ¿Dohse yoa ã yoerajari tina? —niha tina Jesure.

³⁴ Ti ã nichu Jesu to tuhutua mehne quitu dahre buhero taro tinare õ sehe ni yuhtiha:

—Õ sehe jira ti: Wamomaca duhteropu ti pjirocaina wamomaca duhteriro mehne jia, chu duhu masierara. Tõ seheta yu buheina cãhu yuhu mehne jia, chu duhu masierara. Yuhu wamomaca duhteriro yoaro sehe jija. Wamomaca duhteriro bõse numu to yoachu tiro mehne macaina chueraina jierara. ³⁵ Yu Pucu Cohamacu yãhure to naari baharo pinihtare yu buheina mehne jisi yuhu. ã jia tí pjaruta yu buheina cãhu chu duhuahca —niha Jesu.

³⁶ Panopu macaa buhea wahma buhea mehne ti buhe more duachu ñuno õ sehe ni namoha Jesu tinare piti dahre buhero:

—Ne wahma suhtirore mahari cahsarocã tuhrẽ na, manano suhtirore sere õno cahmaerara. Mari ã sere õna wahma cahsarore tuhrẽ cohãna nija. ã yoa wahma cahsaro manano suhtiro mehne cãno potori bajuerara. (Tõ seheta mana buhea wahma buhea mehne piti dahre buheraro cahmana.)

³⁷ ã yoa ne se co bisia core wahiquiro cahsaro wajuru mehne mana wajuru mehne posaeraro cahmana. Mari ã yoachu se co bisia pahmoapu mana wajurure tuhrẽnocahna. To tuhnuchu se co cãhu, wajuru cãhu cohõa wahara. ³⁸ ã yoa se co wahma core wahma wajurupu posaro cahmana. Mari ã yoachu se co cohõera, wajuru cãhu cohõerara. (Tõ seheta wahma buhea mana buhea mehne buhe moreraro cahmana.)

³⁹ Mana core masa ti sihniri baharo, wahma core cahmaerara tina. Õ sehe nia tire masa: “Mana co wahma co bui curero noaa jira”, nia tire masa —niha Jesu tinare.

6

Sabado jichu Jesu buheina trigo parorire paha yuhdu wahcãha

(Mt 12.1-8; Mr 2.23-28)

¹ Pa dacho Sabado jichu Jesu cãhu trigo wesepu sãha. Tõpu su, to buheina sehe trigo parorire paha, tí pohcarire sahca site boro, tí yaparire

ch_u wahcãa niha. ² Ti ã yoach_u ñ_ua mahainacã fariseo curua macaina tinare õ sehe ni sinituha:

—¿Dohse yoana m_usa Sabado mari sori n_um_u to jipach_uta dahrajari? Marine dutiare y_uhd_ur_ucana nina m_usa —niha fariseo curua macaina Jesure.

³⁻⁴ Ti ã nich_u t_uhoro Jesu tinare y_uht_uha, (“Y_u buheina y_uhd_ur_ucaa nierara”), nino taro:

—Davi cjiro tiro mehne macaina mehne j_uca baaro, Cohamac_u w_uh_ur_u sãa, Cohamac_u ya pãore ch_uha. ã ch_uro tó mehne macaina c_uh_ure tí pãore ch_u dutiuro waha. Tí pãore sacerdotia dihtare ch_u dutira. Cohamac_u dutia tí pãore painare ch_u dutierara. ¿Davi cjiro tíre to yoari cjiro buherari m_usa? (Tí pãore ch_uro Cohamac_ure y_uhd_ur_ucaro nieraha. Michare ahri yaparire ch_ua y_u buheina c_uh_u Cohamac_ure y_uhd_ur_ucaa nierara.) ⁵ Y_uh_u mas_uno Cohamac_u warocariro ahri dacho Sabado dachore masa ti yoah_utire yahurirota jic_u p_uhtorota jija —niha Jesu.

*Wamomaca b_uhariro qiti jira
(Mt 12.9-14; Mr 3.1-6)*

⁶ Pa dacho Sabado jich_u Jesu judio masa ti buheri w_uh_ur_u sãa s_uro, buheha masare. Tóí wamomaca potó b_uh_usehe b_uhariro jiha. ⁷ Mahainacã judio masare buheina, fariseo curua macaina c_uh_u Jesure yahusã duamaha. “Sabado dachoi mas_uno noariro wahach_u yoaboca Jesu” ni, ñ_u n_un_u yahusã duamaha tina Jesure. ⁸ Jesu ti t_uhotuare masino, b_uharirore õ sehe niha:

—Wahcã s_ur_ucaga jipihtina ti ñ_urocaroi —niha tirore.

To ã niri baharo b_uhariro sehe wahcãr_uc_u s_u, tóí ducuha. ⁹ ã jiro Jesu tinare õ sehe ni sinituha:

—M_usare sinituihtja: ¿Sabado jich_u yabare yoa dutijari Cohamac_u dutia? ¿Noaare yoach_u noajerari? ¿O ñ_uaare yoach_u sehere noajari, m_usa t_uhotuch_u? Sabado jich_u mas_uno masoch_u noa nina. Sabado jich_u

mas_unoare wajãch_u sehere noajerari —niha Jesu tinare.

¹⁰ ã nino Jesu tinare ñ_uroca õ pah_uño, b_uharirore õ sehe niha tjoa:

—M_u wamomacare siõrocaha —niha tiro.

To ã nich_uta b_uhariro sehe siõroca, noari wamomaca wahaha. ¹¹ To ã yoach_u ñ_ua tina Jesu mehne tuaro suaha. ã suaa õ sehe niha:

—¿Dohse yoanahcari mari ahrirore? —niha tina ti basi.

*Jesu to buheinare doce to waroc-
ah_utinare bese dapoha
(Mt 10.1-4; Mr 3.13-19)*

¹² Tí dachorire Jesu tãc_ur_u Cohamac_ure sinino m_ujaa wahaha. Tóru jiro, ñ_uamine Cohamac_u mehne durucu bohreaha. ¹³ Bohrearop_u to buheinare to cahap_u pjirocaha. Pjiroca tuhs_u, tina mehne macainare doce waro to warocah_utinare bese dapoha. ¹⁴⁻¹⁵ Ahri jia Jesu to bese daporina: Simo jia. Simo Pedro ni pisuha Jesu sehe. Simo bah_uro Andre, Santiago, João, Felipe, Bartolomé, Mateo, Toma, Santiago jia. Santiago sehe Alfeo mac_uno jia. ã jia Simo cananista ya curua macariro cjiro, ¹⁶ Juda Santiago mac_uno, Juda Iscariote tina jia to bese daporina. Juda Iscariote sehe Jesure ñ_u tuhtiinare ñ_uhtiro jia.

*Jesu pay_u masare buheha
(Mt 4.23-25)*

¹⁷ ã yoa Jesu to buheina mehne tãc_u buip_u jirina duji taa, pay_u paina to buheina mehne duji wihir_uca, noari wapai ducuha tina. Jipihtiro Judea yahpa macari macaina, Jerusalẽ macaina, Tiro wama tiri maca macaina, Sidõ wama tiri maca macaina, pjiri ma d_uht_u cahai jia macari macaina masa pay_u tiro cahap_u wih_uha. ¹⁸ Tina Jesu buheare t_uhoa taa, ti dohatiare cohãch_u cahmaha tina. Watã ti cohtotarina c_uh_u tiro cahap_u wih_u, noaina wahaha. ¹⁹ Jesu to tuua mehne noaina wahach_u yoaha tinare. ã jia tina jipihtina tirore dahra ñ_ua taha.

Jesu wahcheare, cahyaa cãhure buheha

(Mt 5.1-12)

²⁰ Baharo Jesu to buheinare ñu, õ sehe ni yahuha:

—Musa pjacuoina, puhtoro Cohamacu to suho jiropu wahanahca musa. ã jina musa wahchenahca.

²¹ 'Mipure musa juca baaina yapiina jinahca. ã jina wahchenahca.

'Mipu tiina jina, baharo musa bujunaahca. ã yoa musa wahchenahca.

²² 'Yuhu masuno Cohamacu to warocariro jija. ã jina yu yare yoaina musa jiri buhiri paina musare ti ñu tuhtipachuta wahcheina jira musa. Musare ti cohãpachuta wahchenahca. Musare ti ñano durucupachuta "Ñaina jira", musare ti nipachuta musa sehe wahchenahca. ²³ Musare ti ã yoachu ñuno manopu musa suchu pjiro noano yoarohca Cohamacu musare. ã jina tuaro wahcheina jiga. Noano yajeripohna tiina jiga. Musare ñu tuhtiina ti coyea ranopu macaina to sehetã ñano yoaha Cohamacu yare yahu mahtaina cjiri cãhure.

²⁴ ã yoa musa mipu payu cjuaina ahri yahrapu musa noano jinoca tuhsure. ã jina ñano yuhduina jinahca musa.

²⁵ 'Mipu yapiina musa juca bahahca. Musa ã jina ñano yuhduinahca.

'Mipure musa bujuina jina baharopu musa cahya, tiinahca. ã jina musa ñano yuhduinahca.

²⁶ "Cohamacu yare yahu mahtaina jija", ni mahñoinare "Noaina jira", nimaha payu ranopu macaina. ã nimarina ti coyea mipu macaina cãhu ãta "Noaina jira", niboca cãina musa mehne macainare. Ti ã nimarina musa jina ñano yuhduinahca musa cãhu —ni buheha Jesu.

Musare ñu tuhtiina ti jipachuta tina cãhure cahiga

(Mt 5.38-48; 7.12)

²⁷ ã yoa õ sehe ni buhe namoha Jesu:

—Yuhure tuho duainare, musareta nii nija. Musare ñu tuhtiina ti

jipachuta tina cãhure cahiga. Musare ñu tuhtiinare noano yoaga. ²⁸ Musare "Ñano yuhdujaro", niina ti jipachuta noa dutiga tinare. Musare ñano yoaina ti jipachuta "Tina cãhu noano jijaro", ni sini payoga Cohamacure. ²⁹ Cãiro musa wahsupure to cjãchu, pa buhusehe cãhure cjã dutiga tirore. Musa bui macari suhtirore to machu musa camisa cãhure ã wanocahga tirore. ³⁰ Musare sinirirore to sinino purota waga tirore. Musa yare to nachu tirore sinituena tjia pari turi tire. ³¹ Paina musare ti noano yoachu cahmana musa. Tinare musa noano yoachu cahmano sehetã musa cãhu noano yoaga tinare. Musare ti noano yoerapachuta musa sehe tinare noano yoaga.

³² 'Musare cahina dihtare musa cahichu ti ne yaba cjihti jierara paina sehere musa cahierachu. Ñaina cãhu tinare cahina dihtare cahina. ³³ ã jina musare noano yoaina dihtare musa noano yoachu ti cãhu ne yaba cjihti jierara paina sehere musa noano yoerachu. Tíre ñaina cãhu yoaa tire. ³⁴ ã yoa "Yuhure wiaa tire", musa niina dihtare musa wasochu ne ti yaba cjihti jierara. Ñaina cãhu painare "Yuhure wiaa tire", ti niinare wasoa tire. ³⁵ ã jina musa sehe musare ñu tuhtiina cãhure cahiga. ã yoa, tinare noano yoaga. Pairore wasona "Yuhure ne wiasi ahriro", ni tuhotuenata tirore wasoga. Cohamacu sehe tirore ji coeraina cãhure, ñaina cãhure noano yoara. To yoaro sehetã yoaga musa cãhu. Musa ã yoachu Cohamacu pjiro noano yoarohca musare. Musa ã yoana Cohamacu tua yuhduariro manano macariro pohna jinahca. ³⁶ Mari Pucu manano macariro to pja ñariro sehetã musa cãhu masare pja ñuga —ni yahuha Jesu.

Paina cãhure "Ñaina jira", niina tjiga

(Mt 7.1-5)

³⁷ ã yoa tinare õ sehe ni yahu namoha:

—Painare “Ñaina jira”, niena tjiga m_{usa}. M_{usa} ã nierach_u Cohamac_u m_{usa} c_uhure “Ñaina jira”, nisi. Paina m_{us}are ti ñano yoarire ti ñano niri c_uhure boga m_{usa}. M_{usa} ã boch_u ñ_uno Cohamac_u m_{usa} c_uhure m_{usa} ñaa yoari buhirire borohca. ³⁸ Paye barore c_uana painare waga. M_{usa} ã wach_u Cohamac_u m_{us}are warohca. Æ waro noano quih_ono m_{us}are pj_uro warohca. Wahpa y_uhd_uaro warohca. Painare m_{usa} wariro purota Cohamac_u m_{usa} c_uhure warohca — niha Jesu tinare.

³⁹ Æ ni tuhs_u Jesu quit_i mehne piti dahre buhero õ sehe ni yahu namoha:

—Capari ñ_ueraina sahsero ti basi noano t_uã wahcã masierara. Æ t_uã wahcãa, tina p_uaro doca wahã s_u bora sãa wahaahca copap_u. (Tó seheta Cohamac_u yare masieraina painare buhe masierara. Æ jia tina jipihtina pichacap_u wahaahca.) ⁴⁰ Buheina tinare buherirore masi y_uhd_urucaerara. Æ jipahta jipihtina buheina ti noano buhe pah_uori baharo tinare buheriro yoaro seheta jahca —niha Jesu.

⁴¹ Æ ni tuhs_u paye quit_i mehne yahu namoha:

—Mari piti dahre buhech_u õ sehe yoaina jira m_{usa}: M_{usa} coyeiro to capariacap_u mahari pohcarocã to sãach_u tí pohcarocãre noano ñ_una m_{usa}. M_{usa} ya capariacare pjiri pj_i to jipach_uta tí pj_ine ne ñ_uerara m_{usa}. (Mahari pohcarocãre m_{usa} ñ_uno seheta m_{usa} coyeiro to ñano yoaa sehere noano ñ_una m_{usa}. M_{usa} basi m_{usa} ñ_uare tuaro yoapanah_uta tíre masierara m_{usa} pjiri pj_ine m_{usa} ñ_ueraro seheta.) ¿Dohse jiro baro ã jijari m_{usa}? ⁴² Õ sehe niina yoaro sehe jira m_{usa}: “Coyeiro, m_uh_u ñ_uare yoai nica m_uh_u. Æ jic_u tíre duhuga”, niina yoaro sehe jira m_{usa}. Æ niina jipanahta pj_uro ñ_uare yoara m_{usa} sehe. ¿Dohseana m_{usa} ñ_uare yoapanah_uta tíre masierajari m_{usa}? Masa ti baharo buh_usehei ñano yoaa cohtaina jira m_{usa} ã yoaina. Pjiri

pj_ine m_{usa} capariacai jiri pj_ine m_{usa} na m_uhtaboriro seheta m_{usa} ñaa yoaa sehere duhu m_uhtaga. M_{usa} ã yoari baharo m_{usa} coyeiro to ñano yoaa duhuch_u yoaa masiboca mahari pohcarocãre m_{usa} naboro seheta —ni buheha Jesu.

Masa ti durucuaru t_uhona ti jia tiare masija mari

(Mt 7.17-20; 12.34-35)

⁴³ Æ yoaa piti dahre buhero õ sehe ni yahu namoha tinare:

—Noad_u yuc_uc_u ñ_uare dicha tierara. Æ yoaa ñ_uad_u noaae dicha tierara. ⁴⁴ Yuc_uc_u dichare masina t_ure masina. Pota tid_u higuera pocare dicha tierara. Æ yoaa agã potac_u se t_uhorine dicha tierara. ⁴⁵ Tó seheta jira masa c_uh_u. Noariro to t_uhotuap_u noaa jira. Æ jiro tiro noaae yoara noad_u to noano dicha tiro seheta. Ñariro to t_uhotuap_u ñaa jira. Æ jiro tiro ñ_uare yoara ñ_uad_u ñ_uare to dicha tiro seheta. Mari t_uhotuap_u marine ti jiro seheta durucuja mari —ni yahuha Jesu.

P_ua w_uh_u yoaina quitire yahuha Jesu

(Mt 7.24-27)

⁴⁶ Æ yoaa tinare õ sehe ni yahu namoha:

—M_{usa} y_uh_ure “P_uhtoro”, nina. Æ nipanahta y_u dutia sehere yoaerara m_{usa}. ¿Dohse jiro baro ã yoajari? ⁴⁷ Jipihtina y_uh_ure cahmaina y_u yahuare t_uhora. Æ jia y_u dutiare y_uhd_urucaerara. Õ seheta jira y_uh_ure y_uhd_urucaeraina: ⁴⁸ W_uh_u dahreriro yoaro sehe jira tina. Tiro c_uãa coparire tãa wapai to s_uch_up_u saha, w_uh_ure noano dapo d_ucaha. Tí w_uh_u noano to yoari w_uh_u jiro dia to minich_u tuaro to cotiãpach_uta tí w_uh_u noano tjuaha. ⁴⁹ Æ jia y_u dutiare t_uhopahta y_uhd_urucaina sehe w_uh_ure noano yoaerariro yoaro sehe jira. Tí w_uh_ure buicã dapo, noano dahre d_ucaeraha. To ã c_uri w_uh_u jiro dia minino to cotiãch_u dóihta tí w_uh_u b_ur_ua wahaha. Æ jiro tí w_uh_u tuaro bora s_u cahaa wahaha —niha Jesu.

7

Surara puhtoro cahamacunore to dohatichu Jesu noariro wahachu yoaha tirore
(Mt 8.5-13)

¹ Tí quitire masare yahu tuhsu Jesu cãhu Capernaupu sãha. ² Tóí jiriro cien surara puhtoro to cahamacunore tuaro cahãha. To cahamacuno sehe dohatiriro jiro, yariaro cahariro jimaha. ³ ã jiro Jesu to yoare tuhoro, judio masa bucunare Jesu cahapu warocaha puhtoro sehe.

—Dohatirirore noariro wahachu yoai taga —ni yahu dutiro warocaha puhtoro bucunare.

⁴ Tina Jesu cahapu sãa, õ sehe ni tuaro mehne yahuha tirore:

—Surara puhtoro sãre warocahre. To cahamacunore dohatirirore to yuhduchu cahmahre tiro. Tiro puhtoro sehe noariro jira. To ã jichu yoadohoga tirore. ⁵ Mari ya maca macainare tiro cahãna. ã jiro tiro sã buheri wuhure ti yoari wapa wapare —niha bucuna Jesure.

⁶ Ti ã ni yahuchu tuhoro Jesu sehe tina mehne wahaha. Surara puhtoro ya wuhu cahacãi to sũro cahachu puhtoro sehe tiro mehne macainare Jesure õ sehe ni yahu dutiro warocaha:

—Puhtoro, noanohca. Tai tjiga. Noariro jieraja yuhu. Ya wuhui mũhure sãa ta dutiboriro jieraja yuhu. ⁷ ã jicu mu cahai wahaeraja. Yu ã jipachuta mu masia mehne noariro wahachu yoaga mũhu tirore. Mu ã yoachu yu cahamacuno noariro waharohca. ⁸ Yuhure yu bui jina paina puhtoa dutira. ã jicu yuhu cãhu surarare dutija. Cũirore “Wahaga”, yu nichu tiro wahara. Pairore “Taga”, yu nichu tiro tara. Yu cahamacunore “Ahrire yoaga”, yu nichu tire tiro yoara. (Mũhu cãhu dutirirota jira. ã jiro mu dutiriro sehetã tiro dohatiriro yuhdurohca) —ni yahu dutiha surara puhtoro.

⁹ To ã nichu tuho cãaa waharo, payu masa tiro mehne jijnare majarerucu su, õ sehe ni yahuha:

—Musare niita nija. Tiro surara puhtoro Israe masuno jierariro Cohamacure tuaro wacũ tuara. To cahamacunore yu noariro wahachu yoahure masi tuhsara. Israe masare ne ahriro yoaro sehe jijnare ñherasinija —niha Jesu.

¹⁰ To ã niri baharo surara puhtoro Jesu cahai to warocarina sehe ti puhtoro ya wuhupu tjuaa wahaha. Tju su dohatiriro to noariro jichu ñuha tina.

Jesu wapewahyoro macunore masoha

¹¹ To ã yoari baharocã Nai wama tiri macapu Jesu to buheina mehne payu masa mehne wahaha. ¹² Tí macare sãari sopaca cahai to sũchu yariarirore masa na wijaa taa niha. Yariariro pocoro wapewahyoro jiha. Cũirota jiriro yariaha. ã jia tó macaina masa payu ticoro mehne wahaha. ¹³ To ã wahachu ñuno Jesu ticorore pja ñuha.

—Tiico tjiga —niha Jesu ticorore.

¹⁴ ã nino yariariro to masa putihi ña payoha. To ã ña payochu ñha tí putire wũaina sehe sũrucaha.

—Macu, yuhu mũhure õ sehe nija. Wahcã nuju sũga —niha Jesu.

¹⁵ To ã niri baharo yariariro cjiro wahcã nuju su, durucuha. ã jiro Jesu tirore to pocorore waha. ¹⁶ To ã yoachu ñha tina jipihtina cuia wahaha. ã jia tina Cohamacure ño payoa, õ sehe niha:

—Cohamacu yare yahu mũhtariro masi yuhduariro mipu pinihtare mari watoí jira —niha tina.

—Cohamacu marine to yainare yoadohoro wihi tuhsũhre —niha paina.

¹⁷ ã jia jipihtina Judea yahpa macainare tó duhtu cahai jia macari macainare Jesu to yoirire masa yahu site pahõha.

João masare bautisariro to buheinare Jesure sinitu dutiha

(Mt 11.2-19)

18-19 ã yoa Jesu to yoarire ñña Joãore yahuha to buheina. ã ti yahuchũ tũhoro pũarore tiro cahai pjiroca, Jesure sinitu dutiro warocaha João. Õ sehe ni sinitu dutiha:

—¿João “Yũ baharo paio tarohca”, to niriro tjiari mũhũ? ¿To niriro mũ jierachũ paioire cohtanahcari sã? —ni sinitu dutiha João pũaro to buheinare.

20 ã yoa tina Jesu cahai sũ, sinituha tirore:

—João masare bautisariro mũhũre sinitu dutiro warocahre sãre. ¿João “Yũ baharo paio tarohca”, to niriro tjiari mũhũ? ¿To niriro mũ jierachũ paioire cohtanahcari sã? —ni sinitu tina Jesure.

21 Tí pjata payũ dohatiinare, wafĩa ti cohtotainare, capari ñũerainare noaina wahachũ yoaha Jesu. 22 ã jiro João warocainare Jesu ò sehe ni yũhtiha:

—Mipũre mũsa ñũarire mũsa tũhorire Joãore yahuna wahaga: Õ sehe niga: “Capari ñũeraina ñña. Tini masieraina tinina. Cami bũcũ baaina noaina wahara. Tũho bo-caeraina tũhoa wahara. Yariaina masaa wahara. Tina jipihtinare noaina wahachũ yoahi yũhũ. ã yoa pjacũoinare noaa buheare yahuja. 23 Yũhũre tũhoro ‘Potocã tjira’, niriro tiro wahcheriro jira”, Joãore ni yahuna wahaga —niha Jesu.

24 João buheina ti wahari baharo Jesu sehe João to jia tiare yahu dũcaha payũ masare:

—Masa marienopũ sũna tjare wi-hnono to wãroca cohtotachũ yoariro seheta to buheare cohtota mũjarirore ñña sũerare mũsa. ã yoariro jierare João. 25 “Noa suhti tirirore ñña wahajihna”, nierare mũsa masa marienopũ wahana. Noaa suhti tiina wapa bũjũare cjuaina pũtoa ya wũhũsepũ jira. Masa marienopũ jierara. 26 Masa marienopũ sũna Cohamacũ yare yahu mũhtarirore

ñña sũhre mũsa. Potocã tjira. João Cohamacũ yare yahu mũhtariro jira. Paina Cohamacũ yare yahu mũhtaina yũdoro jiriro jira tiro. 27 Panopũ Cohamacũ yare ti joari pũi Joãore ò sehe ni yahu joaa tiha:

“Mari Pũcũ to macũnore ò sehe niha: ‘Mũ pano mũhũre yahuyũtirore warocai nija’, niha Cohamacũ”,

ni yahu joaa tiha panopũre Joãore. 28 Mũsare potocã niita nija. Paina jipihtina bui jira João. Ahri turupũre to ã jipachũta mũanopũre Cohamacũ masare pũhoro to noano sũho jiropũre jipihtina docapũ jiriro pinihta João bui jira —niha Jesu masare.

29 To ã nichũ tũhoa jipihtina masa, pũhota ya cjihtire wapa na cohtaina mehne João to bautisarina jia ò sehe ni tũhotuha Cohamacũre. “Cohamacũ quihõno yoariro jira”, ni tũhotuha tina. 30 Fariseo curũa macaina sehe judio masare buheina cũhũ João to bautisanohrina ji duaeraha. ã jia tinare Cohamacũ to yaina to yoa duachũ cahmaeraha.

31 ã yoa Jesu pari turi ò sehe ni yahuha:

—¿Mipũ macaina masa yabaina yoaro sehe jijari tina, mũsa tũhotuchũ? 32 Tina macanacã yoaro sehe jira. Paina ti cahmano sehe ti yoerachũ tó wahaerara tinacãre. Pache duaropũ pape dujia, ò sehe ni pisurucura tinacã ti basi: “Mũsa basahti cjihtire sã putipemahi. ¿Dohseana mũsa basaerari sã tíre putipechũ? Sã tuaro ñahacaha tiipe, sañurucumahi. ¿Mũsa sehe dohseana sã mehne tiiperari?” nirucuina yoaro seheta jira mipũ macaina cũhũ. (Mipũ macaina ti cahmano seheta sã yoerachũ ñña tó wahaerara tina cũhũre.) 33 João bautisariro Cohamacũre ño payoro taro ne chũeraro, vinore sihnierare. To ã sihnierachũ ñña “Wafĩno to cohtotariro jira”, nimahre mũsa tirore. 34 Yũhũ masũno Cohamacũ warocariro jicũ, yũhũ chũ sihnija. Yũ ã yoachũ ñña ò

sehe nina musa yuhu sehere. “Ñuga. Ahriro pjíro churiro, cahariro jira. Puhtoa ya cjihtire wapa na cohtaina, ñano yoaina cãhu ti piti tiri-ro jira ahriro”, nina musa yuhure. Æ nina macanacã yoaro sehe durucuina jira musa. (Musa cahmano sehe sã yoerachũ tó wahaerara musare. Ne wahcherara musa.) ³⁵ Æ masierapanahta sã yoa ñorire ñana, Cohamacũ yare sã masichũ masinahca musa —ni yahuha Jesu.

Simo wama tiri-ro fariseo curua macari-ro ya wuhũi jiha Jesu

³⁶ Fariseo curua macari-ro to wuhũpũ chũ duti-ro pjiha Jesure. To ã pjichũ Jesu to ya wuhũpũ sũ, ti churi mesa cahai nuju sãha. ³⁷⁻³⁸ Tí macapũre ñaare ñaare yoarucurico-ro cji-ro jiha. Jesu fariseo curua macari-ro ya wuhũpũ to dujichũ tico-ro tũhoha. Æ tũho tuhsũ alabastro mehne yoariare me sitia posa tiriare na ta, Jesu baharo bũhũsehei wihi tarũca, tiha. Æ ti-ro Jesu dahporire to yahco co mehne wayo, to pjoari mehne pahã cohãha. To dahpori wũachũ ñũ tico-ro to dahporire wihi, me sitia mehne pio payoha. ³⁹ To ã yoachũ ñũno fariseo curua macari-ro Jesure pjiri-ro to basi õ sehe ni tũhotumaha: “Ahricoro tiri-ro ñaha ñũricoro ñaare yoarucurico-ro jira. Ahri-ro Jesu Cohamacũ yare yahu mũhtar-i-ro jiro tíre masiboa”, ni tũhotumaha. ⁴⁰ To ã ni tũhotuare masino Jesu õ sehe ni yahuha tiri-ro:

—Simo mipũ pinihtare mũhũre yahu duaja —niha Jesu.

—Buheri-ro, ¿yuhũre dohse ni yahu duajari mũhũ? —ni yũhtiha Simo.

⁴¹ To ã nichũ Jesu õ sehe ni piti dahre buhe yũhtiha:

—Pũhtoro-re pũaro wapamoina jiha. Cãiro wapamoriro quinientos niñeru tũrire wapamoha. Pairo sehe cincuenta niñeru tũrire wapamoha.

⁴² Æ jia tina ti wapamoare ti wapa bihoerachũ ñũno pũhtoro ti wapamoare wapa dutieraha. ¿Mipũ pinihtare di-ro sehe wapamoriro sehe

to pũhtoro-re cahĩ yũhdũroh-cari? —ni sinituha Jesu.

⁴³ Simo õ sehe ni yũhtiha:

—Bũah, pjíro wapamoriro mahanocã wapamoriro yũhdoro to pũhtoro-re cahĩ yũhdũboca —niha Simo.

—Potocã ni yũhtihre mũhũ yũhũre —niha Jesu.

⁴⁴ Æ ni tuhsũ tiri-ro pio payoricoro-re majare ñũ, Jesu Simo-re õ sehe ni yahu namoha:

—Ahricoro-re ñũga mũhũ. Mũ ya wuhũpũ yũ sãa wihi-ro baharo yũ dahporire cosahti core yũhũre waerare mũhũ. Ahricoro-re sehe to yahco co mehne yũ dahporire wayo, to pjoari mehne pahã cohãre yũhũre. ⁴⁵ Mũhũ sehe yũhũre piti boca wihi-mierare. Ahricoro-re sehe õi yũ duji-ro puro yũ dahporire wihi-mihre. ⁴⁶ Mũhũ sehe yũ dapure se mehne pio payoerare. Tico-ro-re sehe yũ dahporire me sitia mehne pio payohre. ⁴⁷ Æ nicũ mũhũreta yahui nija. Ahricoro-re ñaa yoari cji-ro payũbia jira. Æ jiri-ro jiparota tico-ro tuaro cahĩre yũhũre. Æ jicũ ñaare to yoari buhirire cohãhi. Æ jia ñaare ti yoari buhirire mahanocã yũ cohãnohri-na mahanocã cahĩna yũhũre —niha Jesu Simo-re.

⁴⁸ Æ ni tuhsũ tiri-ro tico-ro-re õ sehe ni yahuha:

—Mipũ pinihtare ñaare mũ yoari buhirire boja —niha Jesu.

⁴⁹ To ã nichũ tũhoa Jesu mehne dujiina ti basi õ sehe ni durucuha:

—¿Dohse jiri-ro baro jijiari ahri-ro ñaa buhirire boriro? —niha tina ti basi.

⁵⁰ Æ ni tuhsũ, Jesu numino-re õ sehe ni yahuha:

—Yũhũre mũ wacũ tuachũ mũhũre pichacapũ wahaboricoro-re yũhdoja. Cui-ro marieno mũ wuhũpũ tjuaa wahaga —niha Jesu tico-ro-re.

8

Numia Jesure yoadohoha

¹ Baharo bũjũ macari-pũ daa macaricãpũ cãhũre sũ, Cohamacũ masare pũhtoro to noano sũho jiare

noaa buheare yahuha Jesu. Doce to buheina sehe tiro mehne jiha. ² Ñ yoa numia cãhũ watĩa ti cohtotari numia cjiri, dohatia numia cjiri Jesu noaa numia to yoari numia tiro mehne tiniha. “María”, ti nimaricorore “Magdalena”, ni pisua tiha ticorore. Ticorore siete watĩare Jesu cohã wioha tó pano. Ñ jiro ticoro cãhũ Jesu mehne tiniha. ³ Cuza wama tiriro Herodere dahra cohtaina pãhtoro cjiro namono Juana cãhũ Jesu mehne tiniha. Susana wama tiricoro cãhũ paye numia mehne payũ ti cjũaa mehne tirore yoadohoha.

Jesu wesere toari masũno quitire yahuha

(Mt 13.1-9; Mr 4.1-9)

⁴ Ñ yoa payũ macari macaina Jesu cahapũ cahmachuha. Ti ã cahmachuri baharo Jesu to tãhotua mehne quitu dahre tinare õ sehe ni yahuha buhero taro:

⁵ —Toari masũno toaro, to toaa yaparire doca site cũno wahaha. To ã doca site cũ wahcãchũ paye yapari mahai bora caha sũha. Ti ã bora caha sũchũ paye yaparire masa tã diho cũha. Ñ jia paye yaparire minichahca duji ta, chũnocaha. ⁶ Ñ yoa paye yapari sehe tãa wapa bui dihta se mininocã bui bora caha sũha. Tí yahpapũ co mariaha. Ñ jia tí yapari du wija tarucuma ñaia wahaha. ⁷ Paye yapari sehe tja watoi bora caha sũha. Tja sehe tí toaa mehne duha. Tja sehe dia yũhdũa waha, toaare wajãnocaha. ⁸ Paye yapari noari yahpai bora caha sũha. Noano dua jia noano dicha tiha. Ñ jia payũ dicha tiha —niha Jesu.

Ñ ni tuhsũ õ sehe tuaro ni namoha: —Ahrire tũho duaina noano tũhoga mũsa —niha tiro.

Jesu quitu mehne to buherire yahuha

(Mt 13.10-17; Mr 4.10-12)

⁹ Baharo to buheina tí quitire masi duaa, Jesure õ sehe ni sinituha:

—¿Ahri quitu mehne dohse ni yahui nijari mũhũ? —ni sinituha tina.

¹⁰ Ti ã nichũ Jesu õ sehe ni yũhtiha:

—Cohamacũ masa bui pãhtoro to noano sũho jiare panopũ paina ti masierari cjirire mũsare masichũ yoarohca Cohamacũ. Paina sehere ã yoerara tiro. Tinare quitu mehnetu buheihitja. Yũ ã yoachũ tina yũ buheare tũhopahta masisi —niha Jesu to buheinare.

Jesu wesere toari masũno quitire yahu pahũoha

(Mt 13.18-23; Mr 4.13-20)

¹¹ Ñ ni tuhsũ tinare õ sehe ni yahu namoha:

—Õ sehe ni yahura ahri quitu: Toaa yapari noaa buhea yoaro sehe jira. ¹² Ñ yoa maha dũhtũ cahai bora yapari sehe noaa buhea yoaro sehe jira. Cãina masa noaa buheare ti tũhochũ ñũno watĩno sehe ta, tí buheare masi dutierara masare, minichahca tí yaparire ti chũ cohãno seheta yoaro. To ã yoerachũ tina Cohamacũre wacũ tuaboa. Ti ã wacũ tuachũ ñũno Cohamacũ sehe tinare pichacapũ wahaborinare yũhdoboa.

¹³ Ñ yoa tãa wapa bui dihta se mininocã bui bora yapari noaa buhea yoaro sehe jira. Ñ jia masa noaa buheare tũho, wahchea mehne tíre tũho nũnũ wahcãna. Ñ tũho nũnũpahta tãa wapa buicã jia yucũ nũhcori mariea yucũ yoaro seheta ahrina masa cũhũ yoari pja cãno pjaerara. Ñ cũno pjaeraa yũ yare ti cahmari buhiri paina tinare ti ñano yoachũ ñũa yũ yare duhunocahna.

¹⁴ Ñ yoa tja watoi bora yapari noaa buhea yoaro sehe jira. Ñ jia masa noaa buheare tũhopahta, ahri yahpa macaare wacũ nũnũ yũhdũara. Niñerure bujũa cahma, paye baro cũhũre payũ cahma, tíre goa pja yũhdũara tina. Ti ã yoachũ tí sehe noaa buheare dũcatara. Ti ã dũcatachũ masa noaa sehere yoerara. Dicha maria yucũ yoaro seheta jira. ¹⁵ Ñ yoa noari yahpai bora yapari noaa buhea yoaro sehe jira. Ñ jia masa noaa buheare tũhoa, noano mehne tí buheare yũhdũrũcaerara. Ñ jia yucũcũ dicha tiro seheta noaa

buheare tũhoina sehe Cohamacũ to cahmano seheta noaare yoara —niha Jesu.

Jesu sihãria quitire buheha

(Mr 4.21-25)

¹⁶ ã ni tuhsũ paye quti mehne piti dahre buheha tiro:

—Ne sihãriare ti sihãri baharo tiare dihi biato docai cũerara masa. ã yoa tiare coãri casario docai cũerara. Mũanopũ tiare duhu payora wũhũpũ sãa taina ti noano ñũ sãahto sehe. ¹⁷ Jipihti ti masierari cjirire baharo masa masiahca. Sihãria to buhriachũ mari ñũ masino seheta panopũ ti masierari cjirire masiahca masa.

¹⁸ ã jina mũsa tũhona noano tũho nũnũga. Noano tũho nũnũriro, noano masinohca. Tũho nũnũerariro “Mahano cã tũhoja”, to nipachũta tí sehere boa waharohca —niha Jesu.

Jesu coyeya tirore pjiha

(Mt 12.46-50; Mr 3.31-35)

¹⁹ Baharo Jesu bahana ti pocoro mehne tiro cahapũ wahaa nimaha. Masa payũ jichũ to cahapũ sũeraha.

²⁰ ã jiro cãiro Jesure õ sehe ni yahuha: —Mũ poco mũ bahana mehne sopacapũ ducuhre. Mũhũre ñũa taa niyuhti —niha tiro Jesure.

²¹ To ã nichũ Jesu õ sehe ni yahuha jipihtinare:

—Cohamacũ ya buheare tũhoina, tíre yũhdũrũcaeraina tinata yũ poco yũ bahana yoaro sehe jira —niha Jesu tinare.

Jesu wihnonore yũsũ dutiha

(Mt 8.23-27; Mr 4.35-41)

²² Pa dachoi Jesu to buheina mehne dohoriapũ samu:

—Basa, pahãjihna —ni, tina jipihina tia mehne bũcũpariropũ pahãa wahaha.

²³ ã pahãno carĩa wahaha Jesu. Ti ã pahãrucuchũ waro tuaro wihnono taha. Wihnono to tachũ bũjũa pahcõri wahcã, tinare mionocamaha. ã to wahachũ minihto cua yũhdũhaha tinare. ²⁴ ã wahachũ ñũa Jesu cahai waha, tirore wahcõha.

—Buheriro, mari mini yariana tana nijã —niha tina.

Ti ã nichũ Jesu sehe wahcã, wihnonore “Tó purota wã duhuga”, niha. ã ninota pahcõri cũhũre “Yũsũa wahaga”, niha. To ã nichũta wihnono yũhdũa wahaha. ã yoa pahcõri cũhũ yũsũ boraa wahaha. ²⁵ ã wahari baharo Jesu tinare õ sehe niha:

—¿Mũsa yũhũre wacũ tuaerasini-jari? —niha tiro.

To ã nichũ tina sehe cui, cũaa waha, ti basi õ sehe ni durucuha:

—Cue, ¿dohse jiro baro masũno jijari ahriro? Ahri wihnono, pahcõri cũhũ to dutichũ yũhdũrũcaerara tirore —niha tina ti basi.

Watĩa ti cohtotarirore noariro wahachũ yoaha Jesu

(Mt 8.28-34; Mr 5.1-20)

²⁶ ã yoa tina sie copũ Gerasa macaina ya yahpũ pahã sũha. Tí yahpa Galilea yahpa potoihta jiha. ²⁷ Tóí Jesu to maja sũrũcũ sũchũ waro tó macariro watĩa ti cohtotariro tiro cahapũ taha. Tiro yoari pja suhti marieriro jiro, to wũhũpũre ne jieraha. ã yoa masa copari tãa copari watoi jia tiha tiro.

²⁸⁻²⁹ ã jia payũ tahari watĩa tirore ñahaha. ã jiro tiro peresui to jichũ to wamomacarine dahporire comaa dari mehne dũhteriro jiparota, tiro tí darire nuha mũjaha. ã yoa watĩa sehe tirore masa marienopũ na wahcãa tiha. ã yoa tiro Jesure ñũroca õ tuaro sañurucu, Jesu panoi na tuhcuca caha sũha. To ã yoachũ ñũno Jesu sehe tirore õ sehe ni dutiha:

—Watĩa, duhuga ahrirore —niha Jesu.

To ã nichũ tũhoro watĩa ti cohtotariro tuaro sañurucu, õ sehe ni sinituha Jesure:

—Jesu, ¿Cohamacũ jipihtina Bui Jiro macũno yabare yoai tai nijari mũhũ yũhũre? Yũhũre, ñano yoai tjiga —niha watĩa ti cohtotariro.

³⁰ To ã nichũ Jesu sehe õ sehe ni sinituha tirore:

—¿Yabariro wama tijari mũhũ? —niha.

Payu watia tiro mehne jiha. ã jiro õ sehe niha watia ti cohtotariro:

—Watia payu wama tija sã —ni yuhtiha watia ti cohtotariro tiro.

³¹—Cũãri copapu sãre waha dutiecu tjiga —ni, tuaro siniha watia sehe.

³² Tí pjare tói tãcu dahpotoi yesea payu chua niha. Ti tói chuchũ ñua watia õ sehe ni siniha Jesure:

—Sina yesea cahapu warocaga sãre ti pjacuripu sã sãahto sehe —ni siniha watia.

Ti ã sinichũ tuhoro “Jai. Wahaga”, niha Jesu. ³³ To ã dutichũ, watia masuno mehne jirina cjiri sehe waha, yesea pjacuripu sãa wahaha. ã yoa tinare ti sãari baharo, yesea jipihina bucupariro duhtu cahapu pari cunupu muroca buha, tí taropu bora ñoja, mini yaria pihtia wahaha.

³⁴ Yeseare ñu wihboina yesea ti ã minichũ ñua, cui, murocaa wahaha. ã muroca wahcã pjiri macapu cãhure, daa macaricãpu cãhure tíre ti ñurire yahu sitea wahaha. ³⁵ Ti ã yahuchũ tãhoa, masa sehe payu ti ã waharire ñua wahaha. ã jia Jesu cahai su, watia ti cohtotariro cjirore to suhti tiri, tãho masiri to dujichũ ñuha tina. Tí jipihtiare ñua, tina cui niha. ³⁶ Watia ti cohtotariro cjiro noariro to waharire ñuina, ti ñurire painare noano yahu pahnoha. ³⁷ Tí pjata Gerasa yahpa macaina payu Jesure tuaro cuia, tirore pa sehepu waha dutiha. Ti ã waha dutichũ Jesu dohoriapu samu, waharo taro niha. ³⁸ Watia ti cohtotariro cjiro Jesu to wahahto pano tuaro siniha tirore:

—Mũhũ mehne waha duaja —ni sinimaha.

³⁹ To ã nichuta Jesu tirore õ sehe ni yuhtiha:

—Mu ya macapu wahaga. ã wahacu Cohamacu mũhure to yoirire yahuga painare —niha Jesu.

To ã niri baharo waha to ya macapu sũro watia ti cohtotariro cjiro sehe Jesu tirore to yoirire jipihtina to ya maca macainare yahuha.

Jairo maconore yũhdũchũ yoa, cahã ñuricoro cãhure yũhdũchũ yoaha Jesu

(Mt 9.18-26; Mr 5.21-43)

⁴⁰ Pari turi Jesu tí bucuparipõ pahãa wahaha tjoa. To pahã tariroputa masa payu tirore cohtaa niha. ã cohtaa, tirore piti bocasiniha wahchea mehne. ⁴¹⁻⁴² Tói judio masa buheri wũhũ puhtoro Jairo wama tiri Jesu cahai su, to dahpori cahai na tuhcu caha sũha tirore ño payoro. To macono yariaro niha. Ticoro cãcorota jiricoro doce cãhmari cãuaricoro jiha. ã jiro tiro to ya wũhũ Jesure pji wahcãha. “Jai” ni, tiro mehne wahaha Jesu cãhũ.

Mahai ti ã wahachũ payubia masa tirore nũnũ ti wahcã, bihsaro sũrucu sũha tirore. ⁴³ To ã bihsaro wahachũ numino doce cãhmari waro ã cahã ñurucuricoro tói jiha. Tó pano duhturuare jipihtia to niñeru mehne wapamaha ticoro co wa dutiro. Ti ã co wapachuta mũnanota jirucunocaha ticoro. ⁴⁴ ã jiro ticoro Jesu baharo masa payu watoi wihi, Jesu suhtirore to ñaha ñuchuta to cahã ñua pihtia wahaha. ⁴⁵ To ã ñaha ñuchũ tuhuro Jesu õ sehe ni sinituha:

—¿Noa yu suhtirore ñaha ñuri? —niha tiro.

Jipihtina “Yoaerahi”, niha. ã jia Pedro cãhũ õ sehe niha:

—Buheriro, bihsa nina. ã jia masa payu mũhure pihanocahna. ¿Dohseacu ã ni sinitujari mũhũ? —niha tina Jesure.

⁴⁶ Ti ã nichũ Jesu õ sehe ni yuhtiha:

—Michapucacã yũhũ noaricoro wahachũ yoahi cãcorore. ã jicu yũhure to ñaha ñuchũ masija —niha tiro.

⁴⁷ To ã nichũ tuhoro ticoro duhti masieraro, teterericoro Jesu cahai na tuhcu caha sũha tirore ño payoro. ã jiro jipihtina masa ti tuhoro to dohtiare, Jesure to ñaha ñurire to noaricoro to waharire yahuha ticoro. ⁴⁸ To ã ni yahu tuhsũchũ Jesu ticorore õ sehe ni yahuha:

—Maco, yuhure mu wacũ tuua mehne noaricoro tjuara mipure. Wahchea mehne wahaga —niha ticorore.

⁴⁹ To ã nino watoi Jairo ya wuhui jiriro yahuro wihaha:

—Mu macocã yariaa wahahre. Ñ jicu buherirore pji tai tjiga —niha tiro.

⁵⁰ To ã nichu tuhoro, Jairore õ sehe ni yahuha Jesu:

—Cahya tuhohui tjiga. Yuhure wacũ tuaga. Tí dihtare yoaga. Mu ã yoachu ticorocã masaa waharohca —niha Jesu.

⁵¹ Ñ ni tuhsu to wuhupu su, Pedro, João, Santiago, dohatiricoro pucsuma tópeinata na sãaha. Paina sehere Jesu sãa dutieraha. ⁵² Tói jipihtina masa ti ñahacaha tiro watoi sãa suha Jesu.

—Tiiena tjiga. Ticorocã yariaerare. Carĩno nica —niha tiro.

⁵³ To ã nichu tuhoha tina sehe ticoro variaricoro to jichu masia, Jesure bujaha. “Ñ nimacanocano nina”, ni bujaha. ⁵⁴ Ñ yoa Jesu ticorocã wamomacare ñaha, õ sehe ni pisuha:

—Maharicorocã wahcãga —niha.

⁵⁵ To ã nichuta variaricoro masaa waha, tí pjata wahcãrucu suha ticorocã. To wahcãri baharo Jesu ticorore chũare wa dutiha. ⁵⁶ To ã masachu ñua to pucsuma ñu caaa wahaha. Ñ jiro Jesu tíre painare yahu dutieraha.

9

Jesu doce to buheinare buhe dutiro warocaha

(Mt 10.5-15; Mr 6.7-13)

¹ Ñ yoa Jesu doce to buheinare pjiroca, to tuaare waha tinare. Watĩare ti cohãhti cjihtire, dohatiinare noaina ti yoahiti cjihtire to tuaare waha tinare. ² Ñ yoa tuhsu tinare Cohamacu masare puhtoro to noano suho jiare buhe dutiro, dohatiinare noaina wahachu yoa dutiro warocaha tinare. ³ Õ sehe ni dutiha Jesu tinare:

—Musa wahana paye barore naaena tjiga. Tjuadure, wajure, chũare, niñerure naaena tjiga. Musa sãano dihtare sãa wahcãga. Paye suhtire naaena tjiga. ⁴ Jipihtia macaripu musare ti carĩno wachu tí wuhuihta jinocasiniga. Coã wahanapu wijaahga tí wuhure. ⁵ Paye macari macaina musare ti cahmaerachu ñuna tí macarine yuhdu wahcãa wahaga. Ñ wahana musa dahpori macaa dihta pohcari mene wajã site cũga musa tinare ti ya buhirire masichu yoana —niha Jesu.

⁶ To ã niri baharo to buheina sehe waha, jipihtia macaripepu noaa buheare yahu tinia tiha. Ñ yoa dohatiinare noaina wahachu yoaa tiha.

Jesu to yoirire Herode tuhohaha
(Mt 14.1-12; Mr 6.14-29)

⁷ Ñ yoa Herode Galilea yahpa macaina puhtoro Jesu yoirire tuhohocaha. “¿Diro baro jijari tiro Jesu?” niparota ne masieraha. Cãina õ sehe nimaha Jesure: “João masare bautisariro cjiro pari turi bajuaro nica. Ñ jiro ‘Jesu’, ti niriro tiro tjira”, nimaha cãina. Ti ã nichu tuhoro Herode Jesure dohse ni masieraha. ⁸ Paina “Tiro Elia cjiro mipu bajuaro nina”, nimaha. Paina sehe “Cohamacu yare yahu mahtaina panopu macaina mehne macariro cjiro mipu bajuaro nica”, nimaha Jesure. ⁹ Ti ã ni durucupachuta õ sehe ni tuhohaha Herode sehe: “João dapure dute ta duti tuhsuhi yuhu. ¿Mipure jiriro masa ti yahuriro diro baro jibocari tiro sehe?” ni tuhohuro tiro Jesure ñu duamaha.

Jesu cinco mil bui masare chũa waha

(Mt 14.13-21; Mr 6.30-44; Jn 6.1-14)

¹⁰ Ñ yoa Jesu to warocarina tiro cahapu tju suha, ti yoirire yahuha Jesure. Ti yahu tuhsuchu Jesu tina dihtare Betsaida wama tiri macapu suho wahamaha. ¹¹ Ti waharire masia, masa payu tinare nunu ti wahcãha. Jesure ti mu suchu ñuno piti bocasiniha Jesu tinare. Ñ jiro tiro Cohamacu masare

pũhoro to noano sũho jiare tinare yahu, dohatiinare noaina wahachũ yoaha.

¹² Ñamichahapũ doce to buheina tiro cahapũ sũ, Jesure õ sehe ni yahuha:

—Õ masa marienopũ jira. Õ majano macaa macaripũ, daa macaricãpũ cũhũre ahrina masare warocaga. Carĩa ti chũhti cjihtire maca dutiga tinare —niha tina Jesure.

¹³⁻¹⁴ Ti ã nichũ Jesu õ sehe ni yũhtiha tinare:

—Ã nienata chũare waga tinare —niha.

To ã nichũ tũhoa tina õ sehe ni yũhtiha:

—Cũ wamomaca pihtia pão curiri, pũaro wahi tó purocãta cjuaja mari. ¿Ahrina payũ masa ti chũhti cjihtire nuchũbocari sã? —niha to buheina.

Payũ masa ti jichũ ñũã ã niha to buheina. Tóprẽ cinco mil mũã jiha. (Numia, macanacã cũhũ jiha.) ã jiro Jesu õ sehe ni yahuha to buheinare:

—Cincuenta masare cũ curuai duji dutiga. Paye curuari cũhũre tópeinata duji dutiga —niha Jesu to buheinare.

¹⁵ To ã nichũ to buheina to dutiro seheta yoa, jipihtina masare duji dutiha. ¹⁶ Duji duti tuhsũ Jesu cũ wamomaca pihtia pão curirire pũaro wahi mehne na, mũanopũ ñũha. ã ñũno Cohamacũre “Noana”, niha. To ã niri baharo pão curirire nuha, to buheinare masare witi dutiro waha.

¹⁷ Ti ã witi tuhsũchũ, tina jipihtina masa chũ, yapi yũhdũã wahaha. Ti yapi wahyorire doce pũhũse waro wahpo dapoha to buheina.

Jesu potocã Cristo to jiare Cohamacũ warocariro to jiare yahuha Pedro

(Mt 16.13-19; Mr 8.27-29)

¹⁸ Cũ dacho Jesu cũirota jiro, Cohamacũre sinino niha. To ã sinino watoi to buheina tiro cahapũ sũha. ã jiro Jesu õ sehe ni sinitu ñũha tinare:

—¿Diro baro jicari yũhũ masa yũhũre ti tũhotuchũ? —ni sinitu ñũha.

¹⁹ To ã sinituchũ tũhoa to buheina õ sehe ni yũhtiha:

—“João masare bautisariro jira”, nina mũhũre. Paina “Elia cjiro jira”, nina. Paina “Panopũ macariro Cohamacũ yare yahu mũhtariro cjiro masa wijariro cjiro jira”, nina mũhũre —ni yũhtiha to buheina sehe tirore.

²⁰ Ti ã niri baharo Jesu tinare õ sehe ni sinitu ñũha tjoa:

—¿Mũsa sehe mũsa tũhotuchũ diro baro jicari yũhũ? —ni sinitu ñũha tjoa.

—Mũhũ Cristo Cohamacũ warocariro jira —ni yũhtiha Pedro.

Jesu to yariahto cjihtore yahuha (Mt 16.20-28; Mr 8.30-9.1)

²¹ ã yoa Pedro “Cristo jira mũhũ”, to nirire painare Jesu yahu site dutieraha to buheinare. ²² ã ni yahu site dutiera tuhsũ õ sehe ni namoha:

—Yũhũ masũno Cohamacũ warocariro tuaro ñãno yũhdũihca. ãta yũhdũro cahmana yũhũre. ã jia mari coyera judio masare buheina, bũcũna, sacerdotera pũhũa mehne yũhũre cahmaeraa, yũhũre wajãahca. Ti ã wajãri baharo tia dacho wahaboroi masa mũjaihca —niha Jesu tinare.

²³ Baharo jipihtinare õ sehe ni yahuha Jesu:

—Cũiro yũ yairo ji duaro, to cahmano yoa duamarine duhunocanohca. ã yoa crusapũ yũ ñãno yũhdũhtiro seheta yũ yairo to jiri buhiri ñãno yũhdũparota yũhũre duhusi. ã jiro yũ yare yoarucuriro jirohca. ²⁴ Masũno yũhũre wacũno marieno to mũ sũro to cahmano seheta yoariro pichacapũ tiro waharohca. ã jiro yũ yare ã yoarucuriro jipihcia dachoripe yũhũ mehne mũanopũ jirucurohca. ²⁵ ¿Cũiro masũno ahri yahpa macaare jipihtiare cjuariro Cohamacũre cahmaeraro pichacapũ waharo yabare wapatajari tiro? ã jiro ne wapataerara. ²⁶ Cãina yũhũre, yũ buheare bũo tiboca. Ti ã yoachũ ñũcũ yũhũ cũhũ yũhũre ã yoinare bũo tisãaihca. Yũhũ masũno Cohamacũ warocariro noaina anjoa

ti si sitea mehne, yu si sitea mehne, yu Pucyu to si sitea mehne tjua tacu tinare buo tisãaihca. ²⁷ Potocã niita nija musare. Mipure cãina musa õpurre jiina musa yariahto pano Cohamacu jipihtina bui puhtoro noano to suho ji ducachu ñunahca —niha Jesu tinare.

Jesu pjacu cohtotaha
(Mt 17.1-8; Mr 9.2-8)

²⁸ Æ yoa ocho dachori tíre to yahuri baharo Jesu Pedrore, Joãore, Santiagore tina dihtare pjiha. Æ yoa waha, Cohamacure sinia waha, tãcupu mujaa wahaha tina. ²⁹ Cohamacure to sinino watoi Jesu wuhduha cohtotaha. To Æ cohtotachu to suhtiro minoari suhtiro noano yehseri suhtiro wahaha. ³⁰ To Æ waharo watoi puaro mua tiro mehne durucua niha. Durucuina sehe Elia cjiro, Moise cjiro jiha. ³¹ Tina manano macaa si sitea mehne bajuaha. Jesu baharocãta Jerusalẽpu to yariahtore tina Jesu mehne durucua niha. ³² Pedro cãhu wujo caha yuhduaha. Æ caripahta cua wahcã wihi Jesu to si siteare ñua, puaro tiro mehne ducuina cãhure ñua. ³³ Moise cjiro cãhu ti wahahto panocã Pedro Jesure õ sehe nimaha:

—Puhtoro, mari õre jichu noa duara. Tia wuhucã yoanahtja. Mu ya wuhucã, Moise ya wuhucã, Elia ya wuhucã yoanahtja —nimaha Pedro.

Æ niparota to nirire ne masieraha. ³⁴ To Æ ni durucuro watoi tinare me curua duji boro pja suha. To Æ duji boro pja suchu ñua tina cuia wahaha. ³⁵ Tuhsu, me curua puhichapu õ sehe ni durucuro coa taha:

—Ahiro yu macu, yu beseriro jira. Noano tahoga tirore —nino coa taha me curua puhichapu.

³⁶ To Æ nino coa tari baharo Jesu dihtare ñua tina. Baharo ti ñurire painare yahueraha. Ne cãirore yahueraha.

Jesu watino to cohtotarirocãre noariro wahachu yoaha
(Mt 17.14-21; Mr 9.14-29)

³⁷ Pa dachoi tina tãcupu ti duji tachu payu masa Jesure piti bocaha. ³⁸ Æ

jiro tina mehne macariro Jesure õ sehe ni pisuha:

—Buheriro, mũhure tuaro ahrire sini duaja yuhu. Yu macu cãirota jira. Æ jicu tirore ñubasaga mũh. ³⁹ Watino tirore ñaha, sañurucuchu yoa, tunu teterechu yoa, sahpo tua wahachu yoaa tihre. Æ yoaro watino yu macure ñano yuhduchu yoa, ne duhu duaerara. ⁴⁰ Mu buheinare watinore cohã wio duticu tuaro sinimahi. Yu Æ sinipachuta tina sehe tirore cohã wio masierare —niha tiro Jesure.

⁴¹ To Æ nichu Jesu sehe õ sehe niha:

—Mipu macaina musa ñaina jira. ¿Yuhure ne wacũ tuaeraputiajari? Yoabiari pja musare buhemaja yuh. ¿Noho puro yoari pja yuhure musa caribobocari? —ni tuhtiha Jesu.

Æ ni tuhsu watino ti cohtotariro puçurore õ sehe niha:

—Mu macure na tahga —niha.

⁴² To Æ niri baharo to macuno Jesu cahapu to taro watoi watino sehe tirore yahpapu doca caha su, tunu teterechu yoaha. To Æ yoachu Jesu watinore wijaa dutiha. To Æ wijaa dutichu watino sãarirocã noariro wahaha. Æ jiro Jesu sehe tirocãre wiaha to puçurore. ⁴³ Cohamacu tuua mehne noariro to wahachu ñua, jipihina masa cua wahaha.

Pari turi Jesu to yariahtore, to masahore yahuha

(Mt 17.22-23; Mr 9.30-32)

Masa Jesu to yoarire ti ñu, cua wahachu Jesu sehe to buheinare õ sehe ni yahuha:

⁴⁴ —Michapucacã yu yahuhtire boena tjiga musa. Yuhure Cohamacu to warocarirore paio yuhure ñaha dutiro warohca masare —niha Jesu.

⁴⁵ To Æ nipachuta tina sehe to yahure noano tuho ñahaeraha. To yahurire tinare masihto basioeraha. Tí pjata Cohamacu tinare tíre tuho ñaha dutierasiniha. Æ jia tina cuia, tíre tirore sinitu ñueraha.

Jesu buheina tina mehne macarirore pãhtoro sã duamaha

(Mt 18.1-5; Mr 9.33-37)

⁴⁶ Baharo Jesu buheina durucu sayoa niha:

—¿Mari mehne macariro diro sehe pãhtoro ti cohtotacari? —ni sayoa niha tina ti basi.

⁴⁷ Ti ã nichu Jesu sehe ti tãhotuare masino, nijinocãre to cahai duhu dapo, to buheinare õ sehe ni yahuha:

⁴⁸ —Yu yare yoana tana ahrirocãre cahmana yuhũ cãhũre cahmana mũsa. ã yoa yuhũre cahmana, yuhũre warocariro cãhũre cahmana mũsa. Mũsa mehne macariro mũsa cahamacũno jiro tiro cãhũ pãhtoro tjirohca —niha Jesu.

Marine ñũ tuhtiro jieraro, mari mehne macariro jira

(Mr 9.38-40)

⁴⁹ Baharo João Jesure õ sehe ni yahuha:

—Buheriro, mũ wama mehne watĩare cohãrĩrore sã ñũhi. Tiro mari mehne macariro to jierachu ñũna tíre tirore yoa dutiera tihĩ sã —niha João Jesure.

⁵⁰ To ã nichu Jesu Joãoore paina buheina cãhũre õ sehe ni yahuha:

—ã niena tjiga mũsa tirore. Marine ñũ tuhtiro jieraro, tiro mari mehne macariro jira —niha Jesu to buheinare.

Jesu Santiagore, João cãhũre tuhtiha

⁵¹ Tĩ pjare Jesu mũanopũ to wahahto panocã, “Jerusalẽpũ wahahtja”, niha tiro. ã nino tãpũ waharo niha. ⁵² ã jia Jesu to panoĩ warocaina waha, Samaria yahpa macari macapũ sũ, tã Jesu to jĩhtore cahno duamaha. ⁵³ Jesu Jerusalẽpũ waharo taro niha. Tãpũ wahahtiro to jichũ tũhoa, tã macaina tirore cahmaeraha. ⁵⁴ Tĩre tũhoa Santiago, João mehne õ sehe ni yahuha Jesure:

—Pãhtoro, mũ cahmachũ mũano macari pichaca mehne tinare wajã dutinahca —niha tina tirore.

⁵⁵ Ti ã nichu Jesu majare ñũ, tuhtiha tina pũarore.

[—Espĩritu Santo yaina jira mũsa. Mĩpũ mũsa tãhoturo seheta tiro sehe tãhotuerara. Yuhũ masũno Cohamacũ warocariro ahri yahpapũ tacũ pichacapũ wahaborinare yoad-ohotiro tai. Masare butichũ yoacũ tacũ nierahi —ni yahuha Jesu.]

⁵⁶ ã tuhti tuhsũ, pa macapũ Jesu cãhũ wahaa wahaha.

Paina Jesu mehne wahamaha

(Mt 8.19-22)

⁵⁷ Tina mahai ti wahachu, masũno Jesure õ sehe ni yahuha:

—Mũhũ mehne waha duaja nohoi mũ waharoi —niha tiro.

⁵⁸ To ã ni tãhsũchu Jesu õ sehe ni yãhtiha:

—Cãina macaroca macaina wahiquina ti copari cãhũra. Minichahca cãhũ ti suhti cãhũra. Yuhũ masũno Cohamacũ warocariro sehe yũ carĩri wũhũ maeraja —niha Jesu.

⁵⁹ Baharo paiore Jesu pjihã:

—Yuhũ mehne macariro cjihto taga —niha.

To ã nichu tiro õ sehe ni yãhtiha Jesure:

—Pãhtoro, yũ pũcũ to yariachu yasinii wahahtja. ã ya tuhsũcũ pinihta mũhũ mehne wahahtja —niha tiro.

⁶⁰ To ã nichu Jesu õ sehe ni yahuha:

—Yuhũre cahmaeraina yariaina yoaro seheta jira. Tina sehe yariainare yajaro. ã jicũ mũhũ sehe Cohamacũ masare pãhtoro to noano saho jiare noaa buheare buhei taga —niha Jesu tirore.

⁶¹ ã yoa paiore Jesure õ sehe niha:

—Pãhtoro, mũhũ mehne wahahtja. Wahmanore yũ coyeare coha sitisinii wahahtja —niha tiro Jesure.

⁶² To ã nichu Jesu õ sehe ni yahuha tirore:

—Wachũ sahãri pjĩne tũã puriro mehne dahrariro noari dare saha duara. ã dahrariro to baharo bũhũsehere majare ñũno, noano potori da saha masierara. (Tã seheta Cohamacũ yare yoaro taro, dahrariro tã pano to jia tiare tuaro wacũboca tíre duhu duaeraro, dahrariro to majare

ñano seheta.) Æ wacũriro Cohamacu mari puhtoro yare dahraboriro jierara —niha Jesu.

10

Jesu setenta y dos buheinare buhe dutiro warocaha

¹ Baharo Jesu paina buheinare setenta y dos buheinare bese, macariperu to wahahto pano warocayuha. Cãa macaripure puaro dihta warocaha tiro. ² Æ warocarõ õ sehe ni yahuha tinare piti dahre buhero:

—Trigo payu ti bucuu tuhsu chu payu jichu dahraa pjíro jira. Wiho mejeta dahraina sehe mahainacã jira. Tó seheta noaa buheare tuhohtina payu jichu pjíro jira mari dahraa. To Æ jipachuta mahainacã dahrari masa yoaro seheta noaa buheare buhehtina cãhu mahainacã jira. Æ jina noaa buheare buhehtinare painare to warocahtore siniga Cohamacure musa. ³ Wahaga musa. Musare yu warocachu musa oveja pohna yaya watoi ti jiro seheta musa cãhu ñaina suaina watoi jinahca. ⁴ Niñeru wajure, bujuawacãa waju cãhure, dahpo suhtire naaena tjiga. Musa mahai tinina painare boca su durucuena tjiga. Poto wahaga. ⁵ Jipihtia musa sãa wuhusepu sãahna “Ahri wuhu macaina noano jijaro”, ni muhtaga. ⁶ Tí wuhu macaina noano mehne jiina cahmachea marieina ti jichu, tíre niga tinare. Noano mehne ti jierachu ñana tí wuhu macainare ã niena tjiga. ⁷ Cã wuhui sãa surucana ti noaina jichu tí wuhuihta tjuaga. Tói ti duhu payorire chu, sihni-tuga. Dahrainare ti wapataare nano cahmana. Æ jina ti wapataare ti nano seheta ti duhu payorire naga musa cãhu. Æ jina cã wuhuihta musa suri wuhuihta jina, tí maca macaa wuhusepu ji tiniena tjiga. ⁸ Macapure musa suna tó macaina sehe musare ti cahmaina jichu ti chu ti duhu payorire chuga. ⁹ Tó macaina dohatiinare noaina wahachu yoaga. Æ jina õ sehe niga tinare: “Cohamacu

mipure mari puhtoro noano to suho jihtore yahuna nija musare”, niga tinare. ¹⁰ Pa macapu musa sũchu tina sehe musare cahmaeraboca. Ti Æ cahmaerachu ñana tí maca dacho macapu waha, õ sehe niga tinare. ¹¹ “Ahri maca macaa dihta pohcari mene wajã site cãna nija sãre musa cahmaerari buhiri ñona. Æ jina ahrire wacũga. Cohamacu mari puhtoro mipure to noano suho jihtore yahuna nija musare”, niga tinare. ¹² Musare potocã niita nija. Sodoma macaina ñabiaina jiha. Ti Æ jipachuta pihtiri dacho jichu Cohamacu to buhiri dahreri dacho jichu Sodoma macaina yuhdoro musare cahmaeraina sehere buhiri dahrerohca —niha Jesu.

Paye macari macaina Cohamacure yuhdurucaina jira

(Mt 11.20-24)

¹³ Baharo Jesu õ sehe niha macari macainare:

—Corazí macaina, musa ñano yuhdunahca. Betsaida macaina, musa cãhu ñano yuhdunahca. Musa ya macaripure Cohamacu tuaa mehne yoa ñomahi. Tiro wama tiri macare, Sidõ wama tiri maca cãhure to tuaa mehne yu yoa ñochu ñua tó macaina sehe ti ñaare cahyaboa. Æ yoaa “Noaina jija”, ni ti tuhotumari cjirire tuhotu cohtotaboa. Dóihita tina duji, cahyaa suhtire sãa, ti basi niti pohcare ti bui dahra site payoboa ti ñaare cahyaare ñoa. ¹⁴ Cohamacu to buhiri dahreri dacho jichu Tiro macaina, Sidõ macaina yuhdoro ñaa buhiri tiina musa jiri buhiri musare ñano waro buhiri dahrerohca tiro. ¹⁵ Capernau macaina, musa mu sũro muanopu waha duamana. Musa Æ waha duapachuta musa ñaa buhiri tiina musa jiri buhiri musare Cohamacu pichacapu cohãnohca —niha Jesu.

¹⁶ Æ ni tuhsu Jesu to buheinare õ sehe ni yahuha:

—Musare tuhoina yuhu cãhure tuhora. Musare cahmaeraina, yuhu cãhure cahmaerara. Æ jia yuhure

cahmaeraina, tina yuhure waro-cariro cãhure cahmaerara —niha Jesu tinare.

Setenta y dos buheina tju wihaha

¹⁷ Baharo setenta y dos buheina wahchea mehne tju wihaha:

—Puhtoro, mu wama mehne mu tuaa mehne watĩare sã dutichu tina sehe sãre yuhdurucaerare —niha tina Jesure.

¹⁸ Ti ã nichu Jesu õ sehe ni yuhtiha tinare:

—Muanopu to oroca site bora taro seheta, watĩno to bora tachu ñuhi. ¹⁹ Noano tuhoga. Musare yu tuaare wahi yuhu. ã jina agãare, pichõno soroare, watĩnore marine ñu tuhtirirore musa yuhdurucahtire wahi yuhu. ã jia tina musare ñano yoa masierara. ²⁰ Yu ã wapachuta watia musare ti yuhdurucaerachu ñuna tí dihtare wahchena tjiga. Ahri sehere wahchega. Muanopu Cohamacu yaina ti wamare to joa õri tjui musa wamare to joa õchu ñuna, tí sehere wahchega musa —niha Jesu tinare.

Jesu wahcheha

(Mt 11.25-27; 13.16-17)

²¹ Tí pjare Espiritu Santo Jesure taro wahchechu yoaha. ã jiro Jesu õ sehe niha:

—Mai, mahu muanopu cãhure yahparu cãhure puhtoro jira. Masi yuhdurucu sainare mu yahuerari cjirire wiho jiina sehere yahure mahu. Mu ã yoachu ñucu “Noa yuhdurara”, nija. ã tjira, Mai. Mu yoa duariro seheta, mu cahmariro seheta tinare mu yare yahure —niha Jesu.

ã ni tuhsu painare õ sehe niha:

²² —Yu Pucu jipihtiare yuhure ware. Yu Pucu dihta yuhure masina. Yuhu cãhu tirore masija. Yu beserina cãhu tirore masina, yu masi dutiina jia. Tópeinata yu Pucure masija sã —niha Jesu.

²³ To ã niri baharo ti sahsero ti jichu Jesu to buheinare õ sehe niha:

—Ahri jipihtiare musa ñuna wahcheina jira. ²⁴ Potocã tjira. Payu Cohamacu yare yahu muhtaina cjiri,

yahpari macaina puhtoa cãhu mipu musa ñurire ñu duamaha tina cãhu. ã jia musa tuhori cãhure tãho duamaha —niha Jesu.

Noariro Samaria macariro quitire yahuha Jesu

²⁵ Tí pjata judio masare buheriro Jesu cahai wihi, Jesure ñano to durucuchu yoa duamaha tirore yahusã duaro:

—¿Buheriro, yuhu jipihtia dachoripe Cohamacu mehne ji duacu dohse yoahcari yuhu? —ni sinituha tiro Jesure.

²⁶ To ã nichu Jesu õ sehe ni yuhtiha tirore:

—¿Dohse ni yahujari Cohamacu yare ti joari pui? ¿Cohamacu to ni joari cjirire dohse ni tuhotujarita mahu? —niha Jesu tirore.

²⁷ To ã nichu tiro õ sehe ni yuhtiha:

—Õ sehe niha Cohamacu: “Tuaro musa yajeripohnari mehne, noano musa tuaa mehne, musa wacua mehne Cohamacure cahiga. ã yoa mu basi mu cahino seheta mu cahai jiina cãhure cahiga” —niha tiro Jesure.

²⁸ To ã nichu Jesu õ sehe ni yahuha:

—Quihõno nire mahu. Tíre yoaga. ã yoacu jipihtia dachoripe Cohamacu mehne jiihca mahu —niha tirore.

²⁹ “Ahriro Cohamacu dutiare yoa pahñoriro jira”, masa tirore ti ni tuhotuchu cahmaha judio masare buheriro. ã cahmano tiro Jesure õ sehe ni sinituha:

—¿Yabariro baro jicari yuhure mu cahĩ dutiriro? —niha tiro.

³⁰ To ã nichu Jesu õ sehe ni piti dahre quitu mehne yuhtiha:

—Cũ dacho Jerusalēpu tariro Jericópu wahariro mahai to tinichu yacaina tirore ñahaha. ã ñahaa, to suhtirore tjuwe na, tirore taro cjãha. ã tuaro cjãa, mahano to yariaro cahachu waro duhuha tina tirore. ³¹ Tí pjata sacerdote tí mahapu taha. ã taro ti cjãriro cjirire ñuparota maha pa buhusehe duhtu cahai do yuhdu wahcã, yuhdu wahaha. ³² ã yoa Cohamacu wuhai

dahrariro cãhũ pjacũoriro cahai sũ, tirore ñũ, maha pa buhũsehe coai do yũhdũ wahcãa wahaha. ³³ ã yoa Samaria macariro sehe tõi waha, yoa cureropũ pjacũorirore ñũ, tirore pja ñũha. ³⁴ ã pja ñũno, tiro pjacũoriro cahai sũ, se, vino mehne morea core to camine pio sihõha. Pio sihõ tuhsũ suhtiro cahsaro mehne dũhteha to camine. Tuhsũ, pjacũorirore to burro bui duhu payo, carĩni wũhũpũ na sũha tirore. Tõi jiro, Samaria macariro noano ñũ wihboha tirore. ³⁵ pa dachoi tiro carĩni wũhũ pũrore pũa tũ niñeru tũrire wa, õ sehe niha: “Ahriroro ñũ wihboga. Ahri mũ sũerachũ pari turi tjua tacũ wapa pahñoihtja”, niha Samaria macariro wũhũ pũrore —niha Jesu.

³⁶ ã ni tuhsũ judio masare buherirore õ sehe ni sinituha Jesu:

—¿Ahrina tiaro mũa diro sehe jijari pjacũorirore cahĩro? —niha Jesu.

³⁷ To ã nichũ tũhoro buheriro sehe Jesure õ sehe ni yũhtiha:

—Pjacũorirore yoadohoriro jica tirore cahĩro —niha tiro Jesure.

—Wahaga. Mũhũ cãhũ masare tõi sehetã yoi wahaga —niha Jesu buherirore.

Marta, María cãhũ cahai Jesu tiniha

³⁸ ã yoa Jesu to buheina mehne ti wahachũ, pa macapũ ti tinichũ, Marta wama tiricoro tinare to wũhũ sãa tã dutiha. ³⁹ To bahoro María to dahpori cahai duji, to buheare tũhoha. ⁴⁰ To ã yoachũ ñũno Marta to dahraa pjĩro jichũ suaha. ã jiro ticoro Jesure õ sehe ni sinituha:

—Pũhoro, ¿yũhũ cãcoro yũ dahrachũ yũhũre yũ baho to yoado-hoerachũ mũhũre noajari, mũ ñũchũ? Ticoro yũhũre yoadoho dutiga —niha Marta Jesure.

⁴¹ To ã nichũ Jesu õ sehe ni yũhtiha:

—Marta, dahraa pjĩro cũaco pjĩro tũhotura mũhũ. ⁴² Cohamacũ to yare tũho dutira. María noaare yoaro taro tíre cahmahre. ã jicũ yũhũre to tũhochũ “Dahradohoco wahaga”, nieraja ticoro —niha Jesu Martare.

11

Jesu Cohamacũre siniare buheha (Mt 6.9-15; 7.7-11)

¹ Cã dacho Jesu Cohamacũre sinino niha. To sini tuhsũchũ, cãiro to buheina mehne macariro tirore õ sehe niha:

—Pũhoro, João to buheinare to buheriro sehetã Cohamacũre siniare sã cãhũre buhega mũhũ —niha tiro Jesure.

² To ã nichũ tũhoro Jesu tinare õ sehe ni yahuha:

—Õ sehe ni Cohamacũre siniga: “Sã Pũcũ, mũhũ ñaa marieriro ã jiru-cura.

Mipũre jipihtina bui pũhoro jiga.

³ ã yoa dachoripe sã chũhtire warucuga sãre.

⁴ Paina sãre ti ñano yoarire sã boja.

ã jicũ mũhũ cãhũ sã ñaa yoarire boga. Tuhsũ, sã ñaare yoa duana sã goa pjachũ ñũcũ tíre sãre yoa duaerachũ yoaga”,

ni siniga Cohamacũre —niha Jesu tinare.

⁵ Baharo Jesu quiti mehne to buheinare õ sehe ni buheha:

—Cãiro ñami dacho macai to coyeiro ya wũhũpũ waha, tirore õ sehe ni siniha: “Coyeiro tia curi pão curi waga yũhũre. ⁶ Pairo yũ coyeiro tinino tariro michapucacãta ya wũhũ wihihre. ã yoa tirore yũ chũa waboa mariaha”, niha tiro to coyeirore. ⁷ To ã nichũ to coyeiro wũhũ puhichapũ jiro yũhtiha:

“Yũhũre cariboi tjiga. Sopa pahma bihariro jira. Yũhũ yũ pohna mehne carĩna nija. Wahcãno pjaeraca yũhũre. Mũhũre chũare waboricũ jieraja”, niha to coyeiro. ⁸ ¿Dohse waharohcari sinirirore? Potocã niita nija mũsare. To coyeiro jiparota, chũa waboriro wahcã duaeraha. Wahcã duaeraparota chũa siniriro sehe bũo tiro marieno to yoari pja sinirucuchũ tũhoro jipihtia to siniriro sehetã warohca. ⁹ ã jicũ ahrire mũsare ni yahui nija: Cohamacũre siniga. ã sinina mũsa sinirire ñahanahca. Mũsa sinirire bocanahca. Tirore ã sinirucuga. Mũsa ã yoachũ

tiro musare warohca. ¹⁰ Jipihtina Cohamacure siniina ti sinirire naahca. Æ yoa ti sinirire bocaahca. Æ jiro jipihitina Cohamacure ã sinirucuinare tiro tinare warohca.

¹¹ ¿Musa pohna musare wahire ti sinichu agã sehere wabocari musa tinare? ¹² ¿Musa pohna caraca diecare ti sinichu pichõno soro sehere wabocari musa tinare? Ne wasi. ¹³ Musa ñaina jipanahta musa pohna noaare wa masina musa. Æ yoa Cohamacu sehe musa wari yuhdoro noaare wara musare. Tiro mari Pucu muanõ macariro to Espiritu Santore warohca tirore siniinare —niha Jesu to buheinare.

“Jesu watino tuaare cjuara”, ni yahusãha masa

(Mt 12.22-30; Mr 3.19-27)

¹⁴ Tí pjare Jesu watinore cohã wioro niha. Watino sehe durucu masierariro jichu yoaha masunore. Æ jiro watino masunore to duhuri baharo masuno sehe durucu ducaha. To durucuchu tuhõa masa payu cuãa wahaha. ¹⁵ Ti ã cuapachuta paina sehe õ sehe niha:

—Ahrirõ Jesu watiare to cohã wiochu Beelzebú wama tiriro watia pãhtoro sehe tirore yoadohora —niha paina.

¹⁶ Paina “¿Jesu Cohamacu to warocariro jijari?” ni masi duaã tirore Cohamacu tuaa mehne yoa ñõ dutimaha. ¹⁷ Ti ã dutichu tuhõro “Watino tuaa mehne watiare cohã wiora”, ni ti tuhõtuare masino, tinare õ sehe ni yahuha Jesu:

—Watino ya tuaa mehne watiare cohã wioi nieraja. Cã maca macaina ti basi cahma wajãa, tí maca macaina yaria pihtia wahara. Æ jia cã wahu macaina ti basi cahmachea, tí wahu macaina waha pihtia wahara. ¹⁸ Æ yoa watino yaina watia ti basi cahmachea, tina watia cãhu waha pihtia wahaboa. Cã curua ji masieraboa. Musa yuhure õ sehe nina. “Tiro watino tuaa mehne watiare cohã wiora”, musa yuhure nina nica. ¹⁹ ¿Yuhure musa niri potocã jichu musa mehne macaina watiare cohã

wioa, watino tuaa mehnetã cohã wiojari tina cãhu, musa ñuchu? Musa mehne macaina watiare cohã wioa, watino tuaa mehne cohã wioa nierara. Ahrire masina watino to tuaa mehne watiare yu cohã wioerachu masinahca musa. ²⁰ Æ jicu yuhu sehe watiare cohã wiochu Cohamacu tuaa mehne cohã wioja. Ahrire masina, Cohamacu musa pãhtoro to noano saho ji ducare masinahca musa.

²¹ Tuarirõ to wamõa mehne to wuhure to ñu wihbochu to yare paina na masierara. ²² To ã ñu wihbopachuta paio tua yuhdurirõ tiro mehne cahmache, tirore yuhduruca, to wamõare manoca, to yare manocahna. (Õ sehetã yoa yuhdurucaro cahmana watiare.) ²³ Cãiro yuhure cahmaeraro, yuhure ñu tuhtiriro jira. Cãiro yuhure yoadohõeraro yuhure ñano yoaro nina —ni buheha Jesu.

Watino pari turi masunore to sãari quitire yahuha Jesu

(Mt 12.43-45)

²⁴ Æ yoa to tuhõtua mehne õ sehe ni piti dahre buheha tinare:

—Watino masunore duhuro tiro co marieni yahpai tinino, to sohto cijitõre macamaha. Bocaeraro, õ sehe ni tuhõtuha: “Masuno yu duhurirõ mehne pari turi jii wahaihtja”, ni tuhõtuha tiro. ²⁵ Æ nino tiro tjua waha, masunore bocaãa. Æ to bocachu masuno sehe noariro jimaha. ²⁶ Tuhsu, watino paina siete watiare tiro bui ñaa yuhdãinare nano wahaha. Na wihi, tina jipihtina watia masuno mehne jiha. Æ jiro masuno sehe tó pano cãiro watinore cjuaro, ñariro jimaha. Mipõ sehere payu watia ti cohtotarirõ jiro, tó pano to jiriro yuhdoro ña yuhdurirõ jiha —niha Jesu.

Jesu wahcheare yahuha

²⁷ Tíre to ã nichu masa watoi jiricoro numino Jesure õ sehe ni yahuha:

—Muhure pohna tiricoro, muhure pãricoro wahchericoro jira —niha Jesure.

28 To ã ni tuhsuchu tuhoro Jesu tiorore õ sehe ni yuhtiha:

—Cohamacu durucuaru tuhoina to dutiare yoaina tina tjica wahcheina —niha Jesu tiorore.

Masa ñaina Jesure Cohamacu tuua mehne yoa ño dutiha

(Mt 12.38-42; Mr 8.12)

29 Æ yoa payu masa Jesu cahai ti wihichu, tiro tinare õ sehe ni yahu namoha:

—Mipuu macaina nu ñaina jira. Cohamacu tuua mehne yu yoa ñochu ñu duamana. Ti ã ñu duapachuta Jona panopuu macariro Cohamacu tuua mehne to yoari dihtare ñonohca Cohamacu tinare. 30 Jona Cohamacu yare yahu muhtariro jiro, tiro Nínive macainare Cohamacu yare to masichu yoariro seheta yuhu masuno Cohamacu warocariro masichu yoaja mipuu macainare. 31 Buhiri dahrehti dacho jichu puhtorocoro sur macaricoro panopuu macaricoro ducu, mipuu macainare “Ñaina jira”, ni yahusãnohca ticoro. Ticoro Salomo panopuu macariro to masiare tũho duaro yoaropuu ahri yahpa pa seheruu jiricoro Salomoro tuhoro taha. Æ yoaro noano yoaro niha mipuu macaina yuhdoro. Æ jiro ticoro yahusãnohca mipuu macainare. Æ nicu musare potocã niita nija. Mipuu musare yu buhea Salomo to buheri yuhdoro jira. 32 Buhiri dahrehti dacho jichu Nínive macaina cãhu ducu, mipuu macainare “Ñaina jira”, ni yahusãahca tina. Jona tinare Cohamacu yare to yahuchu tũhoa, ti ñaare tuhumarire tuhutu cohtota Cohamacure cahmaha tina sehe. Æ cahmaa noano yoaa niha mipuu macaina yuhdoro. Æ jia tina cãhu mipuu macainare “Ñaina jira”, ni yahusãahca. Musare potocã niita nija. Mipuu musare yu buhea Jona to buheri yuhdoro jira —ni yahuha Jesu.

Masa ti tũhoturo seheta yoara
(Mt 5.15; 6.22-23)

33 Æ ni yahu tuhsu, piti dahre buhero õ sehe ni yahu namoha tinare:

—Masa sihãriare sihãa nuoerara. Tiare sihãa dihi biato docapuu duhu dapoerara. Tiare muanoi duhu payora wuhupuu sãa taina ti noano ñu sãhto sehe. 34 Sihãria to noano buhriachuu mari noano ñu masino seheta noaare tuhutua mehne noaare yoa masinahca musa. Musa tuhuturo seheta yoara musa. Noaare tuhutuna noaare yoara musa. Noaare tuhutuerana ñaare yoara musa. 35 Æ jina noano yoaga. Musa tuhutuapuu ñaa jiero tjijaro. Ñaare goa pjaena tjiga. 36 Tuhsu musa tuhutuapuu noaa jichu, ñaa ne mariachuu noaa dihtare tuhutunahca —ni buheha Jesu.

Fariseo curua macaina, judio masare buheina cãhure Jesu tuhtiha

(Mt 23.1-36; Mr 12.38-40; Lc 20.45-47)

37 Jesu to buhe tuhsuchu ñu fariseo curua macariro tirore to ya wuhupuu chu dutiro pjiha. Æ jiro Jesu tiro ya wuhupuu sãa su, ti churoi tina mehne nuju sãha. 38 To ã nuju suchu fariseo curua macariro sehe Jesure ñu nunano judio masa ti wamo cosarucuro seheta to wamo cosaerachuu ñuno õ sehe ni tuhutuha: “Cue nah. ¿Ahriro dohsearo wamo cosaerajari mari yoaro sehe?” ni tuhutuha. 39 To ã ni tuhutuchuu masino Jesu tirore õ sehe ni yahuha:

—Musa fariseo curua macaina sihnia wahwarire, wapari cãhure bui sehe dihtare musa cosaro seheta noaare yoa ñona musa buicã warohna. Æ yoapanahca Cohamacu yare quihõno yoerara. Paina yare maina jina, ñaa dihtare tuhutura musa. 40 Tũho masieraina jira musa. Cohamacu musa pjacurire yoariro musa tuhutuhti cãhure yoaha. ¿Tĩre masierajari musa? 41 Æ jina musa yare pjacurinare waga musa. Musa ã yoana noaare tuhutuina jinahca.

42 'Musa fariseo curua macaina ñano yuhdunahca. Moa yoaro sehe jiare chũare coachu yoaare cãhana mahanocã wamana musa.

Cohamacure ño payona tana sacerdotiare wamana musa. Ñ wapanahca noaare yoaerara musa. Ñ jina masare pja ñnerara musa. Ñ yoa Cohamacure ño payoerara musa. Toaa dichacãre musa narire mahanocã Cohamacure musa wachu noa nina. Ñ wana õ sehe yoa namoga: Noaare yoaga. Ñ yoa pja ñuga musa masare. Tuhsu, Cohamacure ño payoga musa.

⁴³ 'Musa fariseo curua macaina ñano yuhduhca. Buheri wuhuru jina, noaa dujia dihtare duji duara musa. Pache duaropu masa musare puhtoare noano ño payo ti sinino sehe ti piti bocasinichu cahmana musa.

⁴⁴ 'Ñano yuhduhca musa. Masa copa nuori copa yoaro sehetã jira musa. Tí copa cahai masa jia, puhicha macariro baaritore ñnerara tina. Tó sehetã masa musa cahai jia, musa tuhutuapu ñaa jiare masierara tina —niha Jesu tinare.

⁴⁵ To ã nichu tuhoro judio masare buheina mehne macariro Jesure õ sehe ni yahuha:

—Buheriro, tíre nicu sã cãhure ñano nii nica mahu —niha tiro Jesure.

⁴⁶ To ã nichu Jesu õ sehe ni yuhtihã: —Potocã tjira. Judio masare buheina musa cãhu ñano yuhduhca. Musa painare ti bihoeraare yoa dutira tinare. Ñ dutipanahta musa sehe tinare ne mahanocã yoadoherara tí dutiare ti yoahito sehe.

⁴⁷ Ñ jina musa ñano yuhduhca. Cohamacu yare yahu maitaina panopu macaina ti masa coparire noano cahnomana musa tinare ño payoro sehe yoana. Musa ã yoapachuta panopu macaina musa coyea sehe tinare wajãha. ⁴⁸ Tina sehe Cohamacu yare yahu maitaina cjirire ti wajãriro sehetã musa cãhu yoaboa. Ñ jina mipure ti masa coparire cahnomana musa. Ñ cahnoma musa coyea tinare ti wajãri cjirire wacũ bajuro wana nica musa. Ñ ti wajãrire wacũna “Noa nina”, nina nica musa.

⁴⁹ 'Cohamacu to masia mehne õ sehe ni yahuha: “Yu yare yahu maitaina cãhure yu buhe duti cãrina cãhure warocaitja tinare. Ñ jia tina yu warocainare painare wajã, painare ñano yoaahca”, niha Cohamacu. ⁵⁰⁻⁵¹ Ahri yahpare Cohamacu to bajuamehneri baharo Cañ sehe Abere wajãha. Tuhsu, Cohamacu yare yahu maitaina cjirire Abe baharo jiina cãhure ñaina wajãha. Baharo Zacariare Cohamacu wuhuri Cohamacure ño payori mesa cahai musa coyeata wajãha. Jipihtina tinare ti wajãri buhiri mipu macainare Cohamacu buhiri dahrerohca. Ñ tjira. Musareta nii nija. Jipihtina tinare ti wajãri buhirire mipu macainare Cohamacu buhiri dahrerohca.

⁵² 'Musa judio masare buheina, ñano yuhduhca. Cohamacu masiare ti joaa purine cãpanahta painare yahuerara musa. Musa basi Cohamacu yare tuhoerara. Tuhsu, paina to yare ti tuho duapachuta tíre musa tinare tuho dutierara —niha Jesu tinare.

⁵³⁻⁵⁴ To ã nichu tuhoa judio masare buheina fariseo curua macaina cãhu tiro mehne sua tirore ñano ni durucuha. Ñ jia Jesu to ñano ni yuhtichu tuho duaa, tina payu mahño cã sinitu ñumaha tirore, tirore yahusã duaa.

12

Fariseo curua macaina ti ã mahñorucurire Jesu yahuha

¹ Ñ yoa Jesu cahai masa payu cahmachua, bihsa yuhduhca. Tóti Jesu to buheinare õ sehe ni yahu ducaha:

—Noano wacũ masiga musa. Fariseo curua macaina ti pão bucuarore ñuna noano wacũ masiga. Ti mahñorucurire nii nija “Pão bucuaro”, nicu. ² Jipihtia ñaare paina ti masierari cjirire baharo masiahca. ³ Ñ yoa ñamipure ti pjiroca durucuri cjirire buhriaroi to bajuro waro sehetã masiahca jipihtina. Bihari tahtiapu pairore yaroca ti nimari

cjirire masa payu masiahca —ni yahuha Jesu.

*Masa ti cuihtirore yahuha Jesu
(Mt 10.28-31)*

⁴ ã ni tuhsu Jesu õ sehe ni yahu namoha tinare:

—Potocã niita nija musare. Masa wajãina wajã tuhsu pari turi ti wajãrina cjirire ñano yoa namo masierara. ã jina musare wajã duainare cuiena tjiga. ⁵ Mipure musa cuihtirore musa ño payohtirore yahuihtja. Cohamacu sehere cui, ño payoga. Tiro musa yariari baharo pichacapu cohã masina musare. ã tjira. Potocã nii nija. Cohamacu sehere cui, ño payoga.

⁶ 'Cinco siripia wapa mariaha. Ti ã wapa mariapachuta cãirocãre Cohamacu ne boerara. ⁷ ã yoa musa pjoarire ne cã pjoa da dũsaro marieno masi pahõna Cohamacu. Tó sehetã musa jia tia cũhure masi pahõna Cohamacu. ã masino musare ñu wihborucura. Siripiare to cahõno yũhoro musa sehere cahõna Cohamacu. ã jina tirore ño payona cuiena tjiga musa —niha Jesu.

*Jesu yaina musa jiare yahuga masare
(Mt 10.32-33; 12.32; 10.19-20)*

⁸ ã yoa Jesu õ sehe ni yahu namoha:

—Musare niita nija. Cãiro "Jesu yairo jija", masare to nichu ñucu, yũhu masũno Cohamacu warocariro "Tiro yu yairo jira", ni yahuihtja Cohamacu yaina anjoare. ⁹ Cãiro "Jesu yairo jija", masare nierariro sehere yũhu "Tiro yu yairo jierara", ni yahuihtja Cohamacu yaina anjoare.

¹⁰ 'Cãiro yũhure ñano to ni durucuchu tí ñaa buhirire Cohamacu bo masina. ã boparota cãiro Espiritu Santo sehere to ñano ni durucuchu tí ñaa buhirire ne Cohamacu bosi.

¹¹ 'Mari judio masa buheri wũhũpu pũhtoa cahai paina musare na sãa yahusãhca. Ti ã yahusãchu musa

ni dũcatahti cjihtire "Cue, masieraboca", ni tũhotuena tjiga. ¹² Tí pjaihta Espiritu Santo musa yahuhti cjihtire yahurohca —niha Jesu.

Pache pũro quitire yahuha Jesu

¹³ ã yoa masa mehne macariro Jesure õ sehe ni yahuha:

—Buheriro, sã pũcu to yariari baharo to ya cjiri sãre tjuara. ã jicu yu wahmine tíre yũhu cũhure quihõno tju wa dutiga —niha tiro Jesure.

¹⁴ To ã nichu Jesu õ sehe ni yũhtiha: —Ne tí barore tju waboricu jieraja yũhu —niha Jesu tirore.

¹⁵ ã ni tuhsu Jesu jipihtinare õ sehe ni yahuha:

—Noano yoaga musa. Pachere, paye baro cũhure cahõna tjiga. Payu cũapanahca tí mehneta wahche tuhsũeraja mari —niha Jesu.

¹⁶ ã ni tuhsu Jesu quti mehne õ sehe ni yahuha tinare:

—Pache pũro noari yahpare cũaha. ã jia tí yahpũ to toaa noano dicha tiha. ¹⁷ ã jiro tiro to basĩ õ sehe ni tũhotumaha: "Dicha wihboa wũhũse ne mu sũerara. ¹⁸ Mipure õ sehe yoaihtja: Mipũ yu wihboa wũhũsere cohãnocã, mũna wũhũse cjiri yũhoro wahma wũhũse yoaihtja. Tí wũhũsei yu toaa dichare, jipihtiare yu yare wihboihtja. ¹⁹ Yu ã yoari baharo, õ sehe ni tũhotuihtja yu basi: 'Yũhu jiape cũariro jija. Noano soihtja. ã jicu chu, sihni, wahcheihtja', ni tũhotuihtja yu basi", ni tũhotumaha tiro. ²⁰ To ã ni tũhotuchũ Cohamacu tirore õ sehe ni yahuha: "Mũhu ne tũho masierariro jira. Micha ñamihta mũhu yariaihca. Mu ã wahachu mu ya mu cahĩri butia wahaahca", niha Cohamacu tirore —niha Jesu masare.

²¹ Tíre nino, masare õ sehe ni yahuha Jesu:

—ãta wahaahca pache pũa Cohamacure wacũeraina. Payu pachere, niñerure to ya cjihti dihtare wihboriro, Cohamacure wacũeraro tiro pjacũoriro jirohca, Cohamacu to

ñuchu. Ñ jiro Cohamacu tirore ñu jicoerara —niha Jesu.

*Cohamacu to pohñare ñu wihbora
(Mt 6.25-34)*

²² Ñ yoa Jesu to buheinare õ sehe ni yahuha:

—Ahrire musare nii nija: MUSA chuhti cjihtire, musa suhti sãhtire pjíro cahya tãhotuena tjiga. ²³ Cohamacu musare bajuamehnenno, chuhtina cjihti dihtare yoaeraha musare. Tuhsu, suhti sãhtina cjihti dihtare yoaeraha tiro musare. ²⁴ Minichahca perire Cohamacu to ñu wihboare masiga. Tina weseri maeraina jira. Ñ jia chũare ti wihboa wũhũse tinare mariaha. Ti ã jiina jichu ñũno tinare Cohamacu ti chuhtire wara. Minichahca yũdoro musa sehere cahña Cohamacu. ²⁵ Pjíro musa tãhotua mehne cũ hora waro musare cati namochu yoa masierara musa. Ñ jiro musa pjíro tãhotua yaba cjihti jierara. ²⁶ ¿Ñ yoa pjíro musa tãhotua ti yaba cjihti jierapachũta dohse yoana musa chuhtire, musa sihnihtire, musa sãhtire pjíro cahya tãhotujari?

²⁷ Macaroca macaa cohore tãhotuga. Ti cohoru ti basi suhtire yoerara. Ñ yoerapahta noaa suhti tiina yoaro sehe noaa bajura tí cohoru. Salomo cjiro noaa suhtire sãaruro to jipachũta tí cohoru sehe tiro yũdoro noabiaa cohoru waro jira. ²⁸ Cohore noaa cohoru yoara Cohamacu sehe. To ã yoapachũta cohoru sehe mahaa dachoricã jirucuma ñai boraahã. Mahanocã ji, pa dachoi pichacaru jũã wahara. Ti ã jipachũta cohore noaa cohoru jichu yoara Cohamacu. Ñ jiro Cohamacu cohore to noaa cohoru to yoaruro yũdoro musa cũhũre noano yoarohca. Suhtire warohca. Mahanocã Cohamacure wacũ tuara musa. ²⁹ Ñ jina musa chuhtire, musa sihnihtire pjíro cahya tãhotuena tjiga. ³⁰ Cohamacure cahmaeraina sehe ahri yahpa macaina sehe tíre ã macarucua nina. Mari Pũcu mũano macaruro jipihtia musa cahmaare masina. To ã masichu pjíro cahya

tãhotuena tjiga. ³¹ Cohamacu musa puhtoro to jihto cjihtore cahma mahtaga. Jipihtia paye baro yũdoro tirore cahmaga musa. MUSA ã yoari baharo Cohamacu sehe musa cahmaa dũhsachũ warohca —ni yahu namoha Jesu.

*Mũanopũ mari payũ cjuã masija
(Mt 6.19-21)*

³² Ñ ni tuhsu, tinare õ sehe ni yahu namoha:

—Yũ cahũina, mahainacã jipanahta, cuiena tjiga musa. Cohamacu musa puhtoro to noano sũho jiropũre tiro mehne musa jichu cahmana tiro. ³³ Ñ jina musa yare dua pahũoga. Tíre duanoca tí niñerure na, pjacũoinare waga. Tó sehe musa yoachũ mũano macaa musa wapataa ne pihtisi. Mũanopũ musa ya jia ne pihtierara. Tópũre musa yare na masierara yacaruro. Ñ yoa machu cũhũ tíre tũã masierara. ³⁴ Mũanopũ musa ya jichu mũano macaa dihtare tãhotunahca musa —niha Jesu.

Jesu to tjua tahtore cohta dutiha to yainare

³⁵⁻³⁶ Ñ ni tuhsu tinare õ sehe ni yahu namoha:

—MUSA yare cahnoyu tuhsũina yoaro sehe yũ yare ã yoarucuina jina cohtaga yũhũre. Dahra cohtaina ti puhtoro wamomaca dũhteri bose numũpũ to wahachu to tjua tahtore tina cohtara. Tina ti ã cohtaruro sehetã yũ tjua tahtore cohtaga musa cũhũ. Puhtoro to wũhũpũ wihi, sopacare to dotachu tũhoa tina dóihtã pjõo sũhna tirore. ³⁷ Dahra cohtaina ti puhtoro to wihichu to cahmano sehetã yoarucuina jia, wahcheina jahca. Ti ã yoachũ ñũno puhtoro sehe dahra cohtaruro yoaro sehe cohtotarohca. Ñ yoaro dahra cohtainare duji dutiro, tiro ti chũare duhu payorohca. ³⁸ Tiro to wihihti pja ñami dachõ macaru, o bohrearopũ to jipachũta dahra cohtaina sehe to wihihti pjare tirore noano cohtaina jia, wahcheina jahca tina. ³⁹ Ahrire wacũga musa. Yacaruro

wahupu to wihito pano tí wahu puro masierara. Wahu puro yacariro to wihitore masino, tiro yacarirore sãa dutieraboa. ã jiro wacũenoca tara yacariro. ⁴⁰ ã jina musa cãhu cohtaga. Yuhu masuno Cohamacu warocariro wacũenoca taihca. ã jina yu yare ã yoarucuina jina cohtaga musa —niha Jesu tinare.

Dahra cohtariro to puhtorore ño payorirore, ño payoerariro cãhure yahuha

(Mt 24.45-51)

⁴¹ To ã nichu Pedro sehe õ sehe ni sinituha Jesure:

—¿Ahri quitire yahucu sãre nii nijari? ¿o jipihtinare ã nii nijari? —niha Pedro.

⁴² To ã nichu Jesu to tãhotua mehne õ sehe ni piti dahre buheha tinare:

—Dahra cohtariro to puhtorore ño payoriro tãho masiriro õ sehetã jira. Puhtoro tinino waharo, dahra cohtarirore to wãhure cãna. To cãriro sehe dutiriro jirohca. ã jiro tiro chãri pja jichu paina dahra cohtainare chãre witira. ⁴³ Baharo puhtoro to wihichu dahra cohtariro sehe to puhtoro to dutiriro sehetã yoa pahãoriro jiro, tiro wahcheriro jirohca. ⁴⁴ Potocã niita nija musare. To ã yoachu to puhtoro jipihtia to yare ñu wihboriro cãnohca tirore. ⁴⁵ To ã cãpachuta dahra cohtariro “Yu puhtoro yoari pja bajuerara”, niboca. ã nino paina dahra cohtainare mure, numia cãhure cãpe, payu chu, sihni, cahaboca. ⁴⁶ To ã yoari baharo wacũenoca to puhtoro wihirohca. ã wihiro tirore ñano buhiri dahrerohca. ã jiro Cohamacure yãhdurucainare to cohãriropu tirore cohãnohca.

⁴⁷ ã yoa dahra cohtariro to puhtoro cahmaare masiriro jiparota tíre to yoerachu, tiro to noano dahraerachu to puhtoro sehe tirore yuta da mehne tuaro tjananohca. ⁴⁸ Pairo sehe dahra cohtariro to puhtoro cahmaare masierariro jiro to noano yoerachu ñano to puhtoro sehe

pjiroca dero tirore tjananohca. Cohamacu to cahmaare masichu yoara masare. ã jiro masirirore yãhtiro cahmana. Tuhsu, noano masirirore noano yãhtiro cahmana —niha Jesu.

Jesu masare cahma tju wachu yoara

(Mt 10.34-36)

⁴⁹ ã ni tuhsu Jesu tinare õ sehe ni yahuha tjoa:

—Pichaca to jãwero sehetã yuhu ahri yahpapure Cohamacu tirore cahmaerainare to buhiri dahrehtore tinare masichu yoai tai nii. Mipu pinihta tíre ti masichu tuaro cahmaja yuhu. ⁵⁰ Yuhu ñano yãhdũihca. Yu ã ñano yãhdũhtire cohtacu, ñano yajeripohna tija yuhu. ⁵¹ ¿Dohse ni tãhotujari musa yãhure? “Tiro masare to buheri baharo paina tinare ñu tuhtisi”, ¿ni tãhotujari musa yãhure? ã jierara. Masare yu buheri baharo cãina yu yare tãhoahca. Paina sehe tinare ñu tuhtiahca. Cãno potori waro jisi masa. Musare nii nija. Masa yu buheare tãhoa, pu curua cahma tju waahca. ⁵² Mipure cã wãhu macaina cinco masa yu buheare tãhoa, pu curua ti basi cahma tju waahca. Cã curua tiaro, pa curua puaro jahca. ⁵³ To puçuro to macunore ñu tuhtirohca yu yairo to jiri buhiri. Tuhsu, paio macuno cãhu to puçurore ñu tuhtirohca to puçuro yu yairo to jiri buhiri. ã yoa to pocoro to maconore ñu tuhtirohca yu yacoro to jiri buhiri. Tuhsu, pacoro macono cãhu to pocorore ñu tuhtirohca to pocoro yu yacoro to jiri buhiri. ã yoa to marechono to macu namonore ñu tuhtirohca yu yacoro to jiri buhiri. Tuhsu, pacoro macu namono cãhu to marechonore ñu tuhtirohca yu yacoro to jiri buhiri. ãta waharohca, yu buheare ti tãhochu —niha Jesu.

Noari dacho cjihtore, ñari dacho cjihtore masa ti masiare yahuha Jesu

(Mt 16.1-4; Mr 8.11-13)

⁵⁴ ã yoa Jesu masare õ sehe ni yahuha tjoa:

—Ahrie sehepe coro siterire ñuna, dóihta “Coro tarohca”, nina m_{usa}. M_{usa} ã niri baharo coro tara. ⁵⁵ ã yoa surpe wihnono tach_u “Siri dacho jirohca”, nina m_{usa} ahri yahpai jiina. M_{usa} ã niri baharo dacho sira. ⁵⁶ M_{usa} mahñoperucuina jira. M_{usa} ahri yahpare m_{uano} c_{uhure} ñuna, noari dacho cjihtore, ñari dacho cjihto c_{uhure} masina m_{usa}. ¿ã jina mip_u macaa dachore masipanahta dohseana ahri yahpa macaina mip_{ure} m_{usa} dohse wahah-tore masierajari m_{usa}? —niha Jesu.

M_{usare} ñ_u tuhtiro mehne m_{usa} cahmacherire cahma pjãga

(Mt 5.25-26)

⁵⁷ ã ni tuhs_u õ sehe ni yahu namoha:

—¿M_{uh_u} quihõno m_u yoah-tire masierajari m_{uh_u} mip_u? ⁵⁸ Pairo m_{uh_{ure}} yahusãno waharo buhiri dahre dutiri w_{uh_u} waha dutiboca. Tópe wahana “Pari turi m_{uh_{ure}} ã yoasi”, nic_u cahma pjãga. M_u ã cahma pjãerach_u tiro buhiri dahre dutiriro cahap_u naaboca m_{uh_{ure}}. Tuhs_u, buhiri dahre dutiriro sehe m_{uh_{ure}} surarare to wach_u, m_{uh_{ure}} surara peresu yoahca. ⁵⁹ M_{uh_{ure}} nii nija. Tópe jisiniihca m_{uh_u}. Pe ti wapa dutirire m_u wapa pahñoir_u wijaaihca m_{uh_u} —niha Jesu.

13

“Noainajija”, ni m_{usa} t_uhotumarine t_uhotu cohtota, Cohamac_{ure} cahmaga

¹ Tí pjare mahainacã masa Jesure õ sehe ni yahua tiha:

—Galilea macaina wahiquirore wajã j_u m_u Cohamac_{ure} ti ño payoro watoi Pilato sehe tinare wajãha. To ã wajãch_u wahiquiro di mehne masa di moreha —ni yahua tina Jesure.

² Ti ã ni yahu tuhs_{uch_u} Jesu õ sehe ni yahua:

—¿Galilea macaina Pilato to wajãrina cjirire dohse ni t_uhotujari m_{usa}? ¿Ti ã yariach_u paina Galilea macaina y_uhdoro ñaina ti jiri buhiri ã yoa dutiri Cohamac_u tinare, m_{usa} t_uhotuch_u? ³ Jierara. M_{usare} niita

nija. M_{usa} sehe “Noaina jija” ni, m_{usa} t_uhotumari cjirire t_uhotu cohtotaerana, Cohamac_{ure} cahmaerana, m_{usa} c_{uh_u} yariana pichacap_u wahanahca. ⁴ ã yoa sohõ jirina diez y ocho masa Siloé wama tiri w_{uh_u} m_{uari} w_{uh_u} ti bui bora pja wajã pahñoha. ¿ã waha yariaa, paina Jerusalé macaina y_uhdoro ñaina jiri tina, m_{usa} t_uhotuch_u? ⁵ Jierara. M_{usare} niita nija. M_{usa} ñaa t_uhotumari cjirire t_uhotu cohtotaerana, Cohamac_{ure} macaerana, m_{usa} c_{uh_u} yarianahca. ã jina pichacap_u wahanahca —niha Jesu tinare.

Higuerac_u dicha maried_u quitire yahuha Jesu

⁶ ã ni tuhs_u quitu mehne piti dahre yahuha tinare:

—Wese p_uro to wesepe higuerac_{ure} c_uaha. ã jiro tiro t_u dichare macano wahamaha. Bocaeraha. ⁷ Bocaeraro tiro wese dahrarirore yahuha. “T_uhoga y_uh_{ure}. Tia c_uhma waro higuerac_u dichare macamaja. Dicha mariahna. T_u dicha mariach_u t_ure c_uã cohãnocahga. T_u y_u wesei jich_u pad_{ure} y_uh_u toa masieraja. Y_u wesei jiri yahpa macaare wiho waro nana t_u”, niha wese p_uro tirore dahra cohtarirore. ⁸ To ã nich_u t_uhoro dahra cohtarirore õ sehe niha: “P_uhtoro, ah_u c_uã c_uhma waro ducusinijaro. T_u dahpotoi y_uh_u sahaihtja. Tuhs_u, wahiquiro t_u mehne tí copare yaihtja. ⁹ Y_u ã yoari baharo t_u pa c_uhmai dicha tiboca. T_u dicha tierach_u m_{uh_u} c_uã cohã dutiuhca”, niha dahra cohtarirore wese p_urore —ni yahua Jesu.

Sabado dachoi Jesu dohatiricorore noaricoro wahach_u yoaha

¹⁰ Tí pjare Sabado dachoi Jesu judio masa buheri w_{uh_u} buhero niha. ¹¹ Tópe wat_uno to cohtotaricoro jiha. Wat_uno sehe diez y ocho c_uhmari waro dohatich_u yoaha ticorore. ã jiro pari muti ducuricoro jiro, potu ducu masieraha. ¹² To ã jich_u ñ_uno Jesu ticorore ñ_u, õ sehe ni pisuha:

—Numino, m_u dohatia pihtia wahahre —ni pisuha Jesu.

¹³ To ã pisuri baharo ticorore to ña payoch_u dóihta ticoro noano poto ducuricoro wahaha. ã waharo “Cohamac_u tuariro, noariro jira”, ni ño payoha ticoro. ¹⁴ Jesu ticorore Sabado dachoi to noaricoro yoach_u ñ_uno judio masa buheri w_uh_u p_uhtoro sehe tiro mehne suaha. ã suaro tiro masare õ sehe niha:

—Seis dachori jira mari dahraa dachori. ã jina m_usa dohatiinare noaina wahach_u yoa duana, tí dachorire tíre yoaga. Sabado dachore mari sori dachore tíre yoaena tjiga —niha w_uh_u p_uhtoro.

¹⁵ To ã nich_u Jesu õ sehe ni y_uhtiha:

—M_usa ã mahñorucuina jira. M_usa wach_ure, burro c_uh_ure cj_uana Sabado dachoi ti d_uhteri dare pjã, tinare na buha, sihni dutiboa. ¹⁶ Mip_u ahricorore Abrahã cjiro coyeacorore wat_uño diez y ocho c_uhmari waro ticorore dohatich_u yoahre. ¿Sabado dachoi ticorore noaricoro wahach_u yoa dutierajari m_usa? —niha Jesu.

¹⁷ To ã nich_u t_uhoa, tina b_uoro wahaha. ã jia paina sehe jipihtina Jesu yoarire ñ_ua, wahcheha.

*Mostaza yapa quitire yahuha Jesu
(Mt 13.31-32; Mr 4.30-32)*

¹⁸ ã yoa Jesu quiti mehne piti dahre buheha masare:

—¿Ne Cohamac_u masa bui p_uhtoro to noano s_uho jia yaba baro yoaro sehe jijari, m_usa t_uhotuch_u? Ahri quiti mehne tíre p_uhtoro to s_uho jiare yahuihtja y_uh_u. ¹⁹ Mostaza yapacã yoaro sehe jira. Tí yapacãre toari mas_uno to wesei toaha. To toari baharo tí yapacã duha. ã jia t_u b_uc_uach_u minichahca peri t_u d_up_urip_u suhti suhaha. (Tó seheta m_uano macarimore mari p_uhtoro masiina mahainacã ti ji m_uhtapach_uta baharop_u tina pay_u wahaahca) —niha Jesu.

*Pão b_uc_uaro quitire yahuha Jesu
(Mt 13.33)*

²⁰ ã ni tuhs_u, pari turi Jesu õ sehe ni piti dahre buheha:

—¿Ne Cohamac_u masa bui p_uhtoro to noano s_uho jia yaba baro yoaro sehe jijari, m_usa t_uhotuch_u? ²¹ Pão b_uc_uaro yoaro sehe jira. Tíre numino cã wajuru trigore co mehne noano tíre dahra morena pão b_uc_uah_uto. To ã yoach_u pão b_uc_uaro sehe trigore noano sahser_uc_u s_ura. (To sahser_uc_u s_uro seheta m_uano macarimore mari p_uhtoro pay_u masa masiahca) —niha Jesu.

Mahari sopacacã quitire yahuha Jesu

(Mt 7.13-14, 21-23)

²² ã yoa Jesu b_uj_ua macarip_u, daa macaricãp_u cãh_ure buhe wahcã, Jerusalẽp_u s_uro taro niha. ²³ To ã waharo watoi cãiro Jesure õ sehe ni sinituha:

—P_uhtoro, ¿mahainacã masare pichacãp_u wahaborinare y_uhdorohcari Cohamac_u? —ni sinituha tiro Jesure.

To ã nich_u Jesu piti dahre buhero õ sehe ni yahuha:

²⁴ —Pay_u masa Cohamac_u cahãp_u waha duaa, sãa duamana. Mahari sopacacãre m_usa sãa duach_u mijo curera. Tó seheta Cohamac_u cahãp_u m_usa waha duach_u mijo nina. Masa ã sãa duapahta sãa masierara. ã jina m_usa sehe mahari sopacacãre m_usa tuaro sãa duaboro seheta Cohamac_u sehere tuaro masiga.

²⁵ Õ sehe yoarohca Cohamac_u pay_u masare. Tiro w_uh_u p_uro yoaro sehe jira. W_uh_u p_uro wahcã, sopacacãre biharohca. To ã yoach_u sopacacãp_u ducuna, sopa pahmare dotanahca. ã dotana õ sehe ninahca: “P_uhtoro, sopa pahmare pjõohga”, m_usa nich_u w_uh_u p_uro sehe õ sehe ni y_uhtirohca. “M_usare ne masieraja y_uh_u. Nohoi m_usa tariro cãh_ure masieraja”, ni y_uhtirohca. ²⁶ To ã nich_u m_usa õ sehe ni y_uhtinahca: “M_uh_u mehne sã ch_u, sihnihi. Sã ya macai buhere m_uh_u”, ninahca m_usa. ²⁷ M_usa ã nich_u tiro sehe õ sehe ni y_uhtirohca: “M_usare ne masieraja. Nohoi m_usa tariro cãh_ure masieraja. Jipihtina

musa ñaa buhiri tiina yu cahai taena tjiga”, ninohca wuhu puero. ²⁸ Æ yoa Abrahã cjirore, Isaa cjirore, Jacobo cjirore, jipihtina Cohamacu yare yahu muhtaina cjirore Cohamacu masare puhtoro to noano suho jirore ti jichu ñuna, musa sehe sopacapu cohãrina jina tuaro tiinahca. Æ tiina jina, musa tuaro cahyaro mehne piri bahca dihonahca. ²⁹ Tí pjare jipihtiro macaina puhtoro Cohamacu to noano suho jiropuere su, tiro mehne chu dujiahca. ³⁰ Mipure wiho jiina jirina cjiri tí pjare puhtoa jiahca. Æ jia mipure puhtoa jirina cjiri tí pjare wiho jiina jiahca —niha Jesu.

Jerusalẽ macainare tuaro cahãha Jesu

(Mt 23.37-39)

³¹ Tí pjare mahainacã fariseo curua macaina Jesu cahapu sua, tirore õ sehe ni yahuha:

—Herode muhure wajã duara. Æ jicu pa sehepu wahaga muhu —niha tina tirore.

³² Ti ã nichu Jesu sehe õ sehe ni yuhtihã:

—Herode mahñoa payuriro jira tiro. Õ sehe ni yahuga tirore: “Jesu watãre cohã wioro nina. Tuhsu, dohatiinare noaina wahachu yoaro nina. Tíre michare, ñamichaca cãhure yoarohca. Ñamichaca bohrearo dahra batoarohca”, ni yahuga Herodere.

³³ Æ jicu michare waha, ñamichaca cãhure waha, ñamichaca bohrearo cãhure waha, Jerusalẽpu suihca. Cohamacu yare yahu muhtarirore yuhure wajãahca masa. Cohamacu yare yahu muhtainare ti wajãchu Jerusalẽpu jiro cahmana tinare. Æ jicu yuhu cãhure Jerusalẽpu jiro cahmana.

³⁴ Cue Jerusalẽ macaina. Musa Cohamacu yare yahu muhtaina cjirore wajã, musa cahai to warocainare tãa mehne doca wajãre musa. Musa coyea panopu macaina chu ãta yorina cjiri jiha. Caracacoro to pohnare to cjãpu dũpuri mehne to moha coãno seheta payu tahari musare

cahãrucumahi. Musare cahmamahi. Musa sehe yuhure ne cahmaerare. ³⁵ Mipure musa jiro cohãri maca jirohca. Potocã niita nija musare. Cohamacu mari puhtoro to tuua mehne taihca yuhu. Yu ã tachu ñuna musa yuhure “Cohamacu tuua mehne tariro noajaro”, ninahca. Yuhure musa tíre nihto pano pari turi yuhure ñusi musa —niha Jesu tinare.

14

Dohatirore noariro wahachu yoaha Jesu

¹ Pa dacho Sabado dacho jichu fariseo curua macaina puhtoa mehne macariro ya wuhupu Jesu churo wahaha. Tí wuhui jiina tiro dihtare ñuroca õha. ² Ti ã ñuroca õno watoi yachuri wipiriro, ñuchua wipiriro tiro cahapu suha. ³ Æ jiro Jesu judio masare buheinare, fariseo curua macaina cãhure õ sehe ni sinituha:

—¿Sabado dachore dohatirore noariro wahachu yoa dutijari Cohamacu yare ti joari pui? —ni sinituha Jesu.

⁴ To ã ni sinitupachuta tina yuhtieraha. Ti yuhtierachu ñuno Jesu dohatirore noariro wahachu yoa, “Wahaga”, niha tirore. ⁵ Æ yoa tuhsuro, tinare õ sehe ni sinituha tjoa:

—“¿Cãiro musa mehne macariro to macuno Sabado dachoi mari sori dachoi copapu to bora sãachu na wioerabocari?” musa ã nina. “¿To wachu cãhure na wioerabocari?” musa ã nina —niha Jesu.

⁶ To ã nipachuta tina to sinituare yuhti masieraha tjoa.

Wamomaca dũhteropu pjirocainare yahuha Jesu

⁷ Fariseo curua macariro ya wuhui jiro tí wuhu macariro to pjirocaina noaa dujiare ti besechu ñuha Jesu. Æ ñu tuhsu õ sehe ni yahuha jipihtinare:

⁸ —Wamomaca dũhteri bose nuhmi musare to pjirocachu, noaa dujiare bese dujiena tjiga. Musa yuhdoro cua pisainare pjirocaboca ahri wuhu

puro. ⁹ To ã yoachũ m̄sa noaa dujiai dujichũ, “Ahrina cua pisainare m̄sa dujiare waga”, niboca wũhũ puro m̄sare. To ã nichũ m̄sa sehe bũo tina, ñaa dujiai dujiboca. ¹⁰ ã jina wũhũ puro m̄sare to pjirocachũ, ñaa dujiai duji m̄htaga. M̄sa ã yoachũ wũhũ puro m̄sare “Noaa dujia sehere dujina taga”, ninohca m̄sare tiro. M̄sa ã wahachũ paina to pjirocaina sehe m̄sare ño payoa mehne ñũahca. ¹¹ Cãiro to basi “Pũhtoro tjija”, ni tũhoturiro cahamacũno jirohca. Pairo “Cahamacũno jija”, ni tũhoturiro painare yũhdũũca duaerariro tiro sehe pũhtoro jirohca —niha Jesu tinare.

¹² ã ni tuhsũ Jesu wũhũ purore õ sehe ni yahuha:

—Mũhũ bose nũmũ dahrecũ m̄ cahai jĩinare, m̄ bahanare, m̄ coyeare, pache pũare pjiecũ tjiga. M̄ tinare pjichũ m̄hũ cũhũre tina cũhũ pji cahmaahca tjoa. ã pji cahmaa m̄hũre ti wapamoare wapaahca. ¹³ Mũhũ bose nũmũ dahrecũ pjacũoinare, tini masierainare, cũ bũhũsehe dahporo dojori tiinare, capari ñũerainare pjirocaga. ¹⁴ M̄ ã yoachũ ñũno Cohamacũ m̄hũre noano yoarohca. Tina sehe m̄hũre ti wapamoare wapa masierara. ã jiro noaina yariaina ti masa m̄jari pja jichũ Cohamacũ sehe noaare m̄ yoari wapa m̄hũre noano yoarohca —niha Jesu wũhũ purore.

Pjiri bose nũmũ quitire yahuha Jesu

¹⁵ To ã nichũ tũhoru paio chũri mesa cahai dujiri, Jesure õ sehe ni yahuha:

—Cohamacũ masare pũhtoro to noano sũho jiroi to chũri mesa cahai dujiina tuaro wahcheina jahca —niha tiro Jesure.

¹⁶ To ã nichũ Jesu ahri quitire yahuha tirore:

—Pjiri bose nũmũ dahreriro payũ masare pjirocaha. ¹⁷ To pjirocari baharo bose nũmũ dachoi to cahamacũno to pjirocainare yahu dutiro warocaha. “Ma, jipihtiare bose

nũmũ macaa cjihtire cahno tuhsũhre. ã jiro m̄sare pjirocahre”, ni yahu dutiha to cahamacũno. ¹⁸ To cahamacũno to ã ni yahupachũta, to pjirocaina sehe “Waha masieraja”, niha tina. To pjiroca m̄htariro õ sehe ni yahuha to cahamacũno: “Michapucacã yahpare nuchũhi. ã jicũ tí yahpare ñũi wahai tai nija. ã yoacũ waha masieraja. Ño payo curea yũhũre. Yũhũre basioerahca”, niha to pjiroca m̄htariro sehe to cahamacũno. ¹⁹ Pairo sehe õ sehe niha: “Wachũare pũa wamomaca pihtiinare michapucacãta nuchũhi. ã jicũ wachũare buhe cayõ ñũi wahai tai nija ti waja wahcãhtore. ã yoai wahaeraja. Yũhũre basioerahca”, niha tiro cũhũ. ²⁰ Pairo sehe õ sehe niha: “Yũhũ michapucacã wamomaca dũhtehi. ã jicũ bose nũmũpũ waha masieraja”, niha tiro to cahamacũno. ²¹ To ã nichũ to cahamacũno sehe tjua waha, to pũhtoropũre ti niri cjirire yahu pahũoha. To ã ni yahuchũ to pũhtoro tuaro susini, õ sehe niha to cahamacũno. “Macari macaa maharipũ pjacũoina ti ducua maharipũ wahaga. ã jicũ pjacũoinare, tini masierainare, capari ñũerainare, cũ bũhũsehe dahporo dojori tiinare cjero na tahga tinare”, niha pũhtoro. ²² Baharo curero to cahamacũno yahuha to pũhtoro: “Pũhtoro, m̄ dutiriro seheta yoahi. Yũ ã yoapachũta paina cũhũ m̄ sũahca”, niha to cahamacũno. ²³ To ã nichũ pũhtoro tirore õ sehe ni dutiha: “Campopũ wahaga. Tõi bũjũa maharipũ jĩinare, daa maharicãpũ jiina cũhũre masare yũ wũhũpũ ta dutiga, ya wũhũ to noano wahpahto cjihto sehe. ²⁴ Potocã nii nija m̄hũre. Ahrina yũ pjiroca m̄htarina yũ chũare ne mahanocã chũsi”, niha pũhtoro —ni yahuha Jesu.

Jesu mehne wahachũ mijo nina

²⁵ Tí pjare payũ masa Jesu mehne wahaha. ã jiro Jesu tinare majare ñũ, õ sehe ni yahuha:

26 —Cũiro y_u buheriro ji duaro painare to cahĩiro y_uhdoro y_uh_u sehere cahĩno cahmana. To p_uc_urore, to pocorore, to namonore, to pohnare, to bahanare, to p_jac_u c_uh_ure to cahĩiro y_uhdoro y_uh_u sehere cahĩno cahmana. Ā yoaeraro y_u buheriro ji masierara. 27 Cũiro y_u buheriro ji duaro y_u yare ā yoarucuriro jirohca. Ā yoa crusap_u y_u ñano y_uhd_uhtiro seheta y_u yairo to jiri buhiri ñano y_uhd_u duaeraro y_u buheriro ji masierara. 28 Ahrire masiyuro cahmana m_usare. Ō sehe jira tí: W_uh_u dahreriro to m_uari w_uh_ure yoah_uto pano w_uh_u wapa tihtire quihō cū m_uhtana. Ā yoaro to w_uh_ure to pah_uñ_uhtore masina tiro. 29 Wapa tihtire quihōeraro to w_uh_ure yoaro pah_uñ_uoeraboa. Ā jia tirore ñ_uina b_uj_upeboa. 30 “Ahriro to w_uh_ure yoaro bihoerare”, ni b_uj_upeboa. 31 P_uhtoro paio p_uhtoro yaina mehne ti cahma waj_uh_uto pano, to yaina surarare to cahma waj_uh_u dutihto pano, to surarare quihōnohca. “¿Y_uh_u diez mil surara mehne paio veinte mil surara c_uariro mehne cahma waj_uh_u bihobocari y_uh_u?” ni t_uhoturo quihōnohca tiro. 32 Ā quihōno, to bihoeratore masinohca. Ā masino paio p_uhtoro to surara mehne cahma waj_uh_uno tariro yoarop_u to jich_uta, bihoerariro sehe “Cahma waj_uh_uena t_uj_uihna”, ni dutiro warocaboa dahra cohtaritore. 33 Ā jina y_u buheina ji duana, m_usa yoah_utire m_usare masino cahmana. M_usa yoa duari sehere coh_u duaerana, y_u buheina ji masierara —ni yahuha Jesu.

*Moa coaerare yahuha Jesu
(Mt 5.13; Mr 9.50)*

34 Ā ni tuhs_u tinare ō sehe ni yahu namoha:

—Moa noano coara. To coaerach_u coa yoah_uto basioerara. 35 Moa coaerach_u tí moa ne noaerara. Tí moare dohseah_uto basioerara. Tí ā jich_u tí moare coh_uno cahmana. Ne yaba

cijhti jierara ti coh_uo. (Ti yaba cijhti jieraro seheta jiena t_uj_uga m_usa. Moa noano to coaro seheta m_usa c_uh_u ji coaina jiga. Tuhs_u, paina mehne noano mehne jiga.) Ahrire noano t_uhoga m_usa —niha Jesu.

15

*Oveja butiriro quitire yahuha Jesu
(Mt 18.10-14)*

1 Ā yoa pa dachoi pay_u p_uhtoa yare wapa na cohtaina paina “Ñ_uare yoaina”, ti niina mehne Jesure t_uhoa taha. 2 Ti ā yoach_u ñ_una fariseo curua macaina, judio masare buheina c_uh_u Jesure ñ_u tuhtia, ō sehe niha ti basi:

—Ahriro ñ_uainare piti tira. Ā jiriro jirota tina mehne ch_ura —ni durucuha tina ti basi.

3 Ti ā ni durucuch_u Jesu to t_uhotua mehne ō sehe ni piti dahre buheha tinare:

4 —¿Cien oveja p_uro c_uiro oveja butich_u ñ_uno dohse yoarohcari tiro? Ō sehe yoarohca. Tiro noventa y nueve ovejare ti ch_uri campop_u cū, butirirore macano waharohca. Ovejare bocarop_u duhurohca. 5 Tirore bocaro wahcherohca. Ā jiro to comapariaca buip_u tirore c_uā payo, to w_uh_up_u na t_uuaa waharohca. 6 Na t_usu, to cahai j_uinare, to coyeare p_ji cahmachunohca. “Y_u oveja butirirore boca tuhs_uhi. Ā jina y_uh_u mehne wahchega”, ninohca tiro tinare. 7 Potoc_u niita nija m_usare. Noventa y nueve oveja pay_u ti jiriro seheta, pay_u masa ō sehe ni t_uhotura: “Ñ_uano yoaeraja. Ā jic_u y_u ñ_uare cahya, y_u t_uhotumari c_uirire t_uhotu cohtotasi y_uh_u”, ni t_uhotura pay_u masa. Ti ā ni t_uhotuch_u ñ_una m_uano macaina Cohamac_u cahai j_uina wahcherara. Pairo sehere wahchera. Butiriro oveja c_uirota to butiriro seheta to p_uro tirore to bocariro seheta c_uiro ñ_uariro to ñ_uare cahyach_u, “Ñ_uano yoaeraja”, ni to t_uhotumari c_uirire t_uhotu to cohtotach_u, Cohamac_ure to cahmach_u ñ_una, Cohamac_u cahai j_uina tuaro wahchera —niha Jesu.

Niñeru tu butiri quitire yahuha Jesu

⁸ Ñ ni yahu tuhsu, paye quitire mehne piti dahre yahu namoha tjoa:

—¿Diez niñeru turi cjuaricoro cū tu butichu ñano dohse yoarohcari ticoro? Ñ sehe yoarohca ticoro. Sihāriare sihā, wuhure coha, noano maca pahñonohca. Tí tare bocaropu duhurohca. ⁹ Tí tare boca tuhsu, to cahai jinare, to coyeare pji cahmachunohca. “Niñeru tu ya tu yuhure butiri tare bocahi. Ñ jina yuhu mehne wahchega”, ninohca ticoro. ¹⁰ Potocā niita nija musare. Tó sehetā cūiro ñariro to ñaare cahyachu, “Ñano yoaeraja”, ni to tūhotumari cjirire tūhotu to cohtotachu Cohamacure to cahmachu Cohamacu yaina anjoa sehe tuaro wahcheahca —niha Jesu.

To macano butiri quitire yahuha Jesu

¹¹ Ñ ni yahu tuhsu Jesu paye quitire mehne piti dahre yahu namoha tjoa:

—Bucuro pohna puaro mua jiha. ¹² Duhariro sehe ñ sehe niha to pucurore: “Mai, mu yariari baharo yuhure mu wāhtire yuhure wa bahrañoga”, niha tiro to pucurore. To ñ nichu ti pucuro puaropureta to pohñare witira to cjuari cjirire. ¹³ Mahaa dachoricā baharo duhsariro to yare jipihtiare na, yoaropu pa yahpapu wahaa wahaha. Tóru sūro tūho masierariro sehetā yoa, to niñerure to yare yoa site pahñonocaha. ¹⁴ To yoa site pahñori baharo tí yahpapure ne chūa marieni pja ji dūcaha. Ñ jiro tiro jūca baaha. ¹⁵ Ñ jiro tí yahpa macaa dahraare macaha. To bocachu to puhtoro yesea cohtariro sōha tirore. ¹⁶ Ñ jiro tiro yeseare nu, ti chūare chū duamaha. To ñ chū duapachūta tí chūare tó macaina waeraha tirore. ¹⁷ Ñ yoa tirore tó wacūa taha jūna. “Yu pucure dahra cohtaina sehe bujua chūare chūca. Ti chū duhaa cūhu bujua duhsaca. Ti ñ noano yūhdūro watoi yūhu sehe ñi jicu, jūca yariai nija. ¹⁸ Mipure yu pucu cahapu tjuaihtja. Yu pucu cahapu sūcu ñ sehe

nihtja tirore: ‘Mai, Cohamacure ñano yoahi. Mūhu cūhure ñano yoahiti. ¹⁹ Ñariro jija. Mu macu jiboriro jieraja yūhu. Mūhure dahra cohtaina sehetā yoaga yūhure’, nihtja yu pucure”, ni tūhotuha tiro. ²⁰ Ñ ni tūhoturota wahcāruca, to pucuro cahapu tjuaa wahaha. Tóru to sūriro tjuā tachū to pucuro sehe yoaroputa to macunore ñūha.

’To ñ wihichu ñano to macunore pja ñūha. Ñ pja ñano to cahai mūroca wahcā tirore cūa suhsu mua, to wahsupui wihmiha to pucuro to macunore. ²¹ “Mai, Cohamacure ñano yoahi. Mūhu cūhure ñano yoahiti. Ñariro jija yūhu. Mu macu jiboriro jieraja yūhu”, niha tiro to pucurore. ²² To ñ nichu tūhoro to pucuro sehe dahra cohtainare pjiha: “Cjero, noa yūhdūri suhtirore na tahga. Ñ jina yu macure sāaga. Sāa tuhsu, to wamomaca sāari sorore sāa, to dahporire dahpo suhti cūhure sāaga. ²³ Sāa tuhsu, dihi tiriocā wachūcāre wajāga. Bose nūmu yoajihna. ²⁴ Ahriro yu macu yariariro sehetā wahare. Ñ wahaparota mipure catira tiro. To butiboriro sehetā jirirore mipure bocahi. Ñ jina bose nūmu yoajihna”, niha to pucuro. To ñ niri baharo bose nūmu dahre dūcaha tina.

²⁵ ’Tí pjarē to wahmino sehe wesepu jiha. Wesepu jiro coha tjuā taro wūhu cahai sūro, ti basaare tūhorocaha tiro. ²⁶ Ñ tūhorocarō, cūiro dahra cohtarirore pjiroca, tirore sinitu ñūha tiro: “¿Dohse yoa basaa niri?” ni sinitu ñūha tiro dahra cohtarirore. ²⁷ “Mu bahu tju wihihre. Tiro noariro, catiro to tju wihichu mu pucu dihi tiriro wachūcāre wajā dutihre”, ni yūhtiha dahra cohtariro. ²⁸ To ñ ni yahuchū to wahmino sehe tuaro suaro, wūhūpū sāa taeraha. To sāa taerachū ñano to pucuro sopacapu wijaa ta, “Sāa taga” ni, tuaro pjimaha to macunore. ²⁹ “Tūhoga, Mai. Yoari pja mūhure dahra cohtariro sehetā mūhure yoadohomahi. Ñ jicu mu dutiare ne cū taha yūhdūrucaera

tihi. Y_u m_uh_ure dahra cohtapach_uta y_uh_ure ne waerare m_uh_u. Ne c_uiro wahiquirec_ure ne waera tire m_uh_u y_uh_ure y_u piti tiina mehne y_u b_use n_um_u dahrehti c_uj_uhtire. ³⁰ Wiho mejeta ahriro m_u mac_u sehe ñaina numia mehne m_u yare yoa site pahñoyuhti. Tíre yoa site pahño tuhs_u, tiro w_uh_up_u to tju wihich_u dihi tirioc_ure wach_uc_ure wajã dutiyuhti m_uh_u to ch_uhtiro c_uj_uhtore”, niha to wahmino to p_uc_urore. ³¹ “Mac_u, y_uh_u mehne jipihtia dachoripe m_u jich_u jipihtia ya m_u ya c_uh_u jira. ³² M_u bah_u sehe yariariro sehet_u wahare marine. ã yoa mip_ure tiro catiriro jira. Tiro butiboriro sehet_u jire. To ã wahari baharo mip_ure tirore bocahi. ã jina to tju wihich_u mari b_use n_um_u yoa wahchech_u noana”, niha tiro to mac_unoe —niha Jesu tinare.

16

Niñeru ñ_u wihbo cohtariro t_uho masiriro quitire Jesu yahuha

¹ ã yoa ahri quitire to buheinare ò sehe ni yahuha Jesu:

—Pache p_uro ya niñerure ñ_u wihbo cohtariro niñerure noano to ñ_u wihboerach_u ñ_uno paio sehe yahusãha pache p_urore: “Tiro m_u niñerure yoa sitero nina”, ni yahusãha tirore. ² To yahusã tuhs_uri baharo niñeru ñ_u wihbo cohtarirore p_ujirocaha. ã p_uji tuhs_u, to wihich_u ñ_uno, tirore p_uhtoro ò sehe niha: “Paio y_u niñerure m_u yoa siterire y_uh_ure yahure. ã jic_u mip_ure y_u yare ñ_u wihboriro jisi m_uh_u. ã jic_u y_u yare m_u yoari cjirire yahu pahño joaga. M_uh_ure cohãi nija”, niha to p_uhtoro tirore. ³ To ã niri baharo ò sehe ni t_uhotuha ñ_u wihboriro to basi: “Y_u p_uhtoro y_uh_ure cohãno taro nica. Y_uh_u tuaeraja. ã jic_u tuaro dahraare bihoeraja. Tuhs_u, painare y_uh_u niñerure sinic_u b_uobiario y_uhd_uboca y_uh_u. ¿Dohse yoaihcar_u y_uh_u? ⁴ Mip_u pinihtare y_u yoah_utire masija y_uh_u j_una. Ò sehe y_u yoach_u y_u dahraa maerach_u y_u p_uhtoro wapamoina

y_uh_ure cahñahca. ã jia ti w_uh_usep_u sãa dutiahca y_uh_ure”, ni t_uhotuha tiro. ⁵ ã ni t_uhoturo tiro jipihtina to p_uhtoro wapamoinare p_ujirocaha. P_ujiroca tuhs_u, cohtaha. ã cohtar_u wihi mahtarirore ò sehe ni sinituha tiro: “¿Y_u p_uhtoro noho puro wapamojari m_uh_u?” niha tiro. ⁶ To ã nich_u wapamoriro sehe ò sehe ni y_uhtiha: “Cien tambores sere olivo dicha mehne ti yoari sere wapamoja tirore”, ni y_uhtiha tiro. To ã ni yahuch_u niñeru ñ_u wihboriro sehe ò sehe ni yahuha: “Õi jira m_u wapamonore joa òri p_u. Dujiga. ã jic_u m_u wapamonore dacho macai na, dacho macai joa cahnoga”, niha ñ_u wihboriro wapamorirore. ⁷ ã ni tuhs_u paio wapamorirore sinituha tiro: “¿M_uh_u waro, noho puro wapamojari?” niha tj_uoa. “Cien waju trigo yapari wajure wapamoja y_uh_u”, niha wapamoriro niñerure ñ_u wihborirore. “Õi jira m_u wapamonore joa òri p_u. M_u wapamonore ochenta joa cahnoga”, niha ñ_u wihboriro. ⁸ To ã noano mahño mihnich_u ñ_uno “Ahriro mahñoriro noano masiriro jica”, ni t_uhotuha to p_uhtoro niñerure ñ_u wihborirore. Ahri dacho macaina, Cohamac_ure cahmaeraina ti yare cahnorire ti niñeru ti ñ_u wihborire Cohamac_u yaina y_uhdoro masica tina —niha Jesu.

⁹ ã ni tuhs_u Jesu ò sehe ni yahu namoha:

—Ahri quitire ã ni yahuc_u, m_usare ò sehe niita nija. M_usa cj_uaare, p_ujac_uoinare m_usa wach_u, tina sehe m_usare cahñahca. M_usa ã yoach_u m_usa cj_uaa pihtiar_u baharo m_usa m_uanop_u sach_u m_usare cahñahca t_up_ure.

¹⁰ Wiho jiina ya dahraare quihõno yoana, p_uhtoa ya dahraa c_uh_ure quihõno yoanahca. Wiho jiina ya dahraare quihõno yoerana, p_uhtoa ya dahraa c_uh_ure quihõno yoasi m_usa. ¹¹ ã jina ahri yahpai m_usa cj_uaa mehne m_usa noano yoerana Cohamac_u m_usare to yoa dutia

cãhure noano yoasi mûsa. ¹² ã jiro paio yare mûsa noano yoabasaerachũ ñũno mûsa ya cjihtire wasi mûsare.

¹³ Cũiro Cohamacũ sehere wacũno, tuabiaro niñeru sehere wacũerara. Niñeru sehere tuabiaro wacũno Cohamacũ sehere wacũerara. Niñeru dihtare cahmariro jiro Cohamacũre wahchechũ yoerara. Cohamacũ cãhure, niñeru cãhure pũarore cahma yũhdũrũcahto basioerara mûsare. Niñerure cahma yũhdũariro Cohamacũre noano ño payo masierara —niha Jesu.

¹⁴ To ã nichũ tũhoa fariseo curua macaina sehe tirore bũjũpeha. Tina sehe niñerure cahĩha. ã jia bũjũpeha.

¹⁵ Ti bũjũpechũ tũhoro Jesu tinare õ sehe ni yahuha:

—Masa ti ñũrocaroi mûsa noano yoamana. Mûsa ã yoachũ “Noaina, quihõno yoaina jira”, nimana masa mûsare. Cohamacũ sehe mûsa tũhotuare masina. Masa “Noa yũhdũara”, ti nirire Cohamacũ sehe soro ni tũhotu, tíre ñũ yabira —niha Jesu.

Cohamacũ to dutiare, pũhtoro to sũho jiare yahuha Jesu

¹⁶ ã ni tuhsũ õ sehe ni namoha Jesu:

—João masare bautisariro to jihto pano Moiserere to cũri dutia mehne Cohamacũ marine dutire. Cohamacũ yare yahu mũhtaina cjiri ti joari cjiri mehne cãhure marine dutire. Mipũ sehere João to buhe dũcari baharo noaa buheare, Cohamacũ masare pũhtoro to noano sũho jia cãhure masi dũcara masa. ã masia masa ti mũ sũro ti tuaa mehne Cohamacũ masare pũhtoro to noano sũho jirore sãa duamana.

¹⁷ Moiserere to cũri dutiai Cohamacũ to niriro seheta yoa pahũnonohca tiro. Cohamacũ yare yahu mũhtaina cjiri ti joari cjiripũ cãhure to niriro seheta yoa pahũnonohca tiro. Mũano cãhũ ahri yahpa cãhũ ti pihtia wahapachũta Cohamacũ to niriro seheta yoa pahũnonohca —niha Jesu.

Namonore cohãare yahuha Jesu (Mt 19.1-12; Mr 10.1-12)

¹⁸ ã ni tuhsũ õ sehe ni namoha Jesu:

—Masũno to namonore cohãno, pacorore namo tiro, tiro ticoro mehne ñano yoaro nina. Tuhsũ, masũno paio to cohãricorore namo tiro, tiro cãhũ ticoro mehne ñano yoaro nina —niha Jesu.

Pache pũro cãhure, Lázaro cãhure to yahuri quitire buheha Jesu

¹⁹ ã yoa paye quitu mehne piti dahre yahuha Jesu:

—Tí pjarũre pache pũro jiha. To suhti sehe wapa bũjubiaha. Tuhsũ, dachoripe tiro noaa dihtare chũro, payũ cjuaha tiro. ²⁰ ã yoa tí pjare paio pjacũoriro, Lázaro wama tiriro jia tiha. Tiro to pjacũ payũ cami tiriro jiha. To ã jiriro jichũ paina sehe tirore pache pũro ya wũhũpũ na sũha.

²¹ ã jiro pjacũoriro sehe pache pũro to chũri mesa docai yahpai dujiro to chũ site boroare chũmaha. “To chũ site boroare chũcũ yapicũhca yũhũ”, ni tũhotumaha tiro. ã jia dieya to camine nehnea taa tiha.

²² Baharo pjacũoriro to yariaa wahachũ, Abrahã cahapũ paraíso wama tiropũ anjoa tirore naa mũjaha. Pache pũro cãhũ to baharocãta yariaa wahaha. To yariachũ tirore yaha.

²³ ã yoa pache pũrore tuaro pichaca jũha. To ã tuaro jũchũ, pichacapũ jiro mũanopũ jirirore Abrahãre ñũha.

Lázaro cãhure ñũha. ²⁴ Ñũ tuhsũ, tiro Abrahãre pisurocaha: “Coyeiro Abrahã, pja ñũga yũhure. Pichacapũ yũhũ ñano yũhdũi nica. Yũ ã wahachũ Lázarore yũhure warocaga. Tiro core to wamo picapũ soha, yũ ñahmanore co mehne nehõjaro. Tóre yũsũojaro tiro”, niha pache pũro. ²⁵ To ã nichũ Abrahã tirore õ sehe ni yahuha:

“Coyeiro, catiriro jicũ jipihtiare mũhũ noaare cjũahre. Lázaro sehe dachoripe ñano yũhdũhre. Mipũ sehere mũhũ ñano yũhdũchũ tiro sehe õpũre wahchea mehne jinocahno nina. ²⁶ ã yoa mari watoi cũãri copa jira. ã jia õre jiina tópũre waha masierara. Tuhsũ tóre jiina õpũ ta duaina ta masierara”, niha Abrahã

pache p̄urore. ²⁷ To ã nichu pache p̄uro ò sehe ni namoha: “Coyeiro, tuaro sinija m̄uh̄ure. Lázaro yu p̄ucu ya w̄uh̄upu warocaga. ²⁸ Yuh̄u cã wamomaca pihtiina bahana tija. Lázaro tinare yahujuaro. Tina õre ñano yuh̄d̄urop̄ure taea tjijaro”, niha tiro. ²⁹ To ã nichu Abrahã sehe ò sehe ni yuhtiha: “Cohamacu dutiare Moise marine to c̄uri cjirire, Cohamacu yare yahu m̄uhtaina ti joari cjirire c̄uara mu bahana. ã jia mu bahana tíreta t̄uh̄ojaro”, niha Abrahã. ³⁰ To ã nichu pache p̄uro sehe yuhtiha: “Coyeiro Abrahã, tíre c̄uapahta noano t̄uh̄osi. Lázaro yariariro masariro tina cah̄u to s̄uch̄u ñua tina sehe ti ñaare cahya, noaare cohtotaahca. ã jia noaare yoahca yu bahana sehe”, niha pache p̄uro cjiro. ³¹ To ã nichu Abrahã sehe ò sehe ni yahuha: “Mu bahana Moise to c̄uri p̄u to yahuare, Cohamacu yare yahu m̄uhtaina cjiri ti yahuare t̄uh̄oeraina jira. ã jia Lázaro yariariro cjiro masariro to jipach̄uta tina Cohamacure t̄uh̄o duasi”, niha Abrahã —ni yahuha Jesu.

17

*Ñaare yoach̄u cua nina
(Mt 18.6-7, 21-22; Mr 9.42)*

¹ ã yoa Jesu ò sehe ni yahuha to buheinare:

—Masare ñano yoach̄u yoaa payu jira. ã jia masa ñaare yoara. Ti ã jipach̄uta masunore ñaare yoach̄u yoariro sehe ñabiaro yuh̄d̄urohca.

² Masunore to wam̄uai pjiria tãca d̄uhte yo, pjiri map̄u tirore ti cohãch̄u ñano wahaboa tiro. Pairo sehe ah̄rinacã mehne macarirocãre ñaare yoach̄u yoaro pjiri map̄u ti cohãriro yuh̄d̄oro ñano yuh̄d̄urohca. Tirore tuaro buhiri dah̄ero cahmana.

³ Noano yoaga m̄usa. M̄usa coyero ñano to yoach̄u ñana “Yoai tjiga”, niga tirore. ã jina tiro to ñaare cahyach̄u, noaare to cohtotach̄u m̄usa sehe to ñaa yoaare boga. ⁴ ã yoa m̄usa coyero cã dachoihta siete tahari m̄sare ñano to yoach̄u tópe tahari m̄sare, “Yu ñaare cahyaja. Pari turi

ã yoasi”, to nichu tópe taharita to ñaa yoaare boga —niha Jesu.

Cohamacure wac̄u tuaare yahuha Jesu

⁵ ã yoa Jesu buhe duti to c̄uina tirore ò sehe niha:

—Cohamacure sãre noano wac̄u tua namoch̄u yoaga —niha tina Jesure.

⁶ Ti ã nichu Jesu ò sehe ni yuhtiha:

—Mostaza yapacã mahari yapacã jiparota durop̄u pjid̄u wahara. To ã wahariro seheta Cohamacure pjíro wac̄u tuana, ò sehe wahach̄u yoa masinahca m̄usa. Ah̄d̄u sicómoro wama tid̄ure ò sehe ni masina: “M̄uh̄u yuc̄uc̄u mu basi duhtu wahcã, pjiri map̄u bora ñojaga”, ni masina m̄usa. M̄usa ã nichu tu yuc̄uc̄u sehe m̄usa dutiro seheta waharohca —niha Jesu.

Dahra cohtariro to dahraare yahuha Jesu

⁷ Baharo ò sehe ni buheha Jesu:

—M̄sare dahra cohtariro jiro wesep̄u tjana, ovejare ñu wih̄bora. ¿Dahra cohtariro to tju wih̄ich̄u dohse nibocari m̄usa tirore? “Cjero taga. Mu ch̄ua õi jira”, ¿nibocari m̄usa?

⁸ ã nierara m̄usa. Tirore ò sehe nina m̄usa: “Yu ch̄uare doha cah̄noga. ã jicu yu ch̄u sih̄nich̄u yuh̄ure cohtaga. Yu baharo m̄uh̄u c̄uh̄u ch̄u sih̄niga”, nina m̄usa dahra cohtarirore.

⁹ Dahra cohtariro m̄usa dutiare to yoach̄u tirore “Noana”, nierara m̄usa. To dahraa dihtare yoaro nica tiro.

¹⁰ M̄usa c̄uh̄u tiro yoaro sehe tjira. Cohamacu to dutiriro seheta yoa pah̄ona ò sehe ni t̄uh̄otuga m̄usa: “Sã c̄uh̄u dahra cohtaina dihta jija. Wiho jiina jija sã. Sã dahraa dihtare yoaja sã”, ni t̄uh̄otuga m̄usa —niha Jesu to buheinare.

Diez cami baainare noaina wahach̄u yoaha Jesu

¹¹ Pa dacho Jerusal̄ep̄u Jesu waharo niha. Tópu waharo Samaria yahpa, Galilea yahpa dacho macai yuh̄du wahcãha. ¹²⁻¹³ Pa macap̄u wahari mahap̄u to tinich̄u diez cami baaina

sehe tirore piti boca. Ā jia tina yoa cureropu ducuata pisuha:

—Jesu, puhtoro, sāre pja ñuga — niha tina.

¹⁴ Ti ā nichu tinare ñu, ō sehe ni yahuha Jesu:

—Sacerdotere musa pjacurire noaa pjacuri ti waharire ñona wahaga — niha tinare.

To ā niri baharo ti waharo watoi tina ti pjacuri noaina wahaha.

¹⁵ Ā jiro cāiro tina mehne macariro noano to pjacu wahachu ñuno, Jesu cahapu majare tjuaha. Ā tjuaro tuaro mehne Cohamacure ño payoha. “Cohamacu tuariro, noariro jira”, tuaro ni, ño payoha tiro. ¹⁶ Ā nino tiro Jesu dahpori cahai na tuhcuca caha su, “Noana”, niha tiro. Tiro sehe Samaria macariro jiha. ¹⁷ To ā yoari baharo Jesu ō sehe ni yahuha:

—Diez jihre masa noaina wahaina. ¿Paina nueve dūhsaina sehe nohopu jicari tina? ¹⁸ Ahriro pa yahpa macariro dihta Cohamacure “Noana”, nino taro tjua tahre. ¿Dohse yoa paina taerari? —niha Jesu.

¹⁹ Ā ni tuhsu Jesu ō sehe ni yahuha na tuhcuca caha surirote:

—Wahcārcaga. Wahaga. Mūhu Cohamacure wacū tuacu, noariro wahahre mūhu —niha Jesu tirore.

Cohamacu masare puhtoro to noano suho jiltore yahuha Jesu

(Mt 24.23-28, 36-41)

²⁰ Tí pjare mahainacā fariseo curua macaina Jesure ō sehe ni sinituha:

—¿Dohse jichu puhtoro Cohamacu masare suho ji dūcarohcari? —niha tina.

Ti ā nichu Jesu ō sehe ni yuhtiha:

—Cohamacu masare puhtoro to noano suho ji dūcachu masa ñu masierara. ²¹ “Cohamacu masare puhtoro to noano suho jia ōi jira”, ni masierara. “Sohōpu jira”, ni masierara. Cohamacu masare puhtoro to noano suho jia masa ti tuhutuapu jira —niha Jesu fariseo curua macainare.

²² Ā ni tuhsu Jesu to buheinare ō sehe ni yahuha:

—Baharo yuhu masuno Cohamacu warocariro ahri yahpau yu tjua tahtore tuaro cahmanahca musa. Cū dachoihta yuhure ñu duapanahta yuhure ñusi musa. Musa yuhure ā ñu duapachata tí pjare tasi yuhu.

²³ Paina musare ō sehe niahca: “Tirore ñuga. Tiro Cristo jira. Ahrirote ñuga. Ahriro Cristo jira”, niahca musare. Ti ā nipachata tinare tūhoena tjiga. ²⁴ Oroca sitero wacūenoca to oroca sitero seheta yuhu cūhu masuno Cohamacu warocariro wacūenoca tjua taihca.

²⁵ Ā yu tjua tahto pano yuhu tuaro ñano yuhduihca. Ā jia yuhure mipu macaina cahmasi. ²⁶ Noé to jiri pja macaina ti jirirote seheta yuhu masuno Cohamacu warocariro yu tjua tachu tó seheta jiahca masa.

²⁷ Noé to jiri pjare jipihtina masa ā churucua tiha. Ā yoa sihnirucua tiha. Ā jia mūa numiare namo tia tiha.

Noé pjiria dohoriapu to samuhto pano Cohamacu tinare to miohto pano tí jipihtiare masa yoarucua tiha. Tó seheta jirohca pari turi yu tjua tachu cūhure. ²⁸ Lote to jia tiri pja macaina ti jirirote seheta yu tjua tachu jiahca masa.

Lote to jia tiri pjare masa chu, sihni, nuchu, dua, weserire toaa, wūhuse yoaha. ²⁹ Ti ā yoaro watoi Sodoma wama tiri macai jirirote Lote to wahari dachoi mūano macaa pichaca, picha sohāa poca tāa peri cūhu coro taro seheta tina bui bora ta, tinare wajā pahñonocaa tiha.

³⁰ Yuhu masuno Cohamacu warocariro wacūenoca yu tjua tachu tina yoaro seheta yoaina jiahca masa tí pjare.

³¹ Tí pjare cāiro to wūhu bui macari wapapu jirirote wūhu puhichapu to ya jichu tíre nano sāaeno tjiaro to waha bahrañohto sehe. Tuhsu, wesepu jirirote cūhu tí pjare to wūhupu piha taero tjiaro to waha bahrañohto sehe. ³² Lote namono to waharire wacūga musa. ³³ Masuno yuhure wacūno marieno to mū sūro to cahmano seheta yoaro pichacapu waharohca. Yu yare ā yoarucuriro

sehe jipihtia dachoripe yuhũ mehne mũanopũ jirucurohca.

³⁴ Tí ñamine pũaro cũ casario bui carĩinare cũiro yuhũre cahmarirore naaihca. Tuhsũ, yuhũre cahmaerariro tói tjuarohca. ³⁵ Tí pjare pũaro numia cũnoi ti trigore arẽa numiare cũcoro yuhũre cahmaricorore naaihca. Tuhsũ, yuhũre cahmaeraricoro tóihta tjuarohca. ³⁶ [Ã yoa wesepũ pũaro dahraina ti jichũ cũirota nahca. Cũiro tói tjuarohca] —niha Jesu.

³⁷ To ã nichũ to buheina sehe õ sehe ni sinituha tirore:

—¿Nohopũ ã waharohcari? —ni sinituha tina.

Ti ã nichũ Jesu õ sehe ni yũtiha:

—Yucaare mari ñũna, yariariro to pjacũ cjiro jichũ mari noano masinahca. (Tó seheta ahri mũsare yũ yahuyurire mũsa ñũna noano masinahca ahri yahpapũ yũ tjua tahto mahanoã to duhsachũ cũhũre) —niha Jesu.

18

Wapewahyoro to buhiri dahre dutia quitire yahuha Jesu

¹ Æ yoa Jesu tinare Cohamacũre siniare yahuro õ sehe niha:

—Mũsa Cohamacũre sinina, cohtaga to yũtihtore. Yoari pja cohtapanahca cahyaena tjiga. Tirore sinina duhuena tjiga —niha Jesu.

² To ã nirire buhero taro ahri quiti mehne piti dahre yahuha tinare:

—Pa macapũ ti buhiri dahre dutirore jiha. Tiro Cohamacũre ño payoeraha. Æ yoa masa cũhũre ño payoeraha. ³ Wapewahyoro cũhũ tórpũ jiha. Ticoro tiro cahapũ sũroca majareno õ sehe niha: “Yuhũre ñũ tuhtirirore buhiri dahre dutiga mũhũ. Yuhũre ni dũcataga”, ni sinirucuha ticoro tirore. ⁴ To ã nichũ payũ tahari tiro “Yoasi yuhũ”, nimaha ticorore. To ã nipachũta ticoro payũ tahari ã sinirucuro tirore caribobiaro yoaha. To ã caribochũ, tiro õ sehe niha to basi:

“Yuhũ Cohamacũre, masa cũhũre ño payoeraha. ⁵ Yũ ã ño payoerariro yũ

jipachũta ahricoro sehe yuhũre caribobiara. Yuhũre ã cariboro yuhũre pomea wahachũ yoarohca ticoro. To ã ni yahusãrucuchũ ticorore ñũ tuhtirirore buhiri dahre dutihtja”, niha buhiri dahre dutiro —niha Jesu.

⁶ Æ nino Jesu tinare õ sehe ni yahu namoha:

—Ã niha tiro ñariro buhiri dahre dutiro. To niri cjirire wacũga mũsa.

⁷ Tiro yũhoro Cohamacũre sehe to yainare to beseinare ñamipũ cũhũre, dachopũ cũhũre tirore sinirucuinare yũtiro, yoadohorohca. ⁸ Mũsare niita nija. Cohamacũre ti siniriro seheta dóicãta tinare yoadohorohca.

¿To ã yũtiriro to jipachũta yuhũ masũno Cohamacũre warocariro ahri yahpapũ tjua tacũ Cohamacũre wacũ tuainare bocabocari yuhũ? —niha Jesu.

Pũaro Cohamacũre ti sinia quitire yahuha Jesu

⁹ Æ yoa pari turi piti dahre buhero õ sehe ni yahuha Jesu: “Sã sehe noaina jija. Paina sehe ñano yoaina jira”, ni tuhotuina barore Jesu õ sehe ni yahuha:

¹⁰ —Cohamacũre ya wũhũpũ pũaro mũsa Cohamacũre sinia wahaha. Cũiro fariseo curua macariro jiha. Pairo pũhtoã yare wapa na cohtariro jiha. ¹¹ Æ yoa fariseo curua macariro sehe wahcãrucũ sũ, õ sehe ni yahuha Cohamacũre: “Cohamacũ, yuhũ paina yare mahũropea mehne nariro, ñano yoariro, paina namosãnumia mehne wũana tirore ne jieraja. Paina yoaro sehe ñariro jieraja. Ahriro wapa na cohtariro yoaro sehe ñariro ne jieraja yuhũ. Æ jicũ mũhũre ‘Noana’, nija Cohamacũ. ¹² Yuhũ somanaripe pũã dachore ne chũeraja, mũ yare yoacũ tacũ. Tuhsũ jipihtia dohse jiare yũ wapataa cũhũre mahano (diezmo) wa mũjaja yuhũ mũhũre ño payocũ”, niha fariseo curua macariro Cohamacũre. ¹³ Æ yoa wapa na cohtariro sehe yoa cureropũ muhri yo dũcũ sũ, mũanopũre ñũ

m̄oeraha. Ā ñ̄ m̄oeraro, to p̄ebuhui cjāroca ò, ò sehe ni siniha Cohamac̄ure: “Cohamac̄u, ȳh̄u ñ̄aare yoariro jija. Ā jic̄u m̄h̄u p̄ja ñ̄aga ȳh̄ure”, niha tiro Cohamac̄ure. ¹⁴ M̄sare niita nija. Ahriro wapa na cohtariro sehe Cohamac̄u to ñ̄ch̄u buhiri marieriro to ya w̄h̄p̄u tjuaa wahaha. Wiho mejeta paio fariseo curua macarirore “M̄ ñ̄aa buhirire cohāhi”, nieraha Cohamac̄u. “Ȳh̄u noariro waro jija”, ni t̄hoturirore Cohamac̄u buoro dahrerohca. Wiho mejeta “Ȳh̄u ñ̄aare yoariro jija. Ā jic̄u tíre tuaro cahyaja” nirirore Cohamac̄u wahchech̄u yoarohca tiro sehere —niha Jesu.

Macanac̄a ya c̄jhtire Cohamac̄ure sini payoha Jesu

(Mt 19.13-15; Mr 10.13-16)

¹⁵ Ā yoa masa ti pohnare wihānac̄are Jesure ñ̄a payo dutia ta, to cahap̄u na wihimaha. Ti ā yoach̄u ñ̄a Jesu buheina tinac̄are na wihinare tuhtiha. ¹⁶ Ti ā tuhtich̄u ñ̄ano Jesu wihānac̄are p̄jirocaha to cahap̄u. P̄jiroca tuhs̄u ò sehe niha tiro to buheinare:

—Macanac̄a ȳu cahap̄u tajaro. “To cahai wahaena tjiga”, niena tjiga tinac̄are. Tinac̄a Cohamac̄ure ti p̄htoro t̄hotura. P̄htoro Cohamac̄u to s̄ho jiina ahrinac̄a yoaro sehe t̄hotuina baro dihta jira. ¹⁷ Potoc̄a niita nija m̄sare. Ahrinac̄a Cohamac̄u ti p̄htoro c̄jhtore cahmana. Ti yoaro seheta m̄sa c̄h̄u Cohamac̄u m̄sa p̄htoro c̄jhtore cahmaerana, p̄htoro Cohamac̄u to noano s̄ho j̄htina ne jisi m̄sa —niha Jesu.

Pache p̄ro Jesure sinitu ñ̄ha

(Mt 19.16-30; Mr 10.17-31)

¹⁸ To ā niri baharo judio masa p̄htoa mehne macariro Jesure ò sehe ni sinitu ñ̄ha:

—¿Ne noariro, buheriro, jipih-tia dachoripe Cohamac̄u mehne ji duac̄u, dohse yoaihcar̄i ȳh̄u? —niha tiro.

¹⁹ To ā nich̄u Jesu ò sehe ni ȳhtiha:

—¿“Noariro”, ni pisujari m̄h̄u ȳh̄ure? Noariro sehe Cohamac̄u dihta jira. ²⁰ Ahri Cohamac̄u dutiare masina m̄h̄u. “Numia mehne ñ̄ano yoaec̄u tjiga. Masare wajãec̄u tjiga. Yacaec̄u tjiga. Mahñoa mehne paiore yahusãec̄u tjiga. M̄ p̄c̄s̄umare ñ̄o payoga”, ni dutira Cohamac̄u —niha Jesu.

²¹ To ā nich̄u tiro Jesure ò sehe ni ȳhtiha:

—Tíre jipih-tiare ȳu wahma wahm̄a tariro jip̄uta ȳhd̄r̄caera t̄hi ȳh̄u —niha tiro.

²² To ā nich̄u t̄horo, Jesu tirore ò sehe ni yahuha:

—Mahanoc̄a d̄hsara m̄h̄ure m̄ yoa pahñohto. Jipih-tiare m̄ yare duai wahaga. Ā yoac̄u jipih-tia m̄ wapatar̄i niñerure p̄jac̄oinare waga. M̄ ā yoach̄u p̄j̄ro m̄ wapataa m̄anop̄u, Cohamac̄u cahap̄u jiyuahca. M̄ ā yoari baharo ȳh̄u mehne macariro c̄jhto taga —niha Jesu tirore.

²³ To ā nich̄u t̄horo tiro sehe paȳu pache c̄uar̄iro jiro tíre p̄jac̄oinare wa duaeraro, tuaro cahya, wahaa wahaha. ²⁴ To ā cahyach̄u ñ̄ano Jesu ò sehe ni yahuha painare:

—Pache p̄a Cohamac̄u masare p̄htoro to noano s̄ho j̄rop̄re ti wahach̄u basioera curera. ²⁵ Camello sehe awic̄a copac̄are to s̄a nuhri wijaa duach̄u basioerara. To ā jiro ȳhdoro pache p̄ro p̄htoro Cohamac̄u noano to s̄ho j̄rop̄re to waha duach̄u nu mijobiara —niha Jesu.

²⁶ To ā nich̄u tirore t̄hoina ò sehe niha:

—Cue, m̄ nino seheta potoc̄a jich̄u, ne c̄iro mas̄no Cohamac̄u cahap̄u waha masieraboca —niha tina Jesure.

²⁷ Ti ā nich̄u Jesu ò sehe ni ȳhtiha:

—Masa ti basi ti m̄ s̄ro ȳhd̄ masierara. Wiho mejeta Cohamac̄u sehe masare pichac̄ap̄u waha borinare ȳhdo masina. Tiro jipih-tiare noano yoa masi pahñoriro jira —niha Jesu tinare.

28 To ã nichu Pedro tirore õ sehe niha:

—Tuhosiniga. Sã sehe jipihtia sã yare cūnoaa tii mahu mehne wahana —niha tiro Jesure.

29 To ã nichu Jesu õ sehe niha:

—Potocã musare niita nija. Musa Cohamacu yare yoana tana musa wuhusere, musa namosānumiare, musa bahanare, musa pucsumare, musa pohinare cūnocarina jina, pjíro wapatanahca musa mipure. 30 Musa cūriro yuhdoro wapatanahca. Æ jina musa yariari baharo jipihtia dachoripe Cohamacu mehne jirucunahca musa —niha Jesu tinare.

Pari turi Jesu to variahtore, to masa wijaahore yahuha

(Mt 20.17-19; Mr 10.32-34)

31 Æ yoa Jesu doce to buheinare ti sahsero naaha. Æ naano tinare õ sehe ni yahuha:

—Tuhoga yuhure. Mipure mari Jerusalēru wahana nija. Tóru yuhure masunore Cohamacu warocarirore Cohamacu yare yahu mughtaina cjiri panoru ti yahuriro cjiro seheta paina ã yoaahca yuhure. 32 Tóru masa yuhure ñahaa, judio masa jieraina sehere waahca yuhure. Yuhure ti wari baharo tina yuhure bujape, ñano ni, yuhure chahcho puti sihōahca. 33 Tuhsu, yuta dari mehne tjana tuhsu wajāahca yuhure. Ti ã wajāri baharo tia dacho wahaboroi masa wijaahca yuhure —niha Jesu tinare.

34 To ã nichu to buheina to yahuare noano tūho ñahaeraha. Cohamacu tíre tinare noano tūho ñahachu yoerasiniha.

Capari ñuerarirore ñuchu yoaha Jesu

(Mt 20.29-34; Mr 10.46-52)

35 Æ yoa Jesu cūhu Jericó wama tiri maca cahacāru sūha. Tói capari ñuerariro maha duhtu cahai duji, niñerure sinino niha. 36 Æ jiro masa payu to cahai ti yuhduachu tuhoro tiro sinituha tinare:

—¿Dohse yoaa payu masa yuhdujari? —ni sinituha tiro.

37 —Jesu Nazare macariro waharo nina —ni yahuha paina tirore.

38 Ti ã ni yahuchu tuhoro tiro õ sehe ni sañurucuha:

—Jesu, Davi cjiro panamino masare yuhdohtiro, yuhure pja ñuga —ni sañurucuha Jesure.

39 To ã nichu to pano waha mughtaina sehe, “Dihta mariahga”, ni tuhtiha tirore. Ti ã ni tuhtipachata tó pano to sañurucuriro yuhdo curero sañurucu namoha tjoa:

—Davi cjiro panamino masare yuhdohtiro, yuhure pja ñuga —ni sañurucuha tiro.

40 To ã ni sañurucuhu tuhoro, Jesu sehe tjuarucu su, “Pjirocaga tirore”, niha. To ã nichu tina sehe capari ñuerarirore pji wahcāha. Ti ã pji wahcāchu tiro Jesu caharu to suchu Jesu sehe tirore õ sehe ni sinituha:

41 —¿Dohse yu yoachu cahmajari mahu? —niha Jesu tirore.

—Yu puhtoro, yuhure ñuchu yoaga —ni yuhtiha capari ñuerariro.

42 —Ñuga. Yuhure wacū tuacu, noariro wahara mahu —niha Jesu tirore.

43 To ã nichuta capari ñuerariro ñua wahaha. Æ noariro waharo, tiro Jesu mehne waha, “Cohamacu tuariro jira”, niha tiro. Æ jia masa payu capari ñuerariro to ñuchu ñua “Cohamacu noariro, tuariro jira”, niha tina cūhu.

19

Zaqueo Jesure piti boca

1 Æ yoa Jesu Jericóru su, tí macaru yuhdu wahcāno taro niha. 2 Pache puero Zaqueo wama tiriro puhto ya cjihtire wapa na cohtaina puhtoro tói jiha. 3 Æ jiro tiro Jesure “¿Diro baro jicari?” ni ñu masino taro Jesure ñu duamaha. Æ to ñu duapachata yuhparirocā to jichu masa payu tirocāre ducataha. 4 Æ jiro tiro masare muroca yuhdu waha, sicómoro wama tidu yucacuru mujaha Jesure ñuno taro. Baharo curero tu cahai Jesu yuhduaro taro niha. Æ jiro Zaqueo tui cohtaro

niha. ⁵ To ã cohta pisaro watoi Jesu sehe tã dahpotoi suruca, Zaqueore ñuroca m̄uo, tirore õ sehe niha:

—Zaqueo mip̄are m̄u w̄uh̄i tjuasinihtja ȳuh̄. Æ jic̄u cjero duji taga —niha Jesu tirore.

⁶ To ã nich̄u Zaqueo sehe soaro mehne duji ta, tuaro wahchea mehne to w̄uh̄p̄u pji wahcãha Jesure. ⁷ To ã ni piti bocach̄u ñ̄ua, jipihtina masa ti basi õ sehe ni durucuha:

—Ahr̄iro Jesu ñ̄aare yoar̄iro ya w̄uh̄p̄u tinino waha duara —ni durucuha jipihtina ti basi.

⁸ Zaqueo sehe piti boca tuhs̄u t̄oi ducu, Jesure õ sehe ni yahuha:

—P̄uhtoro t̄uhoga ȳuh̄re. Jipihtia ȳu yare dacho macai p̄jac̄uoinare waihtja. Æ jic̄u ȳuh̄u pair̄ore cien niñeru t̄urire mah̄ño mar̄iro jic̄u, cuatro cientos niñeru t̄urire wapa bui payoihtja tirore —niha Zaqueo Jesure.

⁹ To ã nich̄u Jesu sehe õ sehe ni yahuha tirore:

—Mich̄are m̄uh̄re m̄u w̄uh̄i jiina c̄uh̄re pichac̄ap̄u wahaborinare Cohamac̄u ȳuh̄do tuhs̄ura. M̄uh̄u c̄uh̄u Abrahã cjiro coyeiro jira. ¹⁰ Ȳuh̄u mas̄uno Cohamac̄u warocariro pichac̄ap̄u wahaborinare macai tai nii. T̄op̄u wahaborinare noano ȳuh̄doi tai nii —niha Jesu Zaqueore.

Niñeru t̄uri uru t̄uri quitire yahuha Jesu

(Mt 25.14-30)

¹¹ Æ yoa tirore t̄uhoinare Jesu paye quiti mehne piti dahre yahuha. Mahanocã duhsaha Jerusal̄ep̄u to s̄uhto. Æ jia tirore t̄uhoina õ sehe ni t̄uhotuha: “P̄uhtoro Cohamac̄u mip̄are s̄uho ji d̄ucaro taro nina”, ni t̄uhotuha tina. ¹² Ti ã ni t̄uhotuch̄u Jesu õ sehe ni yahuha tinare:

—C̄airo p̄uhtoro s̄ahtiro to ya yahpa macaina bui p̄uhtoro jhtiro yoarop̄u waharo taro niha. T̄op̄ure to s̄uch̄u ñ̄uno ti bui p̄uhtoro tirore p̄uhtoro s̄õno taro niha. P̄uhtoro s̄ahtiro ya maca macaina bui

p̄uhtoro s̄õno taro niha tirore. Baharo to ya w̄uh̄p̄u tju wihiro taro niha. ¹³ Wahmanore to wahahto pano p̄uhtoro diez dahra cohtainare pjirocãha. Æ pjirocaro, tiro tinare c̄ainare t̄ipe t̄uri niñeru t̄uri wapa buj̄ua t̄uri uru t̄urire waha. Wa tuhs̄u, õ sehe ni yahuha tinare: “Ȳuh̄u ȳu mariach̄u ahri niñeru mehne m̄usa wapata namohtire macaga”, niha tiro dahra cohtainare. ¹⁴ P̄uhtoro s̄ahtiro to jipach̄ata to ya maca macainata tirore cahmaeraha. Æ cahmaeraa, ti warocah̄tinare tirore p̄uhtoro s̄õhtirore yahu dutia warocãha. “Ahr̄iro s̄a p̄uhtoro jich̄u cahmaeraja s̄a”, niha tina ti yahu duti warocaina sehe. ¹⁵ Æ ti cahmaerapach̄ata baharo ti p̄uhtoro s̄aaha tiro. Æ p̄uhtoro s̄a tuhs̄uro tiro to w̄uh̄p̄u tju taha. Æ tju wihiro tiro dahra cohtainare to niñeru mehne ti wapata namoare masino taro, tinare pjirocãha. ¹⁶ To pjirocari baharo, wihi m̄ahtar̄iro tirore yahuha: “P̄uhtoro m̄u niñeru t̄u, ȳuh̄re m̄u wari t̄u mehne diez t̄uri wapata namohi ȳuh̄u”, niha dahra cohtar̄iro to p̄uhtorore. ¹⁷ “Noano yoari jire m̄uh̄u. M̄uh̄u noar̄iro dahra cohtar̄iro jira. M̄uh̄u mahanocã mehne ȳu dutir̄iro seheta yoa pah̄ñor̄iro jic̄u mip̄u diez macari macaina ti p̄uhtoro cjihto wahaihca m̄uh̄u”, niha p̄uhtoro dahra cohtar̄irore. ¹⁸ To baharo wihir̄iro tiro mehne macar̄iro õ sehe niha: “P̄uhtoro, m̄u niñeru t̄u, ȳuh̄re m̄u wari t̄u mehne cinco t̄uri wapata namohi ȳuh̄u c̄uh̄u”, ni yahuha to p̄uhtorore. ¹⁹ “Cinco macari macaina p̄uhtoro cjihto wahaihca m̄uh̄u”, niha p̄uhtoro tirore. ²⁰ To ã niri baharo pair̄o dahra cohtar̄iro wihi, õ sehe ni yahuha: “P̄uhtoro, m̄u niñeru t̄u õi jira. Suhtiro cahsaro mehne coma, t̄i t̄are wihbohi. ²¹ M̄uh̄u tuaro dahra dutir̄iro jira. Paina yare mana m̄uh̄u. Tuhs̄u, tuaro dahra dutir̄iro jic̄u dahraer̄ar̄iro jipac̄ata m̄uh̄u paina ya dahrari wapare nana. Æ yoa toaer̄ar̄iro jipaihta dichare nar̄iro jira m̄uh̄u. Æ jic̄u m̄uh̄re cui nihi”,

niha to puhtorore “Wapataerahi yuhu”, ni yahuro. ²² “Muhu ã nicu ñano yoariro jira muhu. Yuhure mu ã niri buhiri muhure buhiri dahrehtja yuhu. Yuhu muhure tuaro dahra dutiriro yu jichu masina muhu. Paina yare yu nachu toaerariro jipai dichare nariro yu jichu masina muhu. ²³ Yu ã jiriro jichu ñupacuta ya ture niñeru wihbori wuhuru cüerare muhu. Tíre ti wasori wapa wapata namoboa muhu. ¿Dohseacu ã yoaerari muhu? Tíre mu yoachu tju wihicu wapata namoboa yuhu”, niha ti puhtoro. ²⁴ Æ ni tuhsu tiro cahai ducuinare dutiha: “Niñeru ture maga tirore. Diez turire cjuarirore waga”, niha puhtoro. ²⁵ To ã nichu tina sehe õ sehe ni yahuha tirore: “Puhtoro, diez turi cjuariro payu cjuu tuhsura”, niha tina. ²⁶ Ti ã nichu puhtoro õ sehe ni yuhtiha: “Musare niita nija. Jipihtina cjuainare wa namoihtja. Cjuaerariro sehere mahanocã to cjuapachuta tíre maihtja. ²⁷ Mipru pinihta yuhure ñu tuhtiinare yuhure ti puhtoro ji dutierainare yu cahai na tahga. Æ yoana yu ñurocaroi wajãga tinare”, niha puhtoro dahra cohtainare —ni buheha Jesu.

Jerusalẽpu sũha Jesu

(Mt 21.1-11; Mr 11.1-11; Jn 12.12-19)

²⁸ Æ ni tuhsu Jesu paina pano Jerusalẽpu wahaha. ²⁹ Æ yoa tina Jerusalẽpu ti suhto panocã tãcu Olivo wama tidu duhtu cahai jiri maca Betfagé wama tiri maca cahai, ã jichu Betania wama tiri maca cahai su muhtaha. Tí macari pu maca cahai Jesu sũro, to buheina puarore waro-caro taro, õ sehe ni yahu quihõha:

³⁰ —Sí macapu burrocãre nana wahaga. Tõpu suna, burrocãre ti duhte daporirocãre boca sunahca. Tiro ne cãiro ti pisamahnoerarirocã jica. Tirocãre bocana, yuta dare pjã, na tabasaga yuhure. ³¹ Tirocãre musa pjãchu ñano, cãiro dohse jiriro “¿Dohse yoana tana burrocãre duhte daporí dare pjãjari musa?” to nichu

tuhona õ sehe ni yuhtiga tirore: “Mari puhtoro burrocãre cahmaro-casinire”, ni yahuga tirore —ni yahu duti warocaha to buheina puarore.

³² To ã nichu tina puaro sehe to niriropu sũha. Ti ã sũchu jipihtia Jesu to niriro sehetã wahaha. ³³ Æ jia tina tirocãre ti pjãchu ñua tirocã pu tinare õ sehe ni sinituha:

—¿Dohse yoana tana burrocãre duhte daporí dare pjãjari musa? —ni sinituha tina.

³⁴ —Mari puhtoro burrocãre cahmarocasinire —ni yuhtiha tina.

³⁵ Æ ni yahu tuhsu tirocãre Jesu cahapu na sũha. Na su tuhsu ti bui sãa suhtire tirocã bui pjũpaha payo tuhsuchu ñu, Jesu sehe tirocã bui to mija pjachu yoadohoha tina. ³⁶ Jesu tirocã bui to pisachu to wahahto pano masa ti bui sãa suhtire tjuwe na, to wahahti mahai saño cü muhtaha, Jesure ño payoa. ³⁷ Tina Jerusalẽ cahacãpu su, Olivo wama tidu dujari mahapu sũha. Tõpu Jesu to buhechu tuhoina payu jipihtia Cohamacu tuua mehne to yoa ñorire, noaa to yoarire ti ñuri cjirire wacũa, Cohamacure “Noariro, tuariro jira”, ni sañurucuha. Æ yoa Cohamacure ño payoa, õ sehe ni sañurucuha:

³⁸ —Ahríro Cohamacu to warocaríro, mari puhtoro noano jijaro. Muano macaina noano jijaro. Muano macaríro Cohamacu, muhu tuaríro waro jira —ni ño payoha tina.

³⁹ Ti ã nichu tuhoa fariseo curua macaina mahainacã ti watoi jiina Jesure õ sehe ni yahuha:

—Buheriro, mu buheinare dihta mariea dutiga —niha tina.

⁴⁰ —Musare niita nija. Tina ti sañurucuerachu tãa peri sehe sañurucuboa —niha Jesu fariseo curua macainare.

⁴¹ Æ ni tuhsu Jesu Jerusalẽ cahacãpu su, tí macare ñurocaro, tiha. ⁴² Æ sehe niha tiro:

—Jerusalẽ macaina mipru pinihtare musare pichacapu wahaborinare Cohamacu to yuhdohtore musa masichu noa yuhduaboa. Æ jipachuta mipure

musa tíre ne tũho duaerare. ã jiro Cohamacu tíre musare masi dutierare. ⁴³ Musare ñu tuhtiina musa jiri macare soroahca. ã yoaa musare tina wijaaro wasi. ⁴⁴ Tí pjata tina musa ya macare cohã pahñoahca. Musa cũhure wajãahca. Musare ñu tuhtiina noano cohã pahñoahca musa ya macare. Cohamacu pichacapu wahaborinare musare to yũhdohtore musa masi duaerare. Musa masi duaerari buhiri musare ñu tuhtiinare Cohamacu musare cohã dutirohca — niha Jesu Jerusalẽ macainare.

Cohamacu wũhũpu Jesu sũha
(Mt 21.12-17; Mr 11.15-19; Jn 2.13-22)

⁴⁵ ã yoa Jerusalẽpu sũro, Jesu Cohamacu wũhũpu sãa wahaha. ã yoaro pache duainare tí wũhũpu jĩinare boca sũro, tinare cohã wionocaha. ⁴⁶ Õ sehe niha tiro tinare:

—Õ sehe nina Cohamacu yare ti joari pũi: “Yũ wũhũ Cohamacu mehne durucuri wũhũ wama tirohca”, niha to yare ti joari pũi. To ã nipachuta musa sehe ahri wũhũ duana, musa basi cahma yacara musa —niha Jesu.

⁴⁷ ã yoa dachoripe Cohamacu wũhũpu Jesu buheha. ã jia sacerdotea puhto, judio masare buheina, masa puhto cũhũ tirore ti wajãhti cjihtire wacũ macaha. ⁴⁸ Masa jipihtina tirore ã tũhorucua, to buheare noano tũho nũnũina jiha. Tí ã noano tũho nũnũchũ ñũa, Jesure wajã duaina sehe tirore ti wajãhtire bocaerasiniha.

20

Sacerdotea puhto, judio masare buheina, bũcũna mehne Jesure sinitu ñũha

(Mt 21.23-27; Mr 11.27-33)

¹ Pa dachoi Cohamacu wũhũ Jesu masare noaa buheare buhero niha. To ã buhechũ sacerdotea puhto, judio masare buheina, bũcũna mehne tiro cahapu wihia, tirore õ sehe ni sinitu ñũha:

² —Yahuga sãre. ¿Dohseacu canũre ã yoari mũhũ? ¿Noa mũhũre tíre ã yoa dutiri? —niha tina Jesure.

³ Tí ã nichũ Jesu õ sehe ni yũhtiha tinare:

—Musa sehere sinitu mũhtaihtja. Yahuga yũhũre. ⁴ ¿João masare to bautisachũ diro baro sehe tirore bautisa dutia tiari, musa tũhotuchũ? ¿O Cohamacu dutiera tiari? ¿O masa sehe dutia tiari, musa tũhotuchũ? —ni sinituha Jesu tinare.

⁵ To ã nichũ tina sehe ti basi õ sehe niha:

—¿Dohse ni yũhtinahcari mari? “Cohamacu Joãore dutia tiri jire”, mari nichũ, “¿Dohseana Cohamacu Joãore to dutipachuta tirore tũho duaerari musa?” niboca Jesu marine. ã jina “Cohamacu Joãore dutia tiri jire”, ni yũhti masieraja mari.

⁶ Ahrina masa sehe “Potocãta João Cohamacu yare yahu mũhtariro jira”, ni tũhotura tina. ã ni tũhotua “João to bautisachũ Cohamacu tirore dutierari jire”, mari nichũ tũhoa marine tãa mehne docaboca masa. ã jina tí cũhũre yahu masieraja mari —ni durucuha tina ti basi.

⁷ ã ni durucu tuhsũa tina Jesure õ sehe ni yũhtiha:

—Joãore bautisa dutirirore sã masieraja —niha tina.

⁸ Tí ã nichũ Jesu õ sehe ni yũhtiha:

—Tí pja pinihta yũhũ cũhũ musa sinitu mũhtarire yahueraja musare. Ahrire yũ yoarire dutirirore yahueraja musare —niha tiro tinare.

Ñaina dahra cohtaina quitire yahuha Jesu

(Mt 21.33-44; Mr 12.1-11)

⁹ ã yoa Jesu to tũhotua mehne piti dahre õ sehe ni buhe dũcaha masare:

—Wese puero se dari cjihtire toaha. Toa tuhsũ, tí wesere painare cã bũhũsehe coa pahma cũha. Pahma cũno tí wesere tinare ñũ wihbo dutiha. ã duti tuhsũ pa yahpapu waha, yoari pja bajueraha. ¹⁰ Tuhsũ, se ñiri pja jichũ wese puero to cahamacũnore wesere ñũ wihboina cahapu warocaha. Wese macaa to

toaa dichare to ya coa macaare na dutiro warocamaha. ã jia ñu wihboina sehe to cahamacunore wiho piti boca cjānocaha tirore. ã cjānocaa, tina tirore dichare waerapahta tjuaa dutiha tirore. ¹¹ ã jiro wese puro paio to cahamacunore tí wese macaa toaa dichare na dutiro warocamaha tjoa. ã jia wesere ñu wihboina tiro cūhure cjā, ñano yoaha. ã yoa tuhsu tirore tí dichare waerapahta tjuaa dutiha tjoa. ¹² Tirore ti ã yoari baharo wese puro paio cahamacunore warocamaha tjoa. To ã warocachu ñua, wesere ñu wihboina sehe tiro cūhure cami dahre, tí wese dūhtu cahai cohānocaha tirore.

¹³ 'Ti ã yoari baharo wese puro ò sehe ni tūhotumaha: “¿Dohse yoaihcari yūhu? Ò sehe yoaihtja. Yūhu yu macure yu cahīrīrore warocaihtja. Tina tirore ño payoboca”, ni tūhotumaha wese puro sehe. ¹⁴ ã jia to macunore to warocarīrore to sūchu ñua ñu wihboina sehe ti basi ò sehe ni durucuha: “Ahrīro wese puro macuno jira. Baharo ahri wesere cjuāhtiro jira. Tirore wajājihna. Mari ã yoachu ahri wese mari ya wese tjuarohca”, nimaha tina ti basi. ¹⁵ ã ni tuhsua wese puro macunore wese dūhtu cahai cohā, wajānocaha tirore. ¿Ti ã yoachu ñuno dohse yoarohcari wese puro wesere ñu wihboinare? — niha Jesu.

¹⁶ —Tiro wesere ñu wihboinare wajāno taro, paina sehere wesere ñu wihbo dutirohca —ni yūhtiha Jesu to basi.

To ã nichu tūhoa masa sehe ò sehe niha:

—Marine ã wahaero tjjaro —niha tina.

¹⁷ Ti ã nichu Jesu sehe tinare ò sehe ni sinituha:

—¿Cohamacu yare ti joari pūre ò sehe ni durucua, dohse nino nijari, mūsa tūhotuchu?:

“Ahrīro Cristo tāca yoaro seheta jira. Tācare wūhu dahreina ti cohāno seheta masa tirore cohāhca.

Ti ã yoapachata mipure wūhu dahreina wūhure yoaa ti cū

mūhtari tācare ti cūno seheta Cohamacu tirore pūhto sōhre”, ni joaha. ¹⁸ Jipihtina tia tāca bui bora pjainare payu dihicā peri yihsorohca tia tāca. Tuhsu, tia tāca masuno bui bora pjaro, tahānocanohca tirore. ã tahāno to pjacu cjirore daa manaricā wahachu yoarohca. (Tó seheta yūhure cahmaeraina, yu buhiri dahrehtina ñano yūhdūhca) —niha Jesu.

Pūhtoa ya wapare paina sinituha Jesure

(Mt 21.45-46; 22.15-22; Mr 12.13-17)

¹⁹ To ã nichu tūhoa judio masare buheina sacerdotēa pūhtoa cūhu, “Jesu wesere ñu wihboina quitī mehne marine tuhtiro nina”, ni tūhotuha tina. ã ni tūhotua tina Jesure ñaha duamaha. ã ñaha dua-pahta tina masare cui niha. ²⁰ ã cuia, Jesure ti ñahahtī pjare cohtasiniha tina. ã jia tina quihōno yoaina yoaro sehe ji mahño dutiha painare. To ñano ni yūhtichu yoa dua nimaha tirore yahusā dua. ã jia Jesure sinitu dutia warocaha mahñoinare. Jesu ñano to ni durucuchu tūhoa tí yahpa macaina bui pūhtoro peresu yoa dutia taa nimaha. ²¹ ã jia tina Jesure mahño cū ò sehe ni sinitu ñumaha:

—Buheriro, potocā durucurīro, mahñoa marieriro mūjichu sā masija. ã jicu wiho jīinare, pūhtoa cūhure cūno pōtori yoara mūhu. Mūhu Cohamacu yare potocā mū buhechu cūhure sā masija. ²² Yahuga sāre. ¿Ne, Roma macarīrore jipihtina bui pūhtorore gobierno macaare marine waparo cahmajari, mū tūhotuchu? ¿Mari dutia wapa dutijari, mū tūhotuchu? —ni sinituha tina Jesure.

²³ Ti ã nichu tūhoro Jesu ti ñano yoa duaare masino, tinare ò sehe ni yūhtiha:

²⁴ —Mipure niñeru tūre na tahga. Tí tūre ñūjihna —niha.

Tí tūre ti na wihichu ñuno ò sehe niha Jesu:

—¿Diro baro masu wahājari ahri ture? ¿Diro baro wama wahājari? — niha Jesu tinare.

—César, masa bui puhtoro jiriro ya masu, to wama cūhu wahāna —ni yuhtiha tina.

²⁵ Ti ā nichu Jesu ō sehe ni yahuha:

—Tí pja pinihta masa bui puhtoro yare tiro sehere waga. Cohamacu yare Cohamacu sehere waga —niha Jesu tinare.

²⁶ Ā to noano yuhtichu, masa ti ñurocaroi Jesure ñano ni durucuchu yoa masieraha tina. Ā jia Jesu yuhtiare tuhoa, tina cūaa waha, dihta mariea wahaha.

Saduceo curua macaina Cohamacu to masoare sinituha Jesure (Mt 22.23-33; Mr 12.18-27)

²⁷ Ā yoa mahainacā saduceo curua macaina Jesu cahapu wihiha. “Cohamacu yariainare masosi”, ni tuhotuina jiha saduceo curua macaina. Ā jia tina ō sehe niha tirore:

²⁸ —Buheriro, ō sehe ni buhea tiha Moise cjiro: “Cūiro to wahmino namo tiro pohna mariaparota to yariachu ñano to baharore to wahmino namono cjirore nūoano cahmana. Ā yoa to wahmino munano to pohna tiboro seheta pohna tiro cahmana to baharore. Ā jia to pohna to wahmino munano pohna yoa sehe jiahca”, ni joaa tiha Moise cjiro —niha tina.

²⁹ Tíre ni tuhsu ahri quitire yahu namoha tjoa Jesure:

—Cūiro masuno jiha. Seis to bahana jiha. Ti wahmino sehe namo ti, pohna marieriro yariaa wahaha. ³⁰ Ā jiro paio to bahuro cūhu to wahmino namono cjirore nūoaha. To ā nūoari baharo to wahmino yoa sehet pohna mariaparota tiro cūhu yariaa wahaha. ³¹ Ā jiro ahriro bahuro cūhu to wahmino munano yoa sehet pohna mariaparota yariaa wahaha. Ā dihta wahaha cūiro pohna waro. Ne pohna mariapahta yaria pihtia wahaha. ³² Ti namono cjiro cūhu ti baharota yariaa wahaha. ³³ ¿Ne Cohamacu jipihtinare yariaina cjirore to

masochu diro namono sehe jibocari ticoro pototi? Tina jipihtina ticorore namo tirina cjiri jiha. ¿Ā jiro diro baro namono jirohcari? —ni sinituha tina.

³⁴ Ti ā nichu Jesu ō sehe ni yuhtiha:

—Mipu macaina wamomaca duhtera. ³⁵ Ti ā duhtepachata paina sehe pa turu macaina sehe ā jierara. Paina mūare, numia cūhure to yainare Cohamacu ñaa marieina jichu yoarohca. Tina ti yariari baharo masa mūjaahca. Ā yoa tina tópu wamomaca duhterara. ³⁶ Ā jia tina anjoa yoa sehet ne yariasi. Tina Cohamacu to masorina jia, Cohamacu pohna jira. ³⁷ Mipure yariarina cjiri ti masa wijaahto sehere mūare yahuihtja. Tíre Moise cjiro noano yahu pahūoa tiha. To mahaducā jūri quitire ō sehe ni yahua tiha tiro: “Yūhu Abrahā, Isaa, Jacobo ti puhtoro tjija”, ni yahure Cohamacu yūhure”, ni joaa tiha Moise cjiro. ³⁸ Ti yariari baharo “Ti puhtoro tjija”, ni yahua tiha Cohamacu. Ā niparota yariarina cjiri puhtoro jierara Cohamacu. “Ti puhtoro tjija”, to nia mehne catiina ti jichu masija mari. Tiro catiina puhtoro jira. Jipihtina masa catira Cohamacu to ñuchu —niha Jesu tinare.

³⁹⁻⁴⁰ To ā nichu tina sehe pari turi Jesure sinitu duaeraha. Ā jia mahainacā judio masare buheina ō sehe niha:

—Buheriro, mūhu noano yuhtihre —niha tina Jesure.

¿Diro baro coyero jijari Cristo? (Mt 22.41-46; Mr 12.35-37)

⁴¹ Baharo Jesu ō sehe ni yahuha tinare:

—“Cristo Davi cjiro panamino jirohca”, ni buhera paina. ¿Dohse yoa tina ā ni buhejari? ⁴² Davi cjiro to basi Salmopu to joari tjupu ō sehe ni joaa tiha:

“Cohamacu yu puhtorore ō sehe nire: ‘Ōi yu poto būhusehei dujiga.

⁴³ Æ jicũ mũhare ñũ tuhtiinare mũhare yũhdũrucabasaihca yũhũ', nire Cohamacũ yũ pũhtorore", ni joaa tiha Davi cjiro. ⁴⁴ Æ ni joaro Davi cjiro pũhtoro tiha Cristore. Davi cjiro Cristo ñũchũno cjiro jiparota Cristore pũhtoro tiha. ¿Davi cjiro Cristo ñũchũno cjiro jiparota dohse jiro baro tiro pũhtoro tiari Cristore? —ni yahuha Jesu. (Cristo sehe Davi cjiro pũhtoro jira.)

Judio masare buheina ti ñaa yoaare yahuha Jesu

(Mt 23.1-36; Mr 12.38-40; Lc 11.37-54)

⁴⁵ Masa payũ Jesure ti tũhoro watoi Jesu sehe to buheinare õ sehe ni yahuha:

⁴⁶ —Mari judio masare buheina ti ñaa yoaare ñũna noano wacũ masiga. Æ jina ti yoaro sehe yoaena tjiga. Tina yoaa suhti sãa, masa ti ñũrocaroi majarea, pache duaropũ paina pũhtoare noano ño payo ti sinino sehe ti piti bocasinichũ cahmana tina. Æ cahmaina jia, tina mari judio masa buhea wũhũsei noaa dujia dihtare bese duji duara. Tuhsũ, bese numũ jichũ tó cãhũre noaa dujia dihtare cahmana. ⁴⁷ Tina wapewahya numia ya wũhũsere ti ya cãhũre mana tí numiare. Æ yoaina jia, tina masa ti ñũrocaroi yoari pja Cohamacũre sinimana masare ñũ dutia. Ti ã yoachũ tinare Cohamacũ pjĩro buhiri dahrerohca —niha Jesu tinare.

21

Wapewahyoro Cohamacũ wũhũi to warire yahuha Jesu
(Mr 12.41-44)

¹ Æ ni yahu tuhsũ niñeru wihbori caroi pache pũa ti niñerure ti duhu sãachũ ñũ dujĩro niha Jesu. Tí niñeru Cohamacũ wũhũre ti cahnochũ ti wa- pahti jiha. ² Æ ñũno wapewahyoro pjacũoricoro to pũa tũcãre to duhu sãachũ cãhũre ñũha. ³ Tíre ñũ tuhsũ õ sehe ni yahuha:

—Potocã niita nija mũsare. Ahri- cororo wapewahyoro pjacũoricoro

sehe niñeru wihbori caropũ duhu sãano paina jipihtina ti wari yũhdoro wahre ticoro sehe. ⁴ Paina pache pũa pjĩro ti wapachũta ti ya pjĩro dũhsara. Ahricoro sehe pjacũoricoro jiparota jipihtia to chũhtire to nuchũboacãre wa pahñohre —ni yahuha Jesu.

“Cohamacũ wũhũ cohãri wũhũ jiro- hca”, niha Jesu

(Mt 24.1-2; Mr 13.1-2)

⁵ Æ yoa paina Cohamacũ wũhũre õ sehe ni ñũa niha:

—Noaa tãa mehne yoari wũhũ, noacari wũhũ jijari. Masa Cohamacũ ya wũhũ cjihtire ti wari cjiri cãhũ tí wũhũpũre noaca cũri jira —ni durucua niha.

Ti ã nichũ Jesu õ sehe ni yahuha tinare:

⁶ —Ahri jipihtia mari ñũri cjiri wũhũse, ahri tãa cãhũ cohõ pihtia wa- haahca. Ne cãria tãca tjuasi —niha Jesu tinare.

Pihtiri dacho cjihtore yahuha Jesu
(Mt 24.3-28; Mr 13.3-23)

⁷ To ã nichũ tũhoa tina sehe õ sehe ni sinituha tirore:

—Buheriro, ¿dohse jichũ mũ niriro sehe waharo ã waharohcari? ¿Pihtiri dacho panocã jichũ dohse to waha dũcachũ ñũnahcari sã? —ni sinituha tina Jesure.

⁸ Jesu õ sehe ni yũhtiha tinare:

—Noano yoaga mũsa. Æ jina mũsare paina ti mahñoare tũhoena tjiga. Payũ masa “Cristo jija yũhũ”, niina taahca. Æ nia, “Mipũre pihtiri dacho cjihto mahanocã dũhsara”, ni- ahca. Tí ã nichũ tinare tũhoena tjiga.

⁹ Æ yoa paina “Cahma wajãa nina”, mũsare niahca. “Mipũre pũhtoare masa cohãa nina”, niahca. Mũsa tíre tũhona cuiena tjiga. Pihtiri dacho pano õ sehe waha mũhtanohca. To ã wahachũ pihtiri dacho cjihto dũhsasininohca mini —niha Jesu.

¹⁰ Æ ni tuhsũ õ sehe ni yahu namoha:

—Cũ yahpa macaina pa yahpa macaina mehne cahma wajãahca.

¹¹ Tuhsũ, tuaro yahpa ñũhmi, masa payũ jũca mehne yaria, jipihtiro

macaina dohatiahca. Ā yoa m̄ano macaa bajuamehneare masa ñ̄na, ñ̄na c̄naa wahaahca.

¹² Ahri jipihtia ti ā wahahto pano, paina m̄sare ñ̄aha, ñ̄ano yoaahca. Tuhs̄u, mari judio masa buhea w̄h̄usei tina m̄sare yahus̄ā, peresu yoaahca m̄sare. Ti ā yoach̄u yahpari macaina p̄h̄toa panoi, macari macaina p̄h̄toa panoi ducunahca m̄sa ti yahus̄āhtina. Ȳu yaina m̄sa jiri buhiri ā yoaahca. ¹³ Ti ā yahus̄āch̄u m̄sa sehe noaa buheare tinare yahunahca. ¹⁴ Tí pjare m̄sare ti yahus̄āch̄u p̄h̄torore m̄sa ȳh̄tihtore “Yahu masieraboca”, ni t̄hotuena tjiga m̄sa. ¹⁵ Ȳh̄u m̄sare yahubasaihtja. M̄sare ā yoadohocu t̄ho masiare, noaa durucua c̄h̄ure m̄sare yahuch̄u yoaihtja. M̄sa ā yoach̄u m̄sare ñ̄u tuhtiina sehe m̄sa durucua t̄ho, “Tí potoc̄ā jierara”, ni ȳhti masisi. ¹⁶ Tí pjare m̄sa p̄c̄s̄uma, m̄sa bahana, m̄sa coyea, m̄sa mehne macaina c̄h̄u m̄sare ñ̄u tuhtiinare waahca m̄sare ȳu yaina m̄sa jiri buhiri. Ti ā yoach̄u m̄sare ñ̄u tuhtiina m̄sa mehne macainare painare waj̄āhca. ¹⁷ Ā yoa ȳu yaina m̄sa jich̄u ñ̄na, jipihtina m̄sare ñ̄u tuhtiahca. ¹⁸ M̄sare ā ñ̄u tuhtipahta ne mahanoc̄ā m̄sare ñ̄ano yoasi. ¹⁹ Ā jina Cohamac̄u wac̄u tuaina jiga m̄sa. M̄sa ā yoana, Cohamac̄u mehne ā jirucunahca.

²⁰ Ā yoa paȳu surara Jerusal̄ep̄u ti soroach̄u ñ̄na, Jerusal̄ēne ti coh̄āhto to mahanoc̄ā d̄hsach̄u masinahca m̄sa. ²¹ Ti ā yoach̄u ñ̄na Judea yahpai jiina t̄yuc̄u cahap̄u m̄roca duhtijaro. Ā yoa Jerusal̄ēi jiina wahajaro. Ā yoa campoi jiina Jerusal̄ep̄u wahaea t̄jijaro ti waha bahrañohto sehe. ²² Tí dachorihi buhiri dahrea dachorihi jipihtia Cohamac̄u yare ti joari p̄u to n̄iro c̄jro seheta ā waharohca. ²³ Jipihtirop̄u ahri yahpai ñ̄ano ȳhd̄ahca. To ā wahach̄u, n̄i wahc̄ōa numia, ti pohnare p̄ina numia c̄h̄u pjac̄oro wahaahca. ²⁴ Paina ahri maca Jerusal̄ē macaina mehne cahma

waj̄āhca. Ā cahma waj̄ā, paina ahri maca macainare jipihtia yahparip̄u na wahc̄ā, peresu yoaahca. Ā jia judio masa jieraina Jerusal̄ēne ñ̄ano yoa, tinare ȳhd̄ur̄caahca. Judio masa jieraina ya dacho to pihtich̄ap̄u Jerusal̄ē macainare ñ̄ano yoa duhuhca —ni yahuha Jesu.

Jesu yahpap̄u to tjua tahtore yahuha

(Mt 24.29-35, 42-44; Mr 13.24-37)

²⁵ Ā ni yahu t̄hs̄u, tinare ō sehe ni yahu namoha:

—Tí pjare s̄u dacho macariro, ñ̄ami macariro, ñ̄ahpichoha c̄h̄u cohtotaahca. Jipihtina ahri yahpa macaina “Cue, yarianahca”, ni t̄hotuina pjiri ma macaa pahc̄ōri cuaro choro ti bisiro coa tach̄u t̄ho tuaro cuiahca. ²⁶ Tí pjare m̄ano macaa yahpari, ñ̄ahpichoha c̄h̄u tuaro ñ̄uhmiahca. Ti ā wahach̄u ñ̄na, masa sehe ahri yahpa to pihtih̄tore cohtaa, tuaro cuiahca. ²⁷ Tí pjata ȳh̄u mas̄no Cohamac̄u warocariro Cohamac̄u tuaa mehne to si sitea mehne ȳu tach̄u ñ̄uhca masa. ²⁸ Ahri ti ā waha d̄c̄ach̄u ñ̄na, wac̄u tuaina jiga. Ā jina m̄anop̄u ñ̄ga. Tí pjare Cohamac̄u m̄sare pichacap̄u wahaborinare to ȳhd̄ohto mahanoc̄ā d̄hsarohca —niha Jesu.

²⁹ Ā ni tuhs̄u ahri quiti mehne piti dahre buheha Jesu:

—Higuerac̄u, paye yuc̄u c̄h̄ure t̄hotuga m̄sa. ³⁰ Tí yuc̄u p̄uri tich̄u ñ̄na, c̄h̄ma c̄jhto to mahanoc̄ā d̄hsach̄u masina m̄sa. ³¹ Tó seheta ahri jipihtia ȳu n̄i c̄jrire ti ā wahach̄u ñ̄na, Cohamac̄u masare p̄h̄toro to noano s̄ho jihti p̄a mahanoc̄ā d̄hsach̄u masinahca m̄sa.

³² M̄sare potoc̄ā niita n̄i. Tí p̄a macaina ti yariahto pano jipihtia ȳu n̄i seheta ā waharohca. ³³ M̄ano, ahri yahpa c̄h̄u pihtia wahaahca. Ȳu durucua sehe ne cohtotasi. Jipihtia ȳu n̄i seheta ā waha sohtori tiarohca.

³⁴ Ȳu tjua tahti dachore ne masierara m̄sa. Ā jina noano yoaga. Bose n̄m̄rine b̄j̄na yoarucuenta

tjiga. Ñ jina cahaena tjiga. Ahri yahpa macaare pjíro tuhutuena tjiga. Musa yu niriro seheta yoana, wacūenoca ahri yahpapu yu tachu musa ne cūasi. ³⁵ Wahiquirore yurida wahiquirore wacūenoca to tuã suharo seheta wacūenoca taihca yuhu. Jipihtina ahri yahpa macaina ti masieraro watoi tí dachoi wacūenoca ã waharohca. ³⁶ Noano wacū masi cohtaga. Ñ jina Cohamacure ahrire ã sinirucuga: “Ahri pihtiri dachore ã wahachu yuhure yoadohoga. Tu-aare waga yuhure ahrire noano yu yuhduhti cjihtire. Tuhsu, Cristore mu warocarirore cuiro marieno yuhure piti bocachu yoaga”, ni siniga Cohamacure —niha Jesu.

³⁷ Ñ yoa tí dachore Cohamacu wuhui Jesu buhea tiha. Ñaminipe buhe tuhsuro Olivo wama tidu tūcupu waha, tópu ji bohrea tiha. ³⁸ Bohrea taharipe jipihtina masa Cohamacu wuhupu tirore tahoa wahaa tiha.

22

Sacerdotea puhto, judio masare buheina mehne wajã duaha Jesure
(Mt 26.1-5, 14-16; Mr 14.1-2, 10-11; Jn 11.45-53)

¹ Ñ yoa tí pjare bucaerari pãore ti chuhti bōse numuri mahanocã duhsaha. Tí bōse numuri pascua wama tiha. ² Ñ jia sacerdotea puhto, judio masare buheina mehne Jesure wajã duaa, ti wajãhtore wacū macaha. Jesure wajã duapahta, masa sehēre cuiha, “Suari”, nia.

³ Ñ yoa watino Juda Iscariotere ñano to yoa dutichu Juda sehē yuhtiha tirore. Juda doce buheina mehne macariro jimaha. ⁴ Ñ yoa tiro sacerdotea puhtoare, Cohamacu wuhu macaina surara puhto mehne cūhure sūhūduro wahaha. Ti cahapu su, tinare Jesure to ñohtore sūhūduha tina mehne. ⁵ To ã nichu tuhoa, tina wahche, “Muhure niñerure wapanahaja”, niha tina Judare. ⁶ Ti ã nichu Juda “Jai, tirore musare ñoihtja”, ni masa ti ñeraro watoi

Jesure ñu tuhtiinare to ñohti ñamine cohtasiniha.

Jesu buheina mehne to chu batoari numu jiha

(Mt 26.17-29; Mr 14.12-25; Jn 13.21-30; 1Co 11.23-26)

⁷ Bucaerari pãore bōse numuri ti ji ducari dacho jiha. Ñ jiro pascua macaina cjihtire ovejare ti chuhtinare ti wajãhti numu jiha. ⁸ Tí pjata Pedrore, João cūhure Jesu ñ sehē ni yahuha:

—Bōse numui mari chuhtire cahnoyuna wahaga —niha Jesu tinare.

⁹ —¿Mari pascua macaa chuhtire noho baroi cahnoyu dutirocaijari muhu sãre? —ni sinituha tina tirore.

¹⁰ Ti ã nichu Jesu ñ sehē ni yuhtiha: —Jerusalēpu musa sūchu co situ wuhariro musare piti bocarohca. To piti bocachu tiro mehne wahaga. ¹¹ Ñ wahana tiro to sūho sãari wuhupu suna tí wuhu purore ñ sehē ni yahuga. “¿Dí tahtiai yuhu yu buheina mehne pascua macaa chūare chūnahcari?” ni sinitu dutirocahre buheriro”, niga tí wuhu purore. ¹² Musa ã nichu tuhoro, tópu muano macari tahtiare pjiri tahtiare, noano ti cahnoyuri tahtiapure musare ñonohca wuhu puro. Tóti mari chuhti cjihtire dahrega musa —niha Jesu tinare.

¹³ To ã nichu tina tí macapu wahaha. Tópu ti sūchu tinare to niriro seheta wahaha. Ñ jia tina pascua macaa chūare dahreha.

¹⁴ Ti churi pja jichu Jesu doce to buheina mehne chu dujiha. ¹⁵⁻¹⁶ Tópu ti churupu dujiro Jesu tinare ñ sehē ni yahuha:

—Musare niita nija. Ahri pascua bōse numurine mari dahreja Cohamacu to yainare to yuhdohtore wacūna. Baharo Cohamacu masare puhtoro to noano sūho jirupu to yainare yuhdo tuhsurohca. To ã yuhdohto pano ahri numuri baro macaare pari turi chūeraja yuhu. Ñ jicu mipure ñano yuhdu, yu yariahto pano ahri pascua macaa chūare musa mehne tuaro chu duaa tihī —niha Jesu.

17-18 Æ ninota Jesu sihniri wahware na, Cohamacure “Noana”, ni sini, tinare õ sehe ni yahuha:

—M̄sare niita nija. Cohamacu jipihina bui p̄htoro to noano s̄ho j̄hto pano ahri vinore ne pari turi sihnisi ȳh̄u. Æ jina ahri vinore na, m̄sa basi witi, sihniga —niha Jesu.

19 Æ ni tuhsu p̄o curire na, Cohamacure “Noana”, niha. Æ ninota, t̄i curire nuha, witiha tinare. T̄i curire witirota, tinare õ sehe ni yahuha:

—Ahri yu p̄acu jira. Yu p̄acu ȳh̄ure ñu tuhtiinare ti wari p̄acu jirohca. M̄sa ñaa yoari buhirire coh̄acu tacu variaihca ȳh̄u. Æ jina ȳh̄ure m̄sa wac̄hti c̄j̄htire ahrire ch̄ga —niha Jesu.

20 Æ chu tuhsu t̄o sehet̄a tiro tinare sihniri wahwa c̄h̄ure waha. Æ waro, tinare õ sehe ni yahuha:

—M̄sa ñaa buhirire coh̄acu tacu variaihca. Æ yoacu yu dire coh̄aihca. Cohamacu “M̄sare ȳh̄doiht̄ja”, to niriro m̄ s̄chu Æ yu yariaro mehne to niriro sohtori tirohca.

21 ‘Mip̄ure t̄hoga m̄sa. Ȳh̄ure ñu tuhtiinare ȳh̄ure ñohtiro mip̄ure ȳh̄u mehne õi dujira. 22 Cohamacu to dutiriro sehet̄a ȳh̄u mas̄no Cohamacu warocariro variaihca. To Æ yaria dutipach̄ta ȳh̄ure ñu tuhtiinare ñoriro pinihta ñabiaro ȳh̄d̄rohca —niha Jesu tinare.

23 To Æ nichu tina sehe ti basi õ sehe ni sinituha:

—¿Jesure ñu tuhtiinare ñohtiro mari mehne macariro diro baro jicari na? —ni durucuha tina ti basi.

“¿Mari mehne macariro diro sehe jicari na p̄htoro?” ni durucuha Jesu buheina ti basi

24 Baharo Jesu buheina õ sehe ni durucuha:

—¿Mari mehne macariro diro sehe jicari na p̄htoro? —ni durucuha ti basi.

25 Ti Æ ni durucuch̄u t̄horo Jesu tinare õ sehe ni yahuha:

—Cohamacure cahmaeraina p̄h̄to sehe ti masare dutia, pur̄no mehne dutira. Æ jia p̄h̄toare “Tina

masare yoadohoina jira”, nimana paina masa tinare. 26 M̄sa sehe t̄o sehe yoasi m̄sa basi. M̄sa mehne macariro m̄sa wahmi sehere to bah̄ro yoaro sehe jiro cahmana. M̄sa mehne macariro p̄htoro j̄i duaro cahamac̄no yoaro sehe jiro cahmana tirore. 27 ¿Diro j̄jari p̄htoro? ¿Chu dujiriro sehe p̄htoro j̄jari? ¿O ch̄are duhu payoriro sehe p̄htoro j̄jari? Chu dujirirota jica p̄htoro. To Æ jipach̄ta ȳh̄u sehe cahamac̄no yoaro sehet̄a m̄sare yoadohoi tai.

28 ‘Masa ȳh̄ure ti ñano yoapach̄ta m̄sa sehe ȳh̄ure duhuerare. 29 Æ j̄icu yu P̄acu ȳh̄ure to p̄htoro s̄oriro sehet̄a m̄sa c̄h̄ure p̄h̄to s̄oht̄ja ȳh̄u. 30 Ȳh̄u p̄htoro yu j̄ichu yu ch̄ri mesai m̄sa c̄h̄u chu, sihninahca. Æ yoana m̄sa p̄h̄to dujiare dujinahca. M̄sa t̄oi dujina Israe masare doce curuari macainare besenahca m̄sa ñaina, noainare —niha Jesu to buheinare.

Pedro Jesure to coh̄htore yahuha Jesu

(Mt 26.31-35; Mr 14.27-31; Jn 13.36-38)

31 Æ ni tuhsu Pedrore Jesu õ sehe ni yahuha:

—Simo Pedro ȳh̄ure t̄hoga. M̄sare j̄pihtinare ȳh̄ure coh̄achu yoa duara wat̄no. Trigo wese p̄ro to trigore to w̄a site coh̄ariro sehet̄a m̄sare j̄pihtinare wat̄no ñano yoa duara “Ñaaare yoajaro”, nino. Æ yoa duaro, Cohamacure sinihre. 32 To Æ sinichu ñacu ȳh̄u sehe Cohamacure sini payohi m̄h̄ure. Ȳh̄ure m̄ wac̄ tua duhuerah̄ti c̄j̄htire sini payohi m̄h̄ure. Æ j̄icu m̄h̄u ȳh̄u mehne macariro pari turi j̄icu m̄ coyeare yu yainare yoadohoga m̄h̄u —niha Jesu Pedrore.

33 To Æ nichu Pedro õ sehe ni ȳhtiha:

—P̄htoro, ȳh̄ure ti peresu yoadach̄ta, ȳh̄ure ti waj̄a duapach̄ta m̄h̄u mehne macariro j̄iht̄ja —nimaha Pedro.

34 Jesu õ sehe ni ȳhtiha:

—Pedro m̄h̄ure niita nija. Micha ñami caraca to duhto pano “Jesure masieraja”, niihca m̄h̄u painare. Tia taha ã niihca m̄h̄u —niha Jesu Pedre.

Jesure ti ñano yoa d̄ucahto mahanoçã d̄hsaha

³⁵ Æ ni tuhs̄u Jesu to buheinare õ sehe ni yahuha:

—¿Sohõ jiri pja m̄usa niñeru wajuru marieina, pjiri wajuru marieina, dahpo suhti marieina m̄sare yu warocach̄u paye baro d̄hsari m̄sare? —ni sinitu ñ̄ha Jesu.

—Ne sãre yaba d̄hsaerare —ni yuhtiha tina.

³⁶—Tí pjare m̄sare d̄hsaerapach̄uta mip̄u sehere niñeru wajurure c̄hana tíre naga. Pjiri wajurure c̄hana c̄h̄u naga. Æ jina m̄sare ñosari pj̄i mariach̄u m̄usa suhtire duana tí pj̄ine nuch̄uga. ³⁷ Ahrire m̄sare nii nija. Cohamac̄u yare ti joari p̄ui ti niriro seheta yuñ̄ure ã waharo cahmana. Õ sehe niha tí p̄ui: “ ‘Tiro dutiare yuñ̄urucaina mehne macariro jira’, niahca masa”, ni joaa tiha —niha Jesu.

³⁸ —Ñ̄uga puhtoro. Pua pj̄i ñosaa pj̄inine c̄h̄aja sã —niha to buheina.

—Tó puro tjica —ni yuhtiha Jesu.

Getsemaní wama tirop̄u Jesu Cohamac̄ure siniha

(Mt 26.36-46; Mr 14.32-42)

³⁹ Æ yoa Jesu to ã yoarucuriro seheta Olivo wama tid̄u t̄c̄up̄u wahaha. To ã wahach̄u to buheina tiro mehne wahaha. ⁴⁰ T̄op̄u s̄uro tiro tinare õ sehe ni yahuha:

—Cohamac̄ure siniga ñano m̄usa yoaerahto sehe —niha Jesu tinare.

⁴¹ Æ ni tuhs̄u tiro to sahsero mahanoçã waha namo, na tuhcuca caha s̄u, ⁴² Cohamac̄ure õ sehe ni siniha:

—Mai, yu ñano yuñ̄d̄htire yoa du-aerac̄u yoai tjia. Yu ã nipach̄uta yu cahmaa sehere yoai tjia. M̄h̄u sehe masina. M̄u cahmano seheta yoaga yuñ̄ure —ni siniha Jesu Cohamac̄ure.

⁴³ [To ã sinich̄u m̄nanop̄u duji tariro anjo Jesure bajua, yoadohoha tirore.

⁴⁴ Tuhs̄u, Jesu ñano yajeripohna ti, tuaro mehne Cohamac̄ure siniha. Æ jia to so witia di yahpari yoaro sehe jia tirore wijaa, yahpap̄u bora caha s̄uha.]

⁴⁵ Cohamac̄ure sini batoa wahc̄ãr̄uc̄u s̄u, tiro to buheina cahap̄u wihiha. Æ to wihich̄u to buheina tuaro cahyaina jia, car̄ia niha. ⁴⁶ Æ jiro Jesu tinare õ sehe ni yahuha:

—¿Dohseana car̄ina nijari m̄usa? Wahc̄ãga. Cohamac̄ure siniga ñano m̄usa yoaerahto sehe —niha Jesu tinare.

Jesure ñ̄u tuhtiina tirore peresu yoaha

(Mt 26.47-56; Mr 14.43-50; Jn 18.2-11)

⁴⁷ To ã ni durucuro watoi masa paȳu wihiha. Juda doce buheina mehne macariro c̄jiro masare m̄u tã tariro jiha. Æ jiro tiro Jesu cahai wihi, wahsupu wihmiha tirore. ⁴⁸ To ã wihmich̄u Jesu tirore õ sehe ni sinituha:

—Judá, ¿yuñ̄u mas̄nore Cohamac̄u warocarirore yuñ̄ure ñ̄u tuhtiinare ñoc̄u yuñ̄ure wahsupu wihmijari m̄h̄u? —niha Jesu.

⁴⁹ To ã niri baharo Jesu buheina masa Jesure ti ñahahtire masia, tirore sinituha:

—Puhtoro, ¿sã ñosaa pj̄ini mehne tina mehne cahmachema? —niha tina.

⁵⁰ Ti ã niri baharo c̄airo Jesu buheina mehne macariro sehe sacerdotea bui puhtoro cahamac̄unore to ñosari pj̄i mehne to cahmonore poto buñ̄usehei jiri cahmonore c̄jã pahr̄enocaha. ⁵¹ To ã yoach̄u ñ̄ano Jesu tirore õ sehe niha:

—Æ yoai tjiga —niha.

Ni, cahamac̄uno cahmono jiri c̄jiroi ña payoha. To ã ña payoch̄uta cahmono m̄nanano seheta jiha tjoa.

⁵² Æ yoa tuhs̄u sacerdotea puhtoare, Cohamac̄u w̄h̄u macaina surara puhtoare, buc̄una c̄h̄ure tirore ñaha tinare Jesu õ sehe ni sinituha:

—¿Dohse jiro baro m̄usa ñosaa pj̄ini, yuc̄u tiri mehne yacarirore ti yoariro seheta m̄usa yuñ̄ure ñahana tajari?

⁵³ Dachoripe Cohamacu wuhupu musa mehne ya jichu, musa yuhure ne ñahaerare. Ñ jipachuta mipure musa ya dacho yuhure musa ñano yoahiti dacho jira. Mipu watino to ñano yoahiti dacho cūhu jira —niha Jesu.

“Tirore masieraja”, niha Pedro Jesure

(Mt 26.57-58, 69-75; Mr 14.53-54, 66-72; Jn 18.12-18, 25-27)

⁵⁴ Tina Jesure ñaha tuhsu sacerdotia bui puhtoro ya wuhupu naaha tina tirore. Ti tópu naachu Pedro yoaropu tinare ñu nenu tiha. ⁵⁵ Puhtoro wuhupu su, tói wuhu cahai jiri wapai, noari wapa dacho macai pichaca wijāha paina. Ti ñ wijāchu ñano Pedro pichaca cahai dujiina mehne dujiha. ⁵⁶ To ñ dujiri baharo cācoro cahamacono tirore noano ñu, painare ñ sehe ni yahuha:

—Ahiri cūhu tiro mehne jihre —niha ticoro.

⁵⁷ To ñ nichu tūhoro Pedro ñ sehe ni yuhtihā:

—Numino, tirore ne masieraja yuhu —nimaha tiro.

⁵⁸ Ticoro to ñ niri baharocāta pairo Pedroro ñu, ñ sehe niha tjoa:

—Muhu cūhu tina mehne macariro tjira —niha tiro.

—Ne jieraja —nimaha Pedro.

⁵⁹ Cū hora baharo pairo painare ñ sehe ni yahuha:

—Potocā tjira. Ahriro Galilea macariro jira. Ñ jiro potocāta Jesu mehne jihre ahriro cūhu —ni yahuha tiro painare.

⁶⁰ To ñ nichu Pedro ñ sehe ni yuhtihā:

—Ne, mu nirirore masieraja yuhu —ni yuhtihā Pedro.

To ñ ni durucuro watoi caraca duha. ⁶¹ To ñ duchuta Jesu wuhu cahai jiriro Pedroro majare ñurocaha. To ñ yoachu Pedro sehe Jesu to yahurire wacūha. “Micha ñami caraca to duhto pano, ‘Yuhu Jesure masieraja’, niuhca muhu. Tia taha ñ niuhca muhu”, Jesu to niri cjirire wacūha Pedro. ⁶² Ñ

wacūno Pedro tópu jiriro wijaa ta, turo tiirucuha.

Jesure bujupe, cjāha tina
(Mt 26.67-68; Mr 14.65)

⁶³ Ñ jia Jesure cohtaina surara tirore bujupe, cjā mujaha. ⁶⁴ Ñ cjā mija, to caparire duhte ducata, tirore ñ sehe ni sinituha:

—¿Diro muhure cjājari? Ñuerapaihta yahuga sāre —ni sinitu, bujupaha tina.

⁶⁵ Ñ jia payu ñano ni durucuha tina tirore.

Jesure puhtoa sinituha

(Mt 26.59-66; Mr 14.55-64; Jn 18.19-24)

⁶⁶ Bohrearoio judio masa bucana, sacerdotia puhtoa, judio masare buheina cūhu cahmachuha. Ti ñ cahmachunoi paina tina cahapu Jesure na taha.

⁶⁷ —Yahuga sāre. ¿Cristota jijari muhu? —ni sinituha tina Jesure.

Ti ñ nichu Jesu ñ sehe ni yuhtihā:

—Musare ya yahuchu, yuhure tūhosi musa. ⁶⁸ Musare ya sinituchu yuhure yuhtisi musa. ⁶⁹ Musu yuhtierapachuta baharo curero jipihtia dachoripe yuhu masano Cohamacu warocariro Cohamacu tua yuhduariro to poto buhusehei dujihtja —niha Jesu.

⁷⁰ To ñ nichu tina jipihtina sinituha tjoa pari turi:

—¿Ñ nicu Cohamacu macunota jijari muhu? —niha tina.

—Tirota jija musa nino seheta —ni yuhtihā Jesu tinare.

⁷¹ To ñ nichu tūhoā, tina ñ sehe ni durucuha ti basi:

—Ahiri Cohamacure pijiro to ñano durucuchu mari basi tūhohi. Ñ yoa ahrirore yahusāina tōpeina tjijaro. (Tōpeina mehne tirore mari wajā duti masija) —niha tina ti basi.

23

Pilato Jesure sinituha

(Mt 27.1-2, 11-14; Mr 15.1-5; Jn 18.28-38)

1 ã ni tuhsu tina jipihtina wahcãruca, Jesure Pilato cahapu naaha. 2 To cahapu na su, Jesure yahusa ducaha:

—Ahiro mari ya yahpa macainare to ñano yoa dutichu sã tuhohi. Mari bui puhtoro ahiro wapa dutierara. Tuhsu, tiro “Puhtoro jija. Cristo masare yuhdohtiro jija yuhu”, ni durucure to basi —ni yahusa tina Jesure.

3 Ti ã ni yahusãri baharo Pilato Jesure õ sehe ni sinituha:

—¿Judio masa puhtorota jijari muhu? —niha tiro Jesure.

—Mu nino sehetã tiro tjija —ni yuhtiha Jesu.

4 To ã nichu Pilato sacerdotea puhtoare, masa cãhure õ sehe ni yahuha:

—Ahiro yaba buhiri mariaha —niha tiro.

5 To ã nipachata tina tuaro yahusa namoha:

—Tiro to buhea mehne masare cahmachechu yoara. Galilea yahpai tiro tíre yoa ducare. ã yoa ducã tuhsu jipihtiro Judea yahpãpã tíre tiro yoare. Mipu õpu cãhure tíre yoaro taro nina —ni yahusa tina.

Herode Jesure sinituha

6 Ti ã ni yahusãchu tuhoro Pilato sehe õ sehe ni sinituha:

—¿Ahiro Galilea macariro jijari? —niha tiro.

7 —Tó macariro tjira —ni yuhtiha paina.

Ti ã ni yuhtichu tuhoro Pilato sehe Jesu to jiri yahpare masino puhtoro Herode ya yahpa macariro Jesu to jichu masiha. Tíre masino Jesure Herode cahai warocaha. Tí pjare Herode Jerusalẽi jia tiha. 8 Tó panopu Herode Jesure tuhoa tiha. To ã tuhori baharo yoari pja baharo tirore ñu duaha. Jesu Cohamacu tuua mehne to yoa ñochu ñu duamaha tiro. ã jiro tiro Jesure ñuno, wahcheha. 9 ã jiro payu tahari sinituha Jesure. To ã sinitupachata Jesu ne yuhtieraha tirore. 10 Sacerdotea puhtoa, judio masare buheina cãhu Herode cahai

wahcãruca, tuaro Jesure yahusãha.

11 Ti yahusãri baharo, Herode to surara mehne bujũpe, Jesure ñano yoaha. ã bujũpea, noari suhtirore puhtoro to sãari suhtiro yoaro sehe bajuri suhtirore sãaha tina Jesure. ã bujũpe tuhsu, tirore Pilato cahapu warocaha tjõa. 12 Tí dachore Herode, Pilato mehne noano ti basi cahma yoaina ji ducaha. Tó panore ti basi cahma ñu tuhtiina jisininaha.

Masa Jesure wajã dutiha

(Mt 27.15-26; Mr 15.6-15; Jn 18.39-19.16)

13 ã yoa Pilato sacerdotea puhtoare, paina puhtoare, masa cãhure to pjirocachu, cahmachuha. 14 Ti cahmachu pihtichu ñuno õ sehe niha Pilato tinare:

—Ahirore yuhure na tana, “Tiro masare ñano yoa dutira”, nimahre masa yuhure. Mipu masa ñurocaroi ahirore noano sinitu pahõhi tjõa. Yu ã sinituri baharo masa tirore ã yahusãrucuchu tirore ñaa buhiri ne mariaha, yu ñuchu. 15 Herode cãhu tirore “Ne, ñaa buhiri mariaha”, nihre. ã nino ahirore pari turi sãre wa majare tjuhre tjõa. ã jina ahirore to ñaa buhiri mariahu tirore masa wajã duti masierara. 16 ã jicu tirore yuta dari mehne tjana dutiuhca yuhu. ã ti tjanari baharo tirore wioihtja —nimaha Pilato masare.

17 [Cuhmaripe pascua bose numurine masa yairo cjihtore cãiro peresupu jirore Pilato wiohasa mujaa tiha.] 18 ã jia Pilato “Jesure wioihtja”, to nichu tuhoa jipihtina masa õ sehe ni sañurucuha:

—Tirore Jesure wajãga. Sã yairo cjihtore Barrabá sehere sãre wiohasaga —ni sañurucuha masa.

19 Tí pjare Barrabá wama tirore Jerusalẽpu puhtoare cohã duaina mehne macariro, masunore wajãriro peresupu jiha. ã jia tirore masa wio dutia niha. 20 Pilato Jesu sehere wio duamaha. ã jiro tiro masare sinitu ñuha tjõa. 21 To ã wio duapachata tina tirore õ sehe ni sañurucuha tjõa:

—Crusap_u c_jã puha wajãga tirore. Wajãga tirore —ni sañurucuha tina.

²² Ti ã nich_u Pilato tia taha waharoi ò sehe nimaha tinare:

—¿Yabare ñano yoari tiro m_usa ã ni sañurucuch_u? Ne tirore ñaa buhiri mariaha. Æ jic_u tirore wajã duti masieraja. Tirore yuta da mehne tjana dutihca. Tó purota yoa dutihca. Æ yoac_u wioihca tirore —niha Pilato.

²³ To ã nipach_uta tina tuaro mehne sañurucu namo, Jesure crusap_u wajã dutiha. Ti ã ni sañurucuch_u t_uhoro ti cahmariro seheta Pilato yoaha. ²⁴ Tirore ti siniriro seheta Pilato Jesure wajã dutiha. ²⁵ Æ dutiro tiro peresup_u jirirore masare cahmachech_u yoarirore, masare wajãrrore masa ti siniriro seheta Pilato Barrabá sehere wioha. Tuhs_u, Pilato Jesure crusap_u wajã dutiha.

Tina Jesure crusap_u c_jã puha, wajãha

(Mt 27.32-44; Mr 15.21-32; Jn 19.17-27)

²⁶ To ã wajã dutich_u tina Jesure wajãa wahaa, naaha. Tí p_ja ti ã yoaro watoi Simo wama tirore Cirene macariro campop_u s_uriro wihiha. Jerusalēp_u to wihich_u ñ_una Jesure naaina tirore piti boca, ñaha, Jesu to w_uari crusare tirore w_ua wahcã dutiha Jesu baharo.

²⁷ Æ yoa masa pay_u Jesure ñ_u n_un_u tiha. Æ jia masa watoi jia numia tirore ti ã yoach_u ñ_una tuaro tiha. ²⁸ Ti ã tiich_u t_uhoro, tí numiare Jesu majare ñ_u, ò sehe niha:

—Jerusalē macaa numia, y_uh_ure ti iena tjiga. M_usa basi, m_usa pohna m_usa ñano y_uhd_uhtire masina, ti-ibasaga. ²⁹ Paye dachori jich_u ñabiario y_uhd_unahca m_usa. Tí pjare masa ò sehe niahca: “Pohna mariea numia, pohna tierari numia, p_uera numia mip_u mari jich_u noabiaboa”, niahca masa. ³⁰ Tí pjare t_uc_ure ò sehe ni durucuahca masa. “M_uh_u t_uc_u sã buip_u bora pjaga. Sãre d_ucatahga”, niahca masa cuia. ³¹ Masa buhiri marierirore y_uh_ure ò sehe ti yoach_u,

ñaa buhiri c_uina sehe ñabiario wa-haahca —niha Jesu.

³² Paina p_uaro, dutiare y_uhd_uucaina ti jich_u tina c_uh_ure Jesu mehne ti wajãhtinare naaha tina. ³³ Tinare naa, “Dapu cohã”, wama tirop_u s_u, crusap_u Jesure c_jã puha òha. P_uaro y_uhd_uucaina c_uh_ure paioire to potob_uh_usehei, paioire to cõ b_uh_usehei c_jã puha òha. ³⁴ [Ti ã yoach_u Jesu ò sehe niha:

—Mai, ahrina mip_u ti ñaa yoarire boga tinare. Tina ti dohse yoarire masierara. Æ jic_u ti ñaa yoari buhirire boga —niha Jesu.]

Æ yoa Jesu suhtire cahma witia tina docapeha. To suhti cjirire “Noa yaro jirohcari ò”, ni cahma docapeha tina. ³⁵ Tuhs_u, masa tói ducuína ti ñ_urucuro watoi judio masa p_uhtoa Jesure ò sehe ni b_uj_upeha:

—Tiro paina masare yariaborinare yoadohoyumahtiro. Æ jiro tiro Cristo Cohamac_u to beseriro jiro, mip_u yariaboriro jiro, to basi yoadohojaro —ni b_uj_upeha tina.

³⁶ Surara c_uh_u tirore b_uj_upeha. Jesu cahai s_ua, tina tirore ñaa co vinore wamaha. ³⁷ Tíre waa, ò sehe niha tina:

—M_uh_u judio masa ti p_uhtoro jic_u m_u basi yoadohoga. Æ jii y_uhd_u witi-ihca m_uh_u —ni b_uj_upeha tina.

³⁸ Æ yoa tiro bui ti c_jã puha òri pjine ò sehe ni joaha: “Ahroro judio masa bui p_uhtoro jiriro jira”, ni joaha. (Griego ya mehne, Roma macaina ya mehne, judio masa ya mehne ã ni joaha.)

³⁹ Pairo tiro mehne ti c_jã puha daporiro y_uhd_uucariro sehe ò sehe ni, ñano durucuha Jesure:

—¿M_uh_u Cristo masare y_uhdoriro jierajari? M_u basi, sã c_uh_ure yoadohoga —niha tiro Jesure.

⁴⁰ To ã nich_u t_uhoro paioire y_uhd_uucariro Jesu potob_uh_usehei ti c_jã puha daporiro sehe tirore ò sehe niha:

—Mari c_uh_ure cãno potori buhiri dahrera tina. ¿Dohseac_u Cohamac_ure ne ño payoerajari m_uh_u? ⁴¹ Marine

ñaa buhirire yoaa, quihõno yoaa nina tina. Ñaare mari yoari buhiri marine buhiri dahrera tina. Ahriro sehe ñaare yoerare —niha tiro pairo yuhdurucaritore.

⁴² Æ nino, tiro Jesure õ sehe niha:

—Jesu, mũhũ pũhtoro jicũ, tjua tacũ, yuhũre wacũga —niha tiro Jesure.

⁴³ To ã nichũ tũhoro, õ sehe niha Jesu:

—Mũhũre ahrire nii nija. Michare paraiso wama tiropũ mũhũ yuhũ mehne jiihca —niha Jesu tirore.

Jesu yariaa wahaha

(Mt 27.45-56; Mr 15.33-41; Jn 19.28-30)

⁴⁴ Æ yoã cohari pja jichũ sũ si duhua wahaha. Æ jiro jipihtiro tí dihtapũre tia hora waro noano nahitiano jiha. ⁴⁵ Nahitiano to jiro watoi, Cohamacũ wũhũ macari suhtiro, dũcatari suhtiro dacho maca waroi bui sehe tũhnũ bora ta, pũã cahsaro tũhnũroca yoja sũã wahaha. ⁴⁶ Æ jiro Jesu õ sehe ni tuaro sañurucuha:

—Mai, yũ catiare mũhũre wiaja mũ ñũ wihbohto cjihtore —ni sañurucuha Jesu.

Æ ni tuhsũ yariaa wahaha.

⁴⁷ To ã yariachũ ñũno, surara pũhtoro sehe “Cohamacũ tuariro jira”, nino: “Ahriro Jesu cjiro potocãta noariro jiri jimana”, niha surara pũhtoro.

⁴⁸ Æ jia ti wajãchũ ñũã tarina Jesu to yariachũ ñũã, ti wũhũsepũ tjuaa wahaha. Tjuaa waha, ti ñaa yoarire cahyaa mehne ti pẽbuhui cã õ wahcãha. ⁴⁹ Jipihtina Jesu yaina tiro mehne macaina, Galileapũ tiro mehne tari numia cãhũ Jesure yoaropũ ñũrocarucua niha.

Jesu pjacũre masa copapũ na sãã duhu payoha

(Mt 27.57-61; Mr 15.42-47; Jn 19.38-42)

⁵⁰⁻⁵¹ Tí pjare José wama tiro to tí jiha. Judea yahpai jiri maca Arimatea wama tiri maca macariro jiha. Tiro noariro, quihõno yoariro jiro, Cohamacũ to pũhtoro ji dũcahtore

cohtariro jiha. Æ jiro tiro judio masa pũhtoa mehne macariro jiparota Jesure ti wajã dutichũ cahmaeramaha tiro. ⁵² Æ jiro Pilato cahapũ sũ, Jesu pjacũre siniha. ⁵³ Sini tuhsũ, Jesu pjacũre na boro, noari suhtiro mehne to pjacũre wahmaha. Æ wahma tuhsũ, masa copapũ tãcai ti sahari copapũ na sãã duhu payoha to pjacũre. Tí copare ne paina yariainare duhu payoerasiniha mini. ⁵⁴ Tí dacho Sabado dacho macaa cjihtire ti cahnoyuri dacho jiha. Sabado judio masa ti sori numũ cjihto mahanocã dũhsaha.

⁵⁵ Æ jia Galileapũ Jesu mehne tari numia masa copapũ José mehne wahaha. Masa copapũ sũ, tí copare ñũ, Jesu pjacũre ti duhu payorire ñũã. ⁵⁶ Baharo ti wũhũsepũ tjuaa waha, me sitia mehne wisõã co mehne cahnoha tina. Tuhsũ, Sabado jichũ Cohamacũ to dutiare Moise cjirore to cũri to dutiro sehetã tina soha.

24

Jesu masa wijaaha

(Mt 28.1-10; Mr 16.1-8; Jn 20.1-10)

¹ Domingo jichũ bohrearopũ tí numia ti me sitia ti cahnoyumarire Jesu masa copapũ na wahcãmaha. ² Tí copapũ sũã, tí copare bihari tãca pjõõ ti duhu cũri tãcare ñũã. ³ Æ ñũã tina tí copapũ sãã wahaha. Jesu pjacũre bocaeraha tina. ⁴ To pjacũre bocaeraa, “¿Dohse wahapjũ?” ni tũhotuha tina. Tí ã ni tũhotu durucu coãno watoi pũaro mũã si sitea suhti tiina tina cahai ducuha. ⁵ Tóĩ ti ducuchũ ñũ, numia cuia na tuhcuã caha sũã. Tuhsũ, mũã sehe tí numiare õ sehe ni yahuha:

—¿Dohseana yariariro to jiro cjirore tirore macajari mũã? Mipũre tiro catiro jira. ⁶ Tiro õre mariahna. Masa wijaa tuhsũhre. ¿Sohõ jiri pjare Galileapũ mũã mehne jiro mũsare to niri cjirore wacũjari mũã? ⁷ “Yũhũre Cohamacũ warocaritore pairo warohca ñainare. To ã wari baharo yũhũre crusapũ cã puha wajãahca tina. Æ jicũ yũ yariari

baharo tia dacho wahaboroi masa wijaaihca yuhũ”, ¿mũsare to nirire wacũjari mũsa? —niha mũa sehe.

⁸ Ti ã nichũ tũhoa, numia sehe Jesu to nirire wacũha. ⁹ Ti ã niri baharo tina tjuaa waha, once buheinare paina cũhare tíre yahu pahũoha. ¹⁰ Tí numia sehe María Magdalena, Juana, María Santiago pocoro jiha. Tí numia mehne paye numia cũhũ jiha Jesu buheinare yahua numia. ¹¹ Ti ã ni yahupachũta Jesu buheina sehe “Potocã nia nieraca. Mahũopea nica ahri numia”, ni tũhotumaha. Æ jia tí numiare tũho duaeraha.

¹² Ti ã nichũ tũhoru, Pedro sehe masa copapũ mũroca wahcã, ñũno wahaha. Tí copapũ sũ, tiro muhri caha, ñũroca sũha. Jesure ti wahmari suhtiro dihtare ñũha. “¿Dohse wahari na?” ni tũhotu, tiro wũhũpũ tjuaa wahaha.

Emau wama tiri macapũ wahari mahapũ Jesu bajuaha
(Mr 16.12-13)

¹³ Tí dachoihta pũaro Jesu buheina mehne macaina Emau wama tiri macapũ wahaa niha. Jerusalẽ once kilómetro yoaro jira Emaupũ sũhto.

¹⁴ Emaupũ wahaa, jipihtia Jerusalẽi tí pjare to ã waharire Jesure ti ñano yoirire durucu wahcãa niha. ¹⁵ Ti ã ni durucuro watoi Jesu sehe ti cahapũ sũ, tina mehne wahaha. ¹⁶ Tirore ñũpahta tina tirore “Jesu jira”, ni ñũ masieraha.

¹⁷ —¿Dohse ni cahya durucu wahcãna nijari mũsa? —ni sinituha Jesu.

¹⁸ To ã nichũ tũhoa tina cahyaro mehne sũruca, Cleofa wama tiri sehe Jesure õ sehe ni yũhtiha:

—¿Mipũre Jerusalẽi tiniriro jipaihta mũhũ dihta ti yoari cjirire masierajari? —ni sinituha tiro.

¹⁹ —¿Dohse wahari Jerusalẽi? —niha Jesu.

To ã nichũ tina õ sehe ni yũhtiha:

—Jesure Nazare macarirore ti yoirire nina nija. Tiro Cohamacũ yare yahu mũhtariro jimahre. Æ jia to durucurire tũhoa to yoari cũhare ñũa,

“Tuariro jira”, ni tũhotuhre masa. Cohamacũ cũhũ ãta ni tũhotuca. ²⁰ Mari sacerdotea pũtoa, paina pũtoa mehne tirore wajã dutia, painare wahre. Ti ã wachũ paina sehe tirore crusapũ cjã puha wajãhre. ²¹ “Roma macainare cohãhtiro Israe masa pũhtoro cjihto jira”, ni tũhotumahi sã tirore. Micha mehne tia dacho wahara tiro to yariari baharo. ²²⁻²³ Mahainacã numia sã mehne macaa numia sãre cũachũ yoahre. Bohrearopũ Jesu to masa copapũ tí numia sũ, to pjacũre bocaerayuhti. To pjacũre bocaeraa, tina tju wihi yahuhre. “Sãre anjoa bajuahre. Jesu catiyuhti”, ni yahuhre numia sehe. ²⁴ Ti ã nichũ paina sã mehne macaina tí copapũ sũ, numia ti niriro seheta ñũyuhti. Tina cũhũ Jesure ñũerayuhti —niha tina Jesure.

²⁵ Ti ã niri baharo Jesu õ sehe ni yahuha tinare:

—Mũsa ne tũho masiera cureina jira. ¿Cohamacũ yare yahu mũhtaina cjiri ti nirire noano tũhoerari mũsa?

²⁶ Cristore to pũhtoro jihto pano mũanopũ to mũjahto pano tirore ñano yũhdũro cahmare. ¿Tíre masierasini-jari mũsa? —niha Jesu tinare.

²⁷ Æ nino Cohamacũ Cristore to ni yahu ti joari cjirire Jesu yahu pahũonocaha tinare. Moise cjiro to joari cjirire Jesu yahu dũcaha. Tuhsũ, jipihtina Cohamacũ yare yahu mũhtaina cjiri Cristore ti joari cũhare yahu pahũonocaha tiro.

²⁸ Tina ti wahari macapũ ti sũa cahachũ, Jesu sehe tinare yũhdũ wahcãno sehe yoaro nimaha. ²⁹ To ã yoapachũta tina tirore waha dutieraha:

—Sã mehne tjuaga. Ñamichahapũ jira. Nahinopũ nina —niha tina tirore.

Æ jiro Jesu tina mehne wũhũpũ sãa wahaha. ³⁰ Wũhũpũ sãa sũ, tiro tina mehne ti chũri mesapũ nuju sũ, pãore na, Cohamacũre “Noana”, niha. Æ nino tí pãore nuha na, tinare waha. ³¹ To ã yoachũ ñũa tina Jesure ñũ masiha. Ti ñũ masi mũari baharo tiro buti mũa wahaha. ³² To ã buti mũa

wahachu ñua tina ti basi õ sehe ni durucuha:

—Mahai tiro marine to durucuro watoi Cohamacu to joari cjirire to yahuro watoi tuaro mari wacũ tũhotua mehne noano wahchea mehne tũhotuhi mari —niha tina ti basi.

³³ Æ ni tuhsu tina dóicãta Jerusalẽpu majare tjuaa wahaha tjoa. Tópu sũa, once buheinare paina mehne cahmachuinare boca. ³⁴ Æ ti sũchu, once buheina õ sehe niha:

—Potocãta mari puhtoro masa wi-jaayuhti. Simo Pedro tirore ñuyuhti —niha once buheina.

³⁵ Ti ã nichu puaro Emau macaina mahai Jesure ti ñurire yahuha:

—Jesu to pãore to nuhachu sã ñu masihi tirore —ni yahu pahñoha tina painare.

Jesu to buheinare bajuaha

(Mt 28.16-20; Mr 16.14-18; Jn 20.19-23)

³⁶ Ti ã ni yahuro watoi ti cahai ji tuhsuha Jesu sehe.

—¿Jimajari musa? Noano jiga musa —niha tiro tinare.

³⁷ To ã nichu tũhoa tina “Mari yari-ariro cjirore ñuna nija”, ni tũhotua, tuaro cuiha. ³⁸ Ti ã cuichu ñuno tiro tinare õ sehe ni yahuha:

—¿Dohseana cuijari musa? ¿Dohseana “Ahri potocã jierara”, nijari musa?

³⁹ Yu wamomacarine, yu dahpori cũhure ñuga. Musa yũhure ñuna, ñu masinahca. Yũhure ñaha ñuga. Ñaha ñuna, masinahca musa. Yariariro cjiropu pjacu mariaha. Yũhu sehe pjacu tija —niha Jesu.

⁴⁰ Æ nino to wamomacari cũhure, to dahpori cũhure ñoha tinare. ⁴¹ To ã ñopachuta tina tuaro wahche, sũaa waha, “Ahri potocã jieraca”, ni tũhotusinimaha. Ti ã tũhotuchu masino Jesu tinare sinitu ñuha:

—¿Õi chũa jijari? —niha tiro.

⁴² To ã nichu tũhoa wahi doharirore mi cũhure waha tirore. ⁴³ Tíre na, ti ñurocaroi Jesu chũa. ⁴⁴ Chu tuhsu, Jesu yahuha tinare:

—Sohõ jiri pja musa mehne jicu musare yu yahuro sehetã mipu yũhu

ã wahahi. Cohamacu dutia Moise cjiro marine to cũri cjiri to ã ni joariro sehetã yũhure ã wahahre. Cohamacu yare yahu mũhtaina cjiri, Salmo joari tjure joaina cũhu panopu yũhure ti ni yahuro sehetã mipu yũhure ã wahahre. Æta waharo cahmahre —niha Jesu.

⁴⁵ Æ ni tuhsu Cohamacu yare ti yahu joari cjirire to buheinare masichu yoaha Jesu:

⁴⁶ —Cohamacu yare ti joari cjiri õ sehe niha: “Cristore ñano yũhduro cahmana. Æ jiro tia dacho wahaboroi to yariari baharo tiro masa wijaarohca. ⁴⁷ To masa wijaari baharo jip-ihia yahparipu to yaina Cristo yare yahuahca. Masa ti ñaa yoarire ti cahyahti cjihtire, “Ñano yoaeraja” ni, ti tũhotumarire ti cohtotahti cjihtire, Cohamacu ti cahmahti cjihtire, ti ñaa buhiri tiare to cohãhti cjihtire yahuahca to yaina. Æ yahua taa, Jerusalẽpu yahu dũcaahca”, niha Cohamacu yare ti joari pũi —niha Jesu.

⁴⁸ Æ ni tuhsu õ sehe ni yahu namoha:

—Musa sehe ahri jipihtiare ñurina jira. Æ jina painare yahunahca.

⁴⁹ Cohamacu “Tirore musare warocaihtja”, to nirirore yũhu sehe musare warocaihtja. Æ jina Jerusalẽpu ahri mũano macaa tuaa musare to wihtore cohtaga musa —niha Jesu to buheinare.

Jesu mũanopu mũjaa wahaha

(Mr 16.19-20)

⁵⁰ Æ ni tuhsu Jesu tinare Jerusalẽi jiiinare Betania cahapu naaha. Tópu sũ, Jesu to wamomacari mehne ñui mũo, “Noano jiga”, niha tinare. ⁵¹ Æ ni tuhsu, tinare cũ, mũanopu mũjaa wahaha. ⁵² To mũjari baharo tina tirore ño payo, Jerusalẽpu tuaro wahchea mehne tjuaa wahaha. ⁵³ Tói jia, dachoripe tina Cohamacu wũhũ Cohamacu mehne durucu, “Noana”, ni ño payoha tina tirore.

San Juan

Cohamacu ya duserore yahuriro masunota ji ducaha

1 Dóiputa ahri yahpa to jihto panoputa Cohamacu ya duserore yahuriro Cristo masare yuhducha yoah tiro dóihta ji tuhsa tiha. Tiro Cohamacu mehne jiha. ã yoa tirota Cohamacuta jinocahno niha. 2 Dóiputa wahmanoputa Cristo Cohamacu mehne jiha. 3 ã yoa wahmanopure ne mariahri cjirire bajuamehneha. Ahri yahpare, muanore, jipihtiare, jipihtina cūhure bajuamehne dutiha Cohamacu tirore. ã jiro ahrire bajuamehne pahñoha tiro. Ahrire mipure mari ñhure, mari ñhura cūhure to bajuamehnerachu ne mariaboa. 4 Cristo catiare wariro jiro nina. Buhriaro marine to noano ñu masichu yoaro seheta tiro to Pucuro muanano macarirore noano masichu yoara. ã yoaro to Pucuro muanano macarirore masichu yoara masare. 5 Ahri yahpa macaina ñaare ti wacū ti goa pjaa nahitiano yoaro sehe jia nina. Cohamacu ya duserore yahuriro buhriaro noano marine to ñu masichu yoaro seheta masare masichu yoara. ã yoa nahitiano buhriarore to yuhdurucaeraro seheta Cristore ñaa ne yuhdurucaerara.

6-7 Cohamacu João wama tiri sehere warocaha, Cristore buhriaro yoaro sehe jiriore masare yahu mūhta dutiro. To ã warocachu João sehe masare yahuro tare to yahuriore Cristore jipihtina ti wacū tuahti cjihtire. 8 João sehe Cristo jierare. ã jieraro tiro Cristo sehere masare yahu mūhtano tare. 9 Cristo buhriaro yoaro sehe jiro jipihtina masare Cohamacure masichu yoah tiro sehe ahri yahpau tari jire. Potocā tjira ahri. Tiro buhriaro yoaro sehe jiro waro tjira.

10 Cristo ahri yahpai jia timare. Ahri yahpare bajuamehneriro jiro jimarare. To ã jipachuta ahri yahpa macaina sehe tirore ne masierare.

11 To ya yahpai tiro masa bajuari jimarare. To ya yahpai masa bajuariro to jipachuta to ya yahpa macaina sehe ne tirore cahmaerare. 12 Ti ã cahmaerapachuta, tirore cahmaina sehere, tirore wacū tuaina sehere Cohamacu to pohna jichu yoari jire.

13 Tina Cohamacu pohnata jia nina. ã jia masa ti masa bajuariro seheta jierara, Cohamacu pohna ti wahachu. Tuhsu, masa ti cahmariro seheta jierara, Cohamacu pohna ti wahachu.

14 ã jiro Cristo masano to ji ducari baharo mari mehneta jire tiro. To ã jichu ñuna masare cahñiro, potocā jiare yahuriro to jichu sã masii. Tiro dihta Cohamacu macano jiro tuariro noariro jire. To ã jiro jichu sã masii. 15 João Cristore yahu mūhtano ò sehe ni sañurucure masare yahuro:

—Siro tara yu ò sehe ni yahuriro: “Tiro yu baharo tariro jira. ã jiparota tiro yu yuhdoro tuariro jira. Tiro yu masa bajuahito panoputa ji tuhsaha. ã jiro tiro yu yuhdoro tuariro jira”, masare yu ni yahuriro ahriro tjira — nire João Cristore masare yahuro.

16 Tiro Cristo sehe noariro tuaro masare cahñiro jiro marine jipihtinare noano yoarucure. 17 Cohamacu dutiare Moise cjiro sehe cūbasa mūhtaa tiha marine. Jesucristo sehe Cohamacu masare to cahñare buhero tare. Cohamacu to potocā durucua cūhure buhero tare tiro. 18 Masa ne Cohamacure ñuerara. Tirore mari ñuerapachuta to macano to tuaro cahñiro cūirota jiro sehe to Pucurore marine masichu yoare.

Paina João masare bautisarirore sinituha

(Mt 3.11-12; Mr 1.7-8; Lc 3.15-17)

19 Sã coyee judio masa puhto Jerusalēi jinaro sacerdotiare, Cohamacu wuhui dahraina cūhure João cahapu warocari jire. “¿Diro baro jijari mūhu?” ni sinitu dutia warocari jire tinare. Ti ã ni sinituchu ò sehe ni

yahure João sehe. ²⁰ Ne yaro marieno yahure. Potota yahure:

—Y_uh_u Cristo Cohamac_u masare y_uhd_uch_u yoa dutiro to warocariro jieraja —nire tiro.

²¹ To ã nich_u tina sehe tirore pari turi siniture tjoa:

—¿M_uh_u Cristo jierac_u, Elia sehe jijiari m_uh_u? —nire tina.

—Jieraja y_uh_u —nire tiro.

—¿Sã cohtariro Cohamac_u yare yahu m_uhtariro sehe jijari m_uh_u? —nire tina.

—Tiro jieraja y_uh_u —nire João sehe.

²² To ã nich_u tina tirore pari turi ò sehe ni siniture tjoa:

—Sãre sinitu dutiinare sã noano yahuhto sehe poto sãre yahu bahrañoga. ¿Diro baro sehe jijari m_uh_u? ¿M_u basi m_uh_u sehe dohse jiriro baro “Jija y_uh_u”, nijari m_uh_u? —nire tina João.

²³ Ti ã nich_u ò sehe ni y_uhtire tiro:

—Masa marienop_u ò sehe ni sañurucuriro jija y_uh_u Cohamac_u yare yahu m_uhtariro Isaia cjiro to ni yahuriro seheta: “Mari p_uhtoro to tahto pano m_usa ñaa t_uhotuare cohtota, cahno m_uhtaga m_usa”, ni masare yahu sañurucuriro jija y_uh_u —nire João tinare.

²⁴ João sinituina fariseo curua macaina ti warocarina jire. ²⁵ Æ jia tina João ò sehe ni siniture tjoa:

—¿M_uh_u Cristo, Elia, Cohamac_u yare yahu m_uhtariro sã cohtariro jierapac_uta dohseac_u masare bautisajari m_uh_u? —nire tina.

²⁶ Ti ã nich_u t_uhoro ò sehe ni y_uhtire tiro:

—Y_uh_u co mehne masare bautisaja. Pairo sehe m_usa masierariro m_usa watoi ji tuhs_ura. ²⁷ Tiro sehe y_u baharo tariro y_u y_uhdoro tuariro jira. Noa y_uhd_uariro jira. Tiro yoaro sehe jieraja y_uh_u sehe. Æ jic_u tirore t_uhotuc_u, “Wiho jiriro jija y_uh_u”, ni t_uhotuja y_uh_u —nire João tinare.

²⁸ Æ ni durucure tina, Betaniap_u Jordão wama tiri ma pa b_uh_usehe coap_u, João masare to bautisariorop_u.

Jesu Cohamac_u to warocariro to oveja yoaro sehe jiriro jira

²⁹ Pa dachoi Jesu João cahai cahacã curero to tach_u João tirore ñ_uno ò sehe nire:

—Ñ_uga. Ahriro Cohamac_u to warocariro to oveja yoaro sehe jiriro jira. Ovejare mari wajãriro seheta masa ahriro c_uh_ure wajãahca. Æ yariaro ahri yahpa macainare ti buhiri tiare cohãnohca tiro. ³⁰ Ahrirota jira y_u ò sehe niriro: “Y_u baharo tariro y_u y_uhdoro tuariro jira. Y_u masa b_ujahto pano tiro ji tuhs_uha. Æ jiro tiro y_u y_uhdoro tuara”, y_u niriro ahrirota jira. ³¹ Y_uh_u sehe ahrirore noano waro masiera tihi. Æ masierapaihta co mehne bautisai tai nii y_u coyeya Israe masa ahrirore ti masihto sehe —nire João.

³² Æ ni tuhs_u João to ñ_uri cjirire ò sehe ni yahu namore tjoa:

—Espíritu Santo m_uanop_u buja yoaro sehe duji ta, Cristo mehne to tjuach_u ñ_uhi. ³³ Cohamac_u y_uh_ure to yahuerach_u tirore ne masieraboa y_uh_u. Wiho mejeta tiro y_uh_ure masare co mehne diap_u bautisa duti warocariro Cohamac_u sehe ò sehe ni yahu m_uhta tuhs_ure y_uh_ure: “Espíritu Santo duji ta to bui to tjuarac_u s_uriro tirota jirohca. Tiro sehe Espíritu Santore to yaina mehne Æ jirucuch_u yoarohca”, nire Cohamac_u y_uh_ure. ³⁴ Mip_u pinihtare to Æ ni yahurirore ñ_u tuhs_uhi y_uh_u. Æ ñ_uc_u “Ahriro potocãta Cohamac_u mac_uno jira”, ni yahuja y_uh_u m_usare —ni yahure João sãre.

Jesu buheina to pji m_uhtaina jira

³⁵⁻³⁶ Pa dachoi João mehne sã p_uaro to buheina sã ducuch_u, Jesu sã cahai y_uhd_u wahcãno nire. To Æ y_uhd_u wahcãch_u João tirore ñ_uno, pari turi ò sehe nire sãre:

—Ñ_uga. Ahriro Cohamac_u to oveja yoaro sehe jiriro jira —nire João.

³⁷ To Æ nich_u sã p_uaro to buheina sehe tíre t_uhona Jesu baharo wahahi.

³⁸ Sã Æ wahach_u ñ_uno Jesu sãre majare ñ_u, òsehe ni siniture:

—¿Nohopu wahajari musa? —nire tiro.

To ã nichu sã cãhu õ sehe ni sinitu ñai tirore:

—Rabi, ¿nohopu jijari muhu? —nihi sã tirore. (Rabi sã ya mehne nina “buheriro”, nina nija.)

39 —Yuhu mehne tatjiãhna ñana taga —nire Jesu sãre.

To ã nichu sã sehe to jiropu ñana wahai. Tí pjare ñamichahapu cuatro hora jire. ã jina tí dachore tiro mehne tjuai sã.

40 Sã puaro Joãore tuhoina, Jesure nãnu ti wahcãina yu piti Andre mehne jii. Andre sehe Simo baharo jire. 41 ã jiro tiro dóihta to wahminore Simore maca, boca, tirore õ sehe ni yahuha:

—Mesiare Cohamacu marine yuhduchu yoa dutiro to warocarirore sã bocahi —niha Andre Simore. (Mesia sã ya mehne nina “Cristo”, nina nija.)

42 ã ni tuhsu tiro Simore Jesu cahai naahre. To cahai ti suchu ñano Jesu sehe Simore õ sehe nire:

—Muhu Simo wama tiriro, Jona macano jira. Mipare muhare Cefa ni wama pisuihtja —nire Jesu Simore. (Cefa sã judio masa ya mehne nina “Pedro”, nina nija.)

Felipere, Natanae cãhure pjihã Jesu

43 Pa dachoi Jesu Galilea yahpapu waha duare. ã jiro to wahahto pano tiro Felipere piti boca, õ sehe nire:

—Yuhu mehne macariro cjihto taga —nire Jesu.

44 Felipe sehe Betsaida macariro jire. Tiro, Andre, Pedro mehne cã maca macaina jire tina. 45 ã yoa Felipe Natanaene maca, tirore bocaro õ sehe ni yahure:

—Cohamacu dutiare Moise cjiro to joari pũpu to yahurirore paina Cohamacu yare yahu muhtaina cjiri cãhu ti yahurirore sã bocahi. Jesu Nazare macariro, José macano tjira —nire tiro Natanaene.

46 —Nazarepare ne cãiro noariro mariahna —nire Natanae.

—Ñai taga muhu —nire Felipe.

47 ã yoa Jesu cahai to suchu ñano Jesu sehe õ sehe nire Natanaene:

—Ahriro mipu tariro potocãta noariro judio masano waro jira. Tirore mahñoa ne mariahna —nire Jesu Natanae sehere.

48 To ã nichu tuhoro Natanae sehe tirore õ sehe ni siniture:

—¿Dohseacu yuhare noano masijari muhu? —nire.

—Felipe muhare to pjihito pano, higueraçu docai mu jichu ñahi yuhu muhare —nire Jesu.

49 To ã nichu Natanae sehe tirore õ sehe nire tjoa:

—Buheriro, potocãta muhu Cohamacu macano jira. Muhu Israe masa sã Puhtoro cjihto jira —nire Natanae.

50 To ã nichu tuhoro õ sehe ni yuhtire Jesu:

—Higueraçu docai muhare yu ñurire masicu yuhare “Cohamacu macano jira”, ni wacũ tuara muhu. ¿Tita muhare ã masichu yoajari? Ahri muhare yu ñari yuhdoro Cohamacu tuua mehne yoa ñoihca yuhu. Yu ã yoa ñochu ñaihca muhu —nire Jesu Natanaene.

51 ã ninota õ sehe ni yahu namore:

—Potocãta muhare niita nija. Yuhu masano Cohamacu warocariro tjija. Muanopu parĩ muachu Cohamacu to yaina anjoa yu bui ti duji tachu, ti mujachu cãhure ñaihca muhu —nire Jesu tirore.

2

Caná wama tiri macapu ti wamomaca duhteropu Jesu wahaha

1 Tia dacho baharo Canái Galilea yahpai jiri macai wamomaca duhteri bose numu jire. ã jiro Jesu pocoro tí wuhupu jire. 2 Jesu mehne sãre to buheina cãhure wamomaca duhteropu pjirocare tina. 3 Ti bose numu macaa vino pihtichu Jesu pocoro tirore õ sehe ni yahure:

—Mipare vino pihtia wahare —nire ticoro Jesure.

4 To ã nichu tuhoro Jesu õ sehe nire:

—Inõ, ¿dohseaco taco tíre yahure yahujari mahu? Masa yahure ti masihto dhasasinina mini —nire Jesu to pocorore.

⁵ To ã niri baharo to pocoro sehe ti cahamacare õ sehe ni dutire:

—Yu macu to dutiriro seheta yoaga —nire ticoro.

⁶ Tí pjapare sã coyea judio masa Cohamacu yare yoaa taa masare ti pjacurire ã cosarucunoca dutia tire. Æ yoa tí wuhai seis situ pari tãa mehne ti yoaa situ pari co posa tia situ pari jire. Tí situ pari Cohamacu yare yoaa taa ti cosaa co posa tia pari cjiri jire. Tí situ parire cincuenta a setenta litro posa mu sure. ⁷ Tói ti jichu ñuno tí wuhu macaina cahamacare õ sehe ni dutire Jesu:

—Ahri situ parire co mehne pio sãa namoga wahpaa pari ti wahahto sehe —nire Jesu.

To ã nichu tina sehe noano wahpo dapo pahñonocare ti parire.

⁸ Tí ã yoari baharo Jesu tinare õ sehe ni dutire tjoa:

—Mipure tí core wa na, wuhu macarirore waga —nire.

To ã nichu tãhoa tí core wa na, wuhu macarirore ware.

⁹ Tí ã wachu tiro sehe tí core vino to wahachu yoaa core sihni ñure. Tí core nohoi to tarirore masierare tiro. To ã masierapachuta to cahamaca tí core waina sehe masire. Wuhu macariro ã masieraro wamomaca darterirore pjiroca, ¹⁰ õ sehe ni yahure:

—Paina masa noaa core vinore wa muhtana. Masa ti noano sihni niri baharo ña curea core wara tina. Muhu sehe noaa core wihbo, baharo curero tí core ware sãre —nire wuhu macariro wamomaca darterirore.

¹¹ Canái Galileai jiri macai Jesu core vino to wahachu yoari cjiri coã to bajuamehne ducari jire. Æ yoaro painare to tuaare ñore Jesu. To ã ñori baharo sã to buheina tirore wacũ tuai.

¹² Baharo Jesu to pocorore, to bahanare, sãre to buheina cãhure Capernaupũ suho sure. Tópu sana, mahaa dachoricã tjuasinii sã.

Jesu Cohamacu wuhupure suha
(Mt 21.12-13; Mr 11.15-18; Lc 19.45-46)

¹³ Pascua jichu judio masa sã bose numuri cjihti mahanocã dhasatjiãhre. Æ jiro Jesu Jerusalẽpu sure. ¹⁴ Tópu sũro tiro Cohamacu wuhupũ sãa sũro, wachũare, ovejare, bujaare duainare boca sure. Tuhsũ, niñerure cohtotaina ti mesaripũ ti dujichu tina cãhure boca sure. ¹⁵ Æ boca sũro yuta dari mehne tjanari da yoa, tinare jipihinare sopacapũ tjana nunũ wionocare. Oveja, wachua cãhure tjana nunũ wionocare tiro. Æ yoa niñeru cohtotaina ti mesarire na majareroca doca cũnocare. Ti niñeru tũri cãhure doca sitenocare. ¹⁶ Æ yoa tuhsũ bujaare duainare õ sehe nire:

—Musa bujaare na wijaahga. Yu Pucũ ya wuhure pache duari wuhũ yoaena tjiga —nire Jesu tinare.

¹⁷ To ã yoachu ñuna sã to buheina sehe Cohamacu yare ti joari pũi to niri cjirire wacũi: “ ‘Cohamacu, mu wuhure tuaro cahĩja. Æ cahĩcu mu wuhure ñano ti yoachu ñucũ tuaro cahyaja yuhũ’, ni joaa tiha Cohamacu yare ti joari pũi”, ni wacũi sã Jesu buheina.

¹⁸ Jesu to ã yoari baharo sã coyea judio masa pũtoa tirore õ sehe ni siniture:

—¿Dohseacu muhu ahrinare Cohamacu wuhupure jinare cohã wiori? Cohamacu muhure tíre yoa dutiriro to jichu Cohamacu tuaa mehne yoa ñoga muhu sã ñuhti cjihtire —nire tina Jesure.

¹⁹ Tí ã nichu Jesu õ sehe ni yuhtire:

—Ahri wuhure musa cohãchu tia dacho wahaboroi tuhsũhtja yuhũ —nire Jesu tinare.

²⁰ —Tia dacho mehne ahri wuhure tuhsũsi muhu. Cuarenta y seis cãhmari waro ti yoari wuhũ jira ahri wuhũ —nire tina Jesure.

²¹ To ã nichu tina tirore noano tãhoerare. Jesu “Ahri wuhure” nino, to pjacure nino niri jimare.

²² Æ yoa to yariari baharo, to masa wijaari baharo sã to buheina sehe to

niri cjirire wacūna, Cohamacu yare ti joari pūre Jesu to yahuri cūhare “Tí potocã tjira”, ni wacūi sã.

Jipihina ti wacūare Jesu masina

²³ Pascua bose numuri jichu Jesu Jerusalēpu jire. Tóti to jichu masa payu Cohamacu tuaa mehne to yoa ñochu ñua tirore wacū tuare. ²⁴ Ti ã wacū tuapachuta Jesu masa ti wacūare noano masino, “Yuhare ã wacū tuarucuahca”, ni tūhotueraha. ²⁵ Tiro masa ti tūhotuare noano masire. ã masino masa ti tūhotuare painare ne sinitu ñuerare.

3

Jesu Nicodemore yahuha

¹ Tí macai Nicodemo wama tiro, judio masa pūhtoa mehne macariro jire. Tiro fariseo curua macariro jire. ² Cã ñami tiro Jesu cahai ta, tiro mehne ò sehe ni sūhduri jire:

—Buheriro, mūhu Cohamacu to buhe dutiro to warocariro mū jichu sã masija. Mūhu payu tahari Cohamacu tuaa mehne yoa ñona. Cohamacu mūhare to yoadoherachu, mūhu sehe to tuaa mehne ne ã yoa ñoaeraboa —niri jire Nicodemo Jesure.

³ To ã nichu tūhoru Jesu sehe ò sehe ni yahuri jire:

—Potocã mūhare niita nija. Pari turi masa bajuariro yoaro sehe wahariro dihta mari pūhtoro Cohamacu mehne ji masina —niha Jesu.

⁴ —Cuenah. ¿Bucuro sehe dohse yoa pari turi masa bajuabocari tiro? To pocoro niji suhtiropu majare sãa, pari turi bajua masieraboca tiro —niri jire Nicodemo.

To ã nichu tūhoru Jesu ò sehe ni yūhtiri jire tjoa:

⁵ —Potocã niita nija mūhare. Co mehne, Espiritu Santo to tuaa mehne pari turi masa bajuariro dihta mari pūhtoro Cohamacu mehne ji masina. ⁶ Numia nijipocosanumia jia, macanacāre masa bajuachu yoara. Espiritu Santo sehe masare Cohamacu pohna jichu yoara. ⁷ “Pari turi masa bajuariro yoaro sehe

wahariro dihta mari pūhtoro Cohamacu mehne ji masina”, yu nichu, tūho wisiecu tjiga. ⁸ Espiritu Santo masare Cohamacu pohna to yoachu wihnono yoaro sehe jira. Wihnono to tariropu tara. To taro coa tachu mari tūhoja. ã tūhopanahta to tarirore, to waharirore ne masieraja. Tó sehta yoara Espiritu Santo masare Cohamacu pohna jichu yoaro —niri jire Jesu Nicodemore.

⁹ —Mū niare noano masieraja —niri jire Nicodemo.

¹⁰ To ã nichu tūhoru ò sehe niri jire Jesu:

—Mūhu judio masare buheriro jipaihta, ¿dohseacu yu niare tūhoerajari?

¹¹ Potocã mūhare niita nija. Sã masirire, sã ñurire sã yahuja. Sã ã yahupachuta ne mūsa sã coyua judio masa ne tūho duaerare. ¹² Ahri yahpa macaa mehne masa ti masa bajuari mehne mūhare piti dahre yu buhe mūhtarire “Potocã tjira”, nierara mūsa. ã nierana piti dahre buhero marieno Cohamacu yare yu yahuchu cūhare “Potocã tjira”, nisi mūsa.

¹³ ‘Ne cāiro mūanopu Cohamacu cahapu wahariro ne pari turi tjuata. Yūhu masuno Cohamacu warocariro yūhu dihta mūanopu jiro ahri yahpapu tahi. (ã jicu yūhu dihta Cohamacu yare mūsare yahu masija.) ¹⁴ Panopure masa marienopu Moise cjiro bronca wama tiri comaa mehne ti yoarirore agāre yucucu ti dapodu sohtopu duhu ò dapoha. Yūhu cūhare masuno Cohamacu warocarirore tiro agāre to duhu ò daporiro sehta yūhu cūhare duhu ò dapoahca. ¹⁵ Yūhare ti ã yoari baharo jipihina yūhare wacū tuaina jipihina dachoripe Cohamacu mehne ã jirucuahca —niri jire Jesu.

Cohamacu jipihinare cahina

¹⁶ ã ni tuhsu ò sehe ni namori jire Jesu:

—Cohamacu jipihina ahri yahpa macainare tuaro cahina. ã jiro yūhare to macunore cāirota jirirore Cohamacu warocare jipihina yūhare

wacū tuaina pichacapu ti wahaer-
ahto cjihtore. ã jia Cohamacu ya
catia mehne ã catirucuahca tina.
17 Cohamacu yuhure to macunore
masare buhiri dahre dutiro waro-
caerare ahri yahparure. Masare
pichacapu wahaborinare yuhdachu
yoah tiro cjihto sehere yuhure waro-
care.

18 Yuhure Cohamacu macunore
wacū tuainare ne buhiri dahresi
Cohamacu. Yuhure wacū tuaeraina
pinihtare Cohamacu buhiri dahre
duti tuhsure. Masa yuhure Cohamacu
macunore cūirota jirirore ti wacū
tuaerari buhiri buhiri dahrerohca
tinare. 19 Yuhure Cohamacu macuno
ahri yahparu tacu buhriaro to noano
marine to ñu masichu yoaro sehetā
Cohamacu yare noano masichu
yoaja. Yu ã masichu yoapachuta,
yuhure wacū tuaeraina sehe yuhure
cahmaerara. Ti ñaa yoaa sehere
noano cahmana. Ti ã cahmari buhiri
tinare buhiri dahre duti tuhsure.
20 Jipihtina ñaare ã yoarucuina baro
ti ñaa yoaa duhu duaerara. ã jia
buhriaro to bajuro dahrero sehetā
ti ñaa yoarure “Bajuro dahreri” nia,
yuhure cahmaerara tina. 21 Quihōno
yoaina sehe yuhure, yu buhea cūhure
cahmana. Cohamacu yoadohoro
mehne to yare ti yoaa yu noano
bajuro dahrechū bho tierara tina.
ã jia yuhure buhriaro yoaro sehe
jirirore cahmana —ni yahuri jire
Jesu.

Pari turi João masare bautisariro Jesure yahuha

22 Baharo Jesu sāre to buheinare
Judea yahparu suho wahare. Tōpu
suro tō macaina mehne mahaa da-
choricā tjuā, tinare bautisare. 23 João
cūhu masare bautisaro niha Enón
wama tiri macai. Enón Salim wama
tiri maca cahi jire. Tói dia jire. Tói
dia jichu João bautisaro niha masare.
24 Tirore ti peresu yoah to pano Enóni
masare bautisaro niha João.

25 Tí pjare João buheina mehne
macaina mahainacā judio masuno
mehne bautisaa macaare durucua

niha. 26 ã jia tina João cahapu sua,
tirore õ sehe ni yahuha:

—Buheriro, Jordão sie coapu mūhu
mehne jiriro “Tiro tjica”, mu niriro
sehe mipure masare bautisaro nina.
To ã yoachū jipihtina tiro cahapu di-
hta wahara —niha tina João.

27 Ti ã nichu tūhoro João õ sehe ni
yūhtiha:

—Tiro tuariro to jichu Cohamacu
sehe tirore ã jichu yoariro jira.
28 “Cristo jieraja”, yu nichu tūhore
mūsa. ã jierapaihta to pano
to waroca mūhtariro jija yuhū.
29 Cristo mehne masa ti wahachu
ñūcu tuaro wahcheja. Õ sehe
jira tí: Wamomaca dūhtericoro to
manūno mehne jiro wahara. Wamo-
maca dūhtehtirore cohtariro sehe
dūhtehtiro to namo tichū ñūno to
durucuchū tūhoro tuaro wahchera.
ã jicu yuhū wamomaca dūhtehtirore
cohtariro to wahcheriro sehetā
Cristo mehne masa ti wahachu ñūcu
tuaro wahcheja. 30 Cristo sehere
wacū tuaro cahmana masare. Yuhū
sehere wacū tuaeraro cahmana
masare —ni yūhtiha João.

Cohamacu macuno mūanopu tariro jira

31 ã ni tuhsuro õ sehe ni namoha
João:

—Mūanopu tariro jipihtina
yūhdoro tuariro jira. Ahri yahparu
jiina jina ahri yahpa macaina jija
mari. ã jina ahri yahpa macaare
durucuja mari. Mūanopu tariro
sehe jipihtina yūhdoro tuariro jira.
32 To ñuri cjirire, to tūhori cjirire
tiro yahura. To ã yahupachuta to
yahuare masa sehe ne tūho duaer-
ara. 33 Mūanopu tariro to yahuare
masa tūhoa, tíre cahmaa, “Cohamacu
potocā niriro jira”, nia nina tina.
34 Ahriro Cristore Cohamacu waro-
carirore Espiritu Santo ya tuaare
cū pahñona Cohamacu. ã jiro tiro
Cohamacu ya durucua yahura.
35 Cohamacu to macunore tuaro
cahñna. ã jiro jipihtina bui ti pūhtoro
ji dutire to macunore. Jipihtia pūro ji
dutire tirore. 36 Cohamacu macunore

wacũ tuaina sehe Cohamacu catia mehne ã catirucuahca. To macunore cahmaeraina, sehe Cohamacu catia mehne jisi. Æ jiro Cohamacu tinare tuaro buhiri dahrerohca —niha João.

4

Jesu Samaria macaricoro mehne durucuha

¹ Jesu João yuhdoro payu buheinare to cuachu João yuhdoro masare to bautisachu fariseo curua macaina tuhorocaha. ² Ti ã tuhorocapachuta Jesu sehe to basi masare bautisaerare. Sã to buheina sehe masare bautisahi. ³ Fariseo curua macaina ti ã masichu tuhoro Jesu sehe Judea yahpai jiriro Galilea yahpau sãre sũho tjuaa wahare.

⁴ Tõru wahana Samaria yahpare su yuhtu wahcãna tana nihi sã. ⁵ Æ yuhtu wahcãna Samaria yahpai jiri macaru Sica wama tiri macaru suhi. Tí maca cahai panopu macariro Jacobo cjiro to macuno José cjirore to wari yahpa jire. ⁶ Tõi Jacobo cjiro co to naari copa jire. Æ yoa Jesu sehe yoaropu tariro cjiro jiro, tiro wahya yuhtuaro tí copa duhtu cahai nuju sare. Tí pja tõi to so nuju sari pja cohari pja waro jire. ⁷⁻⁸ Sã to buheina sehe macaru chũare sã nuchuna wahari baharo cãirota tiro tõi tjua nuju sare. Æ so nuju saro Samaria macaricoro tí coparu co waro to wihichu Jesu ticorore core siniha:

—Core waga yuhtu —niha.

⁹ —Mũhu judio masuno jira. Yuhtu sehe Samaria macaricoro jija. ¿Dohseacu yuhtu core sinijari mũhu? —niha ticoro Jesure. Judio masa Samaria macainare ñu tuhtiina jira. Æ jiro ticoro ã niha.

¹⁰ To ã niri baharo Jesu ticorore õ sehe ni yahuha:

—Mũhure Cohamacu to yoadoho duarire masico, mũhure core sinirirore masico, mũhu yuhtu sehere siniboa. Mu ã sinichu paye co sehere waboa yuhtu. Tí co sehe catichu yoara —niha Jesu ticorore.

¹¹ To ã nichu tuhoro ticoro õ sehe ni yuhtu tirore:

—Ne mũhure situ mariahna. Wiho mejeta ahri copa cãri copa jira. ¿Æ jicu ahri catichu yoaa core nohopu wabocari mũhu? ¹² Mari ñuchu cjiro Jacobo panopu macariro ahri copare marine cãa tiha. Tiro, to pohna, to nuina cũhu ahri core sihnia tiha. “Paye core waboa yuhtu” nicu, ¿Jacobu yuhdoro masiriro jijari mũhu, ã ni tuhotucu? —niha ticoro.

¹³ To ã nichu Jesu õ sehe ni yuhtu: —Jipihina ahri core sihniina, pari turi ñahma yapioahca. ¹⁴ Ya co sehere sihniina ne pari turi ñahma yapiosi. Æ jia ya core sihniina Cohamacu mehne ã jirucuahca. Ma pohtapu co to ã wijaarucuro seheta ya co ne pihtisi —niha Jesu.

¹⁵ To ã nichu tuhoro numino sehe õ sehe niha:

—Ne pari turi yu ñahma yapioer-ahto sehe tí core waga yuhtu. Æ jico pari turi ne õpũre co wasi —niha ticoro.

¹⁶ To ã nichu Jesu ticorore õ sehe ni yahuha:

—Tí pja pinihta mu manũre pjico wahaga. Pji tuhsu õpu taga tiro mehne —niha Jesu ticorore.

¹⁷⁻¹⁸ —Manu marienicoro jija yuhtu —niha ticoro.

—Potocãta nimana mũhu. Mũhu cinco tahari manu ti tuhsũmare. Tuhsu, mipũre mũhu mehne jiriro mu manu jierara. Æ yoa “Manu marienicoro jija” nico, potocãta nimana mũhu —niha Jesu ticorore.

¹⁹ To ã nichu tuhoro õ sehe niha ticoro:

—Ne, Cohamacu yare yahu muhtariro jira mũhu, yu tuhotuchu.

²⁰ Sã ñuchusũma cjiri ahtu tãcũpu Cohamacu ño payoa tiha. Æ jina masa sehe judio masa “Jerusalẽi Cohamacu ño payoro cahmana masare”, nia tire masa judio masa —niha ticoro.

To ã nichu Jesu õ sehe ni yuhtu:

²¹ —Numino yuhtu tuhosiniga. Baharopu ahtu tãcũi, Jerusalẽpu cũhure mari Pũcũre ño payosi masa.

22 M_usa sehe m_usa ño payorirore masierara. Masare y_uhd_uch_u yoah tiro judio mas_unota jira. Ñ jina sã judio masa sehe sã ño payorirore masija. 23 Mip_ure baharop_u cãh_ure Cohamac_ure potocã ño payoina ti noano tãhotua mehne tirore ño payoahca. Tó sehe mari ño payoch_u cahmana Cohamac_u. 24 Cohamac_u pjac_u marieriro to jich_u masa tirore ñ_uerara. Ñ jia tirore ño payoa, ti noano tãhotua mehne tirore noano potocã ño payoro cahmana masare —niha Jesu.

25 To ã nich_uta ticoro ò sehe ni y_uhtiha:

—Mesia, “Cristo” ti niriro sehe masare y_uhd_uch_u yoah tiro, to tahti cjihtire masija y_uh_u. Tiro taro, marine jipihtiare buhe pahñonohca —niha ticoro.

26 —Y_uh_uta jija Cristo —niha Jesu ticorore.

27 To ã ni yahuch_u waro wihina sã to buheina sehe Jesu numino mehne to durucuch_u ñ_una, c_uaa wahi. Ñ c_uapanahca “¿Dohse cahmajari m_uh_u? ¿Dohse nii nijari m_uh_u ticorore?” ni sinitu ñ_uerahi. 28 Ñ jiro numino to siture tói duhu daponoca, macap_u waha, masare yahuro, ò sehe niha:

29 —Y_u yoari cjirire yahu pahñorirore ñ_una taga m_usa. Tiro potocãta Cristo jiboca pa tehe nino —niha ticoro.

30 To ã nich_u tãhoa tí maca macaina sehe Jesure ñ_una taa nire. 31 Tí pjare sã Jesu buheina sehe tirore tuaro ch_u dutimai:

—Buheriro, ch_uga —nimai sã.

32 —Soro jia ch_uare c_uaja y_uh_u. Tíre m_usa masierara —nire tiro.

33 To ã nich_u tãhona sã basi ò sehe ni durucui:

—¿Paina tirore ch_uare wa tuhs_uari? —nii sã basi.

Sã ã nich_u Jesu ò sehe ni yahure:

34 —Masa sehe ch_u ji coara. Y_uh_ure warocariro to cahmaare yoac_u ji coaja y_uh_u sehe to yoa dutiriro seheta yoa pahñoc_u tac_u. 35 “Cuatro sãri d_uhsara dicha naah_uto”, wese p_uro to niriro seheta m_usa sehe

ni tãhotuena tjiga. “Cohamac_u yare sã yahuhto d_uhsasinina”, ni tãhotuena tjiga. Potocã niita nija m_usare. Mip_u pinihtare masare ñ_uga. Dicha tich_u m_usa naari pja to jiro sehta, mip_u pinihta masa y_u buheare ti tãhohti pja jiro nina.

36 Toaa dichare naainare ti wapariro sehta y_u yaina cjihti naainare y_u yare buheinare ti ã yoari wapa tinare noano yoaihtja y_uh_u. Tí ã buhech_u tãhoa y_u buheare tãhoina y_u yaina sehe Cohamac_u mehne jipihtia dachoripe jirucuahca. Ñ jia tinare buhe m_uhtaina, baharo y_u yaina jich_u yoaina cãh_u cãno potori wahcherucuahca. 37 “Cãiro toa m_uhtariro jira. Pairo sehe toaa dichare nariro jira”, nia tiha panop_u. Tí potocã tjira. Tí ã niriro sehta cãina y_u yare yahu m_uhtaina jira. Paina sehe y_u yare buhea y_u yaina jich_u yoaina jira. 38 Wese p_uro to yaina dahraina toaeraina ti jipach_uta to toaa dichare tinare naa dutiro warocara. Tó seheta masare buhe m_uhtaeraina m_usa jipach_uta y_u yaina cjihti yoa dutic_u warocaja m_usare. Paina sehe tinare buhe m_uhta tuhs_ure. Ti buherinap_ure pari turi buhe namona, y_u yaina jich_u yoanahca m_usa sehe. Ñ jia buhe m_uhtaina sehe ti yoadohoro mehne painare y_u yaina jich_u yoanahca m_usa —nire Jesu.

39 Tí pjare Samaria macaricoro “Y_u yoari cjirire tiro yahu pahñore”, to ã nich_u tãhoa Samaria macaina pay_u Jesure wac_u tua, tirore cahmaha. 40 Ñ jia Samaria macaina Jesu cah_u s_ua, “Sã mehne tjuasiniga”, nire tirore. Tí ã nich_u sã cãh_u tiro mehne p_ua dacho tói tjuasinii. 41 Paina cãh_u pay_u Jesure tãhoa cahmare tirore. 42 Ò sehe nire masa numinore:

—Wahmanop_ure m_u yahurire tãhona, Jesure cahmahi. Mip_u pinihtare Jesu to durucuarire tãhona tirore wac_u tuana, tirore cahmaja. Ñ jia tiro sehere tãhona ahri yahpa macainare pichacap_u wahaborinare y_uhd_uch_u yoariro potocã to jich_u

mipɩ sã masija —nire masa Samaria macaricorore.

Pɩhtoro macɩnore dohatirirore noariro wahachɩ yoaha Jesu

⁴³ Pɩa dacho baharo Jesu sãre Galilea yahpapɩ sɩho wahare. ⁴⁴ Wahmanopɩre ò sehe nia tire tiro: “Cohamacɩ yare yahu mɩhtarirore to ya yahpa macaina tirore ño payoerara. ã jia yɩhɩre ño payoerara ò macaina òi yɩ bɩcɩariro jichɩ”, nia tire Jesu. ⁴⁵ ã jia Galileapɩ to sɩchɩ tó macaina tirore noano piti bocare. Tó pano Jerusalēi bose nɩmɩ Jesu Cohamacɩ tuaa mehne to yoachɩ ñɩrina jire tina.

⁴⁶ ã yoa Canáɩ Galileai jiri macapɩ core vino to wahachɩ yoari macapɩ wahaa wahai sã tiro mehne. Caná cahi jiri macai Capernau wama tiri macai jipihtina bui pɩhtoro docai jiri pɩhtoro macɩno dohatiro niha. ⁴⁷ Tuhsɩ, Jesu Judeapɩ jiri Galileapɩ to sɩchɩ pɩhtoro tɩhoha. Tíre tɩhoro Jesu cahapɩ wihire:

—Yɩ macɩ yariaro nihre. ã yoa tirore noariro wahachɩ yoai taga —ni tuaro mehne pjire tirore.

⁴⁸ To ã nichɩ tɩhoro Jesu ò sehe ni yɩhtire:

—Cohamacɩ tuaa mehne yɩ yoachɩ ñɩerana, ne yɩhɩre wacɩ tuaerara mɩsa —nire Jesu tirore.

⁴⁹ To ã nichɩ pɩhtoro sehe ò sehe nire:

—Pɩhtoro, yɩ macɩ to yariahto pano taga —nire tiro Jesure.

⁵⁰ —Tjuaahga. Mɩ macɩ catica —nire Jesu.

To ã nichɩ tɩhoro, “To niriro seheta catirohca yɩ macɩ” nino, pɩhtoro tjuaa wahare. ⁵¹ ã tjuaarucirirore to cahamaca tirore piti boca, ò sehe ni yahuha:

—Mɩ macɩ catihre —ni yahuha tina tirore.

⁵² —¿Noho waroi sɩ jichɩ noariro wahari tiro? —ni sinituha tiro to cahamacare.

—Canɩre cohari pja baharocã juaro suruhre tirore —niha tina.

⁵³ Ti ã nichɩ tɩhoro ò sehe ni tɩhotuha tiro: “Jesu yɩhɩre to ã ni yahuri pjaihta juaro surua wahari jire”, ni tɩhotuha pɩhtoro sehe. “Potocãta nino niri jira yɩhɩre” nino, tiro jipihtina to coyea mehne Jesure wacɩ tuaha.

⁵⁴ Jesu Judea yahpapɩ jiri Galilea yahpapɩ to sɩri baharo pɩhtoro macɩnore noariro to waharire mari quihõchɩ pɩa taha Cohamacɩ to tuaa mehne yoa ño tuhsɩre Jesu.

5

Tini masierarirore noariro wahachɩ yoaha Jesu

¹ Baharo judio masa Cohamacɩre sã ño payori bose nɩmɩri jichɩ Jesu Jerusalēpɩ sure tjoa. ² Tóí oveja wama tiri sopaca cahi cuhsɩri copa jihre. Sã judio masa ya mehne nia Betesda wama tiri copa jihre. Tí copa cahi cinco tihamahnoera tahti poca jihre. ³ Tí tahti pocaí payɩ dohatiina coãre. Capari ñɩeraina, cã buhusehe dahporo ñaina, pjacɩ buhaina tina tí copa cahi jia, [co ñuhmi mɩa mɩjanore cohtaa nire. ⁴ Tóɩpɩ buharo tí copa macaa core cãa tahari ñuhmichɩ yoa mɩjare anjo. Tí copa macaa co ñuhmiri baharo ña mio mɩhtariro sehe dohse jiare dohatiare cɩariro noariro wahare.] ⁵ ã yoa tóí treinta y ocho cɩhmari waro dohatiriro jire. ⁶ Tóí to coãchɩ ñano to ã yoari pja dohatiriro jichɩ masire Jesu tirore. ã masino tirore ò sehe ni siniture:

—¿Pjacɩ dohatia marieriro ji duajari mɩhɩ? —nire Jesu.

⁷ To ã nichɩta dohatiriro ò sehe ni yɩhtire:

—Tí co to ñuhmichɩ yɩhɩre co jiri copapɩ naboriro mariahna. Tí copapɩ yɩ ña mio duapachɩta paina sehe yɩ pano ã ña mio mɩhtarucura —nire tiro Jesure.

⁸ —Wahcãrcaga. Mɩ coãri cahsarore naa, wahaga —nire Jesu tirore.

⁹ To ã nichɩta dohatiriro sehe to coãri cahsarore naa, ducu dɩcare. Tí dacho Sabado judio masa sã sori nɩmɩ jire. ¹⁰ Tí dachoi Jesu to ã

yoachu ñua judio masa sã puhtoa sehe dohatiriro cjirore õ sehe ni yahuha:

—Michare Sabado dacho mari sori numu jipachuta mu coãri cahsarore naahna muhu. ã yoacu mari dutiare yuhdurucaci nina muhu —niha tina tirore.

11 —Yuhure yu dohatiare cohãriro sehe õ sehe nire yuhure: “Mu coãri cahsarore na, wahaga”, nire tiro yuhure —ni yuhtiha dohatiriro cjiro.

12 —¿Tíre muhure ã niriro sehe diro baro jijari tiro? —ni sinituha tina.

13 Tói masa payu ti jichu ñano Jesu sehe waha tuhsu. ã jiro dohatiriro cjiro sehe tirore noariro wahachu yoarirore to wamare masieraha. 14 Baharo Cohamacu wuhui Jesu tirore piti boca, õ sehe ni yahure:

—Tuhosiniga muhu yuhure. Mipure noano pjacu tira muhu. Ñaare yoa namoi tjiga. Pari turi ñaare yoa namocu mu dohatiriro yuhdoro wahaihu muhu —nire Jesu tirore.

15 To ã niri baharo dohatiriro cjiro sehe sã judio masa puhtoa tirore sinituina cjiri cahapu saro, õ sehe ni yahuha tinare:

—Jesu wama tiriro yuhure noariro wahachu yoahre —ni yahuha tiro.

16 ã yoa Sabado jichu Jesu dohatirirore to dohatiare to cohachu masia judio masa sã puhtoa sehe tirore ñu tuhtia, yahusãa dua ducare.

17 ã tirore ti yahusãa duachu masino Jesu sehe õ sehe ni yahure tinare:

—Yu Pucu mipure dahrasinina. Yuhu cãhu dahrasinii nija —ni yahure tirore yahusãa duainare.

18 To ã nichu judio masa sã puhtoa sehe tiro mehne tuaro suaa, tó pano ti niriro yuhdoro tirore wajã duare. Sabado dachore sã sori numure cãirore to noariro yoachu ñua tina suare. ã suaa tiro Cohamacu “Yu Pucu” to nichu tuhoa, tina sehe tó pano ti niriro yuhdoro sua namoha tjoa. “ ‘Yuhu Pucu’ nino, Jesu to basi ‘Cohamacu mehne cãno potori jija’, ni

wacũca tiro”, ni tuhoture judio masa sã puhtoa.

Jesu Cohamacu to warocariro jira

19 ã yoa Jesu tinare õ sehe ni yahure:

—Potocã musare niita nija. Yuhu, Cohamacu macno, yu mu saro yoeraja. Yu Pucu to yoarire ñucu, tíre yoaja. 20 Yu Pucu yuhure, to macnore, cahina. ã jiro to yoarire yuhure ño pahõna. Ahri mipu to tuua mehne yu yoari yuhdoro tiro payere yoa dutirohca yuhure. To ã yoa dutichu to tuua mehne yoa ñoihuca yuhu. ã jina ñu canahca musa. 21 Yu Pucu yariarinare to masoriro seheta yuhu cãhu yu cahmainare masoihtja. 22-23 Ne yu Pucu sehe masa ti ñaa buhirire buhiri dahreriro jierara. Yuhu sehene tíre ti ñaa buhirire buhiri dahrehtirore cãre yu Pucu. Jipihtina masa tirore ti ño payoriro seheta yuhu cãhure ti ño payohti cjihtire buhiri dahrehtirore cãre yuhure. Yuhure to macnore ño payoerana yu Pucu cãhure ño payoerara musa. Tiro jira yuhure warocariro —nire Jesu.

24 ã ni tuhsu õ sehe ni yahu namore:

—Potocãta musare nii nija. Yu durucuare tuhoina yuhure warocarirore wacũ tuaina jipihtia dachoripe manopu ã jirucuahca. ã jicu tinare buhiri dahresi yuhu. ã jia tina pichacapu wahaborina yuhduahca. 25 Potocã musare niita nija. Pichacapu wahahtina yuhure Cohamacu macnore ti tuhohti pja mipu jira. Baharopu cãhure yuhure tina tuhoahca tjoa. ã tuhoa tuho nunina sehe Cohamacu mehne ã jirucuahca. 26 Cohamacu yu Pucu sehe ã jirucuchu yoariro jira. ã jiro yuhure to macnore ã jirucuchu yoahitiro ji dutire tiro yuhure. 27 ã jicu yuhu masno Cohamacu to warocariro yu jichu tiro masare buhiri dahrehtirore cãre yuhure. 28 Ahrire tuhona, tuho caena tjiga musa. Pa dachopure jipihtina yariaina masa coparipu jina yu durucuchu

tũhoahca. ²⁹ Æ tũhoa, noaare yoaina cjiri jipihtia dachoripe Cohamacũ mehne jihtina cjihti masa mũjaahca. Ñaare yoaina cjiri sehe ñaare ti yoari buhiri pichacaru wahaahca —ni yahure Jesu.

³⁰ Æ ni tuhsũ õ sehe ni yahu namore:

—Yũhũ yũ mũ sũro ne yoaeraja. Ne yũ basi yũ cahmano yoa duaeraja. Yũhũre warocariro to dutiriro seheta yoa duaja. Æ jicũ to niriro seheta buhiri dahreja. Tuhsũ yũhũ masare buhiri dahrecũ quihõnota yoaja. ³¹ “Yũhũ tuariro jija”, yũ ni yahuchũ “Mũ yahua ne quihõno jierara”, ni masiboca mũsa. ³² Pairo jira yũhũre yahuriro. Tiro João sehe masare yahure yũhũre. Masare yũhũre to yahuri cjiri quihõno tjira. Tĩre yũhũ noano masija. ³³ Mũsa paina sehere Joãoũre yũhũre sinitu dutina warocare. Æ jiro potocãta yahure tiro mũsare. ³⁴ “Cohamacũ macũno jira ahriro”, yũhũre ni yahuhtinare macaeraja. Æ macaerapacũta João masũno to jipachũta yũhũre “Cohamacũ macũno jira”, to ni yahurire yahui nija. Mũsa yũhũre wacũ tuahti cjihtire, mũsa pichacaru wahaborina mũsa yũhdũhti cjihtire yũhũre João to yahurire yahui nija. ³⁵ Sihãria mahaa dachoricã to ñũ masichũ yoaro seheta João mũsare buhe mũhtano mahanocã to catiro puro mũsare masichũ yoare. To ã buhechũ tũhona mahaa dachoricã wahchere mũsa. ³⁶ Yũ jia tiare to ã buhepachũta Cohamacũ sehe yũ jiare noano yahura. To ã yahuchũ João yũ jiare to yahua yũhũro jira Cohamacũ ya yahua. Æ jicũ Cohamacũ to tuaa mehne yũhũre to yoa dutiri cjirire mipũ yoai nija. Ahrire yũ yoachũ ñũna potocãta Cohamacũ to warocariro yũ jiare masina mũsa. ³⁷ Æ yoa yũ Pũcũ yũhũre warocariro to basi “Tiro yũ warocariro jira”, ni yahura mũsare. To ã ni yahupachũta to durucua ne tũhoerare mũsa. Æ jina mũsa tirore ne masierare. ³⁸ Yũhũre Cohamacũ warocarirore

mũsa ne tũho duaerare. Æ jina mũsa Cohamacũ yare ne cahmaerare. ³⁹ Cohamacũ yare ti joari pũre mũsa buhena, “Mari ahri pũre buhena jipihtia dachoripe Cohamacũ mehne ã jirucunahca”, nina mũsa. Tĩ pũita yũhũre yahura. ⁴⁰ Tĩ pũ yũhũre to yahupachũta mũsa sehe yũhũre cahmaerara. Jipihtia dachoripe Cohamacũ mehne mũsa ã jirucuhti cjihtire yũhũre sini duaerara mũsa —ni yahure Jesu.

⁴¹ Æ ni tuhsũ õ sehe ni namore:

—Yũhũre mũsa ño payoerachũ ñũcũ suaeraja yũhũ sehe. ⁴² Mũsa sehe Cohamacũre mũsa cahĩerachũ masija yũhũ. ⁴³ Cohamacũ yũ Pũcũ yũhũre to dutiriro seheta yũ tapachũta mũsa yũhũre cahmaerare. Pairo sehere Cohamacũ tirore warocaerariro to jipachũta to mũ sũro to tapachũta tiro sehere cahmanahca mũsa. ⁴⁴ Paina masa mũsare ti ño payochũ cahmana mũsa. Cohamacũ mũsa mehne to ji coachũ cahmaerara mũsa. Tiro dihta Cohamacũ waro jira. Æ cahmaerana yũhũre tũhoerara mũsa. Yũhũre wacũ tuaerara. ⁴⁵ Mũsare yũ Pũcũũre ne yahusãsi yũhũ. Tĩre masiga mũsa. Moise cjiro to joari pũ sehe mũsare yahusãnohca. “Tĩ pũ macaa dutiare mari yoa pahõna, Cohamacũ cahai wahanahca”, mũsa niri pũ sehe mũsare yahusãnohca. ⁴⁶ Moise cjiro to joari pũi yũhũ sehere yahua. Æ jina tĩ pũre “Potocã tjira” nina, yũ yahua cãhũre “Potocã tjira”, niboia mũsa. ⁴⁷ Moise cjiro to joari pũre “Potocã tjira” nierana, yũ ya durucua cãhũre “Potocã tjira”, nisi mũsa —nire Jesu tinare.

6

Cinco mil bui masare chũa waha Jesu

(Mt 14.13-21; Mr 6.30-44; Lc 9.10-17)

¹ Æ to buheri baharo yoa cureri pja baharo Galilea wama tiri bũcũpariro pa bũhũsehe coaru sã to buheinare Jesu sũho pahãa wahare. Tĩ taro pjiri taro pa wama Tiberia wama tire. ² Tó

pano Galilea yahpai Jesu Cohamacu tuaa mehne yoa ño, dohatiinare ti dohatiare to cohãchũ masa ñũa tire. Ñ jia Jesu to pahãchũ ñũa, masa payũ tirore nunũ ti pahãre. ³ Ñ yoa baharo tí taro duhtũ cahapũ Jesu sãre sũho pahã sũ, tũcupũ mujã, tũ buipũ sãre sũho dujire. ⁴ Tí dachore Pascua wama tiri bõse nũmũ cjihto, sã judio masa ya bõse nũmũ sũhti dacho cjihto mahaa dachoricã duhsare. ⁵⁻⁶ Tópũ dujiro, Jesu payũ masa to cahapũ ti tarucuchũ ñũre. Ñ ñũno Felipere õ sehe ni sinitu ñũre:

—¿Ahrina masa ti chũhti cjihtire nohopũ nuchũnahcari mari? —nire Felipere.

Jesu to basi to yohtire masiparota Felipere ã sinitu ñũre “¿Dohse ni yũhtirohcari?” nino. ⁷ To ã sinitu ñũchũ tũhoro Felipe sehe õ sehe ni yũhtire:

—Ocho sũri posa dahra wapataa niñeru mehne chũare mari nuchũpachũta masare cãinare daacã chũare mari witipachũta ne mũ sũsi —nire Felipe Jesure.

⁸ Ñ yoa paio, sã mehne macariro Andre, Simo Pedro baharo sehe Jesure õ sehe ni yahure:

⁹ —Ahriro wahma wahmũa tariro cinco pão curirire, ã jichũ wahi pũarocã cũhũre cũara. Wiho mejeta masa sehe payũbia jira. Ñ jiro ahri mahanocã chũa ne mũ sũsi —nire Andre.

¹⁰ To ã niri baharo:

—Masare duji dutiga mũsa —nire Jesu sã to buheinare.

Tói daacã tja jiro jire. Sã duji dutichũ masa nuju sũ pihtiare tja bui. Tina mũa dihtare sã quihõchũ cinco mil wahtaroi jire. ¹¹ Tí ã nuju sũchũ ñũno Jesu sehe pãore na, Cohamacure “Noana”, nire. Ñ ni tuhsũrota sãre to buheinare witi dutire. To ã dutichũ sã sehe tói dujiinare witi wahcãi. Tuhsũ, pũaro wahi cũhũre witihi tinare. Jipĩhtinare noano ti chũ duaro puro chũare tinare witihi. ¹² Baharo masa sehe yapi yũhdũa wahare. Tí ã yapi yũhdũachũ ñũno Jesu sãre õ sehe ni yahure:

—Tí chũ duharire noano saa cahmachu pahñoga. Ñ yoana ti chũ duhaare ne bosí —nire.

¹³ To ã nichũ tũhona sã sehe cinco pão curiri duhsarire sã saa cahmachuchũ doce pũhũse waro wijare. ¹⁴ Ñ jia Jesu tíre to tuaa mehne to yoa ñochũ ñũa, masa sehe õ sehe nire:

—Potocãta jira. Ahriro Cohamacu yare yahu mũhtariro ahri yahpapũ “Tarohca”, ti niriro mari cohtariro tjira —nire tina.

¹⁵ Ñ jia tina Jesure ti pũhtoro jihtiro cjihtore ñaha sõ duamare. Jesu ti ã ni tũhotuare masino pari turi cũirota tũcupũ wahaa wahare.

Jesu co bui ducu wahcãha (Mt 14.22-27; Mr 6.45-52)

¹⁶ Ñamichapũ sã to buheina bucupariropũ buhai. ¹⁷ Tópũre buhu sũ, dohoriapũ samu, Capernau wama tiri macapũ majare pahãi. Tí pjare sã majare pahãri pjare ñamipũ jire. Jesu sehe sã cahapũ tju wihierasínire mini. ¹⁸ Sã ã majare pahãno watoi wihnono tuaro sãre tachũ, pahcõri bujũa pahcõri wahcãre. ¹⁹ Sã cinco kilómetro sũboro waroi sã sũchũ waro Jesu sãre mũ sũre. Co buipũ to tachũ ñũi sã. Ñ sã cahai to tachũ ñũna, sã sehe cũa yũhdũa wahacũrũ. ²⁰ Sã ã cũa yũhdũachũ ñũno tiro sãre õ sehe ni yahure:

—Cuiena tjiga. Yũhũta jija —nire Jesu.

²¹ To ã nichũ tũhona sã wahchea mehne tirore piti boca samu dutihi. To samuri baharocãta wacũenoca sã wahari yahpapũre pahã sũ tuhsũhi.

Masa sehe Jesure macaha

²² Ñ yoa tí ñamine masa bucupariro pa buhũsehe coapũ tjuaina sehe sã yaria bũsoca, sã pahãhtia cũria to jichũ ñũre. Tia mehne sã sahsero sã pahã wahachũ cũhũre ñũre tina. Tuhsũ Jesu sã mehne to pahãerachũ ñũre tina. Ñ jia pa dachoi tirore tói cohtaa niri jimare tina. ²³ Tí ã cohtaroi watoi, paye bũso, Tiberia

wama tiri macap_u taa buso Jesu Cohamac_ure “Noana”, to niriro cahacã curerop_u, masare to ch_ua witiro cahacã curerop_u wahã s_uri jire tí buso. ²⁴ ã yoa sãre Jesu to s_uho jimarirore to mariach_u ñ_ua, masa tí busop_u samu, Capernaup_u sãre nun_u ti pahã tari jire, Jesure maca taa.

Jesu catich_u yoa ch_ua yoaro sehe jiro jira

²⁵ Ti pahã wihiri baharo, Jesure boca wihi, tina masa õ sehe ni sinitu ñ_ure tirore:

—Buheriro, ¿dohse jich_u tari m_uh_u õp_ure? —ni sinitu ñ_ure tina.

²⁶ Ti ã ni sinitu ñ_uch_u, Jesu tinare õ sehe ni yahure:

—Potocã niita nija m_usare. Y_uh_u m_usare Cohamac_u tuaa mehne y_u yoa ñopach_uta y_uh_ure sehere wac_u tuaerara m_usa. Y_uh_ure wac_u tuaerapanahta y_uh_ure macana m_usa. Y_uh_u mehne b_uj_ua ch_u, m_usa yapirina cjiri jina y_uh_ure maca tari jira m_usa. ²⁷ Wiho mejeta ch_ua ne ã jirucuerara. Baharop_u pihtia wahara. ã jina tíre ã macarucuena tjiga m_usa. Paye baro ch_ua soro jia ch_uare macaga m_usa. Tí soro jia ch_uare bocana jipihtia dachoripe Cohamac_u mehne jirucunahca. ã jia tí ch_ua pinihta ne pihtisi. Tí ch_uare y_uh_u mas_uno Cohamac_u warocariro m_usare waihtja. Cohamac_u y_u P_uc_u y_uh_ure tí baro ch_uare wa dutiro jira. Tirota to warocariro y_u jiare ño tuhs_ure m_usare —nire Jesu.

²⁸ To ã nich_u t_uho tina õ sehe ni sinitu ñ_ure tirore:

—¿Cohamac_u to yoa dutiare yoana tana dohse yoanahcari sã? —ni sinitu ñ_ure tina.

Jesu sehe ti ã nich_u t_uho, õ sehe ni y_uhtire tinare:

²⁹ —Cohamac_u m_usare õ sehe dutira. To warocarirore m_usa noano t_uho, wac_u tuach_u cahmana tiro —ni y_uhtire Jesu.

³⁰ To ã nich_u t_uho tina õ sehe nire tjoa:

—Cohamac_u warocariro jic_u tiro to tuaa mehne yoa ñoga sãre m_uh_ure sã

noano wac_u tuahto cjihtore. ¿Yaba barore yoa ñobocari m_uh_u? ³¹ Mari ñ_uch_us_uma cjirip_u panop_u macaina masa marienop_u maná wama wama tiare ch_ua tiha. Cohamac_u yare ti joari p_up_u õ sehe ni yahura: “Tiro tinare m_uano macaa ch_uare waa tiha ti ch_uhti cjihtire”, ni joaa tiha Cohamac_u yare ti joari p_up_u. ¿To ã yoariro seheta yoaihcar_u m_uh_u cãh_u? —nire tina.

³² Ti ã nich_u t_uho õ sehe ni yahure Jesu tinare:

—Potocã m_usare niita nija: Moise cjiro m_uano macaa ch_uare waera tire m_usare. Y_u P_uc_u sehe m_uano macaa ch_uare potocã jia ch_uare m_usare wariro jira. ³³ Cohamac_u to ch_ua m_uanop_u duji ta, jipihtiro yahpa macainare catich_u yoa masina —nire Jesu tinare.

³⁴ —P_uhtoro, dachoripe tí baro ch_uare ã warucuga sãre —nire tina.

³⁵ Ti ã nich_u t_uho, Jesu sehe õ sehe ni yahure tinare tjoa:

—Y_uh_u sehe catich_u yoa ch_ua yoaro sehe jiro jija. Mari ya ch_uare mari ch_uri baharocãta dóicãta j_uca baa wahaja mari tjoa. Sihnia cãh_ure mari sihniri baharocãta ñahma yapioa wahaja tjoa. Wiho mejeta diro y_uh_ure cahmariro, y_uh_ure wac_u tuariro, ne j_uca baaerariro yoaro seheta to wahchea sehe tirore ne pihtisi. ³⁶ M_usa sehe y_uh_ure ñ_upanahta y_uh_ure wac_u tuaerasini mini. Tíreta m_usare yahumahi y_uh_u. ³⁷ Jipihtina y_u P_uc_u y_u yaina cjihtire y_uh_ure to c_ur_uina sehe y_uh_ure cahmaahca. ã jii y_uh_ure cahmainare ne cohãsi y_uh_u. ³⁸ M_uanop_u tac_u y_u cahmano yoai tai nierahi. Y_uh_ure warocariro to cahmariro seheta yoai tai nii y_uh_u. ³⁹ Ahrita jira y_uh_ure warocariro to cahmaa waro: Jipihtina y_u yaina cjihti y_uh_ure to warina cjirire y_u boerach_u cahmana y_uh_ure warocariro pihtiri dachoi ti masa m_ujahto cjihtore. ⁴⁰ Jipihtina y_uh_ure Cohamac_u mac_uno ñ_uina, y_uh_ure wac_u tuaina jipihtia dachoripe tiro mehne ti jirucuch_u cahmana y_u P_uc_u.

Ã jic pihtiri dachoi tinare masoihtja —nire Jesu.

⁴¹ “Yh manop taa cha yoaro sehe jiro jija”, to nich thoa judio masa s phtoa sehe tiro mehne sua, ⁴² ti basi Jesure ñano ni durucure:

—¿Ahriro Jesu José macno jiera-jari? To pcro, to pocoro chre mari masija. Tuhs mari yoaro sehe pjac tirirota jira. ¿Ã jiparota dohsearo “Manop tahi”, nijari tiro? —ni suare tina.

⁴³ Ti ã nich thoo Jesu õ sehe ni yahure tinare:

—Msa yhre ñano ni durucuena tjiga. ⁴⁴ Y Pc yhre warocariro sehe masare yh sehere cahmach yoara. To ã yoerach masa sehe y yaina ji masieraboa. Pihtiri dachoi y yainare masoihca yh. ⁴⁵ Cohamac yare yahu mhtaina cjiri sehe õ sehe ni joaa tiha: “Cohamac tinare buherohca”, ni joaa tiha Cohamac yare yahu mhtaina cjirip. Jipihtina y Pc to buheare thoina, tirore yhtiina yhre cahmana. Ã jia y yaina jira.

⁴⁶ Y Pcre ne ciro masno ñerare. Yh Cohamac warocariro dihta y Pcre ñhi. ⁴⁷ Potoc niita nija msare. Yhre wac tuariro jipihtia dachoripe y Pc mehne ã jirucurohca. ⁴⁸ Yh catich yoaa cha yoaro sehe jiro jija. ⁴⁹ Msa ñchsuma cjiri masa marienop manre cha tiha. Ã tíre chpahta yariaa waha tiha. ⁵⁰ Manop taa chare y nia chare masno chro, ne pichacp wahasi. ⁵¹ Yh manop taa cha catich yoaa cha yoaro sehe jiro jija. Ahri chare chriro jipihtia dachoripe y Pc mehne ã jirucurohca. Ahri cha catich yoaa cha yoaro sehe jia y pjacta jira. Jipihtiri yahpa macaina Cohamac mehne ti ã jirucuhti cjihtire y pjacre waihtja. Ã wac yariaihca —nire Jesu.

⁵² To ã nich thoa s coyera judio masa sehe tíre õ sehe ni durucure ti basi:

—¿Ahriro dohse yoa to pjacre chhti cjihtire warohcari? —nire tina ti basi.

⁵³ Ti ã nich thoo Jesu õ sehe ni yahure:

—Potoc niita nija msare. Yh masno Cohamac warocariro jija. Y pjacre cherariro, y dire sihnierariro Cohamac ya catia mehne ã jirucusi. ⁵⁴ Y pjacre chriro, y dire sihniriro y ya catia mehne ã jirucurohca. Ã jic pihtiri dachoi tirore masoihtja. ⁵⁵ Y pjac potocta cha waro yoaro sehe jira. Y di potocta sihnia waro yoaro sehe jira. ⁵⁶ Y pjacre chriro y dire sihniriro yh mehne wahchea mehne jirucura. Yh ch tiro mehne wahchea mehne jirucuja. ⁵⁷ Y Pc yhre warocariro ã jirucura. Ã jirucuro, yh chre ã jirucuch yoara. Ã jia yhre ã jirucurirore masa cha, Cohamac mehne manop ã jirucuahca tina ch. ⁵⁸ Ahrita jira manop taa cha. Mari ñchsuma cjiri man wama tia ti chri cjiri yoaro sehe jierara ahri cha. Tina sehe tí chare chpahta yariaa waha tiha. Ahri cha sehere chriro manop ã jirucurohca —nire Jesu.

⁵⁹ Capernaup judio masa s buheri whi Jesu buhero, ãta ni yahure.

Jesu buheare thona manop ã jirucunahca mari

⁶⁰ Pay Jesure cahmaina to ã ni buheare thoa, õ sehe ni durucure:

—Ahri buhea nucu mijona. Ã jina mari thoo duaera cureja —ni durucure tina ti basi.

⁶¹ Ti ã nich Jesu sehe ti durucure masire. Ã masino tiro õ sehe ni siniture tinare:

—¿Ahri buheare thona suajari msa? ⁶² ¿Yh masno Cohamac warocariro manop y tjuaa wahach ñna dohse ni thotubocari msa? ⁶³ Espritu Santo masnore catich yoara. Masa sehe ti basi catich yoerara. Espritu Santo masare to catich yoariro sehet y buhea sehe msare Cohamac

mehne ã jirucuch_u yoara. ⁶⁴ Cãina m_usa mehne macaina ne yah_ure wac_u tuaerara —nire Jesu.

Wahmanop_ure Jesu tirore wac_u tuaerainare masire. Tirore ñ_u tuhtiinare ñohtiro c_uh_ure masi tuhs_ure. ã tirore wac_u tuaerainare masino “Cãina m_usa mehne macaina yah_ure wac_u tuaerara”, nire Jesu.

⁶⁵ ã ni tuhs_u ò sehe ni namore:

—Ò sehe ni yahumahi m_usare: “Y_u P_uch_u sehe masare y_uh_u sehere cahmach_u yoara. To ã yoerach_u masa sehe y_u yaina ji masierabo”, m_usare nii nimahi —nire Jesu.

⁶⁶ To ã ni buhech_u t_uhoa pay_u Jesure cahmamarina cjiri tirore cohã, tiro mehne pari turi wahaerare. ⁶⁷ Ti ã yoach_u ñ_uno Jesu sãre doce to buheinare ò sehe ni siniture:

—¿M_usa c_uh_u yah_ure cohãnahcari? —ni siniture sãre.

⁶⁸ To ã nich_u Simo Pedro ò sehe ni y_uhtire tirore:

—P_uhtoro, sãre paio buheriro mariahna. M_u ya buheare t_uhona Cohamac_u mehne ã jirucunahca sã. M_u ya buhea dihta tíre yahura sãre. ⁶⁹ ã jina sã m_uh_ure wac_u tuaja. ã yoa m_uh_u noariro, Cohamac_u mac_uno to warocariro m_u jich_u sã masija. ã jina m_uh_ure cohãsi sã —nire Simo Pedro Jesure.

⁷⁰ To ã nich_u t_uhoro Jesu ò sehe ni yahure sãre:

—Y_uh_u sehe m_usare doce besehi. Wiho mejeta cãiro m_usa mehne macariro wat_uno yairo cjih_uto jira —nire sãre to buheinare.

⁷¹ ã nino Judare Simo Iscariote mac_uno nino niri jire. Juda sehe doce buheina sã mehne macariro Jesure ñ_u tuhtiinare ñohtiro jire.

7

Jesu bahana tirore “Cohamac_u mac_uno jira”, ni masieraha

¹ Baharo Jesu Galilea yahpai tinino wahare. Judea yahpai judio masa tirore wajã duare. Ti ã wajã duach_u masino tiro tí yahpap_u wahaerare. ² Judio masa daa w_uh_usecã

sã yoah_uti n_um_uri b_use n_um_uri mahanocã dahsatjiãhre. ³ ã jia Jesu bahana tirore ò sehe ni yahure:

—Judeap_u wahaga. Tó_u m_u yainare Cohamac_u tuaa mehne m_u ñohtiro cjih_uto wahaga m_uh_u. ⁴ Masare yoa ño duac_u yaeraro cahmana m_uh_ure. Yoa ñono cahmana. Potocãta Cohamac_u tuaa mehne yoariro jic_u tíre masare ñoga —nimare tina.

⁵ To bahana jipahta Jesure “Cohamac_u mac_uno jira”, nierare. ã jia, ã nire tina tirore. ⁶ Ti ã niri baharo Jesu ò sehe ni yahure tinare:

—Masa yah_ure ti noano masihti pja dahsasina mini. M_usa sehe ñ_u duana b_use n_um_uri jich_u waha masina. ⁷ Ahri yahpa macaina m_usare ñ_u tuhtierara. Y_uh_u ti ñaa buhirire y_u yahuch_u tina yah_u sehere ñ_u tuhtira. ⁸ B_use n_um_u jich_u wahaga m_usa sahsero. Y_uh_ure y_u wahahto dahsasina mini. ã jic_u y_uh_u sehe b_use n_um_urine ñ_u wahaerasinija —nire Jesu tinare.

⁹ ã nino tiro Galileai tjuare.

Jesu daa w_uh_usericã ti yoari n_um_uri b_use n_um_uri jich_u wahaha

¹⁰ B_use n_um_urip_u Jesu bahana ti ñ_u wahari baharo Jesu c_uh_u ti baharo wahare. ã waharo masa ti ñ_ueraro watoi wahare. ¹¹ B_use n_um_urihi jiina judio masa sã p_uhtoa tirore macare:

—¿Nohop_u jicari tiro? —ni sinituha tina.

¹² ã jia masa c_uh_u Jesure pay_u yahuwajaha. Paina “Tiro noariro jira”, niha. Paina sehe “Tiro ñariro jira. Masare mahñoriro jira”, ni yahuwajaha tina.

¹³ ã nipahta judio masa sã p_uhtoare cuia, masa ti ñ_uerarop_u Jesure yahuwajaha.

¹⁴ B_use n_um_uri dacho macai Cohamac_u w_uh_up_u Jesu sãa s_uro, buhere. ¹⁵ To ã buhech_u sã coy_uea judio masa t_uho c_uaa waha, ò sehe nire:

—¿Ahriro buherop_u buhemahnoerariro jiparota dohsearo noano masi pahñonocajari? —nire tina tirore.

16 Ti ã nichu Jesu õ sehe ni yahure tinare:

—Yuh buheri cjiri yu ya durucua jierara. Yuhure warocariro ya durucua sehe jira ahri buhea. 17 Cohamacu cahmaare yoa duaina yu buhea sehere Cohamacu ya durucua ti jichu masiahca. Yu mu suro yu buherachu cuhure masiahca tina. 18 Cũiro to mu suro to masia mehne buheriro jiro “Yuhu dihtare ño payoga”, niriro jira tiro. Wiho mejeta yuhure warocariro sehere musa ño payochu cahmaja yuhu sehe. Yu ã nichu tuhona “Potocã durucuriro jira tiro. Ne mahñoerara”, ni masinahca musa.

19 Cohamacu dutiare Moise cjiro sehe cãa tiha musare. To ã cõpachuta musa jipihtina tí dutia sehere ne yuhtierare. ¿Dohseana yuhure wajã duajari musa? —nire Jesu sã coyera judio masare.

20—Muhu tuho masierariro, watĩno to cohtotariro jira. Muhure wajã duaina mariaha —ni yuhtire tina Jesure.

Ti ã nichu Jesu õ sehe ni yuhtire:

21 —Sori numu Sabado jichu cã tahata Cohamacu tuua mehne dohatiriro to dohatiare yu cohãchu musa ñu cãaa wahare. 22 Mari ñuchusuma cjiri panopu macaina sehe ti pjacure mahanocã cahsarocãre yihsoina ti yoariro seheta Moise cjiro yihso dutiha. To ã dutichu Sabado mari sori numu jipachuta masunore to pjacure mahanocã cahsarocãre yihsoina musa. 23 Sabado jichu masunore to pjacure mahanocã cahsarocãre yihsoina musa, Moise cjiro dutiri cjirire yoana tana. ¿Musa cãhu Sabado dachoi tíre yoapanahata tí dachoi dohatirirore jipihtia to pjacure noariro yu yoachu ñuna dohseana yuhu mehne suari musa? 24 Yu yoarire musa noano masierapanahata, yuhure ñano tuhoutuena tjiga. Musa noano masiri baharo yuhure musa tuhoutua potocã tjiaha —nire Jesu.

Jesu wahmanopu to tarirore yahuha

25 To ã ni yahuri baharo mahainacã Jerusalẽ macaina tirore õ sehe ni yahuwajare:

—¿Ahriro judio masa puhtoia ti wajã duariro jierajari? 26 ã tirore ti wajã duapachuta jipihtina panoi masare buhero nina tiro. Wiho mejeta tirore wajã duaina jipahta ã ñunocahna. “Tiro potocãta Cristo jira”, ¿ni tuhobocari puhtoia sehe? 27 Wiho mejeta ahriro Jesu to tarirore sã masija. Cristo sehe masare yuhduchu yoahitiro to tachu to tariro sehere masimahnoerara. ã jiro masare yuhduchu yoahitiro Cristo waro jierara Jesu —ni yahuwajare tina Jerusalẽ macaina.

28 Ti ã niare masino, Jesu õ sehe ni tuaro sañurucu buhere Cohamacu wuhui:

—Yuhure õ sehe ni tuhutura musa: “Tirore masija. ã jina to tariro cãhure masija”, ni tuhutumana musa. Musa ã ni tuhutupanahta yuhure warocarirore ne masierara musa. Yuhure warocariro potocã niriro, potocã yoariro jira. Tirore ne masierara musa. 29 Tirota yuhure warocare. ã jicu tiro cahaputa tahi. ã jicu yuhu sehe tirore masija —nire Jesu judio masare.

30 To ã nichu tuhoa tirore ñaha duamare. Ti ã ñaha duapachuta Jesu to ñano yuhduhti pja duhsasinire. ã jia tina tirore ñaha masierare. 31 Paina masa sehe payu tirore wacũ tua, õ sehe nire:

—Ahriro Jesu sehe payu tahari Cohamacu to tuua mehne yoa ño tuhsure. Jipihtina paina yuhdoro Cohamacu tuua mehne yoa ñohna tiro. ã yoarota Cristo Cohamacu to warocariro tjira ahriro Jesu —nire Jesure wahma wacũ tua duacaina.

Fariseo curua macaina Jesure peresu yoa dutiha

32 Masa Jesure ti ã ni durucuchu tuhoa sacerdotia puhtoia, fariseo curua macaina mehne Jesure ñaha dutia warocaha surarare.

³³ Æ jiro Jesu judio masare õ sehe nire:

—Mahaa dachoricã mûsa mehne jisiniihca. Æ jicû baharocãta yûhure warocariro cahapû wahaihca. ³⁴ Yû jihtopû mûsa waha masierara. Æ jina yûhure macapanahta ne bocasi mûsa —nire Jesu judio masare.

³⁵ To ã nichû tûhoa tina ti basi õ sehe ni durucure:

—¿Ahriro ã nino nohopû wahabocari, mûsa tûhotuchû? ¿Griego masa cahai judio masa waha siteina ti jia macari cjiripû griego masapure buhero wahabocari ahriro? ³⁶ “Yû jihtopû mûsa waha masierara. Æ jina mûsa yûhure macapanahta ne bocasi”, to nichû ¿dohse nino baro ahriro ã nijari? —ni durucure judio masa ti basi.

Catichû yoaa márine yahuha Jesu

³⁷ Bose namari pihtiri dacho tí dachoi Jesu tói ducuro, tuaro mehne sañurucu õ sehe ni yahure:

—Ñahma yapioina core ti tuaro cahmano seheta jipihtia dachoripe Cohamacû mehne mûsa jihtire tuaro cahmaina yûhure siniga. Mûsa ã sinichû Cohamacû yaina mûsare ji dutiitja. ³⁸ Yûhure wacû tuainare õ sehe ni joaa tiha Cohamacû yare ti joari tjuí: “Mári pohtaripû catichû yoaa co to ã wijaarucuro seheta Cohamacû yaina mehne catichû yoariro ã jirucurohca”, ni joaa tiha Cohamacû yare ti joari tjuí —ni yahure Jesu judio masare.

³⁹ Æ catichû yoarirore wama payo yahuro “Yûhure wacû tuainare Espíritu Santo sãarucû sû mûa waharohca”, nino nire Jesu. Tiro mûanopû to mûjaerasinichû Espíritu Santo sehe wihierasiniha.

Judio masa pûa curua tju waha

⁴⁰ Jesu to ã nichû tûhoa, masa payû õ sehe ni durucure:

—Ahriro potocãta Cohamacû yare yahu mûhtariro mari cohtariro jira —nire masa.

⁴¹ Õ sehe nire paina sehe:

—Ahriro Cristo marine yûhdûchû yoahrtiro jira —nire.

Paina sehe õ sehe nire tjoa:

—Cristo taro, Galilea yahpa macariro jisi tiro. Ahriro Jesu sehe tói macariro tjira. ⁴² Cristo Davi cjiro panamino ji turiariro jirohca. Æ jiro Davi ya maca cjiroi Belëi Cristo masa bajuarohca. Õ seheta ni yahura Cohamacû yare ti joari pûi. Ahriro Jesu sehe Belëi masa bajueraha. Æ jiro tiro Cohamacû to warocariro Cristo waro jierara —nire tina.

⁴³ Æ jia Jesure tûhominari cjiri tju ware ti basi pûa curua. ⁴⁴ Mahainacã masa sehe Jesure ñaha duamare. Æ ñaha duapahta tirore ñahaerare.

Judio masa pûhtoa Jesure ne wacû tuaeraha

⁴⁵ Æ yoaa surara sacerdotea pûhtoa cahapû fariseo curua macaina cahapû tjuaa wahaha. Ti tju sûchû ñûa tina surarare sinituha:

—¿Dohseana Jesure ñahaerari mûsa? —ni sinituha tina sehe.

⁴⁶ —Tiro noaputiaro durucuriro jihre. Paina tiro yoaro sehe durucuina ne mariaha —ni yûhtiha surara tinare.

⁴⁷ Ti ã nichû fariseo curua macaina sehe õ sehe ni yahuha:

—¿Mûsare to mahñochû “Potocã nino nica”, niri mûsa cûhû? ⁴⁸ Mari pûhtoa Jesure wacû tuaeraina jia ne tirore cahmaerare. Sã cûhû ã jina tirore cahmaeraja. ⁴⁹ Ahriro masa sehe Cohamacû dutiare Moise cjirore to cûrire masierara. Æ masieraina jia Jesure wacû tuaina jia tirore cahmana. Ti ã cahmari buhiri tinare Cohamacû buhiri dahrerohca —niha fariseo curua macaina.

⁵⁰ Fariseo curua macariro Nicodemo Jesure sãhûduro sãriro cjiro tói jia tina mehne. Ti ã nichû tûhoro õ sehe niha tiro cûhû tinare:

⁵¹ —Jesu to ñano yoarire masieraja mari. Æ masierana tiro marine to yahuhto pano tirore buhiri dahre masieraja mari. Æ masierapanahta

tirore buhiri dahrena, mari ya dutiare yahdurucana nija mari —niha Nicodemo tinare.

⁵² To ã nichu tuhoa õ sehe ni yuhtiha tina:

—¿Muhu cãhu tiro yoaro se-heta Galilea macariro tjijari? Cohamacu yare ti joari tjure buhe pahõoga. Æ buhecã, “Cohamacu yare yahu muhtaina ne cãiro mariaha Galileare”, ni buhe masiica muhu. Æ jiro ã nimacanocano nina Jesu —ni yuhtiha tina Nicodemore.

⁵³ [Ti ã niri baharo ti ya wuhusepu tjuaa wahaha.

8

Muno mehne ñano yoaricorore judio masa puhtoac wacũenoca su pja

¹ Jesu tãcupu Olivo wama tidupu wahare. ² Æ yoa pa dachoi bohrearo jichu Cohamacu wuhupu tiro sure tjoa. To ã suchu ñua masa payu tiro cahai cahmachure. Ti ã cahmachuchu ñano tiro sehe dujitjiãhno tinare buhe ducare. ³ To ã buhero watoi sã coyeya judio masa buheina, fariseo curua macaina mehne tí wuhupu numinore na tare. Ticoro muno mehne to ñano yoachu waro wacũenoca su pja suha tina ticorore. Æ su pja sua ticorore Cohamacu wuhupu na sãare tina. Na sãa su tuhsu jipihtina panoi ticorore duhu dapo, ⁴ õ sehe nire:

—Buheriro, ahricoro muno mehne ñano to yoachu waro wacũenoca ticorore su pja suhi. ⁵ Cohamacu dutiare Moise cjiropu marine to cãri õ sehe nina: “Muno mehne ñano yoaricorore tãa mehne doca, wajãga”, nia tiha Cohamacu dutia. Muhu waro, ¿dohse ni tuhotujari ahrire? —ni siniture tina Jesure.

⁶ Jesu to ñano nichu tuho duaa nimate tina tirore yahusa duaa. Ti ã sinitupachuta Jesu sehe puhsa nuju su, yahpapu to wamo pica mehne joare. ⁷ Æ jiro ã ti ni siniturucuchu Jesu sehe wahcãruca, tinare õ sehe ni yahure:

—Musa mehne macariro ñano yoareriro sehe ticorore tãa mehne doca muhtajaro —nire Jesu.

⁸ Æ ni tuhsu pari turi tiro puhsa nuju, yahpapu joare tjoa. ⁹ Tãre tuhoa ti ñaa yoarire wacã, ti wahmisuma sehe wijaa muhtare. Ti baharo tina mehne macaina cãhu wijaa pihtia wahare. Æ ti wijaa pihtiaro baharo numino tõi ducuricoro Jesu mehne tjuare. ¹⁰ Æ jiro Jesu wahcã nuju su, ticorore õ sehe ni sinitu ñare:

—¿Nohopu wahari tina? ¿Muhure buhiri dahre duamarina mariajari mipure? —nire ticorore.

¹¹ —Mariaha, puhtoro —ni yuhtire ticoro.

—Yuhu cãhu buhiri dahreraja muhure. Wahaga. Æ jico ñaare yoa namoeco tjiga —nire Jesu ticorore.]

Buhriaro marine to ñu masichu yoaro sehta Jesu ahri yahpa macainare Cohamacure masichu yoara

¹² Pari turi Jesu tí wuhupu jiinare õ sehe ni yahure:

—Buhriaro marine to ñu masichu yoaro sehta yuhu ahri yahpa macainare Cohamacure masichu yoaja. Yuhure wacũ tuariro jipihia dachoripe Cohamacu mehne ã jirucurohca. Æ jiro tiro noare wacũnohca. Æ yoa tiro ñaare wacũ duasi —ni yahure Jesu.

¹³ To ã nichu tirore fariseo curua macaina õ sehe nire:

—Muhu mu basi mu jia tiare ã ni durucui nina. Æ jia mu õ sehe ni, mu mu sãro mu nimacanocachu tí yaba cjihti jierara —nire tina Jesure.

¹⁴ Ti ã nichu Jesu õ sehe ni yuhtire:

—Yu tariore masija yuhu. Yu wahato cãhure masija yuhu. Musa sehe ne tãre masierara. Musa õ sehe nipachuta yu jia tiare musare yu yahuri potocã tjira. ¹⁵ Musa mu sãro musa ñuri dihtare masina musa. Æ jina noano masierara musa. Æ masierapanahta yuhure ñano ni durucura musa. Yuhu sehe yu mu sãro masare ne ã nieraja. ¹⁶ Æ jicu masa ti jia tiare ñu masichu yu mu sãro ñu masieraja.

Yuh pini yu Puc yuhure warocariro mehne ñ masija. Ñ jicu masa ti jia tiare yu ñ masia tí potocã tjira. ¹⁷ Músare dutia ti joari pui õ sehe ni yahura: “Púaro masa cūno potori ti yahuch ti yahua potocã tjira”, ni yahu joari jira. ¹⁸ Yuhure yahuriro mehne sã púaro tjija. Yuh yu jia tiare yahuja. Tuhs, yu Puc cūh yahura yuh sehere. Tirota jira yuhure warocariro —nire Jesu.

¹⁹ —¿Nohopu jicari mu Puc? —ni siniture tina.

—Yuhure musa masierara. Yu Puc cūhure masierara musa. Yuhure masina, yu Puc cūhure masiboa musa —ni yuhure Jesu tina.

²⁰ Jesu tina buhero ã ni durucure Cohamac wuh ti niñeru duhu sã caa poca cahai. To ñano yuhdhti pja dūhsasinire. Ñ jia tina mehne to jipachuta tina tirore ñahaerare.

“Yu wahahtopure musa sehe waha masisi”, niha Jesu

²¹ Pari turi Jesu tina õ sehe ni yahure tjoa:

—Yu tariropu wahaihca. Yu wahari baharo yuhure macanahca musa. Ñ jina musa ñaa buhiri tiina yarianahca. Yu wahahtopure musa sehe waha masisi —ni yahure Jesu.

²² —“Yu wahahtopure musa sehe waha masisi”, ¿to nichu tūhoa ahriro to basi wajã yariarohcari ã nino? —nire sã coyera judio masa ti basi.

²³ Ti basi ti ã nichu masino õ sehe ni yahure Jesu tina:

—Musa sehe ahri yahpa macaina jira. Yuh sehe musano macariro jija. Ahri yahpai bajarina jira musa sehe. Musanopu tariro jija yuh sehe. ²⁴ Musa yu jia tiare yu nirire “Potocã jierara” nina, musa ñaa buhiri tiina yarianahca musa. Ñ jicu “Musa ñaa buhiri tiina yarianahca musa”, nimahi musare —nire Jesu tina.

²⁵ —¿Noa baro jijari muh? —ni siniture tina.

—Wahmanopure yu nirucuriro se-heta jija yuh. ²⁶ Musare yu yahuhti pjíro dūhsasinina. Tuhs, musa ñano

yoari buhirire musare yu yahuhto cjihto pjíro dūhsasinina mini. Ñ jicu yuhure warocariro to yahuri cjirore ahri yahpa macainare yahuja. To yahuri potocã tjira —nire Jesu tina.

²⁷ “Yuhure warocariro”, to nichu tūhoa “Mari Puc jica”, ni tūhotuerare tina. ²⁸ Ti ã ni tūhotuerachu ñano Jesu õ sehe ni yahure tina:

—Yuhure masunore Cohamac warocarirore musa yucuc taño mehne wahcõ daponahca. Musa ã yoana, “Tiro Cohamac warocariro tjira”, ni masinahca. Ñ jina yu mu sūro yu yoerariro yu jia tiare masinahca musa. Ñ jina yu Puc yuhure to buheri dihtare yahuriro yu jia cūhure masinahca musa. ²⁹ Yuhure warocariro sehe yuh mehne jira. To cahmaare jipihtia dachoripe yoarucuja. Ñ jiro yuhure tiro ne cohāerara —nire Jesu tina.

³⁰ To ã nichu tūhoa, tirore masa payu wacū tuare.

Cohamac pohnare, ñaare yoaina cūhure yahuha Jesu

³¹ Ñ jia paina judio masa Jesure wacū tuare. Ñ jiro Jesu tina õ sehe ni yahure:

—Yu dutiare yoa pahñoina jina, potocãta yu buheina jira musa. ³² Ñ jina potocã masinahca musa. Potocã jiare masina, ñaa yoare duhu masinahca. Ñ jina cahamaca yoaro sehe ji namosi musa —nire Jesu tina.

³³ To ã nichu tūhoa tina õ sehe ni yuhure:

—Sã sehe panopu macariro Abrahã cjiro panamana ji turiaina jija. Ñ jina ne paina ti cahamaca jieraja sã. Ñ jicu “Cahamaca yoaro sehe ji namosi” nicu, ¿dohse jiro baro sãre ã nijari muh? —ni siniture tina Jesure.

³⁴ Ti ã nichu tūhoro õ sehe nire tiro: —Potocã musare niita nija. Jipihtina ñaare yoaina sehe ti ñaa yoare duhu masierara. Ñ jia tí ñaa sehe ti pūhtoro yoaro sehe jira. Ñ jiina jia cahamaca yoaro sehe jira tina.

³⁵ Cahamacuño sehe to puhtoro ya curua macariro jipihtia dachoripe jirucuerara. Ñ jiro painare dutiriro jierara. Tí wuhu macariro sehe to macuño sehe jipihtia dachoripe potocãta tí curua macariro jira tiro. (Yuhu sehe Cohamacu macuño jija. Ñ jicu dutiriro jija. MUSA ñaa yoare duhu dutihtja.) ³⁶ Ñ jina yuhu Cohamacu macuño ñaare yu duhuchu yoarina jina potocãta ñaare duhurina jira MUSA. (Ñ jina tí ñaa cahamaca yoaro sehe ji namoerara MUSA.) ³⁷ Abrahã cjiro panamana ji turiaina MUSA jichu masija. Ñ jipanahta yu yahua sehere tuho duaerara MUSA. Ñ jina yuhure wajã duara MUSA. ³⁸ Yu Pucu yuhure to masichu yoari cjirire yahuja MUSA. Yu ã yahupachuta MUSA pucu watino MUSA to dutiare yoara MUSA cãhu — nire Jesu tinare.

³⁹ —Abrahã cjiro panopu macariro sã ñuchu cjiro jia tiha. Ñ jiro watino sã pucu jierara —ni yuhtire tina.

Ti ã nichu Jesu õ sehe ni yuhtire:

—Abrahã panamana jina, to yoariro seheta yoaboa MUSA. ⁴⁰ Cohamacu yuhure potocã to yahuare MUSA yu yahupachuta yuhure wajã duara MUSA. Abrahã cjiro sehe ne ã yoera tiha. ⁴¹ MUSA pucu to yoariro seheta yoara MUSA — nire Jesu tinare.

To ã nichu tina õ sehe ni yuhtire:

—Wamomaca duhtemahnoeraina pohna jieraja sã. Cãirota jira sã Pucu. Tirota jira Cohamacu —nire tina.

⁴² Ti ã nichu Jesu õ sehe ni yuhtire:

—Cohamacu mehne macariro jicu, õpuru tahi. Ñ jina Cohamacu MUSA Pucu to jichu yuhure cahãboa MUSA. Yu mu sũro taerahi yuhu pinihta. Cohamacu to warocachu tahi õpuru. ⁴³ ¿Dohseana yu durucuaru tuhoerajari MUSA? Yu yahuare tuhona bihoerara MUSA. Ñ jina tuho duaerara MUSA. ⁴⁴ MUSA pucu sehe watino jira. Ñ jina watino cahmaa sehere

yoa duara MUSA. Ahri yahpa wahmanopu to ji ducachuru, mipu cãhure tiro masare wajãrucuriro jira. Tirore potocã durucua mariahna. Ñ jiro tiro potocã ne durucuerara. Tiro wahmanopure mahño muhta ducariro jia tiha. Ñ jiro tiro ã mahnorucuriro jiro, mahnoare yahura. ⁴⁵ Yuhu sehe MUSA potocã yahuja. Ñ yu yahuchu yuhure tuhoerara MUSA. ⁴⁶ “Muhu ñano yoariro jira”, yuhure ni masierara MUSA. ¿Potocã MUSA yu yahupachuta dohseana tuhoerajari MUSA? ⁴⁷ Cohamacu pohna sehe to durucuaru tuhora. To pohna jierana, to durucuaru tuho duaerara MUSA — nire Jesu tinare.

Abrahã cjiro to jihto pano Cristo sehe ji muhta tuhsu tiha

⁴⁸ To ã nichu tuhoa judio masa tirore õ sehe nire:

—“Muhu Samaria macariro jira. Ñ jicu tuho masierariro watino to cohtotariro jira MUSA”, sã niri potocã tjira —nire tina Jesure.

⁴⁹ Ti ã nichu tuhoro õ sehe ni yuhtire Jesu:

—Tuhõ masierariro, watino to cohtotariro jieraja yuhu. Yu Pucuru ño payoja. MUSA sehe yuhure ño payoerara. ⁵⁰ Yuhure masa ti ño payohtire macaeraja yuhu. Yu Pucu sehe masare yuhure ño payo dutira. Tiro pinihta yu jia tiare noano ñu masino, ãta ño payo dutira. Tuhsu, yuhure ti cahmaerari buhiri buhiri dahreriro jirohca tiro. ⁵¹ Potocãta MUSA nũ nija. Yu dutiare yoariro jipihtia dachoripe Cohamacu mehne ã jirucurohca —nire Jesu.

⁵² To ã nichu tuhoa õ sehe nire tina:

—Mipu pinihtare tuho masierariro, watino to cohtotariro mu jichu sã noano masija. Abrahã cjiro yariaa wahaha. Cohamacu yare yahu muhtaina cjiri cãhu yaria pihtia wahaha. Ñ jicu “Yu dutiare yoariro jipihtia dachoripe Cohamacu mehne ã jirucurohca” nicu, ¿dohse nicu ã nijari MUSA? ⁵³ ¿Sã ñuchu cjiro Abrahã yuhdoro tuajari MUSA? Tiro

cjiro, Cohamacu yare yahu mahtaina cjiri cahu yariaa wahaha. ¿Muhu sehe diro baro jijari mahu ã ni durucucu? Muhu ã niboriro jierara —nire tina.

⁵⁴ Ti ã nichu tãhoro Jesu ò sehe ni yahu namore:

—Yuhu yu basi “Tuariro jija yuhu” nicu, tuariro jieraboca yuhu. Yu Pucu sehe “Tiro tuariro jira”, nina yuhure. “Sã yairo Cohamacu”, musa niriro sehe yu Pucu tjira. ⁵⁵ Musa sehe yu Pucure ne masierara. Yuhu sehe tirore masija. “Tirore masieraja” nicu, musa yoaro seheta mahñoa payuiri jiboa yuhu. Potocãta tirore masija. ã jicu to dutiare yoaja. ⁵⁶ Ahri yahpau yu tahtore mari ñuchu cjiro Abrahã cjiro masia tiha. ã masino tiro wahchea tiha —nire Jesu.

⁵⁷ To ã nichu tina ò sehe ni yuhtire:

—Muhu cincuenta cuhmari cjuerasinica. Abrahã cjiro panopu macariro jira. ¿Mipure tiro cjirore mahu dohsea masiboari? —nire judio masa Jesure.

⁵⁸ —Potocã musare niita nija. Abrahã to jihto pano yuhu sehe ji mahta tuhsua tii —nire Jesu tinare.

⁵⁹ To ã nichu tãhoa tina sehe tãare na, tirore doca duamare. Ti ã doca duapachuta Jesu sehe Cohamacu wãhi jiriro duhti wijaa wahare.

9

Capari ñerarirore ñuchu yoaha Jesu

¹ ã yoa Jesu sã to buheina mehne mahai wahana paioire capari ñerarirore boca sui. Tiro wahma masa bajuaroputa capari ñerariro jia tiha. ² Sã cahu tirore ñana, ò sehe ni sinitu ñahi Jesure:

—¿Buheriro, ahriro dohsearo capari ñerariro masa bajua tiari? ¿Ñaaare yoaa tiari ã waharo? ¿O to pucsuma sehe ñaaare yoaa tiari to ã wahachu? —ni sinitu ñahi sã sehe Jesure.

³ Sã ã nichu tãhoro ò sehe ni yuhtire tiro:

—Ahriro to ñaaare yoari buhiri capari ñerariro wahaerare. To pucsuma cahu ñaaare ti yoari buhiri

capari ñerariro wahaerare. Cohamacu sehe tirore capari ñerachu yoare tirore ñuchu yoaro taro masare to ñohtire. ⁴ Yuhure warocariro to cãrire mipure yoaro cahmana yuhure. Ñamipure mari dahra masieraro seheta baharopu yuhure warocariro to cãrire yoa masieraja yuhu. ⁵ Ahri yahpau buhriaro marine to ñu masichu yoariro seheta jiriro jicu ahri yahpa macainare Cohamacu yare masichu yoaja yuhu —nire Jesu.

⁶ ã ni tuhsurota yahpau chahcho puti cãre. To ã chahcho puti cãrire dahra more, capari ñerarirore to caparire wisõre. ⁷ ã wisõno ò sehe nire Jesu:

—Siloé wama tiri copai cuhsari copai mu caparire cosai wahaga —nire Jesu. (Siloé sã ya dusero mehne nia “Warocari copa”, nia nire.)

Jesu to caparire cosa dutiriro sehe waha, cosa, capari ñerarirore tju wihire. ⁸ To tju wihichu tiro cahai jiina tirore ñure. Tó pano niñeru siniriro cjiro to jichu ñarina tirore ò sehe nire ti basi:

—¿Ahriro sohõ jiriro niñeru siniriro cjiro jierajari? —nire tina.

⁹ —Tirota jira wiho —nire paina sehe.

—Tiro jierara. ã jieraparota tiro yoaro sehe bajuriro jira —nire paina.

Ti ã nichu tãhoro capari ñerariro cjiro sehe ò sehe nire:

—Tiro tjija yuhu —nire tinare.

¹⁰ To ã nichu masa tirore ò sehe ni siniture:

—¿Capari ñerariro cjiro jicu dohse waha ñari mahu? —ni siniture tina tirore.

¹¹ —Jesu wama tiriro dihta sohãare dahra more, yu caparire wisõre. Yuhure wisõ tuhsu “Siloé wama tiri copau mu caparire cosai wahaga”, to nichu cosai suhi yuhu. Yu ã cosari baharo yu capari noano bajure yuhure —ni yahure tiro masare.

¹² —¿Muhure ã yoariro nohopu jicari tiro? —nire tina.

—Bãh. Nohoi jiro jica —nire tiro.

Capari ñerariro cjirore fariseo curua macaina sinituha

¹³ Ñ ni durucu tuhsu tina capari ñerariro cjirore fariseo curua macaina cahapu naahre. ¹⁴ Tí dacho Jesu dihta sohãare dahra more capari ñerarirore noariro to yoari dacho Sabado dacho jire. Tí dacho sã sori namu jire. ¹⁵ Ñ jia fariseo curua macaina sehe tirore õ sehe ni sinituha tjoa:

—¿Dohse yoa mahu ñuri? —ni sinituha tina.

—Dihta sohãa mehne yu caparire wisõhre. Ñ jicu yu caparire yu cosari baharo ñu ducahi yuhu —ni yahuha tiro tinare.

¹⁶ —Tiro Sabado dacho mari sori namu mari dahra dutierari namu dahra. Ñ jiro tiro Cohamacu yairo jierara —niha paina fariseo curua macaina sehe.

Paina sehe õ sehe niha:

—Ñaare yoariro õ sehe noariro wahachu yoa masierara. Ñ jiro tiro noariro jiboca —niha paina.

Ñ jia tina puu curua ti basi tju waha. ¹⁷ Ñ jia pari turi tina capari ñerariro cjirore õ sehe ni sinituha tjoa:

—¿Muhure mu caparire noano yoarirore mahu waro dohse ni tuhutujari Jesure? —niha tina tirore.

—Tiro potocãta Cohamacu yare yahu muhtariro jira —niha capari ñerariro cjiro.

¹⁸ Wahmanopure judio masa õ sehe ni tuhutumaha: “Ahriri capari ñerariro cjiro jierara”, ni tuhutumaha tina. Ñ ni tuhutua capari ñerariro cjiro pucsumare pjirocaha tina. ¹⁹ Pjiroca tuhsu, to pucsumare õ sehe ni sinituha fariseo curua macaina puhto:

—¿Ahriri potocãta masa macu jijari? ¿Dõihta tiro capari ñerariro masa bajuari? ¿Potocãta capari ñerariro cjiro jiparota dohsearo ñajari mipure? —ni sinituha tina to pucsumare.

²⁰ —Ahriri sã macuta jira. Ñ yoa dõihta capari ñerariro masa bajua tire tiro. ²¹ Tíre masipanahta to

ñurire, tirore ñuchu yoariro cãhure masieraja sã. Sã macure sinituga. Bucuro jira tiro. Tiro to basi yahu masina —niha to pucsuma.

²² Judio masa sã puhtoah manopure õ sehe nia tiha:

—“Jesuta Cristo Cohamacu warocariro jira”, niinare mari buhea wuhusepu sãa dutisi sã —nia tiha judio masa puhto.

Ti ã nichu tuhoa capari ñerariro cjiro pucsuma sehe judio masa puhtoare cui niha. ²³ Ñ cuia, “Bucuro jira tiro. Tiroreta sinituga”, niha tina judio masa puhto.

²⁴ Baharo judio masa sã puhto pari turi capari ñerariro cjirore pjirocaha tjoa. Pjiroca tuhsu, õ sehe niha tirore:

—Cohamacu mehne poto yahuga mahu. Jesure mahñoriro to ñaa yoariro jichu sã masija. Ñ jicu poto yahuga sãre —niha judio masa capari ñerariro cjirore.

²⁵ Ti ã nichu tuhorõ õ sehe ni yuhtiha tiro:

—Jesure to ñaa yoariro to jichu masieraja yuhu. Cũnota masija yuhu. Panopure capari ñerariro jia ticuru yuhu. Mipu sehere ñuja yuhu. Tí dihtare masija yuhu —ni yuhtiha capari ñerariro cjiro tinare.

²⁶ —¿Dohse yoari mähure tiro? ¿Mu capari ñuhto cjihtore dohse yoari tiro mähure? —ni sinituha tina tjoa.

²⁷ —Tíreta musare yahu tuhsamahicu yuhu. Yu ã ni yahupachata musa ne tuho duaerare yuhure. ¿Dohse yoa duana pari turi yu yahuchu tuho duajari musa? ¿Musa cãhu to buheina ji duajari? —niha tiro tinare.

²⁸ To ã nichu tuhoa tina tuhtiha tirore:

—Mahu Jesu buheriro jira. Sã sehe Moise cjiro buheina jija. ²⁹ Potocãta Cohamacu Moise cjirore durucua tiha. Jesu to tarirore sã masieraja —niha tina capari ñerariro cjirore.

³⁰ Ti ã nichu õ sehe ni yuhtiha tiro: —¿Tiro to tarirore musa masierachu yuhure ñuchu yoariro jiro Cohamacu warocariro jierabocari

tiro? ³¹ Cohamacu ñaa yoainare ti siniare tahoerara. Tí pinihtare mari masija. Tinare tahoeraparota Cohamacure ño payorirore, to dutiare yoarirore to siniare tahoma Cohamacu. ³² Wahmanopure ahri yahpa to ji ducachupure ne coã masa bajaropu capari ñerarirore ne cãiro baro ñuchu yoariro mariea tiha. ³³ Ñ jiro Jesu Cohamacu warocariro jieraro yuhure ñuchu yoeraboa tiro —niha tiro tinare.

³⁴ —Muhu dóihata ñariro jia tiha. ¿Ñ jipacata sãre buhe duajari muhu? —niha judio masa sã puhto tirore.

Ñ ni tuhsuata tina tirore cohã wionocaha.

Jesu yare cahmaeraina capari ñeraina ti ñu masieraro seheta Cohamacure masierara

³⁵ Ñ yoa capari ñerariro cjirore ti cohã wiorire Jesu tahoma. Ñ tahoma capari ñerariro cjirore boca saro, tirore õ sehe ni siniture:

—¿Masunore Cohamacu warocarirore wacũ tuajari muhu? —nire Jesu.

³⁶ —¿Puhtoro, noa jijari tiro? Tirore masicu wacũ tuaihtja tirore —nire capari ñerariro cjiro Jesure.

³⁷ —Tirore ñu tuhsure muhu. Mipure muhu mehne durucuriro tiro tjija yuhu —nire Jesu capari ñerariro cjirore.

³⁸ —Puhtoro, muhure wacũ tuaja —nire capari ñerariro cjiro.

Ñ ninota tiro Jesu panoi na tuhcuca caha su, tirore ño payore.

³⁹ To ñ ño payochu ñuno õ sehe nire Jesu:

—Noaina, ñaina cãhu ti yoarire masichu yoai tai ahri yahpapure tahi. Capari ñeraina ti ñu masieraro seheta tina yoaro sehe jiina yu Pucure masierara. Ñ masierainare yu Pucure masichu yoai tai tahi yuhu. “Sã noano masija”, ni tãhotumarina noano ti masierarire masichu yoai tai tahi yuhu —nire Jesu.

⁴⁰ To ñ nichu tãhoa mahainacã fariseo curua macaina tirore õ sehe nire:

—“Capari ñeraina ti ñu masieraro seheta noano masierara musa cãhu”, ¿nii nijari muhu sãre? —nire fariseo curua macaina Jesure.

⁴¹ Ti ñ nichu Jesu õ sehe nire:

—Capari ñeraina ti ñu masieraro seheta potocã musa noano masierachu, musare buhiri mariaboa. “Sã noano masiina jija”, musa niri buhiri buhiri tiina jisina musa mipure —nire Jesu tinare.

10

Ovejare ñu wihboriro quitire yahuha Jesu

¹ Baharo quitire mehne piti dahre buhero taro õ sehe nire Jesu:

—Potocãta nii nija musare. Ovejare wihbori sahrino sopacai sãerariro, sopaca marienopu sãariro sehe yaca bucuro jira. ² Sopacai sãariro sehe ovejare ñu wihboriro jira. ³ Sopacare cohtariro sopacare pjõohna ovejare ñu wihboriro to sãahto sehe. Ovejare ñu wihboriro to durucuchu tãho tara to nuina oveja peri. Tinare pjirocaro, ti wama mehne pisurocarucura tiro. Ñ yoaro tinare sahrinopu jiiinare pji wiorucura sopacapu. ⁴ To yainare jipihtinare pji wio tinare mu tãrucura. Oveja sehe to durucuaru masia, to baharo nunu tirucura. ⁵ Pairore ti masierarirore nunu tierara tina. Ñ jia paina ti durucuaru tãhoa, cui marocaa wahara —nire Jesu tinare.

⁶ Ahri quitire to ñ yahupachuta to yahuare tãho ñahaerare tina.

Jesu ovejare noano ñu wihboriro yoaro seheta to yainare noano ñu wihbora

⁷ Pari turi Jesu tinare õ sehe ni yahure tjoa:

—Potocãta musare nii nija. Ovejare wihbori sahrino sãari sopaca yoaro sehe jija yuhu. ⁸ Jipihtina yu pano tarina quihõno yu durucuaru buheraina, ovejare ñu wihbo mahõina yacaina yoaro sehe jira. Ti ñ jipachuta yu yaina sehe oveja yoaro sehe jiina painare ne tãho wahcãerara. ⁹ Yuhu ovejare wihbori sahrino sãari sopaca yoaro sehe

jija. Tí sopacai sãaina yoaro sehe tjira yũhũre wacũ tuaina. ã jicũ yũhũ tinare pichacapũ wahaborinare yũhdũchũ yoaihtja. Oveja sehe tinare ñũ wihboriro mehne ti cahmaare bocaro yoaro seheta yũ yũhdũchũ yoaina cũhũ yũhũ mehne ti cahmaare bocaahca. Yũhũ tinare noano dũcata, noano ñũ wihboihca —nire Jesu.

¹⁰ ã ni tuhsũ õ sehe ni namore:

—Mũsare mahñoare buheina, ovejare ñũ wihbo mahñoina sehe ovejare yacaina yoaro sehe jira. Yacaa taa, wajãa taa, dojomehnea taa tara tina. Wiho mejeta yũhũ sehe yũ yainare, oveja yoaro sehe jinare, tuaro waro ti wahchea mehne ã catirucuchũ yoai tahi. ¹¹ Ovejare noano ñũ wihboriro yoaro sehe jija yũhũ. Ovejare noano ñũ wihboriro tinare noano dũcata, to variahtore ne cuierara. Tó yoaro seheta yũhũ cũhũ yainare noano dũcata, yariahca, tinare ne soro wahaerahto sehe. ¹² Oveja pũro cahamacũno sehe potocã ovejare ñũ wihboriro jierara. ã jia oveja to yaina jierara. ã jiro yairo ovejare to chũro tachũ ñũno to cahamacũno sehe ovejare cohã cũnocã, mũrocaa wahara. To ã cohã cũri baharo, yairo ovejare to ñahachũ ñũa oveja peri mũroca site wahcãa wahara. ¹³ To cahamacũno sehe to wapataa dihtare cahmana. ã jiro tiro ovejare noano ñũ wihbo ji coerara —nire Jesu.

¹⁴ ã ni tuhsũ õ sehe ni namore:

—Ovejare noano ñũ wihboriro yoaro sehe jija yũhũ. ã jicũ yũ yainare masija yũhũ. ã jia yũ yaina sehe yũhũre masina. ¹⁵ Tó seheta yũ Pũcũ cũhũ yũhũre masina. ã jicũ yũhũ cũhũ yũ Pũcũre masija. Oveja yoaro sehe jiina yũ yaina Cohamacũ mehne ti ã jirucuhti cjihire yariaihca yũhũ. ¹⁶ Paina oveja pa sahrĩno macaina yoaro sehe jiina paina masa cũhũ yũ yaina jiahca. Tina cũhũre naaihca. ã jia yũ durucuchũ tũho wahcãahca tina cũhũ. ã jia yũ yaina jipihtina cũ curuata jiahca. ã jicũ yũhũ dihta yũ yainare ñũ wihboihca —nire Jesu.

¹⁷ ã ni tuhsũ õ sehe ni namore:

—Yũ yaina Cohamacũ mehne ti ã jirucuhti cjihire yariaihca. Yũ yariari baharo masa mũjaihca. Yũ ã yoahitiro jichũ yũ Pũcũ yũhũre cahĩna. ¹⁸ Yũ wajã dutierachũ yũhũre wajã masieraboa tina. Yũ cahmano seheta yũhũre wajãahca. ã jicũ yũ yaina Cohamacũ mehne ti ã jirucuhti cjihire yariaihca. Yaria masija yũhũ. ã yoa masa mũja masija. Yũ Pũcũ yũhũre tíreta yoa dutire —nire Jesu.

¹⁹ To ã nichũ tũhoa judio masa pũa curua tju ware. Paina soro tũhotu, paina cũhũ soro tũhoture:

²⁰ —Tiro watĩno to cohtotariro jira. ã jiro tũho masierariro jira. ¿Dohseana tirore pari turi tũhojari mũsa? —nire paina payũ judio masa.

²¹ Paina sehe õ sehe nire:

—Watĩno to cohtotariro jiro ã ni durucueraboa. Capari ñũerarirore ñũchũ yoa masierara watĩno to cohtotariro. ã jiro tiro watĩno to cohtotariro jierara —nire paina judio masa.

Judio masa Jesure cahmaeraha

²² Pa dachoi sã coyera judio masa Jerusalẽi bose mũmũri yoaa nire pari turi. Cohamacũ wũhũre panopũ tirore ti wari cjirire ti wacũhti dachori jire. Tí pjare puhuro jire. ²³ Tí dachoi Salomo wama tiri tahtiapũ Cohamacũ wũhũi jiri tahtiapũ Jesu ñũ tinino nire. ²⁴ Tí tahtiapũ to jichũ ñũa sã coyera judio masa tiro cahapũ cahmachu, tirore õ sehe ni siniture:

—Yoaputiari pja sãre noano yahueraca mũhũ. Poto sãre noano yahu bahrañoga mũhũ. ¿Cristo Cohamacũ to warocariro tjijari mũhũ? —nire tina Jesure.

²⁵ Ti ã nichũ tũhorõ õ sehe ni yũhtire Jesu:

—Mũsare yahu tuhsũmajacũ yũhũ. Yũ ã yahupachũta yũhũre tũho du-aerare mũsa. Yũ Pũcũ yũhũre to dutiriro seheta to tuua mehne yoa ñoja. ã yoacũ yũ Cristo jiareta mũsare ñoi nija. ²⁶ Yũ ã ñopachũta yũhũre tũho duaerara mũsa. Mũsa sehe yũ yaina jierara. ã jina paio yaina oveja

yoaro sehe jiina jina, yuhu sehere tuhorerara musa. ²⁷ Ovejare ñu wihborirore to yaina ti tuhoro sehetu yuhu cūhure yu yaina tuhoro. Æ jicu yu yainare masija yuhu. Æ jia tina yuhu mehne wahara. ²⁸ Æ jicu jipihtia dachoripe Cohamacu mehne Æ catirucuchu yoaja tinare. Æ jia tina sehe pichacapu ne wahasi. Æ jia yu yainare yu ñu wihbochu paina sehe ne cūirore yuhure ma masierara tinare. ²⁹ Æ yoa yu Pucu yu yainare yuhure wariro jipihtina yuhoro tuariro jira. Æ jiro yu Pucu sehe yu yainare to ñu wihbochu, ne cūiro tiro cūhure ma masierara tinare. ³⁰ Yuhu yu Pucu mehne cūirota jija —nire Jesu judio masare.

³¹ To Æ nichu tuhoa judio masa sehe tirore ti doca wajāhti tāare pari turi namare tjoa. ³² Ti Æ yoachu ñuno Jesu ò sehe ni siniture tinare:

—Yu Pucu ya tuua mehne payu tahari yoa ñomahi musare. ¿Di baro sehere yu yoari buhiri yuhure tāa mehne doca wajā duajari musa? —ni siniture Jesu.

³³ To Æ nichu tuhoa ò sehe nire tina: —Cohamacu tuua mehne mu yoa ñori buhiri muhure tāa mehne doca wajā duaeraja sā. Cohacure mu ñano durucuri buhiri muhure tāa mehne doca wajā duaja sā. Masuno jipaihta “Cohamacu jija yuhu”, mu nia buhiri mehne muhure tāa mehne doca wajā duaja sā —ni yuhtire tina.

³⁴ Ti Æ ni yuhtichu tuhoro Jesu tinare ò sehe ni yahure:

—Musa cūhure “Cohamana”, ni pisura Cohamacu. Æta ni joaa tiha to dutiare ti joari pūi. ³⁵ Cohamacu yare ti joari pū quihōno to jichu mari masija. “Mahñoa jira”, tí pūre ni masieraja mari. Æ jiro to yare masiinare potocāta tiro “Cohamana”, ni pisura. ³⁶ Cohamacu yuhure besetjāhno, ahri yahpapure warocare. Æ jicu yuhu “Cohamacu macuno jija”, yu niri buhiri “Cohacure ñano durucuro nina Jesu”, nina musa yuhure. ¿Dohseana yuhure Æ nijari musa? ³⁷ Yu Pucu to cahmariro

sehetu to tuua mehne yu yoa ñoerachu pinihtare yu buherire “Potocā tjira”, nieraboca musa. ³⁸ Yu Pucu to tuua mehne yu yoa ñopachuta yuhu sehere tuho duaeraboca musa. Æ tuho duaerapanahta to tuua mehne yu yoa ñochu ñuna yu yoarire “Potocā tjira”, niga musa. Musa Æ nina, yu Pucu mehne sā cūno potori sā jichu masinahca musa. Æ jina yuhu yu Pucu mehne cūno potori yu jichu masinahca musa. Æ jina tuho ñahanahca musa —nire Jesu tinare.

³⁹ To Æ nichu tina pari turi tirore ñaha duamare. Ti Æ ñaha duachu ñuno tiro duhti wijaa wahare.

⁴⁰ Æ wijaariropata João masare to bautisa muhtaripuru Jordão sie sehe pari turi wahare tjoa. Tópu suru tjuanocare tiro. ⁴¹ Æ jia masa payu tirore ñua sare. Ò sehe nire tina ti basi:

—João sehe Cohamacu tuua mehne yoa ñoerare. Æ to yoa ñoerapachuta jipihtia Jesure to yahuri cjiri sehe potocāta jira —nire masa ti basi.

⁴² Æ jia tópure masa payu wacū tua ducare Jesure.

11

Lázaro wama tiriro yariaa wahaha

¹ Æ yoa cūiro Lázaro wama tiriro to wahmiosānumia María, Marta cūhu mehne Betania wama tiri macai jia tire. Tiro cū numu dohatia wahari jire. ² Tiro wahmiono María sehe baharo Jesu to dahporire me sitia wisō, to pjoari mehne tirore pahā cohāhticoro jiri jire. ³ Æ yoa to dohatia wahachu ñua, to wahmiosānumia sehe painare Jesure yahu dutirotari jire:

—Puhtoro, mu cahñiro dohatiro nina —ni yahu dutirotari jire Lázaro wahmiosānumia.

⁴ Tí quitire tuhoro ò sehe nire Jesu: —Mipure Lázaro to dohatia to yarihtu cjihiti jierara. Cohamacu tuaare masare ñohti cjihiti mipure tiro dohatira. Æ jia yuhu to macuno tuariro yu jia cūhure ñuahca masa —nire Jesu.

⁵ Jesu Martare, to bahoro cūhure, Lázaro cūhure tuaro cahĩa tire. ⁶ Ā nino Lázaro dohatiriro to jichu tuhohparota tói Jesu sehe pua dacho tjuasinire. ⁷ Pua dacho baharo Jesu ō sehe nire säre to buheinare:

—Pari turi Judea yahpapu tjuaa wahajihna tjoa —nire säre.

⁸ —Buheriro, canupucāta judio masa tó macaina mūhure tãa mehne doca wajã duamare. ¿Dohseacu tópu pari turi tjuaa waha duajari mūhū? —nihi sã to buheina.

⁹ Sã ã nichu tuhoro, tirore ti wajã masierasininore yahuro, piti dahre buhero säre ō sehe nire:

—Pjıro tuhutuena tjıga. Cū dachore doce horari waro jira. Sū dacho macariro to jisinchu, noano ñuja mari. Ā jina dachore tinina ne puha tu mūa boraeraja mari. ¹⁰ Wiho mejeta nahitianoi tiniina sehe puha tu mūa boraah wahara. Sū dacho macariro mariachu noano ñuerara tina —nire Jesu. (Ā nino ō sehe nino niri jimare: “Mıpure yu Pucu yare yu yahu pahñohto dūhsasinina. Ā jia yūhure wajã masierasinina”, nino niri jimare.)

¹¹ Ā nino säre ō sehe ni yahu namore tjoa:

—Mari mehne macariro Lázaro, carĩno nica. To ã carĩpachuta yūhu tirore wahcōi wahaihtja —nire säre.

¹² —Puhtoro, Lázaro carĩro jiro, yūhdūrohca —nimahi sã.

¹³ Sã ã nipachuta Jesu “Carĩno nica” nino, “Yariaa wahaca”, nino niri jimare. To ã nichu tuhona “Lázaro soro nica”, ni tuhutumai sã sehe. ¹⁴ Sã ã ni tuhouchu masino Jesu potu yahure säre:

—Lázaro yariaa wahaca. ¹⁵ Yu marieno to yariachu, noa nina. Ā jina mūsa yūhure wacū tua namonahca. Mūsa yu jia tiare masi namo, mūsa yūhure wacū tua namohti cjihti jia ahca ahri. Ā yoana basata. Mari ñuna wahajihna to cahapu —nire Jesu.

¹⁶ Toma sūhdūariro wama tiriro ō sehe nire säre:

—Mari cūhu Jesu mehne wahajihna. Tirore wajãa, mari cūhure wajãjaro —nire Toma.

Jesu ã jirucuchū yoariro masare masoriro jira

¹⁷ Ā yoa sã tópure sã suna cahachu waro tó macaina ō sehe ni yahure Jesure:

—Pitia dachori wahara Lázaro cjirore masa copapu ti siō sãari baharo —ni yahuha tirore.

¹⁸ Betania wama tiri maca sehe Jerusalē cahacāi tia kilómetro yoaro jire. ¹⁹ Ā jia Lázaro to yariari baharo, payu Jerualē macaina sã coyua judio masa Martare, María cūhure ñahacaha tiia taa tari jire. ²⁰ Tópure sã suna cahachu tuhoro, Marta sehe säre piti bocaro wihire. Wiho mejeta to bahoro María sehe to ya wūhupu tjuari jire. ²¹ Marta sehe Jesure piti boca wihi, ō sehe nire tirore:

—Puhtoro, yu bahu to yariahto pano mū ōi jichu, tiro yariaeraboa. ²² Mıpu cūhure Cohamacu mū sini payochu, tiro mū sinino seheta yoarohca —nire Marta Jesure.

²³ —Mū bahu masa wijaarohca —nire Jesu ticorore.

²⁴ —Āja. Ahri yahpa to pihtiri dachoi yariarina cjiri ti masa wijaahiti dachoi to masa wijaahitore masija yūhu —nire ticoro sehe.

²⁵ To ã nichu Jesu ō sehe ni yahure tjoa:

—Yūhu masa wijaachu yoariro jija. Yūhu ã jirucuchū yoariro jija. Yūhure wacū tuariro yariaparota ã catirucurohca. ²⁶ Ā jia jipihtina Cohamacu mehne ã catirucuina, yūhure wacū tuaina pichacapu ne wahasi. ¿Ahrire masijari mūhu? —nire Jesu ticorore.

²⁷ —Puhtoro, masija yūhu. Cristo Cohamacu macuno, masare yūhdūchu yoariro “Ahri yahpapu tarohca”, ti niriro mū jichu masija yūhu —nire Marta Jesure.

*Lázaro to masa copa cahai Jesu ti-
iha*

²⁸ Marta ã ni tuhsu to bahoro Marıare pjıro wahare:

—Marine buheriro mari ya macai taro nina. Mũhũre pjihre —ni yaroça yahuri jire Maríare.

²⁹ To ã nichũ tũhoro María ño duaro wahcãrũca, sã cahapũ tari jire Jesure ñũno taro. ³⁰ Ti ya macapũ sũerasinihi sã. Marta sãre to piti bocaroihta jisinihi sã. ³¹ Judio masa tí wũhũi Maríare ñahacaha tiia niha. Á jia ticoro to wahachũ ñũa, tina ticorore nũnũ ti tari jire. “To wahmino cjirore ti siõ sãari copapũ tiiro waharo nina ticoro”, ni tũhoturi jimare tina. Á ni tũhotua ticorore nũnũ ti tari jire.

³² Á yoa María sã cahapũ wihiro, Jesure ñũ, to dahpori caha na tuhcuca caha sũre.

—Pũhtoro, yũ bahũ to yariahto pano mũ ãi jichũ tiro yariaeraboã —nire ticoro Jesure.

³³ Á jiro ticoro judio masa ticoro mehne tarina cãhũ ti tiichũ ñũno Jesu sehe tuaro cahya ñãno yajeripohna tire.

³⁴—¿Lázaro cjirore nohopũ siõ sãari mũsa? —ni siniture Jesu.

—Ñũi taga —ni pji wahcãre tina.

³⁵ Ti ã nichũ tũhoro Jesu tiia wahare.

³⁶—Lázaro cjirore Jesu tuaro cahĩri jira —nire judio masa ti basi.

³⁷ Wiho mejeta paina tina mehne macaina sehe õ sehe nire:

—Capari ñũerarirore ñũchũ yoariro jira ahriro Jesu. ¿Á jiro Lázaro cãhũre to yariaborore yũhdũchũ yoaeraboari ahriro? —nire tina ti basi.

Lázaro masa wijaaaha

³⁸ Á jiro pari turi Jesu tuaro cahya namore. Á jina sã jipihtina to masa copapũ sũhi. Tí copa tãcapũ ti sahari copa jire. Tí copapũ to pjacũ cjirore siõ sãa, tãca pjiria mehne tju biha cũri jire tina.

³⁹—Tãcare na pjõohga —nire Jesu.

To ã nichũ tũhoro Marta yariariro cjiro wahmiono õ sehe nire:

—Pũhtoro mipũ pititia dachori waha tuhsũra to yariari baharo. Á

jiro to pjacũ cjiro wũĩbãhca —nire Jesure.

⁴⁰—“Yũhũre wacũ tuaco Cohamacũ tuaare ñũcohca”, mũhũre nimahi —nire Jesu Martare.

⁴¹ To ã niri baharo tina tãcare na pjõohre. Á ti na pjõori baharo Jesu sehe mũanopũ ñũ, Cohamacũre õ sehe nire:

—Mai, yũhũre mũhũ tũho tuhsũhre. Tíre mũ yoachũ masicũ wahcheja mũhũre. ⁴² Á yoa yũhũre mũhũ dachoripe ã tũhorucura. Tíre masija. Á masipaihta yũhũ mũ warocariro yũ jiare õre ducuína ti masihti cjihtire mũhũre ã nii nija. Tíre “Potocã tjira”, ti nihti cjihti cãhũre ã nii nija —nire Jesu to Pũcũrore.

⁴³ Á ni tuhsũ Jesu tuaro sañurucure:

—Lázaro, wijaa tagá —ni sañurucure tiro.

⁴⁴ To ã nichũ yariariro cjiro to wamomacarine to dahpori cãhũre suhti cahsari mehne ti wahmariro cjiro, to dapure suhtiro mehne ti wahmariro cjiro, masa copapũ wijaa tare jũna.

—Ti wahmari cjirore pjãga —nire Jesu.

Judio masa pũhtoa sehe Jesure ñãha duamaha

(Mt 26.1-5; Mr 14.1-2; Lc 22.1-2)

⁴⁵ To ã masochũ ñũa, payũ judio masa Maríare ñũa tarina mehne macaina Jesure wacũ tuare. ⁴⁶ Wiho mejeta paina sehe, tina mehne macaina sehe fariseo curua macaina cahapũ waha, sũ, Jesu to yoarire yahuri jire tinare. ⁴⁷⁻⁴⁸ Á jia sacerdotea pũhtoa, fariseo curua macaina pũhtoa cãhũ cahmachu, ti basi õ sehe ni durucuha:

—Jesu payũ tahari Cohamacũ tuaa mehne yoa ño mũjana. To ã yoa ñoare mari tirore ã ñũnoca mari dũcataerachũ, jipihtina masa tirore wacũ tua, tiro mehne waha pihtiaboca. Á yoa tiro Jesure ti pũhtoro cjihto ti sõchũ ñũa, Roma macaina pũhtoa sehe “Marine cohãa nina”, ni sua, ñãno yoaahca marine. Tuhsũ, Cohamacũ wũhũre cohã duti

warocaahca ti yaina surarare. Mari ya dihta cūhure maahca tina. ¿Ā jina dohse yoanahcari mipure? —ni durucuha tina ti basi.

⁴⁹ Ti ā nipachuta paio Caifa wama tiri, tí cūhmare sacerdotea bui pūhtoro jiri tina tinare ō sehe ni yahuha:

—Musa sehe ne masierara. ⁵⁰ Judio masa jipihtina mari ya cjihtire cūiro masuno to yariachū noana. To yariaerachū mari jipihtina judio masare cohā pahñonocabo. Tíre mūsa masierara —niha Caifa tina.

⁵¹ Ā nino to mū sūro ā nino nieraha. Sacerdotea bui pūhtoro to jichū judio masa ya cjihtire Jesu to yariahtore Cohamacū sehe Caifare ā ni yahu dutiha. ⁵² Jesu yariaro judio masa dihtare yūhdūchū yoaro taro nierare. Ā yariaro jipihtina Cohamacū pohna ahri yahpapū ji siteina cūhū cū curuata ti jhti cjihtire yariahtiro jire Jesu. ⁵³ Ā jia tí dachoihta tina “¿Jesure dohse yoa wajānahcari mari?” ni durucua, tirore wajā taa nimaha.

⁵⁴ Tirore ti ā wajā duachū masino Jesu payū judio masa watoi pari turi tinino wahaerare. Ā jiro masa marieno cahacāi Efraī wama tiri macapū sāre sūho wahare. Sāre tí macai sūho tjuasinire Jesu.

⁵⁵ Tí pjare pascua bōse nūmūri sā judio masa sā bōse nūmūri cjihto mahanocā dūhsatjiāhre. Ā jia bōse nūmūri panocā masa payū paye macari macaina Jerusalēpū cahmachure. Pascua macaare ti chūhto pano Cohamacū yare yoaa taa ti űaa buhiri cosaa taa nire. ⁵⁶ Tí pjare tina Jesure macaa niri jire. Ā jia Cohamacū wūhūpū jiina ō sehe ni durucuha:

—¿Bōse nūmūrine űūno taerabocari Jesu, mūsa tūhotuchū? —ni durucuha tina ti basi.

⁵⁷ Ā jia sacerdotea pūhtoa, fariseo curua macaina cūhū ō sehe ni yahu dutiha masare:

—Jesu to jirore mūsa masina, yahuga sāre. Tirore űahana tana nija —niha pūhtoa masare.

12

María Jesu dahporire me sitia mehne pio payore

(Mt 26.6-13; Mr 14.3-9)

¹ Jesu sā to buheina mehne Betaniapū sā sūri baharo pascua dachori seis dachori waro dūhsasinire. Lázaro Jesu to masoriro cjiro tí maca macariro jire. ² Sā sūri baharo Jesu cūhū ya chūa cjihtire yoare paina. Ā yoa Lázaro, Jesu, sā mehne mesai nuju sūhi. Sā ā nuju sūri baharo Marta chūare payore sāre. ³ Tuhsū, María me sitia sere nardo wama tidū macaa sere cū kilo dacho macai na ta, Jesu dahporire pio payore. Pio payo tuhsū to pjoari mehne tju cosare. To ā pio payori baharo tí wūhū noano me siti sahsea wahare. ⁴ Sā mehne macariro, Jesure űū tuhtinire űohtiro Juda Iscariote sehe ō sehe nire:

⁵ —¿Dohse yoaro ahricoro ā yoa sitejari? Tíre ticoro duaboa. Ā duaro tres cientos dachori posa dahrari wapa wapataboa. Ā jiro ticoro tí niñerure pjacūoinare waboa —nire tiro.

⁶ Juda sehe pjacūoinare yoadoho duaerare. Tiro sā niñerure wihbobasariro jiparota yacariro jire. Tuhsū, tiro sā niñerure cāa tahari na mūjare. Ā jiro “Tí niñerure naihtja” nino, ā nire Maríare tiro.

⁷ To ā nichū tūhoro ō sehe nire Jesu: —Ā niecū tjiga ticorore. To me sitiare yūhure to dūharire yūhure pio payore, yūhure masa copapū ti siō sāahto pano yū pjacūre cahnoyuro. Pjacūoina sehe mūsa mehne ā jirucuahca. Ā jina tina wa masina mūsa. ⁸ Yūhū sehe ahri yahpapūre mūsa mehne ā jirucusi —nire Jesu.

Sacerdotea pūhtoa Lázarore wajā duaha

⁹ Ā yoa Jesu Betaniapū to jichū tūhoa sā coyē judio masa payū tirore űūa tare. Tiro dihtare űūa taa nierare. Lázaro yariariro cjirore Jesu to masorirore tiro cūhure űūa taa nire. ¹⁰ Ti űūa sūrire masia sacerdotea pūhtoa Lázaro cūhure wajā

duare. ¹¹ Lázaro yariariro cjiro Jesu to masoriro jichu ñua payu masa Jesure wacũ tuare. To ã masochu ñua payu judio masa ti sacerdotea ya buhea sehere duhunocari jire. Æ ti duhuchu ñua sacerdotea puhto sehe sua yuhduha Lázarore wajã duare.

Jerusalẽpu sũha Jesu

(Mt 21.1-11; Mr 11.1-11; Lc 19.28-40)

¹² Pascua bose numarine ti yoachu payu masa Jerusalẽpu ñua wahari jire. Pa dachoi Jerusalẽpu Jesu to tahto cjihtore masa tuhori jire. ¹³ Æ jia pja pũ sahnarine na wahcã, tireore piti boca wahare. Æ piti boca õ sehe ni sañurucure tina:

—Ahrirore wahche payojihna. Ahriro Cohamacu to warocariro noano yuhdujaro. Ahriro Israe yahpa macaina mari puhtoro tjira —ni sañurucure tina.

¹⁴ Jesu burrocã to bocariro bui pisare. “Õ sehetã yoarohca”, ni joaã tiha Cohamacu yare ti joari tjui:

¹⁵ “Jerusalẽ wama tiri maca macaina, cuiena tjiga musa.

Ñuga. Musa puhtoro burrocã bui pisa tara”, ni yahuha Cohamacu yare ti joari tjui.

¹⁶ “To ã ni joari Jesure nino nica” ni, sã to buheina noano masierasinihi. Æ masierasinihanahta manopu Jesu to mujari baharo sã ti joari cjirire wacũ boca tuho ñaha masihi. Õ sehe ni tuhohu: “Cohamacu yare ti joari tju sehe Jesure yahuro nimaha. Æ jia Cohamacu yare ti joari tju to niriro sehetã yoare masa Jesure”, ni tuhohu, sã masihi.

¹⁷ Lázarore ti siõ sãari copapu jirirore Jesu to pisuchu tireore to masochu ñarina cjiri yahure masare.

¹⁸ Æ jia Lázarore Jesu masorire ti tuhori baharo masa payu Jesure ñua tare. ¹⁹ Ti ã tachu ñua fariseo curua macaina ti basi õ sehe niri jire:

—Jipihtina Jesu yaina dihta wahaa nina mipure. Æ jina mari dohse yoa masieraja tinare —niri jire fariseo curua macaina ti basi.

Mahainacã griego masa Jesure maca taha

²⁰ Æ yoa bose numari Cohamacure ño payoa taina mehne macaina mahainacã griego masa jire. ²¹ Æ jia tina Felipe cahapu wihiri jire. Felipe sehe Betsaida wama tiri maca Galilea yahpai jiri maca macariro jire. Æ jia tiro cahapu wihirina õ sehe niri jire tireore:

—Jesure ñu duaja sã —niri jire tina.

²² Ti ã nichu tuhoro Felipe Andrepare tíre yahuro wahari jire. Æ jia tina puaro Jesure yahure. ²³ Ti ã yahuri baharo Jesu tinare õ sehe ni yahure:

—Yuhu masano Cohamacu warocariro jija. Yuhure jipihtina ti ño payohti pja mipure jirota nina. Mipure yu yariahti pja jirota nina. ²⁴ Potocãta musare yahui nija. Toari yapare yahpau mari yaerachu, tí yapare mari toaerachu cã yapata tjuarohca. Æ jiro tí yapare mari yari baharo dicha tirohca. (Tó sehetã yu yariari baharo yuhure masa copapu ti siõ sãari baharo payu masare Cohamacu mehne ã jirucuhtina jichu yoaihca yuhu.) ²⁵ Ahri yahpai musa jiare pjíro tuhohu boca musa. Æ tuhohu Cohamacure wacũerana, pichacapu wahanahca musa. Ahri yahpai musa jiare ã tuhohunocahna, Cohamacu mehne ã jirucunahca. ²⁶ Yu yare yoa duana, yu buheare noano tuhoga musa. Musa ã yoana musa cãhu yu jihotopure jinahca. Yu yare yoarirore yu Pucu sehe wahchea mehne ñanohca —nire Jesu.

Jesu to yariahtore yahuha

²⁷ Æ ni tuhsu õ sehe ni namore:

—Mipure yuhu ñano yajeripohna tija. ¿Yu Pucure dohse nihcari yuhu? “Mai, yu ñano yuhduhtore yoai tjia yuhure”, ¿nibocari yuhu? Tíre nieraja yuhu. Ñano yuhduhtiro cjihtota ahri yahpare tahi. Æ yoa yu ñano yuhduhti pja mipure jiro nina —ni yahure Jesu sãre to buheinare.

²⁸ Æ yoa õ sehe nire to Pucurore:

—Mai, m_u tuariro jiare mip_ure ñoga masare —nire Jesu to P_ucurore.

To ã nich_u m_uanop_u durucuro coa tare:

—Tuariro y_u jiare masare ño tuhs_uhi. Mip_ure ã jic_u pari turi ñoihca masare —nino coa tare.

²⁹ To ã nino coa tach_u t_uhoa tóí ducuina masa pay_u ò sehe nire:

—W_upo jica ã coa taro —nire masa.

—Anjo Jesure yahuro nire —nire paina masa.

³⁰ Ò sehe nire Jesu sehe:

—M_uanop_u y_uh_ure t_uho dutiro ã nino coa taerare. M_usa sehere t_uho dutiro ã nino coa tare. ³¹ Mip_ure ahri yahpa macaina ti ñano yoari buhirire buhiri dahrerohca tinare. Ahri yahpa macaina ti p_uhtorore wat_uñore coh_uñohca Cohamac_u. ³² Æ jic_u y_uh_ure crusap_u ti wahc_uõ dapocho pay_u masare y_uh_u mehne macaina ti wahach_u yoaihca y_uh_u —nire Jesu.

³³ Æ nino “Crusap_u to variahtore”, yahuro nire Jesu masare. ³⁴ To ã nich_u t_uhoa masa sehe tirore ò sehe nire:

—Cohamac_u yare ti joari tjui ò sehe nina: “Cristo jipih_uta dachoripe jirohca”, ni joaa tiha. ¿To ã ni joach_u m_uh_ure mas_uno Cohamac_u warocarirore dohse jiro baro m_uh_ure crusap_u wahc_uõ dapoahcari masa? ¿Mas_uno Cohamac_u warocariro noa jijari tiro? —ni siniture tina.

³⁵ Ti ã nich_u ò sehe ni y_uhtire Jesu:

—Buhriaro to ñ_u masich_u yoaro seheta jic_u masare Cohamac_u yare noano masich_u yoaja y_uh_u. Baharo curerocã m_usa mehne jisi y_uh_u. M_usare y_u buhech_u mip_ure t_uhoga ñaare m_usa yoaerhti cjihtire Cohamac_u mehne m_usa ã jirucuhti cjihtire. Y_u buheare t_uhoeraina nahitianoí tiniina yoaro seheta ti wahahtore masierara. ³⁶ Y_uh_u buhriaro yoaro sehe jiriho tjija. Æ jic_u m_usare buhec_u Cohamac_u yare noano masich_u yoaja m_usare. Mip_ure y_u wahahto pano y_uh_ure wac_u tuaga. Æ wac_u tuana y_u yaina jinahca m_usa —nire Jesu.

Æ ni yahu tuhs_u duhti wahcã wahare.

Judio masa Jesure cahmaeraha

³⁷ Pay_u tahari Cohamac_u tuaa mehne tinare Jesu to yoa ñopach_uta judio masa pay_u tirore ne t_uho duaerare. ³⁸ Cohamac_u yare ti joari tjui Isaia cjiro to joariro seheta ã yoaa nire tina. Ò sehe ni joaa tiha Isaia cjiro:

“Cohamac_u, m_u buheare sã yahuch_u masa t_uho duaerare.

M_u tuaare tinare m_u yoa ñopach_uta, tíre ‘Potocã jierara’, nire tina”, ni joaa tiha Isaia cjiro.

³⁹ Ti ã t_uho duaerach_u ñ_uno Cohamac_u tinare masierach_u yoare. Tí cãh_ure Isaia cjiro ò sehe ni joaa tiha tjua:

⁴⁰ “Capari ñ_ueraina yoaro sehe jina jich_u yoaa tiha Cohamac_u tinare.

Æ yoa to yare masierach_u yoaa tiha tinare.

Æ jia to tuaare ñ_upahta tina ti ñ_urire t_uho ñahaerara.

Æ jia to buheare t_uhopahta tíre t_uho ñahaerara tina.

Cohamac_u ya buheare masia, ti ñaa yoari buhirire cohã dutiboa.

Æ jiro tinare y_uhd_uch_u yoaboa tiro”, ni joaa tiha Isaia cjiro Cohamac_u yare ti joari tjui. ⁴¹ Æ ni joaro Isaia cjiro Cristo tuaare masino to niriro seheta Cristore yahu joaa tiha tjua.

⁴² Paina Jesure ti cahmaerapach_uta judio masa, sã p_uhtoa mehne macaina cãh_u pay_u Jesure wac_u tuaa, tirore cahmare. Æ cahmapahta tina fariseo curua macainare cuiã painare “Jesu mehne sãahi”, ni yahu duaerare. Tíre ti yahuch_u t_uhoa Jesure ti cahmari buhiri judio masa sã buheri wãh_uru tinare sãa dutieraboa fariseo curua macaina sehe. ⁴³ Cohamac_ure wahchech_u yoa duapahta tí y_uh_udo fariseo curua macaina sehere wahchech_u yoa duare Jesure cahma d_ucaina. Æ jia tina “Jesu yaina wahahi”, ni painare yahu duaerare.

Jesu yahuare ti t̄ho duaerari buhiri masa buhiri tiahca

⁴⁴ ã yoa Jesu tuaro sañurucu, õ sehe ni yahure:

—Yuh̄ure wacũ tuariro, yuh̄u dihtare wacũ tuaerara. Yuh̄ure warocariro c̄h̄ure wacũ tuara tiro. ⁴⁵ Tuhs̄u, yuh̄ure masiina yuh̄ure warocariro c̄h̄ure masina. ⁴⁶ Buhriaro to ñ̄u masich̄u yoaro seheta ahri yahpap̄u Cohamac̄u yare masich̄u yoai tai nihi yuh̄u. ã jic̄u Cohamac̄u yare masare masich̄u yoaja. Nahitianoï wahariro yoaro sehe jiriro ñ̄aare yoarucura. Yuh̄ure wacũ tuariro tiro yoaro sehe yoasi. Yuh̄ure wacũ tuariro quihõno t̄horohca. ⁴⁷ Paina ȳu yahuare t̄hopahta ȳu niriro seheta yoerara. Ti ã yoerapach̄uta ȳu yahuare ti yoerari buhirire buhiri dahresi yuh̄u sehe tinare. Ahri yahpap̄ure buhiri dahrei tai nierahi yuh̄u. Ahri yahpamacainare pichacarp̄u wahaborinare yuh̄d̄uch̄u yoah tiro cjihto tai nihi yuh̄u. ⁴⁸ Yuh̄ure cahmaerainare, ȳu yahua c̄h̄ure cahmaerainare buhiri dahrea jiahca. Tina ȳu yahuare ti t̄hoerari buhiri ahri yahpa pihtiri dachoi buhiri tiahca. ⁴⁹ Yuh̄u ȳu m̄u s̄uro yahueraja. Ȳu P̄uc̄u yuh̄ure warocariro sehe yuh̄ure yahu dutire. ã jia ȳu yahua sehe to ya durucua jira. ⁵⁰ To ya durucua “Quihõno jira” nina, Cohamac̄u mehne ã jirucunahca m̄usa. ã jic̄u ȳu P̄uc̄u to yahu dutiriro seheta yahuja m̄usare —nire Jesu.

13

Jesu to buheina dahporire cosaha

¹ ã yoa pascua bose n̄um̄uri panoc̄ã ahri yahpare to cohã wahcãhto cjihtore to P̄uc̄uro cahap̄u to wahahto cjihtore masire Jesu. Tuhs̄u, ahri yahpamacainare to yainare tiro tuaro cah̄ire tina mehne to jiro puro. ã cah̄irucura to yainare.

² Tí ñ̄amine Jesu sã to buheina mehne sã ch̄uch̄u Juda Iscariotere Simo mac̄anore Jesure ñ̄u tuhtiinare

ñ̄o duti tuhs̄uri jire wat̄ino sehe.

³ Tuhs̄u, to P̄uc̄uro Cohamac̄u Jesure jipihtina bui to p̄ah̄toro s̄õrire masire Jesu. ã yoa Cohamac̄u cahap̄u to tari cjirire, baharo m̄uanop̄u to m̄ajahti c̄h̄ure masire. ⁴ ã masino wahc̄ar̄uca, to suhtiro bui macanore tjuwe na, t̄ore c̄u tuhs̄u, suhtiro cahsaro mehne to p̄jaro ȳuj̄u d̄ah̄tere. ⁵ D̄ah̄te tuhs̄u, waparoi core pio sã, sã to buheinare sã dahporire cosa d̄ucare. Sãre cosa tuhs̄u to d̄ah̄teri cahsaro mehne pahã cohãre sã dahporire.

⁶ Paina buheinare cosa wahcã, Simo Pedrop̄ure s̄ure. To dahporire to cosahto pano Pedro sehe tirore õ sehe nire:

—P̄ah̄toro, ¿ȳu dahporire cosai tai nijari m̄uh̄u? —nire Jesure Pedro.

⁷ —Michapucacã m̄uh̄ure ȳu yoah̄tire masierara m̄uh̄u. ã masierapach̄uta baharo masīhca m̄uh̄u —nire Jesu.

⁸ —Ȳu dahporire ne cosasi m̄uh̄u —nire Pedro.

—M̄uh̄ure ȳu cosaerach̄u ȳu yairo jisi m̄uh̄u —nire Jesu.

⁹ —P̄ah̄toro, ȳu dahpori dihtare cosai tjiga. Ȳu dahporire, ȳu wamomacarine, ȳu dapu c̄h̄ure cosaga —nire Pedro.

¹⁰ To ã nich̄u Jesu piti dahre buhero õ sehe nire:

—Cãiro mas̄no cuhs̄uro to p̄jac̄ure noano tju cosa pah̄õna. ã jiro pari turi tirore tju cosaro cahmaerara. To dahpori dihtare cosaro cahmana. Jipihtina m̄usa ñ̄aa yoari buhirire cosarina cjiri m̄usa jipach̄uta cãiro m̄usa mehne macariro to ñ̄aa yoari buhirire cosamahnoerariro jira —nire Jesu.

¹¹ Jesu tirore ñ̄u tuhtiinare ñ̄ohtirore masire. ã masino “Cãiro m̄usa mehne macariro to ñ̄aa yoari buhirire cosamahnoerariro jira”, nire.

¹² Sã dahporire cosa tuhs̄u, to suhtirore sã tuhs̄u, nuju s̄ure to dujiriroihta.

—¿Michapucacã m̄sare ȳu yoarire t̄ho ñahajari m̄sa? ¹³ M̄sa ȳh̄ure “Buheriro”, ni pisuna, “P̄h̄toro”, ni pisuna potocãta nina nica ȳh̄ure. M̄sare buheriro, m̄sa p̄h̄toro potocãta jija ȳh̄u. ¹⁴ ã jina ȳh̄u m̄sare buheriro, m̄sa p̄h̄toro jipaihta m̄sa dahporire cosariro ȳu jich̄u ñ̄na m̄sa c̄h̄u m̄sa mehne macaina dahporire cosaga. ¹⁵ Michapucacã m̄sare cosac̄u, baharo m̄sa yoah̄ti c̄j̄htire m̄sare ñ̄oi nija. M̄sa mehne macainare m̄sa yoadohohtire ñ̄oi nija. M̄sare ȳu yoariro seheta m̄sa c̄h̄u yoaga. ¹⁶ Potocã m̄sare niita nija. M̄sa ȳu cahamaca yoaro sehe jiina ȳu bui jierara. M̄sare buhe duti ȳu warocarina jira m̄sa. ã jina ȳu bui jierara m̄sa. ã jic̄ta “Ȳu yoariro seheta yoaga”, nihi m̄sare. ¹⁷ Ahrire masina, ȳu dutiare yoana, wahcheina jinahca m̄sa.

¹⁸ M̄sare jipihtinare ã nieraja. Ȳu beserinare masija ȳh̄u. Cohamac̄u to yare ti joari t̄jui to ni joariro seheta ã waharohca. “Ȳh̄u mehne ch̄arirota ȳh̄ure wajã duare”, ni joaa tiha Cohamac̄u yare ti joari t̄jui. ¹⁹ To ã yoah̄to pano ahrire yahuyui nija m̄sare. Ȳh̄ure to ã yoari baharo “Jesuta Cristo Cohamac̄u warocarirota jira”, m̄sa nihti c̄j̄htire ahrire m̄sare yahuyui nija ȳh̄u. ²⁰ Potocã m̄sare niita nija. Ȳu warocainare cahmariro ȳh̄u c̄h̄ure cahmana tiro. Tuhs̄u, ȳh̄ure cahmariro ȳh̄ure warocariro c̄h̄ure cahmana tiro —nire Jesu sãre to buheinare.

Juda Jesure ñ̄u tuhtiinare to ñ̄ohtore yahuha Jesu

(Mt 26.20-25; Mr 14.17-21; Lc 22.21-23)

²¹ ã ni yahu tuhs̄u Jesu tuaro cahyare. ã cahyaro õ sehe ni yahure tiro sãre:

—Potocãta m̄sare nii nija. Cãiro m̄sa mehne macariro ȳh̄ure ñ̄u tuhtiinare ȳh̄ure ñ̄onohca —nire Jesu.

²² To ã nich̄u t̄hona Jesure ñ̄ohtirore masierana, sã basi cahma ñ̄uroca õi. ²³ Cãiro Jesu to buheina mehne macariro ȳh̄u, Jesu to cahĩro sehe to pari wahpa dujihi. ²⁴ Ȳu ã dujich̄u ñ̄no Simo Pedro ȳh̄ure to wamomaca mehne yoa ñ̄o, siniture:

—¿Jesure ñ̄ohtirore diro sehere nino nibocari Jesu? Yahuga sãre —ni to wamomaca mehne yoa ñ̄o, sinitu ñ̄ure Pedro.

²⁵ To ã nich̄u ȳh̄u sehe Jesu cahacãi dujiriro jic̄u sinitu ñ̄ahi tirore:

—P̄h̄toro, ¿dirore nii nijari m̄h̄u? —ni sinitu ñ̄ahi ȳh̄u.

²⁶ —Ahri pãore dahra waha na, soha ȳu wahtiro sehe tirota jira ȳh̄ure ñ̄ohtiro —nire Jesu.

ã ni tuhs̄u ti pão to dahra waha narirore soha tuhs̄u tíre Judare Simo Iscariote mac̄nore ware. ²⁷ ã yoa pãore to ñ̄ahari baharo wat̄no sehe Judare ñ̄ano yoa dutiri jire. ã jiro Jesu tirore õ sehe nire:

—M̄u yoah̄to c̄j̄htore c̄jero yoa bahrañoga m̄h̄u —nire Jesu Judare.

²⁸ To ã nich̄u t̄hona sã mesap̄u dujiina, Jesu Judare to nirire noano t̄ho ñ̄ahaerahi. ²⁹ Cãina õ sehe ni t̄hotumahi: “Judá sã niñerure wihboriro jira. ã jiro bose nam̄u sã ch̄hti c̄j̄htire nuch̄u dutiro warocare Jesu Judare. O p̄jac̄oinare niñerure wa dutiro niboca Jesu”, ni t̄hotumahi sã cãina. ³⁰ ã yoa Juda tí pãore ñ̄aha tuhs̄u, wijaa wahare. To wijaari p̄ja ñ̄ami jire.

Wahma dutiare yahuha Jesu

³¹ To ã wijaari baharo õ sehe nire Jesu:

—Mip̄u pinihtare ȳh̄u mas̄no Cohamac̄u warocariro ȳu tuariro ȳu jia tiare ñ̄onohca Cohamac̄u masare. ã jic̄u Cohamac̄u to tuariro to jiare ñ̄oihca ȳh̄u sehe. ³² ã jiro Cohamac̄u to tuaare ȳu ñ̄och̄u tiro sehe ȳu ya tuaa c̄h̄ure mip̄u pinihtare ñ̄ono taro nina. ³³ Ȳu pohna ȳu cahĩina, ȳh̄ure t̄hoga. Mahaa dachoricã m̄sa mehne jisinihca. Ȳu wahari baharo

yuhure macanahca musa. Æ jicu mari coyea judio masare yu niriro seheta musa cãhure nija. “Yu wahahtore musa sehe waha masierara”, tinare yu niriro seheta musa cãhure ã ni yahuja. ³⁴ Wahma dutiare musare yahuihtja. Musa mehne macainare cahãga musa. Musare yu cahãriro seheta, musa mehne macainare cahãga. ³⁵ Æ jina musa mehne macainare musa cahãchũ ñũ yu yaina musa jiare masiahca paina —nire Jesu sãre.

“Jesure masieraja”, Pedro to nihto cjihtore yahuja Jesu

(Mt 26.31-35; Mr 14.27-31; Lc 22.31-34)

³⁶ To ã nichũ Simo Pedro Jesure õ sehe ni sinitu ñũre:

—Puhtoro, ¿nohopũ wahaihcarĩ mũhũ? —nire Pedro.

—Yu wahahtopũre mipũre yuhũ mehne waha masierara mũhũ. Mipũre waha masierapaihta baharo yu cahai wahacũhca —nire Jesu Pedrore.

³⁷ —Puhtoro, ¿dohseacũ mipũre mũhũ mehne waha masierabocari yuhũ? Yuhure ti wajã duapachũta mũhũre ne duhusi yuhũ —nire Pedro Jesure.

³⁸ —¿Æ tjiari? ¿Mũhũre ti wajã duapachũta, mũhũ yuhũre duhueraihcarĩ? Potocãta mũhũre nii nija. Caraca to duhto pano “Jesure masieraja”, niĩhca mũhũ painare. Tia taha ã niĩhca mũhũ —nire Jesu Pedrore.

14

Jesu Cohamacũ cahapũ wahari maha yoaro sehe jira

¹ Baharo Jesu sãre õ sehe ni yahure:

—Ne cahya pjĩro tũhotuena tjiga. Cohamacũre wacũ tuaga. Æ jina yuhũ cãhure wacũ tuaga. “Cohamacũ mehne yuhũnahca”, ni tũhotuga tirore. Yuhũ cãhure ãta ni tũhotuga musa. ² Yu Pũcũ to jiropũre payũ wuhũse jira. Musa jihto cjihtore cahnoyui wahai nija. Tĩ potocã tjira. Æ jicu musare tíre yahuja. ³ Æ jicu musa jihto cjihtore cahno tuhsũ, õpũta pari turi majare tjua taihtja

yuhũ. Æ jina tói yu jiroita musa cãhũ jinahca tjoa. ⁴ Mipũre yu sũhtopũre wahari mahare masi tuhsũra musa —nire Jesu sãre to buheinare.

⁵ —Puhtoro, mũ sũhtore masieraja sã. ¿Æ jina dohse yoa mũ wahari mahare masinahcarĩ sã? —ni sinitu ñũre Toma Jesure.

⁶ To ã ni sinituchũ tũhoro Jesu sehe õ sehe ni yũhtire:

—Yuhũ Cohamacũ cahapũ wahari maha yoaro sehe jiro jija. Cohamacũ cahapũ wahachũ yoariro, potocã yahuriro, ã catirucuchũ yoariro jinocaita nija yuhũ. Æ jia yu yaina dihta yu Pũcũ cahapũ wahaahca.

⁷ Panopũ yuhũre masina, yu Pũcũ cãhure masiboa musa. Mipũre tirore ñũre musa. Æ jina tirore masi tuhsũra musa —nire Jesu sãre.

⁸ To ã nichũ Felipe sehe õ sehe nire:

—Puhtoro, mari Pũcũre ñoga sãre. Tó purota ñũ duaja sã —nire tiro.

⁹ To ã nichũ Jesu õ sehe ni yahure:

—Felipe, ¿yoari pja yuhũ mehne jipaihta, mũhũ masierasiniari yuhũre? Yuhure ñũriro yu Pũcũ cãhure ñũ tuhsũre. Æ jicu “Mari Pũcũre ñoga sãre” nicũ, ¿dohseacũ ã nijari mũhũ yuhũre? ¹⁰ Yuhũ yu Pũcũ mehne pũaro jipanahta cãirota jija. ¿Tĩre “Potocã jierara”, niimeje nijari mũhũ? Musare yahucũ yu mũ sũro yahui nieraja. Yu Pũcũre yahubasai nija. Æ jiro tiro yuhũ mehne jiro to tuua mehne yoa ñona. ¹¹ Yuhũ yu Pũcũ mehne pũaro jipanahta cãirota jija. Tĩre “Potocã tjira”, ni wacũga musa. Tĩre “Potocã tjira” nierana, Cohamacũ tuua mehne yu yoa ñoare wacũna, yu Pũcũ mehne yu cãirota jiare “Potocã tjira”, ni wacũga musa.

¹² Potocãta musare nii nija. Yuhure wacũ tuariro yu yoariro seheta yoarohca. Æ yoa tiro yu yũdoro yoarohca. Yu Pũcũ cahapũ tjuaai tai nija mipũre. Æ jiro yuhũre wacũ tuariro yu yũdoro Cohamacũ tuua mehne yoa ñonohca. ¹³ Æ jicu yuhũre wacũ tuaina ti sinino purota yoaihca. Æ yoacũ yu Pũcũ to tuariro jiare ñoihca.

14 Yuhure wacū tuaina mūsa jichu mūsa sinino purota yoaihtja —nire Jesu.

“Espíritu Santore mūsare warocaihtja”, ni yahuha Jesu

15 ã ni tuhsu õ sehe ni namore:

—Yuhure mūsa cahīna, yu dutiare noano yoanahca. 16 Yu Pucure sinibasaihtja. Yu ã sinibasachu yu Pucū sehe pairore mūsare yoad-ohotirore mūsare warocarohca. Æ jiro tiro mūsare yoadohohtiro sehe jipihtia dachoripe mūsa mehne ã jirucurohca. 17 Tiro potocāta yahuriro Espiritu Santo tjira. Ahri yahpa macaina yuhure cahmaeraina sehe tirore masierara. Æ jia tirore cjuā masierara. Tirota mūsa mehne ã jirucurohca. Æ jina tirore masina mūsa.

18 'Mūsare cohāsi yuhū. Mūsa mehne jihtiro cjihto tjua taihca yuhū tjoa. 19 Wiho mejeta mahanocā dūhsara yu wahahto cjihto. Yu wahari baharo ahri yahpa macaina yuhure wacū tuaeraina yuhure pari turi ñasi. Mūsa sehe yuhure ñanahca. Yu catiriro jichu mūsa cūhu jipihtia dachoripe Cohamacū mehne catirucunahca. 20 Tí dachoi yu tjua tahti dachoi yuhū yu Pucū mehne cūirota sã jichu masinahca mūsa. Æ jina yuhū mehne macaina mūsa jichu mūsa mehne macariro yu jichu cūhure masinahca mūsa. 21 Yu dutiare yoariro yuhure cahīrirota jira. Æ jiro yuhure cahīrirore yu Pucū sehe cahīnohca. Æ jicū yuhū cūhu yu dutiare yoarirore cahīihca. Æ yoa yu jia tiare noano masichu yoaihca tirore —nire Jesu sãre to buheinare.

22 Sã mehne macariro pairo Juda wama tiroro jire. Juda Iscariote Jesure ñu tuhtiinare ñohtiro jierare tiro. Pairo Juda jire. Æ jiro tiro Jesure õ sehe ni siniture:

—Puhtoro, ¿dohse yoaijari mūhu tinare ã nicū? ¿Ahri yahpa macainare mūhure masichu yoaeracu, dohse yoacu sã dihtare mūhure masichu yoaihcari mūhu? —ni siniture Juda.

23 To ã nichu tūhoro Jesu tirore õ sehe ni yahure:

—Yuhure cahīina, yu dutiare noano yoaā nina. Ti ã yoachū yu Pucū sehe tinare cahīnohca. Æ jina tina mehne jina tanahca sã. 24 Yuhure cahīerariro yu dutiare yoaerara. Tuhsu, yu yahua mūsa tūhori cjiri sehe yu ya yahua jierara. Yuhure warocariro ya yahua sehe jira. Tiro yu Pucū tjira.

25 'Mūsa mehne jisinicū ahrirore mūsare yahusinii nija. 26 Baharo yu sinibasachu yu Pucū Espiritu Santore warocarohca mūsare. Tiro Espiritu Santo sehe mūsare yoadohohtiro jiro, mūsare buhe pahñonohca tiro. Æ yoa mūsare yu yahuri cjirire mūsare wacūchu yoarohca tiro.

27 'Mūsare noano jichu yoaihca yuhū. Yuhū yu noano jiroro se-heta noano jichu yoaihca mūsare. Ahri yahpa macaina ti mahñoperiro seheta yoasi yuhū mūsare. Yuhū pinihta potocāta noano jichu yoaihca mūsare. Cahya pjiro wacūena tjiga mūsa. Æ jina cuiena tjiga mūsa. 28 “Yuhū wahaihca. Æ jicū mūsa mehne jihtiro cjihto tjua taihtja tjoa”, mūsare yu ã ni yahuchū tūho tuhsure mūsa. Tíre tūhona, wahcheboa mūsa. Yuhure mūsa potocā cahīrina jina, wahcheboa mūsa. Yu Pucū sehe yu yuhdoro tuara. Æ jina tiro caharu yu wahahto cjihtore mūsa masiri baharo yuhure cahīna, wahcheboa mūsa. 29 Yuhure mūsa wacū tuahti cjihtire yu wahahtore yahuyui nija mūsare.

30 'Ahri yahpa macaina puhtoro watīno sehe tara mipure. To ã tachū yuhū mūsa mehne yu durucu batohti pja mahanocā dūhsara. Tiro sehe yuhure yuhduruca masierara. 31 Wiho mejeta yuhure yu Pucū to dutiriro seheta yoaja yuhū. Æta yoaja yuhū yu Pucure yu cahīare ahri yahpa macaina ti masihti cjihtire. Wahcārucaga. Basa wahana —nire Jesu sãre to buheinare.

Jesu secu yoaro sehe jiriro jira

1 Baharo piti dahre buhero sãre õ sehe nire Jesu:

—Yuhu potocãta secu yoaro sehe jiriro jira. Yu Pucu sehe secure ñu wihboriro yoaro sehe jiriro jira. 2 Yu yaina secu dũpuri yoaro sehe jiina yuhu mehne macainata jira. Dicha mariea dũpurire secure ñu wihboriro to paha cohãriro seheta yu Pucu to cahmaare yoerainare cohãna. Dicha tia dũpurire secure ñu wihboriro to cahnoriro seheta yu Pucu to cahmaare yoainare yoadohorohca tiro “Yu cahmaare yoa namojaro”, nino. 3 Yu yahuaare tuhona, “Potocã tjira”, nire musa. ã jiro yu Pucu musa ñaa yoari buhirire cohã tuhsure. 4 Yuhu mehne macaina jiga musa. ã jii musa mehne jiihca. Secu dũpuri secu mehne wahã suera dũpuri jia, tí dũpuri sehe dicha mariahna. Tó seheta yuhu mehne macaina jierana yu Pucu cahmaare yoa masierara musa.

5 Yuhu secu yoaro sehe jiriro jira. Musa sehe tu dũpuri yoaro sehe jiina jira. Yuhu mehne macariro mehne yu jichu dicha tia dũpuri yoaro sehe tiro yu Pucu cahmaare yoara. Yuhu mehne macaina jierana yu Pucu cahmaare yoa masierara musa. 6 Ñaa dũpurire to cohãboriro seheta yuhu mehne macaina jierainare yu Pucu cohãnohca. Tí dũpuri ñaia wahachu secure ñu wihboriro tí dũpurire na cahmachu pichacaru jã cohãnohca. ãta yoarohca Cohamacu yuhu mehne macaina jierainare.

7 Yuhu mehne macaina jina, yu buheare boeraboca musa. ã boerana, musa cahmano purota siniga. ã jicu musa sinino purota yoabasaitja. 8 Yu Pucu cahmaare yoaina musa jichu ñua “Jesu yaina jira ahrina”, ni masiahca masa. ã jia musare ñua yu Pucure ño payoahca. 9 Yu Pucu yuhure to cahãriro seheta musare yuhu cãhu cahã tihi. Yu cahãina jirucuga musa. 10 Yu cahãina jirucuina yu dutiare yoara. Yu Pucu to dutiare yoaja

yuhu. ã yoacu to cahãriro jirucuja yuhu. Tó seheta musa cãhu yu dutiare yoana yu cahãina jirucunahca musa.

11 Ahrire musare yahuhi yuhu mehne musa noano wahchehto cjihtore. ã jina tuaro wahchenahca musa. 12 Õ sehe dutija musare:

Musare yu cahãriro seheta musa mehne macaina cãhure cahãga. 13 Cãiro masuno tiro mehne macariro yaro jiborirore yariaro tiro mehne macarirore tuaro cahãna, paina ti cahãriro yuhdoro. 14 ã jina yu dutiare yoana yuhu mehne macaina jira musa. 15 Potocãta yuhu mehne macaina waro jira musa. Musa ã jiina jichu jipihtia yu yoarire yahuja musare. Cahamacu to puhtoro yoarire masierara tiro. ã jicu “Yu cahamaca wiho jiina jira musa”, musare nieraja. Yu Pucu yuhure to yahurire musare yahu pahñohi. ã yahucu “Yuhu mehne macaina jira musa”, musare nija mipure. 16 Musa sehe yuhure ne beserare. Yuhu sehe musare besei yu Pucu cahmaare musa yoahina cjihtire. Musa ã yoachu musa yoaa ne wiho waro jisi. ã jia musa yoaa ã jirucuahca. Musa ã yoachu yuhure musa wacũ tuachu yu Pucure musa sinino purota tiro musare warohca. 17 Ahrire musare dutija yuhu: Musa mehne macainare cahãga musa —ni yahure Jesu.

18 ã yoa tiro õ sehe ni yahu namore:

—Ahrí yahpa macaina musare ti ñu tuhtichu ñua ahrire wacũga musa: Musare ti ñu tuhtihto pano yuhu sehene ñu tuhti dũcare tina. 19 Cohamacure cahmaeraina musa jisnichu, tina mehne macainare ti cahãriro seheta musa cãhure cahãboa tina. Ahrí yahpa macaina musa jisnichu musare besei. ã jina mipure ahrí yahpa macaina waro jierara musa. Musa ã jierachu ñua ahrí yahpa macaina musare ñu tuhtira. 20 “Yu yaina jina musa yu bui jierara”, musare yu niri cjiire wacũga

Jesure to yaina cãhure ahrí yahpa macaina ñu tuhtira

18 ã yoa tiro õ sehe ni yahu namore:

—Ahrí yahpa macaina musare ti ñu tuhtichu ñua ahrire wacũga musa: Musare ti ñu tuhtihto pano yuhu sehene ñu tuhti dũcare tina.

19 Cohamacure cahmaeraina musa jisnichu, tina mehne macainare ti cahãriro seheta musa cãhure cahãboa tina. Ahrí yahpa macaina musa jisnichu musare besei. ã jina mipure ahrí yahpa macaina waro jierara musa. Musa ã jierachu ñua ahrí yahpa macaina musare ñu tuhtira.

20 “Yu yaina jina musa yu bui jierara”, musare yu niri cjiire wacũga

musa. Ñ yu docai jiina jina yu ñano yuhduriro sehetá ñano yuhduhahca musa cãhu. Yuhure ñano yoarinata musa cãhure ñano yoaahca. Yu buhechu yuhtirinata musa buhechu cãhure yuhtiahca tina. ²¹ Ahri yahpa macaina yuhure warocarirore masierara. Ñ jia yuhure wacũ tuaina musa jichu ñua tina ñano yoaahca musa cãhure.

²² Tinare yu buhei taerach yuhure ti cahmaerari buhiri buhiri mariaboa. Mipure tinare yu buheri baharo “Ñaa buhiri mariaha sãre”, ni masierara tina. ²³ Yuhure ñu tuhtiriro yu Pucã cãhure ñu tuhtira. ²⁴ Cohamacu to tuaa mehne paina ti ne yoerarire yoa ñohi. Ñ yoa tinare tíre yu yoa ñoerach yuhure ñaa buhiri mariaboa. Cohamacu tuaa mehne yu yoa ñoare ti ñuri baharo yuhure yu Pucã cãhure ñu tuhtira tina. ²⁵ Ñ ñu tuhtia Cohamacu yare ti joari tjui dóiputa to ni joariro sehetá yoa nire tina. Ñ sehe ni joaa tiha: “Tinare yu ñano yoerapachuta yuhure ñu tuhtire tina”, ni joaa tiha dóiputa Cohamacu yare ti joari tjui.

²⁶ Yu baharopu musare yoadohotiro, yu Pucã mehne jiriro musare yu warocahtiro Espiritu Santo tjira. Tiro potocãta yahuriro jira. Ñ jiro tiro taro yu jia tiare yahurohca musare. ²⁷ Masare yu buhe ducachuruta musa cãhu dachoripe yuhure mehne ñ jirucure. Ñ jina musa cãhu yu jia tiare yahunahca painare —ni yahure Jesu.

16

¹ Ñ ni tuhsã sãre ñ sehe ni yahu namore:

—Baharo yu buheare yuhure cãhure musa cohãerahti cjihtire ahrire jipihitiare yahuri musare. ² Judio masa mari buhea wuhusepu musa sãa duachu sãa dutisi musare yu yaina musa jiri buhiri. Ñ jia pa tehepu musare wajãa, “Cohamacu cahmaare yoana nija”, ni tuhotuahca paina. ³ Yu Pucãre, yuhure cãhure tina masierara. Ñ masieraa musare ñano yoaahca

tina. ⁴ Ñ jina musare ñano ti yoachu ñua, “Ti ñ sehe yoahito panota Jesu yahu tuhsãre sãre”, ni wacũnahca musa. Musa ñ ni wacũhti cjihtire mipure ahrire yahu mahtai nija musare —ni yahure Jesu.

Espiritu Santo to yoahitire yahuha Jesu

Ñ ni tuhsã ñ sehe ni yahu namore Jesu:

—Wahmanopure musa mehne jicu ahrire musare yahuerahi. ⁵ Mipure sehere yuhure warocariro cahapu wahaiha wahai tai nija. “¿Nohopu wahaihcari mahi?” yuhure ni, ne cãiro barota sinitu ñuerara musa. ⁶ Ñ sinitu ñuerapanahta yu wahahtore musare yu yahu mujachu musa ñano yajeripohna tira. ⁷ Musare potocãta yahuri nija. Yu wahari baharo musare noanocanohca. Yu manopu waherach musare yoadohotiro sehe taeraboa. Wahacu musare tirore warocaihtja yuhure. ⁸ Yu ñ warocachu tiro tarohca. Ñ wihiro ahri yahpa macaina ñaa yoaina ti ñaa buhiri tiare tinare masichu yoarohca tiro. Noano jia tia cãhure buherohca tiro masare. Tuhsã, Cohamacu masare to buhiri dahrehto cãhure masichu yoarohca masare yoadohotiro sehe. ⁹ Yuhure wacũ tuaeraina jira ahri yahpa macaina. Ñ jiro yoadohotiro sehe masa ñaa yoaina ti ñaa buhiri tiare tinare masichu yoarohca. ¹⁰ Yu Pucã cahapu wahaiha. Yu ñ wahari baharo musa yuhure ne ñusinisi. Ñ jiro noano jia tia cãhure masichu yoarohca yoadohotiro sehe. ¹¹ Ahri yahpa macaina puhtoro watĩnore Cohamacu buhiri dahre duti tuhsãre. Ñ jiro Cohamacu masare, watĩno mehne macainare to buhiri dahrehti cãhure masichu yoarohca yoadohotiro sehe.

¹² Pjiro jira musare yu yahuhti cjihti. Wiho mejeta musa sehe yu yahu pahñochu, tuho ñaha pahñoeraboa. ¹³ Ñ jiro potocã jiare yahuriro Espiritu Santo sehe musare quihõno jiare yahu pahõno tarohca. Tiro to mu

suro musare yahusi. Y_u P_uc_u tirore to yahu dutirire tiro yahurohca musare. ã yoa “Baharop_u õ sehe waharohca”, ni yahuyurohca tiro sehe musare. ¹⁴ ã yoa y_u yare musare tiro yahurohca. ã yahuro y_uh_ure ño payoch_u yoarohca musare. ¹⁵ Jipihtia y_u P_uc_u ya y_u ya cãh_u jira. ã jic_u “Espíritu Santo sehe y_u yare yahurohca musare”, nihi musare — ni yahure Jesu.

“Cahyaina jipanahta baharo wahchenahca musa”, ni yahuha Jesu

¹⁶ ã ni tuhs_u õ sehe ni yahu namore:

—Mahanocã baharo y_uh_ure ñ_usi musa. ã jina baharocãta musa y_uh_ure ñ_unahca tjoa —nire Jesu sãre to buheinare.

¹⁷ To ã nich_u t_uhona, sã sehe mahainacã õ sehe ni durucui sã basi:

—“Mahanocã baharo y_uh_ure ñ_usi musa. ã jina baharocãta musa y_uh_ure ñ_unahca tjoa” nino, ¿dohse nino ã niri marine? ã yoa “Y_u P_uc_u cahap_u wahaihca” nino, ¿dohse jiro baro marine ã niri tiro? ¹⁸ “Mahanocã” nino, ¿dohse nino ã niri tiro? To yahurire noano t_uho ñahaeraja mari —ni durucui sã basi.

¹⁹ Sã ã ni durucuch_u Jesu tirore sã sinitu duarire masino, sãre õ sehe ni yahure:

—“Mahanocã baharo y_uh_ure ñ_usi musa. ã jina baharocãta y_uh_ure ñ_unahca tjoa”, ¿y_u niri cjirire sinitu duajari musa? ¿Tíre y_u nirire t_uho ñahaerajari musa? ²⁰ Potocãta musare nii nija. Y_u yariach_u ñ_una musa tiinahca. Tuhs_u, tuaro cahyanahca. ã jia y_uh_ure ño payoeraina sehe wahcheahca. Musa sehe cahyaina cjiri jipanahta, baharo wahchenahca musa. ²¹ Õ sehe jira tí: Numino niji wahcõno, to ñano y_uhd_uhto pano jira. ã jiro ticoro tuaro cahyara. ã cahyap_urota to pohna tiri baharo ticorore purĩre wacũerara ticoro. Wihãrirocã ahri yahpap_u to masa bajuach_u ticoro wahchera. ã jiro ticorore purĩre wacũerara ticoro. ²² Tó seheta

musa mip_ure cahyanahca. Baharo musare ñ_uihca tjoa. Y_uh_ure ã ñ_una musa tuaro wahchenahca. Musa ã wahchech_u paina musare cahyach_u yoa masisi.

²³ ’Tí dachoi y_uh_ure musa ñ_uri dachoi y_uh_ure sinitu ñ_usi musa. Masi tuhs_urinap_u jinahca. Potocãta musare nii nija. Y_uh_ure musa wacũ tuach_u ñ_uno y_u P_uc_ure musa siniare tiro musare warohca. ²⁴ Y_uh_ure wacũ tuaina jina, Cohamac_ure sini masina musa. Ahri dacho panoi tirore ã sinierasinire musa. Y_uh_ure wacũ tuatjãhna Cohamac_ure siniga. Musa ã sinich_u musa sinirire musare warohca, musa wahche pahñ_uohti cjihtire —nire Jesu sãre.

Ñainare Jesu y_uhd_ur_ucaha

²⁵ ã ni tuhs_u õ sehe ni namore:

—Quititi mehne musare yahua tihi.

ã yahupaihta baharo musare quititi mehne yahusi y_uh_u. ã yahuerac_u y_u P_uc_u sehere noano poto yahuihtja musare. ²⁶ Tí dachore musa ya cjihtire y_u P_uc_ure sini payosi y_uh_u. Y_uh_ure wacũ tuana, musa basi tirore sininahca. ²⁷ Musa y_uh_ure cahĩna. ã jina y_u P_uc_u cahap_u y_u tariro jich_u “Potocã tjira”, nina musa. ã nina musa jich_u ñ_uno, y_uh_ure cahĩna musa jich_u ñ_uno y_u P_uc_u sehe musare cahĩna. To ã cahĩch_u tirore musa sininahca. ²⁸ Y_u P_uc_u cahai jiriro jic_u ahri yahpap_ure tai y_uh_u. ã jic_u mip_ure ahri yahpap_u jiriro jisinic_u y_u P_uc_u cahap_u wahaihca —nire Jesu.

²⁹ To ã nich_u sã to buheina õ sehe nii:

—Mip_u pinihta quititi marieno durucui noano poto yahui nina m_uh_u sãre. ³⁰ M_uh_u noano masi pahñ_uoriro m_u jich_u mip_u pinihtare sã masija. ã jia paina m_uh_ure buhe masierara. Tíre mip_ure sã noano masija. Sã noano masiina jina, Cohamac_u cahap_u tariro m_u jich_u “Potocã tjira”, nija sã —nii sã Jesure.

³¹ Sã ã nich_u Jesu õ sehe ni y_uhtire sãre:

—¿Mipure “Potocã tjira”, nijari musa juna? ³² Baharo curero jipihina musa wuhusep waha siteina jina, yuhure cohãnahca musa. Musa ã cohãpachuta yu Pucã sehe yuhu mehne jira. Æ jicu yuhu cãirota jieraja. ³³ Ahrire musare yahu mæhtahi, yuhure musa wacũ tuaa mehne musa noano jihto sehe. Cohamacure cahmaeraina cahap musa jichu ñano yoaahca musare tina. Ti ã yoapachuta wahchega musa. Ahri yahpa macaina ñaa buhiri tiinare, ti pæhtoro watĩno cãhure yuhdærcariro jija yuhu. Æ jina yuhure wacũ tuana wahchega musa —nire Jesu sãre to buheinare.

17

Jesu to buheina ya cjihtire Cohamacure sini payoha

¹ Æ ni yahu tuhsu Jesu mæanopu ñæroca mo, Cohamacure õ sehe ni durucure:

—Mai, mipure mu yahu quihõriro seheta yuhure ñano ti yoahiti pja mu særota nina. Yuhure mu macure masare ño payochu yoaga. Mu ã yoachu mæhure masare ño payochu yoaihca yuhu cãhu. ² Jipihtina bui pæhtoro yuhure cãre mæhu. Æ jicu yuhure mu warinare mæhu mehne ã jirucuchu yoaihca yuhu. Tuhsu, mæhure masare ño payochu yoaihca yuhu. ³ Mæhu dihta Cohamacu waro jira. Yuhu Jesucristo mu warocariro jija. Æ jia jipihtina mæhure masiina, yuhu cãhure masiina mæanopu mari mehne ã jirucuahca —nire Jesu.

⁴ Æ ninota õ sehe ni namore Cohamacure:

—Ahri yahpære mu yoa dutiri cjirire yoa pahõoja yuhu. Æ yoacu mæhure masare ño payochu yoaja yuhu. ⁵ Ahri yahpa to jihto pano mæhu mehne yu jichu jipihtina yuhure ti ño payo mæhtariro seheta mipure yuhure ti ño payochu yoaga tjoa.

⁶ Ahri yahpai jiiinare yuhure mu warinare mæhure masichu yoahi. Mu warina mu yaina jira. Æ jicu tinare

ware mæhu yuhure. Æ jia mu dutiare yoare tina. ⁷⁻⁸ Yuhure mu yahurire tinare buhehi. Yu ã buhechu tæhoa yu buheare cahmare tina. Æ jia potocãta mu cahai tariro yu jichu masina tina. Tuhsu, mu warocariro yu jichu “Potocã tjira”, ni tæhotura tina. Æ yoa jipihtia yu ya mu ya ti jichu masina tina.

⁹ Ti ya cjihtire mæhure sini payoi nija. Paina ya cjihti sehene sini payoi nieraja yuhu. Yuhure mu warina mu yaina jira. Æ jicu ti ya cjihtire sini payoi nija mæhure. ¹⁰ Tina jipihtina mu yaina jira. Æ jia mu yaina sehe yu yaina jira. Yuhure wacũ tuaa yu tuariro jiare masichu yoara tina masare.

¹¹ Mipure ahri yahpære tjuasi yuhu. Mu cahap wahai tai nija. Yu ã wahapachuta mipure yuhure mu warina ahri yahpare tjuaahca. Mai, mæhu noariro jira. Yuhure mu warinare mu tuaa mehne ñu wihbobasaga. Mu ã ñu wihbochu mari cãirota mari jiro seheta tina cãhu cã curuata jahca. ¹² Tina mehne jicu mu tuaa mehne tinare noano ñu wihbohi. Cãiro pinihta pichacapu waharohca mu yare ti joari tjui to yahuriro seheta.

¹³ Mipure mu cahai wahai tai nija. Æ jicu ahri yahpai ahri jipihtiare yu yainare yahuja yuhu mehne ti noano wahchehto cjihtore. ¹⁴ Mu yare yahui tinare. Tina yu yoaro seheta ahri yahpai ji dojahtina jierara. Æ jia ahri yahpa macaina sehe tinare ñu tuhtira. ¹⁵ “Ahri yahpai jiiinare, yu yainare naaga”, nieraja. Æ nierapaihta tinare noano ñu wihboga “Watĩno ñaare yoa dutiri”, tinare nicu. ¹⁶ Ahri yahpa macariro jieraja. Tina cãhu yu yoaro seheta ahri yahpai ji dojahtina jierara. ¹⁷ Yu yainare mu buhea mehne noaina wahachu yoaga tinare. Mu yahua sehe potocã tjira. ¹⁸ Ahri yahpære yuhure mu warocariro seheta yuhu sehe yu yaina cãhure mu yare buhe duticu warocahi. ¹⁹ Mu cahmaare yoahitiro

cjihtore variahtiro jic_u y_u pjacure waja. ã waja y_uh_u y_u yaina c_uh_u m_u cahmaare potocã ti noano yoahiti cjihtire.

20-21 "Y_u yaina mip_ure jiina dihtare yoadohoga", ni sini payoeraja y_uh_u. Y_u yaina painare y_u yare ti buheri baharo paina c_uh_u y_uh_ure wac_u tuaahca. Tina c_uh_ure yoadohoga, y_u yaina jipihtina c_u curuai ti jihto cjihto sehe. Y_uh_u m_uh_u mehne mari p_uaro jipanahta cãiro tjija. Mari cãirota mari jiro seheta tina c_uh_u mari mehne c_u curuaihta jijaro. C_u curuaita jijaro m_u warocariro y_u jiare jipihtina masa "Potocã tjira" ti nihto sehe. 22 Y_uh_ure m_u masich_u yoariro seheta y_u yainare y_u jia tiare masich_u yoai. Tinare y_u ã masich_u yoach_u cãirota mari jiriro seheta tina c_uh_u c_u curuaita jiahca. 23 Y_uh_u tina mehne jija. Tuhs_u, m_uh_u y_uh_u mehne jira. Mari ã jiina jich_u y_u yaina potocãta c_u curuaita noano jiahca. C_u curuaita ti jich_u ñ_u m_u warocariro y_u jiare ahri yahpa macaina masiahca. Tuhs_u, y_uh_ure m_u cahĩro seheta y_u yaina c_uh_ure m_u cahĩare masiahca masa.

24 'Mai, ahri yahpa to ji d_ucahto pano y_uh_ure cahĩa tire m_uh_u. ã cahĩc_u y_u masi pahĩoriro, si siteriro y_u jich_u ñore m_uh_u. ã jic_u y_uh_ure m_u warina y_uh_u mehne ti jich_u cahmaja masi pahĩoriro, si siteriro y_u jich_u ti masihtu cjihtire. 25 Mai, m_uh_u noariro jira. Ahri yahpa macaina ñaina m_uh_ure masierara. Y_uh_u sehe m_uh_ure masija. ã jia m_u warocariro y_u jich_u masina y_u yaina. 26 M_uh_ure tinare masich_u yoai. Baharop_u c_uh_ure m_uh_ure tinare masich_u yoaihtja y_uh_ure m_u cahĩro seheta painare ti cahĩti cjihtire. ã jic_u y_u yaina mehne jiihca —nire Jesu Cohamac_ure.

18

Jesure peresu yoaha
(Mt 26.47-56; Mr 14.43-50; Lc 22.47-53)

1 To ã niri baharo Jesu sã c_uh_u to buheina Cedrõ wama tiri mare pahã, olivo wama tia yuc_uri ti toari wesep_u sai. 2 Pay_u tahari tí wesei, tí yuc_u docai sã Jesu mehne cahmachua tii. ã jiro Juda Jesure ñ_u tuhtiinare ñohtiro tí wesere masire. 3 ã masino p_ua curua surarare m_u tã tare tí wesep_u Jesure ñono taro. C_u curua surara waro jire. Pa curua surara Cohamac_u w_uh_ure cohtaina jire. Tina sacerdotea p_uh_utoa, fariseo curua macaina ti warocaina jire surara, Cohamac_u w_uh_ure cohtaina mehne. ã taa sihãa pocare, sihãa yuc_uri c_uh_ure sihã tare. Ti wamoa c_uh_ure c_uh_ure tina. 4 Tí wesep_u ti wihiri baharo Jesu to ñano wahahtore masino, tinare piti boca, õ sehe ni siniture:

—¿Noare macana nijari m_usa? — nire Jesu.

5—Jesu Nazare macarirore macaja sã —ni y_uhtire tina.

—Tiro tjija y_uh_u —nire Jesu.

Juda sehe, Jesure ñaha dutiro ñoriro tina mehne jire. 6 ã jia "Tiro tjija y_uh_u", Jesu to nich_uta tina sehe c_uaa waha, yahpap_u du siti m_ua bora caha sare. 7 Ti ã wahach_u ñ_uno tinare pari turi õ sehe ni siniture Jesu:

—¿Noare macana nijari m_usa? — nire.

—Jesu Nazare macarirore macana nija sã —ni y_uhtire tina tjoa.

8 —"Tiro tjija", ni tuhs_umahic_u y_uh_u m_usare. ã jina y_uh_ure ñahana, ahrinare y_uh_u mehne macainare peresu yoaena tjiga m_usa —nire Jesu.

9 ã sãre cahĩno ne cãirore butich_u yoerare. ã yoaro tó pano Cohamac_ure to niriro seheta yoaro nire tiro. "Y_uh_ure m_u warinare ne cãirore boerahi", to niriro seheta yoaro nire Jesu. 10 ã yoa Simo Pedro ñosari pjĩne c_uh_uro, tí pjĩne tãã we naroca, sacerdotea bui p_uhtoro cahamac_uno Malco wama tiriro cahmonore cã pahr_unocare. To poto b_uh_usehe macari cahmonore cã pahr_unocare. 11 ã to cã pahr_uch_u ñ_uno Jesu tirore õ sehe nire:

—Mu ñosari piñe wihboga. Yu Pucu yuhare to ñano yuhdu dutiriro seheta ñano yuhduihtja yuhu —nire Jesu Pedrore.

Sacerdotea bui puhtoro cahapu Jesure naaha tina

(Mt 26.57-58; Mr 14.53-54; Lc 22.54)

¹² To ã ni tuhsuchuta surara, ti puhtoro mehne, Cohamacu wuhure cohtaina surara cãhu Jesure ñaha, tirore duhtere. ¹³ Duhte tuhsu Ana cahapu naa muhtare tina. Ana sehe Caifa marechano jire. Caifa sehe tí cahmare sacerdotea bui puhtoro jire. ¹⁴ “Judio masa ya cjihtire cãiro masano yariachu noana”, niriro cjiro jire Caifa sehe.

“Jesure masieraja”, niha Pedro
(Mt 26.69-70; Mr 14.66-68; Lc 22.55-57)

¹⁵ ã jina yuhu Simo Pedro mehne Jesure yoa cureropu ñu ñanu tii. Yuhu sehe sacerdotea bui puhtoro to ñu masiriro jicu Jesu baharo puhtoro wuhui jiri sahrĩnopu sãa waha. ¹⁶ Yu ã sãachu Pedro sehe sahrĩno sopacai tjuarucu sure. ã jicu majare wijaa ta, sopacare cohtaricorore sinitu ñui “Ahrĩro Pedro sãa ta masijari”, nicu. Yu ã sinitu tuhsuchu ticoro Pedrore sãa ta dutire. To sãa ta dutiri baharo yuhu Pedrore na sãa waha. ¹⁷ Yu ã na sãachu ñuno sopacare cohtaricoro sehe Pedrore õ sehe ni siniture:

—¿Jesu buheina mehne macariro jierajari mahu? —nire ticoro Pedrore.

—Jieraja yuhu —ni yuhtire Pedro sehe.

¹⁸ Sã suhto pano tó macaina cahamaca, surara mehne ti sohmahti pichacare wijã tuhsari jire. Yusa nire. ã jia tina tí pichaca duhtu cahai ducua, sohmaa nire. Ti ã sohmachu ñuno, Pedro cãhu waha, sohmare.

Sacerdotea puhtoro Jesure sinituha

(Mt 26.59-66; Mr 14.55-64; Lc 22.66-71)

¹⁹ ã yoa sacerdotea bui puhtoro Jesu buherire, sãre to buheina cãhure

sinitu ñari jire Jesure. ²⁰ To ã sinituchu Jesu sehe õ sehe ni yuhtiri jire tirore:

—Jipihtinare buhecu ti panoi ducuhi. ã buhecu judio masa mari buhea wuhusei Cohamacu wuhu cãhure ã buherucuhi. Masa ñuenoi buherahi yuhu. ²¹ ¿Dohseacu yuhure sinitujari mahu? Sinitu duacu yu buheinare sinitu ñuga. Yu buherire tina masina —ni yuhtiri jire Jesu.

²² To ã nichu tuhoro tó ducuriro surara sehe to wamomaca mehne Jesure cjãri jire.

—ã nii tjiga sacerdotea bui puhtorore —niri jire surara sehe Jesure.

²³ To ã nichuta Jesu õ sehe niri jire:

—Ñano yu ni durucurire yahuga yuhure. ¿Potocãta musare yu yahupachuta, dohseacu yuhure cjãjari mahu? —niri jire Jesu surarare.

²⁴ Baharo Ana Jesure paina ti duhterirore Caifa sacerdotea bui puhtoro cahapu warocari jire.

“Jesure masieraja”, pari turi niha Pedro

(Mt 26.71-75; Mr 14.69-72; Lc 22.58-62)

²⁵ ã yoa Simo Pedro pichaca duhtu cahai ducuro, sohmano nire. ã to sohmarucuchu ñua, tó macaina tirore õ sehe ni siniture:

—¿Mahu cãhu Jesu buheina mehne macariro jierajari mahu? —nire tina Pedrore.

—Jieraja yuhu —ni yuhtire Pedro.

²⁶ Tuhsu, sacerdotea bui puhtoro cahamaca mehne macariro, Pedro to cahmono cjã pahrẽriro coyeiro sehe Pedrore õ sehe ni siniture:

—¿Jesure ti ñahari wesei yu jichu mahu cãhu tiro mehne jierapahte? —ni siniture tiro Pedrore.

²⁷ —Yuhu tiro mehne jierahi —nire Pedro. To ã nichuta caraca dure.

Jesure Pilato sinituha

(Mt 27.1-2, 11-14; Mr 15.1-5; Lc 23.1-5)

²⁸ Ñamiwacũnu jichu Caifa ya wuhupu jirina Jesure naa wijaa, tí maca macaina puhtoro Pilato ya wuhupu naa wahare tina. ã

wahapahta to ya wuhupu sāerare. Pascua dachori jichu tina tí bose numuri macaare chuhtina jia õ sehe nire: “Judio masano jierara Pilato. To ã jiro jichu to ya wuhure sāana, mari dutiare yuhdurucana niboca. Æ jina mari sāachu marine bose numuri macaa chure chu dutierahca”, nire tina. Æ nia puhtoro Pilato ya wuhure sāerare Jesure naahrina sehe. ²⁹ Ti ã sāa taerachu ñano Pilato tina cahapu, wuhu sopacapu surucu suro, tinare õ sehe ni siniture:

—¿Yaba buhirire ahriroro yahusa duajari musa? —nire Pilato tinare.

³⁰—Ahriro to noariro jichu mahure sā waeraboa. Ñariro jira tiro —ni yuhtire tina.

³¹ Ti ã nichu Pilato õ sehe nire:

—Musa sehe tirore naahga. Æ jina musa ya dutia ti niriro seheta tirore buhiri dahrega —nire Pilato tinare.

—Musa Roma macaina ya dutia sehe sāre masanore wajã dutierara —nire tina Pilatore.

³² Æ nia Jesure judio masa ti wajã duarire masichu yoaa nire. Jesu sehe crupap to variahtore tó pano to yahuriro seheta ã waharo nire.

³³ Ti ã ni durucuri baharo Pilato sehe wuhupu majare sāa, Jesure pjirocari jire. Pjiroca tuhsu, tirore õ sehe ni sinituri jire:

—¿Judio masa ti puhtoro tjijari muhu? —ni sinituri jire Pilato.

³⁴ —¿Mu mu surota ã sinitui nijari muhu yuhure? ¿O paina sehe yuhure ti yahusari baharo tíre sinitu ñujari muhu? —niri jire Jesu Pilatore.

³⁵ —Judio masano jieraja yuhu. Mu ya yahpa macaina, sacerdotea puhtoa cahu mahure ware sare. ¿Yabare ñano yoari muhu ti ã buhiri dahre duachu? —niri jire Pilato.

³⁶ —Ahri yahpa macariro puhtoro jieraja yuhu. Ahri yahpa macariro puhtoro yu jichu yu buheina yuhure yoadohoboa. Judio masare yuhure ñaha dutieraboa. Yu puhtoro jia ahri yahpa macaa jierara —niri jire Jesu Pilatore.

³⁷ —¿Æ jicu puhtoro jijari muhu ã nicu? —niri jire Pilato.

—Mu nino seheta puhtoro tjija. Masa ti puhtoro jihtiro cjihto masa bajuai yuhu. Æ jicu ahri yahpapu tai ti puhtoro jicu tacu, potocã jiare yahucu tacu. Jipihtina potocã jiare tuho duaina, yu yahure tuhora —niri jire Jesu.

³⁸ —¿Yaba baro jijari potocã jia? Potocã jiare masihto basioerara —niri jire Pilato.

Judio masa Jesure wajã dutiha
(Mt 27.15-31; Mr 15.6-20; Lc 23.13-25)

Æ ni tuhsu Pilato judio masa cahai majare tjua waha, tinare õ sehe ni yahure:

—Ahriro Jesure yaba buhiri mariahna. ³⁹ Cuhmaripe pascua jichu cãiro peresui jirirore musa wio dutirucura. ¿Æ jicu ahriro Jesureta musa puhtoro cjihto masare wiobasabocari yuhu? —nire Pilato judio masare.

⁴⁰ To ã nichu tuhoa judio masa õ sehe ni sañurucure:

—Tirore wioi tjiga. Barrabá sehere sare wiobasaga —ni sañurucure judio masa Pilatore.

Barraba sehe yaca bucro jire.

19

¹ Ti ã ni sañurucuri baharo Pilato Jesure tjana dutiri jire. To ã dutichu to musa sehe tirore tjanari jire. ² Tjana tuhsu tina pota soro dahre tuhsu, Jesu dapu bui duhu payori jire. Duhu payo tuhsu, puhtoa ya suhti barore tirore sāa, payu tahari tiro cahacã suruca, õ sehe ni bujuperi jire tina:

³ —Noano tagã. Judio masa puhtoro noano tagã —ni bujupe, Jesu wuhduahi cã mujari jire.

⁴ Æ yoa pari turi Pilato judio masa cahapu waha, tinare õ sehe ni yahure:

—Tuhoga musa. Ahriroro ñaa buhiri mariahna. Æ jicu tíre musa masihti cjihtire musa cahai tirore na tai tai nihi —nire tiro.

5 To ã ni tuhsuchuta Jesu pota soro pisariro, puhtoa ya suhti barore sãariro, wuhui jiriro wijaa tare. To ã wijaa tachu Pilato tinare õ sehe nire:

—Ñuga. Ahriro tjira tiro —nire Pilato.

6 To ã ni tuhsuchu tũhoa, sacerdotea puhtoa, Cohamacu wuhu cohtaina surara cũhu Jesure ñua, sañurucure:

—Crusapu cjã puha wajãga tirore. Crusapu cjã puha wajãga tirore —ni sañurucure tina.

—Tirore ne ñaa buhiri mariahna. ã jina musa basita tirore naaga. ã jina musata tirore crusapu cjã puha wajãga —nire Pilato tinare.

7—Tiro to basi “Cohamacu macuno jija”, nia tire. Tire to ã nichu sã dutia sehe tirore wajã dutira —nire tina Pilatore.

8 Ti ã nichu tũhoro tó pano to cuiriro yũdoro cuia wahare Pilato sehe. 9 ã jiro pari turi to wuhupare majare sãa, Jesure õ sehe ni sinituri jire tjoa:

—¿Noho macariro jijari mũhu? —niri jire Pilato Jesure.

To ã ni sinitupachuta Jesu tirore yũhtierari jire.

10 To ã yũhtierachu ñano Pilato tirore õ sehe ni sinitu namori jire:

—¿Yũhare yũhtierajari mũhu? Yũhu mũhare peresui jirirore wio masija. ã yoa mũhare crusapu cjã puha wajã duti masija yũhu. ¿Tĩre masierajari mũhu? —niri jire Pilato Jesure.

11 —Cohamacu mũhare to dutierachu yũhare ñano yoape dutieraboa mũhu. Yũhare ñu tuhtinare ñoriro sehe mu yũdoro ñano buhiri tira —niri jire Jesu Pilatore.

12 To ã nichu tũhoro Pilato sehe tirore wio duari jimare. To ã wio duapachuta pari turi judio masa õ sehe ni sañurucure:

—Jesu “Puhtoro jija” nino, mari jipihtina bui puhtoro jirirore Roma macarirore ñu tuhtiriro jira tiro. ã jicu tirore wiocu mũhu cũhu mari bui puhtoro jirirore ñu tuhtiriro jiihca —ni sañurucure judio masa Pilatore.

13 Ti ã nichu tũhoro Jesure wuhui jirirore na wijaa ta, buhiri dahre dutiro taro to dujiri pahtai nuju sare Pilato sehe. Tói to buhiri dahre dutiri wapa, tãa mehne ti yoari wapa judio masa sã ya mehne Gabatá wama tire.

14 Tí dacho pascua dacho bose namu sã chuhti cjihtire sã cahnori dacho jire. Tí pjare cohari pja waro jire. Nuju su tuhsu Pilato masare õ sehe ni yahure:

—Ahriro tjira musa puhtoro —nire tiro.

15 To ã nichu tũhoa judio masa õ sehe ni sañurucure:

—Yariajaro tiro. Yariajaro tiro. Crusapu cjã puha wajãga tirore —ni sañurucure tina.

—¿Musa puhtoro to jipachuta tirore crusapu cjã puha wajã dutijari musa? —nire Pilato.

To ã nichu tũhoa õ sehe ni yũhtire sacerdotea puhtoa:

—Mari jipihtina bui puhtoro Roma macarirota sã puhtoro jira. Pairo puhtoro sare mariahna —ni yũhtire sacerdotea puhtoa.

16 Ti ã ni durucuri baharo Pilato Jesure crusapu cjã puha wajã dutiro, tirore ware tinare, tirore wajãhtinare.

Jesure cjã puha wajãha tina
(Mt 27.32-44; Mr 15.21-32; Lc 23.26-43)

17 ã jia tina Jesure naa wijaare. Ti naa wijaachu Jesu sehe to crusare to basi wua naa, dapu cohã wama tiropu sare. Sã judio masa ya mehne dapu cohã Gólgota wama tire. 18 Tópu sua tina Jesure cjã puha õre. Tuhsu, paina puarore cãiro to poto bũhusehei, pairo to cõ bũhusehei cjã puha dapore tina. ã jiro Jesu ti dacho macai jire. 19 Ti cjã puha tuhsuchu, Pilato taboa pjĩne joa, Jesure ti cjã puha õri crusai cjã puha õ dutire tí pjĩne. Õ sehe ni joare tiro: “Ahriro Jesu Nazare macariro, judio masa bui puhtoro jira”, ni joare Pilato tí pjĩne. 20 Tí pjĩne joaro judio masa ya dusero mehne, Roma macaina ya dusero mehne, griego masa ya dusero mehne joare tiro. ã yoa

Jesure crusa_{pu} ti cĵa puha daporiro maca cahacĵi jire. Tó cahacĵi jiina pay_u judio masa Pilato joarire ñ_u, buhere. ²¹ Ā buhe tuhs_u judio masa sĵa sacerdotea puhto_a ō sehe nire Pilatore:

—“Ahriro judio masa puhtoro jira”, ni joai tjiga. Sĵa puhtoro jierara ahriro. Ā jic_u ō sehe ni joa cahnoga m_uh_u. “Ahriro ‘Judio masa puhtoro jija’, ni cĵairota to basita ā ni tuhoturiro jira”, ni joa cahnoga — nire sacerdotea puhto_a.

²² —Y_u joa muhtariro seheta jirohca — nire Pilato tinare.

²³ Jesure ti cĵa puhari baharo pititiaro surara sehe Jesu suhtire ti basi witire. Ti ā witi duapach_uta cĵa suhtirota yoari suhtiro dohori marieni suhtiro jire. Tí suhtiro suhari suhtiro jire. ²⁴ Tí suhtiro to ā jich_u ō sehe nire tina ti basi:

—Ahri suhtirore tuhrēna tjijihna. Ahri suhtirore nahtiro cĵihtore masi duana, docapejihna mari — nire tina ti basi.

Ā docapea, Cohamac_u yare ti joari tjui ti ni joariro seheta yoaa nire tina. “Y_u suhtire tina ti basi witire. Ā jia y_u suhtire nahtiro cĵihtore masi duaa, docapere tina”, ni joaa tiha Cohamac_u yare ti joari tjui. To ā ni joariro seheta ā yoaa nire tina.

²⁵ Surara ti ā yoach_u Jesu pocoro, Jesu m_uono, María Cleofa namono, María Magdalena mehne Jesu crusa cahacĵi ñ_urucure tina. ²⁶ Ā jiro to pocoro y_uh_u to cahĵiro cĵh_u to cahacĵi sĵa ducuch_u ñ_uno to pocorore ō sehe ni yahure Jesu:

—Mip_ure ahriro m_u mac_u cĵihtoro jira — nire Jesu to pocorore.

²⁷ Ā ni tuhs_u, y_uh_ure ō sehe ni yahure tiro:

—Mip_ure ahricoro m_u poco cĵihtoro jira — nire Jesu y_uh_ure.

To ā niri baharo Jesu pocorore y_u ya w_uh_upu ji dutii.

Jesu yariaa wahaha

(Mt 27.45-56; Mr 15.33-41; Lc 23.44-49)

²⁸ To ā ni yahuri baharo ō sehe ni tuhotu masiri jire Jesu: “Jipihtia Cohamac_u y_uh_ure dahra dutiro to cĵire yoa pah_uhi”, ni tuhotu masiri jire Jesu. Ā masino Cohamac_u yare ti joari tjui to ni yahuriro seheta ō sehe nire Jesu:

—Ñahma yapioca y_uh_ure — nire Jesu.

²⁹ Ā yoa tói vino s_uēa core posa tiri situ dujire. Ā jiro tói jiro wihmi nari suhtere s_uēa co mehne ti sohari suhtere yuc_uc_u hisopo wama tid_u sohtoai duhte ōre. Duhte ō tuhs_u, Jesu du_useroi siō m_uo, siō ōre. ³⁰ Tí core Jesu wihmi tuhs_u ō sehe nire:

—Tó puro tjica — ninota to dapure muhrir_uca, yoja s_u, yariaa wahare.

Surara Jesu patipahma batoi ñosaha ñosadu mehne

³¹ Tí dacho pascua bose n_um_u pano jire. Tí bose n_um_u macaare sĵa ch_uhti cĵihtire sĵa cahnori n_um_u jire. Ā jia pa dacho Sabado jich_u tí bose n_um_u jich_u crusa_{pu} ti wajĵinare cĵu du_uaerare judio masa. Tí dacho Cohamac_ure ti ño payori dacho bose n_um_u jire. Ā jia tí dachoi ti cĵa puharina cĵirire crusa_{pu} ti jich_u cahmaerare tina. Ā jia ti cĵa puharina cĵirire ti ñ_uch_u cohĵrine cĵa nuha dutia taa judio masa siniha Pilatore, ti yaria m_urocahto cĵihtoro sehe. Ti ā yoari baharo ti pĵac_uri cĵirire na boro bahra_uo taa nire. ³² Ti ā dutich_u surara sehe crusa_{pu} cahap_u s_u, cĵiro yacariro cĵiro ñ_uch_u cohĵrine cĵa nuhare. Pairo c_uh_ure āta yoare tina. ³³ Ā jia Jesu ñ_uch_u cohĵrine cĵa nuha tamaa, to yariariro jich_u ñ_u, cĵa nuhaerare.

³⁴ Ā cĵa nuhaeraa cĵiro surara to patipahma batoi ñosadu mehne ñosare. To ā ñosach_u dóihta to di, co mehne wijaare. ³⁵ To ā wahach_u ñ_ui y_uh_u. Y_uh_u ahri tjure joariro m_usare potocā yahuja. Potocā y_u yahua jich_u masija y_uh_u. M_usare yahuja m_usa cĵh_u Jesure m_usa wac_u tuahto sehe. ³⁶ Cohamac_u yare ti joari tju to niriro seheta ā wahare: “To cohĵrine

ne cū cohāre cjā nuhaerare”, to ni joariro seheta Jesu ñachua cohārine ne cū cohāre cjā nuhaerare. ³⁷ Æ yoa pa tju Cohamacu yare ti joari tju ò sehe nina: “Tirore ti ñosariro cjirore ñahca tina”, ni joaa tiha Cohamacu yare ti joari tju.

Jesu pjacure masa copapu cūha
(Mt 27.57-61; Mr 15.42-47; Lc 23.50-56)

³⁸ To yariari baharo José Arimatea macariro Jesu pjacu cjirore na bororo taro, Pilatore siniri jire. José sehe paina judio masare cuuro, Jesure wacū tuariro to jiare yahu duaerari jire. To pjacu cjirore to siniri baharo Pilato sehe to pjacure naa dutiri jire. To ã na dutichu José crusa cahai su, Jesu pjacu cjirore naa wahari jire. ³⁹ Nicodemo cūhu me sitiare yucucu di pohca, mirra wama tia me sitia yucucu pohca mehne dahra moreare na tari jire. Jesu pjacu cjirore masa copapu ti siō sāahto pano ti cahnohti jiri jire tí me sitia. Ti na tari cjiri treinta kilo nūcari jire. Nicodemo sohō jiri pja Jesu mehne to coā durucuri pja ñamipū Jesu cahai sūriro jiri jire. ⁴⁰ Æ jia tina pūaro Jesu pjacu cjirore naa, judio masa sā yariainare sā yoarucuriro seheta to pjacu cjirore me sitia mehne suhtiro cahsaro mehne wahmari jire. ⁴¹ Crusapu Jesure ti wajāno cahai wese jire. Tí wesepū masa copa tācapū wahma ti sahari copa jire. Tí copai ne yariariro cjirore siō sāaerasinire. ⁴² Pascua dacho bose nūmūi judio masa sā bose nūmūi sā chūhti cjihtire sā cahnori dacho jire. To ã jiri dacho jichu tí copa cahacāi to crusa jichu, tói siō sāari jire tina Jesu pjacu cjirore.

20

Jesu masa wijaaha
(Mt 28.1-10; Mr 16.1-8; Lc 24.1-12)

¹ Domingo ñami curero jichu, bohreahto panocā María Magdalena Jesu masa copapu sūri jire. Tópu sūro tí copare ti tju bihari tācare ti pjōo cūria tācare ñari jire ticoro. ² Æ

ñuricoro jiro sā cahapu mūrocaa tare ticoro. Simo Pedro mehne yūhu sā pūaro jii. Wihi, ò sehe ni yahure sāre ticoro:

—Mari pūhtoro pjacu cjirore naanocari jihre. Æ jina tiro cjirore ti cūrire mari masieraja —nire ticoro sāre.

³ To ã nichu tūhona, Pedro mehne masa copapu ñana wahai sā. ⁴ Æ ñana wahana sā pūaro mūroca wahcāi. Æ mūrocana, yūhu Pedore mūroca yūhdu wahcācu masa copapu su mūhtai. ⁵ Tópu sūcu muhri caha ñūroca sōi tí copapure. Muhri caha ñūroca sōcu tirore ti wahmari suhtiro cjiro dihtare ñai. Æ jii tí copare sāaerahi. ⁶ Yū ã ñari baharopū Simo Pedro yū baharo wihire. Wihi, masa copapu sāa, to pjacu cjirore ti wahmari suhtiro cjirore ñare tiro. ⁷ Jesu dapure ti wahmari cahsaro cūhure ñare tjoa. Tí cahsaro soro coāno to turēri cahsaro jire. ⁸ Æ jicu yūhu cūhu masa copapu su mūhtariro tí copapu sāai. Jesure to ã mariachu ñūcu “Potocāta Jesu masa wijaari jira”, ni tūhotui yūhu. ⁹ Tí copapu sā wahahto pano Cohamacu yare ti joari tjui Cristo to yariahtore yahurire, to masa wijaahatore yahuri cūhure sā noano tūho ñahaerasinimai. Tí copare yū ñari baharo, “Potocāta Jesu masa wijaari jira”, ni tūhotui yūhu. ¹⁰ Æ ñū tuhsuna sā wūhusepū tjuaa wahai.

Jesu María Magdalenare bajuaha
(Mr 16.9-11)

¹¹ Æ yoa masa copapu María majare tju ta tí copa sopacapū wihi, ducuro, tiuro niri jire. Æ tiiparota ticoro muhri caha ñūroca sōri jire masa copapure. ¹² Æ ñūroca sōno pūaro anjoare, yehsea suhti tiinare Jesu cjiro to coāriro cjiropū ti dujichu ñari jire ticoro. Cāiro to dapu coāriro cjiroi dujiri jire. Pairo to dahpori coāriro cjiroi dujiri jire. ¹³ Tinare to ñachu tina sehe ticorore ò sehe ni sinituri jire:

—Numino, ¿dohse jiro baro tiico ni jari mūhu? —niri jire tina.

—Y_u puhtoro pjacu cjirore naanocari jihre. Æ jico to pjacu cjirore ti cūrire masieraja y_uh_u —niri jire ticoro.

¹⁴ Æ ni tuhs_u, majarer_uch_u s_umahno Jesure tói ducurirore ñ_uri jire ticoro. Æ ñ_uparota Jesure ñ_u masierari jire ticoro.

¹⁵ —Numino, ¿dohse jiro baro tiico nijari m_uh_u? ¿Noare macaco nijari? —niri jire Jesu ticorore.

“Ahriro ahri wesere ñ_u wihboriro jira”, ni t_uhotumari jire ticoro Jesure. Æ ni t_uhoturo, ò sehe niri jire ticoro:

—M_uh_uta to pjacu cjirore naariro jicu to pjacure m_u cūrirore yahuga y_uh_ure. M_u yahuri baharo to pjacu cjirore naaco wahacohtja —niri jire ticoro tirore.

¹⁶ To ã niri baharo Jesu ò sehe niri jire:

—María —niri jire.

To ã ni pisuch_u t_uhoro majare ñ_uroca, ticoro hebreo ya mehne sã judio masa ya mehne ò sehe niri jire:

—Raboni —niri jire ticoro Jesure. (Raboni nino “Buheriro”, nino nina.)

¹⁷ —Y_u P_uch_u cahap_u m_ujaerasinija y_uh_u. Y_u ã m_ujaerasinich_u y_uh_ure ñahaeco tjiga. Tuhs_u, paina y_u yaina cahap_u wahaga. Ti cahap_u s_uco ò sehe ni yahuga tinare: “ ‘Y_u P_uch_u cahap_u wahai tai nija. M_usa P_uch_u c_uh_u jira tiro. Y_u yairo Cohamac_u cahap_u wahai tai nija. M_usa yairo Cohamac_u c_uh_u jira tiro’, nihre Jesu”, ni yahuga tinare —niri jire Jesu Mariare.

¹⁸ To ã niri baharo María Magdalena sã Jesu buheina cahap_u wihi, yahure sãre:

—Mari puhtorore ñ_uhi y_uh_u —ni, Jesu ticorore to yahu dutirire yahure sãre ticoro.

Jesu to buheinare bajuaha

(Mt 28.16-20; Mr 16.14-18; Lc 24.36-49)

¹⁹ Tí dacho domingoi ñamichahai sã Jesu buheina sã coyey judio masare cuina, w_uh_upu biha sãa, dujii sã. Sã ã dujich_u Jesu sã watoi bajuar_uch_u s_uro, sãre ò sehe nire:

—¿Jimajari m_usa? Noano jiga m_usa —nire.

²⁰ Æ ni tuhs_u, to wamomacarine, to patipahma bato c_uh_ure sãre ñore. Æ jina sã tirore sã puhtorore ñ_una, wahchei. ²¹ Pari turi Jesu sãre ò sehe nire:

—Noano jiga m_usa. Y_u P_uch_u y_uh_ure to warocariro seheta, m_usa c_uh_ure y_u ya buheare buhehtinare warocaja —nire Jesu sãre.

²² Æ ni tuhs_u tiro sãre puti sãare. Æ puti sãano Espiritu Santo sãre to sãar_uch_u s_u m_usa wahahtore ñono nire sãre. Ño tuhs_u ò sehe nire:

—Mip_u Espiritu Santore ñahaga m_usa, m_usa mehne jhtirore. ²³ Paina ti ñaa yoarire m_usa boch_u, ãta jiahca. Æ jia paina ti ñaa yoarire m_usa boerach_u tí bori jisi —nire Jesu sãre to buheinare.

Jesure masa wijaarirore Toma ñ_uha

²⁴ Jesu sã watoi to bajuach_u Toma s_uhd_uariro ti ni pisuriro sã mehne mariahe.

²⁵ To ã mariach_u sã mehne macaina tirore yahumare:

—Mari puhtorore sã ñ_uhi —ni yahumai sã Tomare.

Sã ã ni yahupach_uta ò sehe nire Toma:

—To wamomacarine ti cjã puhaa coparire ñ_uerac_u tí coparire y_u wamo pica mehne be ñ_uerac_u, “Potocãta masa wijaari jira”, nisi y_uh_u. Æ yoa to patipahma batoi jiri copare y_u wamomaca mehne siõ s_uerac_u, “Potocãta masa wijaari jira”, nisi y_uh_u tirore —nire Toma.

²⁶ Ocho dachori baharo pari turi sã to buheina sã w_uh_upu jii. Tí pjare Toma sã mehne jire j_una. Tí w_uh_u bihari w_uh_u jire. Bihari w_uh_u to jipach_uta Jesu w_uh_upu sãa taro, sã watoi bajuar_uch_u s_uro ò sehe nire:

—¿Jimajari m_usa? Noano jiga —nire.

²⁷ Æ ni tuhs_u, tiro Tomare ò sehe ni yahure:

—Ñuga yu wamomacarine. Æ yoa mu wamo pica mehne yu wamomacarine ti cja puhaa coparire be ñuga. Tuhsu, mu wamomaca mehne yu patipahma batoi jiri copare siõ sõ ñuga. “Potocã jierara”, nii tjiga. “Potocã tjira”, niga muhu, —nire Jesu Tomare.

²⁸ To ã niri baharo Toma õ sehe ni yuhtire:

—Muhu yu puhtoro jira. Muhu yu yairo Cohamacu jira —nire Toma Jesure juna.

²⁹ —Yuhure mu ñuri baharo yuhure wacũ tuara muhu. Paina sehe yuhure ñerapahta yuhure wacũ tuaahca. Æ jia tina mu yuhdoro wahcheahca —nire Jesu Tomare.

Jesure masa ti masihti cjihtire ahri tjure joaha João

³⁰ Æ yoa payu paye cãhure Cohamacu to tuaa mehne yoa ñore Jesu sã mehne jiro. Tíre to yoirire ahri tjuí joa pahñoerati yuhu. ³¹ Æ joa pahñoerapahita ahri tjuí yu yahuare joahi “Jesuta Cristo Cohamacu to warocariro jira. Tiro potocãta Cohamacu macno jira”, musa ni masihti cjihtire. Æ jina musa tirore wacũ tuaina Cohamacu mehne musa ã jirucuhti cjihtire joahi ahri tjure.

21

Jesu siete to buheinare bajuaha

¹ Baharo Tiberia wama tiri bucupariro duhtu cahai sãre to buheinare Jesu pari turi bajuare tjoa. Sãre bajuaro õ sehe yoare tiro tjoa. ² Simo Pedro, Toma suhdurairo ti niriro, Natanae Galilea yahpai jiri maca Caná wama tiri maca macariro, Zebedeo pohna sã puaro, paina puaro buheina sã õpeinata cahmachui.

³ Sã ã cahmachuri baharo Simo Pedro sãre õ sehe nire:

—Wahi wajãí wahi nija —nire tiro.

—Sã cãhu muhu mehne wahahtja —nii sã tirore.

Æ ni tuhsu buhaa wahi. Æ jina dohoría mehne wahi. Wiho mejeta

tí ñamine sã noano maca bohreapanahta ne cãiro wahi wajãerahi. ⁴ Bohrea parí cahachu Jesu paduroi to ducuchu tirore ñumai sã. Æ ñupanahta tirore “Jesu jira”, ni ñu masierahi sã. ⁵ Æ jiro sãre tiro õ sehe ni siniture:

—¿Ne, wahi wajãri musa? —nire Jesu.

—Ne wajãeraputiati sã —ni yuhtii sã.

⁶ —Dohoria poto buhusehe sehe doca ñoga. Tie sehe doca ñona wahi wajãnahca musa —nire sãre.

To ã nichu tuhona sã to niriroihita doca ñoi. Sã doca ño tuhsuchu payu wahi sãare. Payu wahi sãachu wañunore dohoriapu waja sãana bihoerahi sã. ⁷ Æ jicu yuhu Jesu cahãiro Pedrose õ sehe ni yahui:

—Mari puhtorota jira siro paduroi ducuriro —nii Pedrose.

Yu ã nichu tuhoro Jesuta to jichu masino, Simo Pedro to suhtirore sãare. Wahi wajãno taro to suhtirore tjuweriro jisinire. To suhtirore sãa tuhsu, diapu pjuroca ñojare. ⁸ Sã paina buheina dohoriai jina, cien metro yoaro diapure pahsai sã. Æ jina wañunore wahi payu sãadure dohoría mehne waja nujai sã. ⁹ Duhtu cahai wahã suna pichaca niti dihta si coãri pichaca bui Jesu to puhõ cãirirore wahire ñui sã. Pãõ cãhure ñui sã.

¹⁰ Sã ã ñichu ñuno Jesu sãre õ sehe nire:

—Michapucacã musa wajãrinare mahainacã na tahga —nire sãre.

¹¹ To ã nichu Simo Pedro sehe Jesu mehne jiriro dohoriapu samu, wañunore, bujuina wahi ciento cincuenta y tres wahi sãadure waja majare. Payu wahi sãapahta wañunore tuhrẽrare.

¹² —Chusinina taga —nire Jesu sãre.

“¿Noa baro jijari muhu?” ni sinitu ñerahi sã tirore. Sã puhtoro to jichu masii sã. ¹³ Æ yoa Jesu pichaca cahapu suro, pãore na, sãre witire. Wahi cãhure witire.

¹⁴ Æ jiro Jesu to masa wijaari baharo paduroi bajuaro tia taha sãre to buheinare bajuaro nire.

Jesu Simo Pedro mehne s̄h̄uduha

15 Sã ch̄ari baharo Jesu Simo Pedrore õ sehe ni siniture:

—Simo Jona mac̄ano, ¿ahrinare m̄u cah̄īro ȳhdoro ȳh̄ure cah̄jari m̄h̄u? —nire Simo Pedrore.

—P̄h̄toro, m̄h̄ure cah̄ja ȳh̄u. M̄h̄ure ȳ cah̄ich̄u masina m̄h̄u — ni ȳhtire Simo Pedro.

—Ã jic̄u ovejac̄are ti nuriro seheta ȳu yainare buhega m̄h̄u —nire Jesu.

16 ã ni tuhs̄u pari turi tiro Simo Pedrore õ sehe ni siniture:

—Simo Jona mac̄ano, ¿ȳh̄ure cah̄jari m̄h̄u? —nire Jesu.

—P̄h̄toro, m̄h̄ure cah̄ja ȳh̄u. M̄h̄ure ȳ cah̄ich̄u masina m̄h̄u — ni ȳhtire Simo Pedro.

—Ovejare ñ̄u wihboriro ovejare to noano ñ̄u wihboriro seheta, ȳu yainare noano buhe ñ̄u wihboga — nire Jesu Pedrore.

17 ã ni tuhs̄u pari turi tiro Simo Pedrore õ sehe ni siniture:

—Simo Jona mac̄ano, ¿potoc̄ãta ȳh̄ure cah̄jari m̄h̄u? —nire Jesu tjoa.

Tia taha ã ni to sinituch̄u t̄horo Simo Pedro tuaro cah̄yare.

—P̄h̄toro, m̄h̄u masi pah̄õna. M̄h̄ure ȳ cah̄ich̄u masina m̄h̄u —ni ȳhtire Simo Pedro.

—Ovejare ti nuriro seheta ȳu yainare buhega m̄h̄u. 18 Potoc̄ã m̄h̄ure niita nija. M̄h̄u wahm̄ano jic̄u m̄u suhtire s̄ãa, m̄u cahmarirorp̄u tinia tiri jire m̄h̄u. ã jiric̄u m̄u jipach̄uta baharo m̄u buc̄uro jich̄u, m̄u wamomacarine m̄u siõrocach̄u paio m̄h̄ure suhtire s̄ãanohca. Tuhs̄u, m̄u waha duaerarorp̄u m̄h̄ure naanohca —nire Jesu Simo Pedrore.

19 ã nino Simo Pedrore dohse waha to variahtore yahuro nire. ã jiro Simo Pedro yariaro Cohamac̄are “Noariro, masi pah̄õnoro jira”, masa ti nich̄u to yoahtore yahuro nire Jesu. ã Pedro mehne s̄h̄udu tuhs̄uro õ sehe ni namore Jesu tirore:

—Quihõno ȳu buheriro seheta yoaga m̄h̄u —nire Jesu Pedrore.

Jesu to cah̄īro buheriro ahri tjure joariro jira

20 To ã nich̄uta Pedro sehe majare ñ̄uroca, ȳh̄ure Joãore Jesu to cah̄īro buherirore tinare ȳu n̄anu tich̄u ñ̄ano Pedro Jesure siniture. Ȳh̄u sehe to ñ̄uro to tãno õ sehe niriro jii: “P̄h̄toro, ¿m̄h̄ure ñ̄u tuhtiinare ñ̄ohtiro sehe diro baro jicari tiro?” ni, Jesure sinitu ñ̄uro jii ȳh̄u. Tí pjare Jesu to pari wahpa ch̄u dujii ȳh̄u sehe. 21 ã jiro ȳh̄ure ñ̄ano Pedro Jesure õ sehe ni siniture:

—P̄h̄toro, ¿ahriro sehe dohse wahroh̄cari? —ni siniture.

22 —Tíre m̄h̄ure yahueraja. Ahri yahpap̄u ȳu tjua tahto pano ahrirore jirucuch̄u ȳu yoach̄u tíre masierara m̄h̄u. ã jic̄u m̄h̄ure yahueraja. Quihõno ȳu buheriro seheta yoaga m̄h̄u —nire Jesu Pedrore.

23 Tíre to yahurire jipihtina Jesu yaina ti basi yahu sitemare. Tíre yahu sitea õ sehe nimare tina sehe: “Jesu to cah̄īro buheriro yariasi”, ni yahu sitemare ȳh̄ure Jesu yaina ti basi. Ti ã nipach̄uta “Tiro yariasi”, nino nierari jimare Jesu. “Ahri yahpap̄u ȳu tjua tahto pano ahrirore jirucuch̄u ȳu yoach̄u tíre masierara m̄h̄u. ã jic̄u m̄h̄ure yahueraja”, nire Jesu Pedrore.

24 Jesu buheriro ahrire yahuriro, ahri tjure joariro jija ȳh̄u. ã jina ahri ȳu yahua quihõno jich̄u masija mari.

25 Paȳu paye c̄h̄ure Jesu yoare. To yoarire mari joa pah̄õch̄u tí tjuri joa tjuri paȳbia wahaboa. ã jia tí tjurire mari wihboch̄u m̄u s̄eraboa ahri yahpa. Wahpaa ȳhd̄ua wahaboa, ȳu t̄hotuch̄u. Tó puro tjira.

Hechos

“Espíritu Santo tarohca”, niha ahri tjure joariro

1-2 Teofilo, ahri quitire mähure joarocai nija. Pano yu joa mähitari püre Jesu to yoaare, to buheare mähure yahu tuhsui. Pu mähano pu to mähjarire yahu batoai. To mähjahto pano Jesu Espiritu Santo mehne dutiha to bese cürinare. 3 Ä yoa Jesu crusapu to yariari baharo payu tahari pjacu tiriro bajua mähjaha to cürinare, tina “Potocäta tiro catira”, ti ni masihto sehe. Cuarenta dachori waro tiro bajua mähjaha tinare. Ä bajuaro tiro to basi to catiriro jiare ñono niha tinare. Ä bajuaro puhtoro Cohamacu to saho jiare yahuha tinare.

4 Jesu to cürina mehne jisninino tinare õ sehe ni yahuha:

—Jerusalëita jisniga mipure. “Espiritu Santore müsare warocaihtja”, yu Pucu to nirirore cohtasiniga. Türe to nirire müsare yahui yuhu. 5 João müsare bautisaro co mehne yoamare. Yuhu sehe tí yuhdoro yoaihtja müsare. Maha dachoricä baharo yuhu sehe Espiritu Santore müsare mehne jirucuchu yoaihtja müsare —niha Jesu.

Jesu mähano pu mähjaa wahaha

6 Ä yoa tina tücu Olivo wama tidapu Jesu mehne cahmachuina sehe õ sehe ni sinitu ñuha tirore:

—Puhtoro, ¿mipure säre Israe yahpare pari turi cü, mari coyea warore puhto söihcari mähü? —ni sinitu ñuha to yaina.

7 Ti ä nichu tuhoru Jesu õ sehe niha:

—Musa puhto sähti pjare yahu quihõriro, ä wahachu yoariro yu Pucu dihta jira. Musa sehere türe ne masihto basioerara. 8 Wiho mejeta müsare Espiritu Santo to wihichu Cohamacu ya masiare cjuanahca müsare. Tí masiare müsare cjuana Jerusalë macainare, jipihtina Judea

yahpa macainare, Samaria yahpa macainare, ä yoa jipihtina ahri dacho mu saro macainare noaa buheare buhenahca müsare. Yu yariarire, yu masa mähjarire tinare buhenahca müsare —ni yahuha Jesu tinare.

9 To ä ni tuhsuri baharota, Cohamacu Jesure mähano pu mähjachu yoaha juna. Tina tirore ti ñu nu nu muochuta me curua watopu säa, buti mähjaa wahaha. 10 To ä buti mähjari baharota tina Jesu to mähjarirore ti ñu muono watoi puaro anjoa yehsea suhti tiina Jesu to cürina watoi bajuaru cu saha. 11 Ä bajuaru cu saha, tinare õ sehe niha:

—Musa Galilea macaina, ¿dohse jiro baro ñu muorucuna nijari müsare? Ahriro Jesu, müsare mehne jirore cjirota, Cohamacu mähano pu to mähjachu yoarirota, mipure to mähjachu müsare ñuriro seheta, pari turi duji tarohca tjoa —ni yahuha anjoa tinare.

Jesu to cürina Juda cjirore cohtotahtirore beseha

12 Ä yoa Jesu yaina tücu Olivo wama tidapu jiina duji taa, Jerusalëpu tju saha. Tu tücu cü kilómetro bui curero yoaro jira Jerusalë dachtu cahapure.

13 Tju saha, tina mähano pu ti jiri tah-tiapu mähjaa wahaha. Ahrina jiha: Pedro, João, Santiago, Andre, Felipe, Toma, Bartolomé, Mateo, Santiago, Simo, Juda jiha. Santiago sehe Alfeo macano jiha. Simo sehe cananista wama tiri curua macariro jimaha. Juda sehe Santiago macano jiha. 14 Payu tahari ahri jipihtina, to cürina, ä jichu numia, María Jesu pocoro, ä yoa Jesu bahana mehne cühu noano cahmachu, Cohamacu ä sinirucua tiha.

15 Ä yoa tí dachorire masa payu cahmachuha. Ciento y veinte jä jiboa. Ä jiro Pedro sehe tiro mehne macaina Cristo yaina watoi ducu, õ sehe ni yahuha tinare:

16 —Yu coyea, Cohamacu panopu to niriro seheta ä waharo nihre. Türe Espiritu Santo Davi cjirore yahu dutiha Juda cjirore. Juda cjiro

Jesure ñahahtinare ñoriro jihre. ¹⁷ Ñ yoahtiro jiparota mari mehne Jesu yare yoariro jimahre. Ñ jiro sã mehne macarirota jimahre —niha Pedro.

¹⁸ Juda cjiro sehe Jesure ño dutia ti waparire to wiari baharo to basita wajã yariaha. Ñ yoaro boraa waha, to tã misida tãhnã waha, yariaa wahaha. To wiari cjiri mehne paina mahanocã yahpare nuchãha.

¹⁹ Jipihtina Jerusalẽ macaina masi pihtinocari jire Juda cjiro to ñano yoarire. Ñ masia ti ya dũsero mehne to niñeru mehne ti nuchãri yahpa cjirore Acældama wamoari jire. Acældama nia, “Di yahpa”, nia nina.

²⁰ Baharo õ sehe ni namoha Pedro:

—Panopũ to joariro seheta ã wahahre Juda cjiro. Salmo to joari tjui õ sehe ni joaa tiha:

“Tiro to jiri wãhũ masa marieni wãhũ tjuarohca.

Ne noa jisi tí wãhũre”,

ni joaa tiha. Ñ cãhũre õ sehe ni joaa tiha:

“Pairo to dahraa cjirire cohtotariro jirohca”,

ni joaa tiha Salmopũ.

²¹⁻²² Ñ jina mari cãiro besejihna. João masare bautisariro cjiro masare to buhero watoi cãina Jesu yaina mari mehne wahare. Tina mehne macarirore cãiro bese nano cahmana mari mehne macariro cjihto. Jesu mehne mari jichũ mari mehne ã jirucurirore besero cahmana. Ñ mari beseri baharo Jesu to masa mãjarire mari mehne buherohca —ni yahuha Pedro to coyeare Cristo yainare.

²³ To ã nichũ tãhoa pãarore bese dapoha tina. Cãiro José Justo wama tirirore beseha. Tiro Barsaba ti ni pisuriro jiha. Bese tuhsũ, pairore Matia wama tirirore beseha. ²⁴⁻²⁵ Tinare bese dapu tuhsũ, tina Cohamacũre õ sehe ni siniha:

—Mũhũ sã pũhtoro jipihtina masa ti tãhotuare masina. Ahrina pãaro sã beseina jira. Juda cjirore cohtotarirore diro mũ cahmarirore bese. Jesure cohãtjiãhno Juda cjiro

sehe pichacapũ wahaha. Tirore cohtotariro Jesu to cũriro jirohca. Ñ jiro sã mehne noaa buheare buherohca —ni siniha tina Cohamacũre.

²⁶ Ñ niata tãa mehne doca mũjaha besea taa. Matia yaro to noano quihõno wijachũ, tiro sehe Jesu to cũrina once cũrina mehne macariro tjuaha.

2

Espíritu Santo Jesu yaina mehne ji dũcaha

¹ Ñ yoa Pentecoste wama tiri dacho jichũ tina jipihtina cũ wãhũ cahmachuha. ² Tí pjareta wihnono to tuaro taro seheta mũanopũ bisiro coa taha. To ã bisiro coa tachũ tãhoha jipihtina tí wãhũpũ jiina. ³ Ñ yoa picha pohna yoaro sehe jia tina jipihtina dapu poca bui bajuaha. Tí picha pohnaricã ñahmanoricã yoaro sehe bajuha. ⁴ Ñ yoa Espiritu Santo tinapũre sãarũcũ sũa wahaha. Tinapũre to sãarũcũ sũa wahachũ, paina ya durucuaire to durucuchũ yoaa mehne tina sehe paina ya durucuaire noano durucuha.

⁵ Tí dachorire Jerusalẽpũ payũ judio masa, cũ curua macaina masa jipahta, paró paye yahpari macaina jiha. Cohamacũre ño payoia jiha.

⁶ Ñ yoa mũanopũ coa tachũ tãhoa tina Jesu buheina cahapũ payũ cahmachu wahcãha. Cahmachuina masape ya durucuaire Jesu buheina ti durucu pahñochũ tãhoa, tina tãho cãaa wahaha.

⁷⁻⁸ —Cuenah. ¿Dohse yoaa ahrina Galilea macaina jipahta mari ya durucuaire noano durucujari? Tina mari ya yahpapũ taina yoaro seheta durucua nina —niha tina sehe.

⁹⁻¹⁰ —Jipihtina mari durucuaire mipũre durucua nina: Õpe yahpari macaina mari õre cahmachuina jija: Partia macaina, Media macaina, Elam macaina, Mesopotamia macaina, Judea macaina, Capadocia macaina, Ponto macaina, Asia macaina, Frigia macaina, Panfilia macaina, Egipto macaina, Libia

yahpai Cirene cahap_u jiina, Romap_u taina jija mari. Cãina judio masa waro jija mari. Paina judio masa dojoina jija mari. ¹¹ Creta macaina cãh_u, Arabia macaina cãh_u jira mari mehne. Mari pay_u paró macaina soro durucua tiina mari jipanata ahrina sehe mari masape curuari macaina durucua ti durucuch_u tãhoja mari. Tina mari ya durucua mehne Cohamac_u tuaa mehne to yoirire yahua nina —ni durucuha masa ti basi.

¹² ã niata tina cãaa waha, ti ñh_uri cãh_ure ti tãhori cãh_ure noano tãho ñahaeraha.

—¿Ahrina dohse jiro baro paina ya mehne Cohamac_u yare ã noano durucujari, m_usa tãhotuch_u? —ni cahma sinitu ñaha tina ti basi.

¹³ Wiho mejeta paina Jesu yaina ti durucuch_u tãhoina mehne macaina sehe tinare õ sehe ni buj_upeha:

—¿Dohse ahrina sihbiori sihni cahaa nijari? —ni buj_upeha paina tinare Jesu yainare.

Pedro masare yahuha

¹⁴ ã jiro Pedro once Jesu to cãrina mehne wahcãr_uc_u s_u, tuaro durucutjiãhno masare õ sehe ni yahuha:

—M_usa Judea yahpa macaina, jipih_utina Jerusalẽp_u jiina, ahrire masiga m_usa. Y_u yahuch_u tãhoga m_usa.

¹⁵ M_usa tãhotua quihõno jierara. Nueve hora jira mip_uta. Mari ch_u sihnini hora jierasinica. ã jia ahrina cahaina jierara. ¹⁶ Ahrina Cohamac_u panop_u to niriro seheta yoaa nina. Tí pjar_ure Joere Cohamac_u yare yahu mãhtariro cjirore, ahrire yahu dutia tiha Cohamac_u sehe:

¹⁷ “Sohtori tia dachori jich_u õ sehe jirohca: ‘Y_u yairo Espíriture masare jipihtinare warocaihtja.

ã jia m_usa pohnap_u y_u yare yahuahca.

ã yoa m_usa mehne macaina wahma yapia bajuamehneare ñahca.

ã jia m_usa mehne macaina b_uc_una cahãnop_u cahãahca.

¹⁸ ã jic_u y_u cahamacare, m_uare, n_umia cãh_ure y_u yairo Espíriture warocaihtja.

ã jia tina y_u yare yahuahca.

¹⁹ Tuhs_u, y_u tuaa mehne bajuamehneare yoa ñoihca mãanop_u.

Yahpap_u cãh_ure y_u bajuamehneare ñoihca: Dire, pichacare, mene ñoihca.

²⁰ Tuhs_u, sã dacho macariro nahitianore cohtotarohca.

Ñami macariro di yoaro sehe sohãriro cohtotarohca.

Õ sehe waharohca Cristo m_usa pãhtoro to tahti dacho, y_u niri dacho panoi.

Tí dachoi ñ_u cãaa wahaahca masa.

ã jiro wiho jiri dacho jisi.

Tí dacho noari dacho jirohca.

²¹ ã jiro õ sehe jirohca.

Jipihtina masa Cristore ti ñaa buhirire cohã duti siniinare tiro tinare pichacap_u wahaborinare yãdhorohca’, nina Cohamac_u”,

ni joaha Joe.

²² ‘M_usa Israe masa y_u yahuch_u tãhoga: Jesu Nazare macariro sehe Cohamac_u to warocariro jihre. Jesure to warocarire masa ti masihtosehe Jesu to P_uc_uro ya tuaa mehne yoa ñohre m_usare. M_usa tíre masina. ²³ Jesure wajã dutina judio masa jierainare wahre m_usa. Cohamac_u panop_u to cahmariro seheta, “ã waharohca”, to niriro seheta ã yoahre. ã jina m_usa Jesure crusap_u wajã dutihre Cohamac_u dutiare cãaerainare. ²⁴ M_usa ã yoapach_uta Cohamac_u sehe Jesure yariariro cjirore masohre. Pari turi ne yariasi tiro. Tiro yaria dojoaerara.

ã catirucuhtiro jira. ²⁵ Õ sehe nia tiha Davi cjiro panop_u macariro Cristo to ni durucuboriro seheta:

“Y_u pãhtoro yãh_u mehne jira mãh_u.

Jipihtia dachoripe Cohamac_u y_u pãhtoro y_u cahai m_u jich_u ñãa tihi y_u cuierahto sehe.

²⁶⁻²⁷ Mãh_u Cohamac_u yãh_ure yariaina ti jirop_ure ne cohãsi.

Yuhure mu cahĩrĩrore ñanopu cohãsi muhu.

Yuhu mu cahamacu no muhure ño payoriro jija.

Yu pjacure baa dutisi muhu.

Ã jicu tuaro wahcheja.

Wahchea mehne durucuja.

Ã jicu muhure Cohamacure noano wacũ tuariro jicu ñaa buhiri marieriro jicu cuiro marieno noano jinocaja.

²⁸ Yuhure pari turi catichu yoaihca muhu.

Yuhu mehne mu jichu tuaro wahcheja”,

ni joaa tiha Davi cjiro Cristo to ni durucuboriro sehetã.

²⁹ ‘Coyea, õ sehe noano yahuihtja musare Davi cjirore mari coyeiro, panopu macarirore. Tiro yariaa wahaha. Ã jiro tiro to masa copa mipure jisina. (Ã jiro “Yu pjacure baa dutisi muhu”, ni joaro to basi wama payo yahuro nieraha.) ³⁰⁻³¹ Panopu Cohamacu Davi cjirore õ sehe niha: “Potocã nii nija. Mu panamana ji turiaina mehne macariro mu yoaro sehetã ahri yahpa macaina bui puhtoro jirohca”, nia tiha Cohamacu Davi cjirore. Davi Cohamacu yare yahu muhtariro cjiro jiha. Ã jiro Cristore Cohamacu to puhto sõhtore masino, Cristo to masa mujahtore yahu muhta tuhsuha Davi sehe. Õ sehe niha: “Tiro yariaina ti jiropure ji dojoasi. To pjacu tõi baasi”, nia tiha Davi cjiro. ³² Ahriro Jesureta Cohamacu masohre. Sã jipihtina tirore ñuhi. ³³ Mipure Cohamacu poto buhusehepu jira dutiriro jiro. Tõ panopu to Pucuro “Espĩritu Santore mu yainare warocaihtja”, to ni cũriro sehetã wari jire Jesure. Ã jiro Jesu sehe ahriñare Espĩritu Santore warocari jira. Ã jina mipure Espĩritu to yoare musa ñu, tuhona nina. ³⁴ Davi cjiro sehe Jesu to mujariro sehetã manopu mujaeraa tiha. Ã jiro tiro to basi õ sehe nia tiha:

“Cohamacu õ sehe nire yu puhtoro: ‘Yu poto buhusehei dujiga muhu.

³⁵ Muhure ñu tuhtiinare muhure cũihtja mu cahamaca yoaro sehe jihtinare’, nire Cohamacu yu puhtoro”,

nia tiha Davi cjiro.

³⁶ Ã jina jipihtina Israe masa ahriro noano masiga musa: Ahriro Jesure musa crusapu wajãriro cjirore musa puhtoro sõhre Cohamacu sehe. Tirore musare yuhdohtirore Cristore cũre Cohamacu —ni yahuha masare Pedro.

³⁷ To ã nichu tuhoa tuaro cahya, pjiro tuhotua, masa sehe Pedro cũhure õ sehe ni sinitu ñuha:

—¿Sã coyea, dohse yoanahcari sã? —ni sinitu ñuha tina.

³⁸ Ti ã ni sinitu ñuchu õ sehe ni yuhtiha Pedro:

—Musa ñaa yoari buhirire cahyaga. Musa ñaa tuhotumari cjirore tuhotu cohtota, “Ã tjiri jira” ni, Cohamacureta maca, tuhoga. Ã yoa Jesu yaina jina, bautisarina jiga musa jipihtina. Jesure musa wacũ tuachu ñano, musa ñaa yoari buhirire borohca Cohamacu. Tõ sehe musa yoachu Espĩritu Santore warohca musare. ³⁹ Musare, musa pohnare, musa panamana ji turiainare, yoaro macainare, ã yoa jipihtina Cohamacu mari puhtoro to beserinare, “Potocãta yuhdoihtja musare”, ni cũha Cohamacu —niha Pedro.

⁴⁰ Tuhsu, tuaro mehne õ sehe ni yahu quihõha tinare:

—Ahri yahpa macaina, Cohamacure ji coerainare buhiri dahrerohca Cohamacu. Wiho mejeta musa sehe, tina watoi jiina, Cohamacu yahurire, “Ã tjira”, ni bahrañoga musa yuhduhto sehe —yahu quihõha Pedro masare.

⁴¹ To ã nichu tuhoa tina payu to yahuare noano tuhoha. Ã jiro tinare tiro bautisa dutiha. Tĩ dachore Cohamacu yaina mehne macaina tres mil masa waha namoha. ⁴² Ã yoa tina masa Cristo to cũrina mehne dachoripe cahmachu, tĩ buheare tuho

nũũ, tíre yũhti mũjaa tiha. Tina pãore nuha, cahma witi, Cohamacũre sini, Cristo to cũrina mehne noano jinocaa tiha.

Jesu yaina wahma ji dũcaina ti jia tiare yahuha

⁴³ ã yoa Cohamacũ to tuua mehne yoa ño mũjaha to cũrina. Ti ã yoachũ ñũa masa jipihtina ñũ cũaa wahaa tiha. ⁴⁴ Jipihtina Jesure wacũ tuaina cahmachu, noano jinocaa tiha. ã jia ti yare cahma witi tiha. ⁴⁵ Ti yare dua, jipihtinare paye baro maerainare cãina ti cahmaare waa tiha tina. ⁴⁶ ã jia dachoripe tina Cohamacũ wũhũ wijaaroi cahmachua tiha. ã yoa cãa wũhũse, ti ya wũhũsepũ cũhũre nohopeina cahmachu, pãore nuha, wahchea mehne tina cãnoi chũa tiha. ⁴⁷ Ti ã cahmachuno watoi “Cohamacũ noariro jira”, ni ño payoa tiha. Paina masa tinare ji coa yũhdũa tiha. ã yoaro dachoripe Cohamacũ painare to yaina to yũhdohtina wahachũ yoaa tiha.

3

Tini masierarirore noariro wahachũ yoaha Cohamacũ

¹ Cũ nũmũ ñamichahapũ tres jichũ Cohamacũ mehne durucuri pja jichũ Pedro, João mehne Cohamacũ wũhũpũ wahaa niha. ² Dachoripe tí wũhũre tí sahrĩ sãari sahrĩno tãa mehne ti yoari sahrĩno macari sopaca cahai paina cũiro masũnore na ta duhu dapoa tiha. Tí sopaca noari sopaca wama tiha. Tiro masũno sehe wahma masa bajuaropũta dojori wahiro jiro tini masierariro jiha. ã jiro tiro tí sopaca cahai niñerure sini dujia tiha tí sopacai sãainare. ³ ã yoa Pedro, João mehne tí sopacare tí sãa cahachũ tini masierariro sehe tinare ñũ, niñerure siniha. ⁴ ã jia tina pũaropũta tirore ñũ, Pedro sehe õ sehe niha:

—Sãre ñũga mũhũ —niha Pedro tirore.

⁵ To ã nichũ tũhoru “Ahrina mahancã yũhũre niñerure waahca”, ni

tũhoturo ñũroca õ tũhoha tinare. ⁶ To ã ni tũhotupachũta Pedro tirore õ sehe ni yahuha:

—Niñerure cjueraja yũhũ. Cjuerapaihta, ahrire yoaihtja mũhũre. Jesucristo Nazare macariro to tuua mehne wahcãrũca, tiniga mũhũ—niha Pedro tini masierarirore.

⁷ ã ninota to wamomacare potu bũhũsehe macari wamomacare ñaha, tirore waja wahcõ dapoha. To ã yoachũta tini masierarirore to ñũchũa tuua wahaha. ⁸ To ã wahachũta tiro wahcãrũca purũcu sũ, tini dũcaha. ã tini dũcaro tiro waha, pu tini “Cohamacũ noariro jira”, to ni wahcheriro mehne tina mehne Cohamacũ wũhũ macari sahrĩno puhichapũ sãa wahaha. ⁹ To ã tinichũ “Cohamacũ noariro jira”, to nichũ masa jipihtina tirore ñũha. ¹⁰ ã jia masa tirore ñũ masiha. Tiro Cohamacũ wũhũ macari sahrĩno tãa mehne to yoari sahrĩno macari sopaca noari sopaca cahai niñerure to sini dujirire masiha masa. ã jia tiro to tinichũ ñũa, ñũ cũaa wahaha.

Cohamacũ wũhũi Pedro masare buheha

¹¹ ã yoa tini masierariro cjiro Pedro cũhũre to siõ suha mũjano watoi, masa jipihtina ñũ cũaa waha, noari wapapũ Salomo wama tiri wapapũ mũroca wahcã, cahmachuha. ¹² Ti ã cahmachurũcu sũchũ ñũno, Pedro sehe õ sehe ni yahuha tinare:

—Mũsa Israe masa, ¿dohseana ahrirore ñũ cũajari? ¿Dohseana sãre mũsa ñũ nũnũjari? Sã sehe sã ya tuua mehne noaina sã jia tia mehne sã mũsũro ahrirore tinichũ yoaerahi sã. Jesu sehe tíre yoahre. ¹³ Abrahã, Isaa, Jacobo mari ñũchũsuma, panopũ macaina ti yairo Cohamacũ sehe to cahamacũno Jesure Jipihtina Bui Jiro cũhre. Wiho mejeta mũsa sehe tó sehe jirirore tirore ñũ tuhtiinare wahre. Baharo pũhũtoro Pilato tirore to wio duapachũta, mũsa sehe tirore to wiochũ cahmaerare. ¹⁴ Pilato tirore wio duamahre. Wiho mejeta mũsa Jesure ñaa buhiri marierirore, quihõno yoarirore cahmaerana,

pairore masa wajāriro sehere wio dutihre m̄sa. ¹⁵ ã yoana Jesure marine catich̄u yoarirore wajāch̄u yoare m̄sa sã coyea judio masa. To yariach̄u Cohamac̄u tirore masohre. Tíre sã ñ̄hi. ¹⁶ ã jina Jesu pjiriro to jia tiare wacū tuaina jija. Tirore sã ã wacū tuach̄u ñ̄no ahrirore m̄sa mip̄u ñ̄rirore m̄sa ñ̄ masirirore Jesu sehe to tuaa mehne tinich̄u yoahre.

¹⁷ 'Ȳu coyea, m̄sa p̄htoa mehne Jesure noano masierapanahta tirore wajāch̄u yoare m̄sa. Tíre masija ȳh̄u. ¹⁸ Wiho mejeta panop̄u macaina Cohamac̄u yare yahu m̄htaina cjiri Cohamac̄u tinare to yahu dutiriro seheta, yahua tiha tina. “Cristo ñ̄ano ȳhd̄u, yariarohca”, ni yahua tiha tina. Ti ã ni yahuriro seheta ã wahahre mip̄ure. ¹⁹ ã jina m̄sa ñ̄aare yoari buhirire cahyaga. M̄sa t̄hotumari cjirire t̄hotu cohtota, ñ̄aare m̄sa goa pjarire duhu, Cohamac̄ureta majarer̄uca, to ya sehere quihõno t̄hoga. M̄sa tirore majarer̄uca, quihõno t̄hoch̄u ñ̄no, Cohamac̄u m̄sa ñ̄aare yoari buhirire borohca. ã boro, m̄sare wahchehti dachorire cū, m̄sare noano yajeri s̄ach̄u yoarohca tiro. ²⁰ ã yoa tiro m̄sa p̄hthora cjihtore to beseriro Cristore m̄sare warocarohca tjoa. Tiro Cristo sehe Jesuta jira. ²¹ Cohamac̄u cahap̄u jisninohca Jesu, p̄ Cohamac̄u ahri yahpap̄u jipihtiare wahma to cohtota pah̄noch̄up̄u. To ã cohtota pah̄nohtore Cohamac̄u yare yahu m̄htaina cjiri, to yaina waro panop̄u yahu quihõ tuhs̄a tiha. ²² Moise cjiro tíre yahuro õ sehe ni m̄htaha: “Cãiro mari mehne macarirore mari coyeiroreta Cohamac̄u yare yahu m̄htahtiro cjihtore Cohamac̄u mari p̄hthora warocarohca m̄sare. Ȳh̄ure to warocaririro seheta warocarohca tiro c̄h̄ure. ã jina m̄sare to yahuch̄u t̄hona, ‘Jai’, ni ȳhti pihtinocaga m̄sa. ²³ Õ sehe jirohca. Jipihtina tirore ȳhtieraina to cohãhtina jiahca. Cohamac̄u yaina mehne macaina jisi

tina”, ni m̄htaa tiha Moise cjiro.

²⁴ 'Jipihtina Cohamac̄u yare yahu m̄htainape Samue, ã yoa to baharo jiina c̄h̄u mip̄u jia dachori cjihtire yahu m̄htaa tiha. ²⁵ Mari ñ̄ch̄us̄uma cjirire, Cohamac̄u yare yahu m̄htaina cjiri c̄h̄ure panop̄u macainare yahua tiha Cohamac̄u. Mari c̄h̄ure ã ni yahuro nia tiha. Abrahãre to niriro seheta mari c̄h̄ure ni yahuro nia tiha. Õ sehe ni yahua tiha Cohamac̄u Abrahãre: “Jipihtiro ahri yahpa macainare noano yoaihtja. Õ sehe tíre yoaihtja: M̄u coyeiro baharo jiriro sehe masare noano yoabasarohca ȳh̄ure”, nia tiha Cohamac̄u Abrahãre. ²⁶ Cohamac̄u to mac̄nore masa wijach̄u yoaro mari cahap̄u waroca m̄htare mari ñ̄aa yoare duhuch̄u yoahtirore. ã yoaro marine tiro noano yoare —niha Pedro tinare.

4

Pedro, João mehne p̄htoa mehne s̄h̄uduha

¹⁻³ Pedro, João c̄h̄u masa mehne ti durucuro watoi sacerdotea, Cohamac̄u w̄h̄ure cohtaina surara p̄hthora, saduceo curua macaina c̄h̄u tinare t̄hoha. Õ sehe ni buheha Pedro João mehne masare:

—Jesu to yariari baharo masa m̄jaa wahahre. To ã masa m̄jarire ñ̄na mari c̄h̄u baharo to yaina mari masa m̄jahtore masija mari —ni yahuha Pedro c̄h̄u.

Ti ã nich̄u t̄hoa p̄htoa sehe tina mehne suaha. ã suaa nahi cahach̄u ñ̄a tina Pedrore, João c̄h̄ure ñ̄aha, peresu yoaha. ⁴ ã tinare peresu ti yoapach̄uta paȳu ti yahure t̄hoina sehe “Potocãta jira”, ni t̄hotuha. ã jia Jesu yaina paȳu waha, tí dachoi wahma to yaina ji d̄caina, ã yoa tó panop̄u Jesure wacū tua tuhs̄urina mehne m̄a sahs̄erore mari quihõch̄u, cinco mil masa s̄ro cahai jiha.

⁵ ã yoa pa dachoi tí maca macaina p̄htoa, b̄c̄na, ã yoa judio masa buheina c̄h̄u Jerusal̄ep̄u

cahmachuha. ⁶ Ti ã cahmachunoi sacerdotea bui puhtoro, Ana wama tiro cãhu tói jiha. ã yoa to coyea cãhu jiha. Caifa, João, Alejandro, paina mehne Ana coyea cãhu jiha. To coyea to dahraare dahraina jiha tina cãhu. ⁷ ã jia tina Pedro cãhure ti cahmarocachu, surara sehe puhto watopu tinare naa wihi dapoha. Ti ã na wihi dapochu, tina puhtoa õ sehe ni sinitu ñaha Pedro cãhure:

—¿Noa ya tuua mehne musa tirore noariro yoari? ¿Noa jijari musare tíre yoa dutiriro? —ni sinitu ñaha tina.

⁸ Ti ã nichu tuhoro Espíritu Santo to yoa dutiriro seheta to tuua mehne yahuha Pedro tinare:

⁹ —Musa puhtoa, ¿musa bucuana, sã dohse yoa ahriro tini masierarirore sã tinichu yoarire masi duana, sãre sinitu ñana nijari musa? ¹⁰ Tí pja pini ahrire masiga musa jipihtina, Israe masa. Jesucristo Nazare macariro, musa crusapu wajãriro, Cohamacu to masoriro tiro sehe ahriro tini masierarirore noariro wahachu yoahre. ã jina ahrirore mipure musa ñurocaroi to tinichu ñana musa. Õ sehe nina Cohamacu yare ti joari pui Jesu cijhtore yahuro:

¹¹ “Ahriro tãca yoaro sehe jiriro jira. Tãcare wahu dahreina wiho jiriare ti cohãriro seheta musa judio masa tirore cohãhre. Musa ã yoapachuta mipure wahu dahreina wãhure yoaa ti cã mãhtari tãcare ti cãriro seheta Cohamacu tirore puhtoro sãhre. Tiro Cristo mariachu Cohamacu yaina wahaeraboa masa. (To ã wiho jiriro jierapachuta musa mari puhtoa mehne tirore cahmaerare. Musa ã cahmaerapachuta Cohamacu sehe tirore mari puhtoro sãhre)”, ni joaha panopu. ¹² Ne, paio masare pichacapu wahaborinare yãhdoriro ne mariaha. Ahri yahpapure Jesu dihta masare yãhdoriro jira. Ne paina tiro yoaro sehe jiina mariaha —ni yahuha Pedro tinare.

¹³ To ã ni yahuri baharo Pedro, João mehne buhemahnoeraina jipahta cuiro marieno ti buhechu ñaha,

puhtoa, bucuana, judio masa buheina mehne ña cuaa wahaha. ã jia Jesu yoaro sehe ti buhechu ñaha, õ sehe masiha tina: “Potocã Jesu mehne macaina tjira ahriana”, ni masiha tina. ¹⁴ ã yoa tini masierariro cjiro Pedro cãhu mehne jiha. Tiro to noariro jichu ñaha puhtoa, bucuana, judio masa buheina mehne. ã jia tina Pedro cãhure “Ñano yoaa nina”, ni yahusã masieraha. ¹⁵ ã yahusã masieraa puhtoa ti cahmachuri tahtiapu jiiinare Pedro cãhure wijaa dutiha. ¹⁶ Ti wijaari baharo puhtoa sehe ti basi õ sehe ni sãhãduha:

—¿Ahrinare dohse yoanahcari mari? —ni durucuha tina ti basi.

Õ sehe ni durucu namoha:

—Pedro, João Cohamacu tuua mehne tini masierarirore tinichu yoari jire. ã jia Jerusalẽ macaina jipihtina ti ã yoarire masica. ã jina mari sehe “ã yoaerare tina” ni masieraja mari. ¹⁷ ã jina Jesu to buheri cjirore painare buhe dutiena tjijihna tinare, “Paina tí buheare cahmari”, nina —ni durucuha tina ti basi.

¹⁸ ã ni durucu tuhsã Pedro cãhure pjiroca, õ sehe niha:

—Jesu to buheri cjirore ne buhena tjiga painare. Tíre ne durucu namoena tjiga —ni yahumaha tinare.

¹⁹ Ti ã ni yahuchu tuhoa tina Pedro João mehne õ sehe ni yãhtiha tinare:

—Musa õ sehe ni dutichu musare yãhtina, Cohamacu sehere yãhdurucana niboca sã. ¿Diro ya sehere sã yoachu quihõno jijari Cohamacu to ñurocarore? ¿Musa ya sehere sã yoachu quihõno jijari? ¿Cohamacu ya sehere sã yoachu quihõno jierajari, musa tuhõduchu?

²⁰ Sã sehere sã ñãrire, sã tuhõrire sãre yahto basioerara —ni yãhtiha Pedro, João mehne.

²¹ Ti ã nichu tuhoa puhtoa sehe pari turi dutimaha tjoa tinare:

—Jesu to buherire musa buheri buhiri ñano yãhdunahca musa —niri jimare puhtoa tinare.

“João, Pedro mehne ñano yoaa nina”, ni masierari jire tina. ã jia masa sehe tini masierariro to noariro wahachũ ñña, “Cohamacũ potocãta noariro jira”, niha masa. Ti ã nichũ tũhoa pũtoa sehe Pedro cãhare ti dohse yoa buhiri dahreboare bo-caeraa, tinare wioha. ²² Tini masierariro, noariro ti yoariro cuarenta cãmari bui cjarariro jiha.

Jesu yaina ti cuierahto cjihtore siniha Cohamacũre

²³ ã yoa, Pedro João mehne ti wiori baharo tina mehne macaina cahapũ sũ, sacerdotea pũtoa, bucũna jipihtia tinare ti niri cjirire yahuha. ²⁴ Ti ã ni yahuchũ tũhoa tina jipihtina cãno potori Cohamacũre siniha:

—Sã pũtoro mũhũ mũanore, yahpare, mári cãhare yoariro jipihtina catiinare bajuamehneriro jira mũhũ.

²⁵ Mũ Espíritu Santo sã ñũchũ cjirore Davire mũ cahamacũnore ahrire yahu dutia tiha mũ niriro seheta:

“¿Dohse yoa Israe masa jieraina sua-jari?

¿Dohse yoa Cohamacũre ti yũhdũrucãhtire wiho waro durucujari tina?

²⁶ Payũ yahpari macaina pũtoa cahmachu, mari pũtoro Cohamacũre, to pũtoro sõriro Cristo cãhare ñũ tuhti, ñano yoa duara tinare”,

ni yahua tiha Davi cjiro mũ ni duti-ro seheta.

²⁷ ã tjira. Ahri macai Herode, Poncio Pilato, judio masa jieraina, ã yoa judio masa cãhũ cahmachuhre, mũ beserirore Jesure noariro mũ cahamacũnore wajãa taa. ²⁸ Tí pja mũ cahmariro seheta “ã waharohca”, mũ niriro seheta yoahre tina. Mũ masia mehne ã ni yahuha mũhũ. ²⁹ ã jicũ mipũre sã pũtoro, tina sãre purĩno mehne mũ jia tiare ti yahu namo dutierachũ wacũ payoga mũhũ. Sãre mũ cahamacare cuiro marieno mũ buheare yahuchũ yoaga sãre. ³⁰ Mũhũ mũ tuaa mehne dohatiinare noaina yoaga. ã jicũ mũ buheare cuiro marieno yahu dutiga sãre. ã yoa Jesu noariro mũ cahamacũno to tuaa

mehne yoa ño masichũ yoaga sãre. ã jicũ dohatiinare noaina sã waha dutichũ to tuaa mehne yoadohoga sãre —ni siniha tina Cohamacũre.

³¹ Ti ã ni siniri baharo, ti cahmachuri wũhũ ñũhmi mũaa wahaha. To ã ñũhmichũta Espíritu Santo to tuaa mehne wacũ tua namoina wahachũ yoaha tinare. Tinare ã wahachũ Espíritu Santo to duti-ro seheta yoaa, cuiro marieno Cohamacũ yare yahu namoha tjoa tina.

Jesu yaina ti yare tju waa tiha

³²⁻³³ ã jia Cohamacũ to tuaa mehne tina Jesu to cũrina õ sehe ni yahua tiha masare: “Jesu yariariro to masarire sã ñũhi”, ni yahua tiha tina masare. ã jiro tinare jipihtinare Cohamacũ noano yoadohorucua tiha. ã yoa Jesure wacũ tuaina payũ jia, tina cãno potori tũhotuina jia tiha. ã jia tina ti yare ti cjuare “Yũ ya dihta jira”, ne niera tiha. Tina jipihtina ti yare paye baro maerainare tina mehne macainare tju waa tiha. ³⁴ ã jia tina mehne macaina pjacũoina mariea tiha. Tina mehne macaina yahpari cjuaina, wũhũse cjuaina ti yare duaa tiha. ³⁵ ã duaa ti wapa narire tina na ta, Jesu to cũrinare waa tiha. ã jia tina sehe tíre tina mehne macainare tju waa tiha. Jipihtina cjuerainare tju waa tiha. ³⁶ Tí pjare cãiro tina mehne macariro José wama tiri-ro jiha. Jesu to cũrina Josére Bernabé ni wama pisuha. To wama Bernabé “Masare wahchechũ yoariro jira”, nia nina. Tiro Leví ya curua macariro Chipre nũco macariro jiha. ³⁷ ã jiro tiro yahpare cjarariro jiro tíre duaha. ã duaro to wapa narire Jesu to cũrinare waha tiro painare witi dutiro.

5

Anania to namono Safira mehne mahñoha

¹ Paina cãhũ Bernabé yoaro sehe yoaa timaha. Tina Anania wama tiri-ro, to namono Safira wama tiri-ro jiha. Ti ya yahpare duaha tiro.

² ã duaparota tiro to wapatarire to

basi naha. To namono cūhū to ā yoirire masiha. Ā jiro ti wapataa ti dūharire na ta, Jesu to cūrinare waha Anania sehe. Ā waro “Wa pahñoi nija”, nimaha tiro. ³To ā yoachū ñhūno Pedro tirore ō sehe ni yahuha:

—Anania, watīno mūhūre mahño dutiri jire Espiritu Santore. Ā jicū mū ya yahpare dua, mū wapatarire mū basi nari jire mūhū. ⁴Mū duahto pano mū ya yahpa jihre. Ā jiro mū duari baharo mū ya wapataa jihre. Ā Ā yoacū dohse jiro baro ā mahñori mūhū? Mūhū sā dihtare mahñorerare. Cohamacū cūhūre mahñohre mūhū — niha Pedro tirore.

⁵To ā nichū tūhorota, Anania sehe doca caha sū, yariaa wahaha. Ā jia jipihtina tiro to ā wahachū masia, turo cuiha. ⁶To yariari baharo wahma yapia ta, to pjacūre suhtiro cahsaro mehne wahma, sopacū na wijaa, masa copapū cohānocaha tirore.

⁷Ā yoa tia hora baharo Anania mūnāno namono, to yariarire masieraro Pedro cahapū sāaha. ⁸Ā jiro Pedro ticorore ō sehe niha:

—¿Mūsa ya yahpare duatjiāhna noho puro wapatarī mūsa? —niha tiro.

Ā jiro ticoro to manūno mūnāno to niriro purota, “Tó purota wapatahi sā”, ni yūhtimaha ticoro.

⁹To ā ni yūhtichū tūhorō Pedro ō sehe ni yahuha ticorore:

—¿Dohse yoana mūsa cūno potori Cohamacū Espiriture mahño duajari? “¿Potocāta marine buhiri dahrebocari?” nina. Tūhoga mipūre. Mū manū cjirore yarina tara. Mūhū cūhūre mū pjacūre naa taa nina — niha Pedro.

¹⁰To ā ni yahuchūta ticoro doca caha sū, yariaa wahaha. Ā jia wahma yapia tí wūhūre sāa wīhi, ticoro pjacūre na wijaa wahaha. Na wijaa, to manūno mūnāno pari wahpa ticoro pjacūre masa copapū cohāna. ¹¹Ā jia Jesu yaina jipihtina paina tíre tūhoa cui yūhdūa wahaha.

Jesu to cūrina Cohamacū tuaa mehne yoa ñoha

¹²Ā yoa masa watōi Jesu to cūrina payū tahari Cohamacū tuaa mehne yoa ñoa tiha. Ā yoa tina Salomo wama tiri tahtiapū tihamahnoeni tahtiapū cahmachua tiha. ¹³Ā jia paina Jesu yaina jieraina sehe cui curea, tina cahapū wahaera tiha. Ā cuipahta tinare Jesu yaina warore “Noaina jira ahrina”, nia tiha masa. ¹⁴Ā jia mūa, numia payū Jesure wacū tua dūcaa tiha. ¹⁵Ā jia tina dohatiinare na ta, coma yosaa mehne pjūpaha duhu cūa tiha mahapū tinare. Ā yoaa Pedro tinare to ña payochū cahmaha tinare na taina sehe dohatiina ti noaina wahachū cahmaa. Tinare to ña payoerachū Pedro ti bui masurūca cūchū cahmaha tina. Tí dihtare cahmaa tiha ti noaina wahahto sehe. ¹⁶Ā jia Jerusalē cahai jia macari macaina cūhū dohatiinare, watīa ti sāaina cūhūre na taa tiha. Tí ā na tachū tina jipihtina ti pjacūri noaina wahaha.

Jesu to cūrinare paina ñano yoa tiha

¹⁷Tí ā yoachū ñhūa sacerdotēa bui pūhtoro, tiro mehne macaina mehne Pedro cūhūre ñhū tuhtiha. Sacerdotēa pūhtoro mehne macaina saduceo curua macaina jiha. ¹⁸Ā ñhū tuhtia tina sua yūhdūa Jesu to cūrinare ñaha, peresu yoaha. ¹⁹Ā jiro ñamipū Cohamacū yairo anjo pjōoha tinare peresui dujiinare. Ā yoa tinare wijaa ta dutiro ō sehe ni yahuha anjo:

²⁰—Cohamacū wūhūpū wahaga. Tí wūhūpū jina Cohamacū to masorire ahri noaa buheare yahuga masare — niha anjo tinare.

²¹To ā nichū tūhoa, ñamiwacūnu jichū Cohamacū wūhūpū sāa, masare buhea tiha tina. Tí dachoihta sacerdotēa pūhtoro, tiro mehne macaina, Israe masa pūhtoa mehne cahmachu, Jesu to cūrinare peresupū jiiinare na ta dutimaha surara pūhtoare. ²²Wiho mejeta surara pūhtoa peresu ti yoari

wuhup waha, ñumaha. Tinare bo-caeraha. Bocaeraa tjuaa wahaha. Tju sũ õ sehe ni yahuha ti puhtoare:

²³ —Peresup jia pahmari bihaa pahmari jihre. ã jia tí pahmari cahai ti peresu yoarinare cohtaina ti ducuch ñuhi sã. Wiho mejeta pjõo sãa, sã ñuch, ti peresu yoarina mari-ahre —ni yahuha tina.

²⁴ Ti ã nich tũhoa, surara Cohamac wuhure cohtaina puhtoro, sacerdotea puhtoa mehne tíre tũho, cũaa waha, “¿Dohse waha sohtori tiahcũ tina ã yoaa?” ni tũhotuha tina.

²⁵ ã jiro tina cahapũ paio sũ, tinare õ sehe ni yahuha:

—Mũsa peresu yoarina Cohamacũ wuhupũ jihre. Ñũna waha wiho. Tí wuhupũ masare buhea nihre tina —ni yahuha.

²⁶ To ã nich tũhoro, surara puhtoro, to surara mehne waha, Jesu to cũrinare pari turi ñaha taha tjoa. Wiho mejeta tinare surara tuhtieraha. ã jia tinare cjãborina jipahta, masare cuja cjãeraha tinare. “Ahrinare mari cjãchũ paina masa sehe tãa mehne docaahca marine”, ni tũhotuha tina surara sehe. ²⁷ ã jia tinare na ta, puhtoa panoi duhu dapoha tina. Ti ã na wihi dapochũ sacerdotea puhtoro tinare õ sehe ni tuhtiha:

²⁸ —Mũsare sã tuaro dutimahi. “Jesu yare buhena tjiga”, nimahi sã mũsare. Sã ã nipachũta mũsa sehe jipihtina Jerusalẽ macainare buhehre mũsa. Jesu to yariari buhiri, sãre buhiri tichũ yoa duana nica mũsa —niha puhtoro sehe.

²⁹ To ã nich tũhoro Pedro sehe paina Jesu to cũrina mehne õ sehe ni yũhtiha:

—Cohamacũ to dutiri sehere yoa mũhtanahtja. ã jina baharo Cohamacũ cahmachũ masa ti dutiare yoanahtja. ³⁰ Cohamacũ, mari coyea panopũ macaina puhtoro, Jesure masori jire. Tirota jira mũsa crusapũ cjã puha wajã dutiriro. ³¹ Jesure “Noariro jira” ni, to poto buhũsehei duji dutihre Jesure Cohamacũ sehe.

ã jiro Jesu masa puhtoro, masare masoriro jiro, Israe masare ti ñaa yoarire cahyaina ji dutiro, ti ñaa yoari buhirire cohã duara Jesu. ³² ã jina sã sehe Jesu to yoarire ñurina jina tíre yahuja sã. Espíritu Santo tíre ñuriro jiro yahura tiro cãhũ. Tirore Espíritu Santore Cohamacũ waroc-ahre. Jipihtina Cohamacũ dutiare yoainare tiro Espíritu Santore wahre —ni yahuha tinare.

³³ To ã nich tũhoa puhtoa sehe sua yũhdũaha. ã suaa, tina Jesu to cũrinare wajã duamaha. ³⁴ Wiho mejeta Gamalie, fariseo curua macariro tói jiro tinare wajã dutiro taro nieraha. Tiro puhtoa mehne macariro, dutiare buheriro to jichũ, masa tirore ño payoa tiha. Tiro Jesu to cũrinare mahanocã cohta dutiro pa sehẽpũ tinare naa wahcã dutiha surarare. ³⁵ Ti ã naari baharo tiro õ sehe ni yahuha masare:

—Mũsa Israe masa, ahrinare mũsa yoahire noano tũhotuga “Mũsapũ wajãri”, nina. ³⁶ Wacũga Teuda cjirore. Tiro to basi “Masare yũhdũũcariro jija yũhũ”, nire masare. To ã yoachũ ñũa, masa payũ cuatro cientos masa tiro mehne macaina tjuare. Baharo paina sehe tirore wajãri jire. To buheare buherina cjiri sehe waha sitea wahari jire. ã jia tina cjiri mipũre mariahna. ³⁷ Baharo masare ti quihõri pja jichũ Galilea macariro Juda wama tiriro cjiro masare to buhechũ tiro mehne masa payũ tjuare. Tiro cãhũ yariaa wahari jire. ã yoa to yaina jipihtina waha sitea wahari jire.

³⁸ ã nicũ mũsare mipũ ahrire nii nija. ã ñũnocahga ahrinare Jesu yare yahuinare. ã yoa ahri buhea, ahrina ti ya buhea Cohamacũ ya buhea jieraa, pihtia wahaahca Teuda cãhũ ti ya buhea ti pihtiriro seheta. ³⁹ Wiho mejeta ahri Cohamacũ ya buhea jia, ne pihtisi. Ahri buhea Cohamacũ ya jichũ ne ahrire butichũ yoa masierara mũsa. Mũsa ahrire butichũ yoa duana Cohamacũ mehne

cahmachena niboca m̄usa —niha Gamalie tinare.

⁴⁰ To ā ni yahuch̄u t̄uhōa, “Potocā tjira”, ni t̄uhotuha masa. Ā jia tina Jesu to c̄ūrinare p̄jiroca, ti wihich̄u ñ̄ua, tinare tjanaha. “Jesu yare buhe namoena tjiga m̄usa”, ni tuhs̄u, tinare waha dutiha. ⁴¹ Ti ā waha dutich̄u t̄uhōa tina p̄uhtoā cahap̄u jirina cjiri wahaā wahaha. Jesu yare ti yoari buhiri ñ̄ano ȳhd̄ua tuaro wahcheha Jesu to c̄ūrina. ⁴² Ā jia dachoripe Cohamac̄u w̄h̄u cahai jia waparihi, ti ya w̄h̄usei Cristo yare buhea, yahua tiha tina.

6

Siete yoadohoinare beseha Jesu yaina

¹ Tí dachorire Jesu yaina paȳu waha. Wiho mejeta ti ā waharo wato, cā curua macaina judio masa jipahta, pa sehēp̄u masa bajuaina griego ya durucuina jiha. Ā jia tina tóita masa bajuaina hebreo ya durucuinare ō sehe ni t̄hotu, nureha: “Dachoripe masare yoadohoare ti witich̄u, mari griego ya durucuina wapewahya numia sehere daacā waro wara”, ni t̄hotu, nure cohtaha. ² Ti ā nurech̄u masia, Jesu c̄ūrina, doce jiina sehe jipih̄tina Jesu yainare ti cahap̄u p̄jiroca, ō sehe ni yahua tinare:

—Sā Cohamac̄u yare buheina jija. Tíre duhu, masare yoadohoare witiBORINA sā jirucuch̄u tó wahaerara. ³ M̄usa sā coyēa, siete m̄uare, paina noaina ti niinare Esp̄ritu Santo to dutirire yoainare, noano t̄ho masinare macaga. Tinare ahri dahraare c̄ūga m̄usa. ⁴ Wiho mejeta sā sehe dachoripe Cohamac̄u sine m̄ja, Cohamac̄u yare painare buhenahca —ni yahua tina Jesu to c̄ūrina.

⁵ Ti ā nich̄u t̄uhōa, “Jai. Āta yoajih̄na”, niha tina jipih̄tina Jesu yaina. Baharo Estebāre Cristore wac̄u tuarirore, Esp̄ritu Santo to dutiare yoarirore beseha tina. Ā jich̄u Felipere, Prócorore, Nicanore, Timore, Parmenare, Nicola c̄ūh̄uare Jesu yainare yoadohohtinare beseha

tina. Nicola sehe Antioquía macariro, judio masano jierariro, judio masa ya buheare cahmano, tina mehne s̄ariro jiha. ⁶ Tinare bese tuhs̄u, ti beserinare Jesu c̄ūrina cahai na wihaha tina. Ti ā na wihich̄u ñ̄ua, tina Jesu c̄ūrina sehe tinare Cohamac̄u sine payo tuhs̄u, ti dapu poca bui ti wamomacarine duhu payoha.

⁷ Ā yoa Jesu yaina painap̄uare Cohamac̄u yare yahu site pah̄noa waha. Ā jia Jerusalēp̄u jiina paina Jesu yaina paȳu waha namoha. Sacerdotea c̄ūh̄uare paȳu Jesu yaina wahaha.

Paina Estebāre ñ̄ahaha

⁸ Ā yoa c̄ūiro masare yoadohoare witi cohtariro Estebā sehe Cohamac̄u to noano yoariro ji, Cohamac̄u tuaare c̄ūariro jiha. Ā jiro tiro Cohamac̄u tuaa mehne yoa ñ̄o m̄jaha masa ti ñ̄uocaroi. ⁹ Wiho mejeta judio masa buheri w̄h̄u macaina tirore ñ̄u tuhti, to yahuch̄u, tirore soro ni cohtaha. Tina soro ni cohtaina “Cahamaca ji, wijarina cjiri”, wama tiri curua macaina sehe jiha. Ā jia Cirene macaina, Alejandría macaina, Cilicia macaina, ā jich̄u Asia macaina c̄ūh̄uare jiha tina. ¹⁰ Tirore soro ni cohtapahta, Esp̄ritu Santo to masia mehne Estebā to durucu mihnich̄u, tina to buheare ti dohse soro ni ȳhtiboare wac̄u bocaeraha. ¹¹ Ti soro ni ȳhtiboare wac̄u bocaeraa, tina painare mah̄no dutia, wapaha tinare. Ti ā mah̄no dutich̄u ō sehe ni yahusāmaha tina:

—Ahriro Cohamac̄uare, ā jich̄u Moise cjirore Cohamac̄u to c̄ūri dutia c̄ūh̄uare to ñ̄ano durucuch̄u sā t̄hohi —ni yahusāmaha tina mah̄noina Estebāre.

¹² Ti ā nich̄u t̄uhōa masa, judio masa buheina, b̄uc̄una c̄ūh̄uare tiro mehne suaha. Ā jia tina Estebāre ñ̄aha, ti p̄uhtoā cahap̄u naaha tirore. ¹³⁻¹⁴ Ā yoa tina painare mah̄no dutiha:

—Ahriro dachoripe Cohamac̄u w̄h̄uare, to dutia c̄ūh̄uare ñ̄ano durucuriro jira. T̄hohi sā tirore to ō sehe nich̄u: “Jesu Nazare macariro

Cohamacu wuhare cohã, ã yoa Moise dutiri cjiri, marine to yahu cûiri cjirire cohtotarohca”, nihre Estebã sã tuhochu —ni mahño yahusãmaha tina.

¹⁵ ã jia jipihtina tói dujiina Estebãre noano ñuroca õ, to wuhduare ñuha tina. Anjo yoaro sehe bajuha to wuhduha.

7

Estebã Jesu yare yahuha

¹ ã yoa sacerdotea bui puhtoro õ sehe ni sinitu ñuha Estebãre:

—¿Ahrina ti nia potocã tjijari? —ni sinitu ñuha tiro Estebãre.

² To ã nichu tuhoro, Estebã sehe tinare õ sehe ni yuhtiha:

—Coyea, bucuna sã pucsuma tuhoga. Abrahã mari ñuchu cjiro panopu macariro Mesopotamiapu to jisnichu, Harãpu to jihto pano, Cohamacu tuariro si siteriro sehe tirore Abrahãre bajuua tiha. ³ ã bajuaro, Cohamacu õ sehe ni yahua tiha tirore: “Mu ya yahpare, ã jichu mu coyea poto cûhure duhunoca, wahaga. Pa yahpa, yu mahure ñohti yahpare wahaga”, nia tiha Cohamacu Abrahãre. ⁴ To ã nichu tuhoro Abrahã cûhu Caldea yahpai jiina wijaa, Harãpu su, jisinia tiha. Abrahã pucuro to yariari baharo, tiro cûhu tí macai wijaa, ahri yahpa, mipu musa jiri yahpare Cohamacu yoadohoro mehne taa tiha. ⁵ Cohamacu Abrahãre õpu suho na taparota, tirore dói “Ahri yahpa puro jiga”, ni cûerasinia tiha. Ne mahanocã ahri yahpare, “Pu tiga muhu”, ni dutierasinia tiha tiro. Wiho mejeta Abrahã pohna marieriro to jipachuta, Cohamacu sehe tirore õ sehe ni yahu muhtaa tiha. “Muhure ã jichu mu panamana, pa tjuru macainapu cûhure ahri yahpare waihtja”, nia tiha Cohamacu Abrahãre.

⁶ ã ninota õ sehe ni yahu namoa tiha Cohamacu. “Mu panamana pa tjuru macaina pa yahpare waha, tópu paina cahapu jia, ti cahamaca jiahca tina. Tuhsu, cuatro cientos cûhmari waro tó macaina ñano yoapeahca mu

panamanare. ⁷ ã jicu tó macainare ti ã yoari buhiri buhiri dahrehtja yahu. Yu ã yoari baharo mu panamana ji turiaina ahri yahpare wihi, yuhare ño payohtina jiahca tina”, nia tiha Cohamacu Abrahãre. ⁸ To ã ni yahu cûare ti noano wacûrucuhto sehe, õ sehe yoa turia wahcã dutiha tirore. Muno pjacure mahanocã cahsarocãre yihso na dutia tiha tirore. ã jiro ocho dachori to macano Isaare to pohna tiri baharo, mahanocã cahsarocãre yihso naa tiha tiro Isaa pjacure. Baharo Isaa Jacobore pohna ti, to pjacu cûhure mahanocã cahsarocãre yihso naa tiha. Baharo Jacobo cûhu doce to pohnare ã dihta yoaa tiha ti pjacurire. Tina doce muha sehe tópe curuari, mari masa curuari dahpoto macaina cjihti jia tiha.

⁹ ã yoa baharo, tina Jacobo pohna, mari ñuchusuma cjiri, ti baharo Josere pahsu tia, paina ti cahamacu cjihtore duanocaa tiha Egiptopu wahainare. Ti ã yoapachuta, Cohamacu Josere yoadohoa tiha. ¹⁰ Jipihti tí to ñano yuhduare Cohamacu tirore noano yuhduchu yoaa tiha. Cohamacu tirore noano tuho masichu yoaa tiha. ã yoa faraõ Egipto macaina puhtoro sehere Josere ñu ji coachu yoaa tiha. ã jiro faraõ sehe Josere puhto sõa tiha, tiro mehne masare dutihtiro cjihtore. Tirore faraõ ya wuhu cûhure puhtoro cûa tiha.

¹¹ ã yoa tí pjapure Egiptopu, Canapu cûhure paró ne coro taeraa, yahpa sehe wuaa sãa wahaa tiha. To ã wua sãa wahachu, masa ti toamari cûhu ñai pihtia wahaa tiha. ã jia mari ñuchusuma cjiri ñano yuhduha, ti chuboare ne bocaeraa tiha. ¹² Wiho mejeta Egiptopu “Trigo jiyuhca”, ti nichu tuhoro, Jacobo sehe to pohnare, mari ñuchusuma cjirire tópu coã warocaa tiha. ¹³ Baharo pari turi to warocarina cjiri Egiptopu ti sachu tjoa, José to wahmisumare “Musa bahuta jija yuhu”, ni yahu, tinare masichu yoaa tiha. Tí pja puhtoro faraõ sehe José coyeare coã ñano nia

tiha. ¹⁴ Baharo José to wahmisumare, ti pucaro Jacobore, ã jichu jipihtina ti coyea cãhure cahmarocaa tiha. To coyea setenta y cinco masa jia tiha. ¹⁵ To macuno to pjirocachu tãhoro Jacobo cjiro wahaa tiha Egiptoru to macuno caharu. To macuno caharu jiro, tiro yariaa wahaa tiha. Æ yoa to pohna, mari ñuchusuma cjiri cãhu tãru yaria pihtia wahaa tiha. ¹⁶ Tina ti yariari baharo, ti coyea ti pjacuri cjirire Siquẽ wama tiropu naa tiha. Tãru na su, tãa coparipu Abrahã Hamor pohmare niñeru mehne to nuchuri yahparu tina ti pjacuri cjirire cãu tiha.

¹⁷ Æ yoa Cohamacu Abrahãre “Canaa yahpare waihtja mũhure”, to ni cãriro cjiro mu sũro cahachu, Abrahã panamana, Israe masa, Egiptoi jisinia payu wahaa tiha. ¹⁸ Ti ã payu wahari baharo, paio faraõ, Egipto masa puhtoro José cjirore masierariro sãa tiha. ¹⁹ Tiro mari coyeare mahño, ñano yoa, ti pohmare mua pohmare wajã dua, cohãnoca dutia tiha tinacãre. Wahma bajuainacãre cohã dutia tiha “Tinacã yariajaro”, nino. ²⁰ To ã yoaro watoĩ Moise cjihto sehe masa bajuaa tiha. Tirocã noariro, Cohamacu to noano ñu jicoariro jia tiha. Tia sũ waro to pucusuma tirocãre noano ñu wihboa tiha. ²¹ Æ jiro Moisere nuõ namo masieraa, diaru tirocãre puhuroi comape mehne ti bihari puhuroi poho buraha. Ti ã yoachu faraõ macono tirocãre ñu boca, na maja, to macunore yoaro seheta cãua tiha tirocãre. ²² Æ jia tina Egipto macaina, noano masiina ya jipihtiare Moisere buhe bucũoa tiha. Baharo, ne cuiro marieno durucuriro, puhtoa jia tia cãhure mihni yãhdũrucu sũriro wahaa tiha Moise.

²³ Æ yoa tiro cuarenta cãhmari cãuro to coyea Israe masare ñu duaro ti caharu ñuõ wahaa tiha. ²⁴ Tãru ñuõ sũro, Egipto macariro cãiro Moise coyeirore to ñano yoachu ñua tiha. Tiro to ñano yoaborirore dũcata duaro, Egipto

macariro sehere wajã cohãnocaa tiha. ²⁵ Æ wajã cohãno, Moise õ sehe ni tãhotua timaha. “Yu coyea ti coyeirore yu yoadohochu ñua ‘Cohamacu marine noano yãhdũchu yoa dutiro warocare ahrirore’, ni tãhotuahca yu coyea”, ni tãhotua timaha Moise. Wiho mejeta tina sehe ne ã ni tãhotueraa tiha. ²⁶ Pa dachoi Moise to coyeare puaro ti basi cahmacheinare boca sãa tiha. Æ boca sũro, tinare yahu duaro tinare õ sehe ni yahua timaha: “¿Musa basi jipanahta cahmachejari musa?” ni yahua timaha Moise tinare. ²⁷ To ã ni yahuchu tãhoro, cãiro to coyeirore ñano yoariro sehe Moisere tjurocaa tiha. “Mũhu sã puhtoro jierara. Sãre yahuboriro jierara mũhu. ²⁸ ¿Canure Egipto macarirore mu wajãriro seheta yãhu cãhure wajã duacu nijari mũhu?” nia tiha tiro Moisere. ²⁹ To ã nichu Moise tãho cãaa waha, mũrocaa duhti wahcã, Madiã yahparu wahaa wahaa tiha. Tãru pa sehe macariro jiparota, numino boca, puaro pohna tia tiha.

³⁰ Æ yoa Moise cuarenta cãhmari waro tãoi to jiri baharo, Sinai wama tidu tãcu cahai masa marienoru to jichu anjo tirore bajuaa tiha. Anjo sehe mahadũcã jãri picha pohnai bajuaa tiha. ³¹ Tu yucũcũcãru to jãrucuchu ñuõ, Moise ñu cãaa wahaa tiha. Tã pichacare cahacã noano to ñu wahcãchu waroi Cohamacu to durucuchu tãho tiha. ³² “Cohamacu jia yãhu. Mu ñuchusuma cjiri, Abrahã cjiro, Isaa cjiro, Jacobo cjiro ti ño payoriro jia”, nia tiha Cohamacu Moisere. To ã nichu tãhoro Moise sehe tetere, ne ñu wahcõeraa tiha. ³³ Cohamacu õ sehe ni durucu namoa tiha tirore. “Yũhu ñaa marieriro yu õi jiro wato, mu ducuri yahpa sehe wiho jiri yahpa jierara. Æ jicu mu dahpo suhtire tjuwe cũga. ³⁴ Æ yoa yu yaina masa Egiptoru ti ñano yãhdũchu ñuõ. Ti tiichu tãhoja. Æ jicu õru wihija yãhu, tinare yãhdũ witichu yoai tai. Ti ã wahachu, ñucũ wahaga mũhu

cũhũ. Egiptopũ mũhũre warocaihtja. Tinare na wioi wahaga”, nia tiha Cohamacũ Moiserere.

³⁵”Tó panopũ tina sehe mari coyea, Israe masa Moiserere cahmaeraa tiha. “Mũhũ sã pũhtoro jierara. Mũhũ sãre yoadohoboriro jierara”, ni tuh-tia tiha tina tirore. Wiho mejeta baharo, Cohamacũ ti ã niriro cjirore Egiptopũ warocaa tiha, mari coyea Israe masare yũhdũ witichũ yoah tiro, ã jichũ ti pũhtoro jihtiro cjihtore. ã yoa anjo, tirore jũdũpũ bajuariro sehe to ã yoah tire yahua tiha tirore. ³⁶ Moise jia tiha mari coyea, Israe masare Egiptopũ jiinare na wioriro. Tinare na wioro, Egiptopũ Cohamacũ tuua mehne tiro sehe yoa ño dũcaa tiha tópũ jiinare. Pjiri ma sohãri mapũ ãta yoa ñoa tiha tjoa. Baharopũ masa marienopũ cũhũre cuarenta cũhmari waro Cohamacũ tuua mehne yoa ño mũjaa tiha tiro to masare. ³⁷ ã yoa Moise cjiro jia tiha mari coyea, Israe masare õ sehe ni yahuriro: “Cohamacũ cũiro mũsa coyeiro, to yare yahu mũhtahtiro, yũ yoaro sehe jirirore warocarohca mũsare”, nia tiha Moise tinare. ³⁸ Moise masa marienopũ mari coyea Israe masa mehne jia tiha. Tuhsũ, Sinaí wama tidũ tũcũpũ ti cahmachuchũ tirore yahuriro anjo mehne jia tiha. ã yoa mari ñũchũsuma panopũ macaina cjiri mehne jia tiha tiro. Cohamacũ to dutiare cũriro jia tiha Moise.

³⁹⁻⁴⁰ ã jia tí dutiare tũcũi Moiserere to cũno watoi mari ñũchũsuma cjiri Egiptopũ tjua duua Moiserere yũhdũrũcaa tiha. Tina tirore cahmaeraa tiha. ã cahmaeraa tina Moise cjiro wahminore Aarõ wama tirore cjirore õ sehe nia tiha: “Paina cohamanare yoaga mari yaina cjihti. Tina mari wahahti mahare marine sũho naahca. ¿Wiho mejeta marine Egiptopũ jiinare na tariro Moise dohse wahari tiro? Masieraja sã”, nia tiha tina. ⁴¹ ã jia tí dachorire tina wachũ masũre uru mehne yoaa tiha. ã yoa tuhsũ, tina wahiquinare wajã, ti yoariro cjiro cahai na ta,

ñõ payoa tiha tirore. ã jia tina ti yoariro cjirore wachũre ñũ, wahche, bõse nũmũ yoaa tiha. ⁴² Wachũre ti ñõ payochũ ñũno, Cohamacũ tinare cohã wahcãa wahaa timaha. “Yũhũre cohã, mũanopũ bajuua, sũ dacho macariro, sũ ñami macariro, ã yoa ñahpichoha poca cũhũre ñõ payowahnojaro”, nino cohã wahcãa wahaa timaha. Cohamacũ yare yahu mũhtaina cjiri ã ni joaa tiha:

“Mũsa Israe masa, yũhũre nu ñano yoare.

Masa marienopũ cuarenta cũhmari waro jina wahiquinare mũsa wajãinare mũsa wajã, jũ wa mũopanahta, yũhũre mũsa ñõ payoboriro seheta yoamare mũsa.

Wiho mejeta yũhũ sehere mũsa ñõ payoerare.

⁴³ ã jina mũsa Molo wama tiri masũre ñõ payoina jiina, tí masũre ñõ payori wũhũre cjuare mũsa.

ã yoa paio cohamacũ ñahpichohaca Refã wama tiria to masũre mũsa yoariare mũsa cjuare tjoa.

Tí masũrine mũsa yoarire mũsa ñõ payore.

Mũsa ã yoari buhiri mũsare Babilonia sie sehẽpũ cohãrocailhtja yũhũ”,

ni yahu joaa tiha Cohamacũ yare yahu mũhtaina cjiri.

⁴⁴ ã jia masa marienopũ Cohamacũ masa mehne to jiri wũhũre wahiquina cahsari mehne ti yoari wũhũre cjuaa tiha mari ñũchũsuma cjiri panopũ macaina. Tí wũhũ Cohamacũ masa mehne to durucuri wũhũ jia tiha. Tí wũhũpũ Cohamacũ dutia to joaa pjĩni tãa pjĩni jia tiha. Tí wũhũre Cohamacũ Moiserere to ñoriro seheta, “Õ sehe yoaga”, to ni yoa dutirore seheta yoaa, tí wũhũre cjuaa tiha tina. ⁴⁵ ã yoa ti panamanapũ cũhũ cjuã turia nũnũ tia tiha tí wũhũre, wahiquina cahsari mehne ti yoari wũhũre. Baharo mari ñũchũsuma cjiri Josué mehne Cohamacũ mari coyea Israe masare to cũhti yahpũre, ahri yahpũre

pu tia taha. Ti pu tia tachu ahri yahpai ji mughtaina cjirire Cohamacu cohãnocaa tiha. Tí pjare Cohamacure ti ño payori wuhure na taa, cjuaa tiha tina ahri yahpamu, mipure mari jiri yahpamu. Pu Davi cjiro to jiri tjurupu cjuaa batoa tiha tí wuhure. ⁴⁶Tiro Davi cjiro sehe Cohamacure wahchechu yoariro jia tiha. Cohamacu ya wuhu cjihtore pa wuhu tiro yoa duaro, sinia timaha Cohamacure. ⁴⁷To ã sinipachuta Salomopu Cohamacu ya wuhu sehere yoaa tiha. ⁴⁸To ã yoapachuta Cohamacu Jipihtina Bui Jiriro sehe masa ti yoari wuhupure jierara. Õ sehe nia tiha Cohamacu yare yahu mughtariro cjiro:

⁴⁹ “Mũano yu dujiro jira.

Tói dujicu dutija yuhu.

Ã jiro yahpa sehe yu dahporire duhu payoro yoaro sehe jira.

Yuhu tua yuhdurariro jija.

Yu ya wuhu cjihtore yoa masierara musa.

Cohamacu yu jichu yu jihti wuhure musa yoa masierara.

⁵⁰ Yu basi ahri yahpare jipihitiro yoahi yuhu’, ni durucua tiha Cohamacu”,

ni joaa tiha Cohamacu yare yahu mughtariro cjiro.

⁵¹’Musa Cohamacu yare tuhopanahtawatoi, sinino sehe õ sehe niha tiro: —Jesu, yu puhtoro yu catiare naga —niha tiro. ⁶⁰Ni tuhsu, tiro na tuhcuca caha su, õ sehe ni tuaro sañurucuha: —Puhtoro Jesu, ahriina mipu yuhure ti wajari buhiri tinare buhiri dahrei tjia —ni sañurucuha Estebã. ã ni sañurucu batoarota, yariaa wahaha tiro.

tí dutiare cjuamaha. Wiho mejeta tí dutiare yuhdurucara musa —niha Estebã.

Tina Estebãre tãa poca mehne doca wajãha

⁵⁴To ã nichu tuhoa tina sehe tuaro suaha. ã tuaro suaa, cuaina wahaha. ⁵⁵Ti ã suapachuta Estebã sehe Espiritu Santo mehne wacu tuariro to tuaa mehne manopu ñuroca mo, Cohamacu si siteare ñuha. ã yoaro Cohamacu poto buhusehei Jesu to ducuchu cãhure ñuha tiro. ⁵⁶ ã ñuroca muono, õ sehe niha:

—Ñu muoga musa. Manopu mahanocã to tjuwe machu, Jesu Cohamacu to warocariro Cohamacu poto buhusehei to ducuchu ñuja yuhu —niha Estebã tinare.

⁵⁷To ã nichu tuhoata tina tuaro sañurucu, ti cahmo coparire bihanoca, cãno potori tiro cahapu muroca wahcã, tirore ñahaha. ⁵⁸Ñaha tuhsu, tirore na wahcã, tí maca duhtu cahapu cohãha tirore. ã jia tãa poca mehne doca wajãha tirore. Ti ã wajãhto pano tirore yahusãrina tirore tãa poca mehne docahtina ti bui sãa suhtire tjuwe na, wahmunore Saulo wama tirirore ti suhtire cjuabasa dutiha. ⁵⁹Estebãre ti tãa docaro

—Jesu, yu puhtoro yu catiare naga —niha tiro.

⁶⁰Ni tuhsu, tiro na tuhcuca caha su, õ sehe ni tuaro sañurucuha:

—Puhtoro Jesu, ahriina mipu yuhure ti wajari buhiri tinare buhiri dahrei tjia —ni sañurucuha Estebã.

ã ni sañurucu batoarota, yariaa wahaha tiro.

8

Saulo Jesu yainare ñano yoaha

¹ Estebã to ã yariachu ñano, “Noana”, niha Saulo sehe.

Tí dachoreta Jesu yainare Jerusalẽ macainare ñano yoa ducaha Saulo mehne macaina sehe. Ti ã yoa ducachu Jesu yaina Judea yahpamu, Samaria yahpamu yoaropu duhti site wahcãa wahaha. Ti puhto, Jesu to

cūrina dihta wahaeraha. ² ã yoa paina Cohamacu ño payoina Estebã pjacu cjirore tãca copapu, duhu sãa, tiro cjirore tuaro tii payoha tiro cjirore tina. ³ Wiho mejeta Saulo sehe Jesu yainare ñabiaro yoaa timaha. Tiro ti wuhusepu sãa, muare, numiare ñaha wahcã, peresupu biha dapoa tiha.

Samariai Jesu yare buheha Felipe

⁴ ã yoa yoropu waha siteina cjiri nohoi ti waharoi Jesu yare buheha tiha. ⁵ Cãiro tina mehne macariro Felipe cū maca, Samaria wama tiri yahpai jiri macapu su, Cristo masare yuhdoriro ya quitire buheha tí maca macainare. ⁶ To ã buhechu, tó macaina sehe tirore tũho cahmachu, Cohamacu to tuaa mehne to yoa ñochu ñaha tina. ã jia tina jipihtina cãno potori to yahuare noano tũho nunaha tiha. ⁷ Payu masa watia sãanohrina tiro cahai ti wihichu ñuno, watia sehere tiro wijaa dutia tiha masapu jirinare. To wijaa dutichu, tina watia sehe tuaro sañurucu, wijaa wahaha. Tuhsu payu pjacu bahainare, pari yuri tiniina cãhure pjacu noaina wahachu yoaa tiha.

⁸ To ã yoa ñochu ñaha tí maca macaina payu masa wahchea tiha.

⁹ Tí pjare Simo wama tiriro tí maca macariro yairo jiha. ã jiro yaya ti yoirire yoa ñoa tiha Samaria macainare. To ã yoa ñochu ñaha, tó macaina ñu cuaa waha, tirore cua pisaro ñaina jiha.

—Yuhu masi pahñoriro jija —
nimaha Simo sehe tinare.

¹⁰ To ã yoachu ñaha masa sehe õ sehe nia timaha:

—Ahriri Cohamacu ya tuaare cjuariro jira. Cohamacu yoaro sehe tuariro jira —nia timaha tirore masa, pahtoa mehne. Tina jipihtina noano tũho nunaha tirore.

¹¹ Tiro yaya ti yoaa mehne yoari pja yoa ñoa tiha tinare. To ã yoa ñochu ñaha tina cuaa wahaha. ã cuaa waha, tina tirore ño payoa tiha.

¹² Wiho mejeta ti ã ño payopachuta

Felipe sehe puhtoro Cohamacu to suho jiare, Jesucristo yare noaa buheare yahuha. To ã yahuchu tina tirore noano tũhoha. Ti ã noano tũhochu ñuno muare, numia cãhure bautisaha Felipe. ¹³ ã jiro Simo cãhu Felipere noano tũhoa tiha. ã jiro tiro cãhure bautisaha. To ã yoari baharo Felipe mehne tjuaa tiha tiro. Felipe sehe Cohamacu tuaa mehne to yoa ñochu ñuno Simo ñu cuaa waha tiha.

¹⁴ ã yoa Samaria yahpa macaina Cohamacu yare ti tuaro cahmachu tũhoa Jerusalẽpu jiina tũhorocaa tiha tinare. ã ti cahmachu tũhoa Pedrore, João cãhure warocaa tiha Samaria yahpamu. ¹⁵ Tõpu sua Pedro cãhu Cohamacu siniha: “Ahrina Samaria yahpa macaina muhure ño payoinare mu Espiritu Santo sãajaro”, ni sini payoha tina Cohamacu. ¹⁶ Tina Samaria yahpa macaina Jesucristo yaina jia to bautisarina jiha. Tí dihtare masiha tina. ã jiro Espiritu Santo tinare sãaerasiniha. ¹⁷ ã jia Pedro, João mehne Samaria yahpa macainare ti wamomacarine ti dapupoca bui ti duhu payori baharo Espiritu Santo tinare sãari jire.

¹⁸ ã yoa Pedro cãhu ti wamomacari mehne ti duhu payochu ñaha Simo. Espiritu Santo tinare to sãachu cãhure ñaha tiro. ã ñariro jiro, tí tuaare cahmano niñeru mehne wapa duamaha.

¹⁹ Õ sehe nimaha Simo:

—Yuhu cãhure waga ahri tuaare. Yuhu cãhu yu wamomacari mehne masa dapupoca bui duhu payoi tai nija Espiritu Santo tinare to sãahto sehe. ã jicu ahri yu yoahiti wapare wapa duaja —nimaha Simo tinare.

²⁰ To ã nichu tũhoro Pedro õ sehe niha:

—Muhu niñeru mehne Cohamacu ya tuaare mu nuchu duari buhiri mu niñeru mehneta pichacapu wahaga muhu. Cohamacu mu tũhotuare masina. Muhu ñariro jisinina. ²¹ ã jicu ahrire sã yoare yoa masierara muhu. Ahri mu yoaa baro jierara. ²²⁻²³ Paina ti cjuare ñucu suariro jira muhu. ã jicu ñaa yoare ne duhu

masierara muh. Ā jicu ahrire mu ñaa yoarire cahyaga muh. Cohamacure mu ñaa tūhotuare to bohto sehe siniga muh. Mu ã yoachū ñūno tiro mu ñaa buhirire boboca, pa tehe nino —ni yahuha Pedro tirore.

²⁴ To ã nichū tūhoro Simo ò sehe ni yūhtiha tirore:

—Yūhure sini payoga musa Cohamacure mu niriro sehe yū wahaer-ahto sehe. Tí buhiri pichacapū waha duaeraja yūhū —niha Simo tirore.

²⁵ Baharo Pedro João mehne Cohamacū yare yahuha: “Jesu to masa mujachū ñūhi sã”, ni payū Samaria yahpai jia macari macainare noaa buheare buheha. Tinare Cohamacū yare buhe tuhsū, Jerusalēpū tjuaa waha.

Felipe Etiopía yahpa macarioro buheha

²⁶ Ā yoa Cohamacū yairo anjo Felipere ò sehe ni yahuha:

—Mipure sur sehēpū wahaga. Jerusalē cahai jiri mahapū Gazapū wahari mahapū, masa marienopū jiri mahapū wahaga —ni yahuha anjo Felipere.

²⁷ To ã nichū tūhoro tiro sehe tí mahapū waha tiha. Baharo tí mahapū cūiro masūno piti bocaro taro niha. To piti bocahtiro jiha Etiopía yahpa macariro pūhtoro. Tiro numiare cahmaerariro eunuco masūno jiha. Ā jiro Candace wama tiri-coro Etiopía macaricoro pūhtorocoro yare niñerure jipihtiare ñū wihboriro jiha. Wiho jiriro jieraha. Tiro Jerusalēpū Cohamacure ño payoro waha tuhsūha. ²⁸ To ya macapū tunuria mehne tjua taro tiapū waha-parota buhero niha. Cohamacū yare yahu māhtariro Isaia cjiro to joari pūre buhero niha. ²⁹ Ā jiro Espiritu sehe Felipere ò sehe ni yahua tiha:

—Siro tunuriapū wahiriro cahapū wahaga —niha Espiritu tirore.

³⁰ To ã nichū tūhoro Felipe sehe tunuria cahapū mūroca wahcā, Isaia cjiro to joarire Etiopía macariro to buhechū tūhoha. Ā tūhoro Felipe ò sehe ni sinituha tirore:

—¿Mu buheare tūho ñahajari muhū? —niha tiro.

³¹ To ã nichū tūhoro Etiopía macariro ò sehe ni yūhtiha:

—Pairo yūhure yahu yūhdoriro mariachū noano masieraja yūhū. Ōi yūhure yahu dujii taga yū pari wahpa —ni yūhtiha tiro Felipere.

—Jai —ni nuju sūha to cahai.

³² Ā yoa Cohamacū yare Etiopía macariro to buheri pū ò sehe niha:

“Ovejare ti ñaha wajāriro seheta tiro cūhure ñaha wajāhca masa.

Ā jiro ovejacā to pjoare ti sachū to sañurucueraro seheta tiro masūno cūhū dihta marieriro jirohca.

³³ Tirore tina bujūpeahca.

Ā jia tiro to ñano yoaerapachūta tina sehe ñano yoaahca tirore.

Tiro ahri yahpapū to jichū tina tirore wajāhca.

Ā jiro tiro pohna marieriro yariaa waharohca”,

ni joaha tí pūpūre.

³⁴ Tí pū to ã ni yahuchū ñūno, Etiopía macariro ò sehe ni sinituha:

—Yahuga yūhure. ¿Ō sehe Isaia cjiro to niriro diro baro jicari ahriro? ¿Isaia cjiro to basi yahuro nicari? ¿Ō pairore yahuro nicari? —ni sinituha Etiopía macariro.

³⁵ To ã ni sinitu ñūchū tūhoro Felipe sehe tí pūre ñū, Jesu yare yahuha Etiopía macarioro. ³⁶ Ā yoa tina tia mehne waha, mácapū sūha.

—Ñūga, ōi máca jira. Ahri mácapū yūhure bautisaga —niha Etiopía macariro.

³⁷ [—Jesure mu noano wacū tuachū ñūcū mūhure bautisaihtja —niha Felipe tirore.

—Jesure wacū tuaja yūhū. Tiro Cristo Cohamacū macūno jira. Tíre noano masija yūhū —niha Etiopía macariro.]

³⁸ Ā ninota tiro tunuria uturioro yūsu dutiha. Tia to yūsu caha sūri baharo wijaaha tina. Wijaa, tí mácapū sū, ñūmurucū sūha tina. Tói ñūmurucū sū, Felipe sehe tirore bautisaha. ³⁹ Bautisa tuhsū ti maja sūrcū

sachu Cohamacu to Espiritu Felipere naa wahaha. To ã wahari baharo Etiopía macariro noano wahcheriro to ya yahpapu tjuaa wahaha. To ã yoari bato tichu ne pari turi Felipere ñeraha. ⁴⁰ ã yoa tuhsu Azotopu sãha Felipe sehe. Tuhsu, payu macarine noaa buheare buheha masare. Pu Cesareapu buhe batoa tiha.

9

Saulo Jesucristore ñano tirore wacũ tua dũcaha
(Hch 22.6-16; 26.12-18)

¹ Wiho mejeta tí pjare Saulo Jesu yainare ã ñu tuhtirucusinino, “Tinare wajãihtja” nino, tiro sacerdotea puhtoro cahapu wahaha. ² Tõpu sũro tiro joaa pũrine õ sehe ni siniha sacerdotea puhtorore:

—Joaa pũrine waga yũhure yu tuhti pũri cjihtire. Tí pũripu mu wama mu joa payochu, yũhu sehe tí pũri mehne, mu dutiro mehne Damascopu wahaihtja. Tõpu su, judio masa mari buhea wũhusepu Jesu yaina mua, numia cãhure boca sũcu, tinare ñaha dũhte, õpu Jerusalẽpu na majare tjuaa taihtja —ni siniha Saulo sacerdotea puhtoare.

³ Ti pũrine na tuhsu, tiro waha, Damasco cahai to sũro cahachu waro mũanopu wacũenoca si siteroca boroha tirore. ⁴ Wacũenoca to ã si siteroca borochuta tiro yahpapu bora caha sũro, õ sehe ni durucuchu tuhoha:

—Saulo, Saulo, ¿dohseacu mũhu yũhure ñano yoajari? Mũhu yũhu mehne suacu yũhure yũhtieracu, mu basita ñano yũhdũra —nino coa taha.

⁵ —Puhtoro, ¿diro baro jijari mũhu? —ni sinitu ñaha Saulo sehe.

—Yũhuta jija Jesu, mu ñano yoarucuriro —niha Jesu Saulore. ⁶ [To ã nichu õ sehe ni sinituha Saulo:

—Puhtoro, ¿dohse yu yoachu cahmajari mũhu? —niha Saulo.]

—Wahcãrucaga mũhu. Macapu wahaga. Tí macapu mu sachu tó macariro mu yoahtere yahurohca mũhure —niha Jesu Saulore.

⁷ To ã nichu Saulo mehne macaina sehe to durucua dihtare tuhoha. Wiho mejeta Jesu sehere ñeraha. To ã wahachu ñua, cuia, tina durucu masieraha. ⁸ ã jiro Saulo yahpapu coãriro wahcãrucu, to ñuchu to capari bajueraha. ã jia tina to wamomacare ñaha, Damascopu tuã wahcãa wahaha tirore. ⁹ Tõpu sũro, tiro tia dacho waro ne ñuera, chũera, ne sihniera tiha.

¹⁰ ã yoa cãiro Jesu to buheriro Anania wama tiroiro Damascoi jiha. ã jiro Jesu bajua tiha Ananiare. ã bajuaro õ sehe ni pisuha tirore:

—Anania, ¿jimajari mũhu? —niha Jesu.

—Jimajã —ni yũhtiha Anania tirore.

¹¹ To ã nichu Jesu sehe õ sehe ni yahuha tirore:

—Potori Maha wama tiri mahapu wahaga. ã wahacu Juda ya wũhupu cãiro Tarso macariro Saulo wama tirore macaga. Tiro Cohamacure sinino nica. ¹² Tiro cahãnopure tirore mu yoahtere ño tuhsuhi yũhu. Õ sehe jiare ñhure tiro: Mũhu mu wamomacarine tiro bui duhu payo, to capari noaa wahachu ñhure tiro to cahãnopure —niha Jesu Ananiare.

¹³ To ã nichu tuhoro Anania sehe õ sehe ni yũhtiha:

—Puhtoro, tiro mu yainare, noainare Jerusalẽ macainare nu ñano yoa mũjayuhti. Payu masa yũhure ã ni yahure. ¹⁴ ã yoa õ cãhure tiro jipihtina mũhure cahmainare peresu yoaro taro niyuhti. Sacerdotea puhtoa tirore ã yoa dutiyuhti —ni yũhtiha Anania Jesure.

¹⁵ To ã nichu Jesu sehe õ sehe ni yahuha tirore:

—Tiro Saulo sehe yu beseriro jira. Tiro yu ya buheare judio masa jierainare, ti puhtoare, ã jichu Israe masa cãhure buherohca. ã jicu wahaga mũhu. ¹⁶ Payu tahari yu yare yoaro tiro ñano yũhdũrohca. Tíre tirore masichu yoaihtja —niha Jesu Ananiare.

¹⁷ To ã niri baharo Anania sehe waha, su, Saulo to jiri wũhupu sãaha.

Sãa sũ, to wamomacarine Saulo bui duhu payo, õ sehe ni yahuha tirore:

—Coyeiro Saulo, mũ capari mũ ñũhto sehe, Espíritu Santo mũhũ mehne to jihto sehe, to dutiriro seheta mũ yoahito sehe, mari pũhtoro Jesu sehe mahapũ mũhũre bajuariro yũhũre warocahre —ni yahuha Anania Saulore.

¹⁸ To ã nichũta to caparire wahi nũtũri yoaro sehe bajua to caparipũ wahãa pahna borachũ ñũha Saulo. To ã ñũ tuhsũri baharo to wahcãrũcũ sũchũ paio sehe tirore bautisaha. ¹⁹ Tirore to bautisa tuhsũchũ, tiro sehe chũ, tuariro wahaha.

Saulo Damascoi Jesu yare buhe dũcaha

Ã yoa Saulo mahaa dachoricã Damasco macaina Jesu yaina mehne jiha.

²⁰ Dói tí dachorita tiro judio masa buhea wũhũsepũ sũ, Jesu Cohamacũ macano to jiare yahu dũcaha masare.

²¹ To ã yahuchũ ñũa jipihtina tirore tũhoina cũaa wahaha.

—Cho, ahriro Jerusalẽpũre Cohamacũ yainare Jesure cahmainare ñano yoariro cjiro jira. Ã yoa tirota jimana õ macaina Jesure cahmaina cãhũre ñaha, dũhte, sacerdotea pũhtoare wiaboriro. Ã yoa duaro õpũre tari jimahre tiro —niha masa tirore tũhoina.

²² Wiho mejeta Saulo sehe cui tũhoturo marieno buhe mihni wahcãa tiha. “Ahriro Jesu potocãta Cristo, marine yũhdohtiro jira”, to ni yahu mihnichũ, tó macaina judio masa ti ni yũhti yũhdũrcaborirore bocaeraha.

²³ Ã jia payũ dachori baharo judio masa tirore wajã duaa, ti basi durucua tiha. ²⁴ Wiho mejeta Saulo tirore ti wajã duachũ masiha to basi. Tina tí macare sahrĩno tãa mehne ti yoari sahrĩno macaa sopacarire dachopũre ñamipũ cãhũre cohtaa tiha tirore wajã duaa. ²⁵ Ti ã wajã duachũ ñũa ñamipũ Saulo buheina tirore pũhũro pjiri pũhi na sãa, tí maca macari sahrĩno baharo bũhũsehei duhu boroha tirore. Tó sehe ti yoachũ yũhdũha tiro.

Saulo Jerusalẽi jiha

²⁶ Ã yoa Saulo Jerusalẽpũ sũro, tópũ Jesu yaina mehne tiro ji duamaha. Wiho mejeta tina tirore “Jesu buheriro jierara ahriro” nia, tirore cui niha. ²⁷ Ti ã cuipachũta Bernabé sehe tirore ña wahcãha Jesu to cũrina cahapũ. Ã jiro Saulo mahai Jesure to ñũrire, Jesu Saulore to durucurire, ã jichũ Damascopũ cuiro marieno Jesu yare to buhe dũcarire yahuha Bernabé sehe. ²⁸ To ã ni yahuri baharo Saulo sehe tina mehne sãano, Jerusalẽpũ tina mehne jia tiha. ²⁹ Tiro cuiro marieno judio masare Jesu yare yahu yũhdũrcaro niha. Tina judio masa griego masa yare durucuina jiha. Ã yoa Saulo to ã yahu yũhdũrcachũ, tina tirore wajã duamaha. ³⁰ Ti ã wajã duachũ ñũa, Saulo mehne macaina Jesu yaina sehe tirore Cesareapũ na duhti wahcãa wahaha. Tópũ tirore sũho jirucuma Tarsopũ warocaha tirore.

³¹ Ã yoa jipihtiropũ, Judea yahpapũ, Galilea yahpapũ, Samaria yahpapũ cãhũre Cohamacũ yaina noano jia tiha. Tí pjare ne masa ñano yoera tiha tinare. Ã jia noano buheha tina. Tina Cohamacũ yare buhe, tirore masi namo, noano yũhtia tiha. Ã yoa Cohamacũre cua pisaro ñũa tiha. Espíritu Santo tinare to yoadohochũ tina sehe payũ wahaa tiha.

Pedro Eneare noariro wahachũ yoaha

³² Ã yoa Pedro jipihtia macaripũ waharo, Jesu yaina Lida macaina cahapũ cãhũre sũha tiro. ³³ Tópũ sũro Enea wama tirirore boca sũha. Enea pjacũ bũhariro jiro, ocho cãhmari waro ti pũpaha cũriro coãa tiha. ³⁴ Ã jiro Pedro sehe tirore õ sehe niha:

—Enea, Jesucristo mũhũre noariro wahachũ yoara. Wahcãrcaga. Mũ pũpaha coãri cahsarore cahnoga — niha Pedro tirore.

To ã nichũta tiro wahcãrcaha. ³⁵ Ã jia jipihtina Lida macaina, Sarón macaina tirore ñũa, tina ti ñaa yoare duhu, Jesure wacũ tuaa tiha.

Dorca wama tircorore masoha Pedro Jesu to tuua mehne

³⁶ ã yoa Jope wama tiri macai Jesure ño payoricoro Tabita wama tircoro jiha. To wama Tabita griego ya dusero mehne Dorca jira. Ticoro noaare yoaro payu waa tiha pjacuoinare. ³⁷ ã jiro tí pjare ticoro dohati wahcõ, yariaa wahaa tiha. To yariachu ñua, tina ticorore noano cosa, muanano macari tahtiapu cúa tiha ticorore. ³⁸ Lida wama tiri maca Jope cahai jire. To ã jichu Jesu buheina Jope macaina Pedro Lidapu to jichu tuhorocaa tiha. ã tuhorocaa, puaro warocaha Pedro cahapu. Tiro cahapu sua Pedore õ sehe ni yahuha tina:

—Soaro mehne sã jiropu wahaga — ni yahuha tina.

³⁹ Ti ã nichu tuhoro tina mehne wahaa wahaha tiro. Tõpu tirore ti na suri baharo muanano macari tahtiapu na mujaa wahaha tirore. ã jia jipihtina wapewahya tiro cahai suruca, tiia tiha. Tabita tina mehne jisininopu payu suhtire yoaa tiha. ã jia tina to yoari suhti cjirire ñoha Pedore. ⁴⁰ Wiho mejeta Pedro tinare tí tahtiapu jinare wijaa dutiha. Ti wijaari baharo tiro na tuhcuca caha su, Cohamacure ticorore sini payoha. ã jiro to pjacu cjirore majare ñu:

—Tabita wahcãga —niha tiro.

To ã nichuta ticoro sehe ñu wahcõ, Pedore ñu, wahcã nuju sua. ⁴¹ To wahcã nuju suchu ñu, tiro to wamacare ñaha, tãã wahcõ dapoha ticorore. ã jiro tiro tó macainare Jesu yainare, wapewahyare pjiroca, ticorore catircorore wiaha tinare. ⁴² To ã yoari baharo jipihtina Jope macaina tirc masia, payu masa Jesure wacú tua ducaa tiha. ⁴³ Baharo Jopepu Simo wahiquina cahsarire cahnoriro mehne payu dachori Pedro tiro mehne jia tiha.

10

Pedro Corneliore Jesu yare yahu ducaha

¹ Ti pjare Cesarepu cãiro Cornelio wama tiri jiha. Tiro cien surara

puhtoro jiha. Tina surara sehe ti ya curua Italiano wama tiha. ² Cornelio to ya wuhu macaina mehne judio masa jieraina jipahta, Cohamacure ño payoina, cua pisaro ñuina jiha. Tiro judio masa pjacuoinare yoadohoro payu waha. ã yoa dachoripe tiro Cohamacure siniha. ³ Cã namu ñamichahapu tres jichu Cohamacu yairo anjo tirore bajuaha. ã bajuaro Cornelio cahapu sãaha.

—Cornelio —niha anjo tirore.

⁴ To ã nichu tuhoro Cornelio tirore ñu, cuiro õ sehe niha:

—Puhtoro, ¿yabare cahmajari mahu? —niha tiro.

—Masa pjacuoinare mu warire, Cohamacure mu sinirire Cohamacu noano ñuno nina. ⁵ ã jicu Jopepu mu muare warocaga. Tõpu Simo Pedro wama tiri jira. Tirore na ta dutiga mu muare. ⁶ Tiro paio Simo wahiquina cahsari cahnoriro cahai, pjiri ma duhtu cahai jiri wuhai jira — niha anjo Corneliore.

⁷ Anjo ã ni tuhsu, wijaa wahaha. To wijaari baharo Cornelio puaro tirore dahra cohtainare, ã yoa cãiro to surara mehne macarirore pjiroca. Surara sehe Cohamacure ño payoriro jiro, dachoripe Corneliore yoadohoa tiha. ⁸ ã jiro Cornelio tinare anjo to yahuri cjirire yahu pahño, Jopepu warocaha tinare.

⁹ ã yoa pa dachoi Jopepu ti waharo watoi cohari pja jichu Pedro sehe wuhu buipu Cohamacure sinino wahaha. ¹⁰ To mija suri baharocã tirore juca purichu chu duaha. Wiho mejeta paina to chure ti dahrero watoi, tiro sehe õ sehe bajuachu ñaha. ¹¹ Muanore parí muachu, pjiri cahsaro pititia sohtoirire dahreri cahsaro to duji tachu ñaha. ¹² Tí cahsaro puhichapure payu wahiquina bua tiniina, chihchõina, waina peri cãhu jiha. ¹³ Tirc to ñuri baharo, Pedro durucuro coa tachu tuhoha:

—Pedro, wahcãrucaga. Ahrinare wajã chuga —nino coa taha tirore.

¹⁴ To ã nipachuta Pedro õ sehe niha:

—Puhoro, ne tina barore chueraja yuh. Ñainare, Cohamacu to chu dutierainare ne chuera tih yuh —niha Pedro.

¹⁵ To ã niri baharo Pedro pari turi durucuro coa tachu tuhoha:

—Cohamacu “Noaina jira”, to nirinare “Ñaina jira”, nii tjia mahu tinare —nino coa taha Pedore.

¹⁶ Ñ yoa tia taha ti ã ni durucuri baharo tí cahsaro manopu mujaa wahaha tjoa. ¹⁷ To ã mujaa wahari baharo, Pedro tuaro wacũ “¿Dohse ni duaro nijari ã bajuaro?” ni tuhoutuha tiro to basi. To ã ni tuhoutu watoi Cornelio muu to warocaina sehe Simo ya wuhupu suha. “¿Simo ya wuh nohopu jijari?” ni, ti sinituri baharo to ya wuhupu suha tina. ¹⁸ Su, tina sinitu ñu bahrañoha. “¿Simo Pedro wama tiriro ahri wuhui jijari?” ni sinitu ñuha tina. ¹⁹ Ñ jiro Pedro to tuhoutu watoi Espiritu Santo tirore õ sehe ni yahuha:

—Ñuga. Tiaro muu mahure maca nina. ²⁰ Wahcãrucaga. Dujiaga. Tina mehne wahaga. Jiape ni tuhoutueta wahaga noano mehne. Yuh sehe tinare õpũre warocahi —niha Espiritu Santo Pedore.

²¹ To ã nichu tuhoro Pedro ti cahapu dujia wahaha.

—Ñuga. Õi jija yuh muu maca tariro. ¿Dohse yoana tana niri muu yu cahai? —niha Pedro tinare.

²² To ã nichuta tina sehe õ sehe niha:

—Cornelio cien surara puhoro, noare yoariro, Cohamacu cua pisaro ñariro, jipihtina judio masa “Noariro”, ti niriro mahure pji ta dutiro warocahre sare. Cohamacu yairo anjo Cornelio mahure pji dutiyuhti. Õ sehe niyuhti: “Pedore mu wuhupu na ta dutiga mu muare. Ñ yoa tiro mahure to yahuchu, noano tuhoga tirore”, ni pji dutiyuhti anjo Cornelio —ni yahuha Cornelio Pedore to pji dutirina sehe.

²³ Ti ã nichu Pedro sehe tinare sã ta duti, chua wa, to jiri wuhupu carĩ dutiha tinare. Pa dachoi Pedro wahcã,

tina mehne wahaa wahaha. Ñ yoa paina Cristo yaina Jope macaina Pedore piti ti wahcãha.

²⁴ Pa dachoi tina Cesareapu suha. Ti suhto panocã Cornelio sehe to coyeare, tiro mehne macaina cãhure pji cahmachu, Pedore cohtaa niha.

²⁵ Ñ jiro Pedro Cornelio ya wuhu cahapu to tachu ñuno Cornelio sehe tirore piti boca wijaa, to dahpori cahai caha suha. ²⁶ Wiho mejeta Pedro tirore na wahcõ õ sehe niha:

—Ducuga mahu. Yuh cãhu mu yoaro seheta jiriro jija —niha Pedro tirore.

²⁷ To ã ni tuhsuri baharo Cornelio tirore na sãa wahaha to ya wuhupu. Tõpu sãa sũro masa peri tí wuhupu cahmachu tirore cohtainare ñuha Pedro. ²⁸ Tinare ñuno õ sehe ni yahuha tinare:

—Judio masuno jipaihta pa curua macaina muu mehne jicu, muu wuhusepu sãacu, judio masa sã dutiare yuhdũrucai nija yuh. Tĩre noano masina muu. Wiho mejeta pa curua macainare “Ñaina jira”, yuhure ni dutierare Cohamacu. Tĩre ni yahuhre yuhure tiro. ²⁹ To ã nichu tuhocu õpũre muu cahapũre tahi. Muu yuhure pjirocachu “Ne wahaeraja”, nierahi. ¿Dohse jiro baro yu õpu tachu cahmari muu? —niha Pedro tinare.

³⁰ To ã nichu tuhoro Cornelio sehe õ sehe niha:

—Pititia dachori wahara, Cohamacu yairo anjo yuhure to bajuari baharo. Tĩ dachore tres jichu, ahri hora waroihta Cohamacu yu sinino watoi anjo minoa suhti tiriro yu cahai ducuhre. ³¹ Ñ ducuro tiro yuhure õ sehe nihre: “Cornelio, mahu Cohamacu mu sinichu tiro tuhohre. Ñ yoa pjacũoinare ti cahmaare mu wachu noano masino, Cohamacu mahure yoadohorohca. ³² Ñ jicu Jopepu mu muare warocaga, Simore, Pedro wama tirirore mu cahapu ti na tahto sehe. Tiro paio Simo wahiquina cahsari cahnoriro ya wuhui, pjiri ma duhtu cahai jiri wuhui jira tiro. Mu cahapu wihiro mahure

yahurohca”, ni yahuhre yuhure tiro. ³³To ã nichu tuhocũ dóicãta yu mure mure na ta duticũ warocahi yuhũ. Æ jicũ noano yoacu tari jira mure sã cahapure. Æ jina sã jipihtina õre Cohamacũ to ñurocaroi jina nija sã. Jipihtiare Cohamacũ mure to yahu dutirore tuho duana, cohtahi sã — niha Cornelio Pedrore.

Pedro Jesu yare yahuha

³⁴To ã nichu tuhoru, Pedro õ sehe ni yahuha:

—Mipũ masija. Potocã tjira. Cohamacũ cũno potori noano yoara marine. ³⁵Æ jiro jipihtia macari macaina Cohamacure cua pisaro ti ñuchũ, noaare ti yoachũ Cohamacũ sehe tinare ñũ wahchera. ³⁶Cohamacũ sã judio masa cahai Jesucristore noaa buheare yahuhtirore warocare. Masa Cohamacũ mehne noano ji masica Jesu to yaria masa mujano mehne. Tí buheare masa masina. Jesucristo sehe jipihtina masa puhtoro jira. ³⁷João bautisariro masare, “Musa ñaa yoari buhiri tiare masiga”, ni yahu, to bautisari baharo, Galileapũ noaa buheare Jesu sehe yahu dũcare. Baharo Judea yahpapũ cũhure tí buheare yahu pahõore. ³⁸Ahriro Jesu Nazare macarirore Cohamacũ sehe to tuare Espiritu Santo mehne to yoa masihtire ware Jesure. Æ jiro Jesu noano yoaro wahare. Æ waharo watã sãanohrinare, ñano yuhdũinare jipihtinare noaina wahachũ yoare. Cohamacũ Jesu mehne jiri jire. ³⁹Judea yahpai, Jerusalẽ cũhure jipihtia to yoarire sã ñahi. Baharo tina crusapũ cjã puha wajãhre tirore. ⁴⁰Wiho mejeta tia dacho wahaboroi Cohamacũ tirore masori jire. Maso, Jesure sãre bajuachũ yoari jire Cohamacũ. ⁴¹Tí pjare Jesure jipihtina ñerare. Sã dihtare bajuahre tiro. Cohamacũ to cahmainare, Jesure ñũ, painapure yahuhtinare panopũ sãre beseha. Sã sehe Jesu to masari baharo tiro mehne chũ, sihnihi. ⁴²Æ jiro tiro sãre õ sehe ni dutihre.

“Masare õ sehe ni yahuga. Yuhũ Jesu jipihtina catiinare, yariaina cjiri cũhure ti ñaa yoari buhiri tiare yahuhtiro buhiri dahrehtiro yu jichũ yoare yuhure Cohamacũ. Æ jina tíre masare yahuga”, ni dutihre Jesu sãre. ⁴³Dohse jiina baro Jesure ti wacũ tuachũ ñũno Cohamacũ ti ñaa yoari buhiri tiare borohca. Tíre jipihtina Cohamacũ yare yahu mũtaina cjiri panopũ macaina yahuyuha —ni yahuha Pedro.

Judio masa jierainapũ cũhure Espiritu Santo sãarucũ sua wahaha

⁴⁴Tí jipihtiare to ã ni yahuro watoi, jipihtina tíre tuhoinapure Espiritu Santo sãarucũ sua wahaha. ⁴⁵⁻⁴⁶Tinapure to sãarucũ sua wahachũ, tuho mahnoeraa dũseri mehne wahchea mehne durucu dũcaha tina. Tí dũseri mehne Cohamacure “Turariro, noariro jira mure”, nia niha. Tí ã nichu tuhoha Pedro mehne tarina judio masa, Jesu yaina. Æ tuhoa Espiritu Santo judio masa jierainapũ cũhure to sãarucũ su yoadohochũ ñũ, judio masa sehe cuaa wahaha. Æ jiro Pedro õ sehe ni yahuha judio masare:

⁴⁷—Mari yoaro seheta Espiritu Santore cjũara ahrina cũhũ. Æ jina tina bautisa duaa ti sinichũ, tinare, dũcataena tjijihna —niha Pedro tinare.

⁴⁸Æ ni tuhsũ judio masa jierainare Jesu yaina ti jiare ñõhto sehe bautisa dutiha Pedro. Tí ã yoari baharo “Sã mehne mahaa dachoricã tjuasiniga”, niha tina Pedro cũhure.

11

Pedro Jerusalẽ macainare Jesu yainare yahuha

¹Æ yoa judio masa jieraina cãhũ Cohamacũ yare ti noano cahmachũ Jesu to cũrina sehe ti coyea Judeapũ jiina mehne tuhorochoa. ²Æ jia Pedro Jerusalẽpũ to tju sũchũ ñũ judio masa Jesu yaina mahainacã tirore õ sehe ni tuhtiha:

³—¿Judio masa jierainare dohse jiro baro ñũ sari mure? ¿Dohse jiro

baro tina mehne ch̄ari m̄uh̄u? —ni tuhtiha Pedroro tina.

⁴ Ti ã nich̄u t̄uhoro Pedro to yoari cjirire yahu pah̄ñoha tinare. Õ sehe ni yahuha:

⁵ —Ȳuh̄u Jop̄er̄u jic̄u Cohamac̄ure sinii nihi. ã jiro ȳuh̄ure ò sehe bajuahre. Pjiri cahsaro pititia sohtoarire d̄ahteri cahsaro m̄uanop̄u ȳu cahai to duji tach̄u ñ̄uhi. ⁶ ã jic̄u tí cahsarore noano ñ̄uhi “¿Yaba baro tí cahsarop̄ure jijari?” nic̄u. ã jic̄u ñ̄uhi tí cahsarop̄ure j̄inare: Tí cahsaro puhichap̄ure paȳu wahiquina, b̄ua tiniina, chihch̄õina, w̄uina peri c̄uh̄u jire. ⁷ ã jic̄u ȳuh̄ure to durucuch̄u t̄uhohi. “Pedro, wahc̄ar̄ucaga. Wajã ch̄uga ahrinare”, nino coa tahre ȳuh̄ure. ⁸ To ã nich̄u t̄uhocu ò sehe nihi ȳuh̄u: “P̄uh̄toro, ne tina barore ch̄eraja ȳuh̄u. Ñ̄ainare, Cohamac̄u to ch̄u dutierainare ne ch̄era tih̄i ȳuh̄u”, nihi ȳuh̄u. ⁹ Wiho mejeta m̄uanop̄u pari turi ȳuh̄ure durucuro coa tahre tjoa. “Cohamac̄u ‘Noaina jira’ to niinare, ‘Ñ̄aina jira’, nii tjia m̄uh̄u”, nino coa tahre ȳuh̄ure. ¹⁰ ã jiro tia taha sã ã ni durucuri baharo tí cahsaro m̄uanop̄u m̄jahre tjoa.

¹¹ Ȳu ã ñ̄ano watōi tiaro m̄ua sã jiri w̄uh̄up̄u s̄uri jihre. Tina Cesarea macariro to warocarina jiri jihre. ¹² ã jiro Esp̄iritu Santo sehe ȳuh̄ure tina mehne waha dutiro, “ ‘Tina ñ̄aina jira’, nii tjia tinare”, ni yahuhre ȳuh̄ure tiro. ã jia ahrina seis mehne ȳu coyea Jesu yaina mehne Cesarea macariro ya w̄uh̄up̄u s̄ãahi sã. ¹³ ã jiro tiro sãre ò sehe ni yahuhre: “Anjo ȳu w̄uh̄u ducuch̄u ñ̄uhi ȳuh̄u. Õ sehe ni yahuhre ȳuh̄ure: ‘Jop̄er̄u Simore Pedro wama tirirore na ta dutiga. ¹⁴ Tiro m̄uh̄ure m̄u coyea mehne m̄usare j̄ipihtinare pichac̄ap̄u wahaborina m̄usa ȳuh̄d̄uh̄tore yahuroh̄ca’, nihre anjo ȳuh̄ure”, ni yahuhre Cesarea macariro ȳuh̄ure. ¹⁵ ã yoa ȳu durucuro watōi Esp̄iritu Santo sehe tinap̄ure s̄ãar̄uc̄u s̄uh̄re, marine to yoa m̄uh̄tariro seheta. ¹⁶ ã jic̄u Jesu to yahurire wac̄uhi ȳuh̄u. Õ

sehe ni yahuhre tiro: “João m̄usare bautisaro, cop̄u yoamahre. Ȳuh̄u sehe tí ȳuh̄doro yoaihtja m̄usare. Baharo Esp̄iritu Santore m̄usa mehne jirucuch̄u yoaihtja m̄usare”, ni yahuha.

¹⁷ ã jiro Jesucristo mari p̄uh̄torore mari wac̄u tuach̄u ñ̄ano Cohamac̄u to Esp̄iritu Santore wahre marine. ã jiro Cohamac̄u marine to Esp̄iritu Santore to wariro seheta judio masa jieraina c̄uh̄ure tiro wahre. Cohamac̄u to ã yoach̄u ñ̄uc̄u tirore ȳuh̄d̄uh̄ca masieraja ȳuh̄u —niha Pedro tinare, judio masare Jesu yainare.

¹⁸ To ã nich̄u t̄uh̄oa, tina tirore ne ni namoeraha. ã ni namoeraa, Cohamac̄ure wahche payo, tina ò sehe niha:

—Tí pja pini judio masa jieraina c̄uh̄ure Cohamac̄u cah̄iri jira. Ti ñ̄aa yoari buhiri tiare masi, Cohamac̄ure cahma, tina c̄uh̄u Cohamac̄u mehne ã catirucuahca —niha tina.

Antioquíai paina Jesu yaina jiha

¹⁹ ã yoa Estebãre ti wajãri baharo masa Jesu yainare ñ̄ano yoaha. Ti ã yoach̄u ñ̄ua Jesu yaina duhti sitea wahaha. ã jia tina Feniciap̄u, Chiprep̄u, Antioquiap̄u c̄uh̄ure waha site, t̄op̄ure judio masa dihtare Cohamac̄u yare yahua timaha tina. ²⁰ Wiho mejeta paina Jesu yaina mehne macaina Chipre macaina, Cirene macaina, Antioquiap̄u s̄u, judio masa jierainare Jesu yare buheha Cohamac̄u tinare to ȳuh̄dohto sehe. ²¹ Ti ã buhech̄u, Cohamac̄u tinare yoadohoha. ã jia masa paȳu Cohamac̄ure cahma d̄uca, mari p̄uh̄toro Jesure wac̄u tuaha.

²² ã yoa “Antioquía macainap̄u Jesure cahmaca”, ni t̄uhorocāha Jerusalẽ macaina Jesu yaina. Ti ã t̄uhorocari baharo Jerusalẽ macaina Bernabé wama tirirore Antioquiap̄u warocaha. ²³ T̄op̄u s̄uro, Cohamac̄u yoadohoa mehne judio masa jieraina to yaina ti wahach̄u ñ̄ano, tuaro wahcheha. Tuaru wahche, tiro tó macainare ò sehe ni yahuha:

—Jesure ã wacũ tuarucuga. To yare ne duhuena tjiga —ni yahuha tiro jipihitina tinare.

²⁴ Bernabé noariro jiro, Espíritu Santo dutiare yoariro Jesure noano wacũ tuaha tiro. ã jia to buheri baharo Jesure wacũ tuaina payu waha namoha tjoa.

²⁵ Baharo tiro Tarso wama tiri macaru Saulore macano wahaha. ²⁶ Tóru tirore boca suha. To boca suri baharo Antioquíaru na majare tjuaaha Saulore. Tóru ti suri baharo cã cãhma waro tina Cohamacu yaina mehne cahmachu, payu masare buheha tina. ã jia Antioquíaru Cristo yaina Cristiano wama ti ducaha.

²⁷ Tí pjare Cohamacu yare yahu muhtaina Jerusalêru jiina cjiri waha, Antioquíaru suha. ²⁸ ã ti suri baharo tina mehne macariro Agabo wama tiro Jesu yaina watoi ducuro, Espíritu Santo to tuaa mehne yahuha tinare. “Jipihitiro yahpapure tuaro jucaro waharohca”, ni yahuyuha tiro. Tí pjare chuã marieni pja jichu jipihitina bui puhtoro Claudio jiha.

²⁹ ã jia Cristo buheina, jipihitina ti cjuaro puro ti coyeare wa duaa ti basi cahma durucuha. “Judea yahpa macaina Jesu yainare niñerure warocajihna”, niha tina ti basi. ³⁰ Ti ã niri baharo Bernabé Saulo mehne tí niñerure na wahcãbasaha. Tóru suã Judea yahpa macainare Jesu yaina puhtoare waha tí niñerure pja cuoinare tju wa dutia.

12

Pedrore peresu yoaha

¹ Tí pjare puhtoro Herode cãinare Jesu yainare ñano yoa ducaha. ² Tiro João wahminore Santiago sehere yoari pjí mehne to wajã dutichu paio sehe tirore wajãha. ³ Santiagore to wajãchu judio masa wahcheha. Ti wahcheare Herode masino, “ã dihta cahmana tina”, nino Pedro cãhure peresu yoaha. Tí dachorire bucnaerari pãore ti chuhti bosenamari pascua jiha.

⁴ ã jiro Herode Pedrore ñaha, peresu yoaha. Peresu yoa diez y seis surarare cohta dutiha tirore. Pititiaro surara cohtaha tirore. Baharo pititiaro ti cohtotaina tirore cohta mujaa tiha. ãta yoaha tina diez y seis surara. Herode sehe pascua baharo Pedrore peresupu jirirore masa panoi duhu dapo duamaha tirore wajã dutiro taro. ⁵ ã jiro Pedro peresupu jiha. Tóru to jichu Jesu yaina sehe Cohamacure tuaro sini payorucua niha tirore.

Cohamacu peresupu jirirore Pedrore wioha

⁶ ã yoa ñamine Pedro puaro surara mehne comaa dari mehne ti duhteriro jiha. ã ti duhteriro jiro, ti watoi carino niha. ã yoa paina surara sopacai cohtarucua niha tirore. Tí ñami bohrearo Herode Pedrore judio masa panoi duhu dapo duamaha tirore wajã dutiro taro. ⁷ Wacuenoca Cohamacu yairo anjo Pedro cahai to ducuchu to peresu jiri tahtia buhria pihtia wahaha. ã jiro anjo Pedro cahai ducuro Pedro patipahmai be careha, tirore wahcõno.

—Cjero wahcãrucaga —niha tiro Pedrore.

To ã nichuta to wamomacarine ti duhteã dari comaa dari parí site boraa wahaha. ⁸ ã yoa anjo tirore õ sehe ni yahuha:

—Tuã dihoga mu tuã dihori dare. Mu dahpo suhti cãhure sãaga —niha tiro.

To ã nichu Pedro sehe to niriro sehetã yoaha.

—Mu bui macari suhtirore sãa, yuhu mehne wahaga —niha anjo.

⁹ To ã nichu tí tahtiapu jiriro wijaa, anjo baharo wahaa wahaha tiro. ã wahaparota õ sehe ni tuhotumaha tiro. “¿Ahri potocã jieracari? ¿Cahãi nicari yuhu?” ni tuhotumaha tiro. ¹⁰ ã yoa tina to jiri tahtia sopacai ducuína surarare yuhdu wahcã, paina yoawacũno ducuína cãhure yuhdu wahcã, pjiri sopacaru suha. Tí sopa pahma, comaa pahma macaru wahari mahare ducatarí pahma jiha.

Tí sopa pahma to m_u s_uro parĩch_u tina wijaa wahaha. Wijaa waha, tina mahap_u mahano wahach_uta, anjo sehe buti m_ua wahaha. ã jiro Pedro c_uirota tjuaha. ¹¹ ã tirore anjo to wahari baharo to yoirire Pedro masiha. Õ sehe ni t_uhotuha tiro. “Potocã tjira. Anjo Cohamac_u to warocariro peresup_u jirirore y_uh_ure wioro wihihre. Mip_u tíre masija to ã yoirire. Judio masa sehe y_uh_ure ti ñano yoaborire Cohamac_u sehe tinare yoa dutierare. ã jiro y_uh_ure, Herode to peresu yoirirore wiohre”, ni t_uhotuha Pedro.

¹² To ã ni t_uhoturi baharo María João pocoro ya w_uh_up_u s_uha Pedro. João sehe pa wama Marco wama tira. Tí w_uh_up_u masa pay_u cahmachu, Cohamac_ure sinia niha. ¹³ Tí w_uh_up_u s_uro, Pedro sopa pahmare dotaha. C_ucoro ti cahamacono Rode wama t_uricoro to dotach_u t_uhoro, ñano s_uha t_ucoro. ¹⁴ ã yoaro Pedro t_ucorore to pisuch_u t_uhoro to durucuar_u t_uho masi, tuaro wahche, sopa pahmare p_uj_uoboricoro p_uj_uoeraha. Pedro tói to ducuch_uta t_ucoro majarer_uca m_uroca s_ua wahaha painare yahuro waharo.

—Pedro sopacarp_u wihihre —ni yahuro s_uaha.

¹⁵ To ã nich_u t_uhoa, tí w_uh_ui jiina sehe:

—ã ninocaco nica m_uh_u —niha tina t_ucorore.

—Potocã tjira. Potocã nicota nija —niha t_ucoro.

To ã nich_u t_uhoa:

—Tiro jieraca. To yairo anjo wihiro nica —nimaha tina sehe.

¹⁶ Ti ã nino watoi Pedro sopa pahmare ãta dotarucuro niha. To ã yoach_u t_uhoa, tina sopacare p_uj_uo, tirore ñ_u, c_uaa wahaha. ¹⁷ ã jiro tiro Pedro to wamomaca mehne “Dihta mariaha” ni, Cohamac_u peresup_u tirore to wiorire yahua tinare:

—Ahrire yahuga m_usa p_uhtoro Santiagore, paina Jesu yaina c_uh_ure —niha tiro.

ã ni yahu tuhs_u tiro pa sehep_u y_uhd_u wahcãa wahaha.

¹⁸ ã yoa bohrea bora tach_u surara Pedro to dohse yoa wijaarire ne masieraha. ã masieraa c_uaa wahaha. ¹⁹ ã jiro Herode Pedrore maca dutimaha. ã dutiro tiro surarare peresu cohtainare to sinituri baharo tinare wajã dutiha Herode sehe. ã jiro Herode Judeap_u jiriro waha, Cesareap_u jiro wahaha.

Herode yariaa wahaha

²⁰ ã yoa Tiro wama tiri maca macaina mehne, Sidõ macaina mehne Herode sehe suaha. To ã suach_u ñ_ua tí macari macaina sehe Herode tina mehne to suaire cahnoa waha, tiro mehne durucua wahaha. ã jia to docai jiriro p_uhtoro Blasto wama tirirore piti tiha. ã jia tina Blasto to yoadohoro mehne Herode cahap_u s_uha. Tiro cahap_u s_ua, õ sehe niha:

—Mari noano jijihna. Mari basi ñ_u tuhtiena tjijihna —ni siniha tina Herodere.

Tina ya yahpa macaina Herode ya yahpai ch_uare boca tiha. ã jia Herode tinare ñ_u tuhtich_u cahmaeraha tina. ²¹ ã yoa Herode to quihõri dachoi, p_uhtoro to sãa suhti noa suhtire sãa tiha tiro. ã sãano tiro to dujiroi dujitjiãhno, masare durucu ñ_ua tiha. ²² To ã durucu ñ_uoch_u t_uhoa masa sehe õ sehe ni sañurucuha:

—Ahiro durucuriro mas_uno jierara. Cohamac_u jira —ni sañurucu payomaha tina Herodere.

²³ Ti ã nich_uta Cohamac_u yairo anjo Herodere dohatich_u yoaha. Cohamac_ure ñ_uo payoeraro, “Cohamac_u jieraja y_uh_u”, ne nieraha Herode. To ã nierari buhiri anjo tirore dohatich_u yoaha. To ã dohatich_u tirore dachoa ch_u wajãnocaha.

²⁴ ã yoa Jesu yaina pay_u masare Jesu ya buheare buhea tiha.

²⁵ ã jia Bernabé, Saulo mehne buhe tuhs_u, Jerusalēp_u tjuaa wahaha. ã jia João Marco wama tirirore tina na wahcãa tina mehne.

13

Jesu yaina Bernabére Saulo cãhure Cohamacu yare buhe dutia warocaha

¹ Tí pjare Antioquíapɯ Cohamacu yaina mehne macaina Cohamacu durucuare yahu turiaina jiha. ã yoa Cohamacu to joa na dutiri cjirire, Jesu yaina ti yoaa tiare yahuina cãhɯ jiha. Bernabé, Simo Negro wama tiro, Lucio Cirene macariro, Menahem, Saulo mehne tina jiha. Menahem sehe pãhtoro Herode cjiro mehne tina pãaro cãno potori bucuaina jimaha. ² Cũ nɯmɯ tina Jesu yaina chɯ duhu, Cohamacu yare ti buhero watoi Espiritu Santo õ sehe ni yahuha tinare:

—Bernabére, Saulo mehne cãga yɯ cahmano sehe yoahtinare. Tíre yoahtinare bese cũi nija tinare — niha Espiritu Santo.

³ To ã nichɯ tina sehe chɯ duhu namo, Cohamacure sini, Bernabé dapu bui Saulo dapu bui ti wamomacarine duhu payoha. ã duhu payoa tinare buhe dutia warocaha.

Chiprepɯ Jesu to cãrina buheha

⁴ ã jia tina Espiritu Santo to warocaina jia, Seleuciapɯ sɯ, tí macare dohoriapɯ samu, Chipre wama tiri nɯcopɯ pahãha tina. ⁵ ã pahãa, Salamina wama tiri pitamahapɯ wahã sɯha. Tí macai judio masa buhea wuhɯsepɯ, Cohamacu yare yahu dɯcaha tina. ã yoa João Marco cãhɯ tina mehne jiro, tinare yoadohoha. ⁶ Tuhsɯ, tina tí nɯco sohtoai maja, tí nɯco topai jiri macapɯ Pafu wama tiri macapɯ sɯa, yairore boca sɯha tina. Tiro judio masɯno, Barjesu wama tiro jiha. Barjesu griego ya mehne nia Elima ti ni pisuriro jiha. “Cohamacu yare yahu mãhtariro jija yɯhɯ” ni, masare mahãoperucuriro jiha tiro. ⁷ ã yoa tiro Sergio Paulo wama tiro mehne macariro jiha. Sergio Paulo sehe tí nɯco macaina pãhtoro masi pahãoriro jiha. ã jiro Cohamacu yare tãho duaro tinare Bernabé, Paulo mehne pjirocaha

tiro. ⁸ Wiho mejeta Elima yairo sehe tinare buhe dutieraha. Tiro Sergio Paulo Jesu yare to ño payochɯ cahmasãaeraha yairo sehe. ã jiro Sergio Paulore Cohamacu yare cohã dutiro nimaha. ⁹⁻¹⁰ To ã dutipachɯta Saulo, Paulo ti niriro Espiritu Santo dutiare yoariro jiro yairore noano ñɯ diho cũi tirore õ sehe ni yahuha:

—Mɯhɯ mahãoa payɯriro, ñariro, watĩno to dutiare yoariro, noaare ñɯ yabiriro jira mɯhɯ. ¿Dohseacɯ Cohamacu yare “Ñaa jira. Mahãoa jira”, ã nirucujari mɯhɯ? ¹¹ Mɯhɯ ã yoariro jicɯ Cohamacu mɯhure to pihachɯ capari bajuerariro jiihca mɯhɯ. ã jicɯ mahaa dachoricã mɯhɯ ahri dachore ñɯsinisi — niha Paulo.

To ã nichɯta tiro yairo sehe me yoaro sehe jiare ñɯ mãhtano, baharo nahitiano dihtare ñɯha. ã jiro tirore tãhtirore macaha tiro. ¹² To ã wahachɯ ñɯno, Sergio Paulo sehe Jesu yare “Potocã tjira”, ni masiha. Mari pãhtoro yare tiro tãho, cɯaa waha, Jesure wacũ tua dɯcaha.

Paulo Bernabé mehne Antioquíai Pisidia yahpai jiri macai jiha

¹³ ã yoa Paulo cãhɯ Pafopɯ jiina dohorio mehne pahã turia waha namo, Pergepɯ sɯha. Perge Panfilia yahpapɯ jira. Tópɯ sɯ, João Marco tinare cohã wahcã, Jerusalẽpɯ majare tjuaa wahaha. ¹⁴ To ã wahapachɯta tina sehe Pergepɯ jiina waha namo, Antioquíapɯ sɯha. Antioquíai Pisidia yahpapɯ jira. Tópɯ sɯa, Sabado dacho jichɯ tina judio masa buheri wuhɯpɯ sãa sɯ, tópɯ dujiha. ¹⁵ Tí wɯhɯ macaina pãhtoa Cohamacu dutiare, Moise cjiro masare to cãrire, ã yoa Cohamacu yare yahu mãhtaina cjiri ti joari cjirire ti buhe ñori baharo tina pjirocaha Paulo cãhure:

—Coyea, ¿masare wahchechɯ yohti cjihti mɯsa yahu duaa jijari? Tíre yahu duana, yahuga michapucacã — niha tí wɯhɯ macaina pãhtoa.

¹⁶ Ti ã nichɯ tãhoro, Paulo wahcãrɯcɯ sɯ, “Durucuena tjiga”,

nino to wamomaca mehne cjä tuha. Ti dihta mariachü ñü, tiro õ sehe niha:

—Israe masa, ä yoa müsa Israe masa jieraina, Cohamacüre ño payoina, tuhoga müsa. ¹⁷ Mari ñüchüsuma cjiri Cohamacüre ño payoa tiha. Tina cjirire Cohamacü besea tiha. Ä jia mari ñüchüsuma cjiri yoari pja Egiptopü jia tiha paina jipahta. Tópü ti jichü Cohamacü noano yoaa tiha tinare. Ä jia payü masaputia tiha tina. Ö sehe yoaa tiha tinare. Tinare Egiptopü jüinare to tuaa mehne wioa tiha Cohamacü. ¹⁸ To ä wiori baharo tina cuarenta cühmari waro masa marienopü tinia tiha. Tópü tirore ti yühdürecachü Cohamacü äta tuhötunocaa tiha. ¹⁹ Tuhsü, Canaa wama tiri yahpäre siete curuari macainare cohä tuhsü, Cohamacü tí yahpare waa tiha Israe masa sehere. ²⁰ Israe masa Egiptoi ti ji dücachü, pü Cohamacü ahri yahpare to wachüpü cuatrocientos cincuenta cühmari waro yühdüa tiha. Baharo Israe masare dutihtinare cüa tiha Cohamacü tinare. Pü, Cohamacü to cürina Samue to jichüpü ji batoa tiha. Samue sehe Cohamacü yare yahu mühtariri cjiro jia tiha.

²¹ Baharo Israe masa sehe ti pühtoro cjihtore macaa tiha. Ä jia Cohamacüre sinia tiha. Ti ä sinichü ñüno Cohamacü Saulo cjirore cüa tiha tinare. Saulo cjiro Cis macüno jiro, Benjami ya curua macariri jia tiha. Ä yoa cuarenta cühmari waro ti pühtoro jihtiro cjihtore cüa tiha Cohamacü tiro cjirore. ²² Cohamacü Saulo cjirore to cohäri baharo Davi cjirore cüa tiha tiro. Ö sehe nia tiha Cohamacü Davi cjirore: “Davi Jesé macüno boca hi yüü. Tiro mehne wahcheja yüü. Tiro yü cahmaare yoarohca”, nia tiha Cohamacü. ²³ Ahriro Davi cjiro to panamino ji turiariri jira Jesu. Cohamacü Jesure cüri jire Israe masare yühdühtiro cjihto. “Masare noano yoaihca”, niha Cohamacü. To niriro seheta yoare tiro. ²⁴ To ä yoahito pano Jesu to tahto pano João cjiro õ sehe ni buheri

jire: “Müsa ñaa tuhötumari cjirire tuhötu cohtota, Cohamacüre macaga. Ä yoana bautisarina jiga”, ni buheri jire João cjiro jipihtina Israe masare. ²⁵ João cjiro to buhe batoahito pano, to yariahto pano õ sehe ni yahua tiri jire: “¿Diro baro jijari yüü, müsa tuhötuchü? Cristo jieraja yüü. Pairo jija. Ä jipachüta tuhoga yüüre. Yü baharo yü yühdüro tuariri tarohca. Tiro noa yühdüariri jira. Tiro yoaro sehe jieraja yüü”, ni yahua João cjiro masare.

²⁶ Coyea, Abrahä panamana, jipihtina Cohamacüre cua pisaro ñüina marine ahri to yühdühtore yahua buheare warocari jire Cohamacü. ²⁷ Jerusalë macaina ti pühtoa mehne Sabado dachori jichü Cohamacü yare yahu mühtaina cjiri ti joarire buhepahta noano tühö ñahaerari jire. Ä tühö ñahaera, Jesu tinare yühdühtiro to jichü cüüre masierari jire. Tina ä masierapahta Jesure wajä dutiha. Ä yoaa Cohamacü yare yahu mühtaina cjiri ti joariri seheta yoaa niha. ²⁸ Tirore ti wajähto pano tina Jesure yahusämaha. Wiho mejeta to ñaa yoerapachüta tina Pilatore Jesure wajä dutia taa, siniha. ²⁹ Ä yoaa, panopü ti joariri seheta Jesure yoa tuhsü, tirore crusapü jirirore na boro, masa copapü täcai ti sahari copapü na säa, duhu payoha tirore. ³⁰ Tirore ti ä wajäpachüta tiro to yariari baharo Cohamacü masori jire tirore. ³¹ Ä jia Galileapü taina Jerusalëpü tiro mehne süina payü dachori tirore yaria masa bajarirore ñüa tiri jire. Ä jia mipäre tirore ti ñürire masare yahuhre tina.

³²⁻³³ Ä jina noaa buheare yahuja sä müsare. Cohamacü mari ñüchüsuma cjirire “Masare noano yoaihca”, panopü to niriro seheta mipäre marine tinare ji nünyü ti turianare yoahre. Türe to yahuri cjirire õ sehe yoahre tiro. Cohamacü Jesure masori jire. Ä jina Jesure to masorire yahuja müsare. Salmo capítulo dosre panopü to joariri seheta ä wahari jire: “

‘Muhu yu macu jira. Michare muhure yuhu mu Pucu jiare masichu yoahi’, nina Cohamacu to macunore”, ni joaa tiha panopu. ³⁴ Ñ jiro Cohamacu Jesure to masohtire pari turi to yariaerahtore yahuyuro ò sehe ni yahu joaa tiha Salmo joariro. “Davire yu pja ñuriro seheta tirore yu niriro seheta potocãta noano yoaihtja musa cãhure’, nire Cohamacu”, ni joaa tiha. ³⁵ Tuhsu, pa Salmo cãhure ò seheta ni yahua tiha: “Cohamacu mu yairo ñaa buhiri marieriro to pjacure baa dutierara muhu”, ni joaa tiha. ³⁶ Ñ jiro Davi Cohamacu to cahmariro seheta to jisniri pja macainare yoadohoha. Baharo tiro yariaa wahaha. To yariari baharo to pucsumare ti yoariro seheta masa copapu siõ sãaha tiro cãhure. Ñ jiro tiro baa wahaha. ³⁷ To ã baapachuta ahriro, Cohamacu to masoriro sehe ne baaerare. ³⁸ Ñ jina musa yu coyera ahrire masiga: Jesu to yariaro mehne Cohamacu mari ñaa yoari buhiri tiare to cohãhtore musare yahuja sã. ³⁹ Ñ jiro Jesure wacũ tuainare Cohamacu ti ñaa ñano yoaa, buhiri tiare bonocanohca. Wiho mejeta Moise cjiro to cãri dutiare musa yoari mehne musa ñaa yoari buhiri tiare ne cohãsi Cohamacu. ⁴⁰ Ñ jina noano yoaga. Musa noano yoerachu Cohamacu yare yahu muhtaina cjiri ti joariro seheta musare wahaboca. Ò sehe ni joaa tiha:

⁴¹ “Tuhoga musa.

Cayoa payuina, yuhure ñu tuhtiina jira musa.

Yu ò sehe yoachu cuiga musa.

Ñ jina pichacapu wahaga.

Musa jia dachorire musare yoa ñoihtja.

Yu ã yoa ñochu ñupanahta ‘Potocã tjira’, nisi musa.

Pairu tãre musare to noano yahupachuta ‘Potocã tjira’, nisi musa”,

ni joaa tiha Cohamacu yare yahu muhtariro cjiro —ni yahuha Paulo tinare.

⁴² To ã ni yahuri baharo judio masa buheri wuhupu ti wijaari baharo, masa sehe tinare ò sehe ni siniha:

—Pa somanapu Sabado jichu sãre ahrire buhega tjoa —ni siniha tina Paulore.

⁴³ Ñ yoa tí wuhupu jirina wijaa, judio masa payu, judio masa jieraina cãhu Paulo cãhu mehne wahaha. Judio masa jieraina sehe judio masa yare Cohamacu warore ti ño payoa tiare buheina jiha. Ti ã wahachu Paulo, Bernabé mehne noano yahuha tinare: “Cohamacu musare cahãna. Ñ jina tirore ño payoina, wacũ tuaina ã jirucuga musa”, ni buheha tina.

⁴⁴ Ñ yoa pa somanare Sabado jichu jipihtina Jesu yare tuho duaina cahmachuha. ⁴⁵ Wiho mejeta judio masa sehe payu masare Jesu yare tuho duainare ñua pahsu tia wahaha. Ñ pahsu tia tina soro ni durucu, Paulore ñano quiti dojomehneha. “Musare to buhea potocã jierara”, niha tina. ⁴⁶ Ti ã nichu tuhoa, Paulo, Bernabé mehne tinare quiti dojomehnerinare cuiro marieno ò sehe ni yahuha:

—Cohamacu to dutiriro seheta musare buhe muhtamahi sã. Wiho mejeta musa sehe tãre cahmaera tuhsuhre. Cohamacu catia mehne ã catirucua cãhure cahmaera tuhsuhre musa. Ñ jina sã sehe judio masa jieraina sehere buhe ducanahca.

⁴⁷ To joa dutiri cjiri mehne ò seheta dutiha Cohamacu sãre:

“Musa judio masa jierainare buhena tinare yu yare noano masichu yoanahca musa.

Ñ jicu ahri yahpa mu sãro macainare musa buhechu, noano yuhure wacũ tuaina sehere pichacapu wahaborinare yuhdoihca yuhu”,

ni yahu dutiha sãre Cohamacu —ni yahuha Paulo, Bernabé mehne.

⁴⁸ Ti ã nichu tuhoa judio masa jieraina sehe wahcheha. “Cohamacu ya sehe noaa jira”, niha tina. Tõpeina Cohamacu to cahmaina, to catia mehne ã catirucua to wa duarina

Jesure wacū tua dūcaha. ⁴⁹ ã jia mari pūhtoro Cristo yare tí yahpapure yahu site pahñoa. ⁵⁰ Ti ã yahu site pahñoche ñua judio masa ji coaeraha. ã jia tina Paulo cūhure ñano durucuha. Tópū Cohamacure ño payoa numia, masa ti cua pisaro ñua numia jiha. ã jia judio masa Paulo cūhure ñano durucuha. Ti ã ni durucuchū tūhoā tí numia Paulo mehne, Bernabé mehne cūhure suaha. ã yoa tí maca macaina pūhtoa cūhū tina mehne suaha. ã suaa tó macaina ñano yoaha Paulo cūhure. Ti ã yoari baharo Paulo cūhure ti ya yahpai jīinare cohā wioha. ⁵¹ Ti ã yoachū ñua Paulo, Bernabé mehne ti dahpori macaa dihta pohcarire cĵā site boro cūha tí maca macaina ti ñaa yoari buhiri tiare ñoa. ã yoa tuhsū tina Iconiopū wahaa wahaha. ⁵² ã yoa tina Jesu yaina pjīro wahchea, Espíritu Santo dutiare yoaina jiha.

14

Paulo, Bernabé mehne Iconioi jiha

¹ ã yoa Iconiopū sū, Paulo Bernabé mehne judio masa buheri wūhūpū sāa, Jesu yare noano durucu mihnia mehne yahuha. ã jia payū masa Jesure wacū tua dūcaha, judio masa cūhū, judio masa jieraina cūhū. ² Wiho mejeta judio masa Jesure cahmaeraina cūhū tina mehne jiha. Tina judio masa jierainare Jesu yaina mehne ti suachū yoaha tjoa. Ti ã yoachū judio masa jieraina ñano tūhotuha Jesu yainare. ³ Ti ã tūhotuchū ñua Paulo, Bernabé mehne tórpū yoari pĵā jia, cuiro marieno mari pūhtoro Jesu yare noano buheha. Cohamacū masare to cahĵare buheha. ã buhea Cohamacū to tuaa mehne yoa ñoha tina, “Ahri buhea potocā tjira”, nia. ⁴ Wiho mejeta tí maca macaina dacho macai judio masa ya buheare cahmaina tjuaha. Dacho macaihta Jesu ya buheare cahmaina cūhū tjuaha. Tina pūa curua tjuaha. ⁵ ã jia judio masa jieraina, judio masa ti pūhtoa mehne

Jesu to cūrinare ñano yoa duama, tāa mehne doca wajā duamaha tinare. ⁶ Ti ã yoa duarire masia, Paulo Bernabé mehne Licaonia yahpapū duhti wahcāa wahaha. Tí yahpai jia macaripū Listra, ã yoa Derbepū sūha. ⁷ Tópū sūa, noaa buheare buheha tjoa tí macari macainare, tó cahai jīina cūhure.

Listrai Paulore tāa mehne docaha

⁸ ã yoa Listrai tini masierariro jiha. Tiro wahma masa bajuaropūta tini masierariro jiro ne tinieraa tiha. ⁹⁻¹⁰ ã jiro tiro Paulo to buhechū tūhoā. To tūhoro watoi Paulo sehe tiro dihtare ñua.

—Ahriro Jesure wacū tuara. ã jiro tiro noariro waha duara —ni tūhotuha.

ã ni tūhoturo tuaro mehne durucĵiāhno ō sehe niha Paulo tirore:

—Wahcārūcaga —niha Paulo tirore.

To ã nichū tūhorota tini masierariro sehe pu sūrūcū sū, wahaa wahaha. ¹¹ Paulo to ã yoachū ñua masa ti ya mehne, Licaonia ya mehne ō sehe ni sañurucuha:

—Ahrina cohamana, mūa yoaro sehe bajuina mūanopū jīina mari cahapū duji tari jira —ni sañurucuha tina.

¹² ã jia tina cohamanare ti ni pisua wamari mehne tinare ni wama pisuha. Tina Bernabére “Zeus”, ni pisuha. ã yoa Paulo buhe mūhtariro to jichū ñua, “Hermes”, ni pisuha tina tirore. ¹³ ã jiro Zeusre ño payoina ya wūhū tí maca dūhtū cahai jiha. ã jiro Zeus yaina ti sacerdote sehe wachūare cohorī mehne macapū sāa tari sopaca cahapū na taha. Zeusre ño payo duaro to wachūare jū mūono, Paulore, Bernabére wa duamaha tiro, to masa mehne. ¹⁴ Ti ã yoachū ñua Paulo, Bernabé mehne ti basi ti ya suhtire tūhrērocā ti cahyaare masare ñoa. Tūhrēroca tuhsū masa watoi mūrocaa, ō sehe ni sañurucu wahcāha tina:

¹⁵ —Mūsa ō sehe yoarena tjiga. Sā cūhū mūsa yoaro seheta masa jija. Ō

sehe m̄sa yoaa ne yaba cjihti jierara. ã jina m̄sare buhena tahi m̄sa õ sehe yoaa duhu dutina tana. Ahri cohamana m̄sa niare, m̄sa yoaa, wiho jia mas̄ri jira. Tí mas̄rine cohãga. ã jina Cohamac̄re catiriro sehere ño payoga. Cohamac̄u sehe m̄anore, yahpare, pjiri mare, jipih-tiare yoariro jira. ¹⁶ Panop̄re tiro jipih-tia macari macaina ti yoarire ã ñ̄nocaha. ¹⁷ Wiho mejeta tiro to jia tiare ñona masare. Tiro masare noaare yoa, coro tach̄u yoa, dichare wa, masare ch̄are ã warucura. To ã wach̄u masa wahchera. Tó sehta tiro to jia tiare ñona masare —niha Paulo, Bernabé mehne.

¹⁸ Wiho mejeta ti ã nich̄u t̄hopahta masa wach̄are wajã j̄u m̄uo tinare ño payo duamaha. Tó sehe ti ño payo duach̄u ñ̄na tinare ã yoa dutieraha Paulo c̄h̄u. Ti ã yoaa duhu duaerapahta duhuha tó macaina sehe.

¹⁹ ã yoa paina judio masa Antioquía macaina, Iconio macaina c̄h̄u Listrap̄u s̄ha. Tópu s̄a, Paulore ñano durucuha tjoa judio masa. Ti ã ni durucuch̄u t̄hoa masa tiro mehne suaha. ã suaa tãa mehne docaha tirore. Tãa mehne tirore doca tuhs̄u “Ahriro yariaa wahara” nia, tí maca d̄ht̄u cahap̄u tirore waja s̄u c̄noca, wahaa wahaha. ²⁰ Ti ã yoari baharo Jesu yaina Paulore ñ̄na wahaha. Tiro cahai ti cahmachur̄cs̄u s̄ch̄u waro Paulo wahc̄ãr̄ca, tina mehne macap̄u wahaa wahaha. ã yoa pa dachoi tiro Bernabé mehne Derberp̄u wahaha.

²¹ Tópu s̄u, tina noaa buheare tó macainare ti yahuri baharo, payu masa Jesure wac̄u tuaina ji d̄caha. ã yoa baharo tina ti s̄a macaripe Litra, Iconio, Antioquíap̄u majare tjuaa wahaha. ²² Tí macarip̄u s̄a tí macari macainare Jesu yainare noaa buheare yahua, tinare noano yajeripohna tich̄u yoaha. ã Jesure wac̄u tuarucu dutia õ sehe ni yahuha tinare:

—Cohamac̄u to jirop̄re mari s̄ht̄o pano, tuaro marine ñano ȳhd̄ro

cahmana —ni yahuha.

²³ ã jia macaripe macainare Jesu yainare ti puhtoã cjihtire c̄ha Paulo Bernabé mehne. C̄u tuhs̄u, ti ch̄u duhuri baharo Cohamac̄re õ sehe ni sini payoha:

—Puhtoro, ahriina m̄u yainare ñ̄u wihboga —ni sini payoha tina Cohamac̄re ti wac̄u tuariroro.

Paulo Bernabé mehne Antioquíap̄u ti ji m̄htari macap̄u tjuaa wahaha

²⁴ Ti ã yoari baharo tina Pisidia yahpap̄u jirina cjiri wahaa wahaha Panfilia yahpap̄u. ²⁵ Tópu s̄u, Pergep̄re tina buhe tuhs̄u Atalia wama tiri macap̄u wahaa wahaha. ²⁶ Tí macap̄u s̄u, Antioquíap̄u tjuaa, dohoria mehne pahãa wahaha. Tí macaihta panop̄u ti jisnich̄u Jesu yaina Cohamac̄u yare buhe dutia Paulo c̄h̄ure warocaha. ã warocaa:

—Cohamac̄u m̄u cahã mehne ahriinare ñ̄u wihboga —ni warocaha tina.

ã tju s̄a tinare ti buhe dutirire buhe tuhs̄uha Paulo, Bernabé mehne. ²⁷ Antioquíap̄u ti tju s̄ri baharo Jesu yaina mehne cahmachu, Cohamac̄u to tuaa mehne ti yoarire yahu pah̄oha tina. Judio masa jieraina c̄h̄u Cohamac̄u yaina ti waharire yahuha tina. ²⁸ ã jia Paulo c̄h̄u tópuare Jesu yaina mehne yoari pja jiha.

15

Jerusalēp̄u Jesu yaina cahmachu

¹ ã yoa Judea yahpa macaina mahainacã Antioquíap̄u s̄a, Jesu yainare õ sehe ni buhe d̄caha tina:

—Cohamac̄u to dutiare Moise cjirore c̄no õ sehe ni c̄ha. Jipih-tina ti pjac̄ure mahari cahsarocãre ti yihsohtore yahu c̄ha Moise cjirore. M̄sa tíre yoerach̄u Cohamac̄u m̄sare ȳhd̄osi —ni buheha tina tó macainare.

² Ti ã ni buhech̄u t̄hoa Judea yahpa macaina sehe cahma sayoha Paulo c̄h̄ure Bernabé mehne. Ti ã cahma sayori baharo Jesu yaina sehe Paulore, Bernabére paina tó macaina

cãhure Jerusalẽpũ warocaha. Judea yahpa macaina ti buherire Jesu to cõrinare Jesu yaina pãhtoa cãhure sinitu ñũ dutia warocaha Paulo cãhure.

³ ã jia Jesu yaina tinare ti warocachũ waha, Fenicia yahpare sũ, yãhdũ wahcã, Samaria yahpapũ sũha. Tĩ macaripũ sũa, judio masa jieraina Cohamacũ yare ti cahma dũcarire yahuha tina tó macainare. Ti ã yahuchũ tãhoa tó macaina Jesu yaina tuaro wahcheha.

⁴ ã yoa tina Jerusalẽpũ ti sũchũ ñũa tó macaina Jesu yaina, Jesu to cõrina, to yaina pãhtoa mehne wahchea mehne noano piti bocaha tinare. Ti ã piti bocachũ Paulo, Bernabé mehne Cohamacũ to tuua mehne ti yoarire yahuha tina Jerusalẽ macainare. ⁵ Wiho mejeta tórpũ fariseo curua macaina Jesu yaina mahainacã jiha. ã jia tina tórpũre wahcãrũca, õ sehe ni yahuha:

—Tinare judio masa jierainare ti pjacũre mahari cahsarocãre yihsoro cahmana. “Cohamacũ Moise cjirore to dutirire yoaga mũsa cãhũ”, nino cahmana tinare —niha tina fariseo curua macaina cãhũ.

⁶ Ti ã nichũ tãhoa Jesu to cõrina, to yaina pãhtoa mehne ti ã nirire cahnoa taa, cahmachuha. ⁷ ã cahmachua tina payũ ti durucuri baharo Pedro wahcãrũca, õ sehe ni yahuha tinare:

—Coyea, panopũ yãhũre mũsa mehne jirirore Cohamacũ õ sehe yoa dutiro yãhũre cũre. Tiro yãhũre noaa buheare judio masa jierainare yahu dutiro cũre. Tinare Jesure wacũ tua dutiro yãhũre tinare buhe dutire. ⁸ Cohamacũ masa ti tãhotuare masina. ã jiro tiro judio masa jierainare to yaina to yoarire ñono taro tiro Espĩritu Santore ware tinare, marine to yoariro seheta. ⁹ ã waro tiro marine tina cãhure cãno potori noano yoare. Tina tirore ti wacũ tuachũ ti ñaa buhirire bore tiro. ¹⁰ Mari sehe Cohamacũ Moise cjirore to cõri dutiare cãno pjaeraja. Mari

ñũchũsuma cjiri cãhũ cãno pjaeraha. ¿ã mari cãno pjaerapachũta dohse yoana Jesu yainare judio masa jierainare tĩre yoa duti duajari mũsa? ã yoa dutina Cohamacũ tinare to yoarire “Quihõno wahaerara”, nina nica mũsa. ¹¹ Wiho mejeta õ sehe sã tãhotuja. Mipũre judio masa jieraina yoaro seheta mari cãhure mari pãhthora Jesu cahĩa mehne Cohamacũ yãhdorohca. Dutiare mari yoaa mehne marine yãhdosi —niha Pedro tinare.

¹² To ã nichũ tãhoa jipihtina dihta mariea waha. Ti ã dihta mariachũ Paulo, Bernabé mehne judio masa jieraina watoi Cohamacũ tuua mehne ti yoa ñorire yahuha tinare. ¹³ ã ti yahu tuhsũri baharo Santiago õ sehe ni yahuha:

—Coyea, tãhoga yãhũre. ¹⁴ Cohamacũ judio masa jierainare to yaina cjihtire to coã yoarire yahu tuhsũre Pedro. ¹⁵ Panopũ macaina Cohamacũ yare yahu mũhtaina cjiri ti yahuriro seheta ã wahahre judio masa jierainare. Õ sehe ni Cohamacũ yare joaa tiha tina:

¹⁶ “Panopũ Davi cjiro ya curua macaina ti pãhtoa jiri cjiro pihtia wahare.

Baharo tjua taihca yãhũ.

ã jicũ pari turi to ya curua macarirore pãhthora sõihca.

¹⁷ Yũ ã yoari baharo jipihtina paina judio masa jieraina yãhũre pãhthora tiahca tina.

‘Yũ yaina jiga’, yũ ni pjirocarina sehe yãhũre cahmaahca.

¹⁸ ãta nina mari pãhthora.

Panopũ tiro ahrire masare yahua tiri jire”,

ni joaa tiha Cohamacũ yare yahu mũhtaina cjiri.

¹⁹ ã jicũ õ sehe ni tãhotuja yãhũ. Judio masa jierainare Cohamacũ yare wahma cahma dũcainare payũ yoa dutiena tjijihna mari. ²⁰ Wiho mejeta tinare joa, warocajihna mari. Õ sehe ni joarocajihna: “Ñaa chũare, ‘Cohamacũ jira’, ti nia masũrine ti

waa chũare chũena tjiga. Tuhsũ, numia mehne ñano yoaena tjiga. Numia cũhũ mũa mehne ñano yoaena tjiga. ã yoa wamũa ti ñaha wajãinare wahiquinare chũena tjiga. Dire sihniena tjiga”, ni yahu joarocajihna. ²¹ Yoari pja judio masa buhea wũhũsepũ Sabado jichũ Cohamacũ Moise cjirore to cũri dutiare buhea tire masa. ã yoa jipihtia macaripũ Moise cjiro to yahuare buhea tire. (ã jina yũ niriro seheta judio masa jierainare Jesu yainare joarocajihna, judio masa sehe tina mehne “Suari”, nina) —niha Santiago.

²² Tí pjare Jesu to cũrina, Jesu yaina pũhto, jipihtina Jesu yaina mehne pũaro tina mehne macainare beseha ti warocahtinare. Antioquíapũ Paulo, Bernabé mehne ti wahachũ wahhtinare tinare bese warocaha. ã jia tina Judare, Sila mehne warocaha. Juda sehe Barsaba pũaro wama wama tiha. Ti coyey Jesu yaina tinare ño payoha. ²³ Tinare ti beseri baharo Jesu yaina joarocari pũre warocaha tina mehne. Õ sehe ni joaha tina:

“Jesu to cũrina, to yaina pũhto, mũsa coyey Jesu yaina mehne sã noa dutija mũsare. Jipihtina judio masa jierainare Antioquíapũ, Siriapũ, Ciliciapũ jĩinare mũsare Jesu yainare noa dutija sã. ²⁴ Sã mehne macaina mũsa cahapũ sũa, mũsare payũ dutiare yoa dutiyuhti. ã yoa mũsare cariboyuhti. Tina Cohamacũ dutiare Moise cjirore to cũri cjiropũre, mahari cahsarocãre yihsoa cũhũre yoa dutiyuhti. Wiho mejeta sã sehe tinare tíre buhe dutina warocaerahi. ²⁵⁻²⁶ ã jina sã jipihtina cãno potori mũsa cahapũ warocahtinare sã besehi. Mari cahĩinare Paulo, Bernabé mehne Cristo Jesu mari pũhtoro yare cuiro marieno ti buhechũ payũ tahari paina tinare wajãmoñoaha. Ti ã wajãmoñoachũ mahanocã mehne yũhdũha tina. Tina mehne sã beserinare mipũre warocaja. ²⁷ ã jina Judare, Sila mehne mũsa cahapũ warocaja. Sã joarocarire tina sehe

mũsare yahuahca. ²⁸ Espĩritu Santo to wacũno seheta sã cũhũ tũhotuja. Õ sehe jira tí: Paye dutiapũre cũeraja mũsare. Ahri dutia dihtare cũnahca mũsare: ²⁹ Ñaa chũare, ‘Cohamacũ jira’, ti nia masũrine ño payo ti duhu payoa chũare chũena tjiga. Dire sihniena tjiga. Wamũare ti ñaha wajãinare wahiquinare chũena tjiga. ã jina numia mehne ñano yoaena tjiga. Numia cũhũ mũa mehne ñano yoaena tjiga. Ahri yũ yoa dutierare yoaerana noaare yoana nica mũsa. Tó puro tjira mũsare sã yahu duaa”, ni joarocaha Jesu yaina Jerusalẽpũ jiina.

³⁰ Tí pũre joa tuhsũ, waha Antioquíapũ wahainare. Ti wari baharo waha, Antioquíapũ sũha. Ti tórpũ sũri baharo payũ masare cahmachu duti, ti joari pũre wiaha tinare. ³¹ Tí pũre ti buheri baharo tina yajeri sãa, noano wahcheha. ³² ã jia Juda, Sila mehne Cohamacũ yare yahu mũhtaina jia, yoari pja Jesu yainare Cohamacũ yare yahuha. Ti ã yahuchũ tũhoa, Jesu yaina sehe wahche, noano tũhotuha. ³³ ã jia Juda, Sila mehne tórpũ mahaa dachoricã ti jiri baharo Jerusalẽpũ ti tjuaa wahachũ tó macainare ti coha sitichũ, “Noano wahaga mũsa”, niha Antioquíã macaina. ã jia Juda cũhũre warocarinare noa dutirocaha. Ti ã niri baharo Juda sehe tjuaa wahaha. ³⁴ [Wiho mejeta Sila sehe tórpũta tjuanocaha Antioquíapũta.] ³⁵ ã jia Paulo Bernabé cũhũ mahaa dachoricã tjuasiniha tí macai tjoa. Tóti tina paina payũ mehne Jesu yare buheha.

Pari turi Paulo noaa buheare buhe tinino wahaha

³⁶ ã yoa mahaa dachoricã baharo Paulo ño sehe ni yahuha Bernabére:

—Jipihtinare mari buhe dũcarinare “¿Dohse jijari tina?” ni, ñhna wahajihna tjoa —niha Paulo cũhũ ti basi.

³⁷ ã ni tuhsũ, Bernabé sehe João Marcure tina mehne naa duamaha. ³⁸ To ã naa duapachũta tó pano

tiro tina mehne Panfiliap_u suro tina mehne tjuaeraha. Ti yoare cãno pjaeraro tjuaa wahaha. ã jiro Paulo pari turi tirore naa duaeraha. ³⁹ To naa duaerach_u ñ_uno Bernabé Paulo mehne p_uaro ti basi cahma durucu cahno masieraa, soro dihta wahaa wahaha. Bernabé sehe Chipre wama tiri n_ucop_u Marcop_u na pahãa wahaha. ⁴⁰ Paulo sehe Silare piti ti wahcãa wahaha. Ti buhea wahahto pano Jesu yaina tinare waroca, “Cohamac_u m_usare noano ñ_u wihbojaro”, niha. Ti ã niri baharo Paulo Sila mehne wahaa wahaha. ⁴¹ ã wahaa, Siria yahpap_u, Cilicia yahpap_u cãh_ure s_ua, tó_up_u Jesu yainare noano yajeripohna ti, Jesure wacũ tua namoch_u yoaha tinare.

16

Timoteo Paulo mehne wahaha

¹ Ti ã yoari baharo Paulo cãh_u Derber_u, Listrap_u s_ua, Timoteore boca s_uha. Timoteo Jesu yairo jiro, judio masono mac_uno jiha tiro. To pocoro cãh_u Jesu yacorota jiha. To p_ucuro sehe griego mas_uno jiha. ² ã jia Lистра macaina, Iconio macaina Jesu yaina, “Timoteo masa noariro jira”, ni yahua tiha. ³ ã jiro Paulo Timoteore naa duaaha. Wiho mejeta tí yahpa macaina judio masa sehe Timoteo p_ucuro griego mas_uno to jich_u masiha. ã jiro Paulo judio masare “Suari” nino, Timoteo pjac_ure mahari cahsarocã yihso naha. Judio masa ti dutia ti niriro seheta yoaha. ⁴ To ã yoari baharo tina ti s_ua macari macainare ti joarocari pũ macaare yahuha. Tí pũ Jesu to cũrina, to yaina pãh_utoa mehne Jerusalẽp_u jiina ti joarocari pũ jiha. ã jia tí dutiare noano yahu turiaha tó macainare Jesu yainare. ⁵ Ti ã yahuch_u tãhoah_u Jesu yaina sehe Jesure wacũ tua namoha. ã yoa Jesure wahma wacũ tua d_ucaina dachoripe pay_u waha namoha.

Paulo cahãnop_u Macedonia macarirore ñ_uha

⁶⁻⁷ ã yoa Asia yahpap_u sehere noa buheare buhe dutieraha Espiritu Santo tinare. ã jia tina Frigia yahpare yãhd_ua Galacia yahpare yãhd_ua, Misia yahpa dũht_u cahai s_uha. Tó_up_u s_u, Bitinia yahpa sehe waha duamaha tina. Wiho mejeta Espiritu Santo sehe tinare tó_up_ure waha dutieraha. ⁸ To ã niri baharo tina sehe Misia yahpare yãhd_ua, Tróadep_u buht_u wihire. ⁹ Tó_up_u ti buht_u wihiri baharo, tí ñamine õ sehe cahãri jire Paulo. Macedonia yahpa macariro to cahai ducuch_u ñ_uri jire tiro. “Sãre Macedonia yahpa macainare yoadohoi taga” ni, pjiri jire tiro Paulore. ¹⁰ To cahãri baharo wahcã wihi, sã yare cahno tuhs_u, Macedoniap_u wahaa wahai sã. “Cohamac_u tí yahpap_ure noa buheare buhe dutiro nina marine”, ni tãhotui sã.

Paulo, Sila mehne Filipop_u jiha

¹¹ ã jina sã Tróadep_u jiina dohoria mehne Somatracia wama tiri n_ucop_u pahã sui sã. ã yoa pa dachoi Neapolip_u pahãa wahai sã. ¹² Tí macare yãhd_uana, Filipop_u Roma macaina ya macap_u sui sã. Tí maca Macedonia yahpai jiri maca jire. Wiho jiri maca jierare. Tó_up_ure mahaa dachoricã sã jii. ¹³ Tó_up_u jina Sabado jich_u sã tí maca dũht_u cahap_u, dia dũht_u cahap_u sui. Tó_u Cohamac_u mehne ti durucuro jire. Tó_u dujina tó_u cahmachua numia mehne sãhd_uui sã. ¹⁴ Cãcoro sãre tãhoricoro Tiatira wama tiri maca macaricoro Lidia wama tircoro jire. Ticoro noa suhti wapa tia suhtire duaricoro, Cohamac_ure ño payoricoro jire. ã jiro Paulo to yahuare noano tãhoch_u yoare Cohamac_u ticorore. ¹⁵ To quihõno tãhoch_u ñ_uno ticorore to wãh_u macaina mehne bautisare Paulo. To ã bautisari baharo õ sehe nire ticoro:

—“Jesu yacoro tjira mãh_u cãh_u”, nina m_usa yãh_ure. ã jina ya wãh_u sãa tãsinia m_usa. Yãh_u mehne tjuasinia —nire ticoro sãre.

To ã nichu tuhona to wuhui tjuasinii sã.

¹⁶ Pa dacho Cohamacu mehne ti durucuropu sã wahachu watino to cohtotaricoro piti bocare sare. Ticoro paina cahamacono jire. Ticoro watino yoadohoro mehne masare “Õ sehe waharohca musare”, ni yahuyuricoro jire. Æ yahuro pjiro wapatabasare to puhtoare. ¹⁷ Æ jiro Paulo mehne sã wahachu, sare nanu ti, sañurucure ticoro:

—Ahrina Cohamacu Jipihtina Bui Jiro to yoadohoina jira. Cohamacu marine to noano yuhdohtire yahura tina —ni sañurucure ticoro.

¹⁸ Payu dachori ã ni cariborucure Paulore. To ã ni sañurucuchu Paulo majare nu, õ sehe nire watinore:

—Jesucristo tuua mehne dutija mure. Ticorore wijaahga. Waharisa mure —nire Paulo.

To ã nichuta watino sehe wahaa wahare.

¹⁹ To ã wahari baharo ticoro puhtoa sehe niñeru to wapataeraricoro to wahachu nu, tina Paulore, Sila cãhure ñahare. Ñaha tuhsu, tinare naahre tí maca dacho macapu jiina puhtoa cahapu. ²⁰ Æ naa wahcã, buhiri tiare cahnoina cahapu tinare cãre tina.

—Ahrina judio masa mari ya macare cariboa nina. ²¹ Tina mari dutiare cohã dutia, paye buheare buhea nina. Mari ya dutiare yuhdurucachu yoa duaa nina. Mari Roma macaina jina ahrina ti yahua sehere yoa masieraja mari. Æ jina ti buheare mari cahmaeraja —nire ticoro puhtoa buhiri tiare cahnoinare.

²² Ti ã nichu tuhoa masa payu Paulo cãhure mehne sua yuhduha wahare. Æ jia buhiri tiare cahnoina sehe Paulo cãhure suhtire ti tuhrẽ cohãri baharo, yucari wasõri mehne tjana dutire tinare. ²³ Tuaru tjana tuhsu peresu yoare tinare. Ti ã peresu yoari baharo peresure cohtarirore noano nu wihbo dutiha tina. ²⁴ Ti ã dutiri baharo tinare cohtarirore sehe tí wuhu puhicha macari tahtiapu tinare cã,

taboa pahtari mehne ti dahporire biha dapoha.

²⁵ Ñami dacho macai Paulo, Sila mehne Cohamacure sini, tirore basa payoha. Ti ã basachu tuho paina peresupu jiina. ²⁶ Ti ã ni basachuta tí wuhu tuaro ñuhmiha. To ã ñuhmichu cãno potori jipihtia sopa pahmari parĩ mu, peresupu jinare ti duhte dari comaa dari nuhnu site boraa wahaha. ²⁷ To ã wahachu tí wuhure cohtarirore sehe wahcã wihi, “Peresu jiina duhti tuhsari jire”, ni tuhotumaha. Æ ni tuhoturo to ñosari pjine naroca, to basi ñosamaha. ²⁸ To ã yoachu nu Paulo tirore tuaro sañurucu õ sehe niha:

—Mu basi ñano yoai tjiga. Jipihtina õre jia sã —niha tiro tinare cohtarirore.

²⁹ To ã nichu tuho tinare cohtarirore sehe sihã buhria duti, tina cahapu maroca wahcã Paulo, Sila ti dahpori cahapu tetere, caha suha tiro. ³⁰ Tuhsu, tiro tinare tí tahtiapu jinare na wijaa, sinituha tinare:

—¿Dohse yoaicari yuhu Cohamacu yairo ji duacu, to yuhdohtirore ji duacu? —ni sinituha tiro.

³¹ —Jesucristore wacũ tuaga mure. Mu coyea cãhure tirore wacũ tuajaro. Mu ã yoachu musare pichacapu wahaborinare Cohamacu yuhdorohca —ni yahua tina.

³²⁻³³ Ti ã niri hora ñami dacho maca baharocã jiha. Ti ã niri baharo tinare cohtarirore to ya wuhupu naaha tinare. To ya wuhupu na su tí camine cosaha tiro. To ã cosa tuhsari baharo to coyea mehne Cohamacu yare buheha Paulo cãhure. Ti buheri baharo bautisaha tinare. ³⁴ Ti bautisa tuhsari baharo tinare cohtarirore cjiro Paulo cãhure chure payoha. Æ jia tiro to coyea mehne noaa buheare tí tuho baharo tuaro wahcheha, Cohamacure masi duca.

³⁵ Bohrea parĩ cahachu nu puhtoa sehe surarare peresupu warocaha Paulo cãhure wio dutia. ³⁶ Ti ã wio dutiri baharo tí wuhure cohtarirore Paulo cãhure yahua:

—Pũtoa mũsare wio dutire. Ǻ jina cuienata wijaahga —niha tiro Paulo cǻhũre.

³⁷ Ti ǻ wio duapachũta Paulo ǻ sehe ni yahuha surarare:

—Sǻ ñano yoaerahi. Ǻ jina sǻ ne buhiri cjũaeraja. Wiho warota tina pũtoa sehe masa ti ñũrocaroi yucũri wasǻri mehne tjanahre sǻre, Roma macaina sǻ jipachũta. Tjana tuhsũ peresu yoahre sǻre. Ǻ jia mipũ masa ti ñũeraroi wio duara sǻre, sǻre ñano ti yoarire “Bũoro yũhdũri”, nia. Pũtoa ti basita ta, wioa tajaro sǻre —niha Paulo surarare.

³⁸ To ǻ nichũ tũhoa surara sehe pũtoare yahua wahaha. Ti ǻ ni yahuri baharo Paulo, Sila mehne Roma macaina ti jichũ masia pũtoa sehe cui niha. ³⁹ Ǻ jia tina Paulo cǻhũ cahai sũ, ǻ sehe niha:

—Ñano yoahti sǻ mũsare. Ne pari turi ǻ yoasi —niha pũtoa Paulo cǻhũre.

Ǻ ni tuhsũ pũtoa tinare peresupũ jiinare wio, tinare pa sehẽpũ waha dutiha. ⁴⁰ Ti ǻ niri baharo Paulo, Sila mehne peresupũ jiina wijaa, Lidia wama tiricoro ya wũhũpũ wahaha. Tĩ wũhũpũ ti sũri baharo Jesu yainare piti bocaha. Ǻ jia tina Jesu yainare noano buhea, noano yajeripohna tichũ yoaha tinare. Ti ǻ yoari baharo Paulo, Sila mehne waha wahaha.

17

Tesalónica macaina suaha Jesu yaina mehne

¹ Ǻ yoa tina Anfipolipũ sũ, yũhdũa, Apoloniapũ sũ, yũhdũa, Tesalónicaapũ sũha tina. Tói judio masa buheri wũhũ jiha. ² Somanaripe to yoariro seheta Paulo buheri wũhũpũ waha tiha. Tórpũ sũ, tia somana waro sabado dachoripe tiro panorpũ macaa ti joari cjirire Cohamacũ yare masare buhe, tíre tina mehne sũhũdua tiha Paulo. ³ Ǻ yoaro tiro Cohamacũ yare ǻ sehe ni yahuha:

—Judio masa, mũsa pũtoro mũsa cohtariro Cristo tari jire ñano

yũhdũhtiro. Cohamacũ to ni cũriro cjiro seheta tiro yariaa wahaha masa mũjano taro. Ǻ jiro ahriro Jesu, yũ yahuriro, tiro Cristo warota jira marine yũhdohtiro. Tirota jira mũsa cohtariro. Ǻ seheta nina Cohamacũ yare ti joari pũ —ni yahuha Paulo.

⁴ To ǻ nichũ tũhoa, cǻina tói jina “Potocǻ tjira”, niha. Ǻ jia tina Paulo cǻhũ mehne wahaha. Ǻ jia paina cǻhũ griego masa payũ Cohamacũre ño payoina sehe Paulore quihõno tũhoa, ǻ yoa tina mehne macaa numia cǻhũ payũ pũtoa numia masa ti cua pisaro ñũa numia cǻhũ tirore quihõno tũhoa Jesu yaina tjuaha. Ǻ jia tina cǻhũ Paulo cǻhũ mehne wahaha. ⁵ Wiho mejeta judio masa sehe ti ǻ wahachũ ñũa, pahsu tiha. Ǻ jia tina ñaina dahraerainare payũ pji cahmachu ǻ sehe ni dutiha: “Ahrina ñano yoa nina”, ni sañurucu dutiha tinare. Ǻ sañurucua jipihtina tí maca macainare suachũ yoaha Paulo cǻhũ mehne. Ǻ jia judio masa Jasõ ya wũhũpũ sǻa, Paulo cǻhũre macamaha, tinare masapũre waa taa. ⁶ Wiho mejeta tinare boceraha. Ǻ jia Jasõre, paina Jesu yaina cǻhũre ñaha, waja wijaa wahaha tinare. Pũtoa cahapũ na sũ ǻ sehe ni yahusǻha tina:

—Paulo cǻhũ masare jipihtiorũre caribobiara. Ǻ jia mipũre tina mari ya macare wihi tuhsũhre. ⁷ Ǻ jiro ahriro Jasõ tinare to ya wũhũpũ sǻa ta dutihre. Tina jipihtina mari bui pũtoro Roma macariro to dutiare yũhdũrũcara. “Pairo mũsa pũtoro jira. Jesu tirota jira” nia, mari pũtoro dutiare yũhdũrũcara tina —ni yahusǻha judio masa sehe pũtoare.

⁸ Ti ǻ ni yahusǻchũ tũhoa, jipihtina masa, pũtoa cǻhũ sua, tuaro sañurucuha. ⁹ Wiho mejeta pũtoa Jasõre, tiro mehne macaina cǻhũre, niñerure wapa duti, wioha.

Paulo Sila mehne Bereapũ sũha

10 Tí pjata ñamipɛ Paulo cãhure Jesu yaina nɔo warocaha Bereapɛ. Tóɾɛ sɛa tina judio masa buheri wãhɛɾɛ sãa wahaha. 11 Berea macaina sehe Tesalónica macaina yãhdoro Jesu yare noano tãhoina jiha. ã jia tina Jesu yare ti tãhori baharo “¿Potocã tjiari?” ni masi duaa, dachoripe Cohamacɛ yare ti joari pũre ã buherucua tiha tina. 12 ã jia tina payɛ Jesure wacũ tua dɛcaha. Griego masa cãhɛ, mɛa, pãhtoa numia mehne Jesure wacũ tuaina jiha. 13 Wiho mejeta Paulo Bereapɛ Cohamacɛ yare to buhechɛ cãhure tãhorocaa Tesalónica macaina judio masa tóɾɛ sɛa. Tóɾɛ sɛa, Berea macainare quti dojomehnea, Paulo cãhɛ mehne suachɛ yoaha tina. 14 Ti ã yoachɛ ñɛa Jesu yaina Paulore soaro mehne pjiri ma dɛhtɛ cahapɛ warocaha. Wiho mejeta Sila, Timoteo mehne Bereapɛ tjuaha. 15 Paina sehe Paulore Atenapɛ na wahcã soha. Tirore so tuhsɛ majare tjuaa wahaha Bereapɛ tjoa.

—Soaro mehne waha, piti tina wahaga Paulore —ni yahuha Silare, Timoteo cãhure.

ã ni yahu dutiha Paulo tinare.

Paulo Atenai jiha

16 ã jiro Paulo Atenapɛ cohtaro niha Sila, Timoteo cãhure. Tinare cohtaro Atena macaina ti “Cohamana jira”, ti nia masurine payɛ ti cjãachɛ ñɛno Paulo tuaro cahyaha tina mehne. 17 ã cahyaro, judio masa buheri wãhɛɾɛ judio masa mehne, ã yoa judio masa jieraina mehne cãhure durucuha tiro. Judio masa jieraina sehe Cohamacɛ ño payoina jiha. ã yoa Paulo tí maca dacho macai dachoripe tiro cahapɛ ã tini majare sãaina mehne durucuha. 18 Paina Epicureo yare buheina, Estoico yare buheina cãhɛ Paulo mehne durucuha:

—¿Ahriro durucua pihtierariro dohse ni durucuro nijari tiro? —niha tina.

Paulo Jesu yare, to masa mɛjarire to yahuchɛ tãhoa ã sehe ni

tãhotumaha masa: “Tiro paina cohamanare yahuro nica”, ni tãhotumaha tina. 19 Ti tãhori baharo tina Areópago wama tiroɾɛ Paulore naaha.

—Ahrì buhea, wahma buheare mɛ mipɛ yahurire masi duaja sã. 20 Mɛ buhea soro sehe jira. ã jina sã tíre masi duaja —niha tina Paulore.

21 Jipihtina Atena macaina, ã yoa paye yahpari macaina cãhɛ Atenapɛ jiina dachoripe wahma buheare durucurucu duaha. ã jia Paulo to yahuare tãho duaha tina.

22 ã jiro Paulo Areópago wama tiroi wahcãruca ã sehe ni yahuha:

—Atena macaina, payɛ mɛsa cohamanare mɛsa tuaro ño payoina mɛsa jichɛ masija yãhɛ. 23 Ahrì maca mɛsa ya macare cohamanare mɛsa ño payoa altarire ñɛ tinihi yãhɛ. ã ñɛ tinicɛ yãhɛ cã altarpɛ, cohamanare ño payona mɛsa waare mɛsa cũnoi ahrìre buhehi. “Cohamacɛ, mari masimahnoerariro ya altar jira”, ni joari jire mɛsa tíre mɛsa cũnoi. Mɛsa tirore masierapanahata tirore ño payori jire mɛsa. Tiroreta mɛsa masierarirore yahu potoi nija yãhɛ mɛsare.

24 Cohamacɛ jipihtiri yahpare, jipihitiare bajuamehneriro jira. Tiro mɛanore, yahparɛ pãhoro jiro, tiro masa ti yoa wãhɛsei jierara. 25 ã jiro tiro mari jiare, mari yajeri naare, jipihtia marine paye barore wariro jiro, mari yoadohoare cahmaerara. Tiro pjacɛoriro jierara.

26 Tiro cãiro mɛanore yoa dɛcaha. Tiro mehneta jipihtia yahpari macaina cijhtire masare yoaha. ã masare yoaro jipihitiro yahparɛ marine cãha tiro. “Õ puro yoari pja õpɛre jahca”, nino quihõ cãha marine. 27 “Tina yãhure maca, bocaboca”, ni tãhotuha Cohamacɛ. Wiho mejeta Cohamacɛ yoaropɛ jierara. Mari mehneta jira. Õ sehe ni joaa tiha paina: 28 “Marine jichɛ yoara tiro. Mari masapere catiina, ñuhmiina jichɛ yoara tiro”, ni joaa tiha. Mɛsa mehne macaina panopɛ

macaina basaare noano joaina quiti yahuina cjiri ti joariro seheta nii nija. “Mari cãhũ Cohamacũ pohna jija”, ni joaa tiha tina. ²⁹ ã jina mari to pohna jina õ sehe ni tũhotuena tjiga m̄sa. Masurine, uru, plata, tãa mehne m̄sa m̄ sũro m̄sa yoari masurine “Cohamana jira”, ni tũhotuena tjiga m̄sa. ³⁰ Panopũ masa ti masieraina jisinchũ ti ñaare yoapachũta Cohamacũ ã ñnocasiniha. Wiho mejeta mipũre jipihtiri yahpa macainare ti ñaa yoari buhiri tiare masi, cahya dutira Cohamacũ. ³¹ Baharo Cohamacũ to quihõri dachoi jipihtiri yahpa macainare potocã beserohca noaina, ñainare. Tiro to bese duti to cũriro Jesu sehe beserohca. Jesure yariarirore masoha tiro. ã masono “Ahr̄iro yũ cũriro jira” ni, ñono niha Cohamacũ masare —ni yahuha Paulo Atena macainare.

³² To ã nichũ masa m̄jarire to durucuchũ tũhoa paina tirore bujũpeha. Wiho mejeta paina sehe õ sehe niha:

—Pari turi ahrire m̄ yahuchũ sã tũho duaja —niha tina Paulore.

³³ Ti ã niri baharo Paulo wahaa wahaha. ³⁴ To ã wahachũ, cãina tiro mehne waha, Jesure wacũ tua dũcaha. Dionisio Areópago macariro pũh̄toa mehne macariro Jesure wacũ tua dũcaha. ã yoa Damari wama tiricoro cãhũ, paina mehne Jesure ãta wacũ tua dũcaha.

18

Paulo Corinto wama tiri macaijija

¹ ã yoa, Paulo Atenapũ jiriro waha, Corinto wama tiri macapũ sũha. ² Tópũ sũro, judio masũno Aquila wama tirirore boca sũha tiro. Jipihtina bui pũh̄toro Claudio wama tirore judio masare Romapũ jĩnare to cohãchũ Aquila sehe to namono Priscila mehne waha, Corintopũ sũha. Aquila sehe Ponto wama tiri yahpai masa bajuariro jija. ã jia tina Corintoi ti jichũ, Paulo tina cahapũ sũha. ³ Aquila cãhũ suhti wũhũsere yoaina jija. Paulo cãhũ

suhti wũhũsere yoarirota jija. ã jiro tiro tina mehne dahra, tói tjuaha. ⁴ ã jiro Paulo sabado jichũ somanaripe judio masa ti buheri wũhũpũ judio masare, judio masa jieraina cãhũre Cohamacũ yare yahuha. To ã ni yahuchũ tũhoa, “Potocã tjira”, niha tina cãina.

⁵ ã yoa Sila, Timoteo mehne Macedoniapũ jĩina, Paulo cahapũ sũha. Tópũ ti sũri baharo Paulo sehe jipihtia dachoripe judio masare noano buhea tiha.

—Jesu, Cristo masare yũh̄dohtiro mari cohtariro jira —ni yahuha tiha.

⁶ To ã ni buhepachũta, judio masa sehe tirore tũho duaeraha. ã jia tina ñano ni quiti dojomehneha tirore. Ti ã yoachũ Paulo tinare to tuhtiboriro seheta, to suhti macaa mene cjã site-roca cũha.

—M̄sa ya buhiri pichacapũ wahanahca. Cohamacũ to dutiriro seheta m̄sare buhemahi yũhũ. Wiho mejeta m̄sa yũhũre tũho duaerare. Mipũre judio masa jieraina sehere buhei wahaihtja —niha Paulo judio masare.

⁷ To ã niri baharo tiro tópũ jiriro waha, Ticio Justo wama tiriro ya wũhũpũ sũha. Justo Cohamacũre ño payoriro jija. To ya wũhũ sehe judio masa buheri wũhũ cahai jija.

⁸ ã jia Crispo wama tiriro buheri wũhũ pũh̄toro, to namono, ti pohna cãhũ Jesure wacũ tuaina jija. ã yoa paina Corinto macaina payũ Cohamacũ yare tũhoa, Jesure wacũ tuaha. Ti ã wacũ tuaina jichũ tinare bautisaha. ⁹⁻¹⁰ Cã ñami Cohamacũ cahãnopũ õ sehe ni yahuha Paulore:

—Mũhũ mehne jija. Ahri maca macaina yũ yaina masa payũ jira. ã jia paina masa mũhũre ñano yoa masierara. ã jicũ cuiecũ tjiga mũhũ. Wiho mejeta yũ yare tuaro yahu namoga mũhũ. Yahu duhuecũ tjiga —ni yahuha Cohamacũ Paulore.

¹¹ ã yoa cã cũhma noano, pa cũhma dacho maca waroi Paulo Corintopũ jĩ, tó macainare Cohamacũ yare buhea tiha.

¹² To ã buhero watoi Galiõ wama tiri Acaya yahpa macaina pãhtoro to jichu, judio masa jipihtina cãno potori Paulore yahusãa taa, tireore buhiri tiare cahnoina cahapu naaha tina.

¹³ —Ahriri Paulo masare Cohamacu ño payo dutiro ahri yahpa macaa dutia sehere cohã dutiro nina —ni yahusãha judio masa buhiri tiare cahnoinare.

¹⁴ Ti ã ni yahusãchu tuhoro Paulo sehe tinare yahu duamaha. Wiho mejeta Galiõ sehe judio masare õ sehe ni yahuha:

—Ahriri sã Roma macaina ya dutiare yãhdurucariro to jichu, musare yãhtiboa yãhu. ¹⁵ Wiho mejeta musa judio masa ya dutia sehere ahriri yãhdurucariro to jichu musa basi ahrire cahnoga. Ahrire masieraja yãhu musa mehne —ni yahuha tiro judio masare.

¹⁶ ã ninota tinare judio masa Paulore yahusãmarina cjirire to ya tahtiapu jïinare cohã wioha tiro.

¹⁷ To ã cohã wiori baharo jipihtina tí wãhuai jiina Sostenere judio masa buheri wãhu pãhtoro Jesu yairore ñaha, buhiri tiare cahnoina cahapu cjãha tireore. Ti ã cjãchu ñũno Galiõ ã ñũnocaha.

Paulo Antioquíapũ tjuaa wahaha

¹⁸ ã yoa Paulo Corintoi yoari pja jiri cjiro “Wahai nija”, ni coha sitiha tiro Jesu yainare. To ã niri baharo tiro Priscila, Aquila mehne Siria yahpapu pahãa taa niha. Ti pahãto pano Cencrea wama tiri macapu su, tãpu jisinino Paulo Cohamacu “Õ sehe mũhũre yoabasaihtja”, to nirire yoa tuhsuriropu jiha. ã jiro tã sehe yoaina judio masa ti yoarucuriro sehta to pjoarire wãha pahão dutiha. ¹⁹ Tãre to yoari baharo tina Efeso wama tiri macapu pahã su, Priscilare, Aquila cãhũre cũ, judio masa ti buheri wãhũpu wahaha Paulo. Tã wãhũpu su, Cohamacu yare yahuha. ã yahuro judio masa mehne sãhũduha. ²⁰ To ã sãhũduri baharo tireore tina mehne tjua dutimaha.

—Tjuaeraja musa mehne. ²¹ Wiho mejeta Cohamacu cahmachu, pari turi tjuaa taihtja —niha tinare Paulo.

ã ni tuhsu, Efesopu jiri cjiro pahãa wahaha tiro.

²² Pahãa, Cesareapu pahã su, yãhdũ wahcã, Jerusalẽpu sãha. Tãpu su, tã macaina Jesu yainare “¿Ne jimajari musa?” ni, tinare ñũ yãhdũ Antioquíapũ sãha. ²³ Tã mahaa dachoricã jiha. Tã jiri cjiro yãhdũha. Galacia yahpai jia macaripu, Frigia yahpai jia macaripu pari turi su, tí macari macainare Jesu yainare buhero, Jesure wacũ tua namo wahchechu yoaha tiro.

Apolo wama tiri Efeso buheha

²⁴ Tã pjare, judio masũno Apolo wama tiri, Alejandrã macariro Efesopu sãha. Tiro noano yahu mihniro jiha. ã jiro tiro Cohamacu to joari cjirire noano masiha. ²⁵ Pãro tireore Cohamacu yare yahu tuhsũa tiha. ã jiro tiro João masare bautisariro to buheha dihtare masiha. ã jiparota tiro tuaro wahchea mehne Cohamacu yare noano buheha. ²⁶ ã jiro judio masa ti buheri wãhũpu tiro cuiro marieno tinare buhe dũcaha. To ã buhechu ti tuhori baharo Priscila, Aquila mehne tireore tina mehne naaha. Cohamacu yare to quihõno yahu pahãoerachu ñũa quihõno yahu pahãoha tina tireore. ²⁷⁻²⁸ ã jia tiro Apolo sehe Acaya yahpapu to waha duachu Jesu yaina tireore “Noano wahaga”, ni joa pũrine waha tireore. Tã pũri Acayapu jiina Jesu yainare Apolore noano piti boca dutia pũri jiha. ã jiro Apolo tãpu sũro, tã macainare noano yoadohoha. Tã macaina Cohamacu cãhã mehne Jesure wacũ tuaina jiha. Judio masare tí macai jïinare õ sehe ni yahuha:

—Cohamacu to warocariro musa cohtariro jira Jesu. Cristo waro jira tiro —ni yahuha Apolo judio masare paina masa ti ñũrocaroi.

Cohamacu yare ti joari cjiri mehne to noano quihõno yahuchu tãhoa tina “Potocã jierara”, ni masieraha.

19

Paulo Efesopu wahaha

¹ Corintopu Apolo to jiro watoi, Paulo sehe tũyucupu mija yãhdũa, Efesopu sãha. Tõpu sũro cãina Jesu yainare boca. ² Tinare boca sũro tiro tinare õ sehe ni sinitu ñũha:

—¿Musa Jesure wacũ tuari baharo musa sehe Espiritu Santore cjuã dũcari? —ni sinitu ñũha Paulo.

To ã nichu tãhoa tirore õ sehe ni yahuha tina:

—“Espiritu Santo jira”, ni yahuerare sãre —ni yahuha tina.

³ Ti ã ni yahuri baharo Paulo tinare õ sehe ni sinitu ñũha tjoa:

—¿Noa ya buheare musa tãhori baharo bautisari musare? —niha tiro tjoa.

—João ya buheare sã tãhori baharo bautisahre sãre —ni yahuha tina.

⁴ Ti ã nichu tãhoro õ sehe niha Paulo:

—Masa ti ñaa yoarire cahya, tíre ti duhuchu ñũno bautisaha João. ã jiro to bautisari cjiri sehe ti ñaa yoarire ti duhurire masare ti ñohti cjihti jira. Wiho mejeta paye baro cãhure yahu namoha João. “Yu baharo tariro sehere wacũ tuaga musa”, ni yahuha tiro. ã nino Jesure yahuro niha —ni yahuha Paulo tinare.

⁵ To ã nichu ti tãhori baharo, Jesu wama mehne to tuaa mehne bautisaha tinare. ⁶ ã to bautisachu, Paulo tina cãina bui to wamomaca to duhu payochu, Espiritu Santo sehe wihiha tinapure. To ã wihiri baharo tina sehe tãhomahnoera dũseri mehne durucu, Cohamacu yare yahuha. ⁷ Tina jipihtina doce mua jia jiboa.

⁸ Baharo Paulo judio masa ti buheri wãhũpu sãa, tia sũ waro cuiro marieno pãhtoro Cohamacu to sũho jiare yahu, durucuha tina mehne. Tirore ti ã tãhori baharo “Ahri potocã jira”, niha tina. ⁹ Wiho mejeta paina

sehe tãho duaeraha. ã jia tina masa ti tãhoro noa buheare ñano ni ñoha. Ti ã nichu tãhoro Paulo sehe Jesu yainare pji wijaa, pa sehepu wahaha. Waha, Tirano wama tirore to buheri wãhũpu dachoripe masare Cohamacu yare yahuha Paulo. ¹⁰ Pua cãhma waro buhea tiha tinare. To ã buhechu jipihtina Asia yahpa macaina judio masa, judio masa jieraina mehne mari pãhtoro Jesu yare tãhoha. ¹¹ ã yoa Cohamacu tuaa mehne Paulo masare ñu cãa yãhdũachu yoa barore yoa ñoha. ¹² Masa sehe suhti cahsari Paulo to pjacure pihaa cahsari cjirire, ã yoa tirore pihaa suhti cãhure naa, dohatiinare pihoha masa. Tí suhtire dohatiinare ti pihochu noa wahaha. ã jichu watã tinapure jirina cjiri wijaa wahaha, tí suhtire ti pihori baharo.

¹³ Wiho mejeta paina judio masa, ã tinirucuina, watãre cohãina jiha. ã yoa pãhtoro Jesu wama pisuro mehne watãre cohã duamaha. ã jia watãre õ sehe ni dutimaha tina:

—Paulo to yahuriro Jesu to wama mehne dutija musare. Wijaahga. Ahriro mehne pari turi jiena tjiga —nimaha tina watãre warocaa.

¹⁴ Esceva wama tirore siete to pohna sehe ãta yoamaha. Esceva sehe judio masuno sacerdotea pãhtoro jiha. ¹⁵ To pohna watãnore tí wijaa dutiri baharo, watãno sehe õ sehe niha tinare:

—Jesure masija. Paulo cãhure masija. ã masipacũta musa sehere masieraja —niha watãno tinare.

¹⁶ To ã nichuta watãno to cohtotariro sehe tuaro mehne tinare ñaha muaa wahaha. Tinare ñaha, ñaabiario yoa, yãhdũrucanocaha. To ã yoachu Esceva pohna sehe suhti marieina, cami tiina mũroca wijaa wahaha tina tí wãhure. ¹⁷ Ti ã yoiro baharo jipihtina Efeso macaina, judio masa, judio masa jieraina mehne tíre tãhoa, cui yãhdũaha tina. ã jia pãhtoro Jesu yare bũjũpero marieno durucuha masa sehe.

18 Æ yoa masa payu Jesure wacũ tuaina ti ñano yoari buhirire yahu yũhdũa taha. 19 Tina mehne macaina payu yaya puti siteina jiha. Æ jia tina ti joaa tjurire yaya ti yoaare yahua tjurire tópu na ta, masa ti ñurocaroi tí tjurire jũ cohãnocaha tina. Tí tjuri ti wapa tirire tina ti quihõchũ, jipihtia tjuri cincuenta mil tũri plata mehne ti yoa tũri posa waro wapa timaha tí tjuri. 20 Æ jia Cohamacũ yare cahmaina payu wahaha. Cohamacũ tuaa mehne to yaina wahaha.

21 Ti Æ wahari baharo Paulo õ sehe ni tũhotuha: “Macedonia yahpapu su mũhta, tí yahpare yũhdũa Acaya yahpare suihtja. Tí yahpare yu sũri baharo Jerusalẽpu wahaihtja. Tí macare yu sũri baharo Romapu wahaihtja”, ni tũhotuha Paulo. 22 Pũaro tirore yoadohoinare to pano waroca mũhtaha Macedonia yahpapu. Timoteo, Erasto cãhu jiha tina. Æ jiro Paulo sehe cãirota tjua nũnũ tisiniha Asia yahpapu.

Efesoi masa sua, sañurucuha

23 Tí pjare Efesoi Jesu yare paina cahmaeraa, Paulo cũhũre payu masa tuhti, sañurucuha. 24 Cãiro platare dahrariro Demetrio wama tiriro plata mehne cohamaço Artemisa wama tiricoro ya wũhu masũri yoariro jiha. Æ jiro tiro paina plata dahraina mehne tí masũrine dua, pjĩro wapataha tina. 25 Æ jiro Demetrio paina plata dahrainare pji cahmachu õ sehe ni yahuha tinare:

—Tũhoga mũsa. Ahri dahraa mehne pjĩro mari wapatarire masina mũsa. 26 Ahriro Paulo to yoarire to buheri cũhũre masina mũsa. Õ sehe ni buhera tiro: “Cohamana masũri masa ti yoari catiina jierara”, ni yahua tire tiro. To Æ nichũ tũhoa payu Efeso macaina, jipihtiroi paina Asia yahpa macaina cũhu tí buheare “Potocã tjira”, nia tire.

27 Æ nia mari dahraare mũsa ñano durucuhto cua yũhdũara. Æ yoa masa mari cohamaço Artemisa ya wũhũre “Wiho jiri wũhu jira”, ni cohãboca. Ti

ã cohãchũ ticoro jipihtina Asia yahpa macaina, jipihtiri yahpa macaina ti ño payoricoro to jipachũta to tuaa butiarohca. Æ jia masa baharopu jiina ticorore masieraboca —niha Demetrio tinare.

28 To Æ nichũ tũhoa tina sehe tuaro sua, sañurucuha:

—Artemisa Efeso macaina mari yacoro cohamaço tuaricoro jira —ni sañurucuha tina.

29 Æ jia Efeso macaina jipihtina sañurucu yũhdũa, tũho masia pihtia wahaha. Æ wahaa, Gayore, Aristarco cũhũre ñaha, masa ti cahmachunopu tinare waja wahcãha. Gayo, Aristarco mehne Macedonia macaina jia, Paulo mehne tiniina jia tiha. 30 Æ jia Paulore masa cahai to waha duachũ, Jesu yaina sehe tirore waha dutieraha. 31 Æ jia paina tí yahpa macaina pũhtoa, Paulo mehne macaina jia, ti cahamacare yahu dutiha Paulore:

—Masa ti cahmachunopu wahai tjiga —ni yahu dutiha pũhtoa Paulore.

32 Æ jia tói cahmachuina mehne macaina sehe payu “¿Dohseana tana mari cahmachuna nijari?” ni masieraha. Æ jia tina sañurucu namoha. Ahrie sehẽpu jiina soro ni, sañurucuha. Paina cũhu soro ni sañurucuha. 33 Æ jia judio masa sehe Alejandro wama tirirore masare yahu dutimaha. Æ jiro Alejandro “Dihta mariahga”, nino to wamomaca mehne cjãtuha. “Ahrina sãre judio masare tuhtia nina”, ni tũhoturo judio masare dũcata duaro, durucumaha. 34 Wiho mejeta tiro judio masũno to jichũ ñũa masa jipihtina cãno potori pũa hora waro sañurucuha:

—Artemisa, Efeso macaina mari yacoro cohamaço tuaricoro jira —ni sañurucuha tina.

35 Ti Æ ni sañurucuchũ ñũno, Efeso macaina pũhtoare yoadohoriro masare, “Dihta mariahga”, ni yahuha tinare.

—Mũsa Efeso macaina tũhoga. Efeso macaina tuaricoro cohamaço

Artemisa ya wuhu cohtaina mari jichu jipihtia yahpari macaina masina. ã jia muanopu bora tari masure ñu wihboina mari jichu cãhure masina masa. ³⁶ ã jia paina “Ahri potocã jierara”, ni masierara. ã jina suaena tjiga musa. Noano tuhutuga musa. ³⁷ Ahrina musa ñaha taina mari cohamacore ñano ni durucuerare. ã yoa tina cohamana wuhusepãre sãa, yacaerare. ã jina noano yoaga musa. ³⁸ ã jia Demetrio, plata dahraina mehne ahrinare musa ñahainare yahusã duaa, buhiri tiare cahnoina sehere yahusãjaro tina. ³⁹ Pari turi cahmachuna noano mehne cahmachuga. Musa yoariro sehe yoarena tjiga. ⁴⁰ Michare musa sua, sañurucurire mari puhtoã tuhoa, “Marine cohãa nica”, ni tuhutuahca tina. ã jina musa ni sañurucurire tinare noano poto yahu masieraja mari —niha puhtoãre yoadohoriro masare.

⁴¹ ã ni yahu tuhsu, “Tó puro tjira. Wahaga”, niha tiro masare.

20

Macedonia yahparu cãhure, Grecia yahparu cãhure Paulo sãha

¹ Ti ã wahari baharo, Paulo sehe Jesu yainare pji cahmachu yahu quihõha. Yahu quihõ tuhsu, tinare wahchechu yoa, tinare coha sitiha. Coha siti tuhsu, Macedonia yahparu wahaa wahaha. ² Tõpu su buhe, tí yahpai jia macari macainare Jesu yainare wahchechu yoaha tiro. Tinare buhe tuhsu, Grecia yahparu sãha tiro. ³ Tóti tiro tia sã waro jiha. Tóti jirucuma, Siria yahparu pahãa waha duamaha. Wiho mejeta judio masa cohtamaha tirore ñaha duaa. ã jiro Paulo pa maharu, Macedoniaru wahari maharu mananoputa majare tjuaa wahaha tjoa.

⁴ ã waharo Asiaruta sãha. Tóti Berea macariro Sõpatro wama tiroiro Pirro macano Paulore piti ti wahcãha. ã yoa Tesalónica macaina Aristarco, Segundo cãhu tirore piti ti wahcãha.

Tuhsu, Derbe macariro Gayo wama tiroiro Timoteo cãhu tiro mehne wahaha. Asia macaina Tiquico, Tróximo cãhu Asiaru tirore piti ti wahcãha. ⁵ Tiro mehne macaina to pano waha, Tróade wama tiri macaru tirore cohtari jire. ⁶ Ti ã cohtachu bucãerari pãore ti chuã bõse numuri baharo sã sehe Filipoi jiina dohoria mehne waha, cinco dachori pahã, Tróaderu sã tinare ma sui. Siete dachori waro jii tõpãre.

Tróaderu Paulo tinino wahaha

⁷ Domingo jichu Jesu yaina cahmachu pãore duhu payore Santa Cena yoaa taa. Ti ã yoahito pano Paulo tinare buhere. ã yoaro Paulo pa dachoi wahahtiro jiro yoari pja tiro buhere. Ñami dacho macaru buhe duhuro taro nimare. ⁸ ã jina muanõ macari tahtiai payu poca sihãa poca jiri tahtiai cahmachui sã. ⁹ Paulore to tuhoro watoi, cãiro wahmano Eutico wama tiroiro mahari sopaca cahai mija pja dujire. Duji, Paulo tinare yoari pja to buhe namochu wahmanore wujo tare. Wujo ta, tiro carĩ muã, tia casario buipru dujiriro majare boraã wahare. Boraã waha, yaria yuhduã wahare. To yariari baharo tina tirore yariariro cjiropãre na wahcõ dapore. ¹⁰ Ti ã yoachu ñano Paulo dujia, wahmanore cãã suhsure. To ã yoari baharo Jesu yainare õ sehe ni yahure tiro:

—Yajeripohna ñaena tjiga. Yariarara ahriro. Catira —nire Paulo sehe.

¹¹⁻¹² To ã nichu wahmano yariariro cjiro masaa wahare. To ã masachu ñua tina wahche yuhduare. ã wahchea muanõ macari tahtiaru mija, pãore duhu payore Santa Cena yoaa taa. Ti ã yoari baharo yoari pja Paulo tinare buhe namore tjoa. Pu bohreahto panocãru tinare buhe duhure. To buhe tuhsuchu wahaa wahai sã.

Paulo Tróaderu jiriro waha, Miletopu sãha

13 Paulo pano dohoria mehne Asõp̄m̄ sã sehe s̄m̄ m̄h̄tai. Paulo sehe mahap̄m̄ waha duare. Paulo to niriro seheta Asõp̄m̄ tirore sã piti bocai. 14 Tirore sã piti bocach̄m̄, sã mehne tiro samure dohoriap̄m̄. Tia mehne waha, Mitilener̄m̄ sã s̄m̄i. 15 Tóp̄ure s̄m̄ ȳh̄d̄m̄a pa dachoi Quío wama tiri n̄core ȳh̄d̄m̄ai sã. Pa dachoi Samop̄m̄ s̄m̄i sã. Pa n̄m̄m̄ sehere Miletop̄m̄ s̄m̄i sã. 16 Paulo Pentecoste dacho waroi Jerusalēp̄m̄ s̄m̄ duare. Ā jiro Asia yahp̄m̄ yoari pja ji duaerare. Ā jiro Efesore poto ȳh̄d̄m̄a, Miletop̄m̄ wahã s̄m̄i sã.

Paulo Efeso macainare Jesu yainare p̄h̄toare yahuha

17 Ā jiro Paulo Miletop̄m̄ jiro, Efeso macainare Jesu yaina p̄h̄toare pjirocare tiro. 18 Ā to pjirocari baharo tina Paulo cahap̄m̄ wihire. Ti wihich̄m̄ ñ̄no tinare Paulo õ sehe ni yahure:

—Asiap̄m̄ coã wihich̄m̄ m̄sa mehne ȳm̄ yoarire masina m̄sa. 19 M̄sa mehne jic̄m̄ ne soro nino marieno Jesu, mari p̄h̄toro yare yoaa tii ȳh̄m̄. Ā yoac̄m̄ m̄sare pja ñ̄i. “M̄sare ȳh̄d̄m̄caja”, nierahi ȳh̄m̄. Judio masa ȳh̄m̄re ñ̄ano ti yoapach̄ta Cohamac̄m̄ yare yoaa tii ȳh̄m̄. 20 M̄sa noano wahahtore cahmac̄m̄ m̄sare buhe pah̄ñonocai ȳh̄m̄. Masa ti ñ̄m̄rocaroi, ã yoa m̄sa w̄h̄usep̄m̄ c̄h̄m̄re buhei ȳh̄m̄. 21 Ā yoa judio masare, judio masa jieraina c̄h̄m̄re c̄ano potori buhei ȳh̄m̄. “M̄sa ñ̄aa yoari buhiri tiare masi, Cohamac̄m̄ mehne tjuaahga. Ā yoa Jesu mari p̄h̄torore wac̄ũ tuaga”, ni yahui ȳh̄m̄. 22 Ā yoa mip̄ure Esp̄ritu Santo to dutiriro seheta Jerusalēp̄m̄ waha i nija. Ȳh̄m̄ t̄op̄m̄ wahac̄m̄ ȳm̄ dohse wahahtore masieraja ȳh̄m̄. 23 Esp̄ritu Santo to yahuri dihtare masija. Õ sehe nihre Esp̄ritu Santo ȳh̄m̄re: “Nohoi m̄ s̄m̄a macaripep̄m̄ m̄h̄m̄ ñ̄ano ȳh̄d̄m̄ihca. Ā jia m̄h̄m̄re peresu yoaaahca”, nihre Esp̄ritu Santo ȳh̄m̄re. 24 To ã nipach̄ta noaa buheare, Cohamac̄m̄ masare to cah̄ã

buheare yahuhtiro cjihto jija. Jesu mari p̄h̄toro to yoa dutirire yoa pah̄ño duaja. Ahrire yoariro jic̄m̄, ȳm̄ yariahtore cuieraja ȳh̄m̄.

25 'M̄sa mehne jic̄m̄ p̄h̄toro Cohamac̄m̄ to s̄ho jiare yahua tii ȳh̄m̄ m̄sare. Mip̄ure ne m̄sare pari turi ñ̄m̄si ȳh̄m̄. Ahrire masija ȳh̄m̄. 26-27 Ā masic̄m̄ michare ahrire yahuja m̄sare. Jipihtia Cohamac̄m̄ yare yahui ȳh̄m̄ m̄sare. Ā jiro jipihtina m̄sa mehne macaina Cohamac̄m̄ yare cahmaeraina ti jich̄m̄ ya buhiri jierara. 28-29 M̄sa basi noano yoaga. Ā jina Jesu yainare Esp̄ritu Santo m̄sare to ñ̄m̄ wihbo dutiinare ñ̄m̄ wihboga. Ovejare ñ̄m̄ wihboina ovejare ti ñ̄m̄ wihboro seheta Jesu yaina c̄h̄m̄re ñ̄m̄ wihboga m̄sa. Cohamac̄m̄ mac̄no to yariaro to di cohãno mehne Cohamac̄m̄ tinare to yaina cjihti yoare. Ȳm̄ õre wahari baharo paina ñ̄aina sehe yairo ovejare to ch̄m̄ cohãno seheta Jesu yare m̄sa yoaborire dojomehneahca. Ā jina Jesu yainare noano ñ̄m̄ wihboga. 30 Baharop̄ure paina m̄sa mehne macaina sehe Jesu yainare mah̄ño, paye buheare t̄ho dutiahca. Ti ã dutich̄m̄ tina t̄hohto cua ȳh̄d̄m̄ara. 31 Ā jina noano yoaga m̄sa. Tia c̄h̄m̄a waro dachoripe, ñ̄aminipe pja ñ̄m̄a mehne buhei ȳh̄m̄ m̄sa jipihtinare. T̄re noano wac̄ũga m̄sa. 32 'Mip̄ure ȳm̄ wahari baharo, Cohamac̄m̄ m̄sare ñ̄m̄ wihborohca. Masare to cah̄ã buheare m̄sa basi cahma buhena, noano jinahca m̄sa. Cohamac̄m̄ to buhea mehne m̄sare wac̄ũ tua namoch̄m̄ yoarohca. Baharop̄ure to yainare “Noano yoaitja”, to niriro seheta m̄sa c̄h̄m̄re noano yoarohca. 33 M̄sa niñerure, m̄sa suhti c̄h̄m̄re “Ȳh̄m̄re waga”, nierahi m̄sare. 34 Ȳm̄ basi dahra wapatai ȳm̄ ya cjihtire. Ā yoa ȳm̄ cahmaare, ȳh̄m̄ mehne macaina ti cahmaa c̄h̄m̄re ȳm̄ dahraa wapatai mehne nah̄i. Ȳm̄ ã yoarire masina m̄sa. 35 Mari õ sehe tuaro dahrana paye baro c̄m̄aerainare yoadohoro cahmana marine. Ahrire m̄sare yoa ñ̄oi ȳh̄m̄.

Jesu mari puhtoro to niri cjirire wacũga m̄sa. “To wach̄a ñahariro yuhdoro wariro sehe wahchera”, niri jire Jesu to basi —ni yahure Paulo Jesu yainare.

³⁶ ã ni batoa Paulo tina mehne na tuhcuca caha s̄u, Cohamac̄ure sinire. ³⁷ To ã sini batoach̄a tina jipihtina Paulore cjã suhsu, wahsupu wihmi, tiihre. ³⁸ “M̄sare pari turi ñ̄si yuh̄a”, pano to nich̄a t̄ahoa tuaro cahyare tina. ã jia tirore tju n̄n̄u ti buhare pu pitamahap̄u. Tó̄p̄u s̄ãre ñ̄u n̄n̄u tire s̄ã wahach̄a.

21

Paulo Jerusal̄ep̄u pari turi wahaha

¹ Jesu yainare “Wahana nija” ni, dohoria mehne Cos wama tiri n̄cop̄u potu waha, pahã s̄u s̄ã. Pa dachop̄u Roda wama tiri n̄cop̄u pahã s̄u, yuhd̄ua, Pátara wama tiri macap̄u s̄u s̄ã. ² Pátarai jina, Feniciap̄u wahatiare, dohoriare bocai s̄ã. ã jina tia mehne wahi s̄ã. ³ ã wahana Chipre wama tiri n̄core potu ñ̄u yuhd̄uai s̄ã. Cõ buh̄usehe sehe jire tí n̄co. Tí n̄core yuhd̄ua, Siria wama tiri yahpap̄u s̄u s̄ã. ã jina dohoria macaa pachere dohoria macariro Tiro wama tiri macai to dure moch̄u, tói pahsasini. ⁴ Tói Jesu yainare ñ̄na, siete dachori waro tjuasini s̄ã tí macai. ã jia tó macaina Jesu yainare Esp̄iritu Santo to yahuriro se-heta tina Paulore Jerusal̄ep̄u waha dutieramare. ⁵ Ti ã nipach̄ata tí macare siete dachori s̄ã jiri baharo, wahi s̄ã. Sã wahahto panocã jipihtina Jesu yaina, ti namos̄anumia mehne, ti pohna mehne, tí maca d̄uht̄u cahi s̄ãre ñ̄u tjuaa wahare. ã jina jipihtina s̄ã pad̄uroi s̄u, na tuhcuca caha s̄u Cohamac̄ure sinii. ⁶ Sã ã siniri baharo, “Wahana nija” ni, tinare cjã suhsu batoa, wahi s̄ã. Sã wahach̄u ñ̄u n̄n̄u ti, tina sehe majare majaa wahare ti ya wuh̄usep̄u.

⁷ Tiro wama tiri macai jiina wahana Tolemaidap̄u wahã s̄u s̄ã. Tóih̄ta pjiri mare waha batoai s̄ã.

Tí macai s̄u, Jesu yainare “Coyea, ¿jimajari?” ni, cã dacho s̄ã tina mehne jisini. ⁸ ã yoa pa dachoi tjoa Cesarea wama tiri macap̄u s̄u s̄ã. Tó̄p̄u s̄u, noaa buheare yahuriro Felipe wama tiroiro ya wuh̄up̄u s̄u. ã jina tiro mehne tjuai s̄ã. Felipe Jesu yaina ti siete beseina mehne macariro jire. ⁹ Tuhs̄u, tiro pititiaro numia p̄uc̄uro jire. Tí numia sehe Cohamac̄u yare yahua numia jire. Nuhmia jire. ¹⁰ Tó̄p̄u s̄ã mahaa dachoricã s̄ã jiri baharo, Agabo wama tiroiro Cohamac̄u yare yahu turiariro Judeap̄u jiroiro s̄ãre ñ̄no wihire. ¹¹ ã wihiro tiro Paulo ya dare t̄uã dihori dare na, to basi to dahporire, to wamomacarine d̄uhte cayo õ sehe ni yahure:

—Õ sehe nire Esp̄iritu Santo: “Ahri dare cjariro Jerusal̄ep̄u to s̄uch̄u, judio masa ãta d̄uhteahca tirore. D̄uhte tuhs̄u, judio masa jierainare waahca tina tirore”, nire Esp̄iritu Santo —ni yahure Agabo.

¹² To ã nich̄u t̄ahona, s̄ã Cesarea macaina mehne Paulore tuaro cah̄i s̄ã. Tirore Jerusal̄ep̄u waha dutieramai. ¹³ Sã ã nich̄u Paulo sehe õ sehe ni yuh̄tire:

—¿Dohse ni tiina nijari m̄sa? Yuh̄u sehere cahyach̄u yoaca m̄sa. Tina yuh̄ure peresu ti yoach̄u noanohca. Yuh̄u Jerusal̄ep̄u Jesu mari puhtoro yare ȳu yoari buhiri ȳu yariach̄u noanohca —nire Paulo s̄ãre.

¹⁴ “Wahaeraja”, to nich̄u t̄aho duana nimai s̄ã. To “Wahaihtja” to nich̄u, ã t̄ahotunocahi s̄ã. Õ sehe nii:

—Mari puhtoro to cahmano seheta yoajaro —nii s̄ã.

¹⁵ Tíre s̄uh̄udu batoa, s̄ã yare cahno, waha wahi s̄ã Jerusal̄ep̄u wahana.

¹⁶ Tó̄p̄u s̄ã wahach̄u mahainacã Cesarea macaina Jesu yaina sehe s̄ã mehne wahare. ã yoa tina mehne macariro Chipre macariro Mnasõ wama tiroiro ya wuh̄up̄u s̄u s̄ã. Tiro yoari pja Jesu buheriro jire. ã jiro to ya wuh̄u s̄ã car̄hti wuh̄u jire. Tí wuh̄u s̄ã car̄ni baharo, Jerusal̄ep̄u s̄u s̄ã.

Paulo Santiagore ñ̄no wahaha

17 Jerusalēpũ sã sũchũ, tó macaina Jesu yaina sehe “¿Wihimajari?” ni, wahchea mehne piti bocare sãre. 18 Pa namũĩ Paulo sã mehne Santiagore ñũno sũre. Sã tópu sũchũ tói jipihtina Jesu yaina pũhtoa jire. 19 Tói ti jichũ ñũno Paulo tinare to wamomaca ñahari baharo judio masa jierainare to buherire yahu pahñore Jesu yainare. Cohamacũ to yoadohoa mehne to yoarire yahu pahñore. 20 To ã ni yahuchũ tũhoa, “Cohamacũ noariro, tuariro jira”, ni ño payore tina sehe. Æ ni tuhsũ tina Paulore õ sehe ni yahure:

—Coyeiro, mipũre payũ judio masa Jesure wacũ tuaina jira. Tíre masina mũhũ. Æ jia tina õ sehe ni tũhotura: “Cohamacũ to dutiare, Moise cjiropũ marine to cũrire marine yoa pahñono cahmana”, nia nina. 21 Õ sehe ni namona tina. “Pa seherũ jiiinare judio masa jieraina watoĩ jiiinare judio masare Cohamacũ Moise cjirore to cũri cjiire cohã dutiha Paulo”, nimate õ macaina judio masa mũhũre. “Paulo judio masa pohnare mahari cahsarocãre yihso na dutierara”, nimate mũhũre tina. “Judio masa ti yoaa tiare Paulo duhu dutira”, ni ahri cãhũre ni yahuwajara mũhũre. 22 Æ jia mũ õre wihichũ tũhoa tina cahmachuahca mũhũre tuhtia taa. Æ jicũ õ sehe yoaro cahmana mũhũre. 23 Mũhũre sã dutiro seheta yoaga. Mipũre õre pititiaro mũa Cohamacũre wacũina “Õ sehe yoanahtja”, niina jira. 24 Tina mehne wahaga. Æ jia Cohamacũ Moise cjirore to dutiriro seheta ti basi Cohamacũ yare yoaa taa ti dutiare yũhdũrũcaare cosaa nina. Mũhũ cãhũ ãta yoaga. Æ yoacũ ti ã yoahiti wapare wapaga mũhũ sehe. Mũ ã wapari baharo ti pjoarire wũha duti masina tina. Mũ ã yoachũ ñũa masa mũhũre ti nia mahñori jichũ masiahca jipihtina. Cohamacũ Moise cjirore to cũri dutiare yoariro mũ jichũ masiahca tina. 25 Wiho mejeta judio masa jieraina Jesu yaina sehere sã joari pũre waroca tuhsũ. Õ

sehe ni, joai sã. “ ‘Cohamacũ jira’, ti nia masũrine ño payo ti duhu payoa chũare, dire, wamũa ti ñaha wajãinare wahiquinare chũena tjiga mũsa. Æ jina numia mehne ñano yoarena tjiga. Numia cãhũ mũa mehne ñano yoarena tjiga”, ni yahu joahi sã joari pũrũre — nire tina Paulore.

Cohamacũ wũhũrũ judio masa Paulore ñahaha

26 Ti ã ni durucuri baharo pa dacho Paulo sehe pititiaro mũa mehne ti basi Cohamacũ yare yoaa taa ti dutiare yũhdũrũcaare cosaa taa, Cohamacũ wũhũrũ sãa wahaha. Tí wũhũrũ sãa sũro, tinare yahuha Paulo: “Õpe dachori dũhsara mũsa cosahto”, ni yahuha tiro pititiarore. Æ jia ti cosa batoari dachoi tina cãina Cohamacũre wahiquinare ti wahti dacho jire.

27 Æ yoa ti cosa pahñoboriro mahnocã dũhsachũ waro Cohamacũ wũhũrũ Paulo to jichũ Asia yahpa macaina judio masa sehe ñũha tirore. Æ ñũa Paulore quititi dojomehne, tí wũhũrũ jiiina jipihtinare tiro mehne suachũ yoaha tina. Æ sua judio masa Paulore ñaha, 28 õ sehe ni sañurucuha: —Mũsa sã coyera Israe masa sãre yoadohona taga. Ahriro jira marine dojomehneriro. Ahriro Cohamacũ Moise cjirore to cũri dutiare ahri wũhũ cãhũre “Wiho jia jira”, ni buhe sito tara jipihtinare. Æ yoa tiro Cohamacũ wũhũrũre judio masa jieraina cãhũre na sãare. Æ yoaro ahri wũhũre ñaa marieni wũhũre tiro dojomehneri —ni sañurucuha judio masa Asia yahpa macaina tó macainare.

29 Tó pano Jerusalēi Paulo Trófimo wama tiriro mehne to jichũ judio masa ñũa tiha. Trófimo sehe Efeso macariro judio masũno jierariro jire. To ã jichũ masia õ sehe ni tũhotuha tina: “Paulo Trófimore Cohamacũ wũhũre na sãano nica”, ni tũhotumaha judio masa.

30 Masare ã ni yahu ti sañurucuri baharo tí maca macaina payũ tuaro suaha. Payũ mũroca ta, Cohamacũ

wuhui jirirore Paulore ñaha waja wijaa wahaha. Ñ wijaa tuhsu, tí wuhu sopacarire bihaha tina. ³¹ Ñ yoaa tina tirore wajãa taa nimaha. Ti ã yoachu ñua paina sehe “Jipihtina Jerusalē macaina sua, sañurucua nire”, ni yahua wahaha surara puhtorore. ³² Ti ã nichu tũhoro surara puhtoro sehe to surarare, ti dutiina cãhure cahmachuroca, tina mehne Paulore wajã duaina cahapu mũroca wahcã, sũha. Surara ti sũchu ñua Paulore cjãmaina cjã duhunocaha. ³³ Ñ jiro surara puhtoro Paulo cahapu su, tirore ñaha, pu da comaa dari mehne tirore dũhte dutiha. Ti dũhte tuhsũchu ñu, surara puhtoro Paulore cjãmmainare sinitu ñua:

—¿Diro baro jijari ahriro? ¿Yaba buhiri tirore ã yoari mũsa? —ni sinitu ñua tiro tinare.

³⁴ To ã sinituchu tũhoa masa sehe “Õ sehe yoare tiro” ni, paina cãhu soro ni sañurucu, yahuha surara puhtorore. Ñ ni ti sañurucuchu surara puhtoro noano tũhoeraha. Ñ jiro tiro surara ya wuhupu Paulore naa dutiha. ³⁵ Tí wuhupu su, Paulo mujari escadai to mujano cahachu masa sehe tirore cjã duaa nimaha. Ti ã yoachu surara sehe tirore na wua, na mujaa wahaha. ³⁶ Masa tinare payu nũnu ti, sañu nũnu tihaa:

—Tirore wajãnocahga —ni sañurucuhga tina Paulore.

Paulo “Ne masare ñano yoaeraja yuhũ”, ni yahuha

³⁷ Ñ yoa Paulore tí wuhupu ti peresu yoahito pano, Paulo sehe surara puhtorore õ sehe ni siniha:

—Yuhũ mũhũ mehne sũhũdu duaja —ni siniha Paulo.

—¿Mũhũ griego masa yare durucujari? ³⁸ ¿Sohõ jiriro, Egipto macariro jierajari mũhũ? Tiro masare ti puhtoare cohã dutiro, cuatro mil puhtoare cohã duaina sehere masa marienopu naari jire. ¿Tiro jierajari mũhũ? —niha surara puhtoro Paulore.

³⁹ To ã nichu tũhoro Paulo õ sehe ni yuhtihã:

—Tiro jieraja yuhũ. Judio masũno jija. Tarsoi Cilicia yahpai jiri macai masa bajuai yuhũ. Wiho jiri maca macariro jieraja yuhũ. Yuhũ ahriina masa mehne durucu duaja yuhũ — niha Paulo tirore.

⁴⁰ To ã nichu tũhoro surara puhtoro sehe tirore durucu dutiha masa mehne. Ñ jiro Paulo mujari escadai ducuro to wamomacari mehne “Dihta mariahga”, niha masare. To ã yoachu ñua, dihta mariea pihtia wahaha. Ti dihta marieachu ñu, Paulo judio masa ya mehne yahuha tinare.

22

¹ —Yu coyea, yu yoarire yahuihtja mũsare. Yu yahuchu tũhoga mũsa — niha Paulo.

² To ã nichu Paulo judio masa ya mehne to durucuchu tũhoa masa sehe dihta marieina tjuaha. Ñ jiro Paulo tinare õ sehe ni yahuha:

³ —Yuhũ judio masũnota jija. Tarso wama tiri macai, Cilicia yahpai jiri macai masa bajuai yuhũ. Wiho mejeta ahri maca Jerusalēihtã bucũai yuhũ. Tuhsu, yuhũre Gamalie wama tiri buhea tire. Ñ jicu yuhũ mari ñuchũsũma cjiri dutiare noano buhei. Mipũre Cohamacũre mũsa yoaro seheta yuhũ cãhu ño payoa timai. ⁴ Ñ jicu Jesu yainare ñano yoaa ticũru yuhũ. Cãina tinare wajãa ticũru yuhũ. Mũare, numia cãhũre ñaha, peresu yoaa tii yuhũ. ⁵ Sacerdotea bui puhtoro, judio masa bucũna mehne yu tuahti pũri cjihtire Jesu yainare ñaha dutia pũrine yuhũre joabasare. Mari coyeare Damasco macainare tí pũrine ñoi tai nimai Jesu yainare ñahai tai. Tinare ñaha, na ta peresu yoai tai nimai. Jerusalēpu tinare na ta duamai buhiri dahrei tai. Õ sehe yu nichu sacerdotea bui puhtoro, judio masa bucũna cãhu noano masina — ni yahuha Paulo.

Paulo Jesu yairo to waha dũcarire yahuha

(Hch 9.1-19; 26.12-18)

⁶ Ñ ni tuhsu õ sehe ni yahu namoha:

—Ã yoa cohari pja jichu, Damascope yu sui cahachu waro manopu wacũenoca si siteroca boroa tire yuhare. ⁷To ã si siteroca borochuta yuhu yahrapu bora caha sui yuhu. Yu bora caha sari baharo durucuro coa tare yuhare. “Saulo, Saulo ¿dohseacu yuhare ñano yoajari?” ni durucuro coa tare yuhare. ⁸“Puhtoro, ¿diro baro jijari mahu?” ni sinitui yuhu. “Yuhu Jesu Nazare macariro, mu ñano yoariro jija yuhu”, ni yuhtire yuhare tiro. ⁹Yu ã wahachu yuhu mehne macaina buhriarore ñure. Wiho mejeta yuhu mehne to durucuchu tãhoerare tina. ¹⁰“Puhtoro, ¿dohse yoaihcari yuhu?” ni sinitui Jesure. “Wahcãrucaga. Damascope wahaga. Tói mu wahachu, mahure jipihtia yu yoa dutihtire paio yahurohca mahure”, nire tiro yuhare. ¹¹Tuaro to minoa siterocachu, yu capari wapoahare yuhare. ã jia, yuhu mehne macaina yu wamomacare ñaha, Damascope tuã wahcãre yuhare.

¹²Tói Anania wama tiro, Cohamacre ño payoriro, marine Cohamacu dutiare yoa pahñoriro jire. Tó macaina judio masa jipihtina ti ño payoriro jire. ¹³ã jiro tiro yu cahai wihi taruca yuhare yahure. “Coyeiro Saulo, ñuga pari turi tjoa”, nire tiro. To ã niri baharo pari turi ñai yuhu. ã ñu dhacacu tirore ñai yuhu. ¹⁴Yu ã ñuchu tiro Anania yuhare yahure: “Cohamacu to cahmaare noano masihtirore panopu bese tuhsuyuhti mahure. ã jiro ‘Yu macu noarirore ñu, tãhorohca’, ni yahuyuhti mahure Cohamacu panopu. Tiro jira mari ñuchusuma mana ti ño payoriro. ¹⁵ã jicu mahu mu ñurire, mu tãhorire yahuihca mahu jipihtinare. ¹⁶ã jina mipure yoari pja jiena tjijihna. Wahcãrucaga. ã jicu bautisariro jiga. Jesure mu sinichu mu ñaare yoari buhirire cohãnohca”, nire yahure tiro —niha Paulo.

Paulo judio masa jierainare to buherire yahuha

¹⁷ã ni tuhsu Paulo õ sehe ni yahu namoha:

—ã yoa tuhsu yuhu Jerusalẽru tjua ta, Cohamacu wãhãru Cohamacure sinii sui. ¹⁸Yu tói jichu Jesu yuhare bajua tire. ã bajuaro yuhare yahure. “Jerusalẽ macaina yu yare mu yahuchu tãho duaerara. ã jicu cjero pa seheru wahaga”, nire Jesu yuhare. ¹⁹To ã nichu tãhocu yahui tirore: “Puhtoro, mu yainare judio masa buhea wãhusei jinare yu ñaha, cãari cjirire masina Jerusalẽ macaina. ²⁰ã jicu mahure yahurirore Estebã sehere ti wajãchu ñucu ‘Noano yoa wajãna’, nimai. Tirore ti wajãchu ti suhtire cjãbasai yuhu. Tí cãhure masina ahri maca macaina. ã jia yu yahuchu tãhoboca yuhare”, ni yahui yuhu Jesure. ²¹Yu ã nichu tãhoro Jesu yuhare õ sehe ni yahure: “Yoaropu judio masa jierainare buhehtirore warocaihtja mahure. ã jicu wahaga mahu”, nire yuhare yu puhtoro —niha Paulo masare.

Surara puhtoro Paulo mehne durucuhã

²²To yahu muhtari dihtare noano tãhomaha masa. Wiho mejeta judio masa jieraina cahai Jesu Paulore to warocahtire to yahuchu tãhoa tina sañurucu dhacaha tjoa:

—Ahroro mipu pinihtare yariawahnojaro —ni sañurucuha tina.

²³ã jia tina sañurucu namo, sua mehne ti suhtire wahba siteruca, dihta mehne dhacaha. ²⁴Surara puhtoro surara ya wãhãru Paulore na sãa dutiha to surarare. ã jiro surara puhtoro “¿Dohse yoa Paulo mehne sua ã ñaca sañurucu ni jiri masa?” ni sinitu duamaha. Paulore tãre sinituro taro, yuta dari mehne tjana dutimaha tirore. ²⁵Wiho mejeta tirore ti dãhteri baharo, tiro cahai jirirore surara puhtoro õ sehe ni yahuha Paulo:

—Yuhu Roma macariro jija. ã jina “Ñano yoariro jira ahroro”, yuhare ni yahusã masierara masa. ã yahusã masierana yuta dari mehne yuhare

tjana masierara m_{usa} —niha Paulo tirore.

²⁶To ã nich_u t_uhoro surara p_uhtoro, to bui p_uhtoro ò sehe ni yahuro wahaha:

—Ahroro Roma macariro jira. ã jic_u noano yoaga tirore —ni yahuha tiro to p_uhtoro.

²⁷To ã niri baharo surara bui p_uhtoro sehe Paulore sinituro wahaha:

—¿Potocãta m_uh_u Roma macariro jijari? Yahuga y_uh_ure t_ire —niha tiro.

—Tiro tjija y_uh_u —ni y_uhtiha Paulo.

²⁸To ã nich_u t_uhoro surara bui p_uhtoro sehe tirore ò sehe ni yahuha:

—Y_uh_u Roma macariro ji duacu niñeru pj_iro wapai —niha tiro.

—Y_uh_u Roma yahpa macari macar_u masa bajuai. ã jic_u Roma macariro jija —niha Paulo.

²⁹To ã nich_u t_uhoa tirore tjanaborina wahaa wahaha.

ã jiro Paulo Roma macariro to jiri jich_u masino, tirore comaa dari mehne ti d_uhteri cjirire wac_uno, cui niha surara p_uhtoro sehe.

Paulo judio masa p_uhtoro yahuha

³⁰ã yoa surara p_uhtoro judio masa Paulore ti yahusãrire noano masi duaha. ã masi duaro pa dachop_u comaa darire tirore to pjã dutiri baharo, sacerdotea p_uhtoare, judio masa b_uc_una mehne cahmachu dutiha surara p_uhtoro. To ã cahmachu dutiri baharo tiro t_op_u Paulore na wahcã, ti pano duhu dapoha tirore.

23

¹ã jiro Paulo judio masa b_uc_una ñ_u piti boca, ò sehe ni yahuha:

—Coyea, Cohamac_u to ñ_urocaroi jipihtia dachoripe noano yoarucuja y_uh_u —niha Paulo.

²To ã nich_u t_uhoro jipihtina sacerdotea bui p_uhtoro jiri Anania sehe Paulo d_userore cjã dutiha. ³To cahai ducuinare cjã dutiha. Tirore ti cjãri baharo Paulo Ananiare tuhtiha:

—Masa ti ñ_urocaro dihtare noano yoariro jira m_uh_u. Masa ti baharo b_uh_usehei ñ_uno yoa cohtariro jira m_uh_u. “Cohamac_u dutiare y_uhd_urc_ucai nina”, y_uh_ure nipaihta y_uh_ure cjã dutira m_uh_u. ã cjã dutic_u m_uh_u sehe dutiare y_uhd_urc_ucai nica —niha Paulo tirore.

⁴To ã nich_u t_uhoa Paulo cahai ducuína ò sehe niha tirore:

—Cohamac_u to beseriro sacerdotea bui p_uhtoro ñ_uno durucui tjiga m_uh_u —niha tina Paulore.

⁵Ti ã nich_u t_uhoro Paulo ò sehe ni namoha tjoa:

—Coyea, tiro to sacerdotea bui p_uhtoro to jiare masierahi y_uh_u. ã jii ã nimacanocati y_uh_u. Cohamac_u yare ti joari cjiri ò sehe ni yahura tirore: “M_u ya maca macaina p_uhtoro ñ_uno ni, durucui tjiga”, ni joaa tiha —niha Paulo tinare pjãno.

⁶ã yoa t_oi p_ua curua macaina jiha. C_u curua saduceo curua macaina jiha. Pa curua sehe fariseo curua macaina jiha. P_ua curua ti jich_u masino, Paulo judio masa b_uc_una tuaro sañurucu ò sehe ni yahuha:

—Coyea, y_uh_u fariseo curua macariro jija. Fariseo curua macariro mac_uno tjija y_uh_u c_uh_u. “Yariaina masa m_ujaahca”, y_u ã niri buhiri y_uh_ure ñ_uno yoa duara m_usa —niha Paulo.

⁷To ã nich_u t_uhoa fariseo curua macaina, saduceo curua macaina ti basi cahma tuhtiha. ã jia ti basi p_ua curua tju waha. ⁸Saduceo curua macaina ò sehe niina jiha: “Yariaina masa m_ujasi. Espiritua, anjoa c_uh_u ne mariahna”, niina jiha. Wiho mejeta fariseo curua macaina sehe tina yoaro sehe nieraha. ã jia Paulo “Yariaina masa m_ujaahca” to nich_u tina ti basi cahma tuhtiha. ⁹ã cahma tuhtia, tuaro sañurucuha. ã yoa fariseo curua mehne macaina judio masa buheina wahcãr_uca, tuhti, ò sehe ni yahuha:

—Ahroro Paulo ñ_uno yoaerare. ã jiro esp_iritu o anjo, potocã tiro mehne durucuro jiboca. [ã jina ahroro

buhiri dahrena, Cohamacure ñu tuhtiina jiboca mari. Ñ yoaina jiena tjiga masa] —niha tina.

¹⁰ Ti ã niri baharo, tina jipihtina cahma tuhti, tuaro suaha. “Ti basi cahma sua sayo, tirore wajãboca”, ni cuisãaha surara pãhtoro sehe. Ñ jiro Paulore, masa watoi ducurirore na wio, to ya wãhãpã na ta dutiro warocaha to surarare.

¹¹ Pa ñamihi pãhtoro Jesu Paulo cahai ducuro, ò sehe ni yahuha tirore:

—Wacũ tuaga. Mipãre òre Jerusalëi yã ya buheare yahure mãhã. Tó se-heta Romãpã cãhãre yahui wahaihca mãhã —niha pãhtoro Jesu Paulore.

Judio masa Paulore wajã duamaha

¹²⁻¹³ Pa dacho bohrearoi judio masa cahmachu, ti basi ò sehe ni cahma durucuha:

—Ò sehe yoajihna. Paulore wajãjihna. Cohamacure ò sehe ni yahu cãjihna. Ne mari sihnisi. Ne chãsi, pã tirore mari wajãri baharopã. Tirore mari wajãerachã, mari sehere Cohamacã buhiri dahrejaro —niha tina ti basi.

Tina cuarenta bui curero judio masa jiha. ¹⁴ Ti ã niri baharo tina sacerdotea pãhtoare, bũcũna cãhãre yahua wahaha:

—Paulore sã wajãhto pano chãare sã chãeraja. “Tirore sã wajãerachã Cohamacã sã sehere buhiri dahrejaro”, nihi sã. ¹⁵ Ñ jina mãsa, bũcũna mehne ò sehe ni pjirocaga. “Paulore pari turi sinitu duaja”, niga surara bui pãhtoro. Mãsa ã niri baharo surara bui pãhtoro na ta dutiga Paulore. Wiho mejeta Paulo to òre to wihiro cahachã waro tirore wajãnahca sã —niha tina sacerdotea pãhtoare.

¹⁶ Wiho mejeta Paulo pjacamacũno ti ã ni durucuchã tãhoha. Ti ã nichã tãhoro waha, surara ya wãhãpã Paulore yahuro sãaha. ¹⁷ To ã yahuri baharo Paulo sehe cãiro surarare pjiroca, ò sehe ni yahuha tirore:

—Ahroro wahmãnore pãhtoro cahãpã naahga. Ahroro mã pãhtoro yahu duaro nina —niha Paulo.

¹⁸ To ã nichã tãhoro surara sehe Paulo pjacamacũno to pãhtoro cahãpã na sã, ò sehe ni yahuha:

—Peresupã jiro Paulo sehe yãhãre pjiroca, ahroro wahmãnore mã cahãpã naa dutihre. Ahroro mãhãre yahuro taro nihre —niha surara to pãhtoro.

¹⁹ To ã nichã tãhoro pãhtoro sehe wahmãno to wamomacare ñaha tãã wahcã, masa marienopã tirore sinitu ñãha:

—¿Dohse nii tai niri mãhã yãhãre? —niha tiro Paulo pjacamacũno.

²⁰ To ã sinituchã tãhoro ò sehe ni yahuha:

—Judio masa cãno potori, “Ò sehe yoajihna” ni, ñamichacãpã judio masa bũcũna cahãpã mãhãre Paulore naa dutiahca. “Bũcũna Paulore pari turi sinitu duara”, ni mahãoahca. ²¹ Wiho mejeta cuarenta bui curero mã tirore wajã duaina bũcũna caha duara. Tina tirore ti wajãhto pano chãare chãsi. Ñ yoa sihnisi. “Tirore mari wajãerachã, Cohamacã mari sehere buhiri dahrejaro”, nire tina ti basi. Ñ jia mipã mãhãre Paulore na ta dutia tina sehe duhti cohta tuhsãhãre, Paulore wajãa taa. Ñ jicã ti yahua wihihã tina yãhtii tjiga mãhã —ni yahuha wahmãno surara pãhtoro.

²² To ã nichã tãhoro surara pãhtoro ò sehe niha:

—Yãhãre mã yahurire painare yahui tjiga —ni yahuha wahmãnore.

Ñ ni tuhsã wahmãnore “Wahaga”, niha tiro.

Paulore pãhtoro Feli wama tiroro cahãpã warocaha

²³ Ñ ni tuhsã, surara pãhtoro pãro to surarare pji wahcã, tina ò sehe ni dutiha:

—Dos cientos surarare, setenta cawaloa bui pisinare, dos cientos doca yucã cãina mehne ti yare cahno dutina wahaga. Micha ñami nueve jichã Cesareapã wahanahca mãsa. ²⁴ Paulore cawaloare to pisahtinare cahnobasaga. Cesareapã pãhtoro Feli cahãpã, noano ñã nãhã sogã tirore —niha surara pãhtoro.

25 Æ ni tuhsu papera joaro, õ sehe ni joaha tiro:

26 “Yuhu Claudio Lisia mure tuariro puhtoro Felire noa dutija. 27 Judio masa ahriro Paulore ñaha, wajãmare. Æ jicu tiro Roma macariro to jichu masicu, yu surara mehne tirore yoadohoi suhi. 28 Æ jicu tirore ti yahusãre masi duacu judio masa bucuna cahai nahi tirore. 29 Æ jicu tiro judio masa ya dutia dihtare to yuhdurucachu mari ya dutiare to yuhdurucaerachu ñucu, tirore peresupu cõ duaerahi. Yaba buhiri yariaro mariahna tirore. 30 Æ jiro judio masa tirore wajã dua, ti bucuna cahachu tãhoro pairo yahure yuhure. To Æ yahuri baharo Paulore mipure mu cahapu warocai nija. Æ jicu tirore yahusãrinare to ñaa yoarire mure yahu duti tuhsuhi yuhu”, ni joaha surara puhtoro.

31 Æ yoa surara ti puhtoro to dutiro sehetã yoha. Tí ñamine Antipatri wama tiri macapu Paulore na suha. 32 Pa dachoi paina surara cawaloa bui pisaeraina tí macai tjua taha ti ya macapu. Paina surara cawaloa bui pisaina dihta tirore na yuhdu wahcãha. 33 Pu Cesareapu na suha Paulore. Æ jia surara puhtoro to warocari pãre puhtoro Felire waha. Æ jia Paulore na suha puhtoro cahapu. 34 Ti Æ wari baharo puhtoro tí pãre to ñari baharo tiro painare sinitu ñaha:

—¿Di yahpa macariro jijari ahriro Paulo? —ni sinitu ñaha tiro.

—Cilicia yahpa macariro jira —ni yahuha tirore.

35 Tinare sinitu tuhsu, Feli Paulore õ sehe ni yahuha:

—Mure yahusãrina õre ti wihichu mu yahuchu tãhoihtja —niha Feli Paulore.

To Æ niri baharo Herode ya wãhupu tirore cõha. Æ jiro to mure tirore cohta dutiha puhtoro.

24

Paulo “Ñano yoaerahi yuhu”, ni yahuha Felire

1 Cinco dachori baharo, Anania sacerdotea bui puhtoro, paina judio masa bucuna, dutiare mihniro Tértulo wama tãro mehne Cesareapu suha. Æ jia tina Paulore yahusã dua, puhtoro Feli cahapu suha. 2 Æ jiro Paulore tãre ti na sari baharo Tértulo tirore yahusã ducaha. Æ yahusã ducaro õ sehe ni yahusãha Felire:

—Mure noano masiro, sã puhtoro mu noano dutichu sã ahri yahpa macaina noano jinocaja sã cahmacheno marieno. Mu dutia mehne noaa sehere cohtotaro nina ahri yahpa. 3 Æ jina sã noano jinocahna wahcheja. Æ jina mure mehne noano wahcheja. 4 Mipure mahanocã mure caribohtja yuh. Mahanocã mure mehne suhdu duaja. Sãre tãhorocasinia mure. 5 Ahriro sãre caribobiara. Jipihia yahpari macainare judio masare ti sua sañurucuchu yoara ahriro. Æ jiro masa ti basi cahma tuhtichu yoara ahriro. Æ jiro nazareno wama tiri curua puhtoro jira. 6 Æ jina Cohamacu wure ñano to yoa duachu ñana sã ñahahi ahrirore. [Sã ñahari baharo sã ya dutiare to yuhdurucariro jichu tirore buhiri dahre duamaha sã. 7 Wiho mejeta surara puhtoro Lisia wama tãro tirore sãre tuaro mehne manocahre. 8 Baharo tirore yahusãrinare mu cahapu waha dutihre Lisia. To Æ nichu tãhona tahi sã.] Mure pinihta ahrirore sinitucu, jipihiare to ya buhirire masicuhca mure —niha Tértulo Felire.

9 To Æ niri baharo paina judio masa “Tértulo to niri sehetã potocã tjira”, niha tina cõhu. 10 Ti Æ ni yahusãri baharo puhtoro Feli Paulore yahu dutiha. Æ sehe ni yahuha Paulo:

—Payu cãhmari ahri yahpa macainare mu dutirire masija yuh. Æ jicu yu yoarire mure yahucu wahcheja. 11 Doce dachorita wahara Jerusalẽpu Cohamacure yu ño payori baharo. Mure ahri potocã ti jichu masi duacu painare sinitu ñuga.

12 Judio masa yuhure Cohamacu wuhupare boca ti ñahachu masare ñano ni sañurucui nierahi. Ñ yoa masare sua sañurucuch yoi nierahi. Ñ yoa judio masa buhea wuhusere, ti ya maca cūhure ne ti nino sehe ñano yoaerahi. 13 Ñ jia yuhure yahusārina sehe ti yahusāri cjirire “Ō sehe yoare ahriro”, ni yahu masierara mūhure. 14 Mip yu yoirire yahuihtja mūhure. Dóih̄ta s̄a ñuchusuma ti ño payorirore Cohamacure ño payoja yuh cūh. Ñ jicu to yare yoaja Jesu ya noaa buhea ti nino seheta. Ahrina “Jesu ya mahñopea jira”, ni durucura ahrina judio masa. Wiho mejeta Cohamacu dutia, Moise cjiropare to cūri cjirire tí cūhure ño payoja yuh. Cohamacu yare yahu mūhtaina cjiri ti joari cūhure ño payoja yuh. 15 Ahrina paina judio masa ti tūhoturo seheta Cohamacu jipihtina masare yariainare noaina, ñaina mehne ti masa mūjach yoarohca. Yuh cūh āta ni tūhotuja. 16 Ñ jicu buhiri mariaja yuh. Cohamacu yuhure tíre masina. Ñ yoa masa cūh tíre masina. Ñ jii potocāta yahuja yuh mūhure. Ñ jicu noano tūhotunocaja.

17-18 'Paye cūhmarine pa sehēpu tiniriro jicu Jerusalēne tju wihi, yu coyeare judio masa p̄jacoinare niñerure wai tai nihi. Tju wihi Cohamacure ño payoi tai to ya wuhup̄ samahi. Ñ jicu Cohamacu to cosa dutiriro seheta yu basi yu yuhd̄urucarire yu cosari baharo wahiquirore wa duamahi tirore ño payoi tai. Tópu yu jich ahrina judio masa yuhure bocahre. Ti bocachu paina yuh mehne mariahare. Sua, sañurucui mariahare. 19 Wiho mejeta paina judio masa Asia yahpa macaina tói jihre. Tina yu ñano yoach ñurina jia yahusāa tajaro. 20 Ahrina ōpu jiina sehe judio masa b̄cuna mehne yu jich ñina yu ñano yoirire masia, tina cūh yahusājaro. 21 Cānocā pinihtare yuhure tina yahusā masina: Pano tina mehne jicu ō sehe ni tuaro sañurucui yuh:

“ ‘Variaina masa mūjaahca’, yu niri buhiri, buhiri dahrera mūsa”, nihi tinare —ni yahuha Paulo Felire.

22 To ñ ni yahuri baharo Feli ō sehe ni yahuha Paulore:

—Mip̄ tó puro tjira. Surara pūhtoro Lisia to wihiri baharo mūhure yu yoah̄tore masīhca yuh —niha Feli Paulore.

Feli sehe Jesu yaina ti yoirire noano masi pahñoriro jiha.

23 Ñ ni tuhs, Paulore cohtariro surarare Feli noano ñu nūn̄ dutiha “Peresup̄ jiriro duhtiri”, nino. Wiho mejeta mahanocā ware to tinihtore. Paulo mehne macainare tirore peresup̄ jirirore yoadoho dutiro ñ dutiha Feli.

24 Mahaa dachoricā baharo Feli to namono Drusila wama tiricoro mehne ta, Paulore p̄jiha. Feli namono sehe judio masono jiha. Paulore ti p̄jiri baharo, Jesucristore to wacū tuaare Paulo sehe yahuha tinare. 25 Ñ yahuro quihōno yoare, ñaare yoa duaparota yoeraare, pihtiri dacho jich Cohamacu masare to buhiri dahrehtore yahuha Paulo. To ñ ni yahuch tūhoro Feli cuiro, Paulore ō sehe ni yahuha:

—Mip̄re waharisa. Baharo yuhure dahraa mariachu mūhure p̄jihtja tjoa —niha Paulore.

26 Ñ nino Paulo to niñeru wach cahmamaha Feli. Ñ jiro tiro niñerure cahmano, payu tahari Paulore p̄ji, tiro mehne durucua timaha Feli. 27 P̄ha cūhma baharo Porcio Festo wama tiriro pūhtoro Felire cohtariro jiha. Wiho mejeta Feli sehe judio masare tiro mehne wahchech yoa duaha. Ñ jiro pūhtoro Feli to pūhtoro wijaah̄to pano, tiro Paulore peresui ji dutisiniha.

25

Paulo Festore to yoirire yahuha

1 Ñ yoa Festo tí yahpap̄ tia dacho to jiri baharo, Cesareap̄ jiriro waha, Jerusalēpu s̄ha. 2 Tói to jich sacerdotea pūhtoa, judio masa pūhtoa mehne Paulore tí yahusāire yahuha

Festore. ³ Paulo to mahapɯ wahachɯ tirore bucuɯ caha, wajã duaɯ nimaha tina. ã jia tina Festore tuaro sinimaha:

—Paulore Jerusalēpɯ warocaga — ni sinimaha tina Festore.

⁴ Ti ã nichɯ tɯhoro, Festo ò sehe ni yahuha tinare:

—Mipɯre Paulo Cesareapɯ peresu jira. Yɯhɯ tórpɯ wahai tai nija. ⁵ Paulo to ñano yoariro jichɯ, mɯsa pɯhtoɯ Cesareapɯ yɯhɯ mehne waha, tirore yahusãga —niha Festo.

⁶ ã jiro Festo ocho o diez dachori tina mehne to jiri baharo Cesareapɯ tjuaa wahaha. Pa dachoi tiro buhiri tiare cahnori wɯhɯi dujiro, Paulore na ta dutiha. ⁷ ã jia Paulo Festo cahapɯ to wihichɯ, judio masa Jerusalēpɯ tarina sehe Paulo cahai ducu, tirore tuaro mehne yahusã dɯcaha. ã yahusãpahta “Ahriro to ñano yoachɯ ñɯhi”, ni yahu masieraha. ⁸ Ti ã ni yahusãri baharo Paulo to yoarire yahuha:

—Judio masa ti dutiare, Cohamacɯ wɯhɯ macaa dutiare, Roma pɯhtoro to dutiare yɯhdɯrɯcaerahi —niha Paulo.

⁹ Festo sehe judio masare wahchechɯ yoɯ duaro, Paulore ò sehe ni sinituha:

—¿Jerusalēpɯ waha duajari mɯhɯ? Mɯ yoarire yɯhɯre tórpɯ yahuihca mɯhɯ —niha Festo Paulore.

¹⁰ To ã nichɯ tɯhoro Paulo ò sehe ni yahuha:

—Jipihtina bui pɯhtoro César to ya wɯhɯi buhiri tiare cahnori wɯhɯi jija mipɯre. Ahri wɯhɯ baroi yɯ yoarire tɯhoga. Judio masare yɯ ñano yoerarire noano masina mɯhɯ. ¹¹ Dutiare yɯhdɯrɯcariro yɯ jichɯ, yɯhɯre wajãchɯ noaboa. Wiho mejeta ahrina ti yahusãri sehe mahñoa ti jichɯ yɯhɯre yahusãrinare yɯhɯre wiho waro wia masierara mɯhɯ. Yɯ yoarire jipihtina bui pɯhtoro César yahu duaja. Tiro sehe yɯ buhiri tiare to cahnochɯ cahmaja —niha Paulo.

¹² To ã nichɯ tɯhoro Festo sehe noano masi yahuinare sinitu tuhsɯ, ò sehe ni yahuha Paulore:

—Mɯhɯ jipihtina bui pɯhtoro mɯ yoarire mɯ yahu duachɯ, tiro cahapɯ warocanahtja sã mɯhɯre —niha Festo Paulore.

Paulo pɯhtoro Agripare to yoarire yahuha

¹³ Baharopɯ pɯhtoro Agripa, Berenice wama tiricoro mehne Cesareapɯ Festore ñɯa sɯha.

—¿Ne, wihimari mɯhɯ cɯhɯ? —niha tina Festore piti bocasinia.

¹⁴ Tói payɯ dachori ti jiri baharo Festo ò sehe ni yahuha Agripare Paulore:

—Óre Feli to peresu yoariro jira.

¹⁵ ã jia Jerusalēpɯ yɯ wahachɯ judio masa ti sacerdotea pɯhtoɯ, ti bucuɯna mehne ahrirore yahusãhre. “To ya buhirire wajãga tirore”, ni sinihre tina yɯhɯre. ¹⁶ Ti ã nichɯ tɯhocɯ yɯhɯ tinare ò sehe ni yahui: “Roma macaina sehe peresu ti yoainare masare waerara. ã jicɯ tirore waeraja mɯsare. Sã ñaharirore tirore yahusãrinare to ñɯhto pano tirore buhiri dahre masieraja sã. To basi to yoarire to yahuerasinichɯ tirore buhiri dahre masieraja sã”, nihi tinare. ¹⁷ ã jicɯ tina òre ti wihichɯ ñɯcɯ yoari pja yoerahi yɯhɯ. Wiho mejeta pa dachoi buhiri tiare cahnori wɯhɯi dujicɯ, ti yahusãrinare pjirocahi. ¹⁸ ã jia tí wɯhɯi to wihichɯ ñɯa tirore ñɯ tuhtiina wahcãrɯcare. Ti ã wahcãrɯcachɯ ñɯcɯ “Ñabiaro ni yahusãhca”, ni tɯhotumahi yɯhɯ tinare. Tirore yahusã duapahta yahusã masierare tina. ¹⁹ Wiho mejeta ahrirore Cohamacɯ yare to yahuri buhiri judio masa tirore tuhtihre. Jesu wama tiro yariariro cjiro to masa mɯjarire to yahuri buhiri yahusãhre ahrirore. Ahri dihtare yahusãhre. ²⁰ Ahrire masieracɯ tirore noano sinitu ñɯhi. “¿Jerusalēpɯ waha duajari yɯhɯ mehne? Tórpɯ yahuga mɯ yoarire yɯhɯre”, nimahi tirore. ²¹ Wiho mejeta tiro waha duaerare. “Yɯ yoarire jipihtina

bui p̄h̄torore Césare yahu duaja”, nire tiro yuh̄re. To ã niri baharo ðihta tirore cohta dutihi jipihtina bui p̄h̄toro cahai tirore yu warocahto pano —niha Festo Agripare.

²² —Yu basi t̄ho duaja tirore —niha Agripa Festore.

—Ñamichac̄p̄u tirore t̄hoga m̄h̄u —ni yuhtiha Festo.

²³ Pa dachoi Agripa, Berenice mehne ti buhiri tiare cah̄nori w̄h̄p̄u s̄u, “P̄h̄toa jija s̄a”, nia cua pisaro yoa ñoha tina, surara p̄h̄toa, tí maca macaina p̄h̄toa mehne. Tó sehe yoa s̄a tiha tí w̄h̄p̄u s̄a. Ti s̄a s̄uri baharo Paulore p̄jirocaha Festo.

²⁴ Æ jiro Festo ð sehe ni yahuha:

—P̄h̄toro Agripa, m̄sa jipihtina ahri w̄h̄re cah̄machuina t̄hoga. Òre ahriro payu judio masa ti yahus̄ihiro jira. Jerusal̄p̄u, Cesareap̄u c̄h̄re tina tirore yahus̄ahre. “Tirore waj̄ga”, ã nirucua nina tina.

²⁵ Ti ã nipach̄ta ð sehe t̄hotuja yuh̄. Ahriro ne ñano yoariro jierara. ¿Yaba buhiri waj̄bocari mari tirore? Æ jic̄u jipihtina bui p̄h̄torore César Augustore ahriro to yoarire to yahu duach̄u jipihtina bui p̄h̄toro cah̄p̄u warocaihtja tirore.

²⁶⁻²⁷ Æ jic̄u ahriro to yoarire noano masierasiniya yuh̄. Æ masierasinic̄u mari p̄h̄torore yahu joa masieraja. Æ jic̄u m̄sare to yahuch̄u t̄ho dutii nija mip̄re. P̄h̄toro Agripa mip̄u pinihtare ahriro jira m̄u sinitu ñ̄h̄tiro. M̄u sinitu ñ̄u tuhs̄uch̄u mari masiri baharo ahrirore ti yahus̄ihiro noano yahu joaihtja. Ahriro to ñano yoarire yu masierapach̄ta mari p̄h̄toro cah̄p̄u tirore yu warocach̄u noerara. Æ jic̄u mip̄re ti yahus̄ihiro noano masi duai nija —niha Festo tinare.

26

Paulo Agripare to yoarire yahuha

¹ To ã niri baharo Agripa Paulore ð sehe ni yahuha:

—M̄u basita yahuga —niha tiro Paulore.

To ã niri baharo Paulo sehe, “Dihta mariaha”, nino to wamomacarine wahc̄ar̄uca, to yoarire yahuha:

² —P̄h̄toro Agripa, yuh̄re judio masa ti yahus̄ihiro, yu yoarire m̄h̄re yahuc̄u, mip̄re noano yajeripohna tija. ³ M̄h̄u judio masa s̄a yoaa tiare, s̄a buhea c̄h̄re m̄u noano masich̄u pinine wahcheja yuh̄. Æ jic̄u m̄h̄u yuh̄re noano t̄hoga —ni d̄caha Paulo.

Paulo Jesu yairo to jihto pano to jia tirire yahuha

⁴ Æ ni tuhs̄uro ð sehe ni namoha tiro:

—Wahm̄no yu jia tia cjirire jipihtina judio masa masina. Jipihtia dachoripe yu masa bajuari baharo yu ya dihtap̄re, Jerusal̄p̄u c̄h̄re yu jiri cjirire masina tina. ⁵ Fariseo curua macaina paina yuh̄doro s̄a dutiare yuh̄d̄r̄uca dutieraina jira. Wahmanop̄re fariseo curua macariro jimai. Æ jic̄u fariseo curua macaina ti dutiare, ti yoaa barore yoa pah̄noriro yu jich̄u tina masina. Tina m̄h̄re yahu duaa, tíre yahu masina tina. ⁶ Ahri buhirita yuh̄re yahus̄a m̄jana. S̄a ñ̄uch̄s̄ama cjirire “Yariainare masoihtja”, Cohamac̄u to ni c̄irire “Potoc̄a tjira”, yu niri buhiri ahriro yuh̄re yahus̄a m̄jana.

⁷ Yu coyea judio masa jipihtina doce curuari macaina Cohamac̄u masare to masohtore wahche cohtarucura. Æ yoa Cohamac̄u ño payorucura. Æ cohtarucuina jia s̄a yoaro seheta yoara tina. P̄h̄toro Agripa, ã c̄no potori yoaina s̄a jipach̄ta tina sehe to masohtore yu cohtari buhiri yuh̄re yahus̄a m̄jana judio masa. ⁸ ¿Dohse yoana Cohamac̄u to masorire s̄a yahuch̄u t̄ho duaerajari m̄sa judio masa? —ni yahuha Paulo.

Paulo Jesu yainare to ñano yoari cjirire yahuha

⁹ Æ ni tuhs̄u ð sehe ni yahu namoha: —Jesure Nazare macarirore ñ̄erasinic̄u, ñaa dihtare yoa duamai to yainare. ¹⁰ Æ jic̄u Jerusal̄p̄u ã yoaa timai yuh̄. Sacerdotea p̄h̄toa

yuhure ti dutiri baharo payu Jesu yainare peresu yoaa tii. ã jicu puhto tinare ti wajã dutichu, wajã dutii yuhu cãhu. ¹¹ Payu tahari jipihtia judio masa buhea wuhusei Jesu yainare ñano yoa dutia tii. ã yoacu Jesu yaina Jesure ti cohãchu yoa duai nimai. Tina mehne tuaro suai yuhu. ã jicu paina masa ya macaripu cãhure tinare ñano yoai sãa tih yuhu —ni yahuha Paulo.

Paulo Jesu yairo to waharire yahuha

¹² ã ni tuhsu õ sehe ni yahu namoha:

—Damascopu Jesu yainare ñano yoa duacu sãmai. Tinare ñano yu yoa duachu ñua sacerdotia puhto yuhure waha dutire. ¹³ Õ sehe jire puhtoro Agripa: Cohari pja jichu waroi mahai yu wahachu mãano macaa si sitea, sã dacho macariro yuhdoro, yuhure yuhu mehne wahaina cãhure si sitere. ¹⁴ Sã jipihtina yahrapu bora caha su, judio masa ya mehne yuhure to durucuchu tãhoi. “Saulo, Saulo, ¿dohseacu mahu yuhure ñano yoajari? Muhu yuhu mehne suacu yuhure yuhtieracu, mu basi ñano yuhdura”, nire yuhure. ¹⁵ “Puhtoro, ¿diro baro jijari mahu?” ni sinitui. “Yuhu Jesu, mu ñano yoariro jija. ¹⁶ Wahcãrucaga muhu. Mũhure yu cahamacuño cjihto yoai tai mipu bajuaja yuhu. Michare yuhure mu ñurire, baharo mũhure yu ñohti cãhure painare yahuihca muhu. ¹⁷ Judio masare judio masa jieraina cãhure mũhure buhe duticu, warocaihtja. Ti cahai mu jichu, mũhure ti ñu tuhtichu mũhure yoadohoihtja. ¹⁸ Yu yare tinare masichu yoaga muhu. ã jicu nahitianopu tiniina yoaro sehe jinarire ti ñaare duhuchu yoaga. Buhriaropu tiniina yoaro sehe noaa sehere cohtotachu yoaga tinare. Watinore cahmaerachu yoaga muhu. ã yoacu Cohamacu ya sehere yuhtichu yoaga muhu tinare. Mu ã yoachu tina yuhure wacũ tuaahca. Ti ã wacũ tuachu ñacu ti ñaa yoari

buhirire boihca. ã jia tina Cohamacu to beserina mehne macaina jiahca. To wahtire cjuahcina jiahca tina”, nire Jesu yuhure —ni yahuha Paulo.

Paulo to yoarire to dahraare yahuha

¹⁹ ã ni tuhsu õ sehe ni yahu namoha:

—Puhtoro Agripa, mãano macaa yu tãhoare yuhdurucaerahi. ²⁰ Damascoi buhe mũhtai. Baharo Jerusalẽi buhei tjoa. Baharo Judea yahpai, judio masa jieraina cahapu cãhure masare “Ñaano yoaeraja sã”, ni ti tãhotumari cjirire tãhotu cohtota duti, Cohamacu yare cahma dutii. “Noaare msa yoachu ñua ‘Noaina jija sã’ ni, msa tãhotumari cjirire msa tãhotu cohtotarire paina masiahca” nicu, tinare noaare yoa duticu buhei. ²¹ Cohamacu ya wuhai yu jichu yu ã ni yahuri buhiri judio masa yuhure ñaha, wajã duamare. ²² Wiho mejeta dachoripe Cohamacu to yoadohoro mehne ã buherucuja. ã jicu mipare msa jipihtina puhtoare wiho jiina cãhure to yare yahui nija. Panopu macaina Cohamacu yare yahu mũhtaina cjiri, Moise cjiro mehne ti yahu mũhtariro se-heta yahuja yuhu cãhu. Õ sehe ni yahu mũhtaa tiha tina: ²³ “Cristo Cohamacu warocariro sehe ñano yuhdũrohca. ã jiro yariaro masa mja mũhtariro waharohca tiro. ã jiro masare to yuhdohtore judio masare, judio masa jieraina cãhure masichu yoarohca”, ni yahu mũhta joaa tiha panopu macaina cjiri. Yuhu cãhu ti yoaro seheta yahuja —ni yahuha Paulo Agripare.

Paulo Agripare Jesu yairo cjihto yoa duamaha

²⁴ To ã ni yahuri baharo Festo tirore tuaro sañurucu õ sehe ni durucucha:

—Paulo, muhu tãho masierariro jira. Muhu payu buhecũ tãho masierariro wahara —ni sañurucuha tiro Paulore.

²⁵ To ã nichu tãhoro Paulo õ sehe ni yuhtiha Festore:

—Puhoro tuhō masierariro jieraja yuhū. Yū yahua potocā tjira. Ā jicū yuhū ahrire cua pisaro mehne nija. ²⁶ Puhoro Agripa sehe, ahri yū yahurire noano masina. Ā jicū yuhū tirore cuiro marieno yahuja. Ahri yahuare jipihtina masa masina. Ā jicū jipihtia ahrire yū nirire puhoro Agripa to masichū masija yuhū — niha Paulo Festore.

Ā ni tuhsū ō sehe niha Agripare:

²⁷ —Puhoro Agripa, Cohamacū yare yahu mūhtaina cjiri ti yahuri cjirire tuhōra mūhū. Ti yahuare mū tuhochū masija yuhū — niha Paulo Agripare.

²⁸ —¿Ahrire yuhūre yahucū mahanocā mū yahua mehne Jesu yairo yū wahachū yoa duai nijari mūhū? — niha Agripa Paulore.

To ā nichū Paulo ō sehe ni yūhtiha:

²⁹ —Mahanocā durucucū o yoari pja durucucū mūsa, jipihtinare “Yū jiro seheta Jesu yaina jijaro”, ni sini payoja Cohamacūre. Wiho mejeta yū yoaro sehe peresupū mūsa jichū cahmaeraja yuhū — niha Paulo Agripare.

³⁰⁻³¹ To ā niri baharo Agripa, Festo, Berenice jipihtina paina mehne wahcārūca, wijaa, ti basi ō sehe ni durucuha:

—Ahriro to yoari buhiri ne peresu yoa masieraja mari. ¿Ā jina mari yaba buhiri tirore wajābocari? —ni durucuha tina ti basi.

³² —Ahriro “Jipihtina bui puhorore Césare yū yoarire yahu duaja”, to nierachū mari wioboa tirore peresupū jirirore — niha Agripa Festore.

27

Paulo tirore ti yahusārire Romapū yahuro wahaha

¹ Paulore Italiapū dohoria mehne warocaa taa, tirore paina mehne ti peresu yoarina mehne Julio wama tirirore cūre tina. Julio cien surara puhoro jiro, to ya curua “César yaina surara”, wama tire. ² Ā jina Adramitio wama tiro macaria dohoriai samui sã. Tia Asiapū wahahtia

jire. Samu tuhsū, tia mehne wahai. Aristarco Tesalónica wama tiri maca macariro sã mehne wahare. Tesalónica Macedonia yahpai jira.

³ Pa dachoi sã Sidōpū sui. Tōpū sūro Julio Paulore noano yoare. Ā yoaro Paulore tō mehne macaina cahapū ñūno waha dutire. Ā jiro Paulo mehne macaina tirore to cahmaare ti wachū “Noanohca”, nire Julio.

⁴ Dohoria mehne sã pahāchū tuaro wihnono sãre pa sehepū wāroca pjohōre. Ā jina Chipre wama tiri nūco dūcataroi poto būhūsehei wahai sã.

⁵ Pū Ciliciare yūhdūa, Panfilia cāhūre yūhdūa, Mira wama tiri macapū Licia yahpai jiri macapū wahā sui.

⁶ Tōpū sūna, Alejandriapū tariare, Italiapū wahahtiare dohoriare bocai. Ā jiro sãre tiapū surara puhoro naare. ⁷ Payū dachori pjiro dero waha, “Nu warūoca” ni, waha, Gnido wama tiri maca potoi sui sã. Tōpū sū yūhdūa, wihnono tuaro wā, sã waha duaroi sãre wārocaerare. Ā jina sã cō būhūsehepū majare paa wahai. Ā jina Creta wama tiri nūco to dūcatari

pahrē sehe sã pahāa waha, Salmo wama tiri ñoacare yūhdūai sã. ⁸ Tōpū yūhdūa, ti nūco dūhtū cahai waha, “Nu warūoca” ni, waha, Noari Pitamaha wama tiropū wahā sui. Pitamaha Lasea wama tiri maca cahapū jira.

⁹ Tōpū yoari pja sã jiri baharo, sã wahahto sehe cuabiare. Ā jiro ti chū duhuri dacho bose nūmū yūhdūari baharo, Paulo tinare ō sehe ni yahure:

¹⁰ —Tūhoga mūsa. Chū duhuri dacho bose nūmū baharo mari wahachū marine minihto cuabiara. Ahria dohoria, dohoria macaa, mūsa pache cūhū mari mehne macaina cūhū mari butiboca wahana — nire Paulo.

¹¹ Wiho mejeta surara puhoro dohoria pūrore tuhoro, oturiro cūhūre tuhoro, Paulo to yahua sehere tuhō duaerare waha duaro. ¹² Ti pahsari pitamaha noari pitamaha puhoro jichū ti pahsari pitamaha jierare. To ā jiri pitamaha jichū dohoria macaina payū waha dua, Fenicepū yoja duamare. Fenice Creta

wama tiri nꝛco macari pitamaha jiro, wihnono to tariropꝛ sũ mꝛja taro seherꝛ cõ bꝛhꝛseherꝛ, poto bꝛhꝛseherꝛ cũhꝛre ñꝛroca, wihnono tachꝛ noano dꝛcatari maca jire. To ã jiri pitamaha jichꝛ masia tina tóꝛꝛ cũ puhiro ji duamare.

Pjiri mapꝛ wihnono, coro pjíro taha

¹³ Æ yoa sur sehe pjiroca wihnono ta dꝛcare. “Michare noari dacho mari wahahti dacho jira”, ni tũhotumaha tina. Æ ni tũhotua tina comaa tañore tũã wahcõ, Creta nꝛco dũhtꝛ cahã cahai yojai sã. ¹⁴ Wiho mejeta baharo curero wihnono noreste wama tiri wihnono tuaro wãre. ¹⁵ Æ jiro dohoriare wihnono tuaro wahã wihire. Wihnono to wãꝛcarore waha masierana, majare paha, wihnono mehne waha sã. ¹⁶ Cauda wama tiri nꝛcocã cahapꝛ sur seherꝛ waha, tí nꝛcocã sãre mahanocã dꝛcatate. “Marine nu wapꝛoro wahara”, nina tóre pjiria dohoria macaria mahariacã bꝛsocare noano waja payo dũhte sã. ¹⁷ Tiare dohoriai sã waja payo dũhteri baharo pjiria dohoriapꝛ pjiri da mehne tina wahma ñaha payore. Sirte wama tiri padꝛe “Dohoria doca wahã sũri”, nia cui nire tina. Æ jia tina co turre ti duhu miori baharo dohoria dihtare wihnono wãrocare. ¹⁸ Wihnono, coro mehne tuaro tare. Pa dacho cũhꝛre wihnono mꝛnanota tjoa to tachꝛ ñꝛa tina ti pachere diapꝛ dureroca ño tuhsꝛ pahã waha sã. ¹⁹ Pa dacho dohoria macaare diapꝛ cohãre tina ti basi. ²⁰ Payꝛ dachori ñichua dachori jichꝛ, sũ dacho macariro ñahpichoha poca cũhꝛ ne bajuerare. Æ jiro tuaro wihnono tare. Æ jina “Minia wahaja mari. Æ jina yariaa wahanahca”, ni tũhotumai sã.

²¹ Æ jia tina yoari pja ti chꝛ duhuri baharo Paulo ti pano ducu, õ sehe ni yahure tinare:

—Pano mꝛsare yꝛ yahuchꝛ tũhoerare mꝛsa. “Cretapꝛ jiina mari wahachꝛ cua nica”, yꝛ nichꝛ tũhoerare mꝛsa. Yũhꝛre tũhona, ahria macaa jipihtiare boeraboa

mꝛsa. ²² Wiho mejeta mipꝛ mꝛsare yahuja. Cuiena tjiga. Jipihtina mari yũhdꝛnahca. Ahria dohoria dihta marine wahtiabasarohca. ²³ Micha ñamine Cohamacꝛ yairo anjo yũhꝛre bajuahre. Cohamacꝛ yairo jija yũhꝛ. Æ jicꝛ tirore dahra cohtariro jija yũhꝛ. Anjo sehe yꝛ cahai taro, õ sehe ni yahuhre: ²⁴ “Paulo, cuiecꝛ tjiga. Jipihtina bui pũhtorore mꝛ yoari cjirire mũhꝛre yahuro cahmana. Cohamacꝛ noariro jira. Æ jiro tirore mꝛ siniriro seheta mipꝛre mũhꝛ mehne macaina cũhꝛre yoadohorohca”, nihre yũhꝛre anjo. ²⁵ Æ jina cuiena tjiga mꝛsa. Anjo yũhꝛre to niriro seheta waharohca. Cohamacꝛre wacũ tuaja yũhꝛ. Æ jicꝛ to yahuriro seheta “Potocã tjira”, ni tũhotuja yũhꝛ. ²⁶ Wiho mejeta marine nꝛcopꝛ wihnono wãroca, cohãnohca —ni yahure Paulo tinare.

²⁷ Cũ ñami pꝛa somana baharo pjiri ma Adriático wama tiri mai wihnono sãre tuaro wãre. Tí pjare ñami dacho macai dohoria macaina mꝛa sehe “Dũhtꝛ cahapꝛ jija mari”, ni tũhoture tina. ²⁸ Æ ni tũhotua nꝛcari taño comaa tañore yuta da mehne dũhte, duhuroca mio, quihõre. Treinta y seis metro waro cũãre. Mahanocã waha, quihõre tjoa. Tí pjare veintisiete metro waro cũãre. ²⁹ Æ jia tãare “Doca wahã sũri”, nia dohoria oturopꝛ pititia tañori comaa tañorine yuta dari mehne dũhte, duhuroca miore diapꝛ. Æ jia “Cjero bohreajaro” ni, tuaro sinire tina. ³⁰ Dohoria macaina mꝛa sehe duhtimare. Tina mahariacãre dohoria macariare diapꝛ waja boro, dohoria queno comaa tañorine ti boroboriro seheta yoare tina mahariacãre “Marine ñũri”, nia. ³¹ Wiho mejeta Paulo surara pũhtorore, to surara mehne yahure:

—Ahrina mꝛa mahariacã bꝛsocai ti wahachꝛ mꝛsa yarianahca —nire Paulo.

³² To ã nichꝛ tũhoa surara sehe mahariacãre dũhte darire yihso ta, tiare cohãre.

³³ Bohreahto panocã Paulo tinare tuaro chꝛ dutire.

—Pua somana waro ne chuerare musa. ³⁴ Ā jina mipure chuna taga. Tuaro musare chu dutija. Musa cati duana chuga. Jipihtina musa yuhdunahca —nire Paulo tinare.

³⁵ To ā niri baharo Paulo pāore na, jipihtina ti pano Cohamacure “Noana” ni, duhu payo, tīre chu ducare tiro. ³⁶ To ā chuchū ñha tina cuiro marieina waha, jipihtina tina cūhū chure. ³⁷ Sā jipihtina doscientos setenta y seis masa dohoriapu jii sā. ³⁸ Tina jipihtina yapia waha “Ahria dohoria nucu nica” ni, payu trigo chure diapū cohāre.

Dohoria paduropu doca pja sūha

³⁹ Bohreachū dohoria macaina mūa nūcore ñha, “Ō sehe wama tiri nūco jira ahri nūco”, ni ñha masierare. Wiho mejeta tina pari tucūi paduro jichū ñha, “Mari tī tucūpū wahana, tōpūre doca pja sūboca paduroi”, nire tina. ⁴⁰ Ā nia, comaa tañorine duhtea darire yihso taroca mioha. Oturi pji duhtea dari cūhūre yihso tanocare tina. Ti ā yoari baharo dohoria queno macari suhtirore wahcō dapore poto wihnono wārocachū cahmaa. ⁴¹ Wiho mejeta dohoria queno sehe pa paduropu caha sū, nūja masierare. Ā jiro oturore tuaro pahcōri cĵā wahcōchū tia oturo wahtia wahare. ⁴² To ā wahachū ñha ō sehe nire surara:

—Ahria minichū mari peresu yoaina duhtū cahapū ba wahā sū duhtinocaahca. Ā jina tinare wajā pahñonocajihna —nire surara.

⁴³ Wiho mejeta surara puhtoro sehe Paulore wajā duaeraro, jipihtina peresu jiiinare wajā dutierare. Ā jiro jipihtina ba masiinare surara puhtoro poto duhtū cahapū ba wahā sū dutire. ⁴⁴ Ā jia paina dohoria macaa pĵini wahti sitea pĵini mehne bora ñoja, tī pĵini bui pisa ba nūjare. Sā tō sehe yoana sā jipihtina duhtū cahai wahā sūi.

¹ Ā yoa tī nūcopū sā jipihtina maja surucu suna tī nūco wamare masii. Malta wama tiri nūco jire. ² Tī nūco macaina masa sāre noano yoare. Ā jina sā coro waari baharo yūshūa yuhduare sāre. Ā jia tō macaina sehe pichaca wijā tuhsū, sāre sohma dutire. ³ Paulo pichare na ta, na tiāre. To na tiāri baharo tī picha puhichapū sāraro agā tuaro sichū tuhoturo wijaa taro, Paulo wamomacai bahca wāha sūre yahawero marieno. ⁴ To bahca wahā sūchū ñha tī nūco macaina ti basi ō sehe ni durucure:

—Ahriro masa wajāriro jiboca. Ā yoaro tuaricoro buhiri dahrerico mūano macaricoro tirore buhiri dahrero, cati dutierara. Tiro pĵiri mapū minino yuhdu tuhsūri jimare. Mipure ticoro sehe tirore cati dutierara —nimare tina ti basi.

⁵ Wiho mejeta Paulo agāre pichacapū wajā siterocare. Tirore agā purierare. ⁶ “Wipirohca” nia, cohtamare tina. Ne wipierare tirore. “Tiro yariaa waharohca” nia, tina cohtamare. Tirore purierare. Yoari pja baharo to wipierachū ñha, to purierachū ñha, soro tuhoture tina. “Ahriro cohamana mehne macariro jiboca”, nimare tina.

⁷ Ti ba wahā sūriro cahacāi Publio wama tirore ya weseri jire. Tiro tī nūco macariro puhtoro jire. Ā jina tiro sāre to noano yoachū, tia dacho waro to ya wūhūi jii sā. ⁸ Publio pūcūro yojaro ti, juaro tirore jire. Ā jiro tiro camai coāre. Ā jiro Paulo dohatirore ya tahtiapū sāa, Cohamacure sini, to wamomacarine tiro bui duhu payo, noariro wahachū yoare tirore. ⁹ To noariro wahachū ñha jipihtina paina tī nūco macaina dohatiinare Paulo cahapū na tare. Ti ā na tachū ñūno Paulo noaina wahachū yoare tina cūhūre. ¹⁰ Baharo tina payū sāre wapa marieno ware. Sā wahato panocā jipihtia sā cahmaare, sā wahana sā chūhtire dohoriapū dure sāare tina.

11 Tia sũ tí n̄cop̄ sã jiri baharo do-
 horia mehne wahai sã. Tia dohorio
 quenoĩ p̄h̄aro cohamana Cástor, Pólux
 wama tiina ti mas̄ ducure. Alejan-
 dríap̄ taria jire tia. Puh̄iro puro tí
 n̄cop̄ tia dohorio pah̄sare. 12 Waha,
 Siracusa wama tiri macap̄ s̄na, tia
 dacho waro tí macare jii sã. 13 Tí
 macare wijaa, waha, Regio wama tiri
 macap̄ sã s̄ni. Pa dachoi surp̄ wi-
 hnono ta, sãre wãrocare. P̄na dacho
 baharo Puteoli wama tiri macap̄ s̄ni.
 14 Tóp̄ Jesu yaina mahainacã sãre piti
 bocare.

—Cũ somana waro sã mehne
 tjuaga —n̄ire tina sãre.

Ti ã nich̄ t̄hona cũ somana waro
 tina mehne tjuasinii. Baharo mahai
 maja, Romap̄ s̄ni sã. 15 Tó macaina
 Jesu yaina sehe Romap̄ sã s̄htire
 t̄hoã, Apio wama tirop̄ pache
 duarop̄ sãre piti bocare. P̄aina Jesu
 yaina Tia W̄h̄ wama tirop̄ sãre
 piti bocare. Ti ã piti bocach̄ ñ̄no
 Paulo wahchea mehne Cohamac̄re
 “Noana” ni, noano yajeri sãã wahare.
 16 Romap̄ sã s̄ri baharo ti peresu
 ti yoarinare tó macarirore peresu
 cohtaina p̄htoro yahure. Wiho
 mejeta Paulo sehere cãirota c̄re tó
 macaina p̄htoa. ã jiro tirore cãirota
 surara cohtare.

Paulo Romai buheha

17 Tia dacho baharo Paulo judio
 masa p̄htoa mehne cahmachuno
 taro, tinare pjire. Ti cahmachuri ba-
 haro tiro tinare õ sehe ni yahure:

—Coyea, mari coyeare soro yoær-
 ahi ȳh̄. ã yoa mari ñ̄ch̄s̄ma
 cjiri ti yoaa tirire, marine ti buheri
 c̄h̄re ȳhd̄s̄aerahi ȳh̄. ã
 ȳ ȳhd̄s̄aerapach̄ta Jerusal̄p̄
 ȳh̄re ñ̄ahare judio masa. Ti ñ̄hari
 baharo Roma macainare ȳh̄re
 peresu yoa dutihre tina. 18 Ti ã
 yoach̄ Roma macaina ȳh̄re sinitu,
 ȳ ñ̄ano yoærariro ȳ jich̄ ȳh̄re
 “Buhiri tiriro jira”, ni masierare.
 “¿Ne yaba buhiri wajãbocari mari
 tirore?” nihre ȳh̄re tina. ã
 jia ȳh̄re sinituina sehe ȳh̄re
 wio duamahre. 19 Wiho mejeta

judio masa sehe ȳh̄re wioch̄
 cahmaerare. Ȳ coyeare judio
 masare ȳh̄re ti yoarire yahusã
 duaeraja. Wiho mejeta ȳh̄re ti
 wio duaerach̄ ñ̄ch̄, “Jiphtina bui
 p̄htoro Césare ȳ yoarire potō yahu
 duaja ȳh̄”, ni sinihi. 20 ã jic̄
 m̄sare ahr̄re yahu duac̄ pjih̄.
 Cristo marine ȳhd̄htiro judio masa
 mari cohtariro to yare ȳ yahuri
 buhiri ȳh̄ peresup̄ jija. ã jic̄ tíre
 m̄sare yahui tai pjih̄ —n̄ire Paulo
 judio masa p̄htoare.

21 To ã nich̄ t̄hoã tina sehe tirore
 õ sehe ni yahure:

—Judea yahpa macaina Judio
 masa m̄h̄re q̄iti yahua p̄rine sãre
 ne warocaerare. ã yoa tóp̄ tarina
 c̄h̄ mari coyea sãre m̄ ã waharire
 yahuera tire. Tina “Tiro ñ̄ano yoariro
 jira” ni, m̄h̄re yahuera tire. 22 Wiho
 mejeta Jesu yare m̄ yahuri curua
 macainare jiphtirore masa ñ̄ano ti
 durucuch̄ sã masija. ã masina m̄
 buheare m̄ yahuch̄ t̄hoã duaja sã
 —n̄ire tina tirore.

23 ã ni tuhs̄, “Pa dachop̄ jijih̄na”,
 n̄ire tina. Pa dachop̄ Paulo mehne
 cahmachu m̄htaina ȳhd̄oro masa
 paȳ to jirore wih̄re. ñ̄ami curerocã
 p̄htoro Cohamac̄ to s̄hoã jiare noaa
 buheare tiro buhe d̄ca, p̄, ñ̄amip̄
 Moise cjirore Cohamac̄ to c̄ri du-
 tiare, ã yoa Cohamac̄ yare yahu
 m̄htaina cjiri ti joari cjiri c̄h̄re
 buhere. ã buhero, tinare Jesure
 “Tiro tjica mari cohtariro”, ni masich̄
 yoa duaro nimare Paulo. 24 Cãina to
 buherire noano mehne t̄hore. Wiho
 mejeta paina sehe t̄hoã duaerare.
 25 ã jia tina ti basi p̄na curua tju wa,
 wahaa taa n̄ire. Ti wahahto pano
 Paulo Isaia cjiro to durucuri cjirire
 tinare yahure. Õ sehe n̄ire tinare:

—Isaia Cohamac̄ yare yahu
 m̄htariro cjiro to yahuri potocãta
 jira. Mari ñ̄ch̄s̄ma cjirire yahuro
 taro Esp̄ritu Santo Isaia cjirore õ sehe
 ni yahu joa dutiha:

26-27 “Ahr̄re ahr̄inare yahui wahaga:
 ‘Dapu b̄tiina jira m̄sa.

Y_u yare t_uho duaerara m_usa.
 Cahmo copari susueraina yoaro se-
 heta t_uho duaerara m_usa.
 ã jina y_u yare t_uhopanahta t_uho
 ñahasi m_usa.
 M_usa ã jieraina jina, noano t_uho
 ñahaboa m_usa.
 ã jina y_uh_ure cahmaboa m_usa.
 ã jic_u m_usare pichacap_u waha-
 borinare y_uhdoboa y_uh_u, niha
 Cohamac_u Isaia cjiro to joari
 tjup_u”

—nire Paulo tinare. ²⁸ ã ni tuhs_u,
 Paulo õ sehe ni yahu namore:

—Ahrire masiga m_usa. Co-
 hamac_u ya buheare masare to noano
 y_uhdoare judio masa jierainare
 buhenahca sã. Tina sehe t_uhoahca
 —nire Paulo judio masare.

²⁹ [To ã nich_u t_uhoa judio masa tíre
 ti basi tuaro cahma sayo, wijaare.]

³⁰ P_ua c_uhma waro Paulo to ã
 waparucuri w_uh_up_u jire. Tóí jiro, jip-
 ihtina to w_uh_up_u wihiinare wahchea
 mehne piti bocare tiro. ³¹ ã jiro tiro
 cuiro marieno p_uh_utoro Cohamac_u
 to s_uho jiare, p_uh_utoro Jesucristo ya
 cãh_ure buhea tire. To ã buhech_u ne
 paina tirore “Buhei tjiga”, nierare.

Romanos

Paulo Roma macainare Jesu yainare joarocaha

¹ Yuhũ Paulo musare Roma macainare joarocaja. Yuhũ jija Jesucristo cahamacano. Tiro yuhũre beseri jire. To ya noaa buheare buhe duti warocahtiro cjihtore yuhũre cũri jire tiro.

² Tí buheare noaa buheare panopũ Cohamacũ “Yahui tai nija”, nia tiha. To ã ni yahuriro seheta to yare yahu mũhtaina cjiri panopũ macainare to yahuhtire to ya pũi joa dutiha.

³ Tí buheata to macũnore yahua jira. Tiro masũno waro jiro taro, Davi cjiro panamino ji turiariro jiha tiro.

⁴ Jesucristo mari pũhtoro Cohamacũ macũno ñaa buhiri marieriro to jiare õ sehe ñori jire Cohamacũ. To yariari baharo Cohamacũ to tuaa mehne tirore masa wijaachũ yoari jire. Æ yoaro Jesucristo potocãta Cohamacũ macũno to jiare ñori jire Cohamacũ masare. ⁵ Tirota sãre pja ñũno sãre to yare buhe dutiro warocare jipihtina Jesucristore wacũ tua ti ño payohti cjihtire. ⁶ Æ jiro musa cũhũre Jesucristo yaina cjihtire beseha tiro.

⁷ Musare, Cohamacũ to cahĩinare, Roma macainare, to yaina cjihti yoare musare tiro. Musare jipihtinare ahri pũre joarocaja. Æ jicũ Cohamacũ mari Pũcũ, mari pũhtoro Jesucristo mehne musare noa dutija. Tina ti yoadohoa mehne noano jiga musa.

Paulo Romapũre ñũno waha duaro nimaha

⁸ Ahrire yahu mũhtaihtja musare: Jipihtia macari macaina Jesucristore musa wacũ tuarire masa yahuhre yuhũre. Ti ã ni yahuchũ tũhocũ “Noana”, nija Cohamacũre. Jesucristo to yoadohoro mehne ã nija tirore. Cohamacũre sini payocũ musa ya cjihti cũhũre ã sini payorucuja. ⁹ Tiro yuhũre to dutichũ to macũno ya buheare noaa buheare tuaro buhecũ

to cahamacũnota jija yuhũ. Æ jiro musa ya cjihtire Cohamacũre yũ ã sini payorucuchũ tiro masina. ¹⁰ Æ sini payocũ Cohamacũ cahmachũ mipũ pinihtare musa cahapũ yũ ñũi wahahto cjihto cũhũre sinija. Yoari pja musare ñũ duacũ yũ wahahtore cohtai yoanocamaja yuhũ. ¹¹ Espĩritu Santo yuhũre to buheri cjirire musare buhe turia duaja Jesure musa wacũ tua namohto cjihto sehe. Æ jicũ musare tuaro ñũ duaja yuhũ. ¹² Jesure wacũ tuaja mari. Æ jicũ musare ñũ duaja Jesure mari wacũ tuaa mehne pũ buhũseheri mari cahma wahchechũ yoahito cjihto sehe.

¹³ Yũ coyea, ahrire musa masichũ cahmaja. Noaa buheare yũ buheri baharo paye macari macaina musa coyea judio masa jieraina cũhũ Jesure wacũ tuare. Æ jicũ payũ tahari musa cahapũ waha duamahi tina, Jesure ti wacũ tuariro seheta musa mehne macaina cũhũ ti wacũ tuahto cjihto sehe. Æ waha duapaihta waha masiera tihĩ yuhũ. ¹⁴ Jipihtinare noaa buheare buhero jiro nina yuhũre. Buheinare, buhemahnoeraina cũhũre, masiinare, masieraina cũhũre buhehtiro cjihto jii nija yuhũ. ¹⁵ Æ jiriro jicũ musare Roma macainare noaa buheare tuaro buhe duaja.

Noa buheare masa tũhoa Jesure wacũ tua dũcara

¹⁶ Noaa buheare tũhoa Jesure wacũ tua dũcara masa. Æ jiro jipihtinare Jesure wacũ tuainare Cohamacũ to tuaa mehne pichacapũ waha borinare yũhdora. Ti ã yũhdũchũ masicũ ahri buheare noaa buheare bũo tiro marieno yahuja. Ahri buheare judio masa tũho mũhtari jire. Ti baharo, judio masa jieraina cũhũ tũho turiari jire. ¹⁷ Ahri buhea õ sehe ni yahura: Jesure wacũ tuainare “Ñaa buhiri marieina, noaina jira”, ni ñũna Cohamacũ. Tirore wacũ tuaina dihtare ã ni ñũna Cohamacũ. Ahri panopũ ti ni joariro seheta jira: “Noaina jira”, to ni ñũina Cohamacũre

wacũ tuaina dihta jira. Æ wacũ tuaa, to ya catia mehne ã catirucuahca tina”, ni joaa tiha.

Masa ti ñaa yoari buhirire yahuha Paulo

¹⁸ Cohamacũ manopũ jirirore masa ti yahdurũcarire, ti ñaa yoari cãhũre ñũno, ti ã yoari buhiri tina mehne suara. Tó sehe jiina barore to buhiri dahrehtore masichũ yoara tiro. Masa ti ñaa yoaa mehne painare noaa buheare tũhoerachũ yoara tina sehe. ¹⁹ Cohamacũ to basi to jia tiare masichũ yoaha. To ã yoachũ Cohamacũre masichũ mijoerara masare. ²⁰ Cohamacũre mari ñũerapachũta manano macariro to jia tiare, tuariro to jia cãhũre to basi masichũ yoara tiro. Ahri yahpare to bajuamehneri baharo jipihtia to bajuamehnerire ñũa “Cohamacũ to yoari cjiri jira ahri” nia, Cohamacũ to jia tiare masina masa. Æ jia masa Cohamacũre masipahta ã ñaare yoarucua, buhiri tira. “Mũhũre masierahi. Æ jicũ ñaare yoahi”, ni masisi Cohamacũre. ²¹ Æ jia Cohamacũ to jia tiare masipahta tina tirore ño payoerara. Æ jia tiro tinare to noano yoapachũta tina sehe “Noana”, nierara tirore. Æ tũho masieraina jia, wiho jia macaare, ñaa dihtare tũhoturucuina baro jira tina. ²² “Tũho masiina jija”, nipahta tũho masieraina wahara tina. ²³ Æ wahaa Cohamacũre ã jirucurirore tina ño payoerara. Æ ño payoeraa, ti ño payoboriro sehere cohtota, wiho jia masũri sehere “Cohamacũ jira”, ti nia masũri sehere ño payora. Wiho jia masũri sehere yariahtina masa masũrine, ã yoa minichahca masũrine, chihchõina masũrine, wahiquina masũri cãhũre “Cohamacũ jira”, ni ño payora tina.

²⁴ Ti ã yoachũ ñũno “Ti mũ sũro ñaare goa pja, yoawahnojarõ”, nino Cohamacũ cohãnocare tinare. To ã cohãri baharo tina ñabiaro, pjĩro bũoro wahachũ yoare cahma yoarucura ti basi. ²⁵ Æ jia Cohamacũ ya

sehere cahmaeraa, mahõoa sehere noano tũhora tina. Cohamacũ ya sehere mahõoa yoaro sehe jichũ yoara tina. Potocãta Cohamacũ warore jipihtiare bajuamehnerirore jipihtia dahchoripe noano ño payoro cahmana. Wiho mejeta tina sehe tirore ño payoerara. Æ tirore ño payoeraa, Cohamacũ to bajuamehneri cjiri, wiho jia sehere ño payora tina.

²⁶ Ti ã ño payochũ ñũno “Ti mũ sũro goa pja, yoawahnojarõ”, nino Cohamacũ cohãnocare tinare. Æ jia tina numia mũa mehne manũ tiboina cohtota, ti basi numia dihta ñano yoara ti pjacũri mehne. ²⁷ Ti yoaro seheta jiina mũa cãhũ numia mehne namo tiboina jipahta, tíre cohtota, mũa ti basita ti pjacũri mehne ñabiaro yoara. Æ yoaa, ti basita ti ñano yoari buhiri ti pjacũri sehe ñano yahdũra.

²⁸ Æ Cohamacũre ti cahmaerari buhiri Cohamacũ tinare cohãre. To ã cohãchũ tina sehe ñano wacũrucu, ñano yoarucura. ²⁹ Æ jia tina tuaro ñano yoarucura. Numia mehne ñano yoarucua, mũa mehne ñano yoarucua numia, ñaare goa pjarucua, paina yare tuaro cahmaina, painare ñano yoarucua, paina paye baro ti cjũachũ ñũa goa pjaina, masare wajãina, cahma sayoina, mahõoina, masare ñũ tuhtiina, ñaa quitĩ dahreina, ³⁰ paina ti yoerapachũta ñano ni yahuwajaina, Cohamacũre ñũ tuhtiina, painare purĩno yũhtiina, “Sã sehe masi yahdurũcu sũja”, ni tũhotuina, painare ã ni yahuina, paye ñaare yoa dũcaina, ti rũcsũmare yũhtieraina, ³¹ tũho masieraina, ti nino seheta yoeraina, masare ne cahĩeraina, ti basi cahma susini duhueraina, ne pja ñũeraina jira tina.

³² Æ ñano yoarucuinare Cohamacũ pichacarpũ cohãnohca. To ã cohãhtire masipahta tina tí ñaare ã yoarucura. Æ jia paina tinare ñũ cũ ti yoaro seheta ñano ti yoachũ ñũa, “Mari yoaro seheta ñano yoara”, ni wahchera tina.

Masare buhiri dahre dutiro tíre quihõno yoarohca Cohamacu

¹ “Tina ñabiaina jira”, ni yahuwajaena tjiga painare. MUSA cãhũ ti yoaro seheta yoara. “Ñaaare yoaeraja sã. ã jina buhiri maeraja”, ni masierara MUSA. MUSA yahu wajaina yoaro seheta ñaaare yoana, MUSA cãhũ MUSA basita buhiri dahre dutina nica. ² Tó sehe yoainare Cohamacu to buhiri dahrechũ potocãta quihõno to buhiri dahrechũ masija mari. ³ Painare “Buhiri tiaha”, ni yahu waja ti yoaro seheta MUSA yoachũ, MUSA cãhũre buhiri dahrerohca. ã jina “Sãre buhiri dahresi”, ni tãhotuboca MUSA. Jierara. MUSA cãhũre buhiri dahrerohca tiro. ⁴ MUSA ñano yoapachũta Cohamacu MUSA pja ñũno, dói waro buhiri dahrerara. ã jina “Cohamacu yũhũ mehne suasi”, ni tãhotuboca MUSA. Jierara. Cohamacu MUSA pja ñũno, dói waro buhiri dahrerara MUSA ñaa buhiri tiare cahyachũ ñũ duaro, tirore MUSA yũhtichũ cahmano. ⁵ ã buhiri dahre duaeraparota, MUSA Cohamacure yũhti duaerachũ, MUSA ñaa buhiri tiare MUSA cahyaerachũ, buhiri dahrerohca MUSA. Tó pano MUSA to buhiri dahreboriro yũhgoro tí to buhiri dahrehti dacho waropũre ñano, tuaro waro MUSA buhiri dahrerohca Cohamacu. Quihõno buhiri dahrerohca. ⁶ Cãinare ti yoa wapataro seheta yoarohca Cohamacu. ⁷ Cãina noaare yoarucuina jira. Tina Cohamacure noano wahchechũ yoa duaina, jipihtia dachoripe Cohamacu mehne ji duaina jira. Tina pinihtare dachoripe tiro mehne jirucuchũ yoarohca Cohamacu. ⁸ Wiho mejeta paina sehe tina yoaro sehe jierara. Tina ti MUSA sũro jia ti, ñaaare goa pja yoarucuina baro jira. Cohamacu ya warore cahmaerara. Tina mehne Cohamacu tuaro sua, buhiri dahrerohca. ⁹ Jipihtina ñano yoaina ñano yũhdũahca. Judio masare ãta waha mãhtanohca. Tuhsũ, judio masa jieraina cãhũre ãta waharohca.

¹⁰ Jipihtina noaare yoaina sehere Cohamacu “Noana”, ninohca. ã jia masa tinare ño payoahca. ã jiro tinare noano jichũ yoarohca Cohamacu. Judio masare ãta waha mãhtanohca. Tuhsũ, judio masa jieraina cãhũre ãta waharohca.

¹¹ Cohamacu judio masare, ã jichũ judio masa jieraina cãhũre jipihtinare cãno sehe ñũna. Mari yoarire ñũno, quihõno besera jipihtinare, ñaina, noaina cãhũre. ¹² Paina Cohamacu Moise cjirore to dutia cjirore masieraina sehe buhiri tiare ti yoachũ, to dutiare ti masierapachũta tinare buhiri dahrerohca Cohamacu. ã yoa tí dutiare masiina cãhũre buhiri tiare ti yoachũ, tí dutiare ti yũhdũrcari buhiri buhiri dahrerohca Cohamacu. ¹³ Cohamacu dutiare tãhopahta yũhtierainare “Buhiri marieina, noaina jira ahрина”, ni ñũerara Cohamacu. To dutiare yoaina sehere “Noaina jira”, ni ñũna tinare Cohamacu. ¹⁴ Judio masa jieraina Cohamacu Moise cjirore to cũri dutia maerapahta, ti MUSA sũro noaare yoaa, Cohamacu dutiare yoaa nina. ã yoaa Moise cjirore to dutiare joari pũre cãaerapahta tina ti MUSA sũro to dutiare masina. ¹⁵ ã jia to dutiare ti tãhotuapũ potocãta cãara tina. ã cãaa ñaaare yoaa dóicãta ti ñaa yoarire masina tina. ã jiro ñaaare yoariro “¿Dohse jiro baro ñaaare yoari yũhũ?” ni tãhotura tiro. ã jiro noaare to basi to yoari cãhũre masina tiro. ¹⁶ ã jiro Cohamacu Jesucristore to warocahti dachoi masa ti yoarire ti yahu duaerarire Jesucristo masi pahõno, tiro tinare beserohca noaina, ñaina cãhũre. Tó sehe yoarohca tiro noaa buhea to nino seheta. Ahrita jira masare yũ buhea.

Cohamacu Moise cjirore to dutirire yahuha Paulo

¹⁷ MUSA sehe judio masa jina, Cohamacu Moise cjirore to dutiare ño payoaina jina, “Cohamacu to yaina jija”, ni tãhotumana MUSA. ¹⁸ ã jina

Cohamacu dutiare masiina jina, to cahmaare masina musa. ã masiina jina, “Noaare sã yoahore bese masija sã”, ni tãhotumana musa. ¹⁹ ã ni tãhotuna õ sehe ni tãhotu namona musa: “Painare ne masierainare noano masichu yoaja sã. Tinare sã buherachu ne Cohamacure masieraboa tina. ã jia ñaare duhueraboa”, ni tãhotumana musa. ²⁰ ã jina “Tãho masierainare noaare yoa dutiina, macanacã cãhure buheina jija sã”, ni tãhotumana musa. ã jina “Cohamacu dutiare cãana, potocã jiare masi pahõoja sã”, ni tãhotumana musa. ²¹ ¿ã jina painare buheina jipanahta, dohse yoana musa sehe musa buheriro sehe yoajerari? ¿Painare yaca dutieraina jipanahta dohseana musa sehe yacajari? ²² ¿Pairo namono mehne ñano yoa dutieraina jipanahta dohseana musa sehe pairo namono mehne ñano yoajari? “Cohamacu jira”, ti nia masurine ñu yabiina jira musa. ¿ã ñu yabiina jipanahta dohseana ti masurine ti ño payoa wãhusepu sãa yacajari musa? ²³ “Cohamacu Moise cjirore to dutiare cãaja sã”, niina jipanahta to dutiare yãhdãrcara musa. ã yãhdãrcana Cohamacure ño payoerachu yoana nica musa painare. ²⁴ ãta nina Cohamacu yare ti joari pui: “Cohamacu dutiare musa yãhdãrcari buhiri judio masa jieraina sehere Cohamacure ti ñano durucuchu yoara musa judio masa”, ni joaa tiha Cohamacu yare ti joari pui.

²⁵ “Cohamacu yaina jija”, ni tãhotura cãina judio masa mahanocã cahsarocãre yihsoina. Cohamacu yare ti yoachu judio masa ti jichu noa nina. To yare ti yoerachu judio masa ti jia tia yaba cjihti jierara. Yihsoina ti jia tia cãhu yaba cjihti jierara. ²⁶ ã jiro judio masa jieraina mahanocã cahsarocãre yihsoeraina ti jipachuta, Cohamacu dutiare ti yoachu ñano “Yu yaina masata jira”, ni ñuna Cohamacu tinare. Judio masa sehere

to ã ni ñaboriro sehetã judio masa jieraina sehere ã ni ñuna. ²⁷ Payu judio masa Cohamacu Moise cjirore to dutiare cãapahta tíre yoerara tina. ã jia paina judio masa jieraina sehe mahanocã cahsarocãre yihsoeraina jipahta to dutiare yoara. ã yoaina jia judio masa ti ñano yoarire masichu yoaa nina. ²⁸ Mipure judio masuno waro to jiare yahuihtja musare. To pjacure mahanocã cahsarocãre yihsoeriro jiparota Cohamacure ño payoeraro potocãta judio masuno waro jierara. ²⁹ Cohamacu yairo Espiriture cãariro tirore yãhtiriro tiro tjira judio masuno waro. ã yoa to pjacure mahanocã cahsarocãre to yihso cohãriro sehetã to ñaa yoare duhura tiro. To mu sãro dutiare yoariro jieraparota Espiritu Santo to yoadohoa mehne to ñaa yoare duhura. Tó sehe yoarirore “Noariro jira”, ni ñuna Cohamacu sehe. Masa sehe tirore ti ã nierapachuta, ã nina Cohamacu sehe.

3

¹ ¿Yu ã nichu judio masa ti jia tia wiho waro jijari, musa tãhotuchu? Ne wiho waro jia nierara. ¿Cohamacu judio masare to dutiriro sehetã ti pjacurire mahanocã cahsarocãre ti yihso cohãa wiho waro jijari, musa tãhotuchu? Ne wiho waro jia nierara. ² Judio masa ti jia tia wiho waro jierara. Cohamacu yare ti joari pũre judio masare cũ mãtaha. ã jia judio masa ti jichu noa nina tinare. ³ ã jia cãina judio masa Cohamacure ti tãhoerapachuta to niri cjiri potocãta jira. ã jiro to ni cãriro sehetã yoarohca tiro. ⁴ ãta jira. Jipihtina masa mahõoina ti jipachuta Cohamacu sehe ne mahõoerara. Panopu to yare yahu mãhtariro cjiro to ni joariro sehetã ne mahõoerara Cohamacu. Õ sehe ni joaa tiha:

“Potocã niriro jira mãhu Cohamacu. Mãhure ã jia masa ‘Cohamacu quihõno yoerara’, ni masierara mãhure”,

ni joaa tiha panopu.

⁵ Õ sehe ni tūhotuboca masa: “Mari ñaare yoana Cohamacu noaare to yoariro jichu masichu yoaja. ã jiro ñaare mari yoachu noa nina. ¿To ã noaa jipachuta dohsearo tiro mari ñaare yoari buhiri buhiri dahremacanocajari?” ni tūhotuboca masa. Masa ti tūhotuboriro seheta ã nii nija. ⁶ Tó jierara ti ã ni tūhotuchu. Mari ñaa yoari sehe noaa jichu Cohamacu mari ñaare yoari buhiri buhiri dahre masieraboa.

⁷ Masa sehe mahñoina jira. Cohamacu sehe ne mahñoerara. ã jina masa ti mahñoichu ñuna Cohamacu sehe ne mahñoerariro to jichu noano ñu masija mari. ã jia masa mahñoa, Cohamacu to mahñoerariro to jiare ñoa niboca tina. ãta ni tūhotumana cāina. ã ni tūhotua ò sehe ni tūhotu namomana tina: “Sã mahñoa mehne Cohamacu to mahñoerariro jiare ñona nija. ã ñona noano yoana nija. ã jia sã mahñoa noa nina. ¿Sã mahñoa noaa nichu dohse jiro baro sã mahñori buhiri sãre buhiri dahremacanocabocari Cohamacu?” ni tūhotumana cāina masa. ⁸ ã jia ò sehe ni mahñoa cāina sãre: “ Ñano yoana Cohamacu to noariro jichu ñona nica. ã jina ñano yoajihna’, nihre Paulo cūhu”, ni mahño yahusāna sãre cāina. Ti ã niri buhiri tinare Cohamacu buhiri dahrerohca. ãta yoaro cahmana tinare.

Jipihtina buhiri tiina jija mari

⁹ ¿ã yoa dohse ni tūhotujari musa? ¿Mari judio masa paina yūhdoro noaina jijari mari? Jieraja mari. Judio masa, judio masa jieraina cūhu ñaa buhiri tia cūaina dihta jija mari. ã jina jipihtina buhiri tiina jija mari. ãta jira. Jipihtinare yu buheriro seheta jira. ¹⁰ Panopu to ni joariro seheta jira ahri: Õ sehe ni joaa tiha: “Ne cūiro masu noariro mariahna, Cohamacu to ñuchu.

¹¹ Jipihtina masa tūho ñahaeraina dihta jira.

Tuhsu, jipihtina masa ne Cohamacu macaeraina jia, tirore wacū payoerara.

¹² Tina Cohamacu yare cohāa jipihtina ñaare yoaina wahare.

Ne cūiro noaare yoariro pinihta mariahna.

¹³ Ti duseri masa copari ti pjōo dapori yoaro sehe jira.

Ti durucuchu, masa copari urīa wijaaro sehe mahñoa dihta ti duserire wijaara.

ã durucua agã duseroi to ñima purīa wijaaro seheta purīno ti durucua wijaara ti duserire.

¹⁴ Tina painare ñano durucuina, purīno durucuina jira.

¹⁵ ã jia sua ñaina dóicāta masare wajāina jira.

¹⁶ Nohoi ti waharoi tina masare ñano yoa, ñano yūhduchu yoara tinare.

¹⁷ Tó sehe jia paina masa mehne tina noano jierara.

¹⁸ ã yoa Cohamacu ne ño payoerara”, ni joaa tiha panopu.

¹⁹⁻²⁰ Cohamacu jipihtiare to joa na dutiri cjirire sãre judio masare cūha. ã jiro tó sehe to ni joariro cjiro mari cūhure dutisinina. “Buhiri mariahna sãre”, ni masieraja mari. ã jina mari jipihtiro macaina judio masa, ã jichu judio masa jieraina cūhu to buhiri dahrehtina mari jia tiare masija mari. ã jina buhiri tiina mari jiare masina, “Noaina jija sã”, ni masieraja Cohamacu. Cohamacu to yoa dutia sehere ne mari yoeraja. ã jiro to dutia sehe buhiri tiina mari jia tiare masichu yoara marine. ã masina, ò sehe ni masieraja mari: “Cohamacu dutiare yoa pahñohi. ã jiro Cohamacu marine ‘Noaina jira’, ni ñuna”, ne ni masieraja mari jipihtiro macaina.

Cohamacu noano mari wacū tuana to yaina wahaja mari

²¹ Wiho mejeta mipu Moise cjirore to dutiri cjirire yoa pahñoa marieno masare ti ñaa buhirire

to cohãrire masichu yoara marine Cohamacu. Moise cjiro to joari cjiri mehne, Cohamacu yare yahu mũhtaina cjiri ti joari cjiri mehne yahu cũ mũhta tuhsuha ahrire. ²² Jipihtina Jesucristore wacũ tuainare, tirore tũhoinare “Noaina jira”, ni ñuna Cohamacu. Tó sehe cãno potori ñuna tiro jipihtina dohse jiina Jesucristore wacũ tuainare. ²³ Mari jipihtina ñaare yoaina buhiri tiina dihta jija. Æ jina Cohamacu to cahmano sehe mari jiboriro dahsa yũhdũara. ²⁴ Mari ã jiina jipachũta Cohamacu marine pja ñuna. Æ jiro Jesucristo sehe mari ñaa buhirire wapabasari jire. To ã wapabasaro mehne “Buhiri marieina noaina jira”, ni ñuna Cohamacu marine. ²⁵ Panopu macaina cjiri buhiri tiina ti jipachũta Cohamacu dóicãta buhiri dahreraha tinare. Æ buhiri dahreraro ti buhiri tiare wiho waro ã tũhotunocano nieraha. Baharo tiro Jesucristore warocari jire mari ñaa buhiri variahtiro cjihtore, to di mehne mari ñaa yoarire wapabasahtiro cjihtore. Jesucristore mari wacũ tuachu Cohamacu sehe mari ñaa yoari buhirire borohca. Ahrire yoaro, quihõno yoariro to jia tiare masichu yoaro niha. ²⁶ Æ yoa mipu cũhũre quihõno yoariro to jia tiare masa ti masichu cahmana tiro. Quihõno yoariro jira tiro. Æ jiro Jesure warocari jire masa ti ñaa buhiri variahtiro cjihtore. Æ jiro Jesure wacũ tuainare, “Buhiri marieina, noaina jira”, ni ñuno, quihõno yoaro nica.

²⁷ ¿Mipure “Noaina jija mari”, ni masicari mari masa tũhotuchu? Tíre ne ni masieraja mari. ¿Dohseana ã ni masieracari mari? ¿Cohamacu to dutiare yoana, “Noaina jija”, ni masibocari mari? Jierara. Tí cũhũre ni masieraja mari. Mari ã ni masierapachũta Jesure mari wacũ tuachu “Noaina jira”, ni ñunohca marine Cohamacu. ²⁸ Õ sehe masija mari: Jesure mari wacũ tuachu ñuno marine ñu jicoara Cohamacu. Æ jiro ma-

rine “Buhiri marieina, noaina jira”, ni ñuna tiro. To dutiare mari yoari wapa ã ni ñerara. Tirore mari wacũ tuachu ã ni ñuna.

²⁹ Tuhsu, Cohamacu judio masa pũhtoro dihta jierara. Judio masa jieraina pũhtoro cãhu jira tiro. ³⁰ Æ jiro Cohamacu cãirota jiro jiro, jipihtina bui pũhtoro jira. Æ jiro jiro judio masare, ã jichu judio masa jieraina cãhũre Jesure ti wacũ tuachu, tinare cãno potori “Buhiri marieina, noaina jira”, ni ñunohca Cohamacu. ³¹ ¿Æ jina Jesure wacũ tuana Cohamacu Moise cjirore to dutiare cohãna nibocari mari? Cohãeraja mari tíre. Jesure wacũ tuaina jina, Cohamacu dutiare yoa pahõna nija mari.

4

Abrahã Cohamacure to wacũ tuarire yahuha Paulo

¹ Mari ñuchu cjiro panopu macariro Abrahã cjirore Cohamacu õ sehe yoaha: ² Abrahã cjiro noaare to yoapachũta “Noariro jira”, ni ñeraha Cohamacu tirore. Æ jiro noaare yoaparota ñariro jisino “Yũhu pini noariro jija”, ni masieraha Abrahã, Cohamacu to ñuchu. ³ Cohamacu yare ti joari pũ õ sehe nina: “Abrahã Cohamacu to nirire to quihõno tũho ñaha, tirore to wacũ tuachu ñuno Cohamacu tirore ‘Potocãta noariro jira’, ni ñuha”, ni yahura Cohamacu yare ti joari pũi. ⁴ Pũhtoro dahrainare waparo, wiho waro to pja ñua mehne waparo nierara. Ti dahrari wapa tinare waparo nina. ⁵ Wiho mejeta Cohamacure wacũ tuainare dahrainare ti waparo sehe yoerara Cohamacu. Cohamacure wacũ tuarirore “Noariro jira”, ni ñuna Cohamacu. To ã ni ñuchu tí noaa to yoari wapa jierara. Cohamacu sehe tirore cahmaeraina cjirire tirore ti cahmachu ñuno buhiri marieina, noaina wahachu yoara. Æ jiro masuno Cohamacure to wacũ tuachu ñuno “Noariro jira”, ni ñuna Cohamacu tirore. ⁶ Æta niha

panopm macariro Davi cjiro. Masuno noaare to yoapachuta Cohamacu tirore “Noariro jira”, ni ñeraca. Tirore to wacũ tuachm ñno pini Cohamacu tirore “Noariro jira”, ni ñna. Cohamacu to ã ni ñriro wahcheare yahuha Davi cjiro. O sehe niha:

⁷ “Cohamacu ti ñaa yoarire to cohãchm masiina sehe tuaro wahchera.

⁸ ‘Noaina jira. Musa buhiri tiare wacũsi ymh’, to nichm tãhoina tuaro wahchera”, niha Davi cjiro.

⁹ ¿Judio masa ti pjacmre mahanocã cahsarocãre yihsorina dihtare ti ñaa yoarire boari Cohamacu? Jierara. Judio masa jieraina yihsoeraina cãhure ti ñaa yoarire bora tiro. Pari turi Abrahãre wacũga musa. Tiro Cohamacure to wacũ tuachm ñno “Noariro jira”, ni ñha Cohamacu.

¹⁰ ¿Dohse jichm ã yoari Abrahã, musa tãhotuchm? To pjacmre mahanocã cahsarocãre to yihsohto panoputa tirore “Noariro jira”, ni ñha Cohamacu. ã jiro yihsoho, to ñaa yoarire cohã tuhsãriropm yihsoha.

¹¹ ã jiro dóihta Cohamacure wacũ tua mãhtaha Abrahã. To ã wacũ tuachm ñno “Noariro jira”, ni ñha Cohamacu tirore. ã to wacũ tuaare, to yairo to jiare to ñohto cjihtore Cohamacu tirore to pjacmre mahanocã cahsarocãre yihso dutiha. ã jiro Abrahã to yihsohto pano Cohamacu sehe “Noariro jira”, ni ñm tuhsãha tirore. Tiro to yihsohto pano to ã ni ñriro seheta jipihina Cohamacure wacũ tuainare judio masa jieraina yihsoerainare “Noaina jira”, ni ñna Cohamacu. To ã ni ñina ti jichm Abrahã ti ñchmno cjiro waro yoaro sehe wahara.

¹² Tí yoaro seheta masa, yihsoina Cohamacure ti wacũ tuachm ti ñchmno cjiro waro jia tiha Abrahã. Tiro to yihsohto pano Cohamacure wacũ tuaha. ã jia tiro yoaro seheta wacũ tuaina judio masa Abrahã panamana ji turaina jira.

Cohamacu Abrahãre to ni cãrre “Potocã tjira”, niha Abrahã

¹³ Panopm õ sehe niha Cohamacu Abrahãre: “Ahri yahpare mãhure, mã panamana ji turainapm cãhure waihtja”, ni yahu cãha Cohamacu Abrahãre. To dutiare to noano yoari wapa ã nieraha Cohamacu tirore. Abrahã Cohamacure to wacũ tuari wapa sehẽre ã niha Cohamacu tirore, “Noariro jira”, tirore to ni ñri baharo.

¹⁴ “Cohamacu Moise cjirore to cãri dutia dihtare yoaro cahmana”, nina judio masa. Tó sehe niina Cohamacure wacũ tuaro marieno ahri yahpa jipihitirore na duara. Wacũ tuaro marieno ti nachm mari sehe Cohamacure mari wacũ tuara yaba cjihti jieraboa. ã jiro Cohamacu marine to ni cãri cjiro yaba cjihti jieraboa.

¹⁵ Moise cjirore to cãri dutia sehẽre yoarera masa. ã jiro to dutiare ti yãhdãrãcari buhiri masare buhiri dahrerohca Cohamacu. Wiho mejeta to dutia mariachm to dutiare yãhdãrãcaro cãhm mariaboa.

¹⁶ ã yoa Cohamacure wacũ tuaina dihta to wahtore naahca. Abrahã cjiro Cohamacure wacũ tuaha. ã jiro jipihina tiro yoaro sehe Cohamacure wacũ tuaina ti ñchmno waro yoaro sehe tjuara Abrahã cjiro. ã jiro “Ahrire musare waihtja”, Cohamacu nino jipihinare tirore wacũ tuaina pinihtare nino niha. ã jia Cohamacu Moise cjirore to dutiri cjirore yoaina Cohamacure wacũ tuaina Cohamacu to wahtore naahca. Tina dihta nasi. Jipihina Abrahã cjiro yoaro sehe Cohamacure wacũ tuaina cãhm tinare to wahtore naahca.

¹⁷ Tíre Abrahã cjirore to niriro seheta joaa tiha panopmre: “ ‘Paym macari macaina ti ñchmno cjihto cãhi mãhure’, ni cãha tiha Cohamacu Abrahã cjirore”, ni joaa tiha panopm. ã jiro tiro Cohamacure wacũ tuara tiha. ã to wacũ tuachm mari ñchmno cjiro yoaa tiha Cohamacu tiro cjirore. Cohamacu sehe yariainare masoriro, jipihinare, jipihia cãhure bajuamehneriro jira.

¹⁸ “Paym yahpari macaina mã panamana ji turaina jahca”, Cohamacu to ã ni cãhm Abrahã cjiro sehe pohna

marieriro jiparota, “Potocāta jira”, ni tūhotua tiha. Ā ni tūhoturo payu yahpari macaina mari ñuchu cjiro yoaro sehe wahaha tiro Cohamacu tireore to ni cūriro sehetā.

¹⁹ Ā jiro cien cūhmari cjuariro jiparota “Bucuro waro jija”, ni tūhotuparota, Sara to namono ne pohna marienicoro to jipachata “Pohna ti masieraja sã”, ni tūhotueraa tiha Abrahã cjiro. Ā jiro Cohamacu to ni cūrire “Potocāta jira”, nia tiha Abrahã cjiro. ²⁰ “To niriro sehetā yoeraboca”, ne ni tūhotueraa tiha Abrahã cjiro. Ā jiro tiro Cohamacu to ni cūrire noano tūhoa tiha. To ā niare tūhotjiāhno “Cohamacu tuariro jira”, ni ño payoro nia tiha. Ā jiro Cohamacu wacū tua namoa tiha tiro. ²¹ “Cohamacu to niriro sehetā noano bihorohca”, ni tūhotu noano masia tiha Abrahã cjiro. ²² To ā masichu Cohamacu to wacū tuachu Cohamacu sehe “Noariro jira”, ni ñua tiha Abrahã cjirore. Āta ni joaa tiha Cohamacu yare ti joari pūi.

²³ Ā yoa Abrahã cjiro dihtare ā ni joaeraa tiha. ²⁴ Tíre mari masihti cjihtire mari cūhure ā ni joaa tiha. Ā jiro Cohamacu mari wacū tuachu “Noaina jira”, ni ñunohca mari cūhure Cohamacu. Tiro pini mari pūhtoro Jesu to yariachu masori jire tireore. ²⁵ Jesu sehe mari ñaa buhiri yariari jire. To yariari baharo masa wijaari jire tiro Cohamacu marine “Noaina jira”, to ni ñuhto cjihtore.

5

“Noaina jira”, Cohamacu to ni ñuchu õ sehe waharohca marine

¹ Jesucristore mari wacū tuachu ñuno “Buhiri marieina, noina jira”, ni ñuna marine Cohamacu. To ā ni ñuchu Cohamacu mehne macaina marine jichu yoara mari pūhtoro Jesucristo. ² Ā jina mari tireore wacū tuachu ñuno Cohamacu marine cahino, pichacapu wahaborinare yūhdore tiro mehne mari jihto sehe. Cohamacu pinihta noa yūhdariro

jira. Ā jiro tiro yoaro sehetā jiina wahachu yoarohca marine tiro. To ā yoahiti cjihtire noano masi, wahcheja. ³ Ā yoa ñano yūhduna cūhu wahcheja mari. Ñano yūhduna, tíre cūno pja masija mari. Ā cūno pjana, ñano yūhdūpanahta noano Cohamacu wacū tuaina waha namoja mari. Ā jina Cohamacu yare duhueraja mari. ⁴ Mari ā yoachu ñuno “Noana”, ni ñunohca Cohamacu marine. Ā jina marine to yūhdohore noano masi, wacū cohtana nija mari. ⁵ Ne wiho waro wacū cohtana nieraja. Cohamacu marine to Espiritu Santore warocare mari mehne jihtire. Ā jiro Espiritu Santo sehe mari mehne jiro Cohamacu marine to ā cahīruare masichu yoara. To ā masichu yoachu marine to yūhdohore noano waro jiro nina. Potocāta yūhdunahca mari.

⁶ Tó pano mari ñaa yoarire mari basi mari yūhdū masierachu ñuno, to quihōriro mu sūchu, Cohamacu cahmaeraina mari jipachata, Cristo sehe mari ñaa buhirire yariabasaha. ⁷ Cūiro masuno noariro jiparota yariahtiro to jichu paio sehe to yariaborireore cohtota, to yariabasa duachu mijo yūhdūara. Noaa dihtare yoariro yaro jiborireore paio yariabasaboca pa tehe nino. ⁸ Wiho mejeta Cohamacu sehe õ sehe yoara. Buhiri tiina mari jisipachata mari yaro jiborireore Cristo yariaha. To ā yoachu Cohamacu marine to tuaro cahīare masija mari. ⁹ Mari yaro jiborireore to ñano di wijaa, yariachu Cohamacu sehe marine “Buhiri marieina, noaina jira”, ni ñuna. To ā ni ñuri baharo mipu pinihtare marine pichacapu wahaborinare yūhdorohca Jesu. Marine to yaina wahachu to yoari baharo marine buhiri dahresi pichacapu Cohamacu. ¹⁰ Cohamacu ñu tuhtiina mari jipachata, to macuno sehe yariaro, mari ñaa buhiri tiare cohāno, Cohamacu mari ñu tuhtirire duhuchu yoare. To ā yoaro mehne Cohamacu mari buhiri tiare bora. Tuhsu

marine to yaina wahachu yoara. Mipure pinihtare ti yuhdo curero yoarohca marine. To yaina mari jichu Jesu to masa mujari mehne marine pichacaru wahaborinare noano yuhdorohca tiro. ¹¹ A jina baharoru mari yuhduhtore masina wahcheja mari. Mipure ahri cature wahcheja. Mari puhtoro Jesucristo mari naa yoari buhirire to yariari baharo Cohamacu yaina jija mari. A jina wahcheja.

Adore, Cristore yahuha Paulo Roma macainare

¹² Adao cjiro Cohamacure to yuhdurucari baharo ahri yahpare naa buhiri tia ji ducaha. Naa buhiri tia ji ducaro mehne masa yaria ducaha. Jipihtina mari naare buhiri tiare yoaja. A jina jipihtina naa mari jiri buhiri yariaja. ¹³ Cohamacu to dutiare Moise cjirore to cuhto pano potocata ahri yahpa macaina naa buhiri tiare yoaa tiha. Ti a yoapachuta to dutia mariachu to dutiare ti yuhdurucari buhiri buhiri dahre masieraha. ¹⁴ To a buhiri dahre masierapachuta Adao cjiro cahu to baharo jiina cahu ti dutia mariasinipachuta yariaa tiha. Moise cjiro to jihito pano ti dutia mariasini-pachuta masa yariaa tiha. Paina nano yoaa Adao cjiro nano to yoariro sehe waro yoaera timaha. A jipahta tina cahu yariaa tiha. A jiro Adao cjiro naare to yoa ducariro sehetu yoari pja baharoru ahri yahparu tariro noaare yoa ducari jire.

¹⁵ Adao cjiro to yuhdurucari Cohamacu masare to pja naa yoaro sehe jierara. Cohamacu to pja naa sehe noa yuhduara. Adao cjiro cuhota jiparota naare to yoa ducari buhiri payu masa yariaa tiha. Cohamacu sehe marine pja nano, Jesucristore warocari jire. To a warocachu tiro cuhota jiro pichacaru wahaborinare masare payu yuhdora. ¹⁶ A jiro Cohamacu masare to pja naa Adao cjiro to yuhdurucari yoaro sehetu jierara. Adao cjiro sehe

cuhota jiro naare to yoari buhiri jipihtina masa naa buhiri tiina jira. A ti buhiri tiina jipachuta masa pjro ti naare yoapachuta mipure masare pja nano Cohamacu ti naare bora. A boro "Noaina jira", ni naa tiro tinare. ¹⁷ Adao cjiro cuhota jiro naare to yoa ducachu jipihtina masa yariarucura. Ti potoca tjira. To a jipachuta ahri sehere wahchenahca mari. Mipure Cohamacu masare pja nano Jesucristo cuhota jiro to yariaro mehne ti naare boro, tinare "Noaina jira", ni naa. A jia jipihtina to a ni naa manoru Cristo mehne puhtoa jahca.

¹⁸ Adao cjiro cuhota to jipachuta to yuhdurucari buhiri jipihtinaru buhiri tiina waha ducaha. A jia Cohamacu to buhiri dahrehtinaru tjuaha tina. To yoaro sehetu Jesu cahu cuhota jiparota noano yoaro jipihtina ti buhiri tiare coh masina. Ti buhiri tiare to cohachu, "Buhiri marieina, noaina jira", ni naa tinare Cohamacu. A jia to ya catiare cjuaa, a catirucuahca tina.

¹⁹ Adao cjiro cuhota Cohamacure yuhdurucaha. To a yuhdurucachu, payu masa naa buhiri tiina waha. To yoaro sehetu Jesu cahu cuhota Cohamacure yuhtiha. A yuhtiro, payu masa ti buhiri tiare coh masina tiro. To a cohachu "Naare ti yoari buhiri tia mariena, noaina jira", ni naa Cohamacu tinare.

²⁰ Cohamacu to dutiare Moise cjirore cuh tiha ti mehne jipihtina masa ti naa buhiri tiare ti noano masihtu cjihtore. A jia masa ti naa buhiri tiare masia ti yuhdoro Cohamacu tinare tuaro to cahia tia cature masiahca. Tiro marine cah yuhduara. ²¹ Buhiri tiina ti jiri buhiri masa yariahtina jira. Ti yariari baharo, pichacaru wahaahca. Wiho mejeta Cohamacu masare cah yuhduara. A tuaro cahino, mari puhtoro Jesucristo masare to yariabasaro mehne masare "Buhiri marieina, noaina jira", ni naa. To

ã ni ñuina sehe to ya catia mehne ã catirucuahca.

6

Yariaina cjiri ti ñaare yoaeraro seheta Cristo yaina cãhũ ñaare yoaerucuerara

¹ ¿Dohse yoanahcari mari mipũre, mũsa tũhotuchũ? Cãina õ sehe niboca: Ñaare mari yoachũ ñũno Cohamacũ mari ñaa buhirire borohca. ¿Cohamacũ marire to cahĩ namochũ ñũ duana ñaare yoa namobocari mari?

² Jierara. Ñaare yoaena tjijihna mari. Yariaina cjiri ñaare ti yoaeraro seheta Cristo yaina jina mari cãhũ ñaare yoaerucu masieraja mari. ³ Jesu yaina mari jia tiare masa ti ñũ masihtõ cjih-tore copũ bautisare marine paina. Æ jina mari pũhtoro Jesucristo to yariachũ, mari cãhũ tiro mehne yariaina seheta wahahi. ¿Tĩre masierajari mũsa? ⁴ Æ bautisarina wahana Cristo pjacũre masa copapũ ti siõ sãa payo cohãriro seheta pano mari ñaa yoaerire duhuja. Æ jina Cohamacũ to tuaa mehne Cristo to masa mũjariro seheta mari cãhũ to tuaa mehne mari jia tia cãhũre, mari tũhotua cãhũre cohtotaja. Æ cohtotana to yare wahma yoaerucaina wahaja mari.

⁵ Cristo yaina jina, tiro mari pũhtoro mehne yariaina seheta jina, to masa mũjariro seheta mari cãhũ masa mũjanahca. Tĩ potocãta jira.

⁶ Cristo yaina ji dũcana crusapũ tiro mehne yariaina seheta wahai pari turi mari ñaare yoaerucuerahõ sehe. Æ waharina jina ñaare yoaerucuina ji namo duasi mari. Tĩre mari masija.

⁷ Yariariro cjiropũre ñaare goa pjaa mariahna. Æ jiro tiro cjiro ñaare to yoa duhuriro seheta tí ñaa sehe tirore to dutipe namoeraboro seheta tí ñaare duhura tiro. ⁸ Cristo mehne yariaina yoaerõ sehe jina, to masa mũjariro seheta mari cãhũ masa mũjanahca. “Tĩ potocã tjira”, ni tũhotuja mari. Æ jina tíre mari masa mũjahtire wacũ cohtaja mari. ⁹ Cristo to yaria masa mũjariro baharo ne pari

turi yariasi. Æ catirucuriro jira tiro. Tĩre mari masija. ¹⁰ Æ jiro Cristo cã tahata yariaro, masa ti ñaa yoaerõ buhirire cohãno taro yariaha. To masa mũjariro baharo Cohamacũ to cahmano seheta yoaerucutiro jira tiro. ¹¹ Tiro yoaerõ seheta mũsa cãhũ õ sehe ni tũhotuga: “Yariaina cjiri ti yoaeraro seheta mari cãhũ ñaare yoa duaeraja. Jesu yaina jina Cohamacũ to cahmano seheta yoahtina cjih-tita jina nija mari cãhũ”, ni tũhotuga mũsa.

¹² Æ jina mũsa yariahtina jina ñaare yoaerucuina jiena tjiga. Æ jina mũsa ñaa yoaerõ goa pjapanahõa tíre ã tũhotunocahga. ¹³ Ñaare yoaerõ jiena tjiga. Mũsare pichacapũ wahaborinare Jesu to yũhdorina jira mũsa. To ã yoaerõ jina Cohamacũ cahmaa dihtare yoaerõ jiga mũsa. Æ jina noaerõ yoaerõ jiga mũsa.

¹⁴ Mipũre Cohamacũ Moise cjirore to dutia mehne marine dutierara. Cohamacũ marine cahĩno tiro sehe marine dutira. Æ jina to yoadohoro mehne ñaare yoa duasi mari.

Mũsa ñaare yoaerucuchũ tí ñaa mũsa pũhtoro yoaerõ sehe jira

¹⁵ ¿Yũ ã nichũ dohse ni tũhotujari mũsa? ¿Cohamacũ sehere yũhtihtina jina Moise cjirore to dutiare yũhtihtina jierana, ñaare yoaerucubocari mari? Jierara. ¹⁶ ¿Ahrire masierajari mũsa? Mũsa noano yũhtiro mũsa pũhtoro jira. Æ jina to cahamaca jira mũsa. Mũsa ã yũhti mũsa pũhtoro tiro sehe ñaare yoaerucuina mũsa jichũ tí ñaa yoaerõ mũsa pũhtoro yoaerõ sehe jira. Æ jina ñaare duhu masierara mũsa. Æ jiina jina pichacapũ wahahõna jira mũsa. Cohamacũre noano ño payoerõ jina pinihta, to cahamaca jira mũsa. Æ jina to yaina noaerõ jira mũsa. ¿Tĩre masierajari mũsa?

¹⁷ Panopũ ñaare yoaerucuina mũsa jichũ tí ñaa yoaerõ mũsa pũhtoro yoaerõ sehe jimare. Mipũ sehere noaerõ buheare tũhona Jesure wacũ tuana Cohamacũre noano ño payoerõ

wahare m̄sa. M̄sa ã wahach̄u ñ̄na Cohamac̄u “Noana”, nija. ¹⁸ ã wahana mip̄re ñ̄a ti dutiriro cjiro seheta yoaerara m̄sa. ã jina Cohamac̄u cahamaca jina noaa sehene yoara m̄sa. ¹⁹ Cahamaca ti p̄htoare ti noano ñ̄o payoare masi pah̄ona m̄sa. ã jic̄u tí m̄sa masiri mehne tí mehne piti dahre buhehi m̄sare ahri buheare noano masieraina m̄sa jich̄u ñ̄uch̄u. Panop̄u ñ̄aare yoarucuina jimare m̄sa. M̄sa ã yoarucuriro seheta mip̄u sehene noaare yoarucuina jiga m̄sa. ã jina Cohamac̄u cahmaa dihtare yoanahca m̄sa.

²⁰ Panop̄u ñ̄a dihtare yoaina jina, noaa sehene yoera tire m̄sa. ²¹ ¿Tí p̄jap̄re ñ̄a dihtare yoana dohse jirore wapatarí m̄sa? Tí m̄sa ñ̄a yoarire wac̄una mip̄re b̄o tica m̄sa. Tí ñ̄aare m̄sa yoari buhiri pichacap̄u wahaboa m̄sa. ã jina ñ̄aare yoana ne wapataerara. ²² Mip̄u sehene m̄sa ñ̄a yoarire duhuna Cohamac̄u cahamaca wahare m̄sa. ã jina Cohamac̄u cahmaa dihtare yoaina jinahca. ã jina jipihtia dachoripe Cohamac̄u mehne jirucunahca. ²³ Ñ̄aare mari yoari buhiri pichacap̄u wahatina jija jipihtina mari. Mari ã jipach̄uta mari p̄htoro Jesucristore mari wac̄u tuach̄u ñ̄uno, jipihtia dachoripe tiro mehne marine jirucuch̄u yoarohca. Mari ã jirucuhtore ã wanocanohca.

7

Cohamac̄u Moise cjirore to dutiare yahu namoha Paulo tjoa

¹ Ȳu coyea, Cohamac̄u Moise cjirore to dutirire noano masina m̄sa. Mas̄no to catisinich̄u tí dutiare ȳhd̄uca dutierara. To yariari baharo pinihtare tí dutiare yoaro mariahna. Tí c̄h̄uare masina m̄sa. ² Õ sehe jira: Numinore to man̄no to catiro puro tiro mehne dihta ji dutira Cohamac̄u Moise cjirore to dutiri sehe. To ã dutipach̄uta to man̄no to yariari baharo ticoro sehe paire man̄u ti masina. Ticoro

tí dutia mehne ji namoerara. ³ ã jiro to man̄no to jipach̄uta ticoro paire man̄u tiro, ñ̄ano yoaricoro jira. Wiho mejeta to man̄no to yariari baharop̄u paire man̄u tiro, Cohamac̄u dutiare ȳhd̄ucaerara ticoro ã yoaricoro. ã yoaro ñ̄ano yoaricoro jierara ticoro.

⁴ M̄sa c̄h̄u ȳu coyea Jesu yaina wahana, Jesu to yariach̄u, m̄sa c̄h̄u tiro mehne yariaina seheta wahare. ã jina yariaina cjirire dutia ti marieno seheta Moise cjirore to dutia to c̄uri cjiri m̄sa c̄h̄uare mari-ahna. Tí dutia m̄sare dutierara. To man̄no to yariari baharo, paire man̄u tiricoro yoaro seheta m̄sa c̄h̄u panop̄u m̄sare dutimarire duhu, Cristo mehne jira, ticoro paio mehne to jiro seheta. ã jina mip̄re to yaina jira m̄sa. Tiro sehe to yariari baharo masa m̄jari jire Cohamac̄u cahmaare mari yoahito cjihtore. ⁵ Panop̄u ñ̄aare mari m̄suro yoaa timai. ã jina Cohamac̄u Moise cjirore to dutirire mari masiri baharo tí dutiare ȳhd̄uca dua-mai. Tí dutia mariach̄u ȳhd̄uca duaeraboa. ã jina tí dutiare mari masiri baharo ñ̄aare tuaro yoamai mari. ã mari ñ̄aare yoana mari pichacap̄u wahatinata jia timai. ⁶ ã wahaborina jipanahta Cristo yaina jina mip̄re tí dutia mehne jieraja mari. ã jiro Esp̄ritu Santo mari mehne jiro marine noaa sehene cohtotach̄u yoara. To ã yoach̄u panop̄u macaa dutia m̄na dutia to joari cjiri tí mehne jieraja mari mip̄re.

To ñ̄a yoari cjirire yahuha Paulo

⁷ ¿ã jina Cohamac̄u Moise cjirore to dutirire dohse nibocari mari? ¿Tí to dutia ñ̄a jicari, m̄sa t̄hotuch̄u? Jierara. Tí ȳh̄uare to dutiri mehne ñ̄aare masii. ã jic̄u to dutia mariach̄u ñ̄aare masieraboa ȳh̄u. To dutia õ sehe jira. “Paina yap̄re tuaro cahmaena tjiga”, niha to dutia. Ti ã nierach̄u paina yap̄re tuaro ti cahmari

ti ñaa jichu masieraboa yuhu. ⁸ Ña jicu ti dutiare yu masiri baharo paina yapure tuaro cahmaa tii yuhu. Ti dutiare masierasinicu paina yapure tuaro yu cahmari ti ñaa jichu masieraboa yuhu. ⁹ To dutiare yu noano masihto pano ã tuhutunocai. To dutiare yu masiri baharo pinihta tuaro ñaare yoa duamai. Ña jicu pichacapu yu wahahtore masia tii. ¹⁰ Ña jia Cohamacu dutiare yuhdurucaceraa masa tiro mehne noano jirucuboa. Ña jia ti dutia sehe noano jirucuchu yoabori dutia jipahta yu yuhdurucari buhiri yuhure pichacapu waha dutimare. ¹¹ Ña jicu ñaare yoacu Cohamacu Moise cjirore to dutiare yuhdurucaceraa duamai. Ñaare goa pjariro jicu noaare masierahi. Ti ñaa yuhure dojomehnere. Ña jicu noano masierahi. Ña masieracu Cohamacu dutiare yuhdurucaceraa. Ña jicu to dutiare yu masiri baharo yu ñaa buhirire pichacapu yu wahaborirore masii. To dutia mehne ã masii.

¹² Ña jia Moise cjirore Cohamacu to cūri dutia noaata jira. Ña jia quihōno jiata nina ti dutia. ¹³ ¿Ña jipahta marine ti noaa dutia sehe pichacapu wahachu yoajari? Jierara. Tóru wahachu yoarara. Mari ñaa yoaa sehe marine pichacapu wahachu yoara. To dutiare mari masiri baharo ti dutiare yuhdurucana ñaare yoana masija mari. Ña jina mari ñaina mari jiare masina mari pichacapu wahahto cūhure masija mari. Ña jina to dutiare masina mari yuhdurucaceraa ti ñaa yuhdura jichu masija mari.

¹⁴ Cohamacu to dutiare Moise cjirore cūha. Ti to cūha noaa ti jichu masija mari. Wiho mejeta yuhu sehe paina yoaro seheta ñariro jija. Ña jicuta ñaare yoarucuca yuhu. ¹⁵ ¿Dohse waharo nijari yuhure? Ne noano masieraja yu yoaaare. Yu yoa duaa sehere ne yoaera, yu tuaro yoa duaeraa sehere yoaja yuhu. ¹⁶ Ñaare yoa duaerapaihta ñaare yoaja yuhu. Tíre yoacu Cohamacu dutia noaa dutia ti jichu masija yuhu. ¹⁷ Ña jicu

mipure yuhu waro ti ñaare yoaeramaja. Wiho mejeta yu tuhutuapuru jia ñaa ti sehe yuhure ñaare yoachu yoara. ¹⁸ Noaare tuaro yoa duapaihta ne bihoeraja. Ahri yahpa macariro jicu yu tuhutuapuru ñaa dihta jira. Ne noaa mariaputiara. Ña jicu noaare tuaro yoa duapaihta ne bihoeraja. Ñaa sehe yuhure dojomehne mujana. ¹⁹ Noaa yu yoa duaa sehere yoaraja yuhu. Ñaare yu yoa duaeraa sehere yoaja. ²⁰ Yu yoa duaeraa yoacu mipure yuhu waro tíre yoaeramaja. Yu tuhutuapuru jia ñaa ti sehe yuhure ñaare yoachu yoara.

²¹ Ña jiro yuhure ò sehe wahara: Noaare yu yoa duapachuta yu tuhutuapuru ñaa jira. Ña jicu noaa sehere ne yoa masieraca. ²² Cohamacu Moise cjirore to dutirire yu tuhutua mehne tuaro cahma, quihōno yoa duamaja. ²³ Ña jicu yuhu ahrire yu basi masija: Yu tuhutua mehne noaare Cohamacu dutiare yoa duaja. Ña yoa duapaihta yu basi ñaare tuaro yoa duaca. Yu mu saro ñaare duhu masieraja yuhu.

²⁴ Ña ñaare duhu masieracu pjacuroiro jija yuhu. Ñaare yoacu pichacapu wahaiha yuhu. Cuenah. ¿Yuhure pichacapu waha dutia ñaare noa yuhure yuhdobasabocari? ²⁵ Jesucristore yu wacū tuachu tiro sehe ñaa yu yoari buhirire yuhdobasarohca. To ã yoachu Cohamacu “Noana”, nija yuhu. Ña jicu mipure yuhu yu basi yu tuhutua mehne Cohamacu dutiare quihōno yoa duamaja. Ña yoa duariro jipacuta yu pjacu mehne yu mu saro ñaare duhu masieraja.

8

Espíritu Santore cjuaina ti jia tiare yahuha Paulo

¹ Mipure Jesucristo yainare ti buhiri tiboro mariaha. ² Ña jiro Jesucristo yairo yu jichu Espíritu Santo ã catirucuchu yoariro ñaare yuhdurucachu yoara yuhure. Ñaare

yuhare yuhdurucachu yoaro yuhare pichacapu wahaborirore yuhdore tiro. ³ Cohamacu Moise cjirore to dutiare mari mu suro ne yoa pahñosi. Æ yoa pahñoerana yuhdurucaina jija mari. Æ jina tí dutia yoaa mehne ne yuhdusi mari. Mari Æ jiina jipachuta õ sehe Cohamacu marine yuhdorohca. To macunore mari yoaro seheta pjacu tihtirore warocaha, mari buhiri tiare buhiri tihtiro cjihtore, marine yariabasahtiro cjihtore. Æ jiro mari tuhoutuapu jia ñaare tiro duhuchu yoari jire. ⁴ Æta yoare Cohamacu dutiare to tuaa mehne mari bihohto cjihtore. To dutiare bihoina jina mari mu suro jieraja. Espiritu Santo to yoadohoa mehne to dutiro seheta yoaja mari.

⁵ Ñaare yoa duaina, tí dihtare goa pjara. Espiritu Santo to dutiro seheta yoarucuina sehe tí to dutia dihtare wacũ nunu, yoa duara tina. ⁶ Ñaa dihtare goa pjaa, wacũ nunuina pichacapu wahaahca. Espiritu Santo to cahmano seheta tuaro yoa duaina sehe jipihtia dachoripe Cohamacu mehne Æ catirucuahca. Æ jia tina Cohamacu mehne noano jinocaahca. ⁷ Ñaa dihtare goa pja, wacũ nunuina Cohamacure ñu tuhtira. Tina Cohamacu dutiare ne yuhtierara. To dutiare yuhti duaerara. Yuhtia cãhu bihoeraboa tina. ⁸ Æ jia ti mu suro yoaina Cohamacure wahchechu yoa masierara.

⁹ Wiho mejeta musa sehe musa tuhoutuapu jia ñaare yoerara. Espiritu Santo musa mehne to jichu to cahmano seheta yoara musa. Æ jia Espiritu Santore cjaeraina sehe Cristo yaina jierara. ¹⁰ Musa sehe to yaina jira. Musa ñaa buhirita musa pjacuri yariara. Æ musa pjacuri yariahtina jipanahta Cristo musa mehne to jichu tiro mehne to ya catia mehne Æ catirucunahca musa. Cohamacu musare “Buhiri marieina, noaina jira”, to ni ñuchu musa tiro mehne Æ jirucunahca. ¹¹ Cohamacuta Jesure masori jire. Æ masoriro jiro

Espiritu Santo mari mehne to jirucuchu mari yariari baharo Cohamacu mari cãhure masonohca. Æ masono wahmaa pjacuri wahachu yoarohca marine. Jesure to masoriro seheta masonohca mari cãhure.

¹² Yu coyea, to Æ yoachu ñuna ñaa mari goa pjarire yoaena tjijihna. ¹³ Mari ñaare yoaina jina, pichacapu wahahtinata jinocanata nija. Espiritu Santo to yoadohoa mehne ñaa yoare duhuna, jipihtia dachoripe Cohamacu mehne jirucunahca.

¹⁴ Jipihtina Espiritu Santore yuhtiina Cohamacu pohna jira. ¹⁵ Espiritu Santo mari mehne to jiducachuta Cohamacu pohna jiducai. Wiho mejeta tiro marine dutipe, dahrachu yoahitiro jierara. Æ jina panopu mari cuiriro sehe mipu sehene mari cuieraja. To pohna jina, Espiritu Santo to yoadohoa mehne mipure “Yu Pucu”, nija mari Cohamacure. ¹⁶ Æ jiro Espiritu Santo mari wacũapu marine õ sehe ni masichu yoara: “Potocãta Cohamacu pohna jija mari”, ni masichu yoara. ¹⁷ Æ jina to pohna jina, Cohamacu jipihtiare to pohnare “Waihtja”, to nirire mari sehe cjanahca. Jesucristo cãhu cjuu, mari cãhu cjanahca tíre. Cristo yare mari yoari buhiri ñano yuhduna jina mari tiro mehne manopu noano wahchea mehne jinocanahca. Æ jina Cohamacu to pohnare to “Waihtja”, to nirire cjanahca mari Cristo mehne.

¹⁸ Mipure ahri yahpai ñano yuhdusiniya mari. Baharopure mari manopu noano jinocanahca. Æ jina mipure ñano yuhduna, pjíro cahya tuhoutuena tjijihna. Ahri mari ñano yuhduu wiho waro jira. Baharo noano jinocanahca Cohamacu mehne. Æ jina tuaro wahchenahca. Ahri pini wiho waro jierara. ¹⁹ Cã numu Cohamacu to pohnare cohtotarohca. Buhiri marieina, yariaerhtina, noaina waro jichu yoarohca marine. Mari Æ wahachu jipihtia Cohamacu to bajuamehneri cjiro

cūh_u wahma dihta cohtota pihtia wahaahca. ²⁰ Jipihtiropure to bajuamehneri noaa ti jiborire dojomehneha mas_uno ñano yoa ducaro. Ti m_u s_uro ã wahaeraha. Mas_uno Cohamac_ure to y_uhd_ur_ucaro mehne to bajuamehneri ã wahaha. Æ jiro Cohamac_u to bajuamehneri cjirire ãta ñano ji dutisiniha. Baharo to bajuamehneri cjirire noaa wahach_u yoarohca tjoa tiro. ²¹ Æ jiro Cohamac_u to bajuamehneri cjirire baa pihtiborire noaa wahach_u yoarohca tjoa. Cohamac_u poh_unare noaina to wahach_u yoariro seheta, tinare noano to y_uhd_uroiro seheta noaa wahach_u yoarohca Cohamac_u to bajuamehneri cjirire cūh_ure. ²² Jipihtia Cohamac_u to bajuamehneri cjiri ñano ti ji d_ucari baharo ñano y_uhd_utiha. Numino niji wahcōno to ñano y_uhd_uro seheta to bajuamehneri cūh_u dachoripe ñano y_uhd_urucura. Tíre mari masija. ²³ Æ yoa mari cūh_u to bajuamehneri cjiri yoaro seheta ñano y_uhd_uja. To yaina mari wahach_u, Cohamac_u to yairo Espíritu Santore dóihta ware marine. Æ jina “Waihtja”, to niriro seheta sohtori tirohca”, ni masija mari. Æ jina noaa sehere marine to cohtotahtore tuaro waro cohtaja. Æ yoa to pohna mari tiro mehne mari noano jihto cūh_ure tuaro cohtaja mari. Tuhs_u, wahma pjac_ure marine to wahto cūh_ure tuaro cohtaja. ²⁴ Mari ã cohtaina jich_u, tirota marine pichacap_u wahaborinare y_uhdore. Tiro cahap_u jirina jina tiro cahap_ure mari wahtore cohtaeraboa mari. Marine to y_uhd_uo tuhs_uri baharo tíre cohta namoeraboa. ²⁵ Æ jina to wahtire ñ_uerapanahca Cohamac_u marine to y_uhd_uohtore cohtana, noano mehne Æ cohtarucuja.

²⁶ Æ yoa Cohamac_ure wacū tu-aera cureina to cah_umaare noano masieraina jija mari Æ jina tirore quihōno siniina cūh_u jieraja mari. Wiho mejeta mari ã jiina jipachata, Espíritu Santo sehe marine yoado-

hora. Marine tuaro pja ñano mari ya cjihtire durucuro marieno to t_uhotua mehne tiro Cohamac_ure tuaro sini payobasara. ²⁷ Cohamac_u to cahmano seheta mari Jesu yaina ya cjihtire sini payobasara tiro Espíritu Santo. To ã sini payobasach_u Cohamac_u mari t_uhotuare masi pahñoriro jiro, Espíritu Santo to sini payobasaare masina.

Cristo to tuaa mehne ñaa yoaare y_uhd_ur_ucanahca mari

²⁸ Ahrire y_u yahuhtire masija mari: Jipihtina Jesure cahīina mari jich_u to cahmaare yoah_utinare besere marine tiro. Æ jiina mari jich_u ñ_uno Cohamac_u ã yoadohorucura marine. Æ jina mari ñano y_uhd_upanahca ñano y_uhd_urucu dojoaeraja. Æ jina Cohamac_u yoadohoro mehne noano jinahca mari. ²⁹ Cohamac_u marine to yaina cjihtire dói_uputa masi, bese tuhs_uha. Æ besero to mac_uno Jesu to yoaro seheta jihtina cjihtire marine cūh_u, pay_u masa to mac_uno_ure mari wahmi tihto cjihtore. ³⁰ Panop_u to yaina to ji dutirina mari jich_u, to pohna mari jihtina cjihti cūh_ure beseha marine. Æ jiro marine to beserinare tiro “Buhiri marieina, noaina jira”, ni ñ_ure. Marine to ã niinare tiro yoaro sehe jihtina cjihtire tiro mehne m_uanop_u noano jich_u yoarohca Cohamac_u.

³¹ Tíre masina ò sehe t_uhotuja mari: Cohamac_u marine to cahīinare ne paina ñ_u tuhtia bihosi. ³² Cohamac_u mari ya buhirire yariahtirore to mac_uno_ure warocaha. “Y_u mac_ure cahīja. Æ jic_u tirore warocaeraja”, nieraha tiro. Marine ã tuaro yoadohoriro jiro, jipihtia marine d_uhsarire wa pahñonohca. ³³ Cohamac_u to beseina mari jich_u, tiro marine “Ñaa buhiri marieina, noaina jira”, ni ñ_ure. Mari ã jiina jich_u paina marine “Ñaina jira”, ne ni yahusā masierara. ³⁴ Cristo mari ya buhirire yaria masa m_ujaha. Mip_ure Cohamac_u pot_u buh_usehe sehei jira p_uhtoro jiro. Æ jiro tiro mari ya cjihtire potocāta

sini payoro nina Cohamacure. Æ jia paina sehe marine ne buhiri dahre duti masierara Cohamacure. ³⁵ Cristo marine to tuaro cahĩchũ paina tirore “Cahĩ tjia”, ne ni masierara. Cahĩ duhusi tiro. Mari ñano yũhdũpachũta, mari cuipachũta, paina marine ti ñano yoapachũta, mari jũca baa-pachũta, suhti marieina mari jipachũta, nu cuaroi mari jipachũta, marine ti wajãpachũta Cristo marine ã cahĩrucurohca. ³⁶ Cohamacũ yare ti joari pũi mari ñano yũhdũhtore yahuro, õ sehe nina:

“Mũ yaina sã jichũ masa ñũ jicoaeraa, ti wajãhtina ã jirucunata nija. Oveja ti wajãhtina ti jiro sehetã sã cãhũre ã wahara”, ni joaa tiha Cohamacũ yare ti joari pũi.

³⁷ Æ jina mari ñano yũhdũpanahta Cristo marine cahĩriro to yoadohoro mehne tí jipihtiare yũhdũ witinahca. Æ yũhdũna to yare ne duhusi mari. ³⁸⁻³⁹ Jesucristo yaina mari jichũ ñũno Cohamacũ sehe marine tuaro cahĩna. Æ jiro tiro marine ne cahĩ duhusi. Mari yariachũ cãhũre, mari catichũ cãhũre, mipũre, baharopũ cãhũre, tiro marine cahĩ duhusi. Æ yoa anjoa, watĩa pũhtoã, ahri yahpa macaina pũhtoã, mũano macaina, ahri yahpa macaina cãhũ marine Cohamacure “Mũ yainare cahĩ tjia”, nia bihosi tina. Cohamacũ to bajuamehneri cjiripũre tirore marine ne cahĩ duhuchũ yoaã mariahna. Marine ne tiro cahĩ duhusi.

9

Israe masa Cohamacũ to beserina jira

¹⁻² Yũ coyeyã Israe masare wacũcũ tuaro cahyaja. Cristore cahmaerara tina. Æ jicũ ñano cahya yajeripohna tija yũhũ. Tí yũ ã ni yahua potocãta jira. Yũhũ Cristo yairo tjija. Æ jicũ mũsare “Cahyaja”, yũ nia sehe potocãta jira. Mũsare ã nicũ mahñoi nieraja. Espĩritu Santo yũ ã mahñoechũ masino, yũhũre “Quihõno mũ cahyarire yahure

mũhũ” ni, yũhũre masichũ yoare. ³ Israe masa yũ coyeyã yũ ya yahpa macaina pichacapũ wahaahca. Cohamacure tinare yũhdo duti duacũ õ sehe ni duamacã yũhũ sehe: “Ti ya buhirire yũhũ sehe pichacapũ wahahtja. Æ jiro ti yaro jiborirore yũhũ sehere buhiri dahrejaro Cristo”, ni duamacã yũhũ. ⁴ Tina yũ coyeyã Israe cjiro panamana ji turiaina jira. Tinare to pohna cjihtire cũha Cohamacũ. Tuhsũ, to si sitea mehne ti watoi jia tiha. Tinare jipihtinare to noano wahachũ yoaã cãhũre yahu cũ mũhtaa tiha. Tuhsũ, Moise cjirore to dutiri cãhũre dóipũta tinare Israe masareta cũ mũhtaa tiha. Tirore ti ño payohti macãã cãhũre tinareta cũ mũhtaa tiha. Tuhsũ, masare to yũhdohto cãhũre yahu cũã tiha tinare Cohamacũ. ⁵ Sã ya curuari waro doce curuari waro jira. Sã ñũchũsuma ji mũhtarina cjiripũ ti panamana jia tiha. Ti panamana ji turiainapũ jija sã Israe masa. Æ jiro mari yoaro sehe pjacũ tiriro taro, sã coyeyã Israe masũno waro jire Cristo. Tiro Cohamacũta jira. Æ jiro tiro jipihtina bui pũhtoro jira. Jipihtia dachoripe tirore noano ño payojihna mari. Æ ño payorucujihna.

⁶ Paina Israe cjiro panamana ji turiaina jipahta Cohamacũ yaina waro jierara. Æ jina tina to yaina ti jierachũ ñũna õ sehe ni tũhotuboca mũsa: “ ‘Israe masare yũ yaina jichũ yoaihtja’, niparota cãinare Cohamacũ to niriro sehetã yoaerara”, ni tũhotuboca mũsa. Æ ni tũhotuena tjiga. ⁷ Õ sehe jira: Paina Abrahã panamana ji turiaina ti jipachũta “Abrahã panamana ji turiaina waro jira”, ni ñũerara Cohamacũ tinare. Æ jiro õ sehe nia tiha Cohamacũ: “Mũ macũ Isaa panamana ji turiaina tina pinihta potocãta mũ panamana ji turiaina waro jahca”, ni yahu cũã tiha Cohamacũ Abrahãre. ⁸ To ã ni yahu cũchũ ahrire masinahca mari: Abrahã cjiro panamana jipihtina waro Cohamacũ pohna jieraca. Co-

hamacũ to ni cũrire noano tuhoina tireore wacũ tuaina sehe tinata jica Cohamacũ pohna. ã jia tinata jira Abrahã cjiro panamana ji turiaina waro.

⁹ Õ sehe niha Cohamacũ Abrahã cjirore: “Pa cũhma ahri pja baroihta yũ tjuatãchũ mũ namo Sara wihãrirocãre cjuarohca mũ macũre”, nia tiha Cohamacũ Abrahã cjirore. ã nino Cohamacũ Abrahã cjiro macũno to masa bajuahtore yahu cũyuro nia tiha.

¹⁰ Baharo Isaa cjiro namono Rebeca wama tiricoro puaro pohna tia tiha. Ti puũuro Isaa sã ñũchũ cjiro jia tiha. ¹¹⁻¹² ã jia ti pohna ti masa bajuerasinipachũta, noaare, ñaa cũhũre ti yoaerasinipachũta Cohamacũ ti pocoro cjihtore õ sehe nia tiha: “To bahũro sehe to wahminore dutirohca. ã jiro to puhtoro jirohca”, nia tiha ticorore. Cohamacũ to cahmano seheta besera tiro. ã jiri jiro cãirocãre besero ticorore ãta ni yahua tiha. ã jiro masa ti yoare ñũeraparota to cahmano seheta tiro to yaina cjihtire besera. ¹³ ãta ni joaa tiha to yare ti joari pũi: “ ‘Jacobosehere cahũa tihi. Esaũ sehere cahũera tihi’, niha Cohamacũ”, ni joaa tiha panopũ.

¹⁴ ¿Tĩre wacũna dohse ni tuhotubocarimari? ¿Ti yoahũre ñũeraparota cãirore ã besero Cohamacũ quihõno yoaro nierabocari, mũsa tuhotuchũ? Jierara. ¹⁵ Õ sehe nia tiha Cohamacũ Moise cjirore: “Diro yũ pja ñũ duarirore pja ñũihtja”, nia tiha tiro Moise cjirore. ã jiro cãirore ã besero quihõno yoaro niha Cohamacũ. ¹⁶ ã jina mari mũ sũro mari cahmano sehe Cohamacũre marine pja ñũchũ yoeraja mari. Tuhsũ, ne mari noaare mari yoari wapa cũhũre marine pja ñũerara tiro. To mũ sũro to pja ñũ duaina sehere pja ñũna. ¹⁷ Egipto macaina puhtoro faraõ cũhũre to cahmano seheta yoaa tiha tiro. Õ sehe nia tiha Cohamacũ faraõre: “Egipto macaina puhtoro cjihtore cũi nii mũhũre yũ tuare

jipihtinare yũ ñohto cjihtore. Tuhsũ, jipihtia yahpari macaina yũhũre ti masihto cjihtore puhtoro sõi nii yũhũ mũhũre”, nia tiha Cohamacũ faraõre. Tõ seheta nina Cohamacũ yare ti joari pũi. ¹⁸ ã jiro to pja ñũ duainare to mũ sũro pja ñũna tiro. Tuhsũ, paina sehere to mũ sũro yũhtierachũ yoara tiro. To cahmano seheta yoara tiro.

¹⁹ To ã yoariro jichũ ñũna yũhũ sehere õ sehe niboca mũsa: “Cohamacũ marine to cahmano seheta to yoachũ mari sehe tireore yũhdũrucana bihosi. ¿Mari ã yũhdũrucana bihoerapachũta dohse jiro baro marine buhiri dahre duajari tiro?” ni susini sinituboca mũsa yũhũre. ²⁰ Tĩre õ sehe ni yũhtija mũsare: ¿Masa wiho jiina jipanahta Cohamacũre tuhtijari mũsa? Dihi biato dahrerirore “¿Dohseacũ yũhũre õ sehe jiri biato yoari mũhũ?” tí biato to ni sinituboriro seheta nina nica mũsa Cohamacũre. Tõ sehe ni masierara mũsa. ²¹ Dihi biato dahreriro dihi mehne to yoa duaro seheta yoara. ã yoaro cãria dihica mehne noaare cũhti biatore yoa masina tiro. Tia dihica mehnetã wiho jiare cũhti biato cũhũre yoa masina tiro. Tiro yoaro seheta Cohamacũ cũhũ to yoa duaro seheta yoara.

²² ã jiro Cohamacũ pichacapũ to cohãhtinare ti ñaa yoarire to ñũ yabiare, to tuaa cũhũre ñono taro, tinare dõi buhiri dahre duamaha. ã dõi buhiri dahre duaparota, yoari pja ti ñaa yoare ã ñũnocasiniha. ã jiro tinare buhiri dahrerasiniha. ²³ ãta yoaha Cohamacũ noabiariro to jiare, to tuaa cũhũre mari masihto cjihtore. Panopũ marine to pja ñũina cjihtire tiro beseri jire jipihtia to tuaare to noaa cũhũre mari cjuahũto cjihto sehe. ²⁴ ã jina mari sehe to beserina jinata nija. ã jia to beserina sehe cãina judio masa dihta jierara. Cãina judio masa jieraina cũhũ jira to beserina. ²⁵ ãta nina judio masa jierinare Cohamacũ yare Osea cjiro to joariro seheta:

“Pano yũ yaina jieraina cjiri cũhũre baharopũ tinare ‘Yũ yaina jira’,

niihtja.

Ã yoa pano yu cahĩeraina cjiri cãhure baharopu tinare ‘Yu cahĩina jira musa’, nihtja”, nia tiha Cohamacu.

26 “ ‘Yu yaina jierara musa’, Cohamacu to nia yahpari macaina tina Cohamacu catiriro pohnata jiahca”,

ni joaa tiha Osea cjiro panopure.

27 Tuhsu, panopu macariro Isaia cjiro cãhu Israe masare õ sehe ni yahua tiha: “Pjiri ma macaa padu yaparicãre mari quihõna bihoeraja. Israe masa tí yaparicã peri payu ti jiro sehe jiina ti jipachuta mahainacã Cohamacu yãhdorohca tinare. 28 Cohamacu ahri yahpa macainare payu masare to nino seheta cjero mehne potocãta buhiri dahre bahrañonohca”, nia tiha Isaia cjiro. 29 Ã yoa pari turita Isaia cjiro õ sehe ni joaa tiha tjoa:

“Mari pahutoro jipihtina bui pahutoro mahainacã mari mehne macainare yãhdoeraro, marine judio masare jipihtinare butichu yoaboa tiro.

Sodoma macainare, Gomorra macaina cãhure to butichu yoariro seheta mari cãhure butichu yoaboa tiro”,

ni joaa tiha Isaia cjiro yu coyea Israe masare.

Judio masa noaa buheare cahmaeraha

30 Ã tjira. Ã jina ahrire masi namoga musa: Judio masa jieraina Cohamacure macaerapahta tirore bocare. Jesucristore ti wacũ tuachu ñũno, “Buhiri marieina, noaina jira”, ni ñũre tinare Cohamacu. 31 Wiho mejeta judio masa sehe “Cohamacu dutiare mari yoachu tiro marine yãhdorohca”, nia Cohamacu Moise cjirore to dutiare yoapahta, bihoerare. Ti ã bihoerachu ñũno, Cohamacu “Noaina jira”, ni ñũerare tinare. Ã jia noaina ji duapahta bihoerare.

32 Õ sehe yoaa, tina bihoerare: Tina Cohamacure wacũ tuaro marieno ti mu sũro Moise cjirore to dutirire yoa

duamare, to yaina ji duaa. Mari piti dahre buhechu Cristo tãca yoaro sehe jiriro jira. Ti mu sũro yoinare Cristo puha tu borachu yoari tãca yoaro sehe jiriro jira. Mũroca wahcãriro sehe tãcapu puha tu, bora su caharo to wacũ wahcãnopure ne sũerara. (Puha tu borariro yoaro seheta tina Cristore tãca yoaro sehe jirirore cahmaeraina Cohamacu cahapu ne sũsi.) 33 Ãta ni joaa tiha Cohamacu yare ti joari pũ: “Jerusalẽ wama tiri macai puha tu borachu yoari tãca yoaro sehe jirirore cũja.

Mari piti dahre buhechu õ sehe jira: Mũroca wahcãriro tãcapu doca wahã su bora su caharo to wacũ wahcãnore sũerara.

Tãca yoaro sehe jirirore cahmaeraina sehe tiare puha tu bora, ti wacũ wahcãnopure ti sũeraro seheta Cohamacu cahapu sũsi.

Wiho mejeta tirore wacũ tuaina sehe tiro mehne ã wahcherucuahca”,

ni joaa tiha.

10

1 Yu coyea, Israe masare pichacapu wahaborinare Cohamacu to yãhdohtore, tuaro yu yajeripohna mehne cahmasãamaja yũhu. Ã jicu Cohamacu tinare to yãhdohto cjihtore sini payoja yũhu. 2 Potocãta tina Cohamacu cahmaare tuaro yoa duamana. Ã yoa duapahta to cahmaa warore masierara. 3 Tuhsu, tinare Cohamacu to noaina wahachu yoaborire tina tuho ñahaerare. A tuho ñahaeraa, ti mu sũro noare yoa duapahta bihoerare. Ti ã yoachu tinare Cohamacu to wacũ tua dutiriro seheta ti yoerachu ñũno, tiro sehe tinare “Noaina jira”, ni ñũerare. 4 Wiho mejeta Cristore wacũ tuaina sehere “Noaina jira”, ni ñũna Cohamacu. Ã jina dutia yoaa mehne yãhdũeraja mari. Cristo mehne yãhdũja.

5 Moise cjiro panopu macariro õ sehe ni joaa tiha: “Cohamacu to dutirire ne cãno dũhsaro marieno mari yoa pahũochu Cohamacu yãhdorohca

marine”, ni joaa tiha tiro. ⁶⁻⁷ To ã ni joapachuta mipure masa Cristore ti wacũ tuachũ ñũno Cohamacũ tinare “Noaina jira”, ni ñũna. Tí buhea noaina tí wahachũ yoari buhea õ sehe ni yahura: Cristo to basi ahri yahpapurũ wihi tuhsuri jire. Tuhsũ, masa mũja tuhsuri jire. ã jina õ sehe ni tũhotuena tjiga mũsa: “¿Diro sehe mũanopũ Cristore na tabasaro wahabocari marine to yũhdohto sehe? ¿Diro sehe yariaina cahapũ Cristore masobasa na tabocari? Tirore na taboriro mariaha”, ni tũhotuena tjiga mũsa. ⁸ Õ sehe ni yahura Cohamacũ yare ti joari pũi: “Cohamacũ ya buheare mari macachũ to buhea õi jira. To buheare masi tuhsura mũsa. ã yoa to buheareta durucua tire mũsa”, ni joaa tiha. Tí buheare Cristore wacũ tuaa buheare masare yahuja sã. ⁹ Tí buhea õ sehe ni yahura: “Jesu mari pũhoro jira”, ni mari yahuchũ, “Cohamacũ Jesure yariariro cjirore potocãta masore”, ni mari wacũ tuachũ, Cohamacũ marine pichacapũ wahaborinare yũhdorohca. ¹⁰ Jesure mari wacũ tuachũ Cohamacũ sehe marine “Noaina jira”, ni ñũnohca. Jesure mari wacũ tuaare painare mari yahuchũ tiro marine pichacapũ wahaborinare yũhdorohca.

¹¹ Õ sehe nina Cohamacũ yare ti joari pũi: “Cohamacũre wacũ tuaina tirore ti wacũ tuaa mehne ne cahyasi”, niha Cohamacũ yare ti joari pũi. ¹² Judio masare, judio masa jieraina cãhũre Cohamacũ cãno potorita yoadohora. Mari pũhoro jipihtina bui pũhoro jira tiro. ã jiro tirore to yoadohoare siniinare jipihtinare noano waro yoadohorohca tiro tinare. ¹³ Õ sehe ni joaa tiha panopũre: “ ‘Yũ buhiri tiare cohãbasa, yũhũre yũhdoga’, ni mari pũhoro masa ti sinichũ tinare pichacapũ wahaborinare mari pũhoro yũhdorohca”, ni joaa tiha Cohamacũ yare. ¹⁴ Wiho mejeta masa sehe Cristore wacũ tuaeraa, tirore ã ni sini masierara tina. Tuhsũ, to buhea cãhũre tũhoeraa, tirore

wacũ tua masierara. ã yoa to buheare yahuriro mariachũ cãhũre tíre tina masisi. ¹⁵ Tuhsũ, to buheare yahuhtinare Cohamacũ sehe to waro-caerachũ to buheare yahu masierara. ã ni joaa tiha Cohamacũ yare ti joari pũi: “Noa buheare yahuhtina ti tachũ noano wahcheja mari”, ni joaa tiha panopũre.

¹⁶ Tí ã ni joari jipachuta masa payũ noaa buheare tũho duaerara. ãta ni joaa tiha Isaia cjiro: “Yũ pũhoro, tinare mari yahurire tina ne tũho duaerare”, ni yahua tiha Isaia cjiro Cohamacũre. ¹⁷ ã jia masa noaa buheare tũhoa Cristore wacũ tuare. Ti tũhoa sehe noaa buhea sehe Cristo ya buhea waro jira.

¹⁸ ã jicũ ahrire õ sehe ni sinitu ñũ duaja mũsare: ¿Israe masa Cohamacũ yare tũhoerari, mũsa tũhotuchũ? Potocãta tina tũhoa waro tũhomare. ãta nina Cohamacũ yare ti joari pũ cãhũ: “Cohamacũ noa putiariro to jia tiare yahuina jipihtiro pũ yahu sitea wahare.

ã jia jipihtiro macainapũ to yare tũho sahseare”, ni joaa tiha panopũre. ¹⁹ Pari turi mũsare õ sehe ni sinitu ñũ duaja tjoo: ¿Israe masa tũhopahta noano masierari tina, mũsa tũhotuchũ? Masia timaha tina. Ahrire yahu namocũ Moise cjiro to nirire yahu mũhtaihtja. Õ sehe ni joaa tiha tiro:

“Õ sehe ni yahura Cohamacũ Israe masare: ‘Tũho masieraina, ñaina jira’, ni mũsa ñũina sehere yũ yaina cjihti wahachũ yoaihtja.

Yũ ã yoachũ mũsa sehe tina mehne sua, tinare ñũ tuhtinahca.

ã yoacũ mũsare suachũ yoaihtja yũhũ’, ni yahure Cohamacũ Israe masare Israe masa jierainare to yaina jichũ yoaro taro”,

ni joaa tiha Moise cjiro. ²⁰ Tuhsũ, Isaia cjiro cãhũ cuiro marieno õ sehe nia tiha:

“Ō sehe nina Cohamacu: ‘Yuhure macaeraina sehe yuhure bocahre.

Ā jicu yuhure cahmaerainare tinare yuhure masichu yoahi yuhu’, nire Cohamacu”,

ni joaa tiha Isaia cjiro judio masa jierainare. ²¹ Tuhsu, Israe masa sehere ō sehe ni joaa tiha Isaia cjiro: “Ō sehe nina Cohamacu: ‘Tina yuhure yuhdurucaina, yuhure cahmaeraina jira. Ā jicu tinare ti ñaare cahya duticu “Yu yaina wahaga”, ã nirucumai tinare. Wiho mejeta tina sehe yuhure ne yuhti duaerare’, nire Cohamacu”, ni joaa tiha Isaia cjiro.

11

Mahainacã Israe masare pichacapu wahaborinare yuhdorohca Cohamacu

¹ Ā jiro Israe masare Cohamacu to beseina cjirore cohãno niri tiro, msa tuhutuchu? Jierara. Tinare cohæerare tiro. Yuhu cãhu Israe masano, Abrahã panamino ji turiariroru jija. Benjami ya curua macariro jija yuhu. ² Panopure Israe masare to ya curua macaina cjihtire Cohamacu besea tiha. To ã beserinare cohæerare. Cohamacu yare ti joari pui Elia cjiro ya quitire yahura. Ā Elia cjiro Cohamacure sinino, Israe masare to yahusãrire masierajari msa? Ō sehe ni yahusãha tiro: ³ “Yu puhtoro Cohamacu, tina Israe masa mu yare yahu muhtainare wajãre. Tuhsu, tinata paina muhure ño payoa taa, wahiquinare wajã jã muoa tuhuri cãhure cohãre. Ā jicu yuhu dihta mu yairo duhsaja mipure. Yu ã jichu tuhoa yuhu cãhure wajã duara tjoa, mipure”, niha Elia cjiro Cohamacure. ⁴ To ã nichu tuhoro Cohamacu sehe ō sehe ni yuhtiha Elia cjirore: “Siete mil waro mu yu yaina jira mipure. Tinare wihboi yuhu. Tina yu yaina sehe Baal wama tiri masure ne ño payoera tire tina. Ā jicu cuii tjiga muhu”, nia tiha Cohamacu Elia cjirore panopure. ⁵ Tã jãre Elia cjiro to jia tiri pjarure to

yaina masare to beseriro sehetã mipu cãhure mahainacã Israe masare to yaina cjihtire besere Cohamacu. Cohamacu tinare cahmano tinare pja ñno besere. ⁶ Noaare ti yoari wapa tinare besero nierare. Tinare ã cahmano, pja ñno besere. “Noaare msa yoari wapa msare beseihtja” nino, tiro tinare potocãta pja ñno nieraboa.

⁷ Ā yoa ō sehe jira: Israe masa Cohamacu tinare “Noaina jira”, to ni ñuchu yoa duapahta tina cãno pjaerare. Wiho mejeta Cohamacu to basi to beserina sehe noaina to yaina wahare. Tirore cãno pjaeraina sehe to yare tuho duaerare. ⁸ Āta nia tiha Cohamacu yare ti joari pui:

“Cohamacu tirore cahmaerainare to yare tuho ñahaerachu yoare.

Ā jiro potocã jiare ti tuhopachuta tinare ne noano tuho ñahaerachu yoare Cohamacu.

Āta jirucura tina mipu cãhure”, ni joaa tiha panopure. ⁹ Ā yoa panopu macariro Davi cjiro Israe masa Cohamacure ti cahmaerari buhiri ō sehe nia tiha Cohamacure:

“Tina Israe masa ti bese ñmuri, ti wahchea ñmuri ti yuhdoro wato, yurica ñahñoriro to ñano yuhdoro sehetã tina cãhure ñano yuhduchu yoaga.

Tó sehe yoainare tinare ñano buhiri dahrega muhu.

¹⁰ Tuhsu, mu yahuare tinare ne tuho ñahaerachu yoaga muhu.

Ā buhiri tirucuina ji, ã cahyarucuina jijaro tina”,

nia tiha Davi cjiro Cohamacure.

Judio masa jierainare pichacapu wahaborinare yuhdorohca Cohamacu

¹¹ Ā judio masa Cristore ti cahmaerachu ñno, Cohamacu tinare cohãno warota nibocari, msa tuhutuchu? Cohãsi tinare. Ā cohæeraparota tina Cristore ti cahmaerachu mipure judio masa jieraina sehere Cohamacu yuhdorohca. Mipure tinare to yaina jichu yoare Cohamacu. To ã yoachu ñna cãina judio masa sehe tina mehne

sua sayo, Cohamacu yainata ji du-aahca. ¹² Judio masa ti yuhdurucachu ti noano yoerachu paina sehere ahri yahpa macainare cainare Cohamacu yuhdore. To a yuhdochu tina sehere noano wahare. To a yoariro yuhdoro, baharo judio masa sehe Cristore ti noano wacu tua durucachu pinihtare ahri yahpa macainare jipihtiropare noaputiaro waharohca.

¹³ Mipure musare judio masa jierainare yahui tai nija. Cristo cure yuhure judio masa jierainare buhehtiro cjihtore. A jia yu dahraa sehe wiho jia jierara. ¹⁴ To curiro seheta yuhu musare buheja, yu coyea judio masa sehere musare ti nu cuchu yoa duacu. Cohamacu yuhdorina musa jichu nu tina cahu Cristore cahmaa, to yuhdoina wahaboca. ¹⁵ Judio masare cohabo curero, judio masa jieraina sehere noaa buheare Cohamacu yahu dutire. Ti buheare ti tuhori baharo Jesure ti wacu tuari baharo caina judio masa jieraina, jipihitiro ahri dacho macaina Cohamacu yaina wahare. A jiro judio masare to cohabo curechu noano wahare paye yahpari macaina sehere. To a yoariro yuhdoro judio masa to cohabo cureina cjirire pari turi to yaina cjihti to yoachu pinihtare jipihtinapare ahri yahpa macainare noaputiaro waharohca. To yaina cjihti pari turi ti wahachu, jipihtinapu to yaina yariaina cjiri sehe pari turi ti masaboro seheta jirohca.

¹⁶ O sehe jira: Trigo yubu mehne wahma paoca ti yoaria Cohamacu yaria cjihto Cohamacure ti wachu, tiare ti yoa dhari yubu cahu to yariata jira. Tuhsu, yucucu nuhcori cahu Cohamacu ya nuhcori cjihti jia, tu duri cahu Cohamacu yata jira. O sehe mari ni piti dahre buhechu Abrahã sa nu chu cjiro Cohamacu yairo to jiro sehetata to panamana ji turiainapu cahu Cohamacu yaina jahca Cristore wacu tuaina jia. Yoa dhari yubu cahu to yariata jica. Tuhsu yucucu nuhcori cahu Cohamacu ya nuhcori cjihti jia, tu

duri cahu Cohamacu yata jica. O sehe mari ni piti dahre buhechu, Abrahã sa nu chu cjiro Cohamacu yairo to jiro sehetata to panamana ji turiainapu cahu Cohamacu yaina jira, Cristore wacu tuaina jia.

¹⁷ Ti a jihtina jipachuta cainare ti coyea sehere judio masare Cohamacu cohare. Olivo wama tidu durire caa durire to dute cohaboro sehetata caina judio masa sehere Cohamacu cohare. A yucucu durire cohano to cohari duri jiro cjiroi paye durire nu macadu olivocu durire cohtota duhu ohre. To yoaro sehetata Cohamacu musare judio masa jierainare Abrahã panamana ji turiaina cohtotare musare, musa chure yuhdoro taro. ¹⁸ Musare to a cuchu "Judio masa yuhdoro noaina jia sa", ni tuhoutuena tjiga. Ahrire yu yahuhtire wacuga musa: Judio masa sehere bese muhtaha Cohamacu. A besero ti coyeiro cjihtore caha Cristore, musare yuhdoro taro. A jina "Judio masa yuhdoro noaina jia", ni tuhoutuena tjiga musa.

¹⁹ Musa judio masa jieraina sehe o sehe niboca: "Caa naa durire to cohaboro sehetata Cohamacu caina judio masare cohare. Paye durire cohtota to ono sehetata to yaina marine cuno taro a cohare tinare", niboca musa judio masare yuhduruca duana. ²⁰ Ti musa nia potocata jira. To a jipachuta tina Jesure ti wacu tuaerari buhiri Cohamacu cohare tinare. A jiro musa chure Jesure musa wacu tuaerachu to yaina cjihti musare cueraboa. A jina "Judio masa yuhdoro noaina jia sa", niena tjiga musa. A nieranata "Cohamacu cua pisariro jira", ni tuhoutuena musa. ²¹ Olivocu ji muhtaa duri waro yoaro sehe judio masa sehe Cohamacu yaina ji muhtaha. To cohtotaa durire to oboro sehetata Cohamacu to yaina musa sehere cohtota caha. Wiho mejeta to yaina ji muhtaina judio masa tirore ti wacu tuaerachu, cainare cohare. Tinare to cohari sehetata musa

cāhare cohānohca, tirore mūsa wacū tuaerachū. ²² Cohamacū mūsare noano yoariro to jichū masiga mūsa. Tuhsū, cua pisaro mehne buhiri dahreriro to jichū cāhare masiga mūsa. Tirore ño payoerainare tiro buhiri dahrerohca. ã jiro tirore mūsa ño payoerachū olivocū dūpūri warore to cohāriro cjiro seheta mūsa cāhare cohānohca Cohamacū. ²³ ã yoa judio masa to cohābo curerina cjiri Cristore ti wacū tua dūcachū ñūno, olivocū dūpūri warore pari turi to duhu ōno seheta Cohamacū to yaina cjihti yoarohca tinare. Cohamacū to ã yoa masihti cjihtireta tuaare cjūara tiro. ã jiro tiro tinare cāinare to yaina cjihti yoarohca. ²⁴ Mūsa judio masa jieraina jina, nūcū macadū olivocū dūpūri yoaro sehe jira mūsa. ã jiina mūsa jipachū olivocū toadūi nūcū macaa dūpūrire to na ta ōboro seheta, Cohamacū mūsare to yaina cjihti yoahre. To ã yoachū, ne mijoerare tirore. Judio masa Cohamacū to bese mūhtarina jira. Olivocū toadū dūpūri waro yoaro sehe jira tina. ã jiro ti jidū waro cjiropūre pari turi to duhu ōboro seheta to yaina cjihti pari turi judio masare to yoachū, ne mijoerara tirore.

Baharo judio masare pichacapū wahaborinare yūhdorohca Cohamacū

²⁵ Yū coyea, ahrire masa ti masieraaare mūsare yahuihtja. “Mipūre sã dihtare besere Cohamacū. Cohamacū sã masi yūhdūrcachū sūchū ñūno, tiro sãre besere”, mūsa ni tūhotuerahto sehe ahrire yahuihtja mūsare. Ō sehe jira: Mipūre payū judio masa Cohamacūre tūho duasi. Wiho mejeta payū judio masa jierainare Cohamacū to quihōriro puro to yaina to yoari baharo judio masa cāhū tirore cahma dūcaahca. ²⁶ Ti ã cahmachū judio masa payū warore pichacapū wahaborinare Cohamacū yūhdorohca. Cohamacū yare ti joari pūi āta ni yahu joaa tiha:

“ Jerusalē wama tiri macai judio masa ya macai tinare yūhdohtiro tarohca.

Jacobo panamana ji turiainare ti ñaa yoari buhirire tiro cohānohca.

²⁷ Tinare yūhdocū panopū tinare yū ni cūriro seheta yoai nija’, nire Cohamacū”,

ni joaa tiha Cohamacū yare ti joari pūi.

²⁸ Mipūre tina judio masa Cristo yare ño payoeraina Cohamacūre ñū tuhtira. Ti ã yoachū mipūre mūsa sehe judio masa jieraina Cristore wacū tua dūcare. Judio masa sehere Cohamacū bese mūhtari jire. Judio masa ñūchūsuma cjiri to beserina ti jichū mipū jiina judio masa cāhare tiro cahīna. ²⁹ Cohamacū to ni cūriro seheta tinare to beseriro seheta quihōno yoarohca tiro. To nirire ne bosiro tiro. ³⁰ Panopūre mūsa cāhū Cohamacūre yūhdūrcari jire. Mipūre judio masa Cohamacūre ti yūhdūrcachū ñūno tiro mūsa sehere pja ñūno yūhdore. ³¹ Mipūre judio masa tirore yūhdūrcare. Ti ã yoapachūta Cohamacū mūsare to pja ñūriro seheta tina cāhare baharopūre pja ñūnohca. ³² Ō sehe jira: Jipihtina masare “Yūhūre yūhdūrcaina jira”, nina Cohamacū. ã jiro jipihtina tirore yūhdūrcaina ti jichū ñūno jipihtinare pja ñū masina tiro.

³³ Cohamacū tua yūhdūrcū sūriro jira. Noano masi pahñoriro jira tiro. ã jiro to tūhotuare, to yoarire marine noano masihto basioerara. ³⁴ Ō sehe ni joaa tiha Cohamacū yare: “Cohamacū mari pūhtoro to tūhotuare ne masa noano masierara. ã jia masa tirore ‘Ō sehe yoaga’, ni masierara. ³⁵ ã jia masa Cohamacūre paye barore ti wari baharo ‘Tiro marine wapamona’, ni masierara masa”, ni joaa tiha panopūre. ³⁶ Cohamacū jipihtiare yoaa tiha. Tuhsū, to tuaa mehne jipihtiare jisinichū yoara tiro. ã jia jipihtia to ya jira. To ã jiriro jichū jipihtia dachoripe tirore ño payojihna mari. Āta yoarucujihna.

12

Cohamacū cahmaare marine

yoarucu dutiha Paulo

¹ Cohamacu marine tuaro pja ñare. To ã pja ñariro to jichu ñana, yu coyea, musa sehe oveja noarirore ti jã wa m̄oriro seheta Cohamacure ti ño payoriro seheta musa cãhu tirore ño payorucuga, to yare musa noano yoarucuhto sehe. Musa ã yoachu, tiro wahcherohca. Æta yoaro cahmana marine, Cohamacure quihõno ño payona tana. Æ jichu musare tíre tuaro yoa dutija. ² Ahri yahpa macaina ñaare yoaina yoaro sehe yoarena tjiga musa. Æ yoa musa t̄hotuap̄re Cohamacu noaa t̄hotua sehere to cohtota, cũchu, yuhtiga musa. Æ yuhtina, noaa sehere t̄ho cohtotarina jinahca musa. Æ yoana noaare, Cohamacu cahmaare, ñaa mariare, potocã jiare masinahca musa.

³ Cohamacu yuh̄re to yare yoa masichu yoariro buhe dutiro beseri jire yuh̄re. Æ jichu jipihtina musare õ sehe ni t̄hotu dutieraja yuh̄. “Noabiaina ji yuh̄ucaja sã”, ni t̄hotuena tjiga. Æ t̄hotunocahga. Jesure musa wacũ tuari baharo, Cohamacu musa cãinare noaare yoa masihtire to cũchu, “To yoadohoro mehne ahri noaare yoaja”, ni t̄hotuina jiga musa.

⁴ Õ sehe ni yahu namoihtja yuh̄ musare. Mari wamomacari, mari dahpori, mari capari jipihtiro mari p̄jacu jia payu jira. Mari p̄jacu jia cã p̄jacu jiparota soro jia dahraa c̄uara. ⁵ Tí jiro seheta soro sehe jia dahraare cũna Cohamacu marine. Æ jina payu masa jipanahta Cristore wacũ tuaina jina, to p̄jacu cã p̄jacu yoaro seheta cã curuata jija mari.

⁶ Cohamacu marine to yoadohoro purota to tuaa mehne yoa dutira. Æ yoaro marine cãinare soro jia mari yoah̄tire cũna tiro. To ã yoachu marine to cũrire mari sehe noano yoajihna. Æ jia Jesu yaina õ sehe yoajaro. Cãinare Cohamacu to yare yahuhtinare cũna. Æ jia tina Cristore ti wacũ tuaro puro to yare noano yahujaro. ⁷ Cãinare Cohamacu

musare yoadohohtinare cũna. Æ jia tina musare noano mehne yoadohojaro. Cãinare Cohamacu musare buhehtinare cũna. Æ jia tina musare noano buhejaro. ⁸ Æ yoa paina cãhu musare s̄ho wahchechu yoah̄tina jia, musare noano s̄ho wahchechu yoajaro. Tuhsu, paye barore wahtina jia, ti wahtire noano mehne yajeripohna ti, wajaro. Æ yoa paina cãhu musare s̄ho ji m̄htahtina jia, noano mehne s̄ho jijaro. Æ yoa p̄jacuoinare yoadohohtina jia, wahchea mehne yoadohojaro.

Jesu yaina jina õ sehe yoaina jiga

⁹ “Sã basi cahma cah̄ja”, ni mah̄õno marieno musa basi cahma cah̄ga. Æ yoana ñaare ñu yabiina jiga musa. Tuhsu, noaa sehere ã cahmarucuga. ¹⁰ Tuhsu musa bahana warore musa cah̄no seheta Jesu yainare musa mehne macainare cah̄ga. Æ yoana musa basi noano cahma ño payoga musa.

¹¹ Cohamacu cahmaare yoana, ne caparo marieno yoaga. Æ yoana mari p̄h̄toro to dutiro seheta noano wahchea mehne yoaga.

¹² Cohamacu musare pichacapu wahaborinare to yuh̄dorinapu jira musa. Æ jiro musa wahahto noaputiaro jira. Tíre masina wahchega musa. Æ yoa ñano yuh̄duna, cãno p̄jaga “Cristo yare duhuri”, nina. Tuhsu, Cohamacure ã sinirucuga.

¹³ Paye baro Jesu yainare duhsachu waga tinare. Æ yoa musa ya wuh̄sep̄u cũh̄re masa ti s̄chu noano yajeripohna tiro mehne tinare piti bocaga.

¹⁴ Musare ñano yoainare “Noano wahajaro tinare”, ni sini payoga. Tinare ã sini payona, “Tina ñano yuh̄d̄wahnojaro”, niena tjiga.

¹⁵ Æ yoa paina wahcheina mehne jina, musa cãhu tina mehne wahchega. Tuhsu paina ñano cahyaro mehne tiina mehne jina, musa cãhu cahya, tiidohoga tinare.

16 M_{usa} mehne maçaina mehne noano jiga m_{usa}. Æ jina “Paina y_{hdoro} noaina jija”, ni tuhotuena tjiga. Õ sehe ni tuhotuga: “Wiho jiina jija”, ni tuhotuga. Æ jina “Masi y_{hdurucaina} jija sã”, ni tuhotuena tjiga.

17 Paina m_{sare} ti ñano yoapach_{ta}, tinare ñano yoa cahmaena tjiga. Noaa sehere yoaga, noaina m_{usa} jia tiare jipihtina masa ti masiht_i cjihtire. 18 M_{usa} bihoro puro jipihtina mehne noano jinocahga m_{usa}. 19 M_{usa} y_u cah_{ina}, y_u coy_{ea} paina m_{sare} ti ñano yoapach_{ta} tina yoaro sehe ñano yoa cahmaena tjiga. Cohamac_u sehe m_{sare} ti ñano yoari buhiri buhiri dahrejaro tinare. Cohamac_u yare ti joari p_{ui} ãta ni joaa tiha: “Y_u sehe m_{sare} ti ñano yoari buhiri buhiri dahreriro jija. Æ jic_u potocãta buhiri dahreih_{tja}’, nina mari p_uhtoro”, ni joaa tiha panop_{ure}. 20 Æ jina õ sehe yoaga m_{usa}: M_{sare} ñ_u tuhtiriro to j_uca baach_u ñ_una nuga tirore. To ñahma yapioch_u cãh_{ure} ñ_una tirore sihõga. M_{usa} ã yoach_u ñ_uno m_{sare} to ñano yoari buhiri b_uo tirohca. 21 Æ jina paina m_{sare} ti ñano yoapach_{ta} m_{usa} sehe tinare ñano yoa cahmaena tjiga. Tinare noaa sehere yoaga m_{usa}. Æ yoana ñaa sehere cahmaerana nica m_{usa}.

13

1 Jipihtina m_{usa} bui p_uhtoa cjihtire Cohamac_u dihta bese c_una. Ne cãiro p_uhtoro Cohamac_u to bese c_uerariro mariahna. To ã c_urina ti jich_u ñ_una jipihtina m_{usa} tinare noano y_uhtiga. 2 Mari p_uhtoare noano y_uhtierana Cohamac_u to bese c_urinare y_uhdurucana nija mari. Æ y_uhdurucainare Cohamac_u sehe buhiri dahrerohca. 3 Noainare cuich_u yoah_{tina} jierara p_uhtoa. Ñaare yoaina sehere cuich_u yoah_{tina} jira tina. Noaare yoaga m_{usa} p_uhtoare m_{usa} cuierahto cjihto sehe. Æ yoana cuis_i m_{usa}. Noaare m_{usa} yoach_u p_uhtoro sehe “Noaare yoare m_{usa}”, m_{sare} ni ñ_unohca. 4 M_{usa} p_uhtoa

Cohamac_u to c_uno sehet_a m_{sare} yoadohohtinata jira m_{usa} noano jinocahto cjihto sehe. Wiho mejeta m_{usa} ñaare yoana pini tinare cuiga. Tina m_{sare} buhiri dahrehtina cjihtita jira. Jipihtina ñaare yoainare buhiri dahre dutiro Cohamac_u tinare besere. 5 Ti ã buhiri dahrehtina ti jich_u ñaare yoana m_{usa} p_uhtoare cuiga. Æ jina ño payoa mehne “Noaare yoaro cahmana y_uh_{ure}”, ni tuhoturo mehne noano y_uhtijihna. 6 M_{usa} p_uhtoa ti dahrahti cjihtire Cohamac_u c_ure. Æ jina ti dahraare ti yoach_u ñ_una m_{usa} p_uhtoare wapa nabasainare wapara m_{usa}.

7 Jipihtinare m_{usa} p_uhtoare noano y_uhtiga. Tuhs_u, p_uhtoare wapa nabasaina cãh_{ure} wapaga m_{usa}. Æ yoa p_uhtoa sehe payere ti wapa dutich_u cãh_{ure} wapaga. Æ jina jipihtina p_uhtoare noano ño payoga. 8 Tuhs_u, paina masare wapamoena tjiga. Tinare cah_{ino} cahmana. To cahai j_iinare cah_iro Cohamac_u dutiare yoa pah_{no} tuhs_uriro jira. Æ jina m_{usa} cahai j_iina cãh_{ure} cah_{iga}. 9 Õ sehe nina Cohamac_u dutia: “Pairo namonore w_uana tiena tjiga. Numia cãh_u pacoro man_uno_{re} w_uana tiena tjiga. Masare wajãena tjiga. Yacaena tjiga. Paina yare goa pjaena tjiga”, ni yahura to dutia. Paye dutia cãh_u jira. Ti ã jipach_{ta} cãno dutiare m_{sare} yahui tai nija. Tí dutia cãno dutia to jipach_{ta} tí dutiare yoana Cohamac_u dutiare yoa pah_{no}na nija mari. Tí dutia õ sehe nina: “M_u basi m_u cah_{ino} sehet_a m_u cahai j_iina cãh_{ure} cah_{iga}”, nina. Tí dutiare yoana Cohamac_u dutiare yoa pah_{no}ina jina nina. 10 M_{usa} cahai j_iinare cah_{ina}, tinare ñano yoasi. Æ jina tinare cah_{ina}, Cohamac_u dutiare yoa pah_{no}inata jira m_{usa}.

11 Æ jina car_iina yoaro sehe jiena tjiga m_{usa}. Noano wac_u masiga. Jesure noano wac_u cohtaga. Jesu marine to tjua ta naahto mahanocã d_uhsatjiãna. Tirore mari coã wac_u tua d_ucach_u Jesu marine to y_uhdoro tahto mahanocã d_uhsamare. Mip_u

pinihtare cahacã waro jira to tahto. Ahri yu nirire masina musa. ¹² Mipure ñaina ya dacho jira. To tahto mahanocã dahsara. Tíre masina, buhiri tichu yoare, nahitiano yoaro sehe jiare duhu pahñojihna mari. ã jina Cohamacu cahmaa sehere yoajihna mari. ã Cohamacu yare yoana, ñaare duhu pahñonahca mari. Ahri dachore payu ñaa baro jichu, ñami yoaro sehe jira. Wiho mejeta Cristo to tachu, ñami yoaro sehe jiro pihtia waha, pa dacho, buhria muja taro yoaro sehe waharohca. Surara coma suhtiro to sãa ducataro seheta Cohamacu ñaare to ducataare noano cjuã pahñojihna mari. ã tíre cjuãna ñaare duhu, Cohamacu cahmaa sehere mari yoajihna. ¹³ ã jina Jesu to tahtore wacũ cohtaina jina, noaa sehere yoajihna. Bose numurine yoana ñano yoarena tjijihna. Tuhsu, cahaena tjijihna. ã jina numia mehne ñano yoaina, paina mehne ñano yoaina, cahma sayoia jiena tjijihna. Musa numia cãhu muã mehne ñano yoarena tjiga. ¹⁴ Wiho mejeta Jesucristore puhtoro tina, tirore yuhtiga musa. ã yuhtina to jiro seheta jiga musa. ã jina ñaare musa goa pjaã sehere yoarena tjiga.

14

Musa coyeare Jesu yainare “Ñano yoaa nina”, ni yahuwajaena tjiga

¹ Jesure wacũ tuarirore to noano wacũ tuaro dahsasinihu ñuna tirore ji coaro mehne cahmaga. To ã jiriro jichu ñuna “Ne masierara muhu” ni, tiro mehne cahmasayoena tjiga. ² “Jipihtiare chu masija yahu”, ni tuhotura paina. Paina sehe Jesu yare noano masierasania wahiquinare chueraina, toaa dicha dihtare chura. ³ Jipihtiare chuina sehe toaa dicha dihtare chuinare ñu tuhtiea tjijaro. ã yoa toaa dicha dihtare chuina cãhu jipihtiare chuinare “Ñano yoaa nina”, ni cahma yahuwajaea tjijaro. Jipihtiare chuina sehe Jesure wacũ tuaina ti jichu Cohamacu tinare to

yaina yoa tuhsure. To yaina ti jichu ñua wahiquinare chueraina sehe tinare yahuwajaea tjijaro. ⁴ Jesure wacũ tuaina Cohamacure dahra cohtaina dihta jira. Ti ã jichu ñuna musa tinare yahuwaja masierara. Jesure wacũ tuaina to cahmano sehe ti quihõno yoerachu ñuno tiro dihta ti puhtoro jiro, tíre yahu poto masina. To cahmaare quihõno ti yoachu cãhure tíre yahu masina tiro. ã jiro tiro sehe to yainare “Ñano yoare muhu”, ni yahuhtiro jirohca. ã jiro tirore dahra cohtainare noaa dihtare yoarucu masichu yoariro jira Cohamacu.

⁵ Cãina cãa dachori cua pisaro mehne Cohamacure ti ño payohti dachori cjihtire cjuãra. Paina sehe, “Dohse jiri dachore Cohamacure ño payochu, noana”, ni tuhotu, ño payoia jira. Tina cãno potori ã yoeraina jipahta jipihtina õ sehe ni tuhotujaro: “Jesu to cahmano seheta noano yoana nija”, ni tuhotu masijaro. ⁶ Cãiro cãa dachori cua pisaro mehne Cohamacure ti ño payoa dachorihi Cohamacure ño payoro, tiro cãhu quihõno ño payoro nina. Tuhsu jipihtiare churiro churota, Cohamacure “Noana”, ni wahche payora tiro. ã jiro tiro cãhu Cohamacure ño payorota nina. ã yoa paio sehe cãa chure chuerara, Cohamacure ño payoro. Tiro cãhu Cohamacure “Noana”, ni wahche payora.

⁷ Tuhsu, mari cahmaa dihtare yoaina ne ji masieraja mari. Cristo jira mari puhtoro. ã jiro mari catichu mari yariachu cãhure mari puhtorota jira. ⁸ Mipure mari catisinino puro Cristo yare yoahina jija mari. To yaina jija. Mari yariari baharopu cãhure to yainata jinahca. ã jiro mari catichu mari yariachu cãhure Cristo mari puhtoro jira. ⁹ ãta jira. Cristo yaria masa mujaha catiinare, ã jichu yariaina cãhure ti puhtoro jiro taro.

¹⁰ ¿Dohseana tana musa coyeirore Jesu yairore “Ñano yoaro nina”, ni

yahuwaja duajari m̄usa? ¿Dohseana tana m̄usa coyeirote t̄u diho c̄u duajari m̄usa? Mari jipihina Cristo panoi mari ducuch̄u tiro sehe mari yoarire masi pah̄ñonoriro jiro, marine beserohca noainare, ñainare. To ã besehtiro to jich̄u m̄usa coyeirote “Ñariro jira”, ni yahuwajaena tjiga. ¹¹ Cohamac̄u yare ti joari p̄ui õ sehe ni joaa tiha:

“Õ sehe nire mari p̄htoro: ‘Ȳh̄u catiriro jija.

Ã jic̄u õ sehe ni quihõno warota yahuja m̄usare.

Jipihina ȳu panoi na tuhcuca caha s̄uahca.

Ã na tuhcuca caha s̄u, “Noariro, tuariro jira m̄uh̄u” ni, ȳah̄ure ño payoahca’, nire mari p̄htoro”, ni joaa tiha. ¹² Ã jiro jipihina mari yoarire Cohamac̄u siniturohca marine. “¿Dohse yoana ã yoari?” ni siniturohca. To ã sinituch̄u ȳhtiro jica marine.

M̄usa coyeirote ñano yoach̄u yoarena tjiga m̄usa

¹³ Ã jina mari mehne macainare “Ñaina jira m̄usa”, ni cahma yahuwajaena tjijihna. Ã yoana mari coyeirote Jesu yairote dojomehnena tjijihna “Jesure wac̄u tua duhuri”, nina. ¹⁴ Ȳh̄u Jesucristo yairo jic̄u, ahri ȳu nihtire noano masija ȳh̄u. Ȳh̄u sehe jipihina ch̄uare ȳu ch̄uch̄u ȳu ch̄uri buhiri, buhiri mariahna. Wiho mejeta paio sehe “Ahri ch̄uare ch̄uc̄u buhiri tii nica ȳh̄u”, ni t̄hoturiro sehe ch̄uro, potoc̄ata buhiri tiriro jira. ¹⁵ Tí potoc̄a tjira. Paina ti sio, ch̄uera barore m̄usa ch̄uch̄u ñano, m̄usa coyeiro ñu c̄u ch̄uro, “Cue, ñano yoai nica ȳh̄u”, ni p̄jiro t̄hotuboca tiro. Tirore ã ñu c̄u ch̄uch̄u yoana, tirore cah̄ina nieraca m̄usa. To sio, ch̄uera barore m̄usa ch̄uch̄u, tiro c̄uh̄u ñu c̄u ch̄uboca. Ã ch̄uro “Ñano yoai nija”, ni t̄hoturo Cristore duhuboca. M̄usa coyeiro yaro jiboriro c̄uh̄ure yariari jire Cristo. Ã jina “Cristore duhuri”, nina tirore ñu c̄u ch̄uch̄u yoarena tjiga.

¹⁶ Ã jia “Ahri s̄a yoari noa nica”, m̄usa ni t̄hotuch̄u paina m̄usare yahuwajaboca. Ti ã yahuwajach̄u ñuna m̄usa ã yoarire yoa namoena tjiga, “Yahuwaja namori”, nina. ¹⁷ Cohamac̄u sehe mari p̄htoro jira. To ã jich̄u mari ch̄u, mari sihn̄ia c̄uh̄u ã jinocaa nina. Wiho warota jira. Ã jia mari p̄htoro to dutiare, noaa c̄uh̄ure mari yoach̄u tí waro jia nina. Paina mehne mari noano jinocach̄u c̄uh̄ure noaa waro jia nina. Tuhs̄u, Esp̄iritu Santo yoadohoa mehne mari wahchech̄u noaa waro jia nina. ¹⁸ Tó seheta Cristo yare yoarirore ñua Cohamac̄u, masa c̄uh̄u “Noano yoare m̄uh̄u”, niahca.

¹⁹ Tó seheta yoajihna mari pinihta noano mari jinocahto cjihtore, mari basi mari cahma yoadohohto cjihtore. Ã yoana Jesure wac̄u tua namonahca. ²⁰ Pairo Jesu yairo to ch̄u dutierari cjirire m̄usa ch̄uch̄u ñano tiro sehe ñu ji coeraro Cohamac̄u yare coh̄aboca. Ã jina tíre ch̄uena tjiga. Potoc̄ata jipihina ch̄u noaa ch̄uata jira. Tí ã jipach̄ata paye barore mari ch̄uch̄u paio “Ñaa ch̄u jica ahri”, niriro jiparota ñu c̄u ch̄uboca. Ã ch̄uro ñano yoaro nica tiro. Ã jina marine to ñu c̄u ch̄uch̄u, mari c̄uh̄u ñano yoana nija. ²¹ Wahiquina dihire m̄usa ch̄uch̄u ñano, vinore m̄usa sihn̄ich̄u ñano, paio Jesu yairo “Tíre ch̄uc̄u ñano yoai nica ȳh̄u”, ni t̄hoturiro jiparota tiro c̄uh̄u ñu c̄u, ch̄u sihn̄iboca. Ã ni t̄hoturiro pinihta ch̄u sihn̄ino ñano yoaro nina. Ã jina tiro to ñano yoerahto sehe Jesure to wac̄u tua duhuerah̄to sehe wahiquina dihire, vino c̄uh̄ure m̄usa sehe m̄usa duhuch̄u noa nina. ²² “Jipihitiare ch̄u masija”, ni t̄hotuna, tíre Cohamac̄u dihtare yahuga. Ñaare yoerariro, “Noano yoai nica ȳh̄u”, ni t̄hoturiro wahcheriro jira. ²³ Pairo sehe “Ahri ch̄uare ch̄uc̄u ñano yoai niboca ȳh̄u”, ni t̄hoturiro jiparota tí ch̄uare ch̄uro, buhiri tiriro jira tiro. “Ahr̄ire ch̄uc̄u potoc̄ata noaare yoai nija”, ni t̄hotuerara tiro. Ã ni

tuhotueraro tíre churo, to churi buhiri buhiri tira tiro. “Noaare yoai nija”, ni tuhotueraro tíre yoaro, buhiri tira tiro.

15

Mari cahai jiinare noano yoajihna

¹ Mari Cohamacure noano wacū tuaina sehe wacū tuaera cureinare yoadohojihna. Ā yoana mari ya cjihti dihtare yoaena tjijihna. ² Ā jina mari cahai jiinare Jesu yainare noano yoajihna ti noano jinocahto cjihtore, Cohamacure ti noano wacū tua namohto cjihtore. ³ Cristo sehe to ya dihtare yoaeraha. Āta nina Cohamacu yare ti joari pūi. Ō sehe ni joaa tiha: “Cristo ō sehe nire Cohamacure: ‘Muhu sehere ñano durucuborina yuhu sehere ñano durucure’, nire Cristo Cohamacure”, ni joaa tiha panopure. Ā ñano ti durucuriro jiro Cristo to Pucuro ya sehere yoaro niha. ⁴ Panopu Cohamacu yare ti joari pūi tina joaa tiha mari noano buhehto cjihtore. Ā jina tí pūre buhena wahcheja. Ā buhena mari ñano yuhduna cāno pjana, noano mari yuhdhtore cohtanahca. ⁵ Cohamacu musare tuachu yoariro wahchechu yoariro musare jipihtinare cāno potori noano jichu yoajaro, Cristo to cahmano seheta. ⁶ Āta yoajaro tiro musa jipihtina cāno potori Cohamacure mari puhtoro Jesucristo Pucurore “Noariro, tuariro jira”, ni musa ño payohto cjihtore.

Judio masa jierainare noaa buheare yahu ducaha

⁷ Cristo marine to yoariro seheta musa mehne macainare noano cahma piti bocaga. Musa ā yoachu ñua “Potocāta Cohamacu noariro jira”, ni ñuahca masa sehe. ⁸ Musare ahrire niita nija: Judio masare yoadohohtiro cjihto taha Cristo. Cohamacu tirore warocarō judio masa sã ñuchusuma cjiripure to ni yahuriro cjiro seheta yoaro niha. Tíre to yoari cjirire masare masichu yoah tiro cjihto taha Cristo. ⁹ Masare

Cristo to yoadohochu Cohamacu pja ñano nire tinare. To ā pja ñuchu judio masa jieraina cāhu Cohamacure “Noariro, tuariro jira” ni, ño payora mipure. Tina cūhure to yaina jichu yoaro taha Cristo. Cohamacu yare ti joari pūi āta ni joaa tiha:

“Cristo ō sehe niha Cohamacure: ‘Judio masa jieraina cahai muhure “Cohamacu noariro, tuariro jira”, ni ño payoihtja.

Ā jichu tina cahai basacu mu ya cjihtire basaihtja’, niha Cristo Cohamacure”,

ni joaa tiha panopure. ¹⁰ Tuhsu, ō sehe ni joaa tiha tjoa:

“Cohamacu to beserina judio masa mehne cahma wahchega musa cāhu judio masa jieraina”,

ni joaa tiha panopure. ¹¹ Tuhsu, ō sehe ni joaa tiha tjoa:

“Judio masa jieraina jipihtina Cohamacure ño payojaro.

Ā jia jipihtiro macaina tirore ‘Noariro, tuariro jira’, ni ño payojaro”,

ni joaa tiha. ¹² Ā yoa Isaia cjiro cāhu ō sehe ni joaa tiha:

“Jesé panamino ji turariro tarohca.

Ā taro judio masa jieraina bui puhtoro jirohca tiro.

Ā jia tina sehe tirore wacū tuaa, tinare pichacapu waha borinare to yuhdohtore masi ahca tina”,

ni joaa tiha panopure.

¹³ Cohamacu marine baharopu to yuhdohtore wacū cohtachu yoariro noano musare wahchechu yoajaro. Tuhsu, musare Jesure wacū tuainare noano jinocachu yoajaro tiro. Musare to ā yoachu musare to yuhdohtore Espiritu Santo to tuaa mehne wahchea mehne wacū cohta namochu yoajaro.

¹⁴ Ahrire musare yu yahuh tire noano masija. Musa sehe noaina jira. Tuhsu, Jesu yare noano masina musa. Ā masina musa basi noano cahma yahu, buhe masina musa.

¹⁵ Musa ā masiina musa jipachuta cāa tahari ahri pūpūre musare cuiro

marieno noano yahu pahño joahi tíre m̄sa boerahto sehe. Cohamac̄u ȳh̄ure cahño m̄sare buhe dutiro cūre ȳh̄ure. Ā jic̄u to cūriro seheta yoaja, m̄sa tíre boerahto sehe. ¹⁶ Ȳh̄ure to ā cūch̄u, sacerdote to yoaro sehe yoaja ȳh̄u. Ā yoac̄u, Jesucristo yare noaa buheare judio masa jierainare buheja ȳh̄u. Ȳu ā buhech̄u t̄h̄oa, tina Jesure wacū tuara. Tina Jesure wacū tuainare ȳh̄u sehe sacerdote wahiquinare wajã j̄u m̄uo Cohamac̄ure ȳu waboriro seheta, tinare “M̄u yaina jira”, nija Cohamac̄ure. Ȳu ā niinare Esp̄ritu Santo sehe tinare Cohamac̄u yaina cjihti jich̄u yoara. Ti ā jiina jich̄u ñ̄no, Cohamac̄u sehe ji coaro mehne tinare ñahanohca.

¹⁷ Cohamac̄u to buhe duti cūriro jic̄u Jesucristo to yoadohoa mehne ȳu yoari cjirire wahchea mehne yahuja m̄sare. ¹⁸⁻¹⁹ Tuhs̄u, ahri pinihtare m̄sare pototi yahu duahi. Ȳu yahua ȳu m̄u s̄ro ȳu yahua ne jierara. Paina judio masa jierainare Cristo to yoadohoa mehne tinare ȳu buhech̄u t̄h̄oa, ȳu yoarire ñ̄u, ā jia Jesu tuaa mehne ȳu yoa ñorire ñ̄u, Esp̄ritu Santo to tuaa mehne tina Cristore wacū tuare. Jerusal̄p̄u wahma ȳu buhe d̄car̄i baharo jipihtia macariper̄u buhe wahc̄ahi. P̄u Ilirico yahp̄u c̄h̄ure Cristo ya buhea noaa buheare buhei s̄u.

²⁰ Cristo yare masieraina dihtare noaa buheare tuaro buhe duahi, ȳh̄u mehne macaina ti buheri-
nap̄ure buhe duaerac̄u. ²¹ Āta ni joaa tiha Cohamac̄u yare ti joari p̄i:
“Panop̄u tirore ne t̄hoeraina cjiri
tirore masiahca.

Ā yoa tirore ne t̄hoeraina cjiri to
yare noano t̄hoahca”,
ni joaa tiha Cohamac̄u yare ti joari
p̄i.

Paulo Romap̄u to wahahtore yahuha

²² Ā jic̄u jipihtiro macainare buheriro jic̄u paȳu tahari m̄sa cahai waha duapaihta waha masiera

tihi. ²³ Mip̄u pinihtare ahri yah-
parip̄ure ȳu dahraa pihtia wahahre.
Ā jic̄u paȳu cahmari m̄sa cahap̄u
waha duariro jic̄u m̄sa cahap̄u
wahaihtja. ²⁴ Espāñap̄u wahac̄u,

m̄sare t̄oi ñ̄u ȳhd̄uaitja. Ā
yoac̄u m̄sa mehne wahcheihtja.
Tuhs̄u, m̄sa mehne mahanoc̄a ȳu
jiri baharo ȳh̄ure m̄sa yoadohoa
mehne Espāñap̄u ȳhd̄u wahc̄aihtja.

²⁵ Mip̄ure Jerusal̄p̄u wahasinii tai
nija. T̄o macainare Jesu yainare
ȳu coyeare niñerure naasinii wahai
nija. ²⁶ Macedonia yahpa macaina,

Acaya yahpa macaina c̄h̄u noano
mehne Jesu yainare Jerusal̄p̄u ji-
inare p̄jac̄oinare niñerure waroc-
ahre tinare yoadohoa. Ā jic̄u tinare

tíre wai wahai nija. ²⁷ Tí niñerure
waa, noano mehne wahre tina. Ti
ā yoach̄u noa nina, ȳu t̄hotuch̄u.

Tinare judio masa jierainare judio
masa sehe Cohamac̄u yare buhe
m̄htare. Ā jia tinare to ȳhd̄ohto
c̄h̄ure buhe m̄htare judio masa. Ti
ā buhech̄u ñ̄uc̄u Macedonia macaina
Acaya macaina mehne judio masare
ti yoadohoch̄u noa nina ȳh̄ure.

Tinare ti buheri wapa yoaro sehe jira
tí, ȳu t̄hotuch̄u. ²⁸ Ā jic̄u Jerusal̄
macainare tí niñerure wa tuhs̄uc̄u
Espāñap̄u wahaihtja. T̄op̄u wahac̄u
m̄sare ñ̄u ȳhd̄uaitja. ²⁹ Ā yoa
m̄sa cahap̄u ȳu wahach̄u Cristo
yare m̄sare ȳu buhech̄u tiro m̄sare
noano yajeripohna tich̄u yoarohca.

³⁰ Ȳu coyea, mari p̄htoro Jesucristo
wacū tuara m̄sa. Ā yoa Esp̄ritu
Santo to tuaa mehne painare cahña
m̄sa. Ā jiina jina ȳh̄u c̄h̄ure tuaro
sini payoga Cohamac̄ure. ³¹ Ō sehe ni
sini payoga: Judea yahpa macaina
Jesure ño payoeraina ȳh̄ure ti
ñ̄ano yoa duach̄u Cohamac̄u ȳh̄ure
to ñ̄u wihbohto sehe sini payoga.
Tuhs̄u, Jerusal̄ macaina Jesu yainare
niñerure ȳu wabasach̄u tina tíre
wahchea mehne ti ñahahto sehe sini
payoga. ³² M̄sa ā sinich̄u Cohamac̄u
cahmach̄u wahchea mehne m̄sa
cahap̄u wahaihtja. Ā jic̄u m̄sa

mehne jic_u wahchea mehne soitja. ³³ Cohamac_u marine noano jinocach_u yoariro m_usa mehne jirucujaro.

16

Paulo noa dutiha

¹ Mari coyeacoro Febe wama tiororo m_usa cahap_u waharo taro nina. Ticoro Cencrea wama tiri macai Jesu yainare cahmachuinare yoadohoricoro jira. ² ã jiro payure yoadohoricoro y_uh_u c_uh_ure yoadohoricoro jihre ticoro. Tuhs_u, mari p_uhtoro Jesu yacoro jira. ã jina ticorore noano mehne m_usa mehne ji dutiga. Tó seheta yoaro cahmana marine Jesu yainare. ã yoana ticorore paye baro to maerach_u ñ_una ticorore waga m_usa.

³ Aquila, to namono Priscila c_uh_u noajaro. Jesucristo yare y_u buhech_u tina c_uh_u y_uh_u mehne dahrare. ⁴ Tinare mahano wajãmoñore paina y_uh_ure ti wajã duach_u ti yoadohori buhiri. ã jic_u tina mehne wahcheja y_uh_u. Tuhs_u, judio masa jieraina Jesu yaina jipihtina tina c_uh_u tina mehne wahchera. ⁵ Aquila ya w_uh_ui cahmachuina c_uh_u Jesu yaina noajaro. Y_u cah_uriro Epeneto c_uh_u noajaro. Tiro Asia yahpa macariro tói jiro Cristore wac_u tua m_uhtariro jire. ⁶ María c_uh_u noajaro. Ticoro m_usa mehne tuaro dahrahe. ⁷ Y_u coyea Andrónico, Junia c_uh_u noajaro. Peresui y_u jich_u tinata y_uh_ure piti tiina jihre. ã jia y_u pano Cristore wac_u tua m_uhtare tina sehe. Paina Jesu to c_urina sehe tinare “Potocãta noaina jira”, ni durucura.

⁸ Ampliato c_uh_u y_u cah_uriro Jesu yairo jira. Tiro noajaro. ⁹ Urbano c_uh_u noajaro. Tiro c_uh_u mari mehne Cristo yare dahrahe. ã yoa y_u cah_uriro Estaqui noajaro. ¹⁰ Apele c_uh_u noajaro. Tiro potocãta noano Jesure wac_u tuara. To yoarire ñ_una tíre masija mari. Tuhs_u, Aristóbulo ya w_uh_u macaina jipihtina to namono to pohna c_uh_u noajaro. ¹¹ Y_u coyeiro

Herodiõ noajaro. ã yoa Narciso ya w_uh_u macaina Jesu yaina noa pihtinocajaro. ¹² ã yoa Trifena, Trifosa c_uh_u noajaro. Tí numia mari p_uhtoro Jesu ya dahraare yoara. Mari cah_uricoro Pérside c_uh_u noajaro. Ticoro mari p_uhtoro yare tuaro yoara. ¹³ Rufo mari p_uhtoro Jesure noano wac_u tuariro, to yare noano yoariro noajaro. To pocoro c_uh_u noajaro. Ticoro y_u poco yoaro sehe jiricoro jira. ¹⁴ Asíncrito, Flegonte, Herme, Patroba, Herma, paina Jesu yaina tina mehne macaina c_uh_u noajaro. ¹⁵ Tuhs_u, Filólogo, Julia, Nereo, to bahoro c_uh_u, Olimpa, paina tina mehne macaina c_uh_u Jesu yaina noajaro.

¹⁶ ã yoam_usa mehne macainare piti bocana, noano mehne piti bocaga. Jipihtina Jesu yaina jipihtiro macaina m_usare noa dutira.

¹⁷ Y_u coyea, m_usa mehne macaina c_uina m_usare cahma ñ_u tuhti, cahma tju wach_u yoaina jira. ã jia m_usare Jesu ya buheare dojomehnena. ã jina tó sehe yoainare ñ_una noano yoanohb_u, “Dojomehneri”, nina. ã yoainare piti tiena tjiga. ¹⁸ Tó sehe yoaina mari p_uhtoro Jesucristo yare yoerara. Ñaare ti goa pja dihtare yoara. Tuhs_u, noano t_uho ji coaro dero mahño buhera noano masierainare. Tí ã mahñoch_u tinare noano t_uhora. ã jina ã yoainare piti tiena tjiga m_usa. ¹⁹ M_usa sehe Jesure noano y_uhtiina jira. Tíre jipihtina masina. ã noano y_uhtiina m_usa jich_u wahcheja y_uh_u. ã jic_u noano m_usa yoahtore m_usa masich_u cahmaja y_uh_u. ã yoa ne ñaare yoeraina m_usa jich_u c_uh_ure cahmaja y_uh_u. ²⁰ ã jiro Cohamac_u marine noano jinocach_u yoariro mahanocã baharo watño Satanare y_uhd_uncach_u yoarohca m_usare. ã yoa mari p_uhtoro Jesucristo m_usare noano wahach_u yoajaro.

²¹ Timoteo y_u piti m_usare noa dutira. Y_u coyea judio masa c_uh_u, Lucio, Jasõ, Sosípatro m_usare noa dutira.

22 Yuhũ Tercio ahri pũre Paulore joabasariro jija. Yuhũ Jesu yairo jicu mũsare Jesu yainare noa dutija.

23 Gayo ya wuhũi jinocai nija yuhũ Paulo. To ya wuhũi Jesu yaina cah-machuna. Tiro cũhũ mũsare noa dutira. A yoa Erasto ahri maca macaina pũhtoare niñerure ñũ wihbobasariro mũsare noa dutira. Mari coyeiro Jesu yairo Cuarto cũhũ mũsare noa dutira.

24 [Yũ coyea mari pũhtoro Jesucristo mũsare jipihtinare to cahĩa mehne noano yoajaro. Āta yoajaro.]

Paulo Cohamacũre ño payoro joa batoara

25-27 Mari pũhtoro Jesucristo ya buhea mehne noaa buhea mehne Cohamacũ mũsare tirore wacũ tua namochũ yoa masina. Panopũre tí buhea noaa buhea ne masare yahuerari buhea jimaha. Mipũre Cohamacũ yare yahu mũhtaina cjiri ti joari cjiri mehne tí buheare yahua jira. Yuhũ cũhũ tíreta buheja. Tí buheare Cohamacũ ã jirucuriro to yahu site dutiro seheta jipihtiro macainapũ mipũre masina. Tí buheare tirota yahu dutiha masa tirore yũhti, ti wacũ tuahto cjihto sehe. Ā jina tirore “Potocãta noariro, tuariro jira mũhũ”, ni wahche payojihna. Tiro cũirota Cohamacũ dihta noano masi pahñoriro jira. Jesucristo to yoadohoa mehne Cohamacũre ã ño payorucujihna mari. Āta yoarucujihna.

1 Corintios

Paulo Cohamacu yainare Corinto macainare joarocaha

1-2 Yuhuh Paulo, Jesucristo yare buhe duti to cūriro jija. Cohamacu to cahmano seheta Jesu to cūhtiro cjihtore beseri jire yuhure tiro. Sostene wama tiro mehne musare Cohamacu yainare Corinto macainare joarocaja sã. Ahriro cūhu mari coyeiro Jesu yairo jira. Jesucristo mehne macaina musa jichu Cohamacu yaina cjihti beseri jire Jesu musare. ã yoa jipihtina paina mari puhtoro Jesucristore siniina jia, tina cūhu Cohamacu yainata jira. Ti ã jichu Jesucristo sehe mari jipihtina puhtoro jira. ã jina musare jipihtinare joarocaja sã. 3 ã yoa Cohamacu mari Puchu mehne, mari puhtoro Jesucristo mehne musare noa dutija. Cohamacu to yoadohoa mehne noano jiga musa.

Jesucristo sehe musare noano yoabasaha Cohamacure

4 Jesucristo yaina musa jiri baharo tiro sehe musare noano yoabasari jire Cohamacure. To ã yoabasachu ñuchu, Cohamacure “Noana”, nirucuja yuhuh dachoripe. 5 Cristo yaina musa jichu ñno Cohamacu sehe musare noano jichu yoari jire. Tuhsu, to yare musare painare noano yahuhtina cjihtire yoari jire tiro. ã jiro tiro to yare noano masichu yoari jire musare. 6 Cristo yare musare sã buheriro seheta ã yoari jire musare, Cristo yaina musa wahachu. 7 ã yoa Cohamacu musare noano yoadoho pahñocanohca. Mari puhtoro Jesucristo ahri yahpahu to tjua tahtore musa cohtaro watoi Cohamacu musare ã yoadohorucurohca. 8 Cohamacu musare yoadohorohca to yare musa ne duhuerahito sehe. To ã yoachu musa sehe dachoripe, ahri dacho pitichurpu cūhure ñaa buhiri marieina jirucunahca, Cohamacu to ñuchu.

ã jina Jesucristo mari puhtoro to tjua tachupure ñaa buhiri marieina jinahca musa. 9 Tíre Cohamacu to niriro seheta tiro yoara. Tiro to macano mari puhtoro Jesucristo yaina cjihtire marine beseri jire. To ã beserinare Jesu yaina jichu yoare marine.

Jesu yaina Corinto macaina cahmachua cahma sayoha ti basi

10 Yu coyea, mari puhtoro Jesucristo to dutiro mehne musare tuaro mehne yahui tai nija ahrire: Musa basi cahma sayoena tjiga. ã yoa musa basi cahma tju wa dapu jiena tjiga. Cū curuaihta jiga musa. ã jina jiape ni durucuena tjiga musa basi. ã yoana musa yoahito cjihtore tuhotuna, cāno potorita yoaga musa. 11 Yu coyea, musa basi cahma sayona niyuhca musa. ã ni yahure cāina Cloé ya wuhuh macaina yuhure.

12 Cāina musa mehne macaina õ sehe ni cahma sayoyuhca: “Paulo ya curua macaina jija sã”, ni cahma sayoyuhca cāina musa. ã yoa paina “Apolo ya curua macaina jija sã”, niyuhca tina cūhu. Paina sehe tjoa “Pedro ya curua macaina jija sã”, niyuhca tina cūhu. Paina sehe tjoa “Cristo ya curua macaina jija sã”, niyuhca tina cūhu. 13 Musa ã nipachuta Cristo yaina cū curuaihta jija mari. Mari basi cahma tju wa dapu masieraja mari. Cū curuaihta jija mari. Yuhuh Cristo jieraja. Tiro yoaro sehe musa ya buhirire crusapu yariariro cjiro jieraja. Tuua maeraja. ã jichu wiho jiriro jija. ã yoa musare pairo bautisaro, Cristo yaina musa jichu musare bautisari jire. Yu yaina musa jichu sehere musare bautisaerari jire. (ã jina yuhuh sehere ñu wahāena tjiga musa.)

14 Musare, musa mehne macaina cūhure bautisaerahi yuhuh. Crispore, Gayo cūhure tina dihtare bautisahi. Paina sehere bautisaerariro yu jichu noana, yu tuhotuchu. 15 Payu masare bautisariro yu jichu “Paul yaina sã jichu bautisare sãre”, ni ñu wahāboa

musa yuhure. Æ jicu tíre musa yoachu cahmaeraja. ¹⁶ Estéfana ya wuhu macaina cãhure bautisahi yuhu. Tópeinata bautisahi yuhu. Yuh bautisarinare painare wacũeraja yuhu. ¹⁷ Cristo yuhure warocaró, masare bautisahtirore cũerare yuhure tiro. Noaa buheare buhehtiro sehere yuhure cũre. Cristo crusapuh to yariarire mari buhechuh tí buhea marine noaina wahachuh yoara. To Æ yoapachuta noaa buheare yuh mũ sũro yuh buhechuh yuhuh sehere ñuh wahãboa musa. Musa Æ ñuh wahãna noaa buhea sehere ño payoeraboa musa. Tuhsuh noaina wahaeraboa. Æ jicu Jesu ya buheare buhesuh yuh mũ sũro yuh masia mehne buheraja yuhuh.

Cohamacuh to tuaa cãhure to masia cãhure cjũariro jira Cristo

¹⁸ Pichacapuh butihtina sehe Cristo crusapuh to yariarire mari yahuri buheare “Tũho masieraina ya buhea jira tí”, nimana butihtina sehe. Mari sehe Cristo to yũhdũchuh yoahntina cjihti jina õ sehe nija: “Crusapuh to yariarire mari yahuri buhea tí waro jia nina. Tí buhea Cohamacuh to tuaare yahura marine”, nija mari. ¹⁹ Cohamacuh sehe to yare ti joari pũi õ sehe nina: “Ahri yahpa macainare ‘Noano masiina jira’, ti niinare ti masia yaba cjihti jierachuh yoaihca yuhuh”, nia tiha Cohamacuh to yare ti joari pũi.

²⁰ Æ jia ahri yahpa macaina noano masiina ti masia yaba cjihti jierara. Sã coyea judio masare buheina cãhuh ti masia yaba cjihti jierara. Mipure ahri yahpa macaare durucu sayo mihniina cãhuh ti masia yaba cjihti jierara. Ahri yahpa macaina noano masiina ti jipachuta quihõno masieraina ti jirire masichuh yoare Cohamacuh. ²¹ Cohamacuh pinihta noano masiro jira. To Æ jichuh ahri yahpa macaina ti ya masia mehne Cohamacure ne masierara tina. Cohamacuh to masi dutieraro seheta Æ wahare tinare. Cohamacure cahmaeraina sehe õ sehe nina noaa

buhea warore: “Tũho masieraina ya buhea jira”, nimana. Æ jia noaa buheare “Tũho masieraa buhea”, ti nia buheare tũhoa Cristore masi dũcara masa. Tí Æ masi dũcachuh Cristore ti wacũ tuachuh ñũno tinare pichacapuh wahaborinare yũhdũchuh yoara Cohamacuh.

²² Judio masa Cohamacuh to tuaa mehne to yoa ñorire ñuh duaa nina. Æ yoa griego masa judio masa jieraina sehe noano ti masihti cjihtire macaa nina. ²³ Mari sehe Cristo crusapuh to yariarire yahuri buheare buheja mari. Tí buheare judio masa sehe ñuh yabira. Æ yoa tí buheare judio masa jieraina sehe “Tũho masieraina ya buhea jira”, ni tũhotura. ²⁴ Tí Æ ni tũhotupachuta Cohamacuh to yaina cjihti to beserina sehe tí buheare õ sehe nina. “Cristo ya buhea Cohamacuh to tuaare, to noano masiare masichuh yoara marine”, nina tina ahri buheare. Tina judio masa, judio masa jieraina jipahta, Æ nina Jesu yaina. ²⁵ Cohamacuh masi pahñoriro jira. “Tiro tũho masierariro jira”, masa ti ni tũhotupachuta ahri yahpa macaina yũhgoro noano masi pahñoriro jira tiro. Tuhsuh Cohamacure “Tuaerariro jira”, masa ti ni tũhotupachuta ti bui tua yũhdũchuh sũriro jira tiro.

²⁶ Yuh coyea, Cohamacuh mũsare to yaina yoachuh musa payuh wiho jiina musa jirire wacũga musa. Ahri yahpa macainare “Noano masiina”, ti niinare mahainacã Jesu yaina cjihtire beseri jire Cohamacuh. Tuhsuh pũhtoa cãhure mahainacã Jesu yaina cjihtire beseri jire tiro. Æ yoa pũhtoa pohna cãhure pache pũa pohna cãhure mahainacã Jesu yaina cjihtire beseri jire tiro. ²⁷ “Tũho masieraina jira”, ti niinare Cohamacuh beseri jire “Noano masiina jira”, ti niina ti bũoro wahahto cjihto sehe. Tuhsuh “Yaba cjihti jierara”, ti niinare Cohamacuh beseri jire, “Wiho jiina jierara”, ti niina ti bũoro wahahto cjihto sehe. ²⁸ Masa ti ñuh yabiinare “Yaba cjihti jierara”, nina masa. Tí Æ nirinare Cohamacuh

to yaina cjihtire beseri jire tinare. Æ besero “Pũtoa waro jira”, ti niinare wiho jiina ti jiare masichũ yoari jire Cohamacũ tinare. ²⁹ To ã yoachũ ñaa ahri yahpa macaina ne cãiro “Tuariro, noano masiro jija”, ne ni yũhdũrũca masierara, Cohamacũ to ñũchũ.

³⁰ Cohamacũ sehe marine Jesu yaina jichũ yoare. To yaina jina marine to yũhdũchũ yoari baharo jipihtia dachoripe Cohamacũ mehne jirucunahca mari. Jesucristo sehe Cohamacũ yare noano masichũ yoara marine. Tuhsũ mari ñaa buhirire cohãna. Æ yoaro mari ñaa yoari buhirire cosaro, marine “Noaina jira”, to ni ñũchũ yoara Cristo Cohamacũre. Æ yoaro marine pichacapũ wahaborinare yũhdũchũ yoara. ³¹ To ã yoachũ Cohamacũ yare ti joari pũi to ni joariro seheta ã wahara: “Yũ mũ sũro masi pahñoriro jija’, niriro tíre nieno tjijaro. Õ sehe nijaro: ‘Mari pũtoro Cristo sehe marine yũhdũchũ yoariro jira’, nijaro tiro”, nina Cohamacũ yare ti joari pũi.

2

Cristo crusapũ to yariarire sã yahuri buhea jira ahri

¹ Yũ coyea, mũsa cahapũ sũcũ “Noano masi pahñoja”, mũsare ni buherahi. Cohamacũ yare mũsare buhecũ, tó sehe ni buhecũ nierahi. ² “Õ sehe ni buheihtja”, nicũ mũsa mehne jicũ Jesucristo ya dihtare crusapũ to yariari dihtare wacũcũ, tí buheare buhei yũhũ. ³ Tuhsũ, mũsa mehne jicũ wiho jiriro yoaro sehe jii yũhũ. Æ jicũ Cohamacũ yare quihõno buhe duariro jicũ cuiriro teterreriro yoaro sehe jii yũhũ. ⁴ Æ jicũ Cohamacũ yare buhecũ, “Masi pahñoja”, ni buherahi. Mijoa durucua mehne yũ mũ sũro buherahi. To yare yũ buhechũ Espiritu Santo to tuaa mehne yũ buhechũ ñare mũsa. ⁵ Õ seheta ni buhei yũhũ mũsare masa ti mũ sũro ti buhea sehere mũsa cahmaerahto sehe. Cohamacũ

sehere mũsa wacũ tuahtore ã ni buhei yũhũ.

Espiritu Santo sehe Cohamacũ to jia tiare buhera marine

⁶ Æ jina Cohamacũ ya buheare mũsare Jesure noano masinare yahuja sã. Masa ti mũ sũro ti buhea yoaro sehe jierara ahri mũsare sã buhea. Ti pũtoa ya buhea cãhũ jierara. Tina sehe pihtia wahaahca. ⁷ Paina ti masierari cjihtire Cohamacũ ya durucua cjihtire yahuja sã sehe. Panopũre ahri buheare Cohamacũ yaina cjiri noano masi pahñorari jire. Ahri yahpa to jihto pano ahri buhea ti niriro seheta “Æta wahajaro”, ni tuhsũa tiri jire Cohamacũ. Marine pichacapũ wahaborinare to yũhdũchũ yoahto cjihtore, tiro mehne mari jirucuhto cjihtore, tiro yoaro seheta mari wahahto cjihto cãhũre. “Æta wahajaro”, nia tiri jire tiro. ⁸ To ã nichũ Cohamacũre cahmaeraina pũtoa ne to buheare tũho duaeraa, masierari jire. Tíre noano masia, mari pũtorore Cohamacũ macũno warore crusapũ cã puha wajãeraboa tina. ⁹ Cohamacũ yare ti joari tjui Õ sehe nina:

“Jipihtina Cohamacũre cahĩina ya cjihtire Cohamacũ noano cahnobasa tuhsũha.

Noa yũhdũara tí to cahnobasari.

Tí to cahnobasarire mari ne ñũerana, tũhoerahi.

Æ jina ‘Õ sehe yoarohca Cohamacũ’ ni, dohse masiyu pahñohto basioerara marine”,

nina Cohamacũ yare ti joari pũi. ¹⁰ To ã nipachũta Espiritu Santo Cohamacũ yare masichũ yoare marine. Jipihtia Cohamacũ yare Espiritu Santo masi pahñona. Æ masino tiro marine tíre masichũ yoara.

¹¹ Ne paina sehe masũno to masiare masierara. Wiho mejeta masũno sehe to basi to wacũapũ to tũhotuare masina. Tó seheta paina Cohamacũ to masiare ne masierara. Cohamacũ to Espiritu Santo dihta to masiare masina, masũno to basi to tũhotuare to masino seheta. ¹² Æ yo

mari sehe Jesu yaina jina masa ti m̄suro ti buheare c̄juaeraja. Cohamac̄u to Esp̄iritu ware marine masich̄u yoaro taro. Tiro marine to noano yoah̄tore masich̄u yoara Esp̄iritu Santo sehe. ¹³ Cohamac̄u yare m̄sare buhena, masa ya masia mehne s̄a m̄suro buheraja s̄a. Esp̄iritu Santo to buhea sehere m̄sare buheja. ã buhena Esp̄iritu Santore c̄juainare Cohamac̄u yare noano buheja s̄a.

¹⁴ Esp̄iritu Santore c̄juaeraina sehe Esp̄iritu Santo yare ne cahmaerara. “To ya wiho warota jira”, nimana tina. Esp̄iritu Santo to yoadohoro marieno ne to yare masihto basioerara masare. ã jia tina to yare ne masierara. ¹⁵ Esp̄iritu Santore c̄juaina sehe Cohamac̄u yare noano masina. ã jia jipihtiare noano bese masina. Paina sehe tinare “Noaina jira. Naina jira”, ni bese masierara Esp̄iritu Santore c̄juainare. ¹⁶ Õ sehe nina Cohamac̄u yare ti joari p̄ui: “Mari p̄uhtoro Cristo to t̄hotuare masiina ne mariahna. ã yoa tirore masa ne ‘Õ sehe yoaga’, ni masierara”, nina to yare ti joari p̄ui. Mari sehe Cristo yaina jina, Cristo yoaro seheta masija mari.

3

Jesu yaina c̄ano p̄otori Cohamac̄u dahra cohtaina jira

¹⁻² Ȳu coyea, m̄sare buhec̄u Esp̄iritu Santore noano ȳuhtiinare ȳu buheriro seheta buhe masierahi m̄sa sehere. Cristo yaina jipanahta, wih̄ainac̄a ti wahiquiro dihirore ti ch̄u masierariro seheta Cohamac̄u yare noano masierare m̄sa. Mip̄u c̄uh̄are noano masierasiniyuhca m̄sa. ã jina wih̄ainac̄a p̄ẽchore ti p̄ũno seheta mijoera curea buhea dihtare t̄hoyuhca m̄sa. ã jich̄u t̄o sehe jia buhea dihtare buhei m̄sare. Cristo yaina jipanahta wih̄ainac̄a ti ch̄u masierariro seheta Cristo yare noano masierayuhca m̄sa. ³ M̄sa sehe m̄sa mehne macainare ti noano wahach̄u ñ̄na ñ̄u tuhtina,

cahmachena, m̄sa basi c̄a curuari t̄ju war̄uc̄u s̄na, Esp̄iritu Santore c̄juaeraina yoaro sehe yoana niyuhca m̄sa. ã yoana ahri yahpa macaina Cristore cahmaeraina yoaro sehe yoayuhca m̄sa. ⁴ Õ sehe niyuhca m̄sa: “Paulo mehne macaina jija s̄a”, niyuhca c̄aina m̄sa. ã jia paina m̄sa mehne macaina sehe “Apolo mehne macaina jija s̄a”, niyuhca. M̄sa ã ni durucuna Esp̄iritu Santore c̄juaeraina yoaro sehe ni durucuna nica m̄sa.

⁵ ¿Ȳuh̄u Paulo, Apolo mehne dohse yoah̄tina c̄ijhti j̄jari s̄a, m̄sa t̄hotuch̄u? Õ sehe yoah̄tina jina nija s̄a: Cohamac̄u to dutiriro seheta tirore dahra cohtaina wiho j̄ina jija s̄a. ã jina m̄sare s̄a buhech̄u t̄hona Jesucristore wac̄u tua d̄ucare m̄sa. ⁶ Noaa buheare buheina wesep̄u dahraina yoaro sehe jira mari piti dahre buhech̄u. Wese p̄uro to toa m̄htariro seheta ȳuh̄u c̄uh̄u m̄sare buhe m̄htahi. Tuhs̄u, paio wesere to cure n̄n̄u tiriro seheta Apolo sehe ȳu baharo m̄sare buhe namo n̄n̄u tire. S̄a ã buhepach̄uta wese macaa toaare b̄uc̄u namoch̄u to yoariro seheta Cohamac̄u sehe m̄sare to yare masi namoch̄u yoahre. ⁷ ã jich̄u ȳuh̄u buhe m̄htariro jipaihta wiho jiriro jija. ã jiro Apolo ȳu baharo buhe n̄n̄u tiriro c̄uh̄u wiho jirirota jira. Cohamac̄u pinihta toaare to b̄uc̄u namoch̄u yoariro seheta to yainare tirore masi namoch̄u yoara. ã jiro Cohamac̄u sehe wiho jiriro jierara. ⁸ Toa m̄htariro, baharo cure n̄n̄u tiriro c̄ano p̄otori dahra cohtaina wiho j̄inata jimana tina. ã jia ti dahrariro purota wapata tina. T̄o seheta jija s̄a, Apolo mehne. ⁹ ã jina s̄a Cohamac̄u yare dahra cohtaina jija. ã yoa Apolo ȳu piti jira. S̄a ã jich̄u m̄sa sehe Cohamac̄u ya wese yoaro seheta jira. M̄sa ã jich̄u Cohamac̄u wese macaa toaare to b̄uc̄u namoch̄u yoariro seheta m̄sare to yare masi namoch̄u yoarohca tiro.

Ã yoa Cohamacu musare to yainare noari curua yoaro nina. Ã jina tãa mehne ti yoari wuhu yoaro sehe jira musa to ya curua macaina mari piti dahre buhechu. ¹⁰ Musa ã jichu Cohamacu yuhure to dutiriro seheta yuhu sehe wuhu dahre mihmiriro tãare to cū mūhtariro seheta Jesu-cristo yare musare buhe mūhtai. Ã jiro tí tãa bui paio to yoa namo mūjariro seheta paio yu baharo buhe namo nūnu tiro nina. Ã buhe namono noano yoaro cahmana. Ne papero marieno noano buhejaro tiro. Cristo ya dihtare buhejaro tiro. ¹¹ Wuhure ti dahre dūca ti cū mūhtari tãa yoaro sehe Cristo jira. Ã jina tí tãare sã noano cū mūhtariro seheta Cristo yare buhe tuhsu. Pairo ya buhea sehere mari buhechu tó wahaerara. ¹²⁻¹⁵ Uru mehne, plata mehne, wapa bujua tãa mehne mari yoari wuhure mari jū ñuchu jūerara. Tó seheta Jesucristo yare mari noano yoari baharo pihtiri dacho jichu Cohamacu mari yoarire to jū ñano seheta yoarohca mari yoarire masino taro. Tó sehe to yoachū noari wuhū to jūerariro seheta mari yoarire ti noaa jichū masinohca. Ã yoaro mari noano yoarina mari jichū masichū yoarohca tiro. Noaare mari yoari wapa noano yoarohca marine. Yucuri mehne, tja mehne, ñaia pūri mehne mari yoari wuhure mari jū ñuchū jūa waharohca. Tó seheta Jesucristo yare mari noano yoareri baharo pihtiri dacho jichū, Cohamacu mari yoarire jū ñano sehe yoarohca mari yoarire masino taro. Tó sehe to yoachū ñari wuhū to jūa wahariro seheta mari yoarire ñaa ti jichū tiro masinohca. Ã yoaro mari noano yoaraina mari jichū marine masichū yoarohca tiro. Noano yoaraina mari jichū ñano noaare mari yoamari wapare noano yoasi. Tó sehe jūinare Cohamacu yuhdūchu yoarohca. To ã yuhdūchu yoapachūta tó sehe noano yoaraina mahānocā cohōbo cure yuhdūhca.

¹⁶ Musa sehe Jesu yaina Cohamacu ya wuhū yoaro sehe jira. Musa ã jichū ñano tí wuhū to jiboro seheta Espiritu Santo sehe musa mehne jira. ¿Tíre masierajari musa? ¹⁷ Cohamacu ya wuhū ñaa marieni wuhū jira. Ã jina musa cūhu tí wuhū yoaro sehe jina to yaina warota jira. Ã jiro to yainare cūiro to dojomehnechu Cohamacu pichacapū cohānohca tiro sehere.

¹⁸ Mahñoare tūhotuena tjiga musa. “Mipū macaina ya masiare noano masija”, ni tūhoturiro musa mehne macariro jiro Jesu ya sehere noano masijaro. To ã masichū ñaa paina tirore “Tūho masierariro jira”, ni-ahca. Ã jiro Jesu yare masino, potocāta noano masiriro waharohca. ¹⁹ Masa ti mū sūro ti basi ti masiare “Wiho warota jira”, ni tūhotura Cohamacu. Āta nina Cohamacu yare ti joari pūi: “Ti mū sūro masiina ti masia yaba cjihti jierara Cohamacu to ñuchū. Ã jiro ti yoa duaare dūcatara tinare”, nina Cohamacu yare ti joari pūi. ²⁰ Ã yoa pa pūpū ō sehe nina: “Masa ti mū sūro masi pahñoina ti tūhotua yaba cjihti ti jierachū masina mari pūhtoro Cohamacu sehe”, nina Cohamacu yare ti joari pūi. ²¹⁻²² Ā jina “Sã mū sūro yoahi”, ni masieraja mari masa jina. Ã jina yuhū Paulo, Apolo, Pedro mehne sã jipihtina Cohamacu musare to yoadoho dutiina jina, musare dahra cohtaina jija sã. Jipihtia musa ya jira. Cohamacu to bajuamehnerire, catia cūhure ware musare. Tuhsū, pichacapū wahaerachū yoarohca musare. Mipū jiare baharopū jhti cūhure musare warohca. Ā jia jipihtia musa ya jira. ²³ Ā yoa musa sehe Cristo yaina jira. Cristo sehe Cohamacu yairo jira.

4

Cristo to yare buhe duti to cūrina ti dahraare yahuha Paulo

¹ Ō sehe ni tūhotuga musa yuhure Apolo cūhure: “Tina sehe Cristore dahra cohtaina jira. Ā jia masa

ti masierari cjiire Cohamacu yare buheina jira”, ni tūhotuga mūsa sāre. ² Dahra cohtaina ti pūhtoro to dutiro seheta yoa cohtara. ³ Wiho mejeta yūhure mūsa yahuwajapachuta ā tūhotunocaja yūhū. Paina pūhtoa yūhure ti yahuwajachu cūhure ā tūhotunocaja yūhū. Yū yoaare űna “Ahri noaa jira. Ahri űna jira”, ni masierara mūsa. Yūhū cūhū masūnota jija. Ā jicu yū yoaare noano masi pahűoeraja yūhū cūhū. ⁴ “Cristo yare yū yūhdurucari yūhure mari-ahna”, ni tūhotumaja yūhū. Yū ō sehe ni tūhotupachuta buhiri tia jisiboca yūhure. Mari pūhtoro Cristo dihta yū yoaare űno, noano masina. ⁵ Ā jina mari pūhtoro to tjua tahto pano masare űno ni yahuwajaena tjiga mūsa. Tiro tjua taro masa ti yoarire, panopū paina ti masierari cjiire Cristo masichū yoarohca. Ā jiro mari yoa duarire, mari tūhotuare tiro masichū yoarohca. Ā yoaro to yare yoainare Cohamacu “Noano yoare mūsa”, ninohca.

⁶ Yū coyea, yūhū Apolo mehne sā buheri cjiire yahuhū yūhū mū sare buhecū tacū, sāre mūsa űnū cūhto sehe. Ā yahuhū yūhū Cohamacu to yare ti joari pūi to niriro seheta quihōno mūsa yoarucuhto sehe. Ā yoana mūsa mehne macainare cūno potori űno payoga. Cūiroreta űno payoena tjiga. ⁷ Mūsa sehe paina yūhdoro noaina jierara. Masi yūhdurucaina jierara mūsa. Cohamacu mū sare to wari cjiri dihtare cjuara mūsa. Ā cjuana mū sare to yahuri cjiri dihtare masina mūsa. Ķmūsa mū sūro cjuaina, mūsa mū sūro masiina jierapanahta, dohse yoana “Masi pahűoina jija”, nijari mūsa? Ā nina “Sā mū sūro masija sā”, niborina seheta yoara mūsa.

⁸ Mūsa sehe “Cohamacu yare masi pahűoja sā. Sāre yaba waro dūhsaerara”, nimana mūsa. Tuhsū, mūsa cahai sā jierachū mūsa ō sehe ni tūhotumana: “Pūhtoa yoaro sehe masiina jija sā”, ni tūhotumana mūsa. Potocāta Cohamacure masi pahűoina

pūhtoa yoaro sehe masiina mūsa jichū mū sare noabiaboa. Mūsa ā jichū mūsa mehne sā cūhū pūhtoa yoaro sehe masiina jiboa.

⁹ Ō sehe ni tūhotuja yūhū pinihta: Sāre Jesu to yare buhe dutiro cūno, masape doca macari curua cūre sāre. Paina ti wajāhtina yoaro sehe űna masa sāre. Ahri yahpa macaina masa, anjoa cūhū wapanaűoina yoaro sehe űna sāre. ¹⁰ Cristo yare sā buhechū űna “Tūho masieraina jira”, ni űna masa sāre. Ā jia Cristo yare sā yoachū űna, sāre űnū tuhtira. Mūsa sehere űna, “Noano masiina jira”, ni tūhotumana masa. “Cohamacure wacū tuaeraina jira”, ni tūhotumana masa sāre. Mūsa sehere űna, “Noano wacū tuaina jira”, ni tūhotumana tina. Mūsa sehere masa űno payora. Sā sehere tina ne űno payoerara. ¹¹ Sā sehe mipure űno yūhdūina, jūca baaina, űahma yapi-oina, űno suhti maeraina, wūhūse maeraina jija. Tuhsū, paina sāre űno payoeraa, sāre űno yoara. ¹² Ā yoa sā tuaro dahraja. Tuhsū, paina sāre űno ni ti durucupachuta sā sehe tinare “Noano jiga”, nija sā. Ā yoana paina sāre űno ti yoapachuta ā tūhotunocaja sā. ¹³ “űno yoaina jira”, sāre ti nipachuta sā sehe noano mehne tinare yoaja. Panopū, mipū cūhure űna wete tiina yoaro sehe masape curuari doca macari curua yoaro sehe űna masa sāre.

¹⁴⁻¹⁵ Mū sare noaa buheare buhe mūhtacu mūsa pūcu yoaro seheta wahai yūhū. Payū mū sare Cristo yare buheina ti jipachuta mū sare buhe mūhtariro cūirota jija yūhū. Ā jiro jicu mū sare buo tichū yoi tai ahrire joai nieraja yūhū. Yū pohna warore, yū cahūinare yū dutiboriro seheta mū sare noano mehne duticu tacū ahrire joaja yūhū. ¹⁶ Ā jicu ahrire mū sare tuaro mehne dutii tai nija yūhū. Yūhure űnū cūga mūsa.

¹⁷ Ahrire yoa duticu tacū mūsa cahai Timoteore warocahi. Tiro yū cahūiro mari pūhtoro Jesu yairo jira. Ā jiro Cristo yare yoarucura tiro.

Cristo yare mari yoahire jipihtina Jesu yaina cahap̄ buhei yuh̄. Timoteo tíre m̄sare wac̄rucuch̄ yoarohca. ã jic̄u Cristo yare yu yoariro seheta m̄sa ñ̄ c̄ũhto sehe Timoteore warocahi yuh̄. ¹⁸ Timoteore yu warocach̄ c̄aina m̄sa mehne macaina p̄h̄toa ji duaina õ sehe nimana: “Paulo marine cuiro, mari cahap̄ tasi”, ni t̄hotumana tina. ¹⁹ Cohamac̄u cahmach̄u m̄sa cahap̄u michapucac̄ata s̄ihca. ã s̄uc̄u p̄h̄toa ji duainare m̄sa mehne macainare ti durucua quih̄no jich̄u masihtja yuh̄. ã yoa Cohamac̄u tuaare potoc̄ata ti c̄h̄ach̄u c̄h̄ure masihtja yuh̄. ²⁰ “Cohamac̄u s̄a p̄h̄toro jira”, mari ni yahupach̄uta to yare mari yoerach̄u tí mari ã nimari cjiri yaba cjihti jierara. Cohamac̄u to tuaa mehne to cahmano sehe yoa masija. Tí pinihta wiho waro jierara. ²¹ ¿M̄sa cahap̄u m̄sare buhiri dahrehtiro m̄sare tuhtih̄tiro yu wahach̄u cahmajari m̄sa yuh̄ure? ¿O m̄sare cah̄iuro m̄sare wahchehtiro yu wahach̄u cahmajari m̄sa yuh̄ure? ¿Dohse jiriro yu wahach̄u cahmajari m̄sa?

5

Corinto macaina ti w̄ana tirire yahuha Paulo

¹ Potoc̄ata õ sehe quiti tira s̄are paina: C̄airo m̄sa mehne macariro to p̄c̄uro namonore w̄ana tiyuhca. ãta ni yahura masa s̄are. Paina Cohamac̄ure cahmaeraina jipahta tina sehe tó sehe yoaina jierara. ² M̄sa mehne macariro to ã yoapach̄uta m̄sa sehe “Quih̄no yoana nija s̄a”, ni t̄hotumana. ¿Dohse yoana to ñ̄aa yoarire masipanahta cahyaerajari m̄sa? ã jina ã ñ̄ano yoarirore m̄sa mehne Jesu yaina mehne jirirore cohã wioboa m̄sa. ³ Yuh̄u m̄sa mehne jierapaihta yu wac̄up̄u m̄sa mehnet̄a jija yuh̄. ã jic̄u m̄sa mehne jic̄u yu niboriro seheta ñ̄ano yoarirore to ã ñ̄ano yoari buhiri buhiri dahre duti tuhs̄aja

yuh̄. ⁴ Jesu to dutiro mehnet̄a ã yoa dutija. ã jina m̄sa cahmachuna yu wac̄ua mehner̄u m̄sa mehne yu jich̄u to p̄c̄uro namono mehne ñ̄ano yoarirore cohã wiona, mari p̄h̄toro Jesu to tuaa mehne õ sehe niga ñ̄ano yoarirore: ⁵ “Wat̄ino to cahmano seheta m̄h̄ure yoawahnojar̄o”, niga tirore. ãta niga tirore ñ̄aare to goa pjari cjirire to duhuhto sehe. M̄sa ã cohãch̄u tiro ñ̄ano yuh̄d̄urohca. Mari p̄h̄toro Jesu to tjua tari dachoi ñ̄ano yoariro cjiro Jesu mehne to noano yuh̄d̄uhto sehe mip̄ure tirore ã niga.

⁶ “Quih̄no yoana nija s̄a”, ni panahta ñ̄ano yoana nica m̄sa. ñ̄ano yoarirore m̄sa ã ñ̄anocahna, tí ñ̄aare m̄sa jipihtina piha pihtia wahanahca. P̄ao b̄uc̄uro trigore to noano s̄aar̄uc̄u s̄uriro seheta tí ñ̄aa m̄sare piha, noano s̄aar̄uc̄u s̄ua waharohca. ¿Tíre masierajari m̄sa?

⁷ Yu coyea judio masa pascua jich̄u ovejare wajã, jã m̄uo, Cohamac̄ure ñ̄o payora. Tó seheta oveja to yariariro seheta Cristo mari ñ̄aa buhirire yariari jire. To ã waharire masina, m̄sa sehe ñ̄ano yoarirore m̄sa mehne macarirore cohã wioga tí ñ̄aa m̄sare to pihaerahto sehe. M̄sa ñ̄aa yoari buhirire cohã tuhs̄ure Cristo. ã jina ñ̄ano yoarirore cohã wioga “Tí ñ̄aare pihari”, nina. ⁸ P̄ao b̄uc̄uro trigore to s̄aar̄uc̄u s̄uriro seheta panop̄u ñ̄aare ñ̄u c̄ũ yoa pihtiina jimai mari. ã jina pascua bose num̄rihi p̄ao b̄uc̄uro marieno p̄aore ti ch̄uriro seheta mari c̄uh̄u ñ̄aare goa pjaro marieno ñ̄ano yoaro marieno jijihna. Panop̄u mari ñ̄aare mari yoaa tiriro sehe yoaena tjijihna. ã yoana potoc̄a noano t̄hotua mehne, noano yoaina jijihna.

⁹ M̄sare yu joarocari p̄p̄ure Jesu yairo jiparota ã w̄ana tirucurirore ne piti ti dutieramahi. ¹⁰ ã nic̄u numia mehne ñ̄ano yoainare, m̄sa mehne ñ̄ano yoaa numiare, paina yare goa pjainare, yacainare, “Cohamac̄u jira”, ti nia mas̄urine ñ̄o payoinare Jesu yaina ti jierach̄u “Tina

mehne jiena tjiga”, nieraja. Ahri yahpai tó sehe jiina marieno Jesure cahmaeraina marieno mari dihta ji masieraja. Jipihtiropu jira tina sehe. ¹¹ ã jicu musare joarocacu õ sehe yoa dutimahi: Musa mehne macariro “Jesu yairo”, ti niriro to jipachuta numino mehne ñano yoariro, paye barore goa pjariro, “Cohamacu jira”, ti nia masurine ño payoriro, ñano quti dahrerucuriro, cahariro, yacariro to jichu tirore piti tiena tjiga. ã jina tó sehe yoariro mehne pinihtare chüena tjiga. ¹² Jesu yaina jierainare ti ñaa yoari buhirire ne buhiri dahre dutiriro jieraja yuhü. Tó sehe buhiri dahre dutiriro jira Cohamacu sehe. Yu ã nipachuta musa mehne cahmachuina Jesu yaina musa basi musa yoarire ñana masino cahmana musa sehere. ã tühotunocaeraro cahmana. ã jina musa sehe tina ti ñano yoachü ñana buhiri dahrega tinare. ¹³ Jesu yaina jieraina sehere Cohamacu sehe buhiri dahrerohca. ã jina musa sehe musa mehne macarirore ñano yoarirore cohã wioga.

6

Jesu yainare ti basi ti yahusaãrire yahuha Paulo

¹ ¿Musa basi cahma ñu tuhti yahusã duana dohse jiro baro Jesu yaina jieraina cahapu musa coyeare Jesu yainare yahusãna wahajari? Jesu yainare musa mehne macainare yahusã duana paina Jesu yaina sehere tíre yahuro cahmana musare. ã jia Jesu yainapu besejaro. ² Pihtiri dacho jichu mari Jesu yaina sehe masa jipihtina ti yoarire ñana “Ahri ñaa jira. Ahri noaa jira”, besenahca mari tinare. ¿Tíre masierajari musa? ã jina pihtiri dacho jichu masa jipihinare besehtina jina, mipu cühure bese masija mari. ã jina mipure wiho jiacã buhiri cühure bese masija mari. ³ Anjoa ti yoarire ñana tina cühure besenahca mari. ¿Tíre masierajari musa? Mari ã besehtina jina potocãta

tí yuhdoro mipu cühure Jesu yaina ti yoarire ñana bese masija mari. ⁴ ¿ã jina dohse yoana musa mehne macainare yahusã duana mari mehne jieraina cahapu Jesu yainare yahusãna wahajari musa? ⁵ Ahrire nii nija musa quihõno yoarerare musa cahyahto cjihtore. ¿Musa mehne macainare musa cahma sayochu musare yahuhtiro musa mehne macariro noano masiriro mariajari? Jira. ⁶ To ã jipachuta musa mehne macariro Jesu yairo paio Jesu yairore yahusã duaro Jesure cahmaerainare yahusãno wahara.

⁷ Masare beseina puhtoare musa mehne macainare yahusãna Jesu yaina jipanahta quihõno yoerara musa. Pairo musa mehne macariro musare ñano to yoachü ã ñnocaboa musa. Jesure cahmaerainare musa yahusãhto pano musa coyeirore musa ã ñnocachu noabiaboa. Jesu yairo musare to yacachu tirore musa yahusãhto pano tiro to yacarire musa ã ñnocachu noabiaboa. ⁸ ã yoaborina jipanahta paina musa mehne macaina Jesu yaina ti jipachuta tinare ñano yoaina, yacaina jira musa.

⁹⁻¹⁰ Tó sehe yoaina puhtoro Cohamacu to sühö jiropure manopure waha masierara. ¿Tíre masierajari musa? Mahñoare tühotuena tjiga musa: Wüana tiina, “Cohamacu jira”, ti nia masurine ño payoina, numia mehne ñano yoaina, müa mehne ñano yoaa numia, müa sahsero ti pjacuri mehne ñano yoaina, numia sahsero ti pjacuri mehne ñano yoaa numia, yacaina, paina yare goa pjaina, cahaina, masare ñano tuhtipeina, masa ti cjaare maina baro ne Puhtoro Cohamacu to sühö jiropure manopure waha masierara. ¹¹ Panopure musa cühü tó sehe yoaina tjimahre. ã yoamarina musa jipachuta mipure musa ñano yoari buhirire cosa tuhsari jire Jesucristo sehe. ã to cosarina musa jichu to yaina cjihtire yoare Cohamacu musare. ã yoaro “Noaina jira”, ni

ñuna musare tiro. Āta yoare musare mari puhtoro Jesucristo, Espiritu Santo cūhu ti tuaa mehne.

Mari pjacuri Cristo ya pjacuri jia nina

¹² “Yu cahmano sehe yoa masija yuhū”, niyuhca cāina mūsa. Tí potocā to jipachuta tíre yoacu noano jieraboca yuhū. Yu cahmano sehe yoa masija. Ā yoa masipaihta cāa tahari ā yoariro jicu tíre duhu masieraboca yuhū. Ā jicu tíre pari turi yoasi yuhū, “Tíre duhu masieraboca”, nicū. ¹³ Ō sehe nina mūsa: “Jipihtia chūa mari pjaro macaa cjihti jira. Tuhsū mari pjaro chūa posa tihti pjaro jira”, nina mūsa. Tí potocā tjira. Ā jiparota baharo Cohamacū sehe mari chūare mari pjaro cūhūre ti pihtia wahachū yoarohca. Ā jia mari chūa wiho warota jia nina. Chūa mari pjaro macaa cjihti jira. Ā jiparota mari pjacuri numino mehne ñano yoahiti pjacuri jierara. Mari pjacuri sehe mari puhtoro Cristo ya pjacuri cjihti jia nina. Ā jiro mari puhtoro sehe mari pjacurire noano yoahitiro cjihto jira. ¹⁴ Cohamacū to tuaa mehne mari puhtoro Cristore masori jire. Ā to yoariro seheta mari cūhūre masonohca tiro.

¹⁵ Ā jina mūsa pjacuri Cristo ya pjacuri ti jichū masierajari mūsa? Ā ti ā jichū Cristo ya pjacū mehne ñano yoaricoro mehne mari ñano yoachū noajari, mūsa tuhotuchū? Noaerara. ¹⁶ Ñano yoaricorore ñahariro to pjacū sehe ticoro ya pjacū mehne jiro, cū pjacū yoaro seheta jira. Ā tíre masierajari mūsa? Āta ni joaa tiri jire Cohamacū yare ti joari tjui: “Tina puaro jipahta cū pjacū yoaro sehe wahara”, ni joaa tiri jire. ¹⁷ Mari puhtoro to yaina mehne jira. Ā jiro Jesu yairo Jesu mehne puaro jipahta cāno potori tuhotuina cūirota ti jiboro seheta jira.

¹⁸ Ā jina numia mehne ñano yoaaere, mūa mehne ñano yoaaere goa pjaena tjiga. Tíre mūsa yabiro seheta tíre yoaena tjiga. Paye ñaare mari

yoana mari pjacure dojomehneraja. Numino mehne ñano yoariro sehe to pjacure ñano dojomehnena. ¹⁹ Espiritu Santore marine ware Cohamacū. Ā jiro mari mehne jiro nina Espiritu Santo sehe. Ā tíre masierajari mūsa? Ā jia mūsa pjacuri mūsa catia cūhu mūsa ya cjihti waro jierara. Cohamacū yaina cjihti waro jira mūsa. ²⁰ Mūsa ñaa buhirire buhiri dahre tuhsure Cristore. Ā jina to yaina cjihti waro jira mūsa. To yaina jina mūsa pjacuri mehne Cohamacū to cahmano sehe yoaga. Ā yoana Cohamacure ño payona nina mūsa.

7

Namo tiare yahuha Paulo

¹ Mipure yuhūre mūsa sinitu mūsa joarocari cjirire yuhū cūhu yuhiti cahmai tai nija: Masūno namo tierachū cūhūre, noanocahna, yū tuhotuchū. ² Tí ā jipachuta mūa sehe namo tijaro paina numia mehne ti ñano yoaer-ahto sehe. Ā jia numia cūhu manū tijaro paina mūa mehne ti ñano yoaer-ahto sehe. ³⁻⁴ Manū tiricoro to pjacū to ya pjacū dihta jierara. To manūno ya pjacū cūhu jira. To manūno cūhu to pjacū to ya pjacū dihta jierara. To namono ya pjacū cūhu jira. Ā jina mūsa mūa sehe mūsa namosānumiare noano cūaga. Ā yoa mūsa numia cūhu mūsa manūsumare “Yu pjacure pihaecu tjiga”, niena tjiga. ⁵ Wiho mejeta Cohamacure puaro mūsa sini duana “Mahaa dachoricā mari basi jiena tjijihna. Cohamacure sinijihna”, cāno potori ā nina, mūsa basi wahā duhu masina mūsa. Mūsa ā duhuri baharo mūsa jiriro seheta jirucuga tjoa, Satana ñano musare to yoa dutierahto sehe. “Paina mehne ñano yoaboca” nina, mūsa basi piti ti duhuena tjiga. Mūsa jiriro seheta jirucuga tjoa.

⁶ Ahrire musare mipū yū niri cjirire yahucū musare dutia waro mehne nieraja. Ā yahuta nija mūsa yoah-tore mūsa masihto sehe. ⁷ Jipihtina mūsa yū yoaro seheta namo tieraina

musa jichu noaboa yuhure. ã ji dupanahata mari jipihtina cãno potori jieraja. Cãinare marine namo ti dutira Cohamacu. Cãinare namo ti dutierara.

⁸ ã yoa namo marieinare, manu marieinare, wapewahya cãhure õ sehe nija: Namu marieina, manu marieina ji masina, ãta jinocahga musa yu yoaro sehetu. ⁹ ã ji masierana tuaro ñaare goa pjana, potota namo tiga. ã yoa numia cãhu manu tiga. Ñaare musa goa pjachu noeraputiara musare. Musu ã goa pjana musa namo tichu pinihta noa nina. ã yoa musa manu tichu cãhure noana.

¹⁰ Musu namo tiinare, manu tia numiare õ sehe dutija. Yu ã nipachuta ya dutia waro jierara ahri. Mari puhtoro Cristo ahrire dutira: Musu numia sehe musa manusumare cohãena tjiga. ¹¹ Musu manusumare cohãna, manu mariea numia sehe tjuaga. ã tju aerana pari turi tjoa musa manusuma mehne noano jiga tjoa. ã yoa musa cãhu musa musa namosãnumiare cohãena tjiga.

¹² ã yoa musa cãhure painare õ sehe nija yuhu. Mari puhtoro to dutia jierara ahri. Yuhu sehe õ sehe nija musare: Cãina musa mehne macaina Jesu yaina sehe Jesure cahmaeraa numiare namo tiina jira. ã jina musa namosãnumia musa mehne ti tjua duachu tí numiare cohãena tjiga musa. ¹³ ã yoa cãina musa mehne macaa numia Jesu yaina numia Jesure cahmaerainare manu tia numia jira. ã jina musa manusuma musa mehne ti tjua duachu tinare cohãena tjiga. ¹⁴ Musu manusuma Jesure cahmaeraina jipahta Jesu yaina numiare ti namo tichu, Cohamacu noaina yoaro sehe ñuna tinare. ã yoa musa musa sehe Jesu yaina musa jichu musa namosãnumia Jesure cahmaera numia jiboca. Ti ã jipachuta musa mehne tí numia manu tichu Cohamacu noa numia yoaro sehe ñuna tí numia cãhure. To ã ñerachu musa pohna Jesure

cahmaeraina pohna yoaro sehe ñuaboa Cohamacu. Wiho mejeta ti pohna cãhure noaina yoaro sehe ñuna Cohamacu. ¹⁵ ã yoa musa musa sehere musa namosãnumia Jesure cahmaeraa numia musare cohã duaa, ãta yoajaro. Musu manusuma cãhu ã cohã duaa, ãta yoajaro. Noano mari jichu cahmana Cohamacu. ã jiro tí numia musare ti cohã duachu “Tí numia mehne jisiniga”, ni dutierara Cohamacu. ¹⁶ Ti namosãnumia Jesu yaina numia sehe noano ti yoachu ñu baharopu ti manusuma sehe Jesure cahmaboca. ã ti cahmachu Cohamacu tinare pichacapu wahaborinare yuhduchu yoarohca. ã yoa ti manusuma Jesu yaina sehe noano ti yoachu ñu baharopu ti namosãnumia Jesure cahmaboca. Ti ã cahmachu Cohamacu tí numiare pichacapu wahabori numiare yuhduchu yoarohca. ã Jesure cahmaborina ti jipachuta potota Jesure ti cahmahtore masiyuhto basioerara musare.

¹⁷ ã jina jipihtina musa mari puhtoro Cristo musare to ji dutiriro sehetu yoaga. ã yoana Cohamacu musare to cãri cjirire yoaga musa. Tíre jipihtina Jesu yainare ã yoa dutirucuja yuhu. ¹⁸ Jesu yaina musa jihto pano circuncisiõre yoarina cjiri jina, ãta jirucuga. Tuhsu, Jesu yaina musa jihto pano circuncisiõre yoeraina cjiri jina mipu cãhure ãta jirucuga. ¹⁹ Mipure circuncisiõre yoarina musa jichu yaba cjihti jierara. Tíre yoeraina musa jichu cãhure yaba cjihti jierara. Wiho mejeta Cohamacu dutiare mari yoachu tí pini wiho waro jierara. ²⁰ ã yoana Cohamacu Jesu yaina musare to cãri pja musa jiriro sehetu tjuaga. ²¹ Jesu yairo mu ji dcahto pano masunore dahra cohtariro mu jichu noanohca. ãta tjuasiniga. Mu puhtoro muhure to wio duachu sehere wijaga muhu. Mu wijachu noanohca muhure. ²² Mari puhtoro Jesu yairo cãiro jiro masunore dahra

cohtariro jiparota Jesu to yuhduchu yoariro jira. Āta pairo mari puhtoro Jesu yairo jiro, masunore dahra cohtariro jieraparota Jesure dahra cohtariro jira tiro cūh. ²³ Mari űaa buhirire buhiri ti tuhsari jire Cristo. Ā jina tiro dihtare “Yuh puhtoro waro jira”, ni tuhotuga mūsa. Paina mū sare tíre ti ā ni tuhotu dutierach tinare tuhoena tjiga. ²⁴ Ā jina yuh coyey, Jesu yaina cjihti Cohamacu mū sare to cūri pja mūsa jiriro seheta tjuaga. Ā tjuana Cohamacu mehne macaina jiga.

²⁵ Mipure namo marieinare, manū maria numia cūhare yahu duaja mū sare. Mari puhtoro ahrire “Ō sehe niga”, nierare yuhure. Yuhure to pja űuch yuhure to yoadohochu to cahmano seheta yoarucuriro jija yuh. Ā jiriro jicū ahrire noano yahuihtja mū sare. ²⁶ Mipure mūsa űano yuhduhna nica. Ā jiomahchu mūsa namo marieina cūh manū maria numia cūh mūsa tjuachu noanohca, yuh tuhotuch. ²⁷ Namō tiina, manū tia numia mūsa jina āta tjuaga. Ā yoa namo marieina, manū maria numia mūsa jina āta tjuaga. ²⁸ Namō tina űano yoaerara mūsa. Ā yoa mūsa nuhmia manū tina űano yoaerara mūsa cūh. Wiho mejeta namo tiina, manū tia numia mū sare wapuro tjuarohca ahri yahpahi masa ti űano yuhduro seheta mūsa űano yuhduchu. Ā jicū mū sare “Ā wapū tiri” nicū, “Namo marieina, manū maria numia tjuaga”, nihi yuh.

²⁹ Yuh coyey, ahrire mū sare yahui nija. Cristo ahri yahpapū to tjuā tahto mahanocā dūhsara. Ā jia mipure namo marieina Cohamacu to cahmano sehe ti noano yoa masino seheta noano yoaro cahmana namo tiina cūhare. Ā yoa manū tia numia cūhare āta Cohamacu to cahmano sehe noano yoaro cahmana. ³⁰⁻³¹ Ahri yahpa to mipū jiro seheta baharocāta pihtia waharohca. Ā pihtihiti yahpa to jichū mipure mari

űahacaha tiia, mari wahchea, mari cūaa pihtia wahaahca. Ā jia tí wiho waro jira. Cohamacu yare yoaa sehe wiho waro jierara. Ā jia ahri yahpa macaare cūaina, cūaeraina yoaro sehe jijaro. Ahri yahpa macaare pjíro tuhotuea tjijaro. Ahri yahpa to mipū jiro seheta baharocāta pihtia waharohca.

³² Mūsa űano yuhduerachū cahmaja yuh. Pjíro mūsa tuhotuerachū cūhare cahmaja. Namō marieriro Jesu yairo jiro Jesu yare wacūrucura. Ā wacūrucuro Jesu cahmaare tuaro yoa duara. ³³ Namō tiriro sehe to namono cahmaa sehere tuaro yoa duara. Ā jiro ahri yahpa macaare pjíro tuhotura. ³⁴ Ā jiro tiro puaro macaare yoa duara. Jesu cahmaa cūhare, to namono cahmaa cūhare tiro yoa duara. Ā yoa bucoro manū marienico ro jiro, ticoro mari puhtoro Jesu cahmaare tuaro yoa duara. Nuhmino cūhū āta yoa duara. Ā yoa duaro to pjacū mehne, to wacūa mehne cūhare ticoro tuaro Cohamacu yacoro ji duara. Manū tiricoro sehe ahri yahpa maca sehere to manūno cahmaa sehere tuaro yoa duara. Ā jiro ahri yahpa macaare pjíro tuhotura.

³⁵ Ahrire mū sare nii nija mū sare yoadohocū tacū. Wapūoa dutiare mū sare cū duaeraja. Ā cū duaerapaita noano mūsa yoachū cahmaja. Jesu mari puhtoro yare mūsa tuaro yoa duachū cahmaja yuh.

³⁶ Mūsa mehne macariro to suhūduricoro to bucoro curero to wahachū űano namo tijaro tiro ticorore. “Āta yoaro cahmana ticorore”, ni tuhoturo to niriro seheta yoajaro tiro ticorore. Ticorore namo ti masina. Ā yoaro tiro űano yoaerara. ³⁷ Pairo sehe to suhūduricorore namo ti duaeraro, to cahmano seheta yoajaro tiro ticorore. “Ticorore namo tieraja yuh”, ni tuhoturo to cahmano seheta yoa duaro, tó seheta yoajaro. Ā yoariro noano yoara. ³⁸ Ā yoa to suhūduricorore namo

tiroo cãhũ noano yoara. Tuhsũ, to sũhũduricorore mipũre namo tierariro sehe paio yũhdoro noano yoaro nina.

³⁹ Manũ tiricorore to manũnore cohã dutierara Cohamacũ. To ã cohã dutierapachũta to manũno to yariari baharo ticoro paio mehne to cahmariro mehne manũ ti masina. Ticoro to manũ tirirore Jesu yairo jiro cahmana tirore. ⁴⁰ Ticoro manũ marienicoro tjuaro, manũ tiricoro yũhdoro noano wahchericoro jirohca ticoro. Æta ni tũhotuja yũhũ sehe. Cohamacũ to Espĩritu Santore cjuariro jija. (Yũ ã jiriro jichũ masina ahri yũ yahurire masiga mũsa.)

8

“Cohamacũ jira”, ti nia masũrine ño payo ti duhu payoa chũare yahuha Paulo

¹ Mipũre “Cohamacũ jira”, ti nia masũrine ño payo ti duhu payoa chũare yahu duaia. Jipihtina mũsa tí barore “Masija”, ni tũhotura mũsa. Æ ni tũhotuna “Painare masi yũhdũrucaja”, ni tũhotumana cãina. Æ ni tũhotua painare yoadohoerara tina. Painare cahã tinare yoadohora. Æ yoa masia yũhdoro painare cahã sehe wiho waro jierara. ² “Masi pahũnocaja”, ti mũ sũro niina jia, Cohamacũ noaare to masi dutiare masierasina tina. ³ Wiho mejeta Cohamacũre ti cahĩchũ tinare masina tiro. (Æ jia to yaina jira tina.)

⁴ Æ yoa “Cohamacũ jira”, ti nia masũrine ño payo ti duhu payoa chũare ahrireta yahuihtja: Tí masũri ne yaba cjihti jierara. Potocãta tí masũri yajeripohna mariahna. Cohamacũ sehe cãirota jira. Paina cohamana mariahna. Ahrire mari masija. ⁵⁻⁶ “Payũ cohamana jira. Tina mari pũhũa jira”, ni tũhotumana masa. Æ yoa mũanopũ, ahri yahpapũ cãhũre “Cohamana”, ti niina jipachũta mari sehere cãirota jira Cohamacũ. Tiro mari Pũcũ jipihtiare bajuamehneriro jira. Æ yoaro to yaina cjihti yoari jire tiro marine. Æ

jira mari pũhũa Jesucristo cãirota jira. Tiro jipihtiare mari Pũcũre yoabasariro jira. To yaina cjihtire yoari jire tiro marine. Æ jina tiro mehne ã jirucunahca mari.

⁷ Yũ niriro sehe ã jipachũta paina Jesu yaina tíre masierara. Panopũ tina “Cohamacũ jira”, ti nia masũrine “Catiina jira”, ni tũhoturucumaha. Tí pjarũre ã yoarina jia mipũ cãhũre tí masũrine ño payo ti duhu payoa chũare “Cohamana ya chũa jira”, ni tũhotumana. Æ yoa tí chũare chũa, “Mari ñano yoana nija cohamana ya chũare chũa”, ni tũhotumana. Tíre ti yoarire noano masieraa, ã ni tũhotumana. Æ jia tina ñano yoa nina, ti tũhotuchũ. ⁸ Tí chũare mari chũchũ mari chũerachũ cãhũre Cohamacũ marine “Noaina jira”, ni ñũerara. Æ yoa tí chũare mari chũchũ wiho warota jinocahno nina tí chũa. Mari tíre chũa ñano yoaeraja. Tí chũare mari chũerachũ cãhũre wiho warota jinocahno nina. Ti duhu payoa chũare mari chũerana paina yũhdoro noaina jieraja mari cãhũ. ⁹⁻¹⁰ Wiho mejeta noano yoaga mũsa. Tí chũare chũrina cjiri mũsa jichũ paina mũsare, “Masija” niinare, ñũ cũ chũboca. Æ ñũ cũ chũa ti yoarire noano masieraa, “Ñano yoana nija mari”, ni tũhotuahca tina cãhũ. Ti ã ni tũhotuchũ tina sehere ñano yoachũ yoana nica mũsa. Æ jina noano yoaga mũsa. ¹¹ “Mari tí chũare mari chũchũ noanoũca marine”, mũsa ni tũhotuina jina paina noano masieraina cjirire ñano yoachũ yoaboca mũsa, mũsare ti ñũ cũchũ. Tina ya cjihti cãhũre yariari jire Cristo. Æ yoana Cristo yainare mũsa coyeare ñano yoachũ yoana niboca mũsa. ¹² Noano masierainare Cristo yainare mũsa ñano yoachũ yoana, Cristo cãhũre ñano yoana nica mũsa. ¹³ Æ jicũ tí masũrine ño payo ti duhu payoa chũare yũhũ chũcũ Cristo yainare ñano yoachũ yoi niboca yũhũ. Cristo yaina ti ñano yoachũ cahmaeraja. Æ jicũ “Yũhũ tinare ñano

yoachu yoari” nicu, tí chũare ne pari turi chusi yahu.

9

Paulo Jesu to cūriro to jia tiare yahuha

¹ Jesu to yare buhe dutiro to cūriro jija. Ā jicu paina to cūrina ti yoaro seheta yoa masija yahu cāhu. Mari pũhtoro Jesure ñũriro tjija yahu cāhu. Ā jina Jesu yare yu buhechu m̄usa sehe tíre noano tũhorina jina to yaina wahare m̄usa. Ā to yaina waharina jina Jesu to cūriro yu jichu masi tuhsura m̄usa. ² Paina yuhure yahuwajaa “Tiro Jesu to cūriro jierara”, niboca. Ti ā nipachuta m̄usare yu buheri baharo Jesu yaina wahana, “Jesu to cūriro jira” ni, yuhure masi tuhsura m̄usa. Ā jina paina ti yahuwajapachuta m̄usa sehe to cūriro yu jia tiare masina.

³ Yuhure yahuwajainare õ seheta ni yuhtiihtja: ⁴ M̄usare yu buheri baharo yu chũhtire yu sihnihti cāhure yuhure waboa m̄usa yu buheri wapa. ⁵ Ā jicu namo tiriro jicu yu namo Jesu yacoro to jichu ticoro mehne tini masiboa yahu. Paina Jesu to cūrina, Jesu bahana, Pedro cāhu ti namosānumia mehne ti tiniriro seheta yahu cāhu tini masiboa. ⁶ Yuhure Bernabé mehne m̄usare noaa buheare sã buhepachuta sãre ne paye barocã waerare m̄usa. Ā jina sã basita sã chũhti cjihtire dahra wapatai sã. ¿Sã dihtare wapataro marieno buhero cahmajari, m̄usa tũhotuchu? ⁷ Ahrina yu yahuhtina sehe ti dahrari wapa wapataro. Cãiro surara to dahrachu to pũhtoa tiriore wapara. To basi wapaerara. Chũare toariro cāhu to toari dicha tichu tíreta chu masina. Ā yoa ovejare ñu wihboriro to nuina pẽchore sihni masina tiro. ⁸ “Ti dahrari wapare waparo cahamana”, nicu masa ti dutia dihtare m̄usare yahueraja. Cohamacu to dutiapu to niri cjiri cāhure m̄usare yahui nija. ⁹ Moise cjirore to cūri dutiare to yare ti joari pũi õ sehe ni yahura:

“Wachu trigo yaparire to dahpori mehne suhtiwerirore to chu duachu to dũserore dũcataena tjiga”, nia tiri jire Cohamacu dutia. ¹⁰ Ā dutiro wachũare nino nierari jire. Ā dutiro marine nino niri jire marine buhero taro. Wesere sahariro cāhu tí dichare narina cāhu ti dahrari baharo dicha tiri pja jichu ti wapatahtore cohtara tina. (Ā jina dahrainare ti dahrari wapare waro cahmana marine.)

¹¹ M̄usare Cohamacu yare noaa buheare buhei sã. ¿Sã ã buhechu m̄usa sehe sãre chũare waeraro cahmajari, m̄usa tũhotuchu? Waro cahmana. M̄usa wachu noaboa sãre. ¹² Ā waerarina jipanahta paina chũare m̄usare ti sinichu m̄usa tina sehere wara. Tina m̄usare ti chũare sinichu sã sehe tina yuhdoro m̄usare chũare siniborina jimaja.

Ā wa dutiborina jipanahta sã sehe “Sãre waga”, ne nierahi. “Cristo ya buheare m̄sapu cahmaeraboca” nina, sãre chũa mariapachuta m̄usare ne sinierahi. ¹³ Cohamacu wuhũ dahraina tí wuhũihta ti chũare nana. Ā yoa Cohamacure ti ño payori mesai cohtaina wahiquirore ti jãrirore mahanocã na chũra tina cāhu. ¿Tíre masierari m̄usa? ¹⁴ Tó seheta ti yoariro seheta noaa buheare buheinare ti buheri wapare ti chũhtire tinare waro cahmana m̄usare. Āta yoa dutire mari pũhtoro Jesu. ¹⁵ Ā jicu m̄usare siniboriro jipaihta yahu ne paye barore sinierahi m̄usare. Ā jicu ahrire mipure joacu paye barore wapa cahmai tai joai nieraja. M̄usare ne wapa cahma duaeraja. Yariahtiro jipaihta ne wapa cahmasi yahu m̄usare. Wapa marieno buhecu ji coa yuhdũaja. Ā jicu m̄usare yu buheri wapa ne wapata chusi.

¹⁶ Noaa buheare buhe dutiro yuhure cūre Cohamacu. Tíre buheri masuno jinocaihta nija yahu. Noaa buheare buheracu pjacũroiro jiboa yahu. Ā jicu tí buheare buhecu “Painare masi yuhdũũcaja”, niboriro jieraja yahu. ¹⁷ Noaa buheare

yꞥ mꞥ sꞥro buheꞥyꞥ yꞥ buheri wapa wapaꞥ naboa yꞥhꞥ. Cohamacꞥ yꞥhꞥre to yare buhe dutiro cꞥre yꞥhꞥre. Ā jicꞥ yꞥ mꞥ sꞥro buheraja. ¹⁸ ¿To yare ā buheꞥyꞥ yaba barore wapatajari yꞥhꞥ? Ō sehe jira yꞥ wapataa: Noaa buheare buheꞥyꞥ mꞥsare ne paye barore sinieracꞥ wapa marieno tí buheare buheja mꞥsare. Yꞥ ā nirire masicꞥ wahcheja. Yꞥ wahcheata jira yꞥ wapataa.

¹⁹ Ne masare dahra cohtariro jierapaihta jipihtinare dahra cohtariro yoaro sehe jija yꞥhꞥ payꞥ paina masa Jesu yaina ti wahahto sehe. ²⁰ Ā jicꞥ yꞥ coyea judio masa mehne jicꞥ, ti yoaro seheta yoaja yꞥhꞥ Jesu yaina ti wahahto sehe. Cohamacꞥ to dutia cjirire Moise cjirire to cꞥri cjirire ño payoriro jierapaihta, tí dutia dihtare ño payoina mehne jicꞥ tí dutiare ño payoriro baro yoaro seheta jija yꞥhꞥ. Āta yoaja yꞥhꞥ tina Jesu yaina ti wahahto sehe. ²¹ Ā jicꞥ Cristo yairo jicꞥ Cohamacꞥ dutiare Moise cjirire to cꞥri cjirire yꞥhdꞥꞥca duaeraja. Tí dutiare yꞥhdꞥꞥca duaerapaihta tí dutia marieina mehne jicꞥ tí dutia marieriro yoaro seheta jija. Āta yoaja yꞥhꞥ tina cꞥhꞥ Jesu yaina ti wahahto sehe. ²² Jesure noano masieraina mehne jicꞥ ti yoaro seheta jija. “Masi pahñoriro jija”, nieraja yꞥhꞥ. Āta yoaja yꞥhꞥ tina cꞥhꞥ Jesu yaina ti wahahto sehe. Ā jicꞥ jipihtina masa ti jiriro seheta jija yꞥhꞥ cāina tina Jesu yaina to yꞥhdꞥꞥchꞥ yoaina ti wahahto sehe. ²³ Ahrire yoaja noaa buheare jipihtina ti tꞥhohto cjihtore. Yꞥ ā yoachꞥ ñano Jesu to buheriro seheta tiro yꞥhꞥ cꞥhꞥre noano yoara. (Ā jicꞥ masa ti jia tiro seheta jija.)

²⁴ Ō seheta jira mari piti dahre buheꞥhꞥ. Mꞥrocꞥpeina mꞥrocaꞥ tina jipihtina mꞥrocaꞥ. Ti ā mꞥroca pihꞥpachꞥta mꞥroca yꞥhdꞥꞥꞥcariro sꞥ mꞥhtana. Ā sꞥ mꞥhtariro wapataꞥ. Ā jina ti mꞥrocariro seheta mꞥsa cꞥhꞥ Cohamacꞥ cahmaare yoaga mꞥsa wapatahto sehe. ²⁵ Jipihtina mꞥrocaina

ti pjacꞥre dojomehneare duhunoca noano mꞥrocapora ti mꞥroca tuahto sehe. Tuhsꞥ, ti noano mꞥrocahto cjihtore quihõno chꞥa, quihõno carĩa, noano yoara tina. Āta yoara tina mꞥroca sꞥ, ti wapatahto sehe. Ā jia ti ā yoa wapataa pꞥri mehne ti yoari soro jira. Tí soro ñaco baaerara. Mari sehe Cohamacꞥ yare noano buheja to yare mari wapatahto sehe. Tí wapataa pinihta ne baaerara. ²⁶ Ā jicꞥ yꞥhꞥ pa sehe mꞥrocariro yoaro sehe yoeraja. Potori da mꞥrocariro yoaro sehe yoaja yꞥhꞥ. Tuhsꞥ, cahmacheperiro pa sehe dota moñoroca mꞥjariro yoaro sehe yoeraja. Ā yoa duaeracꞥ Cristo yare quihõno yoa duaja. ²⁷ Ā jicꞥ mꞥrocꞥpeina, cahmachepeina cꞥhꞥ ti pjacꞥre ti buheriro seheta ti noano quihõno ti yoariro seheta yꞥhꞥ cꞥhꞥ yꞥ pjacꞥ mehne noaa dihtare yoapoja. Ā yoeracꞥ painare buheriro jipaihta yaba cjihti jieraboa yꞥhꞥ sehe.

10

“Cohamacꞥ jira”, tina masꞥrine ño payo dutieraha Paulo

¹ Ā yoa yꞥ coyea, ahrire masiga mꞥsa. Sā Israe masa ñꞥchꞥsꞥma cjiri panopꞥ macaina jipihtina Cohamacꞥ to me curuare ñꞥ nꞥnꞥ ti wahcāa, wahaa tiri jire. Ā wahaa sohāri mare co watoi jiri mahai wꞥa cahari mahai pahā tinia wahari jire. ² Ā wahaa tina jipihtina me curua mehne sohāri ma macaa co mehne bautisarina yoaro sehe wahari jire. Bautisarina wahana Cristo yaina mari jiare ñona nija. Tó seheta tina sohāri mare bautisarina yoaro sehe wahaa, Moise cjiro yaina ti jiare ñoa nia tiri jire. ³ Ā yoa tina jipihtina mꞥano macaa chꞥare chꞥa tiri jire Cohamacꞥ to waare. ⁴ Ā chꞥa tina jipihtina Cohamacꞥ to waa co cꞥhꞥre sihnia tiri jire. Tí pjapꞥre tí core Cohamacꞥ to cꞥri tācai wijaa core sihnia tiri jire tina. Tia tāca yoaro sehe jiriro, tinare co wariro Cristo jiri jire. ⁵ Tina ā waharina ti jipachꞥta

paina tina mehne macaina ñano ti yoachũ ñũno Cohamacũ sehe payũ tina mehne macainare ñũ ji coerari jire. ã jiro tinare masa marienopũ variachũ yoari jire Cohamacũ. ã yoaro masa marienopũ ti pjacũrire cohã sitea wahari jire.

6 ãta yoari jire Cohamacũ tinare marine buhero taro. ã jiro tinare ñũ cũ ñaare mari goa pjaerahto cjihtore Cohamacũ ã yoari jire tinare. 7 ã jina “Cohamacũ jira”, ti nia masũrine ti ño payoriro seheta yoaena tjiga mũsa sehe. Tí masũrine ti ño payorire Cohamacũ yare ti joari pũi yahuro õ sehe nina: “Tina chũ duji sihni tuhsũ, wahcãrũcũ sũ, bose nũmũ yoa dũcari jire wachũ masũre ño payoa taa”, ni joaa tiri jire panopũre. 8 Baharo paina sehe Israe masa numia mehne ñano yoari jire. Ti yoariro seheta yoeraro cahmana marine. Tina ti ñano yoari baharo cã dachoihta tina veintitrés mil masa yariaa wahari jire. 9 Ti ã wahari baharo pari turi paina Israe masa sehe Cohamacũre tina mehne suachũ yoari jire. “Marine buhiri dahresi”, nia ñaa warore yoari jire. ã yoaa tirore suachũ yoari jire. Ti ã yoari buhiri Cohamacũ agãa mehne bahca wajãri jire tinare tjoa. ã jina tina yoaro sehe Cristore yoaena tjiga mũsa “Marine buhiri dahresi”, nina. 10 Pa tehe tjoa paina ñaa quiti dahre ti tuhtichũ anjo masare wajãriro tinare wajãri jire. ã jina tina yoaro sehe yoaena tjiga.

11 ã wajã dutiri jire tinare Cohamacũ marine buhero taro. Mari sehe pihtiri dacho panocã jiina jija. Mari ã jiina jichũ panopũ macaina ti ã waharire Cohamacũ joa dutiri jire marine noano buhero taro. 12 ã jina “Noaina jija sã, Cohamacũ to ñũchũ”, ni tũhotuina jina, noano yoaga mũsa “Ñaare yoari”, nina. 13 Mari jipihitina cãiro dũhsaro marieno cãa tahari ñaare wacũja. ã wacũna ti ñaare yoa duaja. Mari ã yoa dua-pachũta Cohamacũ marine yoadoho-

rucuriro jira. ã jiro tí ñaa wacũare mũsa bo masierachũ tiro sehe mũsare yoadohorohca. ã jiro tí ñaare mũsa yoa duachũ ñũno Cohamacũ tí ñaare mũsare yoa duaerachũ yoarohca. To ã yoachũ tí ñaare yoa duasi mũsa.

14 ã jina yũ cahĩina yahũre tũhoga. “Cohamacũ jira”, ti nia masũrine ne ño payoena tjiga. 15 Mũsa noano masiina jichũ mũsare yahuja. ã jina yũ nihti cjihtire quihõno ti jichũ masiga mũsa basi. 16 Cristore ti ñahari ñamine vinore to sihnihto pano Cohamacũre “Noana”, niri jire. To niriro seheta mari cãhũ tí core sihnina Cohamacũre “Noana” nina, mari ya buhiri Cristo to yariarire masichũ yoana nija. To di wijaarire masichũ yoana nija. Tuhsũ, to yaina mari jia tia cãhũre masichũ yoana nija mari. ã yoa pãore mari Cristo yaina nuha, chũna, mari ya cjihtire to pjacũ crusapũ to yariarire masichũ yoana nija. Tuhsũ, to yaina mari jia tia cãhũre masichũ yoana nija. 17 ã jina payũ masa jipanahta cã curi pão curire chũna jipihtina mari Cristo yaina cã curuata jija.

18 Israe masa ti yoarire wacũga mũsa: Tina wahiquirore wajãa, jũ mũo waa, Cohamacũre ño payora. ã ti wari baharo cã curuaihta ti wariro cjirore chũra. ã chũa Cohamacũre ti ño payoare masichũ yoara tina. 19 Cohamacũre ti waa chũare yahucũ “ ‘Cohamana jira’, ti nia masũrine ti waa chũa sehe tí waro jira”, nii nieraja. Tí chũa pinihta wiho waro jia nina. Tí masũri cãhũ wiho waro jia nina. 20 Tí chũa ti yaba cjihti jierapachũta tí chũare chũeraro cahmana. Õ sehe jira tí. Cohamacũre cahmaeraina wahiquirore wajã, jũ mũoa, Cohamacũre ño payoa nierara. ã yoaa watĩa sehere ño payora tina. Ti ã ño payoina jichũ tina mehne chũna watĩno yaina yoaro sehe yoana nica mũsa cãhũ. Mũsa ã yoachũ pinihtare ne cahmaeraja. 21 Santa Cenare mari yoari dachoi mari pũhtoro Jesure wacũna tana

sihniija. Mari ã sihniina jina, watia sehere ño payo masieraja mari. Æ yoa Jesure wacuna tana paore chaja. Mari ã chaina jina, watia sehere ño payo masieraja mari. ²² ¿Jesure musa mehne suachu yoa duajari musa, parore musa ño payona? ¿Tiro yuhdoro tuaina jijari musa? Jierara. (Æ jina noano yoaga musa.)

Cohamacu to cahmaa dihtare yoaga

²³ Õ sehe nina caina: “Sã cahmano sehetã yoa masija sã”, nina. Musã yoari cjiri ñaa ti jierapachata tãre yoana painare yoadohoeraboca musa. Tuhsu, tãre yoana Jesure wacũ tua namochu yoeraboca musa painare. ²⁴ Musã cahmaa dihtare yoana tjiga. Painã sehere noano yoadohoga musa.

²⁵⁻²⁶ Chua duaropare chure nuchuna “¿Ahri chua masurine ti duhu payoa chua jijari?” ni sinitu ñena tjiga. “Ñaaare yoari” nina, sinitu ñiboca musa. Æ ni sinitu ñena tjiga. Ahri yahpa, ahri yahpai jia cãhu Cohamacu ya jira. Æ jina tã chure “¿Ñaa chua jijari?” niena tjiga.

²⁷ Jesure cahmaerariro musare chu dutiro to pjirocachu waha duana wahaga. Æ wahana musare to duhu payoare chuga. “¿Ahri chua masurine ti duhu payoa chua jijari?” ni sinitu ñena tjiga. ²⁸ Æ jina paio Jesu yairo “Ahri chua masurine ti duhu payoa chua jira”, musare to ni yahuchu tã chua pinihtare chena tjiga. Musare ã ni yahuriro “Ñaa chure chura ah-rina”, musare to ni tahotuerahito sehe chena tjiga musa. Musã cãhu ã ni tahoturi nina tã chure chena tjiga.

²⁹ Æ chu dutieracu musa ya cjihtire ã nierahi. Musare ahrire yahuriro ya cjihti sehere tã chure chu dutieraja. Tiropu musare “Ñaa chure chura ah-rina”, niboca. “Æ niri” nina, tã chure chena tjiga.

“Chena tjiga”, yu nichu õ sehe ni sinitu yãhtiboca musa yãhure: “¿Dohse jiro baro paire ‘Soro

tãhoturi’ nina, chãerabocari sã? ³⁰ ¿Cohamacure ‘Noana’, sã niri baharo sã chuchu dohsearo tãre sã churi buhiri paio sãre yahuwajabocari?” ni sinitu yãhtiboca musa yãhure. ³¹ Ahri jipihtiare yahucu õ sehe ni nija musare: Dachoripe Cohamacu to dutiriro sehetã wahchea mehne chu, sihniija, Cohamacure masa ti ño payohto sehe. Æ jina jipihtiare noano yoarucuga Cohamacure masa ti ño payohto sehe. ³² Ne judio masare, judio masa jierainare, Cohamacu yaina cãhure ñano yoachu yoana tjiga musa tinare. ³³ Õ sehetã yoaja yãhu sehe. Masa jipihtinare yoadoho duaja. Æ yoacu ya cjihti waro sehere pjiro tahotueraja. Yu ñano yãhdachu noanohca. Payu masa sehere yoadohoja tinare pichacapu wahaborinare Cohamacu to yãhdachu yohto sehe.

11

¹ Æ jina Cristore yu ñu cãrãre yu yoachu musã cãhu yãhure ñu cãga.

Corinto macaina ti cahmachunoi numia ti yoahore yahuha

² Musare yu buhe turiari cjirire yu yoari cãhure wacũ pahñoyuhca musa. Æ wacuna musare yu yoa dutiriro sehetã yoayuhca musa. Æ yoana noano yoara musa. ³ Æ yoana musa jipachata ahri cãhure musa masichu cahmaja: Jipihtina muã ti puhtoro, Cristo jira. Tuhsu, to namono puhtoro to manano jira. Æ jichu, Cristo puhtoro to Puçuro jira. ⁴ Cohamacure siniriro to dapure mohariro sinino, to puhtoro Cristore ño payoeraro sehetã yoaro nina. Cohamacu yare yahuriro cãhu to dapure mohano ãta yoaro nina tiro cãhu. ⁵ Tuhsu, to dapure mohaeraricoro Cohamacure sinino, to mananore ño payoeraro sehetã yoaro nina. Cohamacu yare yahuricoro cãhu to dapure mohaeraro ãta yoaro nina ticoro cãhu. Æ yoaro to pjoarire wãha pahñoricoro yoaro sehetã yoara ticoro. ⁶ To dapure moha duaeraro ticoro to pjoarire saa pahño dutijaro. To ã

yoari baharo to dapure buo tiro, ticoro mohajaro to dapure. ⁷ M_{usa} sehe Cohamac_u noariro, tuariro to jia tiare ñona tina sehe. ã jia ti dapupure mohaeraro cahmana tinare. Numia sehe m_{usa} ti puhtoia jia tiare ñona. ã jia tina numia sehe ti dapupure mohajaro. ⁸ Cohamac_u m_{unore} yoaro, numino ya pjacu macano mehne m_{unore} yoaerari jire. Numino sehere yoaro, m_{uno} ya pjacu macano mehne ticorore yoari jire. ⁹ Tuhs_u, m_{unore} yoaro, numino yairo cjihtore yoaerari jire. Numino sehere yoaro m_{uno} yacoro cjihtore yoari jire Cohamac_u ticorore. ¹⁰ ã jia numia ti dapupure mohajaro anjoa cãh_u m_{usa} ti puhtoia ti jirire ti masihto sehe. ¹¹⁻¹² Cohamac_u numinore yoaro, m_{uno} pjacu macano mehne yoari jire. ãta mip_{ure} m_{uno} masa bajuaro, numino pjacu masa bajuara. Tuhs_u, jipihtinare Cohamac_u sehe yoari jire. ã jiro m_{uno} to ji muhtaerach_u numino mariaboa. ã yoa numino to mariach_u m_{uno} cãh_u mariaboa.

¹³ ¿M_{usa} basi dohse tuhotujari? ¿Numino to dapu mohaeraricoro, Cohamac_{ure} to sinich_u noajari, m_{usa} tuhotuch_u? Noaeraputiara. ¹⁴ Tuhs_u, m_{uno} pjoa nahmo m_{uriro} to jich_u ñaa nica. Jipihtina masa ti m_u saro tíre masina. ¹⁵ ã yoa numino to pjoa nahmo to dapure mohari cahsaro yoaro sehe jira. Ticoro pjoa nahmo m_{uricoro} jiro noaricoro bajura ticoro. Tí cãh_{ure} jipihtina masina. ¹⁶ M_{usa} mehne macariro ahrire y_u yahurire to tuho duaerach_u, õ sehe ni yahuihtja tirore: “Y_u ni yahuriro seheta mari yoa tia jira. Paina Jesu yaina cãh_u ãta yoarucura tina cãh_u. Sã ã yoarina jich_u ñuc_u y_u ni yahuriro seheta yoaga m_{uh_u} cãh_u”, ni yahuihtja y_u yahurire tuho duaerarirore.

Santa Cenare ti ch_{uro} watoi dojomehneha Corinto macaina

¹⁷ Mip_{ure} m_{usare} ahrire yahui tai, “Noano yoina jira”, nieraja y_{uh_u}

m_{usare}. M_{usa} cahmachuna noano yoaerara. Nano yoara m_{usa}. ¹⁸ Õ sehe ni yahu muhtaihtja m_{usare}: M_{usa} cahmachunop_u cahma sayona m_{usa} basi cãa curuari tju wayuhca m_{usa}. Paina tíre y_{uh_{ure}} ti yahuch_u “Potocã tjica”, ni tuhotu cureja y_{uh_u}. ¹⁹ ãta yoayuhca m_{usa}. M_{usa} ã tju warina m_{usa} jich_u ñ_{h_u}na baharo Jesu yaina waro jiina sehere masinahca mari. ²⁰ M_{usa} basi ã ñ_{h_u} tuhtiina jina m_{usa} cãnoi cahmachu ch_uch_u tó wahaerara. Potocãta Santa Cena waro yoana nierayuhca. ²¹ M_{usa} cahmachuna cãina m_{usa} sahsero ch_u m_{uh_u}cona, paina sehere j_uca baach_u yoana niyuhca m_{usa}. Tuhs_u, sihni muhtaina sehe cahaa wahayuhca. ²² ¿M_{usare} m_{usa} w_{uh_u}se mariajari? M_{usa} w_{uh_u}seputa ch_u, sihniga. Mip_{ure} Cohamac_u yaina ti cahmachunore dojomehnenena niyuhca m_{usa} to yaba cjihti jieraboro seheta. Tuhs_u, paina Jesu yaina pjac_uoinare ch_una maeraina sehere m_{usa} sehe buoro y_{uh_u}ch_u yoayuhca. ¿Dohse ni yahuihcari y_{uh_u} m_{usare}? “Noano yoana nina m_{usa}”, nieraja y_{uh_u}.

Santa Cenare yoa taa, ti ch_{urire} yahuha Paulo

(Mt 26.26-29; Mr 14.22-25; Lc 22.14-20)

²³ Mari puhtoro Jesu to ch_u ba-toarire yahure y_{uh_{ure}}. ã to yahuri baharo y_{uh_u} sehe m_{usare} tíre yahu turiahi. Tí õ sehe jira: Tirore ñ_{h_u} tuhtiinare Juda to ñohti ñamihi mari puhtoro Jesucristo pãore na, Cohamac_{ure} “Noana”, niyuhti. ²⁴ To ã niri baharo tí pãore nuha, to buheinare witiyuhti. ã witiro õ sehe niyuhti: “Ahrire ch_{uga}. Ahri y_u pjacu jira. M_{usa} yaro jiborirore yariaihca. Y_{uh_{ure}} m_{usa} wacũhti cjihtire ahrire ch_{uga}”, niyuhti Jesu mari puhtoro. ²⁵ ã ti ch_{uri} baharo tiro sihniri wahware na wahcãno õ sehe niyuhti: “M_{usa} ñaa yoari buhirire cohãc_u tac_u yariaihca. ã yoac_u y_u dire cohãihca. Cohamac_u ‘M_{usare} y_{uh_u}ch_u yoaihtja’, to niriro m_u s_uch_u y_u yariaro mehne to niriro

sohitori tiarohca. Ahri wahwai posa tiare sihnina, yu di cohārire wacūnahca. Ahrire sihnina, yuhure mūsa wacūhti cjihtire sihniga”, niyuhti Jesu. ²⁶ Ā yoa Santa Cena macaa pāore mūsa chūna, sihniare sihnina, Jesu mari puhtoro mari ya buhirire to yariarire űona nina mūsa. Ā űorucunahca mūsa pu ahri yahpapu to tjua tachupu.

“Santa Cenare chu sihnina ō sehe yoaga”, ni yahuha Paulo

²⁷ Santa Cenare chu, sihnina, Jesure űo payoro marieno yoana, cua pisaro yoerana, to pjacure to di cohāri cāhure bujupero sehe yoana nija mari. Ā yoana Jesure bujupena nija mari. Tó sehe yoaina buhiri tiina jira. ²⁸ Ā jina mari yoare, mari jia tiare noano wacūjihna. Ā wacūna Santa Cenare chu, sihni masija mari. ²⁹ Mari puhtoro mari ya cjihtire to pjacu to yariarire wacūno marieno Santa Cenare chu, sihnina mari buhiri tinahca. ³⁰ Ō sehe dihta yoayuhca payu mūsa mehne macaina. Ā yoaa tina cāina tuaeraina, dohatiina wahayuhti. Tuhsu, paina ti ā yoari buhiri yariaa wahayuhti. ³¹ Wiho mejeta Santa Cenare mari chu, sihnina, mari yoare, mari jia tiare noano wacūna, mari űaa yoare duhuna tí buhirire buhiri tisi mari. ³² Mari puhtoro sehe marine tuhtira, tí buhirire marine buhiri ti dutieraro. Paina űaina Jesure űo payoeraina buhiri tihtina dihta jira. Tina yoaro sehe marine buhiri tichu cahmasāerara mari puhtoro.

³³ Ā jina yu coyea, Santa Cenare chūna tana cahmachuna, cohtasiniga mūsa coyeare. ³⁴ Tuhsu, mūsa mehne macaina jūca baa, ti ya wuhusepu chūsinijaro. Ā yoana Santa Cenare chūna tana cahmachuna, cua pisaro yoeraina ya buhiri buhiri tisi mūsa. Paye barore yahu duamahi mū sare. Baharo yu basi sūipu mū sare yahuihtja tíre.

12

Cohamacu yare mari yoah-tore cūno marine yoa masichu yoara Espiritu Santo

¹ Yu coyea, ahrire yahu duaja mū sare. Cohamacu yare mari yoah-tore cūno marine jipihtinare yoa masichu yoara Espiritu Santo. Ā jicu tíre mūsa noano masichu cahmaja.

² Jesu yaina jierasinina soro jia buheare tuho nuñina jina, mūsa sehe “Cohamacu jira”, ti nia masurine, durucuera masurine űo payosini-mare. Tíre masina mūsa. ³ Ā jiina mūsa jirina cjiri jichu mipure ō sehe ni yahuihtja mū sare: “Jesu űano wahajaro”, niina Cohamacu yairo Espiritu to tuaa mehne ā nia nierara. Espiritu Santo warore cjuerara tina. Tuhsu, “Jesu mari puhtoro jira”, niina Espiritu Santo to tuaa mehne ā niina jira tina.

⁴ Cohamacu yare yoa masia payu jira. Ti ā jipachata marine yoa masichu yoariro sehe cūirota jira. Tiro Espiritu Santo jira. ⁵ Ā yoa Cohamacu yare yoah-tina payu jina, to yare soro sehe mari yoah-ti cāhu payu jira. Tí ā jipachata mari puhtoro Jesu sehe cūirota jira. ⁶ Ā yoa Cohamacu yare yoaa cāhu payu jira. Ti ā jipachata Cohamacu marine yoa masichu yoariro sehe cūirota jira. ⁷ Marine Jesu yainare Espiritu Santo yoadohoro Cohamacu tuaare űono nina. Ō sehetā yoadohora tiro Jesu yainare jipihtinare mari noano yoadohohto sehe. ⁸ Cāinare noano masi, yahuchu yoara Espiritu Santo. Tuhsu, painare Cohamacu yare noano buhe masichu yoara tiro Espiritu Santo pinihta. ⁹ Ā yoa painare Cohamacu noano wacū tuachu yoara tiro. Ā yoaro painare Cohamacu tuaare wara tiro. Tí tuaa mehne tina sehe dohatiinare noaina wahachu yoara. Espiritu Santo cūirota jiro tí tuaare wara. ¹⁰ Tuhsu, tiro painare Cohamacu tuaa mehne yoa masichu yoara tiro. Ā yoaro painare Cohamacu yare noano yahu

masichu yoara tiro tinare. Æ yoaro paina Jesu yainare buheare noano bese masichu yoara tiro. Æ masia watino ya buhea ti jichu masina tina. Espiritu Santo waro ya buhea cãhare ti jichu masina tina. Tuhsu, painare tuhohobocari duserire ti durucu masichu yoara tiro. Æ yoa tuhohobocari duserire durucuina ti nino seheta yahu yãdo masichu yoara tiro painare. ¹¹ Espiritu Santo cãirota jiro to cahmano seheta marine cãinare ahri jipihtiare yu yahuriro seheta yoa masichu yoara. Cãinare soro yoa masichu yoara. Paina cãhare soro yoa masichu yoara.

Cristo yaina jina cã curuata jija mari

¹² Æ sehe jira ahri mehne mari piti dahre yahuchu: Mari pjacu cã pjacu to jipachuta wamomacari, capari, dahpori, cahmori tí pinihta payu jira mari pjacu jia. Æta jija mari Cristo yaina cãhu. Cristo yaina to pjacu yoaro sehe cã curuata jira. ¹³ Æ jina Cristo yaina jina, to pjacu yoaro sehe cã curuata jija mari. Judio masa, judio masa jieraina, dahra cohtaina, dahra cohtaina jieraina, payu curuari jipanahta cãirota jiro to pjacu yoaro sehe cã curuata jija mari. Espiritu Santo cãirota jiro to tuaa mehne bautisarina jija mari. Æ jina cãiroreta Espiritu Santore cãjaja mari, Cristo ya curua macaina jina.

¹⁴ Mari pjacu cã pjacu to jipachuta wamomacari, capari, dahpori, cahmori tí mari pjacu jia payu jira. ¹⁵ Mu dahporo durucuri dahporo jiro, Æ sehe niboa mãhare soro ni duaro: “Wamomaca jieraja yãhu. Æ jicu pjacu macariro jieraja yãhu”, niboa. Mu dahporo Æ niparota pjacu macano jirota nina. ¹⁶ Mu cahmono durucuri cahmono jiro Æ sehe niboa mãhare soro ni duaro: “Capariaca jieraja yãhu. Æ jicu pjacu macariro jieraja yãhu”, niboa. Mu cahmono Æ niparota pjacu macano jirota nina. ¹⁷ ¿Mari pjacu capariaca dihta jichu

dohse tuhobocari mari? Basioeraboa. ¿Æ jina mari pjacu cahmono dihta jichu dohse wijã tuhobocari mari? Basioeraboa. ¹⁸ Tô sehe jierara mari pjacu. Æ sehe jira. Mari pjacu jiare Cohamacu to cahmano seheta cãri jire mari pjacu. ¹⁹ ¿Mari pjacu jia mariachu dohse wahabocari mari pjacu? ²⁰ Mari pjacu Æ seheta jira: Cã pjacu to jipachuta mari pjacu jia payu jira.

²¹ “Mu yoadohochu cahmaeraja”, mu capariaca ni masierara mu wamomacare. Æ jichu, mu dapu mu dahporire “Mu yoadohochu cahmaeraja”, ni masierara. ²² Paye mari pjacu jiare “Wiho jia curea jira”, mari nia sehere pototi cahmaja mari paye mari pjacu jia yãdoro. ²³ Paye mari pjacu jiare “Soro jira”, mari ni tuhobocari tãre mari pjacu jiare noano yoaja. Tuhsu, paye mari pjacu jiare mari buo tiare suhti mehne nuoja mari. ²⁴ Paye mari pjacu jiare nueraja mari. Tí pinine ñona, buo tieraja. Æ sehe ji dutiri jire Cohamacu mari pjacu. Mari ñoeraare mari pjacu jiare mari noano ño payoa mehne cãjaja. Æta yoa dutiri jire Cohamacu. ²⁵ Æ jia mari pjacu jia ti basi cahma yoadohora, cã pjacu to noano jihto sehe. ²⁶ Æ jia mari capari ñano yãdachu paye mari pjacu jia cãhu ñano yãdara. Tuhsu, mari capari noaa wahachu mari pjacu jia cãhu wahcheina masa yoaro seheta noano tuhobocari.

²⁷ Æ jicu Æ sehe nii nija musare: Musa sehe Cristo to pjacu yoaro sehe cã curuata jira. Æ jina jipihtina musa to pjacu jia yoaro sehe to yaina jira. ²⁸ Æ jiro Jesu yainare mari yoadohocari cãri jire Cohamacu marine. Æ sehe cãri jire tiro marine. Cãinare marine buhe dutiro to cã mãhtinare cãri jire tiro. Painare to yare yahuhocari cãri jire. Painare masare buhehtinare, painare Cohamacu tuaa mehne yoahocari, painare dohuhocari ti yãdachu yoahocari,

painare masare yoadohohtinare, painare masa p̄ahtoa jhtinare, painare t̄uhomahnoeraa d̄userire durucuhtinare c̄uri jire Cohamac̄u marine. ²⁹ ã to c̄uch̄u jipihtina c̄ano potori to c̄urina jieraja mari. Paina Cohamac̄u yare yahuhtina jierara. Paina Cohamac̄u buhe dutiro to c̄urina jierara. Tuhs̄u, paina masare buheina jierara. Paina Cohamac̄u tuaa mehne yoaina jierara. ³⁰ Tuhs̄u, paina dohatiinare ȳhd̄uch̄u yoaina jierara. Paina sehe t̄uhomahnoeraa d̄userire durucuina jierara. Tuhs̄u, paina t̄uhomahnoeraa d̄useri durucuaire yahu ȳhd̄oina jierara. ã jiro c̄ainare mari yoah̄t̄ire c̄uri jire tiro. ³¹ Wiho mejeta Cohamac̄u yare yoa masi duana noa ȳhd̄ua sehere tuaro cahmaga m̄usa. Jipihtia ahri ȳu niri ȳhd̄oro m̄usa cahmahti c̄jht̄ire mip̄ure yahuiht̄ja m̄usare ȳuh̄u.

13

Painare noano ti cah̄it̄ire yahuha Paulo

¹ Masa ya d̄userire durucu masipanahta, anjoa ya d̄userire durucu masipanahta, painare cah̄ierana yaba c̄jhti jieraja mari. Mari durucua c̄uh̄u yaba c̄jhti jierara. Painare cah̄ierana mari durucuna, wiho waro durucuna nija. ² Cohamac̄u yare noano yahu masipanahta, masa ti masierari c̄jirire Cohamac̄u yare ti buheri c̄jiri c̄uh̄ure masi pah̄nopanahta, painare cah̄ierana yaba c̄jhti jieraja mari. “Ahd̄u t̄uc̄u pa seh̄ep̄u wahajaro”, mari nich̄u, “Potoc̄ata mari siniriro seheta Cohamac̄u yoarohca”, ni mari t̄uhotuch̄u ãta yoarohca. Cohamac̄ure ã ni t̄uhotuina jipanahta painare cah̄ierana, yaba c̄jhti jieraja mari. ³ Jipihtia mari yare p̄jac̄uoinare wapanahahta painare mari cah̄ierach̄u tí mari wari yaba c̄jhti jierara. Tuhs̄u, Cohamac̄u yare yoana tana mari p̄jac̄ure mari j̄u dutipach̄uta, painare mari cah̄ierach̄u marine yaba c̄jhti jierara.

⁴ Suaeraja painare cah̄ina. Tinare cah̄ina noano yoaja tinare. Tuhs̄u, painare cah̄ina tinare pah̄su tieraja. Mari cah̄iriro mehne jina “M̄u ȳhd̄oro jiriro jija”, niina jieraja mari. Painare cah̄ina “M̄usare masi ȳhd̄ur̄uc̄aja”, ni t̄uhotueraja mari tinare. ⁵ ã yoa painare cah̄ina tinare ño payoro mehne yoaja mari. Painare cah̄ina “S̄ã cah̄mano sehe yoaja. M̄usa cah̄mano sehe yoaeraja”, nieraja mari. Tuhs̄u, tinare cah̄ina suaeraja mari tina mehne. Painare cah̄ina marine ñano ti yoach̄u c̄uh̄ure tina mehne ã suarucueraja mari. ⁶ Painare cah̄ina ñaare ti yoach̄u ñ̄na wahcheraja mari. Noaa sehere quih̄ono ti yoach̄u ñ̄na tuaro wahcheja. ⁷ Painare cah̄ina ti ya buhiri ñano ȳhd̄upanahta tinare ã cah̄irucuja mari. Painare cah̄ina paina sehe tinare ti yahuwajach̄u t̄uhopanahta tíre t̄uh̄o duaeraja mari. Painare cah̄ina “Tina ñaare yoasi”, ni t̄uhotuja mari tinare. Painare cah̄ina ñano ȳhd̄upanahta tinare cah̄i duhusi mari.

⁸ Painare cah̄ma cah̄ia ne pihtisi. Cohamac̄u yare masa mari yahua sehe baharo pihtia wahaahca. T̄uhomahnoeraa d̄userire durucua c̄uh̄u baharo pihtia wahaahca. Cohamac̄u yare masa ti buheri c̄jiri c̄uh̄u baharo pihtia wahaahca. Painare cah̄ma cah̄ia sehe ne pihtisi. ⁹ Mip̄ure Cohamac̄u yare mari masi pah̄ño masieraja. ã jina to yare yahuna mari yahu pah̄ño masieraja. Mari masi pah̄ñohto d̄ah̄sasina mini. ¹⁰ ã jina Cristo ñaa marieriro to tjua tari baharo mari masi pah̄ñonahca. “Masieraja”, ni namosi.

¹¹ Mari masi pah̄ñohto õ sehe jira: Nijinoc̄a jic̄u nijinoc̄a yoaro sehe durucumai ȳuh̄u. Nijinoc̄a to yoaro sehe t̄uhoturucumai. B̄uc̄uro wahaip̄u nijinoc̄a to yoariro seheta duhunocai. (Tó seheta mari mip̄ure “Masi pah̄ñoeraja”, nipanahta baharop̄ure masi pah̄ñonahca.) ¹² Ñóno to noano mas̄u bajueraro seheta mip̄ure noano masi pah̄ñoerasinija

mari. Baharo pairore noano mari ñu masino seheta mari masi pahñonahca. Mipure mari masi pahñohto marine duhsasinina mini. Cohamacu marine to noano masi pahñoriro seheta baharo mari cãhu noano masi pahñonahca. ¹³ ã yoana tiarore mari yoa masija mipure. Cohamacure wacũ tua masija. ã yoa marine to yãhdũchũ yoahore masina, mari noano cohta masija. ã yoa painare cahma cahĩ masija. Ahri tiaro jira pototi mari yoahiti. Tuhsũ, painare cahma cahĩna, ahri puaro yãhdoro yoana nija. Wacũ tuaa, to yãhdũchũ yoahore cohtaa yãhdoro jira cahma cahĩna sehe.

14

Tũhomahnoeraa dũseri durucuarẽ yahuha Paulo

¹ ã jina painare cahma cahĩina jiga mũsa. ã yoa Cohamacu yare mũsa noano yoa masihtore cahmaga mũsa. Cohamacu yare mũsa yahuhti pinihtare tuaro cahmaga mũsa. ² Tũhomahnoerari dũserore durucuriro Cohamacu mehne dihta durucura. ã ni durucuro masa mehne durucuro nierara tiro. To ã ni durucuchũ tũhoa masa sehe ne tũho ñahaerara tiore. Masa ti masierare Espĩritu Santo to tuaa mehne durucuro nina tiro. ³ Cohamacu yare yahuriro sehe masa sehere yahura. ã yahuro tiro masare yoadohoro nina. Tinare buhero nina tiro. Tuhsũ, ti ñano yãhdũchũ tiro tinare wahchechũ yoara. ⁴ Tũhomahnoerari dũserore durucuriro cãirota buhera. Painare buherara. Cohamacu yare yahuriro sehe painare Jesu yainare buhero, yoadohora tiro.

⁵ Tũhomahnoeraa dũserire jipihina mũsa durucuchũ noaboa, yũ tũhotuchũ. Wiho mejeta Cohamacu yare mũsa yahuchũ pinihtare tuaro cahmaja. Cohamacu yare yahuriro pinihta tũhomahnoerari dũserore durucuriro yãhdoro painare yoadohora. ã jipachũta tũhomahnoerari dũserore durucuriro to durucuarẽ

pairo to yahu yãhdochũ tí sehe pototi painare yoadohora. To durucuarẽ yahu yãhdoriro jiro tiro sehe painare Jesu yainare buhero nina. ⁶ Tũhomahnoerari dũserore mũsa mehne durucuchũ pairo mũsare to yahu yãhdoerachũ mũsare yoadohoeraboca yũhũ. ã jicũ Cohamacu yũhũre to yahurire yahucũ, to yare yũ masiare yahucũ, payere to yare yahucũ mũsare yoadohoi nija. Tĩre mũsa tũhohto sehe mũsare buhecũ mũsare noano yoadohoi nija yũhũ.

⁷ Tũhomahnoerari dũserore durucuriro to durucua ti putipea ti buapũtẽa yoaro sehe jira. Carisure putina, arpare buapũtẽna tíre mari quihõno yoerachũ tí basaare painare masihtõ basioerara. ⁸ ã yoa cornetare putiriro surara jiro ti cahma wajãhto panore quihõno to putierachũ paina surara sehe ti cahma wajãhtore masisi. ã jia ti cahma wajãhto pano ti wajãhtire wamoare cahnoyueraina jiahca tina. ⁹ Tõ seheta mũsa cãhũre tũhomahnoerari dũserore mũsa durucuchũ tũhoa, yahu yãhdoriro mariachũ paina tíre ne masisi. Ti ã masierachũ mũsa durucua yaba cijhti jierara. ¹⁰ Ahri yahpai payũ dũseri durucua jica. ã jia tí dũserire durucuína ti basi tí ã durucuarẽ noano tũhora. ¹¹ To ya dũserore yũ tũhoerachũ ñũno tíre durucuriro sehe “Pa dihta macariro jira”, ni tũhoturohca yũhũre. ã jicũ yũhũ cãhũ ãta ni tũhotuĩhca tiore. ¹² ãta jire mũsa cãhũ tũhomahnoerari dũserore durucuna. Espĩritu Santo to tuaa mehne tuaro yoa duamana mũsa. To tuaa mehne ã yoa duana paina Jesu yainare mũsa buhehti sehere tinare mũsa yoadohohti sehere tuaro cahmaga mũsa.

¹³ ã jiro tũhomahnoerari dũserore durucuriro to durucuarẽ to noano yahu yãhdohto cijhtore Cohamacure sinijaro tiro. ¹⁴ Tũhomahnoerari dũsero mehne Cohamacure sinicũ Espĩritu Santo mehne sinii nija. ã sinicũ yũ tũhotuare masi namochũ

yoaeraja. ¹⁵ Ahrire masina, õ sehe yoanahca mari: Espíritu Santo to tuaa mehne t̃homahnoerari d̃sero mehne Cohamac̃re sininahca. Tuhs̃, pa tehe noano masi t̃hotu paina ti noano t̃hohto sehe ti ya durucua mehne Cohamac̃re sinina, tí c̃h̃re sininahca tjoa. Espíritu Santo to tuaa mehne t̃homahnoerari d̃sero mehne Cohamac̃ yare basanahca. Tuhs̃, pa tehe noano masi t̃hotu paina ti noano t̃hohto sehe ti ya durucua mehne Cohamac̃ yare basana, tí c̃h̃re basanahca tjoa. ¹⁶ Mari ã yoaerach̃ t̃homahnoera d̃seri mehne Espíritu Santo tuaa mehne Cohamac̃re “Noariro, tuariro jira”, mari nipach̃ta paina ne t̃hoerara. ã t̃hoeraa “Tóih̃ta jira”, ni masierara. ¹⁷ T̃homahnoera d̃seri mehne Cohamac̃re “Noana”, ni masija mari. Mari ã nia noaa jipach̃ta tíre yahu ỹh̃doerana painare buheraja mari. ã jina tinare yoadoheraja mari. ¹⁸ Jipihtina m̃sa ỹh̃doro ỹh̃ sehe t̃homahnoeraa d̃serire durucuja. ã jic̃ Cohamac̃ ỹh̃re ã durucu masich̃ to yoach̃ tirore “Noana”, nija ỹh̃. ¹⁹ ã durucuriro ỹ jipach̃ta Jesu yaina cahmachuina watoi ỹ jich̃, t̃homahnoerari d̃sero mehne paỹ d̃serire ỹ nipach̃ta yaba cjihti jierara. Tí ỹh̃doro masa ti noano t̃hohto sehe mahaa d̃seric̃ã ỹ yahupach̃ta noa nina, ỹ t̃hotuch̃.

²⁰ Ỹ coyea, macanac̃ã t̃ho masieraina ti jiro sehe jiena tjiga m̃sa. Wahma masa bajuaina ñaa yoare ti masieraro seheta jiga m̃sa c̃h̃. Tuhs̃, buc̃na t̃ho masiina ti jiro sehe jiga m̃sa. ²¹ Cohamac̃ yare ti joari p̃i õ sehe nina: “ ‘T̃homahnoeraa d̃serire durucuinare ahrina masare ỹ yare yahu dutihtja. ã yoa pa dihta macaina ya durucua mehne ỹ yare yahu dutihtja ahrina masare. Tinare ti ã yahupach̃ta ahrina ỹ yahuare t̃hosi’, nina Cohamac̃ mari p̃h̃toro”, nina Cohamac̃ yare ti

joari p̃i. ²² T̃homahnoeraa d̃serire durucua Jesu yainare Cohamac̃ tuaare masich̃ yoah̃ti cjihti jierara. Tí durucua Jesure cahmaeraina sehere Cohamac̃ tuaare masich̃ yoah̃ti cjihti jira. ã yoa Cohamac̃ yare yahua Jesure cahmaerainare Cohamac̃ tuaare masich̃ yoah̃ti cjihti jierara. Cohamac̃ yare yahua Jesu yaina sehere Cohamac̃ tuaare masich̃ yoah̃ti cjihti jira. ²³ ã yoa jipihtina m̃sa Jesu yaina cahmachuch̃ t̃homahnoeraa d̃serire m̃sa durucuch̃ tíre masieraina, paina Jesure cahmaeraina c̃h̃ s̃ã ta t̃hoboca. ã t̃hoa “Tina t̃ho masieraina jira”, niboca m̃sare tina. ²⁴ Jipihtina m̃sa Cohamac̃ yare m̃sa yahuch̃ pinihta tíre masierariro, Jesure cahmaerariro s̃ã ta t̃horo, to ñaa yoari buhirire masiboca tiro. ã masino to ñaa yoarire cahyaboca tiro. ²⁵ ã jiro potoc̃ã to jia tiare to t̃hotua c̃h̃re masiboca tiro. ã yoaro Cohamac̃ panoi na tuh̃cua caha s̃ro, tirore ño payorohca. Tuhs̃, “Cohamac̃ potoc̃ãta m̃sa mehne jira”, ninohca tiro m̃sare.

M̃sa cahmachuna noano yoaga dojomehnenno marieno

²⁶ ã jic̃ ỹ coyea, m̃sare ahrire nii nija: M̃sa Jesu yaina cahmachuna c̃aina m̃sa mehne macaina Cohamac̃ yare basa duara. ã yoa paina m̃sa buhe duara. Tuhs̃, paina m̃sa Cohamac̃ m̃sare to buheri cjihtire yahu duara. Paina m̃sa t̃homahnoerari d̃serore durucu duara. Tuhs̃, paina m̃sa tí d̃seri durucuaare yahu ỹh̃do duara. Tí jipihtiare ã yoana m̃sare t̃hoina ti noano masihto sehe tíre yoaga. ²⁷ ã jina t̃homahnoerari d̃serore m̃sa durucuna p̃aro, tiaro tópeinata durucuga m̃sa. ã yoana c̃ainata durucuga. M̃sa ã durucuch̃, c̃airo m̃sa mehne macariro m̃sa durucuaare painare yahu ỹh̃dojaro. ²⁸ M̃sa durucuaare yahu ỹh̃doriro mariach̃ m̃sa cahmachuna jipihtina m̃sa t̃homahnoeraa d̃serire

durucu duaina durucuena tjiga. ã jina masa marienoi Cohamacu mehne durucuga musa. ²⁹ ã yoa Cohamacu yare yahu duana p̄h̄aro, tiaro tópeinata yahuga musa. Musa ã yahuchu paina musare t̄h̄oina musa yahurire Cohamacu ya to jichu noano masijaro. Cohamacu ya to jierachu c̄h̄ure noano masijaro. ³⁰ ã yoa Espíritu Santo Cohamacu yare pairore tói dujirirore to yahu d̄ucach̄u tiro c̄h̄u Jesu yainare yahu duara. ã jiro Cohamacu yare yahu m̄htariro sehe dihta mariajaro. ³¹ ã jina jipihtina musa Cohamacu yare yahuna, c̄ainata yahuga musa jipihtina paina ti noano t̄h̄ohto sehe, ti noano wahchehto sehe. ³² ã jina Cohamacu yare yahuina jina, noano t̄h̄o masi, noano t̄h̄otu dapo, durucuina jiga. ³³ Cohamacu to yaina ti cahmachunop̄u ti cahma wisiach̄u cahmaerara tiro. Dojomehnenno marieno ti noano jichu cahmana tiro.

Jipihtirop̄u Jesu yaina cahmachua, ò sehe yoara tina: ³⁴ Ti cahmachunoi numiare masa panoi yahu dutierara. Tí numiare mari sehe durucu dutieraja. Cohamacu to joari p̄u to niriro seheta numiare m̄are noano ȳhtia numia jiro cahmana. ã jia cahmachunoi numia durucuea t̄jijaro. ³⁵ Jesu yaina ti cahmachunoi numia ti durucuch̄u ñaa nina. ã jiro paye barore masi duaro numino to ya w̄h̄up̄ata to man̄nore sinitujaro.

³⁶ Ahri ȳu yahuhtire noano masiga musa. Cohamacu durucuare yahu d̄ucaina jierara musa. Tuhs̄u, to yare t̄horina musa dihta jierara. Paina c̄h̄u to ya buheare c̄h̄ara. ³⁷ Musa mehne macariro “Ȳh̄u Cohamacu yare yahuriro jija”, ni t̄hoturiro jiro ahri musare ȳu joari cjiri Cohamacu to dutia jichu masijaro tiro. Tuhs̄u, paio “Espíritu Santo to tuua mehne yoa masija”, ni t̄hoturiro jiro tiro c̄h̄u ahri ȳu joari cjiri Cohamacu to dutia jichu masijaro tiro. ³⁸ Tíre to masi duaerach̄u ȳu joari cjirire “Potocã jierara”, to nichu tirore

duhunocahga. T̄hoena tjiga tirore.

³⁹ ã jina ȳu coyeya, Cohamacu yare yahuina musa jihtore tuaro cahmaga musa. Tuhs̄u, musa mehne macaina musa cahmachunoi t̄homahnoeraa d̄userire ti durucu duach̄u ã durucu dutiga tinare. ⁴⁰ ã cahmachuna noano, cahma dojomehnenno marieno yoaga musa.

15

Cristo to masa m̄jarine yahuha Paulo

¹ Mip̄ure ȳu coyeya, noaa buheare musare ȳu yahurire musare wac̄uch̄u yoa duaja. Tí buheare noano cahmare musa. ã cahmana tí buheare ã ȳhtirucure musa. ² Musa ã cahmachu tíre musa ã ȳhtirucuch̄u Cristo musare pichacap̄u waha-borinare ȳhd̄uch̄u yoa tuhs̄ure. Musa ã t̄h̄ori baharo Cristo yare musa duhunocach̄u tí musa t̄h̄ori cjiri yaba c̄jhti jierara.

³ Ò sehe ni yahu m̄htaihtja musare. Ahri wiho waro jierara. Musare buhec̄u ȳh̄ure Cristo to yahuri cjirire musare ò sehe ni yahui: Cohamacu yare ti joariro seheta mari ñaa buhirire Cristo yariari jire. ⁴ ã yoa Cohamacu yare ti joariro seheta Cristo to yariari baharo paina to pjac̄u cjirire copap̄ure ti duhu payori baharo tia dacho jiboroi tiro masa wijaari jire. ⁵ Tiro to ã masa wijaari baharo Pedrore bajuari jire. To ã bajuari baharo to buheinare bajuari jire tjoa. ⁶ To ã bajuari baharo c̄u tahata quiniento bui jinare to yainare tiro bajuari jire tjoa. C̄aina tirore ñ̄rina cjiri mip̄ure yariarina cjiri jira. Ti ã jipach̄ata payu tina mehne macaina cjiri mip̄ure jisinina. ⁷ Baharo Cristo Santiagore bajuari jire tjoa. ã to bajuari baharo jipihtina to buhe duti to c̄ūinare bajuari jire tjoa.

⁸ Jipihtina painare to bajuari baharo ȳh̄u c̄h̄ure bajuare tjoa. Wih̄arirocã to quih̄ori dachoi masa bajuerarirocã to masa bajua n̄n̄u tiriro seheta ȳh̄u c̄h̄u Jesure wac̄u

tua nunu tiriho jija. Yu ã jiriho jichu ti baharopu bajuare Jesu yuhu cãhure tjoa. Yuhureta tiro bajua batoare juna. ⁹ Panopure Jesu yainare ñano yoamai. Æ yoariho cjiro jicu paina Jesu to cãrina jipihtina ti docapu waro jija yuhu. Æ jicu mipu cãhure Jesu buhe duti to cãboriho jieramaja yuhu, yu tuhutuchu. ¹⁰ Æ jipaihta Cohamacu yuhure to cahichu mipure Jesu to cãriho jija yuhu. Æ jicu tiro yuhure to cahichu mipure to cahmaare yoa pahñoja. Æ jicu yuhure to cahichu to yairo ã jinocai nieraja. Jipihtina paina to cãrina yuhdoro yuhu sehe tuaro buhei. Æ buhecu yu mu suro buherahi. Cohamacu yuhure cahno yuhure yoadohore. ¹¹ Yuhu sehe ahri buheare yu buhechu tuhoriga jiboca musa. O paina sehere tuhoriga jiboca musa. Æ jipachuta yuhu, yuhu mehne macaina cãhu cãno pоторi ahri buheare buheja sã jipihtina Jesu to cãrina. Æ sã buhechu tuhona musa sehe ahri buheare noano tuhore.

Yariarina cjiri ti masa mujarine yahuha Paulo

¹² Cristo to yariari baharo to masa mujarine sã buhepachuta “Yariarina cjiri ne masa mjaerara”, nina musa mehne macaina cãina. ¿Dohse jiro baro ã nijari tina tãre? ¹³ Æ jiro yariarina cjiri ti masa mjaerachu Cristo cãhu ne masa mjaeraboa. ¹⁴ Æ yoa Cristo to masa mjaerachu noaa buheare sã yahuri cjiri ne yaba cjihti jieraboa. To masa mjaerachu tirore musa wacũ tuaa cãhu yaba cjihti jieraboa. ¹⁵ Masa mujano mariachu sã sehe Cohamacu yare mahõna niboa. Yariarina cjiri ti masa mjaerachu Cohamacu sehe Cristore masa mujachu yoeraboa. To ã yoerachu “Cohamacu Cristore masa mujachu yoari jire”, sã nina mahõina jiboa sã. ¹⁶ Yariarina cjirire Cohamacu masoeraro, Cristo cãhure tiro masoeraboa. ¹⁷ Æ jiro Cristo to masa mjaerachu tirore musa wacũ tuaa yaba cjihti jieraboa. Æ

yoa musa ñaa yoari buhiri buhiri tiina jisiniboa musa. ¹⁸ Masa mujano mariachu Cristo yaina cjiri yaria mahtaina cjiri pichacapu waha tuhsuboa. ¹⁹ Cristore mari wacũ tuari baharo mari yariana masa mja masierana jipihtina paina masa yuhdoro pjacõina jiboa mari sehe.

²⁰ Potocãta Cohamacu Cristore masa mujachu yoari jire. Cristo to masa mujari baharo mari cãhu yarianapu masa mjahtina tjija. Tiro ã masa mujano, marine suho masa mja mahtariho jira. ²¹ Õ sehetã jira ahri: Adão mehne masa yaria ducaha. Tõ sehe Jesu mehne yariarina cjiri masa mjaahca. ²² Adão yaina ji nunu tiinapu mari jipihtina yarianahca. Tõ sehetã Cristo yaina mari jichu mari yariari baharo marine masa mujachu yoarohca Cohamacu. ²³ Cãa curuari Cohamacu to quihõriho mu suchu masa mjaahca. Cristo marine suho ji mahtariho masa mja mahtari jire. Baharo tiro ahri yahpapu to tjua tachu mari to yaina cãhu masa mjanahca. ²⁴ Tã pjata pihtiri dacho jirohca. Æ jiro jipihtina ñaina puhtoare, dutiinare, tuainare cohãno Cristo yuhdurucarohca. To ã yoari baharo jipihtina bui to puhtoro to jirire Cristo wiarohca Cohamacu to Pucuro. ²⁵ To wiahto pano to Pucuro Cristore ñu tuhtiinare to yuhduruca pahñohto pano Cristo pinihta jipihtina bui puhtoro jirohca. Æ jirirota jiro cahmare tirore. ²⁶ Tirore ñu tuhtiinare to yuhdurucari baharo, yariaro cãhure cohã batoarohca tiro. Yariaro pihtia waharohca. Pari turi yariasi masa. ²⁷ Jipihtina bui dutihtiro cjihtore cãri jire Cohamacu Cristore. Jipihtia puho cãhure cãri jire tirore. Æta nina Cohamacu yare ti joari pu. Cohamacu sehe tirore cãriho jira. Æ jiro “Jipihtina bui dutihtiro cjihtore cãri jire tirore” nino, “Cohamacu bui dutiroho jira tiro”, nino nierari jire to yare ti joari pu. ²⁸ Jipihtina bui dutiroho Cristo Cohamacu macano to jichu Cohamacu tirore cãriho sehe to

macano bui dutiro jirohca. Æ jiro Cohamacu sehe jipihtina bui puhtoro waro jira. Jipihtia puro cãhu jira.

²⁹ ¿Masa mujano mariapachuta dohse yoa paina masa yariarina cjiri ya cjihtire ti bautisarina jijari? Yariarina cjiri masa mjaerachu ti ya cjihtire paina bautisarina ti jichu ti yaba cjihti jieraboa.

³⁰ Sã sehere sã buheri buhiri dachoripe paina sare ti ñano yoa duachu cua nina sã cãhure. Sãre ã cuapachuta masa mujano to jichu masina ã buherucuja sã. ³¹ Yu coyea, mari puhtoro Jesucristo yaina musa jichu tirore wacu tua namoina musa wahachu yhu sehe tuaro wahche tuhotuja musare. Ti potocãta jira. Æ yoa, “Dohse jiri numai yuhure variahto cua nina”, yu nichu ti cãhu potocãta jira. ³² Efeso macaina suaina noaa buheare yu buheri buhiri yuhure tuhti, cjãhre. Masa mujano mariachu Jesu yairo yu jierachu, yu ã ñano yuhdari yaba cjihti jieraboa. Wiho waro ñano yuhdai nibo yuh. Yariarina cjiri ti masa mjaerachu õ sehe nibo mari: “Baharo curero yarianahca. Dohse wahasi mari. Æ jina chu sihnijihna. Mari mu saro yojihna”, nibo mari.

³³ Mahnoare tuhotuena tjiga musa. “Ñainare piti tina, noaa musa yoaa tiare duhunahca musa”, nina masa. Ti potocãta jira. ³⁴ Noaare tuhotuina jiga musa. Tuhsu, noaare yoaina jiga tjoa. Æ yoa ñaare yoa namoena tjiga tjoa. Cãina musa mehne macaina sehe ne Cohamacure masierara. Musa buo tihto sehe musare ã nija.

Yariarina cjiri masa mujaina ti pjacuri cjihtire yahu namoha Paulo

³⁵ Æ yoa musa mehne macariro õ sehe ni sinituboca yuhure: “¿Dohse yoa yariarina cjiri masa mjaahcari? ¿Dohse jia pjacuri masa mjaahcari?” ni sinituboca. ³⁶ Æ sinituriro tuho masierariro seheta bisiro coa tara. Toari yapare mari toari baharo ti yapa baro cahachu waro dura. Tõ sehe wahaeraro ne dusi. Tire masina

musa. ³⁷ Busu yucpore toeraja mari. Pja yapari dihtare toaja mari. Ti yapari trigo yapari jia ji, o paye yapari baro jia jiboca. ³⁸ Ti yaparire mari toari baharo Cohamacu to cahmariro seheta ti yaparire busu mujachu yoara. Æ yoaro mostaza yaparire mostaza yucu wahachu yoara tiro. Trigo yaparire trigo yucu wahachu yoara. Æta du dutira Cohamacu. ³⁹ Jipihtina pjacuri cãno potori bajuerara. Masa pjacuri sehe cãno sehe jira. Wahiquina pjacuri cãhu soro sehe bajura. Minichahca pjacuri cãhu soro sehe bajura. Wahi cãhu soro sehe pjacuri tira.

⁴⁰ Æ yoa musano macaa poca cãhu soro sehe bajura. Tuhsu, ahri yahpa macaina cãhu pjacu tira. Æ yoa musano macaina pjacuri soro sehe bajura. Æ jia ahri yahpa macaa musano macaa yoaro sehe jierara. ⁴¹ Õ seheta jira. Sã dacho macariro si sitera. Æ yoa ñami macariro cãhu soro jira. Potota buhriara. Tuhsu, ñahpichoha poca cãhu soro sehe bajua si sitea cjara. Ñahpichoha poca peri cãhure mari ñachu cãa poca pjiroca sia poca bajura. Æ yoa paye poca tuaro sia poca bajura. ⁴² Tõ seheta jira yariarina cjiri ti masa mujachu. Masano to pjacure mari yari baharo to pjacubaa waharohca. Baharo pa pjacu soro jiri pjacu jipihtia dachoripe catihti pjacu masa mujanohca. ⁴³ Tõ pjacure mari yachu yariariro cjiro pjacuo nina. Cohamacu tirore to masochu to pjacu noa yuhdari pjacu jira. Tuhsu, to pjacu mari yari pjacu wiho jiri pjacu jira. Cohamacu tirore to masochu pinihtare to pjacu wiho jiri pjacu jieraro, tua yuhdara. ⁴⁴ Ahri yahpa macari pjacure mari yachu tiro yariariro cjiro to masa mujachu to pjacu musano macari pjacu jirohca. Ahri yahpa macari pjacure mari cjana, musano macari pjacu cãhure cjanaahca, masa mujana.

⁴⁵ Õ sehe ni yahura Cohamacu yare ti joari pui: “Ahri yahpai ji matariro Adão wama tiro catiriro waha

tiha”, ni joaa tiha. To ã jipachuta Adão yoaro sehe jiri bato tiri Cristo sehe catiare waro tari jire. ⁴⁶ Ahri yahpa macari pjacu ji mæhtari pjacu jira. Baharopu mæano macari pjacu jirohca. ⁴⁷ Õ sehta jira: Ji mæhtariro Adão sehe ahri yahpa macariro dihta mehne to yoari pjacure pjacu tiri jire. To baharo tariro, Cristo sehe mæanopu tari jire. ⁴⁸ Dihta mehne ti yoari pjacu ti mæhtariro to jiriro sehta jipihtina paina dihta mehne to yoari pjacu tiina jija mari. ã yoa mæanopu tariro yoaro sehta to yaina jipihtina to yoaro sehe pjacu tiina jinahca mari. ⁴⁹ Dihta mehne to yoari pjacu tiriro Adão yoaro sehe bajuja mari. Baharo mæano macariro Cristo yoaro sehe bajunahca mari.

⁵⁰ Yu coyea, musare ahrire yahu duaja: Ahri yahpa macari pjacu di mehne, dihi mehne jiri pjacu puhtoro Cohamacu to suho jiropure mæanopure ne wahasi. Mari pjacuri bahti pjacuri jira. ã jia mæanopu jipihtia dachoripe mari jhtopure ahri pjacuri wahasi. ⁵¹ Panopure masa ti masierari cjirore mipure musare yahu duaja: Mari mehne macaina caina yariasi. ã jina dóicãta, mari pjacurire cohtotaina jinahca. ⁵² Corneta to puti batoari dachoi ãta waharohca marine. Dóicãta, mari capari wihmitjiã mari nu puorocarosehe õ sehe waharohca. Corneta to bisiri baharo yariarina cjirore Cohamacu masonohca jipihtia dachoripe mari jhtina cjihtire. Tuhsu, mari pjacurire cohtotaina jinahca mari cãhu. ⁵³ Mari pjacurire to cohtotachu tó pano mari bahti pjacuri ti jipachuta mari cohtotari baharo ne baasi. ã yoa mari pjacuri ti cohtotachu tó pano mari yarihti pjacuri ti jipachuta ne yariasi. ⁵⁴ Mari bahti pjacuri ne baerhti pjacurire cohtotarohca. ã yoa mari yarihti pjacuri ã jirucuhti pjacurire cohtotarohca. Marine to ã cohtotachu panopu to joariro sehta ã waharohca: “Ñaina mari jiri buhiri

tiare Cristo to cohã pahñori baharo, Cohamacu yariarore cohãnocari jire. ⁵⁵ Ne pari turi mari yariasi. ã jina yariaro mehne pari turi ñano yuhdusi mari”, ni joaa tiri jire panopure. ⁵⁶ Mari ñaa buhiri jichu pinihta yariaropu ñano yuhdunahca. ã yoa Cohamacu dutia Moise cjirore to cûri cjirore mari masiri baharo, buhiri tija mari. ã jiro marine pichacapu waha dutira Cohamacu dutia. ⁵⁷ To ã dutipachuta mari puhtoro Jesucristo sehe marine pichacapu wahaerachu yoara. To ã yoariro jichu masina Cohamacu mehne wahche “Noana”, nija mari.

⁵⁸ ã jina yu coyea, yu cahina, Cristore wacû tua duhuena tjiga. ã yoana paina musare noaa buheare ti cohã dutichu, ne cohãena tjiga tíre. ã yoa dachoripe mari puhtoro Jesucristo to yoa dutirire noano yoarucuga musa. Mari puhtoro Jesucristo yare mari yoachu, ahri wiho waro jierara. Ahrire masina to yoa dutirire noano yoarucuga musa.

16

Painare Jesu yainare Corinto macaina niñeru ti wahtire yahuha Paulo

¹ Mipure painare Jesu yainare musa niñeru wahtire yahu duaja musare. Galacia yahpa macainare Jesu yainare yu dutiriro sehta musa cãhu yoaga. ² Somanaripe domingo jichu jipihtina musa Jesu yainare wahti cjihti niñerure mahanocã waga. Mahanocã cãana mahanocã waga. ã yoa pji curero cãana pji curero waga. Somanaripe musa ã yoachu musa cahapu yu suchu musa warocahti cjihti niñeru ji tuhsurohca. ³ Musa wahtire, musa warocahtina cãhure yahuri pûre joaihtja. ã jicu musa cahapu sucu tí pûre Jerusalëpu wahahtinare musa beserinare waihtja. ã wa tuhsucu Jesu yainare musa warocari niñerure nahtina cjihtire tinare warocaihtja Jerusalëpu. ⁴ Tí macapure yu yoahti jichu yuhu cãhu

wahaihca. Yũ ã wahachũ yũhũ mehneta tina wahaahca.

To tinihto cjihtore yahuha Paulo

⁵ Macedonia yahpa macainare masa boca yũhdũihca yũhũ tinare. Yũhdu wahcã, mũsa cahai Corintopũ sũihca. ⁶ Tópũ sũcũ mũsa mehne mahaa dachoricã jiboca yũhũ pa tehe nicũ. Yoa cureri pja puhuro puro mũsa mehne jiboca yũhũ. ã jina pa seherũ yũ wahachũ mũsa cãhũ yũhũre yoadohoroca masina. ⁷ Mahaa nũmũricã ji duaeraja yũhũ mũsa mehne. ã jicũ Cohamacũ cahmachũ yoa cureri pja mũsa mehne jiihtja yũhũ. ⁸ ã ji duapaihta Pentecoste bose nũmũri jichũpũ Efesoi jisiniihca yũhũ. ⁹ Õi Efesoi mipũre mari pũhtoro Jesu yare tũho duaina payũ jira. Ti ã tũho duachũ tinare yahuja. Yũ ã yahuchũ yũhũre ñũ yabiina payũ jira.

¹⁰ Timoteo yũ yoaro seheta mari pũhtoro yare yoara. To ã yoariro jichũ mũsa cahapũ to sũchũ noano mehne tirore piti boca, tiro mehne noano wahchea mehne jiga mũsa. ¹¹ ã yoana tirore ñũ yabiro marieno noano mehne piti bocaga mũsa. Tuhsũ, to coha sitichũ noano mehne tirore yoadohorocaga yũ cahapũ to tjua tachũ. Tiro paina Jesu yaina mehne ti tahtore cohtana nija sã. ã jina noano mehne yoadohorocaga tinare.

¹² Apolo mari coyero Jesu yairo mũsare to ñũno wahachũ tuaro cahmamahi. ã jicũ tirore waha dutimahi paina Jesu yaina mehne to wahahto cjihtore. Yũ ã waha dutipachũta mipũre tiro waha duaerare. ã jiro baharo tirore yoaa mariachũ mũsa cahapũ waharohca tiro.

Paulo noa duti batoaha

¹³ Noano wacũ masiga mũsa. Cristore wacũ tua duhuena tjiga mũsa. Ne cuieraina jirucuga mũsa. ã yoa Cohamacũ tuua mehne wacũ tuaina jirucuga mũsa. ¹⁴ Dohse jiare mũsa yoana, painare cahã mehne tíre yoaga mũsa.

¹⁵ Mipũre yũ coyera mũsare ahrire yahu duaja: Estéfana ya wũhũ macaina Acaya yahpa macaina noaa buheare tũho mũhtaina, ti ya yahpai Cristore wacũ tua mũhtaina jire tina sehe. Tuhsũ, painare mari coyere Jesu yainare noano yoadohorucure tina. Tíre mũsa masina. ¹⁶ Tina yoaro sehe jiiinare, paina Cristo yare yoadohoinare mũsa noano yũhtichũ cahmaja yũhũ. ¹⁷ Estéfana, Fortunato, Acaico cãhũ yũ cahapũ wihi tuhsũhre. Õi ti jichũ pjíro mehne wahcheja yũhũ. Mũsa mariachũ mũsare tuaro wacũi nimahi yũhũ. ã jicũ tina ti wihichũ wahcheja yũhũ. ¹⁸ Tina mehne jicũ noano yajeripohna tiroro wahahi yũhũ mũsa cãhũ tina mehne mũsa wahcheriro seheta. Tinare noano ño payoa mehne tũhoga mũsa. ã yoa paina tina yoaro sehe jiiina cãhũre ño payoa mehne tũhoga.

¹⁹ Asia yahpa macaina Jesu yaina mũsare noa dutira. ã yoa Aquila, Priscila, ti ya wũhũi cahmachuina mehne Cristo to cahã mehne mũsare pjíro noa dutira. ²⁰ Õ macaina Jesu yaina jipihtina mũsare noa dutira. Mũsa mehne macainare noano mehne piti bocasinia.

²¹ Yũhũ, Paulo yũ basi ahri dihtare joaja. Mũsare noa dutija.

²² Mari pũhtoro Jesucristore paio to cahĩerachũ, Cohamacũ tirore buhiri dahrejaro. Mari pũhtoro cjero tjua tajaro.

²³ Yũ coyera mari pũhtoro Jesucristo mũsare jipihtinare to cahã mehne noano yoajaro. ²⁴ Yũhũ Jesucristo yairo jicũ, to yaina mũsa cãhũ mũsa jichũ mũsare tuaro cahãja.

2 Corintios

Õ sehe ni joarocaha Paulo Corinto macainare

¹ Yũhũ Paulo Jesucristo buhe dutiro to cũriro jija. Cohamacũ to cahmariro seheta cũre yũhũre Jesu. Yũhũ, mari coyeiro Jesu yairo Timoteo mehne mũsare Cohamacũ yainare, Corinto macainare joarocaja tjoa. Jipihtina Cohamacũ yainare Acaya macainare mũsa cũhũre joarocaja. ² ã jina Cohamacũ mari Pũcũ, mari pũhtoro Jesucristo mehne mũsare noa dutija. Cohamacũ to cahĩa mehne to yoadohoa mehne noano jiga mũsa.

Paulo to ñano yũhdũrĩre õ sehe ni yahuha

³ Mari pũhtoro Jesucristo Pũcũro Cohamacũ marine pja ñũna. ã jiro tiro marine ã yoadohorucura. “Noa yũhdũariro jira tiro”, nijihna mari. ⁴ Mari ñano yũhdũchũ ñũno jipihtinare marine to yainare yoadohora tiro painare mari yoadohoto sehe. Cohamacũ marine to yoadohoa mehne mari cũhũ paina cũhũre yoadohonahca. ⁵ Cristo yaina mari jiri buhiri mari ñano yũhdũchũ tiro tuaro yoadohorohca marine. ⁶ Sã sehe mũsare yoadohona ñano yũhdũja. Cristo mehne mũsa yũhdũhto sehe mũsare sã yahuri buhiri ñano yũhdũja. ã yoa Cristo sãre to yoadohochũ sã sehe mũsa cũhũre yoadoho masija. ã jina sã ñano yũhdũriro seheta mũsa cũhũ ñano yũhdũna, noano mehne cãno pjanahca mũsa. ⁷ Noano mehne mũsa cãno pjahtore sã masija. Sã ñano yũhdũriro seheta ñano yũhdũre mũsa cũhũ. ã jina Cohamacũ to yoadohoa mehne wahche, sã cãno pjarĩro seheta mũsa cũhũ wahchena, cãno pjanahca.

⁸ Sã coyea, mipũre ahri yũ yahuhtire mũsa noano masichũ sã cahmaja. Asia yahpai ñabiaro yũhdũi sã. Õ sehe ni tũhotumai sã: “Ne bihosi

mari. Ne cãno pjasi. ã jina mari yari-anahca”, ni tũhotumai sã. ⁹ “Marine wajãnocahca”, ni tũhotumai sã. ã ñano yũhdũna Cohamacũ dihtare tuaro sã wacũ tua namoi. Sãre ti ñano yoachũ cahmaha Cohamacũ tirore sã wacũ tua namohto sehe. Tiro sehe yariainare masoriro jira. ã tirore wacũ tuana sã mũ sũro sã cãno pjaerarire masija. Cohamacũ sehe marine yoadohora. ¹⁰⁻¹¹ Sãre cuabiaro jipachũta to yoadohoro mehne sã yũhdũi. Baharopũ cũhũre pari turi sãre yũhdorohca. Sãre Cohamacũre mũsa sini payochũ tiro sãre yoadohorohca. Sãre to yoadohohtore masija sã. ã jina sãre to yoadohochũ ñũna, tirore “Noana”, ninahca mũsa. Payũ mũsa sini payorire to yũhtichũ ñũna wahche, “Noana”, ninahca mũsa Cohamacũre. Payũ paina cũhũ ãta niahca.

Paulo Corintopũ to waha duamarire yahuha

¹² Mũsa mehne sã jĩre wacũna wahchea mehne õ sehe tũhotuja sã: Ahri yahpai Cohamacũ to yoadohoa mehne mahũono marieno noano mehne masare piti ti buhehi. Mũsa pinihtare noano piti ti buhei. Õ sehe yoana sã mũ sũro sã masia mehne yoaerahi. Cohamacũ cahĩa mehne to tuua mehne ã yoahi. ¹³⁻¹⁴ ã yoana noano yahu joarocahi mũsare, noano mũsa masihto sehe. Mipũ sãre mũsa masi pahũohto dũhsasinina mini. Sã jia tiare mũsa noano masichũ tuaro cahmaja sã. ã sãre noano masina, mari pũhtoro Jesu to tjua tachũ sã mehne wahchenahca mũsa. Mũsa mehne sã wahcheriro seheta mũsa cũhũ sã mehne wahchenahca.

¹⁵⁻¹⁶ Õ sehe nicũ Macedonia yahpapũ waha duamaja yũhũ. ã wahacũ mũsare ñũ yũhdũ wahcã duamaja yũhũ. ã jicũ tũpũre sũricũ tjua tacũ pari turi mũsa mehne mahaa nũmũricã jiboca yũhũ. ã jina pũta taha mũsa mehne yũ jichũ ñũna pjĩro yũhũ mehne mũsa wahcheboca. Baharo mũsa cahapũ jiricũ Judea yahpapũ yũ wahachũ ñũna yũhũre yoad-

ohoboca m̄usa. ¹⁷ “Wahaihtja”, ȳu nich̄u t̄uhorina jina m̄usa cahap̄u ȳu s̄uerach̄u ñ̄una “Paulo mahñono niri jira”, ¿ni t̄uhotujari m̄usa? “Wahaihtja”, nic̄u ȳu m̄u s̄uro ã nic̄u nieraja ȳuh̄u. “To niriro seheta yoaerara”, ¿ȳuh̄ure ni t̄uhotujari m̄usa? ¹⁸ Õ sehe ni mahñoriro jieramaja ȳuh̄u. ã jic̄u “Yoaihtja”, nic̄u ȳu niriro seheta yoaja ȳuh̄u. Tíre masina Cohamac̄u. ¹⁹ Ȳuh̄u, Sila, Timoteo mehne Jesucristo Cohamac̄u mac̄uno yare m̄usare yahui sã. Cristo sehe “Yoaihtja” nino, quihõno yoariro jiro nina. Cohamac̄u to niriro seheta Cristo yoara. ²⁰ Jipihtiare Cohamac̄u to yahurire Cristo yoa pahñoha. To ã yoariro jich̄u ñ̄una Jesu yoadohoro mehne to yare sã painare “ã tjira”, ni yahuja Cohamac̄ure ti ño payohto sehe. ²¹ Cristo yaina marine jirucuch̄u yoariro Cohamac̄uta jira. ã jiro to yare yahuhtinare sãre besere tiro. ²² ã yoa to yaina mari jiare ñ̄uno tíre marine masich̄u yoara tiro. ã yoaro, Espiritu Santore mari mehne ji dutire tiro. Mari mehne jiro tirota marine Cohamac̄u to ȳuhdohtore masich̄u yoara.

²³ Mip̄ure poto yahuihtja m̄usare. Poto ȳu yahuerach̄u Cohamac̄u sehe m̄usare poto yahujaro. Tirota ȳu t̄uhotuare masina. M̄usare tuhti duaerac̄u m̄usa cahap̄u wahaerahi. “M̄usare cahyach̄u yoari”, nic̄u m̄usa cahap̄ure Corintop̄u wahaerahi. ²⁴ ã jina “M̄usare wac̄u tua dutiina jija sã”, nina nieraja. Cristore noano wac̄u tua tuhs̄ure m̄usa. ã jina “Õ sehe Cristore wac̄u tuaro cahmana m̄usare”, nina nieraja sã. M̄usare yoadoho duaja sã m̄usa noano wahchehto sehe.

2

¹ ã jic̄u õ sehe ni t̄uhotuhi: “Pari turi tinare cahyach̄u yoa duaeraja. ã jic̄u mip̄ure wahaeraja”, ni t̄uhotuhi. ² M̄usare cahyach̄u yoa duaeraja. M̄usa cahyach̄u ñ̄uc̄u ȳuh̄u sehe m̄usare wahcheraboa. ã jina ȳuh̄ure wahchech̄u yoahina

jieraboa m̄usa sehe. ³ ã jic̄u m̄usa cahap̄u wahaerahi. Wiho mejeta m̄usare wiho joaroca bahrañohi. M̄usa ȳuh̄ure wahchech̄u yoahina jipanahta ȳuh̄ure cahyach̄u yoaboa m̄usa, m̄usa cahap̄u ȳu s̄uch̄u. M̄usa mehne ȳu wahchech̄u, m̄usa c̄uh̄u wahchenahca. Tíre masija ȳuh̄u. ã jic̄u mip̄ure m̄usa mehne cahya duaerac̄u wahaerahi m̄usa cahap̄u. ⁴ Pj̄iro t̄uhotuc̄u, ñ̄ano yajeripohna tic̄u, tuaro yahco mehne m̄usare joarocapac̄uta m̄usare cahyach̄u yoa duaerahi. M̄usare tuaro ȳu cah̄ire m̄usare masich̄u yoa duac̄u m̄usare joarocahi.

Tina mehne macariro to ñ̄ano yoarire bo dutiha Paulo Jesu yainare

⁵ Cãiro m̄usa mehne macariro ȳuh̄ure cahyach̄u yoariro jire. Wiho mejeta m̄usare to tuaro cahyach̄u yoariro seheta ȳuh̄u sehere pj̄iro cahyach̄u yoaerare tiro. ã ñ̄ano yoariro cãina m̄usa sehere tua curero cahyach̄u yoayuhti. “Tua curero”, nija ȳuhdo curero yahu duaerac̄u. ⁶ Paȳu m̄usa mehne macaina tirore buhiri dahre tuhs̄uyuhti. Tó purota buhiri dahre duhuro cahmana tirore. ⁷ Tirore m̄usa buhiri dahre-rucuch̄u tuaro cahyaboca tiro. ã jiro Cristo yare duhuboca. ã jina to ñ̄aa yoarire boga m̄usa. Tirore yoadohoga to wahchehto sehe. ⁸ Tuhs̄u, tirore noano yoaga m̄usa tirore m̄usa cah̄ire to masihto sehe. M̄usa ã yoach̄u tuaro cahmaja ȳuh̄u. ⁹ Tó pano m̄usare joarocac̄u “¿Potocãta ȳuh̄ure ȳuh̄tiahcari?” nic̄u ã ni yahu joarocahi m̄usare. Ȳuh̄ure m̄usa ȳuh̄tich̄u ñ̄u duac̄u m̄usare ã ni joarocahi. ¹⁰ Mip̄ure to ñ̄aa yoarire m̄usa boch̄u ñ̄uc̄u ȳuh̄u c̄uh̄u tíre boihtja. Ȳuh̄ure ñ̄ano yoareri jire tiro. M̄usa sehere ñ̄ano yoayuhti. To ã jiriro jipach̄uta to ñ̄aa yoarire boja ȳuh̄u c̄uh̄u. M̄usare noano yoadoho duac̄u Cristo to ñ̄urocaroi to ñ̄aa yoarire boja. ¹¹ Tíre boja Satana marine to ȳuhducaerahto sehe. Tiro marine ñ̄aare yoach̄u cahmana. Tíre noano

masija mari. Æ jina Jesu yaina ti ñaa yoarire wacũrucueraja mari, “Tinapu Satana yare cahmari”, nina.

Tróade wama tiri macai jiro Titore bocaeraro pjíro cahya tũhotuha Paulo

¹² Æ yoa Tróade wama tiri macapu sui Cristo yare buhe duacu. Tópu yu jichu payu masa noaa buheare tũho duaina jire. Mari puhtoro to yoadohoa mehne to yare yu buhehtina payu masa jire. ¹³ Æ jipachuta mari coyeirore Titore bocaeracu pjíro cahya tũhotui. Æ jicu tó macainare coha siti tuhsucu Macedonia yahpapu wahai.

Cristo to yoadohoa mehne ñaare yorarucueraja mari

¹⁴ Æ yoa Cohamacu Satanare to yũhdũrucari baharo mari cũhure tirore yũhdũrucachu yoara, Cristo mehne ñaa yoaare marine duhucu yoaro. Surara mahapu pari pohna wahaga ti yũhdũrucarire ti yoa ñono sehetu mari cũhu Cohamacu mehne Satanare mari yũhdũrucarire yoa ñona nija Cohamacu mehne. Æ jina “Noana”, nija tirore. Æ jina Cohamacu marine to dutichu masina jipihtiropu Cristore masare masichu yoaja mari. Æ tirore masia tina noano wahchera me sitiare ti wahcheriro sehetu. ¹⁵ Cristo yaina jina, Cohamacu sehere wahchecu yoaja mari, me sitiare mari wahcheriro sehetu. Æ jia Cristo yaina mari jia tiare ñu masina paina Cohamacu to yũhdohtina. Paina ti ñaa buhiri pichacapu wahahtina cũhu Cristo yaina mari jia tiare ñu masina. ¹⁶ Cristo yaina mari jichu ñua, ti ñaa buhiri pichacapu wahahtina sehe pichacapu ti wahahtore masina. Cohamacu to yũhdohtina sehe marine Jesu yainare ñua jipihtia dachoripe tiro mehne ti jhtore masina. Æ jia Cristo ya wiho jia buhea jierara. Æ jiro ahrire Cristo yare to mu sũro buhe sohtori tiriro ne mariaha. ¹⁷ Payu paina Cohamacu yare buhe mana niñerure wapata duaa. Sã sehe tina yoaro sehe yoeraja. Mahũono

marieno Cristo to tuua mehne to yare buheja sã. Cohamacu sãre to cũchu to ñũrocaroi noano buheja sã.

3

¹ ¿Pari turi sã jia tiare musare yahuna nijari sã, musa tũhotuchu? Paina musare ti buhehto pano ti jia tiare masi duana ti joari pũre cahma muhtare musa. Sãre masi tuhsura musa. ¿Sãre masipanahta tí pũ barore cahmajari musa? ¿O paina cahapu sã buhena wahana tí pũ barore sãre nano cahmajari, musa tũhotuchu? ² Tí pũ barore cahmaeraja sã. Musa sehere jipihtina paina ñua musare sã noano buherire masiaha. Musare sã buhechu Cristo yaina ji dũcare musa. ³ Æ jina tí pũ baro yoaro sehe jira musa sehe. Cristo painare to joarocari pũ yoaro sehe jira musa. Tí pũre tiro to joarocaboro sehetu, Espiritu Santo tuua mehne musa jia tiare noano cohtotachu yoari jire Cristo, painare to tuaare ñono taro. Potota tinta mehne to joarocari pũ yoaro sehe jierara musa. Cohamacu catiriro waro to Espiritu Santo mehne musare cohtotachu yoaro, joarocari pũ painare to joaroca ñono sehetu, musa sehe Cristo yaina wahana, to yare musare sã quihũno buherire noano ñona painare. ⁴ Ahrire jipihtiare michapucacã yu ni joarire tũhotuja sã Cohamacu noano wacũ tuana. Cristo to yoadohoa mehne ã wacũ tuarucuja sã. ⁵ “Sã mu sũro ahri dahraare yoaja sã”, ni masieraja sã. Cohamacu to yoadohoa mehne bihoja sã.

⁶ Mipure to yahuaire noaa buheare Cohamacu sehe noano sãre buhe masichu yoara. Ahri buhea panopu to dutia to joari cjiri yoaro sehe jierara. Noaa buhea sehere buheja sã. Panopu to dutirire mari mu sũro ne bihoeraja. Æ mari bihoerari buhiri pichacapu wahaboa mari. Noaa buhea sehere tũhona Espiritu Santo to yoadohoa mehne Cristore wacũ tuaja. Æ wacũ tuana jipihtia dachoripe Cohamacu mehne jirucunahca mari.

7 Cohamacu to dutiare cūno tãa p̄j̄n̄ip̄ joa õ tuhsu, Moise cjirore cūri jire. To ã cūri baharo to si sitea bajuari jire. Moise cjiro w̄hd̄ua si siteri jire. Minoa ȳhd̄uari jire. Baharo tí si sitea pihtia wahari jire. Baharo to si sitea to pihtia wahahto to jipach̄uta wahmanore to w̄hd̄uare masa ne ñuroca õa bihoerari jire. Tí dutiare masa ti yoa pah̄noerari buhiri pichacap̄u wahahtina jia tiri jire. ã jia tí dutia masare pichacap̄u waha dutipahta, tuaro si sitea mehne ji d̄ucari jire tí dutia. 8 Tí dutia ȳhd̄oro noaa buhea sehe noa ȳhd̄uara. Ahri buheare painare mari buhech̄u ti noano t̄h̄och̄u Esp̄iritu Santo tina mehne jirohca. ã jia panop̄u macaa dutia ȳhd̄oro Cristo ya sehe noa ȳhd̄uara. 9 Cohamacu dutia panop̄u macaa masare pichacap̄u waha dutiri jire. ã dutipahta Cohamacu tuaa mehne to si sitea mehne ji d̄ucari jire. Tí ȳhd̄oro noaa buhea sehe Cohamacu to tuaa mehne jira. Tí buhea mehne noaina wahara masa Cohamacu to ñuch̄u. 10 Panop̄u Cohamacu to dutiri cjiri sehe wiho jia dutia yoaro sehe t̄juanocahna mip̄ure noaa buhea mehne mari ñ̄u piti bocach̄u. Noaa buhea sehe noa ȳhd̄uara. 11 Panop̄ure to dutia yoa cureri p̄ja si sitea jirucuma, pihtia wahahta. Tí dutia ȳhd̄oro noaa buhea sehe noa ȳhd̄uara. Tí buheare noano t̄h̄ona, Cohamacu mehne ã jirucunahca.

12-13 Mari ã jirucuh̄tore masina, cuiro marieno noaa buheare noano yahu pah̄nocaja sã. Moise cjiro sehe sã yoaro sehe yoaerari jire. “Cohamacu to si sitea pihtiro nina”, Israe masa ni ñ̄uri”, nino to w̄hd̄uare d̄ucatarari jire Moise cjiro. Sã sehe tiro yoaro sehe yoaeraja. Cuiro marieno, d̄ucataro marieno to yare noaa buheare buheja sã. 14 Tí p̄jap̄u macaina Israe masa sehe ne masiera tiri jire. Mip̄u c̄uh̄ure Cohamacu yare panop̄u to joaa p̄r̄ine tina buhea, ne masierara. Moise cjiro to w̄hd̄uare to d̄ucatach̄u Cohamacu

to si siteare ti ñuroca õerariro seheta tina noaa buheare noano masierara. Cristore cahmaeraa, masisi tina. Tirore noano wacū tuaa, tí p̄ja pinihta to yare masiahca. 15 Mip̄u c̄uh̄ure Israe masa Cohamacu dutia Moise cjirore to cūrire buhea, tinare d̄ucataro seheta noaa buheare ti t̄h̄oborore d̄ucataro. 16 Mari sehe mari p̄h̄torore mari cahmach̄u tirota marine masich̄u yoara. Moise cjiro to w̄hd̄ua d̄ucatarore to nanocaboriro seheta mari p̄h̄toro marine to yare noano masich̄u yoara. 17 “Mari p̄h̄toro” nic̄u, Esp̄iritu Santore nii nija. Cohamacu to Esp̄iritu Santo mari mehne to jich̄u pichacap̄u wahaborinare to ȳhd̄oina jia. ã jina “Panop̄u macaa dutia mehne mari ȳhd̄unahca”, nieraja mari. ã jina tí dutiare duhuna, Esp̄iritu Santo to cahmano seheta yoaja mari. 18 ã jina Jesu yaina jina, Cohamacu yahure masija mari. Ti w̄hd̄ua pocare d̄ucataro marieina yoaro seheta Cristo to tuaare ñona nija mari. ã jiro mari p̄h̄toro Esp̄iritu Santo marine noaa sehere cohtotach̄u yoaro nina. To ã yoach̄u Cristo noa ȳhd̄uariro to jiro seheta wahana nija mari.

4

1 ã yoa Cohamacu sãre p̄ja ñ̄no, noaa buheare yahuhtinare cūre sãre. To ã cūrina sã jiare masina, to yare buhena pomerana, buj̄ua witi t̄h̄otueraja. 2 To yare buhena mah̄ño cure buheraja. Tuhsu, sã tíre cohto-taeraja. Soro curero buhena buoro ȳhd̄uboa. ã jina tó sehe yoare cahmaeraja sã. Cohamacu to ñurocaroi jia sã. ã jina noaa buheare noano quih̄õno buheja sã. Sã ã buhech̄u ñ̄ua tíre noano masina sãre t̄h̄oina. 3 Sã ya buheare noaa buheare buheja sã. Sã tíre buhepach̄uta paina ne noano t̄hoerara tíre tinare d̄ucataro seheta. ã t̄hoeraina pichacap̄u wahahtina jira. 4 Satana ñ̄ariro ahri yahpa macaina bui p̄h̄toro tinare masierach̄u yoara. Capari ñ̄eraina ti ñ̄u masieraro seheta masierach̄u

yoara tinare. Noaa buheare Cristo tua yuhdurucu suriro ya buheare ti masierachu yoara tiro. Cristo sehe Cohamacu to jia tiare marine masichu yoara. Tiro Cristo Cohamacu waro jira. ⁵ Sã buhena “Sã sehere ño payoga”, ni buheraja. Õ sehe ni buheja sã: “Jesucristo sehe jira mari puhtoro”, ni buheja sã. Sã sehe Jesure yuhtiina jina, musare dahra cohtaina yoaro sehe jina, to yare musare buheja sã. ⁶ Panopu õ sehe niha Cohamacu: “Nahitianopure buhriaro jiga”, ni dutiha tiro. Mipure tirota jira marine to tuaare masichu yoariro. Buhriarocaró marine to noano bajuchu yoaro seheta, tiro to tuaare marine masichu yoara. Cristo Cohamacu tuaare, to jia tia cãhure marine masichu yoara.

Cristo to tuaa mehne mari jija

⁷ Æ masiina jina, to tuaare, noa buhea cãhure painare masichu yoaja. Æ yoaina jipanahta wiho jiina jija sã. Dihi biato dóihta to wahtiro yoaro seheta sã cãhu wiho jiina jija. Æ jipanahta Cohamacu to tuaare, noa buhea cãhure painare buheja sã. Sã ã buhechu ñna, wiho jiina sã jichu ñna, sãre tuhoina õ sehe ni, masiahca. “Ti mu suró ahri buheare masierara. Cohamacu sehe tua yuhdururo tinare masichu yoara”, ni masiahca paina sãre. ⁸ Jipihtina paina sãre ñano yoapahta Cohamacu sãre to yoadohochu tina sãre yuhdurucaerara. Æ jina “Ñano yuhduna nija”, ni tuhótupanahta, Cohamacu yare ne duhueraja. ⁹ Sãre ti ñano yoarucupachuta Cohamacu sãre ã yoadohorucura. Sãre ti cjãroca cã mujapachuta to yoadohoa mehne yarieraja sã. ¹⁰ Ti wajãhtina jinocanata nija sã, Cristo ahri yahpai to ñano yuhdururo seheta. Æ ti wajãhtina jinata nija sã Cristo catiare wariro to jiare masa ti masihto sehe. Sã ã ñano yuhduchu ñna tíre masiahca masa. ¹¹ Æ yoa dachoripe sãre paina nu wajãhto cuara Cristo yaina sã jiri buhiri. Õ seheta ñano

yuhduja sã Cristo to catiare wariro to jiare paina ti masihto sehe. Sã pjacuri baharo yariaa wahaahca. Sã ã wahahtina jipanahta Cristore catiare warirore masichu yoaja sã painare. ¹² Æ jia musare sã buheri buhiri sã sehere paina nu wajãhto cuara. Sã buheare musa tuhori baharo jipihtia dachoripe Cohamacu mehne jirucuhtina jira musa.

¹³ Cohamacu yare ti joari pui õ sehe nina: “Cohamacure wacũ tuacu, to yare yahuhi”, ni joaa tiha panopu macariro. Sã cãhu tó seheta yoaja. Cohamacure wacũ tuana, to yare yahuja. ¹⁴ Æ buheja sã ahri yu nihtire noano masina: Cristo to yariari baharo Cohamacu tirore masori jire. Æ jiro Cristo yaina mari jichu ñno tiro mari cãhure masonohca. To ã masori baharo to cahapu naanohca marine. ¹⁵ Æ jina musare yoadohona, ñano yuhduja sã. Æ jina Cristo yaina musa payu wahana, payu musa Cohamacure wahchea mehne ño payonahca. Tirore “Noana”, ninahca.

¹⁶ Musa ã wahachu ñna, sã ñano yuhdurupanahta cahyaeraja. Æ jina Cristo yare buhe duhueraja. Dachoripe wahyarucuna nija sã. Sã ã wahyarucupanahta dachoripe wahcheina jirucuja sã. ¹⁷ Mipure ñano yuhdurupanahta ñano yuhdu dojoeraja. Tí mari ñano yuhdu pihtia wahaahca. Æ jina marine mahanocã ñano yuhduro cahmana. Æ mari ñano yuhdurina cjiri jina, baharopure pjíro wahchea mehne jirucunahca Cohamacu mehne. Æ jina mari ñano yuhduri yuhdoro pjíro wahchea mehne jirucunahca. ¹⁸ Mari ñuri cjiri baa pihtia wahaahca. Mari ñuerari sehe ã jirucuahca. Æ jina mari ñueraare Cohamacu yare ã wacũrucuja mari. Æ wacũrucuna baharopu mari noano jihtore wahcheja.

5

¹ Wãhure to cohãboriro seheta baharo mari pjacuri sehe butia wahaahca. Æ jiro wahma wãhure

to yoaboro seheta Cohamacu wahmaa pjacurire yoarohca. ã yoaro tí pjacurire marine warohca. Tí pjacuri masa ti yoaa pjacuri jierara. ã jina muanopu ã jirucunahca tí pjacuri mehne. Tíre mari masija. ² ã jina tí pjacurire muanano macaa pjacurire tuaro cahmana, mari ã cohtarucuna nija. ³ Tí pjacurire tuaro cahmaja, mari yariari baharo suhti marieina mari jiboro seheta pjacuri marieina ji duaerana. ⁴ Mipure ahri pjacurire cohã duaerapanahta wahmaa pjacuri sehere tuaro cohtaja mari. Mipure mari pjacurire cohã duaerapanahta jipihtia dachoripe Cohamacu mehne mari jihtore tuaro cahmaja mari. ã jina ahri mari pjacuri yariahti pjacuri ti jichu masina, wahmaa pjacuri mehne Cohamacu mehne ã jirucu duaaja mari. ⁵ Mari ã jirucuhtore cahnore Cohamacu sehe. ã cahnono Espíritu Santore ware marine. ã jiro Espíritu Santo mari mehne jiro, marine Cohamacu to yoahore “Potocã tjira” nino, marine masichu yoara tiro.

⁶ ã jina Cohamacure wacũ tuarucuja mari. Cuiro marieno jija mari. Ahri mari ji mæhtari pjacuri jina, mari pæhtoro mehne jierasinja. ⁷ Muanano macaare Cohamacu cåhure mari ñerapanahta “Tí potocãta jira”, ni tæhotuja mari. ã jina tirore wacũ tuaja mari. ⁸ ã jina mari cuieraja. Mari pjacurire ahri yahpai cohãna mari pæhtoro mehne muanopu jirucunahca mari. ã yoa mari yariachu noa nina marine. ⁹⁻¹⁰ ã jina Cristore wahchechu yoa duaaja mari. Ahri yahpa macari pjacuri mehne jisinina tirore wahchechu yoa duaaja. Muanopu cåhure tirore wahchechu yoa duaaja.

Jipihtina Cristo cahapu mari wahachu ñuno tiro mari yoarire ñuno marine beserohca. Ñano mari yoarire masinohca tiro. ã masino wapa marieno to waborire marine wasi tiro. Noaare mari yoari cåhure

masinohca. ã masino wahchero marine noano yoarohca. To ã masiro jichu ñuna tirore wahchechu yoa duaaja mari.

Cohamacu marine to ñu tuhtichu ñuno Cristo marine yahura

¹¹ ã jina cua pisaro mehne Cristore ño payoro cahmana marine. Ahrire masina, Cristo yare masichu yoaja sã masare. Tinare cuisãana, tirore wacũ tuachu yoa duaaja sã tinare. Noano mehne sã tíre sã buherire Cohamacu noano masina. Sã ã buherire musa cåhure noano musa masichu cahmaja yuhu. ¹² Pari turi noaina sã jia tiare musare yahuna nieraja. “Painare yuhdærcaja”, niinare musa yahuhto sehe noano mehne sã buherire yahuna nija sã musare. Tina sehe ti tæhotuapu ñaina jipahta masa ti ñurocaro dihta noaina yoaro sehe yoa ñomana. ã jina sã mehne musa wahchehto sehe ahri jipihtiare musare yahu joana nija. “Paulo cåhu sãre noano mehne buhere”, sãre painare musa ni dæcatahto sehe ahri jipihtiare musare yahu joana nija. ¹³ ¿sã õ sehe ni yahuna tæho masieraina jijari sã, musa tæhotuchu? Masa sãre ñua, tæho masieraina yoaro sehe ñuna sãre. Cohamacu yare sã yoachu ñua ã ni ñuboca sãre. Ti ã ñuborina jipanahta ã jiina jieraja sã musare yoadoho namona tana. ¹⁴ Cristo marine to cahichu ñuna musare ã yoadohoja. To ã cahichu ñuna to yare ã yahurucuja sã. Cåirota Cristo jipihtina mari ñaa buhirire yariari jire. To ã yariari baharo mari sehe jipihtina mari ñaa buhirire yariarina yoaro sehe jina, ñaare yoa namo duaeraja. ¹⁵ Jipihtina mari ñaa buhiri yariari jire tiro Cohamacu ya dihtare mari yoahore sehe. Mari mu saro yoa dutieraro, to cahmaa sehere marine yoa dutiro yariari jire tiro. Tiro sehe mari yaro jiborirore yariaro, masa mujari jire. ¹⁶ ã jina mipure sã mu saro masare “Noaina jira. Ñaina jira”, ni ñeraja sã. Panopu sã mu saro yoaa timai. ã jina Cristore masierahi. ¹⁷ ã jina Cristo yaina

wahana wahma masa bajuaina yoaro sehe wahaja mari. Panopure mari mu saro mari tshotumarire, mari yoamarire duhunocaja mari. Mipure wahma masa bajuaina yoaro sehe jina, noaa sehere cohtotana, Cohamacu ya dihtare yoa duaja mari.

¹⁸ Cohamacu sehe marine noaa sehere cohtotachu yoare. Cohamacure nu tuhtiina mari jichu nuno Cristo sehe mari naa buhiri tiare cohare. A cohano mari nu tuhtirire duhuchu yoare tiro. A yoachu yoare Cohamacu Cristore. A yoaro sare to yare buhe dutiro cure. A buhena, painare Cohamacu mehne ti nu tuhtirire duhuchu yoaja sa chu. ¹⁹ O sehe masare yahu dutire Cohamacu sare: “Cristore mari wacu tuachu nuno mari naa buhirire buhiri dahrerara Cohamacu marine. A yoaro marine nu tuhtiriro cjiro jiparota tiro marine to yaina jichu yoara”, ni yahu dutire Cohamacu sare. ²⁰ A jina Cristo yare buhehtina to curna jija sa. Cohamacu musare to yahuboriro sehetu sa sehe o sehe ni musare yahuja: Cristore yahubasana nija. A jina musare bosaja. Cohamacure musa nu tuhtiare to purota duhuga. ²¹ Cristo naare to yoerapachuta Cohamacu sehe tirore mari naa buhirire yaria dutiri jire. A yoaro mari naa buhirire buhiri dahreru jire Cohamacu tirore. A jiro Cristo yaina mari wahachu Cohamacu yoaro sehe noaina jichu yoare tiro marine.

6

¹ Cohamacu yare buhedohoina jija sa. A jina ahrire tuaro musare yoa dutija sa. Cohamacu yare noaa buheare musa thoriro sehetu yoaga musa. Musu thoriro sehe musa yoerachu ti musa thori yaba cjihti jierara. ² O sehe nina Cohamacu:

“Yu quihori pjare, musare yu noano yohti pjare musa siniare tuho, yuhtihí.

A yoacu musare yu yuhdohti dachore musare yoadohohi”,

nina tiro. Tuhoga musa. Mipure Cohamacu musare to noano yohti pja jira. Mipure Cohamacu musare to yuhdohti dacho jira.

³ Ne mahanoca painare nano yoeraja sa. Painare ne nano ni durucueraja, “Noaa buheare musare sa buheare cahmaerari”, nina. ⁴ A jina Cohamacure dahra cohtaina sa jiare musare masichu yo duaja. O sehe jija sa: Nano yuhduna, paina ti nano yoarina jina chu a thotunocaja. Sare ti nano yoapachuta suaro marieno jija. ⁵ O sehetu nano yuhdui sa: Masa sare cjachu, peresu ti yoachu, payu masa sare waja dua ti sanurucuchu, nano yuhdui sa. Sa tuaro dahra wahyana, wujo puripachuta carterana, juca baana nano yuhdui. ⁶ Numiare a nunocai. A jina ne nano yoerahi. A yoa Cohamacu yare noano masi buhei musare. Tuhsu, ne suaerahi sa. A yoa noano niji siaro mehne yoai sa musare. A yoana Cohamacure dahra cohtaina sa jiare masichu yoana nii sa musare. Espiritu Santo to yoadohoa mehne Cohamacure dahra cohtaina sa jiare masichu yoana nii musare. Potoca musare sa cahichu nu, tirore dahra cohtaina sa jiare masina musa. ⁷ A jina noaa buheare musare quihono sa buhechu nu, Cohamacu tuua mehne sa yoachu nu tirore dahra cohtaina sa jiare masina musa. Noaa sehe jiphtia sa yoari cjiri sa wamo yoaro sehe jira noano sa ducatahto sehe. Ti noaare yoana watinore sa ducataha nija. A yoana ti noaare sa yoari mehne tirore sa yuhdurucaja. ⁸ Paina sare no payora. Paina sehe sare no payoerara. Paina noano ni durucura sare. Quihono sa buhepachuta “Mahnoina jira”, ni yahusana paina sehe sare. ⁹ Paina sare nu masiina jipahta sare nu masieraina yoaro sehe yoara. Sare ti waja duapachuta catisinija sa. Nuga sare. Potoca tjira. Sare buhiri dahre ti cjachu, yarierasinija sa. ¹⁰ Sa caa tahari

cahyaina jipanahta, ã wahcheru-cuja. Pjacuoina jipanahta painare noaa buheare buhena tinare pjíro pachere sã waboro seheta yoana nija tinare. Paye baro cjuæeraina jipanahta, potocãta Cohamacu yare cjuæ pahñonocaja sã.

¹¹ Ne Corinto macaina yu coyea musare noano mehne yahu pahño joahi sã musare. Musare tuaro cahina, ã yahuhi musare. ¹² Sã sehe musare cahí duhueraja. Musa sehe sãre cahíera curera. ¹³ Æ yoa pohna ticu yu pohnare yu yahuboro seheta musare yahuihtja: Musare sã tuhoturiro seheta musa cūhu āta noano tuhutuga sãre. Æ jina sãre cahíga musa cūhu.

Cristore cahmaerainare piti ti du-tieraha Paulo

¹⁴ Æ yoana Cristore cahmaeraina mehne ã piti tirucuena tjiga. Tina mehne macaina jiena tjiga. Cãno potori jierara musa. Noaare yoariro ñaare yoariro mehne noano ji masierara. Cohamacure cahmaina Cohamacure cahmaeraina mehne noano cahma piti ti masierara, buhriaro nahitiano mehne to ji masieraro seheta. ¹⁵ Æ jia Cristo watino mehne cãno potori tuhoturera. Æ yoa Cristo yairo, Cristore cahmaerariro mehne noano cahma piti ti masierara. ¹⁶ Cohamacu wuhui “Cohamacu jira”, ti nia masurine mari cjuachu ñaa nina. To ya wuhui tí masurine mari cūchu tó wahaerara. Tó seheta Cristo yaina Cristore cahmaeraina mehne mari piti tirucuchū cūhure ñaa nina. Tina pua curua cãno mehne ji masierara. Cohamacu catiriro to wuhū yoaro seheta jija mari. To wuhui to jiro seheta mari mehne jira tiro. Õ seheta nina Cohamacu:
“Tina mehne jiihtja yuhū.

Ti watoi ã jirucuihtja.

Yuhū Cohamacu ti puhtoro jiihtja.

Æ jia tina sehe yu yaina masa jahca”, nina tiro.

¹⁷ Æ yoa õ sehe ni namona tiro mari puhtoro:

“Ñaina mehne tjuaena tjiga.

Tinare piti tiena tjiga.

Cristore cahmaeraina ti ñaa yoare ñū cūena tjiga.

Musa ã yuhure yuhlichū ñūcu, yuhū sehe musare piti tihtja.

¹⁸ Æ jicu musa Puacu jiihtja.

Musa sehe yu pohna jinahca”, nina Cohamacu mari puhtoro tua yuhduariro.

7

¹ Yu coyea, yu cahina, ahri jip-
ihtiare Cohamacu to ã ni yahuchū
tuhona jipihtiare ñaa yoare duhu-
jina mari. Ñaa wacūa cūhure duhu-
jihna mari. Cohamacure noano ño
payoa mehne ñaa buhiri tia marieno
jijihna mari.

*Paulo wahchea mehne yahuha
Corinto macainare*

² Noano mehne jiga musa sã
mehne. Ne mahanocã mehne ñano
yoaerahi sã musare. Æ yoa tuhsū,
musare buhena, ne musare do-
jomehnerahi. Ne cūiro musa mehne
macarirore mahñoa mehne wapa
cahmaerahi. ³ Æ nicu musare tuhtii
nieraja. Musare yahu tuhsūhi. Sã
yajeripohnari mehne tuaro cahija
sã musare. Catisinina musare ã
cahīrucunahca. Mari yariari baharopū
cūhure musare ã cahīrucunahca. ⁴ Yu
niriro seheta musa yoarire, musa
yohti cūhure masija yuhū. Æ jicu
musare wacūrocacu wahcheja. Sã
ñano yuhduro watoi musa sehe
yuhure pjíro wahchechū yoara.

⁵ Æ yoa Macedonia yahpapū sã
sari baharo tópu jina, ne soerahi sã.
Tópure ñano yuhduhi sã. Paina sã
mehne cahma sayo yuhduacahre.
Æ jina “Cristo yare duhuri”, nina
Cristo yaina sehere cuisāhi sã. ⁶ Sã
ã ñano yuhdupachuta Cohamacu sãre
wahchechū yoahre. Tiro cahyainare
wahchechū yoariro jira. Æ jiro
Tito sã cahapū to wihiro mehne
sãre wahchechū yoahre Cohamacu.
⁷ Tito to wihichū ñūna wahchehi.
Tirore musa wahchechū yoarire
sãre to yahuchū wahchehi. Ahri

cãhure wahchehi. Músare to quti yahuchũ cãhure tuaro wahchehi sã. Yũhure mûsa ñũ duarire yahuhre sãre. Yũhure mûsa cahya mûsa pjíro tũhoturi cãhure yahuhre tiro. To ã ni yahuchũ tũhocũ pjíro wahchehi yũhũ.

⁸ Tó pano yũ joarocari pũ mehne músare cahyachũ yoamahi. ã yoaricũ jipaihta cahyaeraja yũhũ sehe. Tí pũre mûsa buheri baharo cahyayuhti mûsa. Tuhsũ, mahanocãta cahya duhyuhti mûsa. ã jicũ wahma joaroca mũhtacũ cahyapaihta mipũre cahyaeraja.

⁹ Mipũ pinihtare wahcheja yũhũ. Mûsa cahyachũ tũhocũ wahcheraja. Wiho mejeta ã cahyana, mûsa ñaare tũhotumarire cohtotayuhti mûsa. ã mûsa cahyachũ ñũno, Cohamacũ sehe to cahmano seheta mûsa ñaare tũhotumarire cohtotachũ yoari jira. ã jina músare cahyachũ yoana, ñano yoa dojomehnena nierahi sã músare. ¹⁰ ã jina Cohamacũ to cahmano seheta cahyana, mari ñaare tũhotumarire cahyanahca. Cohamacũ to cahmano seheta cohtotahanca. Tó sehe mari cahyachũ ñũno marine pichacapũ wahaborinare yũhdora Cohamacũ. Mari ã cahyachũ noa nina marine. Cristore cahmaeraina sehe ti ñaare tũhotumarire cahyaerapahta, ã cahyamacanocaa, pichacapũ wahahtina jisina.

¹¹ Mûsa sehe Cohamacũ to cahmano seheta cahyayuhti. Mûsa ã cahyana õ sehe yoayuhti mûsa: Mipũre ñaare yoainare ã ñũnocerayuhti mûsa. Tinare duhu dutiyuhti mûsa. ã jina ti ñaa yoare cuiyuhti mûsa “Tina yoaro sehe sã yoari”, nina. ã yoana yũhure ñũ duayuhti mûsa. Tuhsũ, ñaare yoarirore buhiri dahre duayuhti mûsa. Tí jipihtiare mûsa yoana mipũre quihõno yoaina mûsa jirire masichũ yoahre mûsa sãre.

¹² Panopũ ñano yoarirore músare yahu joarocapaihta tirore yoadohocũ tacũ ã ni yahu joarocaerahi. To ñano yoa payoriro cãhure yoadohocũ tacũ ã ni joarocaerahi. Mûsa sehere yoadohocũ tacũ tí pũre joarocahi. Sãre

noano ño payora mûsa Cohamacũ to ñũrocaroi. Tíre mûsa ño payorire noano mûsa masihto sehe tí pũre joarocahi músare. Cohamacũ tíre músare masichũ cahmare. ¹³ ã jina Tito mûsa yoarire to quti yahuchũ tũhona tuaro wahchehi sã.

Tito cãhũ tuaro wahchere. Tirore mûsa noano mehne mûsa piti bocachũ tũhona, mûsa mehne to wahcherire tũhona sã cãhũ noano wahchehi. ¹⁴ Wahmanopũ mûsa cahapũ to wahahto pano mûsa mehne yũ wahcherire, noaina mûsa jirire yahuhire tirore. Yũ ã yahuchũ yũ niriro seheta noano yoayuhti mûsa tirore. ã jicũ tirore yũ nirire bũo tieraja. Músare quihõno ã yahurucuja sã. Tó seheta Tito cãhure quihõno sã yahuhire músare to ñũriro seheta. ¹⁵ Mûsa cahapũ to sũchũ ño payoa mehne tirore piti bocayuhti mûsa. Mûsa ã piti bocachũ, noano yũhtiina, yũhdurũcaro marieina mûsa jichũ ñũyuhti tiro. ã jiro músare cahĩ namono nina tiro. ¹⁶ Mipũre noano yũhtiina, Cohamacũ to cahmano seheta mûsa noano yoa pahõina mûsa jichũ noano masija yũhũ. ã masicũ tuaro wahcheja.

8

Cristo yaina jina, painare ã wanocano cahmana marine

¹ Sã coyea, ahri yũ yahuhire músare masichũ cahmaja sã. Cristo yaina Macedonia yahpa macaina Cohamacũ cahĩa mehne to pja ñũa mehne ti yoarire músare yahuhitja.

² Tina ñano yũhdũpahta, niñeru maeraina jipahta niñerure cahĩno marieno ã wanocahre pjacũoinare Jesu yainare. Cristo mehne tuaro wahcheina jia, tina Judea yahpa macainare noano mehne ti cjũaare ã wanocahre. ³ Músare niita nija. Tina ti cjũaro puro wahre. Jierara. Bui curero wahre. Sã sinibasaerapachũta pjacũoinare wahre tina.

⁴ Cohamacũ yainare pjacũoinare tuaro yoadoho dua, “Macedonia macainare tuaro wa duaja sã”, nire

tina sãre. ⁵ “Õ puro waahca”, tinare sã ni tuhoturiro bui curero wahre tina. Õ sehe yoahre tina: Wahmanore niñerure ti wahto pano mari puhtoro Cristo to cahmano seheta yoa pahñori jihre tina. ã yoa tuhsu, Cohamacu to cahmano seheta sã cãhure ño payoa mehne yuhtiri jihre. ã yoaina jia tina niñerure wahre. ⁶ Ti ã wa tuhsuchu ñuna Titore sã sehe õ sehe nihi: “Corinto macainare mu buhe ducariro seheta noano mehne pjacuoinare ti wahtore buhe pahñoga”, nihi sã tirore. MUSA cãhu painare pja ñuna, mUSA yoadohohto sehe ã nihi tirore. ⁷ MUSA sehe jipihtiare noano yoaina ji tuhsura: Cristore potocãta noano wacũ tuara mUSA. ã jina to yare noano yahura mUSA. ã yoa Cohamacu yare noano masina mUSA. ã masina, Cohamacu to cahmano seheta tuaro yoa duara mUSA. ã yoa sãre cahña mUSA. Õ seheta noano yoaina ji tuhsura mUSA. MUSA ã noaina jipachuta mahanocã duhsasinina mini musare. Pjacuoina pinihtare mUSA pja ñuchu cahmaja sã. ã jina jiape nino marieno tinare noano mehne mUSA pjíro wachu cahmaja sã.

⁸ ã nicu musare dutii waro nieraja. ã ni yahuita nija musare. Paina pjacuoinare ti tuaro yoadohorire musare yahui nija. “¿Potocãta pja ñuna jijari mUSA?” ni masi duai nija. ⁹ Mari puhtoro Jesucristo sehe marine to pja ñurire masina mUSA. Tí to pja ñuri potocã tjira. Tiro manopu pjíro cjariro jiparota ahri yahparu taro pjacuoriro wahari jire. ã yoaro mari yaro jiborirore yariaro pjacuoriro wahari jire. Õ sehe wahari jire tiro mari sehe to yare pjíro mari cjahto sehe, tiro mehne mari ã jirucuhto sehe.

¹⁰ Musare ã yahuita nija noare mUSA masihto sehe. Õ sehe ni tuhotuja yuhu sehe pja cuoinare mUSA wahtire: Cũ cãhma wahara pja cuoinare mUSA wahtire mUSA wihbori baharo. Tí yuhdoro noano

yoayuhti mUSA. Paina ti wa duahto pano mUSA sehe pjacuoinare wa dua muhtayuhti. ¹¹ ã jina mUSA wa dua muhtariro seheta mipure noano waga tinare. ã yoana pjíro cjuaina jina, pjíro waga. Mahanocã cjuaina jina, mahanocã waga. ¹² Tuaro mUSA wa duachu tíre mUSA warire Cohamacu wahcherohca. ã jina noho mUSA wa duaro puro waga. MUSA wariro purota mUSA wachu wahcherohca Cohamacu. “Pjacuoinare wa yuhdoga”, musare nino nierara tiro.

¹³ “Pjacuoinare waga”, nicu tinare pjíro cjuu duticu nieraja. ã jicu mUSA sehere pjacuoina jichu yoa duaeraja.

MUSARE cãno potori cjuu duticu ã nii nija. ¹⁴ Mipure mUSA sehe pjíro cjuara. ã cjuana paye baro maerainare wa masina mUSA. Baharo musare paye baro maerachu tina cãhu wa masina musare. MUSA ã cahma wana cãno potori cjuanahca jipihitina Cristo yaina. ¹⁵ Õ sehe nina Cohamacu yare ti joari pui: “Pjíro nariro cãhu paina bui curero cjuerare. Mahanocã nariro cãhure ne mahanocã duhsaerare”, nina Cohamacu yare ti joari pui.

Tito tó mehne macaina mehne Corintopu wahaha

¹⁶ ã yoa musare yu yoadohoriro seheta Tito cãhu musare yoadoho duara. Cohamacu sehe musare to yoadoho duachu yoahre tirore. To ã yoachu ñucu “Noana”, nija Cohamacure. ¹⁷ Titore mUSA cahapu sã waha dutichu tiro noano mehne yuhtihre. Tirore sã waha dutihto panoputa to basita mUSA cahapu taro waha dua tuhsuriro jire.

¹⁸ Tirore paio Jesu yairo mehne piti dahrerocahi sã tirore. Tito pitire jipihitina paina Jesu yaina noano ño payora. Noaa buheare to noano yahuriro jichu ñua tirore noano ño payora. ¹⁹ ã jia Jesu yaina tirore cahmahre sã mehne to tinino wahto sehe. Tí niñerure pjacuoina cahapu sã naachu sã mehne wahtirore cahmahre tirore. ã jia tí

niñerure sã wabasachũ ñũa “Marire yoadohoriro jira”, niahca masa Cohamacũre. Sã ã wabasana tinare tuaro mari yoadoho duarire masichũ yoanahca tinare. ²⁰ ã jina ahri niñerure, pjíro Jesu yaina ti warire naabasana, noano ñũ wihbonahca ti warocarire, “Sãre yahusãri”, nina. ²¹ Mari puhtoro to ñũrocaroi quihõno, noano yoa duaja sã. Masa ti ñũrocaro cãhare quihõno yoa duaja.

²² ã yoana tana paioire mari coyeirore warocanahca Tito cãhũ mehne. Sã piti dahrerocarirore payũ tahari painare to noano yoadohochũ ñũhi sã. ã jiro mipũre mũsa sehe painare mũsa yoadoho duachũ ñũno tiro tó pano to yoiro yũdoro noano mũsare yoadoho duara. ²³ Tito sehere mũsare yahuihtja. Tiro yũ piti jira. Mũsare yũ yoadohochũ tiro yũhũ mehne dahrariro jira. Paina tiro mehne wahahtina Jesu yaina ti beserina ti warocarina jira. Tina Cristo yare yoara paina tirore ti ño payohto sehe. ²⁴ ã jina cahã mehne noano mehne tinare piti bocaga mũsa. Mũsa ã yoachũ ñũa paina Jesu yaina sehe mũsa cahãre masiahca. “Noano piti bocaahca Corinto macaina”, ni yahu tuhsũhi painare. Mũsa ã noano piti bocachũ ñũa tí sã yahuri cjiri quihõno ti jichũ masiahca paina Jesu yaina.

9

Jesu yainare pjacũoinare ti wahtore yahuha Paulo

¹ ã yoana Cohamacũ yainare mũsa yoadohohtore mũsa wahtore masi tuhsũra mũsa. ² Painare mũsa yoadoho duaare masija yũhũ. ã masichũ Macedonia yahpa macainare õ sehe ni yahui: “Corinto macaina, ti ya yahpa Acaya yahpa macaina cãhũ Jesu yaina sehe painare yoadoho dua tuhsũhre. Cã cãhma yũhdũra ti yoadoho duariro”, ni yahu tuhsũhi tinare mũsare. Mũsa ã yoadoho duachũ tuhoa payũ tina cãhũ pjacũoinare yoadoho duahre. ³ Mũsare ã ni

yahuriro jicũ mipũre ahriinare mari coyeare mũsa cahapũ warocai tai nija, Macedonia yahpa macainare yũ yahuriro seheta mũsa yoahito sehe. ã jicũ pjacũoinare mũsa wahtore mũsa cahmachu mũsa cjũayuhto sehe ahriinare warocai nija. ⁴ Tinare warocacũ Macedonia yahpa macaina mehne mũsa cahapũ sũcũ, mũsa wahtire mũsa cjũaerachũ ñũcũ bũo tisãboa yũhũ mũsare. “Pjacũoinare waahca”, mũsare yũ ni tuhoturi baharo mũsa waerachũ ñũcũ bũo tisãboa yũhũ. Mũsa cãhũ bũoro yũhdũboa. ⁵ ã jicũ mũsa cahapũre yũ sũhto pano tinare mari coyeare waroca mũhtai nija. “Pjacũoinare wanahca”, pano mũsa nirire mũsa cjũayuhto sehe tinare waroca mũhtai nija. Mũsa wahtire mũsa cahmachuchũ tina sehe mũsare yahu quihõahca. Mũsa wahtire mũsa cjũayu tuhsũchũ wahchea mehne mũsa wa duarire masiahca jipihtina. Mũsare sã wa dutiri jisi tí. Mũsa mũ sũro mũsa wari jahca.

⁶ ã jina ahriire wacũga mũsa: Mahaa yaparicã toariro mahaa pocacã nanohca. Payũ yapari toariro payũ poca nanohca. (Tó sehe jira pjacũoinare mari wachũ. Mahanocã mari wachũ, Cohamacũ mahanocã warohca marine. Pjiro mari wachũ, pjíro marine warohca.) ⁷ ã jina cãina mũsa “Õ puro wahahtja”, ni waga. Niñerure cahãno marieno waga. “Marine wa dutire”, nino marieno waga. Wahchea mehne wainare cahãna Cohamacũ. ⁸ Tiro sehe mũsa cahmano yũdoro mũsare warohca. ã jina jipihtia mũsa cahmarire dũhsaro marieno cjũa pahõonahca. ã jia painare mũsa wachũ cãhare noano mũ sahca mũsa cjũaa. ⁹ Õ sehe nina Cohamacũ yare ti joari pũi:

“Pjacũoinare pjíro wara Cohamacũ. Noano mehne masare ã yoarucura tiro”,

nina to yare ti joari pũi. ¹⁰ ã jiro toaa dicha tiri baharo toariro to toahti capare wara Cohamacũ.

Baharo to toarire dicha tichu yoara to chuhtire. Pjacuoinare musa pjíro wachu toarirore to wariro seheta musa cūhare pjíro warohca Cohamacu. Tó sehe dihta musare warohca pjacuoinare musa wa namohto sehe. ¹¹ ã tjira. Pjíro warohca musare painare pjíro musa ã warucuhto sehe. ã jia musa warocari niñerure pjacuoinare sã wachu payu tina sehe Cohamacure wahchea mehne “Noana”, niahca. ¹² ã yoana pjacuoinare Cohamacu yainare wana, tinare yoadohora musa. ã yoadohona wahchea mehne Cohamacure “Noana”, ti nichu yoanahca musa. ¹³ ã painare musa yoadohochu ñna, Cohamacure ño payoa mehne durucuahca masa. Tinare paina cūhare pjíro musa wachu ñna Cohamacure “Noa yuhduariro jira”, niahca masa. O seheta niahca Cristo ya buhea noaa buhea ti niriro seheta musa yoachu ñna tinare musa wachu ñna. ¹⁴ ã jia Cohamacu musare tinare to wa dutichu musa sehe tinare musa pja ñachu tina sehe musare cahña mehne sini payoahca Cohamacure. ¹⁵ Cohamacu marine noa yuhduaro yoara. To ã yoarire masina “Noa yuhduaro yoara”, nijihna mari tirore.

10

Jesu buhe duti to cūriro to jiare yahuha Paulo

¹ Mipure yahu Paulo, musare yahuihtja. Cãina musa mehne macaina õ sehe nina yuhure: “Mari mehne jiro painare yuhduarca duaerariro, wiho jiriro yoaro sehe jira. ã jiparota pa shepuru jiro marine cuiro marieno tuhtirocara”, nina musa cãina yuhure. Cristo sehe ne suaerariro, masare noano yoariro jira. Tiro yoaro seheta yuhu cūhu ji duaaja. ² ã jicu musare ahrire tuaro mehne yahuihtja: Musa caharu yu sachu noano yoaga musa “Paulo sãre tuhtiri”, nina. Cãina yuhure õ sehe nina: “Tiro to mu sũro, Cohamacu to dutiro marieno

yoara”, nina yuhure cãina. Tó sehe niina pinihtare tuhtiboca yuhu. ³ Sã cūhu ahri yahpa macainata jina nija. ã jipanahta ahri yahpa macaina ti mu sũro ti yoaro sehe yoaeraja sã, Cohamacu dutiare yoana. ⁴ Surara cahma wajã ti yuhduarucariro seheta sã sehe ñaare yuhduarca duaaja. Tí ñaare yoa duaeraja. Sã ã yoachu sã wamoa ahri yahpa macaina ti wamoa yoaro sehe jierara. Surara ti wamoa ti cjuaro seheta sã sehe Cohamacu to tuaare cjuaja. Tí tuaa mehne Cohamacure cahma dutierainare cohãja sã. Masa ti mu sũro ti masiare ti yaba cjihti jierachu masichu yoaja sã tí tuaa mehne. ⁵ Tuhsu, jipihtina yuhduarca duainare, ti mu sũro tuhotuinare, Cohamacure masi dutieraina sehere duhuchu yoaja sã. ã yoa tí tuaa mehne Cohamacure cahmaerainare Cristore noano yuhtiina ti jichu yoaja sã. Cristo to cahmano seheta tinare tuhotuchu yoaja sã. ⁶ ã yoa, paina musa mehne macaina Cristore ti yuhduarucachu ñna tinare buhiri dahrenahca sã. Musa sehe musa noano yuhtiri baharo Cristore yuhduarcainare ã buhiri dahrehtinata jinahca sã.

⁷ Yu pjacu dihtare masina musa. Yu jia tia sehere ne masierara musa. “Cristo yaina jija”, niina jina, õ sehe masiga musa: Sã cūhu musa yoaro sehe Cristo yaina tjija. ⁸ “Mari puhtoro ya buheare noaa buheare buhe dutiro, cūre sãre”, nicu payu tahari musare ã ni yahupaihta buo tieraja yuhu. Sãre ã buhe dutiro musare yoadohohtinare cūre sãre. Musare dojomehnehtinare cūno nierare sãre. ⁹ Õ seheta poto ni yahuja musare “Cuiru”, nicu. Ahri yu joarocari pũre ñna musa ñu cuachu cahmaeraja. ¹⁰ Cãina musa mehne macaina õ sehe nina: “Paulo joarocaró tuhtiriro yoaro seheta joaroca mujana marine. ã jiriro jiparota mari mehne jiro ne ã jica nierariro jira. Pjacuoriro yoaro sehe jira. ã jia, marine to durucua yaba

cjihti jierara”, nina cãina. ¹¹ Tó sehe niinare õ sehe ni yahuihtja: “Õ sehetã yoanahca”, sã ni joarocariro sehetã tó sehetã yoanahca sã, mûsa cahai jina.

¹² Cãina mûsa mehne macaina “Noano masi pahñoina jija”, ni durucura ti basi. Cuenah, noacaro masina jijari tina ã ni durucua. Sã sehe ti yoaro sehe ne ã ni durucusi. Ti basi cahma ñã piti boca “Mari sehe noa yûhdurucaina jija”, nina tina ti basi. Tûho masieraina jira tina. ¹³ Sã sehe tina yoaro sehe yoasi. Cohamacû sãre buhe dutiro to cûri dihtare yahuja sã sehe mûsare. Paina ya dahraare “Yoahi”, nina nieraja. Tiro mûsare buhe dutiro sãre cûre. ¹⁴ Õ sehe nina, mahñoa nieraja sã. Noaa buheare Cristo yare mûsare buhe mûhtana sãhi sã. ã jina Cohamacû sãre buhe dutiro to cûri dihtare buhena nija mûsare. ¹⁵ ã jina paina ya dahraare “Sã sehe tíre yoahi”, ne nieraja sã. Wiho mejeta Cristore mûsa wacû tua namochû cahmaja sã. ã cahmana mûsare buhe namo duaja sã. ã buhena Cohamacû to dutiriro purota buhe duaja mûsare. ¹⁶ ã yoa mûsa ya yahpa yûhdurupû noaa buheare yahuna wahanahca. ã wahana paina ti buheri baharo sãna, “Sã buhehi”, nisi sã.

¹⁷ Mari yoaare “Sãta yoaja”, nieraro cahmana. Mari puhtoro Jesu to yoaa sehere ñãna wahchero cahmana. Tí sehere painare yahuro cahmana. ¹⁸ Masa ti basi “Sã sehe yoahi”, ti nichû ji coaerara Cohamacû. Mari puhtoro Cristo “Ahrina noano yoare”, to niina sehere ji coara Cohamacû.

11

“Jesu to cûrina jija sã”, ni mahñoinare yahuha Paulo

¹ Yû jia tiare yahucû tûho masierariro yoaro sehe yahui nija. ã yahuriro yû jipachûta yûhure tûhosiniga mûsa mipûre. ² Cohamacû mûsare to cahño sehetã tuaro cahñja

yûhû cûhû mûsare. Cristo yare mûsare yû buhechû tûhona tirore wacû tua ducare mûsa. ã jicû ahrire nija mûsare: Manû tihticoro to manûno cjihto dihtare to cahño sehetã, Cristo sehere tuaro cahñga painare mûsa cahñiro yûhdoro. Tó sehe yoaina ñaa buhiri tia marieina mûsa jichû mûsare Cristore wa duaja to yaina cjihtire. Tó sehe jiiinare, “Tinare mûhure waihtja”, nihi Cristore. ³ Paina ñaina mûsare mahñoa, soro jia buheare cahmachû yoaboca mûsare. Agã Evare mahñoa to masia mehne ticorore Cohamacûre to yûhdurucachû yoari jire panopûre. To ã yoariro sehetã mipûre ñaina mûsare mahñoa, Cristore mûsare noano ño payoerachû yoaboca. ã jicû mûsare cuisãja. ⁴ Tina “Õ sehe jiriro jira Jesu”, ti mû saro soro ni ti mahño buhepachûta tûhoyuhca mûsa. Mûsare sã buheriro sehe jierapachûta mûsare mahño buheinare tûhoyuhca mûsa. Tuhsû, “Õ sehe jiriro jira Espíritu Santo”, ti mû saro soro ni ti mahño buhepachûta tûhoyuhca mûsa. Mûsare sã buheriro Espíritu Santo waro jira. Tiro sehere quihõno ti yahuerapachûta mûsare mahño buheinare tûhoyuhca mûsa. Tina soro jia buheare ti mahño buhechû noaa buheare ti buherapachûta tíre tûhoyuhca mûsa. ⁵ Mûsa mehne macaina “Jesu to cûrina jija”, nimarina yûhure masi yûhdurucæerara. Tinare docarucæeraja yûhû. ⁶ Noano yahu mihñiriro jieraboca yûhû. Noano yahu mihñierapaihta Cohamacû yare noano masija. Yû ã masiare payû tahari mûsare noano masichû yoahi.

⁷ Noaa buheare Cohamacû yare mûsare buhecû ne wapa cahmaerahi. Mûsare yoadoho duacû wapa cahmaerahi. Wiho jiriro yoaro sehe jii yûhû. ¿Yû ã wapa cahmaerachû noaerajari, mûsa tûhotuchû? ⁸ Mûsare yû buhechû paye macari macaina Jesu yaina yûhure niñerure ware. Tí ã wachû tí niñerure ñahai

sinino marieno musare buhei tai. Musa sehe yuhure musa waborirore tina sehe yuhure ware. ⁹ Musa mehne jicū paye baro yuhure duhsapachuta musare niñerure ne sinierahi. Mari coyea Macedonia yahpa macaina Jesu yaina jipihitia yū cahmarire na wihire yuhure. Panopure musare ne cariboerahi yuhū. Baharopū cūhure musare ne caribosi. ¹⁰ Cristo potocāta to yahuriro seheta yuhū cūhū mipure musare potocāta yahui nija. Jipihtiro Acaya yahpai jīnare ahri musare yū sinierari cjirire ā yahurucuihtja. ¹¹ ¿Musare yū sinierari cjirire painare yū ā yahurucuchū tūhona, dohse ni tūhotujari musa? “Paulo ā ni yahuro sāre cahīeraro nina”, ¿ni tūhotujari musa? Jierara. Musare cahīja. Musare yū cahīare Cohamacū masina.

¹² Wapa cahmano marieno musare yū buhe ducariro seheta sohtori tihtja. Yū buheri wapa yū wapa nachū ñūa tina “Jesu to cūrina jija”, ni mahñoina ō sehe niboca: “Paulo noaa buheare buhero, wapa nana. Ā jina sā cūhū to yoaro seheta yoaja”, niboca tina “Paulo yoaro sehe yoaja sā”, ni duaa. “Ā niri” nicū, wapa cahmano marieno buheihitja musare. ¹³ Tina potocāta Jesu to cūrina waro jierara. Tinare ne cūerare tiro. “Jesu to cūrina jija”, ni mahñoa, sā yoaro seheta jimana. ¹⁴ Ti ā mahñoina jichū masi tuhsūja yuhū. Satana cūhū noariro yoaro sehe cohtota mūjana. Tiro anjo si siteriro yoaro sehe ji duaro cohtotamana. ¹⁵ To ā yoariro jichū masicū Satana yaina “Jesu to cūrina jija”, ni mahñoina Cohamacūre yoadohoina yoaro sehe ti mahñoina jichū ñūcū, mahñoina ti jiare masi tuhsūja yuhū. Ā mahñoina ti jichū ñūno, pihtiri dacho jichū jipihitia ti ñano yoari buhirire buhiri dahrerohca Cohamacū tinare.

To ñano yuhdure yahuha Paulo

¹⁶ Pari turi ahrire musare yahuihtja. Ne “Tūho masierariro jira”, yuhure niena tjiga. Yū ā ni dutierapachuta yuhure musa ā ni tūhotuchū

noanohca yuhure. “Tūho masierariro jira”, yuhure ni tūhotupanahta tūhosiniga musa yuhure. Mahanocā yū jia tiare yū yahuchū tūhoga musa. ¹⁷ Musare ā yahucū tūho masierariro yoaro sehe yoai nija. Mari puhtoro Jesu yuhure “Mū basi mū jia tiare yahuga”, nierare yuhure. ¹⁸ To ā nierapachuta ahrire yahuihtja musare. Ti mū sūro “Noaina jija”, niina payū paina ti jichū ñūcū yuhū cūhū yū jia tiare musare yahuihtja. ¹⁹ Musa sehe tūho masierainare tūhona wahchea mehne ñūyuhca musa tinare. Noacaro masiina jijari musa sehe ā tūhona. ²⁰ Musare cahamaca ti dahrechū, musare ti wapa cahmachū, musa yare ti machū, ā ñūnocahna musa. Ā yoa musare ti doca dahrechū, musa wahsupurire ti cjāchū, ā tūhotunocahna musa. ²¹ Noacaro yoajari musare tina. Cue, masare yuhdūrucaina jijari tina. Sā sehe tina yoaro sehe yuhdūrucaina jieraja.

Ā jina tina yoaro sehe yoaeraja. Tina yoaro sehe jierapaihta tina “Ō sehe jina jija”, ti nichū tūhocū yuhū cūhū āta ni yahuboca. Pari turi tūho masierariro yoaro sehe yoacū, ō sehe ni yahuihtja musare tjoa. ²² Tina “Hebreo masa jija”, nina painare yuhdūrucā duaa. Hebreo masūnota jimaja yuhū cūhū. “Israe masa Cohamacū to beserina jija”, nina tina tjoa. Ti yoaro seheta to beserirota jimaja yuhū cūhū. “Abrahā cjiro panamana ji turiaina jija”, nina tina tjoa painare yuhdūrucā duaa. Ti yoaro seheta Abrahā panaminota jimaja yuhū cūhū. ²³ “Cristo cahamaca jija”, nina tina tjoa. Yuhū cūhū Cristo cahamacūnota jija. Tina yuhdoro Cristo yare noano yoaja yuhū. Cuenah, ā nicū tūho masierariro yoaro sehe durucui nija. Tina yuhdoro tuaro mehne dahrai yuhū Cristo yare yoacū. Payū tahari tina yuhdoro Cristo yairo yū jiri buhiri peresu yoare paina yuhure. Tina yuhdoro payū tahari tjanare yuhure masa. Tina yuhdoro Cristo yairo yū

jiri buhiri payu tahari masa yuhure wajã duamare. Ti ã wajã duachu mahanocã yuhdui yuhu ti wajãboriro. ²⁴ Cinco tahari judio masa yuhure ñahare. Yuhure ti ñahape tahari treinta y nueve tahari yuhure tjanare. ²⁵ Tia taha paina yuhure ñahare. Ñã ñahaa tina pinihta yuhure ñano yucari mehne cjãre. Pa tehe yuhure paina tãa mehne docare. Tia taha dohoria mehne tãcapu doca wahã su, minii. Ñã jicu cã dacho, cã ñami pjiri ma dacho macapure ba pahsai. ²⁶ Payu tahari macaripure buhe tinii sui. Yu ã buhe tinichu cua yuhduare yuhure. Yuhure nu minihto cua nire. Yuhure yacahto cua nire. Yu ya dihta macaina judio masa, judio masa jieraina cãhu yuhure ñano yoahito cua nire. Macaripu, masa marienopu, pjiri mapu cãhure yuhure nu yariahto cua nire. “Muhu mehne macaina jija”, ni mahñoina cãhu yuhure ñano yoahito cua nire. ²⁷ Cristo yare yoacu tuaro dahraa tii. Ñã dahracu ñano wahyaa tii. Payu tahari yuhure wujo ñano puripachata ã dahrarucua tii. Ñano juca baa tii. Ñã yoa ñahma yapioro jia tire yuhure. Payu tahari chua bocaeraa tii. Yu suhti sãaboa cãhu ne mariea tire yuhure. Ñã yoa yuhure yusua yuhduu tire.

²⁸ Ñã sehe ñano yuhdupaihta dachoripe jipihtina paina Cristo yainare, musa cãhure pjiro wacũ tuhoutuja. ²⁹ Ñã jicu cãiro Cristo yairo to ã jinocariro to jichu ñucuh cahyaja. Paina Cristo yairore ñano yoa dutiboca. Ti ã yoachuh ñucuh Cristo yairore cuisãacu, tina ñaina mehne suaja. ³⁰ Yahu duaerapaihta yu jia tiare yahui tacu, yu mu sũro wiho jiro yu jia tiare musare wahchea mehne yahuja. ³¹ Cohamacu mari puhtoro Jesu puũro dachoripe mari ño payohtiro tirota musare yu mahñoerachuh masina. Ahrire musare quihõno yahuihtja. ³² Damasco wama tiri macapu yu jichu ñuno, cãiro puhtoro yuhure ñaha duamare. Jipihtina masa bui puhtoro Areta

wama tiroto docai jiro puhtoro pinihta yuhure ñaha duamare. Ñã ñaha duaro tí maca macari sahrĩno, tãa mehne ti yoari sahrĩno macaa sopacaripe surarare cohta dutiri jire. ³³ Ti ã cohtaro watoihita yuhu mehne macaina pjiri puharopu yuhure duhu sãa, tí sahrĩno macari sopacacãpu yuhure duhu borore. Tí sahrĩno baharo buhusehepu yuhure duhu borore. Ti ã duhu borori baharo duhti wahcãa wahai.

12

Cristo Paulore to ñorire yahuha Paulo

¹ Yu jia tiare wahchea mehne yu yahuchuh yaba cjihti jierara. To ã jipachata yu jia tiare yahu namoihtja musare. Mari puhtoro Jesu yuhure to ñorire to masichuh yoarire yahuihtja musare. ² Ñã sehe ño ducare tiro yuhure: Catorce cãhmari waro wahara yuhure Cristo yairore manopu to naa mujari baharo. Manopu ñahpichoha buipu yuhure naa mujare. Yu tuhoutuia dihtare to naachuh masieraja yuhuh. O yu pjacu cãhure to naachuh ne masieraja. Cohamacu dihta tíre masina. ³⁻⁴ Ñã jiro paraíso wama tiropu naa mujare yuhure. Yu tuhoutuia dihtare to naachuh masieraja yuhuh. O yu pjacu cãhure to naachuh masieraja. Cohamacu dihta tíre masina. To ã naa mujachuh sacuh tãpore to yahuare tuhói. Tí yu tuhore masa ne masierara. Tí to yahurire marine yahu dutierara. ⁵ Tó sehe yuhure to ñorine musare yahucu, “Yuhuh cãirota painare yuhdurucariro jija”, niboah yuhuh. Ñã nieraja yuhuh. Yu mu sũro masierariro yu jiare ñano yuhduriro, wiho jiro yu jiare wahchecu musare yahuihtja. Tí dihtare wahchecu musare yahuihtja. ⁶ “Painare yuhdurucaja”, musare ni yu yahu duachuh yu niri cjiri potocã tji-boah. Tó sehe ni yahucu tuhó masierariro jieraboa yuhuh. Wiho mejeta “Ñã sehe painare yuhdurucaja”, ni yahusi yuhuh musare, “Cua pisaro choro yuhure ñari”, nicuh. Yuhure ñã

masina ño payora m̄sa. M̄sa ã ño payopach̄ta tí ȳh̄doro ȳh̄are m̄sa ño payoch̄ cahmaeraja. Ȳh̄ yoarire ñ̄na, ȳh̄ nirire t̄hona quih̄õno m̄sa ño payoriro ȳh̄doro ȳh̄are m̄sa ño payoch̄ cahmas̄aeraja m̄sare.

⁷ Cristo noa ȳh̄d̄are m̄anore ȳh̄are to ñoch̄ ñ̄riro jic̄, “Painare ȳh̄d̄ar̄caja”, niboca ȳh̄ sehe. ã ȳh̄ nierah̄to sehe Satana ȳh̄ p̄jac̄re to duti dahrech̄ ñ̄no “Noanoh̄ca”, niri jire Cohamac̄. Ȳh̄are duti dahreri jire Satana ȳh̄are ñ̄no wahach̄ yoaro. Ahri dohatiro potaca s̄ãno to pur̄ño sehet̄a ȳh̄are pur̄ña. ⁸ Õ ȳh̄ dohatirore ȳh̄are ȳh̄do dutic̄ sinia timai Cristore mari p̄h̄torore. Tia taha sinia timai. ⁹ Õ sehe ni ȳh̄tia tire ȳh̄are tiro: “Õ m̄ dohatiro pinihtare m̄h̄are ȳh̄d̄uch̄ yoasi ȳh̄. ã m̄h̄are ȳh̄doerap̄aihta m̄h̄are cah̄ja. Ȳh̄ cah̄ia mehne noano jiih̄ca m̄h̄. Dohatic̄ ñ̄no ȳh̄d̄ar̄iro, wiho jiriro jic̄ ȳh̄ tuaare noano masich̄ yoaih̄ca m̄h̄. Tuaina ȳh̄doro m̄h̄ sehe ȳh̄ tuaare masare masich̄ yoaih̄ca”, ni ȳh̄tia tire tiro ȳh̄are. To ã nich̄ t̄hoc̄ ñ̄no ȳh̄d̄ar̄iro, wiho jiriro ȳh̄ jiri cjirire masic̄ wahcheja. ã jic̄ ñ̄no ȳh̄d̄ar̄iro, wiho jiriro ȳh̄ jiare m̄sare wahchea mehne yahuih̄ca. Õ sehet̄a ni yahuih̄ca Cristo to tuaa mehne ȳh̄ noano jiare m̄sa noano ñ̄ masiht̄o sehe. ¹⁰ ã jic̄ Cristo yairo ȳh̄ jiri buhiri ȳh̄are pur̄ich̄ wahcheja. Paina ñ̄no ȳh̄are ti ni durucuch̄, ñ̄abiaro ȳh̄d̄uc̄ wahcheja. Ȳh̄are ti ñ̄no yoarucuch̄, ñ̄no ȳh̄d̄uc̄ Cristo tuaa mehne c̄no p̄jaja tirore wac̄ tuac̄. ã jic̄ wahcheja.

Corinto macainare Cristo yainare p̄j̄ro cahya t̄hotuha Paulo

¹¹ Ȳh̄ jia tiare yahuc̄ t̄ho masierariro yoaro sehe yoahi ȳh̄. Ȳh̄ ã yahupach̄ta tí m̄sa ya buhiri jira. M̄sa sehe ȳh̄ jia tiare painare noano yahuboa. Ȳh̄ ȳh̄ m̄ s̄ro jic̄ yaba cjihti jieraboa ȳh̄. ã jiboriro jipaihta “Jesu to c̄rina, masi pah̄oina

jija”, ni mah̄ñoinare docar̄caeraja ȳh̄. ¹² Potoc̄ta ñ̄no ȳh̄d̄ar̄iro jipaihta Cohamac̄ tuaa mehne yoa ñ̄omai m̄sare. ã ñoch̄ Jesu to c̄riro ȳh̄ jiare ñoi nimai m̄sare. ¹³ Õ sehet̄a yoamai. Paye macari macainare Jesu yainare m̄sa c̄h̄are c̄no potori yoaa timai ȳh̄. Wiho mejeta m̄sa dihtare cariboerahi. M̄sa dihtare paye barore sinierahi. ¿Ȳh̄ ã sinierach̄ ñ̄aa nijari, m̄sa t̄hotuch̄? Tí ñ̄aa jich̄ tí ñ̄aare boga m̄sa ȳh̄are.

¹⁴ P̄ha taha m̄sa cahap̄ ȳh̄ s̄ri baharo pari turi waha duaja t̄joa. Tó p̄ s̄c̄ m̄sare caribosi ȳh̄. Paye barore sinisi ȳh̄ m̄sare. M̄sa yare cahmaeraja. Cristo ya sehere m̄sa ȳh̄tiina jich̄ cahmas̄aja ȳh̄. Masa poh̄na sehe ti p̄c̄s̄umare ti cahmaare waerara. Ti p̄c̄s̄uma sehe ti poh̄na cahmaa sehere wara. (Tó sehet̄a m̄sa ȳh̄ poh̄na yoaro sehe jiina ȳh̄ cahmaa sehere wasi m̄sa.) ¹⁵ ã jic̄ ȳh̄ pinihta ȳh̄ c̄h̄aa sehere wa duaja m̄sare yoadohoc̄ tac̄. M̄sa cahamac̄no yoaro sehe ji duaja m̄sare yoadohoc̄ tac̄. M̄sa sehere ȳh̄ ã tuaro cah̄pach̄ta ȳh̄are m̄sa sehe p̄jiroca cah̄na, ȳh̄ t̄hotuch̄.

¹⁶ ã jic̄ m̄sa mehne jic̄ m̄sare cariboerahi. ¿Potoc̄ t̄jjarita, m̄sa t̄hotuch̄? Wiho mejeta c̄ina m̄sa mehne macaina ò sehe niboca: “Paulo paye baro marine na duaro mah̄ñore marine”, niboca. ¹⁷ ¿M̄sa ã niriro sehet̄a yoriro jic̄, dohse tíre yorari ȳh̄, m̄sa ñ̄ch̄? ¿M̄sa cahap̄ ȳh̄ warocarina yaba barore ȳh̄are mah̄ño mabasari tina m̄sare, m̄sa ñ̄ch̄? Mah̄ño maerari jire tina. ¹⁸ Soh̄o jiri p̄jap̄ m̄sa cahap̄ Titore waha duti tuhs̄hi tirore. ã jic̄ pairore Cristo yairore tiro mehne piti dahre warocahi. ¿Tito paye barore m̄sare mah̄ño mari, m̄sa ñ̄ch̄? Mah̄ño maerari jire. Tiro ȳh̄ yoaro sehet̄a Cohamac̄ to cahmano sehet̄a yoriro jira. ¿ã jiro ȳh̄ yoaro sehe yoerari tiro, m̄sa ñ̄ch̄? Ȳh̄ yoaro sehet̄a yorari jire.

¹⁹ “Ñ̄no yoeraja s̄”, ni d̄catana

nieraja sã. Cristo yaina jija. ã jina Cohamacu to ñurocaroi musare yahuna nija. Yñ coyea, yñ cahĩina, musare yahuhi musa sehere yoadoho duana. Musare yahuna, sã sehere musare cahmachu yoana nierahi. ²⁰ Tõpu yñ sũchu yñ cahmano sehe yoaina jieraboca musa. ã jicũ musare tuaro cuisãaja. ã yoa musa cahmano sehe yoariro jieraboca yũhũ cũhũ, tõpu sũcu. Soro musa yoachũ ñũcu yahuihca musare. Tõpu yñ sũchu musa sehe cahma sayoina, painare pahsu tiina, ñaco suaeraina, musa mũ sũro painare yũhdũrũca duaina, painare ñano durucuina, ñaa quiti dahreina, “Painare yũhdũrũcaja” niina, musa cahmachunore dojomehneina jiboca musa. ã jina musa jirore dojomehnena niboca musa. “Tĩre yoari” nicũ, cuisãaja yũhũ musare. ²¹ Tõpu yñ sũchu musare yũhũre bũo tisãachũ yoaboca Cohamacu. Jipihtinare panopũ ñano yoainare, ti ñaare cahyaerainare ñũcu tuaro cahyaihca yũhũ. Numia mehne ñano yoainare, mũa mehne ñano yoaa numiare, wũana tiinare, ñaare goa pjainare ñũcu cahyaihca yũhũ.

13

Paulo yahu batoaha

¹ Mipũre musa cahapũ wahacu tia taha sũihca tõpũre. Pũa taha tõpũre sũ tuhsũi. Õ sehe nina Cohamacu yare ti joari pũi: “Cũirore mari buhiri dahrehto pano tiaro tirore yahusãno cahmana. Tiaro mariachũ pũaro tirore yahusãno cahmana. Ti ã yahusãri baharo buhiri dahre masija mari”, nina Cohamacu yare ti joari pũi. ² Panopũre ñano yoaina cjiri musa jichũ musare, jipihtina paina cũhũre ahrire cuaro mehne yahui. Cũ taha musa cahai pari turi sũcu musare ahrire yahui. Mipũre musa mehne jieracu pari turi musare ahrire yahurocaihtja tjoa: Mipũre musa cahapũre sũcu, panopũ ñano yoainare paina cũhũre potocãta buhiri dahrehtja yũhũ. ³ Yñ ã yoachũ

ñũna, Cristo to cũriro yñ jia tiare to tuaa mehne yñ buherire masinahca musa, musa masi duariro seheta. Cristo sehe musare dutiriro tua yũhdũrũcu sũriro jira. ã jiro to tuaare ñona musare. ⁴ Mari yoaro sehe pjacu tiro, to tuaare ñoaeraro tiro wiho jiriro yoaro sehe crusapũ yariari jire. ã yariaparota Cohamacu to tuaa mehne catiriro jira tiro mipũre. Tiro crusapũ jiro wiho jiriro to jiriro seheta sã cũhũ wiho jiina jija. ã jipanahta Cohamacu tuaa mehne jinahca musare yoadohona tana.

⁵ ã yoa musa sehe cãina musa basi õ sehe ni tũhotuga: “¿Potocãta Cristore wacũ tuajari yũhũ?” ni tũhotuga musa cãina. “¿Potocãta Cristo to cahmano seheta jijari yũhũ?” ni tũhotuga musa cãina. Musã ã jierana to yaina waro jierara musa. To yaina waro musa jichũ Cristo musa mehne jiro nina. ¿Tĩre masierajari musa? ⁶ Sã sehe “Jesu yaina, to yare yahu duti to cũrina jija”, ni mahñoina jieraja. To yaina, to cũrina waro jija sã. Tĩre musa masichũ cahmaja yũhũ. ⁷ ã jicũ musa ñano yoerahto sehe Cohamacure sini payoja musare. ãta sini payoja sã noaare, Cristo yare musa yoahito sehe. Musã ã yoachũ ñũna sã õ sehe niboca: “Corinto macainare buhena, quihõno buhei sã”, niboca sã painare sãre ño payo dutina. ã ño payo dutieraja sã. Tĩ yaba cjihti jierara. ã jina Cohamacure sini payona, musa ya cjihtire sini payona nija. Paina sãre “Mahñoina jira”, ti nipachũta noaare, Cristo yare quihõno musa yoachũ pinihtare cahma yũhdũaja sã. ⁸ Õ sehe dihta musa noaare yoachũ cahmasãja sã. Cristo yare, potocã jiare soro ni yahu masieraja sã. ⁹ “Cristo cahmaare yoerara musa”, ni musare yahusã masierana, wiho jiina yoaro sehe jiboca sã, musa ñũchũ. Noanohca. Noaare, Cristo yare yoana musa sehe wiho jiina jierara. Musã ã jichũ ñũna wiho jiina yoaro sehe sã jipanahta wahcheja. ã jina Cristore wacũ tuaina, noano yũhtiina

musa wahahtore Cohamacure sini payona nija sã musare. ¹⁰ Æ jicũ musa mehne jieracũ musare ahri tjure joarocayui nija. Musa cahapũ sũcũ, ñano yoaina musa jichũ ñũcũ musare buhiri dahrehtja. Cristo yahũre to dutiro sehta musare buhiri dahrehtja. Yũ Æ buhiri dahrerahto sehe ahri tjure musare joarocayui nija. Cristo yahũre to dutiro sehta musare yoadohohtirota jija. Musare dojomehnehtiro jieraja.

¹¹ Mirũre yũ coyea, ahrire yahu batoihtja musare. Noano wahcheina jirucuga musa. Cristore wacũ tua namoga. Æ yoana noaina, tirore yahũtiina jiga. Musa mehne macaina mehne cãno mehne jiga. Musa basi noano mehne jiga. Musa Æ jichũ ñũno musa mehne Cohamacũ jirohca. Tiro marine cahma cahĩchũ yoariro, marine noano mehne jichũ yoariro jira. ¹² Æ yoana musa mehne macainare noano mehne piti bocasiniga. ¹³ Jipihtina õ macaina Cohamacũ yaina musare noa dutira.

¹⁴ Mari puhtoro Jesucristo musare to cahĩa mehne, Cohamacũ cãhũ musare to cahĩa mehne Espĩritu Santo musa mehne jirucuriro to yoadohoa mehne noano jiga musa.

Gálatas

Galacia wama tiriyahpa macainare Jesu yainare joarocaha Paulo

¹ Yuhũ Paulo, Cristo yare buhe dutiro to cūriro jija. Masa ti cūriro jieraja yuhũ. Ā yoa masa sehe yuhũre Cristo buhe dutiro to cūhtore yuhũre yahuerare. Cohamacũ Jesu Pũcũro sehe Jesure yariaritore masoriro yuhũre cūre to yare buhehtirore. Jesucristo cāhũ yuhũre cūre. Ti ā cūriro jicũ ahrire joarocaja mũsare. ² Yuhũ mũsare Jesu yainare Galacia yahpa macainare noa dutija. Yuhũ mehne macaina Jesu yaina cāhũ mũsare noa dutira. ³ Cohamacũ mari Pũcũ, mari pũhtoro Jesucristo mehne mũsare noa dutija. Cohamacũ to yoadohoa mehne noano jiga mũsa. ⁴ Tiro Jesucristo sehe mari ñaare yoari buhirire yariari jire. Mipũre masa ti ñaare yoari dacho jira. Ā jiro ahri dacho baroihta tiro yariari jire Cohamacũ mari Pũcũ to cahmariro seheta marine yũhdũchũ yoaro taro. Ā to yũhdũchũ yoachũ ñaare mipũre ti yoariro seheta yoa duasi mari. ⁵ Ā yoa jipihtia dachoripe tirore mari Pũcũre ño payojihna. Āta yoajihna.

Cohamacũ masare to yũhdũchũ yoahiti buhea cānota jira. Paye buheapũ mariahna

⁶ Cristo mũsare cahĩno to yaina cjihtire mũsare cūre. Ā jicũ mũsare cūriro yare cohāna, soro jia buhea sehere dói mũsa cahmachũ ñũ cũaa wahaja yuhũ. ⁷ Paye buhea noaa buhea yoaro sehe jia buhea waro jierara. Ti ā jierapachũta cāina mũsa cahai jiina mũsare cariboa, soro jia buheare buhea, noaa buheare ni dojomehne duara. ⁸ Ā yoa mũsare sã buhe mũhtari cjiire mari cohāchũ soro jia buhea sehere mari buhechũ Cohamacũ marine buhiri dahrejaro. Tuhsũ, anjo mũano macariro ā to buhechũ tiro cāhũre buhiri dahrejaro Cohamacũ. ⁹ Pano sã niriro seheta

mipũre pari turi nihtja tjoa: Cāiro mũsare sã buherire cohāno, soro jia buheare to buhechũ Cohamacũ tirore buhiri dahrejaro.

¹⁰ Ā ñicũ, “Tiro dihta noano buheriro jira”, yuhũre ni dutii nieraja. Cohamacũ sehe yuhũre “Noano buhere mũhũ”, to nichũ cahmaja. Masare wahchechũ yoacũ tacũ soro jia buheare buheboa yuhũ. Ā buhecũ ne Cristo cahamacũno jieraboa yuhũ.

Paulo Cristo to buhe duti to cūriro to ji dũcarire yahuha

¹¹ Yũ coyea, ahrire mũsa masichũ cahmaja yuhũ: Noaa buheare yũ buheri cjiire masa ya buhea jierara. ¹² Tĩ buhea masũnore yũ tũhori jierara. Ā jia paina masa yuhũre tí buheare yahuerare. Jesucristo sehe yuhũre tí buheare masichũ yoare.

¹³ Panopũre yũ coyea judio masa ti yoaa tiriro sehe yũ yoariro jichũ masina mũsa. Ō sehe yoaa tii yuhũ: Jesu yainare tuaro ñano yoacũ tinare noano wajã pahñonoca duamai. ¹⁴ Sã ñũchũsũma ti buherire tuabiaro yoa duacũ yũ coyea yũ cāno potori bũcũarina yũhdoro yoa mũhtariro jia timai yuhũ. ¹⁵ Yũ ā jiriro jipachũta yũ masa bajuahito pano Cohamacũ yuhũre bese tuhsũri jire. Ā jiro yuhũre cahĩno tiro to yairo cjihto, to cahamacũno cjihto cūre yuhũre. ¹⁶ Ā yoa to cahmano seheta to macũnore yuhũre masichũ yoare to yare noaa buheare judio masa jierainare yũ buhehti cjihtire. To ā yoachũ “¿Dohse ni buhero cahmacari yuhũre?” ni masare sinitu ñũerahi yuhũ. ¹⁷ Ā yoa Cristo to cūrina yũ pano jirina cahapũre Jerusalẽpũre sinitu ñũi wahaerahi. Arabia yahrapũ wahai yuhũ. Ā jicũ Damascopũ majare wihii tjoa.

¹⁸ Tia cũhma baharo Pedrore ñũcũ wahai yuhũ Jerusalẽpũ. Tõpũre pũa somana waro jii. ¹⁹ Ā yoacũ painare Cristo to cūrinare ñũerahi. Santiago dihtare mari pũhtoro bahũrore ñũi. ²⁰ Ō sehe ni joarocacũ Cohamacũ mehne ne mahñope joaeraja.

21 Baharo Siria yahpapu, Cilicia yahpapu cūhure wahaí. 22 Tópure yu sūchu tí pjare Judea yahpapu jiina Jesu yaina yūhure ne űu masierasinare. 23 Ā jia ahri dihtare yūhure masi dūcare tina: “Panopure marine űano yoariro mipure noaa buheare to cohā duari buheare buhero nina”, ni masi dūcare tina. 24 Yūhure ā masia Cohamacure “Noa yūhdūariro jira”, nire tina.

2

Paina Cristo to cūrina Paulore piti bocca dóihta cahmana

1 Catorce cūhmari baharo pari turi Jerusalēpu wahacu Bernabé mehne wahaí. Tito cūhu wahare yūhu mehne. 2 Cohamacu yūhure to waha dutichu tópure wahaí. Jerusalēi jicu Jesu yaina puhto ti sahsero ti cahmachuchu űūcu noaa buheare judio masa jierainare yu buherire yahui tinare. “¿Judio masa jierainare noaa buheare yu buhechu noajari, mūsa tūhotuchu?” nicu, ā ni yahui tinare. Ā ni yahui tinare panopu yu buherire mipure yu buheri cūhure ti noano masihto cjihtore, tíre “Noana”, ti nihto cjihtore. Ti ā nierachu yu buheri cjiri yaba cjihti jieraboa. 3 Yūhu mehne macariro Tito judio masuno jierariro jiro, circuncisiōre yoerariro jira. To ā yoamahnoerariro to jipachuta Jesu yaina puhto “Mūhu cūhu circuncisiōre yoaga”, nierare tirore. 4 Ti ā nierapachuta cāina “Jesu yaina jija”, ni mahñoina wacūenoca sā mehne sāa, tirore circuncisiōre ti yoachu cahmamare tina. Jesu yaina mari jina “Panopu macaare ti dutiro sehe yoana tí mehne yūhdūsi”, ni tūhotuja mari. Mari ā ni tūhotuina jichu mari yoare űu duaa tina sehe sā mehne mahño sāare. Ā yoaa sā űuchusuma ya dutiare yoa duti duaa, tí dutiare űo payorucuina jichu yoa duamare sāre tina. 5 Ti ā yoa duapachuta noaa buheare quihōno mūsa noano masihto cjihtore ne mahanocā mehne tūho duaerahi sā tinare.

6 Ā yoa Jesu yaina puhto noaa buheare yu buherire ti tūhori baharo “Ō sehe ni yahu namoga judio masa jierainare”, ni yahu quihōerare tina yūhure. Jesu yaina puhtoare wiho jiina yoaro sehetā tūhotuja tinare. Cohamacu sehe jipihtinare cāno potori tūhotura. Ā jicu āta tūhotuja yūhu cūhu. Tina sehe yu buheriro sohtoare buhedoho masierare. 7 Ā jia judio masa jierainare yu buhehtire Cohamacu yūhure to cūrire tūhoa, “Tóihata jira”, nire tina. Judio masare buheare Cohamacu Pedrore to cūriro sehetā tó sehetā yūhu cūhure cūre judio masa jierainare yu buhehtiro cjihtore. 8 Judio masare Pedrore buhe dutirota yūhu cūhure tirota buhe dutire judio masa jierainare.

9 Ā jia Santiago, Pedro, João mehne “Jesu yaina puhto”, ti niina noaa buheare buherire Cohamacu yūhure to cūrire tūhoa “Tóihata jira”, nire tina. Ā niata yūhure Bernabé mehne noano wahchea mehne wamomaca űahare sāre piti tia. Ā jina judio masa jierainare buheina jija sā. Santiago cūhu sehe judio masare buheina jira. “Āta wahajaro”, nii sā sā basi. 10 Ā nipahta tina judio masare pjacūoinare yoadoho dutire sāre. Pjacūoinare yoadohohtiro jiita nija yūhu.

Antioquíai Paulo Pedrore tuhtiha

11 Ā yoa Pedrore Antioquíapu to sūri baharo quihōno to yoerari buhiri tuhtii tirore. 12 Ō sehe yoare tiro: Santiago to warocaina Antioquíapu ti sūhto panocā, Pedro sehe judio masa jieraina mehne chūro nire. Santiago warocaina judio masa jierainare “Circuncisiōre yoaga” niina, judio masa panopu macaina ya dutiare yoa dutiina jire. To ā chūro watoi tina sūre. Ā chūriro jiparota tina to cahapu ti sūchu űūno, tinare cuiro, Pedro judio masa jierainare duhunoca, pari turi tina mehne chūro wahaerare. “Mipure wihiina yūhure tuhtiri” nino, judio masa jieraina mehne chu namoerare. 13 To

ã mahño cureriro seheta to yoachũ ñũa, paina judio masa cãhũ tirore ñũ cũ, tina cãhũ tó seheta yoare. ã jiro Bernabé masa noariro jiparota tina yoaro seheta yoare tiro cãhũ. ¹⁴ ã jicũ judio masa jierainare ti duhuri buhiri noaa buhea ti niriro seheta tina ti yoerachũ ñũcũ, jipihtina Jesu yaina panoi Pedrore yahui: “Judio masa ya dutiare yoa dutiina ti ñũrocaroi judio masa jieraina mehne mũ chũ duaerachũ ñũa õ sehe ni tũhotuboca tina judio masa jieraina: “Jesu yaina dihta jina judio masa yoaro sehe yoajihna mari cãhũ”, ni tũhotuboca. ã ni tũhotuchũ yoara mũhũ tinare. ¿Dohseacũ tinare judio masare ñũ cũchũ yoa duajari mũhũ ã piti ti duhucũ? Judio masũno jipaihta judio masa jieraina yoaro sehe yoamare mũhũ. ã yoacũ judio masa yoaro sehe yoerare mũhũ. ¿ã yoariro cjiro jipaihta dohseacũ judio masa jierainare judio masare ñũ cũchũ yoa duajari mũhũ?” nii tirore.

Judio masare paina masa yoaro seheta Jesure wacũ tua dutiha Cohamacũ

¹⁵ Sã sehe judio masa masa ba-juana, paina ñano yoaina judio masa jieraina yoaro sehe jieraja sã. ¹⁶ ã jiina sã jipachũta Cohamacũ dutiare Moise cjirore to cũrire yoarina sã jichũ “Noaina jira”, ni ñũeraboa Cohamacũ sãre. Tíre mari masija. ã yoa Jesucristore mari wacũ tuachũ Cohamacũ marine “Noaina jira”, ni ñũnohca. Tíre masina, sã cãhũ Jesucristore wacũ tuaja tirore sã wacũ tuari mehne sãre “Noaina jira”, Cohamacũ to ni ñũhto cjihtore. To dutia cjirore sã yoarina jichũ “Noaina jira”, ni ñũeraboa Cohamacũ sãre. Ne tí dutia yoaa mehne noaina jierara masa, Cohamacũ to ñũchũ.

¹⁷ Wiho mejeta Cristore mari wacũ tuaa mehne noaina Cohamacũ yaina mari waha duachũ, ñaina mari jiare masichũ yoarohca Cristo. ¿Cristo mari ñaare marine masichũ yoaro

ñaina marine jichũ yoajari tiro, mũsa tũhotuchũ? Ne mahanocã mehne yoerara. ¹⁸ Sã dutia yoaa mehne yũhdũ duamarina cjiri jipanahta tí buheare cohãi. ã cohãpanahta pari turi tí buheare yoana tí dutiare sã yoa pahñoerari buhiri potocãta buhiri tinahca sã. ¹⁹ Cohamacũ dutiare Moise cjirore to cũrire cãno pjaeraja mari. ã jia, tí dutia marine duti namoerara. Cohamacũ to tuaa mehne to yaina jija mari. Cristo mehne crusai yariaina yoaro sehe jija mari. ²⁰ ã jina yariariro to mũ sũro to yoerariro seheta mari mũ sũro yoeraja mari. Cristo ya tuaa mehne yoaja. ã yoa mipũre Cohamacũ macũnore wacũ tuaa mehne jirucuja mari. Tiro Cohamacũ macũno marine cahĩre. ã jiro mari ya buhirire yariare. ²¹ To dutia yoaa mehne noaina Cohamacũ yaina mari wahachũ Cristo to yariari sehe ne yaba cjihti jieraboa. Cohamacũ marine to cahĩre, Cristo to yariarire wiho jia yoaro sehe jichũ yoa duaeraja yũhũ sehe. ã jicũ “Dutia mehne yũhdũihca”, ne nieraja yũhũ.

3

Cohamacũ dutia Moise cjirore to cũrire, wacũ tuaa cãhũre yahuha Paulo

¹ Yũ coyee, mũsa Galacia macaina tũho masieraina ji wama tira mũsa. Jesucristo crusai to yariari buheare jipihtina ti ñũrocaroi mũsare yahui. ¿ã jina mipũre to yare mũsa yũhdũrũcahtore paina mũsare tí dojomehnechũ dohse yoana tinare yũhtiri mũsa? ² Ahrireta yahu duaja mũsare: Dutiare mũsa yoaa mehne Espĩritu Santore cjuerara mũsa. Noaa buhea sehere tũhona Cristore mũsa wacũ tuaa mehne Espĩritu Santore cjuera mũsa. ³ Espĩritu Santo mehne mũsa Cristo yaina ji dũcana mipũre mũsa mũ sũro mũsa yoaa mehne Cohamacũ cahapũ mũsa waha duachũ ña nina. Tũho masieraina jira mũsa, ã yoana. ⁴ ¿Noaa buheare mũsa yoari buhiri payũ tahari mũsa ñano yũhdũna wiho warota ñano

y_hdnocana niri m_usa, ã wahana? Wiho waro jierara m_usa ã wahari. ⁵ ¿Dohse m_usa yoari wapa Espíritu Santore m_usare wari Cohamac_u, m_usa t_uhotuch_u? To dutiare m_usa yoari wapa waerare tiro. To buheare noano m_usa t_uhoch_u ñ_uno tirore m_usa wac_u tuari baharop_u Espíritu Santore ware tiro. ¿Cohamac_u m_usa watoi to tuaa mehne yoa ñono dohse jiro baro ã yoa ñojari tiro, m_usa t_uhotuch_u? To dutiare m_usa yoari wapa ã yoa ñoerare tiro. To buheare noano m_usa t_uhoch_u ñ_uno tirore m_usa wac_u tuari baharop_u ã yoa ñore tiro.

⁶ Abrahã cjiro Cohamac_ure wac_u tuaa tiri jire. To ã yoach_u tirore Cohamac_u “Noariro jira”, ni ñ_ua tiha. ⁷ Æ jina ahri y_u nihtire masiga m_usa: Cohamac_ure wac_u tuainata potocãta Abrahã cjiro panamana ji turiaina waro pa turu macaina yoaro sehe jira. ⁸ Panop_u Cohamac_u yare ti joari p_ui ò sehe ni yahua tiha: Judio masa jieraina Cohamac_ure ti wac_u tuach_u ñ_uno “Noaina jira”, ni ñ_una Cohamac_u. To ã ni ñ_uhtore Cohamac_u pano masiyuro, tiro noaa buheare Abrahãre pano yahu m_uhta tuhs_ua tiha. “M_uh_u mehne ahri yahpa macainare jipihtinare noano yoaihtja”, nia tiha Cohamac_u Abrahãre. ⁹ Æ jiro Abrahã cjiro Cohamac_ure noano t_uho wac_u tuaa tiha. To ã wac_u tuach_u ñ_uno Cohamac_u tirore noano yoaa tiha. Æ yoa paina masa Cohamac_ure ti wac_u tuach_u, tina cãh_ure noano yorohca Cohamac_u, Abrahã cjirore to joariro seheta.

¹⁰ “Moise cjirore to c_uri dutia mehne Cohamac_u yaina wahanahca”, ni t_uhotuina buhiri tiina jira. To joari p_ui ãta nina: “Cohamac_u dutiare to ya t_uji ti joarire yoa pah_uoeraina buhiri tiina jira tina jipihtina”, ni joaa tiha. ¹¹ Cohamac_u yare ti joari p_ui ò sehe nina: “Cohamac_ure wac_u tuainare ‘Noaina jira’, ni ñ_una Cohamac_u. Æ wac_u tuaa jipihtia dachoripe Cohamac_u mehne ã jirucuahca”, nina Cohamac_u yare ti joari p_ui. To ã nich_u ahri y_u nihtire

mari noano masija: To dutiare ti yoaa mehne masa noaina wahaerara, Cohamac_u to ñ_uch_u. ¹² Dutia yoaa mehne Cohamac_u cahap_u waha duaina Cohamac_ure wac_u tuaerara. Ò sehe nina Cohamac_u yare ti joari p_ui: “Dutiarre yoaa mehne noaina waha duainare tí dutiarre yoa pah_uoeraina cahmana tinare, d_uhsaro marieno”, nina Cohamac_u yare ti joari p_ui. Wiho mejeta to dutiarre yoa pah_uoeraina jira masa. Æ jia Cohamac_u ñ_urocaroi noaina waha masierara.

¹³ Æ jia tí dutia marine buhiri tich_u yoara. Mari ã buhiri tich_u ñ_uno Cristo sehe to basi mari yaro jiborirore buhiri tiriro waharo, mari buhiri tiborirore tiro sehe cohãbasare marine. Cristo to buhiri tihtore yahuro ò seheta ni joaa tiha panop_ure: “Jipihtina yuc_ucap_u ti duhu òina buhiri tiina jira”, ni joaa tiha panop_ure. ¹⁴ To ã ni yahu joariro seheta ã yoari jire Cristore. Cohamac_u Abrahã cjirore “Ahri yahpa macainare noano yoaihtja”, to niriro seheta yoaro niri jire masare. Æ yoari jire Cristo mehne. Tiro yariari jire Cohamac_u judio masa jierainare noano to yoah_uto cjihtore. Æ yoaro Jesucristo mehne Cohamac_u Abrahãre to niriro seheta tuhs_uari jire. Æ yoari jire tiro tirore mari wac_u tuari baharo Espíritu Santore mari c_uah_uto cjihtore.

To buherire qiti mehne yahu namoha Paulo

¹⁵ Y_u coyee, masa ya qiti mehne tí y_u nirire yahuihtja m_usare: Cãiro paio mehne “Ò sehe yoajihna mari”, ni cãno mehne ti joa c_upachata paio tí p_ure soro ni dojomehne joa namo masierara. Æ yoa tuhs_u, tí p_ure “Quihõno jierara”, ni masierara tiro. ¹⁶ Tí p_ure cãno potori ti joa c_uriro seheta “M_usare noano yoaihtja”, Cohamac_u nino, Abrahãre to panamino ji turiariro cãh_ure ni yahu c_uno nia tiha. Æ ni yahu c_uno paina to panamana ji turiainar_ure

ni yahu cūno niera tiha. Cāiroreta to panamino ji turiaro dihtare ni yahu cūno nia tiha Cohamacu. Tiro Abrahã panamino Cristo jira. ¹⁷ Mipure noano yahuihtja musare: Abrahã cūhure Cohamacu “Musare noano yoaihtja”, to ni cūri baharo cuatrocientos treinta cūhmari yūhduri baharo to dutiare Moise cjirore cūa tiha. ã cūno Abrahã cūhure Cohamacu “Musare noano yoaihtja”, to yahu cūri cjirore boro taro niera tiha. ¹⁸ Cohamacu marine yūhduchu yoaro, dutiare mari yoaa mehne marine yūhduchu yoaerara. Dutiare yoaa mehne mari yūhduchu Cohamacu “Musare noano yoaihtja”, to ni yahu cūri sehe yaba cjihti jieraboa. Wiho mejeta to dutia mariasinichuru Abrahãre ã ni cū mūhtaa tiha.

¹⁹ ¿ã jiro dohse jiro baro to dutiare cūri Cohamacu? To dutiare cūha tí dutiare mari yūhdurucarire mari noano masihto sehe. ã jiro panopure Cohamacu “Mu panami mehne masare noano yoaihtja”, Abrahãre to niriro to wihito pano Cohamacu to dutiare cjuaa timaha masa. Cohamacu to dutiare to cūchu to anjoa sehe tíre duti turiaa tiha. ã yoa Moise cjirore ti cūchu, tiro sehe masare cū turiaa tiha tjoa. ²⁰ To dutiare Moise cjiro to cū turiachu Cohamacu to basita masare cūera tiha. ã cūeraparota Cohamacu “Mūhure noano yoaihtja”, Abrahã sehere ni yahu cūno, to basita ã ni yahu cūa tiha.

²¹ Cohamacu Moise cjirore to dutiare cūno, tó pano Abrahãre to ni yahu cūrire “Yu niriro sehe yoasi yūhu”, nino niera tiha tiro. Abrahãre to niriro seheta yoaro taro nia tiha. To dutia yoaa mehne Cohamacu yaina wahana tí pja pinihta dutiare mari yoaa mehne noaina wahaboa mari. ²² Wiho mejeta Cohamacu to yare ti joari pū sehe jipihtina ñaa buhiri tiina, ñaare duhu masieraina ti jirire yahua tiha. ã ni yahua tiha Cohamacu “Musare noano yoaihtja”, pano to niriro seheta to yoahito cjihtore. ã yoaro Jesucristore wacū

tuainare noano yoaro tiro pano to niriro seheta.

²³ Jesucristo ya buheare mari tūhohto pano, tirore mari wacū tuahto pano Cohamacu Moise cjirore to cūri dutia dihtare masimahi mari. ã masimarina jina ñaa buhiri tiina, peresuru jiina yoaro sehe tí ñaare duhu masieraina jina, dutia dihtare masiina jimahi mari. ²⁴ ã jia Cristo to wihito pano Cohamacu dutia sehe marine yahure dahra cohtariro to puhtoro pohnare to yahuriro seheta. ã yahure marine baharo Cristore mari wacū tuua mehne Cohamacu “Noaina jira”, marine to ni ñuhto cjihtore. ²⁵ Mipure pinihtare Cristore mari wacū tuari pja jira. To ã jichu dahra cohtariro yoaro sehe to dutia sehe marine yahu namoerara. Marine dutirucu namoerara. ²⁶ ã jina Cristo Jesure wacū tuaina jina Cohamacu pohna jira musa. ²⁷ Jipihtina musa co mehne bautisarina jira Cristo yaina musa jiare ñona tana. ã yoana to yaina jina, Cristo yoaro sehe jiina wahana nina musa. ²⁸ Mipure pua curua jierara musa. Judio masa jieraina, judio masa mehne pua curua jierara musa. Dahra cohtaina, dahra cohtaina jieraina mehne pua curua jierara musa. Mua, numia mehne pua curua jierara musa. Jipihtina musa Cristo yaina jina, cū curuata jira musa. ²⁹ Cristo yaina jina, Abrahã Cohamacure to wacū tuariro seheta yoaina jina, Abrahã panamana waro jira musa. Musa ã jiina jichu Cohamacu Abrahãre “Musare noano yoaihtja”, to ni yahu cūriro seheta musa cūhure noano yoarohca tiro. Cristo yaina musa jichu ñuno musare noano yoarohca.

4

¹ Õ sehe jira ahri quitu mehne yu yahu namochu: To puchuro baharo to yare nahtiro wahma buchariro jirope jipihtia to ya jipachuta dahra cohtariro yoaro seheta ne paye baro maerariro yoaro seheta jira tiro. ² ã jia tiro wahma buchariro

to jichu tirore ñu wihboina to yare ñu wihbora. Ñ yoa to pucuro to quihõri pja mu suchupu to pucuro yare cjuarohca to macuno. ³ Õ sehetu wahma buchariro yoaro sehetu jimai mari cuhu. Ñ jiina mari jisinchu dahra cohtainare ti dutiro sehetu Moise cjirore to cõri dutia, mari ñuchusuma panopu macaina ti cõri dutia cuhu marine dutisinimare. ⁴ Mari ã jiina jipachuta to quihõri pja mu suchu Cohamacu to macunore warocari jire. Ñ to warocachu to macuno cõcoro numino mehne masa bajuari jire. Ñ jiro tiro judio masuno masa bajuaro Cohamacu dutia Moise cjirore to cõri cjirore yoarucuriro jiri jimare. ⁵ Mari cõhure tí dutiata dutisiniri jimare. Ñ jiro marine yuhduchu yoahiro cjihtore warocari jire Cohamacu to macunore, to pohna waro mari wahahto cjihtore.

⁶ Ñ jiro to pohna masa jichu ñuno, Cohamacu macuno to yairo Espiritu Santore masa mehne jihtirore warocari jire Cohamacu. To yairo Espiritu sehe Cohacure “Mai”, niriro jira. ⁷ Ñ jina masa Cohamacu to yoadohoa mehne dahra cohtaina jierara masa mipure. To pohna jira masa. Ñ jina to pohna jina, Cohamacu to wahtire cjuanahca masa.

Paulo Galacia macainare Jesu yainare cuisãha

⁸ Panopu Cohacure masa masierasiniina jina “Cohamacu jira”, masa nia masurine ño payona tí masurine dahra cohtaina jiri jimare masa. Masa ã ño payoina potocãta cohamana waro jierari jire. ⁹ Ñ jirina cjirore jipanahta mipure Cohamacu warore masina masa. Jierara. Tiro pinihta masa sehere masina. ¿To ã masipachuta dohse yoana ahri yahpa macaina ya buhea sehere cahmajari masa tjoa? Ti ya buhea mehne noano yuhdu duapanahta ne yuhdu si masa. Ñ yoa baharo Cohamacu jipihtia dachoripe masare to wahtire cjuasi masa. Ñ yoana tí buhea mehne yuhdu

duana, pari turi ti ya dutiare dahra cohtaina yoaro sehe wahana nica masa. ¹⁰ Cãa dachorire, cãa sãrine, cãa puhibucare, cãa cõhmarine bõse numurine dahre dutira masa. “Mari ã yoaa mehne dutia mehne yuhdu nahca”, ni tuhotumana masa. ¹¹ Masa ã ni tuhotuchu masare tuaro yu buheri cjirore yaba cjihti jieraboca, yu tuhotuchu.

¹² Yu coyea ahrire tuaro dutiitja masare: Cristore yu tuhoturiro sehetu masa cuhu tirore tuhotuga. Panopu dutia yoaa mehne yuhdu duaina jierari jimare masa judio masa jieraina jina. Mipu sehere yuhu cuhu masa yoaro sehetu wahai dutia yoaa mehne yuhdu duaeracu. Ñ jina Cristore yu tuhoturiro sehetu masa cuhu ãta tirore tuhotuga. Masa mehne yu jichu ne ñano yoerare masa yuhure. ¹³ Ahrire masina masa. Tõpu dohatiriro jicu, pa seheru waha masieracu noaa buheare masare buhe ducã. ¹⁴ Yu ã dohatiriro jipachuta, yuhure pumeborina masa jipanahta, yuhure yabierare masa. Ñ jina yuhure “Waharisa”, nierare masa. Ñ jina Cohamacu yairo anjore, Jesucristo cõhure masa piti bocaboriro sehetu yuhure noano piti bocare masa. ¹⁵ ¿Mipure dohse wahari yuhu mehne masa wahchea? Masare ahrire niitja: Cõno pjana masa caparire orewe na yuhure waboa masa. ¹⁶ ¿Yuhu mehne macaina jipanahta mipure quihõno masare yu yahuchu ñu tuhtijari masa yuhure?

¹⁷ Sohõ jiina soro ni buheina masare tuaro cahmasãana. Ti tuhotua soro jira. Noaa jierara. Tina masare yuhure yuhdu rucachu cahmana, tina sehere masa cahmahto sehe. ¹⁸ Noano mehne masa noano wahahto sehe masare tí cahmasãachu noa niboã. Ñ yoa tõpore yu mariachu cõhure tí ã cahmasãachu noa niboã. ¹⁹ Yu pohna, niji wahcõricoro to ñano yuhdu sehetu masare ñano wacũ tuhotuja yuhu. Pu Cristo yoaro sehe masa jichupu masare wacũ duhuihca. ²⁰ Michapucacã masa mehne jicu tuhtiro marieno wahchea mehne

musa mehne yu sãhũdũchũ noaboa yũhũre. Musare pjĩro tũhotui nija yũhũ.

Agar Sara mehne ti jiri cjirire yahuha Paulo

²¹ Tũhoga musa yũhũre. Cohamacũ to dutiare yoaa mehne yũhdũ duaina jipanahta to dutia sehere noano masierara musa. ²² Ō sehe nia tiha Cohamacũ yare ti joari pũi: Abrahã pũaro pũcũro jia tiha. Tirore dahra cohtaricoro Agar wama tiricoro mehne cãiro pohna tia tiha. ã yoa to namono poto Sara wama tiricoro mehne cãiro pohna tia tiha. ²³ Wiho mejeta tirore dahra cohtaricoro macũno masa mari yoaro sehetã masa bajuaa tiha tiro. To namono poto macũno sehe Cohamacũ “Cãirocã pohna tinahca musa”, to niriro sehetã masa bajuaa tiha tiro sehe. ²⁴ Ahri quti marine noano piti dahre yahura: Cohamacũ pũa taha masare “Musare yoadohoihtja”, to nia yoaro sehetã jira ahri numia pũaro numia. Cũcoro Sinaí wama tidũpũ to dutiare wari yoaro sehe jira. Ticoro Agar jira. Ticoro mehne mari piti dahre buhechũ judio masa cãhũ dutiare yoarucua mehneta yũhdũ duaina ticoro yoaro sehe jira. Tina dahra cohtaina yoaro sehe jira. ²⁵ Ticoro Sinaí wama tidũ Arabiapũ jidũ yoaro sehe jiricoro jira. Mipũre Jerusalẽ macaina judio masa dutia yoaa mehne yũhdũ duaina dutiare dahra cohtaina yoaro sehe jira. ã jia mari piti dahre buhechũ tina ticoro yoaro sehe jira dahra cohtaricoro to jia tiriro sehe. Tina Cohamacũ pohna jierara. ²⁶ Pacoro sehe Abrahã namono poto mũanopũ jiri maca Jerusalẽ wama tiri maca yoaro sehe jira, mari piti dahre buhechũ. Ticoro dahra cohtaricoro jieraro, to macũno cãhũ dahra cohtariro jierari jire. (ã yoa Jesucristore wacũ tuaina mari jina, Sara macũno yoaro sehe jija. Mari cãhũ Cohamacũ Moise cjirire to cũri dutia mehne yũhdũ duaina jieraina jina, dahra cohtaina yoaro

sehe jieraja.) ²⁷ Cohamacũ yare ti joari pũi ō sehe ni joaa tiha Cohamacũ pohna warore, Sara yoaro sehe jiricorore yahuro:

“Pohna marienicoro, wahchega.

ã yoa wahchea mehne sañurucuga, niji wahcõno purĩnore masieraricoro jico.

Mũhũ sehe manũ tiricoro yũhdoro payũ pohna ticohca.

ã jico wahchega”,

ni joaa tiha panopũre to pohna tihto pano Sara yoaro sehe jiricorore yahuro.

²⁸ Yũ coyea, Cohamacũ to niriro sehetã Isaa masa bajuaa tiha. Mari cãhũ tiro yoaro sehe Cohamacũ to niriro sehetã to pohna jija mari.

²⁹ Wiho mejeta tí pjarũre masa yoaro sehe masa bajariro ñano yoaa tiha pairore Espĩritu Santo to niriro sehetã masa bajariroro. Mipũ cãhũre ãta jira to jiriro sehetã. ³⁰ Wiho mejeta ō sehe nina Cohamacũ yare ti joari pũi: “Dahra cohtaricoro macũno to pũcũro yare cjũa masierara. To namono poto macũno sehe to pũcũro yare cjũa masina. ã yoa ticorore dahra cohtaricoro cjirire to macũno mehneta cohãnocahga”, ni joaa tiha.

³¹ Yũ coyea, ne dahra cohtaricoro pohna yoaro sehe jieraja mari. Wiho mejeta to namono poto pohna yoaro sehe jija mari.

5

Jesucristo yare noano tũho ñahana, tíre duhuena tjiga

¹ Dutia yoaa mehne yũhdũ duaina tí dutiare dahra cohtaina ti dutipeina yoaro sehe jira. Cristo yaina wãhana ti dutipeina mari jiare wijaana, Cristo mehne yũhdũja mari. ã to yũhdũchũ yoarina jina, to yare ã yoarucuga, “Tí dutia yoaa mehne yũhdũnahca”, ni tũhoturo marieno.

² Mipũre yũhũ Paulo ahrire yahuihtja musare: “Circuncisiõre mari yoari mehne yũhdũnahca”, musa ni tũhotuna, Cristo musare to yoadohorire yaba cjihti jierachũ yoana

nina m̄sa. ³ Jipihtina circuncisiõre m̄sa yoari mehne ȳhd̄u duainare pari turi õ sehe ni yahuihtja ȳh̄u: Circuncisiõre m̄sa yoari mehne ȳhd̄u duana, paye Cohamac̄u dutiare yoa pahñõerana, ȳhd̄usi m̄sa. ⁴ Dutia yoaa mehne ȳhd̄u duaina jina Cristo sehere cohãre m̄sa. ã yoaina jina, Cohamac̄u m̄sare to cahĩre, m̄sare to ȳhd̄uch̄u yoa duarire cahmaerara m̄sa. ⁵ Wiho mejeta mari sehe Espĩritu Santo to tuua mehne Cohamac̄ure wacũ tuaja. Mari ã wacũ tuach̄u “Noaina, ñaa buhiri marieina jira”, ni ñ̄na Cohamac̄u marine. To ã ni ñ̄ch̄u marine to ȳhd̄uch̄u yoahtore masija mari. ⁶ Cristo Jesu yaina jina circuncisiõre mari yoach̄u ne yaba cjihti jierara. Circuncisiõre mari yoaerach̄u cãh̄ure ne yaba cjihti jierara. Wiho mejeta Cristo pinire wacũ tuana painare cahĩnahca mari. Tĩ wacũ tuua sehe wiho waro jia nierara. Tĩ waro jia nina.

⁷ M̄sa Cristore noano wacũ tuasinimare. ¿Diina baro noaa buheare ȳhd̄ur̄uca dutiari m̄sare? ⁸ Ti ya buhea Cohamac̄u m̄sare to pohnare cũriro to ya buhea jierara. ⁹ Ahri ȳh̄ nihtire wacũga m̄sa: Mahanocã pão b̄uc̄aro trigo ȳb̄ure noano sahser̄uc̄u s̄ura. (To ã sahser̄uc̄u s̄uriro seheta ȳh̄ coyea judio masa ya buhea sehere m̄sa cahmarucuch̄u ñ̄na payu masa m̄sa mehne macaina cãh̄u tĩ buheare cahmaboca tina cãh̄u.) ¹⁰ Mari puhtoro Cristore wacũ tuaja mari. ã jic̄u ahri ȳh̄ nihtire masija ȳh̄u. Cristo to yoadohoa mehne paye buheare baharop̄ure cahmasi m̄sa. Tĩre masija ȳh̄u. M̄sare dojomehne cohtaina dohse jiina jica. Tinare Cohamac̄up̄u buhiri dahrerohca.

¹¹ Ȳh̄ coyea, “Dutia yoaa mehne ȳhd̄unahca”, ti nia buheare ȳh̄ buheriro jich̄u judio masa ȳh̄ure ñ̄ano yoaeraboa. Cristo crusai to yariari buheare ȳh̄ buheri buhiri tina ñ̄ano yoara ȳh̄ure. Cristo ya buhea mehne judio masa ya buheare ȳh̄ buhe morech̄u ȳh̄ure ñ̄ano yoaer-

aboa tina. ¹² M̄sare dojomehne cohtaina m̄sare mahanocã m̄sa pjac̄u macari cahsarocãre yihso dutiina ti basi dihta yihsojaro.

¹³ Ȳh̄ coyea, “Dutia mehne ȳhd̄unahca”, ni tãhotu dutierara Cohamac̄u m̄sare. Wiho mejeta “Dutia mehne ȳhd̄unahca”, ni tãhotuina jierapanahca “To dutiare ȳhd̄ur̄uc̄ajihna”, ni wacũena tjiga. ã yoa m̄sa mehne macainare cahma cahĩna, tinare dahra cohtaina yoaro seheta yoadohoga tinare. ¹⁴ Cãnota dutiare noano yoana, Cohamac̄u dutiare yoa pahñõna nija mari. Õ sehe jira tĩ dutia: “M̄u basi m̄u cahĩno seheta m̄u cahai jiina cãh̄ure cahĩga”, ni dutia tiha. ¹⁵ ã jina wahiquina suaina yoaro sehe m̄sa basi cahma sayoena tjiga. Tuhs̄u, cahmachena tjiga. M̄sa mehne macaina jipihtinare “Dojomehneri”, nina noano yoaga m̄sa.

Masa ñ̄aare ti goa pjaare, Espĩritu Santo to cahmaa cãh̄ure yahuha Paulo

¹⁶ Espĩritu Santo to cahmariro seheta jirucuga m̄sa. ã jina m̄sa ñ̄aare m̄sa goa pjaare yoarena tjiga. ¹⁷ Ñ̄aare m̄sa goa pjach̄u tĩre m̄sa yoach̄u, Espĩritu Santo ñ̄u yabira. To ã ñ̄u yabich̄u tĩ ñ̄aare duhunahca m̄sa. ã jina ñ̄aare m̄sa goa pjana, tĩre yoana, Espĩritu Santore ñ̄u tuhtira m̄sa. ã ñ̄u tuhtina to cahmano sehe yoaerara m̄sa. ã jina m̄sa goa pjaare m̄sa yoa duaro seheta yoa masierara m̄sa. ¹⁸ ã yoa Espĩritu Santo to cahmaare yoaina jina “Dutia mehne mari ȳhd̄unahca”, ni tãhotuerara m̄sa.

¹⁹ Masa ñ̄aare ti yoaare mari noano masi tuhs̄uja. Õ sehe jira tĩ: Numino mehne ñ̄ano yoaa, m̄no mehne ñ̄ano yoaa, w̄ana tia, tó sehe jia ñ̄aare b̄u tiro marieno yoaa, ²⁰⁻²¹ “Cohamac̄u jira” ti nia mas̄urine ñ̄o payoa, puti sitea, paye yaya ti yoaa, ñ̄u tuhtia, cahma sayoa, doaa, suaa, to basi dihta cj̄ua duaa, ñ̄u tuhti cahma tju waa, cã curua macaina pa curuare

ñu tuhtia, paina yare tuaro cahmaa, cahaa, cahaa bose numurine dahrea, tó sehe jia jira ñaare yoaa. Panopu musare cuaro mehne yu niriro seheta mipu cãhare nihtja: Tí barore yoaina pãhtoro Cohamacu to suho jiropure manopure ne susi.

22-23 Espíritu Santo sehe marine õ sehe yoaina jichu yoara: Masare cahina, wahcheina, cuiro marieina, so suaeraina, painare noano yoaina, noaina, duhuro marieno Cohamacu cahmaare yoaina, painare yuhduruca duaeraina, noano mehne yoaina, ti ñaa goa pjaare yoeraina jichu yoara marine tiro. Tó sehe yoainare “Ã yoaena tjiga”, ne cãiro nierara. 24 Cristo Jesu yaina jina mari ñaa goa pjaare yoa namoeraja. 25 Espíritu Santo marine Cohamacu mehne ã jirucuchu yoarohca. Ã jina to cahmano seheta yoarucuina jijihna mari.

26 “Painare masi yuhdurucaja sã”, ni tuhoutuina jiena tjijihna mari. Ã jina mari mehne suachu yoaena tjijihna painare. Ã yoana mari mehne macaina noano ti wahachu ñna tinare sua tuhoutuena tjijihna.

6

Musa mehne macainare yoadohoga

1 Yu coyea, cãiro musa mehne macariro to ñaare yoachu ñna, Cristore noano wacũ tuaina jina niji siaroca dero tirore yoadohoga noaare pari turi to yoahito sehe. Ã yoana musa cãhu “Ñaaare goa pjari”, nina noano yoaga. 2 Musa mehne macaina ti ñano yuhdũchu cãhare yoadohoga tinare. Musa ã yoana Cristo to dutiro seheta yoana nina musa.

3 Cãiro wiho jiriro jiparota “Painare yuhdurucaja”, ni tuhoturo, to basi mahnoa dihtare tuhoturiro jira. 4 Cãina musa sahsero musa yoarire “Ahri noaa jira. Ahri ñaa jira”, ni masiga. Ã masina musa yoari noaa jichu musa basi wahchenahca.

Ã jina “Painare yuhdurucaja”, nisi musa. Ã nierana painare musa yuhdurucari mehne wahchesi musa. 5 Ã jiro Jesu yairo to mu sũro Cohamacu yare yoara. Pairo masũno tirore tíre yoadoho masierara.

6 Ã jina noaa buheare buherirore paye baro musa cãaare tirore waga musa to yahuaare tãhoina.

7 Toari masũno ñaa yaparire toaro ñaa dichare cãarohca. Noaa yaparire toaro noaa dichare cãarohca. (Tó seheta mari cãhu ñaare yoana ñaare cãanahca. Ã jiro mari ñari buhiri buhiri dahrerohca. Noaare yoana noaare cãanahca. Ã jina noano jinahca.) Ã jina “Sã ñaare yoachu Cohamacu sãre buhiri dahresi”, ni tuhoutuena tjiga. Ñaaare yoaina Cohamacure bujũpeina jira. Cohamacure bujũpeinare buhiri dahrerohca tiro. 8 Mari ñaare goa pjana, tíre yoana, tí mehnetã yarianahca. Ã jina pichacaru wahanahca. Espíritu Santo sehe to cahmaare mari yoachu tiro marine jipihita dachoripe manopu jirucuchu yoarohca. 9 Ã jina noaare yoana tíre pumena tjijihna mari. Cohamacu to quihõri pja jichu noaare cãanahca mari pumerana. 10 Ã jina jipihtinare mari ñinape noano yoajihna mari. Mari coyea Jesu yaina pinihtare paina yuhdoro noano yoajihna.

Paulo yahu batoaro, noa duti batoaha

11 Bũjũa letrari mehne yu wamomaca waro mehne musare yu joarocarire ñuga musa. 12 Musare circuncisiõre yoa dutiina masa tinare ño payochu cahmana. Cristo crusai to yariari buheare mari buheri buhiri masa ñano yoara marine. Ti ã yoachu ñna ahrina musare circuncisiõre yoa dutira “Judio masa ya buhea sehere yoaja”, nia. Ã ti yoa dutichu judio masa tinare ñano yoaeraboca. Ã jia circuncisiõre yoa dutira. 13 Musare circuncisiõre

yoa dutiina sehe Cohamacu to dutiri cjirire yoa pahñoerara. Ñ jia circuncisiõre musare ti yoa dutiri baharo musa yuhtichu ñua, judio masa tinare musare dutiinare ño payoboca. Ti ã ño payohti cjihtire musare circuncisiõre yoa dutira tina. ¹⁴ Mari puhtoro Jesucristo crusai yariariro ya buhea dihtare jipihtinare wahchea mehne yahu duaja. Ne paye buheare ã ni yahu duaeraja. Ñ crusai to yariachu ahri yahpa macaa ñaare watino yuhure yoa dutiro bihoerara. Ñ yariaro tí ñaare yuhure cahmaerachu yoare tiro. ¹⁵ To ã yoachu Cristo Jesu yaina mari jichu circuncisiõre mari yoachu ne yaba cjihti jierara. Circuncisiõre mari yoaerachu cãhure ne yaba cjihti jierara marine. Wiho mejeta pari turi masa bajuaina yoaro sehe, Cohamacu cahmano seheta yoaina, marine to cohtotachu pinihta wiho waro jierara. ¹⁶ Jipihtina ahri yu buherire yoaina, Cohamacu yaina waro jina, cuiro marieno noano jiga musa. Ñ jina Cohamacu to pja ñua mehne jiga musa.

¹⁷ Mari puhtoro Jesure dahra cohtariro yu jiri buhiri yu pjacure cami tija yuhu. Yu ã jiro jichu mipure paina yuhure cariboea tjijaro.

¹⁸ Yu coyea mari puhtoro Jesucristo musare jipihtinare to cahña mehne noano yoajaro. Ñta yoajaro.

Efesios

Efeso macainare joarocaha Paulo

¹ Yuh Paulo musare Efeso macainare joarocaja. Yuh Jesucristo yare buhe dutiro to cūriro jija. Cohamacu to cahmano seheta Jesu yuhare to yare buhehtirore cūre. Ā jich musare Cohamacu yainare Jesucristore ā wacū tuarucuinare joarocaja yuh. ² Ā joarocacu yuh musare noa dutija. Cohamacu mari Puch, ā yoa mari puhtoro Jesucristo cūh musare noano yoa, noano jich yoajaro.

Cristo yaina mari jich ñno Cohamacu noano yoara marine

³ Cohamacu, mari puhtoro Jesucristo Puchro marine noano yoarucura Cristo yaina mari jich ñno. Jiphtia to ya mūano macaa noaa mehne tiro marine noano yoarucura. Espiritu Santo mehne marine ā noano yoarucura. To ā yoariro jich ñna noano ño payoa mehne tirore noano wahche payojhna. ⁴ Ō sehe yoaa tiri jire tiro marine to yainare: Ahri yahpare to bajuamehnehto pano mipure to yaina jhtinare beseyu tuhsaa tiri jire tiro marine. Ā besea tiri jire marine ñaa buhiri marieina mari jhto sehe. Ā yoana ñaa buhiri marieina jija mari, Cohamacu to ñuch. Ā jiro marine “Ñaa buhiri tiina jira”, nisi tiro. ⁵ Panopu ō sehe nia tiri jire tiro marine: “Yuh macu Cristo tinare to yoabasari mehne tina yuh pohna jahca”, ni cūa tiri jire marine panopu. To ji coariro seheta to cahmariro seheta ā wahachu yoaa tiri jire tiro marine. ⁶ Wiho jiina mari jipachuta marine to ā noano yoachu ñna ño payoa mehne tirore noano durucujhna. To macu to cahriro yaina mari jich ñno noano marine yoara tiro. Ā jina tirore noano durucujhna. ⁷⁻⁸ Cristota jira marine pichacapu wahaborinare yuhduchu yoariro. Cristo mari ñaa buhirire yariabasaro, to

dire cohā, mari ñaa yoari buhirire cohāri jire. Mari ñaa yoari buhirire to cohāchu ñno, Cohamacu sehe mari ñaa buhirire bonocahna. Marine ñaa dihtare yoaborinare ā cahmano marine noaputiaro yoari jire Cohamacu. Ā yoa marine to ā yoainare noano waro tūho masiina wahachu yoari jire. ⁹⁻¹⁰ Tūho masiina wahachu yoa, baharopu to yoahore marine masichu yoare. Panopu painare tīre masichu yoerari jire tiro. Ō sehe jira baharopu to yoahore: Tiro to cahmariro seheta to tūhoturiro seheta jiphtinare cū curuata Cristo yaina jich yoarohca. Ā jiro jiphtiare to ya jich yoarohca. To quihōri pja mū sūchu mūano macainare, ahri yahpa macaina cūhure, cū curuata to yaina jich yoarohca tiro. Ā yoa mūano macaare, ahri yahpa macaa cūhure to ya jich yoarohca. Ā jiro Cristo sehe jiphtina bui puhtoro jirohca. Ā yoa jiphtia puero jirohca. Ā jhtiro ji dutia tiha Cohamacu tirore.

¹¹ Ā yoaro Cristo yaina mari jhtore masino panopu Cohamacu marine bese tuhsaa tiha to yaina mari jhtinare. Ahri jiphtiare to yoarire, baharopu to yoahore cūhure, “Ā waharohca”, ni cūyua tiha tiro to tūhoturiro seheta, to cahmariro seheta yoaro taro. Ā yoaa tiha tiro to yare sā yoahore cjhore. ¹² Sā sehe judio masa Cristore cahma mūhtaina jina sāre to yuhduchu yoahore cohta mūhtaina jija. Cohamacu sāre besea tiha to yare sā yoahore cjhore. Cohamacu yare sā ā yoachu ñna, paina tirore ño payo, “Tuariro jira”, ti nihto sehe Cohamacu sāre besea tiha. ¹³ Mūsa cūh quihōno durucuaireta noaa buheare tūhore. Tī buhea “Cohamacu cahapu mūsa waha duachu, ō sehe jira”, ni yahura marine. Tīre tūhona tirore wacū tua, noano tūhona to yaina wahare mūsa. To yainare ō sehe niri jire Cristo: “Musare Espiritu Santore warocaihtja”, ni yahu cūri jire. ¹⁴ Ā jiro tirore mūsa wacū tua, noano tūhochu

ñano to yairo Espíritu Santore ware m̄sare. ã jiro Espíritu Santo mari mehne jiro Cohamac̄u yaina mari jia tiare masich̄u yoara tiro sehe. ã yoa Espíritu Santo parore masich̄u yoara. Cohamac̄u mari ñaa buhirire bore marine ȳhd̄uch̄u yoaro. ã jiro baharo to cahap̄u naanohca marine to yainare. Marine to naahto pano Espíritu Santo sehe Cohamac̄u cahap̄u mari s̄uri baharo to yare mari cj̄ahtore masich̄u yoara marine. Cohamac̄u marine ã yoara tirore ño payoa mehne “Noariro jira”, mari nihto cjihtore.

Paulo Cohamac̄ure sini payoha Jesu yainare

15-16 Cristore wac̄u tuaina m̄sa jich̄u t̄horocac̄u Cohamac̄ure ã sini payorucuja m̄sare. Mari p̄htoro Jesucristore m̄sa wac̄u tuarire, jipihtina to yainare m̄sa cah̄ire t̄horocac̄u Cohamac̄ure “Noana”, nija. 17 Õ sehta tirore sini payoja m̄sare: Cohamac̄u m̄ano macariro mari p̄htoro Jesucristo P̄c̄uro, noa ȳhd̄uaro to yare m̄sa noano masihto sehe sini payoja. ã yoaro tirore m̄sa noano masihto sehe sini payoja m̄sare. 18 ã jic̄u paye ȳ nihti c̄h̄ure m̄sa noano masihto sehe m̄sare sini payoja Cohamac̄ure. Tiro m̄sare ȳhd̄uch̄u yoaro, to yaina cjihtire yoare. To ã yoach̄u noa ȳhd̄uara marine. Tíre m̄sa masihto sehe sini payoja m̄sare Cohamac̄ure. ã yoa marine to wahtire noa ȳhd̄u t̄i waro ti jich̄u c̄h̄ure m̄sa masiyuhto sehe sini payoja m̄sare Cohamac̄ure. 19 Õ sehe c̄h̄ure m̄sa masihto sehe sini payoja m̄sare Cohamac̄ure. Cohamac̄ure wac̄u tuaina mari jich̄u ñano to tuaa mehne marine yoadohora tiro. Tiro sehe paina bui tua ȳhd̄uaro jira. Tí c̄h̄ure m̄sa masihto sehe sini payoja Cohamac̄ure. 20 Tí to masia mehne, to tuaa mehne tiro Cristo yariarirore masori jire. ã maso tuhs̄uro, m̄anop̄u to poto b̄h̄usehei Cristore dujich̄u yoari jire

Cohamac̄u, jipihtinare dutihtiro to jihto sehe. 21 Tói dujiro jipihtina m̄ano macaina p̄htoa bui, ã yoa jipihtina ahri yahpa macaina dutiina bui jiro jira Cristo. Mip̄ure jipihtina ahri dacho macaina bui p̄htoro jira. Baharop̄u jipihtina pa tjuru macaina c̄h̄ure ti bui p̄htoro jihtiro cjihtota jira tiro. 22 ã yoa jipihtina bui c̄uri jire Cohamac̄u Cristore. ã yoaro jipihtiare p̄u tich̄u yoari jire tirore. ã jiro Cristo yaina c̄u curua jiina bui p̄htoro s̄ori jire tirore. Ti dapu jira tiro sehe. 23 Cristo yaina c̄u curuata jina, to pjac̄u yoaro sehe jija mari. Cristo jipihtirop̄u ã jirucura. ã jina mari to yaina mehne to jirucuch̄u, to jiro sehta wahana nija. ã wahana to jia tiare ñona nija.

2

Cohamac̄u marine cah̄ino, p̄ja ñano ȳhd̄uch̄u yoaha marine

1 Cohamac̄u ȳhd̄ur̄ucaina, ñaa buhiri tiina yariaina cjiri yoaro sehe jiri jimare m̄sa, Cohamac̄u to ñuch̄u. 2 Panop̄ure ahri yahpa macaina Cohamac̄ure ȳhd̄ur̄ucaina yoaro sehe yoarucuri jimare m̄sa c̄h̄u. ã yoana wat̄ino to dutiro sehta yoarucuri jimare m̄sa. Tiro wat̄ino ahri yahpai dutiro Cohamac̄ure ȳhd̄ur̄ucaina p̄htoro jira. Wat̄ia p̄htoro c̄h̄u jira tiro. 3 Panop̄ure jipihtina mari ã dihta yoarina jimai. Mari ñaa dihtare goa pjamai. Mari m̄u s̄uro, mari t̄hotu, mari cahmano sehta yoamai. ã yoaina jina jipihtina paina yoaro sehta, mari c̄h̄u ñaa buhiri tiina jirucumai. Mari ã jiina jiri buhiri, Cohamac̄u to buhiri dahreborina jimai. 4 Mari ã jiina jipach̄uta, Cohamac̄u marine tuaro p̄ja ñano, noano cah̄iri jire marine. 5 ã cah̄i ȳhd̄uro, Cohamac̄ure ȳhd̄ur̄ucaina, yariaina yoaro sehta mari jipach̄uta Cristo mehne marine catich̄u yoari jire. 6 ã jiro Cristo yaina mari wahach̄u, Cohamac̄u Cristo mehne marine maso, ã yoa m̄anop̄u Cristo mehne dujihtinare marine s̄o dapori

jire, tiro mehne dutihtina cjihti mari jihto sehe. Cristo yaina jina, âta wahaina baro jija mari, Cohamacu to ñuchu. ⁷ Õ sehetâ noano yoara tiro marine to pja ñurire, to tuaro cahîrîre baharopu jhtinare masichu yoaro taro. Cristo yaina mari jichu ñuno ã yuhduchu yoara tiro marine. ⁸ Cristore wacû tua, mari noano tuhochu ñuno Cohamacu marine pichacapu wahaborinare yuhduchu yoara. Marine pja ñuno, marine cahîno marine yuhduchu yoara. Mari mu suro mari noano yoaa mehne Cohamacu cahapu waha masieraja mari. Cohamacu sehe marine yuhduchu yoara. ã jiro tiro mehne mari ã jirucuhtore cûna marine. ⁹ To ã cûchu mari mu suro noaare mari yoari wapa jierara tí.

“ ‘Sã mu suro yuhduhi’, niboca”, nino õ sehe dutiri jire tiro: Mari mu suro yuhdu dutierara marine. ¹⁰ Cristo yaina jichu yoare marine Cohamacu sehe noaa dihtare yoahina mari jihto sehe. Panopu noaare mari yoahire cû tuhsuâ tiri jire tiro marine.

Cristore cjuana mari noano jija

¹¹ ã jina panopu musa jia tirire mipu cûhare wacûga musa. Cristo yaina jierasina judio masa jieraina jina musa coyêa yoaro sehe yoarina jiri jimare musa. Circuncisiõre yoeraina jire musa mipu musa jiro sehetâ. Musâ ã yoeraina jichu ñuna sã judio masa sehe circuncisiõ yoaina sehe musare õ sehe nia tii. “Circuncisiõre yoeraina jia, Cohamacu yaina jierara”, nia tii musare. Circuncisiõre yoaina mu pjacurire mahanocã cahsarocãre yihso narina jira. ¹² Panopu Cristo yaina jierari jimare musa. Sã judio masa sehe Cohamacu to beseina jia tii. Sã ã jichu “Musare yuhduchu yoaihtja”, ni cûa tiha Cohamacu sãre. Musâ sehe to ã ni cûrina jierari jimare. ã yoa Cohamacu to beserinare ñu tuhtiina jisniri jimare musa. Musâ ñaa buhirire pichacapu wahahtina jiri jimare musa. Cohamacu maeraina jina

pichacapu butiborina jia tiri jimare musa. ¹³ Mipu sehere Cristo Jesu yaina jira musa. Panopu Cohamacure ñu tuhtiina jipanahta, mipure to yaina jira musa. Cristo musa ñaa buhiri crusapu to di cohâri mehne Cohamacu yaina jichu yoare musare. ¹⁴ Sã judio masare cahma ñu tuhtiina musa jichu ñuno Cristo marine “Musâ basi cahma ñu tuhtiena tjiga”, ni yahure. Masare noano yahuro jira tiro. Sã judio masa, judio masa jieraina mehne puâ curua mari jichu ñuno, tiro cû curuata yoare marine. Ducatari sahrînore ti tju site cohãno yoaro sehe mari cahma ñu tuhtirire duhuchu yoare tiro. ¹⁵⁻¹⁶ Õ sehe tîre yoare tiro: Mari ñaa buhirire crusapu yariaro marine pichacapu wahaborinare yuhduchu yoare. ã yuhduchu yoaro to yaina jichu yoare marine. ã yoaro puâ curua mari jimarire cû curuata wahma curua jichu yoare marine. ã yoaro panopu mari cahma ñu tuhtiina mari jimarire marine cûnoi noano jichu yoare. ã yoaro judio masa sã dutia cîrîre cohãre tiro. Tí dutia marine puâ curua ji dutiri jimare. Mipure cû curuata jija mari. Cristo Cohamacu yaina jichu yoare marine.

¹⁷ ã yoa Cristo noaa buheare marine yahuro tari jire. Musâ judio masa jieraina Cohamacu yare cjueraina jiri jimare. Musâ ã jichu ñuno musare yahuro tari jire tiro. Sã judio masa sehe Cohamacu yare cjuai. Sã cûhare yahuro tari jire. ã yahuro taro jipihtina marine cû curuata noano mehne ji dutiro tari jire tiro. ¹⁸ Mipure jipihtina mari judio masa, judio masa jieraina cãhu Cohamacu mari Pucu mehne noano ji masija mari. Espîritu Santo to yoadohoa mehne mari Pucu mehne noano ji masija mari. Cristo sehe marine ã noano jichu yoari jire. ¹⁹ ã jina mipure pa dihta macaina yoaro sehe jierara musa. Mipure Cohamacu yainare ñu tuhtiina jierara musa. Cohamacu yaina mehne macaina jira

musa. To ya curua macaina jira musa.
²⁰ Cohamacu ya durucuare yahu turaiina, sã cãhu to yare buhe dutiro to cãrina jina to ya durucuare musare yahu ducãi sã, wahma wãhure Cohamacu ya wãhure ti dahre ducãriro seheta. Tí wãhã ti cã mãhtari tãca yoaro sehe jiroro Cristo sehe marine yãhdũchũ yoariro mariachũ mari ne yãhdũeraboa. ²¹ ã jiro to tuaa mehne marine to yainare cã curuata jichũ yoare tiro, Cohamacu wãhure ñaa marieni wãhure ti dahreboriro seheta. To ã yoachũ to tuaa mehne noaina wahaja mari, Cohamacu to ñũchũ. Mari ã jichũ ñũno, tirota mari mehne jirucura. ²² ã jina Cristo yaina jina jipihtina paina to yaina mehne cã curua wahare musa cãhu. Musa ã wahachũ Cohamacu to Espiritu Santo musa mehne jiro nina, Cohamacu ya wãhã ti jiboro seheta.

3

Judio masa jierainare noaa buheare yahuriro jiha Paulo

¹ ã to ya curua macaina musa jichũ ñũcũ yũhũ Paulo musare sini payoja Cohamacure. Cristo Jesu yare musare jipihtina judio masa jierainare yũ yahuri buhiri peresupũ jija yũhũ. ² Cohamacu wiho jiina mari jipachũta, marine cahĩno, noaa buheare musare judio masa jierainare yũhure yahu dutiro cãre. Tíre masi tuhsure musa. ³ Panopũ masare to yahuerari cjirire Cohamacu baharopũre yũhure masichũ yoare. Ahrire mahanocã yahu musare joaroca tuhsũhi. ⁴ Yũ ã joarocarire buhena Cristo to yare yũhure to masichũ yoarire masinahca musa. ⁵ Tí to yahuri cjirire panopũ macainare tiro yahuera tiha. Mipũ sehere sãre Jesu to cãrinare Cohamacu yare yahu mãhtaina cãhure sã jipihtina tirore dahra cohtainare to yahuri cjirire masichũ yoare Cohamacu. To yairo Espiritu Santo sehe sãre masichũ yoabasare Cohamacure. ⁶ Õ sehe jira to yahuri cjiri: Sã judio

masa dihtare Cohamacu yãhdũchũ yoarera. Judio masa jieraina cãhure yãhdũchũ yoarohca tiro. ã jina sã judio masa, musa judio masa jieraina mehne Cristo yaina jina, cã pjacu yoaro sehe cã curuata jija mari. ã jina mari jipihtina Cristo Jesu yaina jina cãno potori Cohamacu “Musare yãhdũchũ yoaihtja”, ni to yãhdũchũ yoaina jija mari.

⁷ Cohamacu yũhure pja ñũno, yũhure cahĩno ahri noaa buheare yahuhtirore yũhure cãre. To tuaa mehne ã cãre yũhure tiro. ⁸ Jipihtina Jesu yaina ti doca macariro waro jija yũhũ. Yũ ã jipachũta judio masa jierainare noaa buheare yahuhtirore cãre Cohamacu yũhure. Tí buhea Cristo noa yãhdũariro to jiare, noa yãhdũa to cãare to wahtire yahura marine. ⁹ Yũhure ã cãno Cohamacu “Õ sehe yãhdũchũ yoaihtja masare”, nino to yãhdũchũ yoahore noano yahu pahũohtirore cãre yũhure tiro. ã jiro panopũ macainare tí buheare ne yahu pahũoerasinia tiha Cohamacu. Jipihtiare bajuamehneriro jira tiro. ¹⁰ Mipũre noaa buheare yahu dutiro cãre marine to yainare tiro to noano masi pahũoare masichũ yoaro taro. Masi pahũoriro to jia tiare mãano macaina pãhtoare masichũ yoa duari jire. ã yoaro taro noaa buheare buhe dutire marine Jesu yainare. ¹¹ Ahri yahpa to jihto panopũta “Masare pichacapũ wahaborinare yãhdũchũ yoaihtja”, nia tiha Cohamacu. ã niriro jiro mipũre mari pãhtoro Cristo Jesu yaria to masa mãjano mehne to niriro seheta marine yãhdũchũ yoara Cohamacu. ¹² To ã yãhdũchũ yoachũ mipũre Cristore wacũ tuana to yaina wahaja mari. To yaina jina wacũ tuaa mehne, cuiro marieno Cohamacu mehne durucu masija mari. ¹³ Noaa buheare musare yũ buheri buhiri mipũre peresupũ jicũ yũ ñãno yãhdũchũ ñãna cahyaena tjiga. Noaa buheare yũ yahuchũ tuhona Cohamacu yaina wahare musa. Yũ ã yoari buhiri peresui jija. ã

jic_u m_usare y_u yoadohori buhiri ñano y_uhd_ui nija. M_usa noano y_uhd_uhto sehe ã wahaja y_uh_u. Tíre masina wahchega m_usa. Tíre tuaro wahche dutija m_usare.

Cristo masare tuaro cahña

¹⁴ ã jic_u ahri jipihtia Cohamac_u mari P_uc_u to yoarire wac_uc_u tiro pano na tuhcuca caha s_uc_u sini payoja m_usare. ¹⁵ Tiro jipihtia curuari macaina m_uanop_u jiina, ahri yahpai jiina c_uh_u ti P_uc_uro jira. Jipihtinare bajuamehneriro jira tiro. ¹⁶ Tirore õ sehe ni sini payoja m_usare: Tiro masi pahñoriro jira. Tua y_uhd_uariro jira. ã jic_u to tuaa mehne m_usare noano to wac_u tuach_u yoah_uto sehe sini payoja. Espíritu Santo to yoadohoa mehne ã y_uarohca. ¹⁷ ã sini payoc_u Cristore m_usa wac_u tua namohto sehe tiro m_usa mehne to noano jihto sehe sini payoja m_usare. ã jic_u painare noano cahña m_usa jihto sehe sini payoja m_usare. ¹⁸⁻¹⁹ Jipihtina paina Cohamac_u yaina c_uh_u m_usa mehne Cristo masare to tuaro cahñare m_usa masihto sehe sini payoja. Tiro jipihtina masare cahñi y_uhd_uariro jira. To ã cahñi y_uhd_uarire noano masi pahñohto basioerara. ã jipach_uta to ã cahñiro to jia tiare m_usa noano masihto sehe sini payoja m_usare. ã yoa to cahñare m_usa masich_u cahmaja Cohamac_u m_usa mehne to noano jihto sehe. Noa y_uhd_uariro, ñaa marieriro to jiro seheta m_usa wahahto sehe to cahñare m_usa masich_u cahmaja. ã jic_u to cahñare m_usa masihto sehe sini payoja m_usare Cohamac_ure.

²⁰⁻²¹ ã yoa Cohamac_ure pjíro ño payoa mehne “Tiro tuariro jira”, nijihna. To tuaa mehne noaa sehere cohtota masina marine tiro. Marine noaina jich_u yoa masina. Mari siniri y_uhdoro yoa masina tiro. Mari cahmaare mari t_uhoturi y_uhdoro yoa masina tiro. Cristo Jesu yaina to ya curua macaina jina jipihtia dachoripe jipihtina Cohamac_ure ño payojihna. ãta yojihna.

4

Cristo yaina jina cã curuata jija mari

¹ ã jic_u y_uh_u, mari p_uhtoro Cristo to cahmaare y_u yoarí buhiri p_uresup_u jiro jic_u, m_usare õ sehe ni tuaro dutija: Cohamac_u to yaina cjihtire m_usare besea tiri jire. ã to beserina jina to cahmano seheta yoina jiga m_usa. ² “Sã pinihta masi y_uhd_uur_ucaina jija”, ni t_uhotuina jiena tjiga. Painare noano mehne yoaga suaro marieno. M_usa mehne macaina m_usare ti ñano yoapach_uta tinare cahña mehne noano yoaga. ³ ã jina Espíritu Santo to yoadohoa mehne noano mehne c_uno mehne jirucuga m_usa. ã yoana cahmachea marieno jinahca m_usa. ⁴ Cã pjac_u yoaro seheta cã curuaihta jija mari. ã yoa Espíritu Santo cãirota jira. Cohamac_u to yaina cjihti m_usare besea tiha m_usare y_uhd_uch_u yoaro taro. ã jina to y_uhd_uch_u yoah_utore cohtasinina m_usa. Cãnota jira m_usa cohtaro. ⁵ Mari p_uhtoro Cristo cãirota jira. To yahua, mari wac_u tuaa c_uh_u cãnota jira. To yainare bautisarire yahua c_uh_u cãnota jira. ⁶ ã jiro Cohamac_u cãirota jira. Tiro jipihtina P_uc_uro jira. ã jiro jipihtina mari p_uhtoro jira. Jipihtinare marine to cahmano seheta yoach_u yoa masina tiro. Jipihtina mari mehne jira. ã yoa jipihtirop_u jira tiro.

⁷ Cã curua mari jipach_uta jipihtina marine cãinare mari yoa masihtire c_ure marine Cristo. Tiro to c_uriro seheta yoa masija mari. Tiro marine ã c_uno paye barore to ã wanocaboriro seheta yoaro nire tiro. ⁸ ãta nina Cohamac_u yare ti joari p_up_u: “Cohamac_ure ñ_u tuhtiinare to y_uhd_uur_ucari baharo tiro tinare naa m_ujaa wahare.

ã naa m_ujano tiro pay_u ã wanocare ahri yahpa macaina sehere”, ni joaa tiha panop_ure.

⁹ “Tiro m_ujaa wahare”, to nich_u wahmanore m_uanop_u jiro ahri yahpap_ure to tari c_uh_ure mari masija.

Ahri yahpapure to duji tarire mari masija. ¹⁰ ã jiro õpurre duji tariro tirota jira mɔjaa wahariro. Jipihtiro bui mɔjaa wahari jire tiro, jipihtiropu jiro taro. ¹¹ Tiro jira “Ahri yahpa macainare payu ã wanocariro”, ti niriro. Masare to ã wanocano seheta tiro payu ti yoa masihtire cūri jire masare. Õ sehe cūri jire tiro: Cāinare Cristo to yare yahu duti to warocahtinare cūri jire. Painare Cohamacu ya durucuare yahu turihtinare cūri jire. Noaa buheare buhe tinihtinare painare cūri jire. Cristo yaina cahmachuinare ñu wihboina cjihtire, noano buhehtina cjihtire cūri jire painare. ¹² Tó sehe yoa, dahrahtina cjihtire cūri jire marine painare to yainare mari yoadohohto sehe Cohamacure mari masi noano namohto sehe. ã cūri jire marine to yainare tirore mari wacū tua namohto sehe. ¹³ ã jina mari jipihtina noano mehne cūno mehne jinahca. ãta jiro cahmana marine Cristore wacū tuaina jina. ã jina mari jipihtina Cohamacu macanore noano masinahca. ã yoana Cristo tuariro, noano masiriro to jiriro seheta mari cūhu noano masiina, Cohamacure noano wacū tuaina wahanahca.

¹⁴ Mari ã wahana macanacã yoaro sehe jisi mari. Macanacã noano tũho masierasina. Paina ti buhechu “Ahri potocã jira”, ni ti mahño mihnia mehne ti mahñochu tinacã yoaro sehe jiina soro jia buheare cahmana. ã yoa paina ti soro buhechu tí buhea sehere cahmana tjoa. Pjiri ma macaa pahcõri ti ã cohtotarucuro seheta tó sehe ã cohtotarucuina jira tinacã yoaro sehe jiina. Tina yoaro sehe jisi mari. ¹⁵ Õ seheta yoanahca mari: Mari mehne macainare cahma cahña, potocã noaa buheare cahma yahunahca mari basi. ã yoana macanacã bucua tũho masiina ti wahariro seheta mari cūhu tuaina, Cohamacu yare noano masiina wahanahca. Cristo to jiro sehe wahanahca. Tiro jira

mari dapu. ¹⁶ To yaina jina to pjacu yoaro sehe cū curuaihta jija mari. ã jina mari capari, mari cahmori, mari dahpori cū pjacui ti noano jiro seheta mari cūhu payu jipanahta cūno potori noano jija. Mari ã cūno potori mari jihto sehe Cristo yoadohora. ã jina mari wamomaca mari pjacure to noano yoadohoriro seheta mari noano yoadohoja paina Cristo yainare. Mari mehne macainare Cristo yainare noano cahña, tinare noano yoadohona, tuaina Cristore wacū tua namoina wahanahca mari.

Cristo yaina wahana mari ñaa yoare duhu, noaa sehere cohtotaja mari

¹⁷ ã yoa mari pũtoro Cristo to dutiro mehne õ sehe nihtja musare: Cohamacure cahmaeraina waro yoaro sehe yoana tjiga musa. Tina ti tũhotua sehe ñaa dihta jira. ã jia ti tũhotua yaba cjihti jierara. ¹⁸ ã jia nahitiano ti ñu masieraro seheta tina Cohamacu yare ne masieraputiarara. To yare ne tũhoeraputiarara. Tũho duaerara tina. ã jia Cohamacu to noano ji dutiriro seheta jierara tina. ¹⁹ ã jia tina ñaare yoaa ne bũo tieraputiarara. ã yoa ne cahyaerara. Ñaare ti goa pjaa dihtare yoarucura. Jipihtia ti ñaare yoare duhu duaerara. ²⁰ Musa sehe ã yoerare, Jesure masi ducana. ²¹ Potocã to yare tũhoina musa jichu, Jesu yare noano masiina musa jichu musa sehere tina yoaro sehe yoa dutierara tiro. ²² ã jina ñano wete tia suhtire musa tjuwe cohãno seheta panopu musa yoari cjiire duhunocahga. Tí pjare ñaare yoarucuina musa jichu tí ñaa sehe musare dojomehnenno niri jimare. “Ñaare yoana, noano wahchenahca”, ni tũhotuina jipanahta ne potocã wahcherare musa. ²³ ã yoa musa tũhotuare noaa sehere Cohamacu to cahmano seheta cohtotaro cahmana musare. ²⁴ ã jina noaa sehere cohtotaina jiga musa. Tó sehe jiina Cohamacu yoaro seheta jira. Musa ã

jiina jina, noaare yoarucunahca. Ñ yoana ñaare ñu yabinahca.

²⁵ Ñ jina mahño namoena tjiga m_{usa}. M_{usa} mehne macainare quihõno yahuga, mahño no marieno. Mari cã pjac_u yoaro sehe cã curua macainata jina nija. Ñ jina m_{usa} mehne macainare mahñoena tjiga.

²⁶ Paina mehne suana, ñaano yoaena tjiga. Ñ jina suana, cã dacho waro noano suarucuena tjiga.

²⁷ Yoari pja suana, watño to cahmano sehe yoana nica. Ñ yoaena tjiga watño m_{usare} “Dojomehneri”, nina.

²⁸ M_{usa} mehne macaina Jesu yaina m_{usa} jihto pano yacaina jirina cjiri pari turi yacaena tjiga. Ñ yoana mip_u sehere noano dahraga m_{usa} wapataa mehne pjac_uoinare m_{usa} yoadohoto sehe.

²⁹ Ne ñano durucuena tjiga “Painare dojomehneri”, nina. Noaare durucuna painare yoadohora Cohamac_u cahmaare m_{usa} masi namohto sehe. Ñ jina noaa dihtare durucuga. ³⁰ Ñaare yoana Espíritu Santore cahyach_u yoana nica m_{usa}. Ñ yoaena tjiga. Mip_ure pihtiri dacho pano Cristo marine to naahto pano Cohamac_u to Espíritu Santo marine ñu wihbora ñaare mari yoaerahto sehe. Ñ jiro Cohamac_u yaina mari jiare masich_u yoara tiro marine. Ñ jina tirore cahyach_u yoaena tjiga.

³¹ Ñ jina ne painare ñano yoa namoena tjiga. Cahma sayo namoena tjiga. Painare sua, ñano ni sañurucu namoena tjiga. Painare ñano quiti dahre namoena tjiga. Ne painare ñano ni t_uhotu namoena tjiga.

³² Ñ yoa m_{usa} mehne macainare noano mehne noano yoaga. Cristo yaina m_{usa} jich_u ñano m_{usa} ñaa buhirire bonocahre Cohamac_u. Tó sehetá m_{usa} cãh_u paina m_{usare} ti ñano yoach_u ñana ti ñaa yoarire bonocahga.

5

“Cohamac_u pohñare ò sehe jiro cahmana”, ni yahuha Paulo

¹ Ñ yoa Cohamac_u pohña to cahña jina Cohamac_u to jiro sehe jiga m_{usa}.

² Ñ jina painare ã cahñrucuga. Cristo marine cahño, mari ñaa buhiri yariari jire. Ñ yariaro Cohamac_ure ji coach_u yoari jire tiro. Ñ jina marine to cahñiro sehetá m_{usa} cãh_u painare cahña.

³ Ñ jina Cohamac_u yaina jina ne numia mehne ñano yoaena tjiga. Numia cãh_u m_{usa} mehne ñano yoaena tjiga. Paye ñaare tó sehe jia ñaare yoaena tjiga. Paye barore cahma y_uhd_urc_ucaena tjiga. Ne ã yoaeraro cahmana m_{usare}, Cohamac_u yaina jina.

⁴ Ñ yoana b_uoro durucueraro cahmana m_{usare}. T_uho masieraina yoaro sehe durucueraro cahmana m_{usare}. Ñ jina ñano ni b_uj_uperaro cahmana m_{usare}. Ahri sehere yoaro cahmana m_{usare}. Cohamac_u mehne durucuga m_{usa}. Ñ durucuna tirore “Noano yoahre m_uh_u sãre”, nino cahmana.

⁵ Paye barore goa pjana, tíre tuaro cahmana, “Cohamac_u jira”, ti nia mas_urine ti ño payoro sehetá yoana nija mari tíre. Ñ yoa numia mehne ñano yoaina, ñaa dihtare t_uhotuina, paye barore goa pjana Cohamac_u Cristo mehne p_uhtoro ti s_uho jirop_u ne wahasi tina. Tíre noano masija mari. ⁶ Ò sehe yoaina ti yoari buhiri buhiri dahrerohca Cohamac_u tirore y_uhd_urc_ucainare. Ñ jina paina m_{usare} “Ahri ñaa jierara”, ti ni mahño ch_u t_uhoena tjiga. ⁷ Ñ jina tó sehe yoa y_uhd_urc_ucainare ne piti tiena tjiga.

⁸ Cristo yaina m_{usa} jihto pano ã jirina cjirita jire m_{usa} cãh_u nahitiano i jiina yoaro sehetá. Mip_u sehere to yaina jina buhriaroi jiina ti ñu masino sehetá, Cohamac_ure noano masina m_{usa}. Cohamac_u yaina noaare yoara. Ñ jina tó sehetá yoaga m_{usa} cãh_u. ⁹ Ñ jina Cristo yaina jina buhriaroi jiina yoaro sehetá noaare, Cohamac_u cahmaare, mahño no marieno yoarucunahca m_{usa}. ¹⁰ Noaare mari yoach_u ñano mari p_uhtoro Cristo

wahchera. Tó sehe jiare, mari puhtorore wahchechu yoaa sehere masi wahcãga m̄sa. ã masina tíre yoaga. ¹¹ Cristore cahmaeraina nahitianoí jiina yoaro seheta ñaa ti yoaa, ñaa waro jira. ã jina tina yoaro seheta m̄sa sehe yoaena tjiga. Noaa buheare Cristo yare yahuga tinare. ã yoa ti ñaa yoaare tinare masichu yoaga buhriaroi mari ñu masino seheta. ¹² Masa ti ñuenoi tina ñano yoa cohtara. Ti ã yoarire durucuna mari buo tiboá. ã yoaa ñaputiaro yoara tina. ¹³ ã jina tinare noaa buheare mari yahuna ñaputiina ti jia tiare masichu yoana nija mari tinare buhriaroi mari ñu masino seheta. ¹⁴ Tó seheta noaa buheare tinare yahuna, ñaina ti jia tiare masi pahñochu yoana nija tinare. ã jia õ sehe ni yahura paina:

“Ne, carĩina ti tuhoeraro seheta yuhare tuho duaeraina, tuhoga m̄sa carĩina ti wahcãno seheta.

ã yoana yariaina tuhoeraina ti jiro seheta Cohamacu yare tuhoeraina ji namoena tjiga.

M̄sa ã yoachu ñuno, Cristo buhriararo yoaro sehe jiriro m̄sare noano masichu yorohca”,

ni yahura.

¹⁵ ã jina dachoripe noano yoaga m̄sa. Tuho masieraina yoaro sehe jiena tjiga. Tuho masiina jiga. ¹⁶ Mip̄u macaina masa ñabiaro yorarucura. ã jina m̄sa sehe noaare, Cristo yare m̄sa yoa masino seheta ã yorarucuga m̄sa. ¹⁷ ã yoana tuho masieraina jiena tjiga. Cohamacu to cahmaa sehere noano masiga. ã masina tíre yoaga. ¹⁸ ã yoa cahaena tjiga. Cahainare ñano wahahto cua yuhduara. ã jina pahmoa core pjíro cahmaena tjiga. Espíritu Santo sehere pjíro cahmaga m̄sa mehne to noano jihto sehe. Tirore noano yuhtiina jiga. ¹⁹ M̄sa basi Cohamacure ño payoa basaare cahma durucuga. ã yoa Salmore Cohamacu yare basaare, paye tirore ño payoa basaa cãhure

tirore basa payoga m̄sa. Noano wacũ ño payoa mehne basa payoga. ã yoana mari puhtoro Cristore wahche payoga. ²⁰ Cohamacu mari P̄ucu jipihtiare m̄sare to warire, to yoarí cãhure wahchena, “Noana”, ã nirucuga m̄sa tirore. Mari puhtoro Jesucristo yaina jina mari P̄ucure “Noana”, ã nirucuga m̄sa.

“M̄sa cãhu wuhu macaina Jesu yaina jina, õ sehe yoaga”, ni yahuha Paulo

²¹ ã yoa m̄sa mehne macainare noano ño payoa mehne cahma yuhtiina jiga Cristore noano ño payoia jina.

²² M̄sa namosãnumiare yahuihtja mip̄ure. Mari puhtoro Cristore mari yuhtiriro seheta m̄sa man̄sumare noano mehne yuhtia numia jiga.

²³ Jesucristo marine yuhduchu yoare to pjacu yoaro sehe jiina to ya curua macaina mari jihto sehe. ã yoa mari to ya curua macaina mari puhtoro to jiro seheta m̄sa man̄suma m̄sa namosãnumia bui puhtoa jira. ²⁴ Cristo yaina jina tirore ã yuhtirucuja mari. Tó seheta m̄sa man̄ tia numia m̄sa man̄sumare noano yuhtirucua numia jiga.

²⁵ M̄sa man̄sumare yahuihtja tjoa mip̄ure. Cristo marine to yaina jichu yoaro taro, marine cahño, mari yaro jiborirore yariari jire. ã jina marine to cahñiro seheta m̄sa cãhu m̄sa namosãnumiare noano cahñrucuga. ²⁶ Cristo ya buheare tuhona Cohamacu yaina wahahi mari. ã jina to ya buheare “Quihõno jira”, ni mari tuhoturi baharo, mari ñaa buhirire cosawere tí buhea mehne. Co mehne marine ti bautisachu cãhure mari ñaa buhirire Cristo to cosawerire ñona nija mari. ²⁷ ã cosawere tiro marine to yaina cjihti yoaro taro. To ã cosawechu ne ñaa buhiri marieina jinahca, Cohamacu to ñuchu. ²⁸ M̄sa namosãnumiare cahña, m̄sa basi m̄sa pjacurire m̄sa cahño seheta tí numiare cahña. Mari namore cahña jina mari pjacure cahña jija. ²⁹⁻³⁰ Ne mari

pjacurire ñano wahachu cahmaeraja. Mari chure chuna noano yoana nija mari pjacurire. Cristo yaina jina to pjacu yoaro sehe to ya curua macaina jija mari. Ñ jiro marine noano yoara tiro. Cristo marine to noano yoariro seheta mari cahu mari pjacure noano yoaja. (Ñ jina mari namosãnumia cãhure ãta noano yoaro cahmana marine.)³¹ Ñta nina Cohamacu yare ti joari pui: “Ñ yoa muno to pucsumare wijaaro to namono mehne jirohca. Ñ jia tina puaro jipahta cãiro yoaro sehe jahca”, ni joaa tiri jire panopure.³² Ahri to joari cjirire paina noano tãhoerari jire. Tãre õ sehe ni yahuihtja musare. Õ sehe ni yahuro nica: “Cristo to yaina mehne cã pjacu yoaro seheta cã curuata jira”, ni yahuro nica.³³ Ñ jicu musare õ sehe ni yahu namoihtja tjoa: MUSA pjacurire MUSA cahno seheta MUSA namosãnumiare cahga. Ñ yoa MUSA manusumare noano ño payoga MUSA.

6

¹ Mipure MUSA pohnare yahuihtja. Mari puhtoro Cristo yaina jina MUSA pucsumare noano yuhtiina jiga. MUSA ã yoana, quihõno yoana nina.²⁻³ Õ sehe nia tiri jire Cohamacu dutia: “MUSA pucsumare noano ño payoga”, ni dutia tiri jire tiro. Ahri dutia mehne Cohamacu yahu namoa tiri jire. Õ sehe nia tiri jire: “MUSA pucsumare ño payona, ahri yahparu yoari pja wahchea mehne jinahca MUSA”, ni yahua tiri jire. Ñ ni yahuro ahri dutiare mari yuhtichu mari noano wahahtore coã cõno nia tiri jire. Ñ jina to niriro seheta MUSA pucsumare ño payoga.

⁴ Mipure ti pucsumare yahuihtja: MUSA pohnare ã tuhtirucuenta tjiga, “Suachu yoari”, nina. Mari puhtoro Cristo to cahia mehne to yoadohoa mehne tinare noano bucoga. Ñ yoa quihõno ti yoaerachu ñna tinare noano yahuga.

⁵ Mipure dahra cohtinare yahuihtja: Cua pisaro mehne, ño payoga mehne ahri yahpa macainare MUSA puhtoare, musare dahra dutiinare noano yuhtiina jiga. Mahõno marieno noano yuhtiina jiga. Cristore MUSA yuhtiro seheta tinare yuhtiga MUSA.

⁶ Ti ñurocaro dihtare yuhtiina jiena tjiga. Tõ sehe yoaina masa dihtare tinare ñu jicoachu cahmana. MUSA sehe Cristore dahra cohtina MUSA jiro seheta MUSA puhtoa cãhure ã yuhtirucuga. Cohamacu to cahmano seheta noano wahchea mehne yuhtiina jiga.⁷ Ñ jina Cristore yuhtiina MUSA jiro seheta wahchea mehne yuhtiga MUSA puhtoa cãhure. Masa dihtare yuhtiina jierara MUSA.⁸ Ñ yoana ahrire wacuga MUSA: Mari jipihtina noaare mari yoachu ñno mari puhtoro Cristo noano yoarohca marine. Dahra cohtinare, dahra cohtina jieraina cãhure noano yoarohca.

⁹ Mipure puhtoare dahra dutiinare yahuihtja: Musare dahra cohtinare noano yoaga. Tinare noano yu yoa dutiro seheta yoaga MUSA cãhu tinare. Tinare noano mehne dutiga, tuhtiro marieno. Muno macariro Cohamacu potocãta ti puhtoro jira. MUSA yairo puhtoro jira tiro cãhu. Ñ jina jipihtina MUSA tirore dahra cohtina dihta jira. Ñ jiro tiro cãno potori ñna musare jipihtinare. Ñ jina musare dahra cohtinare noano mehne dutiga, tuhtiro marieno.

Cristo yaina watõnore ti ducataare yahuha Paulo

¹⁰ Ahrire yahu batoihtja musare: Cristore noano wacũ tuaina jiga MUSA. Mari puhtoro Cristo MUSA mehne jira. Ñ jina tua yuhdũriro to jia mehne wacũ tuaina jiga.¹¹ Watõno marine mahõno, ñano yoa dutira marine. Cohamacu marine ducatare ñaare mari yoaerãto sehe. Marine to ducataa surara to ducatari suhtiro, comaa suhtiro yoaro sehe jira. Ñ jina tã suhtirore MUSA sãano seheta

Cohamacu to ducataare noano cjuu pahñoga. ¹² Jesu yaina mari jichu, marine ñu tuhtiina masa waro jierara. Mũano macaina ñaina, tuaina, tina sehe jira marine ñu tuhtiina. Watia ahri yahpa macaina puhto jira. ã jia tina cãhu jira marine Jesu yainare ñu tuhtiina. ¹³ ã jina mipure ducataru suhtirore musa sãano seheta Cohamacu musare to ducatahto sehe to yare noano cjuu pahñoga. ã yoana watino musare to ñano yoa dutichu, musare to ñano yoa duachu, tirore ducatanahca. ã yoa tirore yuhdurucanahca. ¹⁴ ã yoana tuaina jiga. Cohamacu musare to ducatahto cjihtore õ sehe yoaga musa: Surara to comaa suhtirore to tuã dihori dare sari dare noano tuã diho to ducatariro seheta, Cohamacu yare potoca yahuare noano wacũga musa, watinore musa ducatahto sehe. ã yoa, surara to comaa suhtiro mehne to yajeripohnare to ducatariro seheta Cristo to yoadohoa mehne quihõno yoaina jiga musa, watinore musa noano ducatahto sehe. ¹⁵ Surara to dahpo suhti mehne to dahporire to noano ducatariro seheta noaa buheare noano masiga musa, watinore musa ducatahto sehe. Tí buhea marine noano jichu yoara. ¹⁶ Surara to ducataru tu mehne to ducatariro seheta Cristore noano wacũ tuarucuga musa, watinore musa ducatahto sehe. Buea yucu mehne musare to bæeboro seheta watino musare ñano yoachu yoa duara. ã jina Cristore noano wacũ tuana, watinore ducatanahca musa. ¹⁷ Surara to comaa chapea mehne to dapure to ducatariro seheta musare pichacaru wahaborinare Cristo to yuhduchu yoarina jiga musa, watinore musa ducatahto sehe. Surara to ñosari pjĩ mehne to ducatariro seheta Cohamacu ya buheare noano masiga musa, noano musa ducatahto sehe. ã jina painare noano yahuga to yare. Tí Cohamacu ya buheare Espiritu Santo marine yahura. ¹⁸ ã watinore musa ducataha Cohamacure dachoripe ã sinirucuga.

Espiritu Santo to yoadohoa mehne ã sinirucuga. ã yoana noano wacũ masiga. ã sinina, pumena tjiga. Jipihtina Cohamacu yainare ã sini payorucuga. ¹⁹ ã yoana yuhu cãhure sini payoga Cohamacure. Õ sehe ni sini payoga: Noaa buheare, panopu ti masierari cjirire noano yu yahuhito sehe sini payoga yuhure. ã jina cuiro marieno yu yahuhito sehe sini payoga yuhure. ²⁰ Cristo to yare yahu dutiro yuhure warocare. Yu ã yahuri buhiri peresupu jia mipure. Õi jipacuta cuiro marieno to yare yu yahuhito sehe sini payoga yuhure. To yare yahuhitiro jiita nija yuhu.

Paulo noa duti batoaha

²¹ Mipure Tiquico musa caharu sũro yu jia tiare musare yahu pahñonohca. Tiro mari coyero mari cahĩro jira. ã jiro mari puhtoro Cristore dahra cohtariro ã jirucura. ²² Sã jia tiare musare yahu dutichu tirore warocai nija musa noano wahchehto sehe.

²³ Cohamacu mari Pucu mari puhtoro Jesucristo cãhu musare Jesu yainare tirore wacũ tuainare noano jichu yoajaro. ã jiro musare noano cahma cahĩchu yoajaro. ²⁴ Jipihtina mari puhtoro Jesucristore cohtaro marieno cahrucuinare musare noano jichu yoajaro.

Filipenses

Peresupm jiriro ahri tjure joarocaha Paulo

¹ Yhm Paulo, Timoteo mehne Jesucristore dahra cohtaina jija sã. ã jina jipihtinare musare Jesucristo to noaina wahachm yoainare Filipo macainare joarocaja sã. Mmusa pmhtoã cãhure, musare yoadohoina cãhure joarocaja. ² Cohamacm mari Pmcm, mari pmhtoro Jesucristo mehne musare noa dutija. Cohamacm to yoadohoa mehne noano jiga mmsa.

Paulo Jesu yainare Cohamacure sini payoha

³⁻⁶ Cohamacm musare noaa sehere cohtotachm yoaro nina. ã jiro musare to ã yoa ducariro seheta sohtori dahrerohca tiro. ã jina Jesucristo ahri yahpãmre to wihichãmre ñaa marieina jinahca mmsa. Wahmanopãmre Jesu yaina mmsa jiri baharo, mipm cãhure yoadohora mmsa ymhure noaa buheare ym buhechm. Mmsa ã yoaina jichmta Cohamacure “Noana”, nija yhm. Mmsare wacũcm õ sehe dihta nija yhm. Mmsare Cohamacure sini payocm, wahchea mehne sini payoja. ⁷ Mmsare ym ã tũhotuchm noa nina. Noaa buheare “Potocã tjira”, pmhtoare ym ni tua ymhũrucachm mmsa ymhure yoadohore. Tĩ buheare potocã ti jiare tinare ym yahuchm yoadohore mmsa. Peresui ym jichm cãhure mmsa ymhure yoadohore. Cohamacm marine noano yoaro, to yare cũre marine. Mmsa ymhure yoadohore. ã jina to cũrire mari cãno potori yoana nija. ã jicm ym yajeripohna mehne tuaro wacũja yhm musare. ⁸ Jesucristo to cahĩa mehne tuaro musare wacũja yhm. Ym ã wacũchm Cohamacm tĩre masina. ⁹ Mmsare õ sehe ni sini payoja yhm Cohamacure: Cohamacm yare noano masia mehne, tũho masi pahĩoa mehne painare mmsa cahĩ namohto cjihtore sini payoja yhm musare

Cohamacure. ¹⁰ Noa ymhũare mmsa masichm cãhure sini payoja musare. Mmsa ã masina Cristo ahri yahpãm to tjua tachm noaare yoaina, ñaa buhiri marieina jinahca mmsa. ¹¹ ã jiina jina noaare, Cohamacm cahmaare yoanahca mmsa. Mmsare ã yoachm yoarohca Jesucristo sehe. Cohamacm noabiariro tuariro to jiare ñono taro, jipihtina tirore ti ño payohto cjihtore to cahmaare musare yoachm yoarohca.

Paulo Cristo yairo to jia tiare yahuha

¹² Ym coyea, ahrire mmsa noano masichm cahmaja yhm. Mipãmre peresui jiriro ym jiro watoi noaa buhea sehe ã mũ tãrucuro nina. Paina masa tí buheare cahmaina waha namoa nina. ¹³ ã yoa Cristo yairo ym jiri buhiri peresui ym jirire masi pihtira pmhtoro ya wmhũ macaina surara. Jipihtina paina cãhm õi jiina tĩre masina. ¹⁴ ã jia peresui ym jichm ñm, paym mari coyea Jesu yaina mari pmhtoro Jesure wacũ tua namoa nina. ã wacũ tuaa, cuiro marieno noaa buheare painare buhera tina.

¹⁵ Cãina Cristo yare buheraborina jipahta ymhure ñm tuhtia, Cristo yare buhera paina tina sehere ñm wahãchm cahmaa. Paina sehe noano mehne Cristo yare buhera. ¹⁶ Noaa buheare ym ni tua dũcatahti cjihtire Cohamacm ymhure to cũrire noano masina ahрина sehe. ã masia tina cahĩa mehne Cristo yare buhera. ¹⁷ Paina sehe ymhure ñm tuhtia, masa tina sehere ti ñm wahãchm cahmaa, Cristo yare buhera. ã yoaa peresui ym jichm tina ymhure ñano ymhũchm yoa duara. ¹⁸ Noanohca. Cristo yareta buhea nina. Tina Cristore potocã cahĩerahta Cristo yareta buhera. Paina sehe noano mehne buhera. Jipihtina tina to yare ti buhechm wahcheja. ã jicm wahche namoihca yhm.

¹⁹ Cohamacure mmsa sini payori mehne Jesucristo Espĩritu to yoadohoa mehne Cohamacm to wioriro jiihca yhm peresupm jiriro. Tĩre

masija. Æ jic_u ã wahcherucuihca y_uh_u. ²⁰ Õ seheta yoaihca y_uh_u. Dachoripe y_u yoariro seheta mip_u cãh_ure cuiro marieno Cristo yare buheja masa tirore noano ti ño payohto sehe. Õ seheta yoa duaja y_u yoarire y_u buheri cãh_ure y_u buoro y_uhd_uerahto sehe. Catisinic_u waro ò seheta yoa duaja. Tina y_uh_ure ti wajã duapach_uta ò seheta yoa duaja. ²¹ Catisinic_u Cristo yare yoasinihca. Yariac_up_u pinihta tí y_uhdoro noano tjuaihca y_uh_u. ²² Æ nipac_uta catisinic_u Cristo yare y_u yoa namohto sehe cati namosini duaja. Æ nipaihta variaa cãh_ure cahmaja. ¿Di baro sehere y_uh_u cahmabocari? Masieraja y_uh_u. ²³ Y_u ò sehe ni durucuch_u mijo nina y_uh_ure. Cristo mehne tuaro ji duaja. Æ jic_u mip_ure tiro cahap_u waha duaja. Catia y_uhdoro ahri sehe noa y_uhd_uu_ucara. ²⁴ To ã jipach_uta m_usare y_u yoadohohto cjihto sehe catisinino cahmana y_uh_ure. ²⁵ Tíre masic_u òi m_usa mehne y_u jisinihtore masija y_uh_u. Æ jisinihca m_usa Cristore wac_u tua namohto cjihtore tí wac_u tuaa mehne m_usa wahchehto cjihtore. ²⁶ Ahri yahpai jisinic_u m_usa cahap_u pari turi y_u wahach_u m_usa wahchenahca. Cristo Jesu y_uh_ure to yoadohoch_u masina, “Tuariro jira tiro”, ni ño payonahca m_usa tirore.

²⁷ Mip_ure ahri dihtare yahuihtja m_usare. Cristo ya buhea ti niriro seheta jirucuga m_usa. Wac_u tuaina jiga. Æ yoa cahma tju waro marieno noaa buheare ni tuaga. Õ seheta y_u mariach_u cãh_ure y_u jich_u cãh_ure m_usa yoach_u cahmaja. Æ jiina m_usa jich_u tãhoroca duaja y_uh_u. ²⁸ M_usare ñ_u tuhtiinare cuiena tjiga. M_usa ã cuierach_u ñ_u Cohamac_u yaina m_usa jich_u masiahca tina. Æ masia tina pichacap_u ti wahahto cãh_ure masiahca. Cohamac_u m_usare to y_uhd_uch_u yoah_uto cãh_ure masiahca. Õ seheta masich_u yoara Cohamac_u masare. ²⁹ Cristore m_usa wac_u tuahtore Cohamac_u cãh_u m_usare. Ahri cãh_ure cãh_u tiro. Cristo yare m_usa yoari

buhiri m_usa ñano y_uhd_uhto cjihto cãh_ure cãh_u Cohamac_u. ³⁰ Õ sehe jira tí. Cristo yaina m_usa jiri buhiri paina m_usare ñano yoara. M_usare ti yoariro seheta y_uh_u cãh_ure ñano yoara tina. M_usa mehne y_u jich_u y_uh_ure ti ã yoach_u ñ_ure m_usa. Mip_u cãh_ure y_uh_ure ti ã yoach_u tãhorocayuhti m_usa. Æ jina mari cãno potori ñano y_uhd_uja.

2

Cristo wiho jiro to sãari baharo, jipihtina bui pãhtoro cjihto wahaha

¹⁻² Cristo m_usare noano yajeripohna tich_u to yoach_u Cristo to cahã mehne m_usa wahchena, y_uh_ure noano wahchech_u yoaga m_usa. Æ yoa Espíritu Santo jipihtina m_usa mehne to jich_u painare cahãina, pja ñ_uina jina, y_uh_ure noano wahchech_u yoaga m_usa. Ahri y_u nihtire m_usa yoach_u wahcheihca: Cãno potori noano yajeripohna tiga m_usa. Tuhs_u, cãno potori tãhotuina ji, m_usa basi cahma cahãga. Æ yoa cãno mehne noano jiga. ³ M_usa ya dihtare tãhotuina, painare y_uhd_uu_uca duaina jiena tjiga. Æ tãhotunocaina jiga m_usa. Æ jina painare noano ño payo, ò sehe ni tãhotuga: “Tina sehe y_u y_uhdoro noaina jira”, ni tãhotuga. ⁴ Cãiro painare yoadoho duaeraboca. To ya cjihti dihtare tãhoturiro jiboca. Tiro yoaro sehe yoarena tjiga. Paina cãh_ure yoadohoga.

⁵ Cristo Jesu painare y_uhd_uu_uca duaerariro to jiro seheta m_usa cãh_u painare y_uhd_uu_uca duaeraina jiga. ⁶ Tiro sehe Cohamac_u waro jiparota “Cohamac_u mehne cãno potori y_u jiare ne wijaasi y_uh_u”, ni tãhotuerari jire tiro. ⁷ Æ ni tãhotueraro tiro Cohamac_u mehne cãno potori to jiare wijaa, õp_u taro, mas_unota masa bajuaro, tiro dahra cohtariro yoaro sehe ji d_ucari jire. ⁸ Æ jiro tiro mas_uno cãno potori pjac_u tiriro jiro, wiho jiro waro sãari jire. Æ sãano “Crusap_u wajãga tirore”, ti nich_u tiro

yahdurucaerari jire. Crusaputa yari-
ah tiro jiparota tiro yahdurucaerari
jire. ⁹ ã jiro Cohamacu jipihtina ti ño
payohtirore cūri jire Jesure. ã jiro jip-
ihtina bui puhtoro sōri jire Cohamacu
tirore, ¹⁰ jipihtina mūano macaina,
ahri yahpa macaina, yariaina cjiri
yahpa puhichapu jiina cūhu Jesu wa-
mare tuhoina ti na tuhcuca caha su ti
ño payohto sehe. ¹¹ ã puhtoro sōri jire
tirore Cohamacu jipihtina “Jesucristo
mari puhtoro jira”, ti nihtiro cjihtore.
ã nia Cohamacure mari Pucure ño
payoa nina.

*Cristo yaina buhriaro yoaro sehe
jia, noaare masare yahu, masichu
yoara*

¹² ã jina yu cahina yu coyea
Jesu yaina mūsa mehne yu jichu
mūsa yuhtirucuriro sehetā, mipu
yu yoaropu jichu cūhure pano mūsa
yuhtiriro yuhdoro yuhtiga yuhure.
ã jina pichacapu wahaborina to
yahduchu yoarina jina, Cristo yoaro
sehe wahana tana, Cristo to yoad-
ohoro mehne ñaa marieina jiga. ã
jina ño payoa mehne papero marieno
Cohamacu yare yoaga. ¹³ Cohamacu
noaa sehere mūsa cahmachu yoaro
nina to cahmano sehetā mūsa yoah-
to sehe. ã jiro tīre mūsa yoah-
to yoadohoro nina Cohamacu. (To ã
yoachu tí yu niriro sehetā Cohamacu
yare yoaga mūsa.)

¹⁴ Jipihtiare yoana nureno
marieno, mūsa basi jiape ni durucuro
marieno yoaga. ¹⁵ Cohamacu pohna
jira mūsa. ã jina nureno marieno
jipihtiare yoaga mūsa ñaa buhiri
marieina, ñaare yoaeraina mūsa jihto
cjihto sehe. ã yoaga mūsa masa
mahñoina, ñaina watoi dojomeh-
neno marieno mūsa jihto cjihto sehe.
Tina ñaina watoi jina buhriaro to ñu
masichu yoaro sehetā noaa buheare
buhena masichu yoara mūsa ahri
yahpa macainare. ¹⁶ Tí buheare
mūsa tūho ñahari baharo Cohamacu
mehne ã jirucuhtina wahare mūsa.
Tí buheare ahri yahpa macainare
mūsa ã buhechu ñucu mūsa mehne

wahcheihca. ã jicu mūsa yu
buherire “Wiho waro buherari jica
yuhu”, niuhca yuhu. ã jicu Cristo ahri
yahpau to tjua tachu mūsa mehne
wahcheihca. ã jicu buoro yuhdusi
yuhu. ¹⁷⁻¹⁸ Cristore mūsa wacū tuachu
Cohamacu mūsa ñu jicoarohca. To
ã ñu jicoachu masichu mūsa yu
yare yu buheri buhiri yuhure ti wajā
duapachuta wahcheihtja. ã jina mari
jipihtina cūno potori wahchenahca.
Tó sehetā mūsa cūhure cahyaro
marieno wahchero cahmana yuhu
mehne, yu yariari baharo.

*Timoteore, Epafrodito cūhure
yahuha Paulo*

¹⁹ Mari puhtoro Jesu to cahmachu
soaro mehne Timoteore mūsa ca-
hapu waroca duaja yuhu mūsa jia
tiare masichu tachu. ã masiiputa
wahcheihca. ²⁰ Tiro Timoteo yu
yoaro sehetā mūsa noano jihto cjiht-
ore potocāta pjīro tuhutura mūsa.
Pairo to yoaro sehe jiro mariahna
yuhu mehne. ²¹ Paina sehe jipihtina
ti cahmaa dihtare yoa duaa, Cristo
Jesu to cahmaa sehere yoa duaerara.
²² Timoteo sehe noano yoariro to
jiare masina mūsa. Yu macu yoaro se-
hetā tiro yuhu mehne noaa buheare
yahua tihre. ²³ ã jicu puhto yuhure ti
dohse yoah- tore masichu, Timoteore
mūsa cahapu waroca duaja. ²⁴ ã
yoacu mari puhtoro Jesu to yoadohoa
mehne soaro mehne yuhu cūhu mūsa
cahapu wahaihtja.

²⁵⁻²⁶ Yuhure yoadoho dutina mūsa
Epafroditoro warocari jire yu ca-
hapu. Tiro yu coyeiro Jesu yairo yuhu
mehne dahrariro, yu piti, Cohamacu
yare buhe tuariro jira. Tiro mūsa
tuaro wacūroca. ã jiro to dohatirire
mūsa tuhochu masino tīro sehe
pjīro cahya tuhohure. ã pjīro to
tuhotuchu ñucu “Tirore mūsa cahapu
waroca tjuro cahmana yuhure”, ni
tuhotuja yuhu mipure. ²⁷ Potocāta tiro
tuaro dohatihre. Mahano yariabiho
yuhdure. To ã tuaro dohatipachuta
Cohamacu tirore pja ñuno, yahduchu

yoahre. Tiro to yariachũ yũhũ sehe pano yũ cahyariro yũdoro tuaro cahyaboa. ã jiro Cohamacũ yũhũ cãhũre pja ñũhũre tirore yũhdũchũ yoaro. ²⁸ ã jicũ mipũ pinihtare soaro mehne tirore mũsa cahapũ waroca duaja pari turi mũsa tirore ñũ, mũsa yajeri sãahto sehe. Mũsa ã wahchechũ ñũcũ yũhũ cãhũ wahcheihtja. ²⁹ ã jina tirore Epafroditore mari pũhtoro yairore mari coyeirore noano wahchea mehne piti bocaga. ã yoana painare tiro yoaro sehe jiinare ño payoa mehne ñũga. ³⁰ Tiro Cristo yare yoadohomahno mahano variabiho yũhdũre. Mũsa sehe yũhũre yoadoho masierachũ tiro sehe yũhũre yoadohomahre. ã yoaro yariamahre tiro.

3

Noano yoaa warore yahuha Paulo

¹ Mipũ pinihtare ahrire yahu batoihtja. Mari pũhtoro yaina mũsa jina wahchega. Ahri buheare pano yũ yahurire pari turi mũsare yahu joarocacũ ji coaja yũhũ. ã jicũ mũsare ahrire yahucũ yoadohoi nija mũsare. ² Noano yoaga mũsa. Ñaare yoarucuina, dieya yoaro sehe jiina ñaina circuncisiõre yoa dutia, mũsa pjacũrre yihso duara. Noano yoaga mũsa ã yoa dutiina sehe “Soro ni buheri”, nina. ³ Tina circuncisiõre yoapahta Cohamacũ dutiare noano yoarera. Mari sehe potocãta Cohamacũ dutiare noano yoaina jija mari. Espiritu Santo to yoadohoa mehne Cohamacũre ño payoja mari. ã jina Jesu yaina mari jiare wahchea mehne painare mari yahuja. “Sã mũ sũro Cohamacũ dutiare bihoja”, ne ni tũhotueraja. ⁴ ã ni tũhotuerariro jipaihta “Tinare doca dahrenocaja”, ti yoaro sehe niriro jicũ ã tjilboa yũhũ cãhũ. Pairo “Tinare doca dahrenocaja”, ni yũhdũrũca duara. Yũhũ sehe tiro yũhdoro ã niboa yũhũ. ⁵ Õ sehe yoariro jimai yũhũ: Ocho dachori yũ masa bajuari baharo circuncisiõre

yoari jire yũhũre. Israe masũno jicũ Benjami ya curua macariro jija yũhũ. Yũ pũcũsũma hebreo masa ti jichũ potocãta hebreo masũno warota masa bajuai. Cohamacũ dutiare quihõno pahõno duacũ fariseo curua mehne sãamai yũhũ. ⁶ “Cohamacũ ya jipũcũ”, nicũ noano yoamai. ã yoacũ Jesu yaina sehere ñano yoaa timai yũhũ. Potocãta Cohamacũ dutiare yoacũ tíre yũhdũrũcaro marieno yoa pahõoi. ⁷ Panopũre “Tí noaa jipũcũ”, ni tũhotumai. “Tí yũ ã ni tũhoturi cjiri panopũ yũ jia tiri yaba cjihti jierari jira”, ni tũhotuja mipũre. Õ seheta ni tũhotu dũcai yũhũ Cristore wacũ tuacũ tacũ. ⁸ Cristo Jesu yũ pũhtoro yũ masichũ pinihta noa yũhdũara. ã jicũ paye sehere masa “Noaa jira”, ti nirire “Tí jipihtia yaba cjihti jierari jira”, ni tũhotuja yũhũ. Tí jipihtiare duhunocai Cristo ya sehere yoai tai. ã jicũ tíre yũ duhurire “Wiho jia waro jiri jira”, ni tũhotui Cristore noano masicũ tacũ tiro mehne macariro jicũ tacũ. ⁹ ã jiro yũ mũ sũro noano yũ yoari wapa “Noariro jira”, ni ñũerara Cohamacũ yũhũre. ã jiro Cohamacũ dutia Moise cjirore to cũrre yũ yoari wapa cãhũre “Noariro jira”, ni ñũerara. Cristore yũ wacũ tuari baharo “Noariro jira”, ni ñũna tiro yũhũre. Cohamacũ sehe marine buhiri marieina jichũ yoara, tirore mari wacũ tuachũ. ¹⁰ ã jicũ pano yũ ni tũhotu mũhtamari cjirire duhunocaja Cristore noano masicũ tacũ. Cohamacũ tuaa mehne Cristo masa mũjari jire. Tí tuaa mehne ji duaja. ã yoa tí tuaa mehne noare yoa duaja. Cristo crusapũ yariari jire mari ñaa yoari buhirire cohãno taro. ã jicũ to yare yũ yoari buhiri tiro yoaro seheta ñano yũhdũ duaja yũhũ cãhũ. ¹¹ ã jicũ Cristo to masa mũjariro seheta masa mũjahtiro jiihca yũhũ cãhũ. Cristo yũhũre to ã masa mũjachũ yoahore wacũ cohtaja yũhũ.

¹² Ahri jipihtiare ã nicũ, “Cristo yare yoa pahõnocaja yũhũ”, ni

tuhotueraja. Yũ ã ni tuhotuerapachuta Cristo sehe to yairo yoa tuhsure yũhare. ã jicũ to yare tiro cãhare noano masi namo duacu tuaro mehne to yare yoaja yũhũ. ã yoahitiro cjihtore besere tiro yũhare. ¹³ Yũ coyea, “Cristo yare noano yoa pahñonocaja”, ni tuhotueraja. ã tuhotuerapaihta ahri pinihtare yoaja: Pano yũ yoari cjirire ã ñanocaja. Tíre pjíro tuhotueraja. ã yoacu Cristo yare noano yoa pahñonoca duacu, tíre tuaro yoaja mipure. ¹⁴ Murocaperiro to wapata duariro seheta Cristo yare tuaro yoaja yũhũ yũ wapatahtore yũ ñahahto sehe. Cristo yairo yũ jichũ ñano Cohamacũ tí yũ wapatahtore yũhare waro taro manopũ pjirocara yũhare to catia mehne yũ catirucuhto sehe.

¹⁵ Õ sehe yũ tuhoturiro seheta tuhotuga mũa cãhũ Cristore noano masiina jina. Wiho mejeta, ahri mũaare yũ yahurire mũa tuho duaerachũ, soro mũa tuhotechũ Cohamacũ mũaare noano masichũ yoarohca. ¹⁶ ã jina to yare mari masirire noano yoa sohtori tijihna.

¹⁷ Yũ coyea, mũa jipihtina yũhare ñũ cũga. ã jina paina sã yoaro sehe yoainare noano ñũga mũa tinare mũa ñũ cũhto sehe. ¹⁸ Payũ tahari painare yahui yũhũ mũaare. Mipũ cãhare tuaro cahyacũ tinareta yahuja mũaare. Payũ tina Cristo crusai to yariari buheare ñũ yabiina jira. ¹⁹ Tina pichacarpũ wahahtina jira. Ti ñaa goa pja sehere tuaro cahmana tina. Tuhsũ, ti bũo tiboare yoaa, tíre “Noaa jira”, nina tina. Ahri yahpa macaa dihtare noano tuhutura tina. ²⁰ Mari sehere mari ya maca manopũ jira. ã jiro tóputa marine yũhdũchũ yoahitiro, mari pũhtoro Jesucristo tarohca. ã jina to tah-tore cohtana nija mari. ²¹ Tiro taro mari pjacũre wiho jia pjacũre soro sehe jia pjacũri dihta cohtotarohca tiro. ã yoaro to ya pjacũ yoaro sehe noa yũhdũari pjacũre si siteri pjacũre

warohca marine to tuaa mehne. Jipih-tina bui pũhtoro sãari jire tiro tí to tuaa mehne. ã jiro jipihtia pũro jira tiro tí tuaa mehne.

4

Dachoripe mari pũhtoro mehne wahchega

¹ ã jina yũ coyea, yũ cahĩina, tuaro yũ wacũina, yũhare wahchechũ yoaina, pano mũa wacũ tuariro seheta mipure mũaare yũ yahu joariro seheta mari pũhtoro Jesure tuaro wacũ tuana, to yare ne duhuena tjiga mũa.

² Ahrire yahuihtja mũaare Evodiare, Síntique cãhare: Jesu yaina numia jira mũa. ã jina cahma sayoro marieno noano mehne jirucuga mũa. ³ Mũhũ sehe potocãta yũ piti warota jira. Mũhũ cãhare yahuihtja: Tí numia yũhũ mehne, Clemente mehne, paina yũ piti tiina mehne dahrare noaa buheare sã buhechũ. Cohamacũ tina jipihtina wamare joa õha to ya tjui. Jipihtia dachoripe catiare to warina wamare to joa õri tjui joa õha. ã jicũ tí numiare “Cũno mehne noano jiga”, ni yahuga mũhũ.

⁴ Dachoripe mari pũhtoro mehne wahchega. Pari turita yahuihtja tjoa: Wahchega. ⁵ Noano yoaga jipihtinare masa yoaro seheta. Mari pũhtoro Cristo to tahto mahanocã dũhsara.

⁶ Ne cahya pjíro tuhoutuena tjiga. Cohamacũre noano yahu pahñoga. ã yoana tirore siniga. ã sinina, “Noana”, niga tirore. ⁷ Mũa ã yoachũ noano jichũ yoarohca mũaare Cohamacũ. To ã yoachũ noa yũhdũara. Ahri mari noano jia noa yũhdũara. Masa jina, marine to ã noano jichũ yoarire noano tuho ñaha masieraja mari. Cristo Jesu yaina mari jichũ marine noano jichũ yoaro, Cohamacũ marine noano yajeripohna tichũ yoarohca. ã yoaro cahya tuhotuerachũ yoarohca marine.

Noaare tuhotuga

⁸ Ahrire yahu batoi tai nija mũaare, yũ coyea. Quihõno jiare, masa ti ño

payoare, noano yoaare, ñaa mariare, ji coaare, masa “Noaa jira”, ti niare tãhotuga m̄sa. Noa yãhd̄na ti jich̄na tíreta tãhotuga. Masa noaare ñ̄na ti wahchea sehere m̄sa cãh̄na wahche tãhotuga.

⁹ M̄sare ȳna buheriro seheta ã yoarucuga m̄sa. ã yoana, yãh̄re ñ̄na cũga m̄sa. M̄sa ã yoach̄na Cohamac̄na m̄sare noano jich̄na yoariro m̄sa mehne jirohca.

Filipo macaina Paulore ti wari cjirire yahuha tiro

¹⁰ M̄p̄na pinihta yoari pja baharo m̄sa pari turi yãh̄re wacũna m̄sa yoadohoare wahcheja. ã wahchec̄na mari pãhtoro Cristore “Noana”, nija. “Yãh̄re boaa wahare m̄sa”, nieraja yãh̄na. Panop̄re yãh̄re yoadoho duapanahta yoadoho masierare m̄sa. ¹¹ Yãh̄re m̄sa yoadohore yahuc̄na yãh̄re dãhsarire m̄sare yahui tai nieraja. M̄sare paye barore cahmac̄na ã nii nieraja. Ȳna c̄naa mehne ji masija yãh̄na. ¹² Paye baro c̄naerac̄na cãh̄na noano ji masija yãh̄na. ã yoa p̄j̄ro c̄nac̄na cãh̄na noano ji masija. Dachoripe j̄ca baac̄na cãh̄na jipoaja. Yãp̄iriro jic̄na cãh̄na jipoaja. P̄j̄ro c̄nac̄na cãh̄na jipoaja. Yãh̄re paye baro mariach̄na cãh̄re jipoaja. ¹³ Cristo yãh̄re tuach̄na yoariro mehne jipih̄tiare Cohamac̄na to cahmaare yoa masi pah̄ñoja yãh̄na. ¹⁴ Ȳna ã jipoariro ȳna jipach̄ta ȳna ñ̄ano yãhd̄uch̄na m̄sa yoadohona yãh̄re noano yoare m̄sa.

¹⁵ Noaa buheare ȳna buhe d̄nac̄na Macedonia yahpai jiriro c̄j̄ro ȳna wahach̄na m̄sa dihta yãh̄re yoadohore. Tíre masina m̄sa. ¹⁶ ã yoa Tesalónicai ȳna jisinic̄na ñ̄na yãh̄re yoadohona cãa tahari warocari jire m̄sa. ¹⁷ Paye barore sinic̄na ã nic̄na nieraja. Painare m̄sa yoadohoch̄na Cohamac̄na m̄sare noano yorohca. M̄sa ã yoadohori wapa Cohamac̄na m̄sare to noano yoach̄na cahmaja yãh̄na. ¹⁸ M̄p̄re yãh̄re noano wa pah̄ñohre m̄sa. Ȳna cahmari yãhdoro wahre m̄sa yãh̄re. Yãh̄re Epafrodito

mehne m̄sa warocari baharo paye baro ne dãhsarera yãh̄re. Cohamac̄na wãh̄p̄na inciensore j̄na m̄no Cohamac̄na ti noano ji coach̄na yoariro seheta yãh̄re m̄sa wari cãh̄na Cohamac̄na noano ji coach̄na yoara. ¹⁹ Cristo yaina jira m̄sa. ã jiro jipih̄tiare m̄sare dãhsarire warohca Cohamac̄na m̄sare, noa yãhd̄na to c̄naare. ²⁰ Jipih̄tia dachoripe mari P̄nc̄re Cohamac̄na ño payojihna. ãta yoajihna.

Paulo noa dutiha

²¹ Jipih̄tina Cohamac̄na yaina, tópa jiina, Jesucristo yaina noajaro. Mari coyea cãh̄na Jesu yaina yãh̄na mehne macaina m̄sare noa dutira. ²² Jipih̄tina Cohamac̄na yaina, õ macaina, Jesu yaina noa dutira. Roma macaina bui pãhtoro ya wãh̄na macaina pinihta tuaro noa dutira.

²³ Mari pãhtoro Jesucristo m̄sare to cah̄na mehne noano yoajaro.

Colosenses

Colosa macainare joarocaha Paulo cãhũ

¹⁻² Yũhũ Paulo mari coyeyiro Timoteo mehne m̄sare Colosa macainare joarocaja sã. Yũhũ Jesucristo to yare buhe dutiro to cũriro jija. Cohamacũ to cahmano seheta Jesu yũhũre to yare buhehtirore cũre. ã jina m̄sare sã coyea Cristore wacũ tuarucuinare joarocaja. ã jina Cohamacũ mari Pũcũ mehne m̄sare noa dutija. ã jina tiro mehne noano jiga m̄sa.

Jesu yainare Paulo sini payoha Cohamacũre

³ M̄sa ya cjihtire Cohamacũre sini payona “Noana”, ã nirucuja sã. Tiro sehe mari pũhtoro Jesucristo Pũcũro jira. ⁴⁻⁵ Tirore “Noana”, nirucuja sã m̄sa jia tiare tũhorocana. To ya buhea potocã jia buheare m̄sa tũhoriro seheta jipihtia dachoripe m̄nanopũ m̄sare jichũ yoarohca Cristo sehe. To ã yoahrtiro jichũ tíre m̄sa ã cohtarucu wama tira. ã jina Cristo Jesure wacũ tua wama tira m̄sa. Tuhsũ, to yainare cahĩ wama tira m̄sa. M̄sa ã jiina jichũ Cohamacũ mehne wahche tirore “Noana”, nija sã. ⁶ Jipihtiropũre Jesu yaina potocã jia buheare noaa buheare tí yahuchũ tũhoa masa Cohamacũ yare cahmaa, noaa sehere cohtota namoa nina. M̄sa cãhũ noaa buheare Cohamacũ m̄sare to cahĩare quihõno m̄sa tũho dũcari baharo tina yoaro sehe Cohamacũ yare cahmana, noaa sehere cohtota wama tira m̄sa. ⁷ Ahrieta m̄sa cãhũre Epafra noaa buheare yahuri jire. Tiro sã tuaro cahĩriro sã mehne Cristore dahra cohtariro, Cristo yare ne duhuerariro jira. M̄sare sã buhe masierachũ tiro sehe sãre cohtotariro jiro, m̄sare buheri jire. ⁸ Tiro jira m̄sa jia tiare sãre yahuriro. Espĩritu Santo to yoadohoa mehne Jesu yainare m̄sa cahĩire yahure sãre.

⁹ ã jina m̄sare tũhorocana m̄sare sã tũhorocari dachoihta dóihta ã sini payorucuja sã Cohamacũre. Cohamacũ to cahmaare m̄sa masi pahõohto sehe tirore sini payoja sã. Espĩritu Santo yoadohoro mehne Cohamacũ yare noano masiina m̄sa jihto sehe sini payoja sã. ¹⁰ Õ seheta sini payoja sã mari pũhtoro Cristo to cahmano seheta noano m̄sa yoahiti cjihtire. M̄sa ã yoachũ ñũno tiro wahcherohca. ã jina jipihtia noaare m̄sa yoahito sehe sini payoja. Cohamacũre m̄sa masi namohto sehe sini payoja. ¹¹ Ahri yũ yahuhiti cãhũre sini payoja sã. Cohamacũ ya tuua noa yũhdũara. Cohamacũ tí tuua mehne m̄sa tuahtore m̄sare sini payoja. Õ seheta sini payoja m̄sa ñano yũhdũpanahta wahchea mehne m̄sa cãno pjahto sehe. ¹² Cohamacũ to yaina cjihtire marine jichũ yoari jire. ã yoaro to waare cjuahitina cãhũre yoari jire marine tiro. To jiropũ buhriaropũ mari cjuahitire warohca tiro. To ã yoachũ ñũna tirore m̄sa “Noana”, nihto cjihtore sini payoja sã m̄sare. ¹³ Tirota marine pichacarpũ wahaborinare yũhdũchũ yoari jire. Tó panore ñaare yoa duhu masieramai mari. Ñariro sehe nahitianoi jiroro marine dutiriro jisiniri jimare. Cohamacũ sehe to macũno to cahĩrirore pũhtoro sõno m̄nanopũ marine jichũ yoari jire. ã jina to macũno mehne jinahca. ¹⁴ To macũno mehne marine yũhdora Cohamacũ. To macũno to yariaro mehne mari ñaa yoari buhirire bori jire Cohamacũ.

Masa Cohamacũ mehne ti cahma ti pũ bũhũseheri tí ñũ tuhtichũ ñũno Cristo bosaha

¹⁵ Jesu Pũcũrore ñũmahnoerara. To macũno sehe to Pũcũro to dohse jia tiare ñona masare. Tiro to macũno jipihtina pano jipihtia pano ji tuhsuri jire. ã jiro jipihtia pũro, jipihtina bui pũhtoro jira tiro. ¹⁶ Cohamacũ to dutichũ to macũno sehe to Pũcũro mehne jipihtinare, jipihtiare ba-juamehneri jire. M̄nanopũ jiare ahri

yahpapu jia cãhure bajuamehneri jire. Mari ñurire mari ñuerari cãhure bajuamehneri jire. Mũano macaina ñmahnoerainare pũhtoare, dutinane, jipihtinare bajuamehneri jire. Å jia jipihtina to yaina cjihti jimari jire. Jipihtia cãhu to ya cjihti jimari jire. ¹⁷ Jipihtina pano jipihtia pano Cristo ji tuhsuri jire. Å yoa to tuua mehne jipihtia cãhu jipihtina cãhu mipure jia nina. ¹⁸ Mari to yaina jipihtina to pjacu yoaro seheta to ya curua macaina jija. Å jiro tiro mari dapu mari pũhtoro jira. Tiro yariaro masa mũa mahtariro jira jipihtina bui pũhtoro, jipihtia pũro jiro taro. ¹⁹ Cristo to Pũcuro mehne cãno potori to jiro seheta jira. To ã jichũta cahmana Cohamacũ sehe. ²⁰ Jipihtina to Pũcurore cahma ñũ tuhtia tiri jire. Å ti cahma ñũ tuhtichũ ñũno Cristo tinare “Ñũ tuhtiena tjiga”, ni yahuri jire. Mũano macainare ahri yahpa macaina cãhure to Pũcurore “Ñũ tuhtiena tjiga”, ni yahuri jire Cristo. Å yoa mũano macaa ahri yahpa macaa cãhu noano ti jichũ cahmari jire tiro. Å mari ñũ tuhtirire duhuchũ yoa duari jire tiro crusapu yariaro to di cohãno. To Pũcuro to cahmariro seheta ã yoari jire Cristo.

²¹ Mũsa cãhure ãta yoari jire tiro. To Pũcurore ñũ tuhtiina tiro mehne jieraina jimari jire mũsa cãhu. Naare yoari jimare mũsa. ²² Å jimarina mũsa jipachũta tiro to yariaro mehne to Pũcurore mũsare ñũ tuhtierachũ yoari jire tiro. Å yoari jire tiro noaina ñaa buhiri marieina mũsare to yoahito cjihtore. Mũsa ã jichũ tiro mũsare tó sehe jiinapure to Pũcurore warohca. ²³ Åta warohca tiro mũsa tirore wacũ tuarucuchũ. Åta yoarohca tiro noaa buheare mũsa tũhorire mũsa boerachũ tí buheare mũsa ã yũhtirucuchũ. Tí buheare noaa buheare jipihtina ahri yahpapure jiina tũhori jire. Å jicu yũhu cãhu Paulo Cristore dahra cohtariro jicu, tí buheareta yahuriro jija.

Jesuyainare tina mehne macainare

yoadohohtinare cũha Paulo

²⁴ Cristo mari ñano yoari buhirire ñano yũhduri jire. Å jicu yũhu cãhu mũsare yũ buheri buhiri ñano yũhdũcu wahcheja. Å ñano yũhdũcu Cristo marine to cũrire yoa sohtori tii nija. Å jicu wahcheja. Cristo yare mari yoari buhiri mari ñano yũhdũ namohto dũhsasinina mini. Å jicu tirore mũsa wacũ tuahtore ñano yũhdũcu, wahcheja yũhu. To pjacu yoaro sehe jiina to ya curua macaina jira mũsa. ²⁵ Jesu yainare yoadohohtirore cũre Cohamacũ yũhure. Mũsa ya cjihtire yoahitirore yũhure cũre tiro. To yare jipihtiropure yahu pahũohtirore cũre yũhure. ²⁶ Tí to yare panopure payũ tjururi macainare yahu pahũoera tiri jire Cohamacũ. Mipure ahri tjuru macainare to yainare tíre noano yahu pahũonocare jũna. ²⁷ “Judio masa jieraina ya cjihtire yũ ya buhea noa yũhdũara”, ni to yainare tíre yahuri jire. Pano to yahuerari cjiire yahuri jire. Ő sehe jira to ya: Cristo to yaina mehne jira. To ã jichũ to yaina mũanopũ Cohamacũ cahapu noa yũhdũaropũ jahca. Tí jira panopũ ti masierari cjiiri Cohamacũ ya.

²⁸ Cristoreta yahuja. Jipihtinare cuisãana tinare buheja sã. Noano masia mehne buheja sã noano Cristore masare masichũ yoana tana. Å buheja sã to yare noano yoina ñaa buhiri marieina tinare jichũ yoana tana. ²⁹ Ahri jira yũ dahraa. Cohamacũ to ya tuua mehne yũhure to wari tuua mehne tuaro dahraja yũhu, to yare buhesũ.

2

¹ Ahrire mũsa masichũ cahmaja yũhu. Mũsa ya cjihtire, Laodicea macaina ya cjihtire, jipihtina paina ya cjihti cãhure tuaro dahraja yũhu. Jipihtina mũsa yũhure ñũeraina ya cjihti cãhure tuaro dahracũ mũsare tuaro yoadohoja yũhu. ² Ő seheta mũsare yoadohoja yũhu mũsa noano yajeripohna tihto cjihtore. Mũsa

mehne macainare m̄sa cahma cahĩhto cjihto c̄h̄ure ā m̄sare yoad-ohoja ȳh̄u. Cohamac̄u ya panop̄u to yahuerari cjiri Cristore masich̄u yoaa jira. To yare m̄sa masich̄u noa ȳhd̄uara. Cristore m̄sa noano masihtō cjihtore, tiro mehne m̄sa noano jihto cjihto c̄h̄ure tuaro yoadohoja m̄sare. ³ Paina ti masierari cjirire, noa ȳhd̄uare Cohamac̄u to masiare Cristo dihta noano masich̄u yoara marine. ⁴ Ahrire nija m̄sare “Paina m̄sare t̄ho wisiach̄u yoaa durucua mehne mah̄ori”, nic̄u. ⁵ Ȳh̄u m̄sa watoi jierapac̄uta ȳh̄u wac̄u no mehne m̄sa watoi jiriro yoaro seheta t̄hotuja. Ā jic̄u Cristore m̄sa noano wac̄u tuarucurire, quih̄o no m̄sa yoari c̄h̄ure masic̄u wahcheja ȳh̄u.

⁶ Ā jina Cristore m̄sa wac̄u tua d̄ucariro seheta āta tirore wac̄u tuaa mehne dachoripe noano jirucuga. ⁷ Tirore noano masiina jiga m̄sa. Ā yoa dachoripe tirore masi namoga pano m̄sare paina ti buheriro seheta. Ā yoa Cristore wahche, “Noana”, nirucuina jiga m̄sa.

Cristo yaina jina noaa sehene cahmaja mari

⁸⁻¹⁰ Noano yoaga m̄sa. Masa ti m̄h̄ s̄uro ti mah̄o buheare t̄hoena tjiga m̄sa. Tina panop̄u macaina ti m̄h̄ s̄uro ti niare buhera. Ti ā nia yaba cjihti jierara. Ahri yahpa macaina ti m̄h̄ s̄uro ti t̄hotuare buhe, Cristo ya sehene buherara. Cristo Cohamac̄u to jiro seheta jiriro jiro, ahri yahpap̄u pjac̄u tiro, Cohamac̄u warota jirota nina. To yaina jina Cohamac̄u mehne noano jija mari. Tirota jira jipihtina anjoa p̄h̄toa bui paina bajueraina bui p̄h̄toro jiriro. T̄re masina mah̄oare buheinare t̄hoena tjiga. ¹¹ Circuncisiōre ti yoariro seheta mahanoc̄a pjac̄u cahsaroc̄are ti yihso coh̄ariro seheta Cristo ñaa buhiri tiina m̄sa jia tiare coh̄a, duhuch̄u yoari jire. Ahri circuncisiō masa ti pjac̄urire mahanoc̄a cahsaroc̄are ti coh̄ari jierara. Ahri circuncisiō yoaro sehe yoaro, Cohamac̄u sehe ñaa buhiri tiina

mari jia tiare coh̄ana Cristore mari wac̄u tuach̄u ñ̄no. ¹² To yaina jina bautisarina wahari jire m̄sa. To bautisarina wahana ō sehe ñ̄ona niri jire m̄sa: Panop̄u macaa m̄sa ñaa yoarire m̄sa duhurire ñ̄ona niri jire m̄sa. Tí m̄sa ñaa yoari buhirire m̄sa ya c̄uboro seheta t̄re duhuri jire m̄sa. Cristo masa m̄jano noanop̄u wahari jire. To ā waharo seheta Cohamac̄ure wac̄u tuana “Tiro tuariro jira”, niina jina noaa sehene cohtotari jire m̄sa. Tiro Cohamac̄u sehe Cristore masoriro jira. To bautisarina wahana noaa sehene m̄sa cohtotarire ñ̄ona nina m̄sa. ¹³ Panop̄ure ñaa buhiri c̄j̄arina m̄sa jiri buhiri pichac̄ap̄u wahaborina jimari jire m̄sa. Ā wahaborina jimari jire m̄sa Cohamac̄u yaina jierasina. To dutiare c̄j̄aeraina jimari jire m̄sa. Mip̄ure Cohamac̄u marine tiro mehne ā jirucuhtinare yoari jire. Cristo to yariaro mehne ā yoari jire tiro marine. Ā yoaro jipihtina mari ñaa yoari buhirire bonocari jire tiro. ¹⁴ Cohamac̄u to dutiare ti joari cjirire ȳhd̄ur̄ucaina mari jipach̄uta Cristore mari wac̄u tuach̄u ñ̄no tiro marine buhiri ti dutiare. Cristo crusap̄u to yariaro mehne Cohamac̄u sehe mari ñaa buhirire coh̄anocahna panop̄u to dutiare, marine buhiri ti dutiare to coh̄anocaboriro seheta. Crusap̄u yariaro tí tañop̄u panop̄u macaa dutiare ti joari p̄ure to c̄j̄a puha ōboro seheta tí dutiare coh̄anocahna. ¹⁵ Masa ti ñ̄urocaroi wat̄ia p̄h̄toare Cohamac̄u ȳhd̄ur̄ucari jire. Wiho jiina, tuaeraina t̄juanocari jire tina sehe. Ā yoaro tinare b̄oro wahach̄u yoari jire, surara ti ȳhd̄ur̄ucainare masare ti naa ño ti b̄oro wahach̄u yoaro seheta. Crusap̄u yariaro Cristo wat̄iare ȳhd̄ur̄ucari jire.

M̄h̄ano macaare Cohamac̄u yare cahmaga

¹⁶ Ā yoa paina m̄sa ch̄ure m̄sa sihnia c̄h̄ure ñ̄aa m̄sare “Buhiri tiina jira”, ni ñ̄boca. Ti ā ni ñ̄uch̄u ā ñ̄nocahga tinare. S̄uripe jia

dachorire, somanaripe jia dachorire, bose namari musa yahdoerachu ñua musare “Buhiri tiina jira”, ni ñuboca tina. Ti ã ni ñuchu ã ñunocahga tinare. ¹⁷ Panopu tí chua dutiare, bose namarine yahdo dutiare, paye dutia cãhare cãri jire Cohamacu marine buhero taro. Tí dutia mehne baharopu to dohse yoahore Cohamacu yoa ñono niri jire. Cristo to jia tia cjihtire yoa ño curero niri jire masare. “Tiro õ sehe waharohca”, nino ã yoa ñono niri jire. ã yoa ñohti cjihti jiri jimare tí dutia. ¹⁸ Õ sehe nimana tí dutiare yoa dutiina. “Soro jiare bajuachu ñuhi sã” nia, tina Cohamacure ti ño payoboro sehe anjoare ño payomana. ã jiina jia “Masi pahñonocaja sã”, ni tãhotumana tina masa tí mu sãro ti tãhoturiro seheta. ã jia tina painare yahdurãcaeraina, noaina yoaro sehe yoa ñomana musare. ã yoa “Quihõno yoaerara musa”, ni yahusãna musare. Ti ã ni yahusãchu, tinare ã ñunocahga. ¹⁹ Tó sehe yoapahta musare yahusãina Cristo to dutiro sehe yoaa nierara. Cristo sehe to yaina dapu ti puhtoro jira. To yaina sehe to pjacu yoaro sehe jiina to ya curua macaina jira. Mari cohãri dohsaa mari wa dari cãhu mari pjacure cã pjacu jichu yoara. Tó seheta Cristo sehe to yainare cãnoi noano mehne jichu yoara. ã yoa marine yoadohora Cohamacu cahmaare mari noano yoahito sehe.

²⁰ ã yoa Cristo yaina jina tiro mehne variarina yoaro sehe jira musa, Cohamacu to ñuchu. ã jina ñaare musa yoarire duhurina jira musa. ã jina ahri yahpa macaa ñaa buheare, masa ti mu sãro ti buheare cahmaeraborina jira musa. ¿ã jiborina jipanahta dohse yoana masa ti mu sãro ti dutiare yuhtijari musa? ²¹ Õ sehe ni dutira ti mu sãro dutiina: Ahri barore chãena tjiga. Ahri barore ne chu ñãena tjiga. Ahri barore pihaena tjiga. Tó sehe ni dutira tina. ²² Mari paye barore

chuchu dói pihtia wahara. Tó sehe jia barore pihtia barore tãhotua nina ã dutiina. Ti ã dutichu ahri yahpa macaa dutia dihta jira tí dutia. Masa ti mu sãro ti buhea dihta jira ahri buhea. ã jia yaba cjihti jierara. ²³ Tí dutiare yoaina Cohamacure ño payoina yoaro sehe jimana. ã yoa painare yahdurãcaeraina yoaro sehe yoa ñomana. Ti pjacurire ñano yoaa Cohamacure ño payoina seheta yoa ñomana tina. Ti ã yoachu ti ya dutia sehe masi pahñoina ya dutia yoaro sehe jimana. ã jierara. Tí dutiare yoapahta ti ñaare goa pjaare duhuerara. ã jia tí dutia sehe yaba cjihti jierara.

3

¹ ã yoa Cristo yaina jira musa. ã jina Cohamacu tuua mehne Cristo to masa mãjariro seheta tí tuua mehne pano musa ñaa yoarire duhu, noaa sehere cohtotare musa. ã cohtotaina jina mãano macaare Cristo yare cahmaga musa. Tóphre mãanopu Cohamacu poto bahusehei dujira tiro. ² Mãano macaa Cohamacu yare noano tãhotuga musa. Ahri yahpa macaare ne wacũ nanãena tjiga musa. ³ Cristo yaina jina tiro mehne variaborina seheta musa wahana ahri yahpa macaare pjiro tãhotuena tjiga. ã jiro Cristo mehne musa jirucuhtore cahno tuhsuri jire Cohamacu. ⁴ ã yoa Cristo mãanopu marine ã jirucuhtinare yoariro si sitea mehne to tachũ tiro mehne wahanahca mari. ã wahana tiro mehne mãanopu Cohamacu yare cjãanahca.

Cristo yaina jierasinina ñaare yoa-mai mari

⁵ ã yoa ahri yahpa macaa ñaa musa yoare duhunocahga musa: Numino mehne ñano yoare, muno mehne ñano yoare, ñaa yahduaro yoare, paio namonore goa pjaare, pacoro manunore goa pjaare, ñaa goa pjaare duhunocahga musa. Paye barore tuaro cahmaina jiena

tjiga. Paye barore cjona, tíre tuaro cahmana “Cohamacu jira”, ti nia masurine ti ño payoro seheta yoana nija mari tíre. ⁶ Tí ñaare yoaina Cohamacure yuhdurucaina jira. Ti ã yoa yuhdurucachu ñuno tinare buhiri dahrerohca. ⁷ Panopure musa sehe tí ñaare yoarina jina tina mehne macaina jiri jimare musa. ⁸ Wiho mejeta mipure ahri ñaare duhu pihtinocahga musa: Suaare, sua yuhduare, painare ñano ni tuhutuare, painare ñano quitidahreare, ñano durucure tí jipihtiare duhunocahga. ⁹⁻¹⁰ Musa sehe Jesu yaina wahana tí ñaa yoare duhu tuhsuri jire. ã jina musa tuhutuare cohtotaina jira musa. Musare noaa sehere cahmachu yoaro nina Cohamacu to yoaro sehe musa jihto sehe. Õ seheta yoara tiro noano tirore musa masi namohto sehe. ã jiina jina musa mehne macainare mahñoena tjiga. ¹¹ Cristo yaina jina judio masa, judio masa jieraina cãhu cãno potoriga jira musa, Cohamacu to ñuchu. Circunciõre yoaina, yoeraina cãhu Cristo yaina jia cãno potoriga jira, Cohamacu to ñuchu. Pa yahpa macaina, masieraina, musa ya yahpa macaina cãhu Cristo yaina jia cãno potoriga jira, Cohamacu to ñuchu. Dahra cohtaina, dahra cohtaina jieraina cãhu Cristo yaina jia cãno potoriga jira, Cohamacu to ñuchu. Jesu jipihtina to yaina mehne jira. Wiho jiriro jierara tiro, to yaina ti ñuchu.

¹² ã yoa Cohamacu to beserina, noaina, to cahina jina õ sehe jiga musa: Painare pja ñuina, painare noano yoaina, painare yuhduruca duaeraina, painare niji siaro dero yoaina, musare ti ñano yoapachuta ã tuhutonocaina jiga musa. ¹³ Musa mehne macaina mehne suana, dóihita musa basi musa suarire pjãga. Mari puhtoro musa ñaa yoari buhirire bohre. ã to boriro seheta musa cãhu musa mehne macaina musare ti ñaa yoarire boga. ¹⁴ Ahri dutia mehne õ sehe ni dutija musare: Painare cahãga. Musa ã yoana noano jipihtina

mehne cãno mehne jinahca. ¹⁵ Cristo marine noano jichu yoara jiape ni durucueraina mari jihto sehe. To ã yoachu noano jiga musa, musa basi. Õ seheta jihtina cjihtire to yaina cjihtire bese cãri jire Cohamacu musare. ã jina to pjachu yoaro seheta cã curuata jira musa. ã yoa Cohamacure “Noana”, ni wahcheina jiga musa Cohamacu mehne.

¹⁶ Cristo ya buheare noano wacurucuga musa. Noano masi buhega to yare. Cua pisaro mehne tíre yahuga. ã yoa tuhsu, Salmore, Cohamacu yare basaare, paye tirore ño payoa basaare tirore basa payoga. Noano wacũ ño payoa mehne basa payoga. ã basana to yare noano wacũga musa. ã yoana Cohamacure “Noana”, ni wahcheina jiga musa Cohamacu mehne. ¹⁷ Jipihtia dohse jia musa yoare noano yajeripohna ti yoaga mari puhtoro Jesu to wahchehto sehe. Cristore ño payora musa. ã yoa tirore ño payoa mehne noaa dihtare durucuga. ã yoana Cristo to yoadohoa mehne Cohamacu mari Pucure “Noana”, ni wahche payo siniga tirore.

Jesu yainare noano mehne ti jihti dutia õ sehe jira

¹⁸ Musa manhu tia numia, musa manhusmare noano yuhtiga musa. ãta yoaro cahmana mari puhtoro Cristo ya numia jina. ¹⁹ Musa namo tiina sehe, musa namosãnumiare cahãga. ã yoa tí numiare ne tuh-tiena tjiga. ²⁰ Musa ti pohna cãhu, musa pucsumare yuhdurucaeraina jiga. Musa ã yoachu ñuno mari puhtoro noano ji coara. ²¹ Musa ti pucsumma cãhu musa pohinare suachu yoena tjiga “Cahyachu yoari”, nina. ²² Musa tinare dahra cohtaina, musa puhtoare ahri yahpa macainare noano yuhtirucuga. Ti ñurocaro dihtare yuhtiina jiena tjiga. Ti mariachu cãhure yuhtiina jiga. Mari puhtoro Cristore cua pisaro musa ñurocaro seheta noano mehne yuhtiga

musa p̄h̄toa c̄h̄re. ²³ Potoc̄ata Cristo yaina jina noano ȳhtira musa tirore. ã jina musa p̄h̄toare ahri yahpa macainare ȳhtina, tina dihtare ȳhtina nierara. Cristo c̄h̄re musa ȳhtiboro sehe ȳhtinata nina musa. ã yoana musa p̄h̄toa ti dutiro seheta tuaro mehne dahraga, Cristo ya dutia ti jiboriro seheta. ²⁴ Musa ã yoach̄u Cristo musare noano yoarohca. “Musare waihtja”, to niare musare warohca mari p̄h̄toro. Tíre masina musa. Mari p̄h̄toro Cristore dahra cohtaina jira musa. ã jiro tiro sehe musa p̄h̄toro waro jira. ²⁵ Ñaare yoainare buhiri dahrerohca mari p̄h̄toro. ã yoainare c̄airo d̄hsaro marieno c̄ano potori buhiri dahrerohca tiro.

4

¹ Musa p̄h̄toa sehe, musare dahra cohtainare potoc̄ata noano yoaga tinare. Musa c̄h̄u p̄h̄toro c̄h̄ara. Musa p̄h̄toro musa c̄h̄ariro sehe m̄ano macariro jira.

² Dachoripe Cohamac̄ure siniga musa. Noano wac̄u t̄hotu siniga. ã yoana “Noana”, niga Cohamac̄ure. ³ Sã ya c̄iht̄i c̄h̄re sini payoga t̄joa. Cristo yare paina pano ti masierari c̄jirire buhena nija sã. Tinare sã noano masich̄u yoah̄to sehe sini payoga Cohamac̄ure. Cristo yare ȳ buheri buhiri ȳh̄u mip̄are peresup̄u jija. ⁴ ã jich̄u musa ã sini payoch̄u cahmaja to yare ȳ noano yahuhto c̄iht̄o sehe. Cristo to dutiriro seheta ȳ yahuhto c̄iht̄o sehe sini payoga.

⁵ Jesu yaina jieraina mehne jina noano yoaga musa. Cristo yare yahuga tinare. Tina mehne musa jiro puro ãta noano yoaga. ⁶ Paina mehne s̄h̄duna noano ji coaro mehne s̄h̄duga. Noaa dihtare durucuga. Paina musare ti sinituch̄u noano masi ȳhtiga tinare.

Noa duti batoaha Paulo

⁷ Tíquico mari coyeiro Jesu yairo jira. Tiro mari cah̄iriro, Cristo yare buhero, sã mehne dahrariro jira. ã

jiro Cristo yare ne duhuerara tiro. Tiro ȳ jia tiare musare yahurohca. ⁸ Musa cahap̄u tirore warocai nija ȳh̄u sã jia tiare musa masihto sehe, musare wahchech̄u yoah̄tiro c̄iht̄ore. ⁹ Onésimo mari coyeiro mari cah̄iriro mehne piti dahre warocai nija. Tiro c̄h̄u Cristo yare ne duhuerara. Musa mehne macariro jira. Tina p̄aro sã òre dohse sã ȳhd̄arire yahuahca musare.

¹⁰ Aristarco peresup̄u jiriro ȳh̄u mehne macariro musare noa dutira. Marco c̄h̄u noa dutira. Tiro Bernabé tañ̄no jira. Tirore yahuroca tuhs̄u musare. Musa cahap̄u to s̄uch̄u ñ̄na noano mehne tirore piti bocaga. ¹¹ Jesu “Justo” ti ni pisuriro c̄h̄u noa dutira musare. Ahrina tiarota ȳh̄u mehne dahraina judio masa waro jira. Judio masa waro tina dihta Cohamac̄u yare ȳh̄u mehne buhera. Ò sehe buheja sã Cohamac̄u yaina masa ti wahahto sehe, Cohamac̄u ti p̄h̄toro to j̄hto sehe. Tina ȳh̄re noano yoadohoina jira. ¹² Epafra musa mehne jiriro c̄jiro musare noa dutira. Tiro Cristore dahra cohtariro jira. Cohamac̄ure sinino, musa ya c̄iht̄ire tuaro sini payorucura tiro. Cohamac̄ure noano wac̄u tuaru-cuhtina, to cahmano sehe yoah̄tina musa j̄hto sehe ã sini payorucura tiro Cohamac̄ure. ¹³ Tiro musa ya c̄iht̄ire tuaro sini payore musare p̄j̄ro t̄hoturo. Laodicea macaina ya c̄iht̄ire, Hierapoli macaina ya c̄iht̄i c̄h̄re tiro tuaro sini payore. To ã yoariro jich̄u ñ̄uc̄u musare yahurocai nija. ¹⁴ Duhturu Luca mari cah̄iriro musare noa dutira. Dema c̄h̄u noa dutira.

¹⁵ Noajaro mari coyea Jesu yaina Laodicea macaina. Ninf̄a c̄h̄u noajaro. Jesu yaina ticoro ya w̄h̄u cahmachuina c̄h̄u noajaro. ¹⁶ Ahri p̄ure ȳ joarocari p̄ure musa mehne macainare musa buhe tuhs̄u baharo Laodicea macaina c̄h̄re warocaga. ã yoa tinare Laodicea macainare ȳ joarocari p̄ure musa c̄h̄u buhega. ¹⁷ ã yoa ò sehe niga Arquipore: “Mari p̄h̄toro Jesu yairo

m̄ jich̄ to yare buhehtiro c̄re
m̄h̄re. To ã c̄ch̄ noano buhe
sohtori t̄ga m̄h̄”, n̄ga tirore.

¹⁸ Ȳh̄ Paulo, ȳ wamomaca
mehne ahrire joaja. M̄sare noa du-
tija ȳh̄. Peresui ȳ j̄are wac̄, sini
payoga m̄sa Cohamac̄re. Noano
j̄ga m̄sa. Cohamac̄ to cah̄a mehne
m̄sare noano yoajaro. ãta yoajaro.

1 Tesalonicenses

*Paulo cãhũ joarocaha Jesu yainare
Tesalónica macainare*

¹ Yũhũ Paulo, Silvano, Timoteo sã tiaro ahri pũ mehne m̄sare noa dutija. M̄sa sehe Tesalónica macaina mari P̄cũ Cohamacũ yaina jira. Mari p̄htoro Jesucristo yaina cãhũ jira m̄sa. ã jina Cohamacũ mari P̄cũ, mari p̄htoro Jesucristo ti cahĩa mehne m̄sare noa dutija. Cohamacũ yoadohoa mehne noano jiga m̄sa.

*Jesu yaina Tesalónica macaina sehe
Jesure noano wacũ tuaha*

² Cohamacũre sinina, jipihtina Jesure m̄sa wacũ tuaare wacũna “Noabiara sãre”, nirucuja sã m̄sare. Cohamacũre sinina, m̄sa ya cjihtire ã sini payorucuna nija sã. ³ M̄sa sehe Jesucristore noano wacũ tuayuhca. ã wacũ tuana, Jesu yare yoayuhca m̄sa. Jesucristore, paina cãhũre cahĩyuhca m̄sa. ã cahĩna, Jesu yare tuaro yoana niyuhca m̄sa. Jesucristore mari p̄htorore wacũ tuarucuyuhca m̄sa. ã wacũ tuarucuna m̄sare to yãhdohtore masina, tíre cohtana niyuhca m̄sa. ã yoa tirore wacũ tua duhuerayuhca m̄sa ñano yãhdũpanahta. Cohamacũ mari P̄cũre sinina, tíre m̄sa ã yoarire wacũja sã. ⁴⁻⁵ Sã coyea, Cohamacũ to cahĩna jira m̄sa. M̄sare to beserire masija sã. Sohõ jiri pja m̄sare noaa buheare buhena ã yahunocana nierahi m̄sare. Espíritu Santo to tuaa mehne noaa buheare buhena nii m̄sare. ã buhena tí buhea quihõno jichũ noano masii sã. ã jina m̄sa watoi sã jina, sã yoarire masina m̄sa. M̄sare yoadohona ã yoai sã. M̄sare buheina jina Cohamacũ to beserina m̄sa jichũ masija sã.

⁶ Sohõ jiri pjarũre m̄sa ñano yãhdũina jina, noaa buheare cahmare m̄sa. M̄sa ã cahmachũ, Espíritu Santo sehe m̄sare noano wahchechũ yoare. To ã yoachũ m̄sa

sehe sãre ñũ cũ, sã yoariro seheta yoare. ã yoana Jesu cãhũre ñũ cũre m̄sa. ⁷ ã jia Jesu yaina Macedonia yahpa macaina, Acaya yahpa macaina cãhũ Jesu yare m̄sa yoarire masire. ã masia tina cãhũ m̄sare ñũ cũ, m̄sa yoariro seheta yoara. ⁸ Macedonia yahpa macaina Acaya yahpa macaina cãhũ mari p̄htoro yare m̄sa buhechũ tãhorocare. Cohamacũre m̄sa wacũ tuarire tãhorina sehe tina dihta jierare. Jipihtiro macaina m̄sa wacũ tuarire tãhoyuhti. ã jia sã tinare yahuera-pachũta tíre masi tuhsure tina. ⁹ ã jia m̄sa cahai sã tinirire, sãre m̄sa noano piti bocarire yahure tina jipihtiro macainare. ã yoa Cohamacũ sehere wacũ tuana, “Cohamacũ jira”, m̄sa nia masurine m̄sa cohãnocarire, Cohamacũ ya sehere m̄sa yoarire yahure tina jipihtiro macainare. Tiro Cohamacũ sehe catiriro, Cohamacũ waro jira. ¹⁰ ã yoa “Cohamacũ macũnore m̄anopũ tahtirore Tesalónica macaina cohtaa nina”, ni yahura masa m̄sare. To macũnore yariariro cjirore Cohamacũ masori jire. To ã masochũ to macũno Jesu sehe marine ñabiaro to buhiri dahreborinare yãhdori jire.

2

*Tesalónica wama tiri macapũ to
dahrarire yahuha Paulo*

¹ M̄sa cahai jina sã ã jinocana niera tii. M̄sare noano yoadohoina jia tii sã. Tíre noano masina m̄sa, sã coyea. ² ã yoa Filipoi jina ñano sã yãhdũirire, sãre ñano ti yoarire potocãta masina m̄sa. Sãre ti ã yoapachũta Cohamacũ to yoadohoa mehne cuiro marieno Cohamacũ yare noaa buheare buhei sã m̄sa cãhũre. Sãre masa payũ ti ñũ tuhtipachũta noaa buheare buhei sã m̄sare. ³ M̄sare buhena noano sã masirire buhei sã m̄sare. ã buhena m̄sare dojomehne duana nierahi. ã yoa mahñõerahi. ⁴ Cohamacũ to cahmano seheta buheja sã. Noa buheare buhehtina

cjihtire Cohamacu besere sãre. To ã beserina sã jichu to ya buheare sã buhechu noa nina, Cohamacu to ñuchu. ã jina õ seheta buheja sã. Masa ti tuho ji coahtire buhena nieraja sã. Cohamacu sehe sãre to ñu ji coahto cjihtore to yare buheja sã. Tiro sehe mari tuhotuare, dohse mari yoa duaare noano masina. ⁵ Noa buheare buhena tuho ji coaa duseri mehne buhena nierahi. Ahrire masina musa. ã yoa sã buhena, musare paye barore wapa cahmana nierahi sã. Ahrire Cohamacu masina. Potocã nii nija. ⁶ ã buhena masa sãre ti ñu wahãhti cjihtire yoana nierahi sã. Musare paina cãhure sãre ñu wahã dutina tana nierahi. ⁷ ã ñu wahã dutierapanahta Cristo to cãrina jija. ã jina musare wapa cahmaboa sã. ã yoa puhto yaro sehe musare dutina jiboa sã. Wiho mejeta numino wihãrirocãre to noano buchoriro seheta noano niji siaroca dero yoi sã musare. ⁸ ã jina musare noano cahmana, Cohamacu yare noaa buheare buhei sã musare. ã yoana tí dihtare yoeraí musare. Musare noano yoadohoi sã catisinina waro. Sã cahina musa jichu musare ã yoadohoi sã. ⁹ ã musare cahina tuaro yoadohoi sã musare. Tíre wacuna musa, sã coyea. Cohamacu yare noaa buheare buhena musa cãaare sini cariboeraí musare. ã jina dachoru, ñamiru cãhure dahrai sã.

¹⁰ Noano, musare ñano papero marieno, mahõono marieno musare Jesu yainare sã yoarire masina musa. Cohamacu cãhu tíre masina. ¹¹ ã jina ti pucaro to pohnare to noano yahu to wahchechu yoariro seheta musa cãhure yahuna wahchechu yoi musare. Tíre masina musa. ¹² Puhtoro Cohamacu to saho jiropu, noa yãduaropu musare pjirocare. ã jina to yaina musa jichu Cohamacu to cahmariro seheta musare ji dutii sã.

¹³ Cohamacu yare musare sã yahuri cjirire musa tuhona, õ sehe ni tuhoture musa: “Masa ti m

suro ti buhea jierara. Cohamacu ya buheata jira”, ni tuhoture musa. Tíre musa tuhotuchu masina wahcheja sã. ã jina Cohamacure sinina “Noana”, nirucuja sã tirore. Tóihita jira. Musare sã buhea Cohamacu durucua potocã jiata nina. ã jiro Cohamacu musa Jesure wacũ tuaina jichu to ya buhea mehne musare noaa sehere cohtotachu yoaro nina. ¹⁴ Jesucristore wacũ tuainare Judea yahpa macainare ti yoariro seheta musa cãhure yoare paina. Judea yahpa macainare Jesu yaina sehere judio masa ñano yãhduchu yoare. Musã cãhure musa ya dihta macaina ãta ñano yãhduchu yoare. ¹⁵⁻¹⁶ Judio masa sehe Cohamacu yare yahu mahtaina cjirire panopu macainare wajãa tiri jire. ã jia mari puhtoro Jesu cãhure wajãri jire tina. Tuhsu, tina sãre cohãre. Cohamacure tina cahyachu yoahre. ã yoaina jia, payu masare ñu tuhtira tina. Judio masa jierainare Cohamacu yare sã yahu duamai tina cãhure pichacapu wahaborinare “Cohamacu yãhdojaro”, nina. Sã ã yahu duapachuta judio masa sehe sãre ne Cohamacu yare painare yahu dutierare. ã yahu dutieraa pjiro buhiri ti namoa nina tina. Mipure tinare tuaro Cohamacu buhiri dahrerohca juna.

Paulo Tesalónica macaina cahapu pari turi tini duamaha

¹⁷ Sã coyea, mipure mahanocã musa mehne jierana musare wacuna nija. ã jina musare tuaro ñu duana, musa cahai waha duamai. ¹⁸⁻¹⁹ Cãa tahari yahu Paulo musare ñui waha duamai. Yu ã waha duapachuta Satana sehe sã wahaborirore ducatare. ã jina wahaerahi sã. Sãre wahchechu yoaina musa jichu musare ñu duamai. Mari puhtoro Jesu ahri yahpapu to tjua tachu musa sehe sãre wahchechu yoanahca. ã jina wahchea mehne musa mehne Jesu panoi ducunahca. ²⁰ ãta jira. Musare ñuno Jesu sehe “Noano buheri jira musa”, ninohca sãre. ã jina noano wahcheja sã.

3

1-2 Æ yoa m̄sare yoari pja ñ̄erana m̄sare tuaro t̄ho duana tíre wac̄na, Timoteore m̄sa cahap̄ warocai. Tiro mari coyeiro Jesu yairo Cohamac̄re dahra cohtariro jiro, sã mehne noaa buheare buheriro jira. Æ jina tirore warocai Jesu-cristore noano m̄sa wac̄ tuah̄ti c̄jhtire, m̄sa wahchehti c̄jhti c̄h̄re. Tirore warocana sã sahsero Atena wama tiri macai t̄jai. 3 M̄sa ñ̄ano ȳhd̄panahta Jesu yare m̄sa coh̄erahto c̄jhtore warocai sã Timoteore. Jesu yaina jina ñ̄ano ȳhd̄nahca mari. Tíre masina m̄sa. 4 M̄sa mehne tó panop̄re jisina mari ñ̄ano ȳhd̄toleta yahu tuhs̄i m̄sare. Æ jina sã niriro seheta mari ñ̄ano ȳhd̄i. Tíre m̄sa noano masina. 5 Æ jic̄ m̄sare yoari pja ñ̄erac̄ m̄sare tuaro t̄ho duai. Æ jic̄ Jesure m̄sa wac̄ tuarire masii tai Timoteore warocai ȳh̄. “Wat̄no m̄sare ñ̄ano yoa dutiri” nic̄, “M̄sare sã buheri c̄jirire m̄sap̄ duhuri” nic̄, tirore warocai ȳh̄.

6 Æ yoa mip̄re Timoteo m̄sa cahap̄ jiriro sã cahap̄ t̄j wihihre. Æ t̄j wihiro noaa quitire sãre yahure tiro. Jesure m̄sa noano wac̄ tuaare, painare m̄sa cah̄a c̄h̄re tiro yahure sãre. Æ ni tuhs̄i sãre m̄sa noano wac̄r̄re, m̄sare sã ñ̄u duariro seheta m̄sa c̄h̄ tuaro sãre m̄sa ñ̄u duarire yahure sãre tiro. 7 Æ jina sã coyea, mip̄re sã ñ̄ano ȳhd̄panahta m̄sa Jesure noano wac̄ tuach̄ t̄hona sã wahcheja. 8 Jesure m̄sa noano wac̄ tuarire to yare m̄sa coh̄erarire t̄hona noano yajeri sãaja sã. 9 M̄sare ã ni t̄hotuna, Cohamac̄ to ñ̄rocaroi sã tuaro wahcheja. Æ wahchena Cohamac̄re “Noana”, nija sã. 10 Dach̄ c̄h̄re, ñ̄amip̄ c̄h̄re Cohamac̄re sinija sã m̄sare sã ñ̄hti c̄jhtire. Jesu yare m̄sa noano masi pah̄och̄ yoa duaja sã noano m̄sa tirore wac̄ tua namohto sehe.

11 Cohamac̄ mari P̄c̄ to basi, mari p̄htoro Jesu c̄h̄ sãre ti yoad-

ohoch̄ cahmaja sã m̄sa cahap̄ sã wahahto sehe. 12 Æ yoa mari p̄htoro Jesu jipihtina m̄sa mehne macainare, jipihtina paina c̄h̄re cah̄i namoch̄ yoajaro m̄sare. M̄sare sã cah̄iro seheta tuaro cah̄i namoch̄ yoajaro m̄sare. 13 M̄sare noano to yoadohoch̄, buhiri marieina, ñ̄aa marieina jinahca m̄sa, Cohamac̄ mari P̄c̄ to ñ̄ch̄. Mari p̄htoro Jesu jipihtina to yaina buhiri marieina mehne ahri yahpap̄ t̄ja taro ã jiina jich̄ yoajaro m̄sare.

4

“Cohamac̄re ji coach̄ yoa duana ò sehe yoaga”, ni yahuha Paulo

1 Mip̄re Jesu mari p̄htoro to dutiro mehne m̄sare ò sehe ni yahu batoaja: “Cohamac̄re ji coach̄ yoa duana ò sehe yoaga”, ni buhei sã m̄sare. Sã ã buheri baharo sã buheriro seheta yoayuhti m̄sa. M̄sa ã yoariro seheta yoa namoga. Tíre tuaro yoa dutija m̄sare.

2 Jesu mari p̄htoro to buhe dutiro mehne m̄sare sã buherire noano masina m̄sa. 3 Ahrire m̄sare yahu namoihtja: M̄sa ò sehe jich̄ cahmana Cohamac̄: Ñ̄aare yoeraina, Cohamac̄ yare yoina jiga. Æ jina numia mehne ñ̄ano yoaena tjiga. M̄sa c̄h̄ numia m̄a mehne ñ̄ano yoaena tjiga. 4 Ñ̄ano yoapero marieno, ñ̄o payoro mehne m̄sa namos̄numiare c̄uaga. Cohamac̄ m̄sa tíre masich̄ cahmana. 5 Cohamac̄re cahmaeraina Cohamac̄re masieraina ñ̄aare goa p̄jaa, numia mehne ñ̄ano ti yoariro seheta yoaena tjiga m̄sa c̄h̄. 6 M̄sa ã yoach̄ cahmaerara Cohamac̄ to yairore m̄sa coyeirore m̄sa ñ̄ano yoerahto sehe. M̄sa ã ñ̄ano yoana m̄sa coyeirore ȳhd̄r̄cana nica. Mari p̄htoro Cohamac̄ ti ñ̄aare ti yoach̄ ñ̄ano buhiri dahrehtiro jinocanota nina. Æ jina tíre yahu tuhs̄i m̄sare “Tí buhirire buhiri tiri”, nina. 7 Ñ̄aare yoah̄tina c̄jhtire beserari jire marine Cohamac̄.

Ñaare yoaeraina cjihtire beseri jire marine. ⁸ ã jina jipihtina m̄sa ahri sã buherire yãhdurucana, masa ya buhea sehere yãhdurucana nierara m̄sa. Cohamac̄u ya sehere yãhdurucana nina. Tiro m̄sare Esp̄ritu Santore wariro jira.

⁹⁻¹⁰ M̄sa coyeare Jesu yainare m̄sa cahĩhtire Cohamac̄u m̄sare buhe tuhs̄ri jire. To ã buhech̄u potocãta Jesu yainare Macedonia macainare jipihtinare noano cahĩna m̄sa. M̄sa ã cahĩch̄u ñ̄na “M̄sa coyeare cahĩga”, ni buheraja m̄sare. Tinare cahĩ tuhs̄ra m̄sa. ã ni buhe namoerapanahta ahri sehere m̄sare dutija. Mip̄re painare m̄sa cahĩno seheta cahĩ namoga m̄sa. ¹¹ ã yoa m̄sa basi cahma ñ̄u tuhtiro marieno jiga m̄sa. Painare soro ni durucuena tjiga. ã ñ̄nocahga tinare. ã jina m̄sa ya dahraa sehere noano dahraga. Panop̄ta m̄sare ã yoa dutii. ¹² ãta yoaga m̄sa, paina m̄sare ti ñ̄o payohto sehe, paina yare m̄sa cariboerahto sehe.

Ahri yahpap̄re Jesu to tjua tahtore yahuha Paulo

¹³ Coyea, mip̄re yariarina cjiirire yahuihtja m̄sare: Jesure cahmaeraina Cohamac̄u cahap̄u wahasi. ã jia tina mehne macaina ti yariach̄u ñ̄na tuaro cahyara. Yariarina cjiri ti wahahtore quihõno noano m̄sa masich̄u cahmaja sã, paina ti cahyariro seheta m̄sa cahyaerahto sehe. ¹⁴ Jesu to yariari baharo masa m̄jari jire. “Ti potocãta jira”, nija mari. ã niina jina ahri cãh̄re “Potocãta jira”, nija mari. Cohamac̄u sehe to yaina cjiirire yariarina cjiirire masa m̄jach̄u yoaro, baharop̄u Jesu mehne na tarohca. Tí cãh̄re “Potocãta jira”, nija mari.

¹⁵ Jesu to tjua tach̄u to yaina yariarina cjiri catiina pano masa m̄ja m̄htaahca. Mari p̄htoro Cohamac̄u ya yahua tjira ahri. ¹⁶ Õ sehe jirohca Jesu to tjua tach̄u: Mari p̄htoro to basi tuaro sañurucu m̄htanohca. ã

jira to anjoa p̄htoro tuaro pisurohca. ã to pisuch̄u Cohamac̄u to corneta bisiro coa tarohca. Ti ã yoach̄u Jesu yaina yariarina cjiri masa m̄ja m̄htaahca. ¹⁷ Baharo catiinare, yariarina cjiri mehne Cohamac̄u m̄anop̄u me yehsea cururip̄u m̄jach̄u yoarohca. To ã yoach̄u mari p̄htoro Jesure piti bocanahca mari. ã piti bocana jipihtia dachoripe mari p̄htoro Jesu mehne jirucunahca mari. ¹⁸ Ahri ȳu yahurire m̄sa mehne macainare yahuga. ã ni yahuna wahchenahca m̄sa jipihtina.

5

¹ Ȳu coyea, Jesu to tjua tahti dachore “Ahri dachoi tjua tarohca” ni, m̄sare yahu joarocaró cahmaerara. ² Mip̄re m̄sa masino seheta to tjua tahti dachore marine masihto basioerara. Yacariro ñ̄amip̄u wacũenoca to yacaro taro seheta ahri yahpap̄re mari p̄htoro wacũenoca tjua tarohca. Ahrire m̄sa basita noano masina. ³ “Mip̄re mari noano jinocaja. Cuaró mariahna marine”, masa ti ni wacũch̄u dóicãta ñ̄ano waharohca tinare. To ã wahach̄u tina duhti masisi. Niji wahcõricoro wacũenoca to purĩno tãhoturo seheta wacũenoca ã waharohca masare. ⁴ Ȳu coyea, m̄sa sehere ã wahasi. Yacariro wãh̄u p̄rore to cãoriro seheta m̄sa sehere ã wahasi. Jesu taro m̄sare cãosi. Nahitianoi jiina ti ñ̄u masieraro seheta paina Jesure ne masierara. M̄sa sehe tina yoaro sehe jierara. ⁵ M̄sa jipihtina Jesu yaina jira. ã jina buhriaroi ti ñ̄u masino seheta Jesu to tahtore masina m̄sa. Paina nahitianoi jiina seheta tirore masieraina yoaro sehe jieraja mari. ⁶ ã jina carĩna yoaro sehe Cohamac̄ure tãho nãneraina jiena tjijihna mari. Paina ãta yoara. Tina yoaro sehe yoarena tjijihna mari. Carĩeraina yoaro sehe quihõno yoaina, noano wacũ masiina jijihna mari. ⁷ Carĩna ñ̄amip̄u carĩna. ã jia cahaina ñ̄amip̄u cahara. ⁸ Mari sehe

buhriaroi jiina yoaro sehe Jesure masiina jina, noano wacũ masiina jijihna. ã yoa surara comaa suhtiro mehne to cutirore to sãa ducatariro seheta Cohamacure wacũ tuaga musa, watĩnore to ducatahto sehe. ã yoana Cohamacure, paina cãhure cahĩga. Musa ã yoachuta Cohamacu musare ñu wihborohca. ã jina musare pichacapu wahaborinare Jesu to yũdohtore “Potocã tjira”, niga musa. Musa ã niina jichu surara to dapure comaa chapea mehne to pisa ducatariro seheta watĩno musare to ñano yoa duachu Cohamacu tirore ducatarohca. ⁹ To buhiri dahrehtinare marine beserari jire Cohamacu. Jesucristo mari pũhtoro pichacapu wahaborinare to yũdohtina cjihtire marine beseri jire tiro. ¹⁰ Jesu mari ya cjihtireta yariari jire tiro mehne mari jihto sehe. Catiina, yariaina cãhu tiro mehnetã jahca. ã jina jipihtina tiro mehne jinahca mari to yaina jina. ¹¹ ã jina musa mehne macainare mipu musa wahchechu yoariro seheta musa basita wahchechu yoaga tjoa. ã yoana musa basita Cohamacure wacũ tua namochu yoaga musa mehne macainare.

Jesu yainare Paulo yahu batoaha

¹² Musare buheinare, Cohamacu dutiare musare yahuhtinare mari pũhtoro buhe dutiro taro beseri jire. To ã ni beserinare noano ño payoga musa. Musa ã ño payochu cahmacu tuaro dutija musare. ¹³ Ti dahraare ti yoachu tinare cahĩa mehne noano ño payoga. ã yoa musa mehne macaina mehne cahmacheno marieno jiga.

¹⁴ Musare sã coyeare, ahrire tuaro dutija: Dahra duaerainare dahra dutiga musa. Cahyainare wahchechu yoaga musa. Jesure wacũ tuaera cureinare yoadohoga. Tina jipihtina mehne noano suaro marieno ji coaro jiga musa.

¹⁵ Cãiro musare to ñano yoachu ñuna tirore ñano yoa cahmaena tjiga.

ã jina musa mehne macainare, jipihtina paina cãhure noano yoaga.

¹⁶ ã yoana dachoripe ã wahcherucuga musa. ¹⁷ ã jina Cohamacure ã sinirucuga dachoripe. ¹⁸ Musa ñano yũdũpanahta Cohamacure wahche, “Noana”, niga. Musa noano yũdũri pja cãhure “Noana”, niga tirore. ã nina Cohamacu to cahmano seheta yoana nica musa. Cristo Jesu yaina musa jichu ñano musa ã nichu cahmana tiro.

¹⁹ Espĩritu Santore yũhti duaeraina jiena tjiga. ²⁰ Espĩritu Santo to masia mehne paina sehe musare buhera. Ti ã buhechu tí buheare cahmaeraina jiena tjiga. ²¹ Paina musare soro ti ni buhechu tí Cohamacu ya jierachu masiga musa. ã jina Cohamacu ya buhea ti jichu cãhure masiga musa. ã masina noaa buhea dihtare cahmaga. ²² ã yoana jipihtia ñaare cahmaena tjiga musa.

²³ Cohamacu marine noano jichu yoariro jira. Tiro to basi musare to yainare noaina ñaa marieina jichu yoa namojaro musare. Musa pjacuri cãhure musa catia cãhure noano ñu wihbojaro. Mari pũhtoro Jesucristo ahri yahpapure to tjua tahto pano musare Cohamacu noano ñu wihbojaro ñaare musa yoerahto sehe. To ã yoachu Cristo to tachu ñaa marieina jinahca musa. ²⁴ ãta jichu yoarohca Cohamacu. Tiro musare beseriro to niriro seheta yoara.

Paulo cãhu noa dutirocaha

²⁵ Sã ya cjihtire Cohamacure sini payoga musa, sã coyea.

²⁶ Musa mehne macainare noano mehne piti bocasiniga.

²⁷ Jipihtina Jesu yainare ahri tjure buhega musa. Jesu mari pũhtoro to dutia mehne ahrire musare dutija yũhu.

²⁸ Jesucristo mari pũhtoro to cahĩa mehne musare noano yoajaro.

2 Tesalonicenses

*Paulo cãhũ joarocaha Jesu yainare
Tesalónica macainare*

¹ Yũhũ Paulo, Silvano, Timoteo cãhũ ahrire m̃sare joarocaja tjoa. M̃sa sehe Tesalónica macaina mari Pũcũ Cohamacũ yaina jira. Mari p̃htoro Jesucristo yaina cãhũ jira m̃sa. ² ã jina Cohamacũ mari Pũcũ, mari p̃htoro Jesucristo mehne m̃sare noa dutija. Cohamacũ yoadohoa mehne noano jiga m̃sa.

*Ahri yahpapũre Cristo tjua taro
buhiri dahrerohca*

³ Cohamacũre sinina Jesure m̃sa wacũ tuaare wacũna “Noabiara sãre”, nirucuja sã Cohamacũre. Sã ã nichũ noa nina. Dachoripe Cohamacũre m̃sa noano wacũ tua namona niyuhca. ã yoana dachoripe m̃sa mehne macainare cahĩ namona niyuhca m̃sa. ã jichũ Cohamacũre “Noabiara sãre”, sã nichũ noa nina. ⁴ Paina m̃sare ñano ti yoapachũta Jesure wacũ tuarucuyuhca m̃sa mipũ cãhũre. ã yoa tirore wacũ duhuerayuhca. M̃sa ã yoachũ ñũna tíre m̃sa yoirire paina Cohamacũ yainare wahchea mehne yahuja sã. ⁵ ã wacũ tuarucuna Cohamacũ mari p̃htoro yaina m̃sa jiri buhiri ñano yũhdũna niyuhca m̃sa. ã jiro p̃htoro Cohamacũ to sũho jiropũre waha dutira m̃sare. To ã dutichũ to quihõno yoiriro jichũ masija mari.

⁶ ã yoa Cohamacũ quihõno yoiriro jira. ã jiro m̃sare ñano yũhdũchũ yoaina sehere ñano yũhdũchũ yorohca tiro. ⁷ ã yoro m̃sa ñano yũhdũrina cjiri jichũ tiro m̃sare noano jichũ yorohca. Sã cãhũre noano jichũ yorohca. Mari p̃htoro Jesu to yaina anjoa tuaina mehne, picha pohna mehne m̃anopũ bajaro noano jichũ yorohca marine, ñano yũhdũrina cjirire. ⁸ ã yoa Cohamacũre masierainare, mari p̃htoro Jesu to buheare noa buheare yũhdũrcarinare Cohamacũ

buhiri dahrerohca. ⁹ Cohamacũ tinare õ sehe buhiri dahrerohca: Pichacapũ tina ñano yũhdũrucuahca. ã jia tina tuariro mari p̃htoro Jesu cahai ne ji masierara. ã jia tua yũhdũariro to jiare ñũsi tina. ¹⁰ ãta waharohca tí dachoi Jesu to tjua tahti dachoi. Tí dachoihta tiro tarohca noaina tirore wacũ tuaina “Noariro, tuariro jira Jesu”, ni wahchea mehne ti ño payohto cjihtore. M̃sare sã buherire m̃sa noano tãhore. (ã jina m̃sa cãhũ tiro mehne jinahca.)

¹¹ ã jina Cohamacũre ã sini payorucuja sã m̃sa ya cjihtire. Õ sehe ni Cohamacũre sini payoja sã: To cahmano seheta yoahinare m̃sare to cũriro seheta m̃sa jihtina cjihtire sini payorucuja sã m̃sare. M̃sa noaina ji duanata niyuhca. ã jina Cohamacũ to tuua mehne noaina m̃sa ji duariro seheta m̃sa jikti cjihtire sini payorucuja sã. M̃sa Cohamacũre wacũ tuayuhca. ã wacũ tuana to yare yoayuhca m̃sa. Tíre m̃sa noano yoa namohti cjihtire Cohamacũre sini payorucuja sã m̃sare. ¹² ã yoana mari p̃htoro Jesucristo painare ño payochũ yoanahca m̃sa. M̃sa ã yoachũ Jesucristo yaina m̃sa jichũ ñũna paina ño payoahca m̃sare. Cohamacũ to cahĩa mehne, mari p̃htoro Jesucristo cãhũ to cahĩa mehne ã waharohca.

2

Ñano yoarucurirore yahuha Paulo

¹ Mipũre mari p̃htoro Jesucristo ahri yahpapũre to tjua tahtore, tirore mari cahmachu mari piti bocahtore yahu namo duaja yũhũ. Õ seheta tuaro yahu duaja m̃sare, sã coyca: ² Paina m̃sare õ sehe niboca: “Mari p̃htoro to tjua tahti dacho, pihtiri dacho jiropũ nina”, niboca m̃sare. Ti ã nichũ tãhona, tãho cãaena tjiga. ã yoa tãho wisiena tjiga. “Cohamacũ yũhũre ãta niri jire”, niboca m̃sare paio. Pairo cãhũ m̃sare buhero ãta niboca. Pairo cãhũ ãta ni joarocaboca, “Yũhũ Paulo tjija”, ni mahõ

joarocaró. ³ Paina musare ti ã mahñoche tuhoena tjiga musa. Tí dachoi ahri yahpa to pihtihto panocã payu masa Cohamacure duhuahca. ã jiro tí dachoi ñano yoarucuriro pichacapu wahatiro bajuarohca jipihtina ti ñahtiro cjihtore. ⁴ Tiro Cohamacu warore, paina bajueraina masa ti ño payoina cãhure jipihtina masare ño payo dutisi ñano yoarucuriro. Tiro õ sehe ni tuhoturohca. “Ahrina jipihtina bui puhtoro jija yuhã”, ni tuhoturohca. ã jiro Cohamacu wuhui dujiro “Yuhã sehe Cohamacu jija”, ninohca.

⁵ Musa mehne jisinicu tíreta yahui. ¿Tíre wacũerajari musa? ⁶ Mipure pairo sehe ñano yoarucurirore ne ji dutierasinina. ã yoa tirore ji dutierarirore masina musa. Tiro sehe to dutichu to quihõri dacho jichu ñano yoarucuriro bajuarohca. ⁷ Mipure masa ti ñuenoi tiro yoaro seheta paina ñaare yoa tuhsara. Ti ã yoapachuta ñaare yoa dutierariro to wahahto pano tiro ñano yoarucuriro sehe jisi. ⁸ To wahari baharo pinihtare ñano yoarucurirota bajuarohca. Baharo mari puhtoro Jesucristo tirore yuhdurucarohca. Ahri yahpamu to si sitea mehne tjua taro, to dusero mehne putirocaro, tirore wajã boarohca. ⁹ Ñano yoarucuriro sehe watino tuua mehne taro, payu bajuamehnerire, mahñoa bajuamehnerire yoa ñonohca. ¹⁰ Payu ñaa to yoa ñoa mehne to ã mahñoche pichacapu wahahtina sehe tirore tuhoahca. Tina sehe noaa buheare cahmaerare. Ti ã cahmaerachu Cohamacu tinare pichacapu wahahtinare yuhdosi. Tina pinihta ñano yoarucuriro mahñoriro to yoarire “Potocã tjira”, niahca. ¹¹ ã jiro noaa buheare ti cahmaerari buhiri Cohamacu tinare wisiomehnenohca. ã wisiaa mahñoare cahmaahca tina. ¹² ã jiro jipihtina noaa buheare tuho duaerainare, ñaa dihtare yoa ji coainare tirota buhiri dahrerohca.

“Cohamacu musare beseha to yaina jichu yoaro taro”, ni yahuha

Paulo

¹³ Musa sã coyea, mari puhtoro Jesu to cahina jira musa. Dóiputa wahmanopureta musare pichacapu wahaborinare to yuhdohtina cjihtire Cohamacu beseri jire musare. Musare beseri jire Espiritu Santo to tuua mehne to yaina ñaa marieina musare jichu yoaro taro. ã jiro noaa buheare “Potocã tjira”, nihtina musa jichu ñano musare beseri jire. To ã beserina musa jichu ñana Cohamacure wahche, “Noana”, nirucuja sã. ¹⁴ Noa buheare musare sã buhechu Cohamacu musare beseri jire mari puhtoro Jesucristo to masa mujariro seheta musa cãhu musa masa mujahito cjihtore.

¹⁵ ã jina yu coyea, noano wacũ tuaina jiga musa. ã jina sã durucua mehne sã joarocaa pũri mehne musare sã buherire noano wacũga musa. ã yoa tí buheare yuhdurucuaena tjiga. ¹⁶ Mari puhtoro Jesucristo to basi, Cohamacu mari Pucu cãhu marine cahia, jipihtia dachoripe marine wahchechu yoare. Marine cahia marine pichacapu wahaborinare yuhdoahca. ã jina Cohamacu to yuhdohtore noano masina wahcheja mari. ¹⁷ Jesucristo, mari Pucu mehne musare noano yoajaro pjíro musa wahchehto sehe. ã yoa jipihtia noaare musa yoahito sehe, musa noano durucuhto sehe Cohamacure musare sini payoja.

3

“Sã ya cjihtire Cohamacure sini payoga”, ni joaha Paulo cãhu

¹ Mipure sã coyea, sã ya cjihtire Cohamacure sini payoga mari puhtoro Jesu to buhea payu masare sã buhehto sehe. To buheare musa noano cahmariro seheta paina cãhu tí buheare ño payoa mehne ti cahmahto sehe sini payoga musa Cohamacure. ² Cãinata Jesure wacũ tuara. Paina sehe to yare tuho duaeraa, Jesure wacũ tuaerara. ã jina ñaina masa sãre ti ñano yoa duachu Cohamacure sini payoga musa sãre to yoadohohto

sehe. ³ Mari puhtoro Jesu to niriro seheta yoariro jira. ã jiro musare tirore wacũ tuachũ yoarohca. ã yoa tuhsũ, watĩno musare to ñano yoa dutichũ tiro musare yoadohorohca. ⁴ Cohamacũ musare to yoadohorire masija sã. ã jina musare sã dutiriro seheta musa yoachũ cãhũre masija sã. ã yoa ãta yoarucunahca musa. Tĩ cãhũre masija sã. ⁵ Cohamacũ musare to cahĩare musare masichũ yoajaro. ã jina Cristo yoaro sehe ñano yuhdupanahta cũno pjaina jichũ yoajaro musare mari puhtoro.

Marine tuaro dahraro cahmana

⁶ Jesucristo mari puhtoro to dutiro mehne õ sehe ni dutija musare: Jesu yainare dahra duaerainare, musare sã buheriro seheta yoerainare, tinare piti tiena tjiga. ã ñnocahga tinare. ⁷ Sohõ jiri pja musa mehne sã jichũ tuaro sã dahrachũ ñure musa. ã jina sã yoariro seheta musa cãhũre dahraro cahmana. Tĩre noano masina musa. ⁸ ã jina musa chũare wapa marieno chũerahi sã. ã yoa dachopũre, ñamipũ cãhũre tuaro dahrai sã “Musa chũare sã siniri”, nina. ⁹ Sã buheri wapa musare wapa cahmaboa sã. ã wapa cahmaborina jipanahta wapa cahmaerana tuaro dahrai sã, musa sehe sãre musa ñũ cũhto sehe. ¹⁰ Musa mehne jina, õ sehe ni buhei musare: “Dahraeraina chũea tjijaro”, ni buhei sã musare. ¹¹ Cãina musa mehne macaina ne dahra duaerayuhca. ã dahra duaeraa, painare ã yahu wajamacanoca, caribobiaro yoayuhca tina. ¹² Mari puhtoro Jesucristo to dutiro mehne ã dahra duaerainare õ sehe nija: Noano wahchea mehne dahrajaro tina ti noano jihto sehe, ti ya chũare ti chũhto sehe.

¹³ Sã coyera, musa sehe noaare yoarucuna pumena tjiga. ¹⁴ Cãina tó macaina ahrire sã joarocarire yuhdurucaboca. Tĩ ã yoachũ ti yoarire noano ñũga. ã ñũna tinare piti tiena tjiga ti buoro wahahto sehe. ¹⁵ ã piti ti duhupanahta tinare ñũ tuhtiena

tjiga. Tina musa coyera, Jesu yaina tjira. Tĩ ã jichũ ti yuhdurucarire yahuga tinare tĩre ti yoerahto sehe.

Paulo tinare noa duti batoaha

¹⁶ Mari puhtoro Jesu marine noano jichũ yoariro mehne dachoripe noano jirucuga musa. ã jicũ “Mari puhtoro musa jipihtina mehne jirucujaro”, nicũ musare noa dutija.

¹⁷ Yũhũ Paulo, yũ wamomaca mehnetã mipũre yũ basita joa batoai nija: ã joacũ musare noa dutija. Jipihtia yũ joarocaa pũrine õ sehe dihta yũ wamomaca mehne joa batoaja yũhũ. Yũ õ sehe dihta yũ joa batoachũ ñũna yũ joarocari pũ to jichũ masinahca musa. ¹⁸ Mari puhtoro Jesucristo to cahĩa mehne noano yoajaro musare jipihtinare.

1 Timoteo

Paulo Timoteore joarocaha

¹⁻² Yuh Paulo ahrire mähure Timoteore joarocaja. Cohamacu marine pichacapu wahaborinare yuhdoriro jira. Jesucristo yare buhe dutiro to cūriro jija yuh. To Pucuro, to Macano Jesu mehne ti dutiriro seheta ti cūriro jija yuh. Jesuta marine yuhdora. Ā jina marine to yuhdohtore masina, tíre cohtaja mari. Mähure Timoteore Jesu yare buhei. Yu ā ni buhechu tuhocu Jesure wacū tua ducare mäh. Ā jicu mäh potocāta yu macu yoaro sehe jicuta nina. Cohamacu mari Pucu mehne, mari puhtoro Jesucristo mehne mähure noa dutija. Ā yoa mähure cahā, pja űa ti yoadohoa mehne noano jiga mäh.

Paulo mahñoa buheare buhe dutieraha

³ Sohō jiri pjare Macedonia yahrapu wahacu mähure Efesoi cū yuhdu wahcāi. Tóí cāina ti ya buheare mahñoa buheare buheina jire. Tí buheare mu buhe dutierahtiro cjihtore cūi yuh mähure. ⁴ Tina ti mū sūro ā buhemacanocahna. Ā yoa ti coyea panopu macaina cjiri ti mū sūro ti buherire ā buherucura. Tí buhea mehne paina mehne cahma sayorucura. Cohamacu marine to dutirire noano yoachu yoerara tina ā buhea. Cohamacu ya sehene yoana tirore wacū tuaja. Ā jicu ti mū sūro ti buherire buhe dutierahtiro cjihtore cūi mähure.

⁵ Ā cūi mähure Jesu yaina painare ti cahīhti cjihtire. űaa buhiri mariea mehne, noaa wacūa mehne, potocā Cohamacure wacū tuaa mehne painare ti cahīhti cjihtire ā cūi mähure. ⁶ Cāina ahri noaa buheare cohā tuhsu paye buhea sehene cahmana tjoa. Ā ti cahmachu, tí buhea sehene ti cahma sayochu tó wahaerara. Tí buheare ti cahma sayoa yaba cjihti jierara. ⁷ Tina Cohamacu

dutiare buheina ji duamana. Ā buhe duapahta tí buheare tina ti basi noano masierara. Tí buheare masiina yoaro sehe buhepahta tí buheare ne masierara tina.

⁸ Cohamacu dutiare Moise cjiro marine to cūri cjirore quihōno mari buhechu noaa dutia jira. Tíre mari noano masija. ⁹⁻¹⁰ Tí dutiare buhena ahrire masino cahmana: Tí dutia noaare yoainare ti buhehti cjihti jierara. Ahrina sehene ti buhehti cjihti jira. Puhtoare cohā duainare, dutiare yuhdurucainare, űaa dihtare yoainare, űano buhiri tinare, Cohamacure űo payoerainare, Cohamacu yare cahmaerainare, ti pucsumare wajāinare, ti pocosānumia cūhure wajāinare, paina masare wajāinare, numia mehne űano yoainare, mūa mehne űano yoaa numiare, cahma numia mehne ti űano yoariro seheta mūa sahsero o numia sahsero jipahta ti pjacuri mehne űano yoainare, masa pohnare paina cūhure duhti yacainare, mahñoinare, painare mahñoa mehne yahusāinare Cohamacu dutia Moise cjiro marine to cūri cjiri sehe tinare buhehti cjihti jira. Ā yoa paina jipihtinare noaa buheare yuhdurucainare buhehti cjihti jira Cohamacu to dutia. ¹¹ Tí buhea noaa buhea sehe noariro Cohamacu to ya buheata jira. Tí buhea sehene yuhure Cohamacu buhe dutire.

Cohamacu Paulore to pja űare yahuha tiro

¹² Ā yu buhechu Jesucristo mari puhtoro yuhure tuaare waro yuhure yoadohora. “Paulo noano buherohca yu yare”, ni tuhature Jesu yuhure. Ā jiro yuhure besero tirore yoadohotiro cjihtore cūre yuhure. To ā yoachu “Noana”, nija yuh tirore. ¹³ Tó panopure Cristore yu űano durucupachuta, to yainare űano yu yoapachuta, tiro yuhure beseri jire. Tirore masierasinicu tirore űano yoacu “űano yoai nica yuh”, ni tuhotueracuru. Yu ā masierasinicu űano tiro pja űare yuhure. ¹⁴ Ā

pja ñano, Cohamacu mari puhtoro yuhare tuaro cahño, noano yoare yuhare. Ñ yoa Cristo Jesure wacũ tuachu yoare yuhare tiro. Ñ yoaro painare cahñchu yoare yuhare Cohamacu.

¹⁵ Yuhu sehe paina yuhdoro ñaa yuhduariro jimai. Ñaina mari jipachuta Jesucristo ahri yahpapu tari jire ñainare pichacapu wahaborinare yuhdohtiro cjihto. Tí potocã tjira. To ã jiro jichu jipihtina tíre masijaro. ¹⁶ Ñaa yuhduariro yu jipachuta tiro yuhare pja ñure. Ñ pja ñano Jesucristo suaro marieno yuhare to noano yoarire masichu yoaro nire painare baharo tirore wacũ tuahtinare masichu yoaro taro. Ñ wacũ tuahtina manopu ã jirucuahca. ¹⁷ Cohamacu jipihtia dachoripe masa bui puhtoro jira. Tiro ne yariaerara. Mari mehne to jipachuta tirore ñeraja mari. Tiro dihta Cohamacu waro jira. “Potocãta noariro, tuariro jira tiro”, nijihna tirore. Jipihtia dachoripe tirore ño payojihna. Ñta yoajihna.

¹⁸ Timoteo, yu macu yoaro sehe jira mahu. Ñ jicu mipure ahrire mahare dutija: Mari coyea Jesu yaina Cohamacu yare yahu mahtaina baharo ma yoahrire ti ni mahtariro seheta mahare dutija. Cristo yare noano yahurucuga. Ñ yoa ñano yuhdupaihta tirore wacũ tua duhui tjiga mahu. Tuhsu, to yare quihõno buherinare poto yahuga duhuro marieno. ¹⁹ Jesure ã wacũ tuarucuga. Ñaa buhiri marieriro jiga. Noaa dihtare yoaga. Cãina tíre yoaeraa Jesu yare cohãna. Ñ cohãna tirore wacũ tua duhure. ²⁰ Ñta yoare Himeneo, Alejandro mehne. “Watño to cahmano seheta yoawahnojaru musare”, ni cũi tinare, ñano Cohamacu ti durucu namoerahto sehe.

2

Cohamacu sine payoare yahuha Paulo

¹ Mipure õ sehe ni dutija musare. Ahri wiho waro jierara: Jipihtina ya cjihtire Cohamacu sine payoga. Ñ sine payona “Noana. Wahcheja”, niga Cohamacu. ² Puhtoa, paina masa bui dutiina cãhu ti ya cjihti cãhure Cohamacu sine payoga, cahmacheno marieno Cohamacu ño payoina mari noano jihto cjihtore. Ñ sine payona mari Cohamacu cahmaare, quihõno yoaina noano ji masija. ³⁻⁴ Tó sehe paina ya cjihtire mari sine payochu noa nina. Tíre mari yoachu ñano Cohamacu marine yuhdohtiro sehe marine noano ñu jicoara. Jipihtina pichacapu wahaborinare to yuhdoina jichu cahmana Cohamacu. Ñ yoa noaa buheare ti masichu cahmana tiro. Ñ jiro paina ya cjihtire mari sine payochu wahchera tiro. ⁵ Cãirota jira Cohamacu. Ñ yoa Cohamacu mari ñu tuhtichu Cohamacu cãhu marine to ñu tuhtichu bosariro cãirota jira. Tiro masunota jiro, Jesucristota jira. ⁶ Wapamonore waparo seheta jipihtina ti ñaa yoari buhirire yariari jire tiro. Cohamacu to quihõri pjai tíre masare masichu yoari jire. ⁷ Tíre yahuhtiro cjihtore, Jesu to cũihtiro cjihtore tiro yuhare beseri jire. Judio masa jierainare Jesure wacũ tuaare, noaa buheare buhehtiro cjihtore beseri jire yuhare. Potocãta musare yahui nija yuhu. Mahñoeraja.

⁸ Cohamacu yare noano yoaina jipihtiro macaina sehe Cohamacu ti sinichu cahmaja. Ñ yoa tina suaro marieno, cahma sayoro marieno tiro mehne ti durucuchu cahmaja. ⁹ Ñ yoa, numia sehene carera numia yoaro seheta ti suhti tiina jichu cahmaja. Ñ jia soro bajua pjoari ti pjoarire yoaea tjijaro. Uru dari busaa darire perla yapari dari cãhure busaea tjijaro tí numia painare “Goa pjachu yoari”, nia. Ñ yoa wapa bujua suhtire sãaea tjijaro tina Jesu ya numia. Painare goa pjachu yoaa numia jiea tjijaro. ¹⁰ Ñ yoa tí numia noaa sehene yoajaro. Ñta yoaro

cahmana “Cohamacu ya numia jija”, nia numiare. ¹¹ Dihta marieno ño payoa mehne buheare tuhojaro ti numia. ¹²⁻¹⁴ Ñ jia numia mure buhea tjijaro. Ñ yoa mure dutiea tjijaro. Ti numia sehe dihta mariea numia jijaro. Adãore Cohamacu bajuamehne murtari jire. To baharo Evare bajuamehneri jire. Ñ yoa watino to mahnoch tuhoriro Adão jierari jire. To mahnoch tuhoricoro sehe Eva jiri jire. Ñ to mahnoch tuhoro, Cohamacu yuhdũcaricoro wahari jire ticoro. Ñ jia numia sehe mure dutiea tjijaro. ¹⁵ Numino ji murtaricoro to yuhdũcapachuta numia ti pohna tichu ñano tinare Cohamacu yoadohorohca. Ti numia pohna tia numia sehe Cohamacu ti wacũ tuarucuchu tiro yoadohorohca tinare. Ñ yoa masare, Cohamacu cãhure ti cahũrucuchu, noaa numia ti jirucuchu, quihõno yoaa numia ti jichu Cohamacu tinare yoadohorohca.

3

Jesu yaina puhto ti yohtire yahuha Paulo

¹ Masa Jesu yaina puhto ji duaa, noaare yoa duaa nica tina. Ti potocãta jira. ² Jesu yaina puhtoare besecu õ sehe jinare besega: Buhiri marieinare besega “Paina tinare ñano ni yahusãri”, nicu. Ñ yoa cãa numiata namo tiinare, noano tuho masiinare, quihõno yoainare, paina ti ño payoina, masare wahchea mehne ti wuhure sãa ta dutiinare, painare noano buhe mihniinare besega mũhũ. ³ Ñ besecu cahaerainare, cahmacherainare, masare noano yoainare, cahma sayoerainare, niñerure cahĩerainare besega mũhũ. ⁴ Ñ yoa mũ beseina ti ya wuhũ macainare noano yahuina, ti pohpare noano ño payoa mehne yũhtichu yoaina, noano yahuina jijaro. ⁵ Tinare yũhtichu yoa masieraa, noano yahu masieraa, Jesu yaina cãhure noano yahu, yũhtichu yoa

masieraboca tina. ⁶ Jesu yaina puhto ji duaina Jesu yaina wahma sãaina jia, tina puhto ji masierara. Wahma sãainare Jesu yaina puhto mura cũchu tina “Noa yuhdũaina jija”, ni tuhotuboca. Ti ã ni tuhotuchu Cohamacu tinare buhiri dahre dutirohca watinore to yoariro seheta. Watino cãhu ãta ni tuhotua timaha Cohamacu yuhdũrũca duaro. ⁷ Ñ yoa puhto ji duaina Jesu yaina jieraina ti ño payoina jiro cahmana tinare. Noano yoaina ti jichu ñua paina ño payoahca tinare. Ñ jia masa tinare ñano quiti dahresi. Ñ jiro watino tinare dojomehne masisi.

Jesu yainare yoadohoina ti yohtire yahuha Paulo

⁸ Ñ yoa Jesu yainare yoadohohtina sehere besecu õ sehe jinare besega: Tina masa ti ño payoinare, noano potocãta durucuinare, cahaerainare, niñerure cahĩerainare, mahõoa mehne wapata duaerainare, ⁹ Cohamacu to yahuri buhea to nino seheta yoainare, ñaa buhiri marieinare besega mũhũ. ¹⁰ Tinare mũ besehto pano Jesu yainare yoadohoina ji duainare ti yoarire ñuga mũhũ. Tinare mũ ã ñuri baharo tina sehe ñaa buhiri marieina, ñaare yoeraina jia, Jesu yainare yoadohoina sãajaro tina. ¹¹ Ñ yoa ti namosãnumia õ sehe ti jichu cahmaja mari. Masa ti ño payoa numia, masa noaa numia, ñano quiti dahrera numia, tuho masia numia, jipihtiare noaare yoarucua numia ti jichu cahmaja mari. ¹² Jesu yainare yoadohohtinare besecu cãa numiata namo tiinare, ti pohpare paina ti wuhũ macaina cãhure noano yũhtichu yoainare besega. ¹³ Ñ jia mũ beseina Jesu yainare ti yoadohochu paina tinare noano ñu ji coahca. Ñ jia tina yoadohoina sehe noaa buheare, Jesucristore ti wacũ tuaa cãhure cuiro marieno buheahca tina.

Cohamacu ya buheare yahuha Paulo

¹⁴⁻¹⁵ Mipure mũ caharu waha duai nimaja. Ñ waha duapaihta

mipure wahaerasinicu ahri pui yahu, mure joarocai nija. Jesu yaina cahmachuina watoi musa dohse yoahore mure yahu joarocai nija, “Michapucaca yu wahaerasiniboca”, nicu. Jesu yaina Cohamacu catiriro yaina jira. To yaina potocã jia buheare Cohamacu ya buheare cpara. ã cpara, tíre buherucura.

¹⁶ Ahri potocã tjira. Marine Cohamacu to buheri cjiri, panopu mari noano masierari cjiri noa yuhdu buhea jira. Ahri buhea õ sehe jira: Tiro Cristo mari pjacu seheta pjacu tiri masa bajuari jire.

Noariro, ñaa marieriro to jichu ñore Espiritu Santo sehe.

Anjoa cãhu tioro ñari jire.

ã yoa buhe duti to cãrina paye yahpari macainare to yare buhei sã.

ã jia ahri yahpai masa payu tioro wacũ tuare.

Baharo manopu Cohamacu naahre tioro.

Tí jira noa buhea.

4

Noa buheare cohãrina cjirire yahuha Paulo Timoteore

¹ Espiritu Santo ahrire noano yahura: Pihtiri dacho panocã cãina masa Jesu ya buheare cohãhca. ã cohã mahnoa buheare watia ya buhea sehere tuho nunahca tina. ² Tí buheare mahnorucuina yahuahca masare. Tina mahnorucuina sehe “Ñaa buhiri mariahna sãre”, ni tuhotuina jira. ã jia tina ti ñaa yoare ne tuhotuerara. ³ Õ sehe ni buheahca tina: “Namo tiena tjiga. Ahri chare chena tjiga”, ni buheahca tina. Tí ã chu dutierapachuta Cohamacu chare bajuamehnenno mari chuti cjihtire noare cãri jire tiro. Mari Cristore wacũ tuaina jichu noa buheare mari masiina jichu, mari ya cjihtire tí chare bajuamehnea tiri jire tiro. Tí chare cpara tioro “Noana”, mari nichu cahmana tiro. ⁴ Jipihcia Cohamacu to bajuamehneri cjiri noa jira. ã jina to bajuamehneri

chare nana, Cohamacure “Noana” nina, tíre marine cohãeraro cahmana. Tíre marine chu ji coaro cahmana. ã jicu paina ti chu dutierachu tuhocu tjiga tinare. ⁵ To bajuamehnea noa ti jichu yahu tuhsua tiri jire Cohamacu. ã jia tioro “Noana”, mari ni wahcheri baharo tí chã to yoari chã noa waro jia nina.

Jesucristore dahra cohtarirore noarirore yahuha Paulo Timoteore

⁶ Ahri yu yahurire Jesu yainare mari coyeare buhecuh Jesucristore dahra cohtariro noariro jira mure. ã buhecuh noa buheare, quihno mu tuhori cjirire mure ti yahuriro seheta noano mu masirire yahuriro jiihca mure. ⁷ ã jicu ti mu saro ti buherire, Cohamacu ya jieraare tuhoi tjiga. Cohamacu cahmaa sehere yoaporiro jiga mure. ⁸ Mu marocapochu noa curera. Mu marocaporiro yuhdoro Cohamacu cahmaare mu yoapochu noa yuhduara mure. Cohamacu cahmaare yoapocu mipure noano jiihca mure. Mu yariari baharopu cãhure masa mujacu noano jiihca mure. ⁹ Tí potocãta jira. Jipihcina tíre yu nirire masiinare “Potocãta jira”, nino cahmana tinare. ¹⁰ Jipihcina tíre ti nihti cjihtire Cohamacu cahmaare ti yoahci cjihtire mari tuaro dahraja. ã jina ñano yuhduja mari, paina marine ñano ti yoachu. Cohamacu catiriro, jipihcinare pichacapu wahaborinare yuhdoriro jira. Tioro wacũ tuaina pinihtare tiro yuhdorohca. ã jina to yuhdohto cjihtore masina, cohtaja mari.

¹¹ Ahri jipihcia yu nirire dutiga Jesu yainare. ã yoa tíre buhega mure. ¹² Wahmano mu jichu ñã paina Jesu yaina mure yuhduca duaboca. Tí ã yoerahto sehe õ sehe yoa ñoga tinare. Masare cahga. ã yoa Jesure wacũ tuarucu, buhiri marieriro jiga. Wahmano jipihcia mu ã yoachu ñã mure yuhducasi tina. ã jia mu durucurire tuho,

m̄u yoarire ñ̄u m̄uh̄ure ñ̄u c̄ūahca. ¹³ Ǣ jic̄u m̄u cahap̄u ȳu s̄uhto pano Jesu yainare Cohamac̄u yare ti joari p̄ũre buhe tuhs̄u, m̄usa cahmachupe tahari tinare Ǣ yahurucuga. ¹⁴ Jesu yaina mehne macaina p̄uhto Cohamac̄u yare yahu tuhs̄u m̄u bui ti wamomacarine duhu payore. Ti Ǣ duhu payoch̄u Cohamac̄u ya c̄jhtire m̄u yoa masihto sehe c̄ũre m̄uh̄ure Cohamac̄u. To Ǣ c̄ũrire boec̄u tjiga. Ǣ yoa tíre Ǣ yoarucuga.

¹⁵ Ahri dutiare tuaro cahmaga. Ǣ cahmac̄u ahri dutiare Ǣ yoarucuga m̄uh̄u. M̄u Ǣ yuari baharo noaare m̄u yoa namoch̄u jipih̄tina ñ̄uh̄ca. ¹⁶ M̄uh̄u sehe noano yoaga, “Soro yuari”, nic̄u. Ǣ yoa noano buhega m̄uh̄u, “Soro buheri”, nic̄u. Ǣ jic̄u m̄u basita pichac̄ap̄u wahaboriro ȳh̄doriro jiihca. Ǣ jia m̄uh̄ure t̄horina c̄ũh̄u pichac̄ap̄u wahaborina ȳh̄d̄urina jiahca.

5

“Paina Jesu yainare ð sehe yoaga m̄uh̄u”, niha Paulo Timoteore

¹ Ne b̄uc̄urore tuhtiec̄u tjiga. M̄u p̄uc̄ure m̄u noano yoiriro seheta b̄uc̄uro c̄ũh̄ure noano mehne yahuga. Ǣ yoa m̄u bahanare m̄u noano yoiriro seheta wahma yapia c̄ũh̄ure noano ñ̄o payoro mehne tinare yahuga. ² Ǣ yoc̄u m̄u pocore m̄u noano yoiriro seheta b̄uc̄u numia c̄ũh̄ure noano ñ̄o payoa mehne yahuga. M̄u bahana numiare m̄u noano ñ̄o payoriro seheta nuhmia c̄ũh̄ure ñ̄ano goa p̄jaro marieno, noano ñ̄o payoa mehne yahuga tina numiare.

³ Ǣ jic̄u wapewahyaa numiare potoc̄ãta p̄jac̄uoa numiare ñ̄o payoa mehne yoadohoga tí numiare. ⁴ Wapewahyoro pohna tiricoro to jich̄u, o panamana tiricoro to jich̄u c̄ũh̄ure tina sehe ticorore yoadohojaro. Ǣ yoadohoa Cohamac̄u masare ti coyeare to yoa dutirire yoaa nina tina. Ǣ yoaa tina ticorore

ti wapamonore wapaa nica ticoro to b̄uc̄uri wapa. Ti Ǣ yoach̄u ñ̄ũno Cohamac̄u noano wahchera. ⁵ P̄jac̄uricoro, wapewahyoro coyea marienicoro jiro, Cohamac̄u ticorore to yoadohohto c̄jhtore cohtara ticoro. Ǣ jiro ñ̄aminipe, dachoripe ticoro Cohamac̄u mehne Ǣ durucurucura. ⁶ Pacoro sehe wapewahyoro Ǣ yoamacanocaricoro carericoro jiro, ticoro catiricoro jiparota pichac̄ap̄u butihticoro ji tuhs̄ura. ⁷ Ahri jipih̄tia ȳu yahurire Jesu yaina c̄ũh̄ure yoa dutiga m̄uh̄u, noaa dihtare ti yoah̄ti c̄jhtire. Ti Ǣ yoach̄u ñ̄u paina tinare “Ñ̄ano yoaa nina”, ni masierara. ⁸ C̄ũiro to coyeare ñ̄u wihboeraro, to pohna, ti pocoro c̄ũh̄ure noano ñ̄u wihboeraro “Jesu yairo jija”, ni masierara. Ǣ jiro Jesure cahmaeraina ȳh̄doro ñ̄a ȳh̄d̄uraro jira tiro.

⁹ Wapewahyaa numiare yoadohonahca m̄usa. Õ sehe besega m̄usa yoadohohti numiare. Ti wamare joa ðhti p̄ũi joai tai ð sehe besega tí numiare: Sesenta c̄uh̄mari s̄ueraricorore to wamare joa ði tjiga. Tuhs̄u, tó pano p̄uaro c̄jrore man̄u tiricoro wape wahyoro to wamare joa ði tjiga. C̄ũirota man̄u tiricoro wapewahyoro wamare joa ðga. ¹⁰ Tí numiare, “Noaare yoaa numia jira”, masa ti nia numiare, ti poh̄nare noano b̄uc̄uoa numiare besega. Ǣ yoa tuhs̄u, ti w̄h̄usei painare noano s̄ãa ta dutia numiare, dahra cohtaina yoaro sehe Jesu yainare yoadohoa numiare, ñ̄ano ȳh̄d̄uinare yoadohoa numiare, noaa dihtare yoaa numiare besega. Tí numiare m̄usa yoadohohti numiare bese tuhs̄uc̄u, ti wamare joa ðga m̄uh̄u.

¹¹ Wiho mejeta wapewahya numia nuhmia curero ti jich̄u tí numia sehere besei tjiga. Ǣ jic̄u tí p̄ũi ti wamare joa ði tjiga. Baharo tina m̄uare goa p̄ja, Cristore cohã, pari turi man̄u tiboca. ¹² Tina Cristore “Pari turi man̄u tisi sã. M̄u yainare yoadohonahca”, niri numia jipahta ba-

haropure ti niriro seheta yoaeraboca tí numia. Ti ã yoaerari buhiri buhiri tiahca. ¹³ Tí numia õ sehe yoaa numia jira: Dahraera numia jipora. ã jia paina ya wuhusepewaharucu, ñaa quiti dahre, tí numiare mari sinituerapachuta ti m̄ s̄ro mari jia tiare ã yahurucura. Tuhs̄, ti yahu dutierari cjirire yahura tí numia. ¹⁴ ã jic̄ ti õ sehe yoach̄ cahmaja yuh̄: Wapewahya numia nuhmia curero jia numia man̄ tijaro. ã man̄ tia, pohna tijaro. Ti ya wuh̄ macainare noano ñ̄ wihbojaro. Mari ya numia wapewahyaa numia ti ã yoach̄ marine ñ̄ tuhtiina marine “Ñaaare yoaa nina”, ni tuhti masierara. ¹⁵ Mip̄ pinihtare cãa numia wapewahya numia Cristo yare duhu, wat̄no cahmaa sehere yoa tuhs̄ra. ã jic̄ ã ni yahuja m̄h̄re.

¹⁶ Jesu yaina ti coyeacoro wapewahyoro to jich̄ tina to coyeta ticorore yoadohojaro. Paina Jesu yaina sehe ticorore yoadohoea tji-jaro. ã jia tina paina Jesu yaina ticorore coyeta cj̄aricorore yoadohoeeraa, paye numia wapewahya numia coyeta mariea numia sehere yoadoho masina.

¹⁷ Jesu yaina p̄h̄toa m̄sare ti noano buhech̄ ti dahraare ti noano yoach̄ ñ̄na ji coaro mehne ñ̄ga tinare. ã yoa noano wapaga tinare. Cãina tina mehne macaina Cohamac̄ yare yahuina, m̄sare buheina c̄h̄ jira. Tina pinihtare paina ȳhdoro ji coaro mehne ñ̄ga. ¹⁸ Cohamac̄ yare ti joari p̄i õ sehe nina, dahrarire to wapahtore yahuro: “Wach̄ trigo yaparire to dahpori mehne suhti werirore to ch̄ duach̄ to d̄serore d̄cataena tjiga”, ni joaa tiri jire. ã yoa pa p̄i õ sehe nina: “Dahrarire to dahrari wapare waro cahmana”, nina Cohamac̄ yare ti joari p̄i. (To ã nich̄ t̄hona Jesu yaina p̄h̄toare ji coaro mehne ñ̄, noano wapaga tinare.)

¹⁹ Jesu yaina p̄h̄torore to ñ̄ano yoach̄ ñ̄no c̄irota paina Jesu yaina cahmachuinare yahusã masierara.

P̄h̄toro to ñ̄aaare yahusãhtina tiaro jia, tirore yahusã masina. Tiaro mari-ach̄ p̄aro yahusã masina. ²⁰ ã yoa ñ̄aaare yoarucurire jipihtina m̄sa watoi to jich̄ tirore tuhtiga, cuia, paina ñ̄aaare ti yoaerahto cjihtore. ²¹ ã jic̄ Cohamac̄, Jesucristo, to bese-rina anjoa c̄h̄ ti ñ̄rocaroi ahrire dutija m̄h̄re: Mip̄ m̄h̄re ȳ dutiri cjirire yoa pah̄noga. ã yoariro jic̄ jipihtinare Jesu yainare cãno potori yoaga. Pairore soro, pairore soro yoai tjiga. ²² Painare Cohamac̄ dahraare m̄ c̄hti cjihtire ti bui m̄ wamomacarine m̄ duhu payohto pano soaro marieno noano t̄hotu pah̄no, tinare besega. Tina ñ̄aina jiboca. ã j̄inare Cohamac̄ dahraare c̄i tjiga. ã c̄c̄ m̄h̄ c̄h̄ m̄ beseina ti ñ̄aaare yoaro seheta yoai nica. Tó sehe yoai tjiga. ã yoa ñ̄aa mari-eriro jiga m̄h̄.

²³ S̄roca p̄jaro cariro jira m̄h̄. Mip̄re co dihtare sihnimana m̄h̄. ã jic̄ mahanocã vino c̄h̄re sihniga m̄h̄. Co jira tí.

²⁴ Cãina ti ñ̄aaare yoach̄ mari ñ̄ja. ã jina Cohamac̄ tinare to buhiri dahrehtore masija mari. Paina sehere ti ñ̄aa yoarire mari masieraja. Ti ñ̄aa yoarire baharo masinahca. ²⁵ Tó seheta cãina noaare ti yoach̄ tíre mari masija. Paye ti noaa ti yoaer-are mari masierapanahca baharo masinahca mari. Tíre n̄ohto basierara.

6

¹ Dahra cohtaina Jesu yaina sehe ti p̄h̄toare noano ñ̄o payojaro. Ti ã ñ̄o payoch̄ ñ̄na paina Cohamac̄re, mari buhea c̄h̄re ne ni dojomehne masierara. ² Ti p̄h̄toa Jesu yaina ti jich̄ ñ̄na tinare dahra cohtaina sehe Jesu yaina jia, tinare ñ̄poa ñ̄o payoeraboca. ã yoarero cahmana. Ti p̄h̄toa Jesu yaina ti jich̄ pinihtare tinare dahra cohtaina noano ñ̄o payojaro tinare. ã ñ̄o payoa dahra cohtaina sehe Jesu yainare, ti cah̄inare ti coyeare yoadohoa nina.

Ti p̄htoare Jesu yainare dahra cohtaina jia, Jesure cahmaerainare ti ño payoriro ȳhgoro Jesu yaina sehere ño payojaro p̄htoa ti cahĩna ti jich̄. Ahri ȳ yahurire buhega. Ā jic̄ ahrire dutiga.

Cohamac̄re ño payoa c̄h̄re noano jia c̄h̄re yahuha Paulo

³ Soro jia buheare buheriro mari p̄htoro Jesucristo ya buheare noaa buheare “Potocã tjira”, ni t̄ho duaerara. Ā t̄ho duaeraro, mari ya buheare Cohamac̄re ño payoa buheare cahmaerara. ⁴ Ā jiro tiro “Masi pahñoriro jija”, niparota tíre ne masierara. Ā masieraro, t̄ho masierariro yoaro seheta tuaro cahma sayo duara tiro. Ā yoa Cohamac̄re yare ã nimacanoca sayorucuriro tjira. Masa tiro yoaro sehe jiina cahma sayoa, paina ti noano wahach̄ ñ̄ tuhtia, cahma ñ̄ duaeraa, noano mehne jierara. Tuhs̄, painare ñano quití dahre, masierapahta masare ñano ni t̄hotura tina. ⁵ Tina ñaa dihtare t̄hotuina, potocã jiare ne masieraina ã cahma sayorucuina jira. Ā yoa “Cohamac̄re yare buhena niñerure wapatanahca mari”, ni t̄hotura tina. ⁶ Mari ya mahanocã mari c̄h̄aa mehne wahchena, Cohamac̄re ño payona, to cahmano seheta yoana, potocãta noano jina nija. ⁷ Ahri yahpap̄re masa bajuana ne paye barore na taerahi mari. Ā yoa mari yariari baharo wahana ne paye barore naa masieraja mari. ⁸ Ā jina mari ch̄are mari suhti c̄h̄re c̄h̄ana payere cahma namoena tjijihna. Mari c̄h̄aro purota wahchejihna mari. ⁹ Pache p̄a ji duainare wat̄no ñaare to yoa dutich̄ tina sehe jiape ñaare yoarucuina jiboca. Ā yoaa tina payu tahari t̄ho masieraina seheta paye barore tuaro cahmaa, ñaa yoare duhueraa, ti basita ñano ȳhd̄ara. Ā duhueraa pichacap̄ wahaahca tina. ¹⁰ Niñerure tuaro cahmaa, jiape ñaare yoa d̄cara masa. Cãina niñerure

cahã, tuaro cahmaa, Jesure wac̄ũ tua duhua, payu tahari ñano ȳhd̄ara tina.

Cohamac̄re yare yoana ñaare duhuga

¹¹ M̄h̄ pini Cohamac̄re yairota jira. Ā jic̄ ahri ñaare yoai tjiga. Noaa sehere cahmaga. Cohamac̄re yare yoaga. Ā yoac̄ Jesure wac̄ũ tuaga. Painare cahĩga. Ñano ȳhd̄paihta c̄no pjaga. Ā yoa painare noano dero yoaga. ¹² Surara cahmachero tuaro to yoariro seheta, m̄h̄ c̄h̄ Cohamac̄re wac̄ũ tuac̄ to yare tuaro yoaga. M̄anop̄ ã jirucuh̄tiro c̄j̄htore Cohamac̄re beseri jire m̄h̄re. Ā jic̄ Cohamac̄re m̄ wac̄ũ tuaare payu masare noano yahuhre m̄h̄. Ā jic̄ ñano ȳhd̄paihta tirore wac̄ũ tua duhui tjiga. M̄anop̄ ã jirucuh̄tiro jiga. ¹³ Cohamac̄re jipihtinare, jipihtiare jich̄ yoariro jira. Jesucristo sehe Poncio Pilatore Cohamac̄re yare noano yahuriro jira. Ā jic̄ tina Cohamac̄re, Jesucristo c̄h̄ ti ñ̄rocaroi ahrire m̄h̄re yoa dutiht̄ja: ¹⁴ M̄h̄re Cohamac̄re to dutirire yoa pahñonocahga. Jesucristo to tjua tahto pano masa m̄h̄re ñaare ti ne yahusãerahto c̄j̄htore to dutirireta yoarucuga. ¹⁵ To quih̄oirohta Cohamac̄re Cristore tjua tach̄ yoarohca. Cohamac̄re noariro, tiro dihta masare dutiriro jira. Ā jiro jipihtina paina p̄htoa ti bui p̄htoro jiriro jira tiro. ¹⁶ Tiro dihta ne yariaerariro jira. To si sitea mehne jiriro jira. To si sitea cahap̄ waha masierara masa. Ā yoa tirore masa ne ñ̄erare. Mip̄ c̄h̄re tirore ñ̄erara. Tiro sehere ño payojihna. Ā jina “Jipihtia dachoripe tuariro jira tiro”, nijihna tirore. Āta yoajihna.

¹⁷ Ahri yahpa macaina pache p̄are õ sehe ni dutiga m̄h̄: “Painare ȳhd̄arucaja”, ni ti basi t̄hotuea tjijaro tina. Ti pache ti c̄h̄aa pihtia wahaahca. Ā jia ti c̄h̄aa dihtare wahchea tjijaro. Cohamac̄re sehere tuaro wahchejaro. Jipihtia pototi

mari cahmaare wariro jira tiro. Tiro sehere wacũ tuajaro tina pache pua.

¹⁸ ã jia tina noaa sehere yoajaro pjíro noaare yoaina ti jihto sehe. ã yoa ti cjaare waina jijaro. ¹⁹ Ti ã yoachũ m̃anop̃m̃ Cohamacũ cahai ti ya jiaha. Ti ya tópm̃ jia, ne butisi. ã jia tópm̃ ã jirucuahca tina.

Paulo Timoteore duti batoaha

²⁰ Timoteo, m̃h̃ure Cohamacũ to cũrire to buhe dutirire noano yoanohb̃m̃. Voi ninohb̃m̃ m̃h̃m̃. Cãina masa Cohamacũre cahmaeraina yoaro seheta mah̃noare, t̃ho masieraina ya buheare durucurucura. ã durucua “Noano masiina ya buhea jira”, nimana tina. ã ti ni durucuaare t̃ho ññni tjiga. ²¹ Cãina tí durucuaare t̃ho ññina Cristo yare coh̃nocare. Cohamacũ to cah̃a mehne m̃sare noano yoajaro.

2 Timoteo

Paulo Timoteore pari turi joaroc-aha

¹ Yuhũ Paulo, ahrire mũhũre Timoteore joarocaja tjoa. “Jipihtina Jesucristore wacũ tuaina mũanopũ ã jirucuahca” ni, cũre marine Cohamacũ marine yũhdũchũ yoariro. To ã ni cũrire yahuhtiro cjihtore yũhũre bese cũre Jesu. ã cũno Cohamacũ to cahmano seheta yoaro nire yũhũre. ² Mũhũ Timoteo yũ cahĩro jira. Mũhũre Jesu yare yũ buhechũ tũhocũ tĩrore noano wacũ tua dũcare mũhũ. ã jicũ yũ macũ yoaro sehe jira mũhũ. ã jicũ Cohamacũ mari Pũcũ, mari pũhtoro Jesucristo mehne mũhũre noa dutija. ã yoa mũhũre pja ñũa, cahĩa tina ti yoadohoa mehne noano jiga mũhũ.

Masare Cristo yare ti yahurire yahuha Paulo

³ Ñamipũ dachopũ cũhũre Cohamacũ mehne durucucũ mũ ya cjihtire sini payocũ mũhũ mehne wahcheja. ã wahchecũ Cohamacũre “Noana”, nija yũhũ. Panopũ macaina yũ coyea Cohamacũ yare ti yoariro seheta yũhũ cũhũ “Buhiri tija”, ni tũhoturo marieno mipũre to yare yoaja. ⁴ Sohõ jiri pjare yũ wahachũ mũ tii nũnũ tirire wacũcũ mũhũre tuaro ñũ duaja mũhũ mehne noano wahche duacũ. ⁵ ã jicũ Jesure potocãta mũ wacũ tuarire wacũja yũhũ. Mũ ñũchocoro Loida, mũ poco Eunice cũhũ Jesure wacũ tua mũhtare mũ pano. ã yoa mipũre mũhũ cũhũ tĩrore mũ wacũ tuachũ noano masija yũhũ.

⁶ ã jicũ ahrire mũhũre wacũchũ yoa duaja. Mũ bui yũ wamomacarine yũ duhu payochũ Cohamacũ yare mũ yoahĩ cjihtire tuaare ware mũhũre. Tĩ tuaa mehne yoa namoga mũhũ. ⁷ Cohamacũ marine Espĩritu Santore wari jire. ã jiro masare marine cuierachũ yoara Espĩritu Santo. ã

yoaro tuaina, masare cahĩina, tũho masiina marine jichũ yoara tiro. ⁸ ã jicũ mari pũhtoro ya cjihtire painare yahucũ, bũo tiecũ tjiga mũhũ. Yũhũ to yare yũ yoari buhiri peresui jiro jija. Peresui yũ jichũ yũhũre bũo tisãai tjiga mũhũ. Wiho mejeta noaa buheare mũ buheri buhiri ñano yũhdũcũ “Noanohca”, niga mũhũ cũhũ. Mũ ã ñano yũhdũchũ Cohamacũ mũhũre yoadohorohca. ⁹ Cohamacũ sehe marine pichacapũ wahaborinare yũhdũchũ yoare. ã yoa noaina to yaina jĩhtina cjihtire tiro besea tiri jire marine. Mari noano yoari mehne besera tiri jire marine Cohamacũ. To mũ sũro to cahmariro seheta yoaro ahri yahpare to bajuamehnehto pano marine cahĩno, tiro marine besea tiri jire. Marine ã cahĩno marine yũhdũchũ yoahĩrore Jesucristore warocari jire Cohamacũ. ¹⁰ Mipũre Jesucristore marine yũhdũchũ yoahĩrore warocaro, marine potocãta to cahĩare noano masichũ yoaro niri jire Cohamacũ. Jesu marine to yainare pichacapũ wahaerachũ yoare. ã yoaro “Yũhũre wacũ tuana Cohamacũ mehne ã jirucunahca” nino, buhriaro marine to ñũ masichũ yoaro seheta noaa buheare marine masichũ yoaro tari jire tiro.

¹¹ Tĩ buhea noaa buheare yahuhtiro cjihtore to cũhtiro cjihtore besea tiri jire yũhũre. ¹² ã to beseriro jicũ mipũre ñano yũhdũja yũhũ. Õ sehe ñano yũhdũpacũta yũhũ bũo tieraja. Yũ wacũ tuarirore Jesure masija yũhũ. Tuariro jira tiro. ã jiro yũhũre to yare buhe duti cũno noano yoadohorohca yũhũre. ã yoa ahri yahpapũ to tjua tahto pano, “Mũhũre yũhdũchũ yoahĩtja”, to niriro seheta sohtori tiarohca yũhũre. Yũhũre yũhdũchũ yoarohca tiro. Tĩre noano masija.

¹³ Mũhũre noano yũ yahurire yoa pahũoga. Cristo Jesu yaina jina tĩrore noano wacũ tuaja mari. ã yoa painare noano cahĩja. ã jicũ tĩrore

ã wacũ tuarucuga mũhũ. Tuhsũ, painare noano cahĩrucuga. ¹⁴ Espĩritu Santo mari mehne jiriro to yoadohoro mehne noaa buheare noano yoaga. Quihõno buhega. Soro ni buhecũ tjiga.

¹⁵ Jipihtina Asia yahpa macaina Jesu yaina yũhũre yoadoho duaeraa cohã wahcãa wahare. Tina mehne macaina pũaro Figelo, Hermógenes ãta yoare tina cãhũ. Ti ã cohã wahcãire masi tuhsũra mũhũ. ¹⁶⁻¹⁷ Ti ã cohãpachũta Onesĩforo sehe payũ tahari yũhũre yoadohoro noano yajeri sãachũ yoare. ã yoaro peresui yũ jichũ tiro yũhũre bũo tisãaerare. ã jiro Romai yũ jichũ ã macarucuri jire yũhũre. ã macarucuro yũhũre bocare. ã jiro tirore, jipihtina to ya wũhũ macaina cãhũre pja ñũnohca Jesu mari pũhtoro. To ã yoahito sehe tirore sini payoja. ¹⁸ ã yoa ahri yahpapũ Jesu mari pũhtoro to tjua tahti dachoi tirore pja ñũnohca. To ã yoahito sehe tirore sini payoja. Efesoĩ payũ tahari yũhũre to yoadohorire noano masina mũhũ.

2

Ñano yũhdũparota Jesu yairore cãno pjarõ cahmana

¹ Mũhũ sehe yũ macũ yoaro sehe jiriro, Jesucristo marine noano yoariro to yoadohoro mehne tirore wacũ tuarucuga. ² ã yoacũ payũ masare yũ buherire mũ tahorire paina cãhũre buhega mũhũ. Tina mũ buheina Cohamacũ yare yoarucuina jijaro. ã jia painare buhe turiaina jijaro.

³ Surara ñano yũhdũparota to cãno pjariro seheta mũhũ cãhũ Jesu yairo jicũ ñano yũhdũcũ cãno pjaga mũhũ.

⁴ Surara to pũhtoro dutia sehere yoara tirore wahchechũ yoaro taro. ã yoaro tiro surara jieraina yoaro sehe wiho jiare yoerara tiro. (Mũhũ cãhũ tó seheta Cohamacũ dutia dihtare yoaga.) ⁵ Mũrocaperiro mũroca dutina ti dutiare quihõno yoeraro to mũroca yũhdũri wapare

na masierara. (ã jicũ mũrocaperiro ti dutiare quihõno to yoariro seheta Cohamacũ dutiare quihõno yoa pahõnga mũhũ.) ⁶ ã yoa wese dahrariro wapũ tiro mehne noano dahrariro sehe tí wese maca dichare noano na mũhta, noano wapatarã. (ã jicũ mũhũ cãhũ tiro yoaro sehe Cohamacũ yare mũ noano yoachũ tiro mũhũre noano yoarohca.) ⁷ Jipihtiare noano masichũ yoarohca Jesu mari pũhtoro mũhũre. ã jicũ mipũre mũhũre yũ nirire noano wacũ tahotuga.

⁸ ã jicũ Jesucristore wacũga. Tiro pũhtoro Davi cjiro panopũ macariro to panamino ji turiariro jia tiri jire. ã jiro yariaro masa mũjari jire tiro. Noaa buheare buhecũ to ã waharireta buhei nija. ⁹ To yare buhecũ ñano yũhdũja yũhũ. ã jicũ tíre yũ buheri buhiri ñaare yoariro yoaro sehe peresupũ jija yũhũ. Yũ ã jipachũta Cohamacũ ya durucuare buhe duhuchũ yoa masierara masa. ¹⁰ ã yoa Cohamacũ to beserinare buhecũ payũ tahari ñano yũhdũja yũhũ, tina cãhũ Jesucristo yaina ti jihti cjihtire. To yaina jia tina pichacapũ wahaborina sehe to yũhdũchũ yoahitina jiahca. ã jia tina Cohamacũ mehne ã jirucuahca.

¹¹ Ahri yũ yahuhti potocã tjira: Cristo crusapũ to yariariro seheta wahana, yariaina ti yoare ti duhuriro seheta mari ñaa yoarire mari duhuna, Cristo mari mehne macariro ã jirucurohca.

¹² ã yoa to yare mari yoari buhiri ñano yũhdũpanahta cãno pjana pũhtoro to sũho jiropũre tiro mehne pũhtoata jinahca mari cãhũ.

“Cristore sã masieraja”, mari nichũ, tiro cãhũ marine ãta ninohca.

¹³ Tirore mari yũhdũrucachũ ñũno to niriro seheta marine yoarohca.

To niriro seheta yoariro jira tiro. Ne mahõerara tiro.

Cohamacu to ñu ji coainare, to yare buheinare yahuha Paulo Timoteore

¹⁴ Ahrire mahu mehne macainare wacuchu yoaga. Ti mu suro durucu ti yuhdurucaa yaba cjihti jierara. Ña jia tinare tuhoinare ñano yoachu yoaa, tinare dojomehnena. Ña jicu mari puhtoro to ñurocaroi õ sehe ni yahuga tinare. “Ña ni durucuena tjiga musa”, niga tinare. ¹⁵ Mahu sehe Cohamacu yare noano buhega. Ña yoa Cohamacu yare tuaro yoaga. Mu ña yoachu ñano “Noano yoare mahu”, ninohca Cohamacu mahure. Ña jicu mu buherire to ñuchu buo tisi mahu. Ña jicu to buheare noano masiga mahu. Tíre quihõno buhega. ¹⁶ Ti mu suro durucu yuhdurucaina ñaare ña yoarucu, Cohamacu yare yoerara. Ña jicu ti ña ni durucua ña ñanocahga. Tinare tuhoi tjiga mahu. ¹⁷ Tina ti durucua sehe camino to ñano baa mujano yoaro sehe jira. Camino to ñano baa mujano seheta ti durucua cahu paina Jesu yainare ñaina wahachu yoahca. Ña durucuina mehne macaina Himeneo, Fileto cahu jira. ¹⁸ Tina “Jesu yaina masa mija tuhsure”, ni buhea, noaa buheare duhunocahre tina. Ña soro buhea caina Jesu yainare tirore wacu tua duhuchu yoahre tina. ¹⁹ Ti ña ñano buhepachata Cohamacu ya buhea sehe ne cohtotaerara. Õ sehe nina to buhea: “Mari puhtoro Jesu to yainare masina”, nina. Ña yoa õ cahure nina: “Jipihtina, ‘Jesu yaina jija’, niina ñaare duhunocajaro”, ni yahura Cohamacu ya buhea.

²⁰ Mari piti dahre buhechu masa pja wahwari yoaro sehe jira. Pjiri wahu uru, plata mehne ti yoaa wahwari jira. Tuhsu, ti wahu paye wahwari yucucu mehne, dihi mehne ti yoaa wahwari jira. Uru, plata mehne ti yoaa wahwari noaare ti posahti jira. Paye wahwari wiho jiare ti posahti jira. ²¹ Ña yoa ñaare yoerariro uru wahwa noari wahwa yoaro sehe jirohca. Ña jiro tiro sehe Jesu ya dihtare yoarucuriro jirohca. Wahu

puero noari wahwa mehne noaare to yoariro seheta, ñaare yoerariro Jesu ya cjihtire noaare yoarohca.

²² Wahmano jira mahu. Ña jicu wahma yapia ñaare goa pja ti yoariro seheta yoai tjiga mahu. Ña jicu noaare yoaga. Jesure wacu tuarucuga. Tuhsu, tirore, masa cahure cahiga. Ña yoa mahu mehne macaina Jesu yaina mehne jicu cahmачeno marieno noano jiga mahu. Tina Cohamacu yuhtiina tirore sinirucuina cahu ña yoajaro. ²³ Ña jicu tuhuro marieno ti durucu yuhdurucare mahu cahu tuho ñanui tjiga. Tuhsu, mahu cahu durucu yuhdurucaci tjiga. Ña durucu yuhdurucaa masa ti basi cahma suara. ²⁴ Cohamacu dabra cohtarirore durucu yuhdurucarero cahmana. Ña yoa jipihtinare noano yoariro, buhe mihniro, dóicãta suaerariro tirore jiro cahmana. ²⁵ Ña jiro paina tiro mehne ti durucu yuhdurucachu tiro tinare yahuro noano mehne suaro marieno yuhtiro cahmana tirore. To ña yuhtichu ña Cohamacu to yoadohoa mehne tina sehe ti ña yoare cahyaboca. Ña jia noaa buheare masi ducaboca. ²⁶ Tinare watino sehe peresu yoaro sehe jinare cuamare to cahmaare yoahina cjihtire. Ña jia quihõno ti tuhuro baharo noaa buheare masia, watinore cohãnocahca.

3

Pihtiri dacho cjihtore yahuha Paulo Timoteore

¹ Pihtiri dacho panocãre ñano yuhduhca masa. Tíre noano masiga mahu. ² Tí pjare masa painare wacu payoeraina, niherure cahma yuhdurucaina, “Painare yuhdurucaja”, ni ti basi tuhutuina, tíre painare ña ni yahurucuina, Cohamacu ñano durucuina, ti pucsumare yuhdurucaina, ti wapachata “Noana”, nieraina, Cohamacu ño payoeraina jahca. ³⁻⁴ Ña jia masare caheraina, paina mehne sua, tíre bo duaeraina, ñaa quititi

dahreina, ti m_u s_uro ñano yoarucua, masare ã c_jãrucua, noare ñ_u yabiina, tina mehne macainare ñano yoaina, t_uhotua marieina, “Masi pah_ñoia jija”, ni t_uhotuina jiahca masa. Tina ñaare ti goa pjaare yoa ji coaina jia Cohamac_u sehere cahmaeraina jiahca. ⁵ ã jia tina masa ti ñ_urocaroi Cohamac_ure ño payopahta “Cohamac_u wiho jiriho jira”, ni t_uhotumana tina. ã niinare piti tii tjiga m_uh_u.

⁶ Tina mehne macaina t_uho masieraa numia ya w_uh_usei sãa, tí numiare mah_ñoare buhera. Tí numia sehe ã ñaare yoarucua numia, tuaro ñaare yoa duara. ⁷ Tí numia wiho jia buheare ã buherucua numia jia, soro jia buheare t_uhoa numia jia, Cohamac_u ya buhea sehere ne masierara. ⁸ Panop_u Jane, Jambre yaya jirina Moise cjirore ti ñ_u tuhtiriho sehetu pihitiri dacho panocã jiina masa noaa buhea sehere ñ_u yabiahca. Tina ñaa dihtare t_uhotuina jiahca. ã jia Jesure wac_u tuaina waro jierara. ⁹ Tó sehe yoaina mah_ñoa bihosi. Baharo ti mah_ñoare t_uho masieraina ti jia c_uh_ure jipihtina masiahca. Jane, Jambre mehne ti mah_ñoare panop_u masa ti masiriho sehetu ãta masiahca pihitiri dacho panocã jiina ti mah_ñoare.

Paulo Timoteore duti batoaha

¹⁰ Y_u buheare, y_u yoaa tiare, y_u jia tiare, Jesure y_u wac_u tuaare masina m_uh_u. Y_u ã jiriho jich_u, suaro marieno yoariho y_u jich_u, masare cah_iriho y_u jich_u, ñano y_uhd_upaihta y_u cãno pjach_u masina m_uh_u. ¹¹ ã yoa y_uh_ure ti ñano yoaa, y_u ñano y_uhd_uare masina m_uh_u. Antioquíai, Iconioi, Listrai y_uh_ure ñabiario ti yoari c_uh_ure masina m_uh_u. Y_u ã wahach_u ñano mari p_uhtoro Jesu sehe y_uh_ure yoadohore. ¹² Jipihtina Jesucristo yaina ti ji duach_u Cohamac_u to dutiriho sehetu ti yoarucu duach_u paina tinare ñano yoaa. Tí potocã tjira. ¹³ Ñaina sehe mah_ño buheina c_uh_u ñabiaina wahaahca. Painare

mah_ñoa, ti basi c_uh_u mah_ñoare t_uhoa, ãta ñabiaina wahaahca.

¹⁴ M_uh_u sehe m_uh_ure y_u buherire, noano m_u t_uhorire ã wac_urucuga. ã jic_u y_u buheriro sehetu yoaga. M_uh_ure buherinare masina m_uh_u. ¹⁵ M_uh_u wih_uriho jic_up_uta Cohamac_u yare ti joari p_ure masi d_ucari jire. To yare ti joari p_ui ò sehe ni yahura m_uh_ure: “Jesucristore wac_u tuaina dihtare pichacap_u wahaborinare y_uhd_uch_u yoara Cohamac_u”, ni yahura m_uh_ure. ¹⁶ Cohamac_u yare ti joari p_ui jipihtiare Cohamac_u sehe joa dutia tiri jire. ã jina tí p_ure buhena mari masi namoja. Tí p_ure buhena Cohamac_u dutiare mari yoahitire masija. ã buhena mari ñaa yoarire “Ahri ñaa jica”, ni t_uhotuja mari. ã jiro tí p_u marine noaa sehere cohtota dutira. ã jiro dachoripe mari noare yoarucuhti cjihtire yahura tí p_u. ¹⁷ Cohamac_u yairo to ya p_ure buhero, masi pah_ñonohca. ã masino jipihtia noare yoa masinohca tiro.

4

¹ Jesucristo jipihtina bui p_uhtoro, tjua tahtiro, catinare, yariaina c_uh_ure buhiri dahre dutihtiro to ñ_urocaroi m_uh_ure ò sehe ni yahuihtja. Cohamac_u c_uh_u to ñ_urocaroi ò sehe ni yahuihtja m_uh_ure. ² Dachoripe masa ti t_uho duach_u ti t_uho duaerach_u c_uh_ure Cohamac_u yare yahuga. ã yahuc_u masa ti ñaa yoari buhirire masich_u yoaga tinare. ã yoa ti ñaa yoarire “Yoa namoena tjiga”, ni yahuga tinare. Noaa sehere yoa dutiga. ã buhec_u ne suaerariro, pumerariro jiga m_uh_u. ã jic_u ne painare buhe duhui tjiga. ³⁻⁴ Baharo, pa tehep_ure masa noaa buheare t_uho duasi. ã t_uho duaeraa ti cahmano sehetu yoaa, ti t_uho ji coaa dihtare buheinare cahmaahca tina. ã jia mah_ñoa buheare pay_u buheinare c_uh_uahca. Tina ã yoaa noaa buhea sehere cohã, ã ti buhemacanocarire t_uho n_un_uahca. ã jic_u noaa buheare buhe duhui tjiga m_uh_u. ⁵ M_uh_u c_uh_u

ã jicũ dachoripe tũho masiriro jiga. Ñano yũhdũpaihta cãno pjaga. Ñ yocũ noaa buheare ã buherucuga. Cohamacũ mũhũre to yoa dutirire yoa pahũnocahga mũhũ.

6 Yũhũ Cohamacũ yare yũ yoari buhiri yũ yariahto mahanocã dũhsara. Ñ jicũ mahaa dachoricã catisiniihca. Ñ jicũ mipũre mũhũre dutija. 7 Yũ yariahto panocã ahrire yahuihtja: Jesu noaa buheare yũhũre buhe dutiro to cũrire noano buhe sohtori tihi. To dutiare noano yoa pahũnocahi. Ñ jicũ ñano yũhdũpaihta tirore ne wacũ tua duhuerahi. 8 Mipũre Cohamacũ yare yũ yoari wapare mũanopũ wihboro nica. Ñ jiro mari pũhtoro buhiri dahre dutiro quihõno yahuriro to tjua tahti dachoi to yare yũ yoari wapare warohca yũhũre pũhtoro to pisari soro uru mehne ti yoari sorore yũhũre to waboriro seheta. Paina cũhũre to tjua tahtore cohtainare tirore cahĩinare to yare ti yoari wapare warohca Jesu.

Paulo yahu namoha Timoteore

9 Yũ cahapũ cjero ñũi taga mũhũ. 10 Dema ahri yahpa macaa jipihtiare tuaro cahmano yũhũre yoadoho du-aeraro yũhũre cohã wahcãa wahahre Tesalõnicapũ. Crescente cũhũ Galacia yahpapũ wahahre. Ñ yoa Tito Dalmaciapũ wahahre. 11 Luca dihta yũhũ mehne jira. Marco yũhũre noano yoadohohtiro jira Cristo yare yũ buhechũ. Ñ jicũ tirore na tahga mũhũ. 12 Ñ yoa Tíquicore Efesopũ warocahi. 13 Õpũ tacũ, yũ bui sãari suhtirore, Troai Carpo ya wũhũi yũ cũri suhtirore na tahga. Ñ yoa sohõ jia tjuri joaa tjuri cũhũre na tahga. Sohõ jia cahsari joaa cahsari pinihtare tuaro cahmaja yũhũ. Ñ jicũ tí cahsari cũhũre na tahga.

14 Alejandro comaare dahrariro yũhũre ñabiaro yoare. Ñ jiro to ã yoari buhiri Cohamacũ tirore buhiri dahrerohca. 15 Tiro Alejandro mari buheare tuaro ñũ yabire. Ñ jicũ tiro

mũhũre “Ñano yoari” nicũ, tirore ñũcũ noano wacũ masiga.

16 Masare beserirore peresu yoa dutirirore yũ yoarire, yũ buheri cũhũre tirore yũ coã yahuchũ ne cũiro baro Jesu yairo yũhũre yoadohoerare. Jipihtina yũhũre yoadohoeraa cohã wahcãa wahahre. Ti ã cohãpachũta yũhũre ti cohãri buhiri Cohamacũ buhiri dahrero tjijaro.

17 Yũ ã wahapachũta Cohamacũ yũhũre yoadohohre. Ñ jiro to buheare yũ noano yahuhti cjihtire to tuaare wahre yũhũre, jipihtina judio masa jieraina tí buheare ti tũhohti cjihtire. Ñ jiro yũhũre ñano ti yoa duapachũta yũhũre ti wajãborirore yũhdũchũ yoare mari pũhtoro suaina yayare yũhũre to yũhdũchũ yoboriro seheta. 18 Jipihtina yũhũre ñano yoainare yũhdũrcaro, yũhũre yoadohorohca mari pũhtoro. Ñ jiro mũanopũ pũhtoro to sũho jiropũ yũhũre ji dutiro yũhũre yũhdũchũ yoarohca tiro. Ñ jina “Tiro noa yũhdũariro, tua yũhdũariro jira”, nijihna mari jipihtia dachoripe. Ñta nijihna.

Paulo noa dutiha Timoteo cahai jinarẽ

19 Prisca, Aquila, Onesíforo ya wũhũ macaina cũhũ noajaro. 20 Erasto Corintoj tjuahre. Trófimo Miletoj dohtia wahahre. Ñ jicũ tirore tõi cũhi yũhũ. 21 Puhiro pano cjero taga mũhũ. Eubulo, Pudente, Lino, Claudia cũhũ, jipihtina paina Jesu yaina mehne mũhũre noa dutira.

22 Mari pũhtoro Jesucristo mũhũ mehne jirohca. Ñ jiro Cohamacũ to cahĩa mehne mũsare jipihtinare noano yoajaro.

Tito

Paulo Titore joarocaha

¹ Yuh Paulo Cohamacure dahra cohtariro, Jesucristo yare buhe dutiro to cūriro jija. Cohamacu to beserina Jesure ti wacū tuahti cjihtire noaa buheare ti masihti cjihtire Jesu buhe dutiro yuhure cūre. Tí buhea Cohamacu to dutiro seheta mari yoahdire yahura. ² Ā jicu jipihtia dachoripe Cohamacu yaina muanopu ti jirucuhto cūhure buheja tinare. Cohamacu ne mahñoa marieriro ahri yahpare to bajuamehnehto pano õ sehe ni cūa tiri jire marine: “Muanopu ā jirucunahca”, ni cūa tiri jire marine. ³ Ā jiro to quihõri pjai Cohamacu to ni cūrire yahu dutire masare. Tó seheta yuhure ni yahu dutire tiro. Marine pichacapu wahaborinare yuhdoriro jira tiro. ⁴ Mūhure Titore Jesu yare buhei. Yu ā buhechu tuhocu Jesure wacū tua ducare mūhu. Ā jicu mūhu potocāta yu macu yoaro sehe jicuta nina. Mūhure ahrire joarocai nija. Cohamacu mari Pucu mehne, Jesucristo marine yuhdoriro mehne mūhure noa dutija. Mūhure pja ña, cahā ti yoadohoa mehne noano jiga mūhu.

Creta wama tiri nūcoi Tito to yoahdire yahu quihõha Paulo

⁵ Creta wama tiri nūcoi mūhure yu cūchu Jesu yaina ti buhehto cjihto dūhsasinire tí pjare. Ā jicu tí yoahdire yahuhtiro cjihtore cūi yuh mūhure. Ā yoa macaripe macaina Jesu yaina puhto cjihtire bese duticu cūi mūhure. ⁶⁻⁸ Tina puhto Cohamacure dahra cohtaina jira. Ā jicu tinare besecu noinare besega soro yoerainare. Ā besecu, cāa numiata namo tiinare, “Painare yuhducāja”, ni tuhoturainare, suaerainare, cahaerainare, cahmacherainare, paina yare mahñoa mehne tuaro na duaerainare besega. Ā besecu ti wūhūse sāa sūinare noano ñu wihboinare, noaa

sehene noano ji coinare, tuho masiinare, noare yoarucuinare, ñaa marieinare, ñaare yoerainare, caparo marieno dahrainare besega. Ā yoa mu besehtina pohnare õ sehe jiina jiro cahmana: Jesure wacū tuaina, noano yoarucaina, jipihtinare noano yuhtiina jiro cahmana puhto pohnare. ⁹⁻¹⁰ Ā yoa noaa buheare quihõno mari buherucuriro seheta ne duhueraina jijaro puhto mu besehtina. Ā jia tina noaa buheare yahuina jahca paina tí buhea mehne ti wahchehto sehe. Ā yoa noaa buheare ñu yabiinare buhea, ti ya mahñoa ti jichu masichu yoahca tina. Ā jicu noano besega Jesu yaina bui puhto jihtinare.

Payu ti puhtoare yuhducaina, noano tuhutu durucueraina, mahñoina jira mipure. Ā yoaina judio masa pinihta ñabiaro yoaa nina. Ti ya buhea ti potocā jierachu tinare masichu yoaro cahmana. ¹¹ Tina judio masa sehe niñerure wapata duaa mahño buhera. Ā yoeraro cahmana tinare. Ā buhea cāa wūhūse macainare jipihtinare Cohamacu ya sehene cohāchu yoaa nica tinare. Ti ā yoachu tinare ā yoa dutieraro cahmana.

¹² Ti yare panopu yahuriro tina mehne macariro jiparota õ sehe ni yahuri jire: “Creta nūco macaina ā mahñorucuina jira. Tina nūcu macaina wahiquina yoaro sehe suaina jira. Ā yoa ā churucuina jia ne dahra duaeraa, capa bujūina jira”, niri jire tiro to ya nūco macainare.

¹³ To ā nia potocā tjira. Ti ā jichu ñucu tinare tuaro tuhtiga Jesu ya buhea sehene noano ti masihto cjihtore.

¹⁴ Ā jicu judio masa panopu macaina ti mu sūro ti nimacanocari cjirire, Jesu yare potocā jiare cahmaeraina ti dutia cūhure Creto macaina ti tuho nūnerahto cjihtore tuhtiga tinare.

¹⁵ Buhiri marieina noa dihtare tuhutura. Ñaare yoarucaina, Jesure wacū tuaeraina sehe ñaa dihtare tuhutura. Tina ti tuhutura sehe ñaa

yǎhdũara. ǎ jia noa sehere bese masierara.

¹⁶ Tina “Cohamacũre masija sã” ni pahta, ñaare yoara. ǎ yoaina ti jichũ ñũna Cohamacũre masieraina ti jichũ masija mari. ǎ jia tina ñaa yǎhdũaina, Cohamacũ yare yǎhdũacaina jira. Ne noaare yoa masierara.

2

Noa buheare quihõno yahu dutiha Paulo Titore

¹ Mũhũ sehe buhecũ noaa buhea ti nino sehetã noano buhega. ² Bũcũnare õ sehe ni yahuga: Cua pisaina, masa ti ño payoina, tũho masiina, Jesure noano wacũ tuaina, Jesure, masa cũhũre cahĩina, ñano yǎhdũpahta cãno pjaina jijaro tina.

³ Bũcũ numia cũhũre ãta ni yahuga: Cua pisaa numia, Cohamacũre ño payoa numia, ñaa quitĩ dahrera numia, cahaera numia jijaro tí numia cũhũ. ǎ jia numia jia, noaare buhejaro paye numiare. ⁴⁻⁵ Paye numiare õ sehe ni buhejaro bũcũ numia: Ti manũsumare, ti pohna cũhũre ti cahĩhtore, tũho masia numia, paina mũa mehne ñano yoaeraa numia, cã wũhũ macaina jiina noano ñũ wihboa numia, masa noaa numia, ti manũsumare noano yũhtia numia ti jihtore buhejaro tí numia Cohamacũ ya buheare paina ti dojomehnerahto sehe.

⁶ ǎ yoa wahma yapia cũhũre õ sehe ni yahuga: Tũho masiina jijaro tina.

⁷ Mũhũ sehe noaa dihtare yoarucuga mũhũre ti ñũ cũhto sehe. Buhecũ ne mahõono marieno buhega. ǎ buhecũ cua pisaro mehne buhega mũhũ. ⁸ ǎ buhecũ noano tũho masino mehne noano buhega ne paina “Ahiro ñano yoaro nina” ni, mũhũre ti yahusãerahto sehe. Mũ ã buhechũ ñũa marine ñũ tuhtiina jipahta marine wiho warota yahusã masierara. Marine wiho waro ã yahusãmacanoca bũoro wahaahca tina.

⁹ ǎ yoa dahra cohtainare õ sehe ni yahuga: Ti pũhtoare noano yũhtiina

jijaro. ǎ jia ti pũhtoare noano wahchechũ yoajaro. ǎ dihta yoajaro. ǎ jia ti pũhtoare purĩno yũhtiea tjijaro. ¹⁰ ǎ yoa ti pũhtoa yare yacaea tjijaro. Tuhsũ, noaina, ti pũhtoa dutiare quihõno yoarucuina jijaro. ǎ noano yũhtiina ti jichũ ñũa Cohamacũ marine yǎhdoriro to buheare tũho ji coahca paina.

¹¹ Masare to cahĩare Cohamacũ masare ño tuhsũre. ǎ cahĩno jipihtina pichacapũ wahaborinare Cohamacũ tuaro yũhdo duara. ¹²⁻¹³ Masare ã cahĩno Cohamacũ marine õ sehe ni buhera: Cohamacũre ñũ yabiare, ñaa goa pjaare duhunoca dutira marine. Cohamacũ tuariro, Jesucristo marine yǎhdoriro to si siteare mari ñũhti dachore, noari dachore mari cohtana nija. ǎ jiro mari cohtari dacho panoi tũho masiina, noaare yoarucuina, Cohamacũ cahmaare yoarucuina, marine ji dutira Cohamacũ. ¹⁴ Tiro Jesucristo mari ya cjih tireta yariari jire jipihtia mari ñaa yoaare duhuchũ yoaro taro marine to yaina wahachũ yoaro taro. Mari ñaa yoari cjirire to ã cohãchũ mari ñaa yoari buhiri marieina jinahca. ǎ jina tuaro noaare yoa duaina jinahca.

¹⁵ Ahri jipihtiare tí nũco macainare Jesu yainare buhega mũhũ. Ti pũhtoro jinocaita nina mũhũ. ǎ jicũ tinare yahuga. Ti ñaare yoachũ ñũcũ yahuga tinare. Jipihtina paina mũhũre ño payoa mehne yũhtijaro.

3

Jesu yaina ti yoahti cjih tire yahuha Paulo

¹ ǎ sehe ni yahuga tó macaina Jesu yainare: Ti pũhtoare paina tinare dutiina cũhũre noano yũhtiina jijaro. Jipihtia noaare yoahtina jijaro. ² ǎ yoa painare ne ñano quitĩ dahrea tjijaro. ǎ jia masa noaina, jipihtinare ño payoina jijaro.

³ Panopũre mari cũhũ tũho masieraina, yǎhdũacaina, mahõoare tũho nũnũina, ñaare yoa ji coaina, tíre goa pja duhu masieraina, dachoripe

ñaaare yoarucuina, paina ti cjaare cjoina jia timai mari cãhũ. ã yoa marine paina ñũ tuhtire. Mari cãhũ tinare ñũ tuhtimai. ⁴⁻⁵ ã jirina cjiri mari jipachũta Cohamacũ marine pichacapũ wahaborinare yũhdũchũ yoare. ã yũhdũchũ yoaro to noariro jiare, masare to cahã cãhũre marine ñono nire tiro. Noano mari yoari mehne yũhdũchũ yoerare marine. Marine pja ñũno mari ñaa yoari buhirire cosaro, Espíritu Santo mehne marine yũhdũchũ yoare. ã yoaro marine to pohna wahachũ yoare. ã to yoachũ Espíritu Santo sehe noaina mari jihtina cjihtire cohtotachũ yoare marine. ⁶ Jesucristo marine yũhdũchũ yoariro to yaria masa mũjaa mehne Cohamacũ to yairo Espíritu Santore ware marine pjíro to tuaa mehne marine yũhdũchũ yoahitiro cjihto. ⁷ Marine cahĩno, marine noano yoa duare. ã yoa duaro tiro to yairo Espíritu Santore marine ware ñaa buhiri marieina mari jhto cjihtore, mũanopũ mari ã jirucuhto cjihtore. Mari ã jirucuhtore masina, tíre cohtana nija.

⁸ Tí yũ niri potocãta jira. ã jicũ tíre yũ ni joariro sehetã masare buhecũ tí dutiare yoa pahĩno dutiga mũhũ. ã jicũ Cohamacũre wacũ tuainare tíre buhega noaare ti noano yoahito cjihtore. Ahri yũ ni buheri noaa buhea jira. ã jia jipihtina masa ahri buheare ti tũho nũnũchũ wiho waro jierara. ⁹ Paina ti durucua sehe yaba cjihti jierara. ã jia masierapahta ti ni yũhdũrũcaare mũ tũho nũnũchũ yaba cjihti jierara. ã jia ti coyea panopũ macaina ti jia tiare ti ni yũhdũrũcaare, Cohamacũ Moise cjirore to dutirire ti ni yũhdũrũcaare tí jipihtiare noano mũ tũho nũnũchũ yaba cjihti jierara. ã jicũ tíre tũho nũnũi tjiga.

¹⁰ Mũsa mehne macariro ã ni yũhdũrũcariro mũsare cahma tju wachũ to yoachũ ñũcũ “Yoai tjiga”, niga tirore. Pũa taha tíre tirore mũ yoa dutierari baharo to yũhtierachũ

ñũcũ tirore piti tiecũ tjiga. ¹¹ Tó sehe yoariro ñaa dihtare goa pjarucuriro jira. To ã jichũ ñũna to ñariro to jichũ masija mari.

Paulo duti batoaha

¹² Nicopolipũ puhiro puro jii tai nija. ã jicũ Artemare o Tíquicore mũ cahapũ yũ waroca mũhtachũ yũ warocahtiro tóprẽ to sũchũ, Nicopolipũ yũhũre piti bocaga mũhũ tiro mehne. ¹³ ã yoa dutiare noano mihñirirore Zena wama tirirore, Apolo cãhũre noano yoadohoga tí wahahto cjihtore. ã yoacũ ti cahmaare jipihtiro tinare waga “Paye baro dũhsari”, nicũ. ¹⁴ ã jia Jesu yaina mari mehne macaina noaare yoapojaro paye barore dũhsainare ti yoadohohto sehe noaare yoarucuina tí jihto sehe.

Paulo noa dutirocaha Jesu yainare

¹⁵ Jipihtina yũhũ mehne macaina mũhũre noa dutira. Tói jiina Jesu yaina sãre cahĩina noajaro. Cohamacũ to cahã mehne mũsare jipihtinare noano yoajaro.

Filemón

Paulo Filemo wama tirirore joarocaha

¹ Yuhũ Paulo, Jesucristo yairo yu jiri buhiri peresupu jija. Yuhũ, mari coyeiro Jesu yairo Timoteo mehne mähũre Filemore joarocaja sã. Mähũ sã cahĩriro Cristo yare sã mehne dahradohoriro jira mähũ. ² ã jina Jesu yaina mu ya wuhũ cahmachuina cãhũre joarocaja sã. Mari coyeacoro Jesu yacoro Apia cãhũre joarocaja sã. Arquipo cãhũre joarocaja sã. Arquipo sehe sã yoaro sehe Cristo yare yahuriro jira. ³ ã jina Cohamacũ mari Pũcũ, mari puhtoro Jesucristo mehne musare noa dutija. Cohamacũ to macũno mehne ti cahĩa mehne, ti yoadohoa mehne noano jiga musa.

Filemo painare to cahĩare, Cristore to wacũ tuaare yahuha Paulo

⁴⁻⁵ Yu coyeiro Jesu yairo Filemo, Cohamacũre mähũre sini payocu mähũre wacũcũ “Noana”, nija tirore. Cristore mu cahĩchũ, tirore mu wacũ tuachũ, paina Cohamacũ yainare mu cahĩchũ tãhorocahi yuhũ. ã jicu Cohamacũre “Noana”, ni wahcheja. ⁶ Cristore mari wacũ tuana cãno potori to yaina jina nija mari. ã wacũ tuaina jina, Cristore mari noano cahĩna, pjĩro noaare cjuanahca mari. Tĩre musa noano masihtõ sehe sini payoja Cohamacũre. ⁷ Coyeiro, mipũre painare mu cahĩchũ tãhocũ wahcheja yuhũ. Jipihtina Cohamacũ yainare noano wahchechũ yoayuhti mähũ. Mu ã yoachũ tãhocũ wahcheja yuhũ.

Paulo Onésimo ya cjihtire sini payoha Filemore

⁸⁻¹⁰ ã jicu mipũre Onésimore mähũre dahra cohtarirõre mu yoahũre mähũre sini payo duaja. Peresupu yuhũ mehne to jichũ Cristo yare yahuhi yuhũ tirore. Tĩre tãhoro Cristore cahmahre tiro. ã yoaro tiro

Cohamacũ yairo wahahre. ã waharo yu macũ yoaro sehe jiriro jira. ã jicu yuhũ Paulo bucũro jicu Cristo yare yu buheri buhiri peresui jicu mähũre yahurocaihũta Onesimore mu yoahũre. Cristo buhe dutiro to cũriro jija yuhũ. ã jiriro jicu tirore mu yoahũre dutiboa yuhũ. ã jiriro jipaihũta mähũre dutisi yuhũ. Cahĩa mehne mähũre yahurocaihũta tõ purota.

¹¹ Cristo yairo to jihto pano Onésimo mähũre dahra cohtariro jiro yaba cjihti jierasiniro jire. Mähũre noano yoadoho masierasiniro jire. Mipũ pinihtare tiro mähũre, yuhũ cãhũre noano yoadoho masiriro jirohca. Mipũre Cristo yairo jiro wiho jiriro waro jierara. ¹² ã jicu mipũre tirore mähũre waroca tjuĩ nija. ã jicu tirore noano piti bocaga mähũ. Tirore tuaro cahĩja. ¹³ Noaa buheare yu buheri buhiri peresupu yu jiro watoi tirore yuhũre yoadoho dutiboa yuhũ tirore warocaeracũ. Yuhũ mehne tjuã dutiboa yuhũ. Mähũ sehe yuhũre mu yoadoho masierachũ tiro sehe yuhũre yoadohoriro tjuaboa, tirore warocaeracũ. ¹⁴ Yuhũre yoadohoboriro to jipachũta tirore mähũre waroca tjuja. Mähũ sehe tirore “Paulo mehne tjuasiniga”, mu nichũ masicũ yuhũ mehne tirore tjuã dutiboa yuhũ. Yuhũ sehe “Yuhũ mehne cũga tirore”, ni duaeraja mähũre. ã jicu tirore waroca tjuĩ nija. ¹⁵ Tiro Onésimo mahaa numericã mähũre to duhti wahcãri baharo pari turi mähũ mehne jira. Cohamacũ to cahmariro seheta mähũre duhti wahcãri jire tiro Cohamacũ yairo to wahahto sehe, yu tãhotuchũ. ã jiro pari turi mähũ mehne jiro ã jirucurohca mähũ mehne. ¹⁶ ã jiro tiro mipũre dahra cohtariro jierara. Dahra cohtariro bui curero jiriro jira tiro, yu ñũchũ. Mipũre tiro mu coyeiro Jesu yairo jira. ã jicu tirore tuaro cahĩja. Mähũ sehe yu yuhũdoro tirore cahĩhca. Mu ã cahĩriro jiro dahra cohtariro jisiniaparota mipũre dahra

cohtariro to jiriro sehe jierara tiro. Tiro m̄a coyeiro Jesucristo yairo jira.

17 ã jic̄a ȳh̄are m̄a piti bocaboriro seheta Onésimo c̄h̄are noano piti bocaga. M̄h̄a mehne macariro ȳa jich̄a t̄hotuc̄a tiro c̄h̄are noano piti bocaga m̄h̄a. 18 ã jic̄a m̄h̄are soro to yoariro jich̄a m̄h̄are to wapamoriro jich̄a ȳh̄a sehe tíre wapaihtja. 19 Ȳh̄a Paulo ȳa basi ahrire m̄h̄are yahu joaihtja: Ȳh̄a sehe wapaihtja m̄h̄are. M̄h̄are ȳa buheri baharo Cristo yairo wahac̄a jipih-tia dachoripe Cohamac̄a mehne jirucuh-tiro jira m̄h̄a. M̄h̄are ȳa ã buheri baharo m̄h̄a c̄h̄a ȳh̄are p̄j̄iro wapamoriro jiboca. M̄a ã jipach̄ata m̄h̄are wapaihtja to wapamonore. 20 Ȳa coyeiro ȳa cah̄i-ro mari p̄h̄toro Cristo yairo jira m̄h̄a. Cristo yairo jic̄a ȳa coyeiro jira m̄h̄a. ã jiriro jic̄a ȳh̄are noano wahchech̄a yoaga. (ã jiriro jic̄a Onesimore noano piti bocaga.)

21 Ahri ȳa yahurire noano yoaihca m̄h̄a. Ȳa yahuri ȳah̄oro yoaihca m̄h̄a. Tíre masic̄a m̄h̄are joarocai nija. 22 Ahri c̄h̄are yahuihtja m̄h̄are. M̄sa cahar̄a ȳa wahahto sehe Cohamac̄are sini payoyuhti m̄sa ȳh̄are. M̄sa ã sini payorire tiro ȳhtiboca. “Jai” to nich̄a cahmaja ȳh̄a. ã jic̄a m̄sa cahar̄a ȳa s̄hti tahtiare cahnoyuga m̄h̄a.

Paulo noa duti batoaha Filemore

23 Epafra m̄h̄are noa dutira. Tiro sehe Cristo yare to yoari buhiri ȳh̄a mehne peresup̄a jiriro jira. 24 ã jia Marco, Aristarco, Dema, Luca mehne m̄h̄are noa dutira. Cristo yare ȳa buhech̄a tina sehe ȳh̄a mehne buheina jira.

25 Mari p̄h̄toro Jesucristo to cah̄ia mehne m̄sare noano yoajaro.

Hebreos

Cohamacu macuno to Pucurore yahubasaha masare

¹ Panopu Cohamacu payu tahari mari coyeare panopu macaina cjirire to yare yahua tiri jire. Payu to beserina to yare yahu turiaa tiri jire. To yare yahu mahtaina cjirire yahu dutiro, a yahua tiri jire tiro mari coyeare. ² Mipure pihtiri dacho panocai jia dachorire to macunore to yare to yahu dutichu tiro sehe marine yahua tire. Tiro to Pucuro to yoa dutiro mehne ahri yahpare, manano cahure yoariro jira. To Pucuro sehe pihtiri dacho panocai jipihtiare cjahtirore cūa tiri jire tirore. ³ Ā jiro to macuno sehe to Pucuro si siteare cjariro jiro, cāno potori to Pucuro yoaro seheta jiro, to Pucuro to jia tiare marine ñona. Ā yoa to macuno to tuaa mehne to dutichu ahri yahpa, manano cahu ā jirucura. Ā yoa mari ñano yoari buhirire to cosari baharo manopu to Pucuro tua yuhdariro poto buhusehei dujiri jire tiro, to puhtoro jiare ñono.

Cohamacu macuno anjoa bui jira

⁴ Tiro Cohamacu macuno wama tira. Tí wamare cūri jire Cohamacu tirore. Ā wama tiro paina bui puhtoro jira. Ā jiro tiro anjoa yuhdoro tua yuhdaricariro jira. ⁵ To yaina anjoa sehere Cohamacu ne ō sehe ni yahuerari jire: “Yu macu jira manhu. Michare yu macu mu jiare masichu yoaihca”, niri jire Cohamacu to macunore. Anjoa sehere ne ō sehe ni yahuerari jire. Tinare ahri cahure ne yahuerari jire: “To pucuro jija yuhu. Ā yoa tiro yu macu jira”, niri jire Cohamacu to macunore. Anjoa sehere ne ō sehe ni yahuerari jire. (Ā jiro to macuno tina yuhdoro tua yuhdaricariro jira.) ⁶ Pa tehe to macunore wahma masa bajuarirore

ahri yahpai cūno ō sehe niri jire Cohamacu tirore:

“Jipihtina yu yaina anjoa na tuhcuca caha su, ño payoahca tina yu macure”,

niri jire tiro. ⁷ Ā yoa to yaina anjoa sehere yahuro taro ō sehe niri jire tiro:

“Yu yaina anjoare wihnono yoaro sehe pjacu tichu yoaja yuhu.

Tina yuhure dahra cohtaina jira.

Tinare pichaca yoaro sehe pjacu tichu yoaja yuhu”,

ni yahuri jire Cohamacu. ⁸ Tinare ā niparota to macuno sehere ō sehe niri jire:

“Manhu Cohamacu jipihtina bui puhtoro ā jirucuihca.

Quihōno dutiuhca manhu mu yainare.

⁹ Mahñono marieno yoare, noano yoare tuaro cahmana manhu.

Ā jicu ñaa yoare ñu yabira manhu.

Mu ā jiriro jichu ñucu yuhu mu Pucu jipihtina paina yuhdoro manure wahchechu yoahi”,

niri jire Cohamacu to macunore.

¹⁰ Ahri cahure niri jire tiro to macunore “Puhtoro”, ni pisuro:

“Puhtoro, wahmanopure ahri yahpare, manano cahure ba juamehnere manhu mu basi.

¹¹ Tí jipihtia cohtota pihtia wahaahca.

Manhu sehe ne cohtotasi.

Ā jirucuihca manhu.

Tí jipihtia suhtiro to baa boraro seheta pihtia wahaahca.

¹² Tí jipihtia manore ahri yahpa cahure cohtotachu yoaihca manhu.

Manano suhtirore mu cohaboro seheta tí jipihtiare cohtotachu yoaihca manhu.

Suhtirore tjuwe na mu cohtotaro seheta tí jipihtia cohtotaahca.

Manhu sehe ne cohtotasi.

Ā jirucuihca manhu”,

niri jire Cohamacu to macunore.

¹³ Ne anjoa sehere ahrire yahuerari jire Cohamacu:

“Yu poto buhusehei dujiga manhu.

Puhtoro jira manhu.

Ã jicũ mũhũre ñũ tuhtiinare doca dahre, yũhdũrũcabasaihtja.

Tina bui pũhoro jiihca mũhũ”, niri jire Cohamacũ to macũnore. ¹⁴ Jipihtina anjoa sehe Cohamacũre dahra cohtaina jira. Ã jiro Cohamacũ warocara tinare to yaina anjoare Cristo to yũhdũchũ yoahinare yoad-oho dutiro.

2

Cohamacũ yare noaa buheare marine ã tũhotunocano cahmaerara

¹ Ã yoa Cohamacũ macũno waro marine yahuriro to jichũ masina to yahure mari tũhorire noano wacũno cahmana marine, “Tĩre bori”, nina. ² Anjoa masare Cohamacũ dutia cjirire ti yahu cũ turiariro seheta tí dutiare yũhdũrũca dutierari jire. Ã jia masa sehe anjoa ti yahurire ti yũhdũrũcachũ ñũno Cohamacũ tinare quihõno buhiri dahreri jire. ³ Anjoa ti yahurire mari yũhtiri yũhdoro Cristo sehene yũhtiro cahmana. Tiro mari pũhoro marine to yũhdũchũ yoah-tore yahu mũhtari jire. Ã jia tirore tũhorina sehe to yahurire marine yahu turiare marine noano masichũ yoaa taa. Ã jiro tí buheare marine to yũhdũchũ yoahiti buheare mari ã tũhotunocachũ Cohamacũ tuaro marine buhiri dahrerohca. Tĩre duhti masieraja mari. ⁴ Tĩ buheare tũho mũhtaina painare ti buhero watoi Cohamacũ sehe tí buhea quihõnota ti jichũ ñono nire. To tuaa mehne ñono nire. Ã yoa payũ tahari to tuaa mehne yoa ñono, tí buheare quihõno ti jichũ ñono nire. Ã yoaro to yainare ti yoahitire to cahmano seheta cũri jire to buhea quihõno ti jiare ti masihtĩ. Espĩritu Santo sehe jira marine ã yoa masichũ yoariro.

Jesucristo mari yoaro seheta pjacũ tiriro masa bajuaha

⁵ Pihtiri dacho baharoi jiina Cohamacũ cahai jiina michapucacã yũ yahurina cjiri bui pũhota jisi anjoa

sehe. Tina anjoare pũhota sõi Cohamacũ. ⁶ Wiho mejeta cãiro Cohamacũre to durucurire õ sehe ni joari jire panopũ:

“Masa wiho jiina ti jipachũta tinare wacũna mũhũ. Masare noano yoara mũhũ.

⁷ Mahaa nũmũricã anjoa docai masare cũri jire mũhũ.

Ã cũpacũta mipũre tinare tuaare wacũ pũhota sõi jire mũhũ.

⁸ Mũ ã sõchũ ahri yahpa macaa bui jipihtia bui jira masa”,

niri jire panopũ macariro Cohamacũre. Ã cũno ahri yahpa macaina wahiquina jipihtina bui, jipihtia bui cũri jire Cohamacũ. Masare to ã pũhota sõpachũta jipihtina ahri yahpa macaina, ahri yahpa macaa bui jierasínica masa.

⁹ Ã tina bui jierasínipanahta, Jesu sehene masija mari. Mahaa nũmũricã anjoa docai Cohamacũ to macũno cãhũre cũri jire, mari yaro jiborirore yariahtirore. Cohamacũ marine cahĩno Jesure mari yariaborirore to yariachũ cahmari jire. Ã jiro to ã yariachũ ñũno tirore tuaare waro, pũhoro sõi jire tirore.

¹⁰ Cohamacũ jipihtiare bajuamehneriro jira. Ã yoa jipihtia to ya dihta jira. Ã jiro Jesure to yaria dutichũ, tiro sehe mari ñaa yoari buhirire cohãri jire. Ã cohãri jire tiro masa payũ to yaina jiihtinare mũanopũ naano taro. Jesu to ñano yũhdũchũ masare yũhdũchũ yoahitiro Cohamacũ to waha dutiro seheta yoaro niri jire tirore. To ã yoachũ pinihta noa nina. Ã jiro Jesu sehe marine yũhdũchũ yoariro waro, mari pũhoro jira. ¹¹ Jipihtina masare ti ñaa yoari buhirire Jesu, to cosawerina mehne pũcũ tira Cohamacũre. Ã jiro mari Pũcũ cãirota jira. Mari Pũcũ to jichũ Jesu marine to yainare to cosawerinare “Yũ coyeyã jira”, ni pisuro ne bũo tierara. To ã ni pisurire mũsare yahuihtja. ¹² Õ sehe nino niri jire tiro:

“Cohamacu, mu jia tiare yahuihtja yu coyeapure.

Jipihtina yu yaina panoi mure ño payocu ‘Tuariro jira’, ni yahuihtja yu tinare”,

niri jire tiro to Purore. ¹³ Ahri cūhure niri jire tiro:

“Cohamacure wacū tuaihca yu”, niri jire tiro. Ahri cūhure niri jire tiro:

“ Ōi jija yu.

Cohamacu pohna mehne ōi jija.

Yuhure to cūrina yu coyea mehne ōi jija’, niri jire tiro to yainare ‘Yu coyea’”,

ni pisuro.

¹⁴ “Cohamacu pohna”, to niina pjacu tiina mari jichu ñano, Jesu sehe mari ya pjacu yoaro sehe jiriro tari jire. Ña jiriro tari jire tiro crusapu yariaro taro, watino butichu yoaro taro. Tiro watino sehe yariachu yoariro jira. ¹⁵ Ña yoa watino butichu yoaro, marine yuhdachu yoare. Mari sehe dachoripe mari yariahtore cuimai. Ña cuiina jina pichacapu wahaborina jimai mari. Ña jina mari jichu ñano tiro marine yuhdachu yoare. ¹⁶ Ña yuhdachu yoaro anjoa sehere yoadohoro taerari jire tiro. Abrahā panamanare Cohamacu yainare mari sehere yoadohoro tari jire. ¹⁷ Ña taro tiro mari coyeiro warota tari jire. Cāno potori mari yoaro sehe pjacu tiriro tari jire. Ña taro mari yuhdachtire mari ñaa yoari buhirire Cohamacure cohā dutiro taro niri jire. Ña yoaro mari sacerdotia puhto bui puhtoro to yoariro sehe yoaro taro niri jire. Mari yoaro sehe jiro marine noano pja ñana. Ña yoa marine noano yoadohora. Ña jiro tiro mari sacerdotia puhto ti bui puhtoro jiro nina Cohamacure dahra cohtariro jiro. ¹⁸ Tiro ñano yuhdari jire. Ña jiro watino tirore ñano yoa dutimari jire. Yoerari jire tiro. Ña ñaare yoerari jiro, tiro sehe mari cūhure ñaare yoerachu yoa masina. Watino to ñaare to yoa dutichu ñano

marine ñaare yoerachu yoa masina Jesu.

3

Jesu Moise cjiro bui jiriro jira

¹ Jesu to ña jiriro jichu ñana tirore noano wacūga masa. Yu coyea Jesu yaina, Cohamacu to beseina jira masa. Tiro Jesu sehe Cohamacu to warocariro jiro mari sacerdotia puhto ti bui puhtoro jira. To buheare noaa buheare mari quihōno taho, buheja. Tiro sehe Cohamacu warocariro, mari sacerdotia bui puhtoro to jia tiare noano wacūga masa. ² Cohamacu tirore marine to yuhdachu yoahore to cūchu tiro sehe to cūriro sehta yoari jire. Ne yuhdachucaerari jire. Moise cjiro cūhu Cohamacu yaina Israe masare yoadohoro ne yuhdachucaerari jire. Ña taro yoari jire Jesu cūhu. ³ Moise cjirore ti ño payoriro yuhdoro Jesu sehere ño payoro cahmana marine. Ō sehe jira ti mari piti dahre buhechu: Wuhure mari ño payoriro yuhdoro wuhu dahreriro sehere ño payoro cahmana marine. Ña jiro Jesu sehe wuhu dahreriro yoaro sehe jiriro to jichu Moise cjirore mari ño payoriro yuhdoro tiro sehere ño payoro cahmana marine. ⁴⁻⁶ Ō sehe jira ti: Mari Cristo yaina Cohamacu ya curua macaina jija. Cristo sehe wuhure to cūboriro sehta marine to ya curua macaina cjihtire cūno nina. Masa sehe wuhuse yoaina jira. Cohamacu sehe jipihtiare yoariro jira. Moise cjiro sehe Cohamacu ya curua macainare yoadohorucuriro jiro, baharopu Cohamacu to yahuhtore yahua tiri jire masare. Cristo sehe Cohamacu macano jiro, Cohamacu yare yoarucuriro jiro, Cohamacu ya curua macaina bui puhtoro jira. To ña jiriro jichu ñana Moise cjirore mari ño payoriro yuhdoro Cristo sehere ño payoro cahmana marine. Ña jina mari sehe Cristore wacū tua duhuerana, marine to yuhdachu yoahore ña

wahcherucuna to ya curua macaina jija mari.

Cohamacu to yainare tiro mehne ti noano sochu cahmana

⁷ Ña jina Cristore mari wacũ tua duhueratore õ sehe yoaro cahmana marine. Õ sehe nina Espiritu Santo:

“Michare yahu Cohamacu musare yu yahuchu, yuhti duaeraina jiena tjiga.

⁸ Noano yuhtiga musa yuhure.

Panopu Israe masa masa marienopu jia, ata yuhducarucure yuhure.

Ña jina tina yoaro sehe yoarena tjiga musa yuhure.

⁹ Torpare cuarenta cuhmari waro tinare yu tuaa mehne yoa ñomai.

Yu ña yoa ñopachuta tina sehe õ sehe ni tũhotua timare: ‘¿Ñare mari yoachu ñano Cohamacu marine buhiri dahrebocari?’ ni tũhotua timare.

Ña ni tũhotua ñano yoa ñua tire.

¹⁰ Ti ña yoachu ñucu tina mehne suai.

Ña suacu õ sehe nii: ‘Tina yu durucure tũho duaeraa, soro jia buheare ña wacũmacarucua nina.

Ya sehere ne yuhti duaerara’, nii tinare.

¹¹ Ña jicu tina mehne suacu õ sehe ni yahui: ‘Tina yuhu mehne macaina ne jisi.

Ña jia wapu tiro marieno jisi tina’, ni yahuri jire Cohamacu’, niri jire Espiritu Santo sehe.

¹² Ña jina yu coyea, noano yoaga musa, “Cohamacure cohãri”, nina. Musa ñare tũhotuna, Cohamacure catirirore wacũ tuaerana, tirore cohãboca musa. Ne cũiro musa mehne macariro ña yoaero tjiaro. ¹³ Ña jina ahri sehere yoaro cahmana musare: Musa mehne macainare dachoripe Cohamacu yare musa basi cahma durucuga “Ñare yoari”, nina. Ñare yoana, “Tĩ mehne wahcheja” nina, mahñoare tũhotuna nija mari. Ña ni tũhotuena tjiga. Ñare yoarucuna

Cohamacu ya sehere ji coaeraja mari. Ña yoana ñare duhu duaeraja. “Ña yoari” nina, musa mehne macainare Cohamacu yare musa basi cahma durucuga. Cristo to tahto pano dachoripe tire ña cahma durucurucuga. ¹⁴ Wahmanore Cristore mari wacũ tua ducariro sehta tó sehta mari wacũ tuarucuna, mari catiro puro to yare duhuerana, tiro mehne macaina jija.

¹⁵ Õ sehe nina Cohamacu yare ti joari pũ:

“Michare yuhu Cohamacu musare yu dutichu noano yuhtiga musa yuhure.

Panopu macaina Israe masa yu yahupachuta ño payo duaeraa, yuhure yuhti duaerare.

Ña jina tina yoaro sehe yoarena tjiga musa, niri jire Cohamacu’,

ni joaa tiri jire panopure. ¹⁶ Ña yoa Cohamacu to yahurire tũhomarina jipahta tina tirore yuhtierari jire. Tina jipihtina Egiptopu jiina Moise to na wiorina jipahta tirore ne yuhtierari jire.

¹⁷ Ña jia ña ñano yoarucua, cuarenta cuhmari waro Cohamacure suachu yoa mujaa tiri jire. Ti ña yoari buhiri masa marienopu yariari jire tina. ¹⁸ Tirore ti ña yuhti duaerachu ñano õ sehe cua pisaro mehne niri jire tiro: “Tina yuhu mehne macaina ne jisi. Ña jia wapu tiro marieno ne jisi tina”, niri jire tiro. ¹⁹ To ña nichu tũhona ahri sehere masinahca mari: Tina Cohamacure ti wacũ tuaerari buhiri tiro mehne macaina ji masierari jire. Ña jia tiro mehne noano so masierari jire.

4

¹ Ña jiro panopu macainare tiro mehne ti noano sohtore cahmano, tinare “Yuhu mehne wapu tiro marieno sonahca”, ni cũri jire Cohamacu. Mari cũhure ata ni cũri jire tiro. Ña jina cuaro mehne Cohamacure yuhducaena tjijihna mari, “Cohamacu yare yoa moñori”, nina. Ña yoa moñona tiro mehne noano sosi mari. ² Panopu macaina

cjiri Cohamacu yare ti tũhoriro seheta mari cãhu noaa buheare tũhohi. Tina tũho mãhtaina cjiri sehe tũhoa, “Cohamacu ya waro jira”, ni tũhotuerari jire. ã jia ti tũhori cjiri yaba cjihti jierari jire. ³ Mari sehe tirore wacũ tuana Cohamacu mehne macaina jija. ã jina tiro mehne noano jinocahna, tiro mehne sonahca. Wapũ tiro marieno jinahca. Cohamacu to niriro seheta jira tí. Õ sehe niri jire tiro tirore yũhtieraina cjirire:

“Tina mehne suacu cuaro mehne ò sehe ni yahui: ‘Tina yũhu mehne macaina ne jisi.

ã jia wapũ tiro marieno ne jisi’, ni yahui”,

niri jire Cohamacu yare ti joari pũi. Ahri yahpare to yoari baharo dahra duhusiniri jire tiro. Yoari pja dahra duhuparota tina sehere tiro mehne so dutierari jire tiro. ⁴ Ahrire mari masija. Seis dachori ahri yahpare to yoari baharo to dahra duhurire yahuro ò sehe niri jire Cohamacu ya durucuare ti joari pũi:

“Seis dachori baharo jipihtiare to dahraare pahũono, Cohamacu dahra duhuri jire”,

niri jire to yare ti joari pũi. ⁵ ã yoa pari turi Cohamacu yare ti joari pũi ò sehe ni yahura tiro mehne noano jierainare:

“Tina yũhu mehne macaina ne jisi.

ã jia wapũ tiro marieno ne jisi, niri jire Cohamacu”,

nina to yare ti joari pũi. ⁶ Noaa buheare tũho mãhtaina tirore ti yũhdũrcari buhiri tiro mehne macaina jisi tina. ã jia tiro mehne wapũ tiro marieno jisi tina. Paina sehe tiro mehne macaina jiahca. ã jia tiro mehne wapũ tiro marieno soina jiahca. ⁷ ã jiro masare to yũhdũchũ yoahiti dachori paye dachorire cũri jire pari turi Cohamacu. Tí dachorita mipũre jira. Payũ cũhmari baharo Israe masa cjiri Cohamacure ti tũho mãhtari baharo tí dachorire yahuri jire Davi cjiro sehe. Cohamacu

tirore to yahu dutichũ yahuri jire tiro. Cohamacu ya durucua ti joarire mãsare yũ yahua dachorire ò sehe ni joari jire Davi cjiro:

“Ahri dachorire yũhu Cohamacu mãsare yũ yahuchũ yũhdũrcaro marieno noano yũhtiga mãsa yũhũre”,

ni joari jire panopũre. ⁸ Tí pjarũre Josué cjiro Israe masare Cohamacu to wari yahpai na sũri jire. “Yũhu mehne wapũ tiro marieno soina jiahca” nino, tí yahpai ti sohtore nino nierari jire Cohamacu. Tí yahpai so dutiro, paye dachori to yũhdũchũ yoahiti dachorire cũeraboa tiro. ⁹ Wiho mejeta seis dachori baharo ahri yahpare to yoari baharo Cohamacu to dahra duhuriro seheta mari to yaina cãhu tiro mehne wapũ tiro marieno mari sohto jirohca. Tiro mehne mari noano jihto jirohca. ¹⁰ Cohamacu sehe to dahrarire duhunocasiniri jire. Tó seheta tiro mehne soina cãhu mari wapũ tirire duhunocanahca. ¹¹ ã jina mari to yaina noano yoajihna. Cohamacu yare noano yũhtijihna tiro mehne mari noano sohto sehe. Panopũ macaina mari coyera cjiri ti yũhdũrcari baharo Cohamacu mehne macaina ji masierari jire tina. Tina yoaro sehe yoaena tjijihna mari.

¹² Cohamacu ya durucua marine caticũ yoara. Noaa sehere marine cohtotachũ yoara. ã jia to ya durucua wiho jia jierara. ã yoa ñosari pjĩ pũ bãhũseheri siori pjĩ mehne dihirore ti yĩhso ñũ ti masiriro seheta to ya durucua cãhu mari jia tiare noano masichũ yoara. To durucuare mari tũhochũ, tíre mari buhechũ mari jia tiare, mari tũhotua cãhũre noano masi pahũochũ yoara marine. ¹³ Ne Cohamacure mari jia tiare mari dohse yoarire nũo masieraja mari. Jipihtiare to bajuamehnerire, to bajuamehnerina cãhũre ñũna tiro. ã jina mari yoarire tirore yahu yũhdũro cahmana marine.

Jesu tuariro mari sacerdotea

p̄h̄toa bui p̄h̄toro jira

¹⁴Jesu Cohamac̄ mac̄no to P̄uc̄ro cahap̄ tjuariro jira. Tiro tuariro mari sacerdotea p̄h̄toa bui p̄h̄toro jira. ã jiro marine Cohamac̄re sini payora. To ã jiro jich̄ ñ̄na mari sehe to yare noano ȳhtijihna. Tirore noano wac̄ tuarucujihna. ¹⁵Tiro mari sacerdotea p̄h̄toa bui p̄h̄toro mari ñ̄no ȳhd̄ch̄ ñ̄no noano p̄ja ñ̄riro jira. Mari ñ̄aa goa p̄jaare masina tiro. Wat̄no jipihtiare ñ̄aare marine to yoa dutiro sehta tiro c̄h̄re ñ̄aare yoa dutimari jire. To ã yoa dutipach̄ta tiro ñ̄aare yoaerari jire. ã ñ̄aare to yoa dutimariro jiro, marine p̄ja ñ̄no tiro yoadoho masina marine. ¹⁶ã jina cuiro marieno Cohamac̄re sinijihna. Tiro marine cah̄na. ã jiro tirore mari sinich̄ tiro sehe p̄ja ñ̄no, marine yoadohorohca. Wat̄no marine to ñ̄aare yoa dutich̄, mari ñ̄no ȳhd̄ch̄ c̄h̄re tiro marine yoadohorohca.

5

¹Sacerdotea p̄h̄toa bui p̄h̄torore besero, mas̄nore besera Cohamac̄. ã to beseriro jiro sacerdotea p̄h̄toa bui p̄h̄toro sehe tiro mehne macainare yoadohoro taro, Cohamac̄re dahra cohtariro jira. ã jiro ti ñ̄aare ti yoari buhiri Cohamac̄re sinibasara tiro mehne macainare. Wahiquirore waj̄ j̄ m̄ono, Cohamac̄re sinibasara. ²Sacerdotea p̄h̄toa bui p̄h̄toro paina masa yoaro sehe noano masi pah̄noerariro jira. ã masi pah̄noerariro jiro paina masierainare yoadoho masina. ã jiro noano yoaeraina c̄h̄re noano yoadoho masina. ³ã jia sacerdotea noano yoa pah̄noeraina jia ñ̄aa buhiri tiina jira tina c̄h̄. ã jia ti basi ti ñ̄aare ti yoari buhiri wahiquirore waj̄ j̄ m̄o, Cohamac̄re sinina. Paina masare yoadohoa taa, ti ñ̄aa buhiri ti sinibasariro sehta ti basi ti ñ̄aa buhiri c̄h̄re sinina Cohamac̄re.

⁴To basi to m̄ s̄uro sacerdotea p̄h̄toa bui p̄h̄toro s̄aerara. Cohamac̄ sehe tirore besero, sacerdotea p̄h̄toa bui p̄h̄toro s̄ona. Panop̄ macariro Aar̄o cjirore to c̄riro sehta paina sacerdotea p̄h̄toa bui p̄h̄toro c̄h̄re c̄na tiro. ⁵Tó sehta Cristo c̄h̄ to basi to m̄ s̄uro sacerdotea p̄h̄toa bui p̄h̄toro s̄aerari jire. Cohamac̄ sehe tirore p̄h̄to s̄ono, ò sehe niri jire:

“Ȳ mac̄ jira m̄h̄.

Michare ȳ mac̄ m̄ jiare masich̄ yoaihca”,

niri jire Cohamac̄. ⁶Pa tehe ò sehe niri jire Cohamac̄ Cristore:

“Jipihtia dachoripe sacerdote jirucuihca m̄h̄.

Melquisede to jiro sehta sacerdote jirucuihca m̄h̄”,

niri jire to mac̄nore. ⁷Cristo ahri yahpai jiro sañurucua mehne, yahco mehne Cohamac̄re tuaro siniri jire tiro “Ȳh̄re masoga”, nino. Cohamac̄ sehe tirore yariarore maso masiriro jira. To ã sinich̄ Cohamac̄ t̄hori jire tirore. Cohamac̄ cahmaa dihtare to yoach̄ ñ̄no Cohamac̄ sehe to sinirire t̄horo, tirore ȳhtiri jire. ⁸Cristo Cohamac̄ mac̄no jiparota ñ̄no ȳhd̄ri jire tiro. ã ñ̄no ȳhd̄ro ȳhtiri jire Cohamac̄re. ã ȳhtiro noano ȳhtiare masiri jire. ⁹ã ñ̄no ȳhd̄ro, crusap̄ yariaro jipihtina tirore ȳhtihtinare ȳhd̄ch̄ yoah̄tiro wahari jire. ¹⁰ã jiro Cohamac̄ sehe tirore sacerdotea p̄h̄toa bui p̄h̄toro c̄ri jire. ã jiro Melquisede sacerdotea p̄h̄toro to jiro sehta jira Cristo.

Cristo yaina tirore wac̄ tua duhuch̄ cua nina

¹¹Paȳ ò sehe jiare m̄sare yahu namo duaja s̄a. S̄a ã yahu namo duapach̄ta m̄sa sehe dapu butiina jira. ã jina m̄sare s̄a yahuch̄ mijo nina s̄are. ¹²Yoari p̄ja Cristo yaina jimana m̄sa. ã jina mip̄re painare buheinap̄ ji tuhs̄boa m̄sa. M̄sa ã jinar̄ jiborina jipach̄ta paina m̄sa sehere buheahca t̄joa. Cohamac̄

yare mijoera curea buhea dihtare tũhora m̄sa. Wihãinacã pẽcho dihtare ti sihni masino seheta m̄sa cãhũ mijoera curea dihtare noano tũhora. Wahma buhe dũcaina yoaro sehe jira m̄sa. ¹³ Pẽcho sihniina wihãinacã jisina. Tina yoaro seheta m̄sa cãhũ jira mijo cureare tũhoerana. “Ahri ñaa jira. Ahri noaa jira”, ni bese masierara m̄sa. ¹⁴ Chũare chũina sehe bũcãna jira. Tina yoaro sehe jiina noano tũho masiina noano buheina jira. “Ahri ñaa jira. Ahri noaa jira”, ni bese masina tina sehe.

6

¹⁻² ã jina Cohamacũ yare noano masiina, noano yũhtiina jijihna. Cristo yare wahmanore mari buhe dũcana õ sehe masi dũcai: Mari m̄sũ sũro mari yoaa yaba cjihti jierara. Mari noano yoaa mehne yũhdũsi mari. Cohamacũre wacũ tuaro cahmana marine. Ahrire wahmanopũre buhe dũcare marine. ã jia bautisaare, wamomacarire marine ti duhu payoare, yariaina ti masa m̄jaare, ahri dacho to pihtiri baharo Cohamacũ to buhiri dahrehtore, to buhiri dahrehtina ti ñano yũhdũrucuhto cãhũre ahri cãhũre wahmanopũre marine buhe dũcare. Õ sehe jia buheare masi tuhsũ, paye sehene noano buhe namojihna tjoa. ³ ã jina Cohamacũ to cahmachũ ãta yoanahca mari.

⁴ Mari ã yoerana Cohamacũ yare duhuboca mari. Cohamacũ yare masiina jipahta tíre duhuinare ne pari turi pano ti ñaa tũhotumarire cohtotachũ yoa masierara. Tó sehe jiina Cohamacũ tinare to noano yoah-tore masia, Espíritu Santo to yoaa tiare mahanocã masimare. ⁵ ã yoa Cohamacũ ya durucuaire tũhoa noaa durucua ti jichũ masimare. Tuhsũ, pihtiri dacho baharopũ Cohamacũ to tuua mehne mari ã jirucuh-tore, masare to buhiri dahrehto cãhũre tina masimare. ⁶ ã jinaapũre Cristo yare duhurinare pari turi ti ñaa

tũhotumarire tinare cohtotachũ yoa masierara. Tó sehe yoaina Cohamacũ macũnore pari turi crusapũ ti cãã puharo seheta tirore yoaa nina. Ti ã yoachũ ñũa paina masa Cristore bujũpera. Ti ã yoachũ tinare ti ñaa tũhotumarire tinare cohtotachũ yoa masierara. ⁷ Õ sehe jira tí mari piti dahre buhechũ: Noari yahpare pjíro coro tachũ tí toaa noano du, dicha tira. ã jiro tí wese pũro dichare cãhũra to chũhtire. Tí yahpa Cohamacũ noano to yoari yahpa jira. (Tó seheta noano yoara tiro to yaina cãhũre.) ⁸ Wiho mejeta agã pota mehne, tja mehne tí yahpa díaro yaba cjihti jierara. ã jiri yahpa Cohamacũ to jã cohãhti yahpa jira. ã jiro tí yahpare jãnocanohca. (Tó seheta yoara tiro tirore duhuinare.)

Cristore ã ño payorucuinare yũhdũchũ yoara Cohamacũ

⁹ Yũ cahĩina, m̄sare ã ni yahupaihta m̄sa sehene “Cristore duhuina jira”, nii nieraja. M̄sa sehe Cristo to yũhdũchũ yoaina jira. ã jina noaare yoana nica m̄sa. Tíre masija yũhũ. ¹⁰ Noano mari yoari wapa quihõno marine noano yoariro jira Cohamacũ. ã jiro to yare m̄sa tuaro dahrari wapare bosu tiro. Tirore cahĩina noano yoadohore m̄sa tirore. Paina Cristo yaina cãhũre yoadohore m̄sa. ã yoa tinare yoadohosinina nica m̄sa. ã yoaina m̄sa jichũ ñũno bosu tiro. ¹¹ M̄sa catisinino puro painare m̄sa cahĩrucuchũ, m̄sa yoadohorucuchũ cãhũre cahmaja sã, baharopũ Cohamacũ yare m̄sa duhuri nina. M̄sa ã noano yoachũ ñũno noano yoarohca Cohamacũ m̄sare. ¹² ã jina m̄sa capa bujũina m̄sa jichũ cahmaeraja sã. Paina Cristo yaina ñano yũhdũpahta to yare ne duhuerara. Ti ã yoachũ ñũno Cohamacũ “M̄sare waihtja”, to nirire tinare wa pahñonohca. ã jina m̄sa cãhũ tina yoaro seheta yoarucuga.

¹³⁻¹⁴ Panopũ Cohamacũ Abrahã cjirore õ sehe ni cãã tiri jire: “Yũ

wama mehne ahrire potocã nii nija m̄h̄ure. M̄h̄ure noano yoaihtja. ã yoac̄u m̄ panamana ji turianap̄ure paȳu masa jich̄u yoaihtja”, ni yahu c̄ua tiri jire Cohamac̄u Abrahã cjirore. ã ni yahu c̄uno to ya wama mehne ã ni yahuro niri jire. Pairo tiro bui jiriro ne mariach̄u to ya wama mehne to basita ã ni yahua tiri jire. ¹⁵ “M̄h̄ure noano yoaihtja”, Cohamac̄u to ni c̄uire Abrahã cjiro sehere noano to cohtach̄u ñ̄no to niriro seheta tirore noano yoaa tiri jire. ¹⁶ “Cohamac̄u mehne potocã nina nija”, masa sehe nia, tina ti bui jiriro wama mehne ã ni yahua nina. “Cohamac̄u mehne potocã nii nija”, c̄airo to nich̄u t̄horo tiro paio mehne cahma sayoriro “Potocã tjira”, ninohca. ã jia cahma sayo duhuahca tina. ¹⁷ Cohamac̄u Abrahãre “M̄h̄ure noano yoaihtja”, ni c̄uno to ya wama mehne ã ni yahua tiri jire. To ã ni yahurire t̄hona “Potocã tjira tí. ã yoa to niri ne cohtotasi” ni, masija mari. Tíre mari masihto sehe to ni c̄uri mehne “Ȳu wama mehne potocã nii nija”, ni yahua tiri jire Cohamac̄u. ¹⁸ ã jiro p̄aro to ni durucuri mehne potocãta to nirire masich̄u yoari jire Cohamac̄u marine: To ni c̄uri c̄uh̄u “Ȳu wama mehne potocã nii nija”, to ni yahuri c̄uh̄u tí p̄aro mehne to ni durucurire yahua tiri jire tiro. To ni c̄uri c̄uh̄u, “Ȳu wama mehne potocã nii nija”, to ni yahuri c̄uh̄u ne cohtotaerara. Cohamac̄u ne mahñoerara. To ã jiriro jich̄u masina, marine to yoadohohtore macana, tirore noano wac̄u tuana, wahchea mehne marine to ȳhd̄uch̄u yoahore cohtanahca mari. ¹⁹⁻²⁰ ã to ȳhd̄uch̄u yoahore cohtana, wac̄u tuaina jija mari. ã jina cuieraja. Sacerdotea p̄h̄toa bui p̄h̄toro Cohamac̄u to jiri tahtia warop̄u sãano, d̄catari suhtirore ȳhd̄u sãahna. ã sãano masa ya cjihtire sini payobasara Cohamac̄ure. To ã yoariro seheta Jesu c̄uh̄u baharo mari wahahto seheta

m̄anop̄u Cohamac̄u cahap̄u waharo, mari ya cjihtire sini payobasara Cohamac̄ure. Tóp̄u mari wahahto pano tiro sehe wahari jire. ã jiro jipihtia dachoripe sacerdotea p̄h̄toa bui p̄h̄toro jira tiro. Melquisede sacerdoti to jiriro seheta sacerdoti p̄h̄toro jirucura tiro c̄uh̄u.

7

Melquisede sacerdoti to jiriro seheta Jesu sacerdoti jira

¹ Melquisede cjiro sehe Salē wama tiri maca macaina bui p̄h̄toro jia tiri jire. Sacerdoti jiro Cohamac̄u tuarirore, m̄ano macarirore sini payobasariro jia tiri jire. ã jiro paina p̄h̄toare Abrahã cjiro cahma wajã ȳhd̄ur̄uca tuhs̄u, to tjua tach̄u waro Melquisede cjiro to ya macai jiriro Abrahã cjirore piti bocaro s̄ua tiri jire. ã piti bocaro tirore sini payobasaa tiri jire Cohamac̄ure: “Noano yoaga ahrirore”, ni sini payobasaa tiri jire Cohamac̄ure Abrahã cjirore. ² To ã piti bocahto pano Abrahã cjiro sehe tirore ñ̄u tuhtiinare wajã tuhs̄u to wajãrina cjiro p̄h̄toa yare naa tiri jire. To ã nari cjirore mahanocã waa tiri jire Melquisede cjirore. Cohamac̄u to dutiriro purocãta mahanocã waa tiri jire Melquisede cjirore. Melquisede cjiro to wama sehe “Bui p̄h̄toro noano yoariro jira”, nino nina. Tiro cjiro Salē wama tiri maca macaina p̄h̄toro to jich̄u to wama õ sehe nino nina: “Bui p̄h̄toro noano jich̄u yoariro”, nino nina. “Salē” nino, “Noano jia”, nino nina. ³ Ne Melquisede cjiro p̄cus̄umare, to pano ji m̄htainare to coyeare ti yahu joa õri mariahna. To masa bajarire, to yariari c̄uh̄ure yahu joa õri mariahna. ã jiro ã jirucuriro yoaro sehe jira tiro cjiro. To ã jiriro jich̄u Cohamac̄u tiro mehne marine piti dahre buhera. Cohamac̄u to mac̄uno to sacerdoti to jiriro marine buhera. Melquisede cjiro sacerdoti ã jirucuriro yoaro sehe jira. Tiro

yoaro seheta Cristo cãhũ sacerdotẽ
ã jirucuriro jira.

⁴ ã jiro Melquisede ne wiho jiriro
jiera tiri jire. Abrahã mari ñũchũ
cjiro pũhoro waro jiparota ma-
hanocã to tjua narire tiro sehere
waa tiri jire. Mahanocã waa tiri jire
Melquisedere. ⁵ ã jia Cohamacũ dutia
Moise cjirore to cũri dutia jipihtina
paina Israe masare tó purota wapa
dutira. ã dutiro Leví panamana ji
turiainare ti coyea waparire ñaha
duti, cũa tiri jire. Leví panamana
sacerdotea wahaa tiri jire. ã jia Israe
masa Abrahã panamana ji turiaina ji-
pahta ti sacerdotearẽ wapaa tiri jire.
⁶ Melquisede sehe Leví panamino ji
turiariro jieraparota wapa naa tiri
jire Abrahãre. Cohamacũ “Mũhũre
noano yoaihtja”, to ni cũriro jiparota
Abrahã sehe Melquisedere wapaa
tiri jire. ã jiro Melquisede sehe Co-
hamacũre Abrahãre sini payobasaro
noano yoa dutia tiri jire. ⁷ Noano
yoa dutiriro Melquisede cjiro sehe to
noano yoa dutiriro bui Abrahã bui
jira. Tíre mari noano masija. ⁸ Mari
mehne macaina sacerdotearẽ marine
mahanocã wapa naina mari yoaro
seheta masa jira. ã jia yariahtinata
jira tina cãhũ. Ahriro Melquisede
sehe Abrahãre mahanocã wapa
nariro cjiro ã catirucuriro yoaro sehe
jira, mari piti dahre buhechũ. To
yariarore yahueraro, ãta nino nia
tiri jire Cohamacũ yare ti joari pũ.
⁹ Mipũ macaina Leví panamana ji
turiaina sacerdotearẽ jia, mahanocã
wapa nana. ã jiina ti jipachũta
Abrahã Melquisedere mahanocã
waparo jipihtina Leví panamana ji
turiaina ya cjihti cãhũre wabasaro
sehe yoaro nia tiri jire. ã jia tina cãhũ
Melquisedere mahanocã wapaina
yoaro sehe jira. ¹⁰ Melquisedere
Abrahã to wapari pjare Leví sehe
masa bajuerasinia tiri jire. ã masa
bajuerasiniparota to ñũchũno cjiro
Abrahã pjacũpũ to jiboriro seheta
Leví sehe ji tuhsũro nia tiri jire.

ã jiro Melquisede Abrahãre to piti
bocachũ Leví cãhũ to ñũchũno cjiro
mehne jiro sehe jiro nia tiri jire. ã jia
Leví, to panamana ji turiaina mehne
Melquisedere mahanocã wapaina
yoaro sehe jia, tina to docai jia nia
tiri jire.

¹¹ To dutiare cũno Cohamacũ Levíre
to coyea cãhũre sacerdotearẽ ji dutia
tiri jire. ã jia to dutia ti niriro seheta
tina sacerdotearẽ wahiquinare wajã jũ
mũo, sinibasaa tiri jire Cohamacũre
masa ya cjihtire. Ti ã yoari mehne
mari yũhdũna, paio sacerdotearẽ
soro sehe jiriro sacerdotearẽ cahma
namoeraboa mari. ã jina paio
sacerdotearẽ cahmaja mari mipũre,
Melquisede yoaro sehe jirirore. Leví
ya curua macariro Aarõ cjiro yoaro
sehe jiina sacerdotearẽ mipũre mari
cahmaeraja. ¹² ã jina sacerdotearẽ
mari cohtotana, marine dutia cãhũre
cohtotaro cahmana marine. (Sac-
erdotea ti yoadohoa mehne mari
yũhdũeraro seheta tí dutia mehne
mari yũhdũeraja. ã yoana tí dutiare
cohtota pahũono cahmana marine.)
¹³ Aarõ, Leví cãhũ ti ya curua macaina
dihtare sacerdotearẽ sãa duti mũhtaa
tiri jimare Cohamacũ to dutiare
cũno. To ã dutipachũta mipũre mari
pũhoro sacerdotearẽ to sõriro pa curua
macariro jira. Tí curua macariro ne
sacerdotearẽ jierasinire. ¹⁴ Tiro Cristo
Juda ya curua macariro masa bajuari
jira. Tíre mari noano masija. Moise
cjiro sehe sacerdotearẽ sõno, Juda ya
curua macainare ne cãiro sacerdotearẽ
sõera tiri jire.

¹⁵ Ahrire masina, õ sehe mari
noano masija: Mipũre wahma to
sõriro sacerdotearẽ Cristo Melquisede
yoaro sehe jiriro jira. ¹⁶ Panopũ
macaa dutia ti niriro seheta Leví ya
curua macaina dihta sacerdotearẽ sãari
jira. Mipũre to sõriro sacerdotearẽ ti
yoaro sehe jiriro sacerdotearẽ sãerari
jira. Tiro Cohamacũ tuaa mehne
jipihtia dachoripe jiriro jira. ã jiro tí
tuaa mehne sacerdotearẽ sãari jire tiro.
¹⁷ Õ sehe nina Cohamacũ yare ti joari
pũ:

“Jipihtia dachoripe sacerdote jirucuihca m̄h̄h̄.

Melquisede sacerdote to jiro sehta sacerdote jirucuihca m̄h̄h̄, nia tiri jire Cohamac̄ to mac̄n̄ore”,

ni joaa tiri jire panop̄h̄. ¹⁸ To dutia to cū m̄htari dutiare masa ti bihoerach̄h̄ yaba cjihti jierari jire. Ā jiro tí dutiare duti namoerari jire Cohamac̄. ¹⁹ Moise cjirore to cūri dutia mehne ne ȳhd̄h̄erara masa. Ā jiro mip̄h̄ sehere Cohamac̄ marine to ȳhd̄h̄ch̄h̄ yoahtore marine cūre. To Ā yoach̄h̄ mip̄h̄are tiro cahap̄h̄ waha masija mari. Ā yoa tiro mehne durucu masija.

²⁰ Ā yoa Cristore sacerdote s̄no, “Ȳh̄h̄ wama mehne potocā nii nija”, nino tirore s̄ri jire to P̄uc̄uro. Paina sacerdoteare tirore to yoiro sehe wama payo s̄erari jire. ²¹ Cristo sehe Cohamac̄ tuaro to yahuri mehne sacerdote s̄ari jire. Ō sehe nia tiri jire to P̄uc̄uro Cristore:

“Ȳh̄h̄ m̄h̄ p̄htoro ȳh̄ wama mehne m̄h̄h̄are potocā yahuihtja.

Ahrire ne duhu cūno marieno yahuja m̄h̄h̄are.

Jipihtia dachoripe sacerdote jirucuihca m̄h̄h̄”,

ni cūa tiri jire Cohamac̄ to mac̄n̄ore. ²² Ā “Ȳh̄h̄ wama mehne potocā nii nija”, to nino mehne cūno, wahma buheare noaa buheare marine cūno, marine to ȳhd̄h̄ch̄h̄ yoahtire cūno nia tiri jire. Panop̄h̄ macaa dutia ȳhd̄oro mari noano jihtore cūno nia tiri jire. Ā cūno Cohamac̄ “M̄sare ȳhd̄h̄ch̄h̄ yoihtja”, to niriro sehta yoiro taro, Jesure warocari jire marine ȳhd̄h̄ch̄h̄ yoihtiro cjihtore. ²³ Ji m̄htaina sacerdotea ti yariach̄h̄ ñ̄h̄a paina cohtota s̄ana tjoa. Ā jia tina payu sacerdotea wahara. ²⁴ Jesu sehe Ā jirucura. Ā jia tirore cohtotaina mariaha sacerdotea. ²⁵ Ā jiro tiro Ā jirucuro, Cohamac̄re Ā sini payobasarucura to yaina ya cjihtire. Ā yoa Cohamac̄ mehne ti Ā jirucuhto

sehe masare ȳhd̄h̄ch̄h̄ yoa masina tiro. Jipihtina tirore wacū tuaina Cohamac̄ cahap̄h̄ wahaahca. Ā jiro Jesu jira pototi tinare ȳhd̄h̄ch̄h̄ yoiro.

²⁶ Ā jiro Jesu jira mari sacerdotea p̄htoa bui p̄htoro. Tiro pinihtare tuaro cahmaja mari. Ne ñ̄aa buhiri marieriro jira tiro. Masa yoiro sehe ne ñ̄aare yoiere. Ā jiro Cohamac̄ tirore ñ̄aina cahai jirore naahno, m̄hanop̄h̄ cū, jipihtina paina bui p̄htoro s̄ri jire. ²⁷ Paina sacerdotea yoiro sehe jierara tiro. Tina sehe dachoripe wahiquire wajã, jã m̄oa, Cohamac̄re sinia tihre. Ti basi tí ñ̄aa yoiro buhirire sini m̄htaa tihre. Baharo paina masa ti ñ̄aa buhiri cūh̄are sinibasaa tihre tina. Ā jia payu tahari tina Cohamac̄re sinia tihre. Jesu sehe sacerdote jiro, cū tahata to yariaa mehne siniri jire Cohamac̄re masa ti ñ̄aa buhirire cohãno taro. Ā yoiro to basi to p̄care to catia cūh̄are Cohamac̄re to waboriro sehta yoiro niri jire. ²⁸ Cohamac̄ dutia Moise cjirore to cūri cjirore sacerdotea p̄htoare s̄a dutira. Ā s̄apahta ñ̄aa marieina jierara Ā sacerdotea s̄a. Tí dutia baharo jia buhea mehne Cohamac̄ “Ȳh̄h̄ wama mehne potocā nii nija”, to nino mehne to yahuri buhea mehne to mac̄no sacerdotea p̄htoro s̄ari jire. Tiro sehe ñ̄aa marieriro Ā jirucura.

8

Cohamac̄ “M̄sare ȳhd̄h̄ch̄h̄ yoihtja”, ni cūha tjoa Moise cjirore to cūre cohtotaro. Tíre yahubasariro jira Jesu

¹ Tí jipihtiare yahuna, ahri pinihtare m̄sare yahuna nija: M̄sare s̄a yahuriro sacerdotea p̄htoa bui p̄htoro tiro pini mari yoiro waro jira. M̄hanop̄h̄ Cohamac̄ tua ȳhd̄h̄ariro to p̄htoro dujiro cahai to potu buh̄sehei dujira Cristo mari sacerdotea p̄htoro. ² Ā jiro ahri yahpa macari w̄h̄h̄i, masa ti yoiro w̄h̄h̄i sacerdotea dahraare yoiere

tiro. Muanopu jiri wuhupure mari puhtoro to yoari wuhupure sacerdotea dahraare yoara tiro. Tí wuhu pinihta Cohamacu waro ya wuhu jira.

³ Jipihtina ahri yahpa macaina sacerdotea puhtoa wahiquinare wajã jũ mhoa, wara, Cohamacure ño payoa. Āta yoa dutia tiri jire tinare. Mari yairo sacerdote cãhure wa dutia tiri jire Cohamacure mari ño payohto sehe. Mari ñaa buhirire tirore wa dutia tiri jire. Ā jiro Cristo mari ñaa buhiri yariaro wahchechu yoari jire Cohamacure sacerdotea puhtoa Cohamacure waa ti wahcheriro seheta. ⁴ Mari judio masa mari dutia ti niriro seheta ahri yahpapu sacerdotea masa ti ñaa buhirire wara Cohamacure sinia. Ahri yahpapu sacerdotea ji tuhsura. Ā jiro Jesu sehe mari yairo sacerdote ahri yahpapu jisinino, sacerdote jieraboa tiro sehe. ⁵ Ahri yahpa macaina sacerdotea ti dahraare ahri yahpa macari wuhuihta dahrara. Tí wuhui Cohamacure ti ño payorire ñana mmano macari wuhupure tirore mari ño payohtore masi cureja. “Tí wuhu yoaro sehe jira”, nino nia tiri jire Cohamacu tãcui Moise cjiroro to wuhure dahre dutiro. To ã dahrehto panocã Cohamacu õ sehe nia tiri jire tirore: “Tãcui mähure ya ñoriro seheta tí wuhu to jiriro seheta ya ya wuhure quihõno dahrega”, nia tiri jire Cohamacu tirore. ⁶ Mipu sehene Jesu sacerdote jiro to dahraa paina sacerdotea ya dahraa yuhdoro jira. Wiho waro jierara. Cohamacu marine “Musare yuhduchu yoaihtja”, to ni yahuri cjiri panopu macaa dutia Moise cjiroro to cãri dutia yuhdoro jira. Marine to yahuri cjiri tí dutia yuhdoro marine noano jichu yoahca. Ā jiro marine Cohamacure yuhduchu yoabasariro jiro, Cristo sehe paina sacerdotea yuhdoro jira.

⁷ Wahmanopure to dutiri cjiri mehne mari yuhdueraja. Tí dutia mehne mari yuhduchu, paye buheare cãeraboa Cohamacu. ⁸ Wiho mejeta tí dutiare ti yoa pahño masierarire

yahuro õ sehe nia tiri jire to yainare Israe masare:

“Õ sehe nina mari puhtoro: ‘Noano tuhoga.

Baharopu paye buheare “Õ sehe yoadohoihtja musare”, ni yahuihtja ya yainare Israe masare, Juda ya curua macaina cãhure.

⁹ Tí buhea ti ñuchusuma cjirire ya yahu cãri cjiri yoaro sehe ne jisi.

Yu basi tinare Egipto yahpai jinare na wiocu tinare yahumai.

Yu ã ni yahurire yuhduhucare tina.

Ti ã yoachu ñucu tinare ã ñunocahi.

¹⁰ Ā jicu baharopu Israe masare õ sehe ni yahuihtja: Yu dutiare tinare wacũchu yoaihtja.

Ā jia ya dutiare yuhtiahca.

Ā jicu yuhu Cohamacu ti puhtoro, tinare ñu wihboriro jiihtja.

Tina sehe ya yaina masa jiahca.

¹¹ Ā jia tí pjare tina mehne macainare ne tina õ sehe cahma nisi: “Mari puhtorore Cohamacure masiga masa”, ne ni cahma buhesi.

Tina jipihtina yuhure masi tuhsuahca. Wihãinacã, bucuna cãhu yuhure masina dihta jiahca.

¹² Ā jicu ti ñaa yoari buhirire boihca yuhu.

Tinare buhiri dahresi yuhu.

Ti ñaa yoari buhirire pari turi wacũsi yuhu’, nia tiri jire mari puhtoro”,

nina Cohamacu yare ti joari pũ.

¹³ Mipure marine wahma buheare cãno, panopu macaa dutiare duhuro nire. Ā yoa muna dutia cjirire mahnocã to duhuri baharo tí dutia cjiri cohtotaa wahara.

9

Ahri yahpa macari tahtiare mmano macari tahtia cãhure Cohamacure ño payori tahtiare yahuha

¹ Wahmanore Cohamacu to dutiare Moise cjiroro cãno masa tirore dohse ti ño payohto cãhure cãa tiri jire. Ā yoa Cohamacure ti ño payohti wuhu

cãhure yoa dutiro cãa tiri jire. ² Tí wãhũ wahiquina cahsari wãhũ jia tiri jire. Pãa tahtia cããa tiri jire. Pji-wacũri tahtia ti sãa sũ mãhtari tahtia Cohamacũ ya tahtia wama tia tiri jire. Tí tahtiai ti sihã buhriadu jia tiri jire. ã jiro mesa cãhũ jia tiri jire. Tí mesa bui Cohamacũre ti wari pão pisaa tiri jire. ³ Pa tahtia suhti cahsari mehne ti dũcatari tahtia jia tiri jire. Tí tahtia Cohamacũ to jiri tahtia waro wama tia tiri jire. ⁴ Tí tahtiai uru mehne ti yoari altar, inciensore ti jũ mãori altar jia tiri jire. ã yoa uru noaa mehne ti duhu õri caro tói coãa tiri jire. Tí caro puhichapũ uru wahwa maná wama tia chãa posa tiri wahwa jia tiri jire. ã jiro tí caro puhichapũ Aarõ to tjuadu cjiro pũri tidũ jia tiri jire. ã yoa pãa pjĩ tãa pjĩni Cohamacũ to dutiare to joa õa pjĩni cãhũ tí caro puhichapũ sãa tiri jire. ⁵ Tí caro bui pãaro anjoa masũ jia tiri jire. Tí masũ Cohamacũ to si siteare, tí tahtiai to jiare ñoa nia tiri jire. Tí caro mohano bui ti wãa dũpũri mehne mohaa tiri jire. Tí caro mohano bui masa ñaa buhirire ti warire wajã site payoa tia tiri jire sacerdotea pãhtoro. Tó purota yahuihtja ahri wãhũ macaare mipũre.

⁶ ã yoa tí wãhũre ti noano cahnoru baharo sacerdotea dachoripe ti sãa sũ mãhtari tahtiai sãa sũ, ti dahraare yoa tia tiri jire. ⁷ Sacerdotea pãhtoa bui pãhtoro dihta pa tahtiapũ sãa tiri jire. Cũhmaripe cã tahata to sãari dacho baroihta sãa tiri jire tiro. ã sãano ti wajãriro wahiquiro ti wariro dire na sãano, Cohamacũre ño payoa tiri jire. Di marieno ne sãaera tiri jire. To basi wacũenoca to yoari buhirire, to ñaa buhirire, jipihtina paina Israe masa wacũenoca tí yoari buhirire, ti ñaa buhirire dire na sãa tiri jire tiro Cohamacũre sini payoro taro. ⁸ Jipihtia ahri mehne Espiritu Santo õ sehe ni marine buhero nina: Tí wãhũ Moise cjirore to cũri wãhũ mari ño payosinina, to cũri dutiare yoahina jisina, wiho

jiina Cohamacũre ño payona wahæraboa mari. Sacerdotea pãhtoa bui pãhtoro dihta Cohamacũ to jiri tahtia waropũ sãa masina. ã jina wiho jiina ti ño payoa wahæraero seheta ãta jiboa mari cãhũ Moise cjirore to cũri dutiare cãasinina. ⁹ Ahri jipihtiare Cohamacũre ño payori wãhũpũ jiare marine cũno, marine mipũ macainare buhero niri jire Cohamacũ. Wahiquinare wajã jũ mãoa, masa Cohamacũre ti ño payori mehne ne Cohamacũ cahapũ wahasi. Ti ã yoari mehne ti ñaa yoari buhirire cosawerara. ¹⁰ ã wahiquinare waa, ti chãa, ti sihnia, ti pjacũ cosaa, ti õ sehe yoa mehne Cohamacũre ño payoa timari jire. Ahri ti ã yoari wiho warota jira mipũre. ã yoa tí dutia Moise cjirore to cũri dutia marine noaina wahachũ yoærari jire. Tí dutiare yoapanahata mãnanota jirucunocaja mari. Mari tãhotuare cohtotaeraja mari. ã jia wahma buheare Cohamacũ to cũri baharo mãna dutia sehe yaba cjihti jierara.

¹¹ Cristo sehe mari sacerdotea pãhtoro jiro ta tuhsari jire. ã jiro marine noaare cũ tuhsari jire. Cohamacũre ño payori wãhũ mãanopũ sacerdotea pãhtoro to dahrari wãhũ paina sacerdotea ti dahraa wãhũse yãhdoro noari wãhũ jira. Mãano macari wãhũ jira. Tí wãhũ ahri yahpa macari wãhũ jierara. ã yoa masa ti yoari wãhũ jierara.

¹² Cristo mãanopũ Cohamacũ to jiro waropũ cã tahata sãari jire mari ñaare yoari buhirire Cohamacũre waro sehe yoaro taro. Tópũ mãanopũ õpũ to jiri tahtia waro yoaro sehe jira mari piti dahre buhechũ. ã yoaro cabritoa dire, wachãacã dire na sãa, waerari jire tiro. Tiro sehe to ya di warore Cohamacũre to waro sehe yoaro niri jire yariaro. Jipihtia dachoripe Cohamacũ mehne mari jirucuhtõ sehe to dire cohãri jire. Mari ñaa buhirire yariari jire. ¹³ “Yariainare pihana mãsa pjacũ wete tiina jira”, ni cãa tiri

jire Cohamacu Moise cjirore. Tó sehe jia ñaare wete tiare cosawea tiri jire cabritoa dire ti wari mehne. Wachua dire ti wari mehne, wachuacãre ti jãri nitine ti wari mehne tó sehe jia ñaare cosawea tiri jire. ¹⁴ Tó sehe jia ñaare wahiquina dire ti wari mehne, nitine ti wari mehne ti cosaweriro seheta tí yãdoro Cristo sehe to dire to cohãno mehne mari ñaare yoarire noano cosawe pahñonocahna. Tiro ñaa mari-eriro jiro, crusapu yariaro to basita to pjacu to catia mehne Cohamacure waro sehe yoari jire. Espiritu Santo ã jirucuriro to yoadohoa mehne ã yoari jire tiro. ã yoa mari ñaa yoari buhirire Cristo to cosawechu ñano mari ñaa buhirire Cohamacu bonocahno, mari ñaa yoarire duhuchu yoara. Tí ñaa buhirire cjuasinina pichacapu wahahtina jimai mari. To cosawerina jina, Cohamacu catiriro yare yoaina jija mari.

¹⁵ ã jiro “Ó sehe musare yãhdũchu yoaihtja”, masare Cohamacu to ni yahu cũchu Cristo sehe to yahuaire yahubasariro jira. ã yahubasara tiro Cohamacu to beserinare yãhdũchu yoaro taro. To ã yãhdũchu yoachu jipihtia dachoripe tiro mehne jirucunahca mari to yaina. ã jina mari to yainare Cohamacu to wahtire cjuannahca mari. Moise cjirore to cãri dutia dihta jichu masa ti ñaa buhiri jisinia tiri jire. ã yoa crusapu yariaro tí pjata ti ñaa yoari buhirire yãhdũchu yoari jire tiro to yainare. ¹⁶⁻¹⁷ Masano baharo to coyeare to wahtire joa õyura papera pũ. To wahtire yahuro taro joa õyura. Tí pũre joa õyuriro to yariaerasinichu tí pũ yaba cjihti jierara. To coyea to cjuarire na masierasinina. Wiho mejeta, to yariachu ñua tí pũ to ni joariro seheta to yare naahca tina. ¹⁸ To yariahto pano tí pũ to yaba cjihti jieraro seheta yariaro marieno di wijaro marieno Cohamacu Moise cjirore to cãri dutia cãhu ne yaba cjihti jieraboa. ã jiro wahiquiro dire sacerdote to wajã siteri baharo to dutiare quihõnota yoaro nia tiri jire.

¹⁹ ã yoaro õ sehe yoa muhtaa tiri jire Moise cjiro: Cohamacu to cãri dutiare masare yahu pahñoa tiri jire. Baharo wachuacã dire, cabritoa dire co mehne morea tiri jire. Tuhsu, hisopo wama tidu dũpu mehne oveja pjoari sohãa mehne ti ñimiori pjoarire torãa tiri jire. Tí dũpu mehne dire sohoro, Cohamacu dutiare to joari tju bui wajã site payoa tiri jire. Jipihtina masa bui cãhure wajã site payoa tiri jire. ²⁰ ã yoaro õ sehe nia tiri jire tiro: “Cohamacu marine to yahuri cjiri to dutiri cjiri ahri di mehne ti potocã jichu masija mari. Ahri dire ñana to niriro seheta marine to yoahure masija mari. Tí dutiri cjirore yãhti dutiri jire tiro marine”, nia tiri jire Moise cjiro. ²¹ ã yoaro masare to yoariro seheta Cohamacure ti ño payori wãhu wahiquina cahsari wãhure, jipihtia tí wãhu jia cãhure wajã sitea tiri jire. ²² ã tjira. To dutia ti niriro seheta payu ñaare di cohãno mehne cosawero cahmana. Mahanocã duhsaa ñaare paye baro mehne ti cosawechu noana. ã jiro Cohamacu mari ñaa yoari buhirire ne bosu to di cohãerachu.

Cristo to dire cohãno, to yaina ti ñaa yoari buhirire cosaweha

²³ Tí jipihtia Cohamacure ti ño payori wãhu, tí wãhu jia cãhu muano macari wãhu jia yoaro seheta jiri jire mari piti dahre buhechu. Muano macari wãhu sehe potocãta Cohamacu ya wãhu waro jira. ã jia ahri yahpa macari wãhure, tí wãhu jia cãhure wahiquina dire to wajã siteri mehne cosawero cahmari jire. Tí yãdoro muanopu wahahtinare ti ñaa buhiri cjuainare cosawero cahmana. ã jiro wahiquina yãdoro jirore ya di to cohãno mehne tinare ti ñaa yoari buhirire cosawero cahmana. ²⁴ ã yoa Cohamacure ti ño payori wãhu masa ti yoari wãhu jira. Muano macari wãhu yoaro seheta jira tí wãhu cãhu, mari piti dahre buhechu. ã jiro Cristo sacerdote jiro marine sini payobasaro taro

ahri yahpa macari wãhure sãaerari jire. Potota muanopu wahari jire tiro Cohamacu panoi marine sini payobasaro taro. ²⁵ Mari judio masa mari sacerdotea puhto bui puhtoro cãhmaripe Cohamacu to jiri tahtia waropu sãa tiri jire wahiquina dire waro taro. Cristo sehe to dire Cohamacure waro sehe yoaro taro, yariaro payu tahari sãaerari jire. ²⁶ Payu tahari yariariro jiro, ahri yahpa to jiro puro payu tahari variaboa tiro. Payu tahari tiro mari ñaa buhirire yariarucuriro jiboa. Wiho mejeta pihtiri dacho panocã mipure marine jipihtinare yuhduchu yoaro taro cã tahata bajuari jire tiro ahri yahpai. Ña bajuari jire to yariaa mehne mari ñaa buhirire cohãno taro. ²⁷ Jipihtina masa cã tahata yariaahca. Ti ã yariari baharo masa noainare, ñaina cãhure beserohca Cohamacu. ²⁸ Cã tahata mari yariaro sehetã Cristo cãhu cã tahata yariari jire payu masa ti ñaa yoari buhirire cohãno taro. Baharo pari turi tarohca. Mari ñaa yoari buhirire cohã tuhsuriporu jirohca. Ña jiro pari turi mari ñaa yoari buhirire cohãno taro nisi. Ña taro tirore cohtainare wahchea mehne tirore ñu duainare yuhduchu yoaro tarohca.

10

¹ Cohamacu to dutia Moise cjirore to cãri cjiri noaa buhea yoaro sehetã jipahta, cãno potori jierara. Tã dutia ti yoa dutiriro sehetã cãhmaripe wahiquinare wajã, jã mũo, Cohamacure ño payorucura. Ti ã yoaa mehne masa ti ñaa yoari buhirire cohãerara. ² Tã mehne ti ñaa yoari buhirire cohãa, cã tahata Cohamacure ti ño payori baharo “Mipure ñaa buhiri mariaha sãre”, ni tuhotuboa masa. Ña jia pari turi wahiquinare wajã jã mũo Cohamacure ño payoeraboa. Ti ã yoarire duhunocaboa. ³ Cãhmaripe wahiquinare wajã jã mũo, Cohamacure ti ño payochu tã tinare ti ñaa yoari buhirire wacũchu yoara.

Tã purocãta yoadoho duara tã tinare.

⁴ Wachua di mehne mari ño payori mehne, cabrito di mehne mari ño payori mehne ne mari ñaa yoari buhirire cohãerara.

⁵ Tã potocãta jira. Ti ã jichu ñuño Cristo ahri yahpapure to tahto pano õ sehe nia tiri jire Cohamacure:

“Wahiquinare jã mũo ti wachu, trigo pohcare ti wachu cãhure mũhu ñuñu ñu ji coaerara mũhu.

Ña jichu yu pjacure yoare mũhu yu ya pjacu cjihtore.

⁶ Ñaa yoari buhirire ti cohãhtore wahiquinare wajã ti jã mũochu ñuñu ñu ji coaerara mũhu.

⁷ Mũ ã ñu ji coaerachu ñuñu õ sehe nihi mũhure:

“Õi jija. Mũ cahmano sehetã yahpapu yoai wahaihtja.

Ña yuhure ni yahura mũ ya tjupu’, nihi yuhũ”,

nia tiri jire Cristo to Pucurore.

⁸ “Wahiquinare jã mũo ti wachu ñuñu, trigo pohcare ti wachu cãhure ñuñu ñu ji coaerara mũhu”, ni yahu mũhta tiri jire tiro. Wahmanopure to dutia wahiquinare, trigo pohca cãhure ti waa mehne ti ño payo dutipachuta ã nia tiri jire tiro.

⁹ Ña ni tuhsu õ sehe ni namoa tiri jire: “Õi jija. Mũ cahmano sehetã yahpapu yoai wahaihtja”, nia tiri jire.

To ã nichu õ sehe masija mari. Panopu wahiquinare wajã jã mũoa mehne ti ño payori cjirore duhuchu yoaro paye buhea sehere cãno niri jire Cohamacu.

Ña cãno mipure Cristo to yariaro mehne masare yuhduchu yoarohca Cohamacu. ¹⁰ Jesucristo to pjacure waro, yariaro, jipihtina mari to yainare mari ñaa buhirire cohãri jire. Cã tahata to pjacure wari jire mari ñaa yoari buhirire cohãno taro.

Ña yoaro Cohamacu to cahmano sehetã yoaro niri jire.

¹¹ Jipihtina mari judio masa mari yaina sacerdotea dachoripe Cohamacure ño payori wãhu dahrarucura.

Ña dahrarucua dachoripe mananota wahiquinare wajã, jã mũo,

Ña yoaro Cohamacu to cahmano sehetã yoaro niri jire.

Ña dahrarucua dachoripe mananota wahiquinare wajã, jã mũo,

Cohamacure sinirucura. Ti ã waja jũ mupachuta tí mari ñano yoari buhirire ne cohãerara. ¹² Cristo sehe cã tahata mari ñaa yoari buhirire yariaro, mari ñaa yoari buhirire noano cohã pahñonocari jire. Tíre cohã tuhsu wahaa wahari jire to Pucuro cahapu to poto buhusehei dujiro waharo. Puhuro jiro tópu dujira. ¹³ Tópu dujiro cohtaro nina. Tíre ñu tuhtiinare Cohamacu sehe to yuhdurucabasahtore cohtaro nina Cristo. ¹⁴ Æ jiro cã tahata to yariaro mehne ti ñaa yoari buhirire to cohãbasarinare ñaa buhiri marieina ti ã jirucuchu yoara tiro. ¹⁵ Tí potocã tjira. Æta ni yahura Espíritu Santo marine. Õ sehe ni yahura tiro:

¹⁶ “Õ sehe nina Cohamacu: ‘Baharopure õ sehe ni yahuihtja Israe masare, “Yu dutiare ti wacũapu cũihtja”, ni yahuihtja”,

nina tiro. ¹⁷ Õ sehe ni namona Cohamacu:

“Ti ñaa yoari buhirire yu dutiare ti yuhdurucari cãhure pari turi wacũ namosi yuhu”, nina tiro”,

ni yahura Espíritu Santo. ¹⁸ Mari ñaa yoari buhirire to ã bochu pari turi mari ñaa yoari buhiri yariahtirore cahmaeraja mari.

Cohamacu cahai sãna cuiro marieno tiro mehne mari durucuboriro seheta tiro mehne durucu masija mipure

¹⁹ Æ jina yu coyea Cristo to yariaro mehne to di cohãno mehne mipure mari cãhu cuiro marieno Cohamacu to jiri tahtia waropu sãana, tiro mehne durucu masija. Æ yoana tirore sini masija. ²⁰ Mari catirucuhuto cjihtore Cohamacu marine ã coã yoaro niri jire. Cristo sehe mari ñaa yoari buhirire yariaro to di cohãri mehne Cohamacu mehne durucu masija mari. Sacerdotea puhuro bui puhuro tí tahtiapu to sãariro seheta Cristo sehe Cohamacu cahapu sari jire mari ñaa yoari buhirire bo dutiro waharo. Tí tahtia macari suhtirore ducatarí suhtirore to tuhre cohãboro seheta Cristo to

pujacure cohãri jire Cohamacu mehne mari jirucuhuto sehe. ²¹ Æ jiro Cohamacu ya wuhui dahrariro mari Yairo Sacerdote tua yuhdururo jira tiro. ²² Æ jina Cohamacure sinijihna mahñono marieno. Tíre noano wacũ tuua mehne, cuiro marieno tirore sinijihna. Cristo mari ñaa yoari buhirire to cosaweinapu jija. Æ jina “Buhiri tiina jija mari”, ni tuhutuina jieraja mari. Æ yoa wete mariea co mehne mari cosawero seheta Cristo to cosaweinapu jija. Æ jiina jina Cohamacure sinijihna. ²³ “Mũsare yuhdurucu yoaihtja”, to niriro seheta yoarohca. Æ jina tiro marine to yuhdurucu yoahuro noano masija mari. Tíre masina, ne boena tjijihna. Cohamacure ã wacũ tuarucujihna. ²⁴ Mari mehne macainare cahina, tinare yoadohojihna mari jipihtina mari cahma cahí yoadohohto sehe. ²⁵ Æ jina noano cahmachurucujihna Cohamacu yare yoana tana. Paina sehe ti cahmachumarirore duhua nina. Tina yoaro sehe yoaena tjijihna. Mari mehne macainare wahchechu yoajihna. Ahri yahpapure mari puhuro to tahto mahapocã dũsara. Tíre masina tuaro wahchechu yoajihna mari mehne macainare Jesu yainare.

²⁶ Potocã jia buheare noaa buheare mari masipanahta ñaa mari pari turi ã yoarucuchu mari ñaa yoari buhirire cosawe namohto basioerara. ²⁷ Æ jiro tó sehe yoainare cua nina. Jipihtina tirore ñu tuhtiinare buhiri dahrero, tuaro jãnoi cohãnohca Cohamacu tinare. Æ jia to buhiri dahrehtore cuiina dihta jimana tirore duhuina. ²⁸ Cohamacu dutia Moise cjirore to cãri cjirore yuhdurucainare buhiri dahrea, mari coyea judio masa wajãna tinare. Ne pja ñano marieno wajãna tinare. Tiaro ti yahusãchu tuhoro beseriro ti yuhdurucarire masino tinare buhiri dahre dutira. Tiaro mariachu puaro ti yahusãchu tinare buhiri dahre dutira. To ã dutichu tinare wajãna. ²⁹ Tí yuhdoro Cohamacu macunore ñu

yabiina to buhiri dahrehtina jiahca. Cohamacu Cristo to di cohãno mehne mari ñaa yoari buhirire cohãna. To ã cohãhtore yahuri jire tiro marine. Æ jia tina ti ñaa yoari buhirire cohãrina jipahta baharo pari turi ñaare yoarucua ti ñaa yoari buhirire to cohãrire to di cãhure “Wiho waro jira”, nia nina. Æ niina, to buhiri dahrehtina waro jia niahca. Æ niina Espiritu Santore ñano ni durucuina jira. Tiro tinare cahãriro jira. Ti ã ñano durucuchu ñano tuaro buhiri dahrerohca Cohamacu tinare. ³⁰ Ahrire mari noano masija. Cohamacu to basita õ sehe nia tiri jire: “Yuhu jija buhiri dahrehtiro. Ti ñaare yoari buhiri buhiri dahrehtja yuhu”, nia tiri jire tiro. Õ sehe ni namoa tiri jire: “Yuhu ñano yoainare yu yainare buhiri dahrehtja”, nia tiri jire tiro. ³¹ Cohamacu catiriro marine to buhiri dahrechua yuhduara.

³² Panopu musa jirire wacũga musa. Tí pjare Cohamacu yare wahma masi ducana payu tahari ñano yuhdupanahta to yare duhuerare musa. ³³ Cãa tahari masa ti ñurocaroi paina musare ñano ni, ñano yoapere musare. Paina Jesu yainare ti ñano yoachu ñana, tinare pja ñu, tinare piti tìre. ³⁴ Ti peresu yoainare pja ñure musa. Tuhsu, musa yare ti mapachuta wahchea mehne, “Noanohca”, nire musa. Ahri yahpa macaa yuhdoro noaare cjuara musa manopu. Tí noaa ã jirucuahca. Tíre masina, musa cjuare ti machu cahyaerare musa.

³⁵ Æ jina cuiena tjiga. Cohamacure ã wacũ tuarucuga. Musu ã yoachu ñano tiro noano yoarohca musare.

³⁶ Cohamacu “Musare õ sehe yoado-hoihtja”, to ni cõrìre noano cohtaga musa ñano yuhdupanahta. Æ cohtaina jina to cahmaare yoanahca musa. Æ yoana to ni cõrìre cjuanahca. ³⁷ Õ sehe nina Cohamacu yare ti joari pũ: “Mahanocã dũhsara Cristo to wihihto.

Æ taro dói wihi bahrañonohca.

³⁸ Yu yaina noaina sehe yuhure wacũ tuarucuahca.

Æ yoaa yaina jirucuahca.

Yuhu mehne ã jirucuahca.

Yu yare cohãina sehere ñu yabija yuhu”,

nia tiri jire to ya durucua ti joari pũ.

³⁹ Mari sehe Cohamacu yare cohãina jieraja mari. Æ jina pichacapu wahatina jieraja mari. Cohamacure wacũ tuaja mari. Æ jina to yuhduchu yoaina jija.

11

Wacũ tuaare yahuha

¹ Õ sehe jira wacũ tuaa: Cohamacure wacũ tuana, marine to noano yoahore noano masija mari. Cohamacu to niriro seheta to yoerasinipachuta to yahuare “Potocã tjira”, ni tuhutuja mari tirore wacũ tuana. Tirore ñuerapanahta, tirore wacũ tuana, “Potocã tjira”, ni tuhutuja mari to yahuare tuhona. ² Panopu macaina Cohamacure ti wacũ tuachu ñano ñu ji coaa tiri jire tiro sehe.

³ Cohamacu to durucua mehne jip-ihtiare bajuamehnea tiri jire. Æ jiro tiro mari ñuerari mehne jipihtia mari mipu ñuare bajuamehnea tiri jire. Tíre mari noano masija Cohamacure wacũ tuana pinihta.

⁴ Cohamacure wacũ tuaro Abe sehe corderore wajã, ju muo, Cohamacure ño payoro “Noana”, nia tiri jire. To wahmino Caí yuhdoro noanore waro, ño payoa tiri jire tiro Cohamacure. Æ jiro Cohamacu to warire wahchea tiri jire. Æ wahchero “Noariro jira”, ni ñu tiri jire tiro Abero. Æ Cohamacure to wacũ tuachu ñana mari tirore ñu cũja. To yariari baharo jipachuta to wacũ tuarire ñu cũja mari.

⁵ Enoco Cohamacure to wacũ tuachu ñano wahchea tiri jire Cohamacu. Æ wahchero tirore to cahapu na muo tiri jire. Æta nina Cohamacu yare ti joari pũ. To na muori baharo ne masa tirore bocaera tiri jire. To na muoriro jiro ne yariaera tiri jire. ⁶ Cohamacure wacũ tuaerana, tirore wahchachu yo masieraja mari. Cohamacure wacũ

tuaerana, tirore ño payo masieraja mari. “Potocãta tiro Cohamacu warota jira. ã jiro tirore mari ño payochu marine noano yoara tiro”, mari ni tãhotuerana tirore sini masieraja mari.

⁷ Noé Cohamacure wacũ tuaro, tirore to yahurire noano yãhtia tiri jire. Baharopu ti ñano wahahtore to yahuchu tãhoro noano yãhtia tiri jire tiro. ã yãhtiro, pjiria dohoriare yoaa tiri jire. ã yoa tia dohoriã mehne tiro to coyea mehne dia mininore yãhdũa tiri jire. ã wacũ tuariro jiro ahri yahpa macaina ñaina ti wacũ tuaerarire ti pichacapu ti wahahto cãhure ñono nia tiri jire. ã jiro to wacũ tuachu ñũno “Noariro jira”, ni ñũa tiri jire Cohamacu tirore.

⁸ Abrahã cjiro cãhu Cohamacure wacũ tuaro tirore yãhtia tiri jire. Pa dihtapure tirore to wahti dihtapure Cohamacu to waha dutichu tãhoro Abrahã yãhtia tiri jire. To ya dihtai jiro wijaã waharo, to masierari dihtapu sua tiri jire. ⁹ “Ahri dihtare mãhure waihtja”, Cohamacu to nichu tãhoro tirore wacũ tuaro tí dihtaihta tjuaa tiri jire tiro. Tóí jiro pa dihta macariro jiparota tóíhta tjuanocaa tiri jire. Tirore, to macũno Isaa cãhure to panamino Jacobo cãhure tina caĩnare “Ahri dihtare mãsare waihtja”, ni yahua tiri jire Cohamacu sehe. ã jia tina tí dihtai jia, wãhiquina cahsari wãhusei jia tiri jire mãnãno jieraina jia. ¹⁰ Tóí jisinia tiri jire Abrahã Cohamacu mehne to jihtore cohtaro. Pa macapu Cohamacu to jiri macapu mãnopu to wahahtore cohtaro nia tiri jire tiro. Tí macare dahrea tiri jire Cohamacu. ã jiro tí maca ne pihtisi.

¹¹ Cohamacure wacũ tuaro Abrahã cjiro bũcũro waro jiparota, to namono Sara mehne pohna tia tiri jire. To namono pohna marienicoro to jipachũta, “To niriro sehta yoarohca”, Cohamacure nino, tirore wacũ tuaro pohna tia tiri jire Abrahã. ¹² ã jiro Abrahã bũcũro waro jiparota pohna

tia tiri jire. ã jia to panamana ji turianapu payu wahanocari jire. Ñãhpichoha perire, padu pohcaricã cãhure mari quihõna bihoeraro se-heta to panamana ji turiana cãhure quihõna bihoeraja mari.

¹³ Jipihtina ahrina yu yahuina cjiropu Cohamacure wacũ tua tuhsũnapu yariaa tiri jire. Cohamacu tinare “Mũsare waihtja”, to ni quihõ cũrĩrore sũerapahta yariaa tiri jire. Tíre ñahaerapahta Cohamacu to niriro sehta yoari pja baharopu ti cjuãhtire masia tiri jire. ã masia wahchea tiri jire. ã jia õ sehe nia tiri jire tina: “Ahri yahpai tiniina jia. Pa yahpa macaina jia”, nia tiri jire tina. ¹⁴ Tó sehe niina pa yahpare ti ya yahpa cjihtore cohtaa nina. Tíre mari noano masija. ¹⁵ “Pa yahpa macaina jira”, nicu panopu ti cohãri yahpare nicu nieraja. Pa yahpapu ti ji mãhtari yahpapu waha duaã, wahaboa. ¹⁶ Noa yãhdũari yahpa sehere cahmaa nia tiri jire. Tí yahpa mãnopu jira. Ti ã cahmachu ñũno “Cohamacu sã pũhtoro jira”, ti nichu tãhoro buo tierara Cohamacu. Ti ya maca cjihtore dahrebasa tuhsua tiri jire tiro.

¹⁷⁻¹⁸ Cohamacu Abrahãre to macũnore Isaare wajã jũ mãno dutia tiri jire. Tirore ñũ duaro ã dutia tiri jire, “¿Potocãta yãhure wacũ tuajari?” nino. Cohamacure wacũ tuaro to niriro sehta yoaa tiri jimare Abrahã. “Mũ macu Isaa mehne mã panamana ji turianare payu cjuãihca mãhũ”, Cohamacu to niriro jipachũta to macũnore wajãno taro nia tiri jimare Cohamacure ño payoro taro. ¹⁹ “Yu macu Isaare yu wajãchu Cohamacu tirore masonohca”, ni tãhoturo tirore wajãno taro nia tiri jimare. ã niriro jiparota Cohamacu tirore dũcata, wajã dutiera tiri jire. To pũcũro to ã wajãboriro jiro, masariro yoaro sehe jia tiri jire Isaa, Abrahã to ñũchu. ã jiro Abrahã tirore catirirore pari turi cjuãa tiri jire.

²⁰ Isaa Cohamacure wacũ tuaro,

to pohnare Jacobore, Esaú cãhure “Baharopu Cohamacu musare pjíro noano yoarohca”, nia tiri jire. ²¹ Cohamacure wacũ tuaro Jacobo to variahto panocã José pohnare, muare “Cohamacu musare pjíro noano yoarohca”, nia tiri jire Jacobo. Na tuhcuca caha su, to tjuadu mehne tjua ñaha caha su, Cohamacure ño payoro, “Cohamacu musare noano yoarohca”, ni cãa tiri jire. ²² Cohamacure wacũ tuaro José to variahto panocã Israe masa Egiptoii jiina ti wijaahtore yahuyua tiri jire. Ñ ti wijaahtore masiyuro to yariari baharo to pjacu cjirore naa dutia tiri jire to pohnare.

²³ Cohamacure wacũ tuaa, Moisecãre tia sã waro nuo cjuaa tiri jire to pucsuma, to masa bajuari baharo. Noarirocã to jichu ñua tirocãre nuoa tiri jire. Tí yahpa macaina bui puhtoro ti pohnare to wajã dutirore yuhdurucanocaa tiri jire tina. Tirore cuiera tiri jire. ²⁴ Moise cjirore bucchoricoro Egipto yahpa macaina bui puhtoro macono jia tiri jire. Ñ to bucchoriro jiro Cohamacure wacũ tuaro “Ticoro macano”, tirore ti ni pisuchu cahmaera tiri jire Moise. ²⁵ Cohamacure yuhdurucariro jiro tirore bucchoricoro caharu mahaa numricã noano jiboa. Ñ jiboriro jiparota tí yuhdoro tiro Cohamacu yaina mehne ñano yuhdu dua tiri jire. ²⁶ Ñ ñano yuhduro Cristore ti bujupehto seheta ti bujuperiro jia tiri jire. Baharopu to noano yoari wapa Cohamacu tirore to noano yoahore masino ñano yuhdu dua tiri jire Cristo to ñano yuhduhto seheta. Jipihtina Egipto macaina ti noaare ti cjuaro yuhdoro tiro Cohamacu sehere tuaro cahmaa tiri jire. Ñano yuhduparota, Cohamacure cahmaa tiri jire. ²⁷ Cohamacure wacũ tuaro, Egipto macaina bui puhtoro tiro mehne to suachu cuieraa tiri jire Moise. Ñ cuieraro tí yahpai jiri to tí yahpare cohã wahcãa wahaa tiri jire. Ñ waharo Cohamacure bajuerarirore

to ñaboriro seheta cuierariro jia tiri jire. Cohamacu tirore to yoa dutirire ne duhuera tiri jire Moise cjiro.

²⁸ Cohamacure wacũ tuaro Moise cjiro Israe masare Cohamacu to yuhduchu yoahore masia tiri jire. Ñ masino Cohamacu to dutiriro seheta Israe masa ti sopacarire ña pjĩine di mehne wajã site dutia tiri jire tiro. Tí ñ yoachu ñano anjo masare wajãro ti masa wahmisumare wajãboriro Israe masa ti wahmisumare wajãera tiri jire. ²⁹ Cohamacure wacũ tuaa, Israe masa “Sohãri ma”, ti niri mapu co watoi jiri wahsai co marieni wahsai wahaa wahaa tiri jire. Tí ñ wahachu ñua Egipto macaina cãhu tinare ñu cũ, nuhu ti wahcãmaa, mini yariaa wahaa tiri jire.

³⁰ Cohamacure wacũ tuaa Israe masa Jericó wama tiri maca macari sahrĩno tãa mehne ti yoari sahrĩno sã butiri sahrĩno baharo buhusehei soroa majarea tiri jire. Siete dachori waro tí macare soroa tinia tiri jire. Tópe dachori ti soroa tiniri baharo tí sahrĩno sehte bora pihtia wahaa tiri jire. ³¹ Cohamacure wacũ tuaro tó pano mu mehne ñano yoarucuricoro cjiro Rahab wama tiricoro, tí maca macaricoro Israe masare yoadohoa tiri jire. Tí macare ti cohãhto pano mahainacã Israe masa tópu sãa ti duhti ñachu ticoro tinare yoadohoa tiri jire. To ñ yoadohochu ñua Israe masa wajãera tiri jire ticorore. Tí maca macainare Cohamacure yuhdurucainare wajãpahta ticoro sehere wajãera tiri jire.

³² Painare Cohamacure wacũ tuainare yahu namoboa yuh. Ñ yahu duapaihta payure ñ Cohamacure wacũ tuainare yahu joa pahño masieraca yuh. Payu jira tina. Gedeõ, Baraca, Sansõ, Jefe, Davi, Samue, Cohamacu yare yahu mahtaina cãhu ahrina jipihtina yu yahuborina jira. ³³ Cohamacure wacũ tuaina cãina paye yahparipu jia, tí yahpari macainare cahma wajã yuhdurucaa tiri jire. Ñ yoa paina noano dutiina jia tiri jire. Cohamacu

tinare “Musare yoadohoihtja”, to niriro seheta tinare yoadohoa tiri jire. Tirore ti wacũ tuachũ ñño ã tinare yoadohoa tiri jire. ã wacũ tuaa, yaya tinare ti chũ duachũ ti duserire bihachũ yoaa tiri jire tina. ³⁴ Tuarõ jãri pichacaru jipahta jãera tiri jire tina Cohamacure wacũ tuaa. Paina tinare ti ñosa wajã duachũ duhti wahcãa wahaa tiri jire Cohamacure wacũ tuaa. Tuaraina jipahta Cohamacure wacũ tuaa, tuaina wahaa tiri jire. Cohamacure wacũ tuaina jia, cahma wajã tuaina jia tiri jire. ã jia paye yahpari macaina surara tinare wajãa taina ne cãno pjaera tiri jire tinare. ³⁵ Cãa numia Cohamacure ti wacũ tuachũ ñño ti coyeyã ti yariachũ ñño Cohamacu sehe tinare masobasaa tiri jire.

Paina “Cohamacure cahmaena tjiga”, ti ni peresu yoaina ti ñabiarõ yoapeina Cohamacure wacũ duhuera tiri jire. “Cohamacure musa wacũ duhuchũ musare wionahca”, nia tiri jimare tinare peresu yoaina Cohamacu yainare. Ti ã nipachuta tinare yuhtiera tiri jire Cohamacu caharu tuaro waha duaa. ã jia tinare ñabiarõ ti yoapechũ yariaa wahaa tiri jire. ³⁶ Painare Cohamacure wacũ tuainare ñano ni bujape tinare tjana mujaa tiri jire. ã yoa painare dahporire, yachurire duhtenoca peresu yoaa tiri jire. ³⁷ Cohamacure wacũ tuainare ñaina tãa mehne doca wajãa tiri jire. Painare ti pjacurire seroti mehne yihso ta mujaa tiri jire. Painare ñosaa pjĩni mehne ñosa wajãa tiri jire tina. Ti ã ñano yoapeina oveja cahsari mehne, cabra cahsari mehne suhti tiina pjacuoina jia tiri jire. ã jia paina tinare ñano yoapea tiri jire. ³⁸ Tina Cohamacure wacũ tuaina peri yu yahuina noa yuhduaina ti jichũ ahri yahpa macaina ñaina tina mehne jiborina jierara. Ahrina Cohamacure wacũ tuaina wuhuse marieina jia, masa marienopũ, tãyucaru ji sitotaa tiri jire. ã ji sitotaa, tãyucaru jia coparipũ, yahpai jia coparipũ cãhure

carĩ sitotaa tiri jire. ³⁹ Ahrina jipihtina Cohamacure ti wacũ tuachũ ñño wahchea tiri jire tiro. Ti ã wacũ tuapachuta Cohamacu tinare “Musare yuhduchũ yoihtja”, to niriro mu suerasinia tiri jire. ⁴⁰ To yuhduchũ yoerasinirire yahuro õ sehe ni tuhutua tiri jire Cohamacu. “Ahrina yu yainare baharopũ jiina yu yaina mehne cãno potori yuhduchũ yoihtja”, ni tuhutua tiri jire. ã ni tuhuturo to niriro seheta yorohca. To ã yoachũ noa yuhduara to pano yoariro yuhdoro.

12

Jesure ã wacũrucujihna mari

¹ ã jina ahrina yu yahurinare payu Cohamacure wacũ tuainare masina, jipihtia ñaa yoare duhunocajihna mari cãhũ. Õ sehe jira mari piti dahre buhechũ: Murocaperirore tirore muroca tuachũ dojomehnea jira paye. To dahpo suhti nucua suhti tirore muroca tuaerachũ yoaboca. Tĩ yoaro seheta Cohamacu cahmaare mari yoa duachũ dojomehnea cãhũ jira. Ahri cãhure duhujihna mari. ã yoana murocapeina soro marieno ti murocaro seheta mari cãhũ Cohamacu to cahmano seheta soro marieno yoajihna. ² ã jina Jesure ã wacũrucujihna mari. Tirota jira marine wacũ tua ducachũ yoariro. ã yoa marine wacũ tua namochũ cãhure yoara tiro. Crusaru yariaro cãno pjari jire. Baharo to wahchehtore masino crusaru yariari jire. ã yariaro buo tiboriro jiparota buo tierari jire tiro. ã yoaro mipure Cohamacu to puhtoro dujiro potõ buhusehei dujitjiãhno tiro dutiriro jira.

³ Ñaina masa tirore ti ñabiarõ yoapachuta cãno pjari jire tiro. Tĩre wacũga musa, musa cãhũ ñano yuhduina, “Cãno pjaerari”, nina. Tĩre wacũga musa “Tirore wacũ tua duhuri”, nina. ⁴ Jesu to ñano yuhduriro sehe ñaare yoera-panahta ñabiarõ waro yuhduerasinica

musa. Ñaina musare wajãerasinica.
⁵ ¿Cohamacu musare to pohñare to yahurire bonocajari musa? Musa ñano yuhduhtire to yahurire wacũga musa. Õ sehe nia tiri jire tiro:

“Yu macu, muhare yu yahuchu yuhare ã ñanocai tjiga ñano yuhdupaihta.

Muhare yu tuhtichu tuhocu cahyai tjiga.

⁶ Jipihtina yu cahĩinare yahuja.

Ã yoa jipihtina ‘Yu pohña jira musa’, yu ni ñinare yuhduraca duteraja.

Ã jicu ti yuhduracachu ñucu tinare buhiri dahreja”,

nia tiri jire Cohamacu. ⁷ Ñano yuhduna Cohamacu yare duhuena tjiga. Cohamacu musare to pohñare buhero nina. Ti pucsuma ti pohñare ã yahurucura. Ñ yoa tinare buherucura. Tó sehta yoara Cohamacu cãhu marine to pohñare.

⁸ Cohamacu jipihtina to pohñare ã yahurucura. Ñ jina musare to yahuerachu to pohña waro jierara musa. Pucsuma marieina yoaro sehe jira musa to yahueraina. Ñ jina “Sã Pucu waro jira”, ni masierara musa Cohamacure, musare to yahuerachu. ⁹ Mari pucsuma marine ti yahuchu tuhona tinare ño payoja mari. Mari pucsumare mari ño payoriro yuhdoro ño payoro cahmana mari Pucure Cohamacure to yahuchu. Ñ jina tirore yuhtiro cahmana marine. Ñ yuhtiina jina jipihtia dachoripe tiro mehne jinahca.

¹⁰ Mahaa numericã ahri yahpai mari jisinicu mari pucsuma marine yahua, buhiri dahrera. Ti mu sũro ti masino purocãta marine yahua, buhiri dahrera. Cohamacu sehe marine noano yahura. Ñ jiro to masia mehne marine buhiri dahrera marine noaina bucã dutiro. Ñta yoara tiro marine tiro yoaro sehe noaina mari jihto sehe. ¹¹ Marine to buhiri dahrechuh wahcheraja mari. Wiho mari cahyaja. Ñ cahyapanahta to ã buhiri dahreri baharo noaina

bucãanahca mari. Ñ jina soro yoaro marieno noano jinahca.

Cohamacu marine to dutiare mari yuhtierachu cua nina marine

¹² Ñ jina wacũ tuaera cureina jipanahta Cohamacure wacũ tuaina jiga. Tirore duhuena tjiga. ¹³ Noano potori mahare musa wahaboro sehta noano potocã yoaga musa. Musa ã yoachu ñu cãa, paina Jesu yaina soro jiare yoasi. Musa noano yoachu ñu cãa, noano wacũ tuaera cureina cãhu wacũ tuaina wahaahca.

¹⁴ Jipihtina masa mehne noano jiga, cahmacheno marieno. Ñ yoa ñano yoarucuenta tjiga. Ñaa buhiri marieina dihta mari puhtoro Cristore ñuahca.

¹⁵ Noano yoaga musa. Cohamacu musare to yoadohochu tirore noano yuhtiga. Ñaa diaa ti toaare ti dojomehñeno sehta musa cãhu Cristo yare duhuena tjiga, “Painare dojomehneri”, nina. ¹⁶ Ne numia mehne ñano yoina jiena tjiga. Ñ yoa Cohamacu yare cahmaeraina jiena tjiga. Cohamacure cahmaerariro jia tiri jire Esaú cjiro. Tiro masa wahmino jia tiri jimare. Ñ jiro to pucũro to yariari baharo to pucũro yare cjuhtiro jisinia tiri jimare. Cohamacu to pucũrore to ni cũri cãhure cjuhtiro jisinia tiri jimare. Ñ jiro jiro cã dacho cã wapaihta chũare cahmano, tí wapa mehne to baharo sehere to wahmino yoaro taro cohtotaa tiri jire. ¹⁷ To ã yoari baharo to dohse waharire masina musa. To pucũro tirore to wahtire tuaro cahmaa tiri jimare Esaú. To ã cahmapachuta to baharore to wahmino to yoari buhiri, baharo to cjuaborire waera tiri jire to pucũro Esaúre. Tíre yahco mehne to sinipachuta tirore waera tiri jire to pucũro.

¹⁸ Cohamacu to dutiare Moise cjirore to cũchu mari coyera Israe masa cjiro Cohamacu mehne jia tiri jire. Tina tiro mehne ti jiro sehta musa sehe jierare. Õ sehe yoaa tiri

jire tina sehe. Tūcūpū Cohamacū mehne jia taa, sua tiri jire. Tu sehe Sinaí wama tidū jira. Turū ti sūchū tuaro pichaca jāa tiri jire. Ā jiro nahitiano, buiri, tuaro wihnono cūhū jia tiri jire tū tūcūi. ¹⁹ Tópū ti sūchū corneta bisiro coa taa tiri jire. Ā yoa durucua bisiro coa taa tiri jire. To ā durucua bisiro coa tachū tūhoa, masa cāno pjaeraa, “Ā durucu namoeno tjijaro”, tuaro ni sinia tiri jire. ²⁰ Cohamacū cuaro mehne ō sehe ni, dutia tiri jire tinare: “Jipihtina ahdu tūcūre pihainare tāa mehne doca wajāga tinare. Ahdūre pihariro wahiquiro waro to jipachūta tiro cūhūre tāa mehne doca wajāga tirore. O űosadū mehne űosa wajāga tirore”, nia tiri jire Cohamacū. To ā nichū tūhoa to ā ni dutiare cāno pjaera tiri jire tina. ²¹ Jipihtia tū tūcūi jiro to űūrire űū cuiro, ō sehe nia tiri jire Moise cjiro: “Cuicū teterei nija”, nia tiri jire tiro.

²² Tó seheta Cohamacū mehne ti ji dūcariro seheta jierara mūsa sehe. Cohamacū mehne jina wahana, Siō wama tidūpū mūano macadūpū mūsa sūboro seheta potota Cohamacū mehne durucure mūsa. Cohamacū catiriro to ya macapū mūsa sūboro seheta potota tiro mehne durucure mūsa. Tí maca pa maca wahma maca Jerusalē mūano macari maca jira. Tópūre payū anjoa peri jira. ²³ Tina Cohamacū mehne wahchea taa cahmachuina jira. Ā jina mūsa sehe to ya maca macaina jina, tópū Cohamacū pohna ji mūhtaina mehne mūsa cahmachuboriro seheta jira. Tina to pohna wamare to joa ōri pūi mūanopū ti wamare to joa ōina jira. Tiro Cohamacū sehe jipihtinare besehtiro jira. Tiro mehne macaina jira mūsa sehe. Ā jina paina noaina Cohamacū yaina mehne cahmachuina seheta jira mūsa cūhū. Tinareta űāa marieina jichū yoa tuhsūri jire Cohamacū. ²⁴ Ā jina Jesu mehne macaina jira mūsa sehe. Wahmanopū Moise cjirore to duti cūri cjirire cohtotaro “Mū sare

yūhdūchū yoaihtja yūhū”, ni cūa tiri jire Cohamacū marine. To ā ni cūriro seheta yoariro jira Jesu. To dire cohā to yariaro mehne ā marine yūhdūchū yoara. Abe cjiro to di cohāchū űūno Cohamacū Abere wajārirore buhiri dahrea tiri jire. Jesu sehe to dire cohā to yariaro mehne noano yūhdūja mari. Ā jiro Abe to di cohāri wiho warota jia tiri jire. Cristo sehe to di cohāri baharo noa yūhdūaro yoari jire Cohamacū marine. Ā jia to di cohāri wiho warota jierara.

²⁵ Ā jina noano yoaga mūsa. Cohamacū yare mū sare yahurirore noano yūhtiina jiga. Panopū ahri yahpai jiriro Moise cjiro Cohamacū yare to yahuchū tūhoa, payū tíre tūho duaera tiri jire. Ā ti tūhoerari buhirire buhiri dahrea tiri jire Cohamacū tinare. Cristo sehe mūanopū jiriro Cohamacū yare yahuriro jira. Ā jiro panopū macainare to buhiri dahreriro yūhdoro buhiri dahrerohca Cohamacū Cristore cahmaerainare. Cristo sehe mūanopū jiriro Cohamacū yare yahuriro jira. ²⁶ Tí pjare Moise cjirore to dutiare to cūri pjare Cohamacū to durucuro mehne yahpa űūhmichū yoaa tiri jire. Mipū sehene ō sehe ni yahuri jire tiro: “Ahri yahpa to űūhmichū cū taha yoa namoihtja. Ahri yahpa dihtare űūhmichū yoasi yūhū. Mūanopū cūhūre űūhmichū yoaihtja”, ni yahuri jire tiro. ²⁷ “Ahri yahpa to űūhmichū cū taha yoa namoihtja”, nino jipihtiare to bajuamehnerire to cohāhtore masichū yoaro niri jire. Pūhtoro Cohamacū to sūho jiropūre cohāhto basioerara. Ā jiro to bajuamehneri cjirire to cohāchū pūhtoro to sūho jiro dihta tjuarohca. ²⁸ Pūhtoro to sūho jiropū wahanahca mari. Ā jina pūhtoro to sūho jiropūre to cohāerachū űūna, Cohamacūre “Noana”, nijihna mari. Ā jina tirore űo payoa mehne, cua pisaro mehne to yare yoajihna mari tirore wahchechū yoana tana. ²⁹ Pichaca jāno to cuaro to jiro seheta Cohamacū

cuaro choro buhiri dahreriro jira.

13

Õ sehe Cohamacure wahchechũ yoaga

¹ Musa mehne macainare cahĩ duhuena tjiga. ² Masa musa masieraina ti jipachũta tinare musa wuhusepu noano mehne sãa ta dutiga. Paina ã yoaa, masierapahta anjoare ti wuhusepu sãa ta dutiri jire. ã jina ti yoaro seheta yoaga musa cãhũ.

³ Peresui jiinare pja ñũga. Musa sehe tina mehne peresui jiina musa jiboro seheta tinare pja ñũga. Paina ti ñano yoaina cãhũre pja ñũga. Tina yoaro sehe musa cãhũ musa ñano yuhdũboro seheta tinare pja ñũga.

⁴ Wamomaca duhteina jipihtina musa basi noano cahma ño payoga. ã yoa paina mehne ñano yoarena tjiga. Jipihtina numia mehne ñano yoinare, maa mehne ñano yoaa numia cãhũre buhiri dahrerohca Cohamacũ.

⁵ Niñerure cahĩina ne jiena tjiga. Õ sehe nia tiri jire Cohamacũ: “Musare ne cohãsi. ã yoadohorucuihtja musare”, nia tiri jire tiro. Noho puro musa cãhũa mehne tó purota wahchega. Pjĩro cahma namoena tjiga. ⁶ ã jina cuiro marieno õ sehe ni tuhotunahca mari: “Mari puhtoro Cohamacũ marine yoadohoriro jira.

Ne cuisu mari.

Masa marine ti ñano yoahore cuisu mari”,

ni tuhotunahca mari.

⁷ Cohamacũ yare musare yahurinare musare dutirinare wacũga musa. ã yoa noano ti jia tirire noano ti yoaa tirire wacũga. ã wacũna, Cristore ti wacũ tuariro seheta yoaga musa cãhũ.

⁸ Jesucristo ne cohtotaerara. Panopũ, mipũ cãhũre, baharopũ cãhũre to jiro seheta jirucurohca tiro. ⁹ Payũ buheare soro jia buheare tuhoena tjiga musa “Noa buheare sãpu cohãri”, nina. “Ahrire chũga.

Ahrire chũena tjiga”, ni buhera cãina. ã ni ti nia buheare mari yuhlichũ ti marine yoadohoerara. ã jiro tó sehe jia buheare mari yoachũ wiho warota jira. Tĩ marine wacũ tuaina jichũ yoerara. Cohamacũ sehe marine pja ñano wacũ tuaina jichũ yoara. ã jina to ya tuua mehne tirore wacũ tuaina jiga musa cãhũ.

¹⁰ Cristo mari ñaa buhirire yariari jire mari ñaare cohãno taro. Sacerdotea sehe õ sehe niina jira: “Wahiquina mari wajã jũ mũoina, mari waina mehne yuhdũnahca”, niina jira sacerdotea. ã niina ti ñaa yoari buhirire cohãina ne ji masierara. Cristo to crusai to yariaro mehne yuhdũina ji masierara tina ã ni tuhotuina. ¹¹ Mari judio masa mari sacerdotea puhtoro Cohamacũ to jiri tahtia waropũ dire na sãano wajã sitea tiri jire, masa ti ñaa yoari buhirire cosawero taro. ã yoa to wajãriro wahiquiro to pjacure tĩ maca duhtũ cahapu jũ cohãnocahna.

¹² To yoariro seheta Jesu cãhũ maca duhtũ cahapu yariari jire, masa ti ñaa buhirire to di cohãno mehne cosawero taro. ¹³ Maca duhtũ cahapu to yariachũ ñũa, ti ya buheare to cohãchũ ñũa judio masa puhtoa tirore ñũ tuhtiri jire. ã jina mari cãhũ tiro mehne macaina jijihna. Mari ã jichũ ñũa, masa mari cãhũre ñũ tuhtiahca. ¹⁴ Ahri yahpapũ mari ji dojoahti maca ne mariahna. ã jina mipũre mari baharopũ jihti macare cohtana nija mari. ¹⁵ ã jina Jesu to yoadohoro mehne Cohamacũ mehne durucuja mari. ã jina tirore noano sinijihna. Sacerdote wahiquirore jũ mũo, Cohamacure to ño payoriro seheta Cohamacure mari dũseri mehne noano durucu ño payojihna mari. “Cohamacũ tuariro jira”, ni ño payorucujihna. Mari ã nichũ tiro wahcherohca. ¹⁶ Musa mehne macainare noano yoaga. ã yoa tinare yoadohoga. Tĩre boena tjiga. Musa ã noano yoana Cohamacure ño payona nica musa. ã yoana tirore

wahchech_u yoana nica.

¹⁷ M_usa p_uhtoare noano y_uhtiga. Ti dutiro seheta yoaga. Cohamac_u m_usare ñ_u wihbo, buhe dutiro c_ure tinare. To ã c_urina jia m_usare ã ñ_u wihborucua nina “Cohamac_ure y_uhd_uch_ucar_u”, nia. ã jina tinare noano y_uhtiga m_usa. M_usa ã y_uhtich_u ñ_u wahchea mehne m_usare yoado-hoahca tina. M_usa y_uhtierach_u ñ_u tina cahyaahca. ã y_uhtierana noano jisi m_usa.

¹⁸ Sãre sini payorucuga Cohamac_ure. Dachoripe noaa dihtare yoa duaja sã. ã jina “Ñ_uare yoana nija”, ni t_uhotueraja sã. ¹⁹ Ahri pinihtare tuaro sini payoga Cohamac_ure y_uh_ure: Soaro mehne m_usa cahap_u y_u wahah_uto_ure tirore sini payoga.

Ahri p_ure joariro noa duti batoaha

²⁰ Cohamac_u mari p_uhtoro Jesure variarirore masori jire. Marine noano jich_u yoariro jira. Tiro “M_usare y_uhd_uch_u yoaihtja”, ni c_ua tiri jire Cohamac_u marine. To ã ni c_urire yoariro marine y_uhd_uch_u yoariro Jesu sehe jira. Mari ñ_uaa buhirire variari jire tiro. ã jiro tiro tuariro ovejare ñ_u wihboriro yoaro sehe jiro, marine to yainare noano ñ_u wihbora. ²¹ ã jiro Cohamac_u tirore masoriro m_usa c_uh_ure yoadohojaro jipihtia noaare to cahmaare m_usa yoah_uto_u sehe. ã jiro Jesucristo to yoadohoro mehne Cohamac_u to cahmano seheta jipihtinare marine noaa sehere cohtotach_u yoajaro. Jipihtia dachoripe Cristore ñ_o payojihna. ãta yoajihna.

²² Y_u coyea, ahrire tuaro m_usare dutihtja: Ahri p_ui y_u yahurire noano mehne t_uhoga m_usa. Ahri m_usare y_u joarocari p_u pj_uri tju jierara. ã jina ahrire noano t_uhoga. ²³ Ahri c_uh_ure m_usare yahuihtja: Mari coyeirore Timoteore peresu jirirore wioyuhti. Soaro mehne to wihich_u m_usare ñ_ui wahac_u tirore naaihtja. Y_uh_u mehne waharohca.

²⁴ M_usa p_uhtoare, jipihtina painare Cohamac_u yainare t_oi j_iinare noa dutija. Italia macaina Jesu yaina c_uh_u m_usare noa dutira.

²⁵ Cohamac_u to cah_uã mehne m_usare jipihtinare noano yoajaro.

Santiago

Santiago Israe masare macari waharinare joarocaha

¹ Yuhũ, Santiago ahri pũi musare noa duti joarocai nija. Cohamacũre, mari puhtoro Jesucristo cãhũre dahra cohtariro tjija yuhũ. ã jicũ Israe masa ya curuari macainare doce curuari macainare Jesu yainare macari waharinare yũ coyera musare joarocai nija.

Cohamacũ sehe noano masichũ yoara

² Yũ coyera, payũ jiahca musa ñano yuhduhti. ã ñano yuhdũna noano wahchea mehne tuhotuga. ³ ã ñano yuhdũna, potocãta Jesure musa wacũ tuaare ñona ninahca musa. ã jina ñano yuhdũpanahta Jesure musa noano wacũ tuaina jina, tirore wacũ tua namoina wahanahca. ã wahana musa ñano yuhdũare cãno pjanahca. ⁴ ã yoana duhuro marieno ã cãno pjarucuina jiga musa, tuho masiina, Cohamacũ cahmaare noano masiina musa jihto sehe. ã jina duhsaro marieno to yare yoarucuina jinahca musa.

⁵ Cohamacũ duhsaro marieno jipihtinare wara. ã waro tirore siniinare soro nino marieno wara tiro. To ã jiro jichũ masina, musa masihti duhsachũ tuhotuna, tirore siniga. Musã ã sinichũ musare masi namochũ yoarohca tiro. ⁶ ã sinina Cohamacũre noano wacũ tuatjiãhna siniga musa. “Sã sinichũ Cohamacũ waeraboca sãre”, ni tuhotuena tjiga. Tó sehe ni tuhotuina pjiri ma macaa pahcõri yoaro sehe jira. Pahcõri ti sũroca cohtotaro seheta tina cãhũ ti wacũapũre sũroca cohtotara. Cãno potori yoerara tina. ã jia Cohamacũre wacũ tuaerara. ⁷ Tó sehe ni tuhotuinare ti sinipachũta ne mahanocã ti siniare tinare wasi mari puhtoro Cohamacũ. ⁸ Michare ahrire cahmariro jiparota ñamichacapũre

soro tuhotura tjoa. ã yoarirore tó wahaerara.

⁹ Jesu yainare wiho jainare Cohamacũ sehe puhtoa sõnohca. To ã yoahina jia wahchejaro tina. ¹⁰ ã jia Jesu yaina pache puã jia ti ya pache pihtihore masia wahchejaro. Tí pache wiho warota jira, Cohamacũ to ñũchũ. Cohori ti dói baa boraa waharo seheta tí pache pihtia wahahca. ã jia tina cãhũ wahchejaro. ¹¹ Sũ mũja taro to tuaro sichũ tja sehe ñaia wahara. ã yoa cohorĩ cãhũ ñai boraa waha, noaa cohorĩ ti jia cjiri pihtia wahara. ãta waharohca pache puare ti pachere ti na cahmachuno watoi. Tina ti pache mehneta butia wahaahca.

Ñano yoa dutiare yoerariro wahcheriro jira

¹² Ñano yuhduriro cãno pjaro, ñano yoa dutiare yoeraro wahcheriro jirohca. To ã cãno pjachũ, to ñaare yoerachũ jipihtia dachoripe mũano macaa catiare tirore warohca Cohamacũ. “Tí catiare waihca”, ni cãa tiri jire Cohamacũ jipihtina tirore cahĩinare. ¹³ Musare ti ñano yoa dutichũ “Cohamacũ yuhũre ñano yoa dutiro nina”, ni tuhotuena tjiga. Ñano yoare tuhotuerariro jira Cohamacũ. ã jiro tiro sehe masare ñano yoa dutiriro jierara. ¹⁴ Masa tuaro ñaare ti goa pjaata tita tinare ñano yoachũ yoara. ¹⁵ ã jia ñaare goa pjara masa. ã goa pjaã, tí sehere tuhotura. ã tuhotua, tí ñaare yoarucura tina. Ti ã yoarucuri buhiri Cohamacũ tinare pichacapũ cohãnohca.

¹⁶ ã jia yũ coyera yũ cahĩina, “Cohamacũ yuhũre to dutichũ ñano yoahi”, ni tuhotuena tjiga. Potocã jierara tí. ¹⁷ Cohamacũ mũano macariro marine noaa dihtare wara. Tiro pinihta sũ dacho macarirore, ñami macarirore, ñahpichoha poca cãhũre bajuamehneriro jiro, tiro sehe to jiro sehetã ã jirucunocahna. Ne cohtotaerara. ¹⁸ To cahmariro sehetã tiro noaa buhea mehne marine to pohna wahachũ yoare. ã yoare

tiro to pohna ji muhtaina mari jihto sehe.

Potocãta Cohamacure ño payoa õ sehe jira

¹⁹ Yu cahĩina, yu coyea ahrire noano tuhoga musa. Cohamacu yare noano tuhoga musa. ã tuhona, noano tuhoturo marieno durucuena tjiga. ã yoa suaena tjiga. ²⁰ Cãiro suariro jiro, Cohamacu to cahmano seheta quihõno yoariro jierara. ²¹ ã jina jipihia musa ñaa yoarire, musa ñaare goa pjarire duhuga musa. ã jina Cohamacure noano yuhtiina jina to buheare tuaro cahmaga musa. To ya buheare musa tuaro cahmachu Cohamacu sehe musare pichacaru wahaborinare yuhduchu yorohca.

²² To yare tuhopenahta to nino sehe yoerana mahõare tuhutuna nica musa. “To nino sehe yu yoerachu noanohca”, ni tuhutuna mahõare tuhutuna nica musa. ã jina to yare tuhona tí sehere yoaga. ²³ Cohamacu yare tuhopenahta, to nino sehe yoerana, to wuhduare ñõno mehne ñariro yoaro seheta jira musa. ²⁴ Tiro to wuhduare to ñari baharo waha, to ñarire boa wahara. ²⁵ Pairo sehe to ñarire to boerariro seheta Cristo to dutirire tuhoro tire yoaro, wahcheriro jirohca. Tí dutia Cristo to cahña mehne masare to yuhduchu yohti buhea jira. Tí buheare ne cohãerariro wahcheriro jirohca. Tiro pinihta to tuhore yoariro jira. ã yoarirore noano yorohca Cohamacu.

²⁶ Cãiro to ã durucumacancarire duhu masieraro, potocãta Cohamacure ño payoerara. “Cohamacure noano ño payoja”, ni tuhoturiro jiparota mahõare tuhutura tiro. “Cohamacure ño payoja”, niriro to jipachuta to ño payoa ne yaba cijhti jierara. ²⁷ Potocãta Cohamacure mari Pucure mari ño payona, to cahmano seheta ño payona, õ sehe yoaja mari: Pucsuma marieinare, wapewahya numia cãhure ñano ti yuhduchu ñana, tinare

yoadohoja mari. ã jina ahri yahpa macaina ñaare ti yoaa barore ne yoa duaeraja mari. ã yoana potocãta Cohamacure ño payoina jija mari.

2

Masare cãno potori noano yoaro cahmana marine

¹ Yu coyea, noa yuhduarirore Jesucristore mari puhtorore tuhona, tirore wacũ tuaina jira musa. ã wacũ tuaina jina masare cãno potori noano yoaro cahmana musare. ²⁻³ ã yoa uru sororire, wamomaca sãa sororire cjariro, wapa tia suhtire sãariro musa Jesu yaina cahmachuno caharu to tachu ñana tirore noano mehne piti bocaboca. “Õi dujiro jira”, niboca musa tirore. ã nipanahta tí pjata pjacuroro cãhu ñano suhti tiriro musa cahai to tachu ñana tiro sehere noano piti bocaeraboca. “Õi ducuga. O yahpai dujiga”, niboca musa tirore. ⁴ Musã ã yoana masare cãno potori yoerana nica musa. ã yoana ñaare tuhutuina masare beseina yoaro sehe jina nica musa. “Ahriro sehe noariro jira. Ahriro ñariro jira”, ni besemana musa.

⁵ Yu coyea, yu cahĩina, yuhure tuhoga. Payu pjacuoina sehere Cohamacure noano wacũ tuahtina cijhtire, puhtoro to sãho jiropare jihtina cijhtire besea tiri jire Cohamacu. “Tõpare wahanahca musa”, ni cãa tiri jire Cohamacu tirore cahĩinare. ⁶ Tinare to ã besepachuta musa sehe pjacuoinare noano yoerare. Pache puã sehe musare ñano yoara. ã yoaa tina masare beseriro caharu musare naahna musare yahusãa taa. ⁷ Musã sehe “Cristo yaina”, masa ti niina jira. Payu pache puã sehe Cristore ñano ni durucuina jira. (ã jiro pjacuoinare musa ño payoriro yuhdoro pache puare musa ño payochu sehere ñaa nina.)

⁸ Cohamacu dutia mehne macaa dutiare paye dutia bui curero jia dutiare õ sehe ni joaa tiri jire: “Mu basi mu cahño seheta mu

cahai jiina cūhure cahīga”, nina Cohamacu dutia. Ahri dutiare yoana, noaare yoara m̄sa. ⁹ Wiho mejeta masare cāno potori yoerana ñano yoana nina m̄sa. Ā jina Cohamacu dutiare yūhdurucaina jira m̄sa. Āta nina Cohamacu yare ti joari p̄i. ¹⁰ Cohamacu dutiare yoana jipanahta cūnotare m̄sa yoerachū paye dutiare m̄sa yoa pahñopachuta yaba cjihti jierara. Ñaa buhiri tiina jisina m̄sa. ¹¹ “Pairo namono mehne ñano yoena tjiga” ni, m̄sare dutiro Cohamacuta jira. “Masare wajāena tjiga”, niriro tirota jira Cohamacu. Pairo namono mehne ñano yoerapanahta masunore wajāna Cohamacu to dutiare yūhdurucaina jira m̄sa. ¹² Cristo marine tuaro cahīno, marine dutira marine yūhdūchū yoaro taro. To dutiare mari yoarire, mari yoerari cūhure ñano marine besero tarohca. To ā besehtina jina to dutiare noano yoajihna. Ā yoa to cahmano seheta durucujihna mari. ¹³ Mipure painare mari pja ñerachū Cohamacu sehe masare to beseri pja jichū marine pja ñusi. Wiho mejeta painare mari pja ñuchū Cohamacu sehe pja ñano, marine buhiri dahresi.

Cristore wacū tuaina sehe noaare yoara

¹⁴ Yū coyēa tūhoga m̄sa. “Cristore wacū tuaja yūhū”, cūiro to nipachuta painare to noano yoadoherachū to ā nimari cjiri sehe ne yaba cjihti jierara. Tó sehe ni wacū tuamacanocarirore Cohamacu yūhdūchū yoasi. ¹⁵⁻¹⁶ ¿Jesu yairo, Jesu yacoro ñaa suhti dihta ti cjūachū ñūna ti chūhti mariachū ñūna dohse yoajari m̄sa tinare paye baro cjūaina jina? “Noano jiga m̄sa. Ā yoana noano suhti tiga. Ā jina noano chūa mehne yapi wahcāga”, nipanahta ti cahmaare m̄sa waerachū m̄sa ā nimari cjiri ne yaba cjihti jierara. ¹⁷ Ā yoa “Cristore wacū tuaja”, m̄sa nipachuta noaare m̄sa yoerachū Cristore m̄sa wacū tuaa ne yaba cjihti jierara.

¹⁸ M̄sa mehne macariro ahri yū buherire tūho duaeraro ō sehe masijaro. Noaare yoeraparota “Cristore wacū tuaja”, niboca tiro. Noaare yoeraro Cristore to wacū tuare painare masichū yoa masierara. Noaare yoariro pinihta noaare to yoaa mehne Cristore to wacū tuare masichū yoa masina. ¹⁹ “Cohamacu cūirota jira”, ni tūhotura m̄sa. M̄sa ā ni tūhotuchū noa nina. Ā jipachuta tó purota Cohamacure yūhtiro marieno tirore m̄sa masichū tí yaba cjihti jierara. Watīa cūhū m̄sa tūhoturo seheta tūhotura. Ā yoa Cohamacu to jia tiare masina tina. Ā masia, cuia, teterera. ²⁰ Cūiro noano yoeraparota “Cristore wacū tuaja”, ni tūhoturo jiro tūho masierariro jira. Cristore wacū tuamariro painare noano yoeraro potocāta Cristore wacū tuarara. Ō sehe ni yahuihtja m̄sare ahire: ²¹ Abrahā mari ñuchū cjiro to macūno Isaa wama tirore cjirore wajābasaa tiri jimare Cohamacure. Ā yoaro tirore tāa mehne ti yoari tuhu bui duhu payoa tiri jimare. Ā duhu payoro Cohamacu to dutirore seheta to macūno wajāno taro nia tiri jimare Cohamacure ño payoro taro. To ā yoachū ñūno potocāta Cohamacure to wacū tuarire masia tiri jire Cohamacu. To ā wacū tuariro to jichū masino, “Potocāta noariro jira”, ni ñūa tiri jire Cohamacu tirore. ²² To ā ni ñuchū ahire masina m̄sa: Abrahā Cohamacure wacū tuaro tirore yūhtia tiri jire. Ā yūhtiro Cohamacure to wacū tuarire masichū yoaro nia tiri jire. ²³ Ā jiro Cohamacu yare ti joari p̄i to niriro seheta ā wahaa tiri jire: “Abrahā Cohamacure wacū tuaa tiri jire. To ā yoachū ñūno ‘Noariro jira tiro’, ni ñūa tiri jire Cohamacu tirore”, ni joaa tiri jire Cohamacu yare ti joari p̄i. To ā ni ñuchū masia “Abrahā Cohamacu mehne macariro jira”, nina masa tirore.

²⁴ Ā jina ahri yū yahuitire masina m̄sa: “Cohamacure wacū tuaja”

niri,ro, to noano yoaerach_u ñ_uno Cohamac_u sehe tirore “Noariro jira”, ni ñ_uerara. Cohamac_ure wac_u tuariro sehere potoc_uta to noano yoach_u ñ_uno “Noariro jira”, ni ñ_una Cohamac_u tiro sehere. ²⁵ Āta ni ñ_ua tiri jire Cohamac_u Rahab wama tiricorore m_ua mehne ñ_uno yoarucuricoro cjirore. Josué cjiro to warocarinare noano piti boca “Noano s_ua tahga”, nia tiri jire ticoro. Ā yoaro tina ti tjuaa duach_u ticoro sehe pa maha sehere ñ_uoa tiri jire tinare “Tinare ñ_u tuhtiina waj_uari”, nino. To ā yoach_u ñ_uno “Noaricoro jira”, ni ñ_ua tiri jire Cohamac_u ticorore. ²⁶ Ā tjira. Mari pjac_upure catia mariach_u ji masieraja mari. Ā jiro catia marieno mari pjac_u yaba cjihti jierara. Tó seheta “Cohamac_ure wac_u tuaja”, nipanahta painare mari noano yoaerach_u potoc_u jierara mari wac_u tuaa. Ā jiro mari noano yoaa mariach_u mari wac_u tuaa yaba cjihti jierara, catia marieni pjac_u to yaba cjihti jieraro seheta.

3

Mari d_useroi wijaare yahuha

¹ Cohamac_u yare masare buheina to yare ti noano yoaerach_u ñ_uno tina pinihtare masare buheraina y_uh_uoro Cohamac_u buhiri dahrerohca. Tíre masina m_usa, y_u coy_uea. Ā jina m_usa mehne macaina masare buheina pay_u jiena tjiga. ² Jipihtina pay_u tahari mari ñ_uare yoaja. C_uiro ñ_uare durucuerariro Cohamac_u cahmaare noano yoariro jira tiro. Ā jiro paye ñ_ua c_uh_ure yoaerara. ³ Ō sehe jira ahri mari piti dahre buhech_u: Cawalo to d_useroi comaa pj_ui to ñ_uahmanore ñ_ua dihohti pj_uine mari c_uja, tirore mari majarer_ucach_u yoana tana. Ā yoana tí pj_ui comaa pj_ui mehne tirore to wahahto mari waja majarer_uca dapoja. Tí pj_uica mahari pj_uica to jipach_uta tí pj_ui mehne tirore wahach_u yoaja mari. (Ō seheta mari d_usero mahanoc_u to jipach_uta tí d_usero mehne pj_uiro ñ_uno yoaja mari.)

⁴ Dohoria quti mehne piti dahre yahu namoihtja m_usare: Busoca pjiria to jipach_uta tiare wihnono to tuaro w_urocapach_uta oturiro sehe mahari pj_uica mehne tia nohoi to waha duaroi oturocara. ⁵ Tó seheta jira mari d_useroi wijaa. Mari d_usero mahanoc_u to jipach_uta tí d_usero mehne pj_uiro yoaja mari. Mahari pichacac_u pj_uiro to j_u wahc_uno seheta mari d_usero mehne pj_uiro ñ_uare yoa masija. ⁶ Ā jiro mari d_usero pichaca yoaro sehe jira. Mari d_useroi wijaa jipihtia ñ_uare yoach_u yoara marine. Pichaca to j_u d_ucaro seheta mari d_useroi wijaa mehne mari noano jiborirore ñ_uabiaro yoaja mari. Ñ_uare durucuna wat_uno to dutiro seheta mari yoana nija. ⁷ Jipihtinare n_uc_u macainare wahiquinare, minichahcare, chihch_u wahc_uainare, wahire mari masa sitich_u yoa masija. Mari pay_u tina barore masa sitich_u yoa tuhs_uja. Ā jia tina noano t_uho masina. ⁸ Tinare mari y_uhtich_u yoapach_uta mari d_usero sehe ñ_uare durucuro ne tjueraputiara. Ā jiro nuina ti niji siariro seheta mari d_usero sehe ne niji siaeraputiara. Mari d_useroi wijaa ñ_uab_uaa jira. Ā jiro ñ_uima painare to waj_uno seheta marine paina c_uh_ure ñ_uabiaro wahach_u yoara mari d_useroi wijaa. ⁹ Mari d_usero mehne Cohamac_u mari p_uhtoro mehne mari noano durucuja. Ā durucupanahta masa Cohamac_u yoaro sehe j_uinare to bajuamehnerina ti jipach_uta tinare ñ_uabiaro ni durucuja mari. ¹⁰ C_u d_useroihta noaa durucua c_uh_u, ñ_uaa durucua c_uh_u wijara. Y_u coy_uea, ā ni durucueraro cahmana. ¹¹ Máca pohtai m_u wiori copai noaa co, ñ_uaa co c_uh_u ne wijaerara. ¹² Y_u coy_uea, h_uguerac_u olivo pocare dicha tierara. Tuhs_u, sec_u h_uguera pocare dicha tierara. Ā yoa máca pohtai m_u wiori copai moa tia co to wijaach_u moa mariea co wijaerara. (Tó seheta mari d_useroi noaa durucua, ñ_uaa durucua mehne wijaach_u yoeraro

cahmana. Æ ni durucuaeraro cahmana.)

Noano masia waro õ sehe jira

¹³ Cãina msa mehne macaina noano masiina jira. Noano masiina msa jia tiare õ sehe yoa ñonahca msa. “Paina yhgoro noano masija sã”, niena tjiga. Æ nienata noare yoaga msa. Æ noare yoana potocãta noano masiina jira msa. ¹⁴ Wiho mejeta paio paye barore to cach ñna tíre tuaro cahmaina jina, paina mehne suarucuina jina, painare yhdrca duaina jina, “Noano masiina jija sã”, niena tjiga msa. Msa ã niina jina mahñoina jira msa. ¹⁵ Æ yoaina ti thotua ne Cohamac ya thotua jierara. Ti thotua Cohamacre yhdrcaina ti ñano thotua jira. Tí thotua sehe watíno ya jira. ¹⁶ Masa ti caare tuaro cahmaina, painare yhdrca duaina ã cahma sayorucura. Æ yoaina jia jipihtia ñaare yoarucura. ¹⁷ Paina sehe Cohamac yare noano masiina sehe tina pinihta ã yoamacanocaa nierara. Æ yoa tina ne cahma sayoerara. Æ jia masa noaina, painare noano yhtiina, pja ñina, masare yoadohoina, masare cãno potori yoaina jira tina. Tíre yoaa, mahñono marieno yoara tina. ¹⁸ Æ yoana cahmachea marieno jina, painare “Cahmachea tjiga”, mari ni yahuna, noaina wahach yoana nija mari masare.

4

Ahri yahpa macaa ñaare cahmana, Cohamacre cahmaeraina jira msa

¹ ¿Dohse jiro baro msa cahma sayojari? ¿Æ jina dohse jiro baro cahmachejari msa? Ñaare goa pjana, cahmache duara msa. Noare yoa duapanahta ñaare yoara msa. ² Paye barore msa cahmana. Æ cahmana masare wajãna msa ti yare nana tana. Pairo paye barore to cach ñna tíre msa tuaro cahmana. Æ cahmapanahta tíre na masierara msa. Æ yoa tíre cahma sayorucura

msa. Cohamacre sinierana, msa cahmaare ne bocaerara. ³ Æ yoa sinina, msa ya cihti dihtare sinimana msa, msa cahmano seheta yoarucuna tana. Paina ya cihti sehere sini payoerara msa. Æ jiro msa sinich Cohamac msa siniare waerara. ⁴ Cohamacre cohãina jira msa. Ahri yahpa macaa ñaare cahmana, Cohamacre cahmaeraina jira msa. Ahri yahpa macaa ñaare cahmaina Cohamacre cahmaeraina ji tuhsra. ¿Tíre masierajari msa? ⁵ Æ sehe nia tiri jire Cohamac yare ti joari pi: “Cohamac Espíritu Santore mari mehne jihtirore chre. Æ jiro Espíritu Santo sehe marine cahño, ñaare mari tuaro cahmapachta cahmasãaerara tiro. To manno to namonore to cahñ doaro seheta marine tuaro cahña Espíritu Santo”, ni joaa tiri jire panopre. To ã ni joari wiho warota jierara. Potocãta jirota nina. ⁶ Æ yoa Cohamac marine noano yoadohora tirore mari noano yhtihto cihtore. Æ sehe nina Cohamac yare ti joari pi: “ ‘Yh pinihta painare masi yhdrcaja’ niriore, Cohamac ñ tuhtira. Pairo sehere ‘Ñariro, wiho jiro jija’, niriore sehere Cohamac yoadohora”, nina to yare ti joari pi. ⁷ Æ jina Cohamacre noano yhtiina jiga msa. Æ yoa watíno yhtiena tjiga. Msa ã yhtierach ñno tiro sehe msare duhti wahcã mrocaa waharohca. ⁸ Cohamacre noano yhtiga msa. Msa ã yoach tiro sehe msare yoadohorohca. Ñaina jira msa. Æ jina ñaare yoa namoena tjiga. Ñaa chre cahmana, noaa chre cahmaina jira msa. Æ jina msa ñaa thotumarire cohtotaga. Msa ã yoach ñno Cohamac msa ñaa yoari buhirire cohãnohca. ⁹ Msa ñaa yoarire tuaro cahyana, buja witiga. Æ yoana msa ñaare yoari buhirire tiiga. Tíre wahcheina jiena tjiga. Æ jina msa ñaa yoarire ñano yajeripohna tiga. ¹⁰ “Ñariro, wiho jiro jija yh”, nina Cohamacre ño payoga. Msa ã yoach ñno

tiro sehe ño payoa mehne noano yoarohca m̄sare.

Ti coyeare Jesu yainare ti basi ñano quiti dahre dutieraha

¹¹ Ȳu coyea Jesu yaina jina, m̄sa basi ñano quiti dahrena tjiga. M̄sa coyeirore ñano quiti dahrena, tirore buhiri dahre duti duaina jina nica m̄sa. Cristo ya dutia sehe masare buhiri dahrehti dutia ji tuhs̄ra. Ñ jina masare ñano quiti dahrena Cristo ya dutiare õ sehe nina nica m̄sa: “Marine noano dutierara Cristo ya. Ñ jina mari m̄ s̄ro buhiri dahre dutijihna”, nina nica m̄sa masare ñano quiti dahrena. Ñ nina Cristo ya dutiare ñano ni durucuina tjuara m̄sa. Ñ jina tí dutiare yoeraina tjuara. ¹² Masare dutiare wariro, masare beseriro Cohamac̄ta jira. Masare pichac̄p̄ wahaborinare tirota ȳhd̄ch̄ yoa masina. Ñ yoa tirota masare pichac̄p̄ coh̄a masina. Ñ jina mari sehe masare “Ñaina jira”, ni masieraja. Cohamac̄u dihta mari coyeare besehtiro jira.

Ñamichac̄p̄re dohse mari jihtore masieraja mari

¹³ Mip̄re ȳh̄re t̄hoga m̄sa. Õ sehe niina t̄hoga ȳh̄re: “Michare, ñamichac̄re pa mac̄p̄ jina wahanahca. Tórp̄re c̄ c̄hma jina, paye baro dua, nuch̄nahca. Ñ yoana wapatanahca mari”, nina c̄ina m̄sa mehne mac̄ina Cohamac̄re wac̄no marieno. Ñ niina jina, ȳh̄ sehere t̄hoga m̄sa. Tó sehe niinare ahrire yahui tai nija: ¹⁴ Ñamichac̄p̄ dohse m̄sa jihtore masierara m̄sa. Me ti ji, dói pihti m̄ano seheta jira mari jia tia. Me mahanoc̄a jiro, pihtia wahara. Tó seheta mari c̄h̄ mahanoc̄a jina, yarianahca. ¹⁵ Ñ jina õ seheta ni t̄hoturo cahmana m̄sare: “Cohamac̄u to cahmach̄u jinahca mari. Ñ jina õ sehe yoanahca mari”, ni t̄hoturo cahmana m̄sare. ¹⁶ Ñ jipanahta mip̄re “Mari m̄ s̄ro õ sehe yoanahca”, nirucumana m̄sa

Cohamac̄re wac̄no marieno. Tó sehe nirucuna painare ȳhd̄r̄caina jina, ñaare yoara m̄sa. ¹⁷ Ñ jina noaare mari yoahrire masipanahta tíre yoerana ñaare yoana nija mari.

5

Pache p̄are yahuha Santiago

¹ Pache p̄a m̄sa mip̄re t̄hoga ȳh̄re. Baharop̄re m̄sa ñano ȳhd̄nahca. Ñ jina tii sañurucuga m̄sa. ² M̄sa pache ba pihtia wahaahca. Ñ yoa m̄sa suhtire cas̄poca c̄h̄ ch̄ pah̄oahca. ³ Ahri dachorire, pihtiri dacho pano niñerure m̄sa pjíro wihboch̄ ne tí yaba cjihti jierara. M̄sa ã wihboch̄ ñano niñerure m̄sa cah̄ch̄ masina Cohamac̄u. Tí niñeru to wapo wijiboriro seheta tí niñeru pihtia waharohca. Ñ jina niñerure m̄sa cah̄ri buhiri ñano ȳhd̄nahca pichac̄p̄ m̄sa j̄ch̄ m̄sa pjac̄re j̄ pjaro seheta. ⁴ M̄sa weserire dahra cohtainare wapaerare m̄sa. Tinare mah̄ore m̄sa. Ñ jiro tinare m̄sa wapaerari niñerure ñano, m̄sa mah̄ore masina Cohamac̄u. M̄sare dahra cohtaina wapa na duaa, sañurucura tina. Tí ã ni sañurucuch̄ mari p̄htoro Cohamac̄u tinare t̄hora. ⁵ Ahri yahpap̄re paȳ pache mehne jia tira m̄sa. Ñ jina m̄sa ji coa dihtare yoaa tira m̄sa. Ñ jina pjiriro wach̄u ti noano nuriro yoaro sehe jira m̄sa. Pjiriro wach̄u pjíro to ch̄ri baharo tirore ti waj̄hti cuhtup̄ na wahc̄ana. Tó seheta m̄sa c̄h̄re pjíro m̄sa cj̄ari baharo m̄sare to buhiri dahrehtop̄ na wahc̄anohca Cohamac̄u. ⁶ Noainare ñano ti yoerapach̄ta peresu yoa waj̄ dutire m̄sa tinare. M̄sa ã yoach̄u tina sehe m̄sare ȳhd̄r̄c̄a masierare.

Cristo to tjua tahtore noano cohta dutiha marine Santiago

⁷ Ñ jina ȳ coyea, mari p̄htoro Cristo ahri yahpap̄re to tjua tahtore noano cohtaga. Wese p̄ro to toaa dicha tihti pjare noano to cohtaro seheta noano cohtaga. Puhiro

to ducachũ. baharopũ coro to ta namochũ cãhũre to toaapũre “Coro ta sãajaro” nino, to wesere to noano duhtore noano cohtara tiro. ⁸ To ã cohtariro seheta mũsa cãhũ noano cohtaga. Mari pũhtoro to tjua tahto mahanocã dũhsara. ã jina Cohamacũre ã wacũ tuarucuna to tahtore ã cohtarucuga mũsa.

⁹ Yũ coyera mũsa basi nurena tjiga Cohamacũ mũsare to buhiri dahrerahto sehe. ã yoa ahrire wacũga mũsa. Buhiri dahrehtiro to tahto mahanocã dũhsara. ¹⁰ Yũ coyera, ñano yũhdũpanahta mari pũhtoro noano cohtaga Cohamacũ yare yahu mũhtaina cjiri ti yoariro seheta. Tina ti cãno pjariro seheta cãno pjaga mũsa cãhũ tinare ñũ cũna. ¹¹ ã yoa ahri yũ yahutire wacũga mũsa. Ñano yũhdũpahta Cohamacũre duhueraina wahcheina jira. Panopũ macarirore Job wama tiriro cjirore tũhore mũsa. Tiro ñano yũhdũparota Cohamacũre duhuerari jire. ã jiro to ñano yũhdũari baharo Cohamacũ tirore noano yoari jire. Cohamacũ mari pũhtoro noano pja ñũriro jiro ãta yoari jire tiro. Tí jipihtiare masina mũsa.

¹² Yũ coyera ahrire noano tũhoga tjoa. Õ sehe ni wama payora masa: “Mũano macariro mehne potocã nina nija”, nina masare tũho dutia. Tuhsũ, “Ahri yahpa mehne potocã nina nija”, nina masa. Paye mehne cãhũre wama payora tina. Tina yoaro sehe ã ni wama payoena tjiga. Ahrire mũsare tuaro dutija. Mũsa painare yahuna, noano potota yahuga tinare. Wama payoro marieno ni yahuga tinare. ã mũsa potocã yahuchũ ñũno Cohamacũ soro mũsa niri buhirire buhiri dahresi.

¹³ Mũsa mehne macariro ñano yũhdũriro jiro, Cohamacũre sinijaro tiro. Pairo wahcheriro jiro Cohamacũre wahchea mehne basajaro. ¹⁴ Mũsa dohatina, Jesu yaina pũhtoare pjirocaga mũsa. Mũsa ã pjirocachũ tina sehe mũsare se mehne wisõahca mari pũhtoro Jesu

wama mehne to tuua mehne. ã wisõ tuhsũ, mari pũhtoro Cohamacũre mũsare sini payoahca tina. ¹⁵ ã ti sini payochũ “Mari sinino seheta tiro yoarohca”, ti ni tũhotuchũ Cohamacũ mũsare dohatiinare mũsa dohatiare yũhdũchũ yoarohca. ã yoa mũsa ñaa yoari buhiri mũsa dohatiina jichũ ñũa mũsare sini payoahca. Ti ã sini payochũ ñũno mũsa ñaa yoari buhirire borohca Cohamacũ. ¹⁶ ã yoa mũsa mehne macaina mehne mũsa ñaa yoarire cahma pũ buhũseheri yahuga. ã ni tuhsũ, mũsa basi Cohamacũre cahma sini payoga. Mũsa ã sini payochũ mũsa sini payoinare Cohamacũ yũhdũchũ yoarohca. Noaare yoaina mũsa jichũ Cohamacũre tuaro mũsa sini payoriro seheta yoarohca tiro. ã jia mũsa sini payoa tua nica. Wiho jia jierara. ¹⁷ Cohamacũ yare yahu mũhtariro cjiro Elia wama tiriro mari yoaro seheta masũno jia tiri jimare. ã jiro “Coro taero tjiaro” ni, tuaro sinia tiri jire Cohamacũre. To ã ni sinichũ tia cãhma noano pa cãhma dacho macai ahri yahpapũre ne coro taera tiri jire. ¹⁸ Pari turi tjoa Cohamacũre corore to sinichũ coro taa tiri jire. ã jiro pari turi ahri yahpai yucũri bũcũa, dicha tia tiri jire. (ã jia Cohamacũre mari sinia wiho jia jierara.)

¹⁹ Yũ coyera, mũsa mehne macariro Cohamacũ yare duhuriro cjiro Cohamacũ yare pari turi to cahmahto cjihtore tirore yahuna, noano yoana nina mũsa. ²⁰ ã yoa ahrire masiga mũsa: Cohamacũre duhuriro cjirore Cohamacũre pari turi cahmachũ yoana, pichacapũ wahaborirore yũhdũchũ yoana nica mũsa. ã jiro payũ to ñaa yoari buhirire Cohamacũ bo pahñonohca.

1 San Pedro

Jesu yainare macari waharinare joarocaha Pedro

¹ Yuh, Pedro, Jesucristo buhe dutiro to cūrirota jija. Ā jic mūsare yoaro macaa macarip waha siterinare Ponto yahpap, Galacia yahpap, Capadocia yahpap, Asia yahpap, Bitinia yahpap tí yahparip waharinare mūsare jipihinare joarocaja yuh. Mūsare noa duti joarocaja yuh. ² Wahmanopure Cohamacu mari Puc “Ō sehe yoaihtja”, to ni wacūyuriro seheta mūsare besea tiri jire. To ā beseri baharo to yairo Espiritu Santo sehe mūsare Cohamacu yaina cjihtire sōri jire. Ō seheta sōri jire tiro Jesucristore noano yūhtitina mūsa jihto sehe, to di cohāri mehne mūsa űaa buhirire cosarina mūsa jihto sehe. Cohamacu to cahā mehne mūsare noano jich yojaro.

Jesu yaina jina marine muanopu to nahtore cohtana nija mari

³⁻⁵ Cohamacu marine tuaro pja űano, Jesucristo yariaro to masa mūjari mehne marine pichacap wahaborinare yuhdich yoare tiro. Ā marine yuhdich to yoach pari turi mari masa bajuariro seheta Cohamacu to pohnata wahaja mari. Ā wahana tiro mehne mari ā jirucutore noano masija mari. Ā jiro mūsare noano yoaro taro mūsare cohtaro nina. Tiro mehne mūsa ā jirucutire cūnohca tiro. Ā jina ā jirucunahca mūsa. Tōp Cohamacu mūsare to wahto ne baasi. Ahri yahpap mari ya ti wete wahāno seheta, ti űaia waharo seheta Cohamacu mūsare to wahto ne ā wahasi. Ā jia ne pihtisi. Ā jiro tirore mūsa wacū tuach, Cohamacu to tuaa mehne mūsare űu wihboro, yuhdich yoarohca. Pihtiri dacho jich mūsare to yuhdich yoarire masich yoarohca tiro. Marine to ā pja űuch űna,

Cohamacu mari puhtoro Jesucristo pucurore űo payo, “Noana”, nijihna tirore.

⁶ Ā to yuhdich yoahina jina, mahano ahri yahpai mūsa jiro puro pay tahari mūsa űano yuhdipanahta wahchera mūsa. ⁷ Ā űano yuhdipanahta Cohamacu duhuerana mūsa tirore noano wacū tuarire masich yoana nica mūsa. Uru ahri yahpa macaa pini pihtia wahaahca. Uru yuhdoro mūsa wacū tuaa sehe wiho waro jierara. Ā jia masa uru to jiare masi duaa doha űna. Urure ti doha űno seheta mūsa wacū tuaare Cohamacu űu duaro “űano yuhdijaro”, niboca mūsare. Mūsa ā űano yuhduri baharo potocāta tirore mūsa noano wacū tuarucuch, Cristo űo payoa mehne mūsare “Noano yoahre mūsa”, ninohca. Ahri yahpap tjua taro ā ninohca.

⁸⁻⁹ Tirore Jesucristore mūsa űnerapanahta cahāna mūsa. Ā yo mipure tirore űnerapanahta tirore wacū tuara. Ā wacū tuana, tuaro wahchera mūsa. Cohamacu ā mūsare to wahchech yoach pjiro wahchera mūsa. Tí wahchea noa yuhdura. Cohamacu mūsare pichacap wahaborinare yuhdich yoarohca mūsa tirore noano wacū tuach. Ā jina pjiro wahchera mūsa.

¹⁰ Cohamacu mūsare to ā yuhdich yoahiore, mūsare to tuaro cahāre panop macaina Cohamacu yare yahu mūhtaina cjiri tíre masi duaa, buhe, sinitu űna tiri jire. Ā jia tíre yahuyu joaa tiri jire. ¹¹ Cristo to űano yuhdihiore, to masa mūjahtore, jipihina bui puhtoro to sūho jihtore tina to masa bajuahto panopata yahuyu tuhsua tiri jire. Jesucristo to yairo Espiritu Santo to yoadohoa mehne ā yahuyua tiri jire tina. Ā yahuyua tina Cohamacu yare yahu mūhtaina cjiri ti yahurire noano masi duaa sinitu űna tiri jire tina Cohamacu. Espiritu Santo “Cristo wihirohca”, to nirirore “¿Dohse jich wihirohcari?” ni sinitu űna tiri jire tina. “¿To wihich dohse

waharohcari?” nia, tó cãhure sinitu ñaa tiri jire. ¹² Tí ti yahuyuri cjiri ti basi ti masihti cjihti jiera tiri jire. Tíre tinare masichu yoaa tiri jire Cohamacu. Mari sehe mari masihti cjihti jiri jire Cohamacu yare yahu mũhtaina cjiri ti joari cjiri. Mũanopu tariro Espiritu Santo to yoadohoa mehne mipure noaa buheare musare sã yahuja. Panopu musa masihti cjihtire ti yahuyuri cjiri tita jinocaata nina mipure musare sã yahua. Tí buheare anjoa cãhu tuaro masi duaa tiri jire.

Cohamacu marine ñaa marieina jidutira

¹³ ã jina noano wacũ masitjiãhna jiyuga musa. ã yoana noano tuho masiina jiga. Cristo to tjua tachu Cohamacu musare noano to yoahtore wacũga. ã yoa tíre noano cohtaga. ¹⁴ Panopu Cohamacure masierasina ñaare goa pjaina jimare musa. Mipure tíre yoaena tjiga. ã yoaerana ti pohna ti pũcũsumare noano ti yũhtiriro seheta Cohamacure yũhtiga musa. ¹⁵ ã yoana to yaina cjihtire musare beseriro ñaa marieriro to jiro seheta musa cãhu ñaa marieinata jiga. ã jina noaa dihtare yoaina jiga. ¹⁶ Æta ni joaa tiri jire Cohamacu yare ti joari pũi: “Ñaa marieriro jija yũhu. Yu ã jichu musa cãhu ñaa marieina jiga”, ni joaa tiri jire.

¹⁷ Tiro Cohamacu jipihtina cãinare ti yoarire ñano cãno potori besera tinare. Ñainare, noainare besera. To ã beseriro jichu tirore “Yu Pũcu” ni duana noano yoaga. Ahri yahpai musa jiro puro cua pisaro mehne Cohamacure ño payoro mehne noano jirucuga musa jiape nino marieno. ¹⁸ Musa ñũchũsuma cjiri ti yoari cjiri ne yaba cjihti jierari jire. Musa cãhu ti yoariro sehe yoaina musa jipachuta Cristo musare to yaina cjihti yoare. Wapamoinare ti wapamorire ti boriro seheta tiro sehe musa ñaa yoari buhirire potota bonocare. Tíre noano masina musa. Musare ã yoaro

plata mehne, uru mehne wapa wioerare tiro musare ã yoaro. Plata, uru butia wahaahca. ¹⁹ Tiro sehe oveja noariro, wete marieriro yoaro seheta jiroro Cristo to di mehne to yariari mehne musa ñaa yoari buhirire cohã, musare yũhdũchu yoare. To di mehne marine ã yoaro wiho waro ã yoaro nierare. ²⁰ Panopure ahri yahpare to bajuamehnehto pano Cristo to ã wahahto cjihtore masi tuhsu tiri jire Cohamacu. Mipu sehene pihtiri dacho panocã to jichu, Cristore noano masichu yoare Cohamacu musare. ²¹ Cristo to yoadohoro mehne Cohamacure wacũ tuara musa. Cohamacu sehe Cristore yariarirore masori jire. ã yoaro tirore mũanopu cũno jipihtinare tirore ño payochu yoari jire Cohamacu. To ã yoachu tirore Cohamacure wacũ tuara musa. Musa ã wacũ tuachu tiro noano yoara musare. ã jina musare to yũhdũchu yoahtore noano masi, cohtara musa.

²² Noaa buhea ti niriro seheta yoaina jina, musa ñaa yoari buhirire cohãrina jira musa. ã jiina jina potocãta mari coyeare Jesu yainare cahĩ masina musa. ã jina musa mehne macainare musa yajeripohnari mehne tuaro cahĩga. ²³ ã yoa pari turi wahma masa bajuaina yoaro sehe jiina Cohamacu pohna wahare musa. Mari pũcũsuma ti pohna tirina jina baharo yarianahca. Tí yoaro sehe jierara Cohamacu pohna musa wahachu. Cohamacu to buhea mehne to catichu yoaa buhea mehne to pohna wahare musa. Tí buhea mehne Cohamacu mehne ã jirucunahca mari. ²⁴ Õ sehe nina Cohamacu yare ti joari pũi:

“Jipihtina masa tja yoaro sehe jira. ã yoa noaa ti cjuaa, tja cohoru yoaro sehe jira.

Tja ñaia wahara. Cohori cãhu buru bora, baa wahara.

Tí yoaro seheta yariara masa cãhu.

²⁵ Mari pũhtoro ya buhea sehe ne pihtisi.

To niriro seheta ã waharohca”,

ni joaa tiri jire. Tí buhea m̄sare ti yahuri cjiri noa buheata jira.

2

¹ Ā Cohamac̄ pohna jina jipihtia ñaa yoaaare, mahñoare, ti baharo buh̄usehei ñano yoa cohtaare, paina ti c̄j̄aaare cjoare, painare ñaa q̄uiti dahreare tíre duhuga m̄sa. ² Ā yoa wahma masa bajuaina p̄ẽchore ti tuaro cahmano seheta m̄sa c̄h̄u noa buheare Cohamac̄ yare tuaro cahma namoga. Ā cahma namoga m̄sa tirore m̄sa wac̄u tūa namohto sehe, to ȳhd̄uch̄u yoaina m̄sa wahahto sehe. ³ Ā yoaga m̄sa mari puhtoro m̄sare to noano yoaaare masiina jina.

Cristo catich̄u yoariro t̄aca yoaro sehe jiriro jira

⁴ Cristo catich̄u yoariro t̄aca yoaro sehe jiriro jira. W̄h̄u dahreina c̄ria t̄acare ti cahmaeraro seheta masa tirore cahmaerare. Cohamac̄ sehe tirore to ñ̄uch̄u to beseriro noa ȳhd̄ūariro jira. To Ā jiriro jich̄u tirore wac̄u tuaga. ⁵ M̄sa c̄h̄u w̄h̄u macaa t̄aa yoaro sehe jira. M̄sa Ā jina Cohamac̄ ya w̄h̄u macaa t̄aaare noano ti c̄riro seheta m̄sa to yaina c̄h̄u noano mehne jinahca m̄sa. Ā yoana Cohamac̄ ya w̄h̄u macaina noaina sacerdotea jinahca m̄sa. Ā jina sacerdotea wahiquinare waj̄ã j̄u m̄soa Cohamac̄re ti wariro seheta Jesucristo to yoadohoa mehne Cohamac̄ yare noano yoanahca m̄sa. M̄sa Ā yoach̄u ñ̄u ji coarohca Cohamac̄. ⁶ Ō sehe nina Cohamac̄ yare ti joari p̄i:

“T̄aca w̄h̄u ti c̄u m̄htari t̄aca marieno w̄h̄ure yoa d̄uca masierara.

Tó seheta Cristo marieno ȳu yaina waha masierara masa.

Ā jiro tiro wiho jiriro jierara.

Ā jic̄u tirore Jerusal̄p̄u mip̄ure c̄i nija.

Tiro ȳu beseriro noa ȳhd̄ūariro jira.

Ā jia tirore wac̄u tuaina wahche, ne buo tisi”,

ni joaa tiri jire Cohamac̄ yare ti joari p̄i. ⁷ Tirore wac̄u tuaina sehe noa ȳhd̄ūaro wahaahca. Ā jiro wiho jiriro jierara tiro. Tirore wac̄u tu-aeraina sehe soro wahaahca. Tinare ō sehe nina Cohamac̄ yare ti joari p̄i:

“Ahr̄iro Cristo t̄aca yoaro seheta jira.

T̄acare w̄h̄u dahreina ti coh̄ano seheta masa tirore coh̄ahca.

Ti Ā yoapach̄u mip̄ure w̄h̄u dahreina w̄h̄ure yoaa ti c̄u m̄htari t̄acare ti c̄u seheta Cohamac̄ tirore puhtoro s̄ore”,

ni joaa tiri jire. ⁸ Ō c̄h̄ure nina Cohamac̄ yare ti joari p̄i:

“M̄rocariro t̄acare doca wah̄a s̄uro to wac̄u wahc̄anore ne s̄erara.

Tó seheta t̄aca yoaro sehe jirirore Cristore cahmaerana, tirore ȳhd̄ūrcana, Cohamac̄ cahap̄u s̄usi mari”,

ni joaa tiri jire panop̄u. Tina Cohamac̄ ya buheare yuhtierare. Cohamac̄ panop̄u “Ā waharohca”, to niriro seheta Cristore cahmaerare tina. Ā yoah̄tinare c̄u tiri jire Cohamac̄ tinare.

Ō sehe jira Cohamac̄ yaina

⁹ M̄sa sehe Cohamac̄ to beserina jira. Tiro mari puhtoro to yaina sacerdotea tirore dahra cohtaina jira m̄sa. Ā jina to ya curua macaina ñaa marieina Cohamac̄ yainata jira m̄sa. Āta jira m̄sa. Cohamac̄ noa ȳhd̄ūare to yoarire painare yahuhtina c̄ihti jira m̄sa. M̄sare besea tiri jire nahitianoi jina m̄sa jiboro seheta ñaaare yoarucu dutieraro. Ā besero noano buhriaroi jiina ti noano ñ̄u masino seheta, Cohamac̄re noano masiina, to yare yoarucuina ji dutira m̄sare.

¹⁰ Panop̄ure Cohamac̄ yaina jierari jire m̄sa. Mip̄u pinihtare to yaina jira m̄sa. Panop̄ure m̄sare p̄ja ñ̄ur̄iro m̄sare mariasiniri jire. Mip̄u sehere m̄sare Cohamac̄ p̄ja ñ̄ure.

Cohamac̄ yare yoaina jiga m̄sa

¹¹ Ȳu cah̄ina, ahri yahpai ji do-joah̄tina jierara m̄sa. Cohamac̄

yaina jira m_{usa}. M_{usa} ã jiina jich_u ahrire tuaro yahuja m_{usare}: M_{usa} ñaare goa pjaare ne yoaena tjiga. Tí ñaare yoana, Cohamac_ure ñ_u tuhtiina, ñaina wahana nica m_{usa}. ¹² Cohamac_ure cahmaeraina watoi jina noano yoaina jiga m_{usa}, m_{usare} “Yahusãari”, nina. M_{usa} ã yoaina jich_u tina mip_ure m_{usare} ñano yahusã duapahta, m_{usa} noano yoaare masiahca tina. ã masia, tina Cohamac_ure “Noariro, tuariro jira”, niahca. Õ seheta niahca Cristo ahri yahpar_u to tjua tach_u.

¹³ Mari p_uhtoro_{re} y_uhti duana ahri yahpa macaina p_uhtoa c_uh_ure y_uhd_urcaina jiena tjiga m_{usa}. Ahri yahpa macaroro_{re} m_{usa} jipihtina bui p_uhtoro jiroro_{re} tiro c_uh_ure y_uhtiga.

¹⁴ P_uhtoare y_uhd_urcainare buhiri dahre dutiro, warocara tiro tirore yoadohoinare. ã yoa noano yoinare “Noano yoare m_{usa}”, ni dutiro warocara tiro. To ã warocach_u, tina c_uh_ure y_uhtiga m_{usa}. ¹⁵ M_{usa} noano yoach_u ñ_u tuho masieraina ti m_us_uro m_{usare} quiti dahre duapahta quiti dahre masierara. M_{usa} ãta yoach_u cahmana Cohamac_u. ã jina m_{usa} p_uhtoare y_uhtiga.

¹⁶ Cohamac_u m_{usa} p_uhtoro jira. Painare dahra cohtaina jierara m_{usa}. ã jipanahta “Sãre dutiroro mariaha. ã jina ñaare yoanahca”, ni t_uhotuena tjiga “Ñaare yoari”, nina. Cohamac_ure dahra cohtaina jira m_{usa}. ã jina tirore noano y_uhtiina jiga m_{usa}. ¹⁷ Jipihtina masare ño payoga. Mari coyea Jesu yainare cah_uga. Cohamac_ure cua pisaro mehne ñ_uga. Ahri yahpa macaina jipihtina ti bui p_uhtoro jiroro_{re} c_uh_ure ño payoga.

Cristo ñano y_uhd_uro to cãno pjaroro seheta cãno pjaga m_{usa} cãh_u

¹⁸ Dahra cohtaina, cua pisaro mehne m_{usa} p_uhtoare y_uhtiina jiga. Noaina, m_{usare} noano yoaina dihtare y_uhtiina jiena tjiga. M_{usa} mehne suaina c_uh_ure y_uhtiga m_{usa}.

¹⁹ M_{usa} ñano yoaerapach_uta m_{usare} ti buhiri dahrech_u Cohamac_u to

cahmano seheta tíre m_{usa} cãno pjach_u “Noano yoare m_{usa}”, ninohca Cohamac_u m_{usare}. ²⁰ M_{usa} ñano yoari buhiri tina m_{usare} ti buhiri dahrech_u tíre m_{usa} cãno pjach_u tí yaba cjihti jierara. Tí yaba cjihti jierapach_uta noano m_{usa} yoapach_u ti buhiri dahrech_u tíre noano mehne m_{usa} cãno pjach_u Cohamac_u “Noano yoare m_{usa}”, ninohca m_{usare}. ²¹ ã ñano y_uhd_utinare ji dutire Cohamac_u m_{usare} to yainare. Cristo m_{usa} ya cjihtire ñano y_uhd_ure tirore m_{usa} ñ_u c_uht_o sehe. ²² Tiro ne ñano yoaerare. ã yoa ne mah_uoerare. ²³ Tirore ti tuhtich_u, tiro sehe tinare tuhti cahmaerare. Tirore ti ñano yoapach_uta “Cjãihtja m_{usare}”, ne nierare tiro. Tí ã yoapach_uta tinare Cohamac_u to buhiri dahrehtore quih_ono to yoahtore masino, “Y_u P_uc_up_u tinare buhiri dahrerohca”, ni t_uhoture tiro. ²⁴ Tiro to basi crusap_u mari ñ_u buhirire yariare. ã waha yariare pari turi mari ñaare yoaer_uht_o sehe, Cohamac_u cahmaa sehene mari yoaht_o sehe. Tiro ñano cami tíre marine pichacap_u wahaborinare y_uhd_uch_u yoaro taro. ²⁵ Oveja wisia ti butiro seheta mari cãh_u pichacap_u butihtina jimai. Mip_u sehene Cristore ovejare ñ_u wihboriro yoaro sehe jiroro_{re}, marine ñ_u wihborirore wac_u tuaja mari. ã wac_u tuana, to yaina wahai mari.

3

Wamomaca d_uhteinare õ sehe yoaro cahmana tinare

¹ ã yoa dahra cohtainare y_u dutiroro seheta m_{usa} namosãnumiare dutihtja. M_{usa} man_us_umare y_uhd_urcaina tjiga tina Cohamac_u ya buheare ti cahmaht_o sehe. Cãina tina to ya buheare cahmaeraina jia, tinare m_{usa} y_uhd_urcacerach_u ñ_u Cohamac_u ya buheare cahmaboca tina. Tí buheare m_{usa} yahuerapach_uta to yare cahmaboca tina. ² ãta cahmaboca tina m_{usa} noano yoaere, m_{usa} ño payoa cãh_ure ñ_u. ³ M_{usa} numia, carea numia yoaro sehe

yoaena tjiga. Æ yoa m̄sa pjoarire w̄hawe sapahtaa numia, uru darire b̄saa numia, wapa ti ȳhd̄a suhtire s̄a numia jiena tjiga m̄sa, m̄sare “Goa pjach̄ yoari”, nina. ⁴ Æ yoa m̄sa cua pisaro mehne painare niji siaroca mehne yoaa numia jina, noano s̄h̄dua numia jina, ahrireta ñ̄ ji coach̄ yoaga. Ahrirete m̄sa yoach̄ wiho waro jierara, Cohamac̄ to ñ̄ch̄. ⁵ Õ seheta yoaa tiri jire panop̄ macaa numia Cohamac̄ ya numia cjiri. Tí numia Cohamac̄re wac̄ tuaa numia jia, ti man̄sumare ȳhd̄ur̄caera tiri jire. ⁶ Tó seheta Sara cjiro to man̄no Abrah̄a cjirore noano mehne ȳhtia tiri jire. Æ jiro tirore “P̄htoro”, ni pisua tiri jire. Æ jina m̄sa noano yoaa numia jina, cuiro mariea numia jina, Sara cjiro pohna numia yoaro sehe jira m̄sa c̄h̄.

⁷ To noano yoariro seheta m̄sa c̄h̄ m̄a m̄sa namos̄numiare noano yoaga. Tí numia mari m̄a yoaro sehe tua numia jierara. Æ jina ñ̄o payoa mehne noano yoaga tí numiare. Cohamac̄ jipihtia dachoripe tiro mehne mari jihtore marine to wariro seheta tí numia c̄h̄re warohca tiro. Ti Æ jiina jich̄ tí numiare noano yoaga. Cohamac̄re m̄sa siniare m̄sa dojomehnerahto sehe tí numiare noano yoaga.

Noano ti yoapach̄ta paina tinare ti ñ̄ano yoaa yahua Pedro

⁸ Ahri mehne yahu batoihtja: M̄sa jipihtina c̄no mehne noano mehne jiga. Æ jina m̄sa mehne macainare noano pja ñ̄ina jiga. M̄sa coyea Jesu yainare p̄ b̄h̄seheri cahma cah̄ga. Æ jina noano yoaga tinare. Æ yoa “Wiho jiina jija”, ni t̄hotuga. ⁹ Paina m̄sare ñ̄ano ti yoach̄ tinare ñ̄ano yoa cahmaena tjiga. M̄sare ti tuhtich̄ tinare tuhti cahmaena tjiga. M̄sare ti Æ yoapach̄ta noano yoaga tinare. Æ yoana “Noano jiga”, niga tinare. Tíre yoah̄tina c̄jhtireta to yaina c̄re m̄sare Cohamac̄ sehe m̄sare noano yoaro taro.

¹⁰ Æta nina Cohamac̄ yare ti joari p̄i:

“M̄sa noano wahchea mehne ji duana ne ñ̄ano ni durucuena tjiga.

Painare mah̄noena tjiga.

¹¹ Ñ̄aa yoaaare duhunocahga.

Noaa sehere yoaga.

Cahma m̄sa basi ñ̄ tuhtiro marieno jiga.

M̄sa noano jihtore tuaro cahmaga.

¹² Cohamac̄ cahmaare yoaina mari p̄htoro Æ ñ̄ wihborucuro nina.

Tirore ti siniare Æ t̄horucuro nina.

Ñ̄ano yoaina sehere tiro ñ̄ tuhtira”, ni joaa tiri jire.

¹³ Noare m̄sa tuaro yoach̄ paina sehe m̄sare ñ̄ano ȳhd̄ch̄ yoa dua bihosi tina.

¹⁴ Noano m̄sa yoapach̄ta m̄sare ñ̄ano ȳhd̄ch̄ ti yoach̄ ñ̄ano Cohamac̄ m̄sare noano yoarohca.

Æ jina painare cuiena tjiga. Æ yoa pj̄ro t̄hotuena tjiga.

¹⁵ Cristore “S̄a p̄htoro jira” ni, m̄sa t̄hotuna, ñ̄o payoga tirore.

Æ yoana Cristore m̄sa wac̄ tuaare, Cohamac̄ mehne m̄sa jihtore

paina ti sinituhto pano tinare m̄sa ȳhtihtore noano masiyuga.

Æ ȳhtina niji siaro mehne, noano ñ̄o payoa mehne yahuga tinare.

¹⁶ Noaina jiga. Æ jina “Ñ̄aaare yoaja”, ni t̄hotusi m̄sa.

Æ jia Cristo yare noano yoaina m̄sa jich̄ paina

m̄sare ñ̄aa quitu dahrea, b̄oro wahaahca tina.

¹⁷ Ñ̄aaare m̄sa yoari buhiri m̄sa ñ̄ano ȳhd̄ch̄ noaerara.

Æ yoa Cohamac̄ cahmach̄ noaare m̄sa yoapach̄ta m̄sa ñ̄ano

ȳhd̄ch̄ noa nina tí pinihta.

¹⁸ Õ seheta ȳhd̄re Cristo. C̄ tahata jipihtina ti ñ̄aa buhirire yariare tiro.

Noariro jire. Æ jiro ñ̄aina mari jich̄ mari yaro jiborirore ñ̄ano

ȳhd̄re tiro. Ñ̄ano ȳhd̄re tiro marine Cohamac̄ yaina wahach̄

yoaro taro. To pjac̄ yariaa wahare. Æ yariaparota to catia mehne

masari jire. ¹⁹ Æ masariro jiro tiro ti buhiri dahrehtore cohtaina cjiri

presu jiina cjiri yariarina cjirire buheri jire. ²⁰ Tina cohtaina panopu Cohamacure yuhtieraina cjiri jia tiri jire. Tí pjarure Noé cjiro to jiri pjarure, pjiria dohoriare dohoronia tiri jire. Tiare to dohoro watoi Cohamacure yuhtieraina cjirire ti yuhtichu cahmano yoari pja cohtaa tiri jimare Cohamacu. Á yoa mahainacã ochota dia miniore yuhduu tiri jire. ²¹ Minia ti yuhduriro seheta bautisaa mehne yuhdara masa. Mari pjarure mari wete tju cosaro sehe jierara bautisaa. Soro sehe jira bautisaa. “Ñaa buhiri marieina jija”, mari ni masihtu cjihtore Cohamacure “Muhure wacũ tuaja”, mari ni yahua jira ahri bautisaa. Á yoa Jesucristo to masa mujari mehne yuhduja mari. ²² Tiro Jesucristo manopu wahari jire Cohamacu poto buhusehei jiro, tiro mehne dutiro taro. Á jiro tiro anjoa bui, mano macaina puhto bui, dutiina bui ti puhtoro jira.

4

Cristo yaina jina noa sehere cohtaina jinahca

¹ Mari ñano yuhduna ñano yoare duhunocaja mari. Cristo ñano yuhdari jire. Á jina tiro ñano yuhdaro to cuierariro seheta to suaerariro seheta musa cūhu to yoariro seheta yoaga. ² Ō seheta yoaga musa ñaare musa goa pjaare pari turi musa yoerahto sehe, Cohamacu cahmaa sehere musa yoarucuhto sehe. ³ Panopu Cohamacure cahmaeraina ñaare goa pjaare ti yoariro seheta yoarucuri jimare musa cūhu. Bu tiro marieno ñano yoana, ñaare goa pjaare yoana, cahana, cahaa bose namurine yoana, “Cohamacu jira”, musa nia masurine, Cohamacu to ñu yabia masurine ño payona ahri sehereta yoari jimare musa. Á jina tó purota yoa batoaga. ⁴ Á jia tí ñaputiaro yoana mehne musa jisnichu mipure musa tíre yoerachu ñua tina sehe ñu caa wahara. Á yoa musare ñano quititi dojomehnena. ⁵ Ti á yoachu

ñano ti ñaa yoarire Cohamacu sehe sinitu ñano, yahu yuhdu dutirohca tinare. Tiro catinane, yariaina cūhure besehtiro buhiri dahrehtiro jira. ⁶ To á besehtiro jichu jipihtina masa sehe mipu yariarina cjirire noa buheare yahure Cristo ti yariahto pano. Ō seheta ni yahure ti pjarure Cohamacu to yaria dutipachuta. Á yahure tiro Cohamacu jipihtia dachoripe to jiro seheta tiro mehne ti jirucuhto cjihtore.

⁷ Pihtiri dacho cjihto mahanocã duhsara. Á jina noano tuho masiina jiga, mipure Cohamacu mehne musa durucuhto noano. ⁸ Painare cahina payu tahari ñaare ti yoapachuta á ñanocaja mari. Á jina musa mehne macainare á cahrucuga. Paye dutia yuhdoro tíreta yoaga. ⁹ Musa mehne macainare ne nureno marieno musa wuhusepu sãa ta dutiga tinare. ¹⁰ Cohamacu musare cainare musa yoa masihtipe cūri jire. To á cūchu, musa yoa masiroro seheta musa mehne macainare tíre noano yoaga. To cūriro seheta painare noano yoadohona, Cohamacu to cūriro seheta noano yoana nica musa. ¹¹ Musa Cohamacu yare noano yahuina jina, Cohamacu to yahuboriro seheta noano yahuga musa cūhu. Masare yoadohoina jina Cohamacu to cūri tuaa mehne painare yoadohoga. Tí jipihtiare yoana Cohamacure masa ti ño payohto sehe á yoarucuga. Jesucristo sehe tíre musa yoachu yoadohorohca. Tirore jipihtia dachoripe ño payoa, “Tuariro jira”, nino cahmana jipihtinare. Áta nijaro.

Jesu yaina ti jiri buhiri ti ñano yuhduare yahuha Pedro

¹² Yu cahina, mipure ñaputiaro yuhduna, “Cue, soro jiro wahaca yuhure” ni, wacũ caena tjiga. Musa ñano yuhduchu Cohamacu musa tirore wacũ tua namochu yoa duaro, “Ñano yuhdujaro”, nino nica tiro. ¹³ Cristo to ñano yuhdariro seheta musa cūhu á wahana, wahchega musa. Á wahchena Cristo to si sitea

mehne to tjua tachu musa noano wahchenahca. ¹⁴ Cristo yaina musa jiri buhiri paina musare ti tuhtichu Cohamacu to yairo Espiritu Santo to si siteriro musa mehne jiro nina. ã jina wahchega musa. ¹⁵ ã yoa masare musa wajãri buhiri, musa yacari buhiri, paina ti yoarire ñna tinare musa soro ni dojomehneri buhiri musa ñano yuhduchu ñaa nina. ¹⁶ ã jipachuta Cristo yaina musa jiri buhiri ñano yuhduna, buo tiena tjiga. Ñano yuhdpanahta Cristo yaina musa jiare wahchena, Cohamacure “Noana” ni, ño payoga musa.

¹⁷ Cohamacu to yaina ti yoarire ñno to besehti pja jiro nina mipure. Jipihtina mari to yaina mari yoarire ñno bese muhtanohca “Ahri ñaa jira. Ahri noaa jira”, nino. ¿ã bese muhtano dohse yoarohcari to yaina jieraina sehere? Tirore yuhtieraina sehere tuaro buhiri dahrerohca. ¹⁸ Õ sehe nina Cohamacu yare ti joari pũ: “Noaina yuhduhca. Ti ã yuhduhto mijo curera. To ã mijo curechu Cohamacure cahmaeraina sehe ne yuhduci. Basioerara tinare”, nina Cohamacu yare ti joari pũ. ¹⁹ ã jina Cohamacu to cahmachu musa ñano yuhduina jina, noaare musa yoarire ne duhuena tjiga. ã yoa musare bajamehnerirore musare ne duhuerarirore tirore wacũ tuarucuga musa.

5

Jesu yaina ti yoahtore yahuha Pedro

¹ Mipure Jesu yaina cahmachuina puhtoare yahuihtja. Yuhu Jesu yaina puhtoro jija. MUSA cũhu ti puhtoa tjira. Musare yu yoaro sehe puhtoa jinare ahrire yahui tai nija yuhu. Cristo to ñano yuhdurire ñriro cjiro jicu, manopu Cristo mehne yuhduhtiro jicu ahrire musare yahuihtja: ² Cohamacu yaina oveja yoaro sehe jira. MUSA sehe ovejare ñu wihboina yoaro sehe jira. Tinare Cohamacu musare to cũrinare musa yaina masare noano ñu wihboga. ã yoana Cohamacu to cahmariro

seheta noano yajeripohna tia mehne tinare ñu wihboga. ã tinare ñu wihbona, “Sã ñu wihbori wapa niñerure wapatanahca”, niena tjiga mUSA. Wahchea mehne tinare ñu wihboga. Wahchea mehne tinare ñu wihboga. ³ ã ñu wihbona tinare ñano dutipena tjiga. ã jina noano yoaga mUSA Jesu yaina musare ti ñu cũhto sehe. ⁴ MUSA ã yoana Cristo jipihtinare marine ñu wihboriro to tjua tachu puhtoro to pisari soro noano si siteri sorore musare to waboriro seheta tiro musare noaare to wahtore cjuanahca. Ti mUSA cjuhti ne pihtisi. ã jina tiro mehne yuhduhca mUSA.

⁵ Tinare yu dutiro seheta mUSA wahma yapia cũhu tinare mUSA puhtoare yuhtiina jiga. ã yoa mUSA mehne macainare jipihtinare ño payoa mehne yoadohoga. Õ sehe nina Cohamacu yare ti joari pũ:

“Masare yuhdurca duainare Cohamacu ñu tuhtira. Painare ño payoina sehere ‘Wiho jina jija’, ni tahotuina sehere noano yoara tiro”,

nina to yare ti joari pũ. ⁶ ã jina Cohamacu tuariro musare to dutichu “Wiho jina jija” ni, tirore ño payoga. MUSA ã yoachu to quihõri pja jichu musare paina ño payoahca to dutiro mehne. ⁷ Tiro musare pjiro tahotu ñu wihbora. ã jina ne pjiro tahotuena tjiga mUSA sehe.

⁸ ã yoa wacũ masi jinohbu. Musare ñu tuhtiro watino yairo suariro to maca churo seheta musare ñano yuhduchu yoa duara. ã yoa musare ñano yoa dutira. ⁹ Jipihtiropu ahri yahpapure paina Jesu yainare ñano yuhduchu yoa, ñano yoa dutira watino. Tíre masina, tirore yuhtiena tjiga. ã jina Cristore tuaro wacũ tuaga mUSA. ¹⁰ ã yoa mahanocã mUSA ñano yuhduri baharo Cohamacu musare yoadohorohca. Musare noaina jichu yoarohca. Tirore mUSA wacũ tua namochu, tirore mUSA ne duhuerachu yoarohca musare. Tiro

jipihtia dachoripe muanopu Cristo mehne musa jihtore musare cūriro jira. Tiro Cohamacu jira jipihtinare pja ñariro. ¹¹ “Jipihtia dachoripe tiro tuariro jira”, ni ño payojihna tirore. Āta yoarucujihna.

Noa duti batoaha Pedro

¹² Ahri pūcāre mahari pūcāre musare yu waroca duachu Silvano sehe yuhare joabasahre. Tiro Jesu yairo yu coyeiro, Jesu yare ã yoarucuriro jira, yu tūhotuchu. Musare noano yahu duaja. Ā jicu “Ahri buhea potocāta Cohamacu musare to cahña buhea jira”, ni yahucu musare ahri pūre joarocaja. Ā jina ahri buheare ne duhuena tjiga musa.

¹³ Musare to yaina cjihtire to beseriro seheta Jesu yaina Babilonia macaina cūhare besea tiri jire Cohamacu. Tina sehe musare noa dutira. Marco yu macu yoaro sehe jiriro cūhu musare noa dutira. ¹⁴ Musa mehne macainare noano mehne piti bocasiniga.

Jipihtina Jesucristo yaina noano jiga musa.

2 San Pedro

Jesu yainare joarocaha Pedro

¹ Yuhhu Simo Pedro Jesucristo buhe dutiro to cūriota jija. Tirore dahra cohtariro jija. Jesucristo, Cohamacu waro jiro, ñaa buhiri marieriro jiro marine cūno potorita yuhduchu yoariro jira. Ñ jiro tirore musa wacū tuachu, to yaina wahachu yoare musare. Musa ñ wacū tuachu wiho waro jierara, Cohamacu to ñachu. Ñ to yaina musa wahachu mari cūno potorita to yaina jija. Ñ jicu musare joarocaja.

² Ñ yoa Cohamacu cūhure mari puhtoro Jesu cūhure masi namona ti cahña mehne noano jirucunahca musa. Ñ noano musa jihto sehe musare sini payoja. Ñ nicu musare noa dutija. Cohamacu musare pjro noano yoa namojaro.

Õ sehe jira Cristo yaina

³ Cohamacu ñaa marieriro jiro, to tuaa mehne marine to yaina jihinare bese cū tuhsua tiri jire. To ñ bese cūchu tuhona, tirore masina to yaina wahaja mari. Ñ wahana Cohamacure masi namona, to tuaa mehne to cahmano seheta noaina jinahca mari. ⁴ Tí to tuaa mehne marine noa yuhduaro yoare. “Õ seheta musare noano yoaihtja”, to niriro seheta marine noa yuhduaro yoara. Marine to ñ yoachu ñña Cohamacu to jiro seheta waha namonahca mari. Ñ jina ahri yahpa macaa ñaare, mari ñaare goa pjaare mari duhunocaja. Tí ñaa sehe marine dojomehne yuhduamahre.

⁵ Cristore noano wacū tuaina ji tuhsua musa. Ñ jina õ sehe yoa namoga tjoa: Noaare yoaina jiga musa. Ñ jina Cohamacu cahmaare noano masiina jiga musa. ⁶ Ñano yoa duapanahta Cohamacu cahmaa sehere yoarucuina jiga musa. Ñ yoa Cristo yaina musa jiri buhiri

ñano yuhdupanahta ñ cūno pjarucuga musa. Ñ jina Cohamacure ño payoina, to cahmaare yoaina jiga musa. ⁷ Ñ yoa musa mehne macainare cahma ño payoina, tinare noano yoadohoina jiga musa. Ñ yoa jipihtina paina cūhure cahña jiga.

⁸ Musa õ sehe yoa namochuta noa yuhduara. Musa ñ yoa namona, noano yoaina jirucunahca. Ñ jina Cristo to cahmaare noano yoarucuina jinahca musa. Wiho waro jiina jisi musa. Ñ yoa Cristore musa wacū tuari wiho waro jisi. Yu niriro seheta musa yoa namochu pinihtare noa yuhduara. ⁹ Musa ñ yoa namoerana Cohamacu yare ne masieraputiara musa. Ñ yoa namoeraina jina capari ñneraina o capari noano ñ bo-caeraina yoaro sehe jina, Cohamacu cahmaare ne masierara musa. Ñ yoa namoerana Cristo musa ñaa yoari buhirire to cohãri cjirire ne wacū payoerara musa. Ñta bonoca duara musa. ¹⁰ Ñ jina, yu coyea, Cohamacu to yaina cjihtire musare to ji dutichu yuhtire musa. Ñ yuhtiina jina, to yare ne wacū duhuerana to cahmaare tuaro yoarucuga. Musa ñ yoarucuna potocãta Cohamacu mehne jinahca musa. Ñ yoa potocãta to beserina jinahca musa. Ñ yoana to yare duhuina jisi musa. ¹¹ Musa ñ to cahmano sehe yoaina jina mari puhtoro marine yuhduchu yoariro Jesucristo to sūho jiropu noano wahanahca musa. Tópu tiro mari puhtoro ñ jirucurohca. Potocã to yaina waro musa jichu ñño “Noano mehne yuhhu mehne jiga musa”, ninohca Jesu musare.

¹² Ñ yoa ahrire musare ñ wacūchu yoarucuihtja. Ahri musare yu yahurire masi tuhsuhre musa. Ñ masina Cohamacu yare musa tuhoriro seheta noano yoana nina musa. Ñ yoaina musa jipachuta ahri musare yu yahurire ñ wacūchu yoarucuihtja musare. ¹³⁻¹⁴ Mahanocã duhsara yu variahto. Tíre noano

yahure mari puhtoro Jesucristo yuhure. ã jicu catisinicu waro ahri yu yahurire musare ã wacũchu yoarucuihtja. Yu ã yoachu noa nina. ¹⁵ ã jicu ahri yu yahu joari cjirire musare joa cũ pahñoihca yu yariari baharo musa noano masihto sehe. ã jina ahri yu yahurire ã wacũrucunahca musa.

Cristo to tuariro to jia tiare ñuha Pedro cãhu

¹⁶ ã yoa Cristo to tuaa cãhure to tahto cãhure musare yahuna, sã mu sũro yahuna nieraja. Masa ti mu sũro ti masia mehne ti yahua jierara musare sã yahua. Tuariro to jiare sã basita ñhi. ¹⁷ Cristo to tua yuhduariro to jiare sãre ñore Cohamacu mari Pucu. To ã ñochu tiro sehe noano si siteriro jire. To ã si sitechu õ sehe nino coa tare to si sitero watoi: “Ahriro yu macu, yu cahĩrro jira. Tiro mehne tuaro wahcheja”, nino coa tare Cohamacu tua yuhduariro. ¹⁸ Muanopu to ã nino coa tachu tũhoi sã. Tũcu buipũ Cohamacu to jiri tũcuĩ Cristo mehne jii sã.

¹⁹ Tíre ñurina jina, Cohamacu yare yahu muhtaina cjiri panopu macaina ti joari cjiri potocã ti jichu noano masija sã. Ti joari cjirire noano ñu buherucuna noano yoana nina musa. Tí ti joari cjiri Cohamacu yare marine noano masichu yoara. Ahri yahpai ñaare ti yoari yahpai nahitianoĩ mari jiboro seheta buhriaro marine to noano ñu masichu yoaro seheta Cohamacu noano masichu yoara marine. ã jina Cohamacu yare ti joarire ã buherucuga. ã buherucuna Cristo to tjua tachupu buhe duhunahca. ã tjua taro to yare mari masierarire marine noano masi pahñochu yoarohca. ²⁰ Jipihtia ahri yu yahuri yuhdoro ahri sehere noano masiga musa: Cohamacu yare yahu muhtaina cjiri panopu ti joari cjirire mari mu sũro tíre buhena, “Õ sehe nino nica”, ni masieraja. ²¹ Ne masa ti mu sũro Cohamacu yare joera tiri jire. Panopu macaina cjiri Cohamacu

yare ti joachu Espĩritu Santo sehe ti joatore tinare masichu yoaa tiri jire.

2

Cohamacu yare potocã buherainare yahuha Pedro

¹ Panopu mari coyea judio masa mehne macaina “Cohamacu yare yahu muhtaina jija”, ni mahñoina jia tiri jire. Ti yoaro seheta mipu cãhure musa mehne macaina ã ni mahñoina jiahca. Tina potocã ti buheboro seheta mahñoa sehere buheahca. ã buhea Cristo ya sehere dojomehneahca. ã yoa Cristo to yuhduchu yoaborina jipahta tirore “Sã puhtoro jira”, ni tuhoturara. Tí jipihtiare ti ã yoari buhiri dóihta Cohamacu tinare tuaro buhiri dahrerohca. ² ã mahño ti buhechu tũhoa tina ti ñaare goa pjariro seheta payu masa tinare ñu cũ ñano yoahca. Ti ã ñano yoachu ñua paina masa cãhu noaa buheare ñano quiti dahreahca. ³ ã jia tina mahñoina niñerure wapa cahmaa, mahñoa, ti mu sũro ti yahua buheare buheahca musare. Ti ã buheri buhiri Cohamacu tinare tuaro buhiri dahrerohca yuhduro marieno. Panoputa ã yoainare buhiri dahre duti tuhsua tiri jire tiro.

⁴ Tó seheta panoputa Cohamacu ñaina anjoa cãhure to buhiri dahrehtore cũ tuhsua tiri jire. Tinare pichacapu nahitianopu peresu yoaa tiri jire. ã yoaro pihtiri dacho baharo tinare buhiri dahrerohca. ⁵ Tó seheta panopu macainare Cohamacure cahmaerainare tiro buhiri dahrea tiri jire. ã yoaro jipihtiro ahri yahpare miono, jipihtina masa ñainare mio wajãa tiri jire. To ã miohto pano Noe cjiro sehe tí pja macaina cjirire noaare yoa dutiro yahua tiri jimare. To ã yoaro watoi Cohamacu ahri yahpare miono, Noéne tiro mehne macaina cãhure yuhduchu yoaa tiri jire. Tina jipihtina to yuhduchu yoarina ocho masa jia tiri jire. ⁶ Tó seheta Sodoma wama tiri maca macaina cjirire Gomorra wama tiri maca macaina cjiri cãhure Cohamacu

buhiri dahrea tiri jire. Tí macarine pichaca mehne noano já pahñonocaa tiri jire. ã yoaro baharopu jhtinare tirore cahmaerainare ñono nia tiri jire. Ñainare to buhiri dahrehtore ñono nia tiri jire tinare. ⁷ ã yoaro Lote wama tiriro cjiro sehere yuhduchu yoaa tiri jire. Lote sehe noariro jia tiri jire. ã jiri jiro Sodoma macaina Cohamacu dutiare yuhdurucaina ñabiaro ti yoachu ñuno pomea waha, ñano tãhotua tiri jire. ⁸ Tiro noariro ñaina watoi jiro, dachoripe ñabiaro ti yoachu ñuno, ñano ti durucuchu tãhoro ñano yajeripohna tia tiri jire.

⁹ Tirore to yuhduchu yoachu ñuna ahri yu yahuhtire masija mari. Cohamacu mari pãhtoro tirore cahmainare ti ñano yuhduchu ñuno tinare yoadohorohca. ã jiro ñaina sehere peresu yoaro tinare cjãara pihtiri dacho jichu to buhiri dahrehto sehe. ¹⁰ Ñaare tuaro goa pjainare Cohamacure yuhdurucainare tina pinihtare ñano buhiri dahrerohca tiro. Ahrina m̄sa mehne macaina mahño buheina ñaare yoaa, ne cuierara. ã yoa buo tierara tina. “Painare masi yuhdurucaja”, ni tãhotuina jira tina. ã jiina jia m̄ano macaina tuainare ne ño payoeraa, cuiro marieno ñano ni bujũpera tinare. ¹¹ Anjoa sehe ne ti yoaro sehe yoerara. Tina sehe mahño buheina yuhdoro tuaina jira. ã jipahta tina ne bujũpea mehne m̄ano macaina tuainare ñano yahusãerara Cohamacure, “Painare yuhdurucaja”, nieraina jia.

¹² Wiho mejeta ahrina mahño buheina sehe nuc̄u macaina wahiquina yoaro sehe tãho masieraina jira. Nuc̄up̄ boca sua ti wajãhtina yoaro sehe jira tina. Ti cahmano seheta yoara tina. ã jia ti masierainare bujũpe, ñano ni durucu cohtara. ã yoaina jia wahiquina yariahtina ti jiro seheta tina cãhu to buhiri dahrehtina jirucuahca. ¹³ Tinare ti ñano yoari buhiri buhiri dahrerohca Cohamacu. Tina ñaare goa pja

yuhduara. ã yoaa dachopu masa ti ñurocaroi to jipachuta ñano yoarucura. M̄sa mehne bose numu yoaa, tí bose numui ñaare yoa yuhduara. ã jia m̄sa bose numure ti wetē dahrero seheta tinare m̄sa ñu cũchu tí ñaa pihara m̄sare.

¹⁴ ã yoaa numiare ñua, ñaha duara tina. Tuhsu, ñaare ã yoarucu duara. Cohamacure wacũ tuaera cureinare ñaare yoa dutia, tó sehe jiinare tinare ñu cũchu yoara. ã yoa ti sahsero paye barore, niñeru cãhure mahño ma miñiina jira. Tina Cohamacu to buhiri dahrehtina jira. ¹⁵ Tina Cohamacu yare buheraa, soro jia buhea sehere buhera. ã yoaa Balãa yoaro sehe yoaa nina. Balãa, Beor macuno jia tiri jire. Tiro sehe panopu to ñaa yoari mehne niñerure wapata duaa tiri jimare. ¹⁶ To ã yoachu ñuno Cohamacu tuhtia tiri jire tirore. To burro durucueraricoro jiparota masuno yoaro sehe to pãrore durucu tuhtia tiri jire. To ã tuhtichu tãhoro Balãa tuaro to ñaare yoa duamarire duhunocaa tiri jire. Tãho masierariro to yoa duamarire duhunocaa tiri jire.

¹⁷ Ahrina mahñoina mári pohtarip̄u co marieno yoaro sehe jira. Co mariea mári pohtari ti yaba cjihti jieraro seheta tina mahñoina ne yaba cjihti jierara. ã yoa me curuari m̄ano macaa core waboã curuarire wiñnono to wãrocachu ti curuari yaba cjihti jierara. ã ti yaba cjihti jieraro seheta, tina mahñoina cãhu masare yoadohoera, ne yaba cjihti jierara. ã jiro nahitiano warore yoa tuhsua tiri jire Cohamacu tópu tinare buhiri dahrero taro. ¹⁸ Tina mahñoina ti durucua yaba cjihti jierara. Masiina yoaro sehe masare ã buhemacanocahna. Õ sehe ni buhera tina; “Mari cahmano seheta mari yoachu noa nina”, ni buhemana tina. Ti ã ni buhechu masa tãhoa ñaare goa pja, ti ya buheare cahmana. Paina masa Cohamacure potocãta wahma cahma ducaina mahanocãta wahara ti ñaare ti duhuri baharo, quihõno yoeraina mehne macaina ti jiri baharo. Tinare

mahñoina ti buhech_u tuhoa ñaare cahmana tjoa Cohamac_u yaina jiborina jipahta. ¹⁹ Tinare õ sehe ni buhera mahñoina: “Mari cahmano seheta mari yoach_u noa nina”, ni buhemana tina. Ti ã ni buhepach_uta ti niriro sehe wahaerara tinare. Ñaare duhu duaeraa, tíre duhu masieraputiara. Ti ã duhu masierach_u, tí ñaa ti puhtoro yoaro sehe jira. ²⁰ Mari puhtoro Jesucristore marine y_uhd_uch_u yoarirore wahma cahma d_ucaina sehe ahri yahpa macaa ñaare duhunocamare. Ti ã duhuri baharo pari turi ñaare yoaa tjoa, ñabiaro waro tjuara tina. Cristore ti masihto pano ti ji mahtariro y_uhdoro ñabiaro tjuara juna, pari turi ñaare yoaa tjoa. ²¹ Æ ñabiaro tjuaa, Cohamac_u tinare to dutiare y_uhd_urucaa, noaa buhea sehene ti ne masi mahtaerach_u noabiaboa tinare. ²² Æ jia pari turi ñaare yoaa, masape ti ni durucurucuriro seheta yoaa nina tina. Õ sehe ni durucura masa: “Diero toa tuhs_u pari turi to toa c_uri cjirire ch_ura. Æ yoaa yesere ti cosari baharo pari turi tiro ñari sahbai cuhs_ura tjoa. (Tó seheta yoara noaa buheare cahmamarina c_uh_u pari turi ñaare cahmaa tjoa)”, ni durucura masa.

3

Cristo ahri yahpap_u to tjuatahtore yahuha Pedro

¹ Y_u cahñina, m_usare c_u p_u joaroca tuhs_ui. Æ jic_u ahri p_ure mip_ure m_usare joarocai nija tjoa. Tuhs_u p_ua taha joarocac_u ahri jipihtiare m_usare wac_uch_u yoaa duai nija noaa dihtare m_usa tuhotuhto sehe. ² Panop_u macaina noaina Cohamac_u yare yahu mahtaina cjiri ti yahu joari cjirire wac_uga m_usa. Mari puhtoro marine y_uhd_uch_u yoariro Cristo to dutia c_uh_ure wac_uga. Tí dutiare sã to c_urina m_usare buhei.

³ Ahrire m_usa masich_u tuaro cahmaja. Æ jina wahmanore ahrire wac_u mahtaga: Pihtiri dacho panocã Cohamac_u yare buj_upeina jiahca. Tina ñaare goa pjarucuina jiahca.

Õ sehe ni buj_upeahca: ⁴ “Cristo ‘Tjua taihtja’, niparota ne tjuataasi. ¿Tjua ta duaparota dohsearo ne bajuerajari tiro? Ahri yahpa to ji d_ucari baharo mari ñ_uch_us_uma m_una ti yariari baharo jipihtiro soro sehe waharo marieno ã jirucura. Æ jiro ahri yahpare tahtiro maanop_ure mariaha”, ni buj_upeina jiahca. ⁵ Æ ni buj_upea ahri sehene ne wac_uerara tina: Panop_ure Cohamac_u to dutiro mehne ahri yahpare, maano c_uh_ure bajuamehnea tiri jire. Æ yoaa tuhs_u ahri yahpai co dihta jiriro cjiriro yahpa jich_u yoaa tiri jire tiro. Æ yoaro co mehne ahri yahpa mip_u to jiro seheta ahri yahpare yoaa tiri jire tiro. ⁶ Æ yoaa baharop_u ahri yahpare miono, cohã pahñoa tiri jire ahri yahpa macaare ahri yahpa macaina c_uh_ure. (Æ jiro ahri yahpare cã tahata soro wahach_u yoaa tuhs_u tiri jire Cohamac_u.) ⁷ Æ soro wahach_u yoaparota mip_ure maanore, ahri yahpa c_uh_ure pari turi cohtotach_u yoaerasinire tiro. Tiro to dutiro mehne ahri yahpare maano c_uh_ure mip_ure ti jiro seheta jirucu namoch_u yoaro nina. Æ jiro cohtaro nina baharo jipihtirop_ure j_uno taro. Æ cohtaro nina Cohamac_u tirore cahmaerainare buhiri dahrero taro. Æ buhiri dahrero tinare pichacap_u cohãnohca.

⁸ Y_u cahñina ahrire wac_uga m_usa: Mil c_uhmarine “Yoabiari pja jira”, mari ni tuhotupach_uta cã dachota jira Cohamac_u to ñ_uch_u sehene. ⁹ “Cohamac_u to niriro sehe ne so yoaeraputiara”, nina masa. Æ jierara. Masare noano yoaa duaro cohtasinino nina. Ne c_uiro mas_uno pichacap_u cohã duaerara tiro. Æ jiro jipihtina pano ti ñaare tuhotumarire ti duhuch_u, Cohamac_ure ti cahmach_u cahmasinina tiro.

¹⁰ Namip_ure yaca bucuro to wac_uenoca yacaro sãariro seheta Cristo ahri yahpap_ure wac_uenoca tarohca. To tach_u to tuaro bisich_uta maano macaa pihtia wahaahca. Jã pihtia wahaahca. Æ yoaa ahri yahpa,

ahri yahpa macaa cãhũ jũ pihtia wahaahca. Cohamacũ ahri yahpa macainare buhiri dahrero taro nina.

¹¹ “Ahri jipihtia pihtia wahaahca”, Cohamacũ to nichũ tãhona ñaare duhuina, Cohamacũ cahmaare yoaina jiro cahmana marine. ¹² Mari pãhtoro Cristo ahri yahpapũ to tahtore cohtaina jina, soaro mehne to tachũ yoaga mũsa. Tí dachoi mũano macaa jũ pihtia wahaahca. Jipihtia jũ sipã wahaahca. ¹³ To ã cuaro wahahto to jipachũta mari sehe Cohamacũ to ni cũriro seheta jipihtiare to cohtotahtire cohtaja mari. Jipihtia ti jũ pihtiari baharo õ sehe jirohca. Mũanopũ cãhũ ahri yahpapũ cãhũ wahma jahca. Æ yoa tí pjarũre noaa dihtare yoahca jipihtina. Ahrireta cohtaja mari.

¹⁴ Æ yoa yũ cahĩina, mari pãhtoro to tahtore cohtaina jina Cohamacũ to ñũrocaroi noano yoaina jiga mũsa ñaa buhiri marieina mũsa jihto sehe. Æ noano yoaina jiga mũsa Cohamacũ mũsa mehne to wahchehto sehe. ¹⁵ Yoa cureri pja to bajuerachũ ñũna ahrire masiga mũsa. Masa tirore cahmaina to yũhdũchũ yoahcina dũhsasinina mini. Æ jiro tinare cohtasinino nina Cohamacũ. Æta ni mũsare joarocari jire mari coyeiro mari cahĩiro Paulo. Cohamacũ to masia mehne tíre joarocari jire tiro.

¹⁶ Æ dihta ni joarocara Paulo to joarocaa taharipe. Cristo to tahtore, ñaare yoeraina mari jihto cãhũre yahuro õ sehe dihta ni joarocari jire tiro. Cãa tahari mijo cureare tiro yahu joarocari jire. Paina ne masieraina, tũho masieraina mahñoa mehne to ã nirire cohtota mũjana. To ã niri jipachũta soro ni cohtota yahura tina. Paye Cohamacũ yare ti joaa pũri cãhũre tó seheta yoara tina. Ti ã yoachũ ñũno Cohamacũ tinare tuaro buhiri dahrerohca.

¹⁷ Yũ coyea, yũ cahĩina ahri jipihtiare ti ã wahahto pano yahuyui nija mũsare. Æ jina ahrire masina, noano yoaga mũsa. Ñaina mũsare soro ni ti buhechũ ne tũhoena tjiga

tinare, “Cristore wacũ tua duhuri”, nina. ¹⁸ Æ jina mari pãhtoro marine yũhdũchũ yoarirore Cristore noano wacũ tua namoga mũsa. Tirore, marine to cahĩa cãhũre noano masi namoga mũsa. Mipũre, jipihtia dachoripe tirore noano wahche payojihna mari. “Noariro, tuariro jira”, nijihna mari tirore. Æta nijihna.

1 San Juan

Jesucristo catiare wariro jira

¹ Jesu Cohamacu ya duserore yahuriro jira. Dóiputa wahmanoputa jiriro tiro masare Cohamacu mehne ã jirucuchu yoariro jia tiri jire. Mipure sã tirore yahu joana nija. Tirore tãhona, catirore warore tirore ñhi sã. Æ tjira. Tirore ñuna, sã wamomacari mehne tirore dahra ñhi sã. ² Ahriro Cohamacu mehne ã jirucuchu yoariro ahri yahpuru to masa bajuari baharo tirore sã ñhi. Æ jina tirore yahuja sã musare. Tiro jipihtia dachoripe to Pucuro mehne jirucuriro to jichu, mipure Cohamacu tirore ñore sãre. Tíre yahuja sã musare. ³ Cohamacu mehne macaina jija sã. To macuno mehne macaina cãhu jija sã. Æ jina musa cãhu sã mehne macaina, Cohamacu mehne macaina, to macuno mehne macaina musa jihto cjihtore sã ñurire, sã tãhorire musa cãhure sã yahuja. ⁴ Ahrireta sã joaja noano mari wahchehti cjihtire.

Buhriaro to wete marieno seheta Cohamacure ñaa yoaa ne mariahna

⁵ Ahri buhea Cohamacu macuno sãre to yahuri cjiri jia nina. Miputa ahrire yahunahca sã musare: Cohamacu buhriaro yoaro sehe jira. Buhriaro wete marieno to jiro seheta tirore ne ñaa yoaa mariahna. Ñaa sehe nahitiano yoaro sehe jira. Cohamacure ne ñaa yoaa mariahna. To ã jia tiare yahuja musare. ⁶ Æ jina nahitiano jina yoaro seheta mari ñaare yoaina jipanahta “Cohamacu mehne macaina jija” nina, mari mahõna nija. Æ yoa Cohamacu yare quihõno yoeraja. ⁷ Æ yoa buhriaropu jina yoaro seheta Cohamacu to yoariro seheta mari noaa sehere yoana, paina Jesu yaina mehne noano jina nija. Mari ã yoaina jichu Cohamacu macuno Jesu to di cohãno mehne, crusai to yariari mehne

jipihtia mari ñaa yoari buhirire cohãna.

⁸ “Yuhu pini ne ñaare yoeraja”, ni wacũna, mahõoare tãhotuna nija mari. Mari ã ni tãhotuna Cristo yare potocã jiare ne masieraja. ⁹ Wiho mejeta Cohamacure mari ñaa yoarire mari yahuchu tiro quihõno yoariro jiro, mari ñaare borohca. Æ boro jipihtia mari ñaa buhirire cosawerohca tiro. To niriro seheta yoariro jira tiro.

¹⁰ “Ñaare yoeraja” nina, “Cohamacu mahõoriro jira”, nina nija mari. Õ seheta niina to buheare cahmaerara.

2

Cristo marine yoadohora

¹ Yu pohna, musa ñaare yoerahto sehe ahrire joai nija. Yu ã ni joapachuta ñaare yoaboca musa. Musa ã yoachu ñuno Jesucristo noariro musa ya cjihtire to Pucurore õ sehe ni sini payorohca: “Ahrina ti ñaare yoari buhirire buhiri dahrei tjiga”, ni sini payorohca to Pucurore. ² Cristo mari ñaa yoari buhirire cohãriro jira. Mari ñaa yoari buhirire mari dihtare cohãerara. Jipihtiro macainapu cãhure ti ñaa yoari buhirire cohã masina tiro.

³ Cohamacu to dutiare yoana, tirore potocãta noano masija mari.

⁴ Cũiro Cohamacu dutiare yoera-parota “Yuhu Cohamacure masija” nino, tiro mahõoriro jira. Æ jiro Cristo yare potocã jiare ne masierara. ⁵ Pairo sehe Cohamacu dutiare yoariro Cohamacure tuaro cahãriro jira. “¿Cohamacu mehne macaina jijari mari?” ni masi duana, õ sehe mari masinahca: ⁶ “Cohamacu mehne macariro jija”, niriro Jesucristo yoaro seheta noaare yoariro jiro cahmana tirore. To ã yoariro jichu ñuna “Cohamacu mehne macariro jija”, ni masija mari.

Wahma dutiare yahu dũcaha

⁷ Yu cahãina, ahri dutia mipure musare yu yahuhto wahma dutia jierara. Ahri dutia musa wahmanopure cãariro cjiro muna dutia tjira. Tí

dutiare m̄usa t̄aho tuhs̄ure. ⁸ Mip̄u sehere m̄usare ȳu yahuhto m̄una dutia jiparota wahma dutia c̄uh̄u jira. Cristo, m̄usa c̄uh̄u t̄i dutiare yoara. Mip̄uta nahitiano to pihti wahc̄ach̄u mari ñ̄u masino seheta mari masierarire masi d̄uca wahc̄ana nija mari. Ā jiro buhriaro mehne mari ñ̄u masino seheta Cristo m̄usare potoc̄a jiare masich̄u yoaro ta tuhs̄ure.

⁹ “Ȳuh̄u buhriarop̄u jiriro yoaro seheta Cohamac̄u dutiare yoariro jija”, c̄airo niparota, painare ñ̄u tuhtiriro jiro, tiro Cohamac̄u dutiare yoarera. ¹⁰ Ā yoa paire cah̄iro pinihta buhriarop̄u jiriro yoaro seheta Cohamac̄u dutiare yoariro jira tiro. Ā jiro ñ̄aare pari turi yoa duaerara. ¹¹ Paire ñ̄u tuhtiriro sehe nahitianop̄u jiriro yoaro seheta jiro nina. Tiro capari ñ̄erariro yoaro seheta jira. To wahahtore ñ̄u masierara tiro.

¹² Ȳu pohna, Cristo to yariaro mehne m̄usa ñ̄aa yoari buhirire coh̄ari jire. Ā jich̄u m̄usare yahu joai nija. ¹³ M̄usa p̄uc̄us̄uma c̄uh̄u, m̄usa Cristore wahmanop̄ure jirirore masina m̄usa. M̄usa ā masiina jich̄u m̄usa c̄uh̄ure yahu joai nija. M̄usa wahma yapia ñ̄ariro wat̄inore ȳuhd̄ur̄ucare m̄usa. M̄usa ā ȳuhd̄ur̄ucaina jich̄u m̄usa c̄uh̄ure yahu joai nija.

¹⁴ Ȳu pohna, Cohamac̄u mari p̄uc̄ure m̄usa masina. M̄usa ā masiina jich̄u m̄usare mip̄ure yahu joai nija. M̄usa p̄uc̄us̄uma, m̄usa Cristore wahmanop̄ure jirirore masina m̄usa. M̄usa ā masiina jich̄u m̄usare yahu joai nija. M̄usa wahma yapia potoc̄ata m̄usa Cohamac̄ure wac̄u tuaina jira. Ā jina m̄usa Cohamac̄u yare yoara. Ā yoana, m̄usa ñ̄ariro wat̄inore ȳuhd̄ur̄ucare. Ā jich̄u m̄usare yahu joai nija.

¹⁵ Ahri yahpare ahri yahpa macaa ñ̄aare cahmaena tjiga. Ahri yahpa macaa ñ̄aare cahmaina jina Cohamac̄u mari p̄uc̄u sehere cahmaerara m̄usa. ¹⁶ Ñ̄aina ti basi ñ̄aare ti goa pjari, ñ̄aare ti ñ̄u duari mari p̄uc̄u Cohamac̄u ya jierara. “Noano

c̄uh̄u pah̄noriro, masi pah̄noriro jija yuh̄u. Ne c̄airo mas̄uno yuh̄ure ȳuhd̄ur̄ucaerara”, masa ti ni t̄ahotua mari p̄uc̄u Cohamac̄u ya jierara. T̄i jipihtia ahri yahpa macaa jira. ¹⁷ Ahri yahpa, ahri yahpa macaa c̄uh̄u masa ti cahmari cjiri pihtia wahaahca. Cohamac̄u cahmaare yoariro sehe jipihtia dachoripe Cohamac̄u mehne jirucurohca.

Cristore ñ̄u tuhtiriro sehere yahuha Joāo

¹⁸ Ȳu pohna, ahri dacho to pihtih̄to mahanoc̄a d̄us̄ara. “Cristore ñ̄u tuhtiriro tarohca” ni, Jesu yaina m̄usare yahu tuhs̄ure. Mip̄ure Cristore ñ̄u tuhtiina paȳu ji tuhs̄ure. Ti ā jich̄u ñ̄una mip̄ure pihtihti dacho cjih̄to mahanoc̄a to d̄us̄ach̄u masija mari. ¹⁹ Ahrina Cristore ñ̄u tuhtiina sehe mari mehne jipahta potoc̄a mari mehne macaina jierare. Ā jia tina marine coh̄anocare. Tina mari mehne macaina jia, mari mehne jiboa. Marine coh̄anocare. Ti ā coh̄ach̄u mari mehne macaina ti jierach̄u masija mari.

²⁰ Cristo Esp̄iritu Santore m̄usa sehere ware. Ā jiro Esp̄iritu Santo m̄usa mehne jira. Ā jina m̄usa jipih̄tina Cristo yare potoc̄a jiare masi tuhs̄ura. ²¹ M̄usare yahuc̄u “Cristo yare masierara m̄usa”, ni t̄ahotueraja yuh̄u. M̄usa Cristo yare masiina jich̄u ñ̄uc̄u m̄usare yahuja. Cristo ya ne mah̄noa jierara. T̄i c̄uh̄ure masiina m̄usa jich̄u masija yuh̄u.

²² Ahriro jira mah̄noriro: “Jesu Cohamac̄u masare ȳuhd̄uch̄u yoa duti to warocariro Cristo waro jierara”, niriro sehe mah̄noriro jira. Potoc̄ata Cristore ñ̄u tuhtiriro jira tiro. Cohamac̄ure, to mac̄no c̄uh̄ure cahmaerariro jira Cristore ñ̄u tuhtiriro. ²³ Ō sehe tjira: Jesure cahmaerariro sehe to p̄uc̄uro c̄uh̄ure cahmaerariro tjira. Jesure cahmariro sehe to p̄uc̄uro c̄uh̄ure cahmariro jira.

²⁴ Wahmanop̄ure Cohamac̄ure m̄usa t̄ahori cjirire noano wac̄uga. T̄ire wac̄una, Jesu mehne macaina jinahca m̄usa. Ā yoa to p̄uc̄uro

mehne macaina jinahca. ²⁵ Tíreta Jesu marine yahure. Õ sehe jira to yahuri cjiri: “Musa jipihtia dachoripe Cohamacu mehne jirucunahca”, ni cüre Jesu marine.

²⁶ Paina musare mahñoa nina. Ti ã mahñoare masicu musare yahu joai nija. ²⁷ Æ ti mahñoina musa jipachuta musa sehere Cristo Espíritu Santore wa tuhsure. Espíritu Santo musa mehne jira. Musa mehne jiro musare buheriro jira. Æ jiro tiro jipihtiare musare yahura. To yahua potocãta jira. Mahñoare yahuerara tiro. Æ jina paio musare buhehtirore cahmaerara musa. Espíritu Santo to niriro seheta yoaga musa mipure. Æ yoana musa Cristo yare tuhona, tiro mehne macaina jiga.

²⁸ Æ tjira. Yh pohna, Cristo mehne macaina jiga musa. Æ jina Cristo to tahti dachore musa cuisí. Æ jina tiro to tahti dachore musa buo ti duhtisi. ²⁹ Cristo noaare yoariro to jichu musa masina. Tíre masina ahri cühure masiga musa. Jipihtina noaare yoaina Cohamacu pohnata jira. Ahri cühure masiga musa.

3

Musata Cohamacu pohna jira

¹ “Musa yu pohna jira” nino, tuacaro cahí yuhdurucajari Cohamacu marine. To ã cahína jinata to pohna jija mari. Ahri yahpa macaina ñaina Cohamacure masierara. Æ jia Cohamacu pohna mari jichu ñua tina mari cühure masierara. ² Yh cahína, mipure Cohamacu pohna jija mari. Æ jipanahta baharo mari jihti cjihtire mari noano masierasinja. Æ masierapanahta ahri sehere masija. Cristore mari ñuna, dóihta mari tirore ñu masinahca. Æ jina Cristo marine to bajuachu tiro to jiro seheta mari cohtotanahca. ³ Jipihtina ahrire masina Cristo to tahtore cohtaina tirore ñu cúa ñaare yoa duaerara.

⁴ Ñaare yoana to dutiare yuhdurucana nija. Æ jia jipihtina ñaare yoaina

Cohamacu dutiare yuhdurucana jira. ⁵ Cristo masare ti ñaa buhirire cohãhtiro cjihto bajuari jire. Tiro ne ñaare yoerara. Tíre masina musa. ⁶ Æ jia jipihtina Cristo yaina ñaare yoarucuerara. Pairo sehe ñaare ã yoarucuriro Cristore wacü tuaeraro, ne tirore masierara. Æ jiro Cristo yairo jierara. ⁷ Yh pohna, musare mahñoinare ne tuhona tjiga. Jipihtina noaare yoaina Cristo yoaro sehe noaina jira. ⁸ Pairo sehe ñaare ã yoarucuriro watíno yairo jira. Watíno pinihta dóihta ñaare yoariro jia tiri jire. Æ jiro watíno to ñaare yoare, to ñaare yoa dutia cühure duhuchu yoahitiro cjihto Cohamacu macano bajuari jire.

⁹ Cohamacu pohna jina Cohamacu yoaro seheta jiina jija. Æ jinata ñaare yoarucueraja. Cohamacu mari Pucu to jichu mari sehe ñaare yoarucu masieraja. ¹⁰ Õ sehe jinare Cohamacu pohnare masinahca: Cohamacu pohna watíno pohna yoaro sehe jierara. Ñaare yoarucuina, painare cahñeraina Cohamacu pohna jierara.

Musa mehne macainare cahíga

¹¹ “Mari mehne macainare cahíjihna”, ni buheare wahmanopure tuho tuhsure musa. ¹² Mari Caí to ñano yoariro seheta yoaena tjijihna. Tiro watíno yairo jiro, to bahurore wajãa tiri jire. ¿Dohse yoaro tirore wajãri, musa tuhutuchu? Tíre yahuihtja musare: Caí to yoari cjiri ñaa jia tiri jire. To bahuro sehe to noaare yoariro jichu ñu tuhtiro to wahmino sehe tirore wajãa tiri jire.

¹³ Æ jina yu coyea, ahri yahpa macaina musare ti ñu tuhtichu “¿Dohse jiro baro marine ñu tuhtijari tina?”, ni tuhotaena tjiga. ¹⁴ Mari pichacapu wahaborina jimai. Mipure manopu ã jirucuhtina cohtotari-napu jina nija mari. Jesu yainare cahína, Cohamacu marine to cohtotachu yoarire masija mari. Masare cahñerariro pichacapu wahahtiro jira. ¹⁵ To coyeirore ñu tuhtiriro

masare wajãiro jira, Cohamacu to ñuchu. Masare wajãina ne manopu Cohamacu mehne jirucusi. Tíre noano masina musa. ¹⁶ Masare cahãre õ sehe masinahca. Jipihtia dachoripe Cohamacu mehne mari jihto cjihtore Cristo yariaro marine tuaro cahãre. ã yariaro marine to ã cahãrucurire masichu yoaro nire. ã jina Cohamacu to cahmachu mari cãhure Jesu yaina yaro jiborirore yariaro cahmaboca. ¹⁷ Payu cãariro Jesu yairore pãcorirore ñaparota tirore pja ñeraro, Cohamacure cahãrara tiro. ¹⁸ Yu pohna, mari cahãa sehe mari dusero dihta wijaero tjiaro. Masare mari cahãina, potocãa tinare yoadohoro cahmana marine.

Cuiro marieno Cohamacu cahai ji masija mari

¹⁹ Tó seheta cahãina mari potocã Cohamacu yaina mari jia tia cãhure masinahca. ã jina Cohamacu cahai ne cuiro marieno mari ji masija. ²⁰ ã jina “Ñaa buhiri jica yãhure”, mari ni tuhotupanahta, Cohamacu cahai cuiro marieno ji masija. Tiro sehe mari yãhdoro tuariro jiro jipihtiare masi pahãoriro jira. ²¹ Yu cahãina, noaare yoana, “Noaa sehene yoana nija”, ni tuhotuna, Cohamacu cahai mari cuiro marieno ji masija. ²² Cohamacu to dutiare, to cahmaa cãhure mari yoachu, tirore mari sinino purota tiro warohca. ²³ Õ sehe dutira tiro marine: “Cohamacu macunore Jesucristore wacũ tuaga. ã yoa Cristo marine to dutiriro seheta musa mehne macainare cahãga musa”, ninota dutira marine.

²⁴ Cohamacu dutiare yoariro Cohamacu mehne macariro jiro nina. To ã jiro jichu, Cohamacu tiro mehne macariro jira. Cohamacu mari mehne macariro to jiare mari masi duachu marine to wariro Espiritu Santo tíre marine masichu yoarohca.

4

Mahãoare ti buhechu, Cohamacu

yare ti buhechu cãhure noano ñu masi dutiha

¹ Yu cahãina, paina “Cohamacu yairo Espiritu cãaja”, niina ti jipachuta ti buhea mahãoa jira. Paina sehe Espiritu Santo warore cãaina ne mahãono marieno buhera tina. Payu “Cohamacu yare yahu mãhtaina jija”, nipahta mahãoina jira mipure. Jipihtiropu jira tina. ã jina paina musare ti buhea sehe mahãoa buhea jichu ñu masiga musa. Cohamacu ya ti jichu cãhure ñu masiga musa. ² Cohamacu yairo Espiritu Santore cãainare musa ñu masi duana, õ sehe masinahca: “Jesucristo ahri yahpau mari yoaro sehe pãcu tiriro bajuari jire” ni, buheina Cohamacu yairo Espiritu Santore cãaina jira tina. ã jina ã ni buheinare ñu masinahca musa. ³ Paina sehe “Jesu ahri yahpau mari yoaro sehe pãcu tiriro bajuerari jire” ni, buheina Cohamacu yairo Espiritu Santore cãaeraina jira. Ti ya tuhotua Cristore ñu tuhtiriro to tuhoturo seheta jira. “Cristore ñu tuhtiriro tarohca”, ti nirire tuho tuhsure musa. ã yoa to ya buhea ahri yahpau wihituhure.

⁴ Musa sehe yu pohna, Cohamacu yaina jira musa. ã jina “Cohamacu yare yahu mãhtaina jija sã” ni, mahãoinare yãhduraca tuhsure musa. Musa mehne jiro Espiritu Santo sehe tua yãhduracara. ã jiro ahri yahpa macaina yairo watino yãhdoro tuara. ã jina mahãoinare yãhduracare musa. ã jina ti buheare cahmaerare musa. ⁵ Mahãoina sehe ahri yahpa macaina ñaina jira. ã jia tina ahri yahpa macaa ñaare ti buhechu ahri yahpa macaina ñaina sehe tinare noano tuhora. ⁶ Mari sehe Cohamacu yaina jija. ã jia Cohamacure masiina marine noano tuhora. Paina sehe Cohamacu yaina jieraa, marine ne tuho duaerara. Ti ã tuho duaerachu ñuna ti ya buhea Cohamacu ya buhea ti jierachu masinahca mari. Paina sehe marine ti tuhochu ti ya buhea noaa buhea ti jichu cãhure masija mari.

Cohamacu painare tuaro cahĩrucuro jira

⁷ Y_u cahĩna, Cohamacu marine painare cahĩch_u yoariro jira. To ã yoariro jich_u ñ_una mari mehne macainare cahĩjihna mari. Masare noano cahĩna sehe Cohamacu pohna jira. ã jia tina Cohamacure noano masina. ⁸ Cohamacu jipihtinare tuaro cahĩrucuro jira. To ã cahĩrucuro to jich_u masare cahĩeraina sehe Cohamacure masierara. ⁹ Cohamacu marine to cahĩare mari masi duana, õ sehe masinahca: Cohamacu sehe to macunore cãirota jirirore marine y_uhd_uch_u yoahtiro cjihtore ahri yahp_ure warocari jire. ã warocar_u marine to cahĩare marine masich_u yoaro niri jire. ¹⁰ Cahĩa waro õ sehe jira: Cohamacure mari cahĩri cjiri sehe potocã cahĩa waro jierara. Marine Cohamacu to cahĩa sehe potocãta cahĩa waro jira. ã yoa to macunore mari ñaa buhirire cohãhtiro cjihtore warocar_u marine tuaro cahĩna tiro.

¹¹ Y_u cahĩna, Cohamacu ã tuaro marine to cahĩch_u ñ_una mari cãh_u mari mehne macainare cahĩjihna. ¹² Masa sehe ne Cohamacure ñ_uerare. Tirore ñ_ueraina mari jipach_uta mari mehne macainare mari cahĩch_u, Cohamacu sehe mari mehne ã jirucuro nina. ã jiro potocãta marine cahĩ namorucuch_u yoara tiro. ¹³ Cohamacu sehe marine to yairo Espĩritu Santore ware. ã jina Espĩritu Santore cj_uana, Cohamacu mehne mari noano jia tiare, tiro sehe mari mehne to noano jia tia cãh_ure masija mari. ¹⁴ ã yoa Cohamacu mari P_uc_u to macunore ahri yahpa macainare y_uhd_uch_u yoahtiro cjihtore to warocarire sã ñ_ui. Tĩre ñ_una painap_ure tĩre yahuja sã. ¹⁵ Cohamacu mehne macariro õ sehe niriro jira: “Jesu Cohamacu macuno jira”, niriro tiro pini Cohamacu mehne macariro jiro nina. ã yoa Cohamacu cãh_u tiro mehne macariro jiro nina.

¹⁶ ã yoa marine Cohamacu to cahĩare masija mari. Cohamacu

jipihtinare tuaro cahĩrucuro jira. ã jiro cãiro masare cahĩrucuro jiro, Cohamacu mehne macariro jira. ã jiro Cohamacu cãh_u tiro mehne macariro jira. ¹⁷ ã jina mari noano cahĩ namorucuja Cohamacure, paina cãh_ure, buhiri dahleri dacho jich_u mari cuiro marieno mari jihto cjihtore. ã jina cuisu mari ahri yahpai Cristo yoaro sehe jina. ¹⁸ Painare cahĩa mehne ne cuiro mariaha. Cohamacu marine to cahĩare masina mari ñ_uno wahahtore ne cuieraja. Masa cuia tinare buhiri dahrehtore cuiina jira. ã jiro cuiriro sehe Cohamacu cahĩare masierariro jira.

¹⁹ Marine Cohamacu cahĩ mahtari jire. ã jina mari cãh_u tirore cahĩja. ²⁰ Cãiro “Cohamacure cahĩja”, niriro jiparota pairere ñ_u tuhtiriro jiro, mahñoriro jira tiro. Tiro to ñ_urirore cahĩeraro, Cohamacure cahĩ masierara tiro, tirore ñ_ueraro. ²¹ ã jiro õi jira marine Cristo to dutia: Cohamacure cahĩro jic_u m_u cahai jiriro cãh_ure cahĩga.

5

Cohamacu pohna ahri yahpa macaa ñaare yoa duaerara

¹ Jipihtina Jesure “Cohamacu masare y_uhd_uch_u yoa duti to warocariro Cristo jira” niina, Cohamacu pohna jira. Paina p_uc_urore cahĩna, to pohna cãh_ure cahĩja mari. ² Tõ sehetã Cohamacure cahĩna, to dutiare noano yoana to pohna cãh_ure mari cahĩna nija. ³ To dutiare noano yoana Cohamacure cahĩna nija. Cohamacu to dutiare mari yoach_u marine war_uerara. Mari jipihtina Cohamacu pohna jina, ahri yahpa macaa ñaare cahmaeraja mari. ã jia to dutiare mari yoach_u war_uerara. ⁴ Cohamacure wacũ tuana ne ahri yahpa macaa ñaare cahmaeraja. ã jina tirore mari wacũ tuari baharo ñ_uno yoa duaeraja. ⁵ Ñaare cahmaerana õ sehe niina jija mari: “Jesu Cohamacu macuno jira”, niina jina ahri yahpa macaa ñaare cahmaeraina jija mari.

Cohamacu macunore yahuha João

⁶ Jesucristo ahri yahpapu to tachu tirore João co mehne to bautisarire masina, crusapu to di cohãri cãhure masina, Cohamacu macuno to jiare masija mari. To bautisari dihta Cohamacu macuno to jiare marine masichu yoerara. To di cohãri cãhu marine tíre masichu yoara. Espíritu Santo “Jesucristo Cohamacu macuno jira”, ni yahura marine. Tiro potocã ni yahuriro jira. ⁷ ã jia Jesu Cohamacu macuno to jiare tiaro marine yahura: ⁸ To macuno to jiare Espíritu Santo sehe marine yahura. ã yoa Jesure co mehne to bautisari cãhure masina, Cohamacu macuno to jiare masija mari. ã jina mari ya cjihtire to yariarire to di to cohãrire masina, Cohamacu macuno to jiare masija mari. ã jia tí sehe cãno potori marine masichu yoara Jesu Cohamacu macuno to jiare. ⁹ Masa ti yahuaire tãhona “Potocã tjira”, nija mari. ã niina jipanahta Cohamacu to macunore to yahuchu masa ti yahua yãhoro tiro sehere noano tãhoro cahmana marine. Cohamacu waro to jichu to macunore to yahuaire tãhoro cahmana marine. ¹⁰ ã jia jipihtina Cohamacu macunore wacũ tuaina Jesure yahua buheare noano tãhora. “Potocã tjira”, ni tãhotura tina Jesure yahua buheare. Cohamacu to macunore to yahuaire tãhoerariro “Cohamacu mahñoriro jira”, niriro jira tiro. ¹¹ Cohamacu marine jipihtia dachoripe to catia mehne ã jirucuchu yoarohca. Cohamacu macuno yaina mari jichu ñno ã jirucuchu yoarohca marine. Ahri jira Cohamacu marine to yahua. ¹² Cohamacu macuno yaina jia to catia mehne ã jirucuahca. Paina tirore cahmaeraina sehe to catia mehne ne ã jirucusi.

Yahu to joa batoa jira

¹³ Mũsa Cohamacu macunore wacũ tuaina Cohamacu catia mehne ã jirucunahca. Tíre mũsa masihti cjihtire mũsare yahu joai nija.

¹⁴ Cohamacu to cahmariro seheta mari tirore dohse jiare mari sinichu tiro marine noano tãho nãnohca. ã mari sinina “Potocãta noano tãhora tiro”, ni masija mari. ¹⁵ Tirore mari sinichu, tiro marine tãhora. To ã tãhorire masina, tirore mari sinino purota to wahtiro jichu cãhure masija mari.

¹⁶ Mũsa coyeiro to ñaare yoachu ñna, tí ñaa Cohamacu pichacapu to waha dutia ñaa jierachu, tirore sini payobasaga Cohamacure. ã jiro Cohamacu tirore yoadohoro to catia mehne ã jirucuchu yoarohca tirore. Cohamacu pichacapu to waha dutieraina dihtare sini payobasaga mũsa. Paye ñaa sehe Cohamacu pichacapu to waha dutia ñaa waro jira. Cãiro tí ñaa warore to yoachu “Tirore sini payobasaga mũsa”, nieraja yũhu. ¹⁷ Jipihtia ñaa yoaa ñaa warota jira, Cohamacu to ñuchu. Ti ã jipachata paye ñaa Cohamacu pichacapu to waha dutia ñaa jierara.

¹⁸ Cohamacu macuno Jesu sehe Cohamacu pohnare noano ñu wihbora. To ã ñu wihbochu watĩno sehe Cohamacu pohnare ne ñano yoa masierara. ã jia Cohamacu pohna sehe ñaare ã yoarucuerara. Ahrire mari masija.

¹⁹ Mari sehe Cohamacu yaina jija. Watĩno sehe ahri yahpa macaina puhtoro jira. Ahri cãhure mari masija.

²⁰ Cohamacu macuno ahri yahpapure taro marine noano masichu yoare tiro. To ã yoachu potocãta Cohamacu waroreta mari noano masija. Ahri cãhure mari masija. Cohamacu macuno Jesucristo yaina jija mari. ã jina potocãta Cohamacu waro mehne macaina jina nija. Ahriro yũ niriro potocãta Cohamacu waro jira. ã yoa ahriro to macuno to catia mehne ã jirucuchu yoariro jira. ²¹ Yũ pohna, “Cohamacu jira”, ti nia masarine ño payoena tjiga.

2 San Juan

Jesucristo yare, potocã cahã cãhure yahuha

¹⁻² Yuhũ bũcũro mũhũre Cohamacũ to besericorore mũ pohna cãhure ahri pũre joarocaja. Jesucristo yare yũhtiina jija mari. Tiro to buhea cãhũ mari mehne jipihtia dachoripe ã jirucuahca. ã jicũ potocãta mũsare cahĩja yuhũ. Yuhũ dihta cahĩcũ nieraja mũsare. Paina Jesu yare masina tina cãhũ potocãta cahĩna mũsare. ³ Cohamacũ mari Pũcũ, Jesucristo to macũno cãhũ potocãta ti cahĩa mehne marine noano yoahca. ã jia pja ñũa mehne marine noano jichũ yoajaro tina.

⁴ Cohamacũ mari Pũcũ marine to dutiriro seheta cãina mũ pohna to yare yũhtiina ti jichũ masicũ wahcheja yuhũ. ⁵ Yũ cahĩricoro, mipũre mũhũre yũ dutihtto wahma dutia jierara. Wahmanopũre ahri dutia marine dõipũta ji tuhsũri jire. Õ sehe dutira marine. Mari mehne macainare cahĩjihna. ⁶ To dutiare yoa pahõona mari tirore cahĩja. Wahmanopũre mũsa tũhoriro seheta mipũ cãhũre õ sehe dutira mũsare. Painare ã cahĩrucuina jiga.

Payũ mahõoina jira

⁷ Payũ mahõoina “Potocã Jesucristo ahri yahpapũ mari yoaro sehe pjacũ tiriõ masa bajuerari jire”, niina cãhũ ahri yahpa macainare buhea wahare. Tõ sehe niina mahõoriro, Cristore ñũ tuhtiriro yoaro sehe jiina jira. ⁸ Noano yoaga mũsa. Cohamacũ ya wapare mũsa noano yoari wapare boena tjiga. Mũsa ã boerachũ Cohamacũ noa yũhdũaro yoarõhca mũsare.

⁹ Jipihtina Cristo yare yũhdũũcaina, Cristo yare quihõno buheraina Cohamacũ yaina jierara. ã yoa Cristo yare ne cohãeraina Cohamacũ mari Pũcũ, to macũno mehne macaina jira tina. ¹⁰ Cristo ya buheare ne cahmaerariro, paye buheare yahuriro

mũsa cahai to tachũ, tirore mũsa wũhũi sãa ta dutiena tjiga. Tirore piti bocaena tjiga. ¹¹ Paye buheare yahuriro Cristo yare cahmaerariro ñãno yoara. ã jiro tirore piti bocariro sehe ñãno yoarirore yoadõhoro nina.

Yahu joa batoa jira

¹² Payũ mũsare yahu duapaihta tĩre joa duaeraja. Mũsare ñũi waha duaja. Mũsare ñũcũ mũsa mehne sũhũduihtja mari noano wahchehti cijhtire.

¹³ Cohamacũ to besericoro mũ baho pohna sehe mũhũre noa dutira.

3 San Juan

João Gayo wama tirirore “Noariro jira”, niha

¹ Yuhũ bũcũro mũhũre Gayore potocã yũ cahĩrĩrore ahri pũre joarocaja.

² Yũ cahĩriro, Cohamacũ mehne macariro mũ jichũ masija yũhũ. Tiro mehne mũ noano jiriro seheta mũ noano yũhdũhti cjihtire, mũ pjacũ dohatiro marieno mũ jihti cjihtire Cohamacũre sini payoja mũhũre.

³ Mahainacã Jesu yaina yũ cahai wihia mũ jia tiare yahuhre yũhũre. “Cristo to cahmano seheta potocãta yoa namono nihre Gayo”, ni yahuhre tina yũhũre. Ti ã ni yahuchũ tũhocũ tuaro wahchehi yũhũ. ⁴ Mũsa Jesu yare yũ buherina cjiri to cahmano seheta mũsa yoachũ tũhocũ tuaro wahcheja.

⁵ Yũ cahĩriro, Jesu yainare yoadohocũ noano yoara mũhũ. Mũ ñũ masieraina ti jipachũta, tinare yoadohocũ noa yũhdũaro yoara mũhũ.

⁶ Tina panopũ mũ ñũ masieraina sehe Jesu yainare õi cahmachuinare sãre õ sehe ni yahuhre: “Gayo Jesu yainare noano cahĩna”, ni yahuhre panopũ mũ ñũ masieraina sehe. Baharo mũ ya macare ti yũhdũ wahcãchũ ñũcũ tinare noano yoadohoga Cohamacũ to wahchehto sehe. ⁷ Tina Jesu yare buhe tinia wahaa, Cohamacũre cahmaeraina ti yoadohochũ cahmaerara. ⁸ ã jina tinare Jesu yare buhe tiniinare yoadohojihna mari. Tinare ã yoadohona nija potocã jiare ti yahuhti cjihtire.

Diotrefe to ñaa yoarire yahuha João

⁹ Tó macainare Jesu yainare mahanoã joarocamaha. Yũ ã joarocapachũta Diotrefe to basi ti pũhtoro yoaro sehe ji duaro, yũhũre tũho duaerayuhca. ¹⁰ Mũsa cahai yũ sũri baharo to yoarire mũsare yahu pahũoihtja. Sãre ñano durucuyuhca tiro. Mahũoa payũriro jira tiro. ã yoa paye ñaa cũhũre yoayuhca tiro.

Jesu yainare to yare buhe tiniinare ne tiro to wũhũre sãa ta dutierayuhca. ã yoa paina tó macaina Jesu yaina sehe buhe tiniinare ti sãa ta dutichũ ñũno tiro sehe “Buhe tiniinare sãa ta dutiena tjiga mũsa ya wũhũsepũre”, ni yahusãyuhca tinare. “Mũsa ya wũhũsepũ buhe tiniinare mũsa sã ta dutiri buhiri mari Jesu yaina mari cahmachuri wũhũpũre sãaena tjiga mũsa sehe”, niyuhca Diotrefe tó macainare Jesu yainare.

¹¹ Yũ cahĩriro ñainare ñũ cũi tjiga. Noano yoaina sehene ñũ cũga. Noaare yoaina Cohamacũ yaina jira. Ñaare yoaina Cohamacũre masierara.

Demetrio noaa to yoarire yahuha João

¹² Jipihtina noano durucura Demetrio sehene. ã yoa to yoarire ñũa noano to yoariro jichũ masina masa. Sã cũhũ tirore ãta ni yahuja. Sã yahua sehene potocã jichũ masina mũsa.

Yahu batoaha João

¹³ Mũhũre payũ yahu duamaha. ã yahu duapaihta tíre joaeraja.

¹⁴ Mahanocã baharota mũhũre ñũ duaja. ã jina tópu mari basi sũhdunahca.

¹⁵ Noano jiga mũhũ. Mari mehne macaina õ macaina Jesu yaina cũhũ mũhũre noa dutira. Tó macaina mari mehne macaina jipihtina noajaro.

San Judas

Juda Jesu yainare joarocaha

¹ Yuhũ Juda Santiago bahũro Jesu-
cristore dahra cohtariro mũsare Jesu
yainare ahri pũre joarocaja. Mũsare
Cohamacũ mari Pũcũ besea tiri jire.
Ã jina to cahĩa mehne noano jira
mũsa. Ã yoa mũsare Jesucristo ñũ
wihboro nina. ² Noa dutija mũsare.
Cohamacũ mũsare pja ñũno to yoad-
ohoro mehne to cahĩa mehne noano
jiga mũsa.

Mahñoina ti buheare yahu dũcaha Juda

(2P 2.1-17)

³ Cohamacũ marine pichacapũ
wahaborinare to yũhdũchũ yoa
sehene tuaro joaroca duamahi
mũsare, yũ cahĩinare. Ã joa duapaihta
mũsare mipũre mahñoa buheare
cahma sãaeracũ mũsare joarocaja.
Ã jina Jesucristo ya yahua sehene
tuaro yahuga. Ahri yahua sehene
tũhona, mari Cohamacũre noano
wacũ tuaja. Ahri yahua sehe Jesu to
cũrina to yainare ti yahuri cjiri ãta
jirucunocahna cohtotaro marieno.
⁴ Mahainacã masa ñaina Cohamacũre
cahmaeraina wacũenoca mũsa cahai
wihire. Mũsa mehne jia tina õ
sehe ni yahumana mũsare: “Co-
hamacũ yaina mũsa jichũ, tiro cahĩna
mũsare. Ã jiro numia mehne mũsa
ñano yoachũ tiro mũsare ne buhiri
dahresi”, ni yahumana tina. Ã
jia mari pũhtoro cãirota jirirore
Jesucristore “Cohamacũ macũno
jierara”, ni yahumana tina. Õ sehe
ni yahuinare Cohamacũ to buhiri
dahrehtore yahua tiri jire panopũre.
To yare ti joari pũi ã ni yahua tiri jire.

⁵ Mipũre mũsare payere wacũchũ
yoa duaja. Ahrire mũsa masipachũta
pari turi ahrire mũsare wacũchũ
yoa duaja. Cohamacũ judio masare
Egiptoi jiinare to naa wiori baharo
tina mehne macainare tirore wacũ
tuaerainare tiro wajãa tiri jire. ⁶ Ã

yoa paina cũhũre wacũga mũsa.
Paina anjoa sehe Cohamacũ dutiare
yoa duaera tiri jire. Ã jia tinare to
ji duti to cũriroro tina ji duaera tiri
jire. Ã yoa ti jimarirore cohãnocaa
tiri jire tina. Ti ã cohãchũ ñũno
Cohamacũ nahitianopũ tinare peresu
yoaa tiri jire. Ã jia tina pihtiri dacho
pano comaa dari mehne dũhterina
yoaro sehe jirucuahca tina to peresu
yoarina. Ã jiro pihtiri dacho jichũ
tiñare buhiri dahrerohca Cohamacũ.
⁷ ãta yoaa tiri jire paina cũhũ. Tina
cũhũre wacũga mũsa. Tina Sodoma
wama tiri maca macaina, Gomorra
wama tiri maca macaina tí macari
cahacãi jia macari macaina cũhũ
numia mehne ñano yoaa tiri jire.
Soro yoaa cũhũre yoaa, tina mũsa
sehe ti basita ti pjacũri mehne ñano
yoaa tiri jire. Numia cũhũ ãta yoaa
tiri jire. Ti ã yoari buhiri Cohamacũ
tinare jũ pahñonocaa tiri jire. Tinare
jũno Cohamacũ jipihtina tirore
yũhdũrcainare to buhiri dahrehtore
masare ñono nia tiri jire. Tinare to
buhiri dahreri pichaca ne yatisi.

⁸ Tina Cohamacũ to buhiri dahre-
rina cjiri yoaro seheta mipũ cũhũre
ãta yoarucura mahñoare buheina.
Tina tũho masieraina yoaro seheta ti
pjacũri mehne ñano yoara. Ã yoa Co-
hamacũ dutiare ne cahmaerara tina.
Ã yoa mũano macaina si siteinare
tina sehe ñano durucu cohtara.
⁹ Noaina anjoa sehe tuaina jipahta
ã ni durucuerara. Miguel wama
tiriro anjoa pũhtoro sehe Moise pjacũ
cjirore cahmano, watĩno mehne
cahma sayoa tiri jire. Tua yũhdũariro
jiparota tiro “Watĩno yũhdoro yũhũ
pinihta tuaja”, ni tũhotuera tiri jire.
Ã jiro to mũ sũro watĩnore ñano
durucuera, tirore tuhtiera tiri jire.
Ã jiro õ sehe nia tiri jire watĩnore.
“Cohamacũpũ mũhũre tuhtijaro”, nia
tiri jire Miguel watĩnore. ¹⁰ To ã
yoariro jipachũta ahriina mahñoina
sehe ti maşierainare ñano durucu
cohtara. Ã yoa wahiquina tũho
masieraina ti mũ sũro ti yoaro seheta

tina mahñoina cãhũ yoara. ã yoaina jia, pichacapũ wahaahca.

11 Tinata ñano yũhdũahca. Caĩ cjiro to yoariro seheta ñano yoara tina cãhũ. ã jia Balãa to yoariro seheta tina niñerure na duaa, mahñoare buhera. ã yoa Coré to pãhtorore cohã duariro cjiro yoaro seheta tina cãhũ tó seheta yoara. ã jia tiro yoaro seheta tina cãhũ pichacapũ wahaahca. 12 Tina mahñoina sehe m̃sa cahma cahĩti bose nũmũrine chũa, ño payoa marieno mehne tina ti cahmano pape, ti sahserota chũare bora painare waro marieno. Wete yoaro sehe tina m̃sa bose nũmũrine noaa dachori jiborirore dojomehne cohtara. Me curuari wihnono to wãrocaa curuari, co mariea me curuari ti yaba cjihti jieraro seheta tina mahñoina ne yaba cjihti jierara. ã yoa dicha tiri pja jichũ dicha tieraa yucũri yoaro sehe jira tina. Tí yucũri p̃aa tahapũ yariaa wahara. Cũ taha dicha tieraa yucũ, yariaa yucũri yoaro sehe waha tuhsũra. Tí yucũrire ti duhari baharo pari turi yariaa wahara tjoa. Tí yucũri yoaro seheta jia yaba cjihti jierara tina mahñoina. 13 ã yoa pjiri ma macaa pahcõri bujãa pahcõri yoaro sehe jira tina. Tí pahcõri ti cjãrũca õchũ, wete tia sahpo wahara. Dohse jiare tina mahñoina ti yoachũ pahcõri macaa sahpo wete tia sahpo ti waharo seheta mahñoina ti ñaa yoaa jira. ã yoa si m̃ wahcãa poca ñahpichoha poca yoaro sehe jira tina. Tí ñahpichoha poca ti wahahti mahare duhunoca, ti ã cohtotarucuro seheta tina cãhũ quihõno buheraa, ã cohtotarucura. Ti ã yoari buhiri nahitianopũ, ñanopũ ã jirucuahca tina mahñoina.

14-15 Enoco panopũ macariro cjiro Adão panamana seis baharo to panamĩ tiriro õ sehe nia tiri jire tinare mahñoinare: “Tũhoga yũhũre. Cohamacũ payũ to yaina anjoa noaina mehne jipihtina ñainare ti ñaa buhiri buhiri dahrero tarohca. ã yoaro jipihtina Cohamacũre ñũ tuhtiinare ti ñaa yoari buhirire tinare

buhiri dahrero tarohca Cohamacũ. Cohamacũre ñano ti durucuri buhiri cãhũre tinare buhiri dahrero tarohca”, ni yahuyua tiri jire Enoco.

16 Tina mahñoina painare tuhtiina, nurerucuina ti ñano wacũa dihtare yoara tina. ã yoa “Painare masi yũhdũrũcaja sã”, nirucura tina. ã jia ti cahmano sehe yoa duaa, paina ti cjũaare na duaa, mahño cũ durucura tũho ji coaropũta.

Jesu yainare yahu namoha Juda

17 Mari pãhtoro Jesucristo buhe duti to cũrina ti buherire wacũga m̃sa, yũ cahĩina. 18 Õ sehe ni buhere tina marine. “Ahri yahpa to pihtihto panocã Cohamacũre, m̃sa to yaina cãhũre ñano durucu bujũpeina jiahca. Tina Cohamacũre cahmaeraa, ñaare ti goa pjaare yoaahca”, ni yahure Jesu to cũrina m̃sare. 19 Jesu yainare ti basi ti cahma ñũ tuhtichũ yoara tina mahñoina sehe. ã yoa tina ñaina ti m̃ sũro yoaina jia, Espĩritu Santore ne cjũaerara tina. Ti ñaa goa pja dihtare yoara tina.

20 M̃sa sehe yũ cahĩina, Jesucristo ya buheare noano tũho namoga, noano wacũ tuaina m̃sa jihto sehe. Tí buhea sehe ñaa mariea buhea noa yũhdũara. Espĩritu Santo yoadohoa mehne Cohamacũ mehne durucuga m̃sa. 21 Cohamacũ m̃sare tuaro cahĩina. Tĩre masina tirore noano yũhtiina jiga m̃sa. ã yũhtiina jiga, Jesucristo mehne m̃sa ã jirucuhũre m̃sa cohtaro watoi. Tiro marine pja ñũno m̃anopũ ã jirucuchũ yoarohca.

22 Cristo yare “Quihõno jieraboca”, ni tũhotuinare pja ñũga. 23 Painare yoadohoga pichacapũ ti wahaerahto sehe. ã jina painare pja ñũga m̃sa. Tinare yoadohona m̃sa cãhũ ti ñaa yoare ñũ cũena tjiga. Wete tiri suhtirore m̃sa cahmaeraro seheta, paina ti ñaa yoare cahmaena tjiga m̃sa, “Ti ñaa yoare ñũ cũ yoari”, nina.

Juda Cohamacũre to ño payoa jira

²⁴ Cohamacu mari puhtoro marine ñu wihbo masina ñaare mari yoer-ahto sehe. Ñ jiro tiro si siteriro marine ñaa buhiri marieinare manopu to cahapu cū masina. Ñ marine tópu to cūchu mari wahchenahca. ²⁵ Tiro Cohamacu cūirota jira. Pairo mari-ahna. Pichacapu wahaborinare marine yuhduchu yoariro jira. Tiro sehe panopu, mipare, jipihtia dachoripe cūhare noa yuhduariro, mari bui puhtoro jiriro, tua yuhduariro, jipihtinare dutiriro jira. To ñ jiriro jichu mari puhtoro Jesucristo to yoad-ohoa mehne tirore ño payoa mehne wahchejihna. Ñata yoajihna.

Apocalipsis

Baharopure ahri dacho to dohse wahahtore marine masichu yoaha Jesucristo

¹ Ahri pui Jesucristo marine to masichu yoarire yahu joarocai nija. Cohamacu sehe tîre yahu dutiro cûri jire tirore, to yainare tirore dahra cohtainare masichu yoa dutiro. Âjiro michapucacãta to dohse wahahtore masichu yoari jire tiro. Mahanocã dahsa mujano nina to ã wahahto. Jesucristore to ã cûchu tiro sehe anjore tîre yuhure Joãore yahu dutiro warocari jire. ² Â jicu yuhu João jipihtiare yu ñurire yahu joarocai nija. Cohamacu ya durucuaré Jesucristo ya buheare yahu joarocai nija.

³ Ahri pui baharopu to dohse wahahtore yahu joai nija. Mahanocã dahsa mujano nina ahri jipihitia ti ã wahahto. Â jia jipihitia ahri pûre buheina, yu yahuaire noano tuhoina yu yahuriro sehe yoaina wahcheina jahca.

Siete curuari macainare Jesu yaina cahmachuinare joarocaha João

⁴ Yuhu, João musare siete curuari macainare Jesu yainare Asia yahpa macainare joarocaja: Cohamacu to cahia mehne musare noa dutija. Â yoa to yoadohoa mehne noano jiga musa. Tiro panoputa ã jirucuriro jia tiri jire. Mipu cahure ã jirucura. Baharopu tarohca. To puhtoro dujiro panoi jiina siete pjacu bajúeraina jira. Tina ti cahia mehne noano jiga musa tjoa. ⁵ Jesucristo to cahia mehne noano jiga musa tjoa. Cohamacu yare mahõno marieno yahuriro jira tiro. Â jiro to yariari baharo to masa mujari baharo ne pari turi yariasi tiro. “Õ sehe masa mjaahca yu yaina”, ni ñu quihõ muhtariro jira tiro. Â jiriro jiro jipihitia ahri yahpa macaina puhtoa ti bui puhtoro jira tiro. Marine cahno

to di cohãri mehne mari ñaare cosawere tiro. ⁶ Â cosawero marine puhtoa sõre tiro. Sacerdotea marine wahachu yoare tjoa. Cohamacu Jesu Pucuro to yare yoahinare marine sacerdotea sõre tiro. Jipihitia dachoripe “Tuariro jira”, ni wahche payorucunahca mari jipihitia tirore. Jipihitia bui puhtoro ã jirucura tiro. Âta jirucujaro.

⁷ Noano wacû masi cohtaga musa. Me curuari watoi duji tarohca Cristo. To ã tachu ñuahca jipihitia. Tirore cã puha wajãrina cjiri cãhu tirore ñuahca. To ã tachu ñua ahri yahpa macaina tirore cahmaeraina jipihitia curuari macaina tuaro cahya, tiaha. Âta yoajaro.

⁸ Õ sehe nina mari puhtoro Cohamacu: “Yuhu jipihtiare bajúamehneriro jija. Â yoa jipihitiare pihtichu yoahitiro jija. Tua yuhdurucariro jija yuhu. Panopu ã jirucua tii. Mipu cahure ã jirucuja. Baharopu taihtja”, nina Cohamacu tua yuhdurucariro.

Cristore si siterirore to ñurire yahuha João

⁹ Yuhu João musa coyero Jesu yairo jija. Â jicu musa yoaro seheta yuhu cãhu Jesu yare yu yoari buhiri ñano yuhdahi. Â yoa musa yoaro seheta yuhure ti ã ñano yoapachata Jesu yoadohoa mehne Jesure cohãerahi. Mari cãno potori puhtoro to sũho jiro macaina cjihti jija. Yu ya dihta macaina ti cohãriro jicu Patmo wama tiri nacopu jiji. Cohamacu yare, Jesucristo to buheri cahure painare yu buheri buhiri tópu ti cohãriro jiji.

¹⁰ Tói yu jichu cã dacho domingo jichu Espiritu Santo yuhure cahãnopu ñono nihre. To ã ñochu yu baharo buhusehei tuaro durucua bisiro coa tahre. Corneta to tuaro bisiro seheta tó seheta bisiro coa tahre to durucua.

¹¹ Õ sehe nino coa tahre yu tuhochu:

—Mipu mu ñuhtire joari pui joa õga. Mu ã joa õri baharo siete curuari macainare Cohamacu yainare warocaga tí pûre. Tina siete curuari

Asia yahpai jia macari macaina jira. Efeso macainare, Esmirna macainare, Pérgamo macainare, Tiatira macainare, Sardis macainare, Filadelfia macainare, Laodicea macainare m̄ ñ̄htire joarocaga — nino coa tahre ȳh̄are.

¹² To ã nich̄ t̄hoc̄ majarer̄c̄ahi ȳh̄are durucurirore ñ̄i tai. Æ majarer̄c̄ac̄ siete sih̄ã pocare ti duhu payoa yuc̄re uru mehne ti yoari yuc̄re ñ̄hi. ¹³ Tí yuc̄ watoi ducurirore mas̄no yoaro sehe bajurirore ñ̄hi. Tiro yoari suhtiro to dahporip̄ s̄ri suhtirore s̄ariro jihre. Æ jiro uru mehne ti yoari cahsaro mehne to p̄buhu bui t̄ã dihoro jihre. ¹⁴ Æ yoa to pjoa yaja pjoari yoaro sehe noano yehsehre. To capari pichaca pohna yoaro sehe sihre. ¹⁵ To dahpori bronca wama tiri comaa siri comaa yoaro sehe si sitehre. Broncere pichaca mehne ti noano j̄weri baharo tíre wahtara noano si pa dutia. Ti noano wahtariro yoaro sehe to dahpori noano si sitehre. Æ yoa to durucua paȳ payeri yoaro sehe tuaro bisiro coa tahre. ¹⁶ To wamomaca pota b̄h̄usehei siete ñ̄ahpichoha pocare c̄ahre. Æ yoa to d̄seroi ñ̄osari p̄j̄ p̄ b̄h̄useheri siori p̄j̄ne cuhc̄h̄re. Æ yoa s̄ dacho macariro to tuaro minoano seheta to w̄hd̄a tuaro si sitehre.

¹⁷ Æ jic̄ tirore ñ̄c̄ to dahpori cahai doca caha s̄hi yariariro yoaro sehe. Ȳ ã doca caha s̄ch̄ ñ̄no tiro to wamomaca pota b̄h̄usehe mehne ȳh̄are duhu payo ò sehe nihre:

—Cuii tjiga. Ȳh̄ jipih̄tiare bajamehneriro jija. Æ yoa jipih̄tiare pihtich̄ yoah̄tiro jija. ¹⁸ Catiriro jija ȳh̄. Yariariro jimai. Mip̄re ñ̄ga. Jipih̄tia dachoripe ã catirucuriro jija ȳh̄. Æ yoa yariaina ti jiroi p̄ah̄toro jija. Yariaina ti jiro macari sopaca sawire ȳ c̄h̄aboriro seheta t̄op̄ jinare na wio, pari turi catich̄ yoa masija ȳh̄. ¹⁹ Æ jic̄ mip̄ wahtore ñ̄c̄, joa òga. Baharop̄

to dohse wahahto c̄h̄re ñ̄c̄ joa òga m̄h̄. ²⁰ Ahri siete ñ̄ahpichoha pocare ȳ pota b̄h̄usehei ȳ c̄h̄aa pocare yahuihtja m̄h̄re. Siete sih̄ã pocare ti duhu payoa yuc̄ uru yuc̄ c̄h̄re yahuihtja. Ò sehe jia yahuaire panop̄ masare ne yahuera tii. Ò sehe jira tí: Siete ñ̄ahpichoha poca siete curuari macaina ȳ yaina cahmachuina p̄ah̄toa jia nina mari piti dahre buhech̄. Æ jia siete sih̄ã pocare ti duhu payoa yuc̄ siete curuari macaina ȳ yaina jia nina mari piti dahre buhech̄ —nihre ȳh̄are.

2

Efeso macainare Jesu yainare joa d̄ca dutiha Joãore

¹ Æ ni tuhs̄ ò sehe ni namohre ȳh̄are joa dutiriro:

—Efeso macaina ȳ yaina, ti p̄ah̄toro c̄h̄re ò sehe ni joarocaga m̄h̄: “Ȳ wamomaca pota b̄h̄usehei siete ñ̄ahpichoha pocare c̄h̄ariro jija. Æ jic̄ siete sih̄ã dapoa yuc̄ uru mehne ti yoaa yuc̄ watoi tiniriro jija. Æ tiniriro jic̄ masare ò sehe ni yahuja: ² Jipih̄tia m̄sa yoarire masi pah̄ñoja. Ȳ ya c̄j̄htire tuaro m̄sa dahrarire, ȳh̄re m̄sa wac̄ tua duhuerari c̄h̄re noano masija. Ñ̄aare yoainare m̄sa ñ̄ yabich̄ c̄h̄re masija. Æ yoa ‘Jesu buhe dutiro to c̄rina jija’, nimirare quih̄no ti buherach̄, quih̄no ti yoerach̄ ñ̄na, mah̄ñoina ti jich̄ masire m̄sa. ³ Ȳ yare m̄sa yoari buhiri m̄sa ñ̄no ȳhd̄panahta ȳh̄re ne duhuerare m̄sa. ⁴ Æ noano yoaina jipanahta c̄nore t̄o yoerare m̄sa. Ahri jira tí: Ȳh̄re m̄sa noano cah̄ m̄htariro seheta mip̄re yoerara m̄sa. ⁵ Ȳh̄re m̄sa cah̄ m̄htarire wac̄ga m̄sa tjoa. Mip̄re ȳh̄re m̄sa cah̄era curerire wac̄ga. Æ yoa Cohamac̄ yare tuaro cahmaga tjoa. Æ cahmana, ȳ yare m̄sa yoa m̄htariro seheta yoaga tjoa. M̄sa ã yoerach̄ sih̄ariare ȳ duhu payod̄

musa ya dare yu dapodure musare nanocaihtja. (Ã nicu õ sehe ni yahui nija musare. Musa tó macaina yuhure cohãboca. Ã cohãna tó purota pihtinahca musa ñaa yoare duhuerana.)

⁶ Yuhure cahñera cureina jipanahta ahrire noano yoare musa: Nicolaita wama tiina ti ñaa yoarire ñu yabira musa. Yuhu cãhu ti yoarire ñu yabija.

⁷ Cahmori tiina jira musa. Ã jina musa ya curuari macainare yu yainare Espiritu Santo to yahurire tãhoga musa. Õ sehe nina tiro: ‘Jipihtinare Jesure wacũ tua duhuerainare Cohamacu masare to cũno paraíso wama tiro macadu dichare chu dutihtja. Tu dicha catichu yoaa jira’, nina Espiritu Santo”, ni yahu joarocaga Efeso macaina yu yainare, ti puhtoro cãhure.

Esmirna macainare Jesu yainare joaroca dutiha Joãore

⁸ Esmirna macaina yu yainare, ti puhtoro cãhure õ sehe ni joarocaga mahu: “Yuhu jipihtiare bajuamehneriro jija. Å yoa jipihtiare pihtichu yoah tiro jija. Yariaa wahai. Pari turi catija tjoa. Å jicu õ sehe ni yahuja musare: ⁹ Musa ñano yuhdũrũre masija. Pjacũoina musa jichu cãhure masija. Å jipanahta Cohamacu yare noaare pjũro cãhara musa. Paina sehe ‘Judio masa jija’, nimarina mahũoina jira. Tina musare ti ñano quti dahrerire masija. Tina Satana yaina jira. ¹⁰ Mipũre musa ñano yuhdũhtire cuiena tjiga. Tũhoga musa. Watũno musare Cohamacure duhu dutiro cãina musa mehne macainare peresu yoa dutirohca. Diez dachori waro ñano yuhdũnahca musa. Ti ã ñano yoachu musare ti ã wajãmoũopachũta yuhure yu ya cãhure cohãena tjiga. Musa ã yuhure cohãerachũ ñucũ jipihtia dachoripe Cohamacu caharu musare ã jirucuchũ yoaihtja. ¹¹ Cahmori tiina jira musa. Å jina musa ya curuari macainare yu yainare Espiritu Santo to yahurire tãhoga musa. Õ sehe nina tiro: ‘Jipihtinare Jesure wacũ tua

duhueraina pichacaru wahasi. Ti yariari baharo pichacaru wahasi’, nina Espiritu Santo”, ni joarocaga Esmirna macaina yu yainare, ti puhtoro cãhure.

Pérgamo macainare Jesu yainare joaroca dutiha Joãore

¹² Pérgamo macaina yu yainare, ti puhtoro cãhure õ sehe ni joarocaga mahu: “Yuhu ñosari pjũ pu bũhũseheri siori pjũne cãhũro jija. Musare õ sehe ni yahuihtja: ¹³ Musa yoarire, musa ya maca macaina ti yoari cãhure masija. Tó macaina puhtoro Satana jira. Tó macaina Satanare ño payoina Antipare yu yare noano yahuriro cãhũre wajãre. Tirore ti ã wajãchũ ñũpanahta yu yare yoarucuna yuhure ne wacũ tua duhuerare musa. ¹⁴ Musa ã wacũ tua duhuerapanahta mahanocã yuhure yuhdũrũcare musa. Cãina musa mehne macaina Balãa ya buheare cahmana. Panopũ Balãa puhtoro Balac wama tirirore õ sehe ni buhea tire: ‘Israe masare yuhdũrũca duacu “Cohamacu jira”, musa nia masũrine ño payo musa duhu payoa chũare chu dutiga tinare. Å yoa numia mehne ñano yoachu yoaga tinare’, ni buhea tire Balãa cãhũro. Cãina musa mehne macaina to buheare cahmana. ¹⁵ Å yoa paina musa mehne macaina Nicolaita wama tiina ya buhea sehẽre duhu duaerara. ¹⁶ Å jina musa ñaa tũhotumari cãhũre tũhotu cohtota, Cohamacu yare tuaro cahmaga tjoa. Musa ã cahmaerachũ ñucũ soaro mehne musa caharu wahacu, ã ñano yoaina mehne cahmacheihca yu dũseropũ jiri pjũ ñosari pjũ mehne. ¹⁷ Cahmori tiina jira musa. Å jina musa ya curuari macainare yu yainare Espiritu Santo to yahurire tãhoga musa. Õ sehe nina tiro: ‘Jipihtinare Jesure wacũ tua duhuerainare manã wama tiri chũare to nũori chũare waihtja. Yehsea tãa cãhure waihtja tinare. Tĩ tãare wahma wamare yu joa õa tãa jahca. Paina tí wamare ne masisi. Tĩ tãare naina dihta tí wamare

masiahca', nina Espíritu Santo", ni joarocaga Pérgamo macaina yu yainare, ti puhtoro cãhure.

Tiatira macainare Jesu yainare joaroca dutiha Joãore

¹⁸ Tiatira macaina yu yainare, ti puhtoro cãhure õ sehe ni joarocaga muhũ: "Yuhũ Cohamacũ macũno yu capari picha pohna yoaro sehe sira. ã jia yu dahpori bronce wama tiri comaa ti wahtari comaa yoaro sehe si sitera. Musare õ sehe ni yahuja: ¹⁹ Musa yoarire masija yuhũ. Cohamacũre paina cãhure musa cahĩre, yuhũre musa cohãerare, painare musa yoadohore, ñano yuhũpanahta yuhũre musa duhuerare masija. Wahmanopũ musa yoariro yuhũdoro mipũ sehere noano yoa namona nina musa. Tĩ cãhure masija yuhũ. ²⁰ Musa ã noano yoaina jipanahta õ sehe yuhũre yuhũdũcachre musa: Jezabe wama tiricoro 'Cohamacũ yare yahu muhtaricoro jija', ni mahñoricoro musare to ñano buhechũ tuhona ticorore tuhtierare musa. Mahño buhero yu yainare yuhũre dahra cohtainare numia mehne ñano yoachũ yoara. ã jiro 'Cohamacũ jira', ti nia masũrine paina ño payo ti duhu payoa chũare chũ dutira ticoro yu yainare. ²¹ To ñaare to cahyahtore cohtasinimai. Yu ã cohtapachũta muã mehne to ñano yoare duhu duaerare. ²² Yuhũre tuhoga musa. Ticorore dohatichũ yoaihtja. Ticoro mehne ñano yoaina cãhure dohatichũ yoaihtja. ã jia tina pjĩro ñano yuhũdahca. ãta yoaihca tinare ticoro mehne ti ñano yoare ti cahyaerachũ, tíre ti duhuerachũ. ²³ ã yoa ticoro ya buheare cahmainare wajãihtja. Yu ã yoachũ ñũã jipihtina yu yaina yu noano masiriro jichũ masiahca. Masa ti tuhutuare ti goa pjaã cãhure masija. Yu ã masiriro jichũ masiahca tina ticorore yu buhiri dahrechũ ñũã. Jipihtina musa ñaare yoari buhirire buhiri dahrehtja musare. ã yoa musa noare yoari

wapa sehere noano yoaihtja musare. ²⁴ Paina musa mehne macaina Tiatira macaina ticoro ya buheare cahmaerare. Musa sehe Satana ya buheare 'Pano to yahuerari cjiri', ti nia buheare cahmaerare musa. ã jicũ musa sehere duti namosi yuhũ. ²⁵ Ahri dihtare yoa duti namoihtja musare: Musa cahapũ yu tahto pano yu buheare musa masirire ne mahanocã duhuena tjiga. ²⁶⁻²⁷ Jipihtina ñaare duhuinare yu yare ã yoarucuinare puhtoa sõihtja. Yu Pũcũ yuhũre to puhto sõiro sehetã musa cãhure puhtoa sõihtja. Jipihtia yahpari macaina bui puhtoa sõihtja musare. ã puhtoa sãana, musa docai jinare jipihtia yahpari macainare tuaro dutinahca musa. Dihi biatore mari yucũcũ mehne pohachũ dói to wahtiaro sehetã Cohamacũre yuhũdũcachre ãta yoanahca musa. ²⁸ ã jicũ musare yu yare ne duhuerainare bohrea muja tachũ muja tariare waihtja musare. ²⁹ Cahmori tiina jira musa. ã jina musa ya curuari macainare yu yainare Espíritu Santo to yahurire tuhoga musa", ni joarocaga Tiatira macaina yu yainare, ti puhtoro cãhure.

3

Sardis macainare Jesu yainare joaroca dutiha Joãore

¹ Sardis macaina yu yainare, ti puhtoro cãhure õ sehe ni joarocaga muhũ: "Yuhũ siete pjacũ bajuerainare Cohamacũ yainare dutiriro jija. ã yoa siete ñahpichoha pocare cjuariro jija. Musare õ sehe ni yahuja: Musa yoarire masija. Õ sehe ni tuhutumana paina musare: 'Tina Cohamacũ yare noano yoa pahñoina jira', ni tuhutumana musare paina. Ti ã ni tuhutupachũta Cohamacũ yare noano yoerara musa. ² ã jina noano yoaga musa 'Ñaare yoari', nina. Cohamacũ yare musa masirire noano wacũga, 'To yare duhuri', nina. Cohamacũ to ñũchũ noano yoa

pahñoerasinire musa. ³ Æ jina yu yare musa tuho muhtarire noano wacũga musa. Æ wacũna yu yare yoaga tjoa. Cohamacu yare pari turi cahmaga tjoa. Yu nino sehe musa yoerachu wacũenoca musare buhiri dahrehtja. Yacariro wacũenoca to yacaro sãariro seheta musare wacũenoca buhiri dahrehtja. ⁴ Cãina musa mehne macaina Sardis macaina ñaare yoarucuina jierara. Wete marieni suhtirore musa sãaboriro seheta tí suhtirore musa wete piho duaeraro seheta ti ñaa yoaare piha duaerare musa. Æ noaina jina, yehseri suhtiro sãaina yuhu mehne tininahca musa sehe. Æ yoahina cjihti jira musa. ⁵ Jipihtina yu yare duhueraina äta yehsea suhti sãaina jiahca. Æ yoa yuhu mehne ã jirucuhtina ti wamare to joa õri pũ tina cãhu ti wamare joa õina jiahca. Ti wamare to joa õrire pahã cohãsi yuhu. Yu Pucu to ñurocaroi, anjoa cãhu ti ñurocaroi yu yaina musa jirire yahuihtja tinare. ⁶ Cahmori tiina jira musa. Æ jina musa ya curuari macainare yu yainare Espiritu Santo to yahurire tuhoga musa”, ni joarocaga Sardis macaina yu yainare, ti puhtoro cãhure.

Filadelfia macainare Jesu yainare joaroca dutiha Joãore

⁷ Filadelfia macaina yu yaina, ti puhtoro cãhure õ sehe ni joarocaga muhu: “Yuhu ñaa marieriro jija. Yu nino seheta yoariro jija. Davi cjiro panoru macariro puhtoro dutiriro waro sawire cjuariro jiro masare to dutiriro seheta tuua mehne dutihtja yuhu cãhu. Tí tuua mehne yu yoa dutichu ne paina tíre ducata masierara. Yu yoa dutierachu ne paina tíre yoa masierara. ⁸ Jipihtiare musa yoaare masija yuhu. Wacũ tuaera cureina jipanahta yu buheare noano tuho, tíre ne duhuerare musa. Æ jicu yu yare cũi musare tíre buhe duticu. Æ jia paina ‘Tíre buhena tjiga’, ni ducata masierara musare. ⁹ Æ jicu õ sehe yoaihtja: Paina musa cahai jiina Satana yaina jira. ‘Judio

masa jija’, nipahta judio masa waro jierara. Tinare musa panoi na tuhcu caha su musare ño payochu yoaihtja tinare. Yu ã yoachu ñaa musare yu cahiare masiahca tina. ¹⁰ Musare yu yare yu duhu dutierachu tahona noano yuhtire musa. Musa ã yoachu ñucu ahri yahpa macaina jipihtina ti ñano yuhduhti pja jichu musare ducataihtja musa ñano yuhduerahto sehe. Tí pja jipihtina ti ñano yuhduhti pja jirohca. ¹¹ Mahanocã duhsara ahri yahparu yu tjua tahto. Yu yare musa masirire boena tjiga. Æ yoa yuhure ã yuhtirucuga, musa noano yoari wapare ‘Butiri’, nina. ¹² Æ jicu yu yare ã yoarucuinare yu Pucu ya wuhu macaina cjihtire cũihtja tinare. To ya wuhu macaa botari ti yoari pja ti jirucuro seheta Cohamacu mehne jirucuchu yoaihtja tinare. Æ jia Cohamacu mehne macaina ã jirucuahca. Æ jicu Cohamacu wuhu macaa botaripu yu joa õno seheta tinare ti pjacuripu õ sehe ni joa õihtja: Cohamacu yu Pucu wamare, to ya maca wama cãhure joa õihtja. To ya maca wahma maca Jerusalẽ jirohca. Tí maca manoru Cohamacu caharu tari maca jirohca. Yuhu wahma wama cjaihca. Tí wama cãhure joa õihtja ti pjacuripu. ¹³ Cahmori tiina jira musa. Æ jina musa ya curuari macainare yu yainare Espiritu Santo to yahurire tuhoga musa”, ni joarocaga Filadelfia macaina yu yainare, ti puhtoro cãhure.

Laodicea macainare Jesu yainare joaroca dutiha Joãore

¹⁴ Laodicea macaina yu yainare, ti puhtoro cãhure õ sehe ni joarocaga muhu: “Yuhu Cohamacu jipihtia to yoarire, to yoahiti cãhure yoa sohtori tiri jija. Yuhu potocã yoariro jija. Æ jicu mahõono marieno yu ñurire ã yahurucuriro jija. Jipihtiare yu Pucu to yoarire yoabasariro jija yuhu. ¹⁵ Jipihtia musa dohse yoarire masija yuhu. Yuhure wacũ tuaina jipanahta mahanocã wacũ tuaina jira musa.

Õ sehe jira tí: Co yusuera co sũ mehne pjiroca si putia co yoaro sehe jira m̄sa. Tó sehe jia core mari ji coaeraro seheta yuh̄re wacũ tuaera cureina m̄sa jich̄u yuh̄u c̄h̄u m̄sare ji coaeraja. Yuh̄re m̄sa noano wacũ tuach̄u noaboa yuh̄re. Yuh̄re m̄sa wacũ tuaerach̄u ña niboia yuh̄re. Yuh̄re m̄sa wacũ tuaerari yuh̄doro mahanocã wacũ tuaina m̄sa jich̄u ña yuh̄dara. ¹⁶ M̄sa ã jich̄u ñ̄sc̄u ñ̄u yabi yuh̄daja yuh̄u. Ñaa core yu cho cohãno seheta yuh̄re mahanocã wacũ tuinare ñ̄u yabi yuh̄daja yuh̄u. ¹⁷ ã jina õ sehe ni t̄hotumana m̄sa: ‘Jipihtiare c̄uaja. Ne yaba d̄hsaerara marine’, ni t̄hotumana m̄sa. ã nipanahta p̄jac̄oia yoaro sehe jira m̄sa. ã jina capari ñ̄eraina ti ñ̄u duaare ti masieraro seheta Cohamac̄u yare ne masierara m̄sa. ã jina suhti marieina ti b̄uo tiro seheta Cohamac̄u to ñ̄roc̄oi m̄sa ñaa yoarire b̄uo tihtina jira m̄sa. ¹⁸ M̄sa ã jiina jich̄u ñ̄sc̄u õ sehe ni yahuihtja m̄sare: Uru warore m̄sa nuch̄boro seheta noaare yu c̄uare naga m̄sa. M̄sare yuh̄re wacũ tuach̄u yoaihtja. ã jina potocãta Cohamac̄u ya mehne p̄jro c̄uanahca. ã yoa yehseri suhtirore m̄sa nuch̄u m̄sa sãano seheta yu di cohãri mehne yu yariaro mehne m̄sa ñaa yoare cosawerina jiga. ã yoana noaa suhti sãaina ti b̄uo tieraro seheta m̄sa ñaaare cosawerina jina b̄uo tisi m̄sa c̄h̄u. ã yoa m̄sa caparire m̄sa co tiri baharo noano m̄sare bajuro seheta Cohamac̄u yare noano t̄hoga, m̄sa noano masihto sehe. ¹⁹ Jipih̄tina yu cah̄inare yahuja. ã jic̄u yu cah̄ina ti jich̄u ñ̄sc̄u, ti t̄hoerach̄u tinare quih̄no yoa dutija, tinare yoadohoc̄u tac̄u. ã jina yu ya sehere tuaro cah̄maga. ã yoa m̄sa ñaaare t̄hotumari c̄jirire cohtota, tí ñaaare duhuga. ²⁰ T̄hoga yuh̄re. M̄sa wuh̄re bihari wuh̄re yu sar̄uca yu sãa dua yu pisurucuboro seheta, m̄sa mehne macariro ji duai nija. Yu ã ji duach̄u t̄hoina jina

yuh̄re m̄sa mehne ji dutiga. Yu yaina jiga. M̄sa ã ji dutich̄u m̄sa mehne jiihtja. ã jic̄u mari s̄ho ch̄ro seheta m̄sa mehne noano jiihtja. ã jina yuh̄u mehne macaina jinahca m̄sa. ²¹ Wat̄n̄ore yu yuh̄d̄r̄c̄ari baharo yu P̄sc̄u p̄htoro to dujiro cahai dujija, yuh̄u c̄h̄u dutic̄u tac̄u. Tó seheta m̄sa c̄h̄u ñaa yoarire m̄sa yuh̄d̄r̄c̄ari baharo yu p̄htoro dujiro cahai dujinahca, m̄sa c̄h̄u dutina tana. M̄sare yu cahai dujich̄u yoaihtja. ²² Cah̄mori tiina jira m̄sa. ã jina m̄sa ya curuari macainare yu yainare Esp̄ritu Santo to yahurire t̄hoga m̄sa”, ni joarocaga Laodicea macaina yu yainare, ti p̄htoro c̄h̄ure —nihre yuh̄re joa dutiriro.

4

M̄sanop̄u Cohamac̄ure na tuh̄cua caha su ti ño payoare ñ̄ha Joã

¹ Yuh̄re to ã ni yahuri baharo m̄sanop̄u p̄j̄ari sopacare ñ̄hi. Pari turi corneta to tuaro bisiro seheta tuaro durucua bisiro coa tahre yu t̄hoch̄u. Õ sehe nihre yu t̄hoch̄u:

—Õp̄u m̄ja taga. Ahri yu yahuhti c̄jhti baharop̄ure wahahtore m̄h̄re ñoihtja. Yu niriro seheta ã waharohca —nino coa tahre m̄sanop̄u.

² To ã ni yahuch̄ata tópu m̄ja s̄sc̄u Esp̄ritu Santo tuaa mehne ñ̄hi nihi. ã jic̄u p̄htoro dujirore m̄sanop̄u ñ̄hi. Tóci c̄uro dujihre. ³ Noano si siteriro dujihre. Diamante wama tia tãa yoaro seheta, rubí wama tia tãa yoaro seheta noano si siteriro dujihre tiro. ã jiro buhini soro esmeralda yoaro sehe si siteri soro dacho macai dujihre tiro. ⁴ ã yoa to dujiro cahai veinticuatro dujiare ñ̄hi. Tí dujia p̄htoa dujia yu ñ̄u m̄htarirore duji soroahre. Tí dujip̄u veinticuatro Jesu yaina p̄htoa dujihre. Yehsea suhti tiina jihre. ã yoa p̄htoa ti pisaa sorori uru sororire pisaina jihre tina. ⁵ Yu ñ̄u m̄htariro dujiroi orocasit̄hre. ã yoa soro sehe jiro choro bisiro coa

tahre. Wupo cãhu bisiro coa tahre. Tí dujiro panoi siete sihãa poca jihre. Siete sihãa poca mehne to piti dahre buhechũ Cohamacũ yaina siete pjacũ bajueraina jihre. ⁶ ã yoa to dujiro panoi pjiri ma yoaro sehe vidro yoaro sehe sipari ma jihre. Noano co sitiri ma yoaro sehe jihre.

Ti dujiro cahai pititiaro soro sehe bajuina jihre. Ti pjacũri panoi ti baharo bũhũsehe cãhũre payũ capari tiina jihre tina. ⁷ Yu ñũ mũhtariro soro bajuriro yairo sohãriro yoaro sehe bajuhre. To baharo jiriro wachũ yoaro sehe bajuhre. Ti baharo jiriro masũno wãhdũa sehe wãhdũa tiriro jihre. Tina tiaro baharo jiriro cja to cãmũadũpũrire saño dujiriro yoaro sehe bajuhre. ⁸ Tina seis dũpũri wũa dũpũri tiina jihre. ã jia ti wũa dũpũri pũ bũhũseheripũta payũ capari tia dũpũri jihre. ã yoa dachoripe, ñaminipe ã dururucua nihre. Ne durucu duhuerare. Õ sehe ni durucuhre:

“Noariro, noariro, noariro Cohamacũ mari pũhtoro tua yãhdũariro jira.

Tiro panopũta ã jirucua tiri jire.

Mipũ cãhũre ã jirucura.

Baharopũ tarohca”,

ni durucurucua nihre.

⁹ ã ni durucua tina pititiaro soro bajuina to tuaare durucua nihre pũhtoro dujiroi dujirirore. ã durucua, tirore jipihtia dachoripe jirucurirore wahche payoa “Noana”, nia nihre. ¹⁰ Ti ã yoa payochũ ñũa veinticuatro Jesu yaina pũhtoa sehe pũhtoro dujiroi dujiriro panoi na tuhcuca caha sũ, tirore ño payohre. Tiro jipihtia dachoripe jirucuriro jira. ã ño payoa ti pũhtoa pisaa sororire to dujiro panoi doca payohre. ã doca payoa ò sehe nihre tina: ¹¹ “Mũhũ Cohamacũ sã pũhtoro waro jira.

Tuariro, noariro jira mũhũ.

Mũhũ sã ño payoriro jii nina.

Mũhũre ã ño payorucuro cahmana sãre.

Jipihtiare bajuamehneriro jira mũhũ.

Mũ cahmariro seheta tí jipihtiare bajuamehnea tiri jire mũhũ”, nihre tina Cohamacũre, tói dujirirore.

5

Joari pũre turẽri tiare cordero cãhũre yahuha Joã

¹ Baharo tói dujiriro to wamomaca poto bũhũsehei to cũari pũre joari pũre ñũhi. Tí pũ pũ bũhũseheri to joari pũ to turẽri tia jihre. ã yoa siete wihtã ñahaa mehne to wihtã ñahari tia jihre. ² Tí tiare turẽri tiare ñũ tuhsũ, tuariro anjore ñũhi. Tiro tuaro durucua mehne ò sehe ni yahuhre:

—¿Ahri tiare wihtã ñahaare pahrẽboriro ñaa buhiri marieriro diro sehe jijari, mũsa tãhotuchũ? —nihre tiro anjo.

³ ã niparota tí tiare pahrẽhtirore bocaerare. Mũanopũ, ahri yahpapũ, catiina watoi, yaria tuhsũina watoi ne tí tiare ñahaare pahrẽhtiro mariahre. ã jiro tí tiare buhehtiro mariahre. ⁴ ã jicũ pahrẽhtirore, tí pũre ñũhtirore ti bocaerachũ ñũcũ tuaro tihi yũhũ. ⁵ Yu ã tiichũ ñũno cãiro Jesu yaina pũhtoa mehne macariro ò sehe nihre yahũre:

—Tiicũ tjiga. Tí tiare ñahaare cãiro pahrẽ masina. Tiro Juda ya curua macariro tuariro jira. Tuariro jiro “Yairo sohãriro”, ti ni pisuriro jira. Tiro pũhtoro Davi panamino ji turariro jira. Watĩnore yãhdũarũcariro jira tiro. ã jiro tiro tí tiare siete ñahaare pahrẽ masiriro jira —nihre tiro yahũre.

⁶ To ã nichũ tãhocũ pũhtoro dujiro panoi cordero to ducuchũ ñũhi. Cuatro soro bajuina, Jesu yaina pũhtoa tina watoi ducuhre tiro cordero. Tiro ti wajãriro cjiro sehe bajuhre. Siete sahari tiriro, siete capari tiriro jihre. Tí siete sahari ã yoa siete capari mehne to piti dahre buhechũ Cohamacũ yaina pjacũ bajueraina siete bajueraina yoaro sehe jira. Tina to yaina pjacũ bajueraina jipihtiro

ahri yahpapu Cohamacu to warocarina jihre. ⁷ ã jiro cordero sehe puhtoro dujiro cahapu suro, tirore to pototo buhusehei to cjuari tiare tuawe nahre. ⁸ To ã tuawe nachu ñua cuatro soro bajuina, veinticuatro puhtoa cahu cordero panoi na tuhcuca caha su, tirore ño payohre. Tina puhtoa jipihtina arpa wama tia buaputẽare, uru wahwari cuhure cjuhure. Tĩ wahwari incienso noano wahpaa posa tia wahwari jihre. Tĩ incienso mehne to piti dahre buhechu Cohamacu yaina tirore ti sini payori yoaro sehe jihre. ⁹⁻¹⁰ ã tirore ño payoa õ sehe ni wahmaa basaare tina basa payohre tirore:

“Muhu ti wajãriro cjiro jira.

ã jicu mu di cohãri mehne sã ñaa yoari buhirire cohãre muhu Cohamacu yaina sã jihto sehe.

ã jicu jipihtia curuari macainare cãinare, jipihtia duseri durucuinare cãinare, jipihtia yahpari macainare cãinare sã ñaa yoari buhirire mu di cohãri mehne cosawere muhu Cohamacu yaina sã jihto sehe.

Sãre jipihtinare Cohamacu yaina cjihtire cãure muhu.

ã jicu sacerdotea cãhure muhu sãre Cohamacure dahra cohtaina sã jihto sehe.

ã yoacu ahri yahpa macaina bui puhtoa sãhure muhu sãre.

ã yoariro jicu tĩ tiare wihtã ñahaare pahrẽhtiro jira muhu”,

ni basa payohre tina corderore.

¹¹ Pari turi ñucu millones anjoa perire ñuhi. Puhtoro dujirore cuatro soro bajuinare, veinticuatro puhtoare anjoa sehe tinare soroa ducu sãhure. Tina anjoa peri tuaro ti sañurucu payochu ñuhi. ¹² Õ sehe ni tuaro sañurucu payohre tina:

“Cordero ti wajãriro muhu jipihtinare dutiro, jipihtiare cjuariro, masi pahñoriro, tua yuhduariro jira muhu.

Masa ti ñaa buhiri ti wajãriro mu jichu ñuna ã ni ño payoja muhure.

‘Noabiariro jira’, ninahca muhure.

Muhure noano durucunahca”, ni sañurucu payohre anjoa peri.

¹³ ã jicu paina cuhure ti sañurucu payoa coa tachu tuhohi. Jipihtina mano macaina, ahri yahpa macaina, catiina, yariaina cahapu jiina cahu, pjiri ma macaina, jipihtiropu jiina õ sehe ni durucu payoa coa tahre:

“Cohamacure to dujiropu dujirirore, Cordero cãhure musare puarore noano durucunahca.

Musare wahche payonahca.

‘Noa Yuhduaina, Tua Yuhduaina jira’ nina, jipihtia dachoripe ã nirucunahca musare”,

ni durucu payoa coa tahre.

¹⁴ ã jia tina cuatro soro bajuina ti ã durucu payochu tuhoa “ãta ni durucu payojaro”, nihre. ã jia Jesu yaina puhtoa sehe na tuhcuca caha su Cohamacure, Cordero cuhure ño payohre.

6

Papera tiare to nari tiare wihtã ñaharire pahrẽna Cordero

¹ Baharo papera tiare to nari tiare Cordero wihtã ñaha muhtanore pahrẽhre. To ã pahrẽchu ñuhi. To ã pahrẽri baharo cãiro soro bajuina mehne macariro, “Ñuna taga”, nihre. ã nino wãpo yoaro sehe bisihre tiro.

² To ã niri baharo ñuhi yahu. Yehseriro cawalore ñuhi. Tiro bui pisariro buedure cjuhure. Tirore puhtoro pisari sorore wahre paio sehe. To ã wari baharo tiro sehe tirore ñu tuhtinare yuhduarucaro wahahre.

³ Baharo cã wihtã ñahanore pahrẽ tuhsu Cordero pa wihtã ñahanore pahrẽhre tjoa. To ã pahrẽri baharo paio soro bajuina mehne macariro “Ñuna taga”, to nichu tuhohi tjoa.

⁴ ã jicu paio cawalore sohãrirore ñuhi tjoa. Tiro bui pisarirore tuaare wahre paio sehe. Ahri yahpa macainare cahma wajã dutihtirore cãhure tirore. ã jia jipihtiro macaina

cahma wajãahca ahri yahpapu. ã yoa pjiri pjĩ ñosari pjĩne wahre tirore.

⁵ Baharo puarore pahrẽ tuhsu Cordero parore pahrẽhre tjoa. ã jicu puaro ti durucuri baharo paio soro bajuina mehne macariro “Ñuna taga”, to nichu tuhohi.

To ã niri baharo ñiro cawalore ñahi. Tiro bui pisariro balanza quihõnore cjahre. ⁶ Tirore yu ñari baharo soro bajuina watoi õ sehe nino coa tahre:

—Cũ dacho dahrari wapa mehne trigore cũ kilota nuchahca masa. Cũ dacho dahrari wapa mehne cebada wama tia yaparire tia kilota nuchahca masa. (Trigo, cebada cũhu pihitia wahaahca. ã jia tí wapa buju niahca.) Wiho mejeta chua dahrea sere, vino cũhre dojochu yoena tjiga —nino coa tahre.

⁷ Baharo tiarore pahrẽ tuhsu Cordero parore pahrẽhre tjoa. To ã pahrẽri baharo paio soro bajuina mehne macariro ji bato tiriro “Ñuna taga”, nihre tjoa.

⁸ To ã nichu tuhocu wapoariro cawalore ñahi. Tiro bui pisariro “Yariachu yoariro” wama tihre. ã yoa to baharo tariro “Yariaina ti jiro” wama tihre. ã jiro tinare tuaare wahre paio sehe. Ahri yahpapure cuarta parte masare wajã dutihre. Cahma wajãa mehne, jaca baa mehne, dohatia mehne, wahiquina nucuari macaina suaina mehne tópeina masare ti wajãhtore cũhre tinare.

⁹ Baharo pititiaro wihtã ñahaare pahrẽ tuhsu Cordero paro ñahanore pahrẽhre tjoa. To ã pahrẽchu altar docai Jesu yaina ti wajãrina ti catiri yajeripohnarine ñahi. Cohamacu yare ti yahuri buhiri, “Jesu yaina jija”, ti ni yahuri buhiri tinare wajãri jire. ¹⁰ Tina sañurucua õ sehe nihre Cohamacure:

—Muhu sã puhtoro, ñaa marieriro, mahõno marieno, mu niriro seheta yoariro jira muhu. ¿Ahri yahpa macainare, sãre wajãrinare dohse

jichu buhiri dahreihcari muhu? —ni sañurucuhre tina.

¹¹ ã jiro tinare yehsea suhti yoaa suhtire wahre. Tinare ã waro õ sehe nihre tinare:

—Sosiniga. Paina musa coyea Jesu yaina musa yoariro seheta mipu cũhre noaa buheare buhesinia nina. Musare ti wajãriro seheta tina cũhre ti wajã pahõhto dũhsasinina. ã jina tinare jipihtinare ti wajãhto pano mahanocã sosiniga musa —nihre tinare.

¹² Baharo cinco wihtã ñahaare pahrẽ tuhsu Cordero paro wihtã ñahanore pahrẽhre tjoa. Tóre to ã pahrẽchuta tuaro yahpa ñuhmihre. To ñuhmini baharo sũ dacho macariro ñiro choro wahahre. Ñiri suhtiro yoaro seheta ñiro choro wahahre. ã yoa sũ ñami macariro di yoaro sehe sohãriro wahahre. ¹³ ã yoa ñahpichoha poca yahpapu boraa wahahre. Yucucu dicha yahsaare wihnono to wã bure bororo seheta ñahpichoha poca boraa wahahre. ¹⁴ Ti ã wahari baharo muno butia wahahre. Papera tiare mari turẽchu to bajueraro seheta bajuerare muno.

ã yoa jipihitia tãyucu cũhu nucopo cũhu pa sehẽpu surucahre. ¹⁵ To ã wahachu ñaa, ahri yahpa macaina bui puhtoa coparipu tãyucu macaa tãa docapu cũhre duhtihre. Paina puhtoa, surara puhtoa, pache pu, tuaina, jipihitina tinare dahra cohtaina, dahra cohtaina jieraina cũhu tóihita duhtimahre. ¹⁶ ã duhtia tãyucure, tãa cũhre õ sehe nihre:

—Sã bui bora pjaga. Sãre nuoga. Siro puhtoro to dujiroi dujiroro cui yuhduaja. Cordero suaro, sãre ñano buhiri dahrerohca. “ã buhiri dahrerĩ”, nina nuoga sãre.

¹⁷ Jipihtinare tuaro ti buhiri dahrehti dacho ji tuhsura. ã jia ti buhiri dahrehtore ne cũiro duhtiro bihoeraro, cũno pjasi —nihre tina jipihitina.

7

Israe masa pjacurire Cohamacu to wama ña õhtore yahuha João

1 Baharo pititiaro anjoare ñuhi. Tina jipihtiropu wahahre. Cãiro nortepu waharo tópu tari wihnonore taerachu yoahre. Pairo surpu, pairo sũ mũa taropu, pairo sũ sãanopu wahahre. Nortepu wahariro yoaro se-heta yoahre tina cãhu. ã jiro ahri yahparu, pjiri mapu cãhure ne wihnono taerare. Ne cãdu yucãure wihnono wã ñuhmichu yoerare. 2 ã yoa pairo anjore ñuhi tjoa. Sũ mũa taropu taro nihre tiro. Cohamacu catiriro to wama ña õnore na taro nihre tiro. ã na taro paina pititiaro anjoare tiro sañurucuhre. Tina anjoa sehe ahri yahpare, pjiri ma cãhure Cohamacu to dojomehne dutina jihre. 3 Tinare sañurucuro õ sehe nihre anjo:

—Cohtasiniga. Cohamacure dahra cohtaina ti wãhdũa pocare to wamare õna tana nija. Sã ã õhto pano ahri yahpare, pjiri mare, yucãri cãhure dojomehnesiniena tjiga mũa —nihre tiro paina pititiaro anjoare.

4 ã jiro Cohamacu to wama mehne ti wãhdũa pocare ti õhtinare “Õpeina jira”, ni yahuhre yãhure cãiro. Israe masa doce curuari macaina ciento cuarenta y cuatro mil masa ti õhtina jiyuhti. 5 Ahrina jiyuhti ti õhtina: Doce mil masa Juda panamana ji turiaina ti õhtina jihre. Paina doce mil masa Rubẽ panamana ji turiaina ti õhtina jihre. Paina doce mil masa Gad panamana ji turiaina ti õhtina jihre. 6 Paina doce mil masa Aser panamana ji turiaina, paina doce mil masa Neftalí panamana ji turiaina, paina doce mil masa Manase panamana ji turiaina ti õhtina jihre. 7 Paina doce mil masa Simeo panamana ji turiaina, paina doce mil masa Leví panamana ji turiaina, paina doce mil masa Isacar panamana ji turiaina ti õhtina jihre. 8 Paina doce mil masa Zabulõ panamana ji turiaina, paina doce mil masa José panamana ji turiaina, paina doce mil masa Benjami panamana ji turiaina ti

õhtina jihre. Tópeinata jipihtina masa ciento cuarenta y cuatro mil to wama mehne ti õhtina jihre.

Payu yehsea suhti tiinare yahuha João marine

9 Baharo payu masare ñuhi. Jipih-tia yahpari macainare, jipihtia curuari macainare, jipihtia duseri durucuinare, jipihtia macari macainare cãinare Cristore cahmaina dihtare tói ducuinare ñuhi. Pãhtoro to dujiro panoi, Cordero panoi ducuhre tina masa. Payu masa jihre. ã jia quihõ bihoina jierare. Yehsea suhti tiina jihre tina. ã yoa pjaa põ pũrine cjãahre. 10 ã jia tina jipihtina õ sehe ni tuaro sañurucuhre:

“Cohamacu jira sãre yãhdũchu yoariro.

Tiro to dujiroi dujiriro jira.

Cordero cãhu sãre yãhdũchu yoariro jira”,

ni sañurucuhre tina. 11 ã jia jipihtina anjoa, Jesu yaina pãhtoa cãhu, soro bajuina mehne pãhtoro to dujiro cahai ducuhre. ã ducua to dujiro panoi doca caha su, Cohamacure wahche payohre. 12 Õ sehe ni wahche payohre tina:

“ã tjira.

Cohamacu sã pãhtoro mãhure noano durucuja.

Noa yãhdũariro, masi pahñoriro jira mãhu.

Mãhure ‘Noana’, nija.

Mãhure ño payoja.

Tua yãhdũariro jira mãhu.

Mã tuaa mehne yoariro jira mãhu.

Tó sehetã jirucuriro jira mãhu jipih-tia dachoripe.

ã tjira”,

ni wahche payohre tina.

13 Ti ã nichu tãhoro cãiro Jesu yaina pãhtoa mehne macariro yãhure õ sehe ni sinituhre:

—¿Ahrina yehsea suhti tiinare masijari mãhu? ¿Ti tariroro masijari mãhu? —ni sinitu ñãhure yãhure.

14 To ã nichu tãhocu:

—Masieraja —ni yãhtihi.

—¿Noa jijari tina? —ni sinituhi tirore.

Y_u ã nich_u t_uhor_o õ sehe nihre y_uh_ure:

—Ahrina ñabiario y_uh_uri dacho jich_u cãno pjaina jira. Ti suhti cosawerina ti jiro seheta Cordero to di cohãno mehne ti ñaa buhirire cosawerina jira. Æ jia noano yehsea suhti tiina jira. ¹⁵ Æ to cosawerina jia Cohamac_u to dujiro panoi tirore ã ño payorucura. Dachoripe, ñaminipe tirore ã ño payorucura, sacerdotea Cohamac_u w_uh_ui ti yoariro seheta. Æ jiro tina mehne ã jirucuro, tinare yoadohorohca Cohamac_u “Soro wahari”, nino. ¹⁶ Ne pari turi j_uca baasi tina. Æ jia ñahma yapiosi tina. Ne s_u dacho macariro siro tinare ne j_u pjasi. Tuar_o sia tinare ñano y_uh_uch_u yoasi. ¹⁷ P_uh_utoro dujiro potoi ducuriro Cordero tinare ñ_u wihborohca. Ovejare ñ_u wihboriro yoaro sehe tinare ñ_u wihborohca. Æ ñ_u wihboro mári pohtarip_u catich_u yoaa mári pohtarip_u tinare m_u tã wahcãnohca, ovejare ñ_u wihboriro to m_u tãno seheta. Æ yoaro ã wahcherucuch_u yoarohca tinare. Æ jia ne pari turi tiisi tina —ni yahuhre Jesu yaina p_uh_utoa mehne macariro y_uh_ure.

8

Seis papera ti wihtã ñahaare pahrẽ tuhs_uro parore pahrẽha Cordero

¹ Seis papera ti wihtã ñahaare pahrẽ tuhs_uro parore pahrẽhre tjoa Cordero. To ã pahrẽ tuhs_uch_u cã hora dacho macai tópr_u m_uanop_u noano dihta marieaa wahahre. ² To ã wahari baharo siete anjoare Cohamac_u panoi ducuinare ñ_uhi. Tinare siete cornetarire wahre paio. ³ Pairo anjo uru wahware inciensore posa tihti wahware c_uariro altar cahap_u s_u, ducuhre. Tóí to ducuch_u pay_u inciensore tirore wahre, jipihtina Cohamac_u yaina tirore ti siniri mehne morehtire. Æ jiro uru altarp_u Cohamac_u to dujiro panoi jiri altarp_u tí inciensore j_u m_uohre Cohamac_ure.

⁴ Æ jia anjo to c_uari wahwa macaa inciensore altarp_u to poho siteri baharo tí incienso macaa me Cohamac_u yaina tirore ti siniri mehne m_ujaa wahahre. ⁵ Æ wahari baharo altar macaa niti mehne tí wahwa wahpa wahach_u, yahpai poho c_unocahre. To ã poho c_unocach_uta w_upo pja, soro sehe jiro bisi m_ua, oroca site m_ua, yahpa ñuhmi m_uahre.

Cornetarire yahuha João

⁶ Baharo siete anjoa cãina ti cornetarire putia taa nihre.

⁷ Cãiro anjo to yariare puti m_uhtahre. To ã putich_u co poca y_us_ua poca pichaca mehne, di mehne morea poca yahpap_u bora s_u cahahre. Ti bora s_u cahach_uta yahpa j_ua wahahre. Õ puro j_uahre: Ahri yahpa dacho maca s_uro caharoi j_ua wahahre. Æ jiro tó puro posata yuc_uri cãh_u j_ua wahahre. Tó puro posata tja cãh_u j_ua wahahre.

⁸ Anjo cãiro to ã puti m_uhtari baharo paio anjo to yaria cornetare putihre tjoa. To ã putich_u pjid_u tãc_u yoaro sehe bajud_u noano j_urucud_u pjiri map_ure waharoca ñojaa wahahre. Æ jiro yahpa to j_uriro puro tó purota pjiri ma di ma dojoa wahahre. ⁹ Æ jia pjiri ma macaina wahi dacho maca mahano s_uboro waroi yariaa wahahre. Tópe b_usota dohoa b_uso cãh_u minia wahahre pjiri map_ure.

¹⁰ P_uaro anjoa ti putiri baharo paio anjo cãh_u to yaria cornetare putihre tjoa. To ã putich_u pjiria ñahpichohaca, sihãria yoaro sehe siria yahpap_u bora s_u cahaa wahahre. Ahri yahpa macaa mári dacho macabo cureroi tópe mári bui bora s_u cahaa wahahre ñahpichohaca. Tópe co wijaa copari bui cãh_ure bora s_u cahaa wahahre. ¹¹ Tópe márita s_uẽa mári wahahre. To ã wahach_u pay_u masa tí mári macaa core, tí copari macaa co cãh_ure sihnimaa, yariaa wahahre. Tia ñahpichohaca “S_uẽnia”, wama tihre.

¹² Tiaro anjoa ti putiri baharo paio anjo cãh_u to yaria cornetare

putihre tjoa. To ã putichu sũ dacho macariro, ñami macariro cãhu dacho maca suboro waroi dojoa wahahre. Ñahpichoha peri cãhu dacho maca suboro waroi jia poca tópe pocata dojoa wahahre. Tópe poca mũano macaa poca noano buhrierare. Dachopu pititia horari waro sũ dacho macariro ne buhrierare. Ñamine pititia horari waro sũ ñami macariro, ñahpichoha poca cãhu ne buhrierare.

¹³ Baharo ñuroca mũohi tjoa. Mũanopu wũrirore cjare ñuhi. Æ jicu to sañurucuchũ tũhohi. Õ sehe nihre tiro:

—Ñabiara. Ñabiara. Tiaro anjoa mipu putierasiniina ti putiri baharo pinihtare ñabiaro waharohca. To ã wahachu ahri yahpai jiina ñabiaro yũhdũahca —nihre tiro.

9

¹ Baharo pititiaro anjoa ti putiri baharo paio anjo to yaria cornetare putihre tjoa. To ã putichu ñahpichohaca yoaro sehe jiro anjo mũanopu bora tarirore ñuhi. Yu ã ñũno watoi tirore cũãri copa macari sawire wahre. ² Æ jiro tiro tí copare to pjõochu pichaca me wijaahre. Pjiri pichaca macaa me yoaro seheta pjiro me wijaahre tí copare. Æ wijaaro tí me dóihta sũ dacho macarirore, mũano cãhure butia wahachu yoahre. ³ Æ yoa tí me puhichai jiina poreroa yahpapu tahre. Pichõno soroa ti tuaro purĩno seheta tina cãhu tuaro purĩhre. ⁴ Æ jiro tjare, yucũrire, paye toaare ñano yoa dutierare tinare. Masa dihtare ñano yoa dutihre tinare. Cohamacu to wamare ti wũhdũa pocare õmahnoeraina dihtare ñano yoa dutihre tinare poreroare. ⁵ Æ ñano yoa dutiparota tinare wajã dutierare. Tinare wajã dutieraparota cinco sãri waro tinare ñano purĩchu yoa dutihre. Pichõno soroa tjoaa ti purĩno seheta purĩchu yoaina jihre poreroa cãhu. ⁶ Tinare ti ã purĩchu yoachu masa yariaa waha duaahca. Ti ã yaria duapachata tinare yaria dutisi.

⁷ Poreroa sehe cawaloa yoaro sehe bajuhre. Ti cahma wajãhto pano cawaloare ti suhti sãariro seheta tó seheta bajuina jihre tina poreroa cãhu. Ti dapu pocaĩ puhto ti pisaa sorori uru sorori yoaro sehe bajuhre. Ti wũhdũa poca masa yoaro sehe bajuhre. ⁸ Ti pjoari numia pjoari yoaro sehe jihre. Æ yoa ti piri yaya piri yoaro sehe jihre. ⁹ Pẽ buhu dũcatari cahsaro comaa cahsaro yoaro sehe bajuhre ti cutiro. Æ yoa tina ti wũchu payu cawaloa mũrocaina ti mũrocaro sehe ti wũa dũpũri bisihre. Cawaloa tunua bũsore wajaina ti cahma wajãnopu wahaa, ti bisiro seheta bisihre poreroa wũa dũpũri. ¹⁰ Æ yoa pichõno soroa ti pichõno tiro seheta, tjoariaca ti cjũaro seheta jihre tina poreroa. Ti pichõri mehne tjoaa, cinco sãri waro masare purĩchu yoahre. ¹¹ Tina puhtoro cjũaina jihre. Cũãri copa pũro jihre ti puhtoro. Tiro anjo jihre. Hebreo ya mehne Abadón wama tihre tiro. Griego ya mehne Apolión wama tihre. (Apolión “Pihlichu yoariro”, nino nina.)

¹² Poreroa masare ñano ti purĩno yoari baharo ahri ti ñano yũhdũa mũhtariro cjiro pihtia wahahre. Tó baharo pũa taha pari turi ñano yũhdũsiniahca masa.

¹³ Baharo cũ wamomaca pihtiina anjoa ti putiri baharo paio anjo to yaria cornetare putihre tjoa. To ã putichu Cohamacu panoi ducuri altarpũ uru altarpũ durucua bisi wijaro coa tahre. Tí altar macaa sahari pititia saharipu durucua bisi wijaro coa tahre. ¹⁴ Æ durucuro cornetare putiro anjore yahuhre:

—Eufrates wama tiri ma pjiri mapu peresupu jiinare anjoare wioga. Tina pititiaro anjoa jira —nino coa tahre.

¹⁵ Æ nino coa tachũ tũhoro anjo sehe tinare pititiarore wiohre, payu masare wajãhtinare. Ahri horare, ahri dachore, ahri sũre, ahri cãhmare quihõno cohtaa nihre tina pititiaro anjoa. Ti cohtariro mũ sũra. Æ jia wajãa taa nina. Jipihtina dacho maca

doca curero masare wajãahca. ¹⁶ ã yoa ti surarare “Õpeina jira”, ti nichu tuhohi. Tina cawaloa bui pisaina jihre. Doscientos millones surara jihre.

¹⁷ ã yoa cawaloare tina bui pisaina cãhure ñahi. Tina cawaloa bui pisaina ti pë buhure ducataa suhti, comaa suhti, sohãa suhti, yahsaa suhti, ewu sehe bajua suhti jihre. ã jia cawaloa ti dapu poca yaya sohãina yoaro sehe bajuhre. Ti duseripu pichaca, me, azufre wama tia me cãhu wijaahre. ¹⁸ ã jia cawaloa duseri wijaa masare wajãhre. Jipihtina dacho maca mahano sùboro waroi tópeina masare wajãhre. Pichaca mehne, me mehne, azufre mehne payu masare wajãhre. ¹⁹ Tina cawaloa ti duseri mehne wajãhre. ã yoa ti pichõri mehne wajãhre tjoa. Ti pichõri sohtoapu agãa dapu poca yoaro sehe bajuhre. ã jia ti pichõri mehne ñano yoahre tina masare.

²⁰ Payu masa yariaeraina ti wajã duharina sehe ti ñaa yoarire ne duhuerare. Watĩare ño payo duhuerare. “Cohamacu jira”, ti nia masuri cãhure ño payo duhuerare. Tí masuri uru mehne, plata mehne, bronce wama tiri comaa mehne, tãa mehne, yucuri mehne ti yoari masuri jihre. Tí masuri sehe ñuerare. Tùhoerare. Tinierare. ²¹ Paye ñaa cãhure tina ne cahyaerare. Masare ti wajãrìre, numia mehne ti ñano yoarire, ti yacari cãhure ne cahyaerare tina. ã jia yaya ti yoaro sehe yoaa, tí cãhure ne cahyaerare tina.

10

Mahari tiacãre papera tiacãre na taha anjo

¹ Baharo paio tuariro anjo manopu to duji tachu ñahi. Me curua watoi tahre. ã yoa buhini soro to dapu bui pisahre. To wuhduu sù dacho macariro yoaro sehe si sitehre. To ñuchua pichaca yoaro sehe bajuhre. ² ã yoa mahari tiacã papera tiacãre to pjãri tiacãre cjãahre

tiro. To dahporo poto buhusehe macari dahporo mehne pjiri mápu tu cãhre. To dahporo cõ buhusehe macari dahporo sehe macarocai tu cãhre. ³ ã ducuro yaya ti sañurucuro sehetã tiro tuaro sañurucuhre. To ã sañurucuri baharo siete wupoa yahua coa tamahre. ⁴ Ti ã yahuchu tuhocu joa ducamahi. Yu ã joa ducapachuta manopu yuhare õ sehe ni durucuro coa tahre:

—Siete wupoa ti nirire painare yahui tjiga. ã jicu tíre joa nai tjiga — nino coa tahre yuhare.

⁵ To ã niri baharo pjiri mapu ducuriro, macarocai ducuriro anjo to wamomaca poto buhusehe siõroca muohre manopu. ⁶ ã siõroca muono Cohamacu ã catirucuriro wama mehne wama payohre. Tiro Cohamacu sehe jipihtiare manore, mano macaare, ahri yahpare, ahri yahpa macaare, pjiri mare, pjiri ma macaare yoariro jira. ã wama payoro õ sehe nihre anjo:

—Cohamacu mehne potocã nii nija. Tó purota cohtanahca. ⁷ Seis anjoa cornetarire ti putiri baharo paio anjo to putichu Cohamacu panopu “Õ sehe yoaihtja”, to niriro sehetã ã yoarohca. Panopu masare tíre noano yahuera tiri jire. Baharo tirore dahra cohtanare, to yare yahu muhtaina sehere noano yahu pahñoa tiri jire tiro. Tí to yahu cãrìre mipure yoarohca tiro —nihre anjo.

⁸ To ã niri baharo manopu yuhare durucuro coa tariro pari turi durucuro coa tahre tjoa. Õ sehe nino coa tahre yuhare:

—Pjiri mápu ducuriro macarocai ducuriro siro anjo cahapu wahaga. ã wahacu papera tiacãre to cjãri tiacãre naga —nino coa tahre yuhare.

⁹ To ã nino coa tachu tuhocu anjo cahapu wahahi. Tirore papera tiacãre yu sinichu tuhoro õ sehe ni yãhtihre yuhare:

—Naga. ã jicu ahri tia papera tiacãre chuga. Mu wahma chuchu mi yoaro sehe noano bisirohca. Mu

ɸjaropɸ mɸ bɸrori baharo sɸēa waharohca —nihre yɸhɸre.

¹⁰ To ā nichɸ tɸhocɸ tɸ tiacāre anjore yɸ nari baharo chɸhi. Yɸ wahma chɸchɸ mi yoaro sehe bisihre. Yɸ chɸ bɸrori baharo yɸ ɸjaropɸ sɸēa wahahre. ¹¹ Yɸ ā chɸri baharo ō sehe nihre yɸhɸre:

—Pari turi macari macaina, yahpari macaina, ɸayɸ dɸseri durucuina, tina bui ɸɸhto cɸhɸ baharo ti dohse wahahtore, Cohamacɸ tinare to dohse yoahito cɸhɸre yahuyuga mɸhɸ —nihre yɸhɸre.

11

ɸɸaro Cohamacɸ yare yahuhtinare yahu joaha Joāo marine

¹ Baharo yɸhɸre quihōdɸre wahre Cohamacɸ. Tjuadɸ puro yoadɸ jihre tɸ. Tɸre waro ō sehe nihre yɸhɸre:

—Yɸ ya wɸhɸre quihōi wahaga. Tɸi wɸhɸ macari altar cɸhɸre quihōga. Ā yoa tuhsɸ, tɸi wɸhɸi yɸhɸre ño payoinare quihōga. ² Sopaca wija sɸɸɸcari wapare noari wapare quihōi tjiga. Tɸi wapa yɸhɸre cahmaerainare tɸi cɸri wapa jira. Tina cuarenta y dos sɸri waro Cohamacɸ ya macare tɸi maca macaina cɸhɸre ñano yoahca. Ā jicɸ quihōi tjiga ti ya wapare noari wapare. ³ Ā jicɸ yɸ yare yahuinare ɸɸarore warocaihtja. Mil doscientos sesenta dachori waro yɸ yare yahuahca. Masa ti coyea ti yariari baharo ti sãa suhti barore sãaina jiahca tina yɸ yahu dutiina —ni yahuhre yɸhɸre.

⁴ Ahri yahpa macaina bui ɸɸtoro Cohamacɸ panoi ɸɸadɸ Olivo wama tia yucɸ ducura. ɸɸadɸ sihã payoa yucɸ cɸhɸ tɸi yucɸ cahai ducura. Tɸi yucɸ mehne piti dahre to buhechɸ ahriina ɸɸaro to yare yahuina tɸi yucɸ yoaro sehe jira. ⁵ Ā jia tinare ñɸ tuhtiina tinare ti ñano yoa duachɸ tina sehe ti dɸsero macaa picha pohna mehne jɸ ɸahñoahca tinare ñɸ tuhtinare. Ō sehta tinare ñano yoainare wajāahca tina ɸɸaro Cohamacɸ yare yahuina. ⁶ Ā yoa

tina ɸɸaro ti coro ta dutierachɸ coro tasi. Ā jiro Cohamacɸ yare ti yahuro puro coro tasi. Ā jia mārine di mārī wahachɸ yoahca tina. Ā jia ahri yahpare ñano wahachɸ yoahca. Jipihtia dohse jiare, jipihtina dohse jianare masare ñano wahachɸ yoahca. Ti dohse yoa duaro puro ā ñano wahachɸ yoahca ahri yahpare. ⁷ Ti ā yoa ɸahñochɸ waro cɸāri copapɸ jiro ñariro nɸcɸ macariro wijaarohca. Ā wijaaro Cohamacɸ yare yahuina mehne cahmachenhca. Ā cahmacheno tua yɸhdɸɸcaro tinare wajānohca. ⁸ To ā wajāri baharo ti ɸjacɸri cjiri ɸjiri maca macari mahapɸ coāahca. Yahuina ɸɸtorore ti cjā puha wajāri maca jira tɸi maca. Tɸi maca macaina ñaina jia Sodoma macaina, Egipto macaina yoaro sehta jia, tɸi ɸjare Sodoma, Egipto cɸhɸ wama tirohca tɸi maca mari piti dahre buhechɸ. ⁹ Ā coāa tia nɸmɸ noano coāa, ɸa nɸmɸ dacho macai ti ɸjacɸri tɸi mahai coāahca. Ā jia jipihtia yahpari macaina, jipihtia curuari macaina, jipihtia dɸseri durucuina tópe nɸmɸri waro ti ɸjacɸri ñɸrucuahca. Ā ñɸrucua tópe nɸmɸri waro ti ɸjacɸri ya dutisi. ¹⁰ Ti ā yariarina jichɸ ñɸa ahri yahpa macaina wahcheahca. Ā wahchea bose nɸmɸre yoaa, ti basi paye barore ā wanocaahca. Tina ɸɸaro Cohamacɸ yare yahuina masare ñano yɸhdɸchɸ yoarina jiri jire. Ā jia ti ā yariachɸ ñɸa wahche yɸhdɸahca ahri yahpa macaina. ¹¹ Ā jiro tia nɸmɸ baharoi ɸa nɸmɸ dacho macai Cohamacɸ ti ɸjacɸri masonohca. To ā masochɸ tina pari turi wahcārɸcɸ sɸahca. Tɸi ā wahcārɸcɸ sɸchɸ ñɸa jipihtina cui yɸhdɸahca tinare. ¹² Baharo tina ɸɸaro mɸanopɸ tuaro durucuro coa tachɸ tɸhoahca. Ō sehe ninohca tinare:

—Ōɸɸ mɸja taga mɸsa —nino coa tarohca.

To ā nichɸ tɸhoa me curua watoj mɸjaa wahaahca. Tɸi yabirina cjiri ti

mujachu ñuaha. ¹³ Ti ã mujachuta yahpa tuaro ñuhminohca. To ã ñuhmichu tí maca macaa wuhuse décima parte bora wahaahca. Æ jia yahpa ñuhmino mehne siete mil masa yariaa wahaahca. Paina duhsaina sehe cuaa waha, Cohamacure muanano macarirore “Tuariro jira”, ni ño payoahca tirore.

¹⁴ Ahri jipihtia ti ã wahari baharo pua taha masa ñano yuhdu tuhsaina jiahca. Ti ã yuhdari baharocãta pari turi dóihta masa ñano yuhduahca tjoa.

Seis cornetarire ti putiri baharo paio putiha

¹⁵ Baharo seis cornetarire ti putiri baharo paio anjo to yariare putihre. To ã putichu muanopu tuaro durucua coa tahre. Õ sehe nia coa tahre:

“Mipu Cohamacu Cristo mehne ahri yahpa macaina bui puhtoahca.

Æ jia jipihtina bui puhtoahca ã jirucuaahca”,

nia coa tahre. ¹⁶ Æ yoa Cohamacu panoi puhtoahca dujiaru dujiina veinticuatro Jesu yaina puhtoahca Cohamacu panoi caha su, tirore ño payohre. ¹⁷ Æ ño payoa õ sehe nihre:

“Sã puhtoro Cohamacu, tua yuhduariro jira mahu.

Muhu panopu ã jirucua tiri jire.

Mipu cãhure ã jirucura mahu.

Mu tuaa mehne masa ti puhtoro mu jirucachu ‘Noana’, nija mahure.

¹⁸ Jipihtina ahri yahpa macaina mahure cahmaeraina mahu mehne suamare.

Mipure tinare mu buhiri dahrehti pja jira.

Yariaina cãhure mu buhiri dahrehti pja jira.

Æ jiro mu yaina sehere noaare ti yoari wapare mu wahti pja jira.

Cãina tina mahure dahra cohtaina mu yare yahu mahtaina jira.

Æ yoa tina, paina mu yaina mehne jipihtina mahure ño payoia jira.

Æ jicu puhtoahca, wiho jiina cãhure mu yaina ti jiri wapa noano yoai-hca mahu.

Æ jiro ahri yahpa macainare do-jomehne cohtainare mu cohãhti pja jira mipure”, ni ño payohre puhtoahca Cohamacure.

¹⁹ Ti ã yoari baharo muanano macari wuhu Cohamacu ya wuhu to pjõori wuhu jihre. Æ jina tí wuhai jiri carore ñuhi sã. Tí caro puhichapu Cohamacu masare to dutiare joa õa pjini tãa pjini sãahre. Sã ã ñuchuta orocasite mu, wupo pja mu, soro jiro bisi mu, yahpa ñuhmi mu, co poca yusa poca muanopu payu bora tahre.

12

Numinore pinono cãhure yahuha Joã

¹ Baharo ahri yahpa to dohse wahahtore muanopu ñohre. To ã ñori wiho waro jierara. Õ sehe ñu mahtahi: Muanopu numinore ñuhi. Ticoro to suhtiro sã dacho macariro yoaro sehe si sitehre. Sã ñami macariro bui ducuhre. Puhtoro to pisari soro barore doce ñahpichoha poca cuari sorore pisaricoro ducuhre. ² Æ ducuro mahãnocã duhsahre to pohna tihto. Æ jiro ticoro sañurucuhre. ³ Baharo pari turi ñuhi muanopu: Pjiriro pinonore sohãrrore ñuhi. Siete dapu poca tiriro jihre. Jipihtia to dapu poca puhtoahca ti pisaa sorori barore pisaa dapupoca jihre. Æ jiro diez sahari tiriro jihre tiro. ⁴ To pichõno mehne ñahpichoha pocare wahba siteroca borohre. Jipihtia ñahpichohare dacho macabo cureroi wahba siteroca borohre. Æ jiro numino pohna tihticoro panoi ducuhre pinono. To macãnocã to bajuachu chero taro nimahre. ⁵ Baharocãta cãa tuhsahre wihãrirocãre. Jipihtia yahpari macaina ti puhtoro cjihto jihre tirocã. To ã puhtoro tuariro jichu, masa tirore yuhduca cãno pjasi. To ã masa bajuachuta Cohamacu to dujiro cahapu tirocãre naa wahcãa wahahre. ⁶ To ã yoachu numino sehe masa marienopu duhti wahcãa wahahre. Cohamacu to cahnoyuriropu duhti wahcãhre ticoro. Tôpore mil

doscientos sesenta dachori waro Cohamacu ticorore ñu wihborohca.

⁷ Wahmanore manopu cahma wajã ducaa tiri jire. Miguel wama tiriro anjo to yaina anjoa cãhu pinono mehne cahmachea tiri jire. Ti ã cahmachehu pinono to yaina anjoa mehne Miguere cahmachea tiri jire. ⁸ ã yoa Miguel cãhu pinonore yuhducaaa tiri jire. ã jiro pinono yaina anjoa cãhure manopu ji namo dutiera tiri jire. ⁹ ã jiro pjiriro pinonore cohãnooca tiri jire Cohamacu. Tiro pinono watĩnota jiro nina. Satana wama tiriro jira. Panopu tiro pinono pjacu tiriro jia tiri jire. Tiro jipihtiro yahpa macainare mahñoriro jira. Tirore to yaina anjoa mehne manopu jirirore yahpapu cohã boroa tiri jire.

¹⁰ Baharo manopu sañurucuro coa tachu tãhohi:

—Mipure Cohamacu masare yuhduchu yoahre juna. Mipu pinihtare Cohamacu mari puhtoro jiro tahre to tuaare ñono taro. To warocariro Cristo cãhu to puhtoro jiare to tuaare ñohre jipihtinare. Watĩnore manopu jirirore yahpapu cohã borohre. ã cohã bororo to tuaare ñohre Cohamacu. Tiro watĩno sehe dachoripe, ñaminipe Jesu yainare “Ahrina ñaina jira”, ni yahusãno niri jire Cohacure. ã jiro mari coyeare Jesu yainare yahusãriro jiri jire. ¹¹ Cristo Cordero wama tiriro to di cohãri mehne mari coyea Jesu yaina tirore wacũ tuaina ti ñaa yoari buhirire cohãre tiro. ã wacũ tuaina jia watĩnore yuhducaare. ã yoa Cohamacu yare yahua, watĩnore yuhducaare. To yare ti yahuri buhiri paina tinare ti wajã duapachata, tina cuieraa, Cristo yare duhuerare.

¹² ã jina musa mano macaina wahchega. Watĩnore yahpapu to cohã borochu ñana wahchega. Wiho mejeta ahri yahpa macaina, pjiri ma macaina cãhu pjacuoina wahanahca musa sehe. Ahri yahpapu tirore to cohã borori baharo musa cahapu jira watĩno. Tirore to buhiri dahrehto

mahanocã duhsara. ã jiro sua yuhduara tiro. Musa cahapu saro, pjacuoina musare tjuachu yoarohca tiro —ni sañurucuro coa tachu tãhohi.

¹³ Pinonore yahpapu to cohã borochu ñano, pinono sehe numinore, wihãrirocã pocorore nãnu ti wahcãhre. ¹⁴ ã jiro ticorore pjiriro cja to wãa dupurire wahre Cohamacu, masa marienopu to wã duhti wahcãhto sehe. Tõpu to sari baharo tia cãhma noano pa cãhma dacho maca waroi ticorore ñu wihbohre Cohamacu. To ã ñu wihbochu pinono ticorore ñano yoa masierare.

¹⁵ Tõi to jichu ñano pinono pjiro core cho cohãhre ticorore muroca burochu yoaro taro. ¹⁶ To ã yoachu yahpa sehe ticorore yoadohohre. Pinono to duseroi wijaa core yahpa sehe wihmi na pahñonocahre. ¹⁷ To ã wahachu ñano pinono sua yuhduahre. ã suaro cãina ticoro panamana ji turina mehne cahmacheno wahahre pinono. Tina sehe Cohamacu dutiare yoaina jia, Jesu ya buheare noaa buheare ne duhueraina jihre. ¹⁸ ã yoa pinono pjiri ma duhtu cahai ducuhre.

13

Puaro nucu macainare yahuha Joã

¹ ã yoa nucu macarirore tí mai jirirore to wahcã wihichu ñahi. Tiro sehe siete dapu poca, diez sahari tiriro jihre. To sahari puhtoa ti pisaa sorori barore pisahre. To dapu pocare to wamare joa õri dapu poca jihre. Tí wama to ñari wama jichu ñu yabira Cohamacu. ² Tiro nucu macariro yairo dohroriro yoaro sehe bajuhre. ã jiro oso yoaro sehe dahpori tiriro jihre. Yairo sohãriro pjiriro wãru yoaro sehe dusero tiriro jihre. ã yoa pinono sehe to tuaare wahre nucu macarirore. ã waro tirore to puhtoro dujiroi cũno, tiro yoaro sehe payu masare dutichu yoahre pinono nucu macarirore. ³ Cã dapu nucu macariro dapu ti wajãmariro dapu yoaro sehe bajuhre. To ã bajupachata to camino sehe

yatia wahahre. Tí dapu to catichu ñua, cuaa wahahre jipihtina ahri yahpa macaina. Ñ cuaa, nucu macarirore ño payohre. Ñ jia tiro mehne macaina wahahre masa. ⁴ Ñ yoa nucu macarirore pinono to tuaare to wachu ñua masa sehe tirore pinonore na tuhcuca caha su, ño payohre. Ñ jia nucu macarirore cãhure na tuhcuca caha su, tirore ño payohre. Ñ ño payoa ò sehe nihre:

—Ne paio m u yoaro sehe tuariro mariahna. Pairo mahure ne yãhduruca masierara —ni ño payohre masa nucu macarirore.

⁵ Ñ yoa tiro nucu macariro “Tua yãhdurucariro jija”, to nipachuta Cohamacure to ñano durucupachuta ã tãhotunocasinihre Cohamacu sehe. Ñ jiro cuarenta y dos sãri waro tiro nucu macariro masare dutisinimahre. Tó purota to pãhtoro jihtore cãre Cohamacu. ⁶ Ñ jiro tiro Cohamacure ñano durucuhre. To wamare, to wãhure, muanopu to jiro macaina cãhure ñano durucuhre nucu macariro. ⁷ Ñ yoaro Cohamacu yainare cahma wajãno tinare yãhdurucahre. To ã yoa-pachuta ã ñnocasinihre Cohamacu. Cohamacu to ã yoa dutierachu yoaer-
 aboa. Ñ jiro jipihtina ahri yahpa macaina bui pãhtoro sãasinimahre nucu macariro. Jipihtina yahpari macaina bui, macari macaina bui, jipihtia duseri durucuina bui pãhtoro sãasinimahre tiro. ⁸ Ñ jia jipihtina ahri yahpa macaina tiro nucu macariro panoi na tuhcuca caha su tirore ño payohre. Ahri yahpare Cohamacu to bajuamehnehto pano to yaina cjihtire ã jirucuhtinare ti wamare joa ò tuhsua tiri jire. Tí tju to ã joa òri tju Cordero ti wajãriro ya tju jira. Tí tju ti wamare joa òrainã dihta nucu macarirore ño payohre.

⁹ Cahmori tiina jira msa. Ñ jina tuhoga. ¹⁰ Jipihtina Cohamacu yaina peresu wahahtina, baharo peresu wahaahca. Jipihtina tina ñosari pjĩ mehne ti ñosa wajãahtina,

baharo tí pjĩ mehne yariaahca. Tíre masina mari Cohamacu yaina ñano yãhdurupanahta tirore cohãena tjijihna. Ñ yoa tirore wacũ tuarucujihna.

¹¹ Baharo paio nucu macarirore ñhi tjoa. Yahpa puhichapu jiro to wijaachu ñhi. Pua sahãro oveja sahãri yoaro sehe bajua sahãri sahãri tirore jihre. Ñ yoa pinono yoaro sehe durucuhre. ¹² Ñ jiro nucu macariro ji mãhtariro sehe baharo jiro sehere pãhtoro sãhre. To ã pãhtoro sãriro sehe jipihtia yahpari macainare ji mãhtarirore ño payochu yoahre. Ji mãhtariro nucu macariro ti wajãmariro camino yatirore jihre. ¹³ Ñ yoa baharo jiro nucu macariro bajuamehneare yoahre masa ti ñu cuahito sehe. Ñ yoaro masa ti ñurocaroi pichaca pjiri pichaca muanopu bora tachu yoahre. ¹⁴ Ñ yoa ji mãhtariro to ñurocaroi paio nucu macariro sehe bajuamehnea mehne masare mahãohre “Ahriro msa ño payohtiro jira”, nino. Tiro masare mahãono, ji mãhtariro masare masare yoa dutihre tirore ti ño payohto sehe. Tiro ji mãhtariro ñosari pjĩ mehne ti ñosariro jiparota catirore jihre. Tiro yoaro sehe bajuri masareta yoa dutihre paio nucu macariro masare. ¹⁵ Ñ yoa baharo jiro nucu macariro sehe ji mãhtariro masare catichu yoahre masare to dutihtu sehe. Ñ jiro tí masare ño payoerainare wajã dutihre masare masu sehe. ¹⁶ Ñ yoaro jipihtinare ti wamomacari potu bũhãsehei ti wãhdã poca cãhure joa ò dutihre nucu macariro baharo jiro. Wiho jĩinare, pãhtoare, pache pãare, pjacũoinare, dahra cohtainare, dahra cohtaina jierainare, jipihtinare ti wamomacarine ti wãhdã poca cãhure joa ò dutihre. ¹⁷ Tiro ji mãhtariro nucu macariro to wamare, to nũmerore joa òrainare ne nuchu dutierare. Tuhsu, tinare dua dutierare. ¹⁸ Tíre noano wacũ masiga msa. Tũho masiina jina nucu macariro to nũmerore noano

ñu masiga. Tí número muno wama yoaro sehe jira. Tí número seis cientos sesenta y seis jira.

14

Cohamacu to yuhduchu yoaina cānota wahma basaare basaha

¹ Baharo Siō wama tidu tūcu bui ducuritore Corderore ñuhi. Tiro mehne ciento cuarenta y cuatro mil masa jihre. Tina to ya wamare to Pucuro ya wama cāhure ti wuhduca pocare ti joa ōrina jihre. ² Tinare yu ñuchuta manopu durucuro coa tahre. Pjiri poaye to bisiro seheta wupo pjiro to bisiro seheta bisiro coa tahre to durucua. Ñ yoa arpa wama tiare ti buaputēno seheta bisiro coa tahre to durucua. ³ Tói puhtoro to dujiro cahai pititiaro soro bajuina, Jesu yaina puhto cāhu paina jihre. Ñ jia tina panoi ciento cuarenta y cuatro mil masa ducuhre. Tói ducua cānota wahma basaare basaa nihre. Tí basaare tina dihta masihre. Ahri yahpai jiina ciento cuarenta y cuatro mil Cristo to yuhduchu yoaina dihta tí basaare masihre. ⁴ Ne tina cū tahacā numino mehne ñano yoaerare. Ñ yoa Corderore ñu cūina jia, to yare ñ yoarucuina jihre. Ñ jiro tinare ñaina mehne jīinare to yuhduchu yoahtinare naahre Cohamacu sehe. Ñ to yuhduchu yoarina jia, Cohamacu yaina cjihti, Cordero yaina cjihti cāhu ji mahtaina jihre. ⁵ Tina mehne macaina ne cūiro mahñoriro mari-ahna. Ñ jia Cohamacu to tūhotuchū ñaa buhiri marieina jihre tina.

Tiaro anjoa yahuroca boroha

⁶ Baharo manopu wūrirore anjore ñuhi. Tiro ahri yahpa macainare jipihtia curuari macainare, jipihtia dūseri durucuinare, jipihtia yahpari macainare noaa buheare yahuhtiro jihre. Tí buhea ne cohtotaeraa, ñ jirucura. ⁷ Ñ jiro anjo sañurucuro ō sehe niroca borohre:

—Cohamacure cui, ño payoga. “Tua yuhduariro, noa yuhduariro jira”, niga tirore. Mipure tiro masare to buhiri dahrehti pja jiro nina. Tiro

manore, yahpare, pjiri mare, mári pohtari cāhure yoariro jira. Ñ jina tirore na tuhcuca caha su, wahche payoga —ni sañurucuhre anjo.

⁸ To ñ niri baharo paio anjo manopu wūriro ō sehe niroca borohre:

—Tinare cohānocahre. Pjiri maca Babilonia wama tiri maca macainare cohānocahre Cohamacu. Tina to cohārina sehe jipihtina painare ñano yoachu yoare. Masa tinare ñu cūa ñaare goa pja, tíre yoare. Cahaina vinore ti tuaro goa pjaro seheta tina ñaare tuaro goa pjare Babilonia macainare ñu cūa —ni yahuroca borohre paio anjo.

⁹⁻¹⁰ Tina puaro anjoa ti ñ niri baharo paio anjo ti baharo wūriro ō sehe tuaro niroca borohre:

—Jipihtina nucū macarirore ño payoinare, to masure ño payoinare, ti wuhduca pocare, ti wamomacarine to wamare joa ōrina cāhure buhiri dahrerohca Cohamacu. Tina mehne suaro, tina pinine tuaro waro buhiri dahrerucurohca Cohamacu. Nucū macarirore ño payoina jipihtina pichacaru wahaahca. Tōpu tuaro purīnohca tinare pichaca mehne, azufre wama tia mehne ti wijāri pichaca mehne. Noaina anjoa, Cordero cāhu ti ñurocaroi ñano yuhduahca tina. ¹¹ Tí pichaca ñ me tirucurohca. Ne yatisi. Tinare ñ purīrucuchū yoara. Jipihtina nucū macarirore na tuhcuca caha su ño payoinare ñ purīrucurohca. Dachoripe, ñaminipe ñ purīrucunocanohca. To masure ño payoina, to wamare ti joarina cāhu tó seheta ñano yuhduahca —niroca borohre anjo.

¹² Ti ñ ñano yuhduchu ñuna Cohamacu yaina to dutiare yoaina, Jesure cohāeraina jina, to yare duhuena tjiga. Ñano yuhdupanahta Cohamacu yare cohāena tjiga.

¹³ Baharo manopu yuhure durucuro coa tachū tūhohi. Ō sehe nihre yuhure:

—Ahrire joaga mūhu. Cohamacu yaina tirore cohāeraina jina mipure masa yariari baharopu cāhure

wahcheina jira m̄usa —niroca borohre yah̄ure.

To ã niri baharo Esp̄ritu Santo sehe ò sehe ni namohre tjoa:

—Ã tjira. Potocã tjira. Tina tuaro ti dahraare duhu, soahca. M̄uanop̄u ti wahach̄u noano ti yoarire wacũnohca Cohamac̄u. ã yoa ti ã yoari wapa tinare noano yoarohca. ã jia tina wahcheina jira —ni namohre Esp̄ritu Santo.

Wese macaa toaa dichare mari bese nano seheta Cohamac̄u to yainare bese nanohca. Ñaina sehere soro bese daporohca

¹⁴ Baharo me curua yehseri curuare ñ̄hi. Tí curua bui mas̄ano yoaro sehe bajuriro dujihre. Tiro uru soro p̄h̄toro to pisari soro barore pisahre. ã yoa yoari p̄j̄i siori p̄j̄ine cj̄ahre tiro. ¹⁵ Baharo paio anjo Cohamac̄u w̄h̄u jiriro wijaa tahre. ã wijaa taro tuaro sañurucuhre me curua bui dujirirore:

—M̄u yoari p̄j̄i mehne wese macaa dichare ahri yahpa macaa dichare d̄ate naa pah̄noga. Mip̄ure to quih̄ori p̄ja s̄ara. Mip̄u dicha sehe soh̄a tuhs̄ure —nihre anjo.

¹⁶ To ã nich̄u t̄horo to yoari p̄j̄i mehne ahri yahpa macaa dichare naa d̄cah̄re me curua bui dujiriro.

¹⁷ Baharo paio anjo c̄h̄u m̄ano macari w̄h̄u Cohamac̄u w̄h̄u jiriro wijaa tahre. Tiro c̄h̄u yoari p̄j̄i siori p̄j̄ine cj̄ahre. ¹⁸ ã yoa paio anjo altar cahap̄u jiriro wijaa tahre. Tiro sehe altar macari pichacare ñ̄u wihboriro jihre. ã wijaa taro yoari p̄j̄i siori p̄j̄ine cj̄ariroro ò sehe ni sañurucuhre:

—M̄u yoari p̄j̄i mehne ahri yahpai jiri wese, se wese macaa dichare naaga. Se sehe ñ̄i tuhs̄ure —ni sañurucuhre.

¹⁹ To ã nich̄u t̄horo anjo to yoari p̄j̄i mehne ahri yahpa macaa se t̄horine yihso nahre. To ã yoari baharo tí t̄horine se t̄horine to t̄u tih̄ahto coh̄ahre. To ã coh̄ariro seheta Cohamac̄u tire cahmaerainare tuaro suaro, coh̄anohca. ²⁰ Tí maca d̄h̄tu cahai ti t̄u tih̄ahto tí se t̄horine t̄u

tih̄ahre. Tóti ti t̄u tih̄ach̄u di wijaahre. Di ma yoaro sehe jihre tí di. Tres cientos kilómetros yoari ma, c̄u metro noano pa metro dacho macai c̄uãri ma jihre.

15

Masa ti ñ̄ano ȳh̄d̄h̄tore anjoa c̄u batoaha masare

¹ Baharo m̄uanop̄u soro jirore ñ̄hi. Tíre ñ̄ua masa c̄uaa wahaca. Ahri yahpap̄ure to dohse wahahtore marine ñ̄ohre. ã jiro tí wiho waro jia nierara. Ò sehe ñ̄hi: Siete anjoa jihre. Cohamac̄u suaro, siete tahari masare buhiri dahre batoaro taro nihre. ã jia tina siete anjoa sehe buhiri dahre dutiro to c̄uhtina jihre.

² Anjoare ȳh̄ ñ̄ari baharo pjiri mare noano co sitiri ma yoaro sehe jiri mare ñ̄hi. Tí ma pichaca mehne jiri ma jihre. ã yoa n̄c̄u macariroro to mas̄u c̄h̄ure ȳh̄d̄h̄cainare ñ̄hi. Tina to wamare to n̄merore cj̄aeraina jihre. Tina ȳh̄ ñ̄ch̄u pjiri ma co sitiri ma d̄h̄tu cahai ducuhre. Tóti ducuína arpa wama tiare b̄ap̄t̄eare cj̄ahre. Tí b̄ap̄t̄e Cohamac̄u to wari jihre. ³ ã jia Cohamac̄ure dahra cohtariro Moise c̄j̄iro ya basaare c̄n̄ota basaa nihre tina. Cordero ya basaa c̄h̄ure basaa nihre. Ò sehe ni basahre:

“Sã p̄h̄toro m̄h̄u Cohamac̄u tua ȳh̄d̄ariro jira.

M̄u yoirire ñ̄una ñ̄u c̄uaa wahaja sã.

M̄u yoari noa ȳh̄d̄ara.

M̄h̄u jipihtia yahpari macaina bui p̄h̄toro jira.

Noano mah̄ono marieno, quih̄ono yoarucura m̄h̄u.

⁴ Jipihtina m̄h̄ure wahche payoahca. Jipihtina m̄h̄ure ‘Tuariro jira’, ni-ahca.

M̄h̄u dihta ñ̄aa marieriro jira.

Jipihtia yahpari macaina m̄u cahap̄u s̄ua, na tuhcuca caha s̄u, m̄h̄ure wahche payoahca.

ãta yoaahca tina jipihtina noano m̄u yoirire ñ̄ua”, ni basaa nihre tina.

⁵ Baharo muanopu ñuroca mucu, Cohamacu wuhure pjõori wuhure ñuhi. Tóí Cohamacu to ya tahtia waroi to dutia to joaa pjĩni tãa pjĩni ti wihbori pjĩni jihre. ⁶ Tí wuhure yu ñuchuta siete anjoa tí wuhu puhichapu jirina wijaa tahre. Tina Cohamacu to buhiri dahre dutiro to cũtina jihre. Tinape ti buhiri dahrehtire cjuhre tina siete anjoa. Noaa suhti, wete maria suhti, si sitea suhti tiina jihre. ã jia ti cutiro bui uru cahsaro mehne tãã dihorina jihre. ⁷ Tí wuhupu jirina ti wijaa tachu pititiaro soro bajuina mehne macariro tinare siete anjoare siete uru wahwarire wahre. Tí wahwari Cohamacu suaa to buhiri dahrehti mehne noano wahpaa wahwari jihre tí wahwari. Tiro Cohamacu ã jirucuriro jira. ⁸ To ã wachu Cohamacu wuhu puhichapu to si sitea mehne to tuaa mehne me ti sahsea wahahre. To ã me wuhu wahachu ne masa tí wuhure sãa masierare. Siete anjoare Cohamacu buhiri dahre dutiro to cũriro seheta masare ti buhiri dahre batoari baharo pari turi tí wuhupu sãa masina tjoa. To buhiri dahrehto pano sãa masierare.

16

Cohamacu masare to buhiri dahrehtore yahuha

¹ Baharo Cohamacu wuhui tuaro durucuro coa tahre. Siete anjoare yahuro nihre:

—Siete wahwarihi posa tiare yahpapu pio siteroca borona wahaga. Yahpa macainare Cohamacu to niriro seheta buhiri dahresiniga mipure — ni durucuro coa tahre.

² To ã nino coa tachu tuhoro ji muhtariro anjo to cjuari wahwai posa tiare yahpapu pio siteroca borohre. To ã pio sitechu nucu macariro wamare joa õrina, to masare ño payoina ñano camí tihre. Tí camí tuaro purĩhre tinare.

³ To ã pio siteri baharo paio anjo tjoa to cjuari wahwai posa tiare pio siteroca borohre tjoa pjiri mapu. To ã pio sitechuta tí ma dí ma wahahre.

Yariariro di yoaro sehe jihre tí di. ã wahachu tí ma puhichapu jiina yaria pihtia wahahre.

⁴ Puharo ti ã pio siteri baharo paio anjo tjoa to cjuari wahwai posa tiare pio siteroca borohre tjoa máripu, tí mári pohtaripu cũhure. To ã pio sitechu mári di mári dihta wahahre. ⁵ To ã wahachu ñuno paio anjo márire cohtariro õ sehe nihre:

—Cohamacu muhu ñaa marieriro jira. Mipu cũhure ã jirucuriro jira muhu. Panopu cũhure ã jirucua tíre muhu. ã jicu masa ti ñano yoachu ñucu quihõno tinare buhiri dahrehe muhu. Di márine yoacu noano yoahre muhu. ⁶ Nucu macariro yaina sehe mu yainare wajãa, di cohãchu yoahre. Mu yare yahuina cũhure wajãa, di cohãchu yoahre. Ti ã wajãri buhiri mári di mári wahahre. ã yoa tinare dire mu ã sihnichu yoachu noa nina. Õ seheta mu yoachu cahmahre tina — nihre márine cohtariro anjo.

⁷ To ã niri baharo altarpu durucuro coa tahre:

—ã tjira. Cohamacu sã puhtoro tua yuhduariro jira muhu. Mahõno marieno, quihõno masare bese, buhiri dahrera muhu —ni durucuro coa tahre.

⁸ Tiaro anjoa ti pio siteri baharo paio anjo to cjuari wahwai posa tiare pio siteroca borohre tjoa sũ dacho macariro bui. To ã pio sitechuta sũre masare tuaro sichu yoahre Cohamacu. ⁹ ã jiro sũ dacho macariro masare tuaro sihre. ã jia Cohamacu tinare to buhiri dahre dutichu masia, tirore ñano durucuhre masa. ã ñano yuhdupahta Cohamacure maca duaerare. Cohamacure “Tuariro jira”, ni wahche payo duaerare.

¹⁰ Pititiaro anjoa ti pio siteri baharo paio anjo tjoa to cjuari wahwai posa tiare pio siteroca borohre tjoa nucu macariro to dujiro bui. Puhtoro dujiro jihre to dujiro. To ã pio siteri baharo nucu macariro to yaina ti jiri yahpapu nahitiano wahahre. ã jia to yaina masa ñano purĩchu bahca dihohe. ¹¹ Tinare

ñano purĩpachuta, ñano cami tipahta, ne ti ñaa yoarire cahyaerare. Ñ yoa tíre duhuerare. Ñ jia Cohamacu tinare to cami dahrechũ masia tirore mũano macarirore ñano durucuhre.

¹² Cũ wamomaca pihtiina anjoa ti pio siteri baharo paio anjo tjoa to cjuari wahwai posa tiare pio siteroca borohre tjoa Eufrates wama tiri ma pjiri mapũ. To ã pio sitechuta tí ma sihbi cahaa wahahre. Sũ mũa taro macaina pũtoa ti yaina masa mehne tí máre ti pahã tahto sehe ã yoahre.

¹³ Baharo tiaro watĩare taharo bũcũna yoaro sehe bajuinare ñũhi. Cũiro pinono puhichapũ jiro to dũseropũ wijaa tahre. Pairo watĩno nũcũ macariro dũseropũ wijaa tahre. Pairo watĩno “Cohamacũ yare yahuriro jija”, ni mahñoriro dũseropũ wijaa tahre. ¹⁴ Tina tiaro watĩa bajuamehneare yoaina jihre. Jipihtiro macaina pũtoare cahmachuchũ yoahre tina cahma wajã dutia taa. Ti ã cahma wajãhti dacho Cohamacũ tua yũhdũariro jipihtinare to dutihti dacho, pihtihti dacho jira. ¹⁵ Õ sehe nihre Jesu: “Ñũga mũsa. Yacariro wacũenoca to yacaro taro seheta yũhũ cũhũ wacũenoca taihtja. Yũ tahtore noano cohtariro wahcheriro jirohca. To yare noano cahnoriro, to suhti sãariro jira wahcheriro. Ñ yoariro jiro yũ tachũ bũo tisi tiro suhti marieriro yoaro sehe jieraro”, nihre Jesu. ¹⁶ Baharo tiaro watĩa yahpari macaina bui pũtoare cahmachuchũ yoahre tinare. Ti cahmachuno Hebreo ya dũsero mehne “Armagedon” wama tihre.

¹⁷ Seis anjoa ti pio siteri baharo paio anjo tjoa to cjuari wahwai posa tiare me curuari cahapũ pio siteroca borohre tjoa. To ã pio siteri baharo pũthoro dujiropũ Cohamacũ wũhũi jiri dujiropũ tuaro durucuro coa tahre:

—Tó puro tjica —nino coa tahre.

¹⁸ To ã nichuta orocasite mũa, wũpo pja mũa, soro jiro bisi mũa, cuaro yahpa ñuhmihre. Ahri yahpai masa ti ji dũcari baharo ne tó sehe ñaca

yahpa ñuhmiera tihre. Paye ñuhmia yũdoro cuaro yahpa ñuhmihre. ¹⁹ Ñ to ñuhmichũ pjiri macare tia maha yihti mũaa wahahre. Ñ jia bũjũa macari ahri yahpai jia macari boraa wahahre. Ñ jiro Babilonia wama tiri maca pjiri maca macainare wacũhre Cohamacũ tinare buhiri dahrero taro. Ti ñaare yoari buhiri tina mehne tuaro suahre. Ñ suaro tinare tuaro buhiri dahrehre. ²⁰ To ã yoachũ jipihtia nũcopo, tãyucũ cũhũ cohõ pihtia wahahre. Ñ jia ne mariahre. ²¹ Ñ yoa bũjũa poca co poca yũsũa poca yahparũ masa bui bora tahre. Jipihtia poca co poca cuarenta kilos nũcũa poca jihre. Tina bui ti ã bora tachũ Cohamacũ masare to tuaro buhiri dahrechũ masia ñano durucuhre masa Cohamacũre.

17

Mũa mehne ñano yoarucuricorore ñabiario yoaricorore buhiri dahre dutirohca

¹ Baharo siete wahwarire cjuaina anjoa mehne macariro yũ cahapũ wihiro ò sehe nihre yũhũre:

—Ñũi taga. Payũ mári bui dujiricorore mũa mehne ñano yoarucuricorore ñabiario yoaricorore Cohamacũ to buhiri dahrehtore ñũihca mũhũ. ² Ahri yahpa macaina pũtoa ticoro mehne ti ñano yoaboro seheta ticoro yoaro seheta yoare tina. Cohamacũ ya sehere cahmaerare. Ahri yahpa macainare to cahachũ yoaboro seheta tina mehne to ñano yoaboro seheta ticoro masare ñaare goa pjachũ yoare. Ñ yoaro ñaare yoachũ yoare masare —ni yahuhre anjo yũhũre.

³ To ã niri baharo Espiritu Santo sehe to bajuamehneare yũhũre ñohre. Anjo sehe masa marienopũ naahre yũhũre. Tóí numinore ñũhi. Ticoro nũcũ macariro sohãriro bui pisaricoro jihre. Nũcũ macariro sehe to pjacũi payũ wama ti joa õriro jihre. Tí wama ñaa wama Cohamacũ to ñũ yabia wama jihre. Ñ yoa siete dapu poca tiri, diez sahari tiriro jihre

nꝛꝛ macariro. ⁴ Tuhsꝛ, numino sehe noano yahsaa suhti pꝛhtoa ti sãa suhti sehe jiare sãaricoro jihre. Sohãa suhti cãhꝛe sãaricoro jihre. Payꝛ urure, wapa tia tãare, perla yapari cãhꝛe õa suhtire sãaricoro jihre ticoro. Uru wahware cꝛmahre ticoro. Tí wahwai posa tia ñaa to yoari jihre. Mꝛa mehne ñano yoaro pꝛjro ñano yoahre ticoro. Tí ñaare ñꝛ yabira Cohamacꝛ. ⁵ To wꝛhdꝛai to wama ti joa õricoro jihre. Tí wamare noano masieraja mari. Tí wama piti dahre buheri wama jira. Ahri jira tí wama: “Pꝛjri maca Babilonia wama tiri maca jira. Jipihtia ñaa yoaare goa pjaare yoa dꝛcaricoro, Cohamacꝛe cahmaerachꝛ yoaricoro jira” ni, to wꝛhdꝛai ti joa õricoro jihre. ⁶ Æ jicꝛ ticoro payꝛ Cohamacꝛ yainare wajãricoro to jichꝛ masihi. Cahaare to wahchero seheta tinare wajãno ti di cohãchꝛ wahchehre ticoro. Jesu yare ti yahuri buhiri ticoro wajãhre tinare. Ticorore ñꝛꝛ, ñꝛ cꝛaa wahahi.

⁷ —¿Dohseacu mꝛhꝛ ñꝛ cꝛaa waharide? —nihre anjo yãhꝛe—. Mꝛ masierarire mꝛhꝛe yahuihtja. Numinore mꝛhꝛe yahuihtja. To pisariro cãhꝛe yahuihtja. Tiro nꝛꝛ macariro, siete dapu poca tiriro, diez sahari tiriro jihre. ⁸ Tiro panopꝛ jiriro jire. Mipꝛe mariahna tiro. Baharo tiro cꝛãri copapꝛ jiriro wijaa tarohca. To ã wijaa tari baharo pichacapꝛ waharohca. Ahri yahpa macaina tirore ñꝛ cꝛa, ño payore tirore. Ahri yahpa to jihto pano Cohamacꝛ to yaina cꝛihtire ã jirucuhntinare ti wamare joa õa tiri jire. To joa õeraina jire nꝛꝛ macarirore ño payoina. Tiro sehe panopꝛ jia tiri jire. Mipꝛ sehere mariahna. Baharo pari turi bajuarohca tjoa. Æ jia to bajuachꝛ ñꝛa masa tirore ñꝛ cꝛaa wahahca.

⁹ Mipꝛe yꝛ yahuitire masi duana, noano tãhonahca mꝛsa. Æ yoana noano masiina jiga. Nꝛꝛ macariro dapu poca siete dapu poca siete tãyucꝛ jira, mari piti dahre buhechꝛ. Tí tãyucꝛ bui pisara ticoro mꝛa

mehne ñano yoarucuricoro. Tí dapu poca siete pꝛhtoa yoaro sehe jira, mari piti dahre buhechꝛ. Payꝛ masa bui pꝛhtoa jira. ¹⁰ Cinco pꝛhtoare cohã tuhsꝛe. Pairo tina baharo jiriro pꝛhtoro jira mipꝛe. Pairo sehe baharo pꝛhtoro sãanohca. Æ sãano mahanocã pꝛhtoro jirohca tiro. ¹¹ Æ jiro nꝛꝛ macariro panopꝛ jipꝛ mꝛhtariro, mipꝛ marieriro tina siete pꝛhtoa baharo pꝛhtoro jirohca. Siete pꝛhtoa mehne macariro jira. Baharo pichacapꝛ waharohca.

¹² Nꝛꝛ macariro sahari diez sahari diez pꝛhtoa yoaro sehe jira mari piti dahre buhechꝛ. Payꝛ masa bui pꝛhtoa jira. Tina pꝛhtoa sãaerasinihre. Baharopꝛ pꝛhtoa sãa mahanocã pꝛhtoa jiahca. Yoari pja jipꝛ dutisi tinare. Æ pꝛhtoa jia nꝛꝛ macariro mehne pꝛhtoa jiahca. ¹³ Tina diez pꝛhtoa cãno potori tãhotuina jira. Tina nꝛꝛ macarirore ti ya yahpari macaina bui pꝛhtoro sãahca. ¹⁴ Æ jia Cordero mehne cahma wajãahca. Ti ã cahma wajãpachꝛta Cordero to beseina mehne tirore ne cohãeraina mehne tinare yãhdꝛꝛcaahca. Tiro jipihtina paina pꝛhtoa bui pꝛhtoro jira. Æ jiro tinare yãhdꝛꝛcarohca — ni yahuhre yãhꝛe anjo.

¹⁵ Ahrire yãhꝛe yahu namohre anjo:

—Mꝛa mehne ñano yoarucuricoro mári bui dujire. Tí mári ahri yoaro sehe jira mari piti dahre buhechꝛ: Yahpari macaina, payꝛ curuari macaina, payꝛ dꝛserire durucuina yoaro sehe jira tí mári. ¹⁶ Nꝛꝛ macariro, diez pꝛhtoa mehne mꝛa mehne ñano yoarucuricorore ñꝛ yabiahca. Tina diez pꝛhtoa nꝛꝛ macariro mehne ticoro yare ma pahño, suhti marienicoro cohãahca ticorore. Æ yoaa to pjacꝛe chꝛahca. Ti ã yoari baharo ticorore jã pahñoahca. ¹⁷ Tina diez pꝛhtoa cãno potori tãhotua nꝛꝛ macarirore ti ya yahpari macaina bui pꝛhtoro sãahca. Tinare ã yoachꝛ yoare Cohamacꝛ, to cahmano seheta yoaro taro. Æ

jiro nꝑꝑ macariro sehe pꝑhtoro jirohca. Jipihtia Cohamacꝑ panopꝑ to yahuriro seheta to yoari baharo nꝑꝑ macarirore cohānohca. ¹⁸Ticoro mꝑ ñꝑricoro mehne ò sehe ni piti dahre buhera: Ticoro pjiri maca Babilonia wama tiri maca yoaro sehe jira. Jipihtina paina pꝑhtoa bui jira tí maca macaina —nihre anjo yꝑhꝑre.

18

Babilonia wama tiri maca to cohāri maca jira

¹ Baharo paio anjo mꝑanopꝑ dujiarirore ñꝑhi. Tiro pꝑhtoro waro jihre. To si sitea jipihtiropꝑ noano buhria sahsea wahahre. ² To ã dujiari baharo ò sehe ni tuaro sañurucu yahuhre:

—Cohāri jihre. Babilonia wama tiri maca pjiri maca macainare cohāri jihre. Mipꝑre watīa, payꝑ ñaina pjacꝑ bajueraina cāhꝑ tí macai jia nina. Ñaina baro wahiꝑuina wꝑina peri cāhꝑ masa ti ñꝑ yabiina tí macai jia nina. ³ Jipihtia yahpari macaina tí maca macainare ñainare ñꝑ cūa, tina cāhꝑ ñano yoare. ã yoa yahpari macaina bui pꝑhtoa tí maca macaina numia mehne ñano yoare. Ticoro ã mꝑa mehne ñano yoarucuricoro jiro wapa tiare nuchꝑa tire. Pjiro to ã nuchꝑchꝑ ahri yahpa macaina pache duaina pjiro wapatare —ni yahuhre anjo.

⁴ Baharo pari turi mꝑanopꝑ durucuro coa tahre. Ò sehe nihre:

—Yꝑ yaina ahricoro mꝑa mehne ñano yoarucuricoro mehne jiena tjiga mꝑsa. Ticoro mehne mꝑsa jichꝑ mꝑsa cāhꝑre buhiri dahrerohca. ã jina to ñano yoare ñꝑ cūena tjiga. ⁵ To ñano yoari payꝑ jinocahna. To ñano yoarire pari tju mari duhu payo mꝑochꝑ tí tju sehe mꝑanopꝑ wahā sanocaboa. ã jia to ñano yoari payꝑ jinocahna. ã jiro to ñano yoarire wacūna Cohamacꝑ. ã wacūno ticorore buhiri dahre dutirohca. ⁶ Ticoro tuaro to buhiri dahrhticoro jijaro. Masare to ñano yoachꝑ yoariro seheta ticoro cāhꝑre ñano yꝑhdꝑchꝑ

yoajaro. Masare ã ñano to yoariro seheta tí yꝑhdoro ticorore ñano buhiri dahrejaro. ⁷ Ticoro “Noaricoro jija”, ni tꝑhotumare. ã ni tꝑhoturo, wapa bujꝑare pjiro cꝑare ticoro. To wapa bujꝑare pjiro to cꝑaro purota ticorore pjiro ñano yꝑhdꝑchꝑ yoajaro. Tó purota ticorore cahyachꝑ yoajaro. To basi ò sehe ni tꝑhotumana ticoro: “Òi pꝑhtorocoro yoaro sehe jiricoro dujija. Wapewahyoro jieraja. ã jico ne ñano yꝑhdꝑsi yꝑhꝑ”, ni tꝑhotumana ticoro. ⁸ ã ni tꝑhoturicoro to jichꝑ wacūenoca ticorore buhiri dahrehto jirohca. Ticoro dohati, yariainare yahco tii, jꝑca barohca. Tuhsꝑ, ticorore jꝑ borohca. Mꝑsa pꝑhtoro Cohamacꝑ ticorore buhiri dahre dutiroro tua yꝑhdꝑariro jira. ã jiro tó seheta yꝑ niriro seheta ticorore buhiri dahre dutirohca —nino coa tahre mꝑanopꝑ.

⁹ ã jia ticoro yoaro sehe jiri macare Babiloniare Cohamacꝑ to buhiri dahreri baharo ahri yahpa macaina pꝑhtoa tuaro cahya, tiiahca. Tí maca macaina mehne ñano yoaina jire. ã jia tí maca to jꝑchꝑ ñꝑa tiiahca tina. ¹⁰ To ã jꝑchꝑ ñꝑa tina pꝑhtoa yoaropꝑ ñꝑrocarucuahca, “Mari cāhꝑre buhiri dahreri”, nia. Tó ñꝑrocarucua ò sehe niahca:

—Cue, pjacꝑori maca jira, Babilonia. Sí maca pjiri maca tuari maca jimahre. Wacūenoca sí macare buhiri dahrehre —niahca tina.

¹¹ Jipihtiropꝑ macaina pache duaina tí macare ñꝑa tuaro cahya tiiahca. Tí maca to pihtichꝑ ñꝑa, ti pachere nuchꝑina mariachꝑ ñꝑa cahyaahca tina. ã jia tiiahca. ¹² Ti na tarire urure, platate, wapa bujꝑa tāare, perla wama tia poca cāhꝑre nuchꝑina mariahca. ã yoa paye ti na tari cjirire suhti noaa suhtire, yahsaa suhti pꝑhtoa ti sāa suhti yoaro sehe jia suhtire, seda wama tia suhtire, sohāa suhtire nuchꝑina mariahca. ã yoa paye ti na tarire yucꝑri me sitia yucꝑri nuchꝑina mariahca. ã yoa paye ti na tarire marfil wama tiro mehne ti yoarire,

wapa bujua yucuri mehne ti yoarire, bronze wama tiri comaa mehne ti yoarire, comaa mehne ti yoarire, marmol wama tiro mehne ti yoarire nuchaina ne mariaha. ¹³ Ñ yoa paye ti na tarire canela wama tiare ti chware coachu yoare, paye ti chware coachu yoare, inciensore, mirra wama tia me sitiare, paye me sitiare nuchaina mariaha. Ñ yoa paye ti na tarire vinore, chua waja sere, trigo pohcare noano ti suhaweri pohcare, trigo yaparire, wachware, corderoare, cawaloare, tunua buso cawaloa ti waja busore nuchaina mariaha. Dahra cohtainare nuchu tinare chuaina cuhu mariaha. Masa ti jipachuta tinare nuchaina jimahre. Mipure mariaha. Ñ jia cahyaahca pache duaina. ¹⁴ Ñ jia õ sehe niahca tina tí maca macaina cjirire:

—Ade, ñacaro wahajari. Jipihitia musa cahiri cjiri pihtia wahahre. Ñ yoa jipihitia noaa musa chuari cjiri pihtia wahahre. Ñ ti pihtia wahachu tíre pari turi bocasi musa —niahca pache duaina.

¹⁵ Tina tí macare pachere duaa, pjíro wapatamare. Ñ jia tina tí macare yoaropu ñurocarucuahca, “Mari cuhare buhiri dahreri”, nia. Ñ ñurocarucua tí macare tuaro cahya, tiiaha. ¹⁶ Õ sehe niahca tí macare:

—Cue, pjacuoina jira sí maca pjiri maca noari maca macaina cjiri. Sí maca numino yoaro sehetá noare chuahre. Numino sehe noaa suhtire, yahsa suhti puhto ti sãa suhti yoaro sehe jia suhtire, sohãa suhti cuhare sãahre. Ñ yoa uru, wapa bujua tãa, perla wama tia poca õa suhtire sãahre. Tó sehetá yoahre sí maca macaina. ¹⁷ Ñ jia wacuenoca sí maca buti pihtia wahahre —niahca tí macare.

Ñ yoa jipihtina dohoa buso mehne tiniina, tí buso puá, ti mua, paina pjiri mapu dahra wapataina cuhu tí macare yoaropu ñurocarucuahca. ¹⁸ Tóí ñurocarucua tí macare to jũchu ñna õ sehe ni sañurucuahca:

—Noaa macari sí maca yoaro sehe jia macari ne paye macari mariaha —ni sañurucuahca tina.

¹⁹ Ñ cahyaina jia ti dapu poca bui dihtare orẽ payoahca. Ñ jia tuaro yahco tiia õ sehe niahca:

—Cue, pjacuoina jira sí maca macaina cjiri. Noari maca jimare. Jipihtina dohoa buso chuaina pjiri mapu tiniina sí maca macaa pache mehne noano wapatamahi mari. Ñ yoa dóihta sí maca macaa buti pihtia wahahre —niahca buso macaina.

²⁰ Tí macare to cohãchu ñna wahchega musa mmano macaina. Cohamacu yaina, Jesu to cürina, to yare yahu mhtaina jipihtina musa wahchega. Tí maca macaina musare ñano yuhduchu yoare. Ti ã yoari buhiri buhiri dahrehre Cohamacu. Ñ jina wahchega musa.

²¹ Ñ yoa tuariro anjo pjiria tácare arẽni soro puro jiria tácare na wahcõ, pjiri mapu doca ñohre. Ñ doca ñono õ sehe nihre:

—Ahria táca to bora ñjariro sehetá pjiri maca Babilonia wama tiri maca tuaro boraro bisirohca. To ã borari baharo tí macare pari turi ñusi masa. ²² Tí macare butia wahachu yoarohca. Ñ jia tí macai basaare musa basarucuriro sehe ne coa tasi. Arpa wama tiare musa buaputêrucuriro sehe, flauta wama tia pocare, corneta cuhare musa putirucuriro sehe pari turi tí macai coa tasi. Ñ yoa tí maca mariachu pari turi tí macai dahraina dahراس. Ñ yoa táca mehne musa soari cuhare tuhomahnosi. ²³ Ne tí maca to buhria coãriro sehe ne jisi. Ñ yoa wamomaca duhteina musa bose numure musa dahreriro sehe pari turi ne coa tasi. Tí maca macaina pache duaina nuchaina mehne paina yuhdoro chuahre musa. Ñ jina yaya wijõ wijina yoaro sehe yoana jipihtiro macainare mahñohre musa. MUSA ã yoarire ñu cuaa, Cohamacu sehere cahmaerare masa —nihre tuariro anjo.

²⁴ Tí maca macaina Cohamacu yare yahu mhtainare paina to yaina

cāhure jipihtiro macainare wajāri jire.

19

¹ Babilonia to dohse wahahtore yu űari baharo muanopu payu masa sañurucua coa tahre yu tūhochu. Ō sehe ni sañurucuhre:

“Aleluya.

Cohamacure noano durucujihna.

Cohamacu marine yūhdūchu yoariro jira.

Tirore noano űo payojihna.

Tua yūhdūariro jira tiro.

² Mahñono marieno quihōno masare buhiri dahrera tiro.

Ñaricorore mūa mehne űano yoarucuricorore űu cūa jipihtiro macaina, ahri yahpa macaina űano yoahre.

Ticoro sehere buhiri dahrehre Cohamacu.

Ā jiro tirore dahra cohtainare ticoro to wajāri buhiri buhiri dahrehre tiro”,

ni sañurucua coa tahre.

³ Pari turi sañurucua coa tahre:

“Aleluya. Cohamacure noano durucujihna. Tí maca űari maca to jūri maca ā me tirucurohca”,

ni sañurucua coa tahre.

⁴ Ā yoa veinticuatro Jesu yaina pūhtoa, pititiaro soro bajuina mehne na tuhcuca caha su, Cohamacure to dujiroi dujirirore wahche payohre. Ō sehe ni wahche payohre tina: “Amén. Aleluya. Ā tjira. Cohamacure noano durucujihna”, nihre tina.

⁵ Baharo pūhtoro dujiropu ō sehe nino coa tahre:

“Mari pūhtoro Cohamacure wahche payoga.

Tirore dahra cohtaina, tirore űo payo-
oina, wiho jiina, pūhtoa cūhu
jipihtina masa tirore noano
durucuga”,

nino coa tahre.

*Cordero to wamomaca dūhtehti
nūmū bōse nūmūre yahuha Joāo*

⁶ Baharo payu masa ti durucuchu tūhohi. Pjiri poaye, wūpo mehne to bisiro coa taro seheta durucua coa tahre yu tūhochu:

“Aleluya.

Cohamacure noano durucujihna.

Tiro mari pūhtoro sehe pūhtoro sāa
tuhsure.

Tua yūhdūariro jira tiro.

⁷⁻⁸ Cordero to wamomaca dūhtehti
pja jira mipure.

To wamomaca dūhtehticoro noano ti
cahno tuhsuricoropu jira.

Ticorore noari suhtiro wete marieni
suhtirore wahre.

Tí suhtiro Cohamacu yaina noaare ti
yoari yoaro sehe jira, mari piti
dahre buhechu.

Ā jina ti wamomaca dūhtehti pja to
jichu wahchejihna mari.

Cohamacure “Tua yūhdūariro jira”, ni-
jihna”,

ni durucua coa tahre.

⁹ Tí ā niri baharo anjo ō sehe nihre
yūhure:

—Ahrire joa naga: “Cordero
to wamomaca dūhteri nūmū bōse
nūmūre to pjirocarina wahcheina
jira”, ni joa naga —nihre anjo yūhure.

Ā ninota ō sehe ni namohre:

—Potocā tjira ahri yu yahuri.
Cohamacu ya durucua jira —ni
namohre yūhure.

¹⁰ To ā nichu tūhocata tiro panoi na
tuhcuca caha su, tirore űo payoi tai
nimahi. Yu ā yoai cahachu waro ō
sehe nihre tiro yūhure:

—Tíre yoai tjiga. Mū yoaro se-
heta yūhu cūhu Cohamacure dahra
cohtarirota jija. Mū coyea Jesu yaina
jipihtina to ya buheare duhueraina
yoaro sehe yūhu cūhu Cohamacure
dahra cohtarirota jija. Ā jicu Co-
hamacure na tuhcuca caha su, tiro se-
here űo payoga —nihre anjo yūhure.

Cohamacu yare yahu mūhtaina
cjiri panopu macaina Espíritu Santo
to yoadohoro mehne Jesu ya bu-
heareta yahuyua tiri jire.

*Cawalo yehseriro bui pisarirore
yahuha Joāo*

¹¹ Baharo mūano parī mūa wa-
hachu űuhi. Tóí cawalo yehseriro
jihre. Tiro bui pisariro ō sehe wama
tihre: To niriro seheta yoariro potocā
yoariro wama tihre tiro. Quihōno

masare ñaina, noainare bese, tirore ñu tuhtiina mehne cahma wajãna. ¹² To capari picha pohna yoaro sehe jihre. ã yoa to dapui payu puhtoa pisaa sorori jihre. ã jiro to pjacui wama joa õriro jihre. Tí wamare tiro dihta masihre. Paina masierare. ¹³ To sãari suhtiro yoari suhtiro di wahãri suhtiro jihre. Tiro õ sehe wama tihre: Cohamacu ya duserore yahuro wama tihre tiro. ¹⁴ ã jia to yaina surara mmano macaina tiro baharo wahare. Yehseina cawaloa bui pisaina noano yehsea suhtire, wete mariea suhtire sãaina jihre. ¹⁵ To duseroi ñosari pjine siori pjine cuhcũhre. Tí pjĩ yahpari macainare to yuhdurucahti pjĩ jihre. ã jiro to tuua mehne to dutichu ne cãiro tirore yuhdurucaro bihosi. Cohamacu tua yuhdururo payu yahpari macaina mehne sua yuhdura. To ã suachu cawalo bui pisariro tinare tuaro buhiri dahrerohca. ¹⁶ To suhtiroi, to ñuchucu cãhure ahri wamare joa õri jihre: “Jipihtina paina puhto bui puhtoro”, ni joa õri jihre.

¹⁷ Baharo sã siori ducurirore anjore ñuhi. Jipihtina mnanoru wainare yuca perire sañurucu mũohre tiro. Õ sehe ni tuaro sañurucu mũohre:

—Cahmachuna taga. Cohamacu to bese nãmui chuna taga. ¹⁸ Payu yahpari macaina bui puhtoare, surara puhtoare, surara perire, cawaloare, tina bui pisainare, jipihtina paina masare, dahra cohtainare, dahra cohtaina jierainare, paina puhtoare, wiho jĩnare tina jipihtina ti pjacuri cjirire chuna taga —nihre anjo yucaare.

¹⁹ Baharo nucũ macarirore, ahri yahpa macaina bui puhto ti surara peri cãhure ñuhi. Tina cahmachuhre cawalo bui pisariro mehne to yaina surara peri mehne cahma wajãna taa. ²⁰ Ti ã cahma wajãchu cawalo bui pisariro nucũ macarirore peresu yoahre. Pairo “Cohamacu yare yahu mũhtariro jija”, ni mahñoriro cãhure peresu yoahre. Tiro mahñoriro sehe nucũ macariro to ñurocaroi

bajuamehneare yoariro jihre. To bajuamehnea mehne nucũ macariro to wamare wahãinare to masure ño payoinare mahñohre “Ahri Cohamacu ya jira”, nino. Tina puarore to peresu yoari baharo tinare catiinareta pichacapu cohãhre. Tí pichaca pjiri ma puro jiri pichaca pjiri pichaca azufre mehne jãri pichaca jihre. ²¹ ã jiro dũhsainare ti surara peri cjirire ñosari pjĩ mehne to duseroi jiri pjĩ mehne wajãhre cawalo bui pisariro sehe. ã to wajãri baharo yuca peri ti pjacuri cjirire chu, yapi yuhdura wahahre.

20

Mil cãmari waro Cristo to yaina mehne masare dutirohca

¹ Baharo paio anjo mnanoru to dujia tachu ñuhi. Cãari copa macari sawire, pjiri da, comaa da cãhure cjãhre tiro. ² ã duji wihiro pinonore ñahahre tiro. Tiro pinono panoru pinono sehe pjacu tiri jiro, watino Satana wama tiri jiro. Tirore ñahano tirore dũtehre mil cãmari waro peresu yoaro taro. ³ ã dũte tuhsu, cãari coparu cohãhre tirore jipihtia yahpari macainare mil cãmari waro to mahñorahto sehe. ã cohã tuhsuro tí copare biha, wihtã ñahanocahre. ã jiro mil cãmari baharo pari turi mahaa dachoricã tirore wiosininohca.

⁴ Baharo puhto dujiare ñuhi. Tí dujiai dujiina cãhure ñuhi. Tinare masa bui dutihtinare cũhre Cristo. Paina cãhure ñuhi. Tina sehe Jesu yare Cohamacu yare ti yahuri buhiri ti dapu pocare date cohãrina cjiri jihre. Nucũ macarirore to masu cãhure ne na tuhcuca caha su ño payoerare. ã yoa ti wuhdura pocare ti wamomacari cãhure to wamare joa õ dutierare tina. ã jia paina tinare ti wajãri baharo masaa wahahre tjoa. Masahre tina mil cãmari waro Cristo mehne puhto jia taa.

⁵ Paina Cristo yaina yariaina cjiri sehe masaerasinire. Ti wajãrina ti masari baharo mil cãmari puhto

ti jiri baharo paina cūh_u masaa wahaahca. ã jia ti wajārina cjiri Cristo yaina to baharo masa mūhtaina jihre. ⁶To maso mūhtaina sehe tuaro wahcheina jiahca. Ñaa marieina jiahca tina. ã jia pichacap_u wahasi tina. Masa pichacap_u waha, pari turi ti yariaro sehe wahara. ã jia tina to maso mūhtaina pichacap_u wahaerara. Tina yaria masa mūhtaina sacerdotea jiahca, Cohamac_ure, Cristo cūh_ure ño payoa taa. ã jia mil cūhmari wāro Cristo mehne masa bui puhtoā jiahca.

⁷Mil cūhmari baharo Satanare peresui jirirore wiorohca. ⁸To ã wiori baharo ahri yahpa macainare mahñono waharohca tiro. Gog wama tiinare, Magog wama tiina cūh_ure mahñono waharohca. ã jia tina to mahñoare tūhoa, ti surara perire cahmachuahca cahma wajāa taa. Tina surara peri pay_u jiahca. Pjiri ma macaa pad_u pohcaricā pay_u ti jiro seheta pay_u surara jiahca. ⁹Tina ahri yahpar_ure waha sitea, Cohamac_u yaina ti jiri macare Cohamac_u to cahīri macare soroa wahaahca. Ti ã soroari baharo Cohamac_u tinare mūano macari pichaca mehne jāroca bororohca. ¹⁰ã wahari baharo watīnore tinare mahñorirore pichacap_u cohānohca. Tí pichaca pjiri ma puro jiri pichaca azufre mehne jāri pichaca jira. Tóru n_uc_u macarirore “Cohamac_u yare yahu mūhtariro jija”, ni mahñorirore cohā tuhs_uhre. Tóti ti jich_u dacho, ñamir_u cūh_ure ã ñano purīrucurohca tinare.

Cohamac_u masare buhiri dahre ba-toara

¹¹Baharo pjíro puhtoro to dujirore noano yehserore ñ_uhi. Tí dujiro bui dujiriro cūh_ure ñ_uhi. Tóti to dujich_u, ahri yahpa macaa cūh_u mūano macaa cūh_u pihtia wahahre. ã pihtia waha pari turi ji namoerare. ¹²ã yoa puhtoro panoi yariaina cjiri ti ducuch_u ñ_uhi. Tina wiho jiina, puhtoā cjiri cūh_u jihre. Tóti ti ducuch_u joa ña tjurire pjōohre. Tí tjuri masa

ti yoarire ti joa ña tjuri jihre. ã jiro beseriro tí tjurire ñ_u tuhs_u ti yoarire masihre. Tíre masino yariainare beshre ñaina, noainare. Baharo pa tju cūh_ure pjōohre. Tí tju Cohamac_u mehne ã jirucuhtinare ti wamare joa ñri tju jihre. ¹³Baharo pjiri map_u yaria miniina, diap_u ti cohārina cūh_u wahcā mūjaa wahahre. ã yoa yahpa puhichap_u jiina, yariaina ti jiro p_u jiina cūh_u mūjaa wahahre. Ti ã mūja s_uch_u tóti dujiriro ti yoarire masi pahñono, tinare beshre ñaina, noainare. ¹⁴Baharo yariarore, yariaina ti jiro cūh_ure cohānocahre Cohamac_u pari turi mari yariaerahto sehe. Pichacap_u cohānocahre. Tí pichaca pjiri ma puro jiri pichaca pjiri pichaca jihre. Pichacap_u wahaina sehe pari turi yariaina seheta wahara. ¹⁵ã jiro ã jirucuhtina ti wamare Cohamac_u to joa ñri tjui jipih_utina ti wamare joa ñmahnoeraina sehere pichacap_u cohāhre tiro.

21

Mūano, yahpa cūh_ure wahmaare cohtotarohca Cohamac_u

¹Baharo mūano, ahri yahpa cūh_ure wahmaare to cohtotarire ñ_uhi. Mūanop_u ji mūhtari, yahpar_u ji mūhtari, pjiri map_u ji mūhtari cūh_u pihtia wahahre. Mariahre.

²ã yoa y_uh_u João noari macare, wahma macare Jerusalēne ñ_uhi. Tí maca mūanop_u Cohamac_u cahap_u to duji tach_u ñ_uhi. Wamomaca dūhtehticorore noaa suhti mehne wahma s_uora wamomaca dūhtehtirore wahchech_u yoaro taro. Tó seheta tí macare cahnoyure Cohamac_u, to yainare wahchech_u yoaro taro. ³Tíre y_u ñ_uri baharo puhtoro dujirop_u to sañurucuro coa tach_u tūhohi:

—Ñ_uga. Mip_ure masa watoi jiro nina Cohamac_u. Tina mehne jirohca tiro. ã jia to yaina jiahca tina. ã yoa Cohamac_u to basi tina mehne macariro jiro, ti yairo Cohamac_u jirohca. ⁴ã jiro ã wahcherucuch_u yoarohca tiro tinare. ã jia pari turi cahyasi

tina. Ñ jia ne pari turi yariasi tina. Ne ñano yajeripohna tia, yahco tia, purña cãhũ mariahca tinare. Ahri jipihtia panopũ macaa cjiri pihtia wahaahca —ni sañurucuro coa tahre.

⁵ Baharo pũhtoro dujiropũ dujiriro ò sehe nihre:

—Ñũga. Jipihtiare wahma cohtotachũ yoaihca —nihre.

To ã niri baharo yũhũre ò sehe nihre tjoa:

—Ahri yũ niare joa naga. Yũ nia potocã tjira. Ñ jiro yũ niriro seheta ã waharohca. Ñ jicũ yũ niare joa naga —nihre yũhũre.

⁶ Baharo ò sehe nihre tjoa yũhũre:

—Tó puro tjica. Yũhũ jipihtiare bajuamehneriro jija. Ñ yoa jipihtiare pihtichũ yoah tiro jija tjoa. Ñahma yapioina tuaro ti core cahmano seheta yũ cahapũ waha duaina Jesure cahmaahca. Ñ jia Jesure yũhtiahca. Tiro catichũ yoaa co yoaro sehe jira. Tirore cahmainare wapa cahmano marieno yũhũ mehne ã jirucuchũ yoaihtja tinare. ⁷ Jipihtina yũhũre wacũ tua duhuerainare ò sehe yoaihtja: Ti yairo Cohamacũ jiihtja. Ñ jia tina sehe yũ pohna jahca. ⁸ Wiho mejeta cuia yũ yare duhuina, yũhũre cahmaeraina, ñabaaare yoaina, masare wajãina, numia mehne ñano yoaina, mũa mehne ñano yoaa numia, yaya, “Cohamacũ jira”, ti nia masurine ño payoina, jipihtina mahñoina pichacapũ wahaahca. Tó jiri ma puro jiri pichaca pjiri pichaca azufre mehne jãno nina. Tórupũ wahaina pari turi ti yariaro sehe waha nina —nihre yũhũre.

Wahma maca Jerusalêne yahuha

⁹ Baharo cãiro anjo yũ cahapũ wihire. Tiro siete wahwari cjũaina, to buhiri dahre dutiro to cũina anjoa mehne macariro jihre. Ñ wihiro, ò sehe nihre yũhũre:

—Ñũi taga. Cordero to wamomaca dũhtericorore ñoihca mũhũre —nihre anjo yũhũre.

¹⁰ To ã nini baharo Espiritu Santo yũhũre Cohamacũ ya macare ñohre.

Ñ sehe bajuro ñohre yũhũre: Mũadu tãcũ buipũ yũhũre na mũjahre. Tórupũ Jerusalêne Cohamacũ ya macare noari macare ñohre yũhũre. Cohamacũ cahapũ mũanopũ jiri maca duji taro nihre ahri yahpapũ. ¹¹ Cohamacũ to si sitea mehne si siteri maca jihre tí maca. Wapa tia tãa yoaro sehe si sitehre. Diamante wama tia tãa yoaro sehe si sitehre. Ñ yoa vidro yoaro sehe noano co sitiri maca jihre tí maca. ¹² Pjiri sahrĩno mũari sahrĩno ti sahrĩ sãari maca jihre tí maca. Doce sopacari tihre tí sahrĩno. Tí sopacaripe cohtahre anjoa. Tí maca macaa sopa pahmaripũ Israe masa curuari doce curuaripe ti wama wahãhre. ¹³ Sũ mũja taro sehe tí sahrĩno cjũahre tia sopaca. Norte sehe tia sopaca jihre. Sur sehe tia sopaca jihre. Sũ sãano sehe cãhũre tia sopaca jihre. Jipihtiro doce sopacari waro cjũahre tí sahrĩno. ¹⁴ Tí sahrĩno doce tãa bui pisahre. Tí tãape Cordero to cũrina doce to cũrina sã cãina wama wahãhre.

¹⁵ Ñ yoa anjo yũhũre yahuriro quihõdũ uru mehne ti yoadũre cjũahre. Tí macare, tí maca macaa sopacarire, sahrĩno cãhũre quihõno taro nihre. ¹⁶ Tí maca to yoaro purota sahre. Mũano cãhũ tó purota mũahre. Ñ yoa anjo to quihõdũ mehne tí macare quihõhre. Tí maca dos mil doscientos kilómetros yoari maca jihre. Tó purota sari maca jihre. Tó purota mũari maca jihre. ¹⁷ Ñ jiro tí maca macari sahrĩnore quihõhre anjo. Sesenta y cinco metros mũari sahrĩno jihre. Masa mari quihõno seheta quihõno nihre tiro anjo.

¹⁸ Tí sahrĩno diamante wama tia tãa mehne to yoari sahrĩno jihre. Ñ yoa tí maca sehe uru mehne to yoari maca jihre. Tí uru wete mariea jia vidro yoaro sehe noano co sitihre. ¹⁹ Tí sahrĩno docai jia tãare payũ soro jia wapa tia tãa wahãhre. Tí tãa sahrĩnoi pisaa tãa doce tãa jihre. Ji mũhtaria tãcare diamante wama tia tãa wahãhre. To baharo jiria tãcare zafiro wama tia tãa wahãhre. Pũaria

baharo jiria tãcare ágata wama tia tãa wahãhre. Tiaria baharo jiria tãcare esmeralda wama tia tãa wahãhre. ²⁰ Pititia poca baharo jiria tãcare ónice wama tia tãa wahãhre. Cũ wamomaca pihtia poca baharo jiria tãcare rubí wama tia tãa wahãhre. Seis poca baharo jiria tãcare crisólito wama tia tãa wahãhre. Siete poca baharo jiria tãcare berilo wama tia tãa wahãhre. Ocho poca baharo jiria tãcare topacio wama tia tãa wahãhre. Nueve poca baharo jiria tãcare crisoprasa wama tia tãa wahãhre. Diez poca baharo jiria tãcare jacinto wama tia tãa wahãhre. Once poca baharo jiria tãcare amatista wama tia tãa wahãbatoahre. ²¹ ã yoa doce sopa pahmari doce perla mehne to yoaa pahmari jihre. Tí pahmaripe cũ yapa perla yapa mehne to yoaa pahmari jihre. ã jiro tí maca macari maha uru mehne to yoari maha jihre. Tí uru wete marieni uru jihre. ã jiro vidro yoaro sehe noano co sitiri maha jihre tí maha.

²² Tí macai Cohamacũ wãhũre ñerahi. Mariahre. Tí macai jipihitirore mari pãhtoro Cohamacũ tua yãhdãrãrore, Cordero cãhũre ño payora masa. ã jiro tí maca jipihitiro Cohamacũ wãhũ yoaro sehe jihre. ²³ Tí macai Cohamacũ to si sitea noano buhriahre. Cordero cãhũ sihãria yoaro sehe buhriahre. ã jia sũ dacho macariro cãhũre ñami macariro cãhũre tói ti buhriachũ cahmaerare. ²⁴ ã yoa ahri yahpai ti buhria mehne jiahca jipihitiro macaina. ã jia jipihitia yahpari macaina pãhtoa tí macapũ noa yãhdũa ti cãaare na wihiahca. ²⁵ ã yoa dachore tí maca macaa sopacari pãõori sopacari jiahca. Tópũ ne ñami marianohca. ã jia ti sopacarire ne bihasi. ã susurucuahca. ²⁶ ã yoa jipihitia yahpari macaina noaare ti cãaare tí macapũ naa wihiahca. ²⁷ Ñaa sehere tí macapũ ne naa wihisi. Bũo tichũ yoaina, ñaare yoaina cãhũ tí macapũ ne wahasi. Mahñoina cãhũ wahasi. Cordero to joari tjui ti wama

wahãina dihta tí macapũ wahaahca. Tí tju to yãhdũachũ yoaina ti wamare to joa õri tju jira. Tí tjui ti wama wahãina ã jirucuahca.

22

¹ Baharo noari mare catichũ yoari mare ñohre yãhũre anjo. Tí ma noano co sitiri ma Cohamacũ, Cordero cãhũ ti dujiropũ tari ma jihre. ² ã yoa tí maca macari maha dacho macai buhũahre tí ma. Tí ma pũ buhũseheri dũhtũ cahai catichũ yoaa yucũ ducuhre. Tí yucũ sãripe dicha tihre. Cũ cãhmare doce tahari dicha tihre. ã yoa tí yucũ macaa pũri mehne noano co tiahca jipihitia yahpari macaina. ³ Tí macare ne ñaa marianohca. Tí macai Cohamacũ to dujiro jirohca. Cordero to dujiro cãhũ jirohca tói. ã jia jipihitina masa tói jiina tinare dahra cohtaina tina pano na tuhcuca caha sũ, tinare wahche payoahca. ã jiro tói ñaa marianohca. ⁴ Tina Cohamacũre ñũ piti boca dujiahca. ã yoa ti wãhdũa pocai to wama wahãina jiahca. ⁵ Tópũre ñami marianohca. ã jia sihãa pocare cahmasi tói jiina. Sũ to buhriachũ cãhũre cahmasi. Mari pãhtoro Cohamacũ to buhriaro jirohca. ã jia tí macai jiina pa sehe macaina bui pãhtoa ã jirucuahca.

Jesucristo ahri yahpapũ to tjua tahto mahanocã dũhsara

⁶ Baharo anjo yãhũre õ sehe nihre:

—Jipihitia ahri ti yahuri cjiri potocã tjira. ã jia ti niriro seheta waharohca. Mari pãhtoro Cohamacũ to yare yahu mũhtainare masichũ yoariro jira. Tiro sehe mipũre to yairo anjore warocahre tirore dahra cohtainare masichũ yoaro taro. Baharocã to dohse wahahtore masichũ yoaro taro to yairo anjore warocahre —nihre anjo yãhũre.

⁷ Jesu sehe õ sehe nihre:

—Tũhoga mũsa. Mahanocã dũhsara yũ tjua tahto. Ahri tjua macaa yahuare yãhdũãcaeraina wahcheina jiahca —nihre Jesu.

8 Yuhũ João ahri jipihtiare yũ joa narire tũhohi. ã yoa tíre ñũhi. ã jicũ yũ tũhori baharo, yũ ñũri baharo yũhũre ñoriro anjo panoi na tuhcuca caha samahi. Tirore ño payoi tai nimahi. 9 Yũ ã yoachũ ñũno õ sehe nihre yũhũre:

—Tíre yoai tjiga. Mũ jiro seheta jiriro yũhũ cãhũ Cohamacũre dahra cohtarirota jija. Mũ coyea Cohamacũ yare yahu mũhtaina, jipihtina ahri tju macaa dutiare yoaina cãhũ ti jiro seheta yũhũ cãhũ Cohamacũre dahra cohtarirota jija. ã jicũ Cohamacũ panoi na tuhcuca caha sũ, tiro sehere ño payoga —nihre anjo yũhũre.

10 ã yoa õ sehe ni yahu namohre yũhũre:

—Ahri tjui baharo to dohse wahtore yahura. To ã wahahto mahanocã dũhsara. To ã mahanocã dũhsachũ ahri tjui yahurire nũoi tjiga mũhũ. 11 Tí pja yũ yahuri pjare ñaina sehe ã yoarucuwahnojaro ñaare. Ñaputiina cãhũ ñabiaro yoarucuwahnojaro. Noaina sehe noano yoarucujaro. ã yoaga ñaa marieina ã ñaa marieina jirucujaro tí pjare —nihre anjo yũhũre.

12 Õ sehe nihre Jesu:

—Tũhoga mũsa. Mahanocã dũhsara yũ tjua tahto. Mũsare yũ yainare yũ wahtore na tai tai nija. ã jicũ noaare mũsa yoari wapa mũsare noano yoaihtja. 13 Yũhũ jipihtiare bajuamehneriro jija. ã yoa jipihtiare pihtichũ yoahitiro jija tjoa.

14 'Jipihtina wete mariea suhtire sãaina ti jiro seheta ti ñaa yoari buhirire cosaweina tí macapũ sũahca. ã sũa, tí maca macaa yucũ catiare waa yucũ dichare chũahca. ã jia wahcheina jiahca tina. 15 Tí macapũ sũeraina sehe ahrina jira: Ñabiaina, yaya, numia mehne ñano yoaina, mũa mehne ñano yoaa numia, masare wajãina, “Cohamacũ jira”, ti nia masurine ño payoina, mahño ji coaina, mahñoa payũina

cãhũ jira tí macapũ sũeraina —nihre Jesu.

16 ã yoa õ sehe ni yahu namohre Jesu:

—Yũhũ, Jesu yũ yairo anjore warocahi mũsare yũ yainare ahri tju macaare yahui tai. Pũhtoro Davi panamino ji turiariro jija yũhũ. Yũhũ bohrea mũja tachũ mũja taria noano si siteria ñahpichoca yoaro sehe jiriro jija —ni yahu namohre Jesu.

17 Espiritu Santo Jesure “Tjua taga”, nina. Jesu yaina to wamomaca dũhtehticoro yoaro sehe jiina cãhũ “Tjua taga”, nina. Jipihtina ti “Tjua taga”, nirire tũhoina cãhũ “Tjua taga”, nijaro Jesure.

Ñahma yapioina core tuaro ti cahmano seheta Cohamacũ cahapũ waha duana Jesure tuaro cahmaga. Tiro catichũ yoaa co yoaro sehe jira. Tirore cahmainare wapa cahmano marieno ã jirucuchũ yoarohca Cohamacũ.

18 Yũhũ João, jipihtina ahri tju macaare Cohamacũ yare tũhorinare mũsare õ sehe ni cua pisaro mehne yahuihtja. Ahri buhea mehne paye buhea mehne more suhu yahu namoina Cohamacũre yũhdũrũcaa nina. Ti ã yũhdũrũcachũ ñũno jipihtia ahri tjui to buhiri dahrehtore to yahuriro seheta cũnohca tina cãhũre. ã jiro tó seheta tina cãhũre buhiri dahrerohca. 19 ã yoa ahri tju macaa yahuare yahu dũhaina Cohamacũre yũhdũrũcaina jira. Ti ã yũhdũrũcachũ ñũno catichũ yoaa yucũ dichare tinar chũ dutisi. ã jia ã jirucusi tina. Tuhsũ, to ya macapũ noari macapũ waha dutisi. Tí yucũ, tí maca cãhũ ahri tjui ti yahuripũ jira.

20 Jipihtia ahri tju macaare yahuriro õ sehe nina:

—ã tjira. Mahanocã dũhsara yahpapũ yũ tjua tahto —nina tiro.

ã tjia. Sã pũhtoro Jesu tjua tahga.

21 Mari pũhtoro Jesu to cahĩa mehne jipihtina mũsa noano jiga.